





E-BOOK

- 🌐 www.BDeBooks.com
- FACEBOOK FB.com/BDeBooksCom
- EMAIL BDeBooks.Com@gmail.com



ଫେଲୁଦା ସମଗ୍ରୀ

সব বয়সী, সব পাঠকের প্রিয় গোয়েন্দা ফেলুদার রহস্য
রোমাঞ্চ আড়তভেঙ্গার। গোয়েন্দা গল্প বাংলায় কম
লেখা হয়নি, কিন্তু এমন টানটান, মেদবিহীন গল্প
বিরল। ফেলুদার রহস্য কাহিনীর কোনওটাতেই
আড়ষ্টতা নেই। নেই কোনও বাহল্য। একটা বাড়তি
শব্দও খুঁজে পাওয়া ভার। গল্পজুড়ে ছবির পর ছবি
ফুটে ওঠে।

ফেলুদার একটা পোশাকি নাম আছে—প্রদোষ মিত্র।
কিন্তু ফেলু মিত্রির নামেই তাঁর সমস্ত খ্যাতি। রহস্যের
জট খুলতে ফেলুদার জুড়ি নেই। তাঁর সহকারী
তোপসে নিজের জবানিতে যেসব গল্প লিখেছে তার
মধ্যে ফেলুদার চরিত্রটি স্পষ্ট হয়ে উঠেছে স্ব-মহিমায়।
গল্পের শুরুতে তিনি নিজেকে রহস্যের আড়ালে
লুকিয়ে রাখলেও শেষ মুহূর্তে সাফল্যের শীর্ষ স্পর্শ
করেন। সব সময়ই তিনি তদন্তের গলিঘঁজি কিংবা
গোলকধাঁধা পেরিয়ে বিশ্বাসযোগ্যতাবে ফাঁস করে দেন
যাবতীয় রহস্য-জাল। কোনও বাধাই ফেলুদার কাছে
বড় নয়।

গোয়েন্দা ফেলুদার আড়তভেঙ্গারে তৃতীয় যিনি
অপরিহার্য, তিনি লালমোহন গাঙ্গুলী। ‘জটায়’ ছদ্মনামে
তিনি অঙ্গুত সব রহস্য-উপন্যাস লেখেন। তোপসের
গল্পে বর্ণিত রহস্যের দুর্দান্ত ঘনঘটা ও মগজের
ব্যায়ামের ফাঁকে ফাঁকে, অনাবিল হাসি ও সরসতার
আশ্চর্য দরজাটা খুলে দেয় লালমোহনবাবুর অতি
সরল সাবলীল উপস্থিতি।

শুধু তো গল্প নয়, ফেলুদার গল্প-উপন্যাসে যেসব
জায়গায় রহস্য ঘনিয়েছে, সে দেশে কিংবা বিদেশে
যেখানেই হোক, সেখানকার নিখুঁত ইতিহাস ও
ভূগোলের বর্ণনা পাঠকদের চমকে দেয়। কোথাও
এতটুকু ভূলচুক নেই। স্থান-কাল-পাত্র সম্পর্কে
ফেলুদার জ্ঞান তো গভীর বিশ্বয় জাগায়।
সব মিলিয়ে গোয়েন্দা ফেলু মিত্রিরকে তুড়ি মেরে
উড়িয়ে দেওয়ার সাধ্য কারও নেই। ফেলুদা, তোপসে
আর লালমোহনবাবুকে নিয়ে লেখা সতজিং রামের
প্রতিটি আড়তভেঙ্গার-অভিযান অবশ্যই পড়তে হবে।
না পড়লে ঠকতে হবে। এই পড়ার কাজটি যাতে
আরও সহজসাধ্য হয় তারজন্য পাঠকদের হাতে এবার
দু খণ্ডে ফেলুদা সমগ্র।

বিশ্ববরেণ্য চলচ্চিত্রস্টু সত্যজিৎ রায়ের জন্ম উক্তর
কলকাতার গড়পার রোডে ২ মে ১৯২১ সালে।
সুকুমার রায় ও সুপ্রভা রায়ের একমাত্র সন্তান।
সুলের শিক্ষা বালিগঞ্জ গভর্নমেন্ট হাইস্কুলে।
প্রেসিডেন্সি কলেজ থেকে সাম্মানিক স্নাতক
(১৯৪০)। ওই বছরই শাস্তিনিকেতন কলাভবনে ভর্তি
হন। কিন্তু '৪২-এ শিক্ষা অসমাপ্ত রেখে ফিরে আসেন।
চাকুরিজীবনের শুরু (১৯৪৩) বিজ্ঞাপন সংস্থা ডি জে
কিমার-এ। বিবাহ ১৯৪৯-এ।
এই সময়ের মধ্যেই বিভিন্ন বইয়ের প্রচ্ছদ ও
চিত্রাঙ্কনের জন্য পুরস্কার লাভ করেছেন। রচনা
করেছেন বেশ কয়েকটি চিত্রনাট্য। ১৯৫৫-তে তাঁর
'পথের পাঁচালী' চলচ্চিত্রটি মুক্তি পায়। কান ফিল্ম
ফেস্টিভালে 'পথের পাঁচালী' পায় শ্রেষ্ঠত্বের সম্মান।
'অ্যাবস্ট্রাকশন' নামে একটি ইংরেজি গল্প দিয়ে লেখার
জগতে সত্যজিতের আগ্রহপ্রকাশ (১৯৪১)।
'সন্দেশ' পত্রিকার পুনঃপ্রকাশ (১৯৬১) উপনিষদে
বাংলা সাহিত্য রচনা শুরু। প্রোফেসর শঙ্কুকে নিয়ে
প্রথম গল্প 'ব্যোম্যাত্রীর ডায়েরি'।
প্রথম প্রকাশিত গ্রন্থ 'প্রোফেসর শঙ্কু' (১৯৬৫)। বইটি
১৯৬৭-তে শ্রেষ্ঠ শিশুসাহিত্য গ্রন্থদলে অকাদেমি
পুরস্কার লাভ করে। 'ফেলুদার গোয়েন্দাগিরি'
(১৯৬৫) ফেলুদা সিরিজের সূচনা-গল্প।
তাঁর অবিস্মরণীয় সৃজনশীলতার স্থীরতা
সত্যজিৎ বহু সম্মান ও পুরস্কারে ভূষিত হয়েছেন। এর
মধ্যে বিশেষভাবে উল্লেখযোগ্য ভারতৰত্ন ও লিজিয়ন
অফ অনার (ড্রাল) সম্মান। পুরস্কারের মধ্যে আনন্দ,
বিদ্যাসাগর, গোস্বামী লায়ন (ভেনিস) এবং
'লাইফটাইম অ্যাচিভমেন্ট'-এর জন্য বিশেষ অঙ্কার।
কল্পবিজ্ঞান কাহিনী, গোয়েন্দাকাহিনী, উপন্যাস, গল্প,
প্রবন্ধ, স্মৃতিকথা, চিত্রনাট্য, সম্পাদিত, সংকলিত ও
অনূদিত গ্রন্থ মিলিয়ে সত্যজিতের বইয়ের সংখ্যা
মাটের অধিক।
মৃত্যু ২৩ এপ্রিল ১৯৯২।

প্রচ্ছদ সমীর সরকার, সুমীল শীল
সত্যজিৎ রায়ের আলোকচিত্র: তপন দাশ

ফে লু দা স ম গ

সত্যজিৎ রায়

ফেলুদা  সমগ্র



প্রথম সংস্করণ জানুয়ারি ২০০৫

অলংকরণ সত্যজিৎ রায়, সমীর সরকার, সুব্রত গঙ্গোপাধ্যায়
অভিজিৎ চট্টোপাধ্যায়

ISBN 81-7756-480-3

আনন্দ পাবলিশার্স প্রাইভেট লিমিটেডের পক্ষে ৪৫ বেনিয়াটোলা দেন
কলকাতা ৭০০ ০০৯ থেকে সুবীরকুমার মিত্র কর্তৃক প্রকাশিত এবং
স্বামী প্রিস্ট ওয়ার্কস প্রাইভেট লিমিটেড
৫২ রাজা রামমোহন রায় সরণি, কলকাতা ৭০০ ০০৯
থেকে মুদ্রিত।

দু'খণ্ড একত্রে ৭৫০.০০

ফেলুঁচাদ

লীলা মজুমদার

ফেলুদার গল্প যারা পড়েনি, তারা ঠকেছে! ভাল জিনিস উপভোগ না করতে পারার দুঃখ আর কিছুতে নেই। মূল বাংলা ভাষায় যারা পড়তে পাবে না, তাদের জন্য অস্তত পাঁচটা ভারতীয় ভাষা এবং চারটে বিদেশি ভাষায় ফেলুদা কাহিনী অনুবাদ হয়েছে বলে জানি, এ বড় সুখের কথা। অবিশ্বি নিরক্ষর লোকেরাও দুনিয়া জুড়ে গোয়েন্দা ফেলু মিত্রিকে চেনে, ড্যাবড্যাব করে সিনেমায় দেখতে পায় বলে। লেখক নিজেই ফেলুদার দুটো খাসা গল্প নিয়ে জমজমাট চলচ্চিত্র বানিয়েছেন। জানিস, ফেলুদার মগজের ক্যারামতিতে মুঝ হয়ে, আড়ালে ওঁকে আমি ফেলুঁচাদ বলে ডাকি!

ফেলুদার গল্প-উপন্যাসগুলো লেখা হয়েছে তোপসের জবানিতে, যার বয়েস ১৯৬৫ সালে ছিল সাড়ে তেরো, তারপর ২৬ বছরে (ফেলুঁচাদের শেষ উপাখ্যান ‘রবার্টসনের রুবি’ লেখা হয়েছে ১৯৯১ সালে) পাঁচ বছরও বাড়েনি। ফেলুদার বয়েস বেড়েছে টেনেটুনে আট বছর। ২৭ থেকে ৩৫, এই অবধি হিসেব পাঞ্চি। মোট কথা, তোপসে তার জ্যাঠতুতো দাদা গোয়েন্দা ফেলু মিত্রিকের চিরকেলে সহকারী, বেশিরভাগ রহস্য অভিযানের সঙ্গী। আজকাল (মানে গত ৩০ বছরে) ওই বয়েসের চৌকোস বাঙলি ছেলেরা যে আটপোরে ভাষায় কথা বলে, সেই চাঁচাছেলা বাংলাতেই তোপসে লিখেছে দুর্দান্ত সব ফেলুদা-কাহিনী। কোথাও কোনও আড়ষ্টতা নেই। ন্যাকামি নেই, বোকামো নেই। গল্প-জুড়ে ছবির পর ছবি ফুটে ওঠে, সিনেমায় যেমন হয়। ওঁর বাপ-পিতৃত্মোর মতো, সত্যজিৎ রায়ের সোনার কলমেও যে বে-পরোয়া জাদু থাকবে, তাতে আর আশ্চর্য কী!

গোয়েন্দা ফেলুদার অ্যাডভেঞ্চারে তৃতীয় যে মানুষটা অপরিহার্য, তাঁর নাম লালমোহন গাঙ্গুলী—‘জটায়ু’ ছদ্মনামে তিনি লোম-খাড়া-রহস্য-উপন্যাস লেখেন। তাঁর মজাদার হাবভাব আর বোকামি-ভরা সরস কথাবার্তার মধ্যেও, সোনার মতো ঝকঝকে একটা সরল মন দিব্যি প্রকাশ হয়ে পড়ে। আহা, মাটির পৃথিবীতে এমন খাঁটি বন্ধু ক’জনের জোটে?

গল্পের রাজ্য সত্য-মিথ্যে বলে কিছু নেই। যদিও মন-গড়া জিনিস যতটা নিখুঁত হয়, বাস্তবে সেটা মুশকিল! তবু ফেলুঁচাদের সব বানানো গল্পই সত্যি। পুরোপুরি কাল্পনিক, এমনকী বাস্তবে মোটেও ঘটে না —এমন সব বিষয়বস্তুকেও সত্যজিৎ তাঁর উপহাসনার গুণে, কেমন একটা বিশ্বাসযোগ্য আর বাস্তবানুগ রূপ দিয়েছেন। অবিশ্বি দুনিয়ার সব বানানো গল্পই সত্যি। আমার গল্পেও যা-কিছু পড়েছিস, তার মধ্যে কিছু ঘটেছে, কিছু হয়তো ঘটেনি। কিন্তু ঘটতেই পারে। না ঘটলেও, কিছু এসে যায় না!

ফেলুদার গল্প-উপন্যাসে যে-সব অকুস্থলে রহস্য পেকে উঠেছে, সে-সমস্ত জায়গার বর্ণনা নিখুঁত। কোথাও কোনও ইতিহাস-ভূগোল-বিজ্ঞানের এতটুকু ভুল-চুক চোখে পড়ে না। সব বয়েসের পাঠকরাই ফেলুঁচাদের পাঠশালায় শেখা যাবতীয় বিদ্যেবুদ্ধি সটাং বই থেকে তুলে,

নিজের জীবনে যেমন খুশি কাজে লাগাতে পারে। বরং না-লাগালেই ঠকতে হবে। ওরে, ফেলুদার গঞ্জে কোথাও কোনও আলগা ভাব নেই, বাহ্য নেই। সব কটা চরিত্র ন্যায় কারণে এসেছে। ছেঁটে ফেললে কিছু যায়-আসে না— এমন একটাও দৃশ্য নেই কোথাও। বাড়তি একটা শব্দ খুঁজতে হলেও, সেই গোলমেলে কেসটা ফেলুদাকেই দিতে হবে।

ফেলুদার গঞ্জগুলো কাইনিক এবং মৌলিক। কোথাও একটুও বাড়াবাঢ়ি নেই। বিদেশি হেসেল থেকে কিছু হাতানো হয়নি। জোর করে পাঠকদের ওপর কিছু চাপিয়ে দেবার চেষ্টা নেই। মেরি জিনিস বা গোঁজামিল নেই। চালাকি নেই। পাঠকদের চমকে দেবার কোনও উদ্দেশ্য চোখে পড়ে না। এমনকী সব ঘটনাই মনে হয় স্বাভাবিক। হয়তো মাঝে-মধ্যে কিছু দৈব ঘটনা আছে, কিন্তু সে-সব তো যে-কোনও লোকের জীবনে ঘটতেই পারে!

অবিশ্যি গোয়েন্দা ফেলু মিত্রির ও তাঁর সহকারীকে মাঝে মাঝে যেন একটু অন্য জগতের লোক বলে মালুম হয়। পৌরাণিক কাহিনীর নায়কদের মতোই ফেলুঁচাঁদ সর্বদা স্ব-মহিমায় হাজির! তাঁর সেই দৈব প্রশান্তি কখনওই টসকায় না, কিছুতেই হারিয়ে যেতে দেখি না। গঞ্জের গোড়ায় মাঝে মাঝে তিনি নিজেকেই একটা জমজমাট রহস্যের আড়ালে লুকিয়ে রাখলেও, শেষকালে অবশ্যই সাফল্যের ঝলমলে মুকুট পরে ‘জয় বাবা ফেলুনাথ’ হয়ে ওঠেন। আবার কখনও ফেলুঁচাঁদের রকমসকমের রহস্যময়তা যেন খোদ অপরাধীর চালচলনকে ছাপিয়ে যায়। সাংঘাতিক সেই প্যাঁচে পড়ে, দৃঢ়ত্বকারীর খোঁজ পাবার জন্য হা-পিত্তেশ উঙ্গেজনায় ছটফট করে সব-বয়েসি পাঠক! চুল টুল খাড়া, গায়ের রঞ্জ হিম, দম আটকে আসে! ব্যস, চান-খাওয়া মাথায় উঠল!

এমনকী শ্রেফ মৌনতা দিয়ে নিজের সন্দেহজনক আচরণের দিকে আমাদের নজর ঘুরিয়ে রেখে, অবশেষে ফেলুদা যথেষ্ট বিশ্বাসজনকভাবে ফাঁস করে দেন যাবতীয় রহস্য-জাল। তাঁর সব তদন্তের গলিঘুঁটি, চড়াই-উৎরাই বা গোলকধৰ্ম্ম পেরিয়ে, ফেলুদা সবসময়েই (একমাত্র চন্দননগরের সেই জোড়া-খনের কেসটা বাদে) পৌঁছে গেছেন সফলতার গন্তব্যে। কোনও কিছুতেই ফেলুদাকে ক্লান্ত হতে দেখি না। কোনও বাধাই ফেলুদার কাছে বড় হয়ে দেখা দেয় না। দিলেই-বা, খচমচ করে সেটা টপকাতে কতক্ষণ! মূল বাংলা ও ইংরিজিতে লেখা, কিংবা এই দুই ভাষার জানলা দিয়ে এখনকার পৃথিবীর আরও যে-সব ভাষার গোয়েন্দাদের দেখা পেয়েছি, নিশ্চিন্তে বলতে পারি— ফেলুঁচাঁদকে তুড়ি মেরে উড়িয়ে দেবার সাধ্য কারও নেই!

ফেলুদার একমাত্র খুঁত হচ্ছে থেকেই সিগারেট ধরানো! সারাক্ষণ অমন চারমিনার ফুঁকতে দেখলে, মাঝে মাঝে আমি ভারী চটে যাই। অবিশ্যি আরও বিটকেল নেশা ছিল বিলেতের সেই মন্ত্র গোয়েন্দা শার্লক হোমস-এর— ছ্যা-ছ্যা, ইঞ্জেকশনের সুঁচ! ফেলুদার সঙ্গে হোমস-এর আবছা একটা মিলও দেখতে পাই। দু'জনেরই চরিত্রের মধ্যে কোনও দুর্বলতা বা অহমিকা নেই। কখনও নিজেদের জাহির করার চেষ্টা করেনি। দু'জনেরই এতটুকু দোষ চোখে পড়ে না, যা কিংবদন্তির নায়কদেরও বেমালুম পতন ডেকে আনে। লালমোহনবাবু পরম বন্ধু বলেই, নানা ব্যাপারে তাঁকে টিকিরি দেন ফেলুদা, বারে বারে তাঁর ভুল শুধরে দেন— ওটা কিছু দোষের জিনিস নয়, খুব স্বাভাবিক। ওটা খাঁটি বক্ষহের টান! লালমোহনবাবুকে আড়ালে টিকিরি দিলে বুঝতাম, ফেলুদা লোকটা কিপ্পিং ইয়ে!

তবে ফেলুদার উপাখ্যানে এস্তার গুণ থাকা সত্ত্বেও, এমন কিছু অবাস্তবতা আছে— যেমন দেখা যায় গড়ে-তোলা কোনও শিল্প-কর্ম। বাস্তব জগৎ আর রোজকার জীবনের ঢিলে-ঢালা ভাব এবং ভুল-চুককে বেমালুম এড়ানো হয়েছে বলে, ফেলুদার গঞ্জে কোথাও কোথাও অবাস্তব না-লেগে উপায় কী! ফেলুঁচাঁদ সারাক্ষণ বড় বেশি ফিটফাট, বড় (একেবারে শতকরা ১০০ ভাগ) সচেতন লোক! ৩৫টা গঞ্জ-উপন্যাসে ফেলুদার গোটা গোয়েন্দা-জীবন জুড়ে, কোথাও

লোকটার এক বিলিক বোকামিরও আঁচ খুঁজে পাই না। এক অতিমানবের মতোই তিনি চির-অপরাজেয়! এমনকী তোপ্সেও আমার চেনা-জানা আর-পাঁচজন ওই বয়েসের চৌকোস ছেলের চাইতে একদম আলাদা। একটু বেশি বিজ্ঞ, একটু বেশি সংব্যত। অমন কাঁচা বয়েসে যে চাপল্য বা উচ্ছাস থাকার কথা, সেটা একটুও দেখতে পাই না কেন? এক যদি না জিবে-জল-আনা খাবারের থালা সামনে এসে পড়ে!

ফেলুঁচাদের গঞ্জ-উপন্যাসে আর-একটা ব্যাপারও কেমন যেন ঠেকে! হ্যাঁ-গা, গোয়েন্দা ও তাঁর সহকারীর আত্মীয়-পরিজনদের দেখি না কেন? এমনকী খলনায়কদের বাড়িতেও চাকর-বাকর ছাড়া কেউ নেই! ফেলুদা ও তোপ্সের আত্মীয়-বন্ধুরা ওঁদের চারপাশে ঘিরে থাকলে, পাঠকদের বেজায় আছাদ হত এমনকী তাতে গোয়েন্দাগিরিও সুখ-সুবিধে দের বেড়ে যেত। অথচ আসল মজা বা টইটম্বুর রসটা, মোটেই টসকে যাবার সুযোগ নেই! ফেলুদা না-হয় ছেটবেলায় বাপ-মা হারিয়েছে, তোপ্সের মা-বাবারা গেল কোথায়? দু'জনেরই ঠাম্ব-দিদু, মামা-কাকা, মাসি-পিসি কেউ নেই?

আমাদের রোজকার জীবনের চেনা-জানা মানুষদের মতো দুর্বলতা, অহংভাব আর দোষে-গুণে মেশানো একজন দারুণ মানুষকে ফেলুদা-কাহিনীতে পেলে, আমরা অবিশ্য গলে যাই! তিনি হলেন রহস্য-রোমাঞ্চ গঞ্জ-লেখক, ফেলুদার একমাত্র বন্ধু, ওঁদের প্রায় সব তদন্তের কাজে নিত্যসঙ্গী লালমোহন গাঙ্গুলী বা জটায়ু। রহস্যের ঘটনাটা ও মগজের ব্যায়ামের ফাঁকে ফাঁকে, অনাবিল হাসি ও সরসতার আশ্চর্য সিৎ-দরজাটা খুলে দেয় লালমোহনবাবুর অতি সাবলীল উপস্থিতি! জটায়ু যতই বাস্তব-চরিত্র হোক-না-কেন, আমাদের চারপাশের ঝলমলে জীবনে ফেলুদা বা তোপ্সের চাইতেও বিরল মানুষ তিনি। লালমোহনবাবুর মতো মানুষ যত বাড়বে, পৃথিবীটা তত বেশি বাসযোগ্য হয়ে উঠবে। অমন অননুকরণীয় বাচনভঙ্গি, চাঁচাছেলা মেলামেশার প্যাটার্ন, ও রকম খাঁটি বক্তৃত— আমাদের পানসে জীবনে নুন মিশিয়ে দেয়। মনে রাখিস, খাবার-দ্বারারে যেমন, তেমনি পার্থিব জীবনে বেঁচে-থাকটাও শ্রেফ আলুনি হয়ে গেলে মহা মুশকিল! ব্যাপারটা মোটেই সুখের নয়। নুনের ঢেষ্টা করো।

আর-একটা কথা। সরসতা মানে খেলো ঠাট্টা বা ছেঁদো রসিকতা নয়। সরসতা গভীর জিনিস। তারি মধ্যে গোটা জীবন-দর্শন ধরা থাকে। হাসি হচ্ছে দুনিয়া দেখার একটা চং। রঙ্গরস করতে গেলে, বিশ্বরক্ষাণ্ডের কাছে নিজেকে বিলিয়ে দিতে হয়। রোজকার জীবনের তলায় তলায় সরসতা বা হাসির যে শ্রোত বইছে, পাথরটা সরিয়ে, তার মুখটা খুলে দিতে হয়। ভুলে যাস না, বাস্তব জগতে হাসির জিনিস বলে কিছু নেই। হাসি থাকে মানুষের চোখে, মনে, বুকের ভেতরে। আর কোথাও না। কী জন্যে কোন মানুষ হাসে, তাই দেখে ওই লোকটার মনের যতটা নাগাল পাওয়া যায়, আর-কেনও তদন্তে সেটা সত্ত্ব না। মোট কথা, তেড়ে-ফুড়ে লাগলে আকাট মুখ্য ছেলেও মহা পশ্চিত হতে পারে। কিন্তু সরসতা কাউকে শেখানো যায় না। সত্যজিতের মতো খাঁটি রসের ভাণ্টা নিয়ে জন্মাতে হয়।

ও-হ্যাঁ, বলতে ভুলে যাচ্ছিলাম, শ্রেফ বেয়ারা ও মোটর-গাড়ির ড্রাইভার ছাড়া, লালমোহনবাবুর জীবনেও আর-কেউ নেই কেন? ভাগ্যিস ফেলুদা ও তোপ্সের সঙ্গে রক্ষের সম্পর্ক গজাল, না-হলে লালমোহনবাবুর মতো ফুর্তিবাজ মানুষের বেঁচে-থাকটা আলুনি হয়ে যেত!

সন্দেশ ‘ফেলুদা ৩০’ বিশেষ সংখ্যা (অগ্রহায়ণ ১৪০২)

সূচিপত্র

- হত্যাপুরী ১
গোলকধাম রহস্য ৫২
যত কাণ্ড কাঠমাণুতে ৮১
নেপোলিয়নের চিঠি ১৩৬
টিনটোরেটোর যীশু ১৬৯
অম্বর সেন আঙ্গরাজ রহস্য ২২২
জাহাঙ্গীরের স্বর্ণমুদ্রা ২৩৯
এবার কাণ্ড কেদারনাথে ২৬১
রোসপুকুরে খুনখারাপি ২৯৯
দার্জিলিং জমজমাট ৩৩৬
ভূস্বর্গ ভয়ংকর ৩৮৮
ইলুজাল রহস্য ৪২৫
অঙ্গরা থিয়েটারের মামলা ৪৪২
শকুন্তলার কঢ়হার ৪৬৪
ডঃ মুনসীর ডায়রি ৫০৩
গোলাপী মুক্তি রহস্য ৫৩৬
লঙ্ঘনে ফেলুদা ৫৬৭
নয়ন রহস্য ৫৯৭
রবার্টসনের ঝুঁড়ি ৬৫৫
- অসমাপ্ত ফেলুদা
তোতা রহস্য ৬৯৮
তোতা রহস্য (দ্বিতীয় খসড়া) ৬৯৯
বাঙ্গ রহস্য (প্রথম খসড়া) ৭০৬
আদিত্য বর্ধনের আবিষ্কার ৭১৪
- গ্রন্থ-পরিচয় ৭১৯



হত্যাপুরী

ডুংরুর কথা

ডুংরু পাশেই শিশির ভেজা ঘাসের উপর বাজনাটা রেখে শুধু-গলায় গান ধরল। ওর কান ভাল, তাই দুদিন শুনেই তুলে নিয়েছে গানটা। হনুমান ফটকের বাইরে বসে যে ভিথিরি গানটা গায়, সে অবিশ্য সঙ্গে সঙ্গে বাজনাও বাজায়। তাই ডুংরুর শখ হয়েছিল সেও বাজাবে। এই বাজনাটা সবজিওয়ালা শ্যাম গুরুত্বে। ডুংরু একবেলার জন্য চেয়ে এনে রেখে দিয়েছে তিনদিন। ছড় টেনে সুর বার করা যে এত শক্ত তা কি ও জানত?

ডুংরু গলা ছাড়ল। সামনে ভুট্টা খেতের ওপরে দুটো মোষ আর কয়েকটা ছাগল ছাড়া কাছে-পিঠে কেউ নেই। ডুংরুর ঠিক পিছনেই খাড়া পাহাড়, তার নীচে একটা বাদাম গাছ, তারই ঠিক সামনে ডুংরুর বসার ঢিবি। ওই যে দূরে ইটের তৈরি টালির ছাতওয়ালা দোতলা বাড়ি, ওটা ডুংরুদের বাড়ি। ভুট্টার খেতটাও ওদের। উত্তরে কুয়াশায় আবছা পাহাড়ের পিছনে তিনটে বরফে ঢাকা পাহাড়ের মধ্যে যেটাৰ চুড়ো মাছের লেজের মতো দু ভাগ হয়ে গেছে, যেটার নাম মাছাপুছরে, সেটার ডগা এখন গোলাপি।

প্রথম দুটো লাইন গাইবার পর তিনের মাথায় যেখানে সুরটা চড়ে, সেখানে আসতেই আকাশ ভাঙল। গুড় গুড় শব্দটা শুনেই ডুংরু এক লাফে পাঁচ হাত পাশে সরে গিয়েছিল, নইলে ওই হাতির মাথার মতো পাথরটা বাজনাটার সঙ্গে সঙ্গে ওকেও খেঁতলে দিত।

ওরে বাবো ! ওটা কী—বাদামগাছটার মাথা ফুঁড়ে সেটাকে তচ্ছন্দ করে একরাশ ডালপালা খুবলে নিয়ে মাটিতে এসে মুখ খুবড়ে পড়ল ওটা কী ?

একটা মানুষ।

না, একটা বাবু।

মাথায় রক্ত, খুনিন্তে রক্ত, একটা পা হাঁটুর কাছ থেকে দুমড়ে আছে যেন খড়ের পুতুল। লোকটা মরে গেছে কি ?

না, ওই যে মাথাটা নড়ল।

ডুংরুর ধাঁ করে মনে পড়ে গেল ওদের কথা। ওই পুবের গমের খেতটা পেরিয়ে রাস্তার ওপারে পাহাড়ের গায়ে ঝরনার ধারে তাঁবু ফেলে যে চারজন আছে—যাদের দাড়ির দিকে অবাক হয়ে চেয়ে থাকে ডুংরু, কারণ ওর নিজের বাপ খুড়ো দাদু মামা মেসো কারু দাড়ি নেই—যদি কেউ কিছু করতে পারে তো ওরাই পারবে। ওরা চেনে ডুংরুকে। ডুংরু ওদের গান শুনিয়েছে, খেত থেকে ভুট্টা নিয়ে গিয়ে দিয়েছে, ওরা ডুংরুকে পফসা দিয়েছে—এক টাকা, দু টাকা, একদিন পাঁচ টাকা।

ডুংরু দিল ছুট।

‘হাই, হাই—কাম, জো, কাম !’

‘হোয়াটস আপ ?’

ডুংক জিভ বার করে মাথা চিতিয়ে চোখ উলটিয়ে দেখিয়ে দিল । এরা বুবল । এ ভাষা
সকলেই বোঝে ।

‘গো !—জিপ, জিপ !—গো !’

এদের জিপের গায়ে রামধনুর রং । এমন গাড়ি ডুংক দেখেনি কখনও । অনেক গাড়ি সে
দেখেছে বড় রাস্তা দিয়ে পোখরার দিকে যেতে ।

জো, মার্ক, ডেনিস আর ব্রুস উঠে পড়ল জিপে । ডুংককে তুলে নিল সঙ্গে । একটা কিছু
হয়েছে ; দেখা দরকার ।

হাঁ, হয়েছেই বটে ।

জাস্পিং জেহোশাফ্যাট ! সর্বনাশের মাথায় বাড়ি ।

চারজনে ঝুঁকে পড়ল লোকটার উপর । মার্ক মিনেসোটায় ডাক্তারি পড়া ছেড়ে দিয়ে চলে
এসেছে নেপালে ।

বেঁশ রক্তাক্ত লোকটাকে ধরাধরি করে তুলল ওরা জিপে ।

হাসপাতাল কাঠমাণুতে । এখান থেকে তেত্রিশ কিলোমিটার ।

১

মানুষের হাতে যে রেখাটাকে বিলিতি মতে হেডলাইন বা বুদ্ধির রেখা বলে, ফেলুদার যে সেটা
আশ্চর্যরকম লম্বা আর স্পষ্ট, সেটা আমি জানি । ফেলুদাকে জিজ্ঞেস করলে বলে ও
পার্মিস্ট্রিতে বিশ্বাস করে না, অথচ পার্মিস্ট্রি বই ওর আছে, আর সে বই ওকে পড়তেও
দেখেছি । একবার এটাও দেখেছি—ফেলুদা ওর মার্কমারা একপেশে হাসিটা হেসে
লালমোহনবাবুকে ওর বুদ্ধির রেখাটা দেখাচ্ছে । লালমোহনবাবু অবিশ্বিয় এ সব ঘোলো আনা
বিশ্বাস করেন । তাই ফেলুদার হেডলাইনের বহর দেখে দুবার চাপা গলায় ‘অ্যামেজিং’ কথাটা
বলেছিলেন, আর মিনিটখনেক পরে কথার ফাঁকে নিজের ডান হাতের মুঠো খুলে চোখ
নামিয়ে রেখাগুলোর দিকে দেখে একটা দীর্ঘস্থান ফেলেছিলেন ।

হাত দেখে মোটামুটি অতীত-ভবিষ্যৎ বলতে আমার ছোট কাকাই পারেন । এমনকী মুখ
দেখে ভাগ্য বলে দেবার ক্ষমতাও কারুর কারুর আছে বলে শুনেছি । কিন্তু কোনও লোকের
কপালের ঠিক মধ্যখানে কড়ে আঙুলের ডগা ঠেকিয়ে রেখে চোখ বুজে সেই লোকের ভাগ্য
গণনার ক্ষমতা যে কারুর থাকতে পারে, সেটা এই পুরী এসে প্রথম শুনলাম ।

কলকাতায় লোডশেডিং-এ নাজেহাল অবস্থা, তার উপর একটানা গরম চলেছে একশো
দশ ডিগ্রি । ছাপাখানায় লোডশেডিং-এর জন্য রহস্য-রোমাঞ্চ উপন্যাসিক লালমোহন গাঙ্গুলী
ওরফে জটায়ুর নতুন উপন্যাস বৈশাখে বেরোতে পারেনি । ভদ্রলোকের আরও আপশোস
এই জন্য যে, এটা ওঁর প্রথম ভৌতিক উপন্যাস । ফেলুদাই ওঁকে বলেছিল যে মোমবাতির
আলোয় রহস্য-কাহিনীর চেয়ে ভূতের গল্প জমবে বেশি । সত্যি বলতে কী, ‘পিঠাপুরমের পিশাচ’
গল্পের আইডিয়াটা ফেলুদাই জটায়ুকে দিয়েছিল । কিন্তু সে বই সময় মতো বেরোল না দেখে
লালমোহনবাবু রীতিমতো খাপ্পা হয়ে এক রোববারের সকালে আমাদের বাড়িতে এসে বললেন,
‘নাঃ, এ শহরে আর থাকা চলবে না । আর শুনচেন তো স্কাইল্যাবের ব্যাপার ?’

স্কাইল্যাব কলকাতায় পড়বে এ খবর কোথাও বেরোয়ানি, কিন্তু লালমোহনবাবুর দৃঢ় বিশ্বাস
কলকাতার উপর শনির দৃষ্টি পড়েছে, তাই স্কাইল্যাবের একটা বড় অংশ এখানে না পড়ে যায় না ।

ফেলুদাকে দেখেছি ও প্রায় যে কোনও অবস্থার সঙ্গে নিজেকে মানিয়ে চলতে পারে ।
ওয়োটিং রুমে জায়গা না পেলে প্ল্যাটফর্মে চাদর বিছিয়ে শুয়ে দিব্যি ঘূমিয়ে রাত কাটাতে দেখেছি

কতবার। বালিশও লাগে না—হাত ভাঁজ করে তার উপর মাথা। কিন্তু বাড়িতে বিছানায় শুয়ে ঘণ্টাখানেক না পড়লে যাও ঘুম আসে না, তার পক্ষে সেই অভ্যসটা বন্ধ হয়ে গেলে আর কতদিন মাথা ঠিক রাখা যায়? বই পড়া ছেড়ে কিছুদিন তাস নিয়ে হাত সাফাই অভ্যেস করল। তারপর কিছুদিন মুখে মুখে লিমেরিক বানাল, তার একটা লালমোহনবাবুকে নিয়ে—

বুঝে দেখ জটায়ুর কলমের জোর
ঘুরে গেছে রহস্য কাহিনীর মোড়
থোড় বড়ি খাড়া
লিখে তাড়াতাড়া

এইবারে লিখেছেন খাড়া বড়ি খোড়।

এটা অবিশ্য জটায়ুকে বলা হ্যানি, আর এই লিমেরিক লেখাও বেশিদিন চলেনি। ভাবলে মনে হয়, শহরে রাত্তিরে বাতি না থাকলে হয়তো খুন-রাহজানি অনেক বাড়বে; কিন্তু দুঃখের বিষয় গত তিন মাসে ফেলুদার কোনও কেস জোটেনি, আর ক্রাইমও যা হয়েছে, সেগুলোর কিনারা পুলিশেই করেছে।

তাই বোধহয় ফেলুদা লালমোহনবাবুর কথায় সায় দিয়ে বলল, ‘সত্যি, কঞ্জেলিনী তিলোত্তমা বড় জালাচ্ছে! শারীরিক অস্বাচ্ছন্দ্যটা মেনে নেওয়া যায়, কিন্তু ক্রমাগত কাজের ব্যাঘাত, পড়াশুনার ব্যাঘাত, মশার কামড়ে চিন্তার ব্যাঘাত—এগুলো বরদাস্ত করা কঠিন।’

‘উড়িষ্যাতে তো একসেস্ তাই না?’

লালমোহনবাবুর এই প্রশ্ন থেকে এল পুরীর কথা, আর পুরী থেকে এল সি-বিচের কাছে নতুন তৈরি নীলাচল হোটেলের কথা, যার মালিক শ্যামলাল বারিক লালমোহনবাবুর বাড়িওয়ালা সুধাকান্তবাবুর ক্লাস-ফ্রেন্ড।

কিন্তু তা হলে কী হবে? সুধাকান্তবাবু খোঁজ নিয়ে জানলেন জুনের মাঝামাঝির আগে ঘর পাওয়া যাবে না।

তাতেও অবিশ্য আমরা পেছপা হইনি। জুনের মধ্যে কলকাতার অবস্থার উন্নতির কোনও আশা নেই। একুশে জুন আমরা পূরী এক্সপ্রেস দিয়ে দিলাম রওনা। একবার কথা হয়েছিল যে লালমোহনবাবুর অ্যাহাসাড়ের যাওয়া হবে, শেষে ভদ্রলোক নিজেই ‘এই সময়টায় লং জার্নিতে মাঝপথে বড়বাদল হলে ফ্যাসাদ হতে পারে মশাই’ বলে পিছিয়ে গেলেন। গাড়ি যাবে, তবে সেটা ড্রাইভার হরিপদবাবু নিয়ে যাবেন; আমাদের একদিন পরে পৌঁছবে। পুরী ছাড়াও আরও দু-একটা জায়গা ঘুরে দেখার ইচ্ছে আছে, সেটা নিজেদের গাড়ি থাকলে সুবিধে হবে।

ট্রেনের ঘটনার মধ্যে একটাই লেখার মতো। আমাদের ফোর-বার্থ কামরার একটা আপার বার্থে একজন ভদ্রলোক ছিলেন যিনি সিগারেট খাচ্ছিলেন একটা হেল্ডারে যেটা ফেলুদা বলল সোনার। যে লাইটারে সিগারেট বার করলেন সেটা নাকি গোল্ড-প্লেটেড, আর তার দাম নাকি তিন হাজার টাকা। যে কেস থেকে সিগারেট বার করলেন সেটা সোনার, চশমা সোনার, শার্টের কাফ-লিঙ্কস সোনার। দুহাত মিলিয়ে তিনটে আংটি সোনার, আর ওপর থেকে পা ঝুলিয়ে নীচে নামতে গিয়ে লালমোহনবাবুর কাঁধে বুড়ো আঙুল লাগাতে যখন হেসে ‘সরি’ বললেন, তখন দেখলাম একটা দাঁত সোনার। পুরী স্টেশনে নেমে কুলির মাথায় জিনিস তুলে ভদ্রলোকটি যখন ভিড়ের মধ্যে মিলিয়ে গেলেন, তখন লালমোহনবাবু বললেন, ‘ইস, এমন সোনায় মোড়া ভদ্রলোকটির নামটা জিজ্ঞেস করা হল না।’ ফেলুদা বলল, ‘সেটা জানার একটা সহজ উপায় ছিল। কামরার বাইরে রিজারভেশন চার্ট টাঙামো ছিল হাওড়া থেকেই। ভদ্রলোকের নাম এম. এল. হিসোরানি।’

নীলাচল হোটেলে একবেলা থেকেই সেটাকে সিঙ্গ-স্টার হোটেল বলে ঘোষণা করলেন লালমোহনবাবু। ফেলুদা বলল, ‘হোটেলে সুইমিং পুল না থাকলে সেটা পাঁচ তারার পর্যায়ে ওঠে না ; আর পাঁচের উপর রেটিং নেই। আপনি কি দুশো গজ দূরে ওই সমুদ্রটাকে নীলাচলের নিজস্ব সাঁতারের চৌকাচা বলে ধরছেন ? তা হলে অবিশ্যি আপনার রেটিং-এ ভুল নেই।’

আসলে দুপুরে খাওয়াটা বেশ ভাল হয়েছিল। লালমোহনবাবুকে লোভী বলা চলে না, তবে তিনি রাসিক খাইয়ে তাতে সন্দেহ নেই। বললেন, ‘কাঁচকলার কোফতা এত উপাদেয় হয় জানা ছিল না মশাই। এদের কুকিং-এর জবাব নেই। তা ছাড়া তকতকে বেডরুম-বাথরুম, সদালাপী ম্যানেজার, ইনস্ট্যান্ট পাখা-ব্রাতি, সমুদ্রের নৈকট্য—সিঙ্গ-স্টার বলব না কেন মশাই ?’

পুরনো হলে কী হবে জানি না, নতুন অবস্থায় হোটেলটা সভিই বেশ ভাল। ফেলুদা আর আমি দোতলায় একটা ডাবলরুমে আছি, পাশের ডাবল রুমটা লালমোহনবাবু গড়িয়াহাটোর এক কাপড়ের দোকানের মালিকের সঙ্গে শেয়ার করে আছেন। ম্যানেজার শ্যামলাল বারিকের সঙ্গে আলাপ হয়েছে, বলেছেন সন্ধ্যাবেলা একটু ফাঁক পেলেই আমাদের ঘরে আসবেন।

হোটেলের গেট থেকে বেরিয়ে ডান দিকে মিনিটখানেক গেলেই পায়ের তলায় বালি শুরু হয়ে যায়। আমি শেষ পুরী এসেছি যখন আমার বয়স পাঁচ বছর। ফেলুদা বছর দুয়েক আগে রাউরকেঞ্জা এসেছিল একটা কেসে, তখন উড়িষ্যার অনেক জায়গাই দেখে গেছে, পুরী তো বটেই। কেবল লালমোহনবাবু বললেন বিশ্বাস করা কঠিন—এই প্রথম নাকি পুরী এলেন। আমরা অবাক ভাব দেখানোয় উনি বললেন, ‘আরে মশাই, কলকাতার ভেতরেই কত কী আছে এখনও দেখলুম না, আর পুরী ! ভাবতে পারেন, আমার বাড়ির তিন মাইলের মধ্যে জৈন টেম্পল ; জন্মে অবধি নাম শুনে আসছি, এখনও চোখে দেখিনি।’

সমুদ্র দেখে লালমোহনবাবু যে কবিতাটা আবৃত্তি করলেন সেটা আমি কক্ষনও শুনিনি। জিজাসা করতে বললেন সেটা বৈকুঠন্যাথ মঞ্জিকের লেখা। তিনি নাকি এখেনিয়াম ইনস্টিউশনের বাংলার মাস্টার ছিলেন। লালমোহনবাবু যখন ক্লাস সেভেনে পড়েন, তখন নাকি এই কবিতাটা আবৃত্তি করে প্রাইজ পেয়েছিলেন। বললেন শেষের দুটো লাইন নাকি পার্টিকুলারলি ভাল—‘আরেকবার মন দিয়ে শোনো তপেশ, তা হলেই বিউটিটা ধরতে পারবে—

‘অসীমের ডাক শুনি কল্পোল মর্মরে
এক পায়ে খাড়া থাকি একা বালুচরে ।’

ফেলুদা মন্তব্য করল, ‘কবি নিশ্চয়ই এখানে নিজেকে সারসের সঙ্গে আইডেন্টিফাই করছেন, কারণ এই বোড়ো বাতাসে বালির উপর মানুষের পক্ষে এক পায়ে খাড়া থাকা চাইত্বানি কথা নয়। যাই হোক, এবার বলুন তো বালির উপর ওই ছাপগুলোর কেমও বিশেষ তাৎপর্য আছে কি না।’

বালির উপর দিয়ে কেউ হেঁটে গেছে পুব থেকে পশ্চিমে। জুতোর ছাপের সঙ্গে সঙ্গে আরেকটা ছাপ চলেছে, সেটা নিশ্চয়ই লাঠি। লালমোহনবাবু বেশ কিছুক্ষণ ছাপগুলোর দিকে চেয়ে থেকে বললেন, ‘জুতো অ্যান্ড লাঠি সেটা তো বোঝাই যাচ্ছে, তবে বিশেষ তাৎপর্য...’

‘তোপ্সে, তোর কী মনে হয় ?’



ମିଶ୍ରମେହ

ଆମି ବଲାମ, ‘ଲୋକେ ତୋ ସାଧାରଣତ ଡାନ ହାତେ ଲାଠି ଧରେ । ଏଥାନେ ଦେଖଛି ଛାପଟା ବାଁ ଦିକେ ।’

ଫେଲୁଦା ଆମାର ପିଠେ ଏକଟା ଚାପଡ଼ ମେରେ ଦିଲ, ଯାର ମାନେ ସାବାସ । ତାରପର ବଲଳ, ‘ଭଦ୍ରଲୋକ ନ୍ୟାଟା ହଲେ ଆଶ୍ରୟ ହବ ନା ।’

ଆମରା ସେଇନାଟାଯ ଏସେ ଦାଙ୍ଗିଯେଛି ସେଖାନେ ଲୋକ ବଲତେ ତିନଟେ ନୁଲିଯାର ବାଢା, ତାର ମଧ୍ୟେ ଏକଟା କାଁକଡ଼ା ଧରଛେ, ଆର ଦୂଟେ ଝିନୁକ କୁଡ଼ୋଛେ । ଭିଡ଼ଟା ଆରଙ୍ଗେ ହୟ ଆରଓ ଏଗିଯେ ଗିଯେ, ସେଥାନେ କାହାକାହିର ମଧ୍ୟେ ବେଶ କଯେକଟା ବାଙ୍ଗଳି ହୋଟେଲ ରଯେଛେ । ଆମରା ଆରଓ ଏଗିଯେ ଯାବ ଯାବ କରାଛି, ଏମନ ସମୟ ପିଛନ ଥିକେ ଡାକ ଏଲ ।

‘ମିସ୍ଟାର ଗାଙ୍ଗୁଳୀ !’

ଘୁରେ ଦେଖି ଜଟାୟର ରମମେଟ, ସେଇ ଦୋକାନେର ମାଲିକ । ଗୋଲଗାଲ ହାସିଥୁଣି ମିଶ୍ରକେ ଲୋକ, ଆଲାପ ହତେ ଜାନଲାମ ନାମ ଶ୍ରୀନିବାସ ସୋମ, ଦୋକାନେର ନାମ ହେମାଙ୍ଗନୀ ସ୍ଟୋର୍, ହେମାଙ୍ଗନୀ ଭଦ୍ରଲୋକେର ମାଯେର ନାମ ।

‘ଯାଇବେନ ନା ?’ ଭଦ୍ରଲୋକ ଲାଲମୋହନବାବୁକେ ଜିଜ୍ଞେସ କରଲେନ । ‘ଛୟଟାଯ ଟାଇମ ଦିସେ କିନ୍ତୁ ।’

লালমোহনবাবু কিছুক্ষণ থেকেই মাঝে মাঝে পিছন ফিরে দেখছিলেন ; এবার কারণটা বুঝলাম। কিন্তু কিন্তু ভাব করে ফেলুদার দিকে চেয়ে বললেন, ‘আপনি তো বোধহয় নট ইন্টারেস্টেড তাই আপনাকে জোর করব না।’

‘ব্যাপারটা কী ?’

‘ইয়ে, ইনি এক আশ্চর্য গণকের কথা বলছিলেন। কপালে আঙুল রেখে ভাগ্য বলে দেন।’

‘কার কপালে ?’

‘যার ভাগ্য বলছেন তার, ন্যাচারেলি।’

‘কপালের লিখন পড়তে পারেন বলছেন ?’

‘শুনে তো তাই মনে হচ্ছে।’

ফেলুদা অবিশ্য কপালের লেখা পড়তে রাজি হল না। তাও আমরা দুজনে গণৎকারের বাড়ি অবধি গেলাম ওঁদের সঙ্গে। গণৎকারের বাড়ি বলাটা অবিশ্য ঠিক হল না ; একটা তিনতলা বাড়ির একতলার দুটো ঘর নিয়ে থাকেন ভদ্রলোক। সমুদ্রের ধার দিয়ে সোজা পুবদিকে মুলিয়া বস্তি লক্ষ্য রেখে গিয়ে যেখানে চেঞ্জারদের ভিড় পাতলা হয়ে এসেছে, সেখানে বাঁয়ে বালির চড়াই উঠে ত্রিশ চালিশ গজ গেলে বালিতে বসা একটা পোড়ো বাড়ির কিছুটা দূরেই এই তিনতলা বাড়িটা। গেটের একদিকে খেত পাথরের ফলকে লেখা ‘সাগরিকা,’ অন্যদিকে ‘ডি. জি. সেন’। পুরনো ধাঁচের হলেও, বেশ বাহারের বাড়ি। গেট দিয়ে চুকে একটা মাঝারি বাগানও আছে।

‘মালিক থাকেন ওই তিনতলার ঘরে,’ বললেন শ্রীনিবাস সোম, ‘আর একতলার বারান্দার পিছনে ওই যে দরজা, ওইটা হইল লক্ষ্মণ ভট্টাচার্যের ঘর।’

গণৎকারের নামটা এই প্রথম শুনলাম। বারান্দায় যে আট-দশজন লোক দাঁড়িয়ে আছে, তারাও যে গণৎকারের কাছেই এসেছে তাতে কোনও সন্দেহ নেই।

লালমোহনবাবু ‘জয় শুরু’ বলে সোম মশাইয়ের সঙ্গে গেট দিয়ে চুকে গেলেন।

* * *

‘কপাল কী বলছে ?’ ফেলুদা জিজ্ঞেস করল। লালমোহনবাবু ভীষণ উত্তেজিতভাবে এইমাত্র চুকেছেন আমাদের ঘরে। —‘অবিশ্বাস্য, অলৌকিক, অসামান্য !’ বললেন ভদ্রলোক,—‘সাড়ে সাতে ছাপ্ট কফ, আঠারোয় আছাড়ে পড়ে মালাই চাকি ডিসলোকেশন, প্রথম উপন্যাস, স্পেকট্যাকুলার পপুলারিটি, সামনের বই কটা এডিশন হবে—সব গড় গড় করে বলে দিলেন।’

‘স্কাইল্যাব মাথায় পড়বে কি না বলেছে ?’

‘ঠাট্টাই করুন আর যাই করুন মশাই, আপনাকে একবারটি ধরে নিয়ে যাবই। আর, ইয়ে, বলেছেন আমার বন্ধুভাগ্য ভাল। শুধু তাই নয়, বন্ধুর চেহারার ডেসক্রিপশনও দিলেন।’

‘আর বন্ধুর পেশা ?’

‘বলেছেন বন্ধু মেধাবী, কর্মী, অনুসন্ধিৎসু গভীর পর্যবেক্ষণ-শক্তিসম্পন্ন ব্যক্তি। মিলছে ? আর কী চাই ?’

‘মে আই কাম ইন ?’

হোটেলের ম্যানেজার শ্যামলাল বারিক ঘরে চুকতেই সুগন্ধি জর্দার গক্ষে ঘর ভরে

গেল। —‘আসুন।’ পানের ডিবে খুলে এগিয়ে দিলেন আমাদের দিকে। আমরা ইতস্তত করছি দেখে আশ্বাস দিলেন যে এ পানে জর্দা নেই।

ফেলুদা একটা পান মুখে পুরে চারমিনারের প্যাকেটটা পকেট থেকে বার করে বলল, ‘আচ্ছা, এই ডি. জি. সেন ভদ্রলোকটির পুরো নামটা কী?’

‘দেখেছেন! বলে উঠলেন লালমোহনবাবু, ‘ওঁর বাড়ি থেকেই ঘুরে এলুম, অথচ ওঁর পুরো নামটা জেনে এলুম না। দোলগোবিন্দ নয় তো?’

আমি জানি, ভদ্রলোকের ‘পিঠাপূরমের পিশাচ’ বইতে একটা আধপাগলা চরিত্র আছে যার নাম দোলগোবিন্দ দন্ত রায়।

শ্যামলালবাবু হেসে বললেন, ‘মাপ করবেন মশাই, ওঁর পুরো নাম আমারও জানা নেই। কেউই জানেন কি না সন্দেহ। সবাই ডি. জি. সেন বলেই বলেন। এমনকী ‘ডিজিবাবু’ও বলতে শুনেছি কাউকে কাউকে।’

‘বেশি মেশেন-টেশেন না বুঝি?’

‘গোড়ায় তবু এখানে সেখানে দেখা যেত। গত বছর সিকিম না ভুটান কোথায় যেন গিয়েছিলেন; মাস ছয়েক হল ফিরে একেবারে গুটিয়ে নিয়েছেন নিজেকে।’

‘কেন, সেটা জানেন?’

শ্যামলালবাবু মাথা নাড়লেন।

‘বাড়িটা কি ওঁরই তৈরি?’ ফেলুদা জিজ্ঞেস করল।

‘না। ওঁর বাপের। বাপের পরিচয় দিলে হয়তো চিনতে পারেন। সেন পারফিউমারস-এর নাম শুনেছেন তো?’

‘হ্যাঁ, হ্যাঁ—কিন্তু সে ব্যবসা তো উঠে গেছে অনেককাল। ‘এস. এন. সেন’স সেনসেশন্যাল এসেন্সেজ—সেই সেন তো?’

‘ঠিক বলেছেন। ইনি ওই এস. এন. সেনের ছেলে। জোর ব্যবসা ছিল। কলকাতায় তিনটে বাড়ি, মধুপুরে একটা, পুরীতে একটা। ভদ্রলোক মারা যাবার পর ব্যবসা আর বেশিদিন টেকেনি। দুই ছেলের মধ্যে সম্পত্তি ভাগ করে দেন উইল করে। ডি. জি. সেন বোধহয় ছেট ছেলে; তিনি এই বাড়িটা পান। দুই ছেলের কেউই ব্যবসায় যায়নি। ইনি এককালে চাকরি-টাকরি করে থাকতে পারেন, এখন আর্ট নিয়ে আছেন।’

‘আর্ট?’ ফেলুদার হঠাৎ কী যেন মনে পড়েছে। ‘এনারই কি পুঁথির কালেকশন?’

আমাদের সিধু জ্যাঠার কাছে পুঁথি দেখেছি আমি। তিনশো বছরের পুরনো তিনটে পুঁথি আছে ওঁর কাছে। ছাপাখানার আগের যুগে বই লেখা হত হাতে; তাকেই বলে পুঁথি। সবচেয়ে পুরনো কালে একরকম গাছের ছাল সরু লস্বা করে কেটে তাতে লেখা হত, তাকে বলত ভুজিপত্র, তারপরে তালপাতা আর কাগজে লেখা হত। সিধু জ্যাঠা বলে পুঁথি জিনিসটা যে আমাদের আর্টের একটা বড় অঙ্গ, সেটা অনেকেই মনে রাখে না।

শ্যামলালবাবু বললেন, ‘পুঁথি নিয়েই তো আছেন। দেশ-বিদেশ থেকে লোক এসে ওঁর পুঁথি দেখে যায়।’

‘ভদ্রলোকের ছেলেপিলে নেই?’

‘একটি ছেলে তো মাঝে মাঝে আসত, বউকে নিয়ে। অনেককাল দেখিনি। ভদ্রলোক নিজেই এসেছেন বছর তিনেক হল। নিজে থাকেন তিনতলায়; একাই থাকেন। বিপত্তীক। এক তলায় কিছুকাল থেকে এক পার্মাণেন্ট বাসিন্দা এসে রয়েছেন, এক গণৎকার; দোতলাটা সিজনে ভাড়া দেন। এখন রয়েছে সন্তীক এক রিটায়ার্ড জজ সাহেব।’

‘ইঁ...’

ফেলুদা ফুরিয়ে যাওয়া চারমিনারটা অ্যাশট্রেতে ফেলে দিল।

‘আপনার কি আলাপ করার ইচ্ছে?’ শ্যামলালবাবু জিজ্ঞেস করলেন। —‘ভারী পিকিউলিয়ার লোক কিন্তু ; ফস করে কারুর সঙ্গে দেখা করতে চান না। অবিশ্য আপনার যদি পুঁথিতে ইন্টারেস্ট থাকে, তা হলে—’

‘ইন্টারেস্ট কেন থাকবে না ; সেই সঙ্গে কিছুটা জ্ঞানও তো থাকা চাই। একটু হোমওয়ার্ক না করে এসব লোকের সঙ্গে দেখা করার কোনও মানে হয় না।’

‘কোনও চিন্তা নেই’ বললেন শ্যামলালবাবু, ‘যতীশ কানুনগোর বাড়ি আমার এই হোটেল থেকে পাঁচ মিনিটের হাঁটা পথ। র্যান্ডেনশ কলেজের প্রোফেসর ছিলেন, এখন রিটায়ার করেছেন। জানেন না এমন বিষয় নেই। ওর সঙ্গে দেখা করুন, আপনার হোমওয়ার্ক হয়ে যাবে।’

৩

ফেলুদা যে সত্যিই পরদিন ভোরে উঠে টেলিফোনে অ্যাপয়েটমেন্ট করে তক্ষুনি প্রোফেসর কানুনগোর সঙ্গে দেখা করতে চলে যাবে, সেটা আমি ভাবিনি। আমার ইচ্ছা ছিল আজ সমুদ্রে স্নান করব ; ও থাকলে একজন সঙ্গী জুটত, কারণ লালমোহনবাবুকে বলাতে উনি আমার কাঁধে হাত রেখে বললেন, ‘দেখো তপেশ, তোমাদের বয়সে রেণুলার সাঁতার কেটেছি। আমার বাটারফ্লাই স্ট্রোক দেখে লোকে ক্ল্যাপ পর্যন্ত দিয়েছে। কিন্তু হেদো আর বে অফ বেঙ্গল এক জিনিস নয় ভাই। আর পুরীর ঢেউ বড় ট্রেচারস। বোঝাই-এর সমুদ্র হলে দ্বিধা করতুম না।’

সত্যি বলতে কী, আজকের দিনটা স্নানের পক্ষে খুব সুবিধের নয়। সারা রাত টিপটিপ করে বৃষ্টি পড়েছে, এখনও মেঘলা আর গুমোটি হয়ে রয়েছে। তাই শেষ পর্যন্ত ঠিক হল স্নানটা না হয় ফেলুদার সঙ্গেই করা যাবে, আজ শুধু একটু বিচে হেঁটে আসব। সাতটার মধ্যেই চা-ডিম-কাটি খেয়ে আমরা দুজন বেরিয়ে পড়লাম। লালমোহনবাবুর কাল রাত থেকেই বেশ খুশি-খুশি ভাব ; মনে হয় লক্ষণ গণ্ডকারই তার জন্য দায়ী।

বিচে এসে দেখি খাঁ খাঁ। এই দিনে এত সকালে কে আর আসবে ? দূরে জলে দু-তিনটে নুলিয়াদের নৌকো দেখা যাচ্ছে। তবে কালকের সেই নুলিয়া বাচ্চাগুলো নেই। তার বদলে কয়েকটা কাক রয়েছে, ঢেউ-এর জল সবে গেলেই তিড়িং তিড়িং করে এগিয়ে গিয়ে ফেনায় ঠোকর দিয়ে কী যেন খাচ্ছে, আবার ঢেউ এলেই তিড়িং তিড়িং করে পিছিয়ে আসছে।


দুজনে ভিজে বালির উপর দিয়ে হাঁটছি, এমন সময় লালমোহনবাবু বললেন, ‘সি-বিচে শুয়ে রোদ পোয়ানোর বাতিক আছে সাহেব-মেমদের এটা শুনিচি, কিন্তু মেষ-পোয়ানোর কথা তো শুনিনি !’

আমি জানি কথাটা কেন বললেন ভদ্রলোক। একজন লোক চিত হয়ে শুয়ে আছে বালির উপর, হাত পঞ্চাশেক দূরে। বাঁয়ে যেখানে বিচ শেষ হয়ে পাড় উঠে গেছে, সেই দিকটায়। আরেকটু বাঁয়ে শুলেই লোকটা একটা ঝোপড়ার আড়ালে পড়ে যেত।

‘কেমন ইয়ে মনে হচ্ছে না ?’

আমি জবাব না দিয়ে পা চালিয়ে এগিয়ে গেলাম। খটকা লেগেছে আমারও।

দশ হাত দূর থেকেও মনে হয় লোকটা ঘুমোচ্ছে, কিন্তু আরেকটু এগোতেই বুঝলাম তার চোখ দুটো খোলা আর মাথার কোঁকড়ানো ঘন চুলের পাশে বালির উপর চাপ-বাঁধা রক্ত।



ପଦ୍ମପାତ୍ର

পুরু গোঁফ, ঘন ভূরু, রং বেশ ফরসা, গায়ে ছাইরঙের সুতির কোট, সাদা প্যান্ট আৰ নীল স্ট্রাইপ্ড শার্ট। জুতো আছে, মোজা নেই। ডান হাতেৰ কড়ে আঙুলে একটা নীল পাথৰ-বসানো আংটি, হাতেৰ নখ কাটা হয়নি অস্তত এক মাস। কোটেৰ বুক পকেট ফুলে উঁচু হয়ে আছে; মনে হয় কাগজপত্ৰ আছে। ভীষণ ইচ্ছে হচ্ছিল কাগজগুলো বার কৱে দেখতে, কাৰণ পুলিশ তাই কৱবে, আৰ তা হলে হয়তো লোকটা কে তা জানা যাবে।

‘ডেন্ট টাচ,’ বললেন লালমোহনবাবু, যদিও সেটা বলাৰ কোনও প্ৰয়োজন ছিল না। ফেলুদাৰ সঙ্গে থেকে এসব আমাৰ জানা আছে।

‘আমৱাই তো ফাস্ট?’ বললেন লালমোহনবাবু। ভদ্ৰলোক পকেটে হাত ঢুকিয়ে রেখেছেন, যেন কিছুই হয়নি এমন ভাব, কিন্তু গলাৰ স্বৰে বোৰা যায় ওঁৰ তালু শুকিয়ে গেছে।

আমি বললাম, ‘তাই তো মনে হচ্ছে।’

ভদ্ৰলোক আবাৰ বড়বড় কৱে বললেন, ‘যাক, তা হলে আমৱাই ডিসকাভাৱ কৱলুম।’

আমি থ ভাবটা কাটিয়ে নিয়ে বললাম, ‘চলুন, রিপোর্ট কৱতে হবে।’

‘ইয়েস ইয়েস—রিপোর্ট।’

পাঁচ মিনিটেৰ মধ্যে হোটেলে ফিরে এলাম। ইতিমধ্যে ফেলুদা হাজিৱ। —‘পাপোশে যখন পা না মুছেই চুকলেন, এবং ঘৰেৰ মেঘেতে ছাঁক থানেক বালি ছড়ালেন, তখন বেশ বুবাতে পাৱাছি আপনি সবিশেষ উত্তেজিত,’ কফি হাতে খাটে বসে ফেলুদা লালমোহনবাবুকে উদ্দেশ কৱে বলল।

লালমোহনবাবু ঘটনায় রং চড়াতে গিয়ে দেৱি কৱে ফেলবেন বলে আমি দু-কথায় ব্যাপারটা বলে দিলাম। এক মিনিটেৰ মধ্যে ফেলুদা নিজেই ফোন কৱে থানায় খবৱটা দিয়ে দিল। ওই ভাবে সংক্ষেপে গুছিয়ে আমি বলতে পাৱতাম না, লালমোহনবাবু তো নয়ই।

খুন সম্পর্কে ফেলুদা শুধু একটাই প্ৰশ্ন কৱল—

‘লোকটাৰ পাশে কোনও অন্তৰ পড়ে থাকতে দেখেছিলি, পিস্টল-চিস্টল?’

‘না, ফেলুদা।’

‘তবে বাঙালি নয়, এ বিষয়ে আমি ডেফিনিট,’ বললেন লালমোহনবাবু।

‘কেন বলছেন?’ ফেলুদা জিজ্ঞেস কৱল।

‘জোড়া ভুৰু, ভয়ংকৰ কনফিডেন্সেৰ সঙ্গে বললেন জটায়ু—‘বাঙালিদেৱ হয় না। আৱ ওৱকম চোয়ালও হয় না। বাজৱাৰ ঝুঁটি আৰ গোস্ত খাওয়া চোয়াল। যদূৰ মনে হয় বুদ্দেলখন্দেৱ লোক।’

ফেলুদা যে ইতিমধ্যে ডি. জি. সেনেৰ সঙ্গে অ্যাপয়েন্টমেন্ট কৱে ফেলেছে সে কথা এতক্ষণ বলেনি। সাড়ে আটটায় টাইম দিয়েছেন তাৰ সেক্রেটাৰি, আৰ বলেছেন পনেৱো মিনিটেৰ বেশি থাকা চলবে না। আমৱা পনেৱো মিনিট হাতে নিয়ে বেৱিয়ে পড়লাম।

এবাৰে বিচে পৌছে দূৰ থেকেই বুঝালাম যে লাশেৰ পাশে বেশ ভিড়। খবৱ এতক্ষণে ছাড়িয়ে পড়েছে, পুৱীৰ সমুদ্রতটে এভাৱে এৱ আগে খুন হয়েছে কি না সন্দেহ।

আমি জানতাম যে এখানকাৰ থানাৰ কিছু অফিসাৱেৰ সঙ্গে রাউৱকেন্দ্ৰ কেসটাৰ সময় ফেলুদাৰ আলাপ হয়েছিল। যিনি ফেলুদাকে দেখে হেসে হাত বাড়িয়ে এগিয়ে এলেন তিনি শুনলাম সাৰ-ইনস্পেক্টৱ মৃত্যুঞ্জয় মহাপাত্ৰ।

‘এবাৰ কী, ছুটি ভোগ?’ মহাপাত্ৰ জিজ্ঞেস কৱলেন।

‘সেই রকমই তো বাসনা,’ বলল ফেলুদা। ‘কে খুন হল?’

‘স্থানীয় লোক নয় বলেই তো মনে হচ্ছে। নাম দেখছি রাপচাঁদ সিং।’

‘কীসে পেলেন ?’

‘ড্রাইভিং লাইসেন্স।’

‘কোথাকার ?’

‘নেপাল।’

পুরু চশমা পরা একজন বাঙালি ভদ্রলোক পুলিশের ফোটোগ্রাফারকে ঠেলে সরিয়ে এগিয়ে এসে বললেন, ‘আমি লোকটাকে দেখেছি। কাল বিকেলে স্বর্গদ্বার রোডে একটা চায়ের দোকানের বাইরে বসে চা খাচ্ছিল। আমি পান কিনছিলাম পাশের দোকান থেকে ; লোকটা আমার কাছ থেকে দেশলাই চেয়ে নিয়ে সিগারেট ধরায়।’

‘মরল কীভাবে ?’ ফেলুদা মহাপ্রাকে জিজ্ঞেস করল।

‘রিভলভার বলেই তো মনে হচ্ছে। তবে ওয়েপন পাওয়া যায়নি। এইটে দেখতে পারেন, লাইসেন্সের ভিতর গেঁজা ছিল।’

ভদ্রলোক একটা মাঝারি সাইজের ভিজিটিং কার্ড ফেলুদার দিকে এগিয়ে দিলেন। একদিকে কাঠমাণুর একটা দরজির দোকানের নাম-ঠিকানা, অন্যদিকে বেশ কাঁচা হাতে ইংরিজিতে লেখা—‘এ. কে. সরকার, ১৪ মেহের আলি রোড, ক্যালকাটা।’ বানান ভুলগুলোর কথা আর বললাম না।

ফেলুদা কার্ডটা ফেরত দিয়ে বলল, ‘ইটারেস্টিং ফ্যাকরা যদি বেরোয় তো জানাবেন। আমরা নীলাচল হোটেলে আছি।’

আমরা লাশ পিছনে ফেলে এগিয়ে গেলাম।

কাল যে বাড়িটাকে দেখে আমরা তারিফ না করে পারিনি, আজ মেঘলা দিনে সেটা যেন মেদো মেরে গেছে, ভেতরে যাবার জন্য আর হাতছানি দিয়ে ডাকছে না।

গেটের বাইরে একজন লোক দাঁড়িয়ে, বয়স পঁচিশের বেশি না, দেখলে মনে হয় চাকর, সে আমাদের দিকে এগিয়ে এসে বলল, ‘মিত্রবাবু ?’

ফেলুদা এগিয়ে গেল। —‘আমিই মিত্রবাবু ?’

‘আসুন ভিতরে।’

বাগানটাকে দুভাগে ঢিরে একটা নুড়ি-ফেলা পথ বারান্দার দিকে চলে গেছে। দেখলাম সেটা আমাদের পথ নয়। তিনতলায় যেতে হলে বাড়ির বাঁ পাশ দিয়ে গলির মধ্য দিয়ে যেতে হয়, কারণ তিন তলার দরজা আর সিঁড়ি বাড়ির পিছন দিকে। গলির মাঝামাঝি এসে লালমোহনবাবু হঠাৎ ‘হিক’ শব্দ করে তিন হাত পিছিয়ে গিয়েছিলেন, তার কারণ মাটিতে পড়ে থাকা একটা সরু লম্বা সাদা কাগজের ফলি। লালমোহনবাবু সেটাকে সাপ মনে করেছিলেন।

সিঁড়ির সামনে গিয়ে চাকর আমাদের ছেড়ে দিল, কারণ ওপর থেকে একটি ভদ্রলোক নেমে এসেছেন।

‘মিস্টার মিত্র ? আসুন আমার সঙ্গে।’

ফেলুদাকে চিনেছেন নাকি ? মুখের হাসি তো তাই বলছে। ভদ্রলোকের চোখে মাইনাস পাওয়ারের চশমা, গায়ের চামড়া বলছে বয়স পঁয়াত্রিশের বেশি নয়, কিন্তু মাথার চুল এর মধ্যেই বেশ পাতলা হয়ে গেছে।

‘আপনার পরিচয়টা ?’ সিঁড়ি উঠতে উঠতে জিজ্ঞেস করল ফেলুদা।

‘আমার নাম নিশ্চিথ বোস। আমি দুর্গাবাবুর সেক্রেটারি।’

‘দুর্গাবাবু ? ওঁর নাম তা হলে—’

‘দুর্গাগতি সেন। এখানে সবাই ডি. জি. সেনই বলে।’

সিঁড়ি দিয়ে উঠে ভাইনে একটা ঘর, বোধহয় সেটাতেই সেক্রেটারি থাকেন, কারণ একটা তত্ত্বপোশের পাশে একটা ছেট্ট টেবিলের উপর একটা টাইপরাইটার চোখে পড়ল। বাঁয়ে একটা প্যাসেজের দুটিকে দুটো ঘর, শেষ মাথায় ছাত। সেই ছাতেই যেতে হল আমাদের।

মাঝারি ছাত, একপাশে একটা কাচের ঘরের মধ্যে কিছু অর্কিড। ছাতের মাঝখানে একটা বেতের চেয়ারে বসে আছেন একটি বছর ঘাটকের ভদ্রলোক। লালমোহনবাবু পরে যে বলেছিলেন ‘ব্যক্তিত্ব উইথ এ ক্যাপিটাল বি’, সেটা খুব ভুল বলেননি। টকটকে বং, ভাসা ভাসা চোখ, কাঁচা-পাকা মেলানো ফেঞ্চকাট দাঢ়ি আর মুগুরভাঁজা চওড়া কাঁধ। চেয়ারে বসেই নমস্কার করছেন দেখে প্রথমে একটু কেমন-কেমন লাগছিল, তারপর কারণটা বুঝলাম। নীল প্যান্টের তলা দিয়ে ভদ্রলোকের বাঁ পায়ের যেটুকু দেখা যাচ্ছে, সবচুকুই ব্যান্ডেজে ঢাকা।

আমাদের জন্য আরও তিনটে চেয়ার বাঁর করে রাখা হয়েছে; আমরা বসলে পর ফেলুন্দা বলল, ‘আপনি যে আমাদের সময় দিয়েছেন তার জন্য আমরা সত্যই কৃতজ্ঞ। আপনি পুরনো পুঁথি সংগ্রহ করেন শুনে আসার লোভ সামলাতে পারলাম না।’

‘ওটা আমার অনেকদিনের শখ।’—আমাদের দিক থেকে দৃষ্টি সরিয়ে আকাশের দিকে চেয়ে কথাটা বললেন ভদ্রলোক। চেহারার সঙ্গে মানানসই গলার স্বর।

ফেলুন্দা বলল, ‘আমার এক জ্যাঠামশাই আছেন, নাম সিঙ্গেশ্বর বোস, তাঁর তিনটে পুঁথি আছে। আপনি বোধহয় একবার সেগুলো দেখতে গিয়েছিলেন।’

‘কী পুঁথি?’

‘তিনটেই বাংলা। দুটো অনন্দামঙ্গল, আর একটা গোরক্ষবিজয়।’

‘তা গিয়ে থাকতে পারি। পুঁথির পেছনে ঘুরেছি অনেক।’

‘আপনার কি সব বাংলা পুঁথি?’

‘অন্য ভাষাও আছে। যেটা বেস্ট সেটা সংস্কৃত।’

‘কবেকার পুঁথি?’

‘চুম্বলক্ষ্ম সেগুরি।’

আমি মনে মনে বললাম, জিনিসটা যদি আমাদের দেখার ইচ্ছেও থাকে, বলে কোনও লাভ হবে না। ভদ্রলোকের মর্জি হলে দেখাবেন, না তো নয়।

‘লোকনাথ।’

বুঝলাম চাকরের নাম লোকনাথ। কিন্তু তাকে হঠাতে ডাকা কেন?

চাকরের বদলে মুহূর্তের মধ্যে চলে এলেন নিশীথবাবু। পর্দাৰ বাইরেই দাঁড়িয়েছিলেন কি?

‘লোকনাথ নেই, স্যার। বেরিয়েছে। কিছু বলবেন কি?’

মিঃ সেন ডান হাতটা বাড়িয়ে দিলেন। নিশীথবাবু সেটা ধরে ভদ্রলোককে চেয়ার থেকে উঠতে সাহায্য করলেন।

‘আসুন।’

ভদ্রলোকের পিছন পিছন আমরা ছাত থেকে প্যাসেজ ও প্যাসেজ থেকে শোবার ঘরে গিয়ে চুকলাম।

বেশ বড় ঘর, বাঁয়ে একটা প্রকাণ্ড খাট, যাকে ইংরিজিতে বলে ফোর-পোস্টার। খাটের পাশে একটা কাশ্মীরি টেবিলে একটা ল্যাম্প, দুটো ওষুধের শিশি আর একটা কাচের গেলাস। ভাইনে একটা মাঝারি সাইজের রোলটপ ডেস্ক, একটা চেয়ার, আর দেয়ালে লাগানো পাশাপাশি দুটো গোদরেজের আলমারি।



‘খোলো।’

হুকুমটা হল সেক্রেটারিকে। নিশীথবাবু খাটের উপর রাখা বালিশের তলা হাতড়িয়ে একটা চাবির গোছা বার করে ডেক্সের ঠিক পাশের আলমারিটা খুললেন।

ভিতরে চারটে শেল্ফ। তার প্রত্যেকটাতে পাশাপাশি থরে থরে সাজানো শালুতে মোড়া লম্বা লম্বা প্যাকেট। সব মিলিয়ে আন্দাজ চলিশ-পঁয়তালিশটা।

‘এতেও আছে কিছু, অন্য আলমারিটা দেখিয়ে বললেন দুর্গাগতি সেন।—‘তবে আসলটা—’

আসলটা বেরোল শেল্ফ থেকে নয়, নীচের দিকের একটা দেরাজ থেকে। লক্ষ করলাম তার নীচে আরেকটা পুঁথি রয়েছে।

নিশীথবাবু হুকুম পেয়ে শালুর উপর ফিতের বাঁধনটা খুলে ফেললেন। ভিতর থেকে বেরিয়ে এল দুদিকে কাঠের পাটার মধ্যখানে স্যান্ডউইচ করা দ্বাদশ শতাব্দীর সংস্কৃত পুঁথি।

‘অষ্টাদশসাহস্রিকা প্রজ্ঞাপারমিতা’, বললেন দুর্গাগতি সেন,—‘অন্যটা কল্পসূত্র।’

কাঠের পাটার উপরে আশ্চর্য সুন্দর রঙিন ছবি, এতদিনের পুরনো হওয়া সত্ত্বেও রঙের জৌলুস কমেনি। পুঁথিটা কাগজের নয়, তালপাতার। হাতের লেখা যে এত পরিপাণ্টি আর এত সুন্দর হতে পারে তা আমার ধারণাই ছিল না। লালমোহনবাবু চাপা গলায় মন্তব্য করলেন, ‘ধন্য ছেলের অধ্যবসায়।’

ফেলুদা বলল, ‘এটা কোথায় পেলেন জানতে পারি কি?’

‘ধরমশালা’, বললেন ভদ্রলোক।

‘তার মানে কি এ জিনিস তিক্রত থেকে দালাই লামার সঙ্গে এসেছিল?’

‘হ্যাঁ।’

ভদ্রলোক পুঁথিটা ফেলুদার হাত থেকে নিয়ে নিশীথবাবুকে দিয়ে দিলেন। সেটা আবার ফিতে বাঁধা অবস্থায় যেখানে ছিল সেখানে চলে গেল।

‘আপনি কি আপনার জ্যাঠার হয়ে সুপারিশ করতে এসেছেন?’

প্রশ্নটা শুনে বেশ হকচিকিয়ে গিয়েছিলাম। ফেলুদা কিন্তু নানান বেয়াড়া প্রশ্নের সামনে পড়েও নিজেকে দিব্য ঠাণ্ডা রাখতে পারে। বলল, ‘আজ্ঞে না।’

‘আমি এসব জিনিস নিয়ে ব্যবসা করি না,’ বললেন মিঃ সেন, ‘কেউ যদি দেখতে চায় তো দেখাতে পারি—এই পর্যন্ত।’

‘আমার জ্যাঠার সামর্থ্য নেই এ জিনিস কেনার,’ হেসে বলল ফেলুদা। ‘অবিশ্য আমার কোনও ধারণা নেই এর কত দাম হতে পারে।’

‘অম্বুল্য।’

‘কিন্তু এসবও তো দেশের বাইরে চলে যাচ্ছে?’

‘চামার। যারা বিক্রি করে তারা চামার।’

‘আপনার ছেলের এ সবে ইন্টারেন্স নেই?’

দুর্গাগতিবাবু কেমন যেন অন্যমনক্ষ হয়ে পড়লেন প্রশ্নটা শুনে। খাটের পাশের টেবিলটার দিকে চেয়ে কয়েক মুহূর্ত চুপ থেকে বললেন, ‘ছেলেকে আমি চিনি না।’

‘স্যার, ইনি একজন বিখ্যাত গোয়েন্দা, স্যার।’

নিশীথবাবু হঠাত এই সময় এই কথাটা কেন বললেন বুবলাম না। দুর্গাগতিবাবু একবার ফেলুদার মুখের দিকে চেয়ে দৃষ্টি ঘুরিয়ে নিয়ে বললেন, ‘তাতে ভয়ের কী? আমি কি খুন করেছি?’

শ্যামলালবাবু ঠিকই বলেছিলেন। ভদ্রলোকের হাবভাব কথাবার্তা সত্যিই পিকিউলিয়ার। অবিশ্য এর পরের কথাটা আরও তাজ্জব, প্রায় একেবারে হেঁয়ালির মতো। —

‘যা হারিয়েছে, তা ফিরিয়ে আনা গোয়েন্দার কশ্মো নয়। যে পারে সেই করছে চেষ্টা, বন্ধ দরজা খুলছে একে একে। গোয়েন্দার কিছু করার নেই।’

পনেরো মিনিট হয়ে গেছে, তাই ফেলুদা দরজার দিকে ফিরল। নিশীথবাবু যেন একটু ব্যস্ত হয়ে বললেন, ‘আসুন।’ আমরা পুঁথির মালিককে ধন্যবাদ জানিয়ে নীচে রওনা দিলাম।

‘ভদ্রলোকের পায়ে কী ব্যাপার?’ ফেলুদা নীচে নামতে নামতে প্রশ্ন করল।

‘ওঁকে গাউটে ধরেছে। গেঁটে বাত,’ বললেন নিশীথবাবু, ‘খুব শক্ত-সমর্থ লোক ছিলেন আগে। এই মাস তিনেক হল কাহিল হয়ে পড়েছেন।’

‘যে ওযুগগুলো দেখলাম সে কি গাউটের?’

‘আজ্ঞে হ্যাঁ। কেবল একটা ঘুমের ওষুধ। লক্ষণবাবুর দেওয়া।’

‘গণৎকার লক্ষণ ভট্টাচার্য?’ প্রশ্ন করলেন লালমোহনবাবু।

‘আজ্ঞে হ্যাঁ। উনি অ্যালোপ্যাথি আযুর্বেদ দুটোই বেশ ভাল জানেন। বেশ কোয়ালিফায়েড লোক। অনেক কিছু জানেন।’

‘বটে?’

‘কর্তৃর সঙ্গে মাঝে মাঝে পুঁথি নিয়েও কথাবার্তা বলতে শুনিচি।’

‘আশ্চর্য লোক!’ বললেন জটায়ু।

ফেলুদার ভুরুটা যে কেন কুঁচকে রয়েছে সেটা বুঝতে পারলাম না।

লালমোহনবাবুর ইচ্ছে ছিল লক্ষণ ভট্টাচার্যের সঙ্গে ফেলুদার আলাপ করিয়ে দেবেন, কিন্তু স্টো আর হল না, কারণ গণৎকারের দরজায় তালা। আমরা সাগরিকা থেকে বেরিয়ে হোটেলমুখো হলাম। সমুদ্রের ধারে ভিড় হয়ে গেছে এই পনেরো মিনিটের মধ্যেই, কারণ মেঘ পাতলা হয়ে গিয়ে সূর্যটা উকি মারব মারব করছে। ডাইনে রেলওয়ে হোটেলটা দেখা যাচ্ছে, ফেলুদা বলল এই ভিড়ের বেশির ভাগ লোকই নাকি ওই হোটেলের। আমরা ভিড় ছাড়িয়ে কয়েক পা যেতেই পিছন থেকে অচেনা গলায় ডাক এল।

‘মিস্টার মিত্র !’

অন্যদের থেকে একটু আলগা হয়ে একপাশে দাঁড়িয়ে একজন লম্বা ভদ্রলোক ফেলুদার দিকে চেয়ে হাসছেন। বোঝা যাচ্ছে ইনি বেশ কয়েকদিন সমন্বিতটে ঘোরাফেরা করেছেন, কারণ সানগ্লাসটা খুলতেই চোখ থেকে কান অবধি একটা ফিকে লাইন দেখা গেল যেখানে চশমার ডাঁটিটা চামড়ায় রোদ লাগতে দেয়নি।

ভদ্রলোক আমাদের দিকে এগিয়ে এলেন। প্রায় ফেলুদার মতোই লম্বা, সুপুরুষ বলা চলে, কালো চাপ দাঢ়ি আর গোঁফটা বেশ হিসেব করে ছাঁটা, কালো ট্রাউজারের ওপর চিজুলথের শার্টটা হাওয়ায় সেঁটে আছে শরীরের সঙ্গে।

‘আপনার নাম শুনেছি’ বললেন ভদ্রলোক। ‘এসেই ব্যস্ত হয়ে পড়েছেন নাকি ?’

‘কেন বলুন তো ?’

‘একটা খুন হয়েছে শুনলাম যে। তাই ভাবলাম আপনি আবার জড়িয়ে পড়লেন কি না।’

ফেলুদা হেসে বলল, ‘খুন হলেই জড়িয়ে পড়তে ইচ্ছে হয় ঠিকই, কিন্তু কেউ না ডাকলে আর কী করে যাই বলুন।’

‘আপনি তো নীলাচলে উঠেছেন ?’

‘আজ্জে হাঁ।’

‘হোটেলে ফিরেছেন ?’

‘হ্যাঁ।’

‘ইয়ে—’

ভদ্রলোক কী যেন বলতে গিয়ে ইতস্তত করছেন। ফেলুদা বলল, ‘আপনাকে বুঝি আংটি সামলাতে হচ্ছে ?’

এটা আমি আগেই লক্ষ করেছি। ভদ্রলোক ডান হাতের তেলোয় তিনটে সোনার আংটি নিয়ে রয়েছেন, ফলে বেশ বোকা বোকা দেখাচ্ছে।

‘আর বলবেন না,’ বললেন ভদ্রলোক, ‘আমাদের হোটেলের এক বাসিন্দা, কালই আলাপ হয়েছে, জলে নামবেন, তা বললেন এগুলো নাকি আঙুল থেকে খুলে আসে। বলুন তো কী বুকি।’

আংটির মালিক যে কে সে আর বলতে হবে না। ওই যে, নুলিয়ার হাত ধরে ছপ্প ছপ্প করে এগিয়ে আসছেন তিনি। সোনায় মোড়া মিঃ হিস্পোরানি। ফেলুদাকে দেখে ভদ্রলোক ‘গুড় মনিৎ’ বলে একটা হাঁক দিলেন, তারপর আরও এগিয়ে এসে ‘থ্যাক্ষ ইউ’ বলে আংটিগুলো ফেরত নিয়ে আঙুলে পরে জানিয়ে দিলেন যে গোয়া, ওয়াইকিকি, মায়ামি,

আকাপুলকো, নিস্ট ইত্যাদি অনেক জায়গার সমুদ্রতটের অভিজ্ঞতা আছে তাঁর, কিন্তু পুরীর মতো বিচ নাকি কোথাও নেই।

নতুন ভদ্রলোকটি এবার হিস্পেরানির কাছে বিদায় নিয়ে আমাদের সঙ্গে নিলেন। ফেলুদা বলল, ‘আপনার নামটা কিন্তু এখনও জানা হয়নি।’

ভদ্রলোক মৃদু হেসে বললেন, ‘আমার নাম বললে হয়তো চিনবেন না, একটা বিশেষ লাইনে আমার কিছুটা কন্ট্রিভিউশন আছে, তবে সেটা সকলের জানার কথা নয়। আমার নাম বিলাস মজুমদার।’

ফেলুদা ভুঁরু কুঁচকে ভদ্রলোকের দিকে চাইল। —‘আপনার কি পাহাড়-টাহাড়ের সঙ্গে কোনও সম্পর্ক আছে?’

ভদ্রলোক অবাক। —‘বাবা, আপনার জ্ঞানের পরিধি দেখছি—’

‘না, না,’ ফেলুদা বিলাসবাবুর কথা শেষ করতে দিল না—‘তেমন কিছু নয়। গত মাসখানেকের মধ্যে কোথায় যেন বিলাস মজুমদার নামটা দেখেছি—বোধহয় কোনও পত্রিকায় বা খবরের কাগজে। মনে হচ্ছে তাতে মাউন্টেনিয়ারিং বা ওই জাতীয় কিছুর উল্লেখ ছিল।’

‘ঠিকই দেখেছেন। আমি মাউন্টেনিয়ারিং শিখেছিলাম দার্জিলিং-এর ইনসিটিউটে। আমার আসল কাজ হচ্ছে ওয়াইল্ড-লাইফ ফোটোগ্রাফি। একটা জাপানি দলের সঙ্গে শ্বে-লেপার্ডের ছবি তুলতে যাবার কথা ছিল। জানেন বোধহয়—হিমালয়ের হাই অলচিটিউডে শ্বে-লেপার্ডের আস্তানা। দেখেছে অনেকেই, কিন্তু আজ পর্যন্ত কোনও ছবি তোলা সম্ভব হয়নি জানোয়ারটার।’

পথে আর কোনও কথা হল না। লালমোহনবাবু বার বার সপ্রশংস দ্রষ্টিতে ভদ্রলোকের দিকে দেখছেন সেটা লক্ষ করেছি।

হোটেলে ফিরে এসেই ফেলুদা চায়ের অর্ডার দিল। ভদ্রলোক চেয়ারে বসে প্রথমেই পকেট থেকে একটা ছবি বার করে আমাদের দিকে এগিয়ে দিলেন।

‘দেখুন তো এঁকে চেনেন কি না।’

পোস্টকার্ড সাইজের ছবি। মাটিতে উবু হয়ে বসা চ্যাপটা টুপি পরা একটা লোক একটা অঙ্গুত জানোয়ারকে জাপটে ধরে আছে, আর আট-দশজন লোক সেই জানোয়ারটাকে দেখছে। মিঃ মজুমদার যে লোকটির দিকে আঙুল দেখাচ্ছেন তাঁকে আমরা চিনি।

‘এঁর কাছ থেকেই তো আসছি আমরা,’ বলল ফেলুদা, ‘যদিও চিনতে একটু সময় লাগে, কারণ ভদ্রলোক দাঢ়ি বেঝেছেন।’

মিঃ মজুমদার ছবিটা ফেরত নিয়ে বললেন, ‘এইটেই জানার দরকার ছিল। বাড়ির গেটে ‘ডি. জি. সেন’ নাম দেখলাম, কিন্তু তিনি এই ছবির ডি. জি. সেন কি না সে বিষয়ে শিওর হতে পারছিলাম না।’

‘জানোয়ারটি প্যাঙ্গেলিন বলে মনে হচ্ছে! বলল ফেলুদা।

ঠিক তো!—ওই প্যাঙ্গেলিন নামটা কিছুতেই মনে পড়ছিল না। একরকম পিপীলিকাভুক। দেখে মনে হয় গায়ে বর্ম পরে রয়েছে।

বিলাসবাবু বললেন, ‘প্যাঙ্গেলিনই বটে। নেপালে পাওয়া যায়। কাঠমাণুর এক হোটেলের বাইরে তোলা। ডি. জি. সেন ছিলেন তখন ওই হোটেলে। আমিও ছিলাম।’

‘এটা কবেকার ঘটনা?’

‘গত অক্টোবরে। আমি গেছি সেই জাপানি টিম আসবে বলে। জাপানের কাগজেও আমার তোলা ছবি-টবি বেরিয়েছে। জাপানি দলটা আমার সঙ্গে যোগাযোগ করে।



স্বত্ত্বাবতই আমি খুব উৎসাহিত হয়ে পড়ি। কিন্তু শেষ অবধি আর যাওয়া হয়নি।

‘কেন, কেন?’ ব্যস্ত হয়ে প্রশ্ন করলেন জটায়ু। বুবলাম লেপার্ড-টেপার্ড শুনে ভদ্রলোক একটা রোমাঞ্চের গন্ধ পেয়েছেন।

‘কপাল!’ বললেন মিঃ মজুমদার। ‘একটা অ্যাক্সিডেন্টে জখম হয়ে হাসপাতালে পড়ে ছিলাম তিন মাস।’

‘আপনার বাঁ পা কি জখম পা?’ হঠাৎ প্রশ্ন করল ফেলুদা।

‘কেন বলুন তো? বাঁ পায়ের শিন্স বোন্টা ভেঙেছিল বটে; কিন্তু আমার হাঁটা দেখলে কি বোঝা যায়?’

‘তা যায় না,’ বলল ফেলুদা, ‘কাল একটা পায়ের ছাপ দেখেছিলাম বালিতে—জুতো-পরা পা, সঙ্গে-সঙ্গে বাঁ পাশে লাঠির ছাপ। ভাবলাম, হয় ন্যাটা, না হয় বাঁ পায়ে জখম। তা আপনি লাঠি ব্যবহার করেন না দেখছি।’

‘মারে মারো করি,’ বললেন বিলাস মজুমদার, ‘কারণ বালিতে হাঁটতে কষ্ট হয়। কিন্তু উনচালিশ বছর বয়সে হাতে লাঠি ধরতে ইচ্ছে করে না।’

‘তা হলে অন্য কেউ হবে।’

‘অবিশ্য শিন্স বোন ভাঙাই একমাত্র ইনজুরি নয়। পাহাড়ের গা দিয়ে পাঁচশো ফুট গড়িয়ে পড়েছিলাম। একটা গাছের উপর পড়ি তাই জখমটা তবু কম হয়। এক চাষার ছেলে কয়েকজন হিপিকে খবর দেয়, তারাই আমাকে হাসপাতালে নিয়ে যায়। শিন্স বোন ছাড়া

সাতটা পাঁজরার হাড় আর কলার বোন ভেঙেছিল। খুতনি থেঁতলে গিয়েছিল; দাঢ়ি রেখেছি ক্ষতিচহ ঢাকবার জন্য। দুদিন পরে জ্ঞান হয়। স্মৃতিশক্তি তচনছ হয়ে গিয়েছিল। ডায়ারি থেকে নাম ঠিকানা বার করে কলকাতার বাড়িতে খবর দেয়। এক ভাইপো চলে আসে। তাকে চিনতে পারিনি। হাসপাতালে থাকতেই কিছুটা স্মৃতি ফিরে আসে। চিকিৎসার ফলে আরও খানিকটা ইম্প্রুভ করেছে, কিন্তু অ্যাক্সিডেটের ঠিক আগের ঘটনা এখনও ঠিক মনে পড়েনি। যেমন, ডি. জি. সেন বলে এক ভদ্রলোকের সঙ্গে আলাপ হয়েছিল, সেটা আমার ডায়ারিতে পাছি কিন্তু তার চেহারাটা মনে পড়েছে মাত্র দুদিন আগে।

‘ডি. জি. সেন কেন গিয়েছিল কাঠমাণু, সেটা মনে পড়ছে?’ ফেলুদা জিজ্ঞেস করল—‘পুঁথি সংক্রান্ত কোনও ব্যাপার কি?’

‘পুঁতি?’ একটু অবাক হয়ে জিজ্ঞেস করলেন ভদ্রলোক। —‘যা দিয়ে মালা গাঁথে?’

‘না,’ ফেলুদা হেসে বলল। —‘পুঁথি বা পুঁথি। পুষ্টিকা। হাতে লেখা প্রাচীন বই। ভদ্রলোকের খুব ভাল কালেকশন আছে পুঁথির।’

‘ও, তাই বলুন।’

ভদ্রলোক চুপ করে কী যেন ভাবলেন। তারপর বললেন, ‘কী রকম দেখতে হয় বলুন তো এই পুঁথি?’

‘সরু, লম্বা, চ্যাপটা,’ বলল ফেলুদা। —‘ধৰুন স্টেট এক্সপ্রেসের একটা কার্টনের সাইজ। তার চেয়ে একটু ছেট বা বড়ও হতে পারে। সাধারণত শালুতে মোড়া থাকে।’

ভদ্রলোক আবার কিছুক্ষণ চুপ। একদৃষ্টে চেয়ে আছেন টেবিল ল্যাম্পটার দিকে, আর আমরা চেয়ে আছি ভদ্রলোকের দিকে।

বেশ মিনিটখানেক পরে বিলাস মজুমদার বললেন, ‘তা হলে বলি শুনুন। কাঠমাণুতে যে হোটেলে ছিলাম, বিক্রম হোটেল, সেখানে ভারী এক অস্তুত ব্যাপার ছিল। দু-একটা ঘর ছিল যার চাবি অন্য ঘরে লেগে যেত—যেটা হোটেলে কখনওই হবার কথা না। একদিন আমি আমার ঘরের চাবি নিয়ে ভুল করে আমার পাশের ঘরের দরজায় লাগিয়ে ঘোরাতেই দরজা খুলে গেল। সেটা ছিল ডি. জি. সেন-এর ঘর। প্রথমে ঠিক ধরতে পারিনি। ভাবছি আমার ঘরে এরা কারা, চুকল কী করে। আসল ব্যাপারটা বুঝতেই স্যরি বলে বেরিয়ে আসি, কিন্তু ততক্ষণে একটা ঘটনা আমি দেখে ফেলেছি। খাটে বসে আছেন মিঃ সেন, আর চেয়ারে দুটি অচেনা লোক, তাদের একজন একটা কার্ডবোর্ডের বাল্ল থেকে একটি প্যাকেট বার করছে। যতদূর মনে পড়ে প্যাকেটটা ছিল লাল, তবে সেটা কাগজ কি কাপড় তা মনে নেই।’

‘তারপর?’ ফেলুদা প্রশ্ন করল।

‘তারপর ব্ল্যাঙ্ক। অনেক চেষ্টা করেও মনে করতে পারিনি। এর পরের মেমরি হচ্ছে হাসপাতালে জ্ঞান হওয়া।’

লালমোহনবাবু হঠাৎ ভীষণ ব্যন্তি হয়ে উঠলেন—‘আরে মশাই, এমন ভাল গণ্ডকার রয়েছেন এই পুরীতে, আপনি তাঁর কাছে যান না একবারটি। যা ভুলে গেছেন, সব ডিটেলে বলে দেবেন।’

‘কার কথা বলছেন?’

‘লক্ষণ ভট্টাচার্য দি গ্রেট। ওই ডি. জি. সেনেরই বাড়ির এক তলার ভাড়াটে। যদি দ্বিধা হয় তো বলুন, আমি অ্যাপয়েন্টমেন্ট করে আমিই আপনাকে নিয়ে যাব। আপনি একটিবার ট্রিয়াল দিয়ে দেখুন।’

‘বলছেন?’

ভদ্রলোকের যেন আইডিয়াটা ভালই লেগেছে।

‘একশোবার !’ বললেন লালমোহনবাবু—‘আপনার কপালে ওই আঁচিলটার উপর আঙুল
রেখে সব গড়গড় করে বলে দেবেন।’

এটা এতক্ষণ বলা হয়নি—বিলাসবাবুর কপালের ঠিক মাঝখানে একটা আঁচিল, হঠাৎ
দেখলে মনে হবে ভদ্রলোক বুঝি টিপ পরেছেন।

‘ভদ্রলোক কি ভিজিটর অ্যালাউ করেন ?’ ফেলুদা প্রশ্ন করল।

‘হোয়াই নট ?’ বললেন লালমোহনবাবু। ‘আপনি আর তপেশ যাবেন তো ? সে আমি
ওঁকে বলে রাখব, কোনও চিন্তা নেই।’

ঠিক হল, আজই সন্ধ্যা ছাটায় অ্যাপয়েন্টমেন্ট করা হবে। ভদ্রলোকের ফি পাঁচ টাকা
পঁচাত্তর শুনে বিলাসবাবু হেসেই ফেলেছিলেন কিন্তু ফেলুদা হিসেব করে দেখিয়ে দিল দশজন
খন্দের হলেও ভদ্রলোকের মাসিক আয় হয়ে যায় প্রায় দু হাজার টাকা।

আমি বেশ বুঝতে পারছিলাম যে নিজের ভাগ্য গগনা করাবার ইচ্ছে না থাকলেও, বিলাস
মজুমদারের স্মৃতি উদ্ধার হয় কি না দেখার জন্য ফেলুদার যথেষ্ট কৌতুহল রয়েছে।

৫

আজ ঠিকই করে রেখেছিলাম যে বিকেলে একটু মন্দিরের দিকটায় যাব। মন্দিরের চেয়েও
রথটা দেখার ইচ্ছে বেশি। ফেলুদার কাছেই শুনলাম যে এই বিশাল রথ নাকি প্রতিবারই
রথযাত্রার পর ভেঙে ফেলা হয় আর তার কাঠ দিয়ে খেলনা তৈরি করে বাজারে বিক্রি করা
হয়। পরের বছর আবার ঠিক একই রকম নতুন রথ তৈরি হয়।

যাবার পথে ফেলুদাকে কেন যেন অন্যমনস্ক মনে হচ্ছিল। হয়তো এই দুদিনে নতুন
আলাপীদের সঙ্গে যে সব কথাবার্তা হয়েছে, সেগুলো ওর মাথায় ঘূরছিল। একটা কথা ওকে
না বলে পারলাম না—

‘আচ্ছা ফেলুদা, নেপালটা কীরকম বাববার এসে পড়ছে তাই না ? যে লোকটা খুন হল
সে নেপালের লোক, বিলাসবাবু কাঠমাণু গিয়েছিলেন, দুর্গাগতিবাবু ঠিক সেই সময়
কাঠমাণুতে ছিলেন...’

‘তুই কি এতে কোনও তাৎপর্য খুঁজে পেলি ?’

‘না। তবে—’

‘সম্পাত মানে জানিস ?’

‘না তো।’

‘সম্পাত হল ইংরিজিতে যাকে বলে কোইনসিডেন্স ! যতক্ষণ না আরও এভিডেন্স পাওয়া
যাচ্ছে, ততক্ষণ কাঠমাণুর ব্যাপারটা একটা কোইনসিডেন্স বলে ধরতে হবে—বুঝলি ?’

‘বুঝেছি।’

পুরীর বিখ্যাত রথ দেখে মন্দিরের সামনে বিশাল চওড়া রাস্তার একপাশে দোকানগুলোয়
ঘুরে ঘুরে পাথরের তৈরি খুদে খুদে মূর্তি, কোনারকের চাকা, এইসব দেখছি, এমন সময়
সাব-ইনস্পেক্টর মৃত্যুঞ্জয় মহাপাত্রের আবিভাব। হঠাৎ চিনতে পারিনি, কারণ এই ফাঁকে কখন
জানি চুল ছেঁটে এসেছেন। আমাদের এক দূর সম্পর্কের কাকা আছেন, যিনি হোয়ার কাটিং
সেলুনে চেয়ারে বসলেই ঘুমিয়ে পড়েন; ফলে নাপিত বেহিসাবি কিছু করলেও টের পান
না। ঘুম ভাঙ্গার পর অবিশ্ব প্রতিবারই কুরক্ষেত্র বেধে যায়। মহাপাত্রকে দেখে মনে হল
এনারও সে বাতিক আছে।

ফেলুদা ভদ্রলোককে দেখে জিজেস করল, ‘তদন্ত এগোল ? মেহেরালি রোডের মিস্টার

সরকার কী বলেন ?

‘ইন্ফরমেশন এসেছে আজ আড়াইটেয়,’ বললেন মহাপত্র। ‘চোদো নম্বর মেহেরালি
রোড হল একটা ফ্ল্যাট বাড়ি ! সবসুন্দর আটটা ফ্ল্যাট, সরকার থাকেন তিন নম্বরে। দিন
সাতেক হল ওঁর ঘর তালাবন্ধ। প্রায়ই নাকি বাইরে যান।’

‘এবার কোথায় গেছেন জানতে পারলেন ?’

‘পুরী !’

‘বটে ? কে বলল ?’

‘চার নম্বরের বাসিন্দা। তাকে নাকি বলেছে চেঞ্জে যাচ্ছে।’

‘চেহারা কেমন জানতে পারলেন ?’

‘লম্বা, মাঝারি রং, দাঢ়ি-গোঁফ নেই, বয়স পঁয়ত্রিশ থেকে চালিশ। এ ধরনের বর্ণনার
অবিশ্য কোনও মূল্য নেই।’

‘পেশা ?’

‘বলে ট্র্যাভেলিং সেলসম্যান। কী সেল করে তা কেউ জানে না। বছর খানেক হল ওই
ফ্ল্যাটে এসেছে।’

‘আর কৃপচাঁদ সিং ?’

‘সে এখানে এসেছে গতকাল সকালে। বাসস্ট্যান্ডের কাছে একটা হোটেলে ছিল। ভাড়া
চুক্তোয়নি। কাল রাত্রে নাকি একটা ফোন করতে চেয়েছিল হোটেল থেকে, ফোন খারাপ
ছিল। শেষে একটা ডাঙ্গারি দোকান থেকে কাজ সারে। কম্পাউন্ডের পাশেই দাঁড়িয়েছিল,
কিন্তু খন্দের ছিল বলে কী কথা হয়েছে তা শোনেনি ! এগারোটা নাগাদ হোটেল থেকে
বেরোয়। আর ফেরেনি। ঘরে একটা সুটকেস পাওয়া গেছে, তাতে জামা-কাপড় রয়েছে
কিছু। দুটো টেরিলিনের শার্ট দেখে মনে হয় লোকটা বেশ শৌখিন ছিল।’

‘সেটা কিছুই আশ্চর্য না,’ বলল ফেলুদা, ‘আজকাল ড্রাইভারের মাইনে আপিসের কেরানির
চেয়ে অনেক বেশি।’

কথাই ছিল রেলওয়ে হোটেল থেকে বিলাসবাবুকে আমরা তুলে নেব ; হাঁটা বাজতে
পনেরোঁ মিনিটে আমরা হোটেলে গিয়ে হাজির হলাম। ব্রিটিশ আমলের হোটেল, এখন রং
ফেরানো হলেও চেহারায় পুরনো যুগের ছাপটা রয়ে গেছে। সামনে বাগান, সেখানে রঙিন
ছাতার তলায় বেতের চেয়ারে বসে হোটেলের বাসিন্দারা চা খাচ্ছে। তারই একটা থেকে উঠে
পাশের চেয়ারে বসা দুজন সাহেবকে ‘এক্সকিউজ মি’ বলে বিলাসবাবু আমাদের দিকে এগিয়ে
এলেন।

‘চলুন, কপালে কী আছে দেখা যাক !’

আজ লালমোহনবাবু আমাদের গাইড, তাই তাঁর হাবভাব একেবারে পালটে গেছে। দিব্য
গটগটিয়ে সাগরিকার গেট দিয়ে চুকে বাগানের মধ্যখানের নুড়ি ফেলা পথ দিয়ে স্টান গিয়ে
বারান্দায় উঠে কাউকে না দেখে একটু থতমত খেয়ে তৎক্ষণাত আবার নিজেকে সামলে নিয়ে
সাহেবি মেজাজে ‘কোই হ্যায়’ বলতেই বাঁ দিকে একটা দরজা খুলে গেল।

‘স্বাগতম !’

বুঁলাম ইনিই লক্ষণ ভট্টাচার্য। পরনে সিঙ্কের লুঙ্গি আর চিকনের কাজ করা সাদা আদিদের
পাঞ্জাবি। মাঝারি হাইটের চেহারার বিশেষত্ব হল সরু গোঁফটা, যেটা ঠোঁটের দুপাশ দিয়ে
প্রায় আধ ইঞ্চি নেমে এসেছে নীচের দিকে।

লালমোহনবাবু আলাপ করতে যাচ্ছিলেন, ভদ্রলোক বাধা দিয়ে বললেন, ‘ওটা ভিতরে
গিয়ে হবে। আসুন।’

লক্ষণ ভট্টাচার্যের বৈঠকখানার বেশির ভাগটা দখল করে আছে একটা তত্ত্বপোশ ; বুধাম ওটার উপরে বসেই ভাগ্যগণনা হয় । এ ছাড়া আছে দুটো কাঠের চেয়ার, একটা মোড়া, একটা নিচু টেবিলের উপর ওডিশা হ্যান্ডিক্রাফ্টসের একটা অ্যাশট্রে, আর পিছনে একটা দেয়ালের আলমারিতে দুটো কাঠের বাজা, কিছু বই, কিছু শিশি-বোতল-বয়াম ইত্যাদি ওযুধ রাখার পাত্র, আর একটা ওয়েস্ট এন্ড অ্যালার্ম ঘড়ি ।

‘আপনি বসুন এইখেনটায়’—তত্ত্বপোশের একটা অংশ দেখিয়ে বিলাসবাবুকে বললেন গণ্ডকার । —‘আর আপনারা এইখেনে ।’

চেয়ার আর মোড়া দখল হয়ে গেল ।

লালমোহনবাবু এইবারে আমাদের সঙ্গে আলাপটা করিয়ে দিলেন । ফেলুদার বিষয় বললেন, ‘ইনিই আমার সেই বন্ধু,’ আর বিলাস মজুমদারের নামটা বলে ‘ইনি হচ্ছেন বিখ্যাত ওয়াই—বলেই জিভ কেটে চুপ করে গেলেন । আমি জানি উনি বলতে গিয়েছিলেন ওয়াইল্ড লাইফ ফোটোগ্রাফার ; নিজের বুদ্ধিতেই যে নিজেকে সামলে নিয়েছেন সেটা আশ্চর্য বলতে হবে ।

ফেলুদা বোধহয় কেলেক্টরিটা চাপা দেবার জন্যই বলল, ‘আমরা দুজন অতিরিক্ত লোক এসে পড়েছি বলে আশা করি আপনি বিরক্ত হননি ।’

‘মোটেই না,’ বললেন লক্ষণ ভট্টাচার্য । —‘আমার আপত্তি যেটাতে সেটা হচ্ছে স্টেজে উঠে ডিমনষ্ট্রেশন দেওয়ায় । সে অনুরোধ অনেকেই করেছে । আমি যে যাদুকর নই সেটা অনেকেই বিশ্বাস করতে চায় না । এই যেমন—’

ভদ্রলোকের কথা থেমে গেল । তাঁর দৃষ্টি চলে গেছে বিলাস মজুমদারের দিকে । —‘কী আশ্চর্য !’ বললেন লক্ষণ ভট্টাচার্য—‘আপনার কপালে ঠিক থার্ড আই-এর জ্যোগায় দেখছি একটি উপমাংস !’

উপমাংস মানে যে আঁচিল সেটা জানতাম না ।


‘ঠিক ওইখানে খুলির আবরণের তলায় কী থাকে জানেন তো ?’ ভদ্রলোক ফেলুদার দিকে চেয়ে প্রশ্নটা করলেন ।

‘পিনিয়াল প্ল্যান্ডের কথা বলছেন ?’ ফেলুদা বলল ।

‘হ্যাঁ—পিনিয়াল প্ল্যান্ড । মানুষের মগজের সবচেয়ে রহস্যময় অংশ । অস্তত পশ্চিমের বৈজ্ঞানিকরা তাই বলেন । আমরা যদিও জানি যে ওটা আসলে প্রমাণ করে যে আদিম যুগে প্রাণীদের তিনটি করে চোখ ছিল, দুটি নয় । ওই থার্ড আইটাই এখন হয়ে গেছে পিনিয়াল প্ল্যান্ড । নিউগিনিতে একরকম সরীসৃপ আছে, নাম টারাটুয়া, যার মধ্যে এখনও এই থার্ড আই দেখতে পাওয়া যায় ।’

ফেলুদা বলল, ‘আপনার কপালে আঙুল রাখার উদ্দেশ্য কি এই পিনিয়াল প্ল্যান্ডের সঙ্গে যোগস্থাপন করা ?’

‘তা একরকম তাই বলতে পারেন,’ বললেন লক্ষণ ভট্টাচার্য । —‘অবিশ্য যখন প্রথম শুরু করি তখন পিনিয়াল প্ল্যান্ডের নামও শুনিনি । জগবন্ধু ইনসিটিউশনে ক্লাস সেভেনে পড়ি তখন । এক রবিবার আমার জ্যাঠামশাইয়ের মাথা ধরল । বললেন, ‘লখনা, আমার মাথাটা একটু ঢিপে দিবি ? আমি তোকে আইসক্রিমের পয়সা দেব ।’ কপাল টন্টন করছে, কপালের মধ্যখানে বুড়ো আঙুল আর তর্জনী দিয়ে টিপছি, এমন সময় অঙ্গুত একটা ব্যাপার হল । চোখের সামনে বায়ক্ষেপের ছবির মতো পরপর দেখতে লাগলাম—জ্যাঠার পৈতে হচ্ছে জ্যাঠা পুলিশের ভ্যানে উঠছেন—মুখে বন্দেমাত্রম্ স্লোগান, জ্যাঠার বিয়ে, জেঠিমার মৃত্যু, এমনকী জ্যাঠার নিজের মৃত্যু পর্যন্ত, কীসে মরছেন, কোন খাটে শুয়ে মরছেন, খাটের পাশে



কে কে রয়েছেন, সব। ...তখন কিছু বলিনি, কিন্তু এই মত্ত্যর ব্যাপারটা যখন অক্ষরে অক্ষরে ফলে গেল, তখন...বুঝতেই পারছেন—'

লালমোহনবাবুকে দেখে বেশ বুঝছিলাম যে ওঁর গায়ের লোম খাড়া হয়ে উঠেছে। বিলাসবাবু দেখলাম একদৃষ্টে চেয়ে রয়েছেন গণৎকারের দিকে।

ফেনুদী বলল, ‘আপনি তো শুনেছি ডাঙ্কারিও করেন, আর তার চিহ্নও দেখছি ঘরে। নিজেকে কী বলেন—ডাঙ্কার, না গণৎকার ?’

‘দেখুন, গণনার ব্যাপারটা আমি শিখিনি। আয়ুর্বেদটা শিখেছি। অ্যালোপ্যাথিও যে একেবারে জানি না তা নয়। পেশা কী জিজেস করলে ডাঙ্কারিই বলব। আসুন, এগিয়ে আসুন, কাছে এসে বসুন।’

শেষের কথাগুলো অবিশ্যি বিলাসবাবুকে বলা হল। ভদ্রলোক এগিয়ে এসে তক্ষণে পা তুলে বাবু হয়ে বসে বললেন, ‘দেখুন, কপালের র্যাক স্পটটি যদি ইনফরমেশনের সহায়ক হয় !’

লক্ষ্মণবাবুর পাশেই যে একটা ছেট্ট অ্যালুমিনিয়ামের বাটি রাখা ছিল সেটা এতক্ষণ লক্ষ করিনি। তার মধ্যে তরল পদার্থটা যে কী তা জানি না, কিন্তু দেখলাম লক্ষ্মণবাবু তাতে ডান হাতের কড়ে আঙুলের ডগাটা তিনবার চুবিয়ে নিলেন। তারপর একটা ধৰধরে পরিষ্কার কুমালে আঙুলটা মুছে নিয়ে চোখ বুঁজে মাথা হেঁট করে আঙুলের ডগাটা মোক্ষম আন্দাজে ঠিক বিলাসবাবুর কপালের আঁচিলের উপর বসিয়ে দিলেন।

তারপর মিনিটখানেক সব চুপ। সবাই চুপ। কেবল ঘড়ির টিকটিক আর—এই প্রথম খেয়াল হল—বাইরে থেকে আসা একটানা ঢেউ ভাঙ্গার শব্দ।

‘তেত্রিশ—তেত্রিশ—উনিশ শো তেত্রিশ—তুলা লগ, সিংহ রাশি—পিতামাতার প্রথম সন্তান...’

লক্ষ্মণ ভট্টাচার্য চোখ বন্ধ করেই বলতে শুরু করেছেন।

‘সাড়ে আটে টনসিল অ্যাডিনয়েডস— পরীক্ষায় বৃত্তি— স্বর্ণপদক...বিজ্ঞান— পদার্থ বিজ্ঞান— উনিশে গ্র্যাজুয়েট— তেইশে উপাৰ্জন শুল— চাক...না, চাকৱি না— ফিলাস— ফটোগ্রাফার— স্ট্রাগল...স্ট্রাগল দেখছি, স্ট্রাগল— উদ্যম, একাগ্রতা, অধ্যবসায়— পৰ্বতারোহণে পটুতা— বন্যপশুপক্ষী-প্ৰীতি— বেপৰোয়া জীবন— ভাষ্মাণ— অকৃতদার...’

ভদ্রলোক একটু থামলেন। ফেলুদা গভীৰ মনোযোগের সঙ্গে ওড়িশা হ্যাঙ্কিঙ্কাফ্টসের অ্যাশট্ৰেটা দেখছে। লালমোহনবাবু হাতদুটো মুঠো করে টান হয়ে বসেছেন। আমাৰ বুক টিপ টিপ কৰছে। বিলাসবাবুৰ মুখ দেখলে কিছু বোঝাৰ উপায় নেই, তবে ওঁৰ চোখ যে গণৎকাৰেৰ দিক থেকে একবাৰও সৱেনি, সেটা আমি লক্ষ কৰেছি।

‘সেভেনটি এইট— সেভেনটি এইট...’

আবাৰ কথা শুৰু হয়েছে। কপালে বিন্দু বিন্দু ঘাম। বেশ ট্ৰেন হচ্ছে ভদ্রলোকেৰ সেটা বোঝা যায়।

‘বন দেখছি, বন—হিমালয়—অপঘাত—অপ—না—’

পাঁচ সেকেন্ড চুপ থেকে ভদ্রলোক হঠাৎ বিলাসবাবুৰ কপাল থেকে আঙুল নামিয়ে নিয়ে চোখ খুললেন। তাৰপৰ সটান বিলাসবাবুৰ দিকে চেয়ে বললেন, ‘আপনাৰ বেঁচে থাকাৰ কথা নয়, কিন্তু রাখে হৱি মাৰে কে?’

‘অ্যাক্সিডেন্ট নয়?’ বিলাসবাবু ধৰা গলায় প্ৰশ্ন কৰলেন।

লক্ষণ ভট্টাচার্য মাথা নেড়ে পকেট থেকে পানেৰ ডিবে বার কৰে একটা পান মুখে পূৱে বললেন, ‘যতদূৰ দেখছি, নট অ্যাক্সিডেন্ট। আপনাকে ধাকা দিয়ে ফেলে দেওয়া হয়েছিল পাহাড়েৰ প্রান্ত থেকে। অৰ্থাৎ, ডেলিবাৱেট অ্যাটেক্ষ্পট মাৰ্ড’ৰ। মৱেননি সেটা আপনাৰ পৱন ভাগ্য।’

‘কিন্তু কে ঠেলল সেটা—?’

প্ৰশ্নটা কৰেছেন লালমোহনবাবু। লক্ষণ ভট্টাচার্য মাথা নাড়লেন।—‘স্যৱি। যা দেখেছি তাৰ বাইৱে বলতে পাৱাৰ না। বললে মিথ্যে বলা হবে। দেবতা কষ্ট হবেন।’

‘দিন আপনাৰ হাতটা।’

বিলাসবাবু কৰমদ্বন্দেৰ জন্য তাঁৰ ডান হাতটা বাড়িয়ে দিয়েছেন লক্ষণ ভট্টাচার্যেৰ দিকে।

৬

‘এটাকে কী বলবেন? ফাইভ স্টোৱ না সিঞ্চ স্টোৱ?’ লালমোহনবাবুকে প্ৰশ্নটা কৰল ফেলুদা।

আমোৱা রেলওয়ে হোটেলে এসেছি ডিনাৰ খেতে। বিলাসবাবু সাগৱিকা থেকে বেৰিয়েই আমাদেৱ নেমন্তন্ত্ৰ কৰলেন। বললেন, ‘আপনাৰা আমাৰ অশেষ উপকাৱ কৰেছেন; আমাৰ এই অনুৱোধটা রাখতেই হবে।’

রেলওয়ে হোটেলেৰ খাওয়া যে অপূৰ্ব তাতে কোনও সন্দেহ নেই আৱ সেটা লালমোহনবাবুও না স্বীকাৱ কৰে পাৱলেন না। বললেন, ‘রেলেৰ খাওয়াৰ যা ছিৱি হয়েছে আজকাল মশাই, আমি ভাবলুম রেলওয়ে হোটেলেৰ খাওয়াও বুঝি সেই স্ট্যান্ডাৰ্ডেৰ হবে। সে ভুল ভেঙে গৈছে—থ্যাক্স টু ইউ।’

বিলাসবাবু হেসে বললেন, ‘এবাৰ সুফলেটা খেয়ে দেখুন।’

‘কী খাৰ সুপ প্ৰেটে? সুপ তো গোড়াতেই খেলুম।’

‘সুপ প্ৰেট নয়। সুফল—মিষ্টি।’

এই সুফল খেতেই বিলাসবাবু লক্ষণ ভট্টাচার্যেৰ দৌলতে মনে পড়ে যাওয়া ঘটনাটা

বললেন । —

‘মিস্টার সেনের ঘরে দেখা সেই ঘটনাটা আমার মনে কোনওরকম খটকার সৃষ্টি করেনি । পরদিন ভদ্রলোক পোখরা যাচ্ছিলেন ; আমাকে সঙ্গে যাবার জন্য ইনভাইট করলেন । জাপানি দল আসতে আরও তিনদিন দেরি, তাই রাজি হয়ে গেলুম । পোখরা কাঠমাণু থেকে প্রায় দুশো কিলোমিটার । পথে একটা জঙ্গল পড়ল, ভদ্রলোক সেখানে গাড়ি থামাতে বললেন । বললেন নাকি ভাল অর্কিড পাওয়া যায় ওই জঙ্গলে । আমিও ক্যামেরা নিয়ে নামলুম । আর কিছু না হোক, এক-আধটা ভাল পাখিও যদি পাই, তা হলেই বা মন্দ কী ?—আমি পাখি খুঁজছি, উনি অর্কিড । দুজনে ভাগ হয়ে গোছি, কথা আছে আধ ঘটা বাদে দুজনেই গাড়িতে ফিরব । ওপরে গাছের দিকে চোখ রেখে এগোছি, এমন সময় পিছন থেকে মাথায় একটা বাড়ি, আর তারপরেই অন্ধকার ।’

ভদ্রলোক থামলেন । আর কিছু বলার নেই, কারণ বাকি ঘটনা উনি আগেই বলেছেন । ফেলুদা বলল, ‘আঘাতটা কে মেরেছিল সেটা সম্বন্ধে আপনি নিশ্চিত নন ?’

বিলাসবাবু মাথা নাড়লেন । —‘একেবারেই না, তবে এটা বলতে পারি যে সেই জঙ্গলে ত্রিসীমানার মধ্যে আর কোনও মানুষ চোখে পড়েনি । গাড়িটা ছিল মেন রোডে, প্রায় কিলোমিটার খানেক দূরে ।’

‘তা হলে অ্যাটেম্পটেড মার্ডারটা যে মিঃ সেনের কীর্তি, আদালতে সেটা প্রমাণ করার কোনও উপায় নেই ?’

‘আজ্ঞে না, তা নেই ।’

লালমোহনবাবু কিছুক্ষণ থেকেই উস্থুস করছিলেন, এবার বুঝালাম কেন । ভদ্রলোক বললেন, ‘আপনি একবারটি সেনমশাইয়ের সামনে গিয়ে হাজির হন না । উনিই যদি কালপ্রিট হন, তা হলে আপনাকে দেখে বেশ একটা ভূত দেখার মতো ব্যাপার হতে পারে । সেটা মন্দ হবে কি ?’

‘সে কথা আমি ডেবেছি, কিন্তু সেখানে একটা মুশকিল আছে । উনি আমাকে নাও চিনতে পারেন । কারণ আমার তখন দাঢ়ি ছিল না । এটা রেখেছি খুতনির ক্ষতচিহ্নটা ঢাকবার জন্য ।’

আরও মিনিট পাঁচক থেকে বিলাসবাবুকে ধন্যবাদ দিয়ে আমরা উঠে পড়লাম । ভদ্রলোক আমাদের গেট অবধি পৌঁছে দিলেন । মেঘ কেটে গেছে, গুমোট ভাবটাও আর নেই । ফেলুদার পকেটে একটা ছোট জোরালো টর্চ আছে জানি, কিন্তু ফিকে চাঁদের আলো থাকার দরজন সেটা আর জ্বালাবার দরকার হবে না ।


রাস্তা পেরিয়ে সমুদ্রের ধার অবধি বাঁধানো পথটা দিয়ে চলতে চলতে লালমোহনবাবু বললেন, ‘এবার ফ্রাঙ্কলি বলুন তো মশাই, কী রকম দেখলেন লক্ষণ ভট্টাচার্যকে । তাজ্জব ব্যাপার নয় কি ?’

‘হতে পারে তাজ্জব,’ বলল ফেলুদা, ‘কিন্তু অত জেনেও গোয়েন্দার ভাত মারতে পারবে না । বিলাস মজুমদারকে দুর্গাগতি সেনই হত্যা করার চেষ্টা করেছিল কি না সেটা জানতে হলে ফেলু মিস্ত্রির ছাড়া গতি নেই ।’

‘আপনি তদন্ত করছেন তা হলে ?’

চাঁদের আলোতেই বুঝালাম লালমোহনবাবুর চোখ বিলিক দিয়ে উঠেছে ।

ফেলুদা কী উত্তর দিত জানি না, কারণ ঠিক তখনই সামনে একজন চেনা লোককে দেখে আমাদের কথা থেমে গেল । মাটির দিকে চেয়ে আপন মনে বিড়বিড় করতে করতে ব্যস্তভাবে এগিয়ে আসছেন আমাদেরই পথ ধরে মিঃ হিস্পোরানি ।



ভদ্রলোক আমাদের দেখে থমকে দাঁড়ালেন ; তারপর ফেলুদার দিকে আঙুল নেড়ে বেশ ঝাঁঁজের সঙ্গে বললেন, ‘ইউ বেঙ্গলিজ আৱ ভেৱি স্টাৰ্বণ, ভেৱি স্টাৰ্বণ !’

‘হঠাৎ এই আক্রোশ কেন ?’ ফেলুদা হালকা হেসে ইংরিজিতে প্রশ্ন করল । ভদ্রলোক বললেন, ‘আই অফাৰ্ড হিম টোয়েন্টি ফাইভ থাউজাণ্ড, আব্দি হি স্টিল সেড নো !’

‘পঁচিশ হাজারের লোভ সামলাতে পারে এমন লোক তা হলে আছে বিশ্বসংসারে ?’

‘আৰে মশাই, ভদ্রলোক যে পুঁথি সংগ্ৰহ কৱেন সেটা আগে জানতাম । তাই অ্যাপয়েন্টমেন্ট কৱে দেখা কৱতে গেলাম । বললাম তোমার সবচেয়ে ভ্যালুয়েবল পিস কী আছে সেটা দেখাও । তৎক্ষণাৎ আলমাৰি খুলে দেখালেন—দ্বাদশ শতাব্দীৰ সংকৃত পুঁথি । অসাধাৰণ জিনিস । চোৱাই মাল কি না জানি না । আমাৰ তো মনে হয় গত বছৰ

ভাতগাঁওয়ের প্যালেস মিউজিয়ম থেকে তিনটে পুঁথি চুরি গিয়েছিল, এটা তারই একটা। দুটো উদ্ধার হয়েছিল, একটা হয়নি। আর সেটাও ছিল প্রজাপারমিতার পুঁথি।'

'হোয়ার ইজ ভাতগাঁও?' জিজ্ঞেস করলেন লালমোহনবাবু। জায়গাটার নাম আমিও শুনিনি।

'কাঠমাণু থেকে দশ কিলোমিটার। প্রাচীন শহর, আগে নাম ছিল ভঙ্গপুর।'

'কিন্তু চোরাই মাল কি কেউ চট করে দেখায়?' ফেলুদা জিজ্ঞেস করল—'আর আমি যতদূর জানি প্রজাপারমিতার পুঁথি একটা নয়, বিশ্ব আছে।'

'আই নো, আই নো,' অসহিষ্ণুভাবে বললেন মিঃ হিস্পোরানি। 'উনি বললেন এটা দালাই লামার সঙ্গে এসেছিল, উনি নাকি ধরমশালা গিয়ে কিনে এনেছিলেন। কত দিয়ে কিনেছিলেন জানেন? পাঁচশো টাকা। আর আমি দিচ্ছি পঁচিশ হাজার—ভেবে দেখুন!'

'তার মানে কি বলছেন পুরী আসাটা আপনার পক্ষে ব্যর্থ হল!'

'ওয়েল, আই ডোন্ট গিভ আপ সো ইজিলি। মহেশ হিস্পোরানিকে তো চেনেন না মিস্টার সেন! ওঁর আরেকটা ভাল পুঁথি আছে, ফিফটিন্থ সেনচুরি। আমাকে দেখালেন। আরও দুটো দিন সময় আছে হাতে। দেখা যাক কদিন ওর গোঁ টেকে।'

ভদ্রলোক সংক্ষেপে গুডনাহিট জানিয়ে গজগজ করতে করতে চলে গেলেন হোটেলের দিকে।

'একটু সাসপিশাস লাগছে না?' লালমোহনবাবু প্রশ্ন করলেন। ফেলুদা বলল, 'কার বা কীসের কথা বলছেন সেটা না জানলে বলা সন্তুষ্ণ নয়।'

'পাঁচশো টাকা দিয়ে কেনা জিনিস পঁচিশ হাজারে ছাড়ছে না?'

'কেন, মানুষ নিলোভ হতে পারে এটা আপনার বিশ্বাস হচ্ছে না? সিধুজ্যোতি দুর্গাগতিবাবুকে পুঁথি বিক্রি করতে রিফিউজ করেছেন সেটা আপনি জানেন?'

'কই, সেটা তো মিঃ সেন বললেন না।'

'সেটা তো আমার কাছে আরও সাসপিশাস। ঘটনাটা ঘটেছে মাত্র এক বছর আগে।'

আমার মনে হল দুর্গাগতিবাবু শুধু পিকিউলিয়ার নন, বেশ রহস্যজনক চরিত্র। আর বিলাসবাবু যা বলছেন তা যদি সত্যি হয়...

'সাসপিশন কিন্তু একজনের উপর পড়ে নেই' বলল ফেলুদা, 'নিউক্লিয়ার ফল-আউটের মতো চতুর্দিকে ছড়িয়ে পড়ছে। কাকে বাদ দেবেন বলুন। আপনার গণৎকার যে তৃতীয়-চক্ষু-সম্পন্ন সরীসৃপের কথা বললেন, সেটার নাম টারাটুয়া নয়, টুয়াটোৱা। আর তার বাসস্থান নিউ নয়, নিউজিল্যান্ড। এ ধরনের ভুল জটায়ুর পক্ষে অস্বাভাবিক নয়, কিন্তু লক্ষণ ভট্টাচার্য যদি তাঁর জ্ঞানের পরিচয় দিয়ে লোককে ইমপ্রেস করতে চান, তা হলে তাঁকে আরও অ্যাকুরেট হতে হবে। তারপর ধরুন নিশীথবাবু। আড়িপাতার অভ্যাস আছে ভদ্রলোকের; সেটা মোটেই ভাল নয়। তারপর দুর্গাগতিবাবু বললেন ওঁর গাউট হয়েছে কিন্তু ওঁর টেবিলের ওষুধগুলো গাউটের নয়।'

'তবে কীসের?'

'একটা ওষুধ তো সবে গত বছর বেরিয়েছে, টাইম ম্যাগাজিনে পড়ছিলাম ওটার কথা। কীসের ওষুধ ঠিক মনে পড়ছে না, কিন্তু গাউটের নয়।'

আমি জিজ্ঞেস করলাম, 'আচ্ছা, ভদ্রলোককে এত অন্যমনস্ক কেন মনে হয় বলো তো? আর তা ছাড়া বললেন, ওঁর ছেলেকে চেনেন না...'

'সেটারও তো কারণ ঠিক বুঝতে পারছি না।'

লালমোহনবাবু বললেন, 'ধরুন যদি উনি সত্যিই বিলাস মজুমদারকে খুন করার চেষ্টা করে

থাকেন, তা হলে স্টেই একটা অন্যমনস্কতার কারণ হতে পারে। এখানে অবিশ্যি
অন্যমনস্কতা ইজ ইকুয়াল টু নার্ভাসিনেস।

এখানে আমাদের কথা থেমে গেল। শুধু কথা না, হাঁটাও।

বালির উপরে জুতোর ছাপ, আর তার সঙ্গে সঙ্গে বাঁ পাশে লাঠির ছাপ।

ছাপটা হয়েছে গত কয়েক ঘণ্টার মধ্যে।

কিন্তু কথা হচ্ছে এই যে বিলাসবাবু লক্ষণ ভট্টাচার্যের বাড়ি থেকে সোজা হোটেলে ফিরে
গিয়ে স্বান-টান সেরে আমাদের জন্য অপেক্ষা করছিলেন। তিনি এর মধ্যে আর নীচে
আসেননি।

তা হলে এ ছাপ কার?

আর কে বাঁ হাতে লাঠি নিয়ে হেঁটে বেড়ায় পুরীর বিচে?

৭

পরদিন সকালে আমরা চা খেয়ে বেরোব বেরোব ভাবছি, এমন সময় লালমোহনবাবুর গাড়ি
চলে এল। ড্রাইভার হরিপদবাবু বললেন যে যদিও সকাল সকাল রওনা হয়েছিলেন,
বালাসোরের ৩০ কিলোমিটার আগে নাকি প্রচণ্ড বৃষ্টি নামে, ফলে ওঁকে ঘণ্টা চারেক
বালাসোরেই থাকতে হয়েছিল। গাড়ি নাকি দিবি এসেছে, কোনও ট্রাবল দেয়ানি।

হরিপদবাবুর জন্য আমাদের হোটেলের কাছেই নিউ হোটেলে একটা ঘর বুক করে রাখা
হয়েছিল, কারণ নীলাচলে জায়গা ছিল না। গাড়িটা নীলাচলে রেখে ভদ্রলোক চলে গেলেন
নিজের হোটেলে। আমরা বলে দিলাম দিন ভাল থাকলে দুপুরের দিকে ভুবনেশ্বরটা সেরে
আসতে পারি। একটার মধ্যে মন্দির-টন্দির সব দেখে ঘুরে আসা যায়।

ফেলুদা বলেই রেখেছিল সকালে একবার স্টেশনে যাবে। ওর আবার স্টেটস্ম্যান না
পড়লে চলে না, হোটেলে দেয় শুধু বাংলা কাগজ।

হাঁটা পথে হোটেল থেকে স্টেশনে যেতে লাগে আধ ঘণ্টা। আমরা যখন পৌঁছলাম তখন
পৌনে নটা। কলকাতা থেকে জগন্নাথ এক্সপ্রেস এসে গেছে সাতটায় ; পূরী এক্সপ্রেস এক
ঘণ্টা লেট, এই এল বলে। কোথাও যাবার না থাকলেও স্টেশনে আসতে দারুণ লাগে।
বিশেষ করে কোনও বড় ট্রেন আসামাত্র ঠাণ্ডা স্টেশন কী রকম টগবগিয়ে ফুটে ওঠে, সে
জিনিস দেখে দেখেও পুরনো হয় না।

বুক-স্টলে গিয়ে লালমোহনবাবু প্রথমেই জিজ্ঞেস করলেন বিখ্যাত রহস্যরোমাঞ্চ
ঔপন্যাসিক জটায়ুর কোনও বই আছে কি না। এটা করার কোনও মানে হয় না, কারণ ওই
সিরিজের গোটা দশেক বই সামনেই রাখা রয়েছে, আর তার মধ্যে তিনটে যে জটায়ুর স্টো
পরিক্ষার দেখা যাচ্ছে।

ফেলুদা খবরের কাগজ কিনে অন্য বই ঘাঁটছে, এমন সময় একটা গলা পেলাম।

‘জ্যৈষ্ঠের রহস্য মাসিকটা এসেছে?’

পাশ ফিরে দেখি নিশীথবাবু। ভদ্রলোক প্রথমে আমাদের দেখেননি ; চোখ পড়তেই কান
অবধি হেসে ফেললেন।

‘দেখুন। পাশে গোয়েন্দা দাঁড়িয়ে, আর আমি কিনছি রহস্য মাসিক।’

‘আপনার বস্তি-এর কী খবর?’ ফেলুদা জিজ্ঞেস করল।

‘আর বলবেন না’, বললেন নিশীথবাবু, ‘অ্যাপয়েন্টমেন্ট না করে লোক চলে আসে, আর
দেখা করার জন্য ঝুলোঝুলি করে। পুঁথির এত সমবিদার আছে জানতুম না মশাই।’

‘আবার কে এল ?’

‘লম্বা, চাপ দাঢ়ি, চোখে কালো চশমা। নাম জানতে চাইলে বললেন নাম বললে চিনবেন না তোমার মনিব। বলো ভাল পুঁথির খবর আছে। বললুম কর্তাকে, বললেন নিয়ে এসো। ছাতে নিয়ে গিয়ে বসালুম। আরও কিছু চিঠি টাইপ করার ছিল, ঘরে চলে গেছি, ও মা, তিনি মিনিটের মধ্যেই হাঁকডাক। গিয়ে দেখি কর্তার মুখ ফ্যাকাসে, এই বুঝি হার্ট ফেল করবেন। বললেন এঁকে নিয়ে যাও। ভদ্রলোককে তৎক্ষণাৎ নিয়ে চলে এলুম। সে আবার যাবার সময় বলে কী, তোমার মনিবের হার্টের ব্যামো আছে নিশ্চয়ই, ডাক্তার দেখাও !’

‘এখন কেমন আছেন উনি ?’

‘এখন অনেকটা ভাল।’ ভদ্রলোক প্ল্যাটফর্মের ঘড়িটার দিকে দৃষ্টি দিয়েই আঁতকে উঠেছেন—‘এত যে লেট হয়ে গেছে সেটা খেয়ালই করিনি। শুনুন মশাই আছেন তো কদিন ? একদিন সব বলব। সে অনেক ব্যাপার। আ—চ্ছা !’

ইতিমধ্যে পুরী এক্সপ্রেস এসে পড়েছিল, গার্ডের হাইসেলের সঙ্গে সঙ্গে ট্রেন ছেড়ে দিল, আর নিশ্চিথবাবুও ভিড়ের মধ্যে মিলিয়ে গেলেন।*

ফেলুদা একটা চটি বই দেখে রেখেছিল, সেটা কিনে নিল। দাম সতরেো পঞ্চাশ। নাম—এ গাইড টু নেপাল।

ফেরার পথে ফেলুদা বলল, ‘আপনারা বৱং আজই ভুবনেশ্বরটা দেখে আসুন। একটা ফিলিং হচ্ছে, আমার এখানে থাকা দরকার। এখনি কিছু হবে বলে মনে হয় না, তবে আবহাওয়া সুবিধের নয়। তা ছাড়া আমার কিছু কাজও আছে। কাঠমাঙ্গুতে একটা ফোন করা দরকার। তথ্যগুলো জট পাকিয়ে যাবার আগে একটু গুছিয়ে ফেলা দরকার।’

আমি ফেলুদার এই মুড়টা ভাল করে জানি। ও এখন গুটিয়ে নেবে নিজেকে, মৌনী হয়ে যাবে। খাটে চিত হয়ে শুয়ে শুন্যে চেয়ে থাকবে। আমি লক্ষ করেছি এই অবস্থায় ওর প্রায় তিন-চার মিনিট ধরে চোখের পাতা পড়ে না। আমরা যদি এ সময়ে ঘরে থাকি তো ফিস্ফিস্ করে কথা বলি। সবচেয়ে ভাল হয় ঘরে না থাকলে। আর ফেলুদার সঙ্গই যদি না পাই তো ভুবনেশ্বরে যেতে ক্ষতি কী ?

আমি লালমোহনবাবুকে ইশ্বরায় বুঝিয়ে দিলাম যে আমাদের যাওয়াই উচিত।

হোটেলের কাছাকাছি যখন পৌঁছেছি তখন দেখি একজন চেনা লোক গেট দিয়ে বেরোচ্ছেন।

‘দেখেছেন, আর এক মিনিট এদিক-ওদিক হলেই আর দেখা হত না,’ বললেন বিলাস মজুমদার।

‘চলুন ওপরে !’

বিলাসবাবু আমাদের ঘরে এসে চেয়ারে বসে কপালের ঘাম মুছলেন।

‘আপনি তো আমার অ্যাডভাইস নিয়েছেন শুনলাম,’ একগাল হেসে বললেন লালমোহনবাবু।

‘শুধু তাই না,’ বললেন ভদ্রলোক, ‘আপনি ঠিক যেমনটি বলেছিলেন একেবারে হ্রহ্র তাই। যাকে বলে ভূত দেখা। আমি তো অপ্রস্তুতেই পড়ে গেস্লাম মশাই। দাঢ়ি সত্ত্বেও লোকটা চিনে ফেলল !’

ফেলুদা বলল, ‘আপনি বোধহয় খেয়াল করেননি যে আপনার চেহারায় একটি বিশেষত্ব আছে যেটা চট করে ভোলবার নয়।’

বিলাসবাবু একটু আবাক হয়ে বললেন, ‘কী বলুন তো ?’

‘আপনার কপালে থার্ড আই,’ বলল ফেলুদা।

‘ঠিক বলেছেন। ওটা আমার খেয়ালই হয়নি। যাকগে, একটা আশ্চর্য ব্যাপার হল, জানেন। লোকটার দশা দেখে ওর ওপর মায়া হল। আর, ওই ঘটনাটার ফলেই বোধহয়, ওঁকে কাঠমাণুতে যেমন দেখেছিলাম তেমন আর উনি নেই। এই ছয়-সাত মাসে বয়স যেন বেড়ে গেছে দশ বছর। আজ দেখা করে খুব ভাল হল। এবার ঘটনাটা মন থেকে মুছে ফেলতে কোনও অসুবিধা হবে না।’

‘এটা সুখবর,’ বলল ফেলুদা—‘শুধু অনুমানের ওপর ভিত্তি করে আপনি বেশি দূর এগোতেও পারতেন না।’

ভদ্রলোক উঠে পড়লেন।

‘আপনাদের প্ল্যান কী?’

ফেলুদা বলল, ‘এঁরা দুজন যাচ্ছেন ভুবনেশ্বর, সন্ধ্যায় ফিরবেন। আমি এখানেই আছি।’

‘আমি ভাবছি কালই বেরিয়ে পড়ব। উড়িষ্যার ফরেস্টগুলো দেখা হয়নি। ...যদি পারি যাবার আগে গুডবাই করে যাব।’

আমাদের বেরোতে বেরোতে সাড়ে বারোটা হলেও, দিনটা ভাল থাকায়, আর চমৎকার রাস্তায় হরিপদবাবু স্পিডোমিটারের কাঁচা ৮০ কিলোমিটারের নীচে নামতে না দেওয়ার দরকন আমরা ঠিক বেয়ালিশ মিনিটে ভুবনেশ্বর পৌঁছে গেলাম।

আমরা প্রথমে চলে গেলাম রাজারানি মন্দির দেখতে, কারণ এরই গায়ের একটা যক্ষীর মাথা চুরি হয়ে গিয়েছিল, আর ফেলুদা তার আশ্চর্য গোয়েন্দাগিরির ফলে সেটা উদ্ধার করে দিয়েছিল। সেটাকে মন্দিরের গায়ে চিনতে পেরে শিরদাঁড়ায় এমন একটা শিহবন খেলে গেল যে বলতে পারি না।

অবিশ্যি মন্দির তো শুধু ওই একটাই নয়—লিঙ্গরাজ, কেদারগৌরী, মুক্তেশ্বর, ব্রহ্মেশ্বর, ভাস্করেশ্বর আর আরও কত যে সৈক্ষণ্য তা মনেও নেই। লালমোহনবাবুর আবার সবগুলো দেখা চাই, কারণ এথিনিয়াম ইমসিটিউশনের সেই কবি-শিক্ষক বৈকুঠন্যাথ মল্লিকের নাকি চার লাইনের একটা গ্রেট পোয়েম আছে ভুবনেশ্বর নিয়ে, যেটা ওঁকে হট করে। মুক্তেশ্বরের চাতালে দাঁড়িয়ে প্রায় চাল্লিশ জন দেশি-বিদেশি টুরিস্টের সামনে উনি সেটা গলা ছেড়ে আবৃত্তি করলেন—

‘কত শত অঞ্জাত মাইকেল এঞ্জেলো
একদা এই ভারতবর্ষে ছেলো—
নীরবে ঘোষিষ্ঠে তাহা ভাস্ত্বে ভাস্ত্ব
ভুবনেশ্বর !’

ভদ্রলোক যাতে কষ্ট না পান তাই আমি মুখে ‘বাঁ’ বললাম, যদিও এঞ্জেলোর সঙ্গে মিল দেবার জন্য ‘ছিল’কে ‘ছেলো’ করাটা আমার মোটেই গ্রেট পোয়েটের লক্ষণ বলে মনে হল না। কথাটা নরম করে ওঁকে বলাতে ভদ্রলোক রেগেই গেলেন।

‘পোয়েটের ব্যাকগ্রাউন্ড না জেনে ভাস্ত্ব ক্রিটিসাইজ করার বদ অভ্যাসটা কোথায় পেলে, তপেশ ? বৈকুঠ মল্লিক চুঁচড়োর লোক ছিলেন। ওখানে ছিলকে ছেলই বলে। ওতে ভুল নেই।’

ভুবনেশ্বর ছিমছাম শহর তাতে সন্দেহ নেই, কিন্তু আমার মতে, সমুদ্র না থাকায় পুরীর পাশে দাঁড়াতে পারে না। কাজেই সাতটা নাগাদ আবার নীলাচল হোটেলে ফিরে আসতে দিয়ি ভাল লাগল।

তিনি ধাপ সিঁড়ি দিয়ে হোটেলের বারান্দায় উঠতেই ম্যানেজার শ্যামলাল বারিক তাঁর ঘর



ପ୍ରକାଶ

থেକେ ହାଁକ ଦିଲେନ ।

‘ଓ ମଶାଇ, ମେସେଜ ଆଛେ ।’

ଆମରା ହଞ୍ଚଦନ୍ତ ହୟେ ଢୁକଳାମ ତାଁର ଘରେ ।

‘ମିତିର ମଶାଇ ଏହି ଦଶ ମିନିଟ ହଲ ବେରୋଲେନ । ବଲଲେନ ଆପନାରା ଯେନ ଘରେଇ ଥାକେନ ।’

‘କୀ ବ୍ୟାପାର ? କୋଥାଯ ଗେଲେନ ?’

‘ଥାନା ଥେକେ ଫୋନ କରେଛିଲ ଓଂକେ । ଡି. ଜି. ସେନେର ବାଡ଼ିତେ ଚୁରି ହୟେଛେ । ଏକଟି ମହାମୂଳ୍ୟ ପୁଁଥି ।’

ଆଶଚର୍ଯ୍ୟ ! ଫେଲୁଦାର ମନ ବଲଛିଲ କିଛୁ ଏକଟା ହବେ, ଆବ ସତିଇ ହୟେ ଗେଲ ।

୮

ସାନ କରେ ଚା ଖେଯେ ଶରୀରେର କ୍ଲାନ୍ଟି ଦୂର ହଲ ଠିକଇ । କିନ୍ତୁ ମନ ଛଟଫଟ, ବୁକେର ଭିତର ଟିପ ଟିପ । ଫେଲୁଦା ତଦନ୍ତେ ଲେଗେ ଗେଛେ । ପୁରୀ ଆମାଦେର ହତାଶ କରେନି ।

କିନ୍ତୁ ସେଇ ସଙ୍ଗେ ଏଓ ମନେ ହଚ୍ଛେ, ଏତେ ଫେଲୁଦାର ଟାଁକେ କିଛୁ ଆସବେ କି ? ଅବଶିଷ୍ୟ କେମେ ତେମନ ଜମାଟି ହଲେ ରୋଜଗାର ହଲ କି ନା ହଲ ସେଟା ଫେଲୁଦା ଭୁଲେ ଯାଯ । ଅନେକ ସମୟ ରୋଜଗାର ଯେଣୁଲୋତେ ହୟ—ମାନେ, ଯେଖାନେ ମକେଲ ଘରେ ଏସେ ଫେଲୁଦାକେ ତଦନ୍ତେର ଭାର ଦେଇ, ସେଖାନେ ପକେଟ ଭରଲେଓ ମନ ଭରେ ନା, କାରଣ ରହସ୍ୟଟା ହୟ ମାମୁଲି । ଆବାର ଏମନ ଅନେକବାର ହୟେଛେ ଯେ ଫେଲୁଦା ଶଖ କରେ ତଦନ୍ତ କରେଛେ, ପୟସା ହୟତୋ କିଛୁଇ ଆସେନି, ଅର୍ଥଚ ରହସ୍ୟ ଜାଟିଲ ହୋଯାତେ ସମାଧାନ କରେ ମନ ମେଜାଜ ମଗଜ ସବ ଏକସଙ୍ଗେ ଚାଙ୍ଗିଯେ ଉଠେଛେ ।

‘କାକେ ସାସପେଟ୍ଟ କରଛୁ ତପେଶ ?’ ଆଟଟା ନାଗାତ ପ୍ରକ୍ଷଣ କରଲେନ ଲାଲମୋହନବାବୁ । ଉନି ଏତକ୍ଷଣ ହାତ ଦୁଟୋକେ ପିଛନେ ଜଡ଼ୋ କରେ ଆମାଦେର ଘରେ ପାଯାଚାରି କରେଛେନ ।

আমি বললাম, ‘চুরি করার সুযোগ সবচেয়ে বেশি নিশ্চীথবাবুর, কিন্তু সেইজন্যেই উনি করবেন বলে মনে হয় না। এ ছাড়া হিসেৱানিৰ তো লোভ ছিলই ওই পুঁথিৰ ওপৰ। বিলাস মজুমদারও টাকা আৱ প্ৰতিশোধেৰ জন্য কৱতে পাৱেন। তাৱপৰ লক্ষণ ভট—’

‘না না না,’ ভীষণভাৱে প্ৰতিবাদ কৱে উঠলেন লালমোহনবাবু। ‘এমন একজন লোককে এৱ মধ্যে টেনো না—প্লিজ। কী অলৌকিক ক্ষমতা ভেবে দেখো তো ভদ্ৰলোকেৰ।’

‘আপনাৰ কী মনে হয়?’ আমি পালটা প্ৰশ্ন কৱলাম।

‘আমাৰ মনে হয় তুমি আসল লোকটাকেই বাদ দিয়ে গেলে।’

‘কে?’

‘সেন মশাই হিমসেলফ।’

‘সে কী? উনি নিজেৰ জিনিস চুৱি কৱতে যাবেন কেন?’

‘চুৱি নয়, চুৱি নয়, পাচাৰ। চোৱাই মাল পাচাৰ কৱলেন অ্যাণ্ডিনে। হিসেৱানি হাইয়াৰ প্ৰাইস অফাৰ কৱেছেন, আৱ উনি বেচে দিয়েছেন। লোককে বলছেন চুৱি।’

আমি ভেবে দেখছিলাম লালমোহনবাবুৰ কথা ঠিক হতে পাৱে কি না, এমন সময় রুম বয় এসে খবৰ দিল যে, আমাৰ টেলিফোন আছে। ফেলুদা।

রুদ্ধিশ্বাসে নীচে গিয়ে ফোন ধৱলাম।

‘কী ব্যাপাৰ?’

‘শ্যামলালবাবু বলেছেন?’

‘হাঁ। কিন্তু কিছু বুঝতে পাৱলে?’

‘নিশ্চীথবাবু হাওয়া।’

‘তাই বুঝি? পুলিশে খবৰ দিল কে?’

‘সে সব গিয়ে বলব। আমি আধ ঘণ্টাৰ মধ্যেই ফিৰিছি। ভুবনেশ্বৰ কেমন লাগল?’

‘ভাল। ইয়ে—’

ফেলুদা ফোন রেখে দিয়েছে।

লালমোহনবাবুকে বললাম। ভদ্ৰলোক মাথা চুলকে বললেন, ‘সিন অফ ক্ৰাইমে একবাৰ গিয়ে পড়তে পাৱলৈ ভালই হত, তবে তোমাৰ দাদা বোধহয় চাইছেন না।’

আৱও এক ঘণ্টা অপেক্ষা কৱেও যখন ফেলুদা এল না, তখন সত্যিই চিন্তা হতে শুৱ কৱল। রুম-বয়কে বলে আৱেক দফা চা আনিয়ে নিলাম। দুজনে পালা কৱে পায়চাৰি কৱিছি। ইতিমধ্যে একটা অন্যায় কাজ কৱে ফেলেছি, কিন্তু না কৱে পাৱলাম না। ফেলুদাৰ খাতাটা খাটেৰ উপৰই ছিল, তাতে আজ দুপুৰে ও কী লিখেছে সেটা দেখে ফেলেছি, যদিও মাথামুঞ্চ কিছুই বুবিনি। ওৱ ধনী ব্যবসায়ী মক্কেল হৱিহৱ জৱিওয়ালাৰ দেওয়া ‘ক্ৰস’ মার্ক ডট পেনে একটা পাতায় ছড়িয়ে লেখা রয়েছে—

ডায়াবিড?—গাউট—সাপ?—কী ফিৰে আসবে? ছেলেকে চেনে না কেন?—কালোডাক? কাকে? কেন?—লাঠি হাতে কে হাঁটে?...

ন'টা নাগাত দৈৰ্ঘ্য ফুৱিয়ে গেল। যা থাকে কপালে বলে দুজন বেৱিয়ে পড়লাম। সাগৱিকা থেকে ফিৰতে হলে ফেলুদা সমুদ্ৰেৰ ধাৰ দিয়ে শৰ্টকাটই নেবে। আমৱা তাই হোটেল থেকে বেৱিয়ে ডাইনেই ঘূৰলাম।

কালও রাত্ৰে রেলওয়ে হোটেল থেকে সমুদ্ৰেৰ ধাৰ ধৱে ফিৱাৰ সময় মনে হয়েছে, দিনে আৱ রাতে কত তফাত। টেউমেৰ গৰ্জন যেমন দিনে তেমনি রাতিৱেও চলে, কিন্তু রাত্ৰে সমস্ত ব্যাপাৰটা আবছা অন্ধকাৰে ঘটে বলে গা ছমছম কৱে অনেক বেশি। প্ৰকৃতিৰ কী অস্তুত খেয়াল। জলেৱ ফসফৱাস না থাকলে এমন মেঘলা রাতিৱে কি টেঙ্গুলো দেখা

যেত ?

দূরে বাঁয়ে আকাশটা যে ফিকে হয়ে আছে, সেটা শহরের আলোর জন্য। সামনে দূরের টিমাটিমে আলোর বিন্দুগুলো নিশ্চয় নুলিয়া বস্তির।

আমরা দুজনে যতটা পারা যায় জল দূরে রেখে বাঁদিক ধরে চলতে লাগলাম। টেউয়ের ফেনা আমাদের বিশ-পাঁচিশ হাত দূর অবধি গড়িয়ে এসে থেমে যাচ্ছে। লালমোহনবাবুর সঙ্গে টর্চ আছে, কিন্তু অপ্রয়োজনে সেটা ব্যবহার করার কোনও মানে হ্যন না।

আজ সারাদিন বৃষ্টি না হওয়ায় বালি শুকনো কিন্তু তাও পা বসে যায়। এ বালি দিঘার মতো জমাট নয় যে প্লেন ল্যান্ড করবে। লালমোহনবাবু কেড়স পরেছেন, আর আমি চপ্পল। এই চপ্পলেই হঠাতে জানি কীসের সঙ্গে ঠোকৰ খেলাম, আর খাওয়ার সঙ্গে সঙ্গে মুখ খুবড়ে বালিতে। লালমোহনবাবুও ‘কী হল, কী হল’ করে এগিয়ে এসে কীসে জানি বাধা পেয়ে হড়মুড়িয়ে পড়ে দুবার ‘হেলপ্ হেলপ্’ বলে বিকট চিন্কার করে উঠলেন। আমি ধরা গলায় বললাম, ‘আমার পেটের নীচে দুটো ঠাঃঁ।’

‘বলো কী !’

আমরা দুজনেই কোনওরকমে উঠে পড়েছি, লালমোহনবাবু টর্চটা জ্বালাতে চেষ্টা করে পারছেন না বলে সেটার পিছনে থাবড়া মারছেন।

একটা গোঙানির শব্দ, আর তারপর একটা মানুষের শরীর বালি থেকে উঠে বসল। চোখে যত না দেখছি, তার চেয়ে বেশি আন্দাজে বুঝছি।

‘হাতটা দে—’

ফেলুন্দা !

আমি ডান হাতটা বাড়লাম। ফেলুন্দা সেটা ধরে এক ঘটকায় উঠে দাঁড়িয়ে কিছুক্ষণ আমার পিঠে হাত রেখে টেলল।

টর্চ জ্বলেছে। লালমোহনবাবু কাঁপা হাতে আলোটা ফেলুন্দার মুখে ফেললেন। ফেলুন্দা নিজের ডান হাতটা সাবধানে মাথার উপর রেখে যন্ত্রণায় মুখটা বিকৃত করে হাতটা নামিয়ে নিল।

টর্চের আলোতে দেখলাম হাতের তেলোয় রক্ত।

‘ফে ফ্-ফেটে গেছে ?’ ফাটা গলায় প্রশ্ন করলেন জটায়ু।

কিন্তু ফেলুন্দার চোখে ভ্রুকুটি। —‘কী রকম হল ?’

ফেলুন্দাকে এত হতভম্ব হতে দেখিনি কখনও। ও নিজের পকেট থেকে ছোট্ট টর্চটা বার করে এদিক ওদিক ফেলল। এক জোড়া জুতো পরা পায়ের ছাপ ফেলুন্দা যেখানে পড়েছিল তার পাশ থেকে চলে গেছে উচু পাড়টার দিকে, যেখানে বালি শেষ হয়ে গেছে।

আমরা এগিয়ে গেলাম পায়ের ছাপ ধরে। পাড় এখানে বুক অবধি উঁচু। উপরে ঘাস আর বোপড়া। কাছাকাছির মধ্যে বাড়ি-টাড়ি নেই। যেখানে লোকটা ওপরে উঠে গেছে, সেখানে বালিতে কিছু ঘাসের চাবড়া পড়ে থাকতে দেখে বুঝলাম, লোকটাকে বেশ কসরত করে উঠতে হয়েছে।

ফেলুন্দা হোটেলমুখো ঘুরল, আমরা তার পিছনে।

‘আপনি কতক্ষণ এই ভাবে পড়ে ছিলেন বলুন তো ?’ লালমোহনবাবুর গলার স্বর এখনও স্বাভাবিক হয়নি। ফেলুন্দা রিস্টওয়াচের ওপর টর্চ ফেলে বলল, ‘প্রায় আধ ঘণ্টা।’

‘মাথায় তো স্টিচ দিতে হবে মনে হচ্ছে।’

‘না,’ বলল ফেলুদা। —‘আমার মাথায় শুধু বাড়ি লেগেছে, জখম হয়নি।’

‘তা হলে রক্ত—?’

ফেলুদা কোনও জবাব দিল না।

৯

হোটেলে এসে মাথায় বরফ দিয়ে ফেলুদার ব্যথাটা কমল। এই কীর্তির জন্য কে দায়ী সে সম্বন্ধে ফেলুদার কোনও ধারণা নেই। সাগরিকা থেকে ফেরার পথে জনমানবশূন্য বিচে হঠাতে চোখের উপর আচমকা টর্চের আলো, আর তারপরেই মাথায় বাড়ি। ফেলুদা ফোন করে মহাপ্রাকে ঘটনাটা বলায় ভদ্রলোক বললেন, ‘আপনি একটু বুঝে-সুবে চলুন মশাই। কিছু অত্যন্ত বেপরোয়া লোক যে আশেপাশে ঘোরাফেরা করছে তাতে কোনও সন্দেহ নেই। আপনি চুপচাপ থেকে পুরো ব্যাপারটা আমাদের হ্যান্ডল করতে দিলে সবচেয়ে ভাল হয়। ফেলুদা উত্তরে বলে যে এই ঘটনাটা ঘটবার আগে সেটা বললে ও হয়তো ভেবে দেখতে পারত, এখন টু লেট।

রাত্রে খাওয়া সেবে ঘরে এসেছি, ঘড়িতে বলছে পৌনে এগারোটা, এমন সময় শ্যামলাল বারিক একটি ভদ্রলোককে নিয়ে আমাদের ঘরে ঢুকলেন। বছর চলিশেক বয়স, ফরসা ফিটফাট চেহারা, চোখে পুরু কালো ফ্রেমের চশমা। শ্যামলালবাবু বললেন, ‘ইনি আধ ষষ্ঠা হল অপেক্ষা করছেন। আপনারা খাচ্ছিলেন, তাই আর ডিস্টাৰ্ব কৰিনি।’

ভদ্রলোককে বিসয়ে শ্যামলালবাবু বিদ্যায় নিলেন।

আগস্তক ফেলুদার দিকে চেয়ে হেসে বললেন, ‘আমি আপনার নাম শুনেছি। ইন ফ্যাট্ট, আপনার কীর্তিকলাপ পড়ার দরুন এঁদের দুজনকেও চিনতে পারছি। আমার নাম মহিম সেন।’

ফেলুদার ভুরু ঝুঁককে গেল। ‘তার মানে—?’

‘দুর্গাগতি সেন আমার বাবা।’

আমরা তিনজনেই চুপ। ভদ্রলোকই কথা বলে চললেন।

‘আমি এসেছি আজই দুপুরে। মোটরে। আমাদের কোম্পানির একটা গেস্ট হাউস আছে, সেখানে উঠেছি।’

‘আপনার বাবার সঙ্গে দেখা করেননি?’ ফেলুদা জিজ্ঞেস করল।

‘ফোন করেছিলাম এসেই। ওঁর সেক্রেটারি ধরেছিলেন। আমি আমার পরিচয় দিলাম। উনি বাবার সঙ্গে কথা বলে জানালেন বাবা ফোনে আসতে চাইছেন না।’

‘কারণ?’

‘জানি না।’

ফেলুদা বলল, ‘আপনার বাবার সঙ্গে কথা বলে আমার ধারণা হয়েছে, তিনি আপনার প্রতি খুব প্রসন্ন নন। কেন, সেটা আপনি অনুমান করতে পারছেন না?’

ভদ্রলোক ফেলুদার অফার করা চারমিনার প্রত্যাখ্যান করে নিজের একটা রথম্যান ধরিয়ে বললেন, ‘দেখুন, বাবার সঙ্গে আমার খুব একটা মেলামেশা কোনওদিনও ছিল না; তাই বলে অসম্ভাবণ্য ছিল না। আমি ওঁর হবি সম্বন্ধে কোনওদিন বিশেষ ইন্টারেস্ট দেখাইনি; আর্টের চোখ আমার নেই। আমি থাকি কলকাতায়; কোম্পানির কাজে বছরে বার-দুয়েক বিদেশে যেতে হয়। চিঠি লিখে সব সময়ই উত্তর পেয়েছি, তা পোস্টকার্ডে দুটো লাইনই হোক।

বাবা এখানে আসবার পর দুবার আমি আর আমার স্ত্রী ওঁরই বাড়ির দোতলায় হপ্তা-দুয়েক করে থেকে গেছি । আমার একটি বছর আটকের ছেলে আছে, তাকে উনি অত্যন্ত মেহ করেন । কিন্তু এবার যেটা করলেন সেটা আমার কাছে একেবারে রহস্য । বাবার মতো শক্ত লোকের বাষটি বছরে ভীমরতি ধরবে এটা বিশ্বাস করা কঠিন । কোনও তৃতীয় ব্যক্তি এর জন্য দায়ী কি না তাও জানি না । তাই যখন শুনলাম আপনি এসে রয়েছেন পুরীতে, ভাবলাম একবার দেখা করে যাই । ’

‘আপনার বাবার সেক্রেটারিটি কদিন রয়েছেন ?’

‘তা বছর চারেক হবে । আমি সেভেনটি সিরে এসে ওঁকে দেখেছি । ’

‘কী রকম লোক বলে মনে হয়েছে আপনার ?’

‘আমার পক্ষে বলা শক্ত । এটুকু বলতে পারি যে চিঠি টাইপ করা ইত্যাদি মোটামুটি জানলেও, বাবা ওঁর সঙ্গে কথা বলে নিশ্চয়ই আনন্দ পেতেন না । ’

‘তা হলে আপনাকে খবর দিই—আপনার বাবার সংগ্রহের সবচেয়ে মূল্যবান পুঁথিটি আজ চুরি হয়েছে । এবং সেই সঙ্গে সেক্রেটারিও উধাও । ’

মহিমবাবুর মুখ হাঁ হয়ে গেল ।

‘বলেন কী ! আপনি গিয়েছিলেন ওখানে ?’

‘আজ্ঞে হাঁ । ’

‘কী রকম দেখলেন বাবাকে ?’

‘স্বত্বাবতই মুহূর্মান । ওঁর দুপুরে ওষুধ খেয়ে ঘুমোনোর অভ্যাস হয়েছে আজকাল ; আগে ছিল কি না জানি না । আজ বিকেলে সাড়ে ছাঁটায় নাকি একজন আমেরিকান ভদ্রলোকের আসবার কথা ছিল । নিশ্চিথবাবুই অ্যাপয়েন্টমেন্টের ব্যাপারটা দেখেন, কেউ এলে উনিই সঙ্গে করে নিয়ে যান । আজ উনি ছিলেন না । চাকর ছিল, সে-ই সাহেবকে নিয়ে যায় ওপরে । আপনার বাবা সাধারণত সাড়ে চারটের মধ্যে উঠে পড়েন, কিন্তু আজ উঠতে হয়ে গেছিল প্রায় ছাঁটা । যাই হোক, সাহেব পুরি দেখতে চায় । মিঃ সেন আলমারির দেরাজ খুলে দেখেন শালুর মোড়ক ঠিকই আছে, কিন্তু তার ভিতরে রয়েছে দুটো কাঠের মাঝখানে ফালি করে কাটা এক গোছা সাদা কাগজ । আপনার বাবা খুবই বিচলিত হয়ে পড়েন, শেষটায় ওই আমেরিকানই পুলিশে ফোন করেন । ’

‘কিন্তু তার মানে নিশ্চিথবাবুই কি— ?’

‘তাই তো মনে হচ্ছে । ভদ্রলোকের সঙ্গে সকালে স্টেশনে দেখা হয়েছিল । এখন মনে হচ্ছে টিকিট কিনতে গিয়েছিলেন ; কারণ ওঁর ঘরে সুটকেস-বেড়ি নেই । স্টেশনে গিয়েছিল পুলিশ, কিন্তু ততক্ষণে পুরী এক্সপ্রেস, হাওড়া প্যাসেঞ্জার দুটোই চলে গেছে । অবিশ্যি ওরা পরের স্টেশনগুলোতে খবর পাঠিয়ে দিয়েছে । ’

আমরা তিনজনেই চুপ । এর মধ্যে এত ঘটনা ঘটে গেছে শুনে মাথা ভোঁ ভোঁ করছে ।

‘আপনার বাবা গত বছর নেপালে গিয়েছিলেন সে খবর জানেন ?’

মহিমবাবু বললেন, ‘অগাস্টের পর গিয়ে থাকলে জানার কথা নয়, কারণ আমি তখন থেকে সাত মাস দেশের বাইরে । বাবা পুরির খোঁজে অনেক জায়গায় যেতেন । কেন, নেপালে কী হয়েছিল ?’

ফেলুদা এ প্রশ্নের কোনও জবাব না দিয়ে বলল, ‘আপনার বাবার গাউট হয়েছে এটাও কি আপনার কাছে নতুন খবর ?’

মহিমবাবু যেন আকাশ থেকে পড়লেন ।

‘গাউট ? বাবার গাউট ?’

‘বিশ্বাস করা কঠিন ?’

‘খুবই । গত বছর মে মাসেও দেখেছি বাবা ভোরে আর সন্ধিয় সমুদ্রের ধারে বালির উপর দিয়ে হনহনিয়ে হেঁটে চলেছেন । ওনার খাওয়া-দাওয়া ছিল পরিমিত, ড্রিংক করতেন না, কোনওরকম অনিয়ম করতেন না । স্বাস্থ্য নিয়ে ওঁর একটা অহংকার ছিল । বাবার গাউচ হলে খুবই আশ্চর্য হব, এবং খুবই ট্রাজিক ব্যাপার হবে ।’

‘এটাই কি ওঁর বর্তমান মানসিক অবস্থার কারণ হতে পারে ?’

‘তা তো পারেই’ বেশ জোরের সঙ্গে বললেন মহিমবাবু । ‘নিজেকে পঙ্কু বলে মেনে নেওয়াটা বাবার পক্ষে খুবই কঠিন হবে ।’

ফেলুদা বলল, ‘আমি রয়েছি আরও কয়েকদিন । দেখি যদি কিছু করতে পারি । আমার কাছে অনেক কিছুই এখনও পর্যন্ত ধোঁয়াটে ।’

মহিমবাবু উঠে পড়ে বললেন, ‘আমি এসেছি বাবার সঙ্গে আমাদের পুরনো ব্যবসা সংক্রান্ত কিছু জরুরি ব্যাপার নিয়ে আলোচনা করতে । সেটা যদিন না সম্ভব হচ্ছে, তদিন আমাকেও থাকতে হবে ।’

ভদ্রলোক চলে যাবার পর শুতে শুতে প্রায় বারোটা হল ।

পাশের ঘর থেকে লালমোহনবাবু গুড়নাইট করতে এলেন, যেমন রোজই আসেন । ওঁর রুমমেট আজ সকালে চলে গেছেন, উনি এখন একা । বললেন, ‘ভাল কথা, আপনি তো আজ কাঠমাণুতে ফোন করেছিলেন ।’

‘তা করেছিলাম ।’

‘কী ব্যাপার মশাই ?’

‘বীর হাসপাতালের ডাঃ ভার্গবকে জিজেস করলাম, গত অক্টোবরে বিলাস-মজুমদার নামে কোনও ব্যক্তি হেভি ইনজুরি নিয়ে হাসপাতালে ভর্তি হয়েছিল কি না ।’

‘কী বললেন ?’

‘বললেন, হ্যাঁ । শিন্বোন, কলারবোন, পাঁজরার হাড়, থুতনি—সব বললেন ।’

‘আপনার বুঝি মজুমদারের কথা বিশ্বাস হয়নি ?’

‘সদেহ জিনিসটা গোয়েন্দাগিরির একটা অপরিহার্য অঙ্গ লালমোহনবাবু । কেন, আপনার গল্পের গোয়েন্দা প্রথর রুদ্ধ কি ওই বাতিক থেকে মুক্ত ?’

‘না না, তা তো নয়—মোটেই নয়...’ বিড়বিড় করতে করতে ভদ্রলোক ফিরে গেলেন ওঁর ঘরে ।

বেশি রাত হলেই সমুদ্রের গর্জন শোনা যায় আমাদের ঘর থেকে । আমি জানি ফেলুদার মনের মধ্যেও ঢেউয়ের ওঠা-নামা চলেছে, যদিও বাইরে দেখছি শাস্ত গান্ধীর্য । এটাও অবিশ্য সমুদ্রেরই একটা রূপ । এই রূপটা নুলিয়ারা দেখতে পায় মাছের নৌকো করে ব্রেকারস পেরিয়ে গেলে পর ।

‘ওটা কী ফেলুদা ?’

বেডসাইড ল্যাস্পটা নেভাতে গিয়ে দেখি ফেলুদা পকেট থেকে একটা চ্যাপটা চৌকো ব্রাউন রঙের জিনিস বার করে দেখছে ।

‘ভাল করে দেখে বুঝলাম সেটা একটা মানিব্যাগ ।

ব্যাগটার ভিতর থেকে কয়েকটা দশ টাকার মোট বার করে অন্যমনস্ক ভাবে দেখে সেগুলো আবার ভিতরে পুরে দিয়ে ফেলুদা বলল, ‘এটা মিশীথবাবুর দেরাজে কিছু কাগজপত্রের তলায় ছিল । আশ্চর্য ! লোকটা বাক্স বিছানা নিয়েছে, অথচ পার্সটাই ভুলে গেছে ।’

চোখ খুলতেই যখন দেখলাম ফেলুদা যোগ ব্যায়াম করছে, তখন বুঝলাম সূর্য উঠতে এখনও অনেক দেরি। অথচ এটা জানি যে ও অনেক রাত পর্যস্ত ল্যাম্প জ্বালিয়ে কাজ করেছে।

একটা শব্দ শুনে বারান্দার দিকের জানালাটার দিকে চাইতে দেখি, লালমোহনবাবুও এরই মধ্যে উঠে পড়ে টুথব্রাশে ওঁর প্রিয় লাল সাদা ডোরাকাটা সিগন্যাল টুথপেস্ট লাগাচ্ছেন। বুঝলাম, আমাদের দুজনের মনের একই অবস্থা।

ফেলুদা ব্যায়াম শেষ করে বলল, ‘চা খেয়েই বেরিয়ে পড়ব।’

‘কোথাও যাবার আছে বুঝি?’

‘মাথাটা পরিষ্কার করা দরকার। বিশালহের সামনে পড়লে স্টো সময় সময় হয়। তোরের সমুদ্রের দিকে চাইলেই একটা টনিকের কাজ দেয়।’

বেরোবার আগে শ্যামলাল বায়িকের ঘরে গিয়ে ফেলুদা বলল, ‘শুনুন, কয়েকটা ব্যাপার আছে। নেপালে একটা কল বুক করতে হবে, এই নিন নম্বর। আর মহাপাত্রের কাছ থেকে কোনও মেসেজ এলে রেখে দেবেন। আর, হ্যাঁ—এখানে খুব ভাল আলোপ্যাথিক ডাক্তার কে আছে?’

‘কটা চাই? আপনি কি ভাবছেন অজ পাড়াগাঁয়ে এসে পড়েছেন?’

‘বুড়ো হাবড়া হলে চলবে না। ইয়াঁ চৌকস ডাক্তার চাই।’

‘বেশ তো, ডাঃ সেনাপতি আছেন। গ্র্যান্ড রোডে উৎকল কেমিস্টে চেম্বার আছে। সকালে দশটার পর গেলেই দেখা পাবেন।’

আমরা বেরিয়ে পড়লাম।

সমুদ্রের ধারে স্নানের লোক এখনও কেউ আসেনি, শুধু নুলিয়া ছাড়া আর কোনও মানুষ দেখা যাচ্ছে না। পুরের আকাশ ফিকে নাল, ছাই রঙের মেঘের টুকরোগুলোর নীচের দিকটা গোলাপি হয়ে আসছে। সমুদ্র কালচে নীল, শুধু তীরে এসে ভাঙা চেড়য়ের মাথাগুলো সাদা।

প্রথমদিন এসে যে তিনটে নুলিয়া ছেলেকে তীরে বসে খেলতে দেখেছিলাম, কাঁকড়া সম্বন্ধে তাদের ভীষণ কোতুহল। ওই কাঁকড়াই হল লালমোহনবাবুর মতে পূরীর সমুদ্রতটের একমাত্র মাইনাস পয়েন্ট।

‘কী নাম রে তোর?’

তিনটে নুলিয়া ছেলের একটার মাথায় পাগড়ির মতো করে বাঁধা লাল কাপড় ; সে ফেলুদার প্রশ্নে দাঁত বার করে হেসে বলল, ‘রামাই, বাবু।’

আমরা এগিয়ে চললাম। লালমোহনবাবুর কবিত্বভাব জেগে উঠেছে, বললেন, ‘এই উন্মুক্ত উদার পরিবেশে রক্তপাত! ভাবা যায় না মণাই।’

‘হ্যাঁ—ব্লাস্ট ইন্স্ট্রুমেন্ট...’ অন্যমনক্ষত্রাবে বলল ফেলুদা। আমি জানি অস্ত্র দিয়ে খুনটা সাধারণত তিন রকমের হয়। এক হল আম্পেয়ান্ট দিয়ে—যেমন রিভলভার পিস্টল ; দুই : শার্প ইন্স্ট্রুমেন্ট, যেমন ছোরা-ছুরি-চাকু ইত্যাদি ; তিন হল ব্লাস্ট ইন্স্ট্রুমেন্ট বা ভোঁতা হাতিয়ার, যেমন ডাঙা জাতীয় কিছু। বেশ বুঝতে পারলাম ফেলুদা কাল রাত্রে ওর মাথায় বাড়ি লাগার কথাটা ভাবছে। সত্যি, ভাবলে রক্ত জল হয়ে যায়। তাগে আঘাতটা মোক্ষম হয়নি।

‘ফুটপ্রিন্টস...’ ফেলুদা বলে উঠল।

একটু এগিয়ে গিয়েই দেখতে পেলাম টাটকা পায়ের ছাগ। জুতো, আর সেই সঙ্গে বাঁ

হাতে ধরা লাঠি ।

‘বিলাসবাবু খুব আলি রাইজার বলে মনে হচ্ছে’, মন্তব্য করলেন লালমোহনবাবু ।

‘বিলাসবাবু ? বিলাসবাবু বলে মনে হচ্ছে কি ? দেখুন তো ভাল করে—দূরে সামনের দিকে দেখিয়ে বলল ফেলুন ।

এত দূর থেকেও বুঝতে পারলাম, যিনি বালিতে দাগ ফেলতে ফেলতে এগিয়ে চলেছেন তিনি মোটেই বিলাসবাবু নন ।

‘তাই তো !’ বললেন লালমোহনবাবু, ‘ইনি তো দেখছি আমাদের সেনসেশন্যাল সেন সাহেব !’

‘ঠিক ধরেছেন। দুর্গাগতি সেন !’

‘কিন্তু তা হলে গেঁটে বাত ?’

‘সেইখানেই তো ভেলকি ! লক্ষণ ভট্টাচার্যের ওযুধের গুণ বোধহয় !’

মনে ধাঁধাটে ভাব নিয়ে আবার হাঁটা শুরু করলাম। রহস্যের পর রহস্য যেন টেউয়ের পর টেউ।

বাঁয়ে রেলওয়ে হোটেল দেখা যাচ্ছে। ডাইনে গোটা পাঁচেক নুলিয়া আর সুইমিং ট্রাঙ্কস পরা তিনজন সাহেব। তার মধ্যে একজন ফেলুদার দিকে হাত তুললেন।

‘গুড মর্নিং !’

আন্দাজে বুঝলাম ইনিই কালকের সেই পুলিশকে ফোন করা আমেরিকান।

আমরা এগিয়ে গেলাম। ওই যে হিসেবানি আসছেন, কাঁধে তোয়ালে। ভারী অপ্রসন্ন মনে হচ্ছে ভদ্রলোককে। আমাদের দিকে দেখলেনই না।

আমার মন কেন জানি বলছে ফেলুদা সাগরিকায় যাচ্ছে, কারণ ও সমুদ্রের ধারের বালি ছেড়ে বাঁয়ে ঢ়াইয়ে উঠতে শুরু করেছে। সূর্যের আধখানা কিন্তু এর মধ্যেই উঠে বসে আছে। ফেলুদার মাথা বিশালহের সামনে পড়ে পরিষ্কার হয়েছে কি ?

‘প্রাতঃপ্রণাম !’

গণকার মশাই এগিয়ে এসেছেন বালির উপর দিয়ে, লুঙ্গিটা খাটো করে পরা, কাঁধে তোয়ালে, হাতে নিমের দাঁতন।

‘কাল কোথায় ছিলেন ?’ ফেলুদা জিজ্ঞেস করল।

‘কখন ?’

‘সক্রবেলা ; আপনার খোঁজ করেছিলাম।’

‘ওহো ! কাল গেসলাম কের্তন শুনতে ! মঙ্গলাঘাট রোডে একটা কের্তনের দল আছে ; মাঝে-মধ্যে যাই ।’

‘কখন গিয়েছিলেন ?’

‘আমার তো ছটার আগে ছুটি নেই। তারপরেই গেসলাম !’

‘আপনি তো ও বাড়ির বাসিন্দা, তাই ভাবছিলাম চুরির ব্যাপারে যদি কোনও আলোকপাত করতে পারেন। আপনার ঘর থেকে পশ্চিমের গলিটা তো দেখা যায়।’

‘তা তো যাইষ্ট, তবে পশ্চিমের গলিতে যা দেখেছি তাতে খুব অবাক হইনি,’ বললেন লক্ষণ ভট্টাচার্য। ‘নিশীথবাবুকে দেখলাম তলিতলা নিয়ে বেরুতে। তা উনি যে কলকাতায় যাবেন সেটা তো কদিন থেকেই ঠিক ছিল।’

‘তাই বুঝি ?’

‘ওঁর মা-র যে এখন-তখন অবস্থা ! টেলিগ্রাম এসেছিল কদিন আগে।’

‘বটে ? আপনি দেখেছিলেন সে টেলিগ্রাম ?’

‘শুধু আমি কেন ? সেন মশাইও দেখেছিলেন ।’

ফেলুদা অবাক ।

‘আশ্চর্য ! সেন মশাই তো সে কথা বললেন না ।’


‘সে আর কী বলব বলুন ! উনি মানুষটা কী রকম সেটা তো আপনারাও দেখলেন ।
দুর্ভোগ আছে আর কী । কপালের লিখন খণ্ডয় কার সাধ্য বলুন !’

‘আপনি মিঃ সেনেরও ভাগ্য গণনা করেছেন নাকি ?’ ভারী ব্যস্ত হয়ে জিজেস করলেন
লালমোহনবাবু ।

‘এ তল্লাটে কার করিনি ? কিন্তু করলে কী হবে ? সবাইকে তো আর সব কথা বলা যায়
না । অবিশ্যি ব্যারাম-ট্যারামের লক্ষণ দেখলে বলি ; তাই বলে, আপনি খুন করবেন, আপনার
জেল হবে, ফাঁসি হবে, অপঘাতে মৃত্যু আছে আপনার—এ সব কি বলা যায় ? তা হলে আর
কেউ আসবে না মশাই । আসলে লোকে ভালটাই শুনতে চায় । তাই অনেক হিসেব করে
চেকে-চুকে বলতে হয় ।’

লক্ষণ ভট্টাচার্য বিদায় জানিয়ে সমুদ্রের দিকে চলে গেলেন । আমরা এগিয়ে চললাম
সাগরিকার দিকে । সকালের রোদ পড়ে বাড়িটাকে সত্যিই সুন্দর দেখাচ্ছে ।

‘হ্যাপুরী’, বললেন লালমোহনবাবু ।



‘সে কী মশাই?’ প্রতিবাদের সুরে বলল ফেলুদা, ‘হত্যা কোথায় হল যে হত্যাপূরী
বলছেন? বরং চুরিপুরী বলতে পারেন।’

‘নট সাগরিকা,’ বললেন লালমোহনবাবু। —‘আমি এ দিকের বাড়িটার কথা বলছি।’

সাগরিকা থেকে আন্দজ ত্রিশ গজ এই দিকে বালিতে বসে যাওয়া এই বাড়িটার কথা
আগেই বলেছি। লালমোহনবাবু খুব ভুল বলেননি। এমনিতেই পোড়া নোনাধরা বাড়ি
দেখলে কেমন গা ছমছম করে, এটার আবার তলার দিকের হাত-পাঁচেক বালিতে বসে
যাওয়াতে, আর কাছাকাছি অন্য কোনও বাড়ি না থাকতে সত্যিই বেশ ভুতুড়ে মনে হচ্ছিল।
দিনের বেলাতেই এই রাত্রে না জানি কী রকম হবে।

অন্যান্য দিন বাড়িটাকে পাশ কাটিয়ে যাই, আজ একটু কাছ থেকে দেখার লোভ সামলাতে
পারল না বোধহয় ফেলুদা। ফটকের থামগুলো এখনও রয়েছে, তার একটার গায়ে কালসিটে
মেরে যাওয়া শ্বেতপাথরের ফলকে লেখা ‘ভুজঙ্গ নিবাস’। বালি আর এক হাত উঠলেই
ফলকটা ঢাকা পড়ে যাবে। ফটক পেরিয়ে বোধহয় এককালে একটা ছেটু বাগান ছিল,
তারপরেই সিঁড়ি উঠে গিয়ে বারান্দা। সিঁড়ির শুধু উপরের দুটো ধাপ বেরিয়ে আছে,
বাকিগুলো বালির নীচে। বারান্দার রেলিং ক্ষয়ে গেছে, হাত যে কেন ধসে পড়েনি জানি
না। বারান্দার পরে যে ঘর, সেটা নিশ্চয়ই বৈঠকখানা ছিল।

‘একেবারে পরিত্যক্ত বলে তো মনে হচ্ছে না,’ ফেলুদা মন্তব্য করল। করার কারণটা
স্পষ্ট। লোকের যাতায়াত আছে, সেটা বারান্দার বালির উপর পায়ের ছাপ থেকে বোঝা
যায়।


‘আর দেশলাইয়ের কাঠি, ফেলুদা।’

একটা নয়, তিন-চারটে। সিঁড়ি উঠেই বারান্দার বাঁ দিকের থামটার পাশে।

‘সমুদ্রের হাওয়ায় সিগারেট ধরাতে গেলে কাঠি খরচা একটু বেশি হবেই।’

আমরা ফটকের মধ্যে ঢুকলাম। সাংঘাতিক কৌতুহল হচ্ছে বাড়িটার ভিতরে ঢোকার।
দরজা নিশ্চয়ই খোলা যায়, কারণ দমকা বাতাসে সেটা খটখট করে নড়েছে; একেবারে যে
খুলছে না, সেটা ঘরের মেঝেতে জমে থাকা বালিতে বাধা পাওয়ার জন্য।

পায়ের ছাপগুলো ফেলুদা খুব মন দিয়ে দেখল। প্রায় দেখা যায় না বললেই চলে, কারণ



ক্রমাগতই হাওয়ার সঙ্গে বালি এসে তার উপর জমা হচ্ছে।

কিন্তু জুতোর ছাপ তাতে সন্দেহ নেই।

এ ছাড়াও আর একটা জিনিস আছে সেটা পা দিয়ে খানিকটা বালি সরাতেই বেরিয়ে পড়ল।

আমার মনে হল পানের পিক, যদিও লালমোহনবাবুর মতে নিঃসন্দেহে খ্রান্ড।

লালমোহনবাবু একবার মৃদুস্বরে ‘ব্রেকফাস্ট’ কথাটা বলাতে বুবালাম ওঁর আর এগোতে সাহস হচ্ছে না। আমারও বুক টিপ্পটিপ করছে, কিন্তু ফেলুদা নির্বিকার।

‘তা হলে হত্যাপূরীতে একবার প্রবেশ করতে হয়।’

এটা জানাই ছিল। এতদূর এসে পায়ের ছাপটাপ দেখে ফেলুদা চট করে পিছিয়ে যাবে না।

কাঁ—চ শব্দে দরজার দুটো পালাই খুলে গেল ফেলুদার দু হাতের চাপে।

বাদুড়ে গুঞ্জ। বাইরে থেকে ভিতরের কিছুই দেখা যায় না, কারণ ভিতরে জানালা থেকে থাকলেও তা নিশ্চয়ই বন্ধ। আর দরজা দিয়ে যে আলো চুকবে তার পথ আপাতত আমরাই বন্ধ করে রেখেছি।

ফেলুদা চৌকাঠ পেরোল। আমি জানি ঘুটঘুটে রাতির হলেও ও দ্বিধা করত না, তফাত হত এই যে ওর সঙ্গে তখন হয়তো ওর কোন্ট রিভলভারটা থাকত।

‘আসুন ভিতরে।’

আমি চুকে গেছি, কিন্তু লালমোহনবাবু এখনও চৌকাঠের বাইরে। —‘অল ক্লিয়ার কি?’ অস্থাভাবিক রকম চড়া গলায় জিজ্ঞেস করলেন ভদ্রলোক।

‘ক্লিয়ার তো বটেই। আরও ক্লিয়ার হবে ক্রমে ক্রমে। এসে দেখুন না কী আছে ঘরের মধ্যে।’

আমি অবিশ্য এর মধ্যেই দেখে নিয়েছি।

প্রথমেই চোখে পড়েছে একটা টিনের ট্রাঙ্ক আর শতরাঙ্কিতে মোড়া একটা বেড়ি। ঘরের এক পাশে দেয়ালের সামনে যেমন-তেমন করে ফেলে রাখা হয়েছে সে দুটো।

‘পুলিশের পণ্ডশ্রম,’ বলল ফেলুদা, ‘নিশ্চীথবাবু যাননি।’

‘তবে কোথায় গেলেন ভদ্রলোক?’ লালমোহনবাবু অবাক হয়ে জিজ্ঞেস করলেন। ফেলুদা কথাটা গ্রাহ্য করল না।

‘হ্যাঁ—ভেরি ইন্টারেস্টিং।’

ঘরের এক কোণে স্তূপ করে রাখা রয়েছে সরু আর লস্বা-করে কাটা কাঠ, আর পাশেই ফিতেয় মোড়া দিস্তা দিস্তা ফিকে হলদে রঙের সস্তা কাগজ।

‘বলুন তো এ থেকে কী বোঝা যায়,’ ফেলুদা জিজ্ঞেস করল।

‘ও তো পুঁথির কাঠ বলে মনে হচ্ছে। আর ওই, ইয়ে—’

লালমোহনবাবু এত সময় নিচ্ছেন কেন জানি না। আমি বললাম, ‘মনে হচ্ছে নিশ্চীথবাবু একেবারে ব্যবসা খুলে বসেছিলেন—ডামি পুঁথি তৈরি করার। সাইজমাফিক কাগজ কেটে দুদিকে কাঠ চাপা দিয়ে শালুতে মুড়ে দিলে বাইরে থেকে ঠিক পুঁথি।’

‘এগজ্যাস্টলি,’ বলল ফেলুদা—‘আমার বিশ্বাস, সেন মশাইয়ের সব পুঁথিগুলো বার করে খুললে দেখা যাবে তার অনেকগুলোই কেবল সাদা কাগজ। আসলগুলো পাচার হয়ে গেছে হিস্পেরানি সম্প্রদায়ের লোকদের কাছে।’

‘ও হো হো!’—লালমোহনবাবু চেঁচিয়ে উঠলেন—‘সাপ, সাপ! সেদিন একটা কাগজের ফালি দেখেছিলাম সাগরিকার গলিতে—সে তা হলে এই কাগজ! ’



‘নিঃসন্দেহে’ বলল ফেলুদা।

এর পরে যে ঘটনাটা ঘটল সেটা লিখতে আমার হাত না কঁপলেও, বুক কঁপছে।

বৈঠকখানায় চুকেই ডাইনে বাঁয়ে মুখোমুখি দুটো দরজা রয়েছে পাশের দুটো ঘরে যাবার জন্য। লালমোহনবাবু ডান দিকের দরজাটার সামনে দাঁড়িয়ে ছিলেন। আমরা সামনের দরজা খুলে ঢেকাতে সেটা দিয়ে শৌঁ শৌঁ শব্দে সমুদ্রের বাতাস চুকছিল। একটা দমকা হাওয়ার ফলে হঠাতে ডাইনের দরজাটা প্রচণ্ড শব্দে খুলে গেল, লালমোহনবাবু চমকে উঠে খোলা দরজাটার দিকে চাইলেন, আর চাইতেই তাঁর চোখ কপালে উঠে গেল। ভদ্রলোক পড়েই যেতেন যদি না ফেলুদা এক লাফে গিয়ে ওঁকে জাপটে ধরে ফেলত।

এগিয়ে গিয়ে দেখি একটা লোক চোখ উলটে মরে পড়ে আছে পাশের ঘরের মেঝেতে।

তার মাথা থেকে বেরোনো রক্ত চাপ বেঁধে আছে মেঝের উপর ।

লোকটাকে চিনতে কোনওই অসুবিধা হল না ।

ইনি দুর্গাংগতি সেনের সেক্রেটারি নিশ্চীথ বোস ।

১১

ফেলুদার আর ব্রেকফাস্ট খাওয়া হল না ।

রেলওয়ে হোটেল থেকে টেলিফোনে পুলিশ খবর দিয়ে আমরা আমাদের হোটেলে চলে এলাম । ফেলুদা বলল যে ওর দু-একটা কাজ আছে, বিশেষ করে নুলিয়া বস্তিতে একবার যাওয়া দরকার, কাজেই ও একটু পরে ফিরবে । লাশ ছোঁয়াচুঁয়ি না করেই ও বলল যে, বোঝাই যাচ্ছে লোকটাকে মারা হয়েছে একটা ব্লাস্ট ইনস্ট্রুমেন্ট দিয়ে—যদিও সে ধরনের কোনও হাতিয়ার কাছাকাছির মধ্যে পেলাম না ।

লালমোহনবাবু না জেনে ঘোষ্ম নাম দিয়েছিলেন বাড়িটার এটা স্বীকার করতেই হবে, যদিও পরে বলেছিলেন যে পুরী কথাটা বাড়ি অর্থে ব্যবহার করেননি । উনি মিন করেছিলেন পুরী শহর । ‘তিনি দিনের মধ্যে দু-দুটা খুন, হত্যাপুরী ছাড়া আর কী ?’

একটা সুখবর দিয়ে রাখি । দুর্গাংগতিবাবুর সঙ্গে তাঁর ছেলের মিটমাট হয়ে গেছে । অন্তত দেখে তাই মনে হল । আমরা যখন ভুজঙ্গ নিবাস থেকে বেরোচ্ছি, তখন সাগরিকার দিকে চোখ পড়তে দেখি ছাতে দুজন লোক । বাপ আর ছেলে । শুধু তাই নয়, ছেলে আমাদের দিকে হাত নাড়লেন, কাজেই বুরুলাম খোশ মেজাজে আছেন । এটাও আমার কাছে কম রহস্য নয় ।

ফেলুদা যখন ঘরে এসে চুকল তখন পৌনে এগারোটা । আমার মনে পড়ে গেল নেপালে টেলিফোনের কথাটা । বললাম, ‘কলটা পেয়েছিলে ?’

‘এই তো কথা বলে আসছি ।’

‘কলটা কি কাঠমাণুতে করেছিলে ?’

‘উহুঁ পাটন । কাঠমাণুর কাছেই বাঘমতী নদী পেরিয়ে একটা পুরনো শহর ।’

লালমোহনবাবু বললেন, ‘যাই বলুন, লাশের কাছে ভূত কিছুই না । এখনও ভাবলে শিভারিং হচ্ছে ।’

‘সব শিভারিং খরচা করে ফেলবেন না, রাস্তিরের জন্য কিছু হাতে রাখবেন ।’

‘রাস্তিরে ?’

আমরা দুজনেই ফেলুদার দিকে চাইলাম । ও একটা ওমলেটের আধখানা মুখে পুরে দিয়ে বলল, ‘এক পায়ে না হলেও, খাড়া থাকতে হবে আজ রাস্তিরে ।’

‘কোথায় ?’ লালমোহনবাবু জিজ্ঞেস করলেন ।

‘দেখতেই পাবেন ।’

‘কারণটা কী ?’

‘জানতেই পাবেন ।’

লালমোহনবাবু চুপ্সে গেলেন । অবিশ্য এটা ওঁর কাছে নতুন কিছু না ।

‘সেনাপতি দিব্যি শ্মার্ট ডাক্তার,’ বলল ফেলুদা ।

‘তুমি এর মধ্যে ডিস্পেনসারি ঘুরে এলে ?’

‘ভদ্রলোক দুর্গা সেনের ট্রিটমেন্ট করেছেন সেটা জানলাম । এপ্রিলে আমেরিকা ঘুরে এসেছেন । ওশুধটা ওঁরই আনা ।’

‘ডায়াপিড ?’—নামটা মনে ছিল তাই জিজ্ঞেস করলাম ।

‘তোর প্রশ্ন শুনে বুঝতে পারছি ওয়ুধটা তোর কোনও কাজে লাগবে না।’

থানা থেকে কোন এল পৌনে বারোটায়। ডাঙ্গারের রিপোর্ট বলছে, নিশীথবাবু খুন হয়েছেন গতকাল সন্ধ্যা ছটা থেকে রাত আটটার মধ্যে, আর তাঁকে মারা হয়েছে কোনও প্লান্ট ইনস্ট্রুমেন্ট দিয়ে। হাতিয়ার খুঁজে পাওয়া যায়নি। ভুজঙ্গ নিবাসের বাইরে গেটের ধারেই মনে হয় খুনটা হয়েছে, তারপর মৃতদেহ টেনে নিয়ে ওই ঘরে ফেলে দেওয়া হয়, কারণ বারান্দার বালির নীচে রক্তের দাগ পাওয়া গেছে।

আমি একটা জিনিস আন্দাজ করছি, যদিও ফেলুদাকে এ বিষয়ে কিছু বলিনি এখনও। যে লোক নিশীথবাবুকে খুন করেছিল, সে লোকই ফেলুদার মাথায় বাড়ি মেরেছে, আর একই অস্ত্র দিয়ে। তাই ফেলুদার মাথায় রক্ত লেগে ছিল।

সাড়ে বারোটা নাগাত ভাবছি লাক্ষ্মটা সেরে নেওয়া যায় কি না, কারণ লালমোহনবাবু কিছুক্ষণ থেকেই বলছেন রাম্ভাবুর থেকে টেরিফিক পেঁয়াজ-রসুনের গন্ধ পাচ্ছেন, এমন সময় বিলাস মজুমদার এসে হাজির।

‘কী মশাই, যাবেন নাকি?’ ঘরে ঢুকেই ভদ্রলোকের প্রশ্ন।

‘কোথায়?’—ফেলুদা বিছানায় কাত হয়ে শুয়ে কন্টইয়ের উপর ভর দিয়ে ওর খাতায় কী যেন লিখছিল।

‘চুরিস্ট ডিপার্টমেন্টের এয়ার-কন্ডিশন লিমুজিন। ছ জনের জায়গা, মাত্র দুজন যাচ্ছি। আমি, আর একটি অ্যামেরিকান—নাম স্টেডম্যান। ভাবতে পারেন—এও ওয়াইল্ড লাইফ! কেওনবরগড় যাচ্ছে। খুব মিশুকে। ভাল লাগত আপনার।’

‘কখন বেরোচ্ছেন?’

‘লাক্ষ খেয়েই।’

‘না, থ্যাক ইউ?’ বলল ফেলুদা, ‘আমার একটু কাজ আছে। বরং আপনি যদি থেকে যেতেন তো পুরীর ওয়াইল্ড লাইফের কিছুটা নমুনা দেখে যেতে পারতেন।’

‘নো, থ্যাক ইউ?’ হেসে বললেন বিলাস মজুমদার।

ভদ্রলোক ঘর থেকে বেরোনোর মিনিট খানেকের মধ্যেই একটা ভারী অ্যামেরিকান গাড়ির শব্দ পেলাম। বুবলাম গাড়িটা মুখ ঘুরিয়ে উত্তর দিকে চলে গেল।

* * *

শেষ কবে যে চাপা উত্তেজনার মধ্যে এতটা সময় কাটাতে হয়েছে তা ভেবে মনে করতে পারলাম না।

রাত্তিরের খাওয়া সারার প্রায় ঘণ্টা খানেক পর দশটা নাগাত ফেলুদা বলল যে যাবার সময় হয়েছে। সঙ্গে সঙ্গে এটাও বলে দিল যে যদিও ওর মন বলছে যে একটা কিছু ঘটতে পারে, পশুশ্রম যে হবে না এমন কোনও গ্যারান্টি নেই।—‘ফিটফাট শ্বার্ট হয়ে নে। ওসব কুর্তা পায়জামা চলবে না। সাদা জামা চলবে না। অঙ্ককারে গা-ঢাকা দেবার জন্য কী পরতে হয় সেটা আশা করি আর বলে দিতে হবে না।’

‘না। তার দরকার নেই। পার্ক স্ট্রিটের গোরস্থানেও আমাদের ঠিক এই কাজই করতে হয়েছিল।

হোটেল থেকে বেরিয়ে আকাশের দিকে চেয়ে দেখলাম তারা দেখা যাচ্ছে না। লালমোহনবাবু এমনিতেই ঘন ঘন আকাশের দিকে দেখেন, তবে সেটা তারা দেখার জন্য নয়, স্কাইল্যাবের চিহ্ন দেখার জন্য। আজ সম্মুদ্রের দিক থেকে প্রচণ্ড হাওয়া বইছে দেখে বললেন,

‘হাওয়া উলটোমুখো হলে টুকরোগুলো তাও সমুদ্রে পড়ার চান্স ছিল। এখন কিসু বলা যায় না।’

তুজঙ্গ নিবাসের চারিদিকে যদিও বালি, বিচটা কিন্তু বাড়ি থেকে প্রায় পঞ্চাশ-ষাট গজ পুবে। যেখানে বিচ শুরু হয়েছে সেখানে রেলওয়ে হোটেল থেকে যারা স্বান করতে আসে তাদের জন্য বাঁশের ঝুঁটির ওপর হোগলা দেওয়া কয়েকটি ছাউনি রয়েছে। তারই একটার পাশে এসে ফেলুদা থামল।

পশ্চিম দিকের আকাশটা শহরের আলোর জন্য খানিকটা ফিকে, আমাদের পিছনে সমুদ্রের দিকে গাঢ় অঙ্ককার। সামনের দিকে লোক হেঁটে গেলে তাকে ছায়ামূর্তির মতো দেখা যাবে, কিন্তু চেনা যাবে না। সে লোক কিন্তু আমাদের দেখতেই পাবে না।

মনে মনে বললাম, মোক্ষম জ্যোগা বেছেছে ফেলুদা, যদিও কেন বেছেছে জানি না, জিজ্ঞেস করলেও কোনও উত্তর পাব না। ওর এই অভ্যেসটার জন্য লালমোহনবাবু একবার বলেছিলেন, ‘আপনি মশাই সাসপেন্স ফিলিম তৈরি করুন। লোকে দেখে দম ফেলতে পারবে না। কোথায় লাগে হচকিক।’

সাগরিকার তিনতলায় দুর্গাগতিবাবুর ঘরে এখনও আলো জ্বলছে; দোতলার আলো এইমাত্র নিভল। পাঁচিলের উপর দিয়ে লক্ষণ ভট্টাচার্যের একতলার ঘরের জানালার একটি ফালি দেখা যাচ্ছে; বুরাতে পারছি সে ঘরে এখনও আলো জ্বলছে।

আমরা তিনজনেই ছাউনির তলায় বালির উপর বসেছি। কথা বলার কোনও প্রশ্নই ওঠে না, আর বলতে হলেও গল্প-না তুললে হাওয়ায় আর সমুদ্রের গর্জনে কথা হারিয়ে যাবে। চোখ খানিকটা সয়ে এসেছে অঙ্ককারে; ডাইনে চাইলে বেশ বুরাতে পারছি জটায়ুর কানের পাশের চুলগুলো বাতাসে মোরগের ঝুঁটির মতো খাড়া হয়ে উঠেছে। বাঁয়ে ফেলুদা; ও এইমাত্র বাঁ কবজিটা চোখের কাছে এনে ওর বেডিয়াম-ডায়াল ঘড়িটাতে সময় দেখল। তারপর বুঝলাম কোলাতে হাত ঢুকিয়ে একটা জিনিস বার করে ওর চোখের সামনে ধরল।

ওর জাপানি বাইনোকুলার।

ফেলুদা কী দেখছে জানি।

দুর্গাগতি সেনকে দেখা যাচ্ছে ওর শোবার ঘরের জানালায়, কিছুক্ষণ চুপ করে থেকে দু পা বাঁয়ে সরে ডান হাত বাড়িয়ে কী জানি একটা তুললেন।

গেলাস।

কী খেলেন ভদ্রলোক গেলাস থেকে ?

একতলার ঘরে বাতি এইমাত্র নিভে গেছে, এবার তিনতলার বাতি নিভল, আর নিভতেই আমাদের আশেপাশের অঙ্ককার যেন হঠাতে আরও গাঢ় হয়ে গেল।

কিন্তু এখনও আমাদের মধ্যে কেউ নড়াচড়া করলে বেশ বুরাতে পারছি।

যেমন লালমোহনবাবু তাঁর পকেট থেকে টর্চটা বার করলেন।

কিন্তু কেন? কী মতলব ভদ্রলোকের?

আমি ঝুঁকে পড়ে ওর কানের সঙ্গে মুখ লাগিয়ে বললাম, ‘জ্বালাবেন না, খবরদার !’ ভদ্রলোক উত্তরে আমার কানে মুখ এনে বললেন, ‘রান্ট ইনস্টুমেন্ট, হাতে থাক।’

উনি মুখ সরিয়ে নেওয়ার প্রায় সঙ্গে সঙ্গে একটা জিনিস দেখে আমার হৃৎপিণ্ডটা এক লাফে গলার কাছে চলে এল।

ডাইনে হাত দশেক দূরে আরেকটা হোগলাৰ ছাউনি।

তার পাশে একটা লোক দাঁড়িয়ে আছে।

কখন এসেছে জানি না।

ଲାଲମୋହନବାସୁ ଦେଖେଛେ, କାରଣ ଓଁର କାଁପା ହାତ ଥେକେ ଟର୍ଟଟା ଝୁପ ଶବ୍ଦ କରେ ବାଲିର ଉପର ପଡ଼େ ଗେଲ ।

ଆର ଫେଲୁଦା ?

ଓ ଦେଖେନି ।

ଓର ଦୃଷ୍ଟି ସୋଜା ସାଗରିକାର ଦିକେ ।

ଆମିଓ ଜୋର କରେ ଚୋଖ ସେଇ ଦିକେଇ ଘୋରାଳାମ ।

ଆର ତାଇ ବୋଧହ୍ୟ ଫେଲୁଦାର ସଙ୍ଗେ ସଙ୍ଗେଇ ଲୋକଟାକେ ଦେଖତେ ପେଲାମ ।

ସାଗରିକାର ଦିକ ଥେକେ ଲୋକଟା ଆସିବେ ଆମାଦେର ଦିକେ ।

ନା, ଏହି ଦିକେ ନା । ଭୁଜଙ୍ଗ ନିବାସେର ଦିକେ ।

ଲୋକଟାକେ ଚେନାର କୋନାଓ ଉପାୟ ନେଇ ।

ଏଗିଯେ ଏଲ । ଓହି ତୋ ଭୁଜଙ୍ଗ ନିବାସେର ଗେଟେର ଥାମ ।

ଗେଟେର କାହାକାହି ପୌଛେ ଲୋକଟା ହାଁଟାର ଗତି କମାଲ, ତାରପର ହାଁଟା ଥାମଲ ।

ଏବାରେ ଆରେକଟା ଲୋକ । ଏତକ୍ଷଣ ଦେଖିନି । ବୋଧହ୍ୟ ବାଡ଼ିଟାର ଆଡ଼ାଲେ ଦାଁଡ଼ିଯେ ଛିଲ ।

ଦିତୀୟ ଲୋକଟା ପ୍ରଥମ ଲୋକଟାର ଦିକେ ଏଗିଯେ ଗେଲ ।

ଗେଟେର ସାମନେ ଏଥନ ଦୁଜନ ଲୋକ ।

ଏବାର ଦୁଜନେ ଭାଗ ହଲ । ଯେ ସାଗରିକାର ଦିକ ଥେକେ ଏସେଛିଲ ସେ ଆବାର ଫିରେ—

ସର୍ବନାଶ ! ଲାଲମୋହନବାସୁର ଅସାବଧାନ ଆଙ୍ଗୁଲେର ଚାପେ ଓର ପାଗଲା ଟର୍ଚ ଜ୍ଞାଲେ ଉଠେଛେ !

ଫେଲୁଦା ଏକ ଥାପିଡେ ଟର୍ଟଟା ବାଲିତେ ଫେଲେ ଦିଲ, ଆର ସେଇ ମୁହଁରେ ଲାଲମୋହନବାସୁର ଚାର ଇଞ୍ଚିତ ଡାଇନେର ବାଁଶେ ଖୁଟିଟାତେ କାନ-ଫାଟାନୋ ଶବ୍ଦେର ସଙ୍ଗେ ଏକଟା ଗୁଣି ଏସେ ଲାଗଲ ।

‘ତୁହି ଓଟାକେ ଧର !’

ଫେଲୁଦା ହାଉଇୟେ ମତୋ ଲାଫିଯେ ଉଠେ ଛୁଟେ ଗେଛେ ଦିତୀୟ ଲୋକଟାକେ ଲକ୍ଷ୍ୟ କରେ ।

ଆଶର୍ଯ୍ୟ ଏହି ଯେ ଓହି ଏକଟା କଥାତେଇ ଦେଖିଲାମ ଯେ ବିପଦେର ତୋଯାକ୍ତା ନା କରେ ଆମିଓ ନିଃବେଦେ ତୀରବେଗେ ଛୁଟିତେ ଶୁରୁ କରେଛି ବାଲିର ଉପର ଦିଯେ ପ୍ରଥମ ଲୋକଟାକେ ଲକ୍ଷ୍ୟ କରେ ।

ଫେଲୁଦାର ଆର ଆମାର ପଥ ଭାଗ ହେଁ ଗେଲ ।

ରାଗବି ଖେଲାଯ ଯେମନ ଫ୍ଲାଇଂ ଟ୍ୟାକଲ କରେ ଏକଜନ ଖେଲୋଯାଡ଼ ଆରେକଜନେର ଉପର ଝାଁପିଯେ ପଡ଼େ ତାକେ ଜାପଟେ ଧରେ, ଆମିଓ ଠିକ ସେଇ ଭାବେ ଅବ୍ୟର୍ଥ ଲକ୍ଷ୍ୟ ଲୋକଟାର ପା ଦୁଟୋକେ ଜାପଟେ ଧରିଲାମ ।

ଲୋକଟା ହମଡ଼ି ଖେଯେ ପଡ଼ିଲ ବାଲିର ଉପର । ଆମି ଲୋକଟାର ପିଠେ, ଆମାର ଦୃଷ୍ଟି ଘୁରେ ଗେଛେ ଫେଲୁଦାର ଦିକେ ।

ଏକଟା ହାଡ଼େ-ହାଡ଼େ ସଂଘରେ ଶବ୍ଦେର ସଙ୍ଗେ ଫିକେ ଆକାଶେର ସାମନେ ଦେଖିଲାମ ଏକଟା ଛାଯାମୂର୍ତ୍ତି ଆରେକଟା ଛାଯାମୂର୍ତ୍ତିକେ ଘୁସି ମେରେ ଧରାଶାୟୀ କରଲ ।

ଇତିମଧ୍ୟେ ଲାଲମୋହନବାସୁ ଏସେ ପଡ଼େଛେ, ଏବଂ ଏସେଇ ମହା ବିକ୍ରମେ ଆମାର ହାତେ ବନ୍ଦି ଲୋକଟାର ମାଥା ଲକ୍ଷ୍ୟ କରେ ତାହାର ହାତେର ବ୍ଲାନ୍ଟ ଇନସ୍ଟ୍ରୁମେନ୍ଟଟା ନିକ୍ଷେପ କରେଛେ । ଏକଟା ଭୋତ୍ତା ଶବ୍ଦେ ବୋର୍ଦା ଗେଲ ହତିଯାର ଲକ୍ଷ୍ୟବ୍ରତ ହେଁ ଏଥନ ବାଲିତେ ଲୁଟୋପୁଟି ଥାଚେ ।

‘ଓକେ ନିଯେ ଆଯ ଏଦିକେ !’

ଆମରା ଦୁଜନେ ଲୋକଟାର ଦୁଇ ପା ଧରେ ବାଲିର ଉପର ଦିଯେ ହେଁଚିଦେ ଟେନେ ନିଯେ ଗେଲାମ ଯେଥାନେ ରଯେଛେ ଓରା ଦୁଜନ । ଫେଲୁଦା ଦାଁଡ଼ାନୋ, ଅନ୍ୟ ଲୋକଟି ଚିତ, ଫେଲୁଦାର ଏକଟା ପା ତାର ପେଟେର ଉପର, ଆର ଅନ୍ୟଟା ଡାନ ହାତେର ତେଲୋର ଉପର—ଯେ ହାତ ଥେକେ ରିଭଲଭାରଟା ଆଲଗା ହେଁ ପଡ଼େ ଆଛେ ବାଲିତେ ।

‘ଆପନାର ଥୁତନିତେ କ୍ଷତଚିହ୍ନ ଛିଲ ନା, କିନ୍ତୁ ଆଜ ଥେକେ ଥାକବେ ।’



আমার ওয়াইল্ড লাইফ কথাটা মনে পড়ল। অন্তুত হিংস্র চেহারা নিয়ে টর্চের তীব্র আলোতে কপাল কুঁচকে ফেলুদার দিকে চেয়ে আছেন বিলাস মজুমদার, তাঁর বাঁ হাতে আঁকড়ানো রয়েছে লাল শালু দিয়ে মোড়া একটা পুঁথি।

ফেলুদা ঝুঁকে পড়ে এক ঘটকায় পুঁথিটা ছিনিয়ে নিয়ে নিজের বোলার মধ্যে রেখে দিল। তারপর ওর টর্চ ঘুরে গেল আমাদের বন্দির দিকে।

‘আপনার থার্ড আই কী বলছে লক্ষণবাবু ? শেষটায় এই ছিল আপনার কগালে ?’

অঙ্ককার থেকে আরও লোক বেরিয়ে এসেছে।

‘আসুন মিঃ মহাপাত্র,’ ফেলুদা হাঁক দিল। —‘এঁদের দুজনকে তুলে দিচ্ছি আপনাদের হাতে, তবে কাজ ফুরোয়ানি। আমরা হতাপুরীর বৈঠকখানায় একটু বসব। এঁরা দুজনও থাকবেন।’

চারজন কনস্টেবল এগিয়ে এসে বিলাসবাবু আর লক্ষণবাবুকে তুলে নিল।

‘মহিমবাবু আছেন তো !’ ফেলুদা পিছনের অঙ্ককারের দিকে ফিরে প্রশ্ন করল।

‘আছি বইকী।’

অঙ্ককার থেকে সেই রহস্যজনক চতুর্থ ব্যক্তি বেরিয়ে এলেন। —‘বাবাও এসে পড়লেন বলে। ওই যে টর্চের আলো।’

‘কোনও চিন্তা নেই’ বললেন, মিঃ মহাপাত্র, ‘মোড়া এনে রাখা হয়েছে ঘরে—সবাই বসতে পারবেন।’

লালমোহনবাবুর ‘বাইরেই তো বেশ—’ কথাটা কারুর কানে গেল কি না জানি না, কারণ সবাই রওনা দিয়েছে ভূজঙ্গ নিবাসের দিকে।

১২

‘আসুন, মিঃ সেন, আপনার জন্যই ওয়েট করছি।’

ফেলুদা এগিয়ে গেছে দরজার দিকে।

মহিমবাবু তাঁর বাবাকে নিয়ে ঢুকলেন। তিনটে লঞ্চ জলছে ঘরের ভিতর। পুলিশের লোক বাড়পোঁচ করে ঘরের চেহারা ফিরিয়ে দিয়েছে।

দুর্গাগতিবাবু আর মহিমবাবু দুটো পাশাপাশি মোড়ায় বসলেন।

‘এই নিন আপনার কল্পসূত্র।’

ফেলুদা সদ্য-পাওয়া পুঁথিটা দুর্গাগতিবাবুর হাতে দিলেন। ভদ্রলোক একটা স্বস্তির নিখাস ফেলে তক্ষুনি আবার গভীর হয়ে গিয়ে উৎকষ্ঠার সুরে বললেন, ‘আর অন্যটা?’

‘সেটার কথায় আসছি?’ বলল ফেলুদা। —‘আপনি একটু ধৈর্য ধরুন। আপনি আজ আবার ঘুমের ওষুধ খাননি তো?’

‘পাগল! ঘুমের ওষুধই তো আমার সর্বনাশ করল। কাল কী মিশিয়ে দিয়েছিল জলের সঙ্গে কে জানে?’

দুর্গাগতিবাবু গভীর বিরক্তির ভাব করে পুলিশের হাতে বন্দি লক্ষণ ভট্টাচার্যের দিকে চাইলেন।

ফেলুদা বলল, ‘এত ভাল একজন অ্যালোপ্যাথ থাকতে আপনি এই হাতুড়ে হামবাগটিকে প্রশ্ন দিচ্ছিলেন কেন বলুন তো?’

‘কী করব বলুন! লোক যাচাই করার ক্ষমতা কি আর ছিল? সবাই এত সুখ্যাত করলে, যেতে এল আমার কাছে, বললে নিজের গরজে আমাকে সারিয়ে দেবে। আরও বললে, ওর সঙ্গানে ভাল পুঁথি আছে—জ্যোতিষশাস্ত্রের পুঁথি...’

‘ওই তো মুশকিল। পুঁথির কথা বললেই আপনার ঘন গলে যায়। যাই হোক ডায়াপিডে কাজ দিয়েছে তো? লুপ্ত স্মৃতি ফিরিয়ে আনার পক্ষে ওটাই তো সবচেয়ে নতুন আর সবচেয়ে ভাল ওষুধ বলে।’

‘আশ্চর্য ওষুধ,’ বললেন মিঃ সেন, ‘মুহূর্তে মুহূর্তে যেন স্থূতির এক-একটা দরজা খুলে যাচ্ছে। সেনাপতি নিজে এসে ওষুধটা দিল বলেই তো হল। সেই যে আমার ডাক্তার সে কথাও তো ভুলে গিয়েছিলাম।’

‘তা হলে বলুন তো, এই ভদ্রলোককে চেনেন কি না।’

ফেলুদা তার টর্চ ফেলল বিলাস মজুমদারের মুখে। দুর্গাগতিবাবু তাঁর দিকে কিছুক্ষণ চেয়ে থেকে বললেন, ‘কালকেই চিনেছিলাম গলার স্বর আর চাহনি থেকে। কেন যে তবু খটকা লাগছিল জানি না।’

‘এঁর নামটা মনে পড়ছে?’

‘পরিকার—যদি না উনি নাম ভাঁড়িয়ে থাকেন।’

‘সরকার কি?’ ফেলুদা প্রশ্ন করল।

‘সরকার,’ সায় দিয়ে বললেন দুর্গাগতিবাবু। ‘পুরো নামটা কোনওদিন জানিনি।’

‘লায়ার!’ চোখমুখ লাল করে চিন্কার করে উঠলেন অভিযুক্ত ভদ্রলোক। ‘পাসপোর্ট দেখতে চান আমার?’

‘না, চাই না’—বরফের মতো ঠাণ্ডা গলায় বলল ফেলুদা। —‘আপনার মতো ধূর্ত লোকের পাসপোর্টের কী মূল্য ? কী আছে পাসপোর্ট ? বিলাস মজুমদার নাম আছে তো ? আর চেহারার বিশেষত্বের মধ্যে কপালের আঁচিলের কথা বলেছে ?—‘ডিসটিংগুইশিং মার্ক—মোল অন ফোরহেড’—এই তো ? তবে দেখুন—’

কথাটা বলেই ফেলুদা ভদ্রলোকের দিকে হনহনিয়ে এগিয়ে গিয়ে পকেট থেকে এক ঝটকায় একটা রুমাল বার করে সেটা দিয়ে একটা চাপড় মারল ভদ্রলোকের কপালে, আর তার ফলে কৃত্রিম আঁচিল কপাল থেকে খুলে ছিটকে গিয়ে পড়ল অঙ্ককারে মেঝেতে।

‘আপনি বিলাস মজুমদার সমন্বে অনেক খবর নিয়েছিলেন,’ ফেলুদা বলল দৃশ্যকঠো, ‘ম্রো লেপার্ডের ছবি তুলতে গিয়ে পাহাড় থেকে গড়িয়ে পড়া, কোন হাসপাতালে গিয়েছিল, কী কী হাড় ভেঙেছিল, গত মাস অবধি সে হাসপাতালে ছিল—এ সবই আপনি জানতেন। কিন্তু একটি সংবাদ আপনার কানে পৌঁছয়নি। খবরের কাগজে সেই সংবাদটাই আমি পড়েছিলাম, কিন্তু তেমন মন নিয়ে পড়িনি। খবরটা কালকে আমি পেয়েছি কাঠমাণুর বীর হাসপাতালের ডাঃ ভাগবের কাছ থেকে। সেটা হল এই—বিলাস মজুমদারের সবচেয়ে মারাত্মক ইনজুরি হয়েছিল ব্রেনে। তিনি সপ্তাহ আগে তাঁর মৃত্যু হয়েছে।’

লঠ্ঠনের আলোতেও বুঝতে পারছি লোকটার মুখ কাগজের মতো সাদা হয়ে গেছে।

‘শুনুন মিঃ সরকার,’ ফেলুদা বলে চলল, ‘আপনার পেশা পাসপোর্টে লেখা যায় না। আপনার পেশা স্মাগলিং। নিজে সব সময় চুরি না করলেও, চোরাই মাল পাচার করেন আপনি। ভাতগাঁওয়ের প্যালেস মিউজিয়াম থেকে চুরি করা পুঁথি আপনার হাতে আসে কাঠমাণুতে। তার পরের ঘটনা যে কী, সেটা শুনুন মিস্টার সেনের মুখে।’

দুর্গাংগতি সেনের চাহনিতে এমন কঠিন গাত্তীয়ের ভাব এর আগে দেখিনি। ভদ্রলোক বললেন :

‘কাঠমাণুতে একই হোটেলে ছিলাম এই ভদ্রলোক আর আমি। পাশাপাশি ঘর—একদিন ভুল করে আমার চাবি ওঁর ঘরে লাগিয়ে দেখি দরজা খুলে গেছে। ভেতরে উনি ছাড়া দুজন লোক, তাদের একজন বাক্স থেকে একটা লাল মোড়ক বার করে ওঁকে দিচ্ছে। দেখেই বুঝলাম পুঁথি। খটকা লাগল। মাপ চেয়ে বেরিয়ে এলাম ঘর থেকে। সেই রাত্রে ঘুমের মধ্যে কী হল জানি না, জ্ঞান হল হাসপাতালে। মাথা ব্ল্যাক। এই ঘটনার আগের সব স্মৃতি মন থেকে মুছে গেছে! হোটেলে খোঁজ করে আমার নাম-ঠিকানা পায়, এখানে খবর দেয়, নিশ্চিথ গিয়ে আমাকে নিয়ে আসে। সাড়ে তিনি মাস ছিলাম হাসপাতালে।’

‘আপনার না-জানা অংশ আমি বলছি,’ বলল ফেলুদা, ‘ভুল হলে মিঃ সরকার যেন শুধরে দেন।—আপনাকে সেই রাত্রে অঙ্গান করে গাড়িতে নিয়ে তুলে শহরের বাইরে গিয়ে পাহাড়ের গা দিয়ে পাঁচশো ফুট নীচে ফেলে দেওয়া হয়। মিঃ সরকারের ধারণা ছিল আপনার মৃত্যু হয়েছে। ন মাস পরে হয়তো চোরাই মাল পাচার করতেই পুরীতে এসে ডি. জি. সেন নাম দেখে খটকা লাগে। আমার ধারণা আপনার বাড়ির একতলার বাসিন্দা গণৎকার লক্ষণ ভট্টাচার্যের কাছ থেকে আপনার বর্তমান অবস্থা সম্পর্কে যাবতীয় ইনফরমেশন পান মিঃ সরকার। তাই নয় কি ?’

বিমিয়ে পড়া লক্ষণ ভট্টাচার্য হঠাৎ যেন চঙ্গা হয়ে উঠলেন—‘এ সব কী বলছেন মশাই—উনি তো আপনাদের সঙ্গে প্রথম এলেন আমার বাড়িতে !’

‘বটে ?’—ফেলুদা এগিয়ে গেছে লক্ষণ ভট্টাচার্যের দিকে। ‘তা হলে বলুন তো গণৎকার মশাই, পরিচয় হবার আগেই আপনি কেন ভদ্রলোককে তক্ষপোশে বসতে বললেন আর আমাদের চেয়ার দেখিয়ে দিলেন ? উনিই যে বিলাস মজুমদার, আমি নই, সেটা আপনি কী

করে জানলেন ?'

এই এক প্রশ্নে লক্ষণ ভট্টাচার্য আশচর্যভাবে কুঁকড়ে গেলেন।

ফেলুদা বলে চলল, 'আমার বিশ্বাস দুর্গাগতিবাবুর স্মৃতি লোপ পাবার কথাটা জেনে, এবং লক্ষণ ভট্টাচার্যের সাহচর্যের প্রতিশ্রুতি পেয়ে, সরকার মশাইয়ের মনে পুঁথি চুরির আইডিয়াটা আসে। তাল খদ্দেরও রয়েছে একই হোটেলে—মিঃ হিস্পোরানি। কিন্তু এই ব্যাপারে তিনটে মুশকিল দেখা দেয়। প্রথমটা হল—একজন অবাঞ্ছিত লোক মিঃ সরকারকে ধাওয়া করে এখানে এসে হাজির হয়। সে হল রূপচাঁদ সিং। ভারী মুশকিল, না, মিঃ সরকার ? যে গাড়িতে করে আপনি বেহেশ মিস্টার সেনকে নিয়ে গেছিলেন পাহাড় থেকে ফেলে হত্যা করতে, তার ড্রাইভার—যাকে হয়তো আপনি ভালবকম ঘৃষ দিয়েছিলেন—সে যদি হঠাতে আরও লোভী হয়ে পড়ে, এবং আপনাকে ঝ্যাকমেল করে হুমকি দিয়ে আরও টাকা আদায় করতে চায় ? ভারী মুশকিল ! তখন তাকে খত্ম করা ছাড়া আর রাস্তা থাকে কি ?'

'মিথ্যে, মিথ্যে, মিথ্যে !'—মরিয়া হয়ে টিক্কার করে উঠলেন মিঃ সরকার।

'কিন্তু যদি প্রমাণ হয় যে তার মাথায় যে গুলিটা লেগেছিল সেটা আপনার এই রিভলভারটা থেকেই বেরিয়েছে, তা হলে ?'

মিঃ সরকার আবার নেতিয়ে পড়লেন। বেশ দেখতে পাচ্ছি যে ভদ্রলোকের সমস্ত শরীর ঘামে ডিজে গেছে। আমিও ঘামছি, তবে সেটা শ্বাসরোধ করা উত্তেজনায়। ফেলুদার খাতায় লেখা ছিল 'কালোডাক'। এখন বুঝতে পারছি সেটা হল ঝ্যাকমেল। আমার পাশে লালমোহনবাবু যেন ফেনসিং ম্যাচ দেখছেন। কথার তলোয়ার খেলায় ফেলুদার জুড়ি নেই সেটা স্বীকার করতেই হবে। আর সে খেলা এখনও শেষ হয়নি।

'অতএব রূপচাঁদ সিং হল মার্ডার নাহার ওয়ান,' ফেলুদা বলে চলল।—'এখন দ্বিতীয় মুশকিলে আসা যাক। সেটা হল শ্রীক্ষেত্রে গোয়েন্দার আগমন। ফেলু মিত্রিকে ধোঁকা না দিয়ে সরকার মশাইয়ের কার্যসিদ্ধি ছিল অসম্ভব। সেখানে বলব যে, বিলাস মজুমদারের ভূমিকায় নিজেকে এস্টাব্লিশ করতে, এবং নিজের অপরাধ একজন স্মৃতিভঙ্গ অসহায় প্রৌঢ়ের ক্ষেত্রে চাপাতে, তিনি বেশ কিছুটা সফল হয়েছিলেন। এই সাফল্যই তাঁর মনে একটা বেপরোয়া ভাব এনে দেয়। পরিকল্পনা খুবই সহজ। পুঁথি এনে দিতে পারলে হিস্পোরানি কিনবেন; সরাসরি মালিকের কাছ থেকে কেনার উপায় নেই, কারণ দুর্গাগতিবাবুর টাকার লোভ নেই এবং পুঁথিগুলি তাঁর প্রাণস্বরূপ। সুতরাং আলমারি থেকে পুঁথি বাব করতে হবে। উপায় কী ? অতি সহজ। কাজটা করবেন লক্ষণ ভট্টাচার্য, কারণ এ কাজ তিনি বেশ কিছুদিন থেকেই করে আসছেন। আগে পুরো টাকাটাই তিনি নিজে পকেটে করেছেন; এখানে টাকার অঙ্কটা অনেক বেশি, কাজেই সেটা অন্যের সঙ্গে শেয়ার করতে আপত্তি নেই। কিন্তু এখানে একজনের কথা একটু ভাবতে হবে। সেক্রেটারি নিশীথ বোস।'

ফেলুদা থামল। তারপর লক্ষণ ভট্টাচার্যের দিকে এগিয়ে গিয়ে বলল, 'মঙ্গলা রোডে কীর্তনের কথা বলেছিলেন না আপনি ?'

লক্ষণ ভট্টাচার্য একটা বেপরোয়া ভাব আনবার চেষ্টা করে বললেন, 'মিথ্যে বলেছি ?'

'না, মিথ্যে বলেননি,' বলল ফেলুদা, 'প্রতি সোমবার সেখানে কীর্তন হয় সেটা ঠিকই ! কিন্তু আপনি যে বলেছিলেন আপনি সেখানে যান, সেটা ঠিক না। আপনি কোনওদিন যাননি। আমি খোঁজ নিয়েছি। তবে এ বাড়ি থেকে একজন যেতেন। নিশীথ বোস। সোমবার বিকেলে পাঁচটা থেকে সাড়ে ছটা নিশীথবাবু বাড়ি থাকতেন না। চাকর থাকত। এই সোমবার অর্থাৎ গত কালও নিশীথবাবু ছিলেন না। চাকরটা অপদার্থ। তাকে ঘৃষ দিয়ে হাত করা কিছুই না। আপনি দুপুরে মিঃ সেনের ঘুমের ওষুধের মাত্রা বাড়িয়ে দিয়ে সাড়ে

পাঁচটায় তাঁর ঘরে ঢুকে, বালিশের নীচ থেকে চাবি বার করে নিয়ে আলমারি থেকে পুঁথি বার করে নিয়ে যান। সেটা মিঃ সরকারের হাতে তুলে দিতে হবে। তার জন্য অ্যাপয়েটমেন্ট হয় ভুজঙ্গ নিবাসের বারান্দায়। আপনি অপেক্ষা করছিলেন সেখানে। আপনার জুতোর ছাপ, আপনার দেশলাইয়ের কাঠি ও আপনার পানের পিক তার সাক্ষ্য দিচ্ছে। কিন্তু এই সময় একটা অপ্রত্যাশিত ঘটনা ঘটে যায়।'

আমরা সবাই কাঠ। লক্ষণ ভট্টাচার্য থর থর করে কাঁপছেন, কারণ মিঃ সরকার ছাড়া ঘরের সবাইয়ের দৃষ্টি এখন তাঁর দিকে।

ফেলুদা আবার শুরু করল—‘একজন আমেরিকান ভদ্রলোক সাড়ে ছাঁচায় আসবেন মিঃ সেনের পুঁথি দেখতে। তাই ছাঁচার মধ্যে নিশীথবাবু ফিরে আসেন। হয়তো কর্তাকে তখনও ঘুমোতে দেখে তাঁর সন্দেহ হয়। আলমারি খুলে দেখেন পুঁথির বদলে সাদা কাগজ। আপনি বাড়ি নেই। সন্দেহটা নিশ্চয়ই বাড়ে। বাইরে এসে দেখেন বালিতে পায়ের ছাপ। চলে আসেন ভুজঙ্গ নিবাসে। বলুন তো লক্ষণবাবু, এই অবস্থায় তাকে কি বাঁচতে দেওয়া চলে? একটি ভোঁতা হাতিয়ার তো ছিল আপনার সঙ্গে, তাই না? তাই দিয়ে তাকে মেরে, লাশ সরিয়ে, সাগরিকায় ফিরে গিয়ে নিশীথবাবুর বাক্স বিছানা ভুজঙ্গ নিবাসে রেখে হঠাতে খেয়াল হয় হাতিয়ারে রক্ত লেগে আছে। তখন সেটা সমুদ্রের জলে ফেলতে গিয়ে পথে আমায় দেখে সেটা দিয়ে আমার মাথায় বাড়ি মেরে, তারপর সেটাকে জলে ফেলে দেন—তাই তো?’

ফেলুদা জানে যে এ-প্রশ্নের কোনও উত্তর নেই, কিন্তু তাও সে থামল, কারণ পরের প্রশ্নটায় জোর দেবার জন্য। আদিকালের পোড়ো বৈঠকখানার চার দেয়াল কাঁপিয়ে প্রশ্নটা করল সে—

‘কিন্তু তাতেও কি আপনার কায়সিঙ্কি হয়েছিল?’

উত্তরটাও ফেলুদাই দিল, কারণ লক্ষণ ভট্টাচার্যকে দেখে মনে হয়, তিনি বাক্যবাণে আধমরা।

‘না, তাতেও হয়নি। সে পুঁথি হিঙ্গোরানি পায়নি। মিঃ সরকারও পাননি। তাই অন্য পুঁথিটিকে সরাবার দরকার হয়েছিল আজকে। তার আগে, হয়তো কাল রাত্রেই, আপনি নিশীথবাবুর মায়ের অসুখের গল্পটি ফেঁদেছেন। কিন্তু প্রথম দিন এত করেও আপনার পরিশ্রম ব্যর্থ হল কেন সেটা এঁদের একটু বুঝিয়ে বলবেন? বলবেন না? তা হলে আমিই বলি—কারণ এত আশ্চর্য একটি ঘটনা বর্তমান অবস্থায় আপনার পক্ষে গুরুতর বলা সম্ভব না। আমি অনেক রহস্যের সমাধান করেছি কিন্তু বর্তমান রহস্যটি এতই অস্তুত ও অসামান্য যে, আমাকে বোকা বানিয়ে দিয়েছিল। ভোঁতা হাতিয়ারের কথা বলছিলাম, কিন্তু সেই ভোঁতা হাতিয়ার যে প্রজ্ঞাপারমিতার পুঁথি, তা আমি কী করে বুঝব? আপনার হাতে যে আর কিছুই ছিল না, তা আমি কী করে বুঝব! নিজের মাথায় কাঠের পাটার বাড়ি সঙ্গেও আমি বুঝিনি। সেই রক্ত নাগা পুঁথি কেমন করে আপনি সরকারের হাতে তুলে দেবেন, আর সরকারই বা হিঙ্গোরানিকে দেবেন কেমন করে?’

‘হায়, হায়, হায়!—দুর্গাগতি সেন দু হাত মাথায় দিয়ে উপুড় হয়ে পড়েছেন।—‘আমার এত সাধের পুঁথি শেষটায়—’

‘আপনাকে একটা কথা বলি মিস্টার সেন’—ফেলুদা দুর্গাগতিবাবুর দিকে এগিয়ে এসেছে—‘আপনি কি জানেন যে সমুদ্র মাঝে মাঝে দান গ্রহণ করে না, ফিরিয়ে দেয়? এমনকী তৎক্ষণাত ফিরিয়ে দেয়?’

এবার ফেলুদা তাঁর ঝোলার ভিতর হাত ঢুকিয়ে টেনে বার করল আরেকটা শালুতে মোড়া

পুঁথি ।

‘এই নিন আপনার অষ্টসাহস্রিকা প্রজ্ঞাপারমিতা । এটাকে “নাই মামা” বলতে পারেন । শালু যেমন ছিল তেমনই আছে । পাটার রং ফিকে হয়ে গেছে, তবে লেখা যে খুব বেশি নষ্ট হয়েছে তা বলব না । কাপড় আর কাঠ ভেদ করে জল বেশি চুকতে পারেনি ।’

‘কিন্তু, কিন্তু—এ আপনি কেমন করে পেলেন মশাই !’ লালমোহনবাবু জিজ্ঞেস না করে পারলেন না ।

ফেলুদা বলল, ‘এই শালুটা আপনিও দেখেছিলেন আজ সকালে । রামাই নামে নুলিয়া বাচ্চাটি মাথায় জড়িয়ে বসে ছিল । দেখেই সন্দেহ হয় । নুলিয়া বস্তিতে গিয়ে খোঁজ করে আমি আজই সকালে এটা উদ্ধার করি । পুঁথিটা পেয়ে ছেলেটি তার মার কাছে দিয়ে আসে । শালুটা সে নিয়ে নেয়, পাটা আর পুঁথি ওদের ঘরেই সংযতে রাখা ছিল । দশ টাকা দিয়ে কিনতে হয়েছে আমায় । মিঃ মহাপাত্র, মিঃ সরকারের পকেট থেকে পার্স্টা নিয়ে তার থেকে দশটা টাকা বের করে দিন তো আমায় ।’

* * *

দুর্গাগতিবাবুর বাড়ির ছাত থেকে সমুদ্রটা যে আরও কত বিশাল দেখায় সেটা আজ ছাতের পাঁচিলের ধারে দাঁড়িয়ে বুঝাতে পারলাম ।

কাল রাত্রে সব চুকে যাবার পর মিঃ সেন বার বার অনুরোধ করলেন, আমরা যেন সকালে তাঁর বাড়িতে এসে কফি খাই । মহিমবাবু রাত্রে বাপের সঙ্গেই থাকলেন, কারণ নিশীথবাবু নেই, চাকরটাও ঘুষ খেয়ে পালিয়েছে । ফেলুদা কথা দিয়েছে, শ্যামলাল বারিককে বলে একজন চাকরের বন্দোবস্ত করে দেবে । রান্নার একটা লোক অবিশ্য আছে ; সে-ই কফি করে এনেছে আমাদের জন্য, আর সে-ই ছাতে চেয়ার পেতে আমাদের বসবার জায়গা করে দিয়েছে ।

এখানে বলে রাখি, পুঁথি উদ্ধার করার জন্য ফেলুদা যা পারিশ্রমিক পেয়েছে, তাতে ওর গত তিন মাসের বসে থাকা পুরিয়ে গেছে । ও অবিশ্য ওর স্বভাব অনুযায়ী প্রথমে টাকা নিতে আপত্তি করেছিল, কিন্তু শেষে বাপ-ছেলের পীড়পীড়িতে চেক নিতেই হল । লালমোহনবাবু পরে বলেছিলেন, ‘আপনি না নিলে আপনার মাথায় আবার ব্লাট ইনস্ট্রুমেন্টের বাড়ি পড়ত, এবং সেটা মারতুম আমি । এ সব ব্যাপারে আপনার হ্যাঁ-না, না-হ্যাঁ ভাবটা ডিজগাসটিং ।’

কফি খেতে খেতেই ফেলুদা বলল, ‘আপনি কি জানেন মিঃ সেন, আমার কাছে সবচেয়ে বড় রহস্য ছিল আপনার গাউট ?’

দুর্গাগতিবাবু কপালে ভুক্ত তুলে বললেন, ‘কেন, এতে রহস্যের কী আছে ? বুড়ো মানুষের গাউট হতে পারে না ?’

‘কিন্তু গাউট নিয়েই তো আপনি সকাল-সন্ধে সমুদ্রের ধারে দিয়ি হেঁটে বেড়ান । গোড়ায় এসে পায়ের ছাপ দেখেছি এবং মূর্দ্দের মতো ভেবেছি সেটা বিলাস মজুমদারের ফুটপ্রিন্ট । কিন্তু কাল যে আপনাকে স্বচক্ষে দেখলাম ।’

‘তাতে কী প্রমাণ হল মিঃ মিত্রি ? গাউটের যন্ত্রণা যে সর্বক্ষণ স্থায়ী, এমন তো নয় ।’

‘কিন্তু আপনার পায়ের ছাপ যে অন্য কথা বলছে, মিঃ সেন । সে কথাটা কাল রাত্রে বলিনি, কারণ আমার বিশাস কথাটা আপনি গোপন রাখতে চান । কিন্তু মুশকিল হচ্ছে কী, গোয়েন্দার কাছ থেকে যে সব কিছু গোপন রাখা যায় না । আপনার বাঁ হাতের লাঠিটাই যে

শুধু তাৎপর্যপূর্ণ তা তো নয়, আপনার দুটো জুতোর ছাপে যে বেমিল রয়েছে।’

দুর্গাগতিবাবু চুপ করে চেয়ে আছেন ফেলুদার দিকে। ফেলুদা বলে চল্ল, ‘সেদিন কাঠমাণুর বীর হাসপাতালে ফোন করে বিলাস মজুমদারের ইনজুরির ব্যাপারটা কনফার্মড হয়। সেখানে ওই সময়ে পাহাড় থেকে পড়ে জখম হওয়া আর কোনও পেশেন্ট আসেনি। শেষে গাইড বুকে দেখলাম কাঠমাণুর কাছেই পাটানে আরেকটা হাসপাতাল আছে—শাস্তা ভবন। সেখানে ফোন করে জানি যে দুর্গাগতি সেন অক্টোবর থেকে জানুয়ারির গোড়া পর্যন্ত সেখানে ছিলেন। আপনার ইনজুরির বর্ণনাও তারা দিল।’

দুর্গাগতিবাবুর মুখের চেহারা পালটে গেছে। একটুক্ষণ চুপ থেকে দীর্ঘশ্বাস ফেলে বললেন, ‘নিশ্চীথ জানত যে আমি ব্যাপারটা কাউকে জানতে দিতে চাই না। সকালে কেউ আসার থাকলে ওই ব্যান্ডেজ বেঁধে দিত, আর জিভেস করলে বলত গাউট। আজ মহিম বেঁধে দিয়েছে ব্যান্ডেজ। এ জিনিস আমি প্রচার করতে চাইনি, মিঃ মিস্টির। একটা মহাম্ল্য পুঁথি হারানোর চেয়ে এটা কিছু কম ট্র্যাজিক নয়। কিন্তু আপনি যখন বুঝেই ফেলেছেন—’

দুর্গাগতিবাবু তাঁর বাঁ পায়ের ট্রাউজারটা বেশ খানিকটা তুলে ফেললেন।

অবাক হয়ে দেখলাম ব্যান্ডেজটা শুধু গোড়ানির ইঞ্চি তিনিক উপর অবধি। তার উপরে আসল পায়ের বদলে রয়েছে কাঠ আর প্লাস্টিকে তৈরি যান্ত্রিক পা !



গোলকধার রহস্য

‘জয়দ্রথ কে ছিল ?’

‘দুর্যোধনের বোন দুঃশ্লার স্বামী।’

‘আর জরাসন্ধ ?’

‘মগধের রাজা।’

‘ধৃষ্টদ্যুম্ন ?’

‘দ্রৌপদীর দাদা।’

‘অর্জুন আর যুধিষ্ঠিরের শাঁখের নাম কী ?’

‘অর্জুনের দেবদত্ত, যুধিষ্ঠিরের অনন্তবিজয়।’

‘কেন অন্ত ছুঁড়লে শক্ররা মাথা গুলিয়ে সেমসাইড করে বসে ?’

‘ভাট্টি।’

‘ভেরি গুড়।’

যাক বাবা, পাশ করে গেছি! ইদানীং রামায়ণ-মহাভারত হল ফেলুদার যাকে বলে স্টেপল রিডিং। সেই সঙ্গে অবিশ্যি আমিও পড়ছি। আর তাতে কোনও আপশোস নেই। এ তো আর ওষুধ গেলা না, এ হল একধার থেকে ননস্টপ ভূরিভোজ। গঞ্জের পর গঞ্জের পর গঞ্জ। ফেলুদা বলে ইংরিজিতে বইয়ের বাজারে আজকাল একটা বিশেষ চালু হয়েছে—আনপুটডাউনেব্ল। যে বই একবার পড়ব বলে পিকআপ করলে আর পুট ডাউন করবার জো নেই। রামায়ণ-মহাভারত হল সেইরকম আনপুটডাউনেব্ল। ফেলুদার হাতে এখন কালীপ্রসন্ন সিংহের মহাভারতের দ্বিতীয় খণ্ড। আমারটা অবিশ্যি কিশোর সংক্ষরণ। লালমোহনবাবু বলেন ওঁর নাকি

কৃত্তিবাসী রামায়ণের অনেকখানি মুখস্থ; ওঁর ঠাকুমা পড়তেন, সেই শুনে শুনে মুখস্থ হয়ে গেছে। আমাদের বাড়িতে কৃত্তিবাসের রামায়ণ নেই, ভাবছি একটা জোগাড় করে জটায়ুর স্মরণশক্তিটা পরীক্ষা করে দেখব। ভদ্রলোক আপাতত ঘরবন্দি অবস্থায় পুজোর উপন্যাস লিখছেন, তাই দেখা-সাক্ষাৎ একটু কম।

বই থেকে মুখ তুলে রাস্তার দিকে চাইতে হল ফেলুদাকে। কলিং বেল বেজে উঠেছে। হিজলীতে একটা খুনের রহস্য সমাধান করে গত শুক্রবার ফিরেছে ফেলুদা। এখন আয়েশের মেজাজ, তাই বোধহয় বেলের শব্দে তেমন আগ্রহ দেখাল না। ও যা পারিশ্রমিক নেয় তাতে মাসে একটা করে কেস পেলেই ওর দিব্যি চলে যায়। জটায়ুর ভাষায় ফেলুদার জীবন্যাত্রা ‘সেন্ট পার্সেন্ট অনাড়ম্বর’। এখানে বলে রাখি, জটায়ুর জিভের সামান্য জড়তার জন্য ‘অনাড়ম্বর টা মাঝে মাঝে ‘অনারম্বড়’ হয়ে যায়। সেটা শোধরাবার জন্য ফেলুদা ওঁকে একটা সেন্টেস গড়গড় করে বলা অভ্যেস করতে বলেছিল; সেটা হল—‘বারো হাঁড়ি রাবড়ি বড় বাড়াবড়ি।’ ভদ্রলোক একবার বলতে গিয়েই চারবার হোঁচ্ট খেয়ে গেলেন।

ফেলুদা বলে, ‘নতুন চরিত্র যখন আসবে, তখন গোড়াতেই তার একটা মোটামুটি বর্ণনা দিয়ে দিবি। তুই না দিলে পাঠক নিজেই একটা চেহারা কল্পনা করে নেবে; তারপর হয়তো দেখবে যে তোর বর্ণনার সঙ্গে তার কল্পনার অনেক তফাত।’ তাই বলছি, ঘরে যিনি ঢুকলেন তাঁর রং ফরসা, হাইট আন্দাজ পাঁচ ফুট ন’ ইঞ্জি, বয়স পঞ্চাশ-টুঁঝাশ, কানের দুপাশের চুল পাকা, থুতনির ঘাঁঘাঁনে একটা আঁচিল, পরনে ছাই রঞ্জের সাফারি সুট। ঘরে চুকে যেভাবে গলা খাঁকরালেন তাতে একটা ইতস্তত ভাব ফুটে ওঠে, আর খাঁকরানির সময় ডান হাতটা মুখের কাছে উঠে আসাতে মনে হল ভদ্রলোক একটু সাহেবিভাবাপন।

‘সরি, অ্যাপয়েন্টমেন্ট করে আসতে পারিনি,’ সোফার এক পাশে বসে বললেন আগস্টক—‘আমাদের ওদিকে রাস্তা খোঁড়াখুঁড়িতে লাইনগুলো সব ডেড।’

ফেলুদা মাথা নাড়ল। খোঁড়াখুঁড়িতে শহরের কী অবস্থা সেটা আমাদের সকলেরই জানা আছে।

‘আমার নাম সুবীর দস্ত।’—গলার স্বরে মনে হয় দিব্যি টেলিভিশনে খবর পড়তে পারেন। হিয়ে, আপনিই তো প্রাইভেট ইনভেস্—’

‘আজ্ঞে হ্যাঁ।’

‘আমি এসেছি আমার দাদার ব্যাপারে।’

ফেলুদা চুপ। মহাভারত বন্ধ অবস্থায় তার কোলের উপরে, তবে একটা বিশেষ জায়গায় আঙুল গোঁজা রয়েছে।

অবিশ্যি তার আগে আমার পরিচয়টা একটু দেওয়া দরকার। আমি করবে অ্যান্ড নরিস কোম্পানিতে সেলস এগজিকিউটিভ। ক্যামাক স্ট্রিটের দীনেশ চৌধুরীকে বোধহয় আপনি চেনেন; উনি আমার কলেজের সহপাঠী ছিলেন।’

দীনেশ চৌধুরী ফেলুদার একজন মকেল সেটা জানতাম।

‘আই সি’ ভীষণ সাহেবি কায়দায় গঞ্জীর গলায় বলল ফেলুদা। ভদ্রলোক এবার তাঁর দাদার কথায় চলে গেলেন—

‘দাদা এককালে বায়োকেমিস্ট্রি খুব নাম করেছিলেন। নীহার দস্ত। ভাইরাস নিয়ে রিসার্চ করছিলেন। এখানে নয়, আমেরিকায়। মিশিগ্যান ইউনিভার্সিটিতে। ল্যাবরেটরিতে কাজ করতে করতে একটা এক্সপ্লোশন হয়। দাদার প্রাণ নিয়ে টানাটানি হয়; কিন্তু শেষে ওখানকারই হাসপাতালের এক ডাক্তার ওঁকে বাঁচিয়ে তোলে। তবে চোখ দুটোকে বাঁচানো যায়নি।’

‘অন্ধ হয়ে যান?’

‘অন্ধ। সেই অবস্থায় দাদা দেশে ফিরে আসেন। ওখানে থাকতেই একজন আমেরিকান মেয়েকে বিয়ে করেন; অ্যাঞ্জিলেটের পর মহিলা দাদাকে ছেড়ে চলে যান। তারপর আর দাদা বিয়ে করেননি।’

‘তাঁর গবেষণাও তো তা হলে শেষ হয়নি?’

‘না। সেই দুঃখেই হয়তো দাদা প্রায় মাস ছয়েক কারওর সঙ্গে কথা বলেননি। আমরা ভেবেছিলাম হয়তো মাথা খারাপ হয়ে গেছে। শেষে ক্রমে মোটামুটি স্বাভাবিক অবস্থায় ফিরে আসেন।’

‘এখন কী অবস্থা?’

‘বিজ্ঞানে এখনও উৎসাহ আছে সেটা বোঝা যায়। একটি ছেলেকে রেখেছেন—ওঁর হেলপার বা সেক্রেটারি বলতে পারেন—সেও বায়োকেমিস্ট্রির ছাত্র ছিল—তার একটা কাজ হচ্ছে সায়েন্স ম্যাগাজিন থেকে প্রবন্ধ পড়ে শোনানো। এমনিতে যে দাদা একেবারে হেলপলেস তা নন; বিকেলে আমাদের বাড়ির ছাতে একাই লাঠি হাতে পায়চারি করেন। এমনকী বাড়ির বাইরেও রাস্তার মোড় পর্যন্ত একাই মাঝে মাঝে হেঁটে আসেন। বাড়িতে এবর ওঘর করার সময় ওঁর কোনও সাহায্যের দরকার হয় না।’

‘ইনকাম আছে কিছু?’

‘বায়োকেমিস্ট্রির উপর দাদার একটা বই বেরিয়েছিল আমেরিকা থেকে, তার থেকে একটা রোজগার আছে।’

‘ঘটনাটা কী?’

‘আজ্ঞে?’

‘মানে, আপনার এখানে আসার কারণটা...’

‘বলছি।’

পকেট থেকে একটা চুরুট বের করে ধরিয়ে নিয়ে ধোঁয়া ছেড়ে বললেন সুবীর দত্ত—

‘দাদার ঘরে কাল রাত্তিরে চোর এসেছিল।’

‘সেটা কী করে বুঝলেন?’

ফেলুদা এতক্ষণে হাত থেকে মহাভারত নামিয়ে সামনের টেবিলের উপর রেখে প্রশ্নটা করল।

‘দাদা নিজে বোঝেননি। ওঁর চাকরটাও যে খুব বুদ্ধিমান তা নয়। নটার সময় ওঁর সেক্রেটারি এসে ঘরের চেহারা দেখে ব্যাপারটা বুঝতে পারে। ডেক্সের দুটো দেরাজাই আধখোলা, কাগজপত্র কিছু মেঝেতে ছড়ানো, ডেক্সের উপরের জিনিসপত্র ওলটপালট, এমনকী গোদরেজের আলমারির চারিপাশে ঘষটানোর দাগ; বোঝাই যায় কেউ আলমারিটা খোলার চেষ্টা করেছে।’

‘আপনাদের পাড়ায় চুরি হয়েছে ইন্দানীং?’

‘হয়েছে। আমাদের বাড়ির দুটো বাড়ি পারে। পাড়ায় এখন দুটো পুলিশের লোক টহল দেয়। পাড়া বলতে বালিগঞ্জ পার্ক। আমাদের বাড়িটা প্রায় আশি বছরের পুরনো। ঠাকুরদার তৈরি। খুলনায় জমিদারি ছিল আমাদের। ঠাকুরদা চলে আসেন কলকাতায় এইচিন নাইটিতে। রাসায়নিক যন্ত্রপাতি ম্যানুফ্যাকচারিং-এর ব্যবসা শুরু করেন। কলেজ স্ট্রিটে বড় দোকান ছিল আমাদের। বাবাও চালিয়েছিলেন কিছুদিন ব্যবসা। বছর ত্রিশেক আগে উঠে যায়।’

‘আপনার বাড়িতে এখন লোক ক'জন?’

‘আগের তুলনায় অনেক কম। বাবা-মা দুজনেই মারা গেছেন। আমার স্ত্রীও, সেভেনটি ফাইভে। আমার দুটি মেয়ের বিয়ে হয়ে গেছে, বড় ছেলে জার্মানিতে। এখন মেম্বার বলতে

আমি, দাদা, আর আমার ছোট ছেলে। দুটি চাকর আর একটি বান্ধার লোক আছে। আমরা দোতলায় থাকি। একতলাটা দুভাগ করে ভাড়া দিয়েছি।’

‘কারা থাকে সেখানে?’

‘সামনের ফ্ল্যাটটাতে থাকেন মিঃ দস্তুর। ইলেক্ট্রিক্যাল গুডসের ব্যবসা। পিছনে থাকেন মিঃ সুখওয়ানি, অ্যান্টিকের দোকান আছে লিভসে স্ট্রিটে।’

‘এদের ঘরে চোর ঢোকেনি? শুনে তো বেশ অবস্থাপন্ন বলে মনে হয়।’

‘পয়সা তো আছেই। ফ্ল্যাটগুলোর ভাড়া আড়াই হাজার করে। সুখওয়ানির ঘরে দামি জিনিস আছে বলে ও দরজা বন্ধ করে শোয়। দস্তুর বলে বন্ধ ঘরে ওর সাফোকেশন হয়।’

‘চোর আপনার দাদার ঘরে চুকেছিল কী নিতে অনুমান করতে পারেন?’

‘দেখুন, দাদার অসমাপ্ত গবেষণার কাগজপত্র দাদার আলমারিতেই থাকে, আর সেগুলো যে অত্যন্ত মূল্যবান তাতে কোনও সন্দেহ নেই। অবিশ্য সাধারণ চোর আর তার মূল্য কী বুবাবে। আমার ধারণা চোর টাকা নিতেই চুকেছিল। অন্ধ লোকের ঘরে চুরির একটা সুবিধে আছে সেটা তো বুবাতেই পারেন?’

‘বুবেছি’ বলল ফেলুন্দা ‘অঙ্ক মানে বোধহয় ব্যাক্ষ অ্যাকাউন্ট নেই, কারণ চেক সই করা তো...’

‘ঠিক বলেছেন। বই বাবদ দাদা যা টাকা পান সব আমার নামে আসে। আমার অ্যাকাউন্টে জমা পড়ে। তারপর আমি চেক কেটে টাকা তুলে দাদাকে দিয়ে দিই। সেই ব্যাকের টাকা সব ওই গোদরেজের আলমারিতেই থাকে। আমার আন্দাজ হাজার ত্রিশেক টাকা ওই আলমারিতে রয়েছে।’

‘চাবি কোথায় থাকে?’

‘যতদূর জানি, দাদার বালিশের নীচে। বুবাতেই পারছেন, দাদা অঙ্ক বলেই দুশ্চিন্তা। রাত্তিরে দরজা খুলে শোন, চৌকাঠের বাইরে শোয় চাকর কৌমুদী—যাতে মাঝরাত্তিরে প্রয়োজনে ডাক দিলে আসতে পারে। ধরুন যদি তেমন বেপরোয়া চোর হয়, আর চাকরের ঘূম না ভাঙে, তা হলে তো দাদার আত্মরক্ষার কোনও উপায় থাকে না। অথচ পুলিশে উনি খবর দেবেন না। বলেন ওরা কেবল জানে জেরা করতে, কাজের বেলায় চুচু, সব ব্যাটা ঘুষখোর ইত্যাদি। তাই আপনার কথা বলতে উনি রাজি হলেন। আপনি যদি একবারটি আমাদের বাড়িতে আসেন, তা হলে অস্তত প্রিভেনশনের ব্যাপারে কী করা যায় সেটা একটু ভেবে দেখতে পারেন। এমনকী বাইরের চোর না ভেতরের চোর সেটাও একবার—’

‘ভেতরের চোর?’

আমি আর ফেলুন্দা দুজনেই উৎকর্ণ মানে কান খাড়া।

ভদ্রলোক চুরুটের ছাই অ্যাশট্রেতে ফেলে গলাটা যতটা পারা যায় খাদে নামিয়ে এনে বললেন, ‘দেখুন মশাই, আমি স্পষ্টবক্তা। আপনার কাছে যখন এসেছি, তখন জানি ঢেকেচুকে কথা বললে আপনার কোনও সুবিধে হবে না। প্রথমত আমাদের দুজন ভাড়াটের একটিকেও আমার খুব পছন্দ না। সুখওয়ানি এসেছে বছর তিনিক হল। আমি নিজে জানি না, কিন্তু যারা পুরনো আর্টের জিনিস-টিনিস কেনে তেমন লোকের কাছে শুনেছি সুখওয়ানি লোকটা সিধে নয়। পুলিশের নজর আছে ওর ওপর।’

‘আর অন্য ভাড়াটে?’

‘দস্তুর এসেছে মাস চারেক হল। ও ঘরটায় আমার বড় ছেলে থাকত সে পার্মানেন্টলি দেশের বাইরে। ডুসেলডর্ফে একটা ইঞ্জিনিয়ারিং ফার্মে চাকরি করে জার্মান মেয়ে বিয়ে করেছে। দস্তুর লোকটা সম্বন্ধে বদনাম শুনিনি তবে সে এত অতিরিক্ত রকম চাপা যে সেটাই সন্দেহের কারণ হয়ে দাঁড়ায়। আর, ইয়ে—’

ভদ্রলোক থামলেন। তারপর বাকি কথাটা বললেন মুখ নামিয়ে, দৃষ্টি ছাইদানিটার দিকে
রেখে।

‘শক্র, আমার ছোট ছেলে, একেবারে সংস্কারের বাইরে চলে গেছে।’

ভদ্রলোক আবার চুপ। ফেলুদা বলল, ‘কত বড় ছেলে?’

‘তেইশ বছর বয়স। গত মাসে জন্মতিথি গেল, যদিও তার মুখ দেখিনি সেদিন।’

‘কী করে?’

‘নেশা, জুয়া, ছিনতাই, গুণ্ডাগিরি কোনওটাই বাদ নেই। পুলিশের খগ্নের পড়েছে তিনবার।
আমাকেই গিয়ে ছাড়িয়ে আনতে হয়েছে। আমাদের পরিবারের একটা খ্যাতি আছে সেটা তো
বুঝতেই পারছেন, তাই নাম করলে এখনও কিছুটা ফল পাওয়া যায়। কিন্তু সে নাম আর কদিন
টিকিবে জানি না।’

‘চোর যেদিন আসে সেদিন ও বাড়িতে ছিল?’

‘রাত্তিরে খেতে এসেছিল—সেটাও রোজ আসে না—তারপর আর দেখিনি।’

ঠিক হল আজই বিকেলে আমরা একবার যাব বালিগঞ্জ পার্কে। কেসটাকে এখনও ঠিক কেস
বলা যায় না, কিন্তু আমি জানি বিস্ফোরণে অঙ্ক হয়ে যাওয়া বৈজ্ঞানিকের ব্যাপারটা ফেলুদার মন
টেনেছে। তার মাথায় নিশ্চয়ই ঘুরছে ধূতরাঙ্গ।

খবরের কাগজের কাটিং-এর বাইশ নম্বর খাতা থেকে মিশিগ্যান বিশ্ববিদ্যালয়ের
ল্যাবরেটরিতে বিস্ফোরণে উদ্বীয়মান বাঙালি জীবরাসায়নিক নীহাররঞ্জন দত্ত-র চোখ নষ্ট হয়ে
যাওয়ার খবরটা খুঁজে বার করে দিতে সিধু জ্যাঠার লাগল সাড়ে তিনি মিনিট। তার মধ্যে অবিশ্য
দুমিনিট গেল ফেলুদা অ্যাদিন ভুব মেরে থাকার জন্য তাকে ধর্মকানিতে। সিধু জ্যাঠা আমাদের
সত্যি জ্যাঠা না হলেও আত্মীয়ের বাড়া। কোনও অতীতের ঘটনার বিষয় জানতে হলে ফেলুদা
ন্যাশনাল লাইব্রেরিতে না গিয়ে সিধু জ্যাঠার কাছে যায়। তাতে কাজ হয় অনেক বেশি তাড়াতাড়ি
আর অনেক বেশি ফুর্তিতে।

ফেলুদা প্রসঙ্গে তুলতেই সিধু জ্যাঠা ভুব কুঁচকে বললেন, ‘নীহার দত্ত? যে ভাইরাস নিয়ে
রিসার্চ করছিল? এক্সপ্লোশনে চোখ হারায়?’

‘বাপ্রে বাপ!— কী স্মৃতিশক্তি! বাবা বলেন শ্রতিধর। ফেলুদা বলে ফোটোগ্রাফিক মেমরি;
একবার কোনও ইন্টারেক্টিং খবর পড়লে বা শুনলে তৎক্ষণাত্মক মগজে চিরকালের মতো ছাপা
হয়ে যায়। ‘—কিন্তু সে তো একা ছিল না?’

এ খবরটা নতুন।

‘একা ছিল না মানে?’ ফেলুদা প্রশ্ন করল।

‘তার মানে, যদূর মনে পড়েছে—’ সিধু জ্যাঠা ইতিমধ্যে তাঁর বুকশেলফের সামনে গিয়ে
খবরের কাটিং-এর খাতা টেনে বার করেছেন— ‘এই গবেষণায় তাঁর একজন পার্টনার ছিল—
হ্যাঁ এই যে।’

বাইশ নম্বর খাতার একটা পাতা খুলে সিধু জ্যাঠা খবরটা পড়লেন। ১৯৬২-র খবর। তাতে
জানা গেল যে নীহার দত্তের গবেষণার ব্যাপারে তাঁর সঙ্গে কাজ করছিলেন আরেকটি বাঙালি
বায়োকেমিস্ট, নাম সুপ্রকাশ চৌধুরী। অ্যাক্সিডেন্টে চৌধুরীর কোনও ক্ষতি হয়নি, কারণ সে ছিল
ঘরের অন্য দিকে। এই চৌধুরীর জন্যই নাকি নীহার দত্ত নিশ্চিত মৃত্যুর হাত থেকে রেহাই
পেয়েছিলেন, কারণ আগুন নেবানো ও তৎক্ষণাত্মক নীহার দত্তকে হাসপাতালে পাঠানোর ব্যবস্থাটা
চৌধুরীই করেন।

‘এই চৌধুরী এখন—?’

‘তা জানি না,’ বললেন সিধু জ্যাঠা। ‘সে খবর আমার কাছে পাবে না। এদের জীবনে



উল্লেখযোগ্য কিছু ঘটনে যদি সেটা খবরের কাগজে স্থান পায় তবেই সেটা আমার নজরে আসে। আমি যেতে কারূর খবর নিই না। কী দরকার? আমার খবর কজন নেয় যে ওদের খবর আমি নেব? তবে এটা ঠিক যে, এই চৌধুরী যদি বিজ্ঞানের জগতে সাড়া জাগানো একটা কিছু করত, তা হলে সে খবর আমি নিশ্চয়ই পেতাম।'

২

সাতের এক বালিগঞ্জ পার্কের বাড়িতে যে বয়সের ছাপ পড়েছে সেটা আর বলে দিতে হয় না। এটাও ঠিক যে বাড়ির মালিকের যদি সে ছাপ ঢাকবার ক্ষমতা থাকত, তা হলে ঢাকা পড়ত নিশ্চয়ই। তার মানে বোঝা যাচ্ছে যে দণ্ড পরিবারের অবস্থা এখন খুব একটা ভাল নয়। বাগানটা বোধহয় বাড়ির পিছন দিকে। সামনে একটা গোল ধাসের চাকতির উপর একটা অকেজো ফোয়ারা, সেই গোলের দুপাশ দিয়ে নুড়িবেছানো রাস্তা চলে গেছে গাড়িবারান্দার দিকে। গেটের গায়ে শ্বেতপাথরের ফলকে 'গোলোকধাম' দেখে ফেলুন্দা কৌতুহল প্রকাশ করাতে সুবীরবাবু বললেন যে ওঁর ঠাকুরদাদার নাম ছিল গোলোকবিহারী দণ্ড। বাড়িটা তিনিই তৈরি করেছিলেন।

গোলোকধাম যে এককালে দারুণ বাড়ি ছিল সেটা এখনও দেখলে বোঝা যায়। গাড়িবারান্দা থেকে তিন ধাপ সিডি উঠে শ্বেতপাথরের বাঁধানো ল্যাস্টি-এর বাঁ দিক দিয়ে শ্বেতপাথরের সিডি দোতলায় উঠে গেছে। সামনে একটা দরজা দিয়ে ভিতরে করিডর দেখা যাচ্ছে, তার ডান দিকে নাকি পর পর দুটো ফ্ল্যাট। বাঁ দিকে একটা প্রকাও হলঘর, যেটা দণ্ডরা ভাড়া দেননি। এই ঘরে নাকি এককালে অনেক খানাপিনা গানবাজনা হয়েছে।

হলঘরের ঠিক ওপরেই হল দোতলার বৈঠকখানা। আমরা সেখানেই গিয়ে বসলাম। মাথার ওপর কাপড়ে মোড়া চিরকালের মতো অকেজো ঝাড়লঠন, তার যে কত ডালপালা তার ঠিক নেই। একদিকে দেয়াল গিল্ট-করা ফেমে বিশাল আয়না, সুবীরবাবু বললেন সেটা বেলজিয়াম থেকে আনানো। মেঝেতে পুরু গালিচার এখানে ওখানে খুবলে গিয়ে দাবার ছকের মতো সাদা-কালো শ্বেতপাথরের মেঝেটা বেরিয়ে পড়েছে।

সুবীরবাবু সুইচ টিপে একটা স্ট্যান্ডার্ড ল্যাম্প জ্বালিয়ে দিতে ঘরের অঙ্ককার খানিকটা দূর হল। আমরা সোফায় বসতে যাব, এমন সময় বাইরের করিডর থেকে একটা শব্দ পাওয়া গেল—খট্ খট্ খট্ খট্।

লাঠি আর চটি মেশানো শব্দ।

শব্দটা চৌকাঠের বাইরে এসে মুহূর্তের জন্য থামল, আর তার পরেই লাঠির মালিকের প্রবেশ। সেই সঙ্গে আমরা তিনজনেই দণ্ডয়মান।

'আচেনা গলার আওয়াজ পেলাম—এঁরা এলেন বুঝি?'

গৃষ্ণীর গলা, ছফ্ট লস্তা চেহারার সঙ্গে সম্পূর্ণ মানানসই। এনার চুল সব পাকা, কিছুটা এলোমেলো, চোখে কালো চশমা, পরনে আদির পাঞ্জাবি আর সিঙ্কের পায়জামা। বিশ্ফোরণ যে শুধু চোখই নষ্ট করেনি, মুখের অন্যান্য অংশেও যে তার ছাপ রেখে গেছে, সেটা ল্যাম্পের চাপা আলোতেও বোঝা যাচ্ছে।

সুবীরবাবু দাদাকে সাহায্য করতে এগিয়ে এলেন।—'বোসো, দাদা।'

'বসছি। আগে এঁদের বসাও।'

'নমস্কার,' ফেলুন্দা বলল, 'আমার নাম প্রদোষ মিত্র। আমার বাঁ পাশে আমার কাজিন তপেশ।'

আমিও খাটো গলায় একটা নমস্কার বলে দিলাম। শুধু হাত জোড় করাটা তো অঙ্ক লোকের কাছে মাঠে মারা যাবে।

‘আমারই মতো হাইট বলে মনে হচ্ছে মিত্রির মশাইয়ের, আর কাজিন বোধ করি পাঁচ সাত কি সাড়ে সাত।’

‘আমি পাঁচ সাত’, বলে ফেললেন তপেশরঞ্জন মিত্র।

মনে মনে ভদ্রলোকের আনন্দজের তারিফ না করে পারলাম না।

‘বসুন এবং বোসো’ বলে ভাইয়ের সাহায্য না নিয়েই আমাদের সামনের সোফায় বসে পড়লেন নীহার দণ্ড।—‘চায়ের কথা বলেছ?’

‘বলেছি’, বললেন সুবীর দণ্ড।

ফেলুদা অভ্যাসমতো ভিন্নতা না করে সোজা কাজের কথায় চলে গেল।

‘আপনি যে রিসার্চ করছিলেন, সে ব্যাপারে বোধ হয় আপনার একজন পার্টনার ছিল, তাই না?’

সুবীরবাবুর উসখুসে ভাব দেখে বুঝলাম যে এ ব্যাপারটা তিনিও জানতেন, এবং আমাদের না বলার জন্য অপস্তুত বোধ করেছেন।

‘পার্টনার নয়,’ বললেন নীহার দণ্ড—‘অ্যাসিস্ট্যান্ট সুপ্রকাশ চৌধুরী। সে আমেরিকাতেই পড়াশুনা করেছিল। পার্টনার বললে বেশি বলা হবে। আমাকে ছাড়া তার এগোনোর পথ ছিল না।’

‘তিনি এখন কোথায় বা কী করছেন সে খবর জানেন?’

‘না।’

‘অ্যাসিস্ট্যান্টের পর তিনি আপনার সঙ্গে যোগাযোগ রাখেননি?’

‘না। এটুকু বলতে পারি যে তার একাধিতার অভাব ছিল। বামোকেমিষ্ট্রি ছাড়াও অন্য পাঁচ রকম ব্যাপারে তার ইন্টারেস্ট ছিল।’

‘বিস্ফোরণটা কি অসাধারণতার জন্য হয়?’

‘আমি নিজে সজ্জানে কথনও অসাধারণ হইনি।’

চা এল। ঘরটা কেমন যেন থমথম করছে। সুবীরবাবুর দিকে আড়চোখে দেখলাম। তাঁরও যেন তটস্ত ভাব। ফেলুদা একদৃষ্টে চেয়ে আছে কালো চশমার দিকে।

চায়ের সঙ্গে শিঙড়া আর রাজভোগ। আমি প্লেটটা হাতে তুলে নিলাম। ফেলুদার যেন খাওয়ার ব্যাপারে কোনও আগ্রহ নেই। ও একটা চারমিনার ধরিয়ে নিয়ে বলল—

‘আপনি যে ব্যাপারটা নিয়ে গবেষণা করছিলেন, সেটা তা হলে অসমাপ্তই রয়ে গেছে।’

‘সে দিকে কেউ অগ্রসর হলে খবর পেতাম নিশ্চয়ই।’

‘সুপ্রকাশবাবু সে নিয়ে আর কোনও কাজ করেননি সেটা আপনি জানেন?’

‘এটুকু জানি যে আমার নোটস ছাড়া তার কিছু করার ক্ষমতা ছিল না। গবেষণার শেষপর্বের নোটস আমার কাছে ছিল আমার ব্যক্তিগত লকারে। তার নাগাল পাওয়া বাইরের কারোর সাধ্য ছিল না। সে সব কাগজপত্র আমার সঙ্গেই দেশে ফিরে আসে, আমার কাছেই আছে। এটা জানি যে গবেষণা সফল হলে নোবেল প্রাইজ এসে যেত আমার হাতের মুঠোয়। ক্যানসারের চিকিৎসার একটা রাস্তা খুলে যেত।’

ফেলুদা চায়ের পেয়ালাটা তুলে নিয়েছে। আমিও ইতিমধ্যে চুমুক দিয়ে বুঝেছি এ চা ফেলুদার মতো খুঁতখুঁতে লোককেও খুশি করবে। কিন্তু চুমুক দিয়ে তার মুখের অবস্থা কী হয় সেটা আর দেখা হল না।

ঘরের বাতি নিভে গেছে। লোডশোডিং।

‘ক'বিন থেকে ঠিক এই সময়টাতেই যাচ্ছে’ সোফা ছেড়ে উঠে পড়ে বললেন সুবীরবাবু।—‘কোমুদী।’

বাইরে এখনও অল্প আলো রয়েছে; সেই আলোতেই সুবীরবাবু চাকরের খোঁজে ঘর থেকে বেরিয়ে গেলেন।

‘বাতি গেল বুবি?’ প্রশ্ন করলেন নীহার দত্ত। তারপর একটা দীর্ঘশ্বাস ফেলে বললেন, ‘এতে আমার কিছু এসে যায় না।’

গ্র্যান্ডফাদার ক্লকটা ঠিক এই সময় আমাদের চমকে দিয়ে বেজে উঠল—চং চং চং চং চং চং। ছট্টা।

সুবীরবাবু ফিরলেন, পিছনে মোমবাতি হাতে চাকর কৌমুদী।

মাঝের টেবিলে মোমবাতি রাখায় সকলের মুখ আবার দেখা যাচ্ছে। নীহারবাবুর কালো চশমার দুই কাচে দুটি কম্পমান হলদে বিলু। মোমবাতির শিখার ছায়া।

ফেলুদা চায়ে আরেকটা চুমুক দিয়ে আবার চশমার দিকে চেয়ে বলল, ‘আপনার গবেষণার নেটস যদি অন্য কোনও বায়োকেমিস্টের হাতে পড়ে তা হলে তাঁর পক্ষে সেটা লাভজনক হবে কি?’

‘নোবেল প্রাইজটা যদি লাভ বলে মনে করেন তা হলে হতে পারে বইকী।’

‘আপনার কি মনে হয় এই কাগজপত্র চুরি করার জন্য চোর আপনার ঘরে ঢুকেছিল?’

‘সেরকম মনে করার কোনও কারণ নেই।’

‘আরেকটা প্রশ্ন। আপনার এই নেটসের কথা আর কে জানে?’

‘বৈজ্ঞানিক মহলে অনেকেই এটার অস্তিত্ব অনুমান করতে পারে। আর জানে আমার বাড়ির লোকেরা আর আমার সেক্রেটারি রণজিৎ।’

‘বাড়ির লোক বলতে কি একতলার দুই ফ্ল্যাটের বাসিন্দাদের কথাও বলছেন?’

‘তারা কী জানে না-জানে তা আমি জানি না। এরা ব্যবসাদার লোক। জানলেও কোনও ইন্টারেস্ট হবার কথা না। অবিশ্য আজকাল তো সব জিনিস নিয়েই ব্যবসা চলে; এ ধরনের কাগজপত্র নিয়েই বা চলবে না কেন। বিজ্ঞানী হলেই তো আর ধর্মপুত্র যুদ্ধিষ্ঠির হয় না।’

নীহারবাবু উঠে পড়লেন; সেই সঙ্গে আমরাও।

‘আপনার ঘরটা একবার দেখতে পারি কি?’ ফেলুদা প্রশ্ন করল। ভদ্রলোক চৌকাঠের মুখে থেমে গিয়ে বললেন, ‘দেখবেন বইকী। সুবীর দেখিয়ে দেবে। আমি ছাতে সাক্ষ্যত্বমণ্টা সেরে আসি।’

করিডরে বেরিয়ে এলাম চারজনে। অন্ধকার আরও ঘনিয়ে এসেছে। করিডরের ডাইনে বাঁয়ে ঘরগুলোর ভিতর থেকে মোমবাতির ক্ষীণ আলো বাইরে এসে পড়েছে। নীহারবাবু লাঠি ঠক ঠক করে ছাতের সিঁড়ির দিকে এগিয়ে গেলেন। শুনলাম তিনি বলছেন, ‘স্টেপ গোনা আছে। সতেরো স্টেপ গিয়ে বাঁয়ে ঘুরে সিঁড়ি। সেভেন প্লাস এইট—পনেরো ধাপ উঠে ছাত। প্রয়োজন হলে খবর দেবেন...’

৩

নীহারবাবুর বেশ বড় ঘরের একপাশে অনেকখানি জুড়ে পুরনো আমলের খাট। খাটের পাশে একটা ছোট গোল টেবিল। তাতে ঢাকনি-চাপা গেলাসে জল, আর তার পাশে রাত্তায় মোড়া গোটা দশেক বড়। বোধহয় ঘুমের ওষুধ।

এই টেবিলের পাশে জনালার সামনে একটা আরাম কেদারা। তার পিঠে অনেক দিনের ব্যবহারের ফলে বেতের বুনুনিতে কালশিটে পড়ে গেছে। মনে হল এই আরাম কেদারাতেই বিশের ভাগ সময় কাটান নীহারবাবু।

এ হাড়া আছে একটা কাজের টেবিল—যার উপর এখন একটা মোমবাতি চিমচিম করছে—
একটা স্টিলের চেয়ার, টেবিলের উপর লেখার সরঞ্জাম, চিঠির র্যাক, একটা পুরনো
টাইপরাইটার আর এক তাড়া বৈজ্ঞানিক পত্রিকা।

এই টেবিলের পাশেই, দরজার ঠিক বাঁয়ে, রয়েছে গোদরেজের আলমারিটা।

ঘরে চুকেই একবার চারিদিকে চোখ বুলিয়ে নিয়ে ফেলুন্দা তার মিনি টর্চ দিয়ে আলমারির
চাবির গর্তটা ভাল করে দেখে বলল, ‘খোলার চেষ্টার অভাব হয়নি। গর্তের চারপাশে দাগ।’
তারপর এগিয়ে গিয়ে বেডসাইড টেবিল থেকে বড়ির পাতাটা তুলে নিয়ে বলল,
'সোনেরিল।...বুঝেছিলাম নীহারবাবু বেশ কড়া ওষুধ খান। না হলে ঘুম ভেঙে যাবার কথা।'

তারপর চৌকাঠের বাইরে দাঁড়ানো চাকর কৌমুদীর দিকে ফিরে বলল, ‘তোমার ঘুম ভাঙল
না? তুমি কীরকম পাহারা দাও বাবুকে?’

কৌমুদীর মাথা হেঁট হয়ে গেল। সুবীরবাবু বললেন, ‘ও বেজায় ঘুমকাতুরে। এমনিতেই
তিনবার না ডাকলে ওঠে না।’

বাইরে থেকে পায়ের আওয়াজ পেয়েছিলাম আগেই; এবার একটি বছর ত্রিশেকের ভদ্রলোক
এসে ঘরে চুকলেন। রোগা, চোখে চশমা, চুল কোঁকড়া। সুবীরবাবু আলাপ করিয়ে দিতে বুলালাম
ইনিই নীহারবাবুর সেক্রেটারি, নাম রণজিৎ বন্দ্যোপাধ্যায়।

‘কে জিতল?’

ফেলুন্দার অপ্রত্যাশিত প্রশ্ন, করা হয়েছে সেক্রেটারি মশাইকে। রণজিৎবাবুর ফ্যালফেলে
ভাব দেখে ফেলুন্দা হেসে বলল, ‘আপনার পাতলা টেরিলিনের শার্টের পকেটে স্পষ্ট দেখছি
খেলার টিকিটের কাউন্টারফয়েল। তার উপর রোদে মুখ ঝলসানো—লিগের বড় খেলা দেখে
এলেন সেটা অনুমান করাটা কি খুব কঠিন?’

‘ইস্টবেঙ্গল,’ হেসে বললেন রণজিৎবাবু। সুবীরবাবুর মুখেও তারিফ আর বিস্ময় মেশানো
হাসে।

‘আপনি এখানে কদিন কাজ করছেন?’

‘চার বছর।’

‘নীহারবাবু তাঁর বিস্ফোরণের ঘটনার বিষয় কথনও কিছু বলেছেন?’

‘আমি জিজ্ঞেস করেছিলাম,’ বললেন রণজিৎবাবু, ‘কিন্তু উনি খুলে কিছু বলতে চাননি। তবে
চোখ গিয়ে যে সাংঘাতিক ক্ষতি হয়েছে সেটা উনি মাঝে মাঝে নিজের অজান্তেই বলে
ফেলেন।’

‘আর কিছু বলেন?’

রণজিৎবাবু একটু ভেবে বললেন, ‘একটা কথা বলতে শুনেছি যে, উনি যে এখনও বেঁচে
আছেন তার কারণ হল যে ওঁর একটা কাজ এখনও অসমাপ্ত রয়ে গেছে। সেটা কী কাজ আমি
জিজ্ঞেস করতে সাহস পাইনি। মনে হয় উনি এখনও আশা রাখেন যে ওঁর গবেষণাটা শেষ
করবেন।’

‘নিজে তো আর পারবেন না। অন্য কাউকে দিয়ে করাবেন এটাই হয়তো ভেবেছেন। তাই
নয় কি?’

‘তাই বোধহয়।’

‘আপনার এখানে ডিউটি কতক্ষণ?’

‘নটায় আসি, ছাতায় যাই। আজ খেলা দেখার জন্য তাড়াতাড়ি ছুটি চেয়েছিলাম, উনি আপত্তি
করেননি। তবে বাইরে গেলেও সঙ্কেবেলা একবার এখানে হয়ে যাই। যদি ওঁর কোনও...’

‘গোদরেজের চাবি কোথায় থাকে?’ ফেলুন্দা হঠাতে প্রশ্ন করল।—‘টাকা আর গবেষণার



নোটস কী অবস্থায় থাকে সেটা একবার দেখে নিতে চাই।'

'ওই বালিশের নীচে।'

ফেলুদা এগিয়ে গিয়ে বালিশের তলায় হাত ঢুকিয়ে পাঁচটা চাবি সমেত একটা রিং বার করে আনল। তারপর তা থেকে প্রয়োজনীয় চাবিটা বেছে নিয়ে আলমারি খুলল।

'টাকা কোথায় থাকে?'

'ওই দেরাজে।'—রণজিৎবাবু আঙুল দেখালেন।

ফেলুদা দেরাজটা টেনে খুলল।

'সে কী!'

রণজিৎবাবুর চোখ কপালে। মোমবাতির আলোতেই বুঝলাম তাঁর মুখ ফ্যাকাসে হয়ে গেছে।

দেরাজের মধ্যে একটা পাকানো কাগজ—খুলে দেখা গেল সেটা কৃষ্ণি—আর একটা কাশ্মীরি কাঠের বাক্সে কিছু পুরনো চিঠিপত্র। আর কিছু নেই।

'এ কী করে হয়?'—রণজিৎবাবুর গলা দিয়ে যেন আওয়াজ বেরোতে চাইছে না।—'তিনটে বাস্তিল করা একশো টাকার নোট...সব মিলিয়ে প্রায় তেক্রিশ হাজার...'

'গবেষণার কাগজপত্র কি এই অন্য দেরাজটায়?'

রণজিৎবাবু মাথা নাড়লেন। ফেলুদা দ্বিতীয় দেরাজটা খুলল।

এটা একেবারেই খালি।

বাইরে পায়ের শব্দ—খট খট খট। নীহারবাবু ছাত থেকে নামছেন।

‘মিশিগ্যান ইউনিভার্সিটির একটা লম্বা সীলমোহর লাগানো খামে ছিল গবেষণার নোটস...’
রণজিৎবাবুর গলা খটখটে শুকনো।

‘আজ সকালে ছিল টাকা আর কাগজপত্র?’

‘আমি নিজে দেখেছি’ বললেন সুবীরবাবু।—‘একশো টাকার নোটের নম্বরগুলো সব নোট
করা আছে। দাদাই এ ব্যাপারে ইনসিস্ট করতেন।’

ফেলুদা থমথমে তাব করে বলল, ‘তার মানে গত মিনিট পমেরোর মধ্যে—অর্থাৎ লোড
শেডিং হবার পরেই—ব্যাপারটা ঘটেছে। আমরা যখন বৈঠকখানায় ছিলাম তখন।’

নীহারবাবু চুকলেন ঘরে। তাঁর মুখ দিয়ে বুবলাম তিনি বাইরে থেকে সব শুনেছেন।

আমরা পথ করে দিতে ভদ্রলোক এগিয়ে গিয়ে তাঁর আরাম কেদারায় বসলেন। তারপর
দীর্ঘশ্বাস ফেলে বললেন, ‘বোঝো!—গোয়েন্দার নাকের সামনে দিয়ে নিয়ে গেল।’

‘সামনের সিডি ছাড়া দোতলায় ওঠার অন্য সিডি আছে?’ নীহারবাবুর ঘর থেকে করিডরে
বেরিয়ে এসে সুবীরবাবুকে জিজ্ঞেস করল ফেলুদা।

সুবীরবাবু বললেন, ‘জমাদারের সিডি আছে পিছন দিকে।’

‘লোড শেডিং কি রোজই এই সময় হয়?’

‘তা দিন দশক হল হচ্ছে। অনেকে তো ঘড়ি মেলাতে শুরু করেছে। ছাটায় যায়, আসে
দশটায়।’

ভাবতে চেষ্টা করলাম ফেলুদার গোয়েন্দা জীবনে এরকম অস্তুত ঘটনা আর ঘটেছে কি না।
একটাও মনে পড়ল না।

‘নীচের বাসিন্দারা কেউ ফিরেছেন কি?’ সিডির মুখটায় এসে ফেলুদা প্রশ্ন করল।

‘সেটা একবার খোঁজ করা যেতে পারে’, বললেন সুবীরবাবু, ‘মোটামুটি এই সময়টাতেই
আসে।’

নীচের ল্যান্ডিং-এ সিডির উলটোদিকে মিঃ দস্তরের ঘরের দরজা। সেটা এখন বঙ্গ, আর ঘর
যে অঙ্ককার সেটা বাইরে থেকেই বোঝা যায়।

‘সুখওয়ানির ঘরে যেতে হলে পিছন দিক দিয়ে যেতে হবে;’ বললেন সুবীরবাবু।

বাড়ির পুর দিক দিয়ে গিয়ে বাগানের পাশের পথ দিয়ে সুখওয়ানির ঘরের দিকে এগোলাম
আমরা। ঘরে ফুরোসেন্ট আলো জ্বলছে, ব্যাটারি লাইট, যেমন আজকাল চালু হয়েছে।

পায়ের আওয়াজ শুনে ভদ্রলোক বারান্দায় বেরিয়ে এলেন। ফেলুদার টর্চের আলো দখতে
পাচ্ছেন, অথচ মানুষগুলো কে বোঝার উপায় নেই। সুবীরবাবু ইংরেজিতে প্রশ্ন করলেন—

‘একটু আসতে পারি কি?’

গলা চিনতে পেরে ভদ্রলোকের চাহনি পালটে গেল।

‘সার্টনলি, সার্টনলি।’

ফেলুদার পরিচয় পেয়ে ভদ্রলোক ব্যস্ত হয়ে উঠলেন।

‘ইউ সি, মিস্টার মিটার—আমার ঘরভর্তি ভ্যালুয়েবল জিনিস। চুরির কথা শুনলে আমার
হৃৎকম্প হয়। আজ সকালে যখন শুনলাম যে রাত্রে চোর এসেছিল, বুৱাতেই পারেন তখন
আমার কী মনের অবস্থা?’

সত্যি, এত দামি জিনিস যে একটা ঘরে থাকতে পারে সে আমার ধারণাই ছিল না।
তাণবমূর্তি, ভৈরবমূর্তি, বুদ্ধমূর্তি ইত্যাদি পাথর, পেতল আর ব্রহ্মের স্ট্যাচুয়েটের সংখ্যাই অস্তত
গোটা তিরিশ। তা ছাড়া ছবি, বই, পুরনো ম্যাপ, নানারকম পাত্র, ঢাল-তলোয়ার, পিকদান,
গড়গড়া, আতরাদান এসব তো আছেই। ফেলুদা পরে বলেছিল, ‘টাকা থাকলে অস্তত বই আর
প্রিন্টগুলো সব কিনে ফেলতাম রে তোপসে।’

ভদ্রলোককে জিজ্ঞেস করতে বললেন তিনি নাকি লোডশেডিং-এর দশ মিনিট আগে ফিরেছেন।

‘এই দশ মিনিটের মধ্যে কেউ এদিকটা এসেছিল কি? দোতলায় যাবার একটা সিঁড়ি রয়েছে আপনার ঘরের পিছনেই; ওদিক থেকে কোনও আওয়াজ পেয়েছিলেন?’

ভদ্রলোক বললেন উনি এসেই স্থানের ঘরে ঢুকেছিলেন।—‘আর তা ছাড়া এই অঙ্ককারে দেখার প্রশ্ন আর উঠছে কী করে? আর ইয়ে, ভাল কথা, আপনারা কি বাইরের লোককে সন্দেহ করছেন?’

‘কেম বলুন তো?’

‘আপনারা মিঃ দস্তরের সঙ্গে কথা বলেছেন?’

ভাবটা যেন, আমরা দস্তরের সঙ্গে কথা বললেই বুঝে যাব যে তাকে ছাড়া আর কাউকে সন্দেহ করব চলতে পারে না।

ফেলুদা কিছু বলার আগেই ভদ্রলোক বললেন, ‘হি ইং এ মোস্ট পিকিউলিয়ার ক্যারেকটার। আমি জানি আমার প্রতিবেশী সম্বন্ধে এরকম করে বলা উচিত নয়, কিন্তু আমি ওকে কিছুদিন থেকেই ওয়াচ করছি। গোড়ায় আলাপ হবার আগে শুধু ওর নাকভাকার শব্দ পেতাম ওর জানালা দিয়ে। আমার বিশ্বাস সে শব্দ দোতলা অবধি পৌঁছে যায়।’

সুবীরবাবুর ঠাঁটের কোণে হাসি দেখে মনে হল সুখওয়ানি খুব বাড়িয়ে বলেনি।

‘তারপর আলাপ হয়, যখন একদিন সকালে ও আমার টাইপ্রাইটার ধার নিতে আসে। আমার ঘরের জিনিসপত্রের দিকে যেরকম লোলুপ দৃষ্টি দিচ্ছিল সেটা আমার মোটেই ভাল লাগেনি। সাধারণ কৌতুহলবশে জিজ্ঞেস করলাম, ও কী করে। বলল ইলেক্ট্রিক্যাল গুডসের ব্যবসা। আরে বাপু, তাই যদি হবে তা হলে এই লোড শেডিং-এর বাজারে ঘরে একটা ব্যাটারি লাইট আর পাখার ব্যবস্থা করনি কেন? সমস্ত ব্যাপারটাই সন্দেহজনক।’

ভদ্রলোক থামলেন, আর আমরা সেই ফাঁকে উঠে পড়লাম। ফেলুদা বেরোবার আগে বলল, ‘অস্বাভাবিক কিছু দেখলে মিঃ দস্তকে জানালে আমাদের কাজের খুব সুবিধা হবে।’

পুরের গলিটা দিয়ে বাড়ির সামনের দিকে এগোনোর সময়ই একটা ট্যাক্সির হর্ণ পেয়েছিলাম এবার দেখলাম একটি ভদ্রলোক নুড়ি ফেলা পথের উপর দিয়ে গাড়িবারান্দার দিকে এগিয়ে আসছেন। আবছা আলোতেও দেখতে পাচ্ছি ভদ্রলোক মাঝারি হাইটের এবং মোটা, পরনে খয়েরি টেরিলিনের সুট, পরিচ্ছন্ন করে ছাঁটা কাঁচা-পাকা মেশানো ফ্রেঞ্চকাট দাঢ়ি। রংটা বোধহয় বেশ ফরসাই। হাতের ব্রিফকেসটা দেখে নতুন বলে মনে হয়।

ভদ্রলোক আমাদের দিকে ফিরতেই সুবীরবাবু তাঁকে গুড ইভনিং জানালেন। তাতে উনি কেমন যেন থত্মত খেয়ে গেলেন। বুঝলাম এ বাড়িতে কারুর মুখ থেকে গুড মর্নিং, গুড ইভনিং শুনতে অভ্যন্তর নন।

‘গুড ইভনিং, মিঃ ডাট।’

অন্তু খ্যানখ্যানে গলার স্বর। কথাটা বলেই চলে যাচ্ছিলেন ভদ্রলোক, ফেলুদা চাপা ফিসফিসে গলায় সুবীরবাবুকে বললেন, ‘ওকে থামান।’

সুবীরবাবু তৎক্ষণাত আদেশ পালন করলেন।

‘ইয়ে, মিঃ দস্তর!’

দস্তর থামলেন। সুবীরবাবুর সঙ্গে সঙ্গে আমরাও এগিয়ে গেলাম।

সুবীরবাবু সংক্ষেপে আজকের ঘটনাটা বলতে ভদ্রলোকের চোখ ছানাবড়া হয়ে গেল।

‘এই মাত্র কয়েক মিনিটের মধ্যে এত ঘটনা ঘটে গেল? ইওর ব্রাদার মাস্ট বি টেরিবলি আপসেট।’

ফেলুদা বলেছিল যে অস্বাভাবিক মানসিক অবস্থায় মানুষের গলার স্বর এত বদলে যেতে পারে যে অনেক সময় চেনাই যায় না। মিঃ দস্তর ইংরেজিতে আতঙ্ক ও বিস্ময় মেশানো স্বরে এই কথাগুলো বলার সময় লক্ষ করলাম যে খ্যানখ্যানে ভাবটা একেবারেই নেই। প্রায় মনে হয় যেন আরেকজন মানুষ কথাটা বলল।

‘আপনি যখন এলেন তখন কাউকে বেরোতে দেখলেন এ বাড়ি থেকে?’ ফেলুদা প্রশ্ন করল।

‘কই, না তো?’ বললেন মিঃ দস্তর। ‘অবিশ্য এমনও হতে পারে যে অন্ধকারে দেখতে পাইনি। থ্যাঙ্ক গড যে আমার ঘরে কোনও মূল্যবান জিনিস নেই।’

‘কে?’

প্রশ্নটা এল দোতলার ল্যান্ডিং থেকে। নীহারবাবুর গলা। আমরা সবাই গাড়িবারান্দার সিড়ির কাছাটায় দাঁড়িয়ে কথা বলছিলাম, এবার ‘ভিতরে চুকে উপরে চেয়ে দেখলাম অন্ধকারেও নীহারবাবুর কালো চশমাটা চকচক করছে।

‘ইটস মি মিস্টার ডাট,’ দৃষ্টি উপরে করে বললেন দস্তর—‘আপনার ভাই এই মাত্র আপনার লস-এর কথাটা বলল। আমি আপনাকে আমার সহানুভূতি জানাচ্ছি।’

চশমাটা সরে গেল। আর তার পরেই মিলিয়ে এল চটি আর লাঠির শব্দ।

‘আপনারা একটু বসে যাবেন না আমার ঘরে?’ বললেন মিঃ দস্তর।—‘সারাদিন কাজের পরে একটু সঙ্গ পেলে ভাল লাগে।’

ফেলুদা আপন্তি করল না। তার কারণ অবিশ্য আমি জানি। যে বাড়িতে ক্রাইম ঘটেছে, সে বাড়ির লোকেদের চিনে রাখা গোয়েন্দার গোড়ার কাজ।

সুখওয়ানির ঘরের পর মিঃ দস্তরের বৈঠকখানার নেড়া ভাবটা সত্যিই দেখবার মতো। আসবাব বলতে একটা সোফা, দুটো কাউচ, একটা রাইটিং ডেস্ক আর একটা বুকশেল্ফ। সোফার সামনে একটা নিচু টেবিল আছে বটে, তবে সেটা নেহাতই ছোট। তারই উপর একটা মোমবাতি রাখা ছিল। ফেলুদা সেটা ওর লাইটার দিয়ে জ্বালিয়ে দিল; এখন দেখলাম দেয়ালে একটিমাত্র ক্যালেন্ডার ছাড়া আর কিছুই নেই।

ভদ্রলোক ভিতর দিয়ে গিয়েছিলেন বোধহয় চাকরকে ডাকতে; ফিরে আসতে ফেলুদা তাঁকে একটা সিগারেট অফার করল।

‘নো, থ্যাক্স। ক্যানসারের ভয়ে ধূমপানটা বছর তিনেক হল ছেড়ে দিয়েছি।’

‘অন্যের ধূমপানে আশা করি আপন্তি নেই। আপনার অ্যাশট্রেতে অলরেডি একটা আধখাওয়া সিগারেট পড়ে আছে।’

ফেলুদা টুকরোটা তুলে নিয়ে বলল, ‘আমারই ব্র্যান্ড।’ চারমিনারের টুকরো আমিও দূর থেকেই চিনতে পারি।

দস্তর বলল, ‘অনেকবার ভেবেছি সুখওয়ানির মতো আমিও আলো-পাখার একটা ব্যবস্থা করে নিই। তারপর যখনই মনে হয়েছে যে কলকাতার শতকরা নববই ভাগ লোককে গরম আর অন্ধকার ভোগ করতে হচ্ছে, তখন মনটা খারাপ হয়ে যায়। সেই কারণে আমিও...’

‘আপনার তো ইলেকট্রিক্যাল গুডস্-এর ব্যবসা?’

‘ইলেকট্রিক্যাল?’

‘সুখওয়ানি যে বলছিলেন—’

‘সুখওয়ানি ওই রকমই বলে। ইলেকট্রিক্যাল নয়, ইলেকট্রনিক্স। বছরখানেক হল শুরু করেছি।’

‘আপনি নিজেই?’

‘না, আমার এক বন্ধুর সঙ্গে পার্টনারশিপে। আমি বোম্বাই-এর লোক, তবে অনেকদিন দেশের

বাইরে। জার্মানিতে একটা কম্পিউটার ম্যানুফ্যাকচারিং ফার্মে কাজ করতাম। বন্ধু কলকাতা থেকে লিখল এখানে চলে আসতে। পয়সা ওর, আমি জোগাছি অভিজ্ঞতা।’

‘কবে এলেন কলকাতায়?’

‘গত নভেম্বরে। বন্ধুর বাড়িতে ছিলাম মাস তিনেক; এই ফ্ল্যাটের খবরটা পেয়ে এখানে চলে আসি।’

চাকর কোল্ড ড্রিঙ্কস নিয়ে এল। থাম্স আপ। মিঃ দস্তর ফেলুদার পরিচয় আগেই পেয়েছেন, এবার গলাটা নামিয়ে বললেন, ‘মিঃ মিটার, আমার ঘরে মূল্যবান জিনিস নেই ঠিকই, কিন্তু একটা কথা আপনাকে না বলে পারছি না। আমার প্রতিবেশীটি কিন্তু খুব সিধে লোক নন। তার ঘরে নানারকম গোপন কারবার চলে। গর্হিত ব্যাপার।’

‘আপনি জানলেন কী করে?’

‘আমার স্নানের ঘর আর ওর স্নানের ঘর লাগোয়া। দুটোর মাঝখানে একটা বন্ধ দরজা আছে। সে দরজায় কান লাগালে মাঝে মাঝে ওর শোবার ঘর থেকে কথাবার্তা শোনা যায়।’

ফেলুদা গলা খাকরিয়ে বলল, ‘এই ভাবে কান লাগানোও একটা গর্হিত ব্যাপার নয় কি?’

মিঃ দস্তর একটুও অপ্রস্তুত না হয়ে বললেন, ‘সেটা করতাম না। যখন দেখলাম যে আমার চিঠি ভুল করে ওর হাতে পড়লে ও জল দিয়ে খাম খুলে তারপর আবার আঠা দিয়ে সেঁটে ফেরত দেয়, তখন একটা পালটা দুষ্টুমি করার লোভ সামলাতে পারলাম না। আমি নির্বাঙ্গট মানুষ। কিন্তু উনি যদি আমার পিছনে লাগেন তা হলে আমিও ওকে ছাড়ব না, এই বলে দিলাম।’

কোল্ড ড্রিঙ্কসের জন্য ধন্যবাদ জানিয়ে আমরা উঠে পড়লাম।

গেটের কাছে এসে ফেলুদা দারোয়ানকে জিজ্ঞেস করল গত আধ ঘণ্টার মধ্যে কাউকে চুকতে বা বেরোতে দেখেছে কি না। সে বলল সুখওয়ানি আর দস্তরকে ছাড়া কাউকে দেখেনি। এটা আশ্চর্য না। সাতের এক বালিগঞ্জ পার্কের কম্পাউন্ড ওয়াল রয়েছে বাড়ির চারদিক ঘিরে। পিছন দিকের একটা বাড়ি নাকি খালি পড়ে আছে আজ কয়েক মাস যাবৎ। জোয়ান চোর হলে পাঁচিল টপকে আসায় কোনও অসুবিধা নেই—যদিও আমাদের সকলেরই মন বলছে এ কাজ বাড়ির লোকেই করেছে। কিন্তু সেই সঙ্গে আবার বলছে—ভেতরের লোকই যে বাইরের লোককে দিয়ে কাজটা করায়নি তারই বা বিশ্বাস কী?

আমাদের গাড়ি নেই। সুবীরবাবু বলেছিলেন তাঁর গাড়িতে আমাদের বাড়ি পৌঁছে দেবার কথা, কিন্তু ফেলুদা বলল হঁটে গিয়ে ট্যাক্সি পেতে কোনও অসুবিধা হবে না।

‘পুলিশে একটা খবর দিলে ভাল করতেন কিন্তু।’

ফেলুদার এ প্রস্তাৱটা আমার কাছে একেবারই অপ্রত্যাশিত। সুবীরবাবুও বেশ একটু অবাক হলেন। বললেন, ‘কেন বলছেন বলুন তো।’

‘পুলিশ সম্পর্কে আপনার দাদার ধারণা যাই হোক না কেন, পলাতক চোর ধরার যে সব উপায় পুলিশের জন্ম আছে কোনও প্রাইভেট ইনভেস্টিগেটরের তা নেই। বিশেষ করে যখন এতগুলো টাকা, তখন পুলিশকে বলাটা বুদ্ধিমানের কাজ হবে। নোটের নম্বর লেখা আছে বলছেন। কাজটা এমনিতেই অনেকটা সহজ হয়ে যাবে।’

সুবীরবাবু বললেন, ‘আপনাকে যখন আসতে বলেছি, এবং দুর্ঘটনা যখন একটা ঘটেছে, তখন আপনাকে বাদ দেবার কথা আমি ভাবতেই পারি না। পুলিশ আসুক, কিন্তু তার পাশে আপনিও থাকলে শুধু আমিই নিশ্চিন্ত হব না, দাদাও হবেন। অবিশ্যি, সত্যি বলতে কী, চোর কে সেটা কাফুর সাহায্য ছাড়াই আমি বলতে পারি।’

‘আপনার ছেলের কথা বলছেন কি?’

সুবীরবাবু একটা দীর্ঘশ্বাস ফেলে মাথা নেড়ে সায় দিলেন।—‘এ শক্তির ছাড়া আর কেউ হতে

পারে না। সে জানে এ পাড়ায় ছটায় বাতি নিভে যায়। ডামপিটে ছেলে, পাঁচিল টপকানো তার কাছে কিছুই নয়। তার পর পিছনের সিডি দিয়ে উঠে এসে জ্যাঠার ঘরে চুকে আলমারি খোলা—এ সবই তো তার কাছে নস্বি!

‘কিন্তু নীহারবাবুর গবেষণার কাগজপত্র নিয়ে সে কী করবে? বৈজ্ঞানিক মহলে কি তার খুব যাতায়াত আছে?’

‘সেটার দরকার কী বলুন! সে তো সেই কাগজপত্রের বিনিময়ে তার জ্যাঠার কাছ থেকেই টাকা আদায় করতে পারে। এই কাগজপত্রের দাম যে দাদার কাছে কতখানি সেটা তো সে খুব ভালভাবেই জানে?’

এই অল্প সময়ের মধ্যে এত রকম ঘটনা ঘটার ফলে মাথাটা ভোঁ ভোঁ করছিল। তার পরেও একই দিনে যে আরও কিছু ঘটতে পারে সেটা ভাবতেই পারিনি। অবিশ্য সেটার কথা বলার আগে বাড়ি ফিরে এসে ফেলুদা আর আমার মধ্যে যে কথা হয়েছিল সেটা বলা দরকার।

রাতে খাবার পরে ফেলুদার ঘরে গিয়ে দেখি সে খাটে চিত হয়ে শুয়ে সিলিং-এর দিকে ঢেয়ে পান চিবোচ্ছে আর চারমিনার ফুঁকছে। আমিও গিয়ে খাটে বসলাম। সে প্রশ্নটা গোলোকধাম থেকেই মনে খোঁচা দিচ্ছিল সেটা না বলে পারলাম না।

‘তুমি কেসটা হেডে দিতে চাইছিলে কেন ফেলুদা?’

ফেলুদা পর পর দুটো মোক্ষম রিং ছেড়ে বলল, ‘কারণ আছে রে, কারণ আছে।’

‘কারণ তো বললেই তুমি—পালানো চোর ধরা পুলিশের পক্ষে আরও সহজ—বিশেষ করে যদি অনেক টাকা নিয়ে পালায়।’

‘সুবীরবাবুর ছেলেই নিয়েছে বলে তোর মনে হয়?’

‘আর কে নেবে বল। বাড়ির লোক নিয়েছে সে তো বোঝাই যাচ্ছে। দস্তর তো ছিলেনই না। সুখওয়ানি চুরি করে দিব্যি ঘরে বসে থাকবেন সেটাও যেন কেমন কেমন লাগে। রণজিৎবাবুও এলেন চুরির পরে। আর আছে চাকরবাকর...’

‘কিন্তু ধর যদি মকেল নিজেই কিছু করে থাকেন?’

আমি অবাক হয়ে চাইলাম ফেলুদার দিকে।

‘সুবীরবাবু।’

‘একটু মাথা ঠাণ্ডা করে চুরি আবিষ্কারের ঠিক আগের ঘটনাগুলো ভেবে দেখ।’

আমি চোখ বুজে কলনা করলাম আমরা চারজনে বৈঠকখানায় বসে আছি। চা এল। আমরা চা খাচ্ছি। ফেলুদার হাতে কাপ। ঘরের বাতি নিভল। তারপর—

ধাঁ করে একটা জিনিস মনে পড়ে গিয়ে বুকটা কেঁপে উঠল।

‘লোড শেডিং-এর সঙ্গে সঙ্গে সুবীরবাবু ঘর থেকে বেরিয়ে গিয়েছিলেন, ফেলুদা—চাকরকে ডাকতে।’

‘তবে!—ভেবে দেখ আমার পোজিশনটা কী হবে যদি বেরোয় যে সুবীরবাবুই আলমারি খুলেছিলেন। এটা অসভ্য নয় এই কারণেই যে ওই একটি লোক সম্বন্ধে আমরা বিশেষ কিছুই জানি না। চাকরের কথা যেটা বলেছেন সেটা অবিশ্য অবিশ্বাস করার কোনও কারণ নেই। কিন্তু ধর যদি শেয়ার বাজারে বা রেসের মাঠে বা জুয়োর আড্ডায় ভদ্রলোকের অনেক টাকা খোঁয়া গিয়ে থাকে, বাজারে একগাদা ধারদেনা থাকে, তা হলে তাঁর পক্ষে টাকাটা নেওয়া খুব আশ্চর্য কি?’

‘কিন্তু উনি তো নিজেই এলেন তোমার কাছে! উনিই তো তোমায় গোয়েন্দা অ্যাপয়েন্ট করলেন।’

‘উনি যদি খুব উচ্চস্তরের ধূর্ত ব্যক্তি হয়ে থাকেন তা হলে নিজের উপর যাতে সন্দেহ না

পড়ে তার জন্যে ঠিক ওই কাজটাই করা কিছুই আশ্চর্য নয়।’

এর পরে আর কোনও কথা বলা যায় না।

ফেলুদা কালী সিংহের মহাভারতটা হাতে নিয়ে রিডিং ল্যাম্পটা জ্বালিয়েছে দেখে আমি খাট থেকে উঠে পড়লাম।

বসবার ঘরে আসতেই বাইরে থেকে একটা শব্দ পেলাম। স্কুটার। একটা নয়, একটার বেশি।

নির্জন নিষ্ঠক পাড়াটকে কাঁপিয়ে যেন আমাদের বাড়ির সামনেই এসে থামল।

আর তার পরেই আমাদের দরজায় কলিং বেল বেজে উঠল।

দিনকাল ভাল নয়, আর তা ছাড়া আমাদের বাড়িতে মাঝে মাঝে বেটাইমে লোক এলেও স্কুটারে আসে না।

আমি দরজার দিকে না গিয়ে আগে ফেলুদার পর্দাটা ফাঁক করে একবার উঁকি দিলাম। ফেলুদা বই রেখে খাট থেকে উঠে পড়েছে। বলল—‘দাঁড়া।’ অর্থাৎ তুই খুলিস না, আমি খুলছি।

দরজা খুলতেই যিনি প্রবেশ করলেন তিনি যে শয়তানের অবতার সেটা বুঝতে পাঁচ সেকেন্ডও লাগল না। বসবারও দরকার নেই; ঘরে চুকে পিঠ দিয়ে দরজাটা বন্ধ করে ফেলুদার দিকে ঘোলাটে চোখ করে তাকিয়ে কথার চাবুক আছড়তে শুরু করলেন সুবীর দত্তর ছেলে শক্তির দণ্ড।

‘শুনুন মশাই, আমার বাবা আমার বিষয়ে কী বলেছেন জানি না, কিন্তু গেস করতে পারি। এইটুকু শুধু বলে দিছি আপনাকে—আমার পেছনে টিকটিকি লাগিয়ে কারুর বাপের সাধ্য নেই কিছু করে। আপনাকে ওয়ার্নিং দিছিঃ আমি একা নই। আমাদের গ্যাং আছে। বেশি ওস্তাদি করলে পস্তাবেন। বাপের নাম ভুলিয়ে ছাড়ব এই বলে দিলাম।’

শক্তির দণ্ড যেরকম নাটকীয় ভাবে চুকেছিলেন, ঠিক সেই ভাবেই বেরিয়ে গোলেন স্পিচ ঝাড় শেষ করে। তারপরই আওয়াজ পেলাম তিনটে স্কুটার স্টার্ট নিয়ে পাড়া কাঁপিয়ে বেরিয়ে চলে গেল।

ফেলুদা এতক্ষণ স্থির হয়ে ছিল। স্নায়ুর উপর অসাধারণ দখল আছে বলেই এত অপমানেও ও পাথর। ও বলে প্রচণ্ড রাগে যে ফেটে পড়ে তার চেয়ে সেই রাগ যে দমিয়ে রাখতে পারে তার মনের জোর বেশি।

স্কুটারের শব্দ মিলিয়ে যাবার আগেই কিন্তু ফেলুদা বাড়ের বেঠে গায়ে একটা পাঞ্জাবি চাপিয়ে পকেটে তার মানিব্যাগটা নিয়ে নিয়েছে।

‘চ’ তোপ্সে—ট্যাঙ্গি...’

তিনি মিনিটের মধ্যে সার্দান এভিনিউতে একটা চলন্ত ট্যাঙ্গি থামিয়ে উঠে পড়লাম দুজনে। উভয় দিকে গেছে স্কুটারগুলো এটা জানি।

‘ল্যানসডাউন ধরুন’, বলল ফেলুদা। বড় রাস্তায় খোঁড়াখুঁড়ি, তাই ল্যানসডাউন রোড ধরেই যাবে ওরা এটা আমারও মনে হয়েছিল।

পৌনে এগারোটা। সার্দান এভিনিউ প্রায় ফাঁকা। ট্যাঙ্গি চালক বাঙালি, আমাদের মুখ চেনা। বললেন, ‘কাউকে ফলো করবেন, স্যার?’

‘তিনটে স্কুটার’, চাপা গলায় বলল ফেলুদা।

আন্দাজে ভুল নেই। এলগিন রোডের মোড়ের কাছে এসে স্কুটার তিনটের দেখা পাওয়া গেল। শক্তির একাই বসেছে একটায়, অন্য দুটোয় দুজন করে লোক। এরা সব মার্কামারা মস্তান সেটা আর বলে দিতে হয় না। আমাদের ট্যাঙ্গি ওদের লেজ ধরে চলতে লাগল।

লোয়ার সার্কুলার রোড, ক্যামাক স্ট্রিট পেরিয়ে স্কুটারগুলো পার্ক স্ট্রিটে পড়ে বাঁ দিকে ঘুরল। এঁকেবেঁকে সাপের মতো চালানোয় বোঝা যাচ্ছে এদের বেপরোয়া ফুর্তির ভাবটা। ফেলুদা:



রাস্তার আলো বাঁচিয়ে ভিতর দিকে চেপে বসেছে, তার মাথায় কী খেলছে কিছুই বুঝতে পারছি না।

মিরজা গালিব স্ট্রিট দিয়ে কিছুদূর গিয়ে স্কুটারগুলো আবার বাঁয়ে ঘুরল। মার্কুইস স্ট্রিট। রাস্তা সরু হয়ে আসছে, পাড়া অঙ্ককার, বাতিগুলো টিমটিমে। যাতে ওরা সন্দেহ না করে তাই ফেলুদার আদেশে আমাদের ড্রাইভার ট্যাঙ্কির স্পিড কমিয়ে ওদের সঙ্গে দূরফুট একটু বাড়িয়ে নিল।

আরও দুটো মোড় ঘুরে দেখলাম স্কুটারগুলো একটা বাড়ির সামনে দাঁড়িয়েছে।

‘চালিয়ে বেরিয়ে যান’, বলল ফেলুদা।

বাড়ি না। এক ধরনের হোটেল। নাম নিউ কোরিনথিয়ান লজ। মিউ? বাড়ির বয়স কম করে একশো বছর।

ফেলুদার কাজ শেষ। বুঝলাম এদের ডেরাটা জানার দরকার ছিল।

বাড়ি যখন ফিরলাম তখন এগারোটা চালিশ। ভাড়া উঠেছে উনিশ পঁচাত্তর।

পরদিন ভোরে সিধু জ্যাঠার আবির্ভাবটা একেবারে আনন্দপূর্ণভাবে। উনি সকালে হাঁটতে বেরোন জানি, কিন্তু সেটা লেকের দিকে। আমাদের বাড়িতে আসার মানেই কোনও একটা বিশেষ কারণ আছে।

‘খাতার ওজন অনেক, তাই খবরটা কপি করে এনেছি,’ বললেন সিধু জ্যাঠা। — ‘সুপ্রকাশ কিনা জানি না, তবে এস. চৌধুরী বলে লিখেছে আর বায়োকেমিস্ট সেটাও লিখেছে’

‘কেবকার খবর?’

‘উনিশশো একাত্তর। মেঞ্চিকোতে একটা ড্রাগ কোম্পানির উপর পুলিশের হামলায় একটি বাঙালি বায়োকেমিস্ট ধরা পড়ে, নাম এস. চৌধুরী। ভেজাল ড্রাগের ব্যবসা চালাচ্ছিল; তার ফলে সব মারাঞ্চক ব্যাধি দেখা দিয়েছিল। লোকটার জেল হয়। এইটুকুই খবর। আসলে মাথায় ঘুরছে সুপ্রকাশ, তাই এস. চৌধুরীর সঙ্গে নামটা ঠিক কানেক্ট করতে পারিনি। অবিশ্য এ সেই একই এস. চৌধুরী কি না—’

‘একই?’ গভীর ভাবে বলল ফেলুদা।

সিধু জ্যাঠা উঠে পড়লেন। তাঁর আজ চুল কাটার দিন, নাপিত এসে বসে থাকবে। ফেলুদার পিঠ চাপড়ে, আমার কান ধরে একটা মোচড় দিয়ে, মালকোচাটা একটু ভাল করে গুঁজে নিয়ে রাস্তায় বেরিয়ে পড়লেন।

ফেলুদা খাতা খুলে হিজিবিজি লেখা শুরু করেছে দেখে আমি পাশে গিয়ে দাঁড়ালাম। পর তিনটে প্রশ্ন লেখা রয়েছে খাতায়—

১) চাবির গর্তের ধারে আঁচড়ের বাড়াবাড়ি কেন?

২) ‘কে’-র অর্থ কী?

৩) অসমাপ্ত কাজটা কী?

প্রশ্নগুলো পড়ে সে সম্বন্ধে আমিও খানিকটা না ভেবে পারলাম না।

আলমারির চাবির গর্তের চারিধারে আঁচড় কালই ফেলুদার টর্চের আলোয় দেখেছিলাম। এটায় খটক লাগার একটা কারণ থাকতে পারে। রীতিমতো জোরে ঘষা না লাগলে ইস্পাতের ওপর ওরকম দাগ পড়তে পারে না। নীহারবাবুর ঘূম কি এতই গভীর যে এত ঘষাঘিতেও ঘূম ভাঙবে না?

‘কে’-র ব্যাপারটা প্রথমে বুঝতে পারিনি। তারপর মনে পড়ল যে মিঃ দস্তরের গলা শুনে দোতলার ল্যান্ডিং থেকে নীহারবাবু ‘কে’ বলে উঠেছিলেন। ফেলুদা এই ‘কে’ প্রশ্নে খটকার কারণ কী দেখল সেটা বুঝলাম না।

অসমাপ্ত কাজের কথাটাও নীহারবাবুই বলেছেন। অস্তত রণজিৎবাবু তাই বলেন। সেটা যে উনি গবেষণার বিষয় বলছিলেন সেটা কি ফেলুদা বিশ্বাস করে না?

ফেলুদা আরও কী সব লিখতে যাচ্ছিল, এমন সময় টেলিফোনটা বেজে উঠল। ওর ঘরেই এক্সটেনশন ফোন; বিছানা থেকে হাত বাড়িয়ে টেবিলের উপর থেকে রিসিভারটা তুলে নিল।

‘হ্যালো।’

দু-চারবার হঁ হঁ করে এবং শেষে ‘আমি এক্সুনি আসছি’ বলে ফোনটা রেখে ফেলুদা আলনা

থেকে শার্ট ও ট্রাউজার সমেত হ্যাঙ্গারটা একটানে নামিয়ে নিয়ে বলল, ‘তৈরি হয়ে নে। গোলোকধামে খুন।’

আমার বুক ধড়াস।

‘কে খুন হল?’

‘মিঃ দস্তর।’

বড় রাস্তা থেকে বালিগঞ্জ পার্কে চুকতেই দূরে সাতের একের সামনে দেখলাম পুলিশের ভ্যান আর লোকের জটলা। তাও সাহেবি পাড়া বলে রক্ষে, নইলে ভিড় আরও অনেক বেশি হত।

কলকাতার পুলিশ মহলে ফেলুদাকে চেনে না এমন লোক নেই। গোলোকধামে চুকতেই ওকে দেখে ইস্পেষ্টের বকশী হাসি হাসি মুখে এগিয়ে এসে বললেন, ‘এসে পড়েছেন? গঙ্কে গঙ্কে হাজির?’

ফেলুদা ওর একপেশে হাসিটা হেসে বলল, ‘সুবীরবাবুর সঙ্গে আলাপ হয়েছে সম্পত্তি; ফোন করছিলেন, তাই চলে এলাম। আপনাদের কাজে কোনও ব্যাঘাত করব না গ্যারান্টি দিছি। খুনটা হল কী ভাবে?’

‘মাথায় বাড়ি। একটা নয়, তিনটে। ঘুমন্ত অবস্থায়। লাশ নিয়ে যাবে এইবার পোস্টমর্টেমের জন্য। ডাঃ সরকার একবার এসে দেখে গেছেন। আন্দাজ রাত দুটো থেকে তিনটের মধ্যে ব্যাপারটা ঘটে।’

‘লোকটার সম্বন্ধে কিছু জানতে পারলেন?’

‘খুব গওগোল। সুটকেস গুছোতে শুরু করেছিল। স্টকাবার তালে ছিল।’

‘টাকাকড়ি গেছে কিছু?’

‘মনে তো হয় না। খাটের পাশের টেবিলে ওয়লেটে শ'তিনেক টাকা রয়েছে। বাড়িতে ক্যাশ বেশি রাখত বলে মনে হয় না। অথচ ব্যাকের জমার খাতা, চেক বই এসব কিছু পাওয়া যাচ্ছে না। একটা সোনার ঘড়ি পাওয়া গেছে বালিশের পাশে। এখনও ভাল করে সার্চ করা হয়নি; এবার করবে। এ পর্যন্ত যা পাওয়া গেছে তা থেকে লোকটার সঠিক পরিচয় কিছু পাওয়া যায়নি।’

সুবীরবাবু মিনিট খানেক হল এসে পাশে দাঁড়িয়েছেন। মিঃ বকশীকে উদ্দেশ করে বললেন, ‘সুখওয়ানি বেজায় তমি করছে। বলছে তার নাকি একটা জরুরি আ্যপয়েন্টমেন্ট আছে ডালহাউসিতে। আমি বলেছি জেরা না হওয়া পর্যন্ত ছাড়া যাবে না।’

‘ঠিকই বলেছেন,’ বললেন মিঃ বকশী। ‘অবিশ্যি জেরাতে আপনিও বাদ যাবেন না।’

শেষের কথাটা হালকা হেসে বললেন মিঃ বকশী। সুবীরবাবু মাথা নেড়ে বুবিয়ে দিলেন যে সেটা তিনি জানেন।

‘তবে আমার দাদাকে যত অল্পের উপর দিয়ে সারতে পারেন ততই ভাল।’

‘ন্যাচারেলি।’

‘ঘরটা একবার দেখতে পারি কি?’ ফেলুদা জিজ্ঞেস করল।

‘নিশ্চয়ই।’

বকশীও ফেলুদার সঙ্গে সঙ্গে এগিয়ে গেলেন, পিছনে আমি। ঘরে ঢেকার আগে ফেলুদা সুবীরবাবুর দিকে ফিরে বলল, ‘ভাল কথা, আপনার ছেলে কাল আমার বাড়িতে এসেছিল।’

‘কখন!—সুবীরবাবু অবাক।

ফেলুদা সংক্ষেপে কাল রাতিরের ঘটনাটা বলে বলল, ‘সে কি কাল ফিরেছিল?’

‘ফিরে থাকলেও টের পাইনি’, বললেন সুবীরবাবু। ‘সকালে উঠে তাকে দেখিনি।’

‘ঘাক, তা হলে আপনার ছেলের ডেরার একটা সন্ধান পাওয়া গেল,’ বললেন মিঃ বকশী, ‘ওই হোটেলটা মোটেই সুবিধের নয়। বার দুয়েক রেড হয়ে গেছে ওখানে অলরেডি।’

কালকের দেখা ঘরের চেহারা আজ একেবারে পালটে গেছে। কাল ছিল অন্ধকার, আর আজ দুটো জানালা দিয়ে ঝলমল রোদ এসে, সোফা আর মেবের উপর পড়েছে। আশ্চর্য লাগল দেখে যে কালকের দেখা চারমিনারের টুকরোটা এখনও অ্যাশট্রেতে পড়ে আছে। ঘরে দুজন পুলিশের লোক রয়েছে, আর পুলিশের ফোটোগ্রাফার তাঁর কাজ শেষ করে সরঞ্জাম ব্যাগে পুরহেন।

খুন্টা অবিশ্য হয়েছে পাশের শোবার ঘরে। ফেলুদা বকশীর সঙ্গে সেই ঘরেই গিয়ে চুকল। আমি চৌকাঠ অবধি গিয়ে একবার বিছানার দিকে চেয়ে চাদরে ঢকা লাশটা দেখে নিলাম। একজন পুলিশের লোক খানাতলাশি চালিয়ে যাচ্ছে। মেবেতে একটা খোলা সুটকেসের মধ্যে দেখলাম কিছু জামাকাপড় ভাঁজ করে রাখা রয়েছে। তার পাশে মাটিতে দাঁড় করানো রয়েছে গতকাল দন্তরের হাতে দেখা নতুন রিফকেস্ট।

আমি আরও মিনিট তিনেক বসবার ঘরে জিনিসপত্র দেখে কাটিয়ে দিলাম। কোনও কিছুতেই হাত দেওয়া চলবে না এটা জানি, তার উপর দুটো পুলিশই আমার দিকে ড্যাবড্যাব করে চেয়ে আছে।

‘চ’ তোপসে।’

ফেলুদা বেরিয়ে এসেছে শোবার ঘর থেকে। ‘আপনি আছেন কিছুক্ষণ?’ বকশী প্রশ্ন করল।

‘একবার বড় কর্তার সঙ্গে দেখা করে যাব’, বলল ফেলুদা। ‘ইন্টারেস্টিং কিছু পেলে বলবেন।’

সুবীরবাবু দোতলায় অপেক্ষা করছিলেন। আমরা তাঁর সঙ্গে নীহারবাবুর ঘরে গিয়ে হাজির হলাম।

ভদ্রলোক তাঁর আরাম কেদারায় চিত হয়ে শুয়ে আছেন। চোখে কালো চশমা, হাতের লাঠি পাশে খাটের উপর শোয়ানো। অ্যাদিন লাঠিটা ভদ্রলোকের হাতে দেখেছি, তাই সেটার মাথা যে রুপে দিয়ে বাঁধানো সেটা বুঝতে পারিনি। মাথার নকশার মধ্যে খোদাই করা জি বি ডি দেখে বুঝলাম লাঠিটা ছিল নীহারবাবুর ঠাকুরদা গোলোকবিহারী দন্ত।

আমরা এসেছি সে খবরটা দেওয়াতে নীহারবাবু কাত করা ঘাউটাকে একটু সোজা করে বললেন, ‘শব্দ পেয়েছি। পায়ের শব্দ। শব্দ আর স্পর্শ—এই দুই নিয়েই তো কাটিয়ে দিলাম বিশ বছর। আর স্ফুত...কী হতে পারত, কী হল না। লোকে বলে দুর্ভাগ্য। আমি তো জানি এটা ভাগ্য-টাগ্য কিছু নয়। আপনি সেদিন জিজ্ঞেস করলেন বিশ্ফোরণটা অসাবধানতার জন্য হয়েছিল কিনা; আজ আপনাকে বলছি মিঃ মিত্র—সমস্ত ব্যাপারটা করা হয়েছিল আমার শ্রম পণ্ড করার জন্য। ঈর্ষা যে মানুষকে কত নীচে নামাতে পারে সেটা আপনি গোয়েন্দা হয়ে নিশ্চয়ই বোঝেন।’

ভদ্রলোক একটু থামলেন। ফেলুদা বলল, ‘তার মানে আপনার ধারণা সুপ্রকাশ চৌধুরীই বিশ্ফোরণের জন্য দায়ী?’

‘বাঙালি যে বাঙালির সবচেয়ে বড় শক্ত সেটা আপনি মানেন কি?’

ফেলুদা একদৃষ্টে চেয়ে আছে কালো চশমার দিকে। নীহারবাবুও যেন উত্তরের অপেক্ষা করছেন।

ফেলুদা বলল, ‘আপনি এখন যে কথাটা যে ভাবে আমাদের বলছেন, সেটা এর আগে কাউকে বলেছেন কি?’

‘না, বলিনি। কোনওদিন না। হসপাতালে জ্বান হবার পর আমার এই কথাটাই প্রথম মনে হয়েছিল। কিন্তু বলিনি। বলে কী করব? আমার সর্বনাশ যা হবার তা তো হয়েই গেছে। যে এটার জন্য দায়ী, তার শাস্তি হলে তো আর আমি দৃষ্টি ফিরে পাব না, বা আমার গবেষণাও শেষ

করতে পারব না।’

‘কিন্তু আপনাকে চিরকালের মতো অসহায় করে চৌধুরীরই বা কী লাভ হল বলুন। সে কি ভেবেছিল যে আপনার কাগজপত্রগুলো হাত করে সে-ই গবেষণা চালিয়ে নিজে নাম কিনবে?’

‘নিশ্চয়ই তাই। তবে তার সে ধরণা ভুল। আমি তো বলেইছি আপনাকে। আমাকে ছাড়া এগোনোর পথ ছিল না তার।’

আমরা দুজনেই খাটে বসেছি। ফেলুদাকে দেখে বুঝতে পারছি সে গভীর ভাবে চিন্তা করছে। রণজিৎবাবু ইতিমধ্যে ঘরে এসে টেবিলটার পাশে দাঁড়িয়েছেন। সুবীরবাবু কোনও কাজে বাইরে গেছেন।

ফেলুদা বলল, ‘টাকার কথা জানি না, সেটা হয়তো পুলিশের পক্ষে উদ্ধার করা আরও সহজ, কিন্তু আপনার এত মূল্যবান কাগজপত্র আমি এ বাড়িতে উপস্থিত থাকতে চুরি হয়ে গেল, এটা আমি কিছুতেই মানতে পারছি না। ওগুলো উদ্ধার করার আপ্রাণ চেষ্টা আমি চালিয়ে যাব।’

‘আপনি যা ইচ্ছা তাই করতে পারেন।’

আমরা আর বেশিক্ষণ থাকলাম না। পুলিশ তাদের কাজ চালিয়ে যাচ্ছে। বকশী ফেলুদাকে বলে দিলেন যে তাদের জেরা আর খানাতলাশির কী ফল হয় সেটা ফেনে জানিয়ে দেবেন।

‘আর নিউ কোরিনথিয়ান লজের খবরটাও জানাতে ভুলবেন না’, বলে দিল ফেলুদা।

আমরা বাড়ি ফিরেছি সাড়ে দশটায়। তখন থেকে শুরু করে দুপুরের খাওয়ার আগে পর্যন্ত ফেলুদা পায়চারি করে, খেমে, শুয়ে-বসে, চোখ খুলে, চোখ বুজে, জ্বরুটি করে, মাথা নেড়ে, বিড়বিড় করে, মাঝে মাঝে ছেট বড় মাঝারি দীর্ঘশ্বাস ফেলে বুরিয়ে দিচ্ছিল যে তার মনের মধ্যে নানারকম প্রশ্ন সন্দেহ খটকা দ্বন্দ্ব ইত্যাদির হটোপাটি চলছিল। একবার হঠাতে আমার দিকে চেয়ে প্রশ্ন করল, ‘গোলকধামের একতলার প্ল্যানটা তোর মোটামুটি মনে পড়ছে?’

আমি একটু ভেবে বললাম, ‘মোটামুটি।’

‘সুখওয়ানির ঘর থেকে দন্তরের ঘরে কীভাবে যাওয়া যায় বল তো?’

আমি আবার একটু ভাবলাম। তারপর বললাম, ‘যদুর মনে পড়ছে, দুটো ফ্ল্যাটের পাশ দিয়ে বাড়ির ভিতরে যে বারান্দাটা গেছে, তার মাঝখানে একটা দরজা রয়েছে, আর সে দরজাটা বোধ হয় বন্ধ থাকে। সেটা খোলা থাকলে সেই বারান্দা দিয়েই সোজা এক ফ্ল্যাট থেকে আরেক ফ্ল্যাটে চলে যাওয়া যেত।’

‘ঠিক বলেছিস। তার মানে সুখওয়ানিকে যদি দন্তরের ফ্ল্যাটে আসতে হয় তা হলে বাগান ঘুরে বাড়ি আর কম্পাউন্ড-ওয়ালের মধ্যের গলি দিয়ে একেবারে সামনে এসে সদর দরজা দিয়ে ঢুকতে হয়।’

‘কিন্তু সামনের কোল্যাপ্সিব্ল গেট কি মাঝরাত্রিতে খোলা থাকবে?’

‘নিশ্চয়ই না।’

তারপর আবার পায়চারি শুরু করে বলতে লাগল—

‘X, Y, Z... X, Y, Z... X হল গবেষণার কাগজ, Y হল টাকা, আর Z হল খুন। এখন কথা হচ্ছে— X, Y, Z, কি একই সূত্রে গাঁথা, না তিনটে আলাদা...’

আমি এক ফাঁকে বলে ফেললাম, ‘ফেলুদা, আমার কিন্তু মনে হচ্ছে যে সুপ্রকাশ চৌধুরী দন্তর সেজে নীহারবাবুর বাড়িতে ভাড়াটে হয়ে এসেছিলেন।’

আশ্র্য হয়ে গেলাম দেখে যে ফেলুদা মোটেই আমার কথাটা উড়িয়ে দিল না। বরং আমার পিঠে দুটো চাপড় মেরে বলল, ‘যদিও এ ধরণটা আমার মাথায় আগেই এসেছে, তবুও বলতেই

হয় আজকাল তোর চিন্তায় মাঝে মাঝে বেশ খিলিক দিছে। কিন্তু দস্তর যদি সুপ্রকাশ হয়, তা হলে মনে করা যেতে পারে সে গবেষণার নেটসের লোভেই ওখানে আস্তানা নিয়েছিল। এখন প্রশ্ন হচ্ছে, সেই যদি খামটা চুরি করে থাকে তা হলে সেটা গেল কোথায়? আর তার পক্ষে নিজে চুরি করাটা সম্ভবই বা হয় কী করে? সে তো দোতলায় কোনওদিন যায়ইনি।’

আমার সত্ত্বিই মাথা খুলে গেছে। ব্যাপারটা তো জলের মতো সোজা! বললাম, ‘উনি যাবেন কেন? ধর যদি ওঁর সঙ্গে শক্র দস্তর ঘড় হয়ে থাকে? শক্রই কাগজটা চুরি করে ওকে এনে দিয়েছে, আর তার জন্য কিছু টাকাও পেয়ে গেছে।’

‘এক্সেলেন্ট’ বলল ফেলুদা। ‘অ্যান্ডিনে বলা যায় তুই আমার উপযুক্ত অ্যাসিস্ট্যান্ট হলি। কিন্তু এতে তো খুনের রহস্যের সমাধান হচ্ছে না।’

‘ধরো যদি রণজিৎবাবু বুঝে থাকেন যে দস্তর আসলে সুপ্রকাশ। রণজিৎবাবু তো নীহারবাবুর সব ব্যাপারই জানেন, আর সেই সঙ্গে নীহারবাবুকে দারুণ ভক্ষণ করেন। যে লোক নীহারবাবুর ভবিষ্যৎ অন্ধকার করে দিয়েছিল, তার উপর প্রচণ্ড আক্রমণ খুন করতে পারেন না রণজিৎবাবু?’

ফেলুদা মাথা নাড়ল।

‘খুন জিনিসটা অত সহজ নয় রে তোপসে। রণজিতের মোটিভটাকে মোটেই জোরালো বলা চলে না। আসল আপশোসের ব্যাপার হচ্ছে যে দস্তর লোকটার ঘরে সার্চ করে এখন অবধি কিছু পাওয়া গেল না। অত্যন্ত সাবধানী লোক ছিলেন এই দস্তর।’

‘আমার কী মনে হয় জান ফেলুদা?’

ফেলুদা পায়চারি থামিয়ে আমার দিকে চাইল। আমি বললাম, ‘পুলিশের বদলে তুমি যদি সার্চ করতে তা হলে অনেক রকম ক্লু পেতে।’

‘বলছিস?’

ফেলুদা নিজের ওপর কনফিডেন্স হারাচ্ছে এটা স্ফেয়েও ভাবতে পারি না; কিন্তু ওর ওই ‘বলছিস’ কথাটাতে যেন ওটারই একটা আভাস পেলাম। আর তারপর যে কথাটা বলল তাতে মনটা আরও দমে গেল।

‘এই গরম আর এই লোড শেডিং-এ আইনস্টাইনেরও মাথা খুলত কিনা সন্দেহ।’

দুটো নাগাদ ইল্পিপেট্র বকশীর ফোন এল। দস্তরের একটা জুতোর গোড়ালির মধ্যে একটা চোরা খুপরিতে আমেরিকান ডলার আর জার্মান মার্ক মিলে প্রায় সতেরো হাজার টাকা পাওয়া গেছে। কিন্তু এমন কোনও কাগজ বা দলিল পাওয়া যায়নি যা থেকে লোকটার বিষয় কিছু জানা যায়। ইলেকট্রনিকস-এর নতুন কোনও দোকানের হিসিস মেলেনি, দস্তরের কোনও বন্ধুরও সন্ধান পাওয়া যায়নি। চিঠিপত্র প্রায় ছিল না বললেই চলে। একটি মাত্র ব্যক্তিগত চিঠি, আর্জেন্টিনা থেকে লেখা, যা থেকে বোঝা যায় যে সে দক্ষিণ আমেরিকায় কিছুদিন কাটিয়েছিল।

বকশীর দ্বিতীয় খবর হচ্ছে এই যে, নিউ কোরিনথিয়ান লজের ম্যানেজারকে ছবি দেখাতে সে শক্রকে চিনেছে; কাল সারারাত নাকি শক্র কয়েকজন বন্ধু সমেত হোটেলের একটা ঘর ভাড়া করে সেখানে নেশা করেছে আর জুয়া খেলেছে। সকাল হতে তারা পাওনা চুকিয়ে দিয়ে চলে যায়। বকশী বললেন এবার শক্রকে ধরা নাকি ‘এ ম্যাটার অফ মিনিটস’।

ফেলুদা সব শুনেটুনে ফোনটা রেখে দিয়ে বলল, ‘শক্রবাবু যদি হোটেলের পেমেন্টটা চুরির টাকায় করতেন তা হলে খুব সুবিধে হত। যাই হোক, এটা প্রমাণ হয়ে গেল যে খুনটা সে করেনি, কারণ সেই সময়টা তার অ্যালিবাই ছিল।’

অ্যালিবাই কথাটার মানে অবিশ্য আমি অনেকদিন থেকেই জানি, কিন্তু যারা জানে না তাদের বাংলায় কীভাবে বোঝানো যায় জিঞ্জেস করাতে ফেলুদা বলল, ‘ডিকশনারিতে যা লেখা আছে

তাই লিখে দে।' তাই বলছি, অ্যালিবাই মানে হল—'অপরাধের অনুষ্ঠানকালে অন্যত্র থাকার অজুহাতে রেহাই পাইবার দাবি।' তার মানে 'আমার বাড়িতে যখন খুন হয় তখন আমি কোরিনথিয়ান লজে বসে জুয়া খেলছিলাম'—এটাই হবে শক্তরের অ্যালিবাই।

টেলিফোনটা পেয়েও ফেলুদার উসখুস ভাব গেল না। তিনটে নাগাদ দেখি ও পায়জামা ছেড়ে ট্রাউজারস পরেছে। বলল কতগুলো তথ্য সংগ্রহ করতে হবে তাই বেরোচ্ছে। ফিরল প্রায় সাড়ে চারটেয়। আমি এই দেড় ঘণ্টা একটানা মহাভারত পড়ে শেষ করে ফেলেছি।

মহাপ্রস্থানের পথে দ্রৌপদী নকুল সহদেব সবাই একে একে মরে গিয়ে ঠিক যখন অর্জুনের পতন হব-হব, তখন ক্রিং করে ফোনটা বেজে উঠল। আমিই ধরলাম। ফেলুদার ফোন, গোলোকধাম থেকে সুবীরবাবু কথা বলতে চাইছেন।

ফেলুদা তার ঘরেই ফোন ধরল; আমি বসবার ঘরের ফোনে কান লাগিয়ে দু তরফের কথাই শনে নিলাম।

'হ্যালো।'

'কে, মিঃ মিত্র?'

'বলুন মিঃ দস্ত।'

'দাদার গবেষণার নোটস সমেত সীল করা খামটা পাওয়া গেছে।'

'দস্তরের ঘরে ছিল কি?'

ঠিক বলেছেন। খাটের পাটাতনের তলায় সেলোটেপ দিয়ে আটকে রেখেছিল। একদিকের সেলোটেপ খুলে গিয়ে ঝুলছিল। পেয়েছে আমাদের চাকর ভগীরথ।'

'আপনার দাদা জানেন খবরটা?'

'তা জানেন। তবে দাদার মধ্যে কেমন যেন একটা হাল-ছেড়ে-দেওয়া ভাব এসেছে। কোনও ব্যাপারেই যেন বিশেষ প্রতিক্রিয়া হচ্ছে না। আজ সারাদিন চেয়ার ছেড়ে ওঠেননি। আমি আমাদের ডাক্তারকে আসতে বলেছি।'

'আপনার ছেলের কোনও খবর আছে?'

'আছে। জি টি রোডে ওদের পুরো দলটাই ধরা পড়েছে।'

'আর চোরাই টাকা?'

'সেটা নিলেও অন্য কোথাও সরিয়ে রেখেছে। অবিশ্য চুরির ব্যাপারটা শক্ত সম্পূর্ণ অঙ্গীকার করছে।'

'খুনের ব্যাপারে পুলিশ কী বলছে?'

'ওরা সুখওয়ানিকেই সন্দেহ করেছে। তা ছাড়া একটা নতুন ঝু-ও পাওয়া গেছে। দস্তরের জানলার বাইরে পড়ে থাকা একটা দলা পাকানো কাগজ।'

'কী লেখা আছে তাতে?'

'ইংরিজিতে এক লাইন হমকি—'অতিরিক্ত কৌতুহলের পরিণাম কী জান তো?"?

'সুখওয়ানি কী বলে?'

'সে সম্পূর্ণ অঙ্গীকার করছে। তার ঘর থেকে যে দস্তরের ঘরে যাবার কোনও উপায় নেই। সেটা ঠিকই, কিন্তু একটা ভাড়াটে গুণ্ডা পাইপ বেয়ে দেতলার বারান্দায় উঠে তারপর সিডি দিয়ে নীচে নেমে এসে অনায়াসেই সে কাজটা করতে পারে।'

'হঁ...ঠিক আছে, আমি একবার আসছি।'

ফেলুদা ফোনটা রেখে দিয়ে প্রথমে আপন মনে বিড়বিড় করে বলল, 'X আর Y তা হলে একই লোক। এখন প্রশ্ন হচ্ছে Z-কে নিয়ে।' তারপর আমার দিকে ফিরে বলল, 'ডেস্টিনেশন গোলোকধাম। তৈরি হয়ে নে তোপসে।'

‘আপনি চললেন নাকি?’

গোলোকধামের গেট দিয়ে চুকে দেখি রণজিৎবাবু আসছেন। বাইরে পুলিশ দেখে বুঝেছি বাড়িটার উপর নজর রাখা হয়েছে।

‘আজ্জে হাঁ,’ বললেন রণজিৎবাবু, ‘নীহারবাবু বললেন আজ আর আমাকে প্রয়োজন হবে না।’

‘উনি আছেন কেমন?’

‘ডাক্তার এসেছিলেন। বললেন বাড়িতে এতগুলো ঘটনা একসঙ্গে ঘটাতে শক পেয়েছেন। প্রেসারটা ওঠানামা করছে।’

‘কথা বলছেন কি?’

‘হাঁ হাঁ, তা বলছেন’, আশাসের সুরে বললেন রণজিৎবাবু।

‘যে খামটা পাওয়া গেছে দন্তরের ঘর থেকে সেটা একবার দেখব। আপনার খুব তাড়া না থাকলে আর একবারটি চলুন ওপরে। আলমারিতে আছে তো ওটা?’

‘হাঁ।’

‘আপনাকে বেশিক্ষণ ধরে রাখব না কথা দিছি। এ বাড়িতে তো আর বিশেষ আসা-টাসা হবে না।’

‘কিন্তু খাম তো সীল করা’, কিন্তু-কিন্তু ভাব করে বললেন রণজিৎবাবু।

‘তা হলেও আমি জিনিসটা একবার শুধু হাতে নিয়ে দেখতে চাই।’

রণজিৎবাবু আর আপত্তি করলেন না।

আজও বাড়ি অন্ধকার, দশটার আগে আলো আসবে না, এখন বেজেছে মাত্র সোয়া-ছটা। দোতলার বারান্দায় আর ল্যান্ডিং-এ কেরোসিন ল্যাম্প ঝুললেও আনাচে-কানাচে অন্ধকার।

রণজিৎবাবু আমাদের বৈঠকখানায় বসিয়ে সুবীরবাবুকে খবর দিতে গেলেন। যাবার আগে বলে গেলেন যে নীহারবাবু যদি খামটা আলমারি থেকে বার করার ব্যাপারে আপত্তি করেন, তা হলে কিন্তু সেটা দেখানো সন্তুষ্ট হবে না।

‘সেটা বলাই বাহ্য’, বলল ফেলুদা।

সুবীরবাবুকে দেখে বেশ ক্লান্ত বলে মনে হল। বললেন সারাদিন নাকি খবরের কাগজের রিপোর্টারদের ঠেকিয়ে রাখতেই কেটে গেছে। ‘তবে একটা ভাল এই যে, দাদার নামটা লোক ভুলতে বসেছিল, এই সুবাদে আবার মনে পড়ছে।’

মিনিটখানেকের মধ্যেই রণজিৎবাবু এলেন, হাতে লম্বা সাদা খাম। বললেন, ‘নীহারবাবু আপনার নাম শনেই বোধহয় আপত্তি করলেন না। এমনিতে কাউকে দেখতে দিতেন না।’

‘আশ্চর্য’, ফেলুদা খামটা হাতে নিয়ে ল্যাম্পের তলায় এদিক ওদিক ঘুরিয়ে দেখে মন্তব্য করল। আমার চোখে মনে হচ্ছে সাধারণ লম্বা খাম, পিছনে লাল গালার সীল, সামনের দিকে ওপরের বাঁ কোণে ছাপার হরফে লেখা “ডিপার্টমেন্ট অফ বায়োকেমিস্ট্রি, ইউনিভার্সিটি অফ মিশিগ্যান, মিশিগ্যান, ইউ এস এ”। এতে যে আশ্চর্যের কী আছে জানি না। সুবীরবাবু আর রণজিৎবাবু বসে আছেন আবছা অন্ধকারে, তাঁদেরও মনের অবস্থা নিশ্চয়ই আমার মতো।

ফেলুদা সোফায় এসে বসল, তার দৃষ্টি তখনও খামটার দিকে। তারপর দুই ভদ্রলোককে সম্পূর্ণ অগ্রাহ্য করে, শুধু আমাকেই উদ্দেশ করে কথা বলতে শুরু করল। ভাবটা স্কুলমাস্টারের। এই মেজাজে অনেক সময় অনেক বিষয়ে অনেক জ্ঞান দিয়েছে ফেলুদা আমাকে।

‘বুঝেছিস তোপ্সে, আশ্চর্য জিনিস এই ইংরেজি হরফ। বাংলায় সব মিলিয়ে গোটা দশ



বারো ধাঁচের হরফ আছে, আর ইংরিজিতে আছে কম পক্ষে হাজার দুয়েক। একটা তদন্তের ব্যাপারে আমাকে এই নিয়ে কিছুটা পড়াশুনা করতে হয়েছিল। হরফের শ্রেণী আছে, জাত আছে, প্রতিটি শ্রেণীর আলাদা নাম আছে। যেমন এই বিশেষ ডিজাইনের হরফের নাম হল গ্যারাম্বন্ড।'—ফেলুদা খামের উপর ছাপা বিশ্ববিদ্যালয়ের নামের দিকে আঙুল দেখাল। তারপর বলে চলল—

'এই গ্যারাম্বন্ড টাইপের উভব যোড়শ শতাব্দীতে, ফ্রান্সে। তারপর ক্রমে এই টাইপ সারা বিশ্বে ছড়িয়ে পড়ে। ইংল্যান্ড, জার্মানি, সুইটজারল্যান্ড, আমেরিকা ইত্যাদি দেশে শুধু যে এই টাইপের প্রচলন হয় তা নয়, ক্রমে এই সব দেশের নিজস্ব কারখানায় এই টাইপের ছাঁচ তৈরি করা শুরু করা হয়। এমনকী সম্প্রতি ভারতবর্ষেও এটা হচ্ছে। মজা এই যে, খুব ভাল করে দেখলে দেখা যায় যে এক দেশের গ্যারাম্বন্ডের সঙ্গে অন্য দেশের গ্যারাম্বন্ডের সূক্ষ্ম তফাত রয়েছে। কয়েকটা বিশেষ অক্ষরের গড়নে এই তফাতটা ধরা পড়ে। যেমন এই খামের উপরের হরফটা হওয়া উচিত আমেরিকান গ্যারাম্বন্ড, কিন্তু তা না হয়ে এটা হয়ে গেছে ইন্ডিয়ান গ্যারাম্বন্ড। এমনকী ক্যালকাটা গ্যারাম্বন্ডও বলতে পারিস।'

ঘরে থমথমে স্তরতা। ফেলুদার দৃষ্টি খাম থেকে চলে গেছে রণজিৎবাবুর দিকে। লক্ষনে

মাদাম তুসোর মিউজিয়ামে মোমের তৈরি বিখ্যাত লোকের মূর্তির ছবি দেখেছি; তার সব কিছু অবিকল মানুষের মতো হলেও, শুধু কাচের চোখগুলো দেখলেই বোঝা যায় যে মানুষটা জ্যান্ত নয়। রণজিৎবাবু জ্যান্ত হলেও, তার দৃষ্টিহীন চোখ দুটো দেখাচ্ছে অনেকটা সেই মোমের মূর্তির চোখের মতো।

‘কিছু মনে করবেন না রণজিৎবাবু, আমি এই খামটা খুলতে বাধ্য হচ্ছি।’

রণজিৎবাবু তাঁর ডান হাতটা তুলে একটা বাধা দেওয়ার ভঙ্গির মাঝপথে থেমে গেলেন।

একটা তীক্ষ্ণ শব্দের সঙ্গে ফেলুদার দু আঙুলের এক টানে খামের পাশটা ছিঁড়ে গেল। তারপর সেই দু আঙুলেরই আরেকটা টানে খামের ভিতর থেকে বেরিয়ে এল এক তাঁজি ফুলস্ক্যাপ কাগজ।

রুল টানা ফুলস্ক্যাপ।

তাতে শুধু রুলই আছে, লেখা নেই। অর্থাৎ যাকে বলে ব্ল্যাক পেপার।

কাচের চোখ এখন বক্ষ, মাথা হেঁট, দুহাতের কনুই হাঁটুর উপর, হাতের তেলোয় মুখ ঢাকা।

‘রণজিৎবাবু’, ফেলুদার গলা গত্তির ‘আপনি গতকাল সকালে এসে যে চোর আসার ইঙ্গিত করেছিলেন, সেটা একেবারে ধাপ্তা, তাই না?’

রণজিৎবাবুর মুখ দিয়ে উত্তরের বদলে বেরোল শুধু একটা গোঙানির শব্দ। ফেলুদা বলে চলল—

‘আসলে রাত্তিরে চোর এসেছে এমন একটা ধারণা প্রচার করার দরকার ছিল আপনার। কারণ আপনি নিজেই চুরির জন্য তৈরি হচ্ছিলেন, এবং সন্দেহটা যাতে আপনার উপর না পড়ে সেদিকটা দেখা দরকার ছিল। আমার বিশ্বাস সকালে চোর আসার ধাপ্তাটা দিয়ে দুপুরের দিকে সুযোগ বুঝে আপনিই আলমারি খোলেন এবং খুলে দুটি কাজ সারেন—তেত্রিশ হাজার টাকা এবং নীহারবাবুর গবেষণার নেটস হস্তগত করা। আমার বিশ্বাস এই জাল খামটা কাল তৈরি ছিল না; এটা আপনি রাতারাতি ছাপিয়ে নিয়েছেন। এটার হঠাতে প্রয়োজন হল কেন সেটা জানতে পারি কি?’

রণজিৎবাবু এবার ফেলুদার দিকে চোখ তুললেন। তারপর ধরা গলায় বললেন, ‘কাল বিকেলে দন্তরের গলা শুনে নীহারবাবু ওকে সুপ্রকাশ চৌধুরী বলে চিনতে পেরেছিলেন! আমাকে বললেন, “বিশ বছৰ পরে লোকটার লোভ আবার মাথা চাড়া দিয়ে উঠেছে। আমার কাগজপত্র ওই সরিয়েছে।” তখন...’

‘বুঝেছি। তখন আপনি ভাবলেন চুরিটা দন্তরের ঘাড়ে চাপানোর এই সুযোগ। আপনিই তো পুলিশ চলে যাবার পর সেলোটেপ দিয়ে খামটাকে খাটোর তলায় আটকে ঝুলিয়ে রেখেছিলেন—ঠিক এমনভাবে যাতে নিচু হলেই সেটা চোখে পড়ে তাই না?’

রণজিৎবাবু প্রায় ডুকরে কেঁদে উঠলেন।

‘আমায় মাপ করবেন! আমি ফেরত দিয়ে দেব! টাকা আর কাগজপত্র আমি কালই ফেরত দিয়ে দেব, মিঃ মিস্টির! আমি...আমি লোভ সামলাতে পারিনি! সত্যি বলছি, আমি লোভ সামলাতে পারিনি!’

‘ফেরত আপনাকে দিতেই হবে। না হলে আপনাকে পুলিশের হাতে তুলে দেব সেটা বুঝতেই পারছেন।’

‘আমি জানি’, বললেন রণজিৎবাবু। ‘তবে একটা অনুরোধ। নীহারবাবু যেন জানতে না পারেন! তিনি আমাকে অত্যন্ত স্নেহ করেন। তিনি এ শক্ত সহ্য করতে পারবেন না।’

‘বেশ। তিনি জানবেন না এটা কথা দিছি। কিন্তু আপনি এত ভাল ছাত্র হয়ে এটা কী করলেন?’

রণজিৎবাবু ফ্যালফ্যাল করে ফেলুদাৰ দিকে চাইলেন। ফেলুদা বলে চলল—

‘আমি আপনার প্ৰোফেসৱ বাগটীৰ সঙ্গে দেখা কৰতে গিয়েছিলাম। আপনার উপৰ আমাৰ সন্দেহ পড়ে চাৰিৰ গৰ্তেৰ পাশৰে দাগ দেখে। চোৱ অত অসাৰধানে কাজ কৰে না। বিশেষত যেখানে ঘৰে লোক রয়েছে, দৰজাৰ বাইৰে চাকৰ রয়েছে। যাই হোক, আপনার ভবিষ্যৎ কত উজ্জ্বল ছিল সেটা উনি বললেন। পৰীক্ষা দিলে আপনি ফাস্ট ক্লাস পেতেন এ বিশ্বাস তাৰঁ ছিল। হঠাৎ পড়শুনা বন্ধ কৰে সেক্রেটোৱিৰ চাকৰিটা নেওয়া কি শৰ্ট কাটে নোবেল প্ৰাইজেৰ লোভ?’

রণজিৎবাবু ভয়ে, লজ্জায়, অনুশোচনায় আৱ কথাই বলতে পাৱলেন না। ওঁৰ অবস্থা দেখে আমাৰ মতো ফেলুদাৰও যে মায়া হচ্ছিল সেটা ওৱেৱ কথা খেকেই বুৱলাম।

‘আপনি এবাৱ বাড়ি যেতে চান যেতে পাৱেন। কালকেৱ জন্য আৱ অপেক্ষা কৰব না আমৰা। আপনি আজই আসল কাগজপত্ৰ আৱ টাকা নিয়ে চলে আসুন। একটু অপেক্ষা কৰুন, আপনার সঙ্গে যাতে পুলিশ থাকে তাৱ ব্যবস্থা কৰে দিছি। এতগুলো টাকা নিয়ে যাতায়াত কৰাটা মোটেই বুদ্ধিমানেৰ কাজ হবে না।’

সুবোধ বালকেৱ মতো মাথা নাড়লেন রণজিৎ ব্যানার্জি।

সুবীৱবাবু তাৰ ছেলে সম্বন্ধে যাই বলে থাকুন না কেন, সে যে চুৱি কৰেনি, সেটা জেনে তাৰ নিশ্চয়ই খানিকটা নিশ্চিন্ত লাগছে। অন্তত তাৰ চেহারা দেখে আৱ গলার স্বৰে তাই মনে হল। বললেন, ‘একবাৱ দাদাৰ সঙ্গে দেখা কৰে যাবেন কি?’

‘নিশ্চয়ই’, বলল ফেলুদা, ‘সেটাই তো আসল কাজ।’

সুবীৱবাবুৰ পিছন পিছন আমৰা নীহারবাবুৰ ঘৰে গিয়ে হাজিৱ হলাম।

‘আপনারা এসেছেন?’ চেয়াৱে শোয়া অবস্থায় প্ৰশ্ন কৰলেন নীহারবাবু।

‘আজ্জে হ্যাঁ,’ বলল ফেলুদা। ‘আপনার গবেষণাৰ কাগজপত্ৰগুলো ফেৱত পোঁয়ে নিশ্চয়ই খানিকটা নিশ্চিন্ত বোধ কৰছেন?’

‘ওগুলোৰ আৱ বিশেষ কোনও মূল্য নেই আমাৰ কাছে’, নিচু গলায় ক্লান্ত ভাবে বললেন নীহারবাবু। এক দিনে একজন মানুষ এত ফ্যাকাসে হয়ে যেতে পাৱে সেটা আমাৰ ধাৰণাই ছিল না। কালকেও দেখে মনে হয়েছে ভদ্ৰলোক রীতিমতো শক্ত।

‘আপনার কাছে মূল্য না থাকলেও আমাদেৱ কাছে আছে’, বলল ফেলুদা। ‘বিশেৱ অনেক বৈজ্ঞানিকেৱ কাছে আছে।’

‘সে আপনারা বুঝবেন।’

‘আপনাকে শুধু একটা প্ৰশ্ন কৰতে চাই। কথা দিছি এৱে পাৱে আৱ বিৱক্ত কৰব না।’

নীহারবাবুৰ ঠেঁটেৱ কোণে একটা জ্ঞান হাসি দেখা দিল। বললেন, ‘বিৱক্ত আৱ কৰবেন কী কৰে? বিৱক্তিৰ অনেক উৰ্ধৰে চলে গোছি যে আমি!'

‘তা হলে বলি শুনুন। কাল টেবিলেৱ উপৰ দেখেছিলাম ঘুমেৱ ট্যাবলেট দশটা। আজও দেখছি দশটা। আপনি কি কাল তা হলে ঘুমেৱ ওষুধ খাননি?’

‘না, খাইনি। আজ খাব।’

‘তা হলে আসি আমৰা।’

‘দাঁড়ান।’

নীহারবাবু তাৰ ডান হাতটা ফেলুদাৰ দিকে বাড়িয়ে দিলেন। দুজনেৰ হাত মিলল। ভদ্ৰলোক ফেলুদাৰ হাতটা বেশ ভাল কৰে ঝাঁকিয়ে দিয়ে বললেন—

‘আপনি বুঝবেন। আপনার দৃষ্টি আছে।’

বাড়িতে এসেও ফেলুদা গন্তীৱ। কিন্তু তা বলে আমি অত রহস্য বৰদান্ত কৰব কেন? চেপে

ধরে বললাম, ‘ঢাক ঢাক শুড় শুড় চলবে না। সব খুলে বলো।’

ফেলুদা উত্তরে রামায়ণে চলে গেল। ওর সাসপেন্স বাড়ানোর কিছু কায়দা আমি সত্যিই বুঝে উঠতে পারি না।

‘রামকে বনবাসে পাঠানোর ছদ্মন পর দশরথের হঠাত মনে পড়েছিল যে তিনি যুবরাজ অবস্থায় একটা সাংঘাতিক কুকীর্তি করে ফেলেছিলেন, আর সেই কারণেই আজ তাঁকে পুত্রশোক ভোগ করতে হচ্ছে। তোর মনে আছে সে কুকীর্তিটা কী?’

রামায়ণটা টটকা পড়া ছিল না, কিন্তু এ ঘটনাটা মনে ছিল। বললাম, ‘অন্ধমুনির ছেলে রাত্রে নদীতে জল তুলছিল কলসিতে। দশরথ অঙ্ককারে শব্দ শুনে ভাবলেন বুঝি হাতি জল খাচ্ছে। উনি শব্দভেদী বাণ মেরে ছেলেটিকে মেরে ফেলেছিলেন।’

‘শুড়। অঙ্ককারে শব্দ শুনে লক্ষ্যভেদ করার এই ক্ষমতাটা ছিল দশরথের। নীহারবাবুরও ছিল।’

‘নীহারবাবু!—আমি প্রায় চেয়ার থেকে পড়ে যাচ্ছিলাম।

‘ইয়েস স্যার’, বলল ফেলুদা।—‘রাত জাগতে হবে বলে ঘুমের ওষুধ খাননি। সবাই যখন ঘুমে অচেতন, তখন খালি পায়ে সিডি দিয়ে নেমে চলে যান দস্তর সুপ্রকাশের ঘরে। এই ঘরে এক কালে ওঁর ভাইপো থাকত। ঘর ওঁর চেনা। হাতে ছিল অন্ত—রুপো দিয়ে বাঁধানো জাঁদরেল লাঠি। খাটের কাছে গিয়ে লাঠি দিয়ে মোক্ষ ঘা। একবার নয়, তিনবার।’

‘কিন্তু...কিন্তু...’

আমার এখনও সাংঘাতিক গোলমাল লাগছে। এ সব কী বলছে ফেলুদা? লোকটা তো অঙ্ক!

‘একটা কথা কি মনে পড়ছে না তোর?’ অসহিষ্ণুভাবে বলল ফেলুদা। ‘সুখওয়ানি কী বলেছে দস্তর সম্পর্কে?’

বিদ্যুতের বলকের মতো কথাটা মনে পড়ে গেল।—

‘দস্তুরের নাক ডাকত!!’

‘এগজাস্টলি!’ বলল ফেলুদা।—‘তার মানে বালিশের কোনখানে মাথা...কোন পাশে ফিরে রয়েছে, এ সবই বুবতে পেরেছিলেন নীহারবাবু। যার শ্রবণশক্তি এত প্রখর, তার আর এর চেয়ে বেশি জানার কী দরকার? এক ঘায়ে যদি না হয়, তিন ঘায়ে তো হবেই!’

আমি কিছুক্ষণ হতভয় হয়ে থেকে ভয়ে ভয়ে বললাম, ‘এই অসমাপ্ত কাজটার কথাই কি বলেছিলেন নীহারবাবু? প্রতিশোধ?’

‘প্রতিশোধ’, বলল ফেলুদা, ‘জিয়াংসা। অঙ্কেরও দেহমনে প্রচণ্ড শক্তির সংশ্লার করতে পারে এই প্রকৃতি। এই জিয়াংসাই তাঁকে এতদিন বাঁচিয়ে রেখেছিল। এখন তিনি মৃত্যুশ্যায়। আর সেই কারণেই তিনি আইনের নাগালের বাইরে।’

আরও সতেরো দিন বেঁচে ছিলেন নীহারবাবু দস্ত। মারা যাবার ঠিক আগে তিনি টাইল করে তাঁর গবেষণার কাগজপত্র আর জমানো টাকা দিয়ে গেছিলেন তাঁর বিশ্বস্ত মেধাবী সেক্রেটারি রণজিৎ বন্দ্যোপাধ্যায়কে।



যত কাণ্ড কাঠমাণুতে

১

রহস্য-রোমাঞ্চ উপন্যাসিক লালমোহন গাঙ্গুলী ওরফে জটায়ুর মতে হগ সাহেবের বাজারের মতো বাজার নাকি ভূ-ভারতে নেই। যারা জানে না তাদের জন্যে বলা দরকার যে হগ সাহেবের বাজার হল আমরা যাকে নিউ মার্কেট বলি তারই আদি নাম।—‘দিল্লি বোম্বাই যোধপুর জয়পুর সিমলা কশী, সবই তো দেখলুম, আর আপনাদের সঙ্গেই দেখলুম, কিন্তু আভার দি সেম রুফ এমন একটা বাজার কোথাও দেখেছেন কি?’

এ ব্যাপারে অবিশ্য আমি আর ফেলুদা দুজনেই লালমোহনবাবুর সঙ্গে একমত। মাঝে একটা কথা হয়েছিল যে এই মার্কেট ভেঙে ফেলে সেখানে একটা মাল্টি-স্টোরি সুপার মার্কেট তৈরি হবে। ফেলুদা তো শুনেই ফায়ার। বলল, ‘এ কাজটা হলে কলকাতার অর্ধেক কলকাতাত্ত্ব চলে যাবে সেটা কি এরা বুবাতে পারছে না? নগরবাসীদের কর্তব্য প্রয়োজনে অনশন করে এই ধৰণের পথ বন্ধ করা।’

আমরা তিনজন প্রোবে ম্যাটিনিতে এপ অ্যাস সুপার এপ দেখে বাইরে এসে নিউ মার্কেটে যাব বলে স্থির করেছি। লালমোহনবাবুর টর্চের ব্যাটারি আর ডট পেনের রিফিল কেনা দরকার, আর ফেলুদাও বলল কলিমুদ্দির দোকান থেকে ডালমুট নিয়ে নেবে; বাড়ির ডালমুট মিহয়ে গেছে, অথচ চায়ের সঙ্গে ওটা চাই-ই চাই। তা ছাড়া লালমোহনবাবুর একবার মার্কেটটা ঘুরে দেখা দরকার, কারণ কালই নাকি এই মার্কেটকে সেন্টার করে একটা ভাল ভৃত্যড়ে গঞ্জের প্লট ওঁর মাথায় এসেছে। ট্রাফিক বাঁচিয়ে রাস্তা পেরিয়ে প্রাইভেট গাড়ি ও ট্যাক্সির লাইনের ফাঁক দিয়ে এগোনোর সময় প্লটের খানিকটা আভাস দিলেন আমাকে—‘একজন লোক রাস্তিরে মার্কেট বন্ধ হয়ে যাবার পরে দেখে কী, সে ভিতরে আটকা পড়ে গেছে। স্লোকটা রিটায়ার্ড জ়েজ—অনেককে ফাঁসিতে ঝুলিয়েছে। বোরো তপেশ—এই বিশাল হগ সাহেবের বাজার, সব দোকান বন্ধ, সব বাতি নিন্দে গেছে, শুধু লিঙ্কসে স্ট্রিটের দিকের কোল্যাপ্সিবল গেটের ভিতর দিয়ে আসা রাস্তার ক্ষীণ আলোয় যেটুকু দেখা যায়। গলিগুলোর এ মাথা থেকে ও মাথা খাঁ খাঁ করছে, আর তারই মধ্যে কেবল একটিমাত্র দোকান খোলা, একটা কিউরিওজ দোকান, তাতে টিমটিমে আলো, আর তার ভিতর থেকে বেরিয়ে এল একটা কক্ষাল, হাতে ছোরা! খুনির কক্ষাল, যে খুনিকে ফাঁসিকাঠে ঝুলিয়েছিলেন ওই জ়েজ সাহেবে। যে দিকেই পানাতে যান, মোড় ঘুরেই দেখেন সামনে সেই কক্ষাল, হাতে ছোরা, ড্রিপিং উইথ ব্লাড!’

আমি মুখে কিছু না বললেও মনে মনে বললাম ভদ্রলোক ভেবেছেন ভালই, তবে ফেলুদার হেল্প না নিলে গঞ্জের গোড়ায় গলদ থেকে যাবে; জ়েজ সাহেবের আটকে পড়ার বিশাসযোগ্য কারণ খুঁজে বার করা জটায়ুর সাধ্যের বাইরে।

সামনেই মোহনস্ব-এর কাপড়ের দোকানের ভান পাশ দিয়ে ঢুকে, বাঁয়ে ঘুরে গুলাবের ঘড়ির দোকান পেরিয়ে ডাইনে একটু গেলেই একটা তেমাথার মোড়ে ইলেক্ট্রিক্যাল গুডসের দোকান। ব্যাটারি সেইখানেই পাওয়া যাবে, আর তার উলটোদিকেই পাওয়া যাবে রিফিল। দে ইলেক্ট্রিক্যালসের মালিক ফেলুদার ভক্ত, দেখেই একগাল হেসে নমস্কার করলেন।

আমাদের প্রায় সঙ্গে সঙ্গেই একজন লোক ঢুকলেন, তিনি গল্পে একটা বড় ভূমিকা নেবেন, তাই তাঁর বর্ণনা দিয়ে রাখি । বছর চলিশ বয়স, মাঝারি হাইট, ফরসা রং, মাথার চুল পাতলা, দাঢ়ি-গোঁফ নেই, সাদা বৃশ শার্ট, কালো প্যান্ট আর হাতে একটা প্লাস্টিকের ব্যাগ ।

‘আপনি মিস্টার মিত্র না?’ ভদ্রলোক ফেলুদার দিকে তাকিয়ে অবাক হেসে প্রশ্নটা করলেন ।

‘আজ্ঞে হ্যাঁ ।’

‘ওই সামনের বইয়ের দোকানের লোক আমাকে চিনিয়ে দিল । বলল, উনি হচ্ছেন ফেমাস ডিটেকটিভ প্রদোষ মিত্র । হাউ স্ট্রিঙ ! ঠিক আপনার কথাই ভাবছি আজ দু' দিন থেকে ।’

বাংলায় সামান্য টান । হয় ওদিকের লোক এদিকে সেট্লড, না হয় এদিকের লোক ওদিকে ।

‘কেন বলুন তো?’ ফেলুদা প্রশ্ন করল ।

ভদ্রলোক কিছুটা নার্ভাস কি ? গলাটা খাকরে নিয়ে বললেন, ‘সেটা আপনার সঙ্গে দেখা করেই বলব । আপনি কাল বাড়ি থাকবেন কি ?’

‘বিকেল পাঁচটার পরে থাকব ।’

‘তা হলে আপনার অ্যাড্রেসটা যদি একটু—’

ভদ্রলোক পকেট থেকে একটা নোটবুক আর ফাউন্টেন পেন বার করে ফেলুদার হাতে দিলেন । ফেলুদা ঠিকানা লিখে দিল ।

‘স্যারি !’

ভদ্রলোকের ‘স্যারি’ বলার কারণ আর কিছুই না, পেন থেকে সামান্য বেগুনি কালি লিক করে ফেলুদার আঙুলে লেগেছে । আমি জানি ফেলুদা পুরনো ধরনের ফাউন্টেন পেনই পছন্দ করে, বলে তাতে হাতের লেখা আরও ভাল হয়, কিন্তু মাঝে মাঝে লিক করে বলে ইদানীং ডট পেনই ব্যবহার করছে ।

‘আমার নাম বাটোঁ,’ পেন-খাতা পকেটে পুরে বললেন ভদ্রলোক, ‘আমার গ্যান্ডফাদার ক্যালকাটায় সেট্ল করেছিলেন সেভেনটি ফাইভ ইয়ারস আগে ।’

‘আই সি ।’

‘এবং মধ্যেই মক্কেল জুটিয়ে ফেললেন নাকি ?’

ভদ্রলোক চলে যাবার পরমুক্তেই সামনের দোকান থেকে রিফিল কিনে এনে প্রশ্ন করলেন জটায় । ফেলুদা একটা নিঃশব্দ হাসি ছাড়া কোনও মন্তব্য করল না । তিনজনে রওনা দিলাম ডালমুটের উদ্দেশে ।

লালমোহনবাবু পকেট থেকে ওঁর ছেট্টা লাল ডায়রিটা বার করে নোট নিতে শুরু করলেন । তার ফলে মাঝে মাঝে একটু পিছিয়ে পড়ছেন, আবার তৎক্ষণাৎ পা চালিয়ে আমাদের পাশ নিয়ে নিচেছেন । গত সপ্তাহে একবার লোডশেভিং-এর মধ্যে এসে দেখেছি সারা মার্কেটটার উপরে যেন মৃত্যুর ছায়া নেমে এসেছে । আজ আলো থাকায় ভোল পালটে গেছে । পদে পদে কানে আসছে এ পাশ ও পাশ থেকে ছুঁড়ে মারা ‘কী চাইলেন দাদা ?’—আর আমরা তারই মধ্যে এঁকেবেঁকে এগিয়ে চলেছি ভিড় বাঁচিয়ে । ফেলুদার লক্ষ্য একটই, কিন্তু দৃষ্টি ডাইনে বাঁয়ে সামনে তিনি দিকে, যদিও তার জন্য ঘাড় ফেরাতে হয় না, চোখ ফেরালেই হল, আর তাতেই মনের মধ্যে অবিরাম ছাপা হয়ে যাচ্ছে ছবি আর কথা, যেগুলো পরে কখন কোন কার্জে লাগবে কে জানে । আমি জানি লালমোহনবাবু অত কসরত করে খাতায় যা লিখছেন, ফেলুদার মাথায় আগেই তা লেখা হয়ে যাচ্ছে । সামনে

পুজো, তাই ভিড় বেশি, তাড়া বেশি, কেনার তাগিদ বেশি, লোকের পকেটে পয়সাও নিশ্চয়ই বেশি ।

লালমোহনবাবু বেশ সাহেবি কায়দায় ‘কস্মোপোলিট্যান’ কথাটা বলার প্রায় সঙ্গে সঙ্গেই আমরা কলিমুদ্দির দোকানের সামনে এসে পড়লাম । এ দোকানও চেনা, ‘সালাম বাবু’ বলে কলিমুদ্দি তার কাজে লেগে গেল । দিবি লাগে দু হাতে ঠোঙা ধরে ঝাঁকিয়ে মেশানোর ব্যাপারটা । আর সেই সঙ্গে টাট্কা, নোনতা, জিভে-জল আনা গন্ধ ।

আমি গরম ঠোঙাটা হাতে নিয়েছি, এমন সময় দেখি ওয়ালেট থেকে টাকা বার করতে গিয়ে কী যেন একটা দেখে ফেলুন্দা একেবারে স্ট্যাচু ।

কারণটা স্পষ্ট । আমাদের পাশ দিয়ে আমাদের সম্পূর্ণ অগ্রাহ্য করে যে লোকটা এই মুহূর্তে মার্কেটের আরও ভিতর দিকে চলে গেল, সে হল মিঃ বাটৱার ডুপলিকেট ।

‘চুইন্স,’ চাপা গলায় মন্তব্য করলেন জটায়ু ।

সত্য, যমজ ছাড়া এ রকম হৃবহু মিল কল্পনা করা যায় না । তফাত শুধু শার্টের রঙে । এঁরটা গাঢ় নীল । হয়তো কাছ থেকে সময় নিয়ে দেখলে আরও তফাত ধরা পড়ত, কিন্তু সেও নিশ্চয়ই খুবই সূক্ষ্ম । অবিশ্য আরেকটা তফাত এই যে ইনি ফেলুন্দাকে আদপেই চেনেন না ।

‘এতে অবাক হবার কিছু নেই,’ ফেরাপথে রওনা দিয়ে বলল ফেলুন্দা, ‘মিঃ বাটৱার একটি যমজ ভাই থেকে থাকলে মহাভারত অশুল্দ হয়ে যাবে না ।’

‘সে আপনার নীলাগিরি, বিস্ক্য, আরাবলী, ওয়েস্টার্ন ঘাট্স—যাই বলুন না কেন, পাহাড়ের মাথায় যদি বরফ না থাকে তাকে আমি পাহাড়ই বলব না ।’

এবার পুজোয় পাহাড়ে যাবার কথাটা ক' দিন থেকেই হচ্ছিল । নতুন উপন্যাস বেরিয়ে গেছে, লেখার তাগিদ নেই, তাই লালমোহনবাবু তার সেকেন্ড হ্যান্ড সবুজ অ্যাঞ্জাসাড়ারে রোজই বিকেলে আসছেন আজড়া দিতে । কাশ্মীরিটা আমাদের কারঞ্জেই দেখা হয়নি, কিন্তু ওখানকার অকটোবরের শীত সহ্য হবে না সেটা বোধহয় নিজেই বুঝতে পেরে লালমোহনবাবু দু-একবার ‘কাশ’ ‘কাশ’ করে থেমে গেছেন । একটা অ্যাটলাস পঢ়ে আছে সামনের টেবিলে চা-ডালমুটের পাশে, সেটা খুলে বোধহয় ভারতবর্ষের ম্যাপটা একবার দেখাব ইচ্ছে ছিল ভদ্রলোকের, এমন সময় কলিং বেল ।

শ্রীনাথ আমাদের বাড়িতে শোদ বছর কাজ করছে, তাই মিঃ বাটৱা এসে বসার সঙ্গে সঙ্গে আরেক পেয়ালা চা এসে গেল ।

‘আপনার কি কোনও যমজ ভাই আছে ?’

বাটৱা কপালের ঘাম মুছে রুমালটা রাখার প্রায় সঙ্গে সঙ্গেই প্রশ্নটা করলেন লালমোহনবাবু ।

‘মিঃ বাটৱার ভুক যে কতটা ওপরে উঠতে পারে, আর তলার ঠোঁট যে কতটা নীচে নামতে পারে সেটা এই এক প্রশ্নেই বোঝা গেল ।

‘আপনারা...আপনারা কী করে... ?’

‘আপনার সঙ্গে দেখা হবার মিনিট পাঁচ-সাতের মধ্যেই নিউ মার্কেটেই তাকে দেখেছি আমরা’, বলল ফেলুন্দা ।

‘মিস্টার মিটৱা,—চেয়ারে প্রায় এক হাত এগিয়ে এসে হাতলে একটা জবরদস্ত চাপড় মেরে বললেন মিঃ বাটৱা—‘আই অ্যাম দি ওনলি চাইল্ড অফ মাই পেরেন্টস্ । আমার ভাই

বোন কিছু নেই।’

‘তা হলে—?’

‘সেজনেই তো আপনার কাছে এলাম মিঃ মিটরা। এক উইক হল এই ব্যাপারটা আরও হয়েছে। ফরম কাঠমাণু। আমি কাঠমাণুর একটা ট্র্যাভেল এজেন্সিতে কাজ করি—সান ট্র্যাভেলস—আই অ্যাম দ্য পি আর ও। আমাকে কাজের জন্য ক্যালকাটা বোর্সাই দিল্লি যেতে হয় মাঝে মাঝে। আমার অফিসের কাছে একটা ভাল রেস্টোরান্ট আছে—ইন্দিরা—সেখানেই লাঞ্চ করি আমি এভরি ডে। লাস্ট মানডে গেছি—ওয়েটার বলছে, আপনি তো আধঘণ্টা আগে লাঞ্চ করে গেলেন, আবার কী ব্যাপার?—বুরুন মিঃ মিটরা! আরও দু-একজন চেনা লোক ছিল, তারাও বলল আমাকে দেখেছে। দেন আই হ্যাড টু টেল দেম—কী আমি আসিনি। তখন ওয়েটার বলে কী, ওর সাসপিশন হয়েছিল, কারণ যে লোক খেতে এসেছিল, হি হ্যাড এ ফুল লাঞ্চ, উইথ রাইস অ্যান্ড কারি অ্যান্ড এভরিথিং; আর আমি খাই শ্রেফ স্যান্ডউইচেজ অ্যান্ড এ কাপ অফ কফি।’

মিঃ বাটো দম নিতে থামলেন। আমরা তিনজনেই যাকে বলে উৎকর্ণ হয়ে শুনছি। লালমোহনবাবু বেশি মনোযোগ দিলে মুখ হাঁ হয়ে যায়, এখনও সেই অবস্থা। মিঃ বাটোর চায়ে একটা চুমুক দিয়ে আবার শুরু করলেন।

‘আমি কলকাতায় এসেছি পরশু, সানডে। কাল সকালে হোটেল থেকে বেরোচ্ছি—আমি আছি গ্র্যান্ডে—ফ্র্যাঙ্ক রসে যাব টু বাই সাম অ্যাসপিরিন। আপনি জানেন বোধহয়, হোটেলের ভিতরেই একটা কিউরিওর দোকান আছে? সেইটের পাশ দিয়ে যাবার সময় হঠাৎ শুনি ভিতর থেকে আমায় ডাকছে—মিঃ বাটো, প্রিজ কাম ফর এ মোমেন্ট!—কী ব্যাপার? গেলাম ভিতরে। সেলসম্যান একটা একশো টাকার নেট বার করে আমাকে দেখাচ্ছে। বলে—মিঃ বাটো, আপনার এই নেটটা জাল নেট, নো ওয়াটারমার্ক, প্রিজ চেঞ্জ ইট!—আমার তো মাথায় বাজ পড়ল মিঃ মিটরা! আমি তো দোকানে তুকিইনি! অ্যান্ড দে ইনসিস্টেড, কি আমি গেছি আধ ঘণ্টা আগে, আর আমি ওই একশো টাকার নেট দিয়েছি ওদের, অ্যান্ড আই বট এ কুকরি! ’

‘কুকরি? মানে, নেপালি ছুরি?’ জিজ্ঞেস করলেন লালমোহনবাবু।

‘বুরুন কী ব্যাপার! আমি থাকি কাঠমাণুতে; কলকাতায় এসে গ্র্যান্ড হোটেলের দোকান থেকে আমি নেপালের জিনিস কিনব কেন? নেপালে তো ও জিনিস আমি হাফ প্রাইসে পাব!’

‘আপনাকে নেটটা বদলে দিতে হল?’ ফেলুদা প্রশ্ন করল।

‘অনেকবার বললাম, যে আই অ্যাম নট দ্য সেম পারসন। শেষকালে এমন ভাবে আমার দিকে চাইতে লাগল যেন আমি আইদার পাগল, অর ফোর টোয়েন্টি। এ অবস্থায় কী করা যায়, বলুন! ’

‘হঁ...’

ফেলুদা ভাবছে। হাতটা সাবধানে বাড়িয়ে চারমিনারের ডগা থেকে প্রায় এক ইঞ্চি লম্বা ছাইটা অ্যাশট্রেতে ফেলে দিয়ে বলল, ‘আপনি বেশ অসহায় বোধ করছেন সেটা বুঝতে পারছি। ’

‘আমার বেগুলার প্যানিক হচ্ছে, মিঃ মিটরা। সে যে কখন কী করবে তার ঠিক কী?’

‘খুবই অঙ্গুত ব্যাপার,’ বলল ফেলুদা। —‘আপনার কথা আমার পক্ষে বিশ্বাস করাই কঠিন হত যদি না আমরা নিজের চোখে সে লোককে দেখতাম। কিন্তু তাও বলতে বাধ্য হচ্ছে আমি এ ব্যাপারে আপনাকে কীভাবে হেল্প করতে পারি সেটা ঠিক বুঝতে পারছি না। ’

ভদ্রলোকও চিন্তিতভাবে মাথা নেড়ে বললেন, ‘সেটা ঠিক । এখন, আমি তো কাল কাঠমাণু ফিরে যাচ্ছি । ভরসা কী যে সে লোক আমার পিছে পিছে যাবে না, আর সেখানেও আমাকে হ্যারাস করবে না ? এ তো বুঝতে পারছি যে সে লোককে আমি না দেখলেও, সে আমাকে দেখেছে, আর ডেলিবারেটলি আমার পিছনে লেগেছে । দিস ইজ এ নিউ টাইপ অফ ক্রাইম, মিঃ মিটরা । এবারে হান্ড্রেড রুপিজের উপর দিয়ে বেরিয়ে গেছে, এর পরে কী হবে কে জানে ?’

বাইরের লোকের সঙ্গে কথা বলার সময় ফেলুদা এমনিতে পায়ের উপর পা তুলে বসে । যখন বোঝে আর কথা বলার নেই, বেশি বললে সময় নষ্ট হবে, তখন পা-টা এমন ভাবে নামিয়ে নেয় যে তাতেই বেশ বোঝা যায় ‘এবার আপনি আসুন’ । আজও তাই করল, আর তাতে ফলও হল । মিঃ বাটরা উঠে পড়লেন । বুলাম কতকটা ভদ্রতার খাতিরেই ফেলুদা বলল, ‘আশা করি কাঠমাণুতে গিয়ে কোনও অসুবিধায় পড়তে হবে না ।’

‘লেট আস হোপ সো’, বললেন ভদ্রলোক । ‘এনিওয়ে, আপনার সঙ্গে আলাপ হয়ে গেল । আপনার খুব প্রশংসা শুনেছি মিঃ সর্বেশ্বর সহায়ের কাছে ।’

সর্বেশ্বর সহায় ফেলুদার এক মক্কেল । কোডার্মায় থাকেন । হাজারিবাগে তাঁর একটা বাংলো প্রায়ই খালি পড়ে থাকে ; আমরা একবার সেখানে গিয়ে ছিলাম দিন দশেক ।

‘কাঠমাণুতে কোনও গোলমাল দেখলে আপনি পুলিশে খবর দিয়ে দেবেন’, বলল ফেলুদা । ‘এসব লোকের দরকার স্বেফ ধোলাই ।’

মিঃ বাটরা চলে যাবার পর লালমোহনবাবুই প্রথম মুখ খুললেন ।

‘আশচর্য ! ফরেন কান্ট্রি বলেই বোধহয় এই হিল স্টেশনের কথাটা একবারও মাথায় আসেনি ।’

২

পরদিন সকালে যে ঘটনাটা ঘটল, বলা যেতে পারে সেটা থেকেই আমাদের এই অ্যাডভেঞ্চারের শুরু । অবিশ্য সেটার বিষয়ে বলার আগে গতকাল রাত্রের টেলিফোনটা কথা বলা দরকার ।

কলকাতায় অকটোবর মাসেও মাঝে আকাশ কালো-টালো করে বৃষ্টি এসে যায় । কালও তাই হল । লালমোহনবাবু সাধারণত বিকেলে এলে আটটা-সাড়ে আটটা পর্যন্ত থাকেন ; কাল সাতটা নাগাদ মেঘের গর্জন শুনে হস্তদন্ত হয়ে উঠে পড়লেন—‘বরঞ্চ কাল সকালে আসা যাবে, তপেশ । নিউ মার্কেটের প্লটটা আরও খানিকটা এগিয়েছে ; তোমার একটা ওপিনিয়ন নেওয়া দরকার ।’

বৃষ্টি এল আটটায়, আর ফোনটা পৌনে নটায় । ফেলুদা ওর ঘরে এক্সটেনশনে কথা বলল, আর আমি বসবার ঘরের মেইন টেলিফোনে শুনলাম ।

‘মিস্টার প্রদোষ মিত্র ?’

‘কথা বলছি ।’

‘ডিটেকটিভ প্রদোষ মিত্র ?’

‘আজ্জে হঁা । প্রাইভেট ইনভেস্টিগেটর ।’

‘নমস্কার । আমার নাম অনীকেন্দ্র সোম । আমি বলছি সেন্ট্রাল হোটেল থেকে ।’

‘বলুন ।’

‘আপনার সঙ্গে একটু দরকার ছিল । একটু দেখা করা যাবে কি ?’

‘ব্যাপারটা জুরি?’

‘খুবই। আজ তো বাদলা, তবে কাল সকালে যদি একটু সময় দিতে পারেন। আমি বাইরে থেকে এসেছি, এবং আসার একটা প্রধান কারণ হল আপনার সঙ্গে দেখা করা। মনে হয় আপনি ব্যাপারটা শুনলে ইন্টারেস্টেড হবেন।’

‘টেলিফোনে এর বেশি বলা যাবে না বোধহয়?’

‘আজ্ঞে না। ভেবি স্যারি।’

অ্যাপয়েন্টমেন্ট হল সকাল ন’টায়। ‘কঠস্বরে বেশ ব্যক্তিত্বের পরিচয় পাওয়া যায়’, বলল ফেলুদা। আমারও অবিশ্বাস্য তাই মনে হয়েছিল। মনে মনে বললাম—সকালে বাটোরা, বিকেলে সোম—মক্কেলের কিউ লেগে গেছে।

আজকাল ফেলুদার সঙ্গে আমিও যোগব্যয়াম করি। সকাল আটটাৰ মধ্যে স্নান-টান সেৱে দুজনেই সারা দিনের জন্য তৈরি। সাড়ে আটটায় লালমোহনবাবু ফোন করে বললেন, সেদিন নিউমার্কেটে একটা দোকানের উইন্ডোতে নাকি একটা লাইট গ্রিন জার্কিন দেখেছেন, সেইটের দুরটা জেনেই আমাদের বাড়িতে চলে আসবেন। বুলাম ভদ্রলোক হিল স্টেশনে যাবার তোড়জোড় আরঙ্গ করে দিয়েছেন।

পৌনে দশটাতেও যখন অনীকেন্দ্র সোম এলেন না, তখন ফেলুদার হাত থেকে খবরের কাগজটা পাশে ফেলে মাথা নাড়ার ভাবটা দেখে বুলাম বাঙালিদের পাংচুয়ালিটির অভাব নিয়ে একটা তেতো মন্তব্য করার জন্য তৈরি হচ্ছে।

দশ মিনিটের মধ্যেই ফোনটা বেজে উঠল।

‘মার্ডারি ভিকটিমের নেটুবুকে আপনার ফোন নম্বর দেখছি কেন মশাই?’

প্রশ্নটার মধ্যে একটা ভড়কে দেৱাৰ ভাব থাকলেও, আসলে সেটা যে হালকা মেজাজেই করা হয়েছে তা বুঝতে অসুবিধা হয় না। প্রশ্নকর্তা হচ্ছে জোড়াসাঁকো থানার ইন্সপেক্টর মহিম দত্তগুপ্ত।

ফেলুদার কপালে খাঁজ।

‘কে খুন হল?’

‘চলে আসুন সেন্ট্রাল অ্যাভিনিউ। সেন্ট্রাল হোটেল। তেইশ নম্বর ঘর।’

‘অনীকেন্দ্র সোম কি?’

‘আপনার চেনা নাকি?’

‘পরিচয় হবার কথা ছিল আজ সকালেই। কীভাবে খুন হল?’

‘চুরিকাঘাত।’

‘কখন?’

‘আর্লি মর্নিং। এলে সব জানতে পারবেন। আমি এসেছি এই মিনিট কুড়ি।’

‘আমি চেষ্টা করছি আধ ঘণ্টার মধ্যে পৌঁছে যেতে।’

লালমোহনবাবু এলেন দশ মিনিট পরেই, তবে ঘৰে ঢোকার আৰ সুযোগ পেলেন না। ‘মার্ডারি!’ বলে লালমোহনবাবুকে ঠেলে নিয়ে গিয়ে তাঁৰ গাড়িতে তুলে দিয়ে নিজে উঠে তাঁৰ পাশে বসে ফেলুদা ড্রাইভার হরিপদবাবুকে বলল, ‘সেন্ট্রাল হোটেলে, চট-জলদি।’

আপিসের ট্রাফিক, তাৰ মধ্যেই যথাসম্ভব স্পিডে চলেছে আমাদের গাড়ি, আমি সামনে বসে একবাৰ ঘাড় ঘুৰিয়ে পিছনে দেখেই বুঝেছি লালমোহনবাবুৰ অবস্থা বিনা মেঘে বজ্রাঘাতের মতো। এটাও তিনি জানেন যে এ অবস্থায় ফেলুদাকে কোনও প্রশ্ন করেই কোনও উত্তর পাৰেন না।

হোটেলে পৌঁছে যেটা জানা গেল তা মোটামুটি এই। রবিবাৰ সন্ধ্যাবেলা অনীকেন্দ্র সোম

এসে হোটেলে ওঠেন। খাতা থেকে জানা যাচ্ছে তিনি থাকেন কানপুরে। আগামীকাল তাঁর চলে যাবার কথা ছিল। আজ ভোর পাঁচটায় নাকি একজন লোক এসে তাঁর খোঁজ করেন। তাঁকে বলা হয় সোম থাকেন তেইশ নম্বর ঘরে। দোতলার ঘর, তাই আগন্তক লিফটে না উঠে সিঁড়ি দিয়েই ওঠেন, আর মিনিট পনেরো বাদেই নাকি চলে যান। চেহারার বর্ণনা হল—মাঝারি ছাইট, পরিষ্কার রং, দাঢ়ি-গোঁফ নেই, পরনে ছাই রঙের প্যান্ট আর নীল বুশ শার্ট। দারোয়ান বলল যে ভদ্রলোক নাকি একটা ট্যাঙ্কি দাঁড় করিয়ে রেখেছিলেন।

মিঃ সোম আটটায় ব্রেকফাস্ট চেয়েছিলেন, রুমবয় ঠিক সময়ে গিয়ে দরজার বেল টিপে কোনও সাড়া পায়নি। তারপর ডুপলিকেট চাবি দিয়ে ঘর খুলে দেখে দরজার সামনেই পড়ে আছে মিঃ সোমের মৃতদেহ। অন্তর্টা হচ্ছে একটা নেপালি কুকরি। সেটা মেরেছে বুকের মৌক্ষম জায়গায়, এবং সেটাকে আর বার করা হ্যানি।

তেইশ নম্বর ঘরে পুলিশ খানাতলাসি করছে, তবে জিনিস বলতে বিশেষ কিছুই নেই। একটি মাত্র ছোট ভি আই পি ব্যাগ, তাতে দিন-তিনেকের ব্যবহারের জন্য জামা-কাপড়। টাকা-পয়সা কিছুই পাওয়া যায়নি, অর্থাৎ ধরে নেওয়া যেতে পারে সেগুলো আততায়ীই সরিয়েছে। ফেলুদা লাশ দেখে এসে বলল ভদ্রলোক রীতিমতে সুপুরুষ ছিলেন, বয়স ত্রিশের বেশি নয়। রুমবয়ের সঙ্গে কথা বলে জানা গেল মিঃ সোম সিগারেট খেতেন না, ড্রিংক করতেন না। রিসেপশনে বসেন মিঃ লতিফ, তিনি বললেন মিঃ সোম নাকি গতকাল বেশির ভাগ সময়টাই হোটেলের বাইরে ছিলেন, ফেরেন বৃষ্টি নামার ঘণ্টাখানেক আগে। আজ ভোরে ছাড়া ওঁর কাছে কোনও ভিজিটর আসেনি, কেউ টেলিফোনেও ওঁর খোঁজ করেনি। তবে হ্যাঁ, এই হোটেলের ঘরে টেলিফোন নেই, তাই মিঃ সোম নাকি কাল রাত্রে রিসেপশন থেকে ডি঱েস্ট্রি দেখে একটা নম্বর বার করে কাকে যেন টেলিফোন করেন, এবং করার পর নিজের নেটবুকে নম্বরটা লিখে নেন।

যে নেটবুকে ফেলুদার নম্বরটা ছিল সেটা পাওয়া যায় খাট এবং বেডসাইড টেবিলের মাঝখানে মেঝেতে। নতুন কেনা নেটবুক, তার প্রথম তিনটে পাতাতেই শুধু লেখা। এলোমেলো টুকরো টুকরো কথা—বাংলা ইংরেজি মেশানো। ‘কী মনে হচ্ছে বল তো?’—একটা পাতা খুলে আমার দিকে এগিয়ে দিয়ে বলল ফেলুদা।

আমি বললাম, ‘লেখা মাঝে মাঝে কেঁপে গেছে, বিশেষ করে “ঘাঁটি” কথাটা তো প্রায় পড়াই যায় না।’

‘প্রচণ্ড নার্ভাস টেনশনে লিখেছেন বলে মনে হয়’, মন্তব্য করলেন জটায়ু।

‘অথবা প্রচণ্ড বেগে ধাবমান কোনও যানে,’ বলল ফেলুদা, ‘ধরুন ঘণ্টায় ছ’শো মাইল।’

বোঝাই যাচ্ছে ফেলুদা প্লেনের কথা বলছে। জেটপ্লেনের স্পিড গড়ে ঘণ্টায় ছ’শো মাইল হতে পারে।

‘আমার বিশ্বাস ঘাঁটি কথাটা লেখার সময় প্লেনটা একটা এয়ারপেকেটে পড়েছিল,’ বলল ফেলুদা।

‘মোক্ষম ধরেছেন,’ বললেন জটায়ু, ‘সেবার বস্তে যাবার সময় মনে আছে সবেমাত্র কফিতে চুমুক দিয়েছি—আর অমনি পকেট ! সে মশাই কফি অন্ননালীতে না গিয়ে শ্বাসনালীতে চুকে বিষম-টিষম লেগে এক কেলেক্ষন ব্যাপার।’

ফেলুদা লেখাগুলো নিজের খাতায় টুকে নিয়ে নেটবুকটা মহিমবাবুকে ফেরত দিয়ে দিল।

‘আমরা কানপুরে জানিয়ে দিচ্ছি’ বললেন মহিম দত্তগুপ্ত, ‘লাশ সন্তান করার একটা ব্যাপার আছে তো।’

ফেলুদা বলল, ‘আমার বিশ্বাস রান্তিরে দিল্লি থেকে একটা ফ্লাইট আছে যেটা কানপুর হয়ে আসে। গত রবিবারের ফ্লাইটে অনীকেন্দ্র সোম নামে কোনও প্যাসেজার ছিল কি না সেটাও খোঁজ করে দেখতে পারেন। তবে আমার ধারণা লোকটা কোনও পাহাড়ি জায়গা থেকে আসছে।’

‘কেন বলুন তো ?’

‘এক জোড়া মাউন্টেনিয়ারিং বুটস দেখলাম, তার একটার তলায় এক টুকরো ফার্ম লেগে রয়েছে, যেটা পাহাড়েই থাকা স্বাভাবিক।’

মহিমবাবু বললেন নতুন কোনও তথ্য পেলেই জানিয়ে দেবেন, বিশেষ করে কুকরির হাতলে কোনও ফিঙ্গার প্রিন্ট পাওয়া গেল কি না।

‘আর গ্র্যান্ড হোটেলে চুকেই প্যাসেজের বাঁদিকে একটা কিউরিওর দোকান আছে’ বলল ফেলুদা, ‘খোঁজ করে দেখতে পারেন, কুকরিটা ওখান থেকেই কেনা হয়েছে কি না।’

ফেরার পথে নোটবুকের তিনটে পাতায় যে লেখাগুলো ছিল সেগুলো দেখাল ফেলুদা।

প্রথম পাতায় দু লাইন লেখা—(১) only L S D কি ? (২) ASK C P about methods and past cases.

দ্বিতীয় পাতায় তিন লাইন—(১) ঘাঁটি এখানে না ওখানে ? (২) A B সম্বন্ধে আগে জানা দরকার ; (৩) Ring up P C M, D D C.

তৃতীয় পাতায় শুধু আমাদের বাড়ির ফোন নম্বর।

‘ফরেন কারেলি ঘটিত কোনও ব্যাপার নাকি মশাই ?’ প্রশ্ন করলেন জটায়ু। মেঠো ছাড়িয়ে চৌমাথায় লাল বাতিতে এসে থেমেছে আমাদের গাড়ি।

‘কেন বলুন তো ?’

‘না, ওই এল এস ডি দেখলাম কি না। পাউন্ড-শিলিং-পেস্ট তো ?’

‘আপনি বৈষয়িক চিন্তাটা একটু কম করুন তো মশাই’ মেঁকি ধমকের সুরে বলল ফেলুদা—‘এল এস ডি হল এক রকম ড্রাগ। লাইসারজিক অ্যাসিড ডাইয়েথিলামাইড। হিপিদের দৌলতে এর খ্যাতি এখন সারা বিশ্বে ছড়িয়ে পড়েছে। আজকাল বৈজ্ঞানিকরা বলেন, মানুষের মগজে সেরোটোনিন বলে এক রকম রাসায়নিক পদার্থ আছে যেটা মানুষকে সুস্থ মস্তিষ্কে ভাবতে বুবাতে, চিন্তা করতে সাহায্য করে। এল এস ডি নাকি সেরোটোনিনের মাত্রা সাময়িকভাবে কমিয়ে দিয়ে মস্তিষ্কের বিকার ঘটিয়ে দেয়। কিছুক্ষণের জন্য মানুষ তাই একটা অবাস্তব জগতে বিচরণ করে। ধরুন, এই চৌরঙ্গিকে মনে হতে পারে নদনকানন।’

‘বলেন কী ! এ জিনিস কিনতে পাওয়া যায় নাকি ?’

‘তা যায় বইকী। তাই বলে কি আর দে-জ মেডিক্যাল স্টোর্সে গিয়ে চাইলে পাবেন ? এসব পাওয়া যায় গোপন আস্তানায়। গ্লোব সিনেমার পিছন দিকে হিপিদের একটা হোটেল আছে। সেখানে গিয়ে তাদের সঙ্গে মিশলে পরে এক-আধটা শুগার কিউব পেলেও পেতে পারেন।’

‘শুগার কিউব ?’

‘চার চৌকো চিনির ডেলা দেখেননি ? তার মধ্যে পোরা থাকে এক কণা এল এস ডি। এই এক কণার তেজ আপনার ভাষায় ফাইভ থাউজ্যান্ড হার্স পাওয়ার। অবিশ্য এল এস ডি সেবন করে সাময়িক স্বর্গবাস নরকবাস দুই-ই হতে পারে। সেটা কে খাচ্ছে তার উপর নির্ভর করে। সিঁড়ি নামছে মনে করে সাতলার ছাতের কার্নিশে দাঁড়িয়ে শূন্যে পা বাড়িয়ে দিয়েছে এল এস ডি-র প্রভাবে এও শোনা যায়।’

‘তার মানে পপাত চ— ?’

‘অ্যান্ড মমার চ।’

‘কী ভয়ঙ্কর !’

খুনটা হয়েছিল মঙ্গলবার সকালে। বিশুদ্ধবার দুপুরে ফেলুদার ফোন এল মহিম দত্তগুপ্তের কাছ থেকে। খবর আছে অনেক।

অনীকেন্দ্র সোম কানপুরের আই আই টি-তে অধ্যাপনা করতেন। সেখানে তাঁর কোনও আচ্চায় থাকে না। তবে তাঁরা খবর পাঠান যে কলকাতায় অনীকেন্দ্র সোমের এক ভাই থাকে। সে নাকি স্টেট ব্যাঙ্কে চাকরি করে। পুলিশ তার হস্তি বার করে। ভদ্রলোক নাকি খবরের কাগজে তাঁর দাদার মৃত্যু-সংবাদটা মিস্ করে গেছিলেন। যাই হোক, তিনি লাশ সনাত্ত করে যান, এবং বলেন যে অনীকেন্দ্রবাবু নাকি তাঁর আচ্চায়-স্বজনের সঙ্গে বিশেষ যোগাযোগ রাখতেন না। কলকাতায় প্রায় আসতেন না বললেই চলে। তবে দাদা একটু খামখেয়ালি হলেও, নির্ভীক, স্বাধীনচেতা পুরুষ ছিলেন সেটা ভাই স্বীকার করেন।

দু নম্বর—কুকরিতে কোনও আঙুলের ছাপ পাওয়া যায়নি। অর্থাৎ খুনি অত্যন্ত সাবধানি লোক। যে ভাবে যে অ্যাঙ্গেলে ছোরা বুকে চুকেছে, তাতে মনে হয় খুনি ন্যাটা বা লেফট-হ্যান্ডেড। গ্র্যান্ড হোটেলের কিউরিওর দোকানের মালিক ছোরাটা দেখে চিনেছেন এবং বলেছেন সেটা তাঁরা বিক্রি করেন সোমবার সকালে মিঃ বাটো নামক এক ব্যক্তিকে। ইনি গ্র্যান্ড হোটেলেই ছিলেন, এবং যেদিন খুন হয় সেদিন ইন্ডিয়ান এয়ার লাইনসের সকাল নটার ফ্লাইটে চলে যান কাঠমাণু।

তিনি নম্বর—কানপুর হয়ে আসা দিল্লির রবিবারের ফ্লাইটে অনীকেন্দ্র সোম বলে কোনও যাত্রী ছিলেন না। তবে রবিবারের অন্য সব ফ্লাইটের প্যাসেঞ্জার লিস্ট দেখে পুলিশ জেনেছে যে সে দিন কাঠমাণু-ক্যালকাটা বিকালের ফ্লাইটে অনীকেন্দ্র সোম নামে একজন প্যাসেঞ্জার ছিলেন। এক ঘণ্টা লেট ছিল ফ্লাইটটা; সেটা এসে দমদমে পৌঁছায় সাড়ে পাঁচটায়।

মহিমবাবু শেষ কথা বললেন এই যে, খুনি যখন বিদেশে ভাগলওয়া, তখন এখান থেকে কিছু করার কোনও সোজা রাস্তা নেই। কেসটা আপাতত চলে যাচ্ছে সি আই ডি হোমিসাইডের হাতে। সেখান থেকে দিল্লির হোম ডিপার্টমেন্টে জানালে পর তারা আবার নেপাল সরকারের কাছে অনুরোধ জানাবেন এই খুনের তদন্তে সহায়তার জন্য। নেপাল সরকার সম্মতি জানালে পর এখান থেকে সি আই ডি-র লোক চলে যাবে কাঠমাণু।

ফেলুদা ফোনটা রাখার সময় শুধু একটি কথাই বলল—

‘বেস্ট অফ লাক্!'

এর পর দুটো দিন ফেলুদার কথা একদম বন্ধ। তবে ও যে গভীরভাবে চিন্তা করছে সেটা ওর ঘনঘন পায়চারি, মাঝে মাঝে আঙুল মটকানো, আর হঠাত হঠাত বিছানায় চিত হয়ে শুয়ে পড়ে সিলিং-এর দিকে চেয়ে থাকা দেশেই বুবতে পারছিলাম।

দ্বিতীয় দিন লালমোহনবাবু এসে প্রায় দু ঘণ্টা রইলেন, অথচ পুরো সময়টা ফেলুদা টেক্ট্যালি মৌনী। ভদ্রলোক শেষটায় যা বলার আমাকেই বললেন, এবং মোদা ব্যাপারটা এই যে, উনি নাকি গতকাল এক আশ্চর্য পার্মিটের কাছে গিয়ে হাত দেখিয়ে এসেছেন।

‘বুঝলে ভাই তপেশ, ভদ্রলোকের নাম হচ্ছে মৌলিনাথ ভট্টাচার্য। শুধু যে দুর্ধর্ষ হাত-দেখিয়ে তা নয়, ওরিজিন্যাল রিসার্চ আছে। বলেন, মানুষের মতো বাঁদরের হাতেও

নাকি রেখা থাকে, আর সে রেখা পড়া যায়। আমাদের চিড়িয়াখানায় একটা শিষ্পাজি আছে। মৌলিবাবু কিউরেটারকে বলে স্পেশাল পারমিশন নিয়ে, যে লোকটা শিষ্পাজিটার দেখাশোনা করে তাকে সঙ্গে নিয়ে চুকেছিলেন খাঁচার ভেতর। বললেন ভারী ভব্য জানোয়ার। দশ মিনিট ধরে হাত বাড়িয়ে বসে ছিল, টু শব্দটি করেনি। কেবল বেরোবার সময় নাকি ভদ্রলোকের কাছাটা টেনে খুলে দেয়, ছইট মে বি অনিচ্ছাকৃত। যাই হোক, হেড লাইন, লাইফ লাইন, হার্ট লাইন, ফেট লাইন—সব আছে ওই বাঁদরের হাতে। ওটা মরবে এইটি-থির অগাস্টে। অ্যাট দি এজ অফ থার্টি থ্রি। আমি ডায়রিতে নেট করে নিয়েছি। আমার তো মনে হয় ফলে যাবে। তুমি কী বলো?’

আমি বললাম, ‘ফললে নিশ্চয়ই একটা অন্তুত ব্যাপার হবে। কিন্তু আপনাকে কী বললেন?’

‘সে তো আরেক মজা। বছর পাঁচেক আগে কৈলাস বোস স্ট্রিটে এক পার্মিস্টকে হাত দেখিয়েছিলাম। তিনি বলেছিলেন ফরেন ট্যুর নেই। ইনি দেখিয়ে দিলেন স্পষ্ট রয়েছে। না হয়ে যায় না।’

লালমোহনবাবু হতাশ হননি। পরদিনই সকালে চা খেতে খেতে ফেলুদা বলল, ‘বুঝলি তোপসে, মন বলছে অল রোডস্ লিড টু নেপাল। আর তার মধ্যে কিছু রাস্তা বেশ সর্পিল। অতএব নেপাল যাওয়াটা ফেলু মিস্তিরের কর্তব্য।’

ইন্ডিয়ান এয়ারলাইনসে কাঠমাণু ফ্লাইটে তিনজনের টিকিট কিনে, লাক্স থেকে গরম জামা আনিয়ে, পুষ্পক ট্র্যাভেলস-এর সুদর্শনবাবুকে দিয়ে ওখানকার হোটেল বুক করার কথা বলে দিয়ে আমাদের রওনা হতে আরও তিন দিন লেগে গেল।

এরই মধ্যে একদিন আমি ফেলুদাকে জিজ্ঞেস করলাম, ‘তোমার কি ধারণা নকল বাটৱাও কাঠমাণু চলে গেছে?’

ফেলুদা বলল, ‘খুন করে দেশের বাইরে পালিয়ে যেতে পারলে একটা মন্ত্র সুবিধে আছে। শুনলি তো মহিমবাবু কী বললেন—দুই দেশের সরকারের মধ্যে সমরোতা না হওয়া পর্যন্ত তো খুনি নিষিষ্ট। যুক্তরাষ্ট্রে খুন করে অনেকে সীমানা পেরিয়ে পালিয়ে যায় মেকসিকোতে, শুনেছিস তো। ভারত আর নেপালও তো সেই একই ব্যাপার।’

যাবার আগের দিন সকালবেলা লালমোহনবাবু এসে বলে গেলেন যে লেনিন সরাগির মোড়ে নকল বাটৱাকে দেখেছেন। সে নাকি একটা ঠাণ্ডাইয়ের দোকানের সামনে দাঁড়িয়ে লসি খাচ্ছিল। ফেলুদা চারমিনারে টান দিয়ে সিলিং-এর দিকে দৃষ্টি রেখে প্রশ্ন করল, ‘গেলাস্টা বাঁ হাতে ধরেছিল কি না সেটা লক্ষ করেছিলেন?’

‘এই রে।’

লালমোহনবাবু জিভ কেটে বুঝিয়ে দিলেন সেটা করেননি।

‘তা হলে আপনার স্টেটমেন্টের কোনও মূল্য নেই’, বলল ফেলুদা।

এয়ারপোর্টের কাউন্টারে ফেলুদার চেনা লোক ছিল। তিনি বললেন, ‘আপনাদের ডানদিকে সিট দিছি, তা হলে ভাল ভিউ পাবেন।’

ভাল ভিউটা যে কতটা ভাল সেটা যে না দেখেছে তাকে বলে বোঝানো মুশকিল। স্বপ্নেও কি ভাবা যায় যে কলকাতার মাটি ছেড়ে আকাশে ওঠার দশ মিনিটের মধ্যে ডানদিকে চেয়ে দেখতে পাব দূরে বল্মল করছে আমাদের সেই ছেলেবেলা থেকে চেনা কাঞ্চনজঙ্গী?

আর তার পরেই অবিশ্যি শুরু হল সারা ডানদিকটা জুড়ে ভিড় করে দাঁড়িয়ে থাকা বিখ্যাত সব পর্বতশৃঙ্গ, যার অনেকগুলোই কোনও-না-কোনও সময়ে কোনও-না-কোনও দেশের ৯০

বিখ্যাত পর্বতারোহী দলগুলোকে চুম্বকের মতো টেনে নিয়ে গেছে শেরপাদের দেশে, যেখান থেকে তারা থোড়াই-কেয়ার মেজাজে মরণপথে ঝাঁপিয়ে পড়েছে শৃঙ্খবিজয় অভিযানে।

ক্যাপ্টেন মুখার্জি যে এই প্লেনের অধিনায়ক সেটা আগেই ঘোষণা করা হয়েছিল। আমরা জানালা দিয়ে মন্ত্রমুক্তির মতো বরফের চূড়াগুলোর দিকে দেখছি, এমন সময় একজন বাঙালি এয়ার হোস্টেস এসে ফেলুদার উপর ঝুঁকে পড়ে বলল, ‘ক্যাপ্টেন একবার আপনাকে কক্ষপিটে ডেকেছেন।’

ফেলুদা ওঠবার জন্য তৈরি হয়ে মেয়েটিকে বলল, ‘আমার পরে এঁরা দুজনও একবার যেতে পারেন কি?’

এয়ার হোস্টেস হেসে বলল, ‘আপনারা তিনজনেই আসুন না।’

কক্ষপিটে জায়গা খুবই কম, তবে ফেলুদার পিছনে দাঁড়িয়ে ওর কাঁধের দু দিক দিয়ে গলা বাড়িয়ে আমরা দুজনে যা দেখলাম তাই যথেষ্ট। দেখে মনের যে ভাবটা হল সেটাকে লালমোহনবাবু পরে বলেছিলেন ‘স্তুরভাষ রুদ্ধশাস বিমুক্ত বিস্ময়’। পর পর চূড়োর লাইন ডানদিক থেকে এসে বাঁয়ে ঘুরে প্লেন যেদিকে যাচ্ছে সেদিকে একটা প্রাচীর সৃষ্টি করেছে। দূরত্ব যতই কমে আসছে, শৃঙ্গগুলো ততই ফুলে ফেঁপে চাঞ্চিয়ে চিতিয়ে উঠছে। কো-পাইলটের হাতে একটা হ্যাডলি চেজের বই, তিনি সেটাকে বন্ধ করে পর পর চূড়াগুলো চিনিয়ে দিলেন। কাঞ্চনজঙ্গার পরই মাকালু, আর তার দুটো চূড়োর পরেই এভারেস্ট। বাকিগুলোর মধ্যে যে নামগুলো আমার চেনা সেগুলো হল গৌরীশঙ্কর, অন্নপূর্ণ আর ধ্বলগিরি।

মিনিট পাঁচক কক্ষপিটে থেকে আমরা ফিরে এলাম। এক ঘণ্টা লাগে কাঠমাণু পৌঁছাতে। এয়ার হোস্টেস চা দিয়েছিল, সেটা শেষ হতে না হতে বুঝতে পারলাম প্লেন নীচে নামতে শুরু করেছে। জানালা দিয়ে চেয়ে দেখি নীচে ঘন স্ববৃজ ছাড়া আর কিছু দেখা যাচ্ছে না। এই সেই বিখ্যাত তোরাই। এর পরে মহাভারত পাহাড় পেরিয়েই কাঠমাণু ভ্যালি।

সামনে একটা বিশাল সাদা মেঘের কুণ্ডলী, আমাদের প্রেনটা তার মধ্যে চুকতেই বাইরের দৃশ্য মুছে গেল, আর সঙ্গে সঙ্গে একটা ঝাঁকুনি শুরু হল।

মিনিটখনেক এই অবস্থায় চলার পর হঠাতে মেঘ সরে গেল, ঝাঁকুনি থেমে গেল, আর ঝলমলে রোদে দেখতে পেলাম নীচে বিছিয়ে আছে এক আশ্চর্য সুন্দর উপত্যকা।

‘এ যে ফরেন কাস্ট্রি সে আর বলে দিতে হয় না মশাই,’ ঢোক গিলে কানের তালা ছাড়িয়ে অবাক চোখ করে বললেন লালমোহনবাবু।

কথাটা ঠিকই। ভারতবর্ষে এমন জায়গা নেই! পাহাড় নদী ধানখেত গাছপালা ঘরবাড়ি সবই আছে, কিন্তু তাও যেন একেবারে অন্য রকম।

‘গ্রামের বাড়িগুলো লক্ষ কর,’ বলল ফেলুদা, ‘চিনেদের তৈরি ইটের দোতলা বাড়ি, তার উপর খড়ের চাল। এ জিনিস আমাদের দেশে দেখতে পাবি না।’

‘ওগুলো কি মন্দির নাকি মশাই?’

‘বৌদ্ধমন্দির,’ বলল ফেলুদা। ‘নদীর এ পারে, তাই মনে হয় ওটা পাটন শহর। আর ওইটে কাঠমাণু।’

আমাদের প্লেনের ছায়াটা কিছুক্ষণ থেকেই সঙ্গে সঙ্গে চলছিল। লক্ষ করছিলাম সেটার বড় হওয়ার স্পিড ক্রমেই বাড়ছে; এবারে সেটা যেন হঠাতে তড়িঘড়ি ছুটে এসে বিরাট হয়ে আমাদের প্লেনের সঙ্গে মিশে যাওয়ার সঙ্গে সঙ্গে বুঝতে পারলাম আমরা ত্রিভুবন এয়ারপোর্টে ল্যান্ড করেছি।

এয়ারপোর্টে বেশ চনমনে অভিজ্ঞতা হল। এ রকম বিদেশি ট্যুরিস্টের ভিড় এর আগে একবারই দেখেছি, বোম্বের তাজমহল হোটেলের লবিতে।

আগেই জানতাম এখানে কাস্টমস-এর ঘোমেলা আছে, চেকিং-এর একটু বাড়াবাড়ি, সকলেরই সুটকেস নাকি খুলে দেখে। আমাদের কাছে আপত্তিকর কিছুই নেই, তাও লালমোহনবাবু দাঁতে দাঁত চেপে আছেন কেন জিজ্ঞেস করাতে বললেন, ‘একটা টিফিন বক্সে কিছু আমসত্ত্ব এনিচি ভাই। ফরেন কাস্ট্রি, যদি সন্দেহ-টন্দেহ করে।’

শেষ পর্যন্ত কাস্টমস কিছু বলল না দেখে লালমোহনবাবু একটা হাঁপ-ছাড়া হাসি হেসেই হঠাৎ আবার গভীর হয়ে গেলেন কেন সেটা ওঁর দৃষ্টি অনুসরণ করে বুঝতে পারলাম।

ফেলুদা আগেই দেখেছে লোকটাকে। একজন লালচে দাঢ়িওয়ালা শ্বেতাঙ্গ ঢাঙ্গার সঙ্গে কথা বলছেন লাউঞ্জের কোণে দাঁড়িয়ে হয় নকল না হয় আসল বাটো।

না, নকল নয়, আসল।

ফেলুদার সঙ্গে চোখাচোখি হওয়াতে ভদ্রলোক সাহেবকে ‘এক্সিউস মি’ বলে ভুক্ত কপালে তুলে হেসে এগিয়ে এলেন আমাদের দিকে।

‘ওয়েলকাম টু কাঠমাণু !’

‘শেষ পর্যন্ত নিজেদের তাগিদেই এসে পড়লাম’, বলল ফেলুদা।

‘ভেরি গুড, ভেরি গুড !’ তিনজনের সঙ্গেই হ্যান্ডশেক করলেন ভদ্রলোক। ‘ফরচুনেটলি, সে লোক বোধহয় আর আমাকে ফলো করেনি, মিঃ মিটো। এ ক’ দিনে আর কোনও গোলমাল হয়নি। আপনারা ক’ দিন আছেন ?’

‘দিন সাতেক ?’

‘কোথায় উঠছেন ?’

‘হোটেল লুম্বিনীতে রিজার্ভেশন আছে।’

‘নতুন হোটেল’, বললেন মিঃ বাটো, ‘অ্যান্ড কোয়াইট গুড। আপনারা সাইট-সিইং-এ যেতে চাইলে আমি বন্দোবস্ত করে দিতে পারি। আমার আপিস আপনাদের হোটেল থেকে পাঁচ মিনিটের হাঁটা পথ।’

‘থ্যাক্ষ ইউ। ইয়ে—এ খবরটা আপনি দেখেছেন কি ? কলকাতার কাগজ এখানে আসে ?’

ফেলুদা পকেট থেকে একটা কাটিং বার করে বাটোর হাতে দিল। আমি জানি এটা অনীকেন্দ্র সোমের খুনের খবর, স্টেটসম্যানে বেরিয়েছিল। তাতে এটাও বলা হয়েছিল যে খুন্টা করা হয়েছিল একটা নেপালি কুকরির সাহায্যে।

‘আপনি যেদিন এলেন সেদিনকারই ঘটনা এটা।’

মিঃ বাটোর খবরটা পড়ে কাগজটা থেকে চোখ তুলে গভীর সংশয়ের দৃষ্টিতে চাইলেন ফেলুদার দিকে। ফেলুদা বলল, ‘কুকরিটা গ্র্যান্ড হোটেলের দোকান থেকে কেনা হয়েছিল যে খুন্টের আগের দিন সেটা পুলিশ ভেরিফাই করেছে ! দোকানি এটাও বলে যে, যিনি কিনেছিলেন তার নাম বাটো।’

‘হাউট টেরিব্ল !’

মিঃ বাটোর মুখ ফ্যাকশে হয়ে গেছে।

‘আপনি বোধহয় এই অনীকেন্দ্র সোমের নাম শোনেননি ?’

‘নেভার,’ কাটিংটা ফেরত দিয়ে বললেন মিঃ বাটো।



‘ইনি কিন্তু একই প্লেনে এসেছিলেন আপনার সঙ্গে ।’

‘ফ্রম কাঠমান্ডু ?’

‘আজ্জে হ্যাঁ ।’

‘নেপাল এয়ারলাইনস് ?’

‘হ্যাঁ ।’

‘তা হলে চেহারা দেখলে হয়তো চিনতে পারতাম । একশো ত্রিশজন প্যাসেজার ছিল ওই ফ্লাইটে, মিঃ মিটরা ।’

‘যাই হোক, আপনি আর এর মধ্যে কলকাতা-টলকাতা যাবেন না, তা হলে গোলমালে পড়তে পারেন,’ মোটামুটি হালকা ভাবেই বলল ফেলুন্দা ।

‘কিন্তু আমাকে ফাঁদে ফেলার এ রকম চেষ্টা কেন, মিঃ মিটরা ?’ প্রায় কাঁদো কাঁদো হয়ে বললেন মিঃ বাটরা ।

ফেলুন্দা বলল, ‘একজন ক্রিমিন্যাল যদি আবিষ্কার করে যে আরেকজন লোকের সঙ্গে তার চেহারায় খুব মিল, তা হলে তার নিজের ক্রাইমের বোঝাটা সেই লোকের ঘাড়ে ফেলার চেষ্টা কি তার পক্ষে খুব অস্বাভাবিক ?’

‘সে তো মানছি, কিন্তু এ তো সাধারণ ক্রাইম নয়, এ যে মার্ডার !’

ফেলুদা বলল, ‘আমার ধারণা খুনি কাঠমাণুতেই ফিরে আসবে, এবং আমার সঙ্গে তার একটা মোকাবিলা হবেই। এই অনীকেন্দ্র সোম কতকটা আমার সাহায্য চাইতেই কলকাতায় গিয়েছিলেন। কী কারণে সেটা আর জানা হয়নি। তার খুনি বেকসুর খালাস পেয়ে যাবে সেটা আমি মানতে পারছি না, মিঃ বাটো। আমি অনুরোধ করব, আপনি বা আপনার কোনও লোক যদি তাকে কাঠমাণুতে দেখেন তা হলে আমি যেন একটা খবর পাই।’

‘সেটা আমি কথা দিছি আপনাকে,’ বললেন মিঃ বাটো। ‘আমি কালকের দিনটা থাকছি না, একটা অ্যামেরিকান ট্যুরিস্ট দলের সঙ্গে পোখরা যেতে হচ্ছে, পরশু ফিরে এসে আপনাকে কন্ট্যাক্ট করব।’

কাস্টমসের ঝামেলা চুকিয়ে আমরা ট্যাঙ্কিতে করে রওনা দিলাম। জাপানি ডাটসুন ট্যাঙ্কি, রাস্তায় জাপানি ও বিদেশি গাড়ির ছড়াছড়ি, পরিষ্কার চওড়া রাজপথের ধারে ইউক্যালিপ্টাসের সারি; পেঁচায় পার্কের মধ্যে বাহারের স্পোর্টস স্টেডিয়াম, বিরাট বিরাট বিলিতি ধাচের বিল্ডিং—যার অনেকগুলোই নাকি আগে রাগাদের প্রাসাদ ছিল—দূরে এখনে-ওখানে মাথা উঠিয়ে আছে হিন্দু-বৌদ্ধ মন্দিরের চূড়ো—সব মিলিয়ে ফরেন-ফরেন ভাবটা যে ক্রমে লালমোহনবাবুকে আরও বেশি করে পেয়ে বসছে সেটা তাঁর হাত কচলানি আর আধ-বোজা চোখ দেখেই বুঝতে পারছিলাম। নেপালের রাজাই যে পৃথিবীর একমাত্র হিন্দু রাজা সেটা শুনে তিনি যেমন ইমপ্রেসড, তেমনই ইমপ্রেসড শুনে যে নেপালের লুম্বিনী শহরেই বুদ্ধের জন্ম, আর নেপাল থেকেই বৌদ্ধধর্ম গিয়েছিল চিন আর জাপানে !

শহরের মেইন রাস্তা ‘কাস্টি পথ’ দিয়ে বাঁয়ে সুরে একটা কারুকার্য করা তোরণের ভিতর দিয়ে আমরা এসে পড়লাম নিউ রোডে। এই নিউ রোডেই আমাদের হোটেল। দু দিকে দেখে বুবলাম এটা দোকান আর হোটেলেরই পাড়া। লোকের ভিড়টাও এখানেই প্রথম চোখে পড়ল।

একটা চৌমাথার কাছাকাছি এসে আমাদের ট্যাঙ্কিটা রাইট অ্যাবাউট টার্ন করে রাস্তার উলটোদিকে একটা বাহারের কাঠের ফ্রেমে কাচ বসানো দরজার সামনে থামল। একদিকের পান্নার কাচে লেখা ‘হোটেল’, অন্য দিকে ‘লুম্বিনী’।

ফেলুদা একদিন বলছিল ভরণের বাতিকটা বাঙালিদের মধ্যে যেমন আছে, ভারতবর্ষের আর কোনও জাতের মধ্যে তেমন নেই; আর এই বাতিকটা নাকি মধ্যাবিত্তদের মধ্যেই সবচেয়ে বেশি দেখা যায়। সবচেয়ে আশচর্য এই যে, যাতায়াতের খরচ যত বাঢ়ছে, ভূমণ্ডের নেশাও নাকি বাঢ়ছে তার সঙ্গে পান্না দিয়ে।

কাঠমাণুতে এসেও যার সঙ্গে প্রথম আলাপ হল তিনি একজন বাঙালি ট্যুরিস্ট। হোটেলের রিশেপসনে দাঁড়িয়ে খাতায় নাম লেখা হচ্ছে, এমন সময় ভদ্রলোক পাশের একটা সোফা থেকে উঠে এগিয়ে এলেন আমাদের দিকে।

‘আপনারা আই-এ ফ্লাইটে এলেন ?’ লালমোহনবাবুকে বয়োজ্যেষ্ঠ দেখে তাকেই প্রশ্ন করলেন ভদ্রলোক।

‘আজ্জে হ্যাঁ। ইত্তিয়ান এয়ারলাইনস। দশ মিনিট লেট ছিল।’

‘এদিকে এই প্রথম ?’

‘আজ্জে হ্যাঁ।’

‘পারলে পোখরাটা একবার ঘুরে আসবেন। বেড়াতে এসেছেন তো ?’

‘আজ্জে হ্যাঁ। হলিডে,’ ফেলুদার দিকে একবার আড়-চোখে দেখে বললেন জটায়ু।

‘আপনি এখানে থাকেন ?’ ফেলুদা প্রশ্ন করল। বেয়ারা এসে আমাদের মালপত্র নিয়ে

গেছে দোতলায়। দুটো পাশাপাশি ঘর আমাদের—দুশো ছাবিশ, দুশো সাতাশ।

‘আমি কলকাতার লোক,’ বললেন ভদ্রলোক, ‘বেড়াতে এসেছি ফ্যামিলি নিয়ে। ইনি অবিশ্য এখানেরই বাসিন্দা।’

আরেকজন বয়স্ক ভদ্রলোকও যে সোফাটায় বসে ছিলেন সেটা এতক্ষণ লক্ষ করিনি। চোখে কালো ফ্রেমের চশমা, টকটকে রং, চুল ধপধপে সাদা। সব মিলিয়ে রীতিমতো সৌম্য চেহারা।

ভদ্রলোক এগিয়ে এসে আমাদের নমস্কার করলেন।

‘এনারা নেপালে আছেন প্রায় তিনশো বছর,’ প্রথম ভদ্রলোকটি বললেন।

‘বলেন কী! ফেলুদা ও জটায়ু একসঙ্গে বলে উঠল।

‘সে এক ইতিহাস। শুনে দেখবেন এঁর কাছে।’

‘তা চলুন না আমাদের ঘরে,’ বলল ফেলুদা। ‘আমি এমনিতেই নেপালের বাঙালিদের সম্পর্কে একটু ইনফরমেশন চাচ্ছিলাম, একটা বিশেষ দরকারে।’

আমি জানি ফেলুদা কী দরকারের কথা বলছে, আর এটাও জানি যে দরকার না থাকলে ফেলুদা চট করে কাউকে প্রথম আলাপেই নিজের ঘরে ডেকে এনে গঞ্চো করে না।

দুশো ছাবিশ-টা ডাবল রুম, অর্থাৎ আমার আর ফেলুদার ঘর। সেখানেই বসে রুম সার্ভিসকে বলে আনন্দো চা খেতে খেতে কথা হল।

কাঠমাণুর বাসিন্দা ভদ্রলোকটির নাম হরিনাথ চক্রবর্তী। ত্রিভুবন কলেজের ইংরিজির অধ্যাপক ছিলেন, পাঁচ বছর হল রিটায়ার করেছেন। তিনি তাঁদের বংশের ইতিহাস যা বললেন তা হল এই—

প্রায় তিনশো বছর আগে নেপালে নাকি একবার প্রচণ্ড খরা হয়। এখানে তখন মল্লদের রাজত্ব। রাজা জগৎজয় মল্ল এক বিখ্যাত তান্ত্রিককে নিয়ে আসেন বাংলাদেশ থেকে, যদি তার তন্ত্রের জোরে তিনি খরা দূর করতে পারেন। এই তান্ত্রিক ছিলেন হরিনাথের পূর্বপুরুষ জয়রাম চক্রবর্তী। জয়রামের পুজোর জোরে নাকি কাঠমাণু উপত্যকায় এগারো দিন ধরে একটানা বৃষ্টি হয়। জগৎজয় মল্ল জমিজমা দিয়ে জয়রামকে সপরিবারে কাঠমাণুতেই রেখে দেন। পাঁচিশ বছরে এক পুরুষের হিসেবে চক্রবর্তীরা কাঠমাণুতে দশ-পুরুষ ধরে আছেন। মল্লদের পরে রাণাদের আমলেও চক্রবর্তীদের খাতির কয়েনি, কারণ রাণারাও ছিলেন গোঢ়া হিন্দু। দুই পুরুষ আগে অবধি পুজো-আচার কাজই চালিয়ে এসেছেন চক্রবর্তীরা। হরিনাথবাবুর এক কাকা এখনও পশুপতিনাথের মন্দিরের পূজারিদের একজন। হরিনাথের বাবা দীননাথই প্রথম কলকাতায় গিয়ে পড়াশুনা করেন বিংশ শতাব্দীর গোড়ায়। ফিরে এসে তিনি রাণাদের ফ্যামিলিতে প্রাইভেট টিউশনি করেন বাহাতুর বছর বয়সে তাঁর মৃত্যু পর্যন্ত। হরিনাথবাবুও কলকাতায় লেখাপড়া করেন। তাঁর ছিল ইংরেজি সাহিত্যের দিকে বোঁক। প্রেসিডেন্সি কলেজ থেকে বি এ আর বিশ্ববিদ্যালয় থেকে এম এ পাশ করে তিনিও কাঠমাণু ফিরে এসে একই রাণা পরিবারে প্রাইভেট টিউশনি করেন। তার পর যখন রাণাদের প্রতিপত্তি চলে গিয়ে রাজা ত্রিভুবনের নামে কলেজ তৈরি হল, তখন হরিনাথ সেই কলেজে ইংরেজির অধ্যাপক হিসেবে যোগ দেন।

‘অবিশ্য আমার ছেলেরা মন্ত্রতন্ত্র থেকে আরও দূরে সরে গিয়েছিল,’ তাঁর কাহিনী শেষ করে বললেন হরিনাথ চক্রবর্তী। ‘বড়টি—নীলান্তি ছিল মাউন্টেনিয়ারিং ইনসিটিউটের শিক্ষক।’

‘ছিল মানে?’

‘সে সেভেনটি-সিঙ্গে পাহাড় থেকে পড়েই মারা যায়।’

‘আর অন্যটি ?’

‘হিমাদ্রি করত নেপাল সরকারের চাকরি। হেলিকপ্টার পাইলট। তেরাই-এর জঙ্গল আর হিমালয়ের পিকগুলো দেখিয়ে নিয়ে আসত ট্যুরিস্টদের। সেও ফাঁকি দিয়ে চলে গেছে আজ তিন হপ্তা হল।’

‘এয়ার ক্র্যাশ ?’

ভদ্রলোক বিষণ্ণভাবে মাথা নাড়লেন।

‘তা হলে তো তবু এক রকম বীরের মৃত্যু হত। এক বন্ধুকে থ্যাংবোচে নিয়ে যায় সেখানকার মনাটির দেখাতে। ফিরে এসে দেখে কখন যেন হাতে একটা সামান্য ইনজুরি হয়েছে। কাউকে বলেনি, ডেটল লাগিয়ে চুপচাপ ছিল। শেষটায় ওর বন্ধুর চোখে পড়ে। তার ধারণা, একটা কাঁটাতারের বেড়া পেরোনোর সময় স্ক্র্যাচটা হয়েছে, সুতৰাং কোনও রিস্ক না নিয়ে অ্যান্টি-টেক্ট্যানাস ইনজেকশন নেওয়া উচিত। শেষটায় বন্ধুই ডাক্তার ডেকে এনে জোর করে ইনজেকশন নেওয়ায়।’

‘তারপর ?’

ভদ্রলোক মাথা নাড়লেন।

‘কিছুই হল না। সেই টেক্ট্যানাসেই মরল।’

‘দেরি হয়ে গিয়েছিল কি ইনজেকশন নিতে ?’

‘দেরি আর কী করে বলি ? বন্ধুটির হিসেবে বিকেলে জখমটা হয়েছে। পরদিন সকালে ইনজেকশন পড়েছে। কিন্তু ফল হল না। ইনজেকশনের কিছু পর থেকেই কন্ডালশন শুরু হল। এক দিনের মধ্যে সব শেষ।’

‘ডাক্তার কি আপনার বাড়ির ডাক্তার ?’ প্রশ্ন করল ফেলুদা।

‘বাড়ির ডাক্তার না হলেও, ডঃ দিবাকরকে আমরা যথেষ্ট চিনি। ইদানীং প্র্যাকটিসও বেড়েছে খুব—নতুন গাড়ি, বাড়ি—বোধহয় ডঃ মুখার্জি মারা যাবার পর থেকেই। মুখার্জি ছিলেন আমাদের ফ্যামিলি ফিজিশিয়ান।’

এবাব অন্য বাঙালি ভদ্রলোকটি একটি মন্তব্য করলেন।

‘ডাক্তারের কথা জিজ্ঞেস করে কী হবে ? বরং ওষুধের কথা জিজ্ঞেস করুন। ওষুধে কাজ না দেওয়াটা আর আজকের দিনে কী আজব ব্যাপার মশাই ? এ তো আকছার হচ্ছে। অ্যামপুলে জল, ক্যাপসুলে চুণ, চকখড়ি, এমনকী শ্রেফ ধূলো—এ সব শোনেননি ?’

হরিনাথবাবু একটা শুকনো হাসলেন।

‘বেশির ভাগ লোকে আপনার কথাটাই বলবে। আজকের যুগে সব কিছু মেনে নেওয়া ছাড়া গতি নেই। আমাকেও মেনে নিতে হল !’

ভদ্রলোক উঠে পড়লেন, আর সেই সঙ্গে অন্যটিও, যাঁর নাম এখনও জানা হয়নি।

‘আপনার অনেকটা সময় নষ্ট করে গেলাম,’ ফেলুদার দিকে ফিরে বললেন হরিনাথ চক্রবর্তী, ‘কিছু মনে করবেন না।’

‘মোটেই না,’ বলল ফেলুদা, ‘শুধু একটা কথা জানার ছিল।’

‘বলুন।’

‘আপনার ছেলের বন্ধুটি কি এখন এখানে ?’

‘না। তবে কোথায় তা বলতে পারব না। ভয়ানক শক পেয়েছিল হিমুর মৃত্যুতে। তাকে বললাম, কপালের লিখন খণ্ডয় কার সাধ্যি ! সে আমার সঙ্গে কথা বন্ধ করে দিল। আমার বাড়িতেই ছিল। দিন আঞ্চেক হল একদিন দেখি কোথায় যেন চলে গেছে। অবিশ্য ৯৬

কিরে সে আসবেই। কারণ তার কিছু জিনিসপত্র দখনও রয়ে গেছে আমার বাড়িতে। দশ
বছর এক ইঞ্জিনের পড়েছে দুজনে।'

'তার নামটা ?'

'অনীক বলে ডাকি। অনীকেন্দ্র সোম।'

৫

আধষ্ঠাতার মধ্যে স্নান সেরে নিয়ে তিনজনে একতলায় গেলাম হোটেলেরই নিরভানা
রেস্টোর্যান্টে লাঞ্ছ খেতে। কাঠমাণুতে আসার এত অল্প সময়ের মধ্যেই ঘটনা একটা বিরাট
ধাপ এগিয়ে গেছে ভাবতে মনের মধ্যে একটা চাপা উত্তেজনার ভাব এসে গেছে, আর সেই
সঙ্গে খিদেটাও পেয়েছে জবর। কলকাতায় অনীকেন্দ্র সোম খুন, নেপালে বাঙালি
হেলিকপ্টার পাইলটের মৃত্যু, মিঃ বাটৱার ডুপলিকেট—এ সবই যে এক সঙ্গে জট-পাকানো
তাতে কোনও সন্দেহ নেই। মিঃ সোম কি চেয়েছিলেন ফেলুদা ওঁর বন্ধুর মৃত্যুর ব্যাপারেই
তদন্ত করুক? ইনজেকশনে ভেজাল ছিল বলেই কি হিমাত্রি চক্রবর্তীর মৃত্যু হয়? কিন্তু এ
ব্যাপারে ফেলুদা আর কত দূর কী করতে পারে?

আমরা দুজনে মেটামুটি চেনাশোনা খাবার অর্ডার দিয়েছি, কিন্তু লালমোহনবাবু হঠাৎ কেন
যেন মেনু দেখে ওয়েটারকে জিজ্ঞেস করে বললেন, 'হোয়াট ইং মোমো ?'

'ইস্ট মিট বলস ইন সস, স্যার,' বলল ওয়েটার।

'তরল পদার্থে ভাসমান মাংসপিণি,' বলল ফেলুদা। 'তিব্বতের খাবার। শুনেছি মন্দ
লাগে না খেতে। ওটা খেলে আপনি কলকাতায় গিয়ে বলতে পারেন যে দলাই লামা যা
খান, আপনিও তাই খেয়ে এসেছেন।'

'দেন ওয়ান মোমো ফর মি, ইফ ইউ প্লিজ।'

এছাড়া অবিশ্যি ভাত আর ফিশকারি অর্ডার দিয়েছেন ভদ্রলোক। বললেন, 'মোমোটা ফর
একসপ্রিয়েস।'

একটা হালকা সবুজ রংয়ের কার্ড হাতে নিয়েই রেস্টোর্যান্টে চুকেছিলেন লালমোহনবাবু,
এবার সেটা ফেলুদার দিকে এগিয়ে দিয়ে বললেন, 'এইটে যে ধরিয়ে দিল হাতে হোটেলের
কাউন্টারে, এর মানেটা কিছু বুঝলেন? আমি তো মশাই হেড অর টেল কিছুই বুঝছি না।
ক্যাসিনো কথাটা চেনা চেনা লাগছে, কিন্তু ব্যাকজ্যক, পন্টুন, রুলেট, জ্যাকপট—এগুলো
কী? আর বলছে এই কার্ডের ভ্যালু নাকি পাঁচ ডলার। তার মানে তো চল্লিশ টাকা।
ব্যাপারটা কী বলুন তো।'

আমিই লালমোহনবাবুকে বুঝিয়ে দিতে পারতাম, কিন্তু ফেলুদা আরও গুছিয়ে বলতে
পারবে বলে ওর ওপর ছেড়ে দিলাম।

'এখানে একটা বিখ্যাত হোটেল আছে,' বলল ফেলুদা। 'নানা রকম জুয়া খেলার ব্যবস্থা
আছে সেখানে। জ্যাকপট, পন্টুন, কিনো—এ সবই এক-এক রকম জুয়ার নাম। আর
খেলার জায়গাটাকে বলে ক্যাসিনো। আমাদের দেশে এ ধরনের পাবলিক গ্যাম্বলিং নিষিদ্ধ,
তাই ক্যাসিনো জিনিসটা পাবেন না। এই কাউন্টা নিয়ে ক্যাসিনোতে গিয়ে আপনি পাঁচ ডলার
পর্যন্ত জুয়া খেলতে পারেন, মিজের পকেট থেকে পয়সা না দিয়ে।'

'লেগে পড়ব নাকি, তপেশ ?'

'আমার আপত্তি নেই।'

'নাকের সামনে মূলোর টোপ বোলালে গাধা কি আর না খেয়ে পারে ?'

'খেলার শেষে নিজেকে গর্ডভ গর্ডভ মনে হতে পারে সেটা কিন্তু আগে থেকে বলে দিচ্ছি'

বলল ফেলুদা। ‘অবিশ্য জ্যাকপটে এক টাকা দিয়ে হাতলের এক টানে পাঁচশো টাকা পেয়ে গেছে এমনও শোনা যায়।’

ঠিক হল একদিন সকাবেলা গিয়ে দেখে আসা যাবে ক্যাসিনো ব্যাপারটা। হোটেল থেকেই বার-তিনেক বাস যায় সেখানে, তার জন্য আলাদা পয়সা লাগে না।

মোমো খেয়ে লালমোহনবাবু বললেন যে এর পাকপ্রণালীটা জেনে নেওয়া দরকার। ওঁর রান্নার লোক বসন্ত নাকি খুব এক্সপার্ট—‘উইকে একদিন করে মোমো খেতে পারলে মশাই ছ’ মাসের মধ্যে চেহারায় একটা ধ্যানী ভাব এসে যাবে। রাস্তায় বেরোলে পাড়ার ছেঁড়াগুলো যে মাঝে মাঝে ফ্যাচ ফ্যাচ করে হাসে, সেটা বন্ধ হয়ে যাবে।’

মনে মনে বললাম যে লালমোহনবাবু যখন মাঝে মাঝে ধ্যানী ভাব আনার চেষ্টা করেন, তখনই ওঁকে দেখে সবচেয়ে বেশি হাসি পায়।

তবে কাঠমাণুতে কেউ হাসবে না সেটা ঠিকই।

দুপুরে খাওয়ার পর নিউ রোড ধরে দক্ষিণ দিকে যেতে যেতে মনে হল, দেশি-বিদেশি এত জাতের লোক—নেপালি তিব্বতি পাঞ্চাবি সিঙ্গি মারোয়াড়ি, জার্মান সুইডিশ ইংলিশ আমেরিকান ফ্রেঞ্চ—আর এত রকম ঘর বাড়ি দালান দোকান মন্দির হোটেলের এ রকম সাড়ে বিশ্বিশ ভাজা পৃথিবীর আর কোথাও আছে কি না সন্দেহ।

ফেলুদা বলল আমরা যেখানে যাচ্ছি—দরবার স্কোয়ার—যেটাকে বলা চলে কাঠমাণুর নার্ভ সেটার, যেমন চৌরঙ্গি ধর্মতলার মোড় কলকাতার—সেইখানেই নাকি এখানকার পুলিশ ঘাঁটি। ওকে একবার সেখানে যেতে হবে। আমরা ততক্ষণ চারপাশটা ঘুরে দেখব। আধঘণ্টা পরে একটা বাছাই করা জায়গায় আমরা আবার মিট করব।

হোটেল থেকে বেরিয়ে খানিকটা গিয়েই একটা চৌমাথা পড়ে, তারপর থেকে নিউ রোডের নাম হয়ে গেছে গঙ্গা-পথ। তারপর খানিকটা গিয়ে রাস্তাটা চওড়া হয়ে গেছে। এটা হল বসন্তপুর স্কোয়ার। ডাইনে পুরনো রাজার প্যালেস। সেটা ছড়িয়ে ডাইনে ঘুরতেই বুঝে গেলাম দরবার স্কোয়ারে এসে গেছি, আর এমন একটা বিচ্ছি জায়গা আমরা এর আগে কখনও দেখিনি।

লালমোহনবাবু বার তিনেক ‘এ কোথায় এলাম মশাই’ বলাতে ফেলুদা আর থাকতে না পেরে বলল, ‘আপনার প্রশ্নের যে উত্তরটা এক কথায় হয়, যেটা আপনি ম্যাপ খুলেই পেতে পারেন, সেটা আপনি নিশ্চয়ই চাচ্ছেন না। আর অন্য যে উত্তর, সেটা সোজা গদ্দে বলার জিনিস নয়। আপাতত আপনাকে অ্যাডভাইস দিচ্ছি—চোখ-কান সজাগ রেখে মনপ্রাণ ভরে দেখে নিন। প্রাচীন শহরের এমন চেহারা আপনি ভারতবর্ষের কোথাও পাবেন না। এক পেতে পারেন কাশীর দশাখন্ডে, কিন্তু তার মেজাজ একেবারে আলাদা।’

সত্যিই, যেদিকে চাই সেদিকেই চমক। দাবা খেলা কিছুক্ষণ চলার পর যেমন ছকের উপর রাজা মন্ত্রী বড়ে গজ নৌকো সব ছড়িয়ে বসে থাকে, তেমনই কোনও খামখেয়ালি দানব যেন এই সব ঘর বাড়ি প্রাসাদ মন্দির মূর্তি স্তুপ ছড়িয়ে বসিয়ে দিয়েছে। আর তারই মধ্যে ছড়িয়ে আছে অসংখ্য মানুষ আর যানবাহন। কাশীর কথা যে মনে পড়ে না তা নয়, কিন্তু কাশীর আসল মন্দিরগুলো সব গলির মধ্যে হওয়াতে সেগুলো আর দূর থেকে দেখার কোনও উপায় থাকে না। এখানে কিন্তু তা নয়। রাস্তা দিব্যি চওড়া। পুরনো প্যালেসের বারান্দায় এসে রাজা দর্শন দিতেন বলে অনেকখানি খোলা জায়গা রাখা আছে।

‘ম্যাপ অনুযায়ী একটু এগিয়েই কালভেরবের মূর্তি,’ বলল ফেলুদা। ‘ওই মূর্তির সামনে আধঘণ্টা পরে তোদের মিট করছি।’

ফেলুদা পা চালিয়ে এগিয়ে গেল।

নেপালের কাঠের কাজ প্রসিদ্ধ সেটা আগেই শুনেছিলাম, সেটা যে কেন, এখানে এসে বুঝতে পারলাম। পুরনো বাড়িগুলোর জানালা দরজা বারান্দা, ছাত, সবই কাঠের তৈরি, আর তার কারুকার্য দেখলে মাথা ঘুরে যায়। এখানকার মন্দিরগুলোও কাঠের, আর তেমন মন্দির আর কোথাও দেখিনি। এমনিতে ভারতবর্ষের ধাঁচের হিন্দু মন্দিরও আছে, কিন্তু আসল হল যেগুলোকে গাইড বুকে বলে প্যাগোড়। দো-চালা, তিন-চালা, চার-চালা মন্দির, চওড়া থেকে ধাপে ধাপে ক্রমে সরু হয়ে উপর দিকে উঠেছে।

তবে দরবার ক্ষেয়ার শুধু ধর্মশ্শান নয়, বাজারও বটে। রাস্তায় ফুটপাথে সিঁড়িতে বারান্দায়—সব জায়গায় জিনিস ফেরি হচ্ছে। শাকসবজি ফলমূল থেকে ঘটি-বাটি জামা-কাপড় অবধি। এখানকার নেপালিরা যে টুপি ব্যবহার করে, তার মধ্যে বেশ বাহার আছে। এক জায়গায় সেই টুপি বিক্রি হচ্ছে দেখে দুজনে সেদিকে এগিয়ে গেলাম। কলকাতার নিউ মার্কেট থেকে জটায়ুর মন এখন কাঠমাণুর বাজারে চলে এসেছে, সেটা বুঝতে পারলাম ভদ্রলোককে তাঁর লাল ডায়রিটা বার করতে দেখে।

টুপির শেপ সবই এক; কিন্তু নকশা প্রত্যেকটাতে আলাদা। আমি নিজে একটা বাছাই করে দের করাছি, এমন সময় পিছন থেকে চাপা গলা পেলাম জটায়ুর।

‘তেপেশ !’

নায়টা কানে আসতেই ঘুরে দেখি ভদ্রলোক কী যেন দেখে তটস্থ হয়ে গেছেন।

ওঁর দৃষ্টি অনুসরণ করে ডাইনে মুখে ঘোরাতেই দেখলাম—

হাত পঁচিশেক দূরে দাঁড়িয়ে বাটৰা বা নকল বাটৰা আমাদের দিকে পাশ করে সিগারেট ধরিয়ে হাঁটতে শুরু করল ডানদিকে একটা গলি লক্ষ্য করে।

‘তোমার দাদাকে বাঁ হাতে লাইটার ধরাতে দেখেছ কখনও ?’

‘না।’

‘ইনি ধরালেন।’

‘দেখেছি। আর বাঁ পকেটে রাখলেন লাইটারটা।’

‘ফলো করবে ?’

‘আপনাকে দেখেছে লোকটা ?’

‘মনে তো হয় না।’

রোখ চেপে গেল। ফেলুদার সঙ্গে অ্যাপয়েন্টমেন্টের আরও বিশ মিনিট দেবি।

দুজনে এগিয়ে গেলাম।

সামনে একটা মন্দিরের চারপাশে ভিড়। লোকটা হারিয়ে গেছে ভিড়ের মধ্যে।

মন্দিরটা পেরোতেই আবার দেখতে পেলাম তাকে। সে এবার গলিটার মধ্যে চুকেছে। প্রায় বিশ হাত তফাত রেখে আমরা তাকে অনুসরণ করে চললাম।

গলিটার দু দিকে দোকান, ছোট ছোট হোটেল, রেস্টোরাণ্ট। ‘পাই শপ’ কথাটা অনেক রেস্টোরাণ্টের গায়েই লেখা রয়েছে। ‘কলকাতায় পাইস হোটেল ছিল এককালে বলে জানি,’ চাপা গলায় মন্তব্য করলেন লালমোহনবাবু ‘পাই শপ তো কখনও শুনিনি।’

আমি বললাম, ‘এ পাই টাকা-আনা-পাই না ; পাই একরকম বিলিতি খাবার।’

একদল হিপি আসছে। গলিতে পাঁচমিশালি গন্ধ, তার বেশির ভাগটাই খাবারের। কয়েক মুহূর্তের জন্য একটা নতুন গন্ধ যোগ হল যখন হিপির দলটা আমাদের পাশ দিয়ে বেরিয়ে গেল। গাঁজা, ঘাম আর অনেক দিনের না-ধোয়া জামা-কাপড়ের গন্ধ।

‘এই রে !’

কথাটা লালমোহনবাবু বলে উঠেছেন, কারণ লোকটা ডাইনে একটা দোকানের মধ্যে চুকে



পড়েছে ।

কী করব এবার ? লোকটা আবার বেরোবে নিশ্চয়ই । অপেক্ষা করব ? যদি দেরি করে ? হাতে আর পনেরো মিনিট সময় । বললাম, 'চলুন যাই গিয়ে চুকি দোকানে । সে তো আমাদের চেনে না, ভয়টা কীসের ?'

'ঠিক বলেছ ।'

তিব্বতি হাস্তিক্র্যাফটের দোকান । মাঝারি দোকান, দরজা দিয়ে চুকেই সামনে একটা কাউন্টার । তার পাশে ফাঁক দিয়ে দোকানের পিছন দিকে যাওয়া যায় । পিছনে দরজা, তারও পিছনে একটা অঙ্ককার ঘর ।

সেই ঘরেই হয়তো গিয়ে থাকবেন নকল বাটো, কারণ আর কোনও যাবার জায়গা নেই ।

'ইয়েস ?'

কাউন্টারের পিছনে দাঁড়ানো তিব্বতি মহিলা হাসিমুখে আমাদের দিকে চেয়ে প্রশ্নটা করলেন । তার পিছনে একটি মাঝবয়সি তিব্বতি পুরুষ, গালে অসংখ্য বলিরেখা, একটা চোখ একটু ছেট, বেঞ্চিতে বসে আছে যিম ভাব নিয়ে ।

আমরা দোকানে চুকে পড়েছি, তাই মহিলার প্রশ্নের উত্তরে কিছু বলা দরকার । কিছু দেখতে চাইতে হবে, যেন কিনতে চাই এমন ভাব করে । জিনিসের অভাব নেই দোকানে—মুখোশ, তৎখা, জপ্যস্ত্র, তামার ঘটিবাটি, ফুলদানি, মৃতি ।

'আই লাইক মোমো,' হঠাৎ কী কারণে যেন বলে বসলেন লালমোহনবাবু ।

'মোমো ইউ গেট ইন টিবেটান রেস্টোরান্ট, নট হিয়ার ।'

ইংরিজিটা মোটামুটি ভালই বলেন মহিলা ।

'নো নো নো,' বললেন লালমোহনবাবু, 'মানে, আই ডোন্ট ওয়েন্ট টু ইট মোমো ।'

মহিলার ভুক্ত বিশেষ না থাকলেও, যেটুকু আছে সেটুকু উপর দিকে উঠে গেছে ।

'ইউ লাইক মোমো, অ্যান্ড ইউ ডোন্ট ওয়েন্ট টু ইট মোমো ?'

‘নো নো—মানে, নট নাউ। ইন হোটেল আই এট মোমো। নাউ আই ওয়ন্ট টু, মানে,
নো হাউ—মানে...’

এর কোনও শেষ নেই, অথচ ভদ্রলোক কী বলতে চাইছেন সেটা বেশ বুঝতে পারছি।

লালমোহনবাবুর পিঠে হাত দিয়ে ওঁকে থামিয়ে দিয়ে বললাম, ‘ডু ইউ হ্যাত এ টিবেটান
কুকুকুক ?’

আমি জানতাম এ জিনিসটা দোকানে থাকবে না। মহিলাও মাথা নেড়ে ‘স্যারি’ বলে
বুঝিয়ে দিলেন নেই।

‘থ্যাক্ষ ইউ’ বলে বেরিয়ে এলাম দুজনে। হাতে মিনিট আঠেক সময়।
নকল বাটো-উধাও রহস্যটাকে হজম করে যে পথে গিয়েছিলাম সে পথে ফিরে এসে একজন
লোকের কাছ থেকে দুটো নেপালি ক্যাপ কিনে সেগুলো মাথায় চাপিয়ে কিছুটা এগিয়ে গিয়েই
দেখি পৌঁছে গেছি কালভৈরবের মূর্তির সামনে !

বাপুরে কী ভয়াবহ মূর্তি ! দিনের বেলা দেখেই গা শিউরে ওঠে, আর রাত্তিরে যখন লোক
থাকে না তখন দেখলে না জানি কী হবে। এর কাছেই কোথায় যেন আবার একটা
শ্বেতভৈরবের মূর্তি আছে, সেটাও এক সময় এসে দেখে যেতে হবে।

ফেলুদা এল মিনিট পাঁচকের মধ্যেই। থানার ফটক মূর্তির ঠিক সামনেই।

আমরা দুজনেই নকল বাটোর ঘটনাটা বলার জন্য উদ্বৃত্তি, কিন্তু ফেলুদার কী বলার আছে
সেটা জানা দরকার, সে যে কেন থানায় গিয়েছিল সেটাই জানি না। বলল, ‘দিবি লোক ও
সি মিঃ রাজকুঠং। বললেন নেপাল সরকার যদি ভারত সরকারের অনুরোধ রাখতে রাজি
হয়, তা হলে মিঃ সোমের আততায়ীকে ধরার ব্যাপারে এরা সব রকম সাহায্য করবেন।’

‘দ্যাট ম্যান ইজ হিয়ার, ফেলুবাবু !’ আর চাপতে না পেরে বলে ফেললেন জটায়ু।

আমি ব্যাপারটা আরেকটু খুলে বললাম।

‘তুই ঠিক দেখেছিস বাঁ হাতে লাইটার ধরাল ?’

‘আমরা দুজনেই দেখেছি !’ বললেন জটায়ু।

‘ভেরি গুড়’, বলল ফেলুদা। ‘মিঃ বাটোকে কাল খবরটা দিতে হবে। ইয়ে, তোরা বরং
বাজার-টাজার একটু ঘুরে দেখ, আমার হোটেলে গিয়ে দু-একটা ফোন করার আছে।’

বুলাম কাঠমাণুতে এসে সাইট-সিঙ্গ ব্যাপারটা খুব বেশি হবে না ফেলুদার।

৬

আমাদের হোটেল থেকে বেরিয়েই যে চৌমাথার কথা বলেছিলাম, সেটা দিয়ে ডাইনে ঘুরলে
পড়ে শুক্র পথ। এই শুক্র পথ দিয়ে কিছু দূর গেলেই এখানকার সুপার মার্কেট। একটা
বেশ বড় ছাতওয়ালা চতুরের চারদিক যিরে দোকানের সারি। কোনটা যে কীসের দোকান
বোঝা মুশকিল, কারণ প্রায় সবকটাতেই সব কিছুই পাওয়া যায়। জামাকাপড় ঘড়ি ক্যামেরা
রেকর্ডার রেডিয়ো ক্যালকুলেটার কলম পেনসিল টফি চকোলেট—কী না নেই, আর সবই
অবশ্য বিদেশি জিনিস।

‘ডাক ছেড়ে কাঁদতে ইচ্ছে করছে ভাই তপেশ’, একটা দোকানের সামনে দাঁড়িয়ে বললেন
লালমোহনবাবু।

‘কেন ?’

‘এসব দোকান কি আর আমাদের জন্যে ? এখানে আসবে জন ডি রকফেলার, কি
বোম্বাইয়ের ফিল্ম স্টার !’



শেষ পর্যন্ত আর লোভ সামলাতে না পেরে পৌনে দু মিটার জাপানি টেরিউলের ট্রাউজারের কাপড় কিনে ফেললেন লালমোহনবাবু। ‘এই গেরুয়া টাইপের রংটা লামাদের দেশে মানাবে ভাল, কী বলো তপেশ ?’

আমাকে বাধ্য হয়ে বলতে হল লামাদের দেশটা আসলে হল তিব্বত, নেপালের শতকরা আশি ভাগ লোকই হিন্দু।

ট্রাউজারস আগামীকাল বিকেলে চারটেয়ে রেডি থাকবে, ট্রায়াল লাগবে না। লোকে দু দিনের জন্য এসেও কোট-প্যান্ট করিয়ে নিয়ে যায় কাঠমাণু থেকে, আর তার ফিটিংও হয় নাকি দিব্যি ভাল।

হোটেলে ফিরে এসে দেখি, ফেলুদা তার খাটে বসে নোটবুকটা খুলে কী যেন লিখছে। বলল, ‘বোস। ডাক্তারকে কল দিয়েছি।’

ডাক্তার ? ডাক্তার আবার কেন ? শরীর-টরীর খারাপ হল নাকি ফেলুদার ?

আমরা দুজনে সোফায় বসে ফেলুদার দিকে চেয়ে রইলাম রহস্য উদ্ঘাটনের অপেক্ষায়।

ফেলুদা আরও দু মিনিট সময় নিল। তারপর খাতাটাকে পাশে সরিয়ে রেখে একটা চারমিনার ধরিয়ে বলল, ‘হরিনাথ চক্রবর্তী মশাইয়ের ছেলেকে যে ইনজেকশন দিয়েছিল, সেই ডাঃ দিবাকরকে একটা কল দিয়েছি। ধর্ম পথে স্টার ডিসপেনসারিতে বসেন। তাঁর সঙ্গে একবার কথা বলা দরকার। কিছু পয়সা খসবে, ভিজিট নেবে, তা সে আর কী করা যায় !’

‘আমাদের এই তদন্তে ওষুধপত্রের একটা বড় ভূমিকা আছে বলে মনে হচ্ছে !’
লালমোহনবাবু মন্তব্য করলেন।

ফেলুদা তার কথাগুলোর ওপর বেশ জোর দিয়ে বলল, ‘শুধু ভূমিকা নয়, আমার ধারণা প্রধান ভূমিকা।’

‘সেই যে সার্জিক্যাল অ্যাসিডের কথা অনীকেন্দ্র সোমের নোটবুকে লেখা ছিল, সেটা কি—’

‘সার্জিক্যাল নয়, লাইসার্জিক অ্যাসিড। এল এস ডি। অবিশ্যি—’

ফেলুদা আবার খাতাটা হাতে তুলে নিয়েছে, তার কপালে ভাঁজ।

‘এল এস ডি অক্ষরগুলোর আরেকটা মানে হতে পারে। সেটা এই কিছুক্ষণ হল খেয়াল হয়েছে। এল এস ডি—লাইফ সেভিং ড্রাগস, অর্থাৎ যে ড্রাগ বা ওষুধের উপর মানুষের মরণ-বাঁচন নির্ভর করে। যেমন টেক্যানাস-রোধক ইনজেকশন। বা পেনিসিলিন, টেরামাইসিন, স্ট্রেপ্টোমাইসিন, টি বি-র ওষুধ, হার্টের ওষুধ। আমার তো মনে হচ্ছে—’

ফেলুদা আবার খাতাটার দিকে দেখল। তারপর বলল—

“A-B-র বিষয় জানা দরকার” কথাটাও এই সব ওষুধের বিষয়েই বলা হয়েছে। এ বি হচ্ছে অ্যাস্টিবায়োটিক্স। মিঃ সোম বোধহয়—বোধহয় কেন, নিশ্চয়ই—এই সব ড্রাগ সম্বন্ধে অনুসন্ধান করতে চাচ্ছিলেন। রিং আপ পি সি এম, ডি ডি সি—পি সি এম তো প্রদোষচন্দ্র মিত্র, আর ডি ডি সি নির্ধার্ত আমাদেরই পশ্চিমবঙ্গ সরকারের ডি঱েকটোরেট অফ ড্রাগ কন্ট্রোল। সোম নিশ্চয় কোনও ওষুধ নিয়ে গিয়েছিল সঙ্গে, যেটা সে এই ড্রাগ কন্ট্রোলকে দিয়ে টেস্ট করাতে চেয়েছিল। আশৰ্য। লোকটা যেরকম মেথডিক্যালি এগোচ্ছিল, তাতে তো মনে হয় ও ইচ্ছে করলে আই আই টি-র প্রোফেসরি ছেড়ে গোয়েন্দাগিরিতে নেমে পড়তে পারত।’

‘আর C P নিয়ে যে ব্যাপারটা ছিল ?’

‘ওটা সহজ। সি পি হল ক্যালকাটা পুলিশ। আস্ক সি পি অ্যাবাউট মেথডস্ অ্যান্ড কেসেস—অর্থাৎ পুলিশকে জিজেস করতে হবে কত রকম ভাবে ওষুধ জাল হয়, আর আগে

এ রকম জালের কেস কী কী ধরা পড়েছে ।’

‘তা হলে তো খাতায় যা লেখা ছিল তার সবই—’

কলিং বেল ।

আমি উঠে গিয়ে দরজা খুললাম ।

যিনি ঢুকলেন, তাঁকে দেখলে বেশ হকচকিয়ে যেতে হয়, কারণ এত ফিটফাট ডাঙ্কার এর আগে দেখেছি বলে মনে পড়ে না । বয়স ষাটের মধ্যে, বিলিতি পোশাকটা নিশ্চয়ই কাঠমাণুর সেরা টেলারের তৈরি, চশমার সোনার ফ্রেমটা বিলিতি, হাতের সোনার ঘড়িটা নিশ্চয়ই পেশেটের কাছ থেকে পাওয়া ।

ফেলুদা খাটে ছিল বলে ভদ্রলোক অনুমান করে নিলেন সেই কৃগী । আমি খাটের পাশে একটা চেয়ার দিয়ে দিলাম । ফেলুদা উঠে দাঁড়িয়েছিল, এখন খাটেই বসল ।

‘কী ব্যাপার ?’

ভদ্রলোক বাংলা বলবেন আশা করিনি, কারণ ‘দিবাকর’ পদবিটা হয়তো বাংলা নয় । তারপর মনে হল এখানকার অনেকেই তো কলকাতায় গিয়ে পড়াশুনা করেছে । ইনিও নির্দিষ্ট মেডিক্যাল কলেজ থেকে পাশ করা ।

‘এই নিন ।’

ফেলুদা বালিশের তলা থেকে একটা খাম বার করে ভদ্রলোককে দিল । ডাঙ্কার কিঞ্চিৎ হতভম্ব ।

‘এটা—’

‘ওটা আপনার ফি । আর এইটে আমার কার্ড ।’

কার্ড মানে ফেলুদার ভিজিটিং কার্ড, যাতে নামের তলায় ওর পোশাটা লেখা আছে ।

ভদ্রলোক কার্ডটার দিকে দেখতে দেখতে চেয়ারে বসলেন ।

‘আমি জানি, আপনার কাছে ব্যাপারটা এখনও পরিষ্কার হচ্ছে না,’ বলল ফেলুদা, ‘কিন্তু কয়েকটা কথা বললেই আপনি বুঝতে পারবেন ।’

ডাঙ্কারের ভাব দেখে বুবলাম, তিনি সত্যিই এখনও অঙ্ককারে রয়েছেন ।

ফেলুদা বলল, ‘প্রথমেই বলি দিই, আমি একটা খুনের তদন্ত করছি । খুনটা হয়েছে কলকাতায়, কিন্তু আমার ধারণা খুনি এখানে রয়েছে । আমি সেই ব্যাপারে কিছু তথ্য সংগ্রহ করছি । আমার বিশ্বাস আপনি আমাকে কিছুটা সহায় করতে পারেন ।’

খুন শুনেই ভদ্রলোকের ভুরুতে ভাঁজ পড়েছে । বললেন, ‘কে খুন হয়েছে ?’

‘সেটা পরে বললি’ বলল ফেলুদা, ‘আগে একটা জিনিস একটু ভেরিফাই করে নিই—হরিনাথ চক্রবর্তীর ছেলেকে তো আপনি অ্যান্টি-টেক্যানাস ইনজেকশন দেন ?’

‘হ্যাঁ, আমিই ।’

‘ইনজেকশনটা বোধ করি আপনার স্টক থেকেই এসেছিল ?’

‘হ্যাঁ । আমার ডিসপেনসারির স্টক ।’

‘কিন্তু তাতে কাজ দেয়নি !’

‘তা দেয়নি, কিন্তু তার জন্য আমাকে রেসপন্সি—’

‘আপনি ব্যস্ত হবেন না, ডঃ দিবাকর । দায়িত্বের প্রশ্ন এখনও আসছে না । ইনজেকশন দিয়েও লোকে টেক্যানাসে মরেছে এমন ঘটনা নতুন নয় । সাধারণ লোক সেটা মেনেই নেয় । হরিনাথবাবুও তাঁর ছেলের মৃত্যু মেনেই নিয়েছেন । কিন্তু ডাঙ্কার হয়ে, হিমাদ্রি চক্রবর্তীর মৃত্যুর কী কারণ, সে সম্বন্ধে হয়তো আপনার কোনও মতামত থাকতে পারে ।’

‘কারণ একটা নয়,’ বললেন ডঃ দিবাকর, ‘প্রথমত সে নিজেই জানত না তার ইনজুরি

কখন হয়েছে। তার বন্ধু বলেছে পনেরো-ষোল ঘণ্টা আগে। সেটা যদি ঘোল না হয়ে ছাবিশ হয়, দেন দ্য ইনজেকশন মাইট হ্যাভ বিন টু লেট। দ্বিতীয়ত, সে ছেলে আগে কোনও কালে প্রিডেনচিড নিয়েছে কি না সেটারও কোনও ঠিক নেই। নেওয়া থাকলে ইনজেকশনে কাজ দেবার সম্ভাবনা থাকে বেশি। ছেলে বলছে মনে নেই, বাবা বলছে নিয়েছে। হরিনাথবাবুর কথা, খুব বেশি নির্ভর করা যায় না। ওর স্ত্রী আর ছেলে মারা যাবার পর থেকে আমি দেখেছি ভদ্রলোকের মাঝে মাঝে মেমরি ফেল করে।'

ফেলুদা বলল, 'হিমাদ্রির মৃত্যুর পর ওর বন্ধু কি আপনার ডিসপেনসারি থেকে কোনও ইনজেকশনের অ্যামপুল নেয় ?'

'নিয়েছিল।'

'অ্যান্টি-টেট্যানাস ?'

'হ্যাঁ।'

'সেটা আপনি জানলেন কী করে ? সে কি আপনার সঙ্গে দেখা করেছিল ?'

'দেখা করেছিল বললে ঠিক বলা হবে না। সে আমার চেস্টারে চুকে এসে আমায় জানিয়ে দিয়ে যায় যে আমিহি তার বন্ধুর মৃত্যুর জন্য দায়ী। আর সেটা যে সে খুব নরম ভাবে জানিয়েছিল তা নয়।'

'এই বন্ধুটিই খুন হয়েছে।'

'মানে ?'

'হিমাদ্রি চক্রবর্তীর বন্ধু। অনীকেন্দ্র সোম।'

ডাঃ দিবাকর অবাক হয়ে চেয়ে আছেন ফেলুদার দিকে। ফেলুদা বলে চলল—

'সে আপনার দোকান থেকে ওষুধ নিয়ে কলকাতা গিয়েছিল ল্যাবরেটরিতে টেস্ট করাবে বলে। সম্ভবত সে-কাজটা তার করা হয়ে ওঠেনি। তার দৃঢ় বিশ্বাস ছিল যে ইনজেকশনে ভেজাল ছিল। সে চেয়েছিল যে আমার সাহায্য নিয়ে এই জাল ওষুধের চোরা কারবারটা একবার তলিয়ে দেখবে।'

'আমার ডিসপেনসারি থেকে কোনও জাল ওষুধ বেরোয়নি,' দৃঢ় স্বরে বললেন ডাঃ দিবাকর।

'আপনি কি ওষুধ খাঁটি কি না পরীক্ষা করে ইনজেকশন দেন ?'

ভদ্রলোক রীতিমতে উত্তেজিত হয়ে উঠলেন।

'হাঁট ইজ দ্যাট পসিবল ? এমারজেন্সি কেস, তখন আমি ওষুধ পরীক্ষা করব, না ইনজেকশন দেব ?'

'আপনার ডিসপেনসারির ওষুধ আসে কোথেকে ?'

'হোলসেলারদের কাছে থেকে। তাতে ব্যাচ নাস্তার থাকে, এক্সপায়ারি ডেট থাকে—'

'সে সবই যে জাল করা যায় সেটা আপনি জানেন ? ছাপাখানার সঙ্গে বন্দোবস্ত থাকে চোরা কারবারিদের সেটা জানেন ? নাম-করা বিলিতি কোম্পানির লেবেল পর্যন্ত ছাপাখানার ব্যাকডোর দিয়ে চলে যায় এই সব জানিয়াতদের হাতে সেটা আপনি জানেন ?'

ডাঃ দিবাকরকে দেখে বেশ বুঝতে পারলাম যে তিনি এ কথার যুৎসই উত্তর খুঁজে পাচ্ছেন না।

'শুনুন ডাঃ দিবাকর,' ফেলুদা এবার একটু নরম সূরে বলল, 'আমি গ্যারান্টি দিচ্ছি যে, ঘুণাক্ষরে কেউ ব্যাপারটা জানবে না। আপনি স্টক থেকে একটা অ্যান্টি-টেট্যানাসের অ্যামপুল নিয়ে তার ভেতরের পদার্থটি ল্যাবরেটরিতে টেস্ট করে তার রিপোর্ট আমাকে দিন। সময় বেশি নেই, সেটা বুঝতেই পারছেন।'

ডাঃ দিবাকর ধীরে ধীরে উঠে পড়লেন চেয়ার থেকে। ‘কাল একটা জরুরি কেস আছে’—দরজার দিকে যেতে যেতে বললেন ভদ্রলোক—‘কাল সন্তুষ্ণ না হলে পরশু জানাব।’

‘আপনাকে অজস্র ধন্যবাদ; এবং আপনাকে এভাবে উত্ত্যক্ত করার জন্য আমি ক্ষমা চাইছি।’

আমরা যে একটা সাংঘাতিক গোলমেলে ব্যাপারের মধ্যে জড়িয়ে পড়েছি সেটা বেশ বুঝতে পারছি। আর, যতই নতুন নতুন ব্যাপার শুনছি, ততই অনীকেন্দ্র সোম লোকটার উপর শ্রদ্ধা বেড়ে যাচ্ছে। এমন একজন লোকের এভাবে খুন হওয়াটা যে ফেলুদা কিছুতেই বরদাস্ত করতে পারবে না সেটা খুবই স্বাভাবিক। কুকুরিটার জন্য দু নম্বর বাটোরাকেই খুন বলে মনে হয়; কিন্তু তা না হয়ে যদি অন্য কেউও হয়, ফেলুদা তাকে শায়েস্তা না করে ছাড়বে না।

ফেলুদা আগেই বলে রেখেছিল যে খাবার পরে একবার ঘুরতে বেরোবে, তবে সেটা কী উদ্দেশ্যে সেটা আন্দজ করতে পারিনি। দরবার ক্ষোঁয়ারের দিকে যাচ্ছি দেখে মনে একটা সন্দেহ উঠি দিল, আর সেটা যে ঠিক, সেটা বুঝতে পারলাম যখন পুরনো প্যালেসের সামনে খোলা জায়গাটায় এসে ফেলুদা বলল, ‘এবার বল কোন গলিটায় গিয়েছিলি দুপুরে।’

রাত্তিরে দরবার ক্ষোঁয়ারের চেহারা একেবারে অন্য রকম। এখন থেকে ওখান থেকে মন্দিরের ঘণ্টা শোনা যাচ্ছে, এরই মধ্যে কোথেকে যেন হিন্দি ফিল্মের গান ভেসে আসছে। চুক্রিস্টদের ভিড় আর সাইকেল-রিকশার ভিড় কাটিয়ে আমরা গলিটার মুখে গিয়ে পড়লাম। ‘এটার নাম আগে ছিল মাঝ টোল’, বলল ফেলুদা, ‘হিপিরা এর নতুন নাম দিয়েছে পিগ অ্যালি—শুয়োর গলি।’

পাই শপগুলোর পাশ দিয়ে আমরা এগিয়ে গেলাম আমাদের সেই তিব্বতি দোকানটার দিকে।

দোকানটা এখনও খোলা রয়েছে। দু-একজন খন্দেরও রয়েছে কাউন্টারের এদিকে, আর পিছনে দাঁড়িয়ে রয়েছেন সকালের সেই মহিলা। সেই পুরুষটা নেই।

ফেলুদা দোকানের বাইরে থেকেই ভেতরটায় একবার চোখ বুলিয়ে নিল। দোতলা বাড়ির এক তলায় দোকানটা। দোতলায় রাস্তার দিকে দুটো পাশাপাশি জানালা, দুটোই বন্ধ। কাঠের পালাগুলোর একটার ফাটলের মধ্যে দিয়ে ঘরের ভিতর একটা শ্বীণ আলোর আভাস পাওয়া যাচ্ছে।

দোকানের ডান পাশে একটা সরু চিলতে গলির পরেই একটা তিনতলা হোটেল, নাম হেভেনস্ গেট লজ। স্বর্গদ্বার বলতে চোখের সামনে যে দৃশ্যটা ভেসে ওঠে তার সঙ্গে কোনও সাদৃশ্য নেই।

ফেলুদা হোটেলটার ভিতরে গিয়ে চুকল, পিছনে আমরা দুজন।

‘হাউ মাচ ডু ইউ চার্জ ফর রুমস হিয়ার?’

কাউন্টারে একটা রোগামতন লোক বসে একটা ছোট পকেট ক্যালকুলেটরের উপর পেনসিলের ডগা দিয়ে টোকা মেরে মেরে হিসেব করে একটা খাতায় লিখছে। লোকটা নেপালি কি ভারতীয় সেটা বোঝা গেল না। ফেলুদা তাকে প্রশ্নটা করেছে।

‘সিঙ্গল টেন, ডাব্ল ফিফটিন।’

কাউন্টারের সামনে খোলা জায়গাটার এক পাশে একটা খালি সোফা, তার উপরে দেওয়ালে তিনটে পাশাপাশি ট্যুরিস্ট পোস্টার, তিনটেতেই হিমালয়ের কোনও না কোনও

বিখ্যাত শৃঙ্গের ছবি ।

‘ঘর খালি আছে ?’ ফেলুদা ইংরেজিতে জিজ্ঞেস করল ।

‘কটা চাই ?’

‘একটা সিঙ্গল একটা ডাবল । দোতলার পুবদিকে হলে ভাল হয় । অবিশ্যি নেবার আগে একবার দেখে নেওয়া দরকার ।’

কাউন্টারের ভদ্রলোক যাকে বলে স্বল্পভাষী । মুখে কিছু না বলে শুধু একটা বেল টিপলেন, তার ফলে একটি নেপালি বেয়ারার আবির্ভাব হল । ভদ্রলোক তার হাতে একটা চাবি দিয়ে আমাদের দিকে একবার শুধু দেখিয়ে দিয়ে আবার হিসেব করতে লেগে গেলেন ।

বেয়ারার পিছন পিছন সিঁড়ি উঠে আমরা সোজা চলে গেলাম পুবমুখো একটা প্যাসেজ দিয়ে । ডাইনের শেষ ঘরটা চাবি দিয়ে খুলে দিল বেয়ারা ।

ঘরের বর্ণনা দেবার কোনও মানে হয় না, কারণ ফেলুদা যে ঘর ভাড়া করতে আসেনি সেটা খুব ভাল করেই জানি ।

যেটা বলা দরকার সেটা এই যে, ঘরটার পুর দেয়ালে একটা জানালা রয়েছে যেটা দিয়ে তিক্বিতি দোকানের দোতলার একটা জানালা এক পাশ থেকে দেখা যাচ্ছে ।

লালমোহনবাবু যতক্ষণ খাটের গদি-টদি টিপে, বাথরুমের বাতি জ্বালিয়ে ভিতরটা দেখে, টেবিলের দেরাজ খোলা কি না দেখে, আমরা যে সত্যিই ঘর নিতে এসেছি—এমন একটা ধারণা বেয়ারার মনে ঢোকানোর চেষ্টা করছেন, ততক্ষণে আমি আর ফেলুদা যা দেখার দেখে নিলাম ।

দোকানে দুপুরে যে তিক্বিতি লোকটাকে দেখেছিলাম, সে বসে আছে ওই টিমচিটমে বাতি-জ্বালা ঘরটার ভেতর । তার কাঁধ অবধি দেখা যাচ্ছে । তবে বেশ বোৰা যায় সে কোনও একটা কাজে ব্যস্ত । তার পিছনে কার্ড বোর্ডের প্যাকিং কেসের স্তুপ দেখে মনে হল, সে হয় বাক্স থেকে জিনিস বার করছে, না হয় বাক্সের মধ্যে পুরছে ।

আরেকজন লোক রয়েছে ঘরের ভেতর, তবে তার শুধু ছায়াটা দেখা যাচ্ছে । সে যে ঘাড় নিচু করে তিক্বিতার কাজ দেখছে সেটা বোৰা যায় ।

হঠাতে আমার বুকের ভিতরটা কেমন যেন করে উঠল ।

ছায়াটা পকেট থেকে সিগারেটের প্যাকেট বার করেছে ।

সিগারেট মুখে গৌঁজার পর আরেকটা জিনিস বার করল পকেট চাপড়িয়ে ।

লাইটার ।

এবার লাইটারটা জ্বালানো হল ।

বাঁ হাতে ।

৭

‘তোরা দুজন দেখবার জায়গাগুলোর কিছু আজ সকালেই দেখে নে,’ পরদিন সকালে ব্রেকফাস্টের সময় বলল ফেলুদা । —‘আমার আরেকবার থানায় যাওয়া দরকার । ট্রাপ্সেট তো সান ট্র্যাভেলস থেকে পেয়ে যাবি । আর কিছু না হোক, স্বয়ম্ভু, পশুপতিনাথ ও পাটনাটা হুরে আয় । একদিনের পক্ষে এই তিনটেই যথেষ্ট ।’

রেস্টোর্যান্ট থেকে বেরিয়ে সামনেই দেখি মিঃ বাটো । একেই বলে টেলিপ্যাথি ।

ভদ্রলোক হাসিমুখে তিনজনকেই গুড মর্নিং জানালেন বটে, কিন্তু সে হাসি টিকল না ।

‘দ্যাট ম্যান ইজ ব্যাক হিয়ার,’ গঙ্গীরভাবে বললেন মিঃ বাটো । ‘কাল বিকেলে নিউ

রোডেরই এক জুয়েলারি শপ থেকে ওকে বেরোতে দেখেছে আমাদের আপিসের এক ছেকরা।'

'সে ছেকরা কি ভেবেছিল আপনি হঠাতে পোথরা থেকে ফিরে এসেছেন ?'

বাটরা একটু হেসে বললেন 'সেখানে একটা সুবিধে আছে। আমার যমজ ভাইটি একটু উগ্র রং-এর জামাকাপড় পছন্দ করে। কাল পরোচিল একটা শকিং পিংক পুলোভার আর একটা সবুজ শার্ট। আমাকে যারা চেনে তারা কখনও ওকে দেখে আমি বলে ভুল করবে না। যাই হোক, আমি আজ শুনেই পুলিশে জানিয়েছি ব্যাপারটা। এক সাব-ইনস্পেকটর আছে, তাকে আমি ভাল করে চিনি।'

'তিনি কী বললেন ?'

'যা বলল তাতে আমি অনেকটা নিশ্চিন্ত বোধ করছি। বলল পুলিশ এ লোক সম্বন্ধে জানে। ওদের সন্দেহ লোকটা কোনও স্মাগলিং র্যাকেটের সঙ্গে জড়িত। তবে, কোনও পাওয়ারফুল, ধনী লোক ওর পিছনে থাকায় পুলিশ ওকে বাগে আনতে পারছে না। তা ছাড়া লোকটা অত্যন্ত ধূর্ত। যতক্ষণ পর্যন্ত না একটা বেচাল চালছে, ততক্ষণ পুলিশের ওত পেতে থাকা ছাড়া আর কিছু করার নেই।'

'কিন্তু আপনার নিজের যে অসুবিধে হচ্ছে সেটা বললেন না ? কুকরিটা কিন্তু সে আপনার নামেই কিনেছিল।'

বাটরা বললেন, 'আপনার কথাটা মনে করেই ওদের জিঞ্জেস করলাম যে লোকটা তার ক্রাইমের বোঝা আমার ঘাড়ে চাপাতে পারে কি না। তাতে ওই সাব-ইনস্পেকটর হেসেই ফেলল। বলল, মিঃ বাটরা, ডোক্ট থিংক দ্য নেপাল পোলিস আর সো স্টুপিড।'

'যাক, তা হলে আপনি এখন খানিকটা হালকা বলুন।'

'মাচ বিলিভ্ড, মিঃ বাটরা। আমি বলি কী, আপনারাও একটু রিল্যাক্স করুন। প্রথম বার কাঠমাণুতে এসে শ্রেফ একটা ক্রিমিন্যালের পিছনে ঘূরে বেড়াবেন, সেটা কি ভাল হবে ? আপনি একটা দিন ফ্রি রাখুন। এই জন্যে বলছি কী, আমাদের কোম্পানি একটা নতুন ফরেস্ট বাংলো করেছে রাষ্ট্র ভ্যালিতে, ইন দ্য তেরাইজ। এ রিয়েল ওয়াশারফুল স্পট। আপনি বিকেলে বলবেন, আমি পরদিন সকালে আপনার ট্রানস্পোর্ট অ্যারেঞ্জ করে দেব। চাই কী, আমি ফ্রি থাকলে আপনাদের সঙ্গে চলেই আসব। কী বলেন ?'

তেরাই শুনেই আমার মনটা নেচে উঠেছে। লালমোহনবাবুরও চোখ চকচক। তবু ভাল যে ফেলুদা কথা না দিলেও ব্যাপারটা বাতিল করে দিল না।

'আপনি শূকর-সরাশির ঘটনাটা চেপে গেলেন কেন ?' ভদ্রলোক চলে যাবার পর জটায়ু প্রশ্ন করলেন।

'তার কারণ,' বলল ফেলুদা, 'তদন্তের সব কথা সববাইয়ের কাছে ফাঁস করে দেওয়াটা আপনার গোয়েন্দা-হিরো প্রথর রুদ্রের অভ্যাস হলেও, প্রদোষ মিত্রের নয়। বিশেষ করে যে ব্যক্তির সঙ্গে সর্বসাকুল্যে আড়াই ঘণ্টার আলাপ, তার কাছে তো নয়ই।'

'বুঝলাম,' বললেন জটায়ু। 'জানলাম। শিখলাম।'

সকালের আর একটা ঘটনা হল—যে-বাঙালি ভদ্রলোকটির সঙ্গে কাল এসেই আলাপ হল, যাঁর নাম আজ জানলাম বিপুল ভৌমিক—তাঁর সঙ্গে দেখা হল মিঃ বাটরাকে বিদায় দিয়ে দোতলায় ওঠার সময়।

'এটা কী চিনতে পারছেন ?' ভনিতা না করেই হাতের একটা বোতল ফেলুদার দিকে তুলে ধরে প্রশ্নটা করলেন ভদ্রলোক। বোতল আমার চেনা, বিশেষ করে তার ভিতরের লাল রঙের ওমুটার জন্য। কাশির ওষুধ, আমাদের বাড়িতে সব সময়ই থাকে। বেন্যাড্রিল

একস্পেকটোর্যান্ট ।

‘চিনতে তো পারছি’ বলল ফেলুদা, ‘কিন্তু রংটা তো—’

‘আপনি রঙে তফাত পাচ্ছেন ? সেটা বোধহয় আপনাদের বিশেষ ক্ষমতা । আমি পাচ্ছি গঙ্গে ।’

বদ্রলোক ক্যাপ খুলে বোতলটা ফেলুদার নাকের সামনে ধরলেন ।

‘আপনার ঘৰণশক্তি তো খুবই প্রথর,’ বেশ তারিফের সঙ্গে বলল ফেলুদা । —‘তফাত আছে, তবে খুবই সূক্ষ্ম ।’

‘অস্তত একটি ইল্লিয় তো জোরদার হওয়া চাই,’ বললেন বিপুলবাবু, ‘আপনি চারমিনার খেয়েছেন না একটু আগে ? আমি দেখিনি খেতে, কিন্তু গন্ধ পাচ্ছি । কেমন, ঠিক তো ?’

‘ঠিক তো বটেই । কিন্তু আপনি বোতল নিয়ে চললেন কোথায় ?’

‘ফেরত দোব । পয়সা ফেরত নোব,’ বললেন বিপুলবাবু, ‘ছাড়ব না । একি ইয়ার্কি পেয়েছে ?’

‘কোন দোকান ?’

‘আইডিয়াল মেডিক্যাল স্টোর্স, ইন্দ্র চক । আপনাকে বললাম না সেদিন, ওষুধ নিয়ে যাচ্ছেতাই কারবার হচ্ছে ? মিঞ্চ পাউডাৰ খড়ি মিশিয়ে দেয়, জানেন ? শিশুদের পর্যন্ত বাঁচতে দেবে না এরা ।’

মিঃ বটিচাকে গাড়ির কথা বলে দিয়েছিলাম, সাড়ে নটায় একটা জাপানি টয়োটা এসে হাজির । আমরা যখন বেরোচ্ছি তখন ফেলুদা টেলিফোন ডি঱েক্টরি নিয়ে পড়েছে । বলল এ অঞ্চলের ওষুধের দোকানগুলোর নাম নোট করে নিচ্ছে ।

একই শহরে স্বয়ঙ্গুনাথের মতো বৌদ্ধস্তুপ আৰ পশুপতিনাথের মতো হিন্দু মন্দির—এ এক কাঠমাণুতেই সম্ভব । পশুপতিতে ‘তপেশ, তুমি দৃশ্য দেখো’ বলে আমাকে ফেলে রেখে মন্দিরে চুকে পুজো দিয়ে ফোঁটা-টোটা কেটে এলেন লালমোহনবাবু । মন্দিরটা কাঠের তৈরি, দরজাগুলো ঝাপোর আৰ চুড়েটা সোনা দিয়ে বাঁধানো । গেট দিয়ে চুকে প্রথমেই যেটা সামনে পড়ে সেটা হল পাথৱের বেদিতে বসানো সোনায় মোড়া বিশাল নদীৰ মৃত্তি । চাতাল দিয়ে এগিয়ে গেলে দেখা যায় নীচ দিয়ে বাগমতী নদী বয়ে যাচ্ছে, স্থানেই শৃশান । নদীৰ ওপারে পাহাড় ।

স্বয়ঙ্গুতে যেতে হলে গাড়ি প্যাঁচালো পাহাড়ি পথ দিয়ে উপরে উঠে একটা জায়গায় এসে থেমে যায় । বাকি পথ সিঁড়ি দিয়ে উঠতে হয় ।

আমরা গাড়ি থেকে নেমে দেখি সিঁড়ির মুখ অবধি রাস্তার ধারে তিব্বতি জিনিস বিক্রি হচ্ছে । লালমোহনবাবুৰ হঠাৎ শখ হয়েছে একটা জপযন্ত্র কিনবেন । জিনিসটা আৰ কিছুই না—একটা লাঠিৰ মাথায় একটা কৌটো, তাৰ পাশ থেকে ঝুলছে একটা চেনেৰ ডগায় একটা বলেৰ মতো জিনিস । লাঠিটা হাতে নিয়ে ঘোৱালে মাথার বল সমেত কৌটোটা ঘূৱতে থাকে । বদ্রলোক আমাকে বুঝিয়ে বললেন, ‘লিখতে লিখতে যখন আইডিয়াৰ অভাৱে থেমে যাই, বুঝলে তপেশ, তখন অনেক সময় মনে হয়েছে হাতে একটা কিছু নিয়ে ঘোৱাতে পাৱলে হয়তো মাথাটা খুলে যেত । দেখে মনে হচ্ছে জপযন্ত্র ইই আইডিয়াল ফৱ দ্যাট ।’

চার রকমের হয় জিনিসটা—কাঠেৱ, তামাৱ, ঝাপোৱ আৰ হাতিৰ দাঁতেৱ । কাঠেৱ হলেই চলত, কিন্তু এখানে ট্যারিস্টদেৱ জন্য সব জিনিসেৱ দাম চড়িয়ে রেখেছে এৱা ; কাঠও সন্দৰ ঢাকাৱ কমে হবে না শুনে বদ্রলোক আৰ এগোলেন না ।

দু হাজাৱ বছৰ আগে পাহাড়েৱ চুড়োয় বসানো বৌদ্ধস্তুপ স্বয়ঙ্গুনাথে যে জিনিসটা

সবচেয়ে বেশি মনে থাকে সেটা হল স্তুপের চুড়োর ঠিক নীচে চারকোনা স্তম্ভের চারদিকে আঁকা ঢেউ খেলানো ভুকওয়ালা জোড়া জোড়া চোখ—যে চোখ মনে হয় সেই আধিকাল থেকেই সারা কাঠমাণু উপত্যকার উপর সজাগ দৃষ্টি রেখে আসছে, কোথায় কী ঘটেছে সব জানে, কিন্তু কোনওদিন বলবে না ।

স্তুপটা যে সমতল চাতালের উপর দাঁড়িয়ে আছে, সেটা যেমন গিজগিজ করছে দেখবার জিনিসে, তেমনই করছে মানুষ আর বাঁদরের ভিড়ে । লালমোহনবাবু একবার কোমরে একটা খোঁচা খেয়ে বললেন, বাঁদরের খোঁচা, কিন্তু সেটা যে আসলে তা নয় সেটা পরে জেনেছিলাম । সেটার কথা, যাকে বলে, যথাস্থানে বলব ।

আসল ঘটনা ঘটল পাটনে ।

পাটন শহর, যার প্রাচীন নাম ললিতপুর; হল বাগমতীর ওপারে, কাঠমাণু থেকে মাত্র তিন মাইল । শহরে দেক্বার মুখে একটা পেঞ্জায় তোরণ, সেটা পেরিয়ে একটা দোকানের সামনে গাড়ি থামিয়ে আমেরিকান কোকা-কোলা খেয়ে তেষ্টা মিটিয়ে আমরা এখানকার দরবার ক্ষোয়ারে গিয়ে হাজির হলাম ।

ফেলুদা এবার আমাকে সাবধান করে দিয়েছিল—‘আমাদের কাঠমাণু অ্যাডভেঞ্চার সম্বন্ধে যখন লিখিবি, তখন খেয়াল রাখিস যে ফেলু মিস্টারের গোয়েন্দা কাহিনী যেন নেপালের ট্যুরিস্ট গাইড না হয়ে পড়ে ।’

ফেলুদার কথা মনে রেখে শুধু এইচুকুই বলছি যে দেড় হাজার বছর আগে লিছবি বৎশের রাজা বরদেবের পত্নি করা পাটন বা ললিতপুরের মন্দির, স্তূপ, প্রাসাদ, কাঠের কারুকার্য, স্বর্ণস্তম্ভের মাথায় রাজার মৃত্তি ইত্যাদির এ-বলে-আমায়-দেখ ও-বলে-আমায়-দেখ অবস্থার মধ্যে পড়ে লালমোহনবাবু অবিশ্বাস্য, অভাবনীয়, অকল্পনীয়, অতুলনীয়, অননুকরণীয়, অবিস্মরণীয় ইত্যাদি ছাবিশ রকম বিশেষ ব্যবহার করেছিলেন গড়ে তিনি মিনিটে একটা করে । আমার বিশ্বাস সেই সময় সেই বিশেষ ঘটনাটা না ঘটলে তিনি আরও মিনিট পনেরো এই ভাবে চালিয়ে যেতে পারতেন ।

ঘটনাটা ঘটল দরবার ক্ষোয়ার পেরিয়ে ডাইনে মোড় নিয়ে একটা বাজারে পড়বার পর । এই বাজার যে মঙ্গল বাজার নামে বিখ্যাত সেটা পরে জেনেছিলাম । এখানে চারদিকে ছোট ছেট দোকানে নেপালি আর তিব্বতি জিনিস বিক্রি হচ্ছে । কাঠমাণুর চেয়ে দাম কম, আর ভিড় কম বলে দেখার বেশি সুবিধে ।

আমরা জিনিস দেখতে দেখতে এগিয়ে চলেছি । লালমোহনবাবুর দৃষ্টি জপযন্ত্রের দিকে, ফেলুদা বলে দিয়েছে পাটনের কাঠের কাজ প্রথিবী-বিখ্যাত, তাই দাম স্বয়ত্ত্ব চেয়ে অনেক কম হলেও ‘হাই ক্লাস কারুকার্য নয়’ বলে অনেকগুলোই হাতে নিয়েও বাতিল করে দিচ্ছেন । এমন সময় দেখলাম বাজারের শেষ দিকে একটা মোটামুটি নিরিবিলি অংশে একটা বেশ বড় পুরনো বাড়ির নীচে একটা দোকানের সামনে টেম্পোতে মাল তোলা হচ্ছে ।

দোকানের কাছে গিয়ে দেখি লালমোহনবাবু যা চাইছেন সেই জিনিসই বাক্স-বোঝাই হয়ে চালান যাচ্ছে, সন্তুবত কাঠমাণুর বাজারে ।

‘এইখেনেই বোধহয় তৈরি হচ্ছে জিনিসগুলো, বুঝালে তপেশ । দেখে একেবারে টাট্কা বলে মনে হয় । এটা বোধহয় একটা ফ্যাকটরি ।’

সেটাও অসন্তুব না । ফেলুদা বলেছিল পাটনে নাকি অনেক কারিগর এইসব পুরনো কালের জিনিস নতুন করে তৈরি করছে ।

‘সুবিধের দরে পাওয়া যেতে পারে । জিজেন্স করব ?’

‘করুন না ।’

সে শুড়ে বালি। দোকানদার বলল অন্য দোকানে দেখো, আমাদের স্টক ফুরিয়ে গেছে।
যা মাল চালান যাচ্ছে সব অর্ডারের মাল।

‘যাচ্ছলে, লাক্টাই—’

জালমোহনবাবুর কথা আটকে গেছে, আর সেই সঙ্গে আমাদের দুজনেরই দৃষ্টি চলে গেছে
পাশের গলিটায়।

একটা লোক গলির ডানদিক থেকে বাঁয়ে আসছে। তিব্বতি। একে আমরা চিনি। সেই
হলদে টুপি, সেই লাল জোবো, সেই একটা চোখ বড়, একটা ছোট।

এ সেই শুয়োর-গলির তিব্বতি দোকানের বেঞ্চিতে বসা আধমুমো লোকটা। একটা বাড়ি
থেকে বেরিয়ে আমরা যে-বাড়িটার সামনে দাঁড়িয়ে আছি, তারই একটা পাশের দরজা দিয়ে
চুকে গেল।

চুকেছে কি? আমরা যেখানে দাঁড়িয়ে, সেখান থেকে দরজাটা দৃষ্টির বাইরে। সেটা
দেখতে পাওয়া যাবে চার পা সামনে গিয়ে বাঁয়ের গলিটায় চুকে এগিয়ে গেলে।

আবার সেই ফলো কবার রোখ চেপেছে আমাদের দুজনের একসঙ্গে।

লোকটা কোথায় গেল দেখা দরকার।

গোয়েন্দা-গোয়েন্দা ভাবটা যথা সন্তুষ্ট চেপে রেখে দুজনে এগিয়ে গেলাম গলিটা দিয়ে।

হাত-বিশেক যেতেই বাঁয়ে একটা দরজা পড়ল, যার পাল্লা আর ফ্রেমে কাঠের কাজ দেখলে
তাক্ লেগে যায়।

দরজাটা বন্ধ।

বাড়িটার এদিকের দেওয়ালে এই একটাই দরজা।

এই দরজা দিয়েই ভিতরে চুকেছে লোকটা।

আরও দশ পা গিয়ে বাড়িটা শেষ হয়েছে; তার পাশ দিয়ে একটা গলি বাঁয়ে চলে গেছে।
একটা ছড়টানা বাজনার শব্দ আসছে। মনে হল গলিটা থেকেই।

এগিয়ে গেলাম গলিটার মুখ অবধি। এদিকটা একেবারে নির্জন।

গলির ডাইনে, আমাদের থেকে দশ-বারো হাত দূরে, একটা ভিখিরি একটা বাড়ির রোয়াকে
বসে সারিদ্বা বাজিছে। লোকটা নেপালি, কারণ সারিদ্বা নেপালের যন্ত্র, তিব্বতের নয়।
অবিশ্য এই রকমই যন্ত্র একই নামে পূর্ববঙ্গেও পাওয়া যায়।

যতটা সন্তুষ্ট ট্যুরিস্টের ভাব করে এগিয়ে গেলাম গলি ধরে। লোকটার সামনে একটা
মরচে-ধরা টিনের কৌটো। যেখানে বসেছে, তার উলটোদিকে একটা দরজা। এটা সেই
একই বাড়ির দরজা, যার সামনের দিকে দোকান থেকে জপ্যন্ত্র চালান যাচ্ছে কাঠমাণু। এই
বাড়িতেই চুকেছে শুয়োর-গলির সেই তিব্বতি।

ভিখিরি এক মনে বাজিয়ে চলেছে তার নেপালি গৎ, আমাদের সম্বন্ধে তার কোনও
কৌতুহল নেই।

লালমোহনবাবু টিনের কৌটোটায় কয়েকটা খুচরো পয়সা ফেলে দিয়ে চাপা গলায়
বললেন, ‘যাবে নাকি ভেতরে?’

এ দরজাটা খোলা। এটা সাইজেও ছোট আর এটার বাহারও কম, কারণ এটা হল
ব্যাকড়োর, যাকে বলে খিড়কি।

‘চলুন।’

‘যদি জিজ্ঞেস করে তো কী বলবে?’

‘বলব ট্যুরিস্ট, ভেতরে কী আছে দেখতে এসেছি।’

‘চলো।’



ভিখিরিটাৰ দিকে একটা আড়দৃষ্টি দিয়ে, গলিতে আৱ কোনও লোক নেই দেখে আমৱা
দূজনে মাথা হেঁট কৰে দৱজাটা দিয়ে ভেতৱেৰ প্যাসেজে চুকলাম।

প্যাসেজটা পেৱিয়ে ডাইনে একটা উঠোনেৰ এক চিলতে দেখা যাচ্ছে। তাৱও ডাইনে
নিশ্চয়ই ঘৱ আছে। সেই ঘৱেৰ দিক থেকেই শব্দটা আসছে।

যান্ত্ৰিক শব্দ।

না, ঠিক যান্ত্ৰিক না। যদি বা একটা মেশিন গোছেৰ কিছু চলে, তাৱ সঙ্গে আৱও কয়েকটা
শব্দ মিশে আছে। মোটামুটি বলা যায় যে শব্দটাৰ মধ্যে একটা তাল আছে।

আমৱা দম বন্ধ কৰে পা টিপে টিপে এগিয়ে গেলাম।

বাঁয়ে একটা দৱজাৰ পিছনে অন্ধকাৰ ঘৱ।

একটা পায়েৰ শব্দ পাচ্ছি। ডানদিক থেকে আসছে সেটা। শব্দটা বাড়ছে।

হঠাৎ খেয়াল হল যে এৱ মধ্যে কখন জানি সারিন্দাৰ সুৱ পালটে গেছে। আগেৱটা ছিল
কৱণ, মোলায়েম; এটা নাচানি, হালকা সুৱ।

এবাৱে যে লোকটা আসছে তাকে দেখা যাবে।

গলা শুকিয়ে গেছে।

বুঝলাম লোকটা যদি কিছু জিজ্ঞেস কৰে তো গলা দিয়ে আওয়াজ বেৱোৰে না।

আৱ চিষ্টা না কৰে এক ঝটকায় লালমোহনবাবুকে টেনে নিয়ে দূজনে চুকে পড়লাম বাঁ
পাশেৰ অন্ধকাৰ ঘৱটায়। রাস্তাৰ দিকেৰ একটা খুপিৰি জানালা দিয়ে ঘৱে সামান্য আলো
আসছে, তাতে দেখা যাচ্ছে একটা খাটিয়া, একটা তামাৰ পাত্ৰ, দড়িতে বোলানো কিছু
জামা-কাপড়।

আমৱা দৱজাৰ আড়ালে দাঁড়িয়ে শুনলাম পায়েৰ শব্দটা বাইৱে প্যাসেজ দিয়ে রাস্তাৰ দিকে
চলে গেল।

সারিন্দা থেমেছে। তাৱ বদলে গলাৰ আওয়াজ পেলাম। লোকটা বাইৱে গিয়ে
ভিখিরিটাৰ সঙ্গে কথা বলছে।

আমাদেৱ ডাইনে আৱ একটা দৱজাৰ পৱে আৱ একটা ঘৱ। এটাও অন্ধকাৰ।

জটায়ুৰ আস্তিন ধৰে টেনে নিয়ে সেই ঘৱে চুকলাম।

কাঠ ও কাৰ্ডবোৰ্ডেৰ বাঁকে বোঝাই ঘৱটা। তা ছাড়া আছে কিছু তামাৰ জিনিস, কিছু মূর্চি,
গোটা কুড়ি-পঁচিশ কাঠেৰ ছাঁচ। বাঁয়ে ঘৱেৰ কোনায় পড়ে আছে লালমোহনবাবুৰ শখেৰ
জিনিস—তিনটে কাঠেৰ জপযন্ত্ৰ।

আমৱা চুকেই বাঁয়ে দৱজাৰ আড়ালে লুকিয়ে পড়েছি। বেশ বুঝতে পাৱছি, এ ঘৱেৰ
বাইৱেই বাৱান্দা পেৱিয়ে উঠোন, আৱ উঠোনেৰ ওদিকেৰ ঘৱ থেকেই শব্দটা আসছিল।

এখন শব্দ নেই।

এবাৱ একটা নতুন শব্দ।

লোকটা বাইৱে থেকে ফিৰে এসেছে।

সে খুঁজছে আমাদেৱ।

প্যাসেজ ধৰে পায়েৰ শব্দ এগিয়ে গিয়ে কাউকে না পেয়ে আবাৱ ফিৰে এল। যে ঘৱে
আছি, সে ঘৱেৰ ডাইনেৰ দেওয়ালে উঠোনেৰ দিকে পৱ পৱ তিনটে দৱজা। দৱজাৰ বাইৱে
থেকে আসা আলো তিনবাৰ বাধা পেল সেটা দেখতে পেলাম।

এবাৱে আমাদেৱ ঠিক পাশেৰ দৱজাৰ সামনে এসে পায়েৰ শব্দটা থামল।

একটা আবছা ছায়া চুকে এল ঘৱেৰ ভিতৱে চৌকাঠ পেৱিয়ে।

আমাৱ দম বন্ধ। শৱীৱেৰ সব শক্তি জড়ো কৰে তৈৱি হচ্ছি। যা কৱবাৱ আমাকেই

করতে হবে ।

লোকটা আর দু পা এগোতেই আমাদের দেখতে পেন ।

ওর প্রথম হকচকানিটা কাটবার আগেই আমি ডাইভ দিয়ে পড়লাম লোকটার উপর । হাত দুটো সমেত কোমর জাপটে ধরে ঘুরিয়ে দেয়াল-ঠাসা করব ।

কিন্তু লোকটা ষণ্ণা । এক বাটকায় হাত দুটোকে ছাড়িয়ে নিয়ে আমার কোটের লেপেল দুটো দু হাতের মুঠোয় ধরে এক হাঁচকায় মাটি থেকে শূন্যে তুলে ফেলল আমায় । বোধহয় ইচ্ছে ছিল ছুড়ে ফেলবে, কিন্তু লালমোহনবাবু সে ব্যাপারে বাগড়া দিচ্ছেন । আমাদের দুজনের মাঝখান দিয়ে হাত গলিয়ে দিয়ে লোকটার হাত দুটোকে আমার কোট থেকে ছাড়াবার চেষ্টা করছেন ।

কিন্তু পারলেন না ।

লোকটার কনুইয়ের ধাক্কা লালমোহনবাবুকে ছিঁকে ফেলে দিল কার্ডবোর্ডের বাক্সের স্তুপের ওপর ।

আমার দু হাতের তেলো লোকটার খুতনির তলায় রেখে উপর দিকে চাঢ় দিয়ে মাথাটাকে চিতিয়ে দিয়েছি, কিন্তু বুঝতে পারছি আমি এখনও শূন্যে, এখনও লোকটা আমাকে ধরে— ।

ঠকাং !

হাত দুটো আলগা হয়ে গেল । আমার পায়ের তলায় আবার মাটি । লোকটা দুমড়ে মুচড়ে মাটিতে পড়ল অজ্ঞান হয়ে ।

মাথায় বাড়ি ।

জপ্যস্ত্রের বাড়ি ।

পাঁচ সেকেন্ডের মধ্যে আমরা দুজনে আবার রাস্তায়, জপ্যস্ত্র লালমোহনবাবুর থলিতে ।

৮

কলকাতায় আমাদের বাড়িতে বসে আমি আর ফেলুদা অনেক সময় আমাদের পুরনো অ্যাডভেঞ্চারগুলো সম্বন্ধে আলোচনা করেছি, বিশেষ করে তাদের সম্বন্ধে, যাদের শয়তানি বুদ্ধি ফেলুদাকেও মাঝে মাঝে প্যাঁচে ফেলে দিয়েছিল । লখনউ-এর বনবিহারী সরকার, কৈলাসের মৃত্তি চোর, সোনার কেল্লার বর্মন আর মন্দার বোস, মিঃ গোরে, কাশীর মগনলাল মেঘরাজ—এরা সব কোথায় ? কী করছে ? ভোল পালটে সৎপথে চলছে, না শয়তানির মওকা খুঁজছে ? নাকি অলরেডি আরম্ভ করে দিয়েছে শয়তানি ?

এসবগুলো এত দিন শুধু প্রশ্নই ছিল ; শেষে কাঠমাণুতে এসে এই পুরনো আলাপীদের একজনের সঙ্গে দেখা হয়ে নেগেটিভ-পজিটিভের ঠোকাঠুকিতে যে বিশ্ফেরণের সৃষ্টি হবে, সেটা কে জানত ?

পাটন থেকে ফিরে ইন্দিরা রেস্টোরান্টে লাঞ্ছ খেয়ে (এদের মেনুতে মোমো ছিল না) প্রায় তিনটে নাগাদ হোটেলে ফিরে দেখি ফেলুদা খাটে শয়ে সদ্য-কেনা একটা ইঁরিজি বই পড়ছে, নাম ‘ব্ল্যাক মার্কেট মেডিসিন’ । আমাদের দিকে চোখ পড়তেই চোখ কপালে উঠে গেল ।

‘ব্যাপার কী ? খুব ধকল গেছে বলে মনে হচ্ছ ?’

দুজনে ভাগাভাগি করে পাটনের পুরো ঘটনাটা বললাম । জানতাম ফাঁকে ফাঁকে অনেক প্রশ্ন শুঁজে দেবে ফেলুদা । বেশ বুঝতে পারছি আমরা দুজনে মিলে আজ একটা জবরদস্ত কাজ করে এসেছি । কেন তা ঠিক বলতে পারব না, সমস্ত বাড়িটার মধ্যে যেন জালিয়াতির ১১৪

একটা গন্ধ ছড়িয়ে ছিল। অথচ বাইরে থেকে দেখলে প্রাচীন পাটনের ইমারতি আর কাঠের কাজের তারিফ করা ছাড়া আর কিছুই করার থাকে না।

সব শুনে-টুনে ফেলুদা ‘সাবাস’ বলে আমাদের দুজনেরই পিঠ চাপড়ে দিল।

‘গোয়েন্দাগিরিতে বীরচক্র থাকলে আমি তোদের দুজনেরই নাম রেকমেন্ড করতাম। কিন্তু আপনি যে জিনিসটা দিয়ে বাজিমাত করলেন, সেটা একবার দেখান !’

লালমোহনবাবু হালকা মেজাজে থলি থেকে জপ্যস্ত্রটা তুলে ধরে দেখালেন।

‘ওর মধ্যে মন্ত্র পোরা আছে কি না সেটা দেখেছেন ?’

‘আজ্ঞে ?’

‘ওম্ মণি পদ্মে হৃম্।’

‘আজ্ঞে ?’

‘ওম্—মণি—পদ্মে—হৃম্। তিব্বতি মহামন্ত্র। এই মন্ত্রটা একটা কাগজে হাজার বার লিখে অথবা ছেপে প্রত্যেকটা জপ্যস্ত্রে পুরে দেবার কথা।’

‘পুরে দেবে ? কোথায় পুরে দেবে ?’

‘ওই ওপরের জিনিসটা তো একটা কোটো। ওটার মাথাটা তো ঢাকনার মতো খুলে যাবার কথা।’

‘তাই বুঝি ?’

লালমোহনবাবু একটা মোচড় দিতেই মাথাটা খুলে এল।

‘উহ—নো সাইন অফ মন্ত্র।’

‘ভেতরে কিছু নেই ?’

লালমোহনবাবু আর একবার ভেতরটা দেখলেন আলোর কাছে এনে।

‘নাথিং। —না না, দেয়ার ইং সামথিং। কীসের যেন গুঁড়ো চকচক্ করছে।’

‘কই দেখি !’

এবার ফেলুদা ভাল করে দেখল ভেতরটা। তারপর ল্যাম্পের পাশে বেডসাইড টেবিলের উপর উপুড় করে ধরল কৌটোটা।

‘কাচ। কাচের টুকরো।’

‘একটা বড় টুকরো রয়েছে, ফেলুদা।’

‘দেখেছি।’

‘মনে হয় একটা ছোট্ট পাইপ জাতীয় কিছুর অংশ।’

ফেলুদা মাথা নাড়ল।

‘পাইপ নয়। অ্যামপুল। অসাবধানে ভেঙে ফেলাতে এই পুরো জিনিসটাকে বাতিল করে দিয়েছে।’

‘তার মানে বলছেন এই জপ্যস্ত্রের মধ্যে জাল ওষুধ চালান হত ?’

‘কিছুই আশ্চর্য না। জপ্যস্ত্রের ভিতর পুরে প্যাকিং কেসে করে জমা হত পিগ অ্যালির তিব্বতি দোকানের দোতলায়। সেখান থেকে নিশ্চয়ই চলে যেত হোলসেলারদের কাছে। তারপর সেখান থেকে দাওয়াখানায়। যে বাক্সগুলো কাল ওই হোটেলের ঘর থেকে দেখেছিলি, আর আজ টেম্পোতে যে বাক্সগুলো তুলছিল—সে কি একই রকম ?’

‘আইডেনটিক্যাল,’ উত্তর দিলেন জটায়।

‘বুঝেছি—ফেলুদার কপালে ত্রিশূলের মতো দাগ—‘সাপ্লাইয়ের ব্যাপারটা তবির করছে নকল বাটো। আর ব্যাপারটা যদি বড় স্কেলে হয়, তা হলে হয়তো বেশ কিছু মাল চলে যাচ্ছে সীমানা পেরিয়ে ভারতবর্ষে। বিহার, ইউ পি-এ ছোট ছোট শহরে কত লোক এই ভেজাল

ওষুধ খায় আর ভেজাল ইনজেকশন ব্যবহার করে তার হিসেব কে রাখছে ? ডাক্তারের সন্দেহ হলেও সে যে শোরগোল তুলবে না সে তো দেখাই গেল । এই যুগটাই যে ওই রকম । চাচা আপন প্রাণ বাঁচা !

ফেলুদা খাট থেকে উঠে কিছুক্ষণ বেশ তেজের সঙ্গে পায়চারি করে নিল । লালমোহনবাবু আবার জপ্পায়ন্ত্রে ঢাকনা পরিয়ে সেটা হাতে নিয়ে ঘোরাচ্ছেন । ফেলুদার অ্যাডভেঞ্চারে অনেক সময়ই তিনি কেবল দর্শকের ভূমিকা পালন করেছেন ; আজ তিনি যাকে বলে স্বয়ং বঙ্গমঞ্চে অবতীর্ণ ।

ঘড়িতে দেখি পৌনে চারটে । আমি লালমোহনবাবুকে মনে করিয়ে দিলাম যে এতক্ষণে তাঁর প্যান্ট রেডি হয়ে থাকার কথা ।

‘এইদ্যাখো ! ভুলেই গেস্লাম ।’

ভদ্রলোক এক লাফে সোফা থেকে উঠে পড়লেন । ‘আজ ক্যাসিনো যাচ্ছি তো আমরা ? ট্রাউজারটা কিন্তু সেই উদ্দেশ্যেই করানো ।’

ফেলুদা পায়চারি থামিয়ে একটা তালি মেরে মন থেকে যেন সমস্ত চিন্তা দূর করে দিয়ে বলল, ‘গুড আইডিয়া । আজকে উই ডিজার্ড এ হলিডে । ডিনারের পরে এক ঘণ্টা ক্যাসিনোয় যাপন ।’

অবিশ্য ক্যাসিনো-পর্ব এক ঘণ্টায় শেষ হয়নি । কেন হয়নি সেটা জানতে হল আর একটু ধৈর্য ধরতে হবে ।

সাড়ে আটটার মধ্যে ডিনার খেয়ে বেরিয়ে পড়লাম । ক্যাসিনো খোলা থাকে নাকি ভোর চারটে অবধি, আর আসল ভিড়টা হয় এগারোটার পর থেকে । এখন গেলে খানিকটা খালি পাওয়া যাবে ।

হোটেলটা শহর থেকে খানিকটা বাইরে । বাসে যেতে যেতে বেশ বুঝতে পারছিলাম যে আমরা লোকালয় ছাড়িয়ে চলে যাচ্ছি, কারণ রাস্তার আলো ছাড়া আর বিশেষ আলো চোখে পড়ছে না ।

মিনিট পনেরো চলার পর খানিকটা ঢাক্কাই উঠে একটা গেট পড়ল । তারপর ডাইনে বেশ বড় একটা লন ও সুইমিং পুল পেরিয়ে আবার ডাইনে ঘুরে বাস্টা গিয়ে থামল হোটেলের পোর্টিকোর ঠিক আগে একেবারে ক্যাসিনোর প্রবেশদ্বারের সামনে । পে়ল্লায় হোটেলের এক পাশটায় এই ক্যাসিনো । বুবলাম যারা বাইরে থেকে আসবে তাদের আর আসল হোটেলে চুক্তেই হবে না ।

আমাদের আজকের হিরো—অন্তত এখন পর্যন্ত—হলেন লালমোহনবাবু । বিদেশি ফিল্মে দেখা আদব-কায়দার কোনওটাই বাদ দেবেন না এমন একটা সংকল্প নিয়েই যেন তিনি ক্যাসিনোতে এসেছেন । অবিশ্য এসব আদব-কায়দা যে তিনি সব সময় ঠিকভাবে প্রয়োগ করতে পেরেছিলেন তা নয় । যেমন, সুইং ডোর দিয়ে চুক্তেই বাঁয়ে কাউটারের পিছনে যে দুটি বো-টাই পরা ভদ্রলোক বসে ছিলেন—যাদের কাছে হোটেল থেকে পাওয়া পাঁচ ডলারের কার্ডটা দেখিয়ে তবে ক্যাসিনোয় চুক্তে হয়—তাদের দিকে চেয়ে রীতিমতো গলা তুলে ‘হেল্লো’ বলাটা ঠিক বিলিতি কেতার মধ্যে বোধহয় পড়ে না । তবে এটা স্বীকার করতেই হবে যে কাঠমাণ্ডুর টেলার ভদ্রলোকের প্যান্ট বেশ ভালই বানিয়েছে । তার সঙ্গে নিউ মার্কেটে কেনা হালকা সবুজ জার্কিন আর মাথায় নেপালি ক্যাপ—সব মিলিয়ে ভদ্রলোকের মধ্যে বেশ একটা স্মার্টনেসের ভাব এসেছে সেটা স্বীকার করতেই হবে ।

কয়েক ধাপ সিঁড়ি নেমে গিয়ে তবে আসল ক্যাসিনো। এক জাপানি ভদ্রমহিলা উঠছিলেন সিঁড়ি দিয়ে হ্যাশব্যাগ খুলে টাকা ভরতে ভরতে, আর লালমোহনবাবুর দৃষ্টি হাতের কার্ডের দিকে ; ফলে দুজনের মধ্যে একটা কোলিশন লাগত যদি না আমি ভদ্রলোকের জার্কিনের আস্তিনটা ধরে ঠিক সময়ে একটা টান দিতাম। লালমোহনবাবু মহিলার দিকে চেয়ে যেভাবে হেসে “হেহেক্সখিউজ মিহিহি” বললেন, সেটাৰ দামও লাখ টাকা।

অবিশ্য যতই কনফিডেন্স-এর ভাব করুন না কেন, খোদ ক্যাসিনোয় চুকে চারিদিকের ব্যাপার-স্যাপার দেখে ভদ্রলোককে ফেলুদার শরণাপন হতেই হল। ফেলুদাও তৈরি ছিল ওঁকে উদ্বার করার জন্য।

‘হাতের কার্ডটায় দেখুন পাঁচ রকম খেলার জন্য পাঁচটা কুপন রয়েছে। আপনার দ্বারা জ্যাকপট ছাড়া আর কিছু খেলা চলবে না : অন্যগুলোর তল পাবেন না। আপনি জ্যাকপটের কুপনটি ছিড়ে ওই কার্ডটারে দিন। ওটা হল ক্যাসিনোৰ ব্যাঙ্ক। আপনাকে এক ডলারের হিসেবে যত টাকা হয় দিয়ে দেবে। বোধহয় এগারো টাকার মতো হবে—নেপালি টাকা। তাতে আপনি এগারোটা চাঞ্চ পাবেন জ্যাকপটে। তাতে যদি কিছু মূলধন হয়, তা হলে আরও খেলতে পারবেন। যদি টাকাগুলো যায়, তবে আরও খেলতে হলে ট্যাক থেকে দিতে হবে। কখন থামবেন সেটা সম্পূর্ণ আপনার মর্জি। বেশি হারলে কী হয় তার একটা বড় নজির তো রয়েইছে—যুধিষ্ঠির।’

একটা বড় হলঘর আর তার ডানদিকে একটা মাঝারি ঘর মিলিয়ে ক্যাসিনো। বড়টায় পন্টুন, ব্ল্যাকজ্যাক, ফ্লাশ আর আসল খেলা রুলেট ছাড়াও কিছু জ্যাকপটের মেশিন রয়েছে, আর ছেট্টায় রয়েছে কিনো আর জ্যাকপট। ফেলুদা দেখলাম রুলেটের দিকে এগিয়ে গেল : আমরা গিয়ে চুকলাম ডাইনের ঘরে। আমরা দুজনেই কুপন ভাঙ্গিয়ে টাকা নিয়ে নিয়েছি।

তিনদিকের দেয়ালের সামনে পর পর দাঁড়িয়ে আছে বারো-চৌদ্দটা জ্যাকপট মেশিন।

‘ব্যাপারটা খুব সোজা,’ একটা মেশিনের সামনে নিয়ে গিয়ে বললাম লালমোহনবাবুকে, ‘এই দেখুন স্লট। ওয়েইং মেশিনের মতো করে এর মধ্যে টাকা গুঁজে দেবেন। তারপর এই ডাইনের হাতল ধরে টান। তারপর যা হবার আপনিই হবে।’

‘মানে ?’

‘জিত হলে মেশিন থেকে টাকা বেরিয়ে এই পাত্রটায় পড়বে, যেমন ওজনে কার্ড পড়ে। হার হলে কিছুই বেরবে না।’

‘হ্লঁ...’

‘আপনি একবার ফেলে দেখুন।’

‘দেখব ?’

‘হ্যাঁ। গুঁজুন টাকা।’

‘গুঁজলাম।’

একটা ঘড়ঘড় শব্দের পর বোঝা গেল টাকাটা একটা জায়গায় গিয়ে পড়ল, আর সঙ্গে সঙ্গে মেশিনের গায়ে এক লাইন লেখা জ্বলে উঠল—‘কয়েন অ্যাক্সেপটেড।’

‘এবার হাতল টানুন। জোরে।’

লালমোহনবাবু মারলেন টান।

মেশিনের সামনে একটা চৌকো কাচের জানালার পিছনে পাশাপাশি তিনটে তিন-রকম ছবি ছিল—হলদে ফল, লাল ফল, ঘণ্টা। হাতলে টান দিতেই মেশিনের ভিতর থেকে একটা ঘড়ঘড় করে ঘোরার শব্দ শুরু হল আর চোখের সামনে কাচের পিছনের ছবিগুলো বদলাতে

বদলাতে সেকেন্ড পাঁচেক পরে ঘট ঘট শব্দে একটা নতুন কস্বিনেশনে এসে দাঁড়াল।
হলদে ফল, হলদে ফল, নীল ফুল।

আর তার পরমহৃত্তেই ঝনাঁ ঝনাঁ করে দুটো টাকা এসে পড়ল পাত্রের মধ্যে।

‘জিতলুম নাকি?’ চোখ গোল গোল করে জিজ্ঞেস করলেন লালমোহনবাবু।

‘জিতলেন বইকী। একে দুই। সে-রকম ভাগ্য হলে একে একশোও হতে পারে। এই
দেখুন চাঁচ। কোন কস্বিনেশনে কত লাভ হবে এটা দেখালেই বুঝতে পারবেন। ঠিক
হ্যায়?’

‘ওকে !’

আমি দুটো মেশিন পরে আমার মেশিনে চলে গেলাম। আরও সাত-আটটা মেশিনের
সামনে দেশি-বিদেশি মেয়ে-পুরুষ দাঁড়িয়ে খেলে যাচ্ছে। ঘরের এক পাশে কাউন্টারে
একজন লোক বসে আছে, তার কাছে চাইলেই একটা প্লাস্টিকের বাটি পাওয়া যায় টাকা
রাখার জন্য। আমি দুটো চেয়ে নিয়ে একটা লালমোহনবাবুকে দিয়ে এলাম।

এমন জমাটি ব্যাপার যে, খেলার সময় অন্য কোনও দিকে চাওয়া যায় না, অন্য কিছু ভাবা
যায় না, মনে হয় বেঁচে থাকার একমাত্র উদ্দেশ্য হল এই জ্যাকপট। তাও একবার বাঁদিকে
আড়চোখে চেয়ে দেখলাম লালমোহনবাবু বাটিতে করে বেশ কিছু টাকা কাউন্টারে নিয়ে দিয়ে
সেগুলোর বদলে নেট নিয়ে এলেন।

আমারও জিতই হচ্ছিল, রোখও চেপে গিয়েছিল, এমন সময় ফেলুদা পাশের ঘর থেকে
এসে হাজির, সঙ্গে একজন বছর পঁচিশকের মহিলা।

‘আপাতত কিছুক্ষণের বিরতি,’ বলল ফেলুদা।

‘হোয়াই স্যার ?’

বুবালাম লালমোহনবাবুর মোটেই ভাল লাগল না ফেলুদার প্রস্তাবটা।

‘চারশো তেত্রিশ থেকে ডাক এসেছে।’

‘মানে ?’

ভদ্রমহিলাই বুবিয়ে দিলেন পরিষ্কার বাংলায়।

‘ফোর থার্টিথিতে আপনাদের একজন বন্ধু রয়েছেন। তিনি বিশেষ করে অনুরোধ
করেছেন একবার তাঁর সঙ্গে দেখা করতে।’

‘হ ইজ দিস ফ্রেন্ড ?’

লালমোহনবাবু এখনও পুরো ক্যাসিনোর মেজাজে রয়েছেন।

‘নাম বললেন না, তবে বললেন আপনারা তিনজনেই খুব ভাল করে চেনেন ?’

‘চলুন চাঁচ করে দেখাটা সেরে আসি,’ বলল ফেলুদা, ‘কৌতুহলও হচ্ছে, তা ছাড়া মিনিট
দশকের বেশি থাকার তো কোনও প্রয়োজন নেই।’

অগত্যা খেলা থামিয়ে রওনা দিলাম এই অজানা বন্ধুর উদ্দেশ্যে। ভদ্রমহিলা লিফ্টের মুখ
অবধি এসে নমস্কার করে চলে গেলেন।

চার তলায় লিফ্ট থেকে বেরিয়ে বাঁয়ে কার্পেট মোড়া প্যাসেজ ধরে একেবারে শেষ প্রাণ্টে
গিয়ে ডানদিকে ৪৩ত নম্বর ঘর। ফেলুদাই বেল টিপল।

‘কাম ইন।’

দরজাটা লক্ করা ছিল না ; ঠেলতেই খুলে গেল। ফেলুদাকে সামনে নিয়ে ঢুকলাম
আমরা।

বিশাল বৈঠকখানায় একটা মাত্র ল্যাম্প জলছে। ঘরের এক প্রাণ্টে একটা সোফায় যিনি
বসে আছেন, তার ঠিক পিছনেই ল্যাম্পটা জলছে বলে ভদ্রলোকের মুখ ভাল করে বোঝা
১১৮

যাচ্ছে না। বাইরে থেকে মনে হয়েছিল ঘরে আরও লোক, কারণ কথাবার্তা শুনতে পাচ্ছিলাম। এখন দেখলাম ভদ্রলোকের উলটোদিকে একটা টেলিভিশনের পাশে আরেকটা যন্ত্র। রঙিন অ্যামেরিকান ছবি হচ্ছে তিভিতে, দেখে বুঝলাম ভিডিও চলছে। ফিল্মের কথাবার্তার্থ শোনা যাচ্ছিল বাইরে থেকে।

‘আসুন মিঃ মিত্র, আসুন আঙ্কল।’

আমার মাথাটা ভোঁ ভোঁ করছে, গলা শুকিয়ে গেছে, পেটের ভিতরটা খালি লাগছে।

এ গলা যে আমাদের খুব চেনা! ফেলুদা বলেছিল এর মতো ধুরন্ধর প্রতিদ্বন্দ্বীর সঙ্গে লড়েও আনন্দ। পুণ্যতীর্থ কাশীধামে এর সঙ্গে মোকাবিলা হয়েছিল ফেলুদার।

মগনলাল মেঘরাজ।

যার মাইনে করা নাইফ প্রোয়ার লালমোহনবাবুকে টাগের্ট করে খেলা দেখিয়ে ওঁর আয়ু কমিয়ে দিয়েছিল অস্তত তিনি বছর।

কাঠমাণুতে কী করছে এই সাংঘাতিক লোকটা?

৯

‘আসেন! বসেন।’

তিভির পাশের যন্ত্রটা থেকে একটা তার চলে গেছে ভদ্রলোকের হাতে, সেটার ডগায় একটা সুইচ। ভদ্রলোক সেটা টিপতেই শব্দ সমেত রঙিন ছবি উভে গেল।

‘ওয়েল, মিঃ মিটার?’

আমরা দুটো সোফায় ভাগ করে বসেছি, আমার পাশে লালমোহনবাবু।

এতক্ষণে ভদ্রলোকের মুখটা খানিকটা স্পষ্ট। বিশেষ বদল হয়নি চেহারায়। ধৃতিটা এখনও ছাড়েননি, তবে শ্রেণিয়ানিটায় জাত কাটারের ছাপ রয়েছে, আর বোতামগুলো হিরের হলেও হতে পারে। সবচেয়ে বদল হয়েছে পরিবেশে; বেনারসের গলির বাড়ির গদি, আর ফাইভ-স্টার হোটেলের রয়েল সুইটে আকাশ পাতাল তফাত।

‘এবার রিয়েল হালিডে তো?’

‘তার কি আর জো আছে?’ একপেশে হাসি হেসে বলল ফেলুদা। ‘তেকি স্বর্গে গেলেও ধান ভানে, জানেন তো?’

‘এখানে কী ধান ভানবেন আপনি মিঃ মিত্র?’

মগনলালের সামনে রূপোর ট্রেতে চায়ের সরঞ্জাম। কাপে শেষ চুমুক দিয়ে সেটা নামিয়ে রেখে পাশের টেবিল থেকে ফোনটা তুলে নিলেন।

‘টি অর কফি? বেস্ট দার্জিলিং টি পাবেন এই হোটেলে।’

‘চা-ই হোক।’

রুম সার্ভিস ডায়াল করে তিনটে চায়ের অর্ডার দিয়ে ফোন রেখে আবার ফেলুদার দিকে চাইলেন মগনলাল।

‘ইভিয়াতে আপনি হিরো—বিগ ডিটেকটিভ। কাঠমাণু ইজ ফরেন কান্ট্রি মিঃ মিত্র। এখানে জান-পেহচান আছে কি আপনার?’

‘এই তো একজন পুরনো আলাপী বেরিয়ে গেল।’

মগনলাল হালকা হাসি হাসলেন। দুজনের দৃষ্টি পরম্পরের দিক থেকে সরছে না।

‘আপনি কি সারপ্রাইজড হলেন আমাকে দেখে?’

‘তা একটু হয়েছি বইকী !’ একটা চারমিনার ধরিয়ে দুটো রিং ছেড়ে জবাব দিল ফেলুদা । ‘আপনি হাজতের বাইরে দেখে নয় ; ওটা আপনার কাছে কিছুই না । অবাক হচ্ছি আপনার কর্মস্ফেত্ব বদলেছে দেখে ।’

‘হোয়াই ? বনারস হোলি প্রেস, কাঠমাণুভি হোলি প্রেস । ওখানে বিশ্বনাথজি, ইখানে পস্পত্তিনাথজি । একই বেপার, মিঃ মিত্র । যেখানে ধরম, সেখানেই আমার করম । কী বলেন, আঙ্কল ?’

‘হৈঃ হৈঃ ।’

বুঝলাম হাসি ফুটলেও, কথা ফোটার অবস্থা এখনও হয়নি জটোয়ুর ।

‘করমের কথা যে বলছেন, সেটা কি ওষুধ সংক্রান্ত কোনও কাজ ?’

আমার শিরদাঁড়ায় একটা শিহরন খেলে গেল । বাঘের সামনে পড়ে ধরনের বেতোয়াকা ব্যবহার একমাত্র ফেলুদার পক্ষেই সম্ভব ।

‘ওসূদ ?’ মগনলাল যেন আকাশ থেকে পড়লেন । ‘হোয়াট ওসূদ মিঃ মিত্র ? সুদের কারবার আমার একটা আছে ঠিকই, লেকিন ওসূদকা কেয়া মতলব ?’

‘তা হলে আপনি এখানে কী করছেন সেটা জানতে পারি কি ?’

‘সাটেনলি ! লেকিন ফেয়ার এক্সচেঞ্জ হোম চাই ।’

‘বেশ ! আপনি বলুন । আমিও বলব ।’

‘আমার বেপার ভেরি সিম্পল মিঃ মিত্র । আমি আর্টের কারবারি সেটা তো আপনি জানেন, আর নেপালে যে আর্টের ডিপো, সেটাও আপনি নিশ্চয়ই জানেন ।’

ফেলুদা চুপ । লালমোহনবাবু দ্রুত নিশ্চাস ফেলছেন ।

‘এবার আপনার বেপার বলুন । ফেয়ার এক্সচেঞ্জ ।’

‘আপনি সব কথা খুলে বলেছেন বলে মনে হয় না,’ বলল ফেলুদা, ‘তবে আমার কথা আমি খুলেই বলছি । আমি এসেছি একটা খুনের তদন্ত করতে ।’

‘খুন ?’

‘খুন ।’

‘ইউ মিন দ্য মার্ডারি অফ মিঃ সোম ?’

আমি থ । ফেলুদাও থ কি না বোঝার উপায় নেই । লালমোহনবাবু শীত লাগার ভাব করে দাঁতে দাঁত চাপলেন সেটা লক্ষ করলাম । হোটেলের ভিতরের টেমপারেচারটা এমনিতেই একটু কমের দিকে । ক্যাসিনোতে লোকের ভিড়ের জন্য বলে বোধহয় ঠাণ্ডা লাগেনি ।

‘আপনি ঠিকই ধরেছেন মগনলালজি,’ বলল ফেলুদা, ‘মিস্টার অনীকেন্দ্র সোম ।’

চা এল । মগনলালের আদেশে নতুন ট্রে থেকে শুধু তিনটে কাপ-ডিশ আর টি-পট রেখে পুরনোটা থেকে টি-পট আর মগনলালের ব্যবহার করা পেয়ালাটা তুলে নিয়ে চলে গেল বেয়ারা ।

‘আমার বিশ্বাস,’ ফেলুদা বলে চলল, ‘সোম ভদ্রলোকটি এখানকার কোনও ব্যক্তির কিছুটা অসুবিধার সৃষ্টি করেছিল । তাই তাকে খতম করে ফেলা হল ।’

মগনলাল চা ঢালছেন আমাদের জন্য ।

‘ওয়ান ? টু ?’

মগনলালের হাতে চিনির পাত্র । কিউব শুগার ।

‘ওয়ান,’ আমি বললাম, কারণ প্রশ্নটা আমাকেই করা হয়েছিল ।

‘ওয়ান ?’

এবার জটায়ুকে প্রশ্ন। আমি জানি জটায়ুর মাথায় এল এস ডি ঘূরছে, আর ঘূরছে সেই লোকটার কথা, যে সিঁড়ি নামছে ভেবে সাত তলার ছাতের কানিশ থেকে পা বাড়িয়ে দিয়েছিল।

‘টু ? থি ?’

‘নো, নো।’

‘নো শুগার ?’

‘নো।’

লালমোহনবাবু মিটির ভঙ্গ, চায়ের দু চামচের কম চিনি হলে চলে না, তাও নো বলছেন।

‘ই কেমন কথা হল মোহনবাবু ? আপনার রসগুল্লা খাওয়া চেহারা, শুগারে নো করছেন কেন ?’

আমি নিয়েছি বলেই বোধহয় ভদ্রলোক শেষ পর্যন্ত সাহস পেলেন।

‘ও-কে ! ওয়ান !’

ফেলুদারও একটা। উঠে গিয়ে যে যার চা নিয়ে এসে আবার বসলাম।

ফেলুদা চায়ের কাপটা পাশের টেবিলে রেখে আগের কথার জের টেনে বলল—

‘আমার বিশ্বাস মিঃ সোম জানতে পেরেছিলেন যে এখানে একটা গহিত কারবার চলেছে। সে ব্যাপারে তিনি কলকাতা গিয়েছিলেন। একটা উদ্দেশ্য ছিল আমার সঙ্গে দেখা করা। তার আগেই তাকে খুন করা হয়। আপনি যখন খুনের ব্যাপারটা জানেন, তখন স্বভাবতই প্রশ্ন জাগে আপনি এ ব্যাপারে জড়িত কি না।’

মগনলাল ভাসা ভাসা চোখে ঠোঁটের কোণে মন্দু হাসি নিয়ে কিছুক্ষণ ফেলুদার দিকে চেয়ে রইলেন। আমাদের হাতে ধরা পেয়ালা থেকে ভুরভুর করে হাই ক্লাস চায়ের গন্ধ বেরোচ্ছে ; আমি আর লালমোহনবাবু এই অবস্থাতেই চুমুক না দিয়ে পারলাম না।

‘জগদীশ !’

মগনলাল হঠাতে হাঁকটা দেওয়াতে চমকে উঠেছিলাম। বসবার ঘরের দু দিকেই যে আরও ঘর আছে স্টো এসেই বুঝেছিলাম। এবার মগনলালের পিছনের একটা দরজা খুলে একজন লোক এসে আমাদের ঘরে ঢুকল। সঙ্গে সঙ্গে ‘কিড়িঁ’ করে যে শব্দটা হল স্টো লালমোহনবাবুর হাতের পেয়ালা কেঁপে গিয়ে পিরিচের সঙ্গে লাগার শব্দ।

জগদীশ নামে যে ভদ্রলোকটি মগনলালের পিছনে এসে দাঁড়ালেন, তিনি হলেন বাটৱা নাম্বার টু। কাছ থেকে দেখে বাটৱার সঙ্গে সামন্য তফাতটা বুঝতে পারছি। এনার চোখ একটু কটা, কানের দু পাশের চুলে সামান্য পাক ধরেছে, হয়তো শরীরে মাংসও কিছুটা বেশি। আরেকটা বড় তফাত হল, এর চাহিনিতে মিশুকে ভাবটা নেই।

‘ইনাকে চিনেন ?’ প্রশ্ন করলেন মগনলাল।

‘আলাপ হয়নি। দেখেছি।’ বলল ফেলুদা।

‘তবে শুনে রাখুন গোয়েন্দা বাহাদুর। ইনাকে হ্যারাস করবেন না। আমি জানি আপনারা ইনার পিছনে লেগেছেন। উয়ো আমি বরদাস্ত করব না। জগদীশ ইজ মাই রাইট হ্যান্ড ম্যান।’

‘যদিও উনি নিজে যা করেন তা বাঁ হাতেই করেন।’

বলিহারি ফেলুদা। এখনো নাৰ্ভ স্টেডি, গলার স্বর একটুও কাঁপছে না।

মগনলাল আর কিছু বলার আগে ফেলুদা একটা প্রশ্ন করল।

‘ওনার চেহারার সঙ্গে প্রায় ছবছ মিলে যায়, এমন একজন লোক কাঠমাণুতে আছে স্টো আপনি জানেন কি ?’

মগনলালের মুখ আরও থমথমে হয়ে উঠল ।

‘ইয়েস মিঃ মিত্র ! আই নো দ্যাট ! সে লোক যদি আপনার দোষ্ট হয় তা হলে টেল হিম টু বি ভেরি কেয়ারফুল । সে যেন বুকে-সুবে কাম করে । আপনি তো আজ পস্পতিনাথজির শশান দেখে এসেছেন, মোহনবাবু ?’

লালমোহনবাবু প্রচণ্ড মনের জোরে মগনলালের কথা যেন শুনতে পাননি এমন ভাব ; করে বাকি চা-টা ঢক করে খেয়ে পেয়ালাটা ঠং শব্দে পাশের টেবিলে রেখে দিলেন ।

মগনলালের দৃষ্টি আবার ফেলুদার দিকে ঘুরল ।

‘বাটোরা যদি মনে করে সে তার নিজের গলতি কাম জগদীশের কানধে ডালবে, তবে তাকে বলে দিবেন, মিঃ মিত্র, কি ওই শশানে তার ডেডবটির সংকার হবে উইদিন টু ডেজ ।’

‘নিশ্চয়ই বলব ।’

ফেলুদাও তার চা শেষ করে কাপটা হাত থেকে নামিয়ে রাখল ।

মগনলালের কথা শেষ হয়নি এখনও ।

‘আরও একটা কথা বলে দিই মিঃ মিত্র ! আপনি দাওয়াইয়ের কথা বলছিলেন । আপনি জানেন আমাদের দেশের মানুষের স্বস্মে বড়া দুষ্মন কে ? অ্যালোপ্যাথ ডকটরস্মি ! মাইসিন জানেন তো ? সিন মানে কী ? সিন মানে পাপ ! পাকিট ফেঁড়ে পয়সা নেবে, হাথ ফেঁড়ে ব্লাড নেবে, পেট ফেঁড়ে পিঠ ফেঁড়ে বুক ফেঁড়ে এটা নেবে সেটা নেবে । ওয়ার্স দ্যান এনি স্মাগলিং র্যাকেট ! পেনিসিলিনসে পসপতিনাথের চরণামৃত ইজ হান্ডেড টাইমস বেটার ! দেশের লোক যদি অ্যালোপ্যাথি ছেড়ে দুস্রা দাওয়াই খাবে তো আখেরে দেশের মঙ্গল হবে—এ আপনি জেনে রাখবেন !’

‘শুনলাম আপনার কথা’—ফেলুদা উঠে দাঁড়িয়েছে,—‘কিন্তু আপনি দেখছি নিজে এখনও অ্যালোপ্যাথি ছাড়তে পারেননি । আপনার টেলিফোনের পাশে রাখা ওই শিশিটা নিশ্চয়ই চরণামতের শিশি নয় !’

শিশিটা এমনভাবে আড়ালে রয়েছে যে প্রায় ঢোকাই পড়ে না ।

কথাটা যে মগনলালের মোটেই পচ্ছ হল না সেটা তার মুখের উপর ঝোড়ো ভাবটা নেমে আসা থেকেই বুঝেছি ।

‘আসি, মগনলালজি । চা-টা সত্যিই ভাল ছিল ।’

মগনলাল তার জায়গা থেকে নড়লেন না ।

যখন চারশো তেত্রিশ নম্বর সুইট থেকে বেরোচ্ছি, তখন একটা সুইচের শব্দের সঙ্গে সঙ্গে শুনলাম মার্কিন ছবির সংলাপ আবার শুরু হয়েছে ।

১০

মগনলালপর্বের পরেও একই রাত্রে যে আরও কিছু ঘটতে পারে সেটা আমি স্বপ্নেও ভাবতে পারিনি । অথচ লুম্বিনী হোটেলে ফেরার পর আরও দুটো এমন ঘটনা ঘটল, যার ফলে এই বিশেষ দিনটা আমার জীবনে চিরকালের মতো একটা লাল-তারিখ মার্ক দিন হয়ে রইল ।

হোটেলে ফিরে রিসেপশনের বেঞ্জিতে হরিনাথ চক্রবর্তীকে বসে থাকতে দেখে রীতিমতো অবাক হলাম । এত রাত্রে কী ব্যাপার ? বললেন প্রায় এক ঘণ্টা, মানে সাড়ে দশটা থেকে, ভদ্রলোক অপেক্ষা করছেন আমাদের জন্য, বিশেষ দরকার ।

‘আসুন আমাদের ঘরে,’ বলল ফেলুদা ।

ঠাণ্ডা মানুষটার মধ্যে বেশ একটা চাপা উৎসের ভাব লক্ষ করছিলাম ।

‘কী ব্যাপার বলুন তো ?’ ঘরে এসে ভদ্রলোককে সোফায় বসিয়ে প্রশ্ন করল ফেলুদা ।

ভদ্রলোক একটুক্ষণ সময় নিয়ে যেন তাঁর চিন্তাগুলোকে গুছিয়ে নিলেন । তারপর বললেন, ‘হিমাদ্রি এইভাবে চলে যাওয়াতে সব যেন কেমন গণগোল হয়ে গিয়েছিল । আর সত্য বলতে কী, এও মনে হচ্ছিল যে, তাকে যখন আর ফিরিয়ে আনা যাবে না, তখন এত কথা বলেই বা লাভ কী ?’

‘কীসের কথা বলছেন আপনি ?’

‘বছর তিনেক আগে,’ একটু দম নিয়ে বললেন হরিনাথবাবু, ‘হিমাদ্রি এখানে একটা চোরা কারবারের ব্যাপার ধরিয়ে দিয়েছিল । গাঁজা চরস ইত্যাদি গোপনে চালান যাচ্ছিল এখান থেকে । হিমাদ্রি ছিল ভয়ানক রেকলেস অ্যাডভেঞ্চার-প্রিয় ছেলে । নিজের জীবনের কোনও তোয়াক্তা করত না । স্বাগলিং যে হচ্ছে সেটা শোনা যাচ্ছিল, কিন্তু যাঁটো কোথায় জানা যাচ্ছিল না । আপনাকে আগেই বলেছি যে হিমাদ্রিকে হেলিকপ্টরে নেপালের উত্তর-দক্ষিণ দুদিকেই যেতে হত । একবার উত্তরে গিয়ে সে নিজেই অনুসন্ধান করে জানতে পারে যে যাঁটো হচ্ছে হেলাম্বুর কাছে একটা শেরপাদের গ্রামে । সে পুলিশকে খবর দেয় । ফলে দলটা ধরা পড়ে ।’

ভদ্রলোক একটু থামলেন । ফেলুদা বলল, ‘আপনার কি ধারণা ইদানীং সে এই ধরনের আরেকটা চোরা কারবারের সন্ধান পেয়েছিল ?’

‘আমাকে সে কিছু বলেনি,’ বললেন হরিনাথবাবু, ‘তবে ও মারা যাবার দিন পাঁচেক আগে থেকে দুই বন্ধুতে উত্তেজিত হয়ে আলোচনা করতে দেখেছি । তার কিছু কিছু কথা আমার কানেও এসেছিল । আমি ওকে বলেছিলাম, তুই এসব গোলমালের মধ্যে আর যাস না । এসব গ্যাং বড় সাংঘাতিক হয় ; এদের দয়ামায়া বলে কিছু নেই । ও আমার কথায় কান দেয়নি ।’

ফেলুদা গভীরভাবে মাথা নাড়ল ।

‘ওরা যে নির্মম হয় সেটা তো অনীকেন্দ্র সোমের খুন থেকেই বুঝাতে পারছি ।’

‘আমার বিশ্বাস হিমু টেট্যানাসে না মরলে ওকেও হয়তো এরাই মেরে ফেলত ।’

‘এটা কেন বলছেন ?’

ভদ্রলোক পকেট থেকে এক টুকরো কাগজ বার করে ফেলুদার হাতে দিলেন । খাতার পাতা থেকে ছেঁড়া কাগজ । তাতে লাল কালি দিয়ে দেবনাগরীতে লেখা এক লাইন কথা ।

‘এটা ছিল হিমুর একটা প্যান্টের পকেটে । ও মারা যাবার পর আমার চাকর পেয়ে আমাকে দেয় ।’

‘নেপালি ভাষা বলে মনে হচ্ছে ?’ ফেলুদা বলল ।

‘হ্যাঁ । ওর মোটামুটি বাংলা হচ্ছে—তোমার বাড় বড় বেড়েছে ।’

ফেলুদা কাগজটা ফেরত দিয়ে একটা শুকনো হাসি হেসে বলল, ‘সবচেয়ে আশ্চর্যের ব্যাপার এই যে, জাল ওষুধের চোরা কারবার বন্ধ করতে গিয়ে আপনার পুত্রকে সেই জাল ওষুধের ইনজেকশনেই মরতে হল !’

‘আপনি তা হলে বিশ্বাস করেন যে ইনজেকশনে ভেজাল ছিল ?’

‘আমার তো তাই বিশ্বাস । সেটা ঠিক কি না সেটা কাল জানতে পারব বলে আশা করছি ।’

ডাঃ দিবাকরকে যে ওষুধ টেস্ট করতে বলা হয়েছে সেটা ফেলুদা হরিনাথবাবুকে বলল । ভদ্রলোক উঠে পড়লেন ।

‘জানি না এসব তথ্য জেনে আপনার কোনও লাভ হল কি না,’ দরজার দিকে এগিয়ে

গিয়ে বললেন হরিনাথ চক্রবর্তী ।

‘আমার মনের কিছু অস্পষ্ট ধারণা খানিকটা স্পষ্ট হল ।’ বলল ফেলুদা। ‘তদন্তের ব্যাপারে সেটা একটা মস্ত লাভ ।’

হরিনাথবাবু যাবার সঙ্গে সঙ্গে লালমোহনবাবুও গুড়নাইট করে চলে গেলেন তাঁর ঘরে ।

আমি শুয়ে পড়লাম, যদিও ফেলুদার হাবভাবে মনে হচ্ছে বেড-সাইড ল্যাম্প এখন জ্বলবে কিছুক্ষণ ।

আজকের রাতটা কী আন্তুত ভাবে গেল, হিমাদ্রিবাবুর চোরা কারবারিদের ধরিয়ে দেওয়া, মগনলাল কী সাংঘাতিক লোক, কী বেপরোয়াভাবে ফেলুদাকে শাসিয়ে দিল—এইসব ভাবতে ভাবতে চোখের পাতা দুটো বুজে এসেছে, এমন সময় হঠাতে দরজার বেলটা বেজে উঠল ।

সোঁয়া বারোঁ । এই সময় আবার কে এল ?

উঠে গিয়ে দরজা খুলে দেখি তাজব ব্যাপার ।

লালমোহনবাবু । বাঁ হাতে এক টুকরো কাগজ, ডান হাতে জপযন্ত্র । মুখের হাসিটাকে লামা-স্মাইল ছাড়া আর কিছু বলা যায় না । এরকম অমায়িক, স্নিফ্ফ হাসি আজকের দিনে চট করে কেনও সেয়ানা শৃঙ্খলে লোকের মুখে দেখা যায় না ।

‘হ্ম—হ্ম—হ্ম !’

তিনবার হ্ম—শব্দটা উচ্চারণ করে জপযন্ত্র ঘোরাতে ঘোরাতে ভদ্রলোক তুকে এলেন ঘরের ভেতর ।

ফেলুদা খাটে উঠে বসেছে । আমি ভদ্রলোকের হাত থেকে কাগজের টুকরোটা নিয়ে নিয়েছি । তাতে লাল কালি দিয়ে ইংরাজিতে লেখা—‘ইউ হ্যাভ বিন ওয়ার্নড ।’ অর্থাৎ তোমাদের সাবধান করে দেওয়া হচ্ছে । ঠিক এই লাল কালিহ দেখেছি একটু আগে একটা নেপালি ভাষায় লেখা হ্মকিতে ।

‘কোথায় ছিল এটা ?’ ফেলুদার হাতে কাগজটা চালান দিয়ে জিজেস করলাম ভদ্রলোককে । লালমোহনবাবু তাঁর জহরকোটের ডান পকেটে দুটো চাপড় মেরে বুঝিয়ে দিলেন । ভদ্রলোক এই কোটা পরেই বেরিয়েছিলেন সকালে । মনে পড়ল স্বয়ন্ত্রনাথে বলেছিলেন বাঁদরে ওঁর পকেট ধরে টান দিয়েছিল ।

‘ও—ম্ম্ম্ম !’

ঠেনে দম নিয়ে পুরো দমটা ছেড়ে শব্দটা উচ্চারণ করলেন ভদ্রলোক চেয়ারে বসতে বসতে ।

‘ও—মণি পঞ্চে হ্ম—হ্ম—হ্মকি ।’

হ্মকি তো বটেই, কিন্তু এ কী দশা লালমোহনবাবুর ! অথচ মুখে সেই হাসিটা রয়েই গেছে ।

আমি ফেলুদার দিকে চাইলাম । ও ঠোঁট নেড়ে বুঝিয়ে দিল—‘পাউন্ড-শিলিং-পেস !’

এল এস ডি ।

শুগার কিউব !

মগনলাল নিজের হাতেই চিনি দিয়েছিল আমাদের চায়ে । আমাদের দুজনের যখন কিছুই হচ্ছে না, তখন শুধু লালমোহনবাবুর চায়েই দিয়েছিল ওই বিশেষ একটি কিউব । আক্ষলকে নিয়ে রসিকতা করাটা দেখছি মগনলাল চরিত্রের একটা বিশেষ দিক । কী শয়তান লোকটা !

‘ওঁ—ম্ম্ম্মাণিপঞ্চে হ্মকি !’ আবার বললেন ভদ্রলোক । পরমহুতেই হঠাতে হাসিটা চলে গিয়ে একটা বিরক্তির ভাব দেখা দিল চাহনিতে । দৃষ্টি ফেলুদার দিকে । ফেলুদা একদৃষ্টে লক্ষ করে যাচ্ছে ভদ্রলোককে ।



‘খুলিটা খুলে ফেলুন !’ ধরকের সুরে বললেন ভদ্রলোক—‘বলছে খুলি, অথচ খোলার নামটি নেই । হ্যাঃ !’

ফেলুদা চাপা গলায় বলল, ‘স্কাউড্রেল’ । বুঝলাম সেটা মগনলালকে উদ্দেশ করে বলা হচ্ছে ।

জপ্যন্ত্র এখন থেমে আছে । আস্তে আস্তে বিরক্ত ভাবটা চলে গিয়ে লালমোহনবাবুর চোখ ফেলুদার উপর থেকে সরে গিয়ে চলে গেছে খাটের পাশে জলভরা গেলাস্টার দিকে ।

চোখের দৃষ্টি ক্রমশ তীক্ষ্ণ থেকে তীক্ষ্ণতর হয়ে এল ।

আমার দম বন্ধ হয়ে আসছে । ঘরে পিন ড্রপ সাইলেন্স । লালমোহনবাবু চেয়ে আছেন গেলাস্টার দিকে ; মনে হচ্ছে গেলাস্টা হয়তো বা ওঁর মন্ত্রের জোরে টেবিল থেকে শূন্যে

উঠে পড়বে ।

‘অহোহো !’ বললেন লালমোহনবাবু । তীক্ষ্ণতা চলে গিয়ে একটা চুল-চুলু ভাব চোখে, সেই সঙ্গে তারিফের হাসি । ‘অহোহো ভিবজিওর ! অহো ! অহো !—তপেশ, দেখেছ রং ?’

আমি খ্যাত খেয়ে কিছু বলার খুঁজে পাচ্ছি না । অথচ লালমোহনবাবু ছাড়বেন না । ভিবজিওর মানে হচ্ছে ভায়োলেট, ইভিগো, ব্লু, গ্রীন, ইয়েলো, অরেঞ্জ, রেড । অর্থাৎ গেলাসের জলে রামধনুর রং দেখছেন তিনি ।

‘তপেশ ভাই, দেখেছ রং ? ভিবজিওর ভাইরেট করছে, দেখেছ ?’

কথার মাঝে মাঝে যখন ফাঁক পড়ছে আর লালমোহনবাবু শুধু চৃপ করে চেয়ে আছেন সামনের দিকে, সেই সময়টা আমার তন্দ্রার মতো আসছে । আবার কথা শুরু হলেই ঘুমটা ভেঙ্গে যাচ্ছে । একবার তন্দ্রার অবস্থা থেকে ‘মাইস !’ বলে একটা চিংকারে লাফিয়ে উঠে দেখি লালমোহনবাবু ভীষণ সোজা হয়ে বসে ওর সামনে মেঝের দিকে চেয়ে আছেন ।

‘মাইস !’ আবার বললেন ভদ্রলোক । তারপর বিড়বিড়ানি শুরু হল কিছুক্ষণ—‘টেরামাইস, টেট্রামাইস, সুবামাইস, ক্লোরোমাইস...কিলবিল করে ঘুরে বেড়াচ্ছে সব !—আমার সঙ্গে ইয়াকি ?’

শেষের কথাটা বেদম জোরে বলে লালমোহনবাবু হঠাতে সোফা ছেড়ে উঠে কার্পেটে মোড়া মেঝেতে পায়ের গোড়ালি দিয়ে ঘা দিতে শুরু করলেন—যেন প্রত্যেকটা ইঁদুরকে পিষে পিষে মারছেন ।—‘আবার পেখম ধরা হয়েছে ! এদিক নেই ওদিক আছে !’

এইভাবে চলল মিনিট তিনেক । এক জায়গায় দাঁড়িয়ে না—সারা ঘর ঘুরে ঘুরে এই কাণ্ড । আশা করি আমাদের ঠিক নীচের ঘরে কোনও গেস্ট নেই !

‘ব্যস, খ্যাত ম !’

লালমোহনবাবু বসে পড়লেন ।

‘ঝ্যাক’ আবার বললেন ভদ্রলোক । —‘অল টিকটিকিজ খ্যাত ম !’

কোন ফাঁকে যে ইঁদুর টিকটিকি হয়ে গেল সেটা বোঝা গেল না ।

‘খ্যাত ম ! অ্যান্টিবায়োটিকটিকিজ—খ্যাত ম !’

এতটা এনার্জি খরচ করার ফলেই বোধহয় লালমোহনবাবুর মধ্যে এবার একটা বিমধরা ভাব এসে গেল । তার সঙ্গে সেই আলাভোলা হাসি ।

‘ওম্ম্ম মোমোমোমো—ওম্ম্ম !’

এর পরে কখন যে ঘুমিয়ে পড়েছি জানি না । যখন উঠলাম, তখন পুরের জানালা দিয়ে রোদ এসে ঘর একেবারে আলোয় আলো । ফেলুদা চানটান করে দাঢ়িটাড়ি কামিয়ে রেডি, সবেম্বাৰ কাকে যেন ফোন করে রিসিভারটা নামিয়ে রাখল ।

‘উঠে পড় তোপসে, কাজ আছে । আজ সকালেই বাটোর সঙ্গে একবার দেখা করা দরকার । তার অবস্থাটা যে খুব নিরাপদ নয় সেটা তাকে জানানো দরকার ।

‘ফোনটা কাকে করলে ?’

‘পুলিশ স্টেশন । ভেরি গুড নিউজ । দুই সরকারে সমরোতা হয়ে গেছে ।’

‘এ তো দারকণ খবর !’

‘হ্যাঁ । কিন্তু তার আগে আমি নিজে একটা ফোন করেছিলাম, সেটার খবরটা খুব ভাল না ।’

‘কেন ? কাকে করেছিলে ফোন ?’

‘ডাঃ দিবাকর । উনি নাকি আজ ভোরে একটা জরুরি কল পেয়ে চলে গেছেন, এখনও ফেরেননি । ব্যাপারটা মোটেই ভাল লাগছে না ।’

‘কেন ফেলুদা?’

‘মনে হয় উনি আমাদের হয়ে ওযুধ পরীক্ষা করে দেখছিলেন, সেটা চোরাকারবারি দল পছন্দ করেনি। অবিশ্য এটা আমার অনুমান। দেখি, ঘণ্টাখানেক পরে আরেকটা ফোন করে দেখব। তাতেও না হলে ডিসপেনসারিতে চলে যাব।’

লালমোহনবাবুর ব্যাপারটা কতক্ষণ চলেছিল সেটা না জিজ্ঞেস করে পারলাম না।

‘উনি গেছেন ঘণ্টা খানেক হল’, বলল ফেলুদা, ‘পরের দিকটা একেবারে মহানির্বাদের অবস্থা। কোনও উৎপাত করেননি। আসলে এল এস ডি-র প্রভাব সাত-আট ঘণ্টার কমে যায় না।’

‘তুমি অল অ্যালং জেগে ছিলে?’

‘উপায় কী? কখন কী করে বসে তার তো ঠিক নেই। ভাগ্য ভাল ভদ্রলোকের কোনও খারাপ এফেক্ট হয়নি।’

‘এখন একদম নরম্যাল?’

‘পুরোপুরি নয়। যাবার সময় বলে গেলেন আমার মগজের নাকি তিনি ভাগ স্থল, একভাগ জল। সেটা কম্পিউমেন্ট হল কি না ঠিক বুঝলাম না। তবে খোশ মেজাজে আছেন। কোনও ডেঙ্গার নেই।’

১১

আমি আধ ঘণ্টার মধ্যে তৈরি হয়ে নিলাম। ফেলুদা বলেছিল নীচে থাকবে, যাতে টেলিফোন এলে তৎক্ষণাত রিসেপশন থেকেই কথা বলতে পারে। গিয়ে দেখি ও পায়চারি করছে। বলল, ‘এখনও ফেরেনি ডাঃ দিবাকর। মুশকিল হচ্ছে কী, কোথায় যে গেছেন, সেটাও বাড়ির লোকে জানে না।’

‘আর বাটো?’

‘বাটোর লাইনটা পাছি না। আরও বার-দুয়েক দেখি। না হলে ব্রেকফাস্টের পর সোজা চলে যাব ওর আপিসে। এমনিতেও একটা গাড়ির ব্যবস্থা করতে হবে।’

মিনিট তিনেকের মধ্যেই লালমোহনবাবু এসে হাজির। কোনও তাপ-উত্তাপ নেই, যেন অস্বাভাবিক কিছুই ঘটেনি। তবে আমার সঙ্গে যে সামান্য কথাবার্তা হল তাতে বুঝলাম যে চিনি এখনও সম্পূর্ণ হজম হয়নি।

রিসেপশনের দেওয়ালে টাঙানো একটা নেপালি মুখোসের নাকের উপর বার তিনেক হাত বুলিয়ে বললেন, ‘ইংলণ্ডের রাজপ্রাসাদের নামটা কী যেন ভাই তপেশ?’

‘বাকিংহাম প্যালেস?’

‘ইয়েস,’ বললেন লালমোহনবাবু, ‘তবে এর সঙ্গে বোধহয় কমপ্যারিজন হয় না।’

‘কার সঙ্গে?’

‘আমাদের এই হোটেল লুমুষা।’

‘লুম্বিনী।’

‘লুম্বিনী।’

তারপর একটুক্ষণ চুপ থেকে বললেন, ‘এইখানেই তো জমেছিলেন, তাই না?’

‘কে?’

‘গোতম বুদ্ধ?’

‘এই হোটেলে নয় নিশ্চয়ই।’

‘কেন, বিফোর ক্রাইস্ট হোটেল ছিল না বলছ ?’

এই আত্মত আলোচনা আর বেশিরভাবে চলল না, কারণ ফেলুদা এসে বলল যে চটপট ব্রেকফাস্ট সেরে বাটরার আপিস সান ট্যাভেলসে যাওয়া দরকার, ওদের টেলিফোনে পাওয়া যাচ্ছে না।

ফেলুদার দেখাদেখি আমরাও শুধু কঠিতে ব্রেকফাস্ট সারলাম। মন বলছে আজ অনেক কিছু ঘটবে, কিন্তু কী ঘটবে সেটা বুঝতে পারছি না।

আমাদের হোটেল থেকে পাঁচ মিনিটের হাঁটা পথ মিঃ বাটরার আপিস। বেশি বড় না হলেও, বেশ ছিমছাম আপিস, দেখেই বোঝা যায় বয়স বছর-তিনেকের বেশি না। এক দেওয়ালে নেপালের রাজা-রানির ছবি, আর অন্য দেওয়ালে যার ছবি—বুবলাম সেই এই আপিসের মালিক মিঃ রাণ।

আপিসে এসে যে খবরটা পেলাম সেটাকে একটা বমশেল বললেও বাড়িয়ে বলা হবে না।

বাটরার ঘরে গিয়ে দেখি তিনি নেই, রয়েছেন তাঁর সেক্রেটারি মিঃ প্রধান। তাঁর কাছেই জানলাম যে মিঃ বাটরাকে হঠাৎ বেরিয়ে যেতে হয়েছে।

‘এ ভেরি ইম্পট্যাচি পারসন আজ সকালে ফোন করলেন মিঃ বাটরাকে,’ বললেন মিঃ প্রধান। ‘বললেন তেরাইতে আমাদের নতুন বাংলোটা দেখার খুব ইচ্ছা। তাই মিঃ বাটরাকে ওঁর সঙ্গে চলে যেতে হল। আবিশ্য উনি ইনস্ট্রাকশন দিয়ে গেছেন যে আপনার গাড়ি লাগলে যেন তার ব্যবহৃত আমরা করে দিই। তার কোনও ডিফিকল্টি হবে না।’

‘এই ইম্পট্যাচি পারসনটির নাম জানতে পারি কি ?’ ফেলুদা জিজ্ঞেস করল।

‘সার্টেনলি। মিঃ মেঘরাজ। ওবেরয় হোটেলে আছেন। ভেরি বিগ আর্ট ডিলার।’

লালমোহনবাবু আমার হাতটা খৃঢ় করে ধরলেন। বুবলাম মেঘরাজের নামেই ওর নেশা ছুটে গেছে। সত্যিই, যেখানে বাঘের ভয় সেখানেই সঞ্চে হয়। মিঃ বাটরা যে এত সহজেই মগনলালের ফাঁদে পড়ে যাবেন সেটা ভাবতে পারিনি।

‘এখান থেকে আপনাদের বাংলোয় যেতে কতক্ষণ লাগে ?’ ফেলুদা জিজ্ঞেস করল।

‘আপনাকে যেতে হবে ত্রিভুবন রোড দিয়ে হেতাওরা—১৫০ কিলোমিটার। হেতাওরা ইজ এ টাউন—ওখানে আপনি লাওড করে নিতে পারেন। কারণ আমাদের বাংলো নতুন, সেখানে কিচেন চালু হয়নি এখনও। টাউন থেকে ডাইনে ঘুরে রাস্তি নদীর পাশ দিয়ে তিনি কিলোমিটার গিয়ে আরও ডাইনে দু ফার্লং গিয়েই বাংলো। জঙ্গলের মধ্যে—বিউটিফুল স্পট।’

ফেলুদা আধষষ্ঠা পরে হোটেলে গাড়ি পাঠাতে বলে দিল। ওকে একবার নাকি চট করে দরবার স্কোয়ারের দিকে ঘুরে আসতে হবে। বলল, ‘তোরা হোটেলে ফিরে গিয়ে আমার জন্য অপেক্ষা কর। আমার বিশ-পঁচিশ মিনিটের বেশি লাগবে না।’

গাড়ি এল কুড়ি মিনিটের মধ্যে, আর ফেলুদা পঁচিশে। বলল, ওকে নাকি একবার ফ্রিক স্ট্রিট যেতে হয়েছিল। ‘সেটা আবার কোথায় ?’ আমি জিজ্ঞেস করলাম।

‘কাছেই’ বলল ফেলুদা, ‘বলা যেতে পারে হিপি-পাড়া।’

পাঁচ মিনিটের মধ্যে শহর ছাড়িয়ে ত্রিভুবন রোড ধরল আমাদের ট্যাক্সি। ফেলুদার হাতে খাতা, চোখে ভুকুটি, বাইরের দৃশ্য সম্বন্ধে সম্পূর্ণ উদাসীন। লালমোহনবাবুর নেশা ছুটে গেলেও, একটা আশ্চর্য মোলায়েম ভাব লক্ষ করছি ওঁর মধ্যে যেটা আগে কখনও দেখিনি। মনে হয় যেন এ সব সাময়িক উত্তেজনার অনেক উর্ধ্বে উঠে গেছেন তিনি। জানালা দিয়ে বাইরের দৃশ্য দেখে শুধু একটা মাত্র মন্তব্য করলেন—

‘কাল সব ডবল দেখছিলাম, আজ সিঙ্গল।’

ফেলুন্দা কথাটা শুনে খাতা থেকে মুখ তুলে লালমোহনবাবুর দিকে কেমন যেন অন্যমনস্কভাবে চেয়ে থেকে বলল, ‘এটাও যেমন ঠিক, তেমন এর উলটোটাও ঠিক।’

কথাটা আমার কাছে ভীষণ রহস্যজনক বলে মনে হল।

কাঠমাণুর চার হাজার ফুট থেকে আরও অনেক উপরে উঠে এসেছি। তিন পাশ যিরে বরফের চুড়ো দেখা যাচ্ছে। আগেই জানতাম যে সাড়ে সাত হাজার ফুট অবধি উঠতে হবে তাই বোলাতে করে গরম মাফলার নিয়ে নিয়েছিলাম। ঘন্টা দেড়েক চলার পর সেগুলোর প্রয়োজন হয়ে পড়ল। সঙ্গে ফ্লাক্সে কফি ছিল, গাঢ়ি চালু অবস্থাতেই তিনজন খেয়ে নিলাম।

অল্পক্ষণের মধ্যেই নামা শুরু হয়ে গেল। ন্যাড়া মহাভারত পর্বতশ্রেণী ছাড়িয়ে আমরা এখন ঘন সবুজে ঢাকা শিবলিক পর্বতশ্রেণীর দিকে চলেছি। অত দূর যেতে হবে না আমাদের, কারণ মাঝপথেই পড়বে বাষ্পি উপত্যকায় নদীর পাশে হেতাওরা শহর। সেইখান থেকে ত্রিভুবন রাজপথ ছেড়ে ডানদিকে ঘূরব আমরা।

‘তোপসে—বাটোর পুরো নামটা জানিস?’

হাতের খাতাটা বন্ধ করে হাঠৎ প্রশ্ন করল ফেলুন্দা।

আমি বললাম, ‘না তো, উনি তো কোনওদিন বলেননি।’

‘না বললেও তোর জানা উচিত ছিল,’ বলল ফেলুন্দা, ‘ওর আপিসের ঘরে ওর টেবিলের উপর একটা প্লাস্টিকের ফলকে লেখা ছিল পুরো নামটা। অনস্তলাল বাটো।’

হেতাওরা যখন পৌঁছলাম তখন দুটো বেজে গেছে। খিদে পাবার কথা, কিন্তু পায়নি। একেকটা অবস্থায় পড়লে মানুষ খিদে-তেঙ্গো ভুলে যায়, এটা সেই অবস্থা। লালমোহনবাবুকে জিজ্ঞেস করাতে বললেন, ‘ফুড ইজ নাথিং।’

ড্রাইভার রাস্তা জানে, সে ত্রিভুবন রোড ছেড়ে ডানদিকে ঘূরল। একটা সাইন বোর্ড দেখে বুকলাম যে, এই রাস্তা দিয়েই ট্রি-টপস হোটেলে যায়, যেখানে গাছের মাথায় বসানো হোটেলের বারান্দায় বসে তেরাই-এর বন্য জানোয়ার দেখা যায়। আমাদের বাংলো অবিশ্য পড়বে তার অনেক আগেই।

বাঁদিক দিয়ে রাষ্ট্রি নদী ছুটে চলেছে পাথর ভেঙে দু দিকের ঘন জঙ্গলের মধ্যে দিয়ে। আমাদের রাস্তারও ডানদিকে ঘন শালবন। মন বার বার বলছে, এই হল সেই তেরাই, সেই গায়ে কাঁটা দেওয়া অরণ্যভূমি, হিংস্র জানোয়ারের ডেরা হিসেবে যার আর জুড়ি নেই। সিপাহি বিদ্রোহের পর নানাসাহেব তার দলবল নিয়ে ভারতবর্ষ থেকে পালিয়ে এসে এই তেরাইয়েরই এক অংশে গা ঢাকা দিয়ে ছিল।

রাস্তা আবার ডাইনে মোড় নিল। এটা কাঁচা, হালে তৈরি হয়েছে।

এই রাস্তা ধরে মিনিট তিনেক চলেই লাল টালির ছাতওয়ালা কালো কাঠের বাংলোটা চোখে পড়ল। বনের গাছ কেটে বেশ কিছুটা জায়গা সাফ করে কম্পাউন্ডে যেরা বাংলোটা তৈরি হয়েছে।

ডাইনে ঘুরে বাংলোর গেট দিয়ে ঢুকে নৃড়ি ফেলা পথের উপর দিয়ে শব্দ তুলে আমাদের গাড়ি বাংলোর বারান্দার সামনে গিয়ে দাঁড়াল। বাঁয়ে কিছুটা দূরে কম্পাউন্ডেরই ভেতর দুটো পাশাপাশি গ্যারাজের সামনে আর একটা গাড়ি দাঁড়িয়ে আছে।

গাড়ি থামার সঙ্গে সঙ্গে জায়গাটার আশ্চর্য নিষ্ঠদ্বন্দ্ব একটা আন্দাজ পেয়েছি। বিঁবির শব্দ ছাড়া আর কোনও শব্দ নেই। না, সেটা ঠিক না। একটা সামান্য খুটখুট শব্দ কোথেকে আসছে সেটা বুঝতে পারছি না।

আমাদের গাড়ির ড্রাইভার অন্য গাড়িটার দিকে চলে গেল, আমরা তিনজন তিন ধাপ সিঁড়ি
ভেঙে জাল দেওয়া দরজাটা খুলে বারান্দায় গিয়ে চুকলাম।

‘ভিতরে আসুন মিঃ মিত্র !’

সামনের ঘরটাই বৈঠকখানা, তার ভিতর থেকেই ডাকটা এসেছে। মগনলালের পালিশ
করা গঢ়ীর গলাটা চিনতে অসুবিধা হয় না।

আমরা তিনজন গিয়ে বৈঠকখানায় চুকলাম।

ঘরের তিন দিকে সোফা, মাঝখানে একটা বড় গোল টেবিল, দেওয়ালে বাঁধানো নেপালের
দৃশ্য, মেঝেতে তিব্বতি কাপেট। এ ছাড়া পাশে একটা টেবিলের উপর একটা রেডিয়ো
রয়েছে। আর এক কোণে একটা বুক শেলফে কিছু বই আর পত্রিকা।

আমাদের ঠিক সামনের সোফাটায় এক ধারে বসে মগনলাল একটা টিফিন ক্যারিয়ার
থেকে পুরি আর তরকারি খাচ্ছে। একজন চাকর পাশে দাঁড়িয়ে আছে জলের জাগ আর
গামলা হাতে নিয়ে।

এ ছাড়া আর কোনও তৃতীয় ব্যক্তি নেই।

‘আমি জানতাম আপনি আসবেন,’ খাওয়া শেষ করে ভেজা তোয়ালে দিয়ে মুখ মুছে
বললেন মগনলাল। আমরা তিনজনে ইতিমধ্যে বসে পড়েছি।

‘আপনি কী ব্যাপারে এসেছেন, সেটা আমি জানি মিঃ মিত্র। বাট দিস টাইম ইট ইজ
মাই টার্ন। ঘৃঘূতে বার বার খাবে না দানা, খাবে কি ?’

ফেলুদা নির্বাক।

‘বেনারসে আপনি যে বেইজ্জত করলেন আমাকে,’ বললেন মগনলাল, ‘সে তো আমি
ভুলিনি মিঃ মিত্র। বদলা নেবার মওকা যদি আপনি দিয়ে দেন, বদলা আমি নেব না ?’

একটা ধপ ধপ আওয়াজ শুনতে পাচ্ছি মাঝে মাঝে এই বাংলোরই কোনও অংশ থেকে।
মনে হচ্ছে, ডানদিকের কোনও ঘর থেকে আসছে। কীসের শব্দ বোঝা মুশকিল।

‘মিঃ বাটো কোথায় সেটা জানতে পারি কি ?’

মগনলালের হৃষি অগ্রহ্য করে শাস্ত্রভাবে জিজ্ঞেস করল ফেলুদা।

মগনলাল আপসোসের ভঙিতে চুক্ত চুক্ত করে শব্দ করে বললেন, ‘ভেরি স্যাড, মিঃ
মিত্র। আমি তো কাল বললাম আপনাকে—জগ্নীশ আমার রাইট হ্যান্ড ম্যান। রাইট
হ্যান্ড তো একটাই থাকে মানুষের—দোনো কা কেয়া জরুরত ?’

‘আপনি কিন্তু আমার কথার জবাব দিলেন না। আমি জানতে চাই সে ভদ্রলোক
কোথায় ?’

‘বাটো জিন্দা আছে মিঃ মিত্র,’ শেবওয়ানির পকেট থেকে পানের ডিবে বার করে দুটো
পান মুখে পুরে দিয়ে বললেন মগনলাল—‘ডে টাইমে হি উইল বি সেফ। তেরাই-এর বেপার
তো আপনি জানেন। গরমিন্ট ল আছে কী এখানে ওয়াইলড লাইফ মারা চলবে না, লেকিন
ওয়াইলড লাইফ যদি মানুষ মারে, দেন হোয়াট ? সেটার এগনেস্টে কোনও ল আছে কি ?’

‘আপনি যে এখানে চলে এলেন, কাঠমাণুতে আজ কী হচ্ছে সেটা আপনি জানেন ?’

‘কী হচ্ছে মিঃ মিত্র ?’

‘আপনার পাটনের কারখানা আর কাঠমাণুর শুয়োর-গলির গুদোম আজ তচ্ছন্ছ হয়ে
যাচ্ছে।’

মগনলাল সমস্ত দেহ দুলিয়ে অট্টহাসি করে উঠলেন।

‘আপনি কি ভাবেন আমি এত বুদ্ধু মিঃ মিত্র ? পোলিস উইল ফাইন্ড নাথিং, নাথিং।
পাটনে দেখবে হ্যান্ডিক্রাফ্ট তৈয়ার হচ্ছে, আউর শুয়ার-গলিতে দেখবে গুদাম খালি ! সব

মাল লরিতে করে আমি সঙ্গে নিয়ে এসেছি মিঃ মিত্র। হেতাওরা দিয়ে লরিতে মাল যায় ইন্ডিয়া। টিপ্পোর। সেই লরিতে করে সব দাওয়াই চলে যাবে বিহার, ইউ পি। ওষুধের অনেক কাম তো আমার ইন্ডিয়াতেই হয়। লেবেল, ক্যাপসুল, অ্যামপুল, ক্যাপ, ফায়াল, সবই তো ইন্ডিয়া থেকে আসে। বাকি কাম হয় এখানে, বিকজ এখানের লোক ইন্ডিয়ার লোকের চেয়ে কাম করে বেশি। অ্যান্ড বেটার।'

আমার কান্টা খুব ভাল বলেই বোধহয় ঝিঁঝির ডাক ছাপিয়ে আরেকটা আওয়াজ শুনতে পেলাম। ফেলুদার ঘাড়টা এক মুহূর্তের জন্য একবার সামান্য বাঁদিকে ঘূরতে বুঝলাম সেও আওয়াজটা পেয়েছে।

'জগদীশ!'

বুঝলাম মগনলাল কথা শেষ করে কাজে চলে এসেছেন।

ডান পাশের ঘর থেকে ফুলকারি করা পর্দা ফাঁক করে যিনি আমাদের ঘরে এসে চুকলেন, তার বাঁ হাতে ধরা রিভলভারটা সোজা ফেলুদার দিকে তাগ করা রয়েছে।

'উঠুন আপনারা তিনজন!' মগনলাল হাঁকিয়ে হ্রস্ব দিলেন।

আমরা উঠলাম।

'হাত তুলুন মাথার উপরে।'

তুললাম।

'গঙ্গা! কেস্বী!'

আরও দুজন লোক—তাদের ঠিক ভদ্র বলা যায় না—পিছনের দরজা দিয়ে চুকে সোজা আমাদের তিনজনকে সার্চ করে ফেলুদার পকেট থেকে ওর কোণ্ট রিভলভারটা বার করে মগনলালের কাছে দিয়ে দিল।

রিভলভারধারী জগদীশ ভদ্রলোকটিকে দিনের আলোতে দেখেও বাটৱার সঙ্গে যে তফাতটুকু পেয়েছিলাম, তার চেয়ে বেশি পাওয়া যাচ্ছে না।

ডানদিক থেকে আবার সেই ধূপ ধূপ শব্দটা শোনা গেল। এবার মগনলাল সেদিকে একটা বিরক্ত দৃষ্টি দিয়ে বললেন, 'ভেরি স্যারি মিঃ মিত্র, আপনার আর একজন ফ্রেন্ডকেও এখানে নিয়ে এসেছি আমি। উনি আমাদের ওষুধ নিয়ে ল্যাবরেটরিতে টেস্ট করে আমেলা করছিলেন। ন্যাচারেলি ওনাকে রোকে দিতে হল।'

'উনিও কি বাঘের পেটে যাবেন?'

'নো নো মিঃ মিত্র,' হেসে বললেন মগনলাল, 'ওনাকে দিয়ে আমার অন্য কাম হবে। একজন ডকটর হাতে রাখলে সুবিধা হবে আমার, মিঃ মিত্র। আমার নিজের হাঁট খুব ভাল নেই, সেটা আপনি বোধহয় জানেন না।'

'তা হলে চৱাম্বৃততে কাজ দিল না?'

মগনলাল এ কথার কোনও উন্তর দেবার আগেই গঙ্গা ও কেশবী নামে দুটো ষণ্ণা মার্ক লোক লম্বা লম্বা দড়ি নিয়ে ঘরে চুকে সোজা আমাদের দিকে এগিয়ে আসতেই পর পর এমন কতকগুলো ঘটনা ঘটে গেল যে সেগুলো লিখে বোঝানো খুবই কঠিন। তাও আমি চেষ্টা করছি—

প্রথমে বাইরে একটা গাড়ির শব্দতে জগদীশ ভদ্রলোক খ্চ শব্দে রিভলভারটার সেফ্টি ক্যাচটা খুলে ফেলুদার দিকে টান করে বাঢ়াতেই কিছু বোঝার আগেই দেখলাম ফেলুদার ডান পা-টা একটা হাই কিক করে রিভলভারটাকে ভদ্রলোকের হাত থেকে ছিটকে বার করে দিল, কিন্তু তার আগে ট্রিগারের চাপ পড়ে যাওয়াতে তার থেকে সশব্দে একটা গুলি বেরিয়ে বন্ধ সিলিং ফ্যানের ক্লিডের কিনারে লেগে সেটাকে ঘোরাতে আরম্ভ করে দিল।



এই মধ্যে কখন যে ঘরে এত লোক চুকে পড়েছে জানি না। এদের কাউকেই চিনি না, কিন্তু বুঝতে পারছি এরা সবাই পুলিশের লোক। আর তার মধ্যে কিছু নেপালের আর কিছু আমাদের পশ্চিমবাংলার। এদেরই একজন খপ করে ধরে ফেললেন জগদীশকে, যিনি পিছনের দরজা দিয়ে পালাতে গিয়েছিলেন।

মগনলাল সোফা ছেড়ে উঠে দাঁড়িয়েছে, তার চোখ দিয়ে আগুন ঠিকরে বেরোচ্ছে।

‘খবরদার! আমার গায়ে কেউই হাত দিবেন না! খবরদার!’

‘আপনার ব্যাপারে পরে আসছি মগনলালজি,’ বলল ফেলুদা, ‘আগে এনাটা ফয়সালা হয়ে যাক।’

ফেলুদার দৃষ্টি ঘূরে গেছে পুলিশের হাতে বন্দি জগদীশের দিকে।

‘আপনার বাঁ হাতের তর্জনীটা এতক্ষণ বিভলভাবের ট্রিগারে ছিল বলে দেখতে পাইনি,’ বলল ফেলুদা, ‘এখন দেখছি তর্জনীতে বেগুনি কালির দাগ। আপনি কি এখনও সেই লিক-করা কলমটাই ব্যবহার করছেন, মিঃ বাটো?’

‘আপনি মুখ সামলে কথা বলবেন মিঃ মিত্র?’ বাঁড়ের মতো চেঁচিয়ে উঠলেন মগনলাল, ‘জগদীশ ইজ মাই—’

‘জগদীশ না, বাটো—অনন্তলাল বাটো—ইজ ইওর রাইট হ্যান্ড ম্যান। জগদীশ বলে কেউ নেই, নকল বাটো নেই, লোক একজনই। একটু চাপ দিলেই উনি চোখের কন্ট্যাকট লেনস্ দুটো খুলে ফেলবেন, তা হলেই কটা ভাবটা চলে যাবে। আর মিঃ বাটো বোধহয় জানেন না যে তিনি আজ ভোরে চলে আসার পর তার বাড়িতে সার্চ হয়েছিল, এবং একটি চোরা কুঠির থেকে বেশ কিছু জাল একশো টাকার নোট পাওয়া গেছে—যেগুলো আপনার ওই জাল ওষুধের কারখানাতেই ছাপানো হত।’

নেপাল পুলিশের একজন অফিসার এক বাণিজ একশো টাকার নোট বার করে ধরলেন আমাদের সামনে। বাটোরার মুখ ব্লটিং পেপার। ফেলুদা বলল—

‘আপনি একটা কাঁচা কাজ করে ফেলেছিলেন কলকাতায়, মিঃ বাটো। আপনি যে জাল নোটটা দিয়েছিলেন সেই কুকরির দোকানে, সেটা আর ফেরত নেননি। কারণ একবার যখন বলেছেন সেটা আপনি দেননি, তখন আর সেটা ফেরত নেওয়া যায় না। ফলে সেটা দোকান থেকে পুলিশের হাতে চলে আসে। এখন দেখা যাচ্ছে সে নোটের নম্বর আর আজ আপনার বাড়িতে পাওয়া নোটের নম্বর এক।’

বাটোর শেষ অবস্থা, কিন্তু মগনলাল এখনও তস্বি করে চলেছে।

‘আমি ফের বলছি মিস্টার মিত্র, আমি—’

‘আপনি বড় বেশি বকছেন,’ বাধা দিয়ে বলল ফেলুদা, ‘আপনার বুকনিটা বন্ধ করা দরকার। তোপসে, তোরা দুজনে চেপে ধর তো লোকটাকে।’

আমি তো এ সব পারিই, কিন্তু লালমোহনবাবুর মধ্যেও যে হঠাতে এতটা এনার্জি এসে যাবে সেটা ভাবতে পারিনি। দুই রাজ্যের পুলিশ হল দর্শক, আর তার মধ্যে আমাদের এই নাটক।

দুজনের কঙ্গাইভ ঠেলা আর চাপে মগনলাল সোফার সঙ্গে সিঁথিয়ে গেলেন। ফেলুদা এর মধ্যে ওর পকেট থেকে দুটো জিনিস বার করেছে, তার একটা ভদ্রলোকের হাঁসফাঁসানির ফাঁকে তার মুখের ভেতর চাল গেল। এটা হল একটা শুগার কিউব। বুঝলাম এটা আজই সকালে ফ্রিক স্ট্রিটের হিপিদের কাছ থেকে জোগাড় করে এনেছে ফেলুদা। দ্বিতীয় জিনিসটা হল একটা স্কচ টেপ, যেটা থেকে চড়াৎ করে খানিকটা অংশ ছিড়ে ফেলুদা সেটা দিয়ে মগনলালের ঠেট্টি দুটো সিল করে দিল।

সব শেষে একটা সিগারেট কেসের মতো দেখতে জিনিস বার করে নেপাল পুলিশ

অফিসারের হাতে দিয়ে ফেলুদা বলল, ‘এই মিনি-ক্যাস্টে রেকর্ডারটা এই ঘরে চুকবার আগেই আমি পকেটে ঢালু করে দিয়েছিলাম। এতে আপনারা এই ভদ্রলোকের জাল ওযুধের কারবার সম্বন্ধে ওঁর নিজেরই বলা অনেক তথ্য পাবেন।’

১২

ফেলুদা বলল, ‘আমার ধারণা তার আপিসের জনসংযোগের কাজের মধ্য দিয়েই মগনলালের সঙ্গে বাটোর পরিচয় হয়।’

আমরা ফিরতি পথে কাঠমাণুর আশি কিলোমিটার আগে সাড়ে সাত হাজার ফুট হাইটে দামন ভিউ টাওয়ার লজের ছাতে বসে কফি আর স্যান্ডউচ খাচ্ছি। আমরা তিনজন ছাড়া আছেন ডাঃ দিবাকর, মেপাল পুলিশের সাব-ইন্সপেক্টর শর্মা, আর কলকাতার হোমিসাইড ডিপার্টমেন্টের ইন্সপেক্টর জোয়ারদার। ডাঃ দিবাকরকে হাত-পা-মুখ বাঁধা অবস্থায় পাওয়া গিয়েছিল বাংলোর বৈঠকখানার দুটো ঘর পরে দক্ষিণে একটা বেডরুমে। হাত-পা বাঁধা অবস্থাতেই পা দিয়ে মেঝেতে লাথি মেরে উনিই ধপ্ধপ শব্দ করছিলেন। তিনি যে ফেলুদার ফরমাশে তাঁর দোকানের ওযুধ টেস্ট করছেন সে খবর তাঁর চর মারফত পৌঁছায় মগনলালের কাছে। তাঁর রাইট হ্যাণ্ড ম্যান বাটোর আজই ভোরে একটা কুণি দেখতে নিয়ে যাবার অঙ্গিলায় ডাঃ দিবাকরকে তাঁর বাড়ি থেকে তুলে নিয়ে, মগনলালকেও তুলে, এখানে চলে আসে। মগনলালের দলকে নিয়ে যাওয়া হয়েছে কাঠমাণু। এল এস ডি থেয়ে তাঁর কী প্রতিক্রিয়া হয় সেটা কালকের আগে জানা যাবে না। ঘড়িতে বলছে পাঁচটা পাঁচ। বেশ বুঝতে পারছি আমাদের চারিদিকে ধিরে থাকা হিমালয়ের বিখ্যাত চুড়োগুলোতে একটু পরেই সোনার রং ধরতে শুরু করবে।

ফেলুদা বলে—‘বাটোর চতুর লোক, শিক্ষিত আর ভদ্র বলে তাঁর ভারতবর্ষেও যাতায়াত আছে, এই সব জেনে মগনলাল বাটোরকে তাঁর চোরা কারবারের মধ্যে জড়ায়।

‘অনীকেন্দ্র সোম জাল ওযুধের পিছনে উঠে পড়ে লেগেছে শুনে মগনলাল বাটোরকে দিয়ে তাকে হিটাবার মতলব করে। মিঃ সোম কলকাতায় যাচ্ছে জেনে বাটোরকে তাঁর সঙ্গে পাঠায়। হয় এয়ারপোর্টে না হয় প্লেনে, বাটোর সোমের সঙ্গে আলাপ করে, যদিও বাটোর আমার কাছে এটা অঙ্গীকার করে। সোমের নোটবুকে একটা কথা লেখা ছিল—এ বি-র বিষয় আরও জানা দরকার। আমি প্রথমে ভেবেছিলাম এ বি হল অ্যান্টিবায়োটিকস, কিন্তু যখন জানলাম বাটোর প্রথম নাম অনস্তুলাল, তখন বুঝতে পারলাম সোম আসলে বাটোর বিষয়েই আরও জানবার কথা লিখেছিল। হয়তো আলাপ করে বাটোর সম্বন্ধে সোমের মনে কোনও রকম সন্দেহ দেখা দিয়েছিল।

‘আমার বিশ্বাস কথাচ্ছলে সোম বাটোরকে বলেছিল সে কলকাতায় এসে আমার সঙ্গে দেখা করবে। বাটোর আমাকে নামে জানত। তাঁর তখন বিশ্বাস হয় যে সে যদি সোমকে খুন করে, তা হলে সে-খনের তদন্ত আমিহি করব।

‘নিউ মার্কেটে দৈবাং আমার সঙ্গে দেখা হয়ে যাবার ফলে একটা নকল বাটোর তৈরি করার আশ্চর্য ফন্ডিটা বাটোর মাথায় আসে। মার্কেটে তাঁর হাতে প্লাস্টিকের ব্যাগে নতুন কেনা একটা নীল রংয়ের শার্ট ছিল। আমার সঙ্গে আলাপ হবার পরম্পরার্তেই সে কোনও একটি কাপড়ের দোকানে ঢুকে তাঁদের ট্রায়াল রুমে গিয়ে পুরনোর জায়গায় নতুন শার্টটা পরে নিয়ে, পুরনোটা আরেকটা প্যাকেটে ভরে আমাদের সামনে দিয়ে হঁটে চলে যায়, এবং বুঝিয়ে দেয় সে আমাদের আদৌ চেনে না।

‘পরদিন বিকেলে আমার বাড়িতে এসে সে নকল বাটোর ধারণাটা আমার মনে আরও বদ্ধমূল করার চেষ্টা করে। তার পরদিন সকালে নটায় তার কাঠমাণুর ফ্লাইট। মালপত্র নিয়ে ট্যাঙ্কি করে ভোরে হোটেল থেকে বেরোয়, পাঁচটায় সেন্ট্রাল হোটেলে গিয়ে সোমকে খুন করে চলে যায় এয়ারপোর্টে। ছুরিটা সে রেখেই যায়, যেন আমি মনে করি যে গ্র্যান্ড হোটেল থেকে যে লোক ছুরিটা কিনেছিল অর্থাৎ নকল বাটো, সে-ই খুনটা করেছে।’

‘কিন্তু আপনার প্রথম সন্দেহটা হয় কখন?’ প্রশ্ন করলেন ইস্পেষ্টার জোয়ারদার।

ফেলুদা বলল, ‘নিউ মার্কেটে বাটোর একটা পুরনো ফাউন্টেন পেন দিয়ে আমি তার নেটুবুকে আমার ঠিকানাটা লিখে দিই। সে আমাকে দিয়ে লেখাল, কারণ নিজে লিখলে লিখতে হত বাঁ হাতে। সে প্রমাণ করতে চেয়েছিল যে নকল বাটোই লেফট-হ্যান্ডেড। কিন্তু ব্যাপার হচ্ছে কী, যারা ন্যাটা হয়, তারা এক কলম দিয়ে বেশি দিন লিখলে সেই কলমের নিব একটা বিশেষ অ্যাঙ্গেলে ক্ষয়ে যায়, ফলে রাইট-হ্যান্ডেড লোকদের সে কলম দিয়ে লিখতে একটু অসুবিধে হয়। এই সামান্য অসুবিধাটা তখন বোধ করেছিলাম। কিন্তু গা করিনি। পরে যখন জানলাম যিনি খুন করেছেন তিনি লেফট-হ্যান্ডেড, তখনই প্রথম খটকাটা লাগে, আর তখনই স্থির করি যে কাঠমাণু গিয়ে ব্যাপারটা একটু তলিয়ে দেখতে হবে। অবিশ্য এসে যে দেখব খুন একটা নয়, দুটো—সেটা ভাবতেই পারিনি।’

‘ডাবল?’ ভুঁরু তলে প্রশ্ন করলেন লালমোহনবাবু। আমরা সকলেই অবাক, সকলেই জিজ্ঞাসু দৃষ্টিতে দেখছি ফেলুদার দিকে। দ্বিতীয় কোন খুনের কথা বলছে ফেলুদা?

শেষ পর্যন্ত মুখ খুলেন ডাঃ দিবাকর।

‘উনি ঠিকই বলেছেন। টেট্যানাসের ওষুধ আমার টেস্ট করা হয়ে গিয়েছিল। খবরটা মিঃ মিত্রকে দেবার আর সুযোগ হয়নি। ওটা সত্যিই ছিল জাল। কাজেই এই ইনজেকশানের পর টেট্যানাস হয়ে মরাটা এক রকম খুন বইকী। যারা জাল ওষুধ চালু করে তারা তো এক রকম খুনিই।’

‘আমি কিন্তু জাল ওষুধের কথা বলছি না।’

এবার দিবাকরও অবাক হয়ে চাইলেন ফেলুদার দিকে। পাহাড়ের চুড়োগুলোতে সোনালি রং লেগেছে বলেই বোধহয় সকলের মুখ এত হলদে দেখাচ্ছে।

‘তা হলে কীসের কথা বলছেন?’ ডাঃ দিবাকর প্রশ্ন করলেন।

‘সেটা বলার আগে আমি একটা কথা বলতে চাই। হিমাদ্রি চক্ৰবৰ্তী বছৰ তিনেক আগে একটা চোৱা-কাৰবারের ব্যাপার ফাঁস করে দিয়েছিল। এই নতুন চোৱা-কাৰবারটা সম্বন্ধেও তার মনে সন্দেহ জেগে থাকতে পারে সে খবর হৱিনাথবাবু আমাদের দিয়েছেন। সুতোঁ মগনলালের দিক থেকে তাকে হটাবার একটা বড় কাৰণ পাওয়া যাচ্ছে। মগনলাল সে ব্যাপারে পেছ-পা হবার পাত্র নয়।’

‘কিন্তু হটাবে সে কীভাবে?’

‘বাস্তা আছে,’ বলল ফেলুদা, ‘যদি একজন ডাক্তার তার হাতে থাকে।’

‘ডাক্তার?’

‘ডাক্তার।’

‘কোন ডাক্তারের কথা বলছেন আপনি?’

‘এমন ডাক্তার যার অবস্থার উন্নতি দেখা গেছে সম্পত্তি—নতুন গাড়ি, নতুন বাড়ি, সোনার ঘড়ি, সোনার কলম—’

‘আপনি এসব কী ননসেন—’

‘—যে ডাক্তার সামান্য একটা স্ক্র্যাচ দেখে টেট্যানাসের কোনও সম্ভাবনা নেই বুঝোও

ইনজেকশন দেয়। আজ আপনাকে হাত-পা বেঁধে ফেলে রাখাটা যে শ্রেফ ভাঁওতা সেটা কি আমি বুঝিনি, ডাঃ দিবাকর? আপনিও যে বাটিরার মতোই মগনলালের একজন রাইট হ্যান্ড ম্যান, সেটা কি আমি জানি না?

‘কিন্তু জল দিয়ে কি খুন করা যায়?’ কাঁপতে কাঁপতে তারস্বরে প্রশ্ন করলেন ডাঃ দিবাকর।

‘না, জল দিয়ে যায় না, যায় বিষ দিয়ে।’ কপালের শিরা ফুলে উঠেছে ফেলুদার—‘বিষ, ডাঃ দিবাকর, বিষ! স্ট্রিকনিন! যার প্রতিক্রিয়ার সঙ্গে টেক্যানাসের প্রতিক্রিয়ার কোনও পার্থক্য ধরা যায় না। ঠিক কি না, মিঃ জোয়ারদার?’

ইন্সপেক্টর জোয়ারদার গভীরভাবে মাথা নেড়ে সায় দিলেন।

ডাঃ দিবাকর চেয়ার ছেড়ে উঠে দাঁড়িয়েছিলেন, এবার আবার ধপ করে বসে চেয়ার থেকে গড়িয়ে মুখ থুবড়ে মাটিতে পড়ে গেলেন।

আসলে গল্প এখানেই শেষ, তবু লেজুড় হিসেবে তিনটে খবর দেওয়া যেতে পারে।

এক—এল এস ডি খেয়ে মগনলালের প্রতিক্রিয়া নাকি মোটেই ভাল হয়নি, একটানা তিনি ঘন্টা ধরে হাজতের দেয়াল নখ দিয়ে আঁচড়ানোর পর ঘরের টেবিল ক্লথটাকে কাশীর কঢ়োরি গলির রাবড়ি মনে করে চিবিয়ে ফালা ফালা করে দেয়।

দুই—ওযুধের চোরা কারবার, আর সেই সঙ্গে জাল নোটের কারবার—ধরে দেবার জন্য নেপাল সরকার ফেলুদাকে পুরস্কার দেয়, যাতে কাঠমাণুর পুরো খরচটা উঠে আসার পরেও হাতে বেশ কিছুটা থাকে।

তিনি—লালমোহনবাবুর ভীষণ ইচ্ছে ছিল যে আমাদের কাঠমাণুর অ্যাডভেঞ্চার উপন্যাসের নাম হোক ‘ওম্ম মণি পদ্মে হুমিসাইড’। যখন বললাম সেটা একটু বাড়াবাড়ি হয়ে যাবে, ভদ্রলোক শুধু ‘হুম্ম’ বলে যেন একটু রাগত ভাবেই আমাদের ঘরের সোফায় বসে জপযন্ত্র ঘোরাতে লাগলেন।

নেপোলিয়নের চিঠি

১

‘তুমি কি ফেলুদা?’

প্রশ্নটা এল ফেলুদার কোমরের কাছ থেকে। একটি বছর ছয়েকের ছেলে ফেলুদার পাশেই দাঁড়িয়ে মাথাটাকে চিত করে তার দিকে চেয়ে আছে। এই সে দিনই একটা বাংলা কাগজে ফেলুদার একটা সাক্ষাৎকার বেরিয়েছে, তার সঙ্গে হাতে চারমিনার নিয়ে একটা ছবি। তার ফলে ফেলুদার চেহারাটা আজকাল রাঙ্গাযাটে লোকে ফিল্মস্টারের মতোই চিনে ফেলছে। আমরা এসেছি পার্ক স্ট্রিট আর রাসেল স্ট্রিটের মোড়ে খেলনা আর লাল মাছের দেোকান হবি সেটারে। সিধু জ্যাঠার সন্তুর বছরের জন্মদিনে তাঁকে একটা ভাল দাবার সেট উপহার দিতে চায় ফেলুদা।

ছেলেটির মাথায় আলতো করে হাত রেখে ফেলুদা বলল, ‘ঠিক ধরেছ তুমি।’

‘আমার পাখিটা কে নিয়েছে বলে দিতে পারো?’ বেশ একটা চ্যালেঞ্জের সুরে বলল ছেলেটি। ততক্ষণে ফেলুদারই বয়সী এক ভদ্রলোক ভাউন কাগজে মোড়া একটা লম্বা প্যাকেট নিয়ে আমাদের দিকে এগিয়ে এসেছেন, তাঁর মুখে খুশির সঙ্গে একটা অপ্রস্তুত ভাব মেশানো।

‘তোমার নিজের নামটাও বলে দাও ফেলুদাকে’, বললেন ভদ্রলোক।

‘অনিবৃক্ষ হালদার’, গভীর মেজাজে বলল ছেলেটা।

‘ইনি আপনার খুদে ভক্তদের একজন’, বললেন ভদ্রলোক। ‘আপনার সব গল্প ওর মার কাছ থেকে শোনা।’

‘পাখির কথা কী বলছিল ?’

‘ও কিছু না’, ভদ্রলোক হালকা হেসে বললেন, ‘পাখি পোষার শখ হয়েছিল, তাই ওকে একটা চন্দনা কিনে দিয়েছিলাম। যে দিন আসে সে দিনই কে খাঁচা থেকে পাখিটা বার করে নিয়ে যায়।’

‘খালি একটা পালক পড়ে আছে’, বলল ফেলুদার খুদে ভক্ত।

‘তাই বুঝি ?’

‘বাস্তিরে ছিল পাখিটা, সকালবেলা নেই। রহস্য।’

‘তাই তো মনে হচ্ছে। তা অনিবৃক্ষ হালদার এই রহস্যের ব্যাপারে কিছু করতে পারেন না ?’

‘আমি বুঝি গোয়েন্দা ? আমি তো ক্লাস টু-তে পড়ি।’

ছেলের বাবা আর বেশির কথা এগোতে দিলেন না।

‘চলো অনু। আমাদের আবার নিউ মার্কেট যেতে হবে। তুমি বরং ফেলুদাকে একদিন আমাদের বাড়িতে আসতে বলো।’

ছেলে বাবার অনুরোধ চালান করে দিল। এবার ভদ্রলোক একটা কার্ড বের করে ফেলুদার হাতে দিয়ে বললেন, ‘আমার নাম অমিতাভ হালদার।’

ফেলুদা কার্ডটায় একবার চোখ বুলিয়ে বলল, ‘বাবাসতে থাকেন দেখছি।’

‘আপনি হয়তো আমার বাবার নাম শুনে থাকতে পারেন। পার্বতীচরণ হালদার।’

‘হ্যাঁ হ্যাঁ। ওঁর লেখা-টেখাও তো পড়েছি। ওঁরই সব নানারকম জিনিসের কালেকশন আছে না ?’

‘ওটা বাবার নেশা। ব্যারিস্টারি ছেড়ে এখন ওসবই করেন। সারা পৃথিবী ঘুরেছেন ওই সবের পিছনে। আপনার তো অনেক ব্যাপারে ইয়ে আছে, আমার মনে হয় আপনি দেখলে আনন্দ পাবেন। আদিকালের গ্রামোফোন, মুগল আমলের দাবা বড়ে, ওয়ারেন হেস্টিংসের নস্যির কৌটো, নেপোলিয়নের চিঠি...। তা ছাড়া আমাদের বাড়িটাও খুব ইন্টারেস্টিং। দেড়শো বছরের পুরনো। এক দিন যদি ফ্রি থাকেন, একটা ফোন করে দিলে—রোববার-টোববার...। আমিই বরং একটা ফোন করব। ডাইরেক্টরিতে তো আপনার— ?’

‘আজ্জে হ্যাঁ, আমার নামেই আছে। এই যে।’

ফেলুদাও তার একটা কার্ড ভদ্রলোককে দিয়ে দিল।

কথা হয়ে গেল আমরা এই মাসেই এক দিন বারাসত গিয়ে হাজির হব। লালমোহনবাবুর পাড়ি আছে, যাবার কোনও অসুবিধে নেই। এখানে বলে রাখি, লালমোহনবাবু বহাল তবিয়তে এবং খোশমেজাজে আছেন, কারণ এই পুজোয় জটায়ুর জয়ান্ত অমনিবাস বেরিয়েছে, তাতে বাছাই করা দশটা সেরা রহস্য রোমাঞ্চ উপন্যাস। দাম পঁচিশ টাকা এবং

লালমোহনবাবুর ভাষায় ‘সেলিং লাইক হট কচুরিজ।’

সন্ধ্যাবেলা ফেলুদার মুখ শুকনো দেখে জিজ্ঞেস করলাম, কী ব্যাপার। ও বলল, ‘খুদে
মকেলের আরজিটা মাথায় ঘূরছে রে।’

‘সেই চন্দনার ব্যাপারটা?’

‘খাঁচা থেকে পাখি চুরি যায় শুনেছিস কখনও?’

তা শুনিনি সেটা স্থীকার করতেই হল। —‘তুমি কি এর মধ্যেও রহস্যের গৰ্হ পাচ্ছ
নাকি?’

‘ব্যাপারটা ঠিক দৈনন্দিন ঘটনার মধ্যে পড়ে না। চন্দনা তো আর বার্ড অফ প্যারাডাইজ
নয়। এক যদি না কারও নেগলিজেসে খাঁচার দরজাটা বন্ধ করতে ভুল হয়ে গিয়ে থাকে।’

‘কিন্তু সেটা তো আর জানবার কোনও উপায় নেই।’

‘তা থাকবে না কেন? ওখানে গিয়ে জিজ্ঞেস করলেই জানা যায়। আসলে বুঝতে পারছি
এ ব্যাপারটা ও-বাড়ির কেউ সিরিয়াসলি নেয়নি। ঘটনাটা যে অস্বাভাবিক সেটা কারুর
মাথায় ঢোকেনি। অথচ ছেলের মনটা যে খচ খচ করছে সেটা বুঝতে পারছি, না হলে
আমায় দেখে ও কথাটা বলত না। অস্তত একবার যদি গিয়ে দেখা যেত...’

‘তা ভদ্রলোক তো বললেনই যেতে।’

‘হ্যাঁ—কিন্তু সেটাও হয়তো আমাকে সামনা-সামনি দেখলেন বলে। বাড়ি ফিরে সে কথা
আর মনে নাও থাকতে পারে। ছোট ছেলের অনুরোধ বলেই মনে হচ্ছে সেটাকে একেবারে
এড়িয়ে যাওয়া ঠিক নয়।’

ক্রিসমাসের যখন আর পাঁচ দিন বাকি তখনই এক শনিবারের সকালে এসে গেল
অমিতভোবাবুর ফোন। আমি কলটা ফেলুদার ঘরে ট্রান্সফার করে বসবার ঘরের মেন
টেলিফোনে কান লাগিয়ে শুনলাম।

‘মিঃ মিত্র?’

‘বলুন কী খবর।’

‘আমার ছেলে তো মাথা খেয়ে ফেলল। কবে আসছেন?’

‘পাখির কোনও সন্ধান পেলেন?’

‘নাঃ—সে আর পাওয়া যাবে না।’

‘ভয় হয়, আপনার ছেলে যদি ধরে বসে থাকে তার পাখি উদ্ধার করে দেব, তখন সেটা না
পাওয়া গেলে তো বেইজ্জতের ব্যাপার হবে।’

‘সে নিয়ে আপনি চিন্তা করবেন না। ছেলেকে খানিকটা সময় দিলেই সে খুশি হয়ে
যাবে। আসলে আমার বাবার সঙ্গে একবার আপনার আলাপ করিয়ে দিতে চাই। আজ তো
আমার ছুটি; আপনি কী করছেন?’

‘তেমন কিছুই না। আজ দশটা নাগাদ হলে হবে?’

‘নিশ্চয়ই।’

শনি রবি দু দিনই আমাদের বাড়িতে সকাল নটায় লালমোহনবাবুর আসাটা একেবারে
হাস্তেড় পারসেন্ট শিওর। ঘড়ির কাঁটায় কাঁটায় আসাটা কলকাতা শহরে আজকাল আর সন্তুষ
নয়, তবে দশ মিনিট এদিকে ওদিকের বেশি হয় না কোনও দিনই। আজও হল না। ঠিক
নটা বেজে পাঁচ মিনিটে ঘরে ঢুকে ধপ্ করে সোফায় বসে পড়ে বললেন, ‘কালি কলম মন,
লেখে তিনজন। মশাই, পুজোর লেখার ধকলের পর শীতকালটা এলে লেখার চিন্টাটা
থাউজ্যান্ড মাইলস দূরে চলে যায়—কালি কলম খাতার দিকে আর চাইতেই ইচ্ছা করে না।’

লালমোহনবাবু ইদানীং প্রবাদ নিয়ে ভীষণ মেতে উঠেছেন। সাড়ে তিনশো প্রবাদ নাকি
১৩৮

উনি মুখ্য করেছেন। লেখার ফাঁকে ফাঁকে লাগসই প্রবাদ গঁজে দিতে পারলে সাহিত্যের রস নাকি ঘনীভূত হয়। তিনি অবিশ্য শুধু লেখায় নয়, কথাতেও যখন-তখন প্রবাদ লাগাচ্ছেন। আজ ভদ্রলোকের পরনে ছাই রঙের টেরিলিনের প্যান্ট আর সবুজ সোয়েটার, আর হাতে এক চাঙড়ি কচুরি। কচুরির কারণ আর কিছুই না—হঠ কচুরির আজকাল আর তেমন ডিমান্ড আছে কি না ফেলুদার এই প্রশ্নের উত্তরে লালমোহনবাবু বলেন, ‘মশাই, বাগবাজারের মোহন ময়রার দোকানে কচুরির জন্য কিউ দেখলে মনে হবে সেখানে কোনও বোস্থাই-মার্ক হিন্দি হিট ছবি চলছে। আপনাকে খাওয়ালে বুঝবেন উপমাটা কত অ্যাপ্রোপ্রিয়েট।’

সঙ্গে এক ফ্লাক্ষ জল আর কচুরির চাঙড়িটা নিয়ে আমরা বেরিয়ে পড়লাম। লালমোহনবাবু পার্বতী হালদারের নাম শোনেননি। তবে নেপোলিয়নের চিঠি শুনে ভয়ানক ইম্প্রেস্ড হলেন। বললেন ইঙ্গুলে থাকতে ওঁর হিরো নাকি ছিল নেপোলিয়ন। ‘গ্রেট ম্যান, বোনাপার্টি কথাটা বার তিনেক চাপা গলায় বললেন যাবার পথে।

ভি আই পি রোডের আগে স্পিড তুলতে পারলেন না লালমোহনবাবুর ড্রাইভার হরিপদবাবু। বারাসতে যখন পৌঁছলাম, তখন প্রায় সাড়ে দশটা।

অমিতাভবাবুদের বাড়িটা মেন রোডের উপরেই, তবে গাছপালায় ঘেরা বলে আসল বাড়িটা রাস্তা থেকে চোখে পড়ে না। গেট দিয়ে ঢুকে নৃড়ি ফেলা রাস্তায় খানিকটা গিয়ে তবে থামওয়ালা দালানটা দেখা যায়। একেবারে সাহেবি ঢঙের বাড়ি, বয়সের ছাপ যতটা থাকার কথা ততটা নেই; মনে হয় বছরখানেকের মধ্যেই অস্তত সামনের অংশটায় চুনকাম ও রিপেয়ার দুই-ই হয়েছে। বাড়ির সামনে একটা বাঁধানো পুকুরের চারিপাশে সুপুরি গাছের সারি।

অমিতাভবাবু নীচেই অপেক্ষা করছিলেন আমাদের জন্য, ফেলুদা লালমোহনবাবুর সঙ্গে আলাপ করানোতে বললেন, ‘আমি নিজে আপনার লেখা পড়িনি বটে, তবে আমার স্ত্রী রহস্য-রোমাঞ্চ সিরিজের ভীষণ ভক্ত।’

আমরা শেত পাথরের সিঁড়ি দিয়ে দোতলায় উঠলাম। পার্বতীবাবুর কালেকশনের জিনিস নাকি সবই দোতলায়।

‘বাবার আগে আমার পুত্রের সঙ্গে দেখাটা সেরে নিন’, বললেন অমিতাভবাবু। ‘বাবার কাছে এখন লোক আছে। উনি বাইরের লোকের সঙ্গে দেখা-সাক্ষাত্গুলো সকালেই করেন।’

‘অ্যান্দুরেও লোক এসে উৎপাত করে?’

‘বাবার মতো কিছু কালেক্টর আছেন, তাঁরা প্রায়ই আসেন। তা ছাড়া সম্পত্তি বাবা একজন সেক্রেটারির জন্য কাগজে বিজ্ঞাপন দিয়েছেন। তার জন্য কিছু লোক দেখা করতে আসছে।’

‘ওন্মুর সেক্রেটারি নেই?’

‘আছে, তবে তিনি দিল্লি চলে যাচ্ছেন সামনের সপ্তাহে একটা ভাল কাজ পেয়ে। লোকটি বেশ কাজের ছিল। আসলে সেক্রেটারির ব্যাপারে বাবার লাক্টাই খারাপ। গত দশ বছরে চারটি সেক্রেটারি এল গেল। একটি তো বছরখানেক কাজ করার পর মেনিনজাইটিসে মারা গেলেন। আরেকটি কথা নেই বার্তা নেই, সাঁইবাবার ভক্ত হয়ে বিবাগী হয়ে গেলেন। এখন যে ভদ্রলোকটির সঙ্গে বাবা কথা বলছেন, তাকে সাত বছর আগে তাড়িয়ে দেন। সেও ছিল সেক্রেটারি।’

‘কেন, তাড়ান কেন?’

‘ভদ্রলোক কাজ খুব ভালই করতেন, তবে অসম্ভব কুসংস্কারী। বাবা সেটা একেবারে সহ্য করতে পারতেন না। একবার ইজিপ্ট থেকে একটা জেড পাথরের মৃত্তি আনার পর কলকাতায় এসে বাবার অসুখ করে। সাধনবাবু বাবাকে সিরিয়াসলি বলেন যে, মৃত্তি যে দেবীর, তাঁর অভিশাপ পড়েছে বাবার ওপর। এই এক কথাতেই বাবা তাঁকে একরকম ঘাড় ধরে বার করে দেন।’

‘এই সাধনবাবু যদি আবার এসে থাকেন তা হলে তাঁকে খুবই অপটিমিস্টিক বলতে হবে, এবং আপনার বাবাকে অত্যন্ত ক্ষমাশীল বলতে হয়।’

‘আসলে লোকটাকে তাড়িয়ে দেবার পর বাবার একটু অনুশোচনা হয়েছিল। কারণ ভদ্রলোকের অবস্থা মোটেই ভাল ছিল না। আর বাবা ওঁকে সার্টিফিকেটও দেননি।’

বাড়িটা বাইরে থেকে বিলিতি ধাঁচের হলেও, ভিতরটা বাংলা জমিদারি বাড়ির মতোই। মাঝখানের নাটমন্দিরকে ঘিরে দোতলার বারান্দার এক পাশে সারি সারি ঘর। বৈঠকখানা, আর পার্বতীচরণের স্টাডি বা কাজের ঘর সামনের দিকে, আর ভিতর দিকে সব শোবার ঘর। ফেলুদার খুদে মকেল বারান্দায় তার ঘরের সামনেই দাঁড়িয়ে ছিল। আমরা সেই দিকে এগিয়ে যাব, এমন সময় জুতোর শব্দ শুনে বৈঠকখানার দিকে চেয়ে দেখি, নীল কোট পরা হাতে ত্রিফেসওয়ালা একজন লোক গটগটিয়ে ঘরটা পেরিয়ে সিঁড়ির দিকে চলে গেল। অমিতাভবাবু বললেন, ‘এই সেই প্রাক্তন সেক্রেটারি সাধনবাবু। ভদ্রলোককে খুব প্রসন্ন বলে মনে হল না।’

‘এই যে আমার পাখির খাঁচা’, ফেলুদা তার সামনে গিয়ে দাঁড়াতেই বলল অনিবার্দ্ধ।

‘আমি তো সেটাই দেখতে এলাম।’

খাঁচাটা একটা ছুক থেকে ঝুলছে বারান্দায় রেলিং-এর উপরে। ঝুকবাকে ভাবটা দেখে বোঝা যায় খাঁচাটাও কেনা হয়েছিল পাখির সঙ্গেই। ফেলুদা সেটার দিকে এগিয়ে গেল। দরজাটা এখনও খোলাই রয়েছে।

‘আপনার বাড়ির কোনও চাকরের পাখিতে অ্যালার্জি আছে বলে জানেন?’

অমিতাভবাবু হেসে উঠলেন।

‘সেটা ভাববার তো কোনও কারণ দেখি না। আমাদের বাড়ির কোনও চাকরই কুড়ি বছরের কম পুরনো নয়। তা ছাড়া এক কালে এ বাড়িতে একসঙ্গে দুটো গ্রে প্যারট ছিল। বাবা নিজেই এনেছিলেন। অনেক দিন ছিল তারপর মারা যায়।’

‘এই ব্যাপারটা লক্ষ করেছেন কি?’

ফেলুদা বেশ বিচ্ছুর্ণ হাত দিয়ে খাঁচাটাকে নেড়ে-চেড়ে প্রশ্নটা করল।

অমিতাভবাবুর সঙ্গে আমরা দুজনও এগিয়ে গেলাম।

ফেলুদা খাঁচার দরজাটার একটা অংশে আঙুল দিয়ে দেখাল।

‘ছেট একটা লালের ছোপ বলে মনে হচ্ছে?’ বললেন অমিতাভবাবু। ‘তার মানে কি—?’

‘যা ভাবছেন তাই। ব্রাদ।’

‘চন্দনা মার্ডার?’ বলে উঠলেন লালমোহনবাবু।

ফেলুদা খাঁচার দরজাটা বন্ধ করে দিয়ে বলল, ‘পাখির রক্ত না মানুষের রক্ত সেটা কেমিক্যাল অ্যানালিসিস না করে বোঝা যাবে না। তবে একটা স্ট্রাগ্ল হয়েছে তাতে কোনও সন্দেহ নেই। অবিশ্য সেটা তেমন অস্বাভাবিক কিছু নয়। এটা বোঝাই যাচ্ছে যে খাঁচার দরজা খোলা রাখার জন্য পাখি পালায়নি; দরজা খুলে পাখিকে বার করে নেওয়া হয়েছে। আপনারা কোথেকে কিনেছিলেন পাখিটা?’

‘নিউ মার্কেট,’ বলে উঠল অনিবার্দ্ধ।



অমিতাভবাবু বললেন, ‘নিউ মার্কেটের তিনকড়িবাবুর পাখির দোকান খুব পুরনো দোকান। আমাদের জানাশোনা অনেকেই ওখান থেকে পাখি কিনেছে।’

অনিলদ্বন্দ্ব ইচ্ছা ছিল তার নতুন কেনা খেলনাগুলো আমাদের দেখায়, বিশেষ করে মেশিনগানটা, কিন্তু অমিতাভবাবু বললেন, ‘এঁরা আবার তোমার কাছে আসবেন। তখন তোমার খেলনা দেখবেন, তোমার মা-র সঙ্গে আলাপ করবেন, চা খাবেন—সব হবে। আগে দাদুর সঙ্গে আলাপ করিয়ে দিই, কেমন?’

আমরা পার্বতীবাবুর স্টাডিও উদ্দেশে রওনা দিলাম।

কিন্তু দাদুর সঙ্গে আর আলাপ হল না। লালমোহনবাবু পরে বলেছিলেন, এক-একটা ঘটনার শক্তি-এর এফেক্ট নাকি সারা জীবন থাকে। এটা সেইরকম একটা ঘটনা।

বৈঠকখানায় চুকেই বুরোছিলাম চারিদিকে দেখবার জিনিস গিজগিজ করছে। সে সব দেখার সময় তের আছে মনে করে আমরা এগিয়ে গেলাম ঘরের দক্ষিণ-পশ্চিম কোণে পরদা দেওয়া স্টাডিও দরজার দিকে।

‘আসুন’ বলে অমিতাভবাবু গিয়ে চুকলেন ঘরের মধ্যে। আর ঢোকামাত্র এক অস্ফুট চিৎকার দিয়ে উঠলেন—

‘বাবা !’

ফেলুদার অমিতাভবাবুকে দু হাত দিয়ে ধরতে হল, কারণ ভদ্রলোক প্রায় পড়েই যাচ্ছিলেন।

ততক্ষণে আমরা দুজনেও ঘরে চুকেছি।

বিরাট মেহগনি টেবিলের পিছনে একটা রিভলভিং চেয়ারে বসে আছেন পার্বতীচরণ হালদার। তাঁর মাথাটা চিত, দুটো পাথরের মতো চোখ চেয়ে আছে সিলিং-এর দিকে, হাত দুটো ঝুলে রয়েছে চেয়ারের দুটো হাতলের পাশে।

ফেলুদা এক দৌড়ে চলে গেছে ভদ্রলোকের পাশে। নাড়ীটা দেখার জন্য হাতটা বাড়িয়ে আমাদের দিকে ফিরে বলল, ‘তোরা দৌড়ে গিয়ে ওই সাধন লোকটাকে আটকা... দারোয়ানকে বল। দরকার হলে বাইরে রাস্তায় দ্যাখ—’

আমার সঙ্গে সঙ্গে লালমোহনবাবুও ছুট দিলেন। মন বলছিল, দশ মিনিট চলে গেছে, সে লোককে আর পাওয়া যাবে না—বিশেষ করে যদি সে খুন করে থাকে।

সিঁড়ি দিয়ে নামবার সময় এক ভদ্রলোকের সঙ্গে প্রায় কোলিশন হয়েছিল। পরে জেনেছিলাম উনি পার্বতীচরণের বর্তমান সেক্রেটারি হ্যাকেশবাবু। দুজন অচেনা লোককে এইভাবে তড়িঘড়ি নামতে দেখে তিনি কী ভাবলেন সেটা আর তখন ভাবার সময় ছিল না।


বাইরে কেউ নেই, রাস্তায়ও না, কারুর থাকার কথাও নয়। যেটা সবচেয়ে অন্তর্ভুক্ত লাগল সেটা হল এই যে দারোয়ান জোর গলায় বলল গত দশ মিনিটের মধ্যে কেউ গেট দিয়ে বাইরে যায়নি। বাবুর কাছে লোক আসবে বলে সে সকাল থেকে ডিউটি রয়েছে, তার ভুল হতেই পারে না।

‘চলো বাগানের দিকটা দেখি’, বললেন লালমোহনবাবু, ‘হয়তো কোথাও ঘাপটি মেরে আছে।’

তাই করলাম। দক্ষিণের পুকুরের ধার, পশ্চিমের গোলাপ বাগান, কম্পাউন্ড ওয়ালের পাশটা, চাকরদের ঘরের আশেপাশে, কোথাও বাদ দিলাম না। পাঁচিল টপকানোও সহজ নয়, কারণ প্রায় আট ফুট উচু।

হাল ছাড়তে হল।

সাধনবাবু উধাও।



পার্বতীবাবুকে মাথার উপরের একটা ভারী জিনিস দিয়ে আঘাত মেরে খুন করা হয়েছে। এন্দের বাড়ির ডাঙোর সৌরীন সোম বললেন, মৃত্যুটা হয়েছে মারার সঙ্গে সঙ্গেই। ভদ্রলোকের রক্ষের চাপ ওঠা-নামা করত, হার্টেরও গোলমাল ছিল।

ইতিমধ্যে পুলিশও এসে গেছে। ইন্সপেক্টর হাজরা ফেলুদাকে চেনেন। মোটামুটি খাতিরও করেন। সাধারণ পুলিশের লোক প্রাইভেট ইনভেস্টিগেটরকে যে রকম অবজ্ঞার চোখে দেখে, সে রকম নয়। বললেন, ‘আমাদের যা ঝটিন কাজ তা করে যাচ্ছি আমরা, যদি কিছু তথ্য বেরোয় তো আপনাকে জানাব।’

ফেলুদা বলল, ‘যে ভারী জিনিসটা দিয়ে খুন করা হয়েছিল সেটা সম্বন্ধে কোনও আইডিয়া করেছেন?’

হাজরা বললেন, ‘তেমন তো কিছু দেখছি না আশেপাশে। খুনি সেই জিনিসটা নিয়েই ভেগেছে বলে মনে হচ্ছে।’

‘পেপারওয়েট।’

‘পেপারওয়েট?’

‘একবার আসুন আমার সঙ্গে।’

হাজরা ও ফেলুদার পিছন পিছন আমরাও চুকলাম ঘরের মধ্যে।

ফেলুদা টেবিলের একটা অংশে আঙুল দিয়ে দেখাল।

সবুজ ফেন্টের উপর মিহি ধুলো জমে আছে। তারই একটা অংশে একটা ধুলোহীন গোল চাকতি। খুব ভাল করে লক্ষ না করলে বোঝা যায় না।

‘অমিতাভবাবুকে জিজ্ঞেস করেছিলাম’, বলল ফেলুদা, ‘একটা বেশ বড় এবং ভারী ভিক্টোরীয় আমলের কাচের পেপারওয়েট থাকত এই টেবিলের উপর। এখন নেই।’

‘ওয়েল ডান, মিস্টার মিন্টির !’

‘কিন্তু আসল লোক তো বেমালুম হাওয়া হয়ে গেল বলে মনে হচ্ছে’, ঘর থেকে বেরিয়ে এসে বলল ফেলুদা।

হাজরা বললেন, ‘নাম আর ডেস্ক্রিপশন যখন পাওয়া গেছে, তখন তাকে খুঁজে বের করতে অস্বিধা হবে না। তা ছাড়া সে তো অ্যাপ্লিকেশন করেছিল; সেটা থেকে থাকলে তো তার ঠিকানাই পাওয়া যাবে। আমার মনে হয় দারোয়ান সত্ত্বি কথা বলছে না। একটা সময় সে গেটের কাছে ছিল না; তখনই লোকটা পালিয়েছে। মেন রোডের উপর বাড়ি, হয়তো বেরিয়েই বাস পেয়ে গেছে। অবিশ্য সে ছাড়াও তো আরও লোক এসেছিল সকালে। সাধনবাবু আসার ঠিক আগেই আরেকজন ভদ্রলোক এসেছিলেন। খুন্টা তিনিও করে থাকতে পারেন।’

‘কিন্তু পার্বতীবাবুকে মৃত দেখলে সাধনবাবু আর থাকবেন কেন?’

‘আপনি তো দেখেছেন ঘরটা; ও তো কিউরিওর দোকান মশাই। একজন লোক যদি অসৎ হয়, ও ঘরে চুকে মালিক মৃত দেখলে তো তার পোয়া বারো।’

‘আপনি দেখলে বুঝতে পারবেন কোনও জিনিস গেছে কি না?’

ফেলুদা প্রশ্নটা করল বর্তমান সেক্রেটারি হ্যাকেশ দ্বারকে। ভদ্রলোক দশটার ঠিক আগে বেরিয়েছিলেন পোস্ট আপিসে দুটো জরুরি বিদেশি টেলিগ্রাম করতে। ফেরার পরেই আমাদের সঙ্গে সিঁড়িতে দেখা হয়।

‘তা হয়তো পারতে পারি’, বললেন হ্যাঁকেশবাবু। ‘বাইরের যা জিনিস তা মোটামুটি সবই আমার জানা। ভিতরে আলমারিবলি জিনিসেরও একটা তালিকা একবার আমাকে দিয়ে করিয়েছিলেন মিঃ হালদার। তার কিছু জিনিস বোধহয় আজ পেস্টনজীকে দেখাবার জন্য বার করেছিলেন। পেস্টনজী আসেন সাড়ে নটায়।’

‘এই পেস্টনজীর সঙ্গে কি আগেই আলাপ ছিল পার্টীবাবুর?’

‘খুব। প্রায় দশ বছরের আলাপ। মাসে অস্তত দুবার করে আসতেন। উনিও একজন কালেক্টর। মিঃ হালদারের সংগ্রহে একটা চিঠি ছিল, সেটা দেখতেই ভদ্রলোক আসেন।’

‘এটা কি সেই নেপোলিয়নের চিঠি?’

‘হ্যাঁ।’

‘সেটা কি মিঃ হালদার বিক্রি করার কথা ভাবছিলেন?’

‘মোটেই না। পেস্টনজীর খুব লোভ ছিল ওটার উপর। তিনি মোটা টাকা অফার করবেন, আর মিঃ হালদার রিফিউজ করবেন—তাতে পেস্টনজীর মুখের ভাবটা কেমন হবে সেটা দেখেই মিঃ হালদারের আনন্দ। এ ব্যাপারে ওঁর একটা জিদও ছিল। এই চিঠিটা কেনার জন্য একবার এক আমেরিকান দাম চড়াতে চড়াতে বিশ হাজার ডলারে উঠেছিল। মিঃ হালদার ক্রমাগত মাথা নেড়ে গেলেন। সাহেবের মুখ লাল, শেষ পর্যন্ত মুখ খারাপ করতে আরম্ভ করল, আর সমস্ত ব্যাপারটা বসে বসে উপভোগ করলেন মিঃ হালদার। আজও পেস্টনজী গলা চড়াতে শুরু করেছিলেন সেটা আমি বাইরে থেকেই বুঝতে পেরেছিলাম।’

‘কীসের মধ্যে থাকত জিনিসটা?’

‘একটা অ্যালক্যাথিনের খামে।’

‘তা হলে বোধ হয় যায়নি চিঠিটা। কারণ খামটা টেবিলের উপরই রয়েছে। আর তার মধ্যে একটা সাদা ভাঁজ করা কাগজও দেখলাম।’

‘না গেলেই ভাল। ও চিঠির মর্ম সকলে বুঝবে না।’

চুরি হয়েছে কি না সেটা এখন জানা যাবে না, কারণ পুলিশ ও ঘরে কাজ করছে; তা ছাড়া পুলিশের ডাক্তার এইমাত্র এসেছেন, তিনি লাশ পরীক্ষা করছেন।

হ্যাঁকেশবাবু বললেন, ‘আশ্চর্য। যে সময় সাধনবাবু গেলেন, প্রায় সে সময়ই আমি ফিরেছি। অথচ লোকটার সঙ্গে দেখা হল না।’

‘আপনি বেরিয়েছেন ক’টায়?’ ফেলুদা জিজ্ঞেস করল।

‘ঠিক দশটা বাজতে পাঁচ। এখান থেকে পাঁচ মিনিট লাগে পোস্টাপিস যেতে। খোলার সঙ্গে সেই টেলিগ্রামগুলো দিতে চেয়েছিলাম।’

‘সে তো পাঁচ মিনিটের কাজ, তা হলে ফিরতে এত দেরি হল কেন?’

হ্যাঁকেশবাবু মাথা নাড়ালেন।—‘আর বলবেন না মশাই। ঘড়ির ব্যান্ডের খোঁজ করছিলুম স্টেশনারি দোকানগুলোতে। দেখছেন না ডান হাতে ঘড়ি পরেছি। ব্যান্ডটা ঢিলে হয়ে গেছে। বাঁ কব্জি আমার ডান কব্জির চেয়ে প্রায় আধ ইঞ্চি সরু। ব্যান্ড ঢল্যাল করে। কোনও লাভ হল না। সেই নিউ মার্কেট ছাড়া গতি নেই।’

ভদ্রলোক ডান হাতে ঘড়ি পরেন সেটা আগেই লক্ষ করেছি।

‘আপনি এ বাড়িতেই থাকেন?’ ফেলুদা জিজ্ঞেস করল। অমিতাভবাবু ভিতরে সামলাচ্ছেন, তা ছাড়া উনি নিজেও বেশ ভেঙে পড়েছেন, তাই ফেলুদা হ্যাঁকেশবাবুর কাছ থেকে যা তথ্য পাওয়া যায় বার করে নিচ্ছে।

‘হাঁ, এ বাড়িতেই’, বললেন হ্যাকেশবাবু, ‘একতলায়। ফ্যামিলি-ট্যামিলি নেই, তাই মিঃ হালদার বললেন এখানেই থাকতে; ঘরের তো অভাব নেই। সাধনবাবুও শুনেছি এ বাড়িতেই থাকতেন।’

‘এ কাজ তো ছেড়ে চলে যাচ্ছিলেন আপনি। ভাল লাগছিল না বুঝি?’

‘প্রাণ হাঁপিয়ে উঠেছিল মশাই। তা ছাড়া উন্নতির সুযোগ আজকের দিনে কে ছাড়ে বলুন। মিঃ হালদার অবিশ্য এমপ্লিয়ার হিসেবে ভালই ছিলেন। তাঁর বিরক্তে কিছু বলার নেই আমার।’

আর একজন ভদ্রলোকের সঙ্গে এর মধ্যে আলাপ হয়েছে, যদিও কথা হয়নি। তিনি হলেন অমিতাভবাবুর ছেট ভাই অচিষ্ট্যবাবু। ভদ্রলোক বাড়িতেই ছিলেন, তাই বোধ হয় পুলিশ এখন তাঁকে জেরা করছে। ফেলুদা হ্যাকেশবাবুকেই জিজ্ঞেস করলেন ছেট ভাইয়ের কথা।

‘অচিষ্ট্যবাবু কী করেন?’

‘থিয়েটার।’

‘থিয়েটার?’

আমরা তিনজনেই অবাক।

‘পেশাদারি থিয়েটার? মানে থিয়েটার করেই ওঁর রোজগার?’

হ্যাকেশবাবুকে উত্তরটা দিতে যেন বেশ একটু ভাবতে হল। বললেন, ‘এ সব ভেতরের ব্যাপার। আর সত্যি, আমার পক্ষে বলাটা বোধ হয় খুব শোভা পায় না। এ ফ্যামিলিতে থিয়েটার করাটা বেমানান তাতে সন্দেহ নেই, তবে আমার একটা সন্দেহ হয়েছে যে অচিষ্ট্যবাবুর মনে একটা বড় রকমের অভিমান ছিল। চার ভাইয়ের মধ্যে উনিই একমাত্র বিলেত যাননি পড়াশুনো করতে। আসলে বড় ফ্যামিলিতে ছেট ভাই অনেক সময় একটু নেগলেকটেড হয়। ওনার ক্ষেত্রে মনে হয় সেটাই হয়েছে। আমার সঙ্গে মাঝে-মধ্যে কথাবার্তা থেকেও সেটাই মনে হয়েছে। চাকরি একটা করিয়ে দিয়েছিলেন মিঃ হালদারই, কিন্তু অচিষ্ট্যবাবু সেটা ছেড়ে দেন। থিয়েটারের শখটা বোধ হয় এমনিতেই ছিল। বারাসতে একটা ড্রামাটিক ক্লাব নিয়ে খুব মেতে ওঠেন, কিন্তু তাতে মন ভরে না। এখন নবরঙ্গমঞ্চে ঘোরাঘুরি করছেন। দু-একটা হিরোর পার্টও নাকি করেছেন। কালও দেখছিলাম পার্ট মুখস্থ করছেন।’

এবারে ইনস্পেক্টর হাজরা এগিয়ে এলেন আমাদের দিকে। অচিষ্ট্যবাবুর জেরা শেষ। তিনি গোমড়া মুখে ঘর থেকে বেরিয়ে গেলেন। হাজরা বললেন, ‘খুন্টা হয়েছে দশটা থেকে সাড়ে দশটার মধ্যে। পেস্টনজী ছিলেন সাড়ে ন'টা থেকে দশটার কিছু পর অবধি। সাধান দস্তিদার এসেছেন সোয়া দশটায়, গেছেন সাড়ে দশটায়। ছেট ছেলের ঘর থেকে বাইরের কাবান্দা দিয়ে সোজা বাপের ঘরে যাওয়া যায়। বাড়ির ভেতরের লোক দেখতে পাবে না। দশটা পাঁচ থেকে সোয়া দশটার মধ্যে অচিষ্ট্যবাবু বাপের ঘরে এসে থাকতে পারেন। উনি বলছেন সারা সকাল পার্ট মুখস্থ করেছেন, কেবল সাড়ে দশটা নাগাদ একবার ভাইপো অনিকুন্দের ডাক পেয়ে তার কাছে যান তার খেলার মেশিনগানটা দেখতে। তখনও তিনি বাপের মৃত্যু-সংবাদ পাননি। যাই হোক, মোটামুটি তিন জনেরই মোটিভ ছিল। ছেলের সঙ্গে বাপের বনত না, পেস্টনজী ছিলেন মিঃ হালদারের রাইভ্যাল, আর সাধান দস্তিদারের ছিল পুরনো আক্রেশ। এই হল ব্যাপার। এবার আপনি এসে একটু দেখে বলুন তো কিছু চুরি গেছে কি না।’

শেষ অনুরোধটা করা হল হ্যাকেশবাবুকে। ভদ্রলোক এগিয়ে গেলেন স্টাডির দিকে,



আমরা তাঁর পিছনে।

ঘরটায় চুকে হয়ীকেশবাবু একবার চারিদিকে চোখ বুলিয়ে নিলেন। মেক্যানিক্যাল জিনিসে পার্বতীবাবুর খুব শখ ছিল, কারণ বৈঠকখানায় দেখেছি একটা প্রথম যুগের সিলভার গ্রামফোন, আর এ ঘরে দেখেছি একটা আদিকালের ম্যাজিক ল্যান্টার্ন। তা ছাড়া ছোট মূর্তি, পাত্র, দোয়াত, কলম, পিণ্ডল, পুরনো ছবি, ম্যাপ, বই—এ সব তো আছেই। বাইরের জিনিসপত্র দেখে, চাবি দিয়ে আলমারি, বাঞ্চি দেরাজ ইত্যাদি খুলে দেখে অবশ্যে হয়ীকেশবাবু জানালেন যে কোনও জিনিস গেছে বলে তো মনে হচ্ছে না।

ফেলুদা বলল, ‘আপনি অ্যালক্যাথিনের খামটা একবার দেখলেন না?’

‘ওতে তো চিঠিটা রয়েছে বলেই মনে হচ্ছে।’

‘তবু একবার দেখে নেওয়া উচিত।’

হয়ীকেশবাবুকে খামটা খুলে ভেতরের কাগজটা টেনে বাব করতে হল। কাগজের রংটা দেখেই আমার সন্দেহ হয়েছিল; পুরনো কাগজ কি এত সাদা হয়? ভাঁজ করা কাগজটা খুলে ফেলেই ভদ্রলোক চেঁচিয়ে উঠলেন।

‘এ কী! এ তো প্যাড থেকে ছেঁড়া হালদার মশাইয়ের নিজের চিঠির কাগজ!’

অর্থাৎ নেপেলিয়নের চিঠি উধাও।

৩

আরও আধ ঘটা ছিলাম আমরা হালদারবাড়িতে। সেই সময়টা ফেলুদা বাড়ির কম্পাউন্ডটা ঘুরে দেখল। বাগানটা দেখা শেষ করে, কম্পাউন্ড ওয়ালের কোনও অংশ নিচ বা ভাঙ

আছে কি না দেখে আমরা পুকুরের কাছে এলাম। ফেলুদার দৃষ্টি মাটির দিকে, জানি ও পায়ের ছাপ খুঁজছে। শুকনো মাটি, পায়ের ছাপের সঙ্গাবন্ধ কম, তবে পুকুরের পূর্ব পাড়ে একটা অংশ ফেলুদার দৃষ্টি আকর্ষণ করায় সে থেমে গেল।

একটা ছোট বুনো ফুলের গাছ যেন কীসের চাপে পিষে গেছে। আর সেটা হয়েছে কিছুক্ষণ আগেই।

ফেলুদা ফুলের আশপাশটা দেখে পুকুরের দিকে চেয়ে কিছুক্ষণ চুপ করে দাঁড়িয়ে রইল। এ পুকুর ব্যবহার হয় না, তাই জলটা পানার আবরণে ঢেকে গেছে। আমরা যেখানটা দাঁড়িয়ে আছি, সেখান থেকে হাত পাঁচেক দূরে বেশ খানিকটা জায়গা জুড়ে পানা সরে গিয়ে জল বেরিয়ে পড়েছে।

কিছু ফেলা হয়েছে কি জলের মধ্যে ? তাই তো মনে হয়।

কিন্তু ফেলুদা এ নিয়ে কোনও মন্তব্য করল না। যা দেখবার ও দেখে নিয়েছে।

বাড়ি ফেরার সময় লালমোহনবাবু হঠাৎ বললেন, ‘বাগানে একটা চন্দনা দেখলুম বলে মনে হল। একটা পেয়ারা গাছ থেকে উড়ে একটা সজনে গাছে গিয়ে বসল।’

‘সেটা আমাদের বললেন না কেন ?’ ধমকের সুরে বলল ফেলুদা।

‘কী জানি, যদি বেরিয়ে যায় টিয়া ! দুটো পাখি এত কাছাকাছি। তবে এ পাখিটা কথা বলে।’

‘আপনি শুনলেন কথা ?’

‘শুনলুম বইকী। আপনারা তখন বাগানের উলটো দিকে। আমি আরেকটু হলেই একটা তেঁতুলে বিছের উপর পা ফেলেছি, এমন সময় শুনলুম, “বাবু, সাবধান।” আর মুখ তুলে দেখি পাখি।’

‘পাখি বলল বাবু সাবধান ?’

‘তাই তো স্পষ্ট শুনলুম। আপনারা বিশ্বাস করবেন না বলেই বলিনি।’

বিশ্বাস করাটা সতিই কঠিন, তাই কথা আর এগোল না।

তবে এটা ঠিক যে এ রকম একটা খুন আর এ রকম চুরির পরেও ফেলুদার মন থেকে চন্দনার ব্যাপারটা যাচ্ছে না। খুনের দু দিন পর, সোমবার সকালে চা খাওয়ার পর ফেলুদার কথায় সেটা বুঝতে পারলাম। ও বলল, ‘পার্বতীবাবুর খুন আর নেপোলিয়নের চিঠি চুরি—এই দুটো ঘটনাই গতানুগতিক। কিন্তু আমাকে একেবারে বোকা বানিয়ে দিয়েছে এই পাখি চুরির ব্যাপারটা।’

গতকাল অমিতাভবাবু ফোন করেছিলেন ; ফেলুদা জানিয়ে দিয়েছে যে নেহাত দরকার না পড়লে এই অবস্থায় ও আর ওঁদের বিস্তৃত করবে না, বিশেষ করে পুলিশ যখন তদন্ত চালাচ্ছে। লালমোহনবাবু বলেছেন সোমবার হলেও আজ একবার আসবেন, কারণ কী ডেডলোপমেন্ট হচ্ছে না হচ্ছে সেটা জানার ওঁর বিশেষ আগ্রহ।

আমি বললাম, ‘পাখির খাঁচার গায়ে রক্তটা পাখির না মানুষের সেটা তো এখনও জানা গেল না।’

‘ওটা যে মানুষের, সেটা অ্যানালিসিস না করেই বলা যায়’, বলল ফেলুদা। ‘কেউ যদি পাখিকে খাঁচা থেকে বার করতে যায় তা হলে সেটা সাবধানেই করবে, কিন্তু পাখি ছটফট করতে পারে, খামচাতে পারে, ঠোক্রাতে পারে। অর্থাৎ যে লোকে পাখিটাকে বার করেছে, তার হাতে জখমের চিহ্ন থাকা উচিত।’

‘সে জিনিস ও বাড়ির কারুর হাতে দেখলে ?’

উহু। সেটার দিকে আমি চোখ বেথেছিলাম। বাবু, চাকর কারুর হাতেই দেখিনি। অথচ টাটকা জখম। অমিতাভবাবু বললেন পার্ক স্ট্রিটে আমাদের সঙ্গে দেখা হবার দু দিন আগে পাখিটা কিনেছিলেন। তার মানে ১৩ ডিসেম্বর। খুনটা হয় ১৯ ডিসেম্বর। ...এই পাখির জন্য আমি অন্য ব্যাপারগুলোতে পুরোপুরি মনও দিতে পারছি না।'

'খুনের সুযোগ কার কার ছিল তার একটা লিস্ট করছিলে না তুমি কাল রাণ্টিরে ?'

'শুধু সুযোগ নয়, মোটিভও।'

ফেলুদার পাশেই সোফায় পড়েছিল খাতাটা। সে ওটা খুলে বলল, 'সাধান দস্তিদার সম্বন্ধে নতুন কথা বলার বিশেষ কিছু নেই। রহস্যটা হচ্ছে তার অস্তর্ধান। এটা সম্ভব হয় একমাত্র যদি দারোয়ান মিথ্যে কথা বলে থাকে। সাধান তাকে ভালুকম ঘৃষ দিয়ে থাকলে এটা হতে পারে। সেটা পুলিশে বার করুক। মিথ্যেবাদীকে সত্য বলানোর রাস্তা তাদের জানা আছে।

'তৃতীয় সাসপেন্ট—পেস্টনজী। তবে পেস্টনজীর সত্ত্ব বছর বয়স; বুড়ো মানুষের পক্ষে এ খুন সম্ভব কি না সেটা ভাবতে হবে। আঘাতটা করা হয়েছিল রীতিমতো জোরে। অবিশ্য সতরেও অনেকের স্বাস্থ্য দিব্য ভাল থাকে। সেটা ভদ্রলোককে চাকুষ না দেখা পর্যন্ত বোঝা থাবে না।'

'তৃতীয়—অচিন্ত্য হালদার। বাপের উপর ছেলের টান না থাকলেও খুন করার মতো আক্রেশ ছিল কি না সেটা ভাবার কথা। তবে নেপোলিয়নের চিঠি হাতাতে পারলে ওর আর্থিক সমস্য কিছুটা মিট্ট ঠিকই। আর কেউ না হোক, পেস্টনজী যে সে চিঠি কিনতে রাজি হতেন, সেটা বোধহয় অনুমান করা যায়। চতুর্থ—'

'আবার আরও একজন আছে নাকি ?'

'তাকে সাসপেন্ট বলে বলছি না, কিন্তু অমিতাভবাবু সে সময়টা কী করছিলেন, সেটা জানা দরকার বইকী। তাঁর জবানিতে তিনি বলেছেন সকালে তিনি বাগানে থাকেন। ওঁর খুব ফুলের শখ। সে দিন দশটা পর্যন্ত তিনি বাগানে ছিলেন। মাঝে একবার আমাদের ফোন করতে নটার সময় তাঁকে নীচের বৈঠকখানায় আসতে হয়। তারপর আমরা আসার আগে আর দোতলায় যাননি। চাকর তাঁকে চা দিয়ে যায় দশটার সময় একতলায় বাগানের দিকের খোলা বারান্দায়। আমাদের গাড়ির আওয়াজ পেয়ে তিনি সামনের দিকে চলে আসেন। দোতলায় যান তিনি একেবারে আমাদের নিয়ে, তার আগে নয়।'

'সব শেষে হলেন হ্রীকেশবাবু। ইনি দশটা বাজতে পাঁচে বেরিয়েছেন সেটা দারোয়ান দেখেছে, কিন্তু ফিরতে দেখেছে কি না মনে করতে পারছে না। দারোয়ানের কথাবার্তা খুব রিলায়েবল বলে মনে হয় না। চলিশ বছর চাকরি করছে বটে হালদার বাড়িতে, হয়তো এমনিতে বিশ্বস্ত, কিন্তু বয়স হয়েছে সতরের উপর, কাজেই স্মরণশক্তি ক্ষীণ হয়ে আসা অস্বাভাবিক নয়। হ্রীকেশবাবু স্টেশনারি দোকানে অটো সময় কাটিয়েছেন কি না সেটা জানা দরকার। যদি সে ব্যাপারে মিথ্যেও বলে থাকেন, তার খুনের সুযোগ সম্বন্ধে সন্দেহ থেকেই যায়। একমাত্র নেপোলিয়নের চিঠি হাত করা ছাড়া মোটিভও খুঁজে পাওয়া যায় না।'

ফেলুদা খাতাটা বন্ধ করল। আমি বললাম, 'চাকর-বাকরদের বোধহয় সব ক'টাকেই বাদ দেওয়া যায়।'

'শুনলাই তো চাকর সব ক'টাই পুরনো। তাদের মধ্যে বেয়ারা মুকুন্দ পার্বতীচরণের ঘরে কফি নিয়ে যায় পেস্টনজী ও পার্বতীবাবুর জন্য। পার্বতীচরণ একা থাকলেও রোজ দশটায় কফি খেতেন। এ ছাড়া আর কোনও চাকর নটার পর পার্বতীচরণের ঘরে যায়নি। বাড়িতে

লোক বলতে আর আছে অমিতাভবাবুর স্ত্রী, অনিরুদ্ধ, পার্বতীবাবুর আশি বছরের বুড়ি মা, মালী, মালীর এক ছেলে, ড্রাইভার ও দারোয়ান। অচিন্ত্যবাবু বিয়ে করেননি।’

ফেলুদা একটা চারমিনার ধরাবার সঙ্গে সঙ্গেই ফোন বেজে উঠল। ইনস্পেক্টর হাজরা।

‘কী খবর বলুন স্যার, বলল ফেলুদা।

‘সাধান দস্তিদারের ঠিকানা পাওয়া গেছে।’

‘ভেরি গুড়।’

‘ভেরি ব্যাড, কারণ সে ঠিকানায় ওই নামে কেউ থাকে না।’

‘বটে?’

‘এবং কোনও দিন ছিলও না।’

‘তা হলে?’

‘তা হলে আর কী—যে তিমিরে সেই তিমিরে। মহা ফিচেল লোক বলে মনে হচ্ছে।’

‘আর হ্যাকেশবাবুর অ্যালিবাই ঠিক আছে?’

‘উনি পোস্টাপিসে গিয়েছিলেন দশটায় এবং টেলিগ্রামগুলো করেছেন এটা ঠিক। তারপর স্টেশনারি দোকানে ঘাবার কথা যেটা বললেন সেটা ভেরিফাই করা গেল না, কারণ দোকানে কেউ মনে করতে পারল না।’

‘আর পেস্টনজী?’

‘অসম্ভব তিরিক্ষ যেজাজের লোক। প্রচণ্ড ধনী। দেড়শো বছর কলকাতায় আছে এই পার্শ্ব ফ্যামিলি। এমনিতে বেশ শক্ত সমর্থ লোক, তবে কাবু হয়ে আছেন আরথাইটিসে, ডান হাত কাঁধের উপর ওঠে না। ওঁর পক্ষে এই খুন প্রায় ইমপসিবল। লর্ড সিন্হা রোডে গিয়ে রোজ সকালে ফিজিওথেরাপি করান। চেক করে দেখেছি; কথাটা সত্য।’

‘তা হলে তো সাধান দস্তিদারের সন্ধানেই লেগে থাকতে হয়।’

‘আমার ধারণা লোকটা বারাসতেই থাকে, কারণ ওর অ্যাপ্লিকেশনের খামে বারাসতের পোস্টমার্ক রয়েছে।’

‘সে কী, এ তো খুবই ইন্টারেস্টিং ব্যাপার।’

‘আমরা খোঁজ করছি। এখনে গা ঢাকা দিয়ে থাকতে পারবে বলে মনে হয় না। ও, ভাল কথা, খোকার ঘরে চোর এসেছিল।’

‘আবার?’

‘আবার মানে?’

হাজরা পার্থিব কথাটা জানেন না। ফেলুদা সেটা চেপে গিয়ে বলল, ‘না, বলছিলাম—একটা চুরি তো হল বাড়িতে, আবার চোর?’

‘যাই হোক, কিছু নেয়নি।’

‘খোকা টের পেল কী করে?’

‘সে বাবা-মায়ের পাশের ঘরে একা শোয়। বিলিতি কায়দা আর কী! তা কাল মাঝে রাত্তিরে নাকি খুটখাট শব্দে ঘূম ভেঙে যায়। ছেলের সাহস আছে। “কে” বলে চেঁচিয়ে ওঠে, আর তাতেই নাকি চোর পালিয়ে যায়। আমি খোকাকে জিজ্ঞেস করলুম—তোমার ভয় করল না? তাতে সে বললে যে বাড়িতে খুন হবার পর থেকে নাকি সে বালিশের তলায় মেশিনগান নিয়ে শোয়, আর সেই কারণেই নাকি তার ভয় নেই।’

দশটার সময় লালমোহনবাবু এসে হাজির। ফেলুদাকে গভীর দেখে ভদ্রলোক ভারী ব্যস্ত হয়ে উঠলেন।—‘সে কী মশাই, আপনি এখনও অন্ধকারে নাকি?’

‘কী করি বলুন—রোজ যদি একটা করে নতুন রহস্যের উদ্ধৃত হয়, তা হলে ফেলু মিত্রির

কী করে ?'

'আবার রহস্য ?'

'খোকার ঘরে চোর ঢুকেছিল কাল রাত্তিরে ।'

'বলেন কী ? চোরের কি কোনও বাছবিচার নেই ? মুড়ি-মিছরি এক দর ?'

'এখন আপনার উপর ভরসা ।'

'হ্ল—চন্দ্ৰ-সূৰ্য অস্ত গেল, জোনাক ধৰে বাতি—ভীম্ব দ্রোগ কৰ্ণ গেল, শল্য হল রথী ! তবে হ্যাঁ—চন্দনার ব্যাপারটা কিন্তু আমায় হন্ট কৰছে । ওটা নিয়ে একটা আলাদা তদন্ত কৰা উচিত । আপনার সময় না থাকলে আমি কৰতে রাজি আছি । তিনকড়িবাবুৰ দোকানে আমার খুব যাতায়াত ছিল এককালে ।'

'সে কী, এটা তো বলেননি আগে ।'

'আৰে মশাই, এককালে খুব পাখিৰ শখ ছিল আমার । একটা ময়না ছিল, সেটাকে মেঘনাদবধ কাব্যেৰ প্ৰথম লাইন আবৃত্তি কৰতে শিখিয়েছিলাম ।'

'জল পড়ে পাতা নড়ে দিয়ে শুক কৰা উচিত ছিল আপনার ।'

ভদ্রলোক ফেলুদার খোঁচাটা অগ্রাহ্য কৰে আমার দিকে ফিরে বললেন, 'কী হে তপেশবাবু, যাবে নিউমার্কেট ?'

ফেলুদা বলল, 'যেতে হয় তো বেরিয়ে পড়ুন । আমি ঘণ্টাখানেক পৰে আপনাদেৱ মিট কৰব ।

'কোথায় ?'

'নিউ মার্কেটেৰ মধ্যখানে, কামানটাৰ পাশে । বিস্তৰ ঘোৱাঘুৱি আছে, বাইৱে খাওয়া আছে ।'

সপ্তাহে এক দিন রেস্টুৱ্যান্টে খাওয়াটা আপনাদেৱ রেগুলার ব্যাপার ।

লালমোহনবাবুৰ গাড়িতে কৰে বেরিয়ে পড়লাম ।

নিউ মার্কেটেৰ পাথিৰ বাজারেৰ জবাব নেই । তবে তিনকড়িবাবু যে জটায়ুকে চিনবেন না তাতে আশচৰ্য হবার কিছু নেই, কাৰণ ভদ্রলোক এ দোকানে শেষ এসেছেন সিক্স্টি এইটো । লালমোহনবাবু এক গাল হেসে 'চিনতে পাৱছেন ?' জিজ্ঞেস কৰাতে তিনকড়িবাবু তাঁৰ মোটা চশমার উপৰ দিয়ে লালমোহনবাবুৰ দিকে চেয়ে বললেন, 'চেনা মুখ তো ভুলি না চট কৰে । নাকু বাবু তো ? আপনি কাৰবালা ট্যাঙ্ক রোডে থাকেন না ?'

লালমোহনবাবুৰ চৃপসানো ভাব দেখে আমিহি কাজেৰ কথাটা পাড়লাম ।

'আপনার এখান থেকে গত দিন দশকেৰ মধ্যে কি কেউ একটা চন্দনা কিনে নিয়ে গেছে ? বারাসতেৰ এক ভদ্রলোক ?'

'বারাসতে কিনা জানি না, তবে দুখানা চন্দনা বিক্রি হয়েছে দিন দশকেৰ মধ্যে । একটা নিল জয়শক্তি ফিলিম কোম্পানিৰ মেপেনবাবু । বলল চিন্ময়ী মা না মৃন্ময়ী মা কী একটা বইয়েৰ শুটিং-এ লাগবে । ভাড়ায় চাইছিল—আমি বললুম সে দিন আৱ নেই । নিলে ক্যাশ দিয়ে নিয়ে যান, কাজ হয়ে গেলে পৰ আপনাদেৱ হিৰোইনকে দিয়ে দেবেন ।'

'আৱ অন্যটা যে বেচলেন, সেটা কোথেকে এসেছিল আপনাদেৱ দোকানে মনে আছে ?'

'কেন মশাই, অত ইনফৰমেশনে কী দৰকাৰ ?'

ভদ্রলোক একটু সন্দিক্ষ বলে মনে হল ।

'সেই পাখিটা খাঁচা থেকে চুৱি গেছে অত্যন্ত রহস্যজনকভাৱে', বললেন লালমোহনবাবু, 'সেটা ফিরে পাওয়া দৰকাৰ ।'

'ফিরে পেতে চান তো কাগজে অ্যাডভাৱটাইজ দিন ।'

‘তা না হয় দেব, কিন্তু আপনার দোকানে কোথেকে এসেছিল সেটা—’

‘অতশ্চত বলতে পারব না। আপনি অ্যাডভার্টাইজ দিন।’

‘পাখিটা কথা বলত কি ?’

‘তা বলবে না কেন ? তবে কী বলত জিজ্ঞেস করবেন না। সতেরোটা টকিং বার্ড আছে আমার দোকানে। কেউ বলে গুড মর্নিং, কেউ বলে ঠাকুর ভাত দাও, কেউ বলে জয় গুরু, কেউ বলে রাধাকেষ্ট—কোনটা কোন পাখি বলে সেটা ফস্ক করে জিজ্ঞেস করলে বলতে পারব না।’

আধ ঘণ্টা সময় ছিল হাতে, তার মধ্যে লালমোহনবাবু একটা নখ কাটার ক্লিপ, আধ ডজন দেশবন্ধু মিলসের গেঞ্জি আর একটা সিগন্যাল টুথপেস্ট কিনলেন। তারপর চীনে জুতোর দোকানে গিয়ে একটা মোকাসিনের দাম করতে করতে আমাদের অ্যাপয়ন্টমেন্টের সময় এসে গেল। আমরা কামানের কাছে যাবার তিনি মিনিটের মধ্যেই ফেলুদা হাজির।

‘এবার কোথায় যাওয়া ?’ মার্কেট থেকে বাইরে এসে জিজ্ঞেস করলেন লালমোহনবাবু।

‘পার্শ্বি প্রায় দুশো বছর ধরে কলকাতায় আছে, সেটা জানতেন ?’

‘বলেন কী ? সেই সিরাজদ্দৌলার আমল থেকে ?’

‘সেই রকম একটি প্রাচীন পার্শ্বি বাড়িতে এখন যাব আমরা। ঠিকানা হচ্ছে—ফেলুদা পকেট থেকে খাতা বার করল—

‘একশো তেগ্রিশের দুই বৌবাজার স্ট্রিট।’

8

একশো তেগ্রিশের দুই বৌবাজার স্ট্রিট দেড়শো বছরের পুরনো বাড়ি কি না জানি না। তবে এত পুরনো বাড়িতে এর আগে আমি কখনও যাইনি তাতে কোনও সন্দেহ নেই। দুটো দোকানের মাঝখানে একটা খিলেনের মধ্যে দিয়ে প্যাসেজ পেরিয়ে কাঠের সিঁড়ি। সেই সিঁড়ি দিয়ে তিনতলায় গিয়ে ডান দিকে ঘুরে সামনেই দরজার উপর পিতলের ফলকে লেখা ‘আর. ডি. পেস্টনজি’। কলিং বেল টিপতেই একজন বেয়ারা এসে দরজা খুলল। ফেলুদা তার হাতে তার নিজের নাম আর পেশা লেখা একটা কার্ড দিয়ে দিল।

মিনিট তিনিক পর বেয়ারা এসে বলল, ‘পাঁচ মিনিটের বেশি সময় দিতে পারবেন না বাবু।’

তাই সই। আমরা তিনজন বেয়ারার সঙ্গে গিয়ে একটা ঘরে চুকলাম।

বিশাল অঙ্কুরার বৈঠকখানা, তারই এক পাশে দেওয়ালের সামনে সোফায় বসে আছেন ভদ্রলোক। সামনে টেবিলে রাখা বোতলে পানীয় ও গেলাস। গায়ের রং ফ্যাকাসে। নাকটা তিয়া পাখির মতো ব্যাঁকা, চওড়া কপাল জুড়ে মেচেতা।

সোনার চশমার মধ্যে দিয়ে ঘোলাটে চোখে আমাদের দিকে চেয়ে কর্কশ গলায় বললেন, ‘বাট ইউ আর নট ওয়ান ম্যান, ইউ আর এ ক্রাউড !’

ফেলুদা ক্ষমা চেয়ে ইঁরাজিতে বুঝিয়ে দিল যে তিনজন হলেও, সে একাই কথা বলবে ; বাকি দুজনকে ভদ্রলোক অনায়াসে অগ্রহ্য করতে পারেন।

‘ওয়েল, হোয়াট ডু ইউ ওয়ন্ট ?’

‘আপনি পার্বতী হালদারকে চিনতেন বোধহয় ?’

‘মাই গড়, এগেন !’

ফেলুদা হাত তুলে ভদ্রলোককে ঠাণ্ডা করার চেষ্টা করে বলল, ‘আমি পুলিশের লোক নই

সেটা আমার কার্ড দেখেই নিশ্চয় বুঝেছেন। তবে ঘটনাক্রে আমি এই খনের তদন্তে জড়িয়ে পড়েছি; আমি শুধু জানতে চাইছিলাম—এই যে নেপোলিয়নের চিঠিটা চুরি হয়েছে, সেটা সম্বন্ধে আপনার কী মত।’

পেস্টনজী কিছুক্ষণ চুপ করে থেকে বললেন, ‘তুমি দেখেছ চিঠিটা?’

ফেলুদা বলল, ‘কী করে দেখব, যে দিন ভদ্রলোকের মৃত্যু, সে দিনেই তো আমি প্রথম গেলাম তার বাড়িতে।’

পেস্টনজী বললেন, ‘নেপোলিয়নের বিষয় পড়েছ তো তুমি?’

‘তা কিছু পড়েছি।’

ফেলুদা গত দু দিনে নেপোলিয়ন সম্বন্ধে আর পুরনো আর্টিস্টিক জিনিস সম্বন্ধে সিধু জ্যাঠার কাছ থেকে বেশ কিছু বই ধার করে এনে পড়েছে সেটা আমি জানি।’

‘সেন্ট হেলেনায় তার শেষ নির্বাসনের কথা জানো তো?’

‘তা জানি।’

‘কোন সালে সেটা হয়েছিল মনে আছে?’

‘১৮১৫।’

ভদ্রলোকের ঠেঁটের কোণে হাসি দেখে বুঝলাম তিনি ইম্প্রেস্ড হয়েছেন। বললেন, ‘এই চিঠি লেখা হয়েছিল ১৮১৪ খ্রিস্টাব্দে। সেন্ট হেলেনায় যে ছ বছর বেঁচেছিলেন নেপোলিয়ন, সেই সময়টা তাঁকে চিঠি লিখতে দেওয়া হয়নি। তার মানে এই চিঠিটা তাঁর শেষ চিঠিগুলির মধ্যে একটা। কাকে লেখা সেটা জানা যায়নি—শুধু ‘মঁশোরামী’—অর্থাৎ “আমার প্রিয় বন্ধু।” চিঠির ভাব ও ভাষা অপূর্ব। সব হারিয়েছেন তিনি, কিন্তু এই অবস্থাতেও তিনি এক বিন্দু আদর্শচূর্চ্যত হননি। এ চিঠি লাখে এক। জুরিখ শহরে এক সর্বস্বাস্ত মাতালের কাছ থেকে জলের দরে এ চিঠি কিনেছিলেন পার্বতী হালদার। আর সে জিনিস আমার হাতে চলে আসত মাত্র বিশ হাজার টাকায়।’

‘কী রকম?’—আমরা সকলেই অবাক—‘মাত্র বিশ হাজার টাকায় এ চিঠি আপনাকে বিক্রি করতে রাজি ছিলেন মিঃ হালদার?’

পেস্টনজী মাথা নাড়লেন।—‘নো নো। হি ডিউন্ট ওয়ার্ন্ট টু সেল ইট। হালদারের গোঁ ছিল সাংঘাতিক। ওঁর এদিকটা আমি খুব শ্রদ্ধা করতাম।’

‘তা হলে?’

পেস্টনজী গেলাসটা তুলে মুখে খানিকটা পানীয় ঢেলে বললেন, ‘তোমাদের কিছু অফার করতে পারি? চা, বিয়ার—?’

‘না না, আমরা এখুনি উঠব।’

‘ব্যাপারটা আর কিছুই না’ বললেন পেস্টনজী, ‘এটা পুলিশকে বলিনি। ওদের জেরার ঠেলায় আমার ব্লাড প্রেশার চড়িয়ে দিয়েছিল সাংঘাতিকভাবে। ইউ লুক লাইক এ জেন্টলম্যান, তাই তোমাকে বলছি। কাল সকালে একটা বেনামি টেলিফোন আসে। লোকটা সরাসরি আমায় জিজ্ঞেস করে, আমি বিশ হাজার টাকায় নেপোলিয়নের চিঠিটা কিনতে রাজি আছি কি না। আমি তাকে গতকাল রাত্রে আসতে বলি। সে বলে সে নিজে আসবে না, লোক পাঠিয়ে দেবে, আমি যেন তার হাতে টাকাটা দিই। সে এও বলে যে, আমি যদি পুলিশে খবর দিই তা হলে আমারও দশা হবে পার্বতী হালদারের মতো।’

‘এসেছিল সে লোক?’—আমরা তিনজনেই যাকে বলে উদ্গ্রীব, উৎকর্ণ।

পেস্টনজী মাথা নাড়লেন।—‘নো। নোবডি কেম।’

আমরা তখনই উঠে পড়তাম, কিন্তু ফেলুদার হঠাতে পেস্টনজীর পিছনের তাকের উপর



ମହାନ୍ତିର

ରାଖା ଏକଟା ଜିନିସର ଦିକେ ଦୃଷ୍ଟି ଗେଛେ ।

‘ଓଟା ମିଂ ଯୁଗେର ପୋର୍ସିଲେନ ବଲେ ମନେ ହଚ୍ଛେ ?’

ଭଦ୍ରଲୋକେର ଦୃଷ୍ଟି ଉତ୍ସାହିତ ।

‘ସାଂ, ତୁମି ତୋ ଏ ସବ ଜାନୋଟାନୋ ଦେଖଛି । ଏକ୍କୁଇଜିଟ ଜିନିସ ।’

‘ଏକବାର ଯାଦି...’

‘ନିଶ୍ଚଯାଇ, ନିଶ୍ଚଯାଇ । ହାତେ ନିଯେ ନା ଦେଖଲେ ବୁଝାତେ ପାରବେ ନା ।’

ଭଦ୍ରଲୋକ ଉଠେ ଗିଯେ ଜିନିସଟାର ଦିକେ ହାତ ବାଡ଼ିଯେଇ ‘ଆଉଟ !’ ବଲେ ଯନ୍ତ୍ରଣାୟ କୁଞ୍ଚକେ

গেলেন ।

‘কী হল ?’ ফেলুদা গভীর উৎকর্ষার সুরে বলল ।

‘আর বোলো না ! বুড়ো বয়সের যত বিদ্যুটে ব্যারাম । আরথাইটিস । হাতটা কাঁধের উপর তুলতেই পারি না ।’

শেষকালে ফেলুদা নিজেই এগিয়ে গিয়ে তাক থেকে চীনেমাটির পাত্রটা নামিয়ে নিয়ে হাতে করে ঘূরিয়ে ঘূরিয়ে দেখে বার দু-এক ‘সুপাৰ্ব’ বলে আবার যথাস্থানে রেখে দিল ।

‘ভদ্রলোকের সত্যিই হাত ওঠে কি না সেটা যাচাই করা দরকার ছিল’, রাস্তায় এসে বলল ফেলুদা ।

‘ধন্য মশাই আপনার মস্তিষ্ক ! বলুন, এবার কোনদিকে ?’

‘বলতে সংকোচ হচ্ছে । এবার একেবারে কর্নওয়ালিস স্ট্রিট ।’

‘কেন, সংকোচের কী আছে ?’

‘যা দাম হয়েছে আজকাল পেট্রোলের ।’

‘আরে মশাই, দাম তো সব কিছুরই বেশি । আমার যে বই ছিল পাঁচ টাকা, সেটা এখন এইট রপিজ । অথচ সেল একেবারে স্টেডি । আপনি ওসব সংকোচ-টৎকোচের কথা বলবেন না ।’

কর্নওয়ালিস স্ট্রিটের নতুন থিয়েটার নবরঙ্গমঞ্চে গিয়ে হাজির হলাম । প্রোপ্রাইটারের নাম অভিলাষ পোদ্দার । ফেলুদা কার্ড পাঠাতেই তৎক্ষণাত আমাদের ডাক পড়ল । দোতলার আপিস ঘরে চুকলাম গিয়ে ।

‘আসুন আসুন, কী সৌভাগ্য আমার, স্বনামধন্য লোকের পায়ের ধুলো পড়ল এই গরিবের ঘরে !’

নাদুস-নুদুস বার্নিশ করা চেহারাটার সঙ্গে এই বাড়িয়ে কথা বলাটা বেশ মানানসই । হাতে সোনার ঘড়ি, ঠোঁট দুটো টুকটুকে লাল—এই সবে এক খিলি পান পুরেছেন মুখে, গা থেকে ভুরভুরে আতরের গৰু ।

ফেলুদা লালমোহনবাবুকে আলাপ করিয়ে দিল ‘গ্রেট থ্রিলার রাইটার’ বলে ।

‘বটে ?’ বললেন পোদ্দারমশাই ।

‘একটা হিন্দি ফিল্ম হয়ে গেছে আমার গল্প থেকে, বললেন জটায়ু । ‘বোম্বাইয়ের বোম্বেটে । নাটকও হয়েছে একটা গল্প থেকে । গড়পারের রিক্রিয়েশন ক্লাব করেছিল সেভেনটি এইটে ।’

ফেলুদা বলল, ‘আপনার জায়ান্ট অমনিবাস একটা পাঠিয়ে দেবেন না মিস্টার পোদ্দারকে ।’

‘সাটেনলি, সাটেনলি’, বললেন মিঃ পোদ্দার । ‘আমি নিজে অবিশ্যি বই-টই পড়ি না, তবে আমার মাইনে করা লোক আছে । তারা পড়ে ওপিনিয়ন দেয় আমাকে । তা বলুন মিঃ মিত্র, আপনার কী কাজে লাগতে পারি ।’

‘আপনাদের একটি হিরো সম্বন্ধে ইনফরমেশন চাই ।’

‘হিরো ? মানস ব্যানার্জি ?’

‘অচিন্ত্য হালদার ।’

‘অচিন্ত্য হালদার ? কই সে রকম নামে তো—ও হো, হাঁ হাঁ, ওই নামে একটি ছেলে ঘোরাঘুরি করছে বটে । একটা বইয়ে একটা পার্টও করেছিল । চেহারা মোটামুটি ভাল, তবে ভয়েসে গওগোল । বরং সিনেমা লাইনে কিছু হতে পারে । আমি সেই কথাই বলেছি তাকে । ইন ফ্যান্টি, ছেলেটি আমাকে টাকা অফার করেছে ।’

‘মানে ? হিরোর পার্ট পাবার জন্য ?’

‘আপনি আকাশ থেকে পড়লেন যে। এ রকম হয় মিঃ মিত্র।’

‘আপনি আমল দেননি ?’

‘নো মিঃ মিত্র। আমাদের নতুন কোম্পানি, এ সব ব্যাপার খুব রিস্কি। এ প্রস্তাবে রাজি হবার কোনও প্রশ্নই ওঠে না। ইয়ে—চা, কফি... ?’

‘নো, থ্যাঙ্কস।’

আমরা উঠে পড়লাম। দেড়টা বাজে, পেটে বেশ চন্দনে থিদে।

রয়েল হোটেলে খাবারের অর্ডার দিয়ে ফেলুদা চন্দনা চুরির ব্যাপারে একটা বিজ্ঞাপনের খসড়া করে ফেলল। ওর চেনা আছে খবরের কাগজের আপিসে; সম্ভব হলে কালকে না হয় লেটেস্ট পরশু কাগজে বেরিয়ে যাবে। গত দশ দিনের মধ্যে নিউ মার্কেটে তিনকড়িবাবুর দোকানে কেউ যদি একটা চন্দনা বিক্রি করে থাকেন, তা হলে তিনি যেন নিম্নলিখিত ঠিকানায়, ইত্যাদি।

বিরিয়ানি খেতে খেতে একটা নলী হাড় কামড় দিয়ে ভেঙে ম্যারো-টা মুখে পুরে ফেলুদা বলল, ‘রহস্য যে রকম উত্তরোত্তর বৃদ্ধি পাচ্ছে, কোথাকার জল কোথায় গিয়ে দাঁড়ায় বলা মুশ্কিল।’

‘দাঁড়ান দাঁড়ান, দেখি গেস্ করতে পারি কি না’, বললেন লালমোহনবাবু, ‘এই নতুন রহস্য হচ্ছে—সেই লোক চিঠি নিয়ে আসবে বলে এল না কেন, এই তো ?’

‘ঠিক ধরেছেন। আমার মতে এর মানে একটাই। সে লোক চিঠিটা পাবে বলে আশা করেছিল, কিন্তু শেষ পর্যন্ত পায়নি।’

আমি বললাম, ‘তার মানে যে চুরি করেছে সে নয়, অন্য লোক।’

‘তাই তো মনে হচ্ছে।’

‘ওরেবাস’, বললেন লালমোহনবাবু, ‘তার মানে তো একজন ক্রিমিন্যাল বাড়ল।’

‘আছা ফেলুদা’—এ প্রশ্নটা ক দিন থেকেই আমার মাথায় ঘুরছে—‘পেপারওয়েট দিয়ে মাথায় মারলে লোক মরবেই এমন কোনও গ্যারান্টি আছে কি ?’

‘গুড কোয়েশন’, বলল ফেলুদা। ‘উত্তর হচ্ছে, না নেই। তবে এ ক্ষেত্রে যে মেরেছে তার হয়তো ধারণা ছিল মরবেই।’

‘কিংবা অজ্ঞান করে জিনিসটা নিতে চেয়েছিল ; মরে যাবে ভাবেনি।’

‘রয়েলের খাওয়া যে ব্রেন টনিকের কাজ করে, সেটা তো জানতাম না। তুই ঠিক বলেছিস তোপ্সে। সেটাও একটা পসিব্ল ব্যাপার। কিন্তু সেগুলো জানলেও যে এ ব্যাপারে খুব হেল্প হচ্ছে তা তো নয়। যে লোকটাকে দরকার সে এমন আশ্চর্য ভাবে গাঢ়া দিয়েছে যে, ঘটনাটা প্রায় অসম্ভবের পর্যায়ে পড়ে।’

অবিশ্য ভ্যানিশ যে করেনি সে লোক সেটা সঙ্গেবেলো জানতে পারলাম, আর সেটা ঘটল বেশ নাটকীয় ভাবে।

সেটা বলার আগে জানানো দরকার যে সাড়ে চারটের সময় হাজরা ফোন করে জানালেন বারাসতে সাধন দস্তিদারের কোনও সন্ধান পাওয়া যায়নি।

লালমোহনবাবু হোটেল থেকে আর বাড়ি ফেরেননি। আমাদের পৌঁছে দিয়ে আমাদের এখানেই রয়ে গিয়েছিলেন। সাড়ে সাতটার সময় শ্রীনাথ আমাদের কফি এনে দিয়েছে, এমন সময় কলিং বেল বেজে উঠল। শীতকালের সঙ্গে, পাড়াটা এর মধ্যেই নিরুম, তাই বেলের শব্দে বেশ চমকে উঠেছিলাম।

দরজা খুলে আরও এক চমক।

এসেছেন হ্যাকেশবাবু ।

‘কিছু মনে করবেন না—অসময়ে খবর না দিয়ে এসে পড়লাম—আমাদের টেলিফোনটা ফাঁকা পাওয়া যাচ্ছে না মিঃ হালদারের মত্তুর পর থেকেই...’

শ্রীনাথকে বলতে হয় না, সে নতুন লোকের গলা পেয়েই আরেক কাপ কফি দিয়ে গেল ।

ফেলুদা বলল, ‘আপনাকে বেশ উত্তেজিত মনে হচ্ছে । বসে ঠাণ্ডা হয়ে কী ঘটনা বলুন ।’

হ্যাকেশবাবু কফিতে একটা চুমুক দিয়ে দম নিয়ে বললেন, ‘আপনি আমার একতলার ঘরটা দেখেননি, তবে আমি বলতে পারি ও ঘরটায় থাকতে বেশ সাহসের দরকার হয় । অত বড় বাড়ির একতলায় আমি একমাত্র বাসিন্দা । চাকরদের আলাদা কোয়ার্টারিস আছে । এ ক বছরে অভ্যেস খানিকটা হয়েছে ঠিকই, কিন্তু পুরোপুরি হয় না । সঙ্গে থেকে গাঁটা কেমন ছমছম করে । যাই হোক, কাল রাত্তিরে, তখন সাড়ে দশটা হবে, আমি খাওয়া সেবে ঘরে এসে দরজা বন্ধ করে মশারিটা ফেলেছি সবে, এমন সময় দরজায় টোকা পড়ল । সত্যি বলতে কী, নক করার লোক ও বাড়িতে কেউ নেই । যারা আমাকে চায় তারা বাইরে থেকে হাঁক দেয়—এমন কী চাকর-বাকরও । কাজেই বুবাতে পারছেন, আমার মনে বেশ একটু খট্কা লাগল । খোলার আগে জিজ্ঞেস করলুম, কে ? উত্তরের বদলে আবার টোকা পড়ল । একবার ভাবলুম খুলব না । কিন্তু সারারাত যদি ওই ভাবে খট্খট চলে তা হলে তো আরও গণগোল । তাই কোনওরকমে সাহস সঞ্চয় করে যা থাকে কপালে করে দরজাটা খুললুম ; খোলামাত্র একটি লোক চুকে এসে দরজাটা বন্ধ করে দিল । তখনও মুখ দেখিনি ; তারপর আমার দিকে ফিরতে চাপ-দাঢ়ি দেখে আন্দাজ করলুম কে । ভদ্রলোক আমাকে কোনও কথা বলতে না দিয়ে সোজা গড়গড় করে তাঁর কথা বলে গেলেন এবং যতক্ষণ বললেন ততক্ষণ তাঁর ডান হাতে একটি ছেরা সোজা আমার দিয়ে পয়েন্ট করা ।’

বর্ণনা শুনে আমারই ভয় করছিল । লালমোহনবাবুর দেখলাম মুখ হাঁ হয়ে গেছে ।

‘কী বললেন সাধন দস্তিদার ?’ প্রশ্ন করল ফেলুদা ।

‘সাংঘাতিক কথা’, বললেন হ্যাকেশবাবু । ‘মিঃ হালদারের কালেকশনে কী জিনিস আছে তা যেমন মোটামুটি আমি জানি, তেমনি ইনিও জানেন । বললেন বাহাদুর শা-র যে পান্না বসানো সোনার জর্দার কৌটোটা মিঃ হালদারের সংগ্রহে রয়েছে, সেটার একজন ভাল খন্দের পাওয়া গেছে, সেটা তার চাই । আমি যেন আজ রাত্তিরে এগারোটার সময় মধুমুরলীর দিঘির ধারে ভাঙ্গ নীলকুঠির পাশে শ্যাওড়া গাছটার নীচে ওয়েট করি—ও এসে নিয়ে যাবে ।’

‘এই যে কাজটা করতে বলেছে তার জন্য আপনার পারিশ্রমিক কী ?’

‘কচু পোড়া । এ তো ভূমকির ব্যাপার । বললে যদি পুলিশে খবর দিই, তা হলে নির্ঘাত মত্তু ।’

‘রাত্তিরে দারোয়ান গেটে থাকে না ?’

‘থাকে বইকী, কিন্তু আমার ধারণা হয়েছে লোকটা পাঁচিল টপকে আসে ।’

‘আপনার ঘর চিনল কী করে ?’

‘সাধু দস্তিদারও তো ওই ঘরেই থাকত—চিনবে না কেন ?’

‘ভদ্রলোকের ডাক নাম সাধু ছিল বুঝি ?’

‘মিঃ হালদারকে তো সেই নামই বলতে শুনেছি !’

‘আপনি তাকে কী বললেন ?’ জিজ্ঞেস করল ফেলুদা ।

‘আমি বললুম, এখন মিঃ হালদারের জিনিসপত্রে কড়া পাহারা, সে কৌটো আমি নেব কী করে ? সে বললে, চেষ্টা করলেই পারবে । তুমি মিঃ হালদারের সেক্রেটারি ছিলে ; জরুরি

কাগজপত্র দেখার জন্য তোমার সে ঘরে ঢোকার সম্পূর্ণ অধিকার আছে ; বস্—এই বলেই সে চলে গেল । আমি জানি, আপনি ছি ছি করবেন, বলবেন পুলিশে খবর দেওয়া উচিত ছিল, অন্তত বাড়ির লোককে জানানো উচিত ছিল । কিন্তু প্রাণের ভয়ের মতো ভয় আর কী আছে বলুন । আপনার কথাটাই মনে হল । আপনিও যে তদন্ত করছেন সেটা আমার মনে হয় সাধু জানে না ।’

‘আপনি তা হলে কৌটো বার করেননি ।’

‘পাগল !’

‘আপনি কি প্রস্তাৱ কৰছেন যে, আমৰা সেখানে যাই ?’

‘আপনারা যদি একটু আগে গিয়ে গা ঢাকা দিয়ে থাকেন—আমি গেলাম এগারোটায়—তাৰপৰ সে এলে যা কৰাৰ দৰকাৰ সে তো আপনিই ভাল বুৰবেন । এইভাৱে হাতেনাতে লোকটাকে ধৰার সুযোগ তো আৱ পাবেন না ।’

‘পুলিশকে খবৰ দেব না বলছেন ?’

‘আমন সৰ্বনাশেৱ কথা উচ্চারণ কৰবেন না, দোহাই । আপনি আসুন, সঙ্গে এঁদেৱও নিতে পাৱেন । তবে সশ্রম্ভ অবস্থায় যাবেন, কাৰণ লোকটা ডেঞ্জুৱাস ।’

‘লেগে পড়ুন’, বিনা দ্বিধায় বললেন লালমোহনবাবু । ‘রাজস্থানেৱ ডাকাত যখন আমাদেৱ পেছু হটাতে পাৱেনি, তখন এৱ জন্য কী ভয় ? এ তো নসি মশাই ।’

‘আমি অবিশ্যি জায়গাটা দেখিয়ে দেব’, বললেন হৃষীকেশবাবু ; ‘মেন রোড ছেড়ে খানিকটা ভেতৰ দিকে যেতে হয় । স্টেশন থেকে মাইল চারেক ।’

ফেলুদা রাজি হয়ে গেল । হৃষীকেশবাবু কফি শেষ কৰে উঠে পড়ে বললেন, ‘দশটা নাগাদ তা হলে আপনারা মিট কৰছেন আমাকে ।’

‘কোথায় ?’

‘আমাদেৱ বাড়ি ছাড়িয়ে দু ফাৰ্লং গেলেই একটা তেমাথাৰ মোড় পাবেন । সেখানে দেখবেন একটা মিষ্টিৰ দোকান । সেই দোকানেৱ সামনে থাকব আমি ।’

৫

বাব্রে বিশেষ ট্ৰাফিক নেই, তাও এক ঘণ্টা হাতে নিয়ে আমৰা বেৰিয়ে পড়লাম । খাওয়াটা বাড়িতেই সেৱে নিলাম । এত তাড়াতাড়ি খাওয়া অভ্যেস নেই আমাদেৱ ; লালমোহনবাবু বললেন, ‘খিদে পেলে ওই মিষ্টিৰ দোকানে চুকে পড়া যাবে । কুচুৰি আৱ আলুৱ তৱকাৰি নিৰ্ঘত পাওয়া যাবে ।’

একটা সুবিধে এই যে লালমোহনবাবুৰ ড্ৰাইভাৱ ফেলুদাৰ ভীষণ ভক্ত । তাৰ উপৰ বোম্বাই মাৰ্কাৰ্ফ ফাইটিং-এৱ ছবি দেখাৰ সুযোগ ছাড়েন না কখনও । এ বকম না হলে বাতবিৰেতে বারাসতে ঠ্যাঙ্গাতে অনেক ড্ৰাইভাৱই গজগজ কৰত ; ইনি যেন নতুন লাইফ পেলেন ।

ভি আই পি রোডে পড়ে লালমোহনবাবু গান ধৰেছিলেন—‘জ্যোৎস্না রাতে সবাই গেছে বনে’, কিন্তু ফেলুদা তাঁৰ দিকে চাইতে অমাবস্যায় গানটা বেমানান হচ্ছে বুঝতে পেৱে থেমে গেলেন ।

আকাশে এক টুকুৱো মেঘ নেই । তাৱাৰ আলো বলে একটা জিনিস আছে, সেটা হয়তো আমাদেৱ কিছুটা হেল্প কৰতে পাৱে । ফেলুদাৰ ফৰমাশ অনুযায়ী গাঢ় রঙেৰ জামা পৱেছি । লালমোহনবাবুৰ পুলোভাৱটা ছিল হলদে, তাই তাৰ উপৰ ফেলুদাৰ রেনকোটটা

চাপিয়ে নিয়েছেন। ভদ্রলোক এখন গাড়িতে বসা ; যখন হাঁটবেন তখন একটা পকেট ভীষণ ঝুলে থাকবে, কারণ তাতে ভরা আছে একটা হামানদিস্তার লোহার ডাঙ। ওয়েপন হিসেবে ব্যবহার করার জন্য ভদ্রলোক ওটা চেয়ে নিয়েছেন শ্রীনাথের কাছে। ফেলুদার পকেটে অবশ্য রয়েছে তার কোণ্ট রিভলভার।

আমাদের আন্দাজ ভুল হয়নি ; দশটার কিছু আগে আমরা তৈরায় পৌঁছে গেলাম। মিষ্টির দোকানের পাশেই একটা পানের দোকান—তার সামনে থেকে হ্যাঁকেশবাবু এগিয়ে এসে আমাদের গাড়িতে উঠে হরিপদবাবুকে বললেন, ‘ডাইনের রাস্তাটা নিন।’

খানিক দূর যেতেই বাড়ি করে এল। আলোও বেশি নেই ; রাস্তায় যা আলো ছিল তাও ফুরিয়ে গেল বাঁয়ে মোড় নিতে। বুবলাম এটা প্রায় পল্লীগ্রাম অঞ্চল। ‘বারাসতেই ছিল প্রথম নীলকুঠি।’ বললেন হ্যাঁকেশবাবু। ‘এ দিকটাতে এককালে অনেক সাহেব থাকত ; দিনের আলোয় তাদের সব ভাঙা বাগানবাড়ি দেখতে পেতেন।’

মিনিট কুড়ি চলার পর একটা জায়গায় এসে গাড়ি দাঁড় করাতে বললেন হ্যাঁকেশবাবু।
‘আসুন।’

গাড়ি থেকে নামলাম চার জনে। ‘গাড়িটা এখানেই ওয়েট করক’, বললেন হ্যাঁকেশবাবু, ‘আমি আপনাদের জায়গাটা দেখিয়ে দিয়ে আসি, তারপরে এই গাড়িই আমাকে বাড়ি পৌঁছে দিয়ে আবার ফিরে আসবে। আমি সাইকেল রিকশা করে ঠিক এগারোটার সময় চলে আসব।’

লালমোহনবাবু হরিপদবাবুকে টাকা দিয়ে বললেন, ‘তুমি এঁকে পৌঁছে দিয়ে ফেরার সময় কোনও দোকান-টোকান থেকে খাওয়াটা সেরে নিও। ফিরতে রাত হবে আমাদের।’

ঘাসের উপর দিয়ে মিনিট পাঁচেক হাঁটতে একটা জংলা জায়গা এসে পড়ল।

‘এখানেই ছিল মধুমুরুলীর দিঘি’, বললেন হ্যাঁকেশবাবু। ‘আমাদের যেতে হবে ওখানটায়।’

খুবই কম আলো, কিন্তু তাও বুরতে পারছি যে গাছপালা ছাড়াও ও দিকে একটা দালানের ভগ্নস্তুপ রয়েছে। শীতকাল বলে রক্ষে, না হলে এ জায়গাটা হত সাপ ব্যাঙের ডিপো !

‘এখন টর্চের আলোটা বোধহয় তেমন বিপজ্জনক কিছু নয়’, বলল ফেলুদা।

‘মনে তো হয় না’, বললেন হ্যাঁকেশবাবু।

ছোট পকেট টর্চের আলোতে বোপবাড়ি খানাখন্দ বাঁচিয়ে আমরা পৌঁছে গেলাম নীলকুঠির ভগ্নস্তুপের পাশে।

‘ওই যে দেখুন শ্যাওড়া গাছ’, বললেন হ্যাঁকেশবাবু ! ফেলুদা সে দিকে একবার টর্চ ফেলে সেটা নিবিয়ে পকেটে পুরুল।

‘আমি তা হলে আসি।’

‘আসুন।’

‘তিন কোয়ার্টারি আপনাদের একটু অপেক্ষা করতে হবে।’

আমরা যে দিক দিয়ে এসেছিলাম সে দিক দিয়েই চলে গেলেন হ্যাঁকেশবাবু। এক মিনিটের মধ্যেই তাঁর পায়ের আওয়াজ মিলিয়ে গেল।

‘ওডোমসটা লাগিয়ে নিন।’

ফেলুদা পকেট থেকে টিউব বার করে লালমোহনবাবুর দিকে এগিয়ে দিল।

‘যা বলেছেন মশাই ! ম্যালেরিয়া শুনছি আবার খুব বেড়েছে।’

আমরা তিন জনেই ওডোমস লাগিয়ে নিয়ে একটা বড় রকম দম নিয়ে অপেক্ষার জন্য তৈরি হলাম। আমাদের কাউকেই দাঁড়াতে হবে না, কারণ ভগ্নস্তুপে নানান হাইটের ইটের

পাঁজা রয়েছে, তাতে চেয়ার চৌকি মোড়া সব কিছুরই কাজ হয়। কথা বলতে হলে ফিস্ফিস্‌ ছাড়া গতি নেই, তাও প্রথম দিকটায়। পরের দিকে কমপ্লিট মৌনী। অঙ্ককারে চোখ সয়ে গেছে, এখন চারিদিকে চাইলে বট, অশ্বথ, আমগাছ, বাঁশঘাড়—এসব বেশ তফাত করা যায়। বিঁবিঁর শব্দ ছাড়াও যে অন্য শব্দ আছে সেটা বেশ বুঝতে পারছি। ট্রেনের আওয়াজ, সাইকেল রিকশার চড়া হর্ন, রাস্তার কুকুরের ঘেউ ঘেউ, এমন কী দূরের কোনও বাড়ি থেকে ট্রানজিস্টারের গান পর্যন্ত। ফেলুদার ঘড়িতে রেডিয়াম ডায়াল, তাই অঙ্ককারেও টাইম দেখতে পারে।

শীত যেন মিনিটে মিনিটে বাড়ছে। শহরের চেয়ে নির্যাতি পাঁচ-সাত ডিগ্রি' কম। লালমোহনবাবু তাঁর টুপি আনেননি, রুমাল সাদা, তাই সেটা বাঁধলেও চলে না ; নিরূপায় হয়ে দু হাতের তেলো দিয়ে টাক ঢেকেছেন। একবার মুখ দিয়ে একটা অস্ফুট শব্দ করাতে ফেলুদা বলল, ‘কিছু বললেন?’ তাতে ভদ্রলোক ফিস্ফিস্‌ করে জবাব দিলেন, ‘শ্যাওড়া গাছেই বোধহয় পেত্তি না শাঁকচুমি কী যেন থাকে।’

‘শ্যাওড়া গাছের নামই শুনেছি’, ফিস্ফিসিয়ে বলল ফেলুদা, ‘চোখে এই প্রথম দেখলাম।’

আকাশে তারাগুলো সরছে। একটু আগে একটা তারাকে দেখেছিলাম নারকোল গাছের মাথার উপরে, এখন দেখছি গাছটায় ঢাকা পড়ে গেছে। কোনও চেলা কনস্টেলেশন আছে কি না দেখার জন্য মাথাটা উপর দিকে তুলেছি, এমন সময় একটা শব্দ কানে এল। পায়ের শব্দ।

এগারোটা বাজেনি এখনও। ফেলুদা দু মিনিট আগে ঘড়ি দেখে ফিস্ফিস্‌ করে বলেছে, ‘পৌনে।’

আমরা পাথরের মতো স্থির।

যে দিক দিয়ে এসেছি, সে দিক দিয়েই আসছে শব্দটা। ঘাসের উপর মাঝে মাঝে ইট-পাটকেল রয়েছে, তার জন্যই শব্দ। তাও কান না পাতলে, আর অন্য শব্দ না কমলে শোনা যায় না। এখন বিঁবিঁর ডাক ছাড়া আর কোনও শব্দ নেই।

এবাব লোকটাকে দেখা গেল। সে এগিয়ে এসেছে শ্যাওড়া গাছটাকে লক্ষ্য করে।

এবাবের তার হাঁটার গতি কমাল। আমরা মাটিতে ঘাপটি মেরে বসা, সামনে একটা ভাঙ্গা পাঁচিল আমাদের শরীরের নীচের অংশটা ঢেকে রেখেছে। আমরা তার উপর দিয়ে দেখছি।

‘হ্যাঁকেশবাবু—’

লোকটা চাপা গলায় ডাক দিয়েছে। হাঁটা থামিয়ে। তার দৃষ্টি যে শ্যাওড়া গাছটার দিকে সেটা মাথাটা দেখে আন্দাজ করতে পারছি, যদিও মানুষ চেনার কোনও প্রশ্ন ওঠে না।

‘হ্যাঁকেশবাবু—’

ফেলুদা ওঠার জন্য তৈরি। তার শরীর টান সেটা বেশ বুঝতে পারছি।

লোকটা ধীরে ধীরে এগিয়ে আসতে শুরু করল।

লালমোহনবাবুর ডান কনুইটা উচিয়ে উঠেছে। উনি পকেট হাতড়াছেন হামানদিস্তার ডাণ্ডাটার জন্য।

লোকটা এখন দশ হাতের মধ্যে।

‘হ্যাঁকেশ—’

ফেলুদা বাঘের মতো লাফিয়ে উঠতেই একটা রক্ত জল করা ব্যাপার ঘটে গেল।

আমাদের পিছন থেকে দুটো লোক এসে তার উপর ভমড়ি খেয়ে পড়েছে।

ফেলুদার সঙ্গে থেকেই বোধহয় আমার নার্ভও শক্ত হয়ে গেছে। চট করে বিপদে মাথা গুলোয় না। আমি তৎক্ষণাত লাফিয়ে উঠে ঝাঁপিয়ে পড়লাম সামনের দিকে। ফেলুদার ঘুঁঘি ১৬০

খেয়ে একটা লোক আমারই দিকে ছিটকে এসেছিল। আমি তাকে লক্ষ্য করে আরেকটা ঘুঁঁঁি চালাতে সে হমড়ি খেয়ে পড়ল ঘাসের উপর।

কিন্তু এ কী, আরও লোক এসে পড়েছে পিছন থেকে! তার মধ্যে একটা আমায় জাপটে ধরেছে, আরও দুটো গিয়ে আক্রমণ করেছে ফেলুদাকে। ধন্তাধ্বনির শব্দ পাচ্ছি। কিন্তু আমি নিজে বন্দি, যদিও তারই মধ্যে জুতো পরা ডান পা-টা দিয়ে ক্রমাগত পিছন দিকে লাথি চালাচ্ছি।

লালমোহনবাবু কী করছেন এই চিঞ্চাটা মাথায় আসতেই খুতনিতে একটা বিরাশি শিক্কা ঘা খেলাম, আর সঙ্গে সঙ্গে চারিদিকের অন্ধকার যেন আরও দশ গুণ গাঢ় হয়ে গেল।

তারপর আর কিছু জানি না।

‘কীরে, ঠিক হ্যায়?’

ফেলুদার চেহারাটাই প্রথম দেখতে পেলাম জ্ঞান হয়ে।

‘ঘাবড়াসনি, আমিও নক-আউট হয়ে গেলাম দশ মিনিটের জন্য।’

এবাবে দেখলাম ঘরের অন্য লোকদের। অমিতাভবাবু তাঁর পাশে একজন মহিলা—নিশ্চয়ই তাঁর স্ত্রী—লালমোহনবাবু, হ্যায়েকেশবাবু, আর দরজার মুখে দাঁড়িয়ে অচিন্ত্যবাবু। এ ঘরটা আগে দেখিনি; বাড়ির বক্রিশাটা ঘরের কোনও একটা হবে।

আমি বিছানায় উঠে বসলাম। একটা কন্কনে ব্যথা খুতনির কাছটায়। তা ছাড়া আর কোনও কষ্ট নেই। ফেলুদা ঘুঁঁটা খেয়েছিল ডান চোখের নীচে সেটা কালসিটে দেখেই বোঝা যাচ্ছে। ব্ল্যাক-আই ব্যাপারটা অনেক বিদেশি ছবিতে দেখেছি; স্বচক্ষে এই প্রথম দেখলাম।

‘একমাত্র জটায়ুই অক্ষত’, বলল ফেলুদা।

সে কী! আশ্চর্য ব্যাপার তো!—‘কী করে হল?’

‘মোক্ষম ওয়েপন ওই হামানদিঙ্গা’, বললেন লালমোহনবাবু, ‘হাতে নিয়ে মাথার উপর তুলে হেলিকপ্টারের মতো বাঁই বাঁই করে ঘুরিয়ে গেলাম। আমার ধারে কাছেও এগোয়নি একটি গুণ্ডাও।’

‘ওরা গুণ্ডা ছিল বুঝি?’

‘হ্যার্ড গুণ্ডাজ’, বললেন লালমোহনবাবু।

‘বললাম লোকটা ডেঞ্জারাস’, বললেন হ্যায়েকেশবাবু। ‘তবে ও যে এতটা করবে তা ভাবিনি। আমি তো গিয়ে অবাক। একজন শোয়া একজন বসা একজন হমড়ি খেয়ে পড়ে মাটিতে। আর আসল যে লোক সে হাওয়া।’

ফেলুদা আর লালমোহনবাবু নাকি আমাকে ধরাধরি করে গাড়িতে এনে তোলেন। অমিতাভবাবু নিজে বেশ রাত অবধি পড়েন, তাই উনি জেগে ছিলেন। যে ঘরটায় আমরা রয়েছি সেটা একতলার একটা গেস্টকুম। বেশ বড় ঘর, পাশেই বাথরুম। পুবে জানালা দিয়ে নাকি বাগান দেখা যায়। অমিতাভবাবুই জোর করলেন আজ রাতটা এখানে থাকার জন্য। অসুবিধা এই যে বাড়িতি কাপড় নেই, যা পরে আছি তাই পরেই শুভে হবে। ‘হ্যায়েকেশবাবুর ভয়ের জন্যই এই গোলমালটা হল’, বললেন অমিতাভবাবু, ‘পুলিশকে বলা থাকলে সাধু সমেত গুণ্ডারা এতক্ষণে হাজতে।’

হ্যায়েকেশবাবুও অবিশ্য অ্যাপলজাইজ করলেন। কিন্তু ভদ্রলোককেই বা দোষ দেওয়া যায় কী করে? ও রকম শাসানির পর যে কোনও মানুষেরই ভয় হতে পারে।

অমিতাভবাবুর স্ত্রীই সব ব্যবস্থা করে দিয়েছেন। বললেন, ‘বাড়িতে এই দুর্যোগ,



আপনাদের সঙ্গে বসে দু দণ্ড কথা বলারও সুযোগ হল না। এনার এত বই আমি
পড়েছি—কী যে আনন্দ পাই তা বলতে পারি না।’

শেষের কথাটা অবিশ্যি লালমোহনবাবুকে উদ্দেশ করে বলা।

ফেলুদা বলল, ‘কাল সকালে যাবার আগে আপনার ছেলের সঙ্গে একবার কথা বলে
নেব। ঘরে চোর ঢোকার পরেও ও যা সাহস দেখিয়েছে তেমন সচরাচর দেখা যায় না।’

সাড়ে বারোটা নাগাদ যখন আমরা শোবার আয়োজন করছি তখন ফেলুদা একটা কথা
বলল।

‘যুষ্মিটাও যে ব্রেন টনিকের কাজ করে সেটা আজ প্রথম জানলাম।’

‘কী রকম?’ বললেন লালমোহনবাবু।

‘সাধুবাবু ভ্যানিশ করার ব্যাপারটা বুঝতে পারছি এতদিনে।’

‘বলেন কী?’

‘তুখোড় লোক। তবে যার সঙ্গে মোকাবিলা করছে, সেও তো কম তুখোড় নয়।’

এর বেশি আর কিছু বলল না ফেলুদা।

৬

অনিকন্দ সকালে স্কুলে যায়, তাই চা খাবার আগেই ফেলুদা ওর সঙ্গে দেখা করে নিল।

চোর ঢোকার কথাটা আজ শুনে মনে হল ছেলেটি বেশি রকম কল্পনাপ্রবণ। পরপর
দুবার ! একটু বাড়াবাড়ি বলে মনে হল। ফেলুদা বলল, ‘তুমি যে বন্দুকটা দিয়ে চোরকে
মারবে ঠিক করেছিলে সেটা তো আমাকে দেখালে না। শুনলাম তোমার ছেটকাকাকে
দেখিয়েছ।’

অনিকন্দ বন্দুকটা বার করে ফেলুদার হাতে দিয়ে বলল, ‘এটা থেকে আগন্তের ফুলকি
বেরোয়।’

লাল প্লাস্টিকের তৈরি মেশিনগান, ট্রিগার টিপলে মেশিনগানের মতো শব্দের সঙ্গে নলের
মুখ দিয়ে সত্যিই স্পার্ক বেরোয়।

ফেলুদা বন্দুকটা নিয়ে নেড়ে-চেড়ে দেখে সেটার খুব তারিফ করে ফেরত দিয়ে বলল,
'তোমার'যে ঘুমের ব্যাঘাত হচ্ছে, দেখা যাক সেটা বন্ধ করা যায় কি না।'

‘তুমি চোর ধরে দেবে?’

‘গোয়েন্দার তো ওই কাজ।’

‘আর আমার চন্দনা যে চুরি করেছে সেই চোর?’

‘সেটারও চেষ্টা চলেছে, তবে কাজটা খুব সহজ নয়।’

‘খুব শক্ত?’

‘খুব শক্ত।’

‘দারুণ রহস্য?’

‘দারুণ রহস্য।’

‘আর সে দিন যে বললে, খাঁচার দরজায় রক্ত লেগে আছে?’

‘ওটাই তো ভরসা। ওটাই তো ক্লু।’

‘ক্লু মানে?’

‘ক্লু হল যার সাহায্যে গোয়েন্দা দুষ্ট লোককে জন্ম করে।’

লালমোহনবাবু হঠাৎ জিজ্ঞেস করলেন, ‘আচ্ছা, তোমার পাখিকে কথা বলতে শুনেছ?’

‘হ্যাঁ’, বলল অনিকন্দ। ‘আমি ঘরে ছিলাম, আর শুনলাম পাখিটা কথা বলছে।’
‘কী কথা?’

‘বলছে: “দাদু ভাত খান, দাদু ভাত খান।” আমি তক্ষুনি বেরিয়ে এলাম কিন্তু তারপর আর কিছু বলল না।’

লালমোহনবাবুর মুখে হাসি। অনিকন্দ শুনেছে, ‘দাদু ভাত খান’ আর লালমোহনবাবু শুনেছেন, ‘বাবু সাবধান’। মানতেই হয় দুটো খুব কাছাকাছি। পাখি নিশ্চয়ই ওই ধরনেরই কিছু বলছিল।

‘আপনার এখানে পাখি ধরতে পারে এমন কেউ আছে?’ ফেলুদা অমিতাভবাবুকে জিজ্ঞেস করল।

‘আমাদের মালীর ছেলে আছে, শঙ্কর, বললেন অমিতাভবাবু। ‘এর আগে দু-একবার ধরেছে পাখি। খুব চালাক-চতুর ছেলে।’

‘তাকে বলবেন একটু চোখ রাখতে। খুব সম্ভব চন্দনাটা আপনাদের বাগানেই রয়েছে।’

বারাসতে থাকতেই দেখেছিলাম যে, খবরের কাগজে চন্দনার বিষয় বিজ্ঞাপনটা বেরিয়েছে। সেটার কাজ যে এত তাড়াতাড়ি হবে তা ভাবতে পারিনি।

বারোটা নাগাদ একটি বছর পঁচিশের ছেলে আমাদের বাড়িতে এসে হাজির। বেশ চোখাচোখা চেহারা, পরনে জিন্স আর মাথার চুলের কপাল-ঢাকা কায়দা দেখলেই বোঝা যায় ইনি হাল-ফ্যাশনের তরঙ্গ।

ফেলুদা বসতে বলাতে ভদ্রলোক মাথা নেড়ে বললেন, ‘বসব না। আজ একটা ইন্টারভিউ আছে। ইয়ে, আমি আসছি ওই পাখির ব্যাপারে কাগজে যে বিজ্ঞাপনটা দিয়েছেন সেইটে দেখে।’

‘ওটা আপনাদের পাখি ছিল?’

‘আমাদের মানে আমার দাদুর। দাদু মারা গেছেন লাস্ট মানথ। তাই বাবা ওটাকে বেচে দিলেন। ওটার দেখাশুনা দাদুই করতেন। বাবা কের্ট-কাচারি করেন, মা বাতে ভোগেন, আর আমার ও সবে ইটারেস্ট নেই।’

‘কদিন ছিল আপনাদের বাড়ি?’

‘তা বছর দশশেক। দাদুর খুব পিয়ারের চন্দনা ছিল।’

‘কথা বলত?’

‘হ্যাঁ। দাদুই শিখিয়েছিলেন। খুব রসিক মানুষ ছিলেন। অস্তুত অস্তুত কথা শিখিয়েছিলেন।’

‘অস্তুত মানে?’

‘এই যেমন—দাদুর পাশার নেশা ছিল ; পাখিটাকে শিখিয়েছিলেন “কচে বারো” বলতে। তারপর ত্রিজও খেলতেন দাদু। খেলার সময় অপোনেন্টের তাস ভাল বুঝতে পারলে পার্টনারকে একটা কথা খুব বলতেন। সেটা পাখিটা তুলে নিয়েছিল।’

‘কী কথা?’

‘সাধু সাবধান।’

‘ঠিক আছে। অনেক ধন্যবাদ।’

‘আর কিছু—?’

‘না, আর কিছু জানার নেই।

‘ইয়ে, বিজ্ঞাপন দেখে বুঝতে পারিনি এটা আপনার বাড়ি।’

‘সেটা না বোঝারই কথা।’

‘আপনাকে মিট করে খুব ইয়ে হলাম ।’

ঝাড়া পাঁচ ঘণ্টা তার ঘরের দরজা বন্ধ করে বসে থেকে বিকেলে চা খেতে বেরিয়ে এসে ফেলুদা হাজরাকে একটা টেলিফোন করল :

‘কাল সকালে কী করছেন ?’

‘কেন বলুন তো ?’

‘হালদার বাড়িতে আসতে পারবেন—নটা নাগাদ ? মনে হচ্ছে রহস্যের কিনারা হয়েছে । তৈরি হয়ে আসবেন ।’

লালমোহনবাবুকে টেলিফোনে বলে দেওয়া হল, আমরা ট্যাঙ্কি করে চলে যাব তাঁর বাড়ি সাড়ে আটটায় । সেখান থেকে তাঁর গাড়িতে বারাসত ।

‘রহস্য আরও বৃদ্ধি পেল নাকি ?’

‘না । সম্পূর্ণ উদ্ঘাটিত ।’

সব শেষে অমিতাভবাবুকে ফোন করা হল ।

‘আপনাদের বাড়িতে কাল সকালে একটা ছেটখাটো মিটিং করব ভাবছি ।’

‘মিটিং ?’

‘আপনাদের পুরুষ মেশার যে কজন আছেন তাঁরা যেন থাকেন । আর হাজরাকে থাকতে বলেছি ।’

‘কটায় করতে চাইছেন ?’

‘নটায় হাজিরা । আপনার কাজের হয়তো একটু দেরি হতে পারে, কিন্তু ব্যাপারটা জরুরি ।’

অমিতাভবাবু রাজি হয়ে গেলেন । —‘পুরুষ মেশার মানে কি অনুকেও চাইছেন ?’

‘না । সে না থাকাটাই বাঞ্ছনীয় । এটা শুধু প্রাপ্তবয়স্কদের জন্য ।’

আমরা যখন পৌঁছলাম, তার আগেই হাজরার দল হাজির । ফেলুদা এ রকম ধরনের মিটিং এর আগেও করেছে । প্রত্যেক বারই আমার মনের মধ্যে একটা চনমনে ভাব, কারণ জানি না কী হতে চলেছে, কার ভাগ্যে হাতকড়া আছে, কীভাবে ফেলুদা রহস্যের সমাধান করেছে । লালমোহনবাবু আমাকে বললেন, ‘আমি চিন্তাটাকে শ্রেফ অন্য পথে ঘুরিয়ে নিয়েছি । এ ব্যাপারে ব্রেন খাটিয়ে কোনও লাভ নেই, কারণ আমার ঘিলুতে অনেক ডেজাল, তোমার দাদারটা পিওর । নিজের তৈরি রহস্যের সমাধান এক জিনিস, আর অ্যাকচুয়েল লাইফে সমাধান আরেক জিনিস ।’

নীচের বৈঠকখানা ঘরে জমায়েত হয়েছি । হ্রষীকেশবাবুর দিল্লি যাবার সময় হয়ে এসেছে । বললেন, ‘এ বাড়ি ছেড়ে যেতে পারলে বাঁচি মশাই । কাজ থাকলে তবু একটা কথা । এখন প্রাণ হাঁপিয়ে ওঠে ।’

অচিন্ত্যবাবুর সঙ্গে ভাল করে আলাপ হয়নি । তিনি আপনি করেছিলেন এই মিটিং-এ উপস্থিত থাকার ব্যাপারে । তাঁর নাকি একটা বড় পার্ট নিয়ে খুব পরিশ্রম করতে হচ্ছে । কালই নাকি নাটকটার প্রথম শো । ভদ্রলোক ফেলুদাকে বললেন, ‘আপনার এ ব্যাপারটা কতক্ষণ চলবে ?’

ফেলুদা বলল, ‘খুব বেশি তো আধ ঘণ্টা ।’

ভদ্রলোক তাও গজগজ করতে লাগলেন ।

কফি খাবার পর ফেলুদা উঠে দাঁড়াল । কালশিটে ঢাকার জন্য ও আজ কালো চশমা পরেছে । এটা ওর একেবারে নতুন চেহারা । হাত দুটোকে প্যাটের পকেটে পুরে সে আরম্ভ করল তার কথা ।

‘পার্বতীচরণের খনের ব্যাপারে আমাদের যেটা সবচেয়ে অবাক করেছিল সেটা হল সাধন দস্তিদারের অন্তর্ধান। দশটা থেকে সাড়ে দশটার মধ্যে খুনটা হয়। সাধন দস্তিদার পার্বতীবাবুর ঘরে ছিলেন সোয়া দশটা থেকে সাড়ে দশটা পর্যন্ত। সাড়ে দশটায় তাঁকে আমরা ঘর থেকে বেরিয়ে সিঁড়ির দিকে যেতে দেখেছি; দশটা পঁয়ত্রিশে অনিমন্দ্র সঙ্গে কথা বলে পার্বতীবাবুর ঘরে গিয়ে আমরা তাঁকে মৃত অবস্থায় দেখি। তৎক্ষণাত্মে সাধন দস্তিদারকে খোঁজা হয়, কিন্তু পাওয়া যায় না। দারোয়ান বলে, তাঁকে গেট থেকে বেরোতে দেখেনি। বাগানে খোঁজা হয়, সেখানেও পাওয়া যায়নি। কম্পাউন্ডের যে পাঁচিল, সেটা আট ফুট উঁচু। সেটা টপকানো সহজ নয়, বিশেষ করে হাতে একটা ব্রিফকেস থাকলে। আমরা—’

এখানে অচিন্ত্যবাবু ফেলুদাকে বাধা দিলেন।

‘সাধনবাবুর আগে যিনি এসেছিলেন, তাকে কি আপনি বাদ দিচ্ছেন?’

‘আপনার বাবাকে যেভাবে আঘাত করা হয়েছিল, সেটা শক্ত সমর্থ লোকের পক্ষেই সম্ভব। পেস্টনজীর আরঞ্জাইটিস আছে, তিনি ডান হাত কাঁধের উপর তুলতে পারেন না। অবিশ্য পেস্টনজী ছাড়াও একজন তৃতীয় ব্যক্তি ছিলেন যিনি পেস্টনজী ও সাধনবাবুর ফাঁকে পার্বতীবাবুর ঘরে গিয়ে থাকতে পারেন।’

‘তিনি কে?’

‘আপনি।’

অচিন্ত্যবাবু সোফা ছেড়ে উঠে পড়েছেন।

‘আ—আপনার কি ধারণা আমি—?’

‘আমি শুধু বলেছি আপনার সুযোগ ছিল। আপনি খুন করেছেন সে কথা তো বলিনি।’

‘তাও ভাল।’

‘যাই হোক—সাধনবাবুর অন্তর্ধান বিশ্বাসযোগ্য হয় এক যদি দারোয়ান ভুল বা মিথ্যে বলে থাকে। আর দুই, যদি সাধনবাবু এ বাড়ি থেকে না বেরিয়ে থাকেন।’

‘কেনও চোরা কুঠুরিতে আত্মগোপন করার কথা বলছেন?’ হ্যাকেশবাবু প্রশ্ন করলেন।

অমিতাভবাবু বললেন, ‘সে রকম লুকোনোর কোনও জায়গা এ বাড়িতে নেই। একতলার অধিকাংশ ঘরই তালাচাবি বন্ধ। এক বৈঠকখানা খোলা, রান্নাঘর ভাঁড়ারঘর খোলা আর হ্যাকেশবাবুর ঘর খোলা।’

‘এবং সে ঘরে তাকে আমি আশ্রয় দিইনি সেটা আমি বলতে পারি, বললেন হ্যাকেশবাবু। ‘শুধু তাই নয়, সাধনবাবু যখন আসেন, তখন আমি ছিলাম না।’

‘আমরা পোস্টাপিসে খোঁজ নিয়েছি’, বলল ফেলুদা। ‘আপনি টেলিগ্রাম পাঠিয়েছেন পোস্টাপিস খোলার সঙ্গে সঙ্গে। তখন দশটা। পাঁচ মিনিট লেগেছে আপনার টেলিগ্রাম করতে। তারপরেই আপনি—’

‘তারপর আমি যাই ঘড়ির ব্যাস্ত কিনতে।’

‘দুঃখের বিষয় দোকানের লোক আপনাকে মনে করতে পারছে না।’

‘মিঃ মিত্র, দোকানের লোকের স্মরণশক্তির উপর নির্ভর করেই কি আপনি গোয়েন্দাগিরি করেন?’

‘না, তা করি না। এবং তাদের কথায় আমরা খুব আমল দিইনি। আর আপনিও যে সত্যি কথা বলছেন সেটা আমরা মানতে বাধ্য নই।’

‘কেন, আমি মিথ্যে বলব কেন?’

‘কারণ সোয়া দশটার সময় আপনারও তো পার্বতীচরণের ঘরে যাবার প্রয়োজন হয়ে থাকতে পারে।’

‘এ সব কী বলছেন আপনি ? আপনি নিজেই বলছেন সাধনবাবুকে বেরোতে দেখেছেন, আবার বলছেন আমি গিয়েছি ?’

‘ধৰন সাধন দস্তিদার যদি নাই এসে থাকেন। তার জায়গায় আপনি গেলেন।’

আমার মাথা গুলিয়ে যাচ্ছে। ঘরে সবাই চুপ, তারই মধ্যে হ্যাকেশবাবু হো হো করে হেসে উঠলেন।

‘মিঃ হালদার কি উচ্চাদ না জরাগ্রস্ত, যে আমি দাড়ি গোঁফ লাগিয়ে তাঁর ঘরে চুকব আর তিনি আমাকে চিনবেন না ?’

‘কী করে চিনবেন, হ্যাকেশবাবু ? আপনি যদি গোঁফ দাড়ি লাগিয়ে চোখের চশমাটা খুলে পোশাক বদলে তাঁর ঘরে ঢোকেন, তা হলে আপনাকে সাত বছর আগের সাধন দস্তিদার বলে কেন মনে করবেন না পার্বতীবাবু ? আপনি আর সাধন দস্তিদার যে আসলে একই লোক ! প্রতিশোধ নেবার জন্য চেহারা পালটে নাম পালটে সেই একই লোক যে আবার সেক্রেটারি হয়ে ফিরে এসেছে, সেটা তো আর বোঝেনি পার্বতীচৰণ !’

হ্যাকেশবাবুর মুখের ভাব একদম পালটে গেছে। তাঁর ঠোঁট নড়ছে, কিন্তু মুখ দিয়ে কথা বেরোচ্ছে না। দুজন কনস্টেবল এগিয়ে গেল তাঁর দিকে।

ফেলুদার কথা এখনও শেষ হয়নি।

‘খুনের পর কি আপনার ভাড়া করা কোটের পকেটে পেপার ওয়েট পুরে তার ওজন বাড়িয়ে আপনি পুরুরের জলে ফেলে দেননি ? তারপর নিজের ঘরে গিয়ে আবার হ্যাকেশ দত্ত সেজে বেরিয়ে আসেননি ?’

এই শীতকালেও হ্যাকেশবাবুর শার্টের কলার ভিজে গেছে।

‘আরও একটা কথা’, বলে চলল ফেলুদা। ‘সাধু সাবধান কথাটা কি চেনা চেনা লাগছে ? অনিকুদ্দের জন্য কেনা চন্দনার মুখে কি কথাটা শোনেননি আপনি সম্প্রতি ? আর শুনে আপনার কুসংস্কারাত্মক মনে কি বিশ্বাস ঢোকেনি যে কথাটা আপনাকে উদ্দেশ করেই বলছে ? আপনি সাধু সেজে মনিবের সর্বনাশ করতে যাচ্ছেন জেনেই পাখি এই সাবধানবাণী উচ্চারণ করছে ? আপনিই কি এই পাখিকে খাঁচা থেকে বার করে বাগানে নিয়ে গিয়ে ছেড়ে দেননি ? এবং এই কাজটা করার সময় আপনাকেই কি পাখি জখম করেনি ?’

হ্যাকেশবাবু এবার লাফিয়ে উঠলেন চেয়ার থেকে।

‘অ্যাবসার্ড ! অ্যাবসার্ড ! কোথায় জখম করেছে ? কোথায় ?’

‘ইনস্পেক্টর হাজরা, আপনার লোককে বলুন তো ওঁর ডান হাত থেকে ঘড়িটা খুলে নিতে !’

প্রচণ্ড বাধা সত্ত্বেও ঘড়ি খুলে এল।

কবজিতে প্রায় এক ইঞ্চি লম্বা একটা অঁচড়ের দাগ, সেটা দিব্য ঘড়ির ব্যান্ডের তলায় লুকিয়ে ছিল।

‘আমি খুন করতে যাইনি—দোহাই আপনার—বিশ্বাস করুন !’

হ্যাকেশবাবুর অবস্থা শোচনীয়।

‘সেটা অবিশ্বাস্য নয়’, বলল ফেলুদা, ‘কারণ আপনার আসল উদ্দেশ্য ছিল নেপোলিয়নের চিঠিটা নেওয়া। পেস্টনজী বড় রকম দর দিয়েছেন সেটা আপনি জানতেন। মিঃ হালদার বেচবেন না সেটাও আপনি পূর্ব-অভিজ্ঞতা থেকে জানতেন। কিন্তু জিনিসটা চুরি করে তো পেস্টনজীর কাছে বিক্রি করা যায় ! তাই—’

‘আমি না, আমি না !’ মরিয়া হয়ে প্রতিবাদ জানালেন হ্যাকেশবাবু।

‘আগে আমার কথা শেষ করতে দিন। ফেলু মিস্তির আধাৰে চেড়ড়াভাবে সমস্যার সমাধান

করে না । এ ব্যাপারে আপনি একা নন, সেটা আমি জানি । চিঠিটা বার করে এনে নিজের ঘরে গিয়ে মেক-আপ বদলে আপনি যান আরেকজনের কাছে চিঠিটা দিতে । কিন্তু বাড়িতে খুন হয়েছে, খানাতলাশি হবে, সেটা জেনে এই দ্বিতীয় ব্যক্তিও সাময়িকভাবে চিঠিটাকে অন্য জায়গায় চালান দেন । তাই নয়, অচিন্ত্যবাবু ?

প্রশ্নটা একেবারে বুলেটের মতো । কিন্তু লোকটার আশর্য নার্ভ । অচিন্ত্যবাবু ঠোঁটের কোণে হাসি নিয়ে দিব্যি বসে আছেন সোফায় ।

‘বলুন, বলুন, কী বলবেন,’ বললেন ভদ্রলোক, ‘আপনি তো দেখছি সবই জেনে বসে আছেন ।’

‘আপনি সাড়ে দশটার একটু পরে একবার আপনার ভাইপোর ঘরে যাননি ?’

‘গিয়েছিলাম বহুকী । আমার ভাইপোর ঘরে যাওয়ায় তো কোনও বাধা নেই । সে কদিন থেকেই বলছে তার নতুন খেলনা দেখাবে, তাই গিয়েছিলাম ।’

‘আপনার ভাইপোর ঘরে গতকাল এবং তার আগের রাত্রে একজন চোর ঢুকেছিল । সে যা খুঁজছিল তা পায়নি । আপনি কি অস্বীকার করতে পারেন যে, সে চোর আপনিই এবং আপনি খুঁজতে গিয়েছিলেন নেপোলিয়নের চিঠি—যেটা আপনিই তার ঘরে লুকিয়ে রেখেছিলেন ? চিঠিটা পাবেন এই বিশ্বাসে আপনিই পেস্টনজীকে ফোন করে অফার দিয়েছিলেন, তারপর সেটা না পেয়ে আর পেস্টনজীর ওখানে যেতে পারেননি ?’

‘আমিই যখন লুকিয়েছিলাম, তখন সেটা আমি কেন পাব না সেটা বলতে পারেন ?’

‘কারণ যাতে লুকিয়েছিলেন, সেটা ছিল খোকার বালিশের তলায় । এই যে ।’

ফেলুদা মিঃ হাজরার দিকে হাত বাড়িয়ে দিল । হবি সেটার থেকে কেনা লাল প্লাস্টিকের মেশিনগান চলে এল ফেলুদার হাতে । তার নলের ভিতরে আঙুল ঢুকিয়ে টান দিতে বেরিয়ে এল গোল করে পাকানো নেপোলিয়নের চিঠি ।

‘হ্যাঁকেশবাবুর মেক-আপের ব্যাপারে আপনিই মালমশলা সাপ্লাই করেছিলেন বোধহয় ?’
প্রশ্ন করল ফেলুদা, ‘ভাগ বাঁটোয়ার কী রকম হত ? ফিফ্টি ফিফ্টি ?’

*

মালীর ছেলে শক্ত চন্দনাটা ধরতে পেরেছিল ঠিকই, যদিও পাখি ফেরত পাওয়ার পুরো ক্রেডিটটা তার খুদে মক্কলের কাছে ফেলুদাই পেল ।

অমিতাভবাবু ফেলুদাকে অফার করেছিলেন পার্বতীচরণের কালেকশন থেকে একটা কোনও জিনিস বেছে নিতে । ফেলুদা রাজি হল না । বলল, ‘এই কেসটায় আমার জড়িয়ে পড়াটা একটা আকস্মিক ঘটনা । আসলে আমি এসেছিলাম আপনার ছেলের ডাকে । তার কাছ থেকে তো আর কি নেওয়া যায় না !’

ঘটনার দু দিন পরে শনিবার সকালে লালমোহনবাবু এসে বললেন, ‘জলের তল পাওয়া যায়, মনের তল পাওয়া দায় । আপনার অতলস্পন্দনী চিন্তাশক্তির জন্য আপনাকে একটি অনা঱ারি টাইটেলে ভূষিত করা গেল । —এ বি সি ডি ।’

‘এ বি সি ডি ?’

‘এশিয়া’জ বেস্ট ক্রাইম ডিটেক্টর ।’



ଟିନଟୋରେଟୋ ଯୀଶୁ

ରହ୍ମଶେଖରେ କଥା (୧)

ମଙ୍ଗଲବାର ୨୮ଶେ ସେପ୍ଟେମ୍ବର ୧୯୮୨ ସନ୍ଧ୍ୟା ଶାଢ଼େ ଛଟାଯ ଏକଟି କଲକାତାର ଟ୍ୟାଙ୍କି—ନମ୍ବର ଡଲ୍ଲିଆ. ବି. ଟି. ୪୧୨୨—ବୈକୁଠପୁରେ ପ୍ରାକ୍ତନ ଜମିଦାର ନିଯୋଗୀଦେର ବାଡ଼ିର ଗାଡ଼ିବାରାନ୍ଦାୟ ଏସେ ଥାମଳ ।

ଦାରୋଯାନ ଏଗିଯେ ଆସାର ସଙ୍ଗେ ସଙ୍ଗେ ଏକଟି ବଚର ପଞ୍ଚମିର ଭଦ୍ରଲୋକ ଗାଡ଼ି ଥିକେ ନେମେ ଏଲେନ । ଭଦ୍ରଲୋକେର ରେ ଫରମା, ଚାଲ ଅବିନ୍ୟଷ୍ଟ, ମୁଖେ କାଁଚା-ପାକା ଗୋଫଦାଡ଼ି, ଚୋଖେ ଟିନଟେଡ ଫାସେର ଚଶମା, ପରନେ ଗାଡ଼ ନୀଳ ଟେରିଲିନେର ସୁଟ ।

ଗାଡ଼ିର ଡ୍ରାଇଭାର କ୍ୟାରିଆରେର ଡାଳା ଖୁଲେ ଏକଟି ବ୍ରାଉନ ରଙ୍ଗେ ସୁଟକେସ ବାର କରେ ଭଦ୍ରଲୋକେର ପାଶେ ରାଖଲ ।

‘ନିଯୋଗୀ ସାହାବ ?’ ଦାରୋଯାନ ପ୍ରଶ୍ନ କରଲ ।

ଭଦ୍ରଲୋକ ମାଥା ନେଡ଼େ ହାଁ ବଲଲେନ । ଦାରୋଯାନ ସୁଟକେସଟା ତୁଲେ ନିଲ ।

‘ଆସୁନ, ବାବୁ ଆପନାର ଜନ୍ୟ ଅପେକ୍ଷା କରାହେନ ।’

ବାଡ଼ିର ବର୍ତ୍ତମାନ ମାଲିକ ସୌମ୍ୟଶେଖର ନିଯୋଗୀ ଦୋତଲାର ଦକ୍ଷିଣେ ବାରାନ୍ଦାୟ ଆରାମ କେଦାରାୟ ବସେ ବାଯୁ ସେବନ କରାଇଲେନ । ଆଗନ୍ତୁକକେ ଦେଖେ ତିନି ଏକଟୁ ସୋଜା ହୟେ ବସେ ନମଙ୍କାର କରେ ସାମନେ ରାଖା ଚୟାରେର ଦିକେ ଇଂସିତ କରଲେନ । ସୌମ୍ୟଶେଖରେ ବୟସ ସନ୍ତରେ କାହାକାହି । ଦୃଷ୍ଟିର ଦୂର୍ବଲତା ହେତୁ ଚୋଖେ ପୁରୁ ଚଶମା ପରତେ ହୟେଛେ, ଏ ଛାଡ଼ା ଶରୀରେ ବିଶେଷ କୋନାଓ ବ୍ୟାରାମ ନେଇ ।

‘ଆପନିଇ ରହ୍ମଶେଖର ?’

ଆଗନ୍ତୁକ ଇତିମଧ୍ୟେ ଚୟାରେ ବସେ କୋଟେ ବୁକ ପକେଟ ଥିକେ ଏକଟି ପାସପୋର୍ଟ ବାର କରେ ସୌମ୍ୟଶେଖରେ ଦିକେ ଏଗିଯେ ଦିଯେଛେନ । ସୌମ୍ୟଶେଖର ସେଟି ହାତେ ନିଯେ ଏକବାର ଚୋଖ ବୁଲିଯେ ଏକଟୁ ହେସେ ବଲଲେନ, ‘ଦେଖନ କୀ କାଣ । ଆପନି ଆମାର ଆପନ ଖୁଡ଼ିତେ ଭାଇ, ଅର୍ଥାତ୍ ଆପନାକେ ପାସପୋର୍ଟ ଦେଖିଯେ ସେଟା ପ୍ରମାଣ କରତେ ହାହେ । ଅବିଶ୍ୟ ଆପନାକେ ଦେଖିଲେ ନିଯୋଗୀ ପରିବାରେ ବଲେ ବିଶ୍ୱାସ କରତେ କଟି ହୟ ନା ।’

ଭଦ୍ରଲୋକେର ଟେଁଟେର କୋଣେ ଏକଟା ସାମାନ୍ୟ କୌତୁକେର ଆଭାସ ଦେଖା ଗେଲ ।

‘ତା ଯାକ୍ଗେ,’ ପାସପୋର୍ଟ ଫେରତ ଦିଯେ ବଲଲେନ ସୌମ୍ୟଶେଖର, ‘ଆପନାର ରୋମ ଥିକେ ଲେଖା ଚିଠିଟା ପେଯେ ଆମି ଯେ ଉତ୍ତର ଦିଯେଛିଲାମ ସେଟା ଆପନି ପେଯେଛିଲେନ ଆଶା କରି । ଆପନି ଯେ ଅୟାଦିନ ଆସେନନି ସେଟାଇ ଆମାଦେର କାହେ ଏକଟା ବିଶ୍ୱରେ ବ୍ୟାପାର । କାକା ଘର ଛେଡ଼େ ଚଲେ ଯାନ ଫିଫ୍ଟି ଫାଇଟେ, ଅର୍ଥାତ୍ ସାତାଶ ବଚର ଆଗେ । ଥାର୍ଟି-ଏଇଟେ କାକା ଯଥନ ଆପନାକେ ଛାଡ଼ାଇ ଦେଶେ ଫିରିଲେନ ତଥନ ଅନୁମାନ କରେଛିଲୁମ ଆପନାଦେର ଦୁଜନେର ମଧ୍ୟେ ଖୁବ ଏକଟା ବନିବନା ନେଇ । କାକା ଅବିଶ୍ୟ ଏ ନିଯେ କୋନାଓଦିନ କିଛୁ ବଲେନନି, ଆର ଆମରାଓ ଜିଜ୍ଞେସ କରିନି । ଶୁଦ୍ଧ ଜାନତୁମ ଯେ ତାଁର ଏକଟି ଛେଲେ ଆଛେ ରୋମେ । ତା ଏଥନ ଯେ ଏଲେନ, ସେଟା ବୋଧ କରି ସମ୍ପତ୍ତିର ବ୍ୟାପାରେ ?’

‘ହାଁ ।’

‘ଆପନାକେ ତୋ ଲିଖେଛିଲୁମ ଯେ ବଚର ଦଶେକ ଆଗେ ଅବଧି ମାଝେ ମାଝେ ଏକଟା କରେ କାକାର ପୋଷଟକାର୍ଡ ପେଯେଛି । ତାରପର ଆର ପାଇନି । କାଜେଇ ଆଇନେର ଚୋଖେ ତାଁକେ ମୃତ ବଲେଇ ଧରେ



নেওয়া যায়। আপনি এ বিষয়ে উকিলের সঙ্গে কথা বলেছেন ?'

'হ্যাঁ।'

'তা বেশ তো। আপনি কদিন থাকুন এখানে। সব দেখে-শুনে নিন। ওপরে কাকার সূড়িয়ো এখনও সেইভাবেই আছে। রং তুলি ছবি ক্যানভাস সবই আছে, আমরা কেউ হাত দিইনি। কী আছে না আছে সব দেখে নিন। ব্যাক্সের বই-টাই সবই আছে। তবে, আপনাদের ইটালিতে কী রকম জানি না, আমাদের দেশে এসব ব্যাপারে লেখাপড়া হতে হতে ছমাস লেগে যায়। আপনি সময় হাতে নিয়ে এসেছেন আশা করি ?'

'হ্যাঁ।'

'মাঝে মাঝে তো কলকাতায় যাতায়াত করতে হবে; ট্যাঙ্কিটা রেখে দিয়েছেন তো ?'

'হ্যাঁ।'

'আপনার ড্রাইভারের থাকার বন্দোবস্ত করে দেবে আমার লোক, কোনও অসুবিধা হবে না।'

'গ্রা—থ্যাফ্স।'

রুদ্রশেখর বলতে গিয়েছিলেন গ্রাঃসিয়ে, অর্থাৎ ইটালিয়ান ভাষায় ধন্যবাদ।

'ইয়ে, আপনি আমাদের দিশি খাবারে অভ্যন্ত কি ? লভনে তো শুনিচি রাস্তার মোড়ে মোড়ে ইতিয়ান রেঞ্জেরাঁ, রোমেও আছে কি ?'

'কিছু আছে।'

'বেশ, তা হলে আর চিন্তা নেই। গাঁয়ে দেশে আপনাকে যে হোটেল থেকে খাবার

আনিয়ে দেব তারও তো উপায় নেই। —কী, জগদীশ—কী হল ?'

একটি বৃক্ষ ভৃত্য দরজার মুখে এসে দাঁড়িয়েছে। দেখে বোধা যায় সে কোনও রকমে অশ্রু সংবরণ করে আছে।

‘হজুর, ঠুমৰী মরে গেছে।’

‘মরে গেছে !’

‘হাঁ হজুর।’

‘সেকী ? ভিখু যে ওকে নিয়ে বেড়াতে বেরোল !’

‘ওরা কেউ ফেরেনি। তাই খুঁজতে গেলাম। বাঁশবনে মরে আছে হজুর। ভিখু পালিয়েছে।’

সংগীতপ্রিয় সৌম্যশেখরের দুটি ফক্স টেরিয়ারের একটির নাম ছিল ঠুমৰী, একটি কাজী। কাজী স্বাভাবিক কারণেই মারা গেছে দু বছর আগে। ঠুমৰীর বয়স হয়েছিল এগারো। তবে আজ বিকেল অবধি সে ছিল সম্পূর্ণ সুস্থ।

সৌম্যশেখরকে প্রিয় কুকুরের শোকে বিহুল দেখে সদ্য রোম থেকে আগত রুদ্রশেখর নিয়োগী চেয়ার ছেড়ে উঠে পড়লেন।

এই বেলা তাঁর থাকার ঘরটা দেখে নিতে হবে।

২

শিবপুরের ট্র্যাফিক আর ঘন বসতি পেরিয়ে ন্যাশনাল হাইওয়ে নাস্বার সিক্স-এ আমাদের গাড়িটা পড়তেই যেন একটা নতুন জগতে এসে পড়লাম। আমাদের গাড়ি মানে রহস্য রোমাঞ্চ ওপন্যাসিক লালমোহন গাঙ্গুলী ওফে জটায়ুর সবুজ অ্যামাসাডার। গাড়ি কেনার পয়সা ফেলুদার নিজের কোনও দিন হবে বলে মনে হয় না। এ দেশের প্রাইভেট ইনভেস্টিগেটরের রোজগারে গাড়ি বাড়ি হয় না। আমাদের রজনী সেন রোডের ফ্ল্যাট ছেড়ে ফেলুদা কিছুদিন থেকেই একটা নিজের ফ্ল্যাটে যাবার চিন্তা করছিল, বাবা সেটা জানতে পেরে এক ধরকে ফেলুদাকে ঠাণ্ডা করেছেন। ‘সুখে থাকতে ভূতে কিলোয়’, বললেন বাবা। ‘যেই একটু রোজগার বেড়েছে অমনি নিজের ফ্ল্যাটের ধান্দা। পরে পসার কমলে যদি আবার সুড়সুড় করে এই কাকার ফ্ল্যাটেই ফিরে আসতে হয় ? সেটার কথা ভেবেছিস কি ?’ তারপর থেকে ফেলুদা চুপ।

আর গাড়ির ব্যাপারে জটায়ুর তো আগে থেকেই বলা আছে। ‘ধরে নিন আমার গাড়ি ইজ ইকুয়াল টু আপনার গাড়ি। আপনি আমার এত উপকার করেছেন, এই সামান্য প্রিভিলেজটুকু তো আপনার ন্যায্য পাওনা মশাই।’

উপকারের ব্যাপারটা লালমোহনবাবুর ভাষাতেই বলা ভাল। ওঁর জীবনের অনেকগুলো বৰ্ষ দরজা নাকি ফেলুদা এসে খুলে দিয়েছে। তাতে নাকি উনি শরীরে নতুন বল মনে নতুন সাহস আর চোখে নতুন দৃষ্টি পেয়েছেন। ‘আর, কত জায়গায় ঘোরা হল বলুন তো আপনার দোলতে—দিপ্পি, বোম্বাই, কাশী, সিমলা, রাজস্থান, সিকিম, নেপাল—ওঁ ! ট্রাভেল এন্ড ন্স ’ দি মাইন্ড—এটা শুনে এসেছি সেই ছেলেবেলা থেকে। এটার সত্যতা উপলক্ষ্মি করলুম তো আপনি আসার পর।’

এবারের ট্রাভেলটায় মনের প্রসার কতটা বাড়বে জানি না। ক্যালকাটা টু মেচেদা ভ্রমণ বলতে তেমন কিছুই নয়। তবে লালমোহনবাবুরই ভাষায় আজকাল কলকাতায় বাস করা আর ব্ল্যাক হোলে বাস করা নাকি একই জিনিস। সেই ব্ল্যাক হোল থেকে একটি দিনের

জন্যও যদি বাইরে বেরিয়ে আসা যায় তা হলে খাঁটি অঙ্গিজেন পেয়ে মানুষের আয়ু নাকি কমপক্ষে তিনি মাস বেড়ে যায়।

অনেকেই হয়তো ভাবছে এত জায়গা থাকতে মেচেদো কেন। তার কারণ সংখ্যাতাত্ত্বিক ভবেশচন্দ্র ভট্টাচার্য। মাস তিনিকে হল এর কথা কাগজে পড়ার পর থেকেই লালমোহনবাবুর রোখ চেপেছে এর সঙ্গে দেখা করার।

এই ভবেশ ভট্টাচার্য নাকি সংখ্যাতত্ত্বের সাহায্যে লোকেদের নানা রকম অ্যাডভাইস দিয়ে তাঁদের জীবনের মোড় ঘুরিয়ে দিচ্ছেন। বড় বড় ব্যবসাদার, বড় বড় কোম্পানির মালিক, খবরের কাগজের মালিক, ফিল্মের প্রযোজক, বইয়ের প্রকাশক, উপন্যাসের লেখক, উকিল, ব্যারিস্টার, ফিল্মস্টার—সব রকম লোক নাকি এখন তাঁর মেচেদোর গাড়ির দরজায় কিউ দিচ্ছে। জটায়ুর শেষ উপন্যাসের কাটিতি আগের তুলনায় কম—এক মাসে তিনিটে এডিশনের বদলে দুটো এডিশন হয়েছে। জটায়ুর বিশ্বাস উপন্যাসের নামে গঙ্গোল ছিল, তাই এবার ভট্টাচার্য মশাইয়ের অ্যাডভাইস নিয়ে নতুন বইয়ের নামকরণ হবে, তারপর সেটা বাজারে বেরুবে। ফেলুদার মত আবিশ্য আলাদা। গত উপন্যাসটা পড়েই ফেলুদা বলেছিল রংটা বেশি চড়ে গেছে।—‘সাত-সাতটা গুলি খাওয়া সঙ্গেও আপনার হিরোকে বাঁচিয়ে রাখাটা একটু বাড়াবাড়ি হয়ে যাচ্ছে না, লালমোহনবাবু?’

‘কী বলছেন মশাই! একি যেমন-তেমন হিরো? প্রথর কদ্দ ইঝ এ সুপার-সুপার-সুপারম্যান’ ইত্যাদি। এবারের গল্পটা ফেলুদার মতে বেশ জমেছে, নামের রদবদলে বিক্রির এদিক ওদিক হ্বার সন্তানবন্ধন করে। কিন্তু তাও লালমোহনবাবু একবার সংখ্যাতাত্ত্বিকের মত না নিয়ে ছাড়বেন না। তাই মেচেদো।

ন্যশনাল হাইওয়ে সিক্স খুব বেশি দিন হল তৈরি হয়নি। এই রাস্তাই সোজা চলে গেছে বস্বে। গ্র্যান্ড ট্যাঙ্ক রোডের ধারে ধারে যেমন সব প্রাচীন গাছ দেখা যায়, এখানে তা একেবারেই নেই। বাড়ি-ঘরও বেশি নেই, চারিদিক খোলা, আশ্বিন মাসের প্রকৃতির চেহারাটা পুরোপুরি পাওয়া যায়। ড্রাইভার হরিপদবাবু স্পিডোমিটারের কাঁটা আশি কিলোমিটারে রেখে দিয়ে দিব্যি চালাচ্ছেন গাড়ি। কলকাতা থেকে মেচেদো যেতে লাগবে দু ঘণ্টা। আমরা বেরিয়েছি সকাল সাড়ে সাতটায়; কাজ সেরে দেড়টা-দুটোর মধ্যে স্বচ্ছন্দে ফিরে আসতে পারব।

কোমাঘাট পেরিয়ে মিনিট তিনিক যাবার পরেই একটা উন্নত গাড়ির দেখা পেলাম যেটা রাস্তার একপাশে অকেজো হয়ে পড়ে আছে। মালিক করুণ মুখ করে দাঁড়িয়ে আছেন গাড়ির পাশেই। আমাদের আসতে দেখে ভদ্রলোক হাত নাড়লেন, আর হরিপদবাবু ব্রেক কবলেন।

‘একটা বিশ্রী গোলমালে পড়েছি মশাই,’ কুমালে ঘাম মুছতে মুছতে বললেন ভদ্রলোক। ‘টায়ারটা গেছে, কিন্তু জ্যাকটা বেধ হয় অন্য গাড়িতে রয়ে গেছে, হেঁ হেঁ...’

‘আপনি চিন্তা করবেন না,’ বললেন লালমোহনবাবু। ‘দেখো তো হরিপদ।’

হরিপদবাবু জ্যাক বার করে নিজেই ভদ্রলোকের গাড়ির নীচে লাগিয়ে সেটাকে তুলতে আরম্ভ করে দিলেন।

‘আপনার এ গাড়ি কোন ইয়ারের?’ প্রশ্ন করল ফেলুদা।

‘থার্টি-সিঙ্গা,’ বললেন ভদ্রলোক, ‘আর্মস্ট্রিং সিড্ডলি।’

‘লং রানে কোনও অসুবিধা হয় না?’

‘দিব্যি চলে। আমার আরও দুটো পুরনো গাড়ি আছে। ভিনটেজ কার-ব্যালিতে প্রতিবারই যোগ দিই আমি। ইয়ে, আপনারা চললেন কতদূর?’

‘মেচেদোয় একটু কাজ ছিল।’

‘কতক্ষণের কাজ ?’

‘আধ ঘণ্টাখানেক ।’

‘তা হলে একটা কাজ করন না । ওখান থেকে আমাদের বাড়িতে চলে আসুন । মেচেদা থেকে বাঁয়ে রাস্তা ধরবেন—মাত্র আট কিলোমিটার । বৈকুঠপুর ।’

‘বৈকুঠপুর ?’

‘ওখানেই পৈতৃক বাড়ি আমাদের । আমি অবিশ্যি থাকি কলকাতায় । তবে মা-বাৰা ওখানেই থাকেন । দুশো বছৱের পুৱনো বাড়ি । আপনাদের খুব ভাল লাগবে । দুপুৱে আমাদের ওখানেই খাওয়া-দাওয়া কৰে বিকেলের দিকে চলে আসবেন । আপনারা আমার যা উপকার কৰলেন ! কতক্ষণ যে এইভাবে দাঁড়িয়ে থাকতে হত জানি না ।’

ফেলুদা একটু যেন অন্যমনক । বলল, ‘বৈকুঠপুর নামটা কোথায় যেন দেখেছি রিসেন্টলি ?’

‘ভূদেব সিং-এর লেখাতে কি ? ইলাস্ট্রেটেড উইকলিতে ?’

‘হ্যাঁ হ্যাঁ । মাস দেড়েক আগে বেরিয়েছিল ।’

‘আমি শুনেছি লেখাটার কথা, কিন্তু পড়া হয়নি ।’

‘ইলাস্ট্রেটেড উইকলি আমাদের বাড়িতে আসে না । ফেলুদা কোথায় পড়েছে জানি । হেয়ার কাটিং সেলুনে । একটা বিশেষ সেলুনে ও যায় আৱ ইয়াসিন নাপিত ছাড়া কাউকে দিয়ে চুল কাটায না । ইয়াসিন যতক্ষণ ব্যস্ত থাকে ফেলুদা ততক্ষণ ম্যাগাজিন পড়ে ।

‘বৈকুঠপুরের নিয়োগী পরিবারের একজনকে নিয়ে লেখা,’ বলল ফেলুদা, ‘ভদ্রলোক ছবি আঁকতেন । রোমে গিয়ে আঁকা শিখেছিলেন ।’

‘আমার দাদু চন্দ্ৰশেখৰ,’ হেসে বললেন ভদ্রলোক । ‘আমি ওই পরিবারেই ছেলে । আমার নাম নবকুমাৰ নিয়োগী ।’

‘আই সি । আমার নাম প্ৰদোষ মিত্র । ইনি লালমোহন গাঙ্গুলী, আৱ ইনি আমার খুড়তুতো ভাই তপেশ ।’

প্ৰদোষ মিত্র শুনে ভদ্রলোকের ভুঁক কুঁচকে গেল ।

‘গোয়েন্দা প্ৰদোষ মিত্র ?’

‘আজ্জে হ্যাঁ ।’

‘তা হলৈ তো আপনাদের আসতেই হবে । আপনি তো বিখ্যাত লোক মশাই । সত্যি বলতে কী, এৱ মধ্যে আপনার কথা মনেও হয়েছিল একবাৱ ।’

‘কেন বলুন তো ?’

‘একটা খুনেৰ ব্যাপাৱে । আপনি শুনলে হাসবেন, কাৱণ ভিকাটিম মানুষ নয়, কুকুৰ ।’

‘বলেন কী ? কবে হল এ খুন ?’

‘গত মঙ্গলবাৱ । আমাদেৱ একটা ফঞ্চ টেৰিয়াৱ । বাবাৱ খুবই প্ৰিয় কুকুৰ ছিল ।’

‘খুন মানে ?’

‘চাকৱেৱ সঙ্গে বেড়াতে বেৱিয়েছিল । আৱ ফেৱেনি । চাকৱও ফেৱেনি । কুকুৱেৱ লাশ পাওয়া যায় বাড়ি থেকে মাইল থানেক দূৱে, একটা বাঁশবনে । মনে হয় বিষাক্ত কিছু খাওয়ানো হয়েছিল । বিস্কিটেৱ গুঁড়ো পড়ে ছিল আশেপাশে ।’

‘এ তো অস্তুত ব্যাপাৱ । এৱ কোনও কিনারা হয়নি ?’

‘উহঁ । কুকুৱেৱ ব্যাস হয়েছিল এগাৱো । এমনিতেই আৱ বেশিদিন বাঁচত না । আমার কাছে ব্যাপাৱটা তাই আৱও বেশি মিস্টিৱিয়াস বলে মনে হয় । যাই হোক, আপনাকে অবিশ্যি এ নিয়ে তদন্ত কৰতে হবে না, কিন্তু আপনারা এলে সত্যিই খুশ হব । দাদুৰ স্টুডিয়ো এখনও

রয়েছে, দেখিয়ে দেব।’

‘ঠিক আছে’ বলল ফেলুন। ‘আমারও লেখাটা পড়ে যথেষ্ট কোতুল হয়েছিল নিয়োগী পরিবার সম্বন্ধে। আমরা কাজ সেরে সাড়ে দশটা নাগাত গিয়ে পড়ব।’

‘মেচেদোর মোড় থেকে দু-কিলোমিটার গেলে একটা পেট্রল পাম্প পড়ে। সেখানে জিজ্ঞেস করলেই বৈকুণ্ঠপুরের রাস্তা বাতলে দেবে।’

টায়ার নাগানো হয়ে গিয়েছিল। আমাদের গাড়ি আরও স্পিডে যাবে বলে ভদ্রলোক আমাদেরই আগে যেতে দিলেন। গাড়ি রওনা হবার পর ফেলুন বলল, ‘কত যে ইন্টারেস্টিং বাঙালি চরিত্র আছে যাদের নামও আমরা জানি না। এই চন্দ্রশেখর নিয়োগী বিংশ শতাব্দীর গোড়ার দিকে চরিত্র বছর বয়সে রোমে চলে যান ওখানকার বিখ্যাত অ্যাকাডেমিতে পেন্টিং শিখতে। ছাত্র থাকতেই একটি ইটালিয়ান মহিলাকে বিয়ে করেন। স্ত্রীর মৃত্যুর পর দেশে ফিরে আসেন। এখানে পোর্টেট আঁকিয়ে হিসেবে খুব নাম হয়। নেটিভ স্টেটের রাজ-রাজড়াদের ছবি আঁকতেন। একটি রাজার সঙ্গে খুব বন্ধুত্ব হয়। তিনিই লিখেছেন প্রবন্ধটা। প্রৌঢ় বয়সে আঁকাটাকা সব ছেড়ে দিয়ে সন্ধানী হয়ে চলে যান।’

‘আপনি বলছেন চন্দ্রশেখরের কথা। আর আমি ভাবছি কুকুর খুন,’ বললেন লালমোহনবাবু। ‘এ জিনিস শুনেছেন কখনও?’

ফেলুন স্বীকার করল সে শোনেনি।

‘লেগে পড়ুন মশাই’ বললেন লালমোহনবাবু ‘শাঁসালো মক্কেল। তিন তিনখানা ভিনটেজ গাড়ি। হাতের ঘড়িটা দেখলেন ? কমপক্ষে ফাইভ থাউজ্যান্ড টিপস। এ দাঁও ছাড়বেন না।’

৩

ভবেশ ভট্টাচার্যের সঙ্গে পোস্টকার্ডে অ্যাপয়েটমেন্ট করা ছিল, তাই তাঁর দর্শন পেতে দেরি হল না। ইস্কুল মাস্টার টাইপের চেহারা, চোখে মোটা চশমা, গায়ে ফতুয়ার উপর একটা এস্তির চাদর, বসেছেন তত্ত্বপোশে, সামনে ডেক্সের উপর গোটা পাঁচেক ঝুঁটোলো করে কাটা পেনসিল, আর একটা খোলা খেরোর খাতা।

‘লালমোহন গঙ্গোপাধ্যায় ?’—পোস্টকার্ডে নামটা পড়ে জিজ্ঞেস করলেন ভদ্রলোক। লালমোহনবাবু মাথা নাড়লেন। ‘বয়স কত হল ?’ লালমোহনবাবু বয়স বললেন। ‘জন্মতারিখ ?’ ‘উন্নতিশে ত্রাবণ !’

‘হঁ...সিংহ রাশি। তা আপনার জিজ্ঞাসাটা কী ?’

‘আজ্জে আমি রহস্য রোমাঞ্চ সিরিজে উপন্যাস লিখি। আমার আগামী উপন্যাসের তিনটি নাম ঠিক করা আছে। কোনটা ব্যবহার করব যদি বলে দেন।’

‘কী কী নাম ?’

‘“কারাকোরামে রক্ত কার ?”, ‘কারাকোরামের মরণ কামড়’, আর “নরকের নাম কারাকোরাম”।’

‘হঁ। দাঁড়ান।’

ভদ্রলোক নামগুলো খাতায় লিখে নিয়ে কীসব যেন হিসেবে করলেন, তার মধ্যে যোগ বিয়োগ গুণ ভাগ সবই আছে। তারপর বললেন, ‘আপনার নাম থেকে সংখ্যা পাওছি একুশ, আর জন্ম-মাস এবং জন্মতারিখ মিলিয়ে পাওছি ছয়। তিনি সাতে একুশ, তিনি দুগুণে ছয়। অর্থাৎ তিনের গুণবীয়ক না হলে ফল ভাল হবে না। আপনি তৃতীয় নামটাই ব্যবহার

করুন। তিনি আঠারং চুয়াম। কবে বেরোচ্ছে বই ?'

'আজ্জে পয়লা জানুয়ারি।'

'উহ। তেসরা করলে ভাল হবে, অথবা তিনের গুণগীয়ক যে-কোনও তারিখ।'

'আর, ইয়ে—বিক্রিটা— ?'

'বই ধরবে।'

একশোটি টাকা খামে পুরে দিয়ে আসতে হল ভদ্রলোককে। লালমোহনবাবুর তাতে বিন্দুমাত্র আক্ষেপ নেই। উনি যোল আনা শিওর যে বই হিট হবেই। বললেন, 'মনের ভার নেমে গিয়ে অনেকটা হালকা লাগছে মশাই।'

'তার মানে এবার থেকে কি প্রত্যেক বই বেরোবার আগেই মেচেদা— ?'

'বছরে দুটি তো ! সাঙ্গেসের গ্যারান্টি যেখানে পাচ্ছি...'

ভট্টাচায় মশাইয়ের কাছে বিদায় নিয়ে একটা চায়ের দোকানে ঢা খেয়ে আমরা বৈকুঠপুর রওনা দিলাম। নবকুমারবাবুর নির্দেশ অনুযায়ী পেট্রল পাম্পে জিজ্ঞেস করে নিয়োগী প্যালেসে পৌঁছাতে লাগল বিশ মিনিট।

বাড়ির বয়স যে দুশো সেটা আর বলে দিতে হয় না। খানিকটা অংশ মেরামত করে রং করা হয়েছে সম্প্রতি, বাড়ির লোকজন বোধহয় সেই অংশটাতেই থাকে। দুদিকে পাম গাছের সারিওয়ালা রাস্তা পেরিয়ে বিরাট পোর্টকোর নীচে এসে আমাদের গাড়ি থামল। নবকুমারবাবু গাড়ির আওয়াজ পেয়েই নীচে এসে দাঁড়িয়েছিলেন। একগাল হেসে আসুন আসুন বলে আমাদের ভিতরে নিয়ে গেলেন। আমরা কথা রাখব কি না এ বিষয়ে তাঁর খানিকটা সংশয় ছিল এটাও বললেন।

'বাবাকে আপনার কথা বলেছি' সিঁড়ি দিয়ে দোতলায় উঠতে উঠতে বললেন ভদ্রলোক। 'আপনারা আসছেন শুনে উনি খুব খুশি হলেন।'

'আর কে থাকেন এ বাড়িতে ?' জিজ্ঞেস করল ফেলুদা।

'সব সময় থাকার মধ্যে বাবা আর মা। মা-র জন্যেই থাকা। ওঁর শ্বাসের কষ্ট। কলকাতার ফ্লাইমেট সহ্য হয় না। তা ছাড়া বক্ষিমবাবু আছেন। বাবার সেক্রেটারি ছিলেন। এখন ম্যানেজার বলতে পারেন। আর চাকর-বাকর। আমি মাঝে মধ্যে আসি। এমনিতেও আমি ফ্যামিলি নিয়ে আর কদিন পরেই আসতাম। এ বাড়িতে পুজো হয়, তাই প্রতিবারই আসি। এবারে একটু আগে এলাম কারণ শুনলাম বাড়িতে অতিথি আছে—আমার কাকা, চন্দ্রশেখরের ছেলে, রোম থেকে এসেছেন কদিন হল—তাই মনে হল বাবা হয়তো একা ম্যানেজ করতে পারছেন না।'

'আপনার কাকার সঙ্গে আপনাদের যোগাযোগ আছে বুঝি ?'

'একেবারেই না। এই প্রথম এলেন। বোধহয় দাদুর সম্পত্তির ব্যাপারে।'

'আপনার দাদু কি মারা গেছেন ?'

'খবরাখবর নেই বছদিন। বোধহয় মৃত বলেই ধরে নিতে হবে।'

'উনি রোম থেকে ফিরে এসে এখানেই থাকতেন ?'


'হ্যাঁ।'

'কলকাতায়'না থেকে এখানে কেন ?'

'কারণ উনি যাদের ছবি আঁকতেন তারা সারা ভারতবর্ষে ছড়ানো। নেটিভ স্টেটের রাজা-মহারাজা। কাজেই ওঁর পক্ষে কলকাতায় থাকার কোনও বিশেষ সুবিধে ছিল না।'

'আপনি আপনার দাদুকে দেখেছেন ?'

'উনি যখন বাড়ি ছেড়ে চলে যান তখন আমার বয়স ছয়। আমায় ভালবাসতেন খুব



এইটুকু মনে আছে ।'

বৈঠকখানায় আসবাবের চেহারা দেখে চোখ টেরিয়ে গেল । মাথার উপরে ঘরের দুদিকে দুটো ঝাড়লঠন রয়েছে যেমন আর আমি কখনও দেখিনি । একদিকের দেয়ালে প্রায় আসল মানুষের মতো বড় একটা পোর্টেট রয়েছে একজন বৃদ্ধের—গায়ে জোবো, কোমরে তলোয়ার, মাথায় মণিমুক্তা বসানো পাগড়ি । নবকুমার বললেন ওটা ওঁর প্রপিতামহ অনন্তনাথ নিয়োগীর ছবি । চন্দ্রশেখর ইটালি থেকে ফিরে এসেই ছবিটা এঁকেছিলেন । —‘ছেলে ইটালিয়ান মেয়ে বিয়ে করেছে শুনে অনন্তনাথ বেজায় বিরক্ত হয়েছিলেন । বলেছিলেন আর কোনওদিন ছেলের মুখ দেখবেন না । কিন্তু শেষ বয়সে ওঁর মনটা অনেক নরম হয়ে যায় । দাদু বিপত্তীক অবস্থায় ফিরলে উনি দাদুকে ক্ষমা করেন, এবং উনিই দাদুর প্রথম সিটার ।’

আমি একটা কথা না জিজ্ঞেস করে পারলাম না ।

‘এস. নিয়োগী লেখা দেখছি কেন ? ওঁর নাম তো ছিল চন্দ্রশেখর ।’

‘রোমে গিয়ে ওঁর নাম হয় সান্ড্রো । সেই থেকে ওই নামই লিখতেন নিজের ছবিতে ।’

পোর্টেট ছাড়া ঘরে আরও ছবি ছিল এস. নিয়োগীর আঁকা । আর্টের বইয়ে যে সব বিখ্যাত বিলিতি পেট্টারের ছবি দেখা যায়, তার সঙ্গে প্রায় কোনও তফাত নেই । বোঝাই যায় দুর্দান্ত শিল্পী ছিলেন সান্ড্রো নিয়োগী ।

একজন চাকর শরবত নিয়ে এল । ট্রে থেকে একটা গেলাস তুলে নিয়ে ফেলুন্দা প্রশ্ন করল ।

‘ওই প্রবন্ধটাতে ভদ্রলোক লিখেছেন চন্দ্রশেখরের ব্যক্তিগত সংগ্রহে নাকি কোনও বিখ্যাত বিদেশি শিল্পীর আঁকা একটি পেন্টিং ছিল । অবিশ্য ভদ্রলোক শিল্পীর নাম বলেননি, কারণ চন্দ্রশেখরই নাকি ওঁকে বলতে বারং করেছিলেন—বলেছিলেন ‘বললে কেউ বিশ্বাস করবে না’ । আপনি কিছু জানেন এই পেন্টিং সম্বন্ধে ?’

নবকুমারবাবু বললেন, ‘দেখুন, মিস্টার মিত্র—পেন্টিং একটা আছে এটা আমাদের পরিবারের সকলেই জানে । বেশি বড় না । এক হাত বাই দেড় হাত হবে । একটা ক্রাইস্টের ছবি । সেটা কোনও বিখ্যাত শিল্পীর আঁকা কি না বলতে পারব না । ছবিটা দাদু নিজের স্টুডিয়োর দেয়ালেই টাঙ্গিয়ে রাখতেন, অন্য কোনও ঘরে টাঙ্গানো দেখিনি কখনও ।’

‘অবিশ্য যিনি প্রবন্ধটা লিখেছেন তিনি জানেন নিশ্চয়ই ।’

‘তা তো জানবেনই, কারণ ভগওয়ানগড়ের এই রাজার সঙ্গে দাদুর খুবই বন্ধুত্ব ছিল ।’

‘আপনার কাকা জানতেন না ? যিনি এসেছেন ?’

নবকুমার মাথা নাড়লেন ।

‘আমার বিশ্বাস বাপ আর ছেলের মধ্যে বিশেষ সন্তাব ছিল না । তা ছাড়া কাকা বোধহয় আর্টের দিকে যাননি ।’

‘তার মানে ওই ছবির সঠিক মূল্যায়ন এ বাড়ির কেউ করতে পারবে না ?’

‘কাকা না পারলে আর কে পারবে বলুন । বাবা হলেন গানবাজনার লোক । রাতদিন ওই নিয়েই পড়ে থাকতেন । আর্টের ব্যাপারে আমার যা জ্ঞান, ওঁরও সেই জ্ঞান । আর আমার হেটভাই নন্দকুমার সম্বন্ধেও ওই একই কথা ।’

‘তিনিও গানবাজনা নিয়ে থাকেন বুঝি ?’

‘না । ওর হল অ্যাকটিং-এর নেশা । আমাদের একটা ট্র্যাভেল এজেন্সি আছে কলকাতায় । বাবাই করেছিলেন, আমরা দুজনেই পার্টনার ছিলাম তাতে । নন্দ সেভেন্টি-ফাইভে হঠাত সব ছেড়ে ছুড়ে বস্বে চলে যায় । ওর এক চেনা লোক ছিল ওখানকার ফিল্ম লাইনে । তাকে ধরে হিন্দি ছবিতে একটা অভিনয়ের সুযোগ করে নেয় । তারপর থেকে ওখানেই আছে ।’

সাকসেসফুল ?

‘মনে তো হয় না । ফিল্ম পত্রিকায় গোড়ার দিকের পরে তো আর বিশেষ ছবিটির দেখিনি ওর ।’

‘আপনার সঙ্গে যোগাযোগ আছে ?’

‘মোটেই না । শুধু জানি নেপিয়ান সি রোডে একটা ফ্ল্যাটে থাকে । বাড়ির নাম বোধহয় সি-ভিউ । মাঝে মাঝে ওর নামে চিঠি আসে । সেগুলো রিডাইবেন্ট করতে হয় । ব্যস ।’

সরবত শেষ করে আমরা নবকুমারবাবুর বাবার সঙ্গে দেখা করতে গেলাম ।

দক্ষিণের একটা চওড়া বারান্দায় একটা ইংরিজি পেপারব্যাক চোখের খুব কাছে নিয়ে

আরাম কেদারায় বসে আছেন ভদ্রলোক।

আমাদের সঙ্গে পরিচয়ের পর ভদ্রলোক ছেলেকে বললেন, ‘তুমরীর কথা বলেছিস এঁকে?’

নবকুমারবাবু একটু অপ্রস্তুত ভাব করে বললেন, ‘তা বলেছি। তবে ইনি এমনি বেড়াতে এসেছেন, বাবা।’

ভদ্রলোকের ভূর কুঁচকে গেল।

‘কুকুর বলে তোরা ব্যাপারটাকে সিরিয়াসলি নিছিস না, এটা আমার মোটে ভাল লাগছে না। একটা অবোলা জীবকে যে-লোকে এভাবে হত্যা করে তার কি শাস্তি হওয়া উচিত নয়? শুধু কুকুরকে মেরেছে তা নয়, আমার চাকরকে শাসিয়েছে। তাকে মোটা ঘূব দিয়েছে, নহলে সে পালাত না। ব্যাপারটা অনেক গণগোল। আমার তো মনে হয় যে-কোনও ডিটেকটিভের পক্ষে এটা একটা চ্যালেঞ্জিং ব্যাপার। মিস্টার মিত্রির কী মনে করেন জানি না।’

‘আমি আপনার সঙ্গে একমত,’ বলল ফেলুদা।

‘যাক। আমি শুনে খুশি হলুম। এবং সে লোককে যদি ধরতে পারেন তো আরও খুশি হব। ভাল কথা—’ সৌম্যশ্রেখরবাবু ছেলের দিকে ফিরলেন—‘তোর সঙ্গে রবীনবাবুর দেখা হয়েছে?’

‘রবীনবাবু?’ নবকুমারবাবু বেশ অবাক। ‘তিনি আবার কে?’

‘একটি জানালিস্ট ভদ্রলোক। বয়স বেশি না। আমায় লিখেছিল আসবে বলে। চন্দ্রশেখরের জীবনী লিখবে। একটা ফেলোশিপ না প্রান্ত কী জানি পেয়েছে। সে দু দিন হল এসে রয়েছে। অনেক তথ্য সংগ্রহ করেছে। ইটালিও যাবে বলে বলছে। বেশ চৌকস ছেলে। আমার সঙ্গে কথা বলে সকালে ঘণ্টাখানেক ধরে। টেপ করে নেয়।’

‘তিনি কোথায় এখন?’

‘বোধহয় তার ঘরেই আছে। এক তলায় উত্তরের বেডরুমটায় রয়েছে। আরও দিন দশক থাকবে। রাতদিন কাজ করে।’

‘তার মানে তোমাকে দুজন অতিথি সামলাতে হচ্ছে?’

‘সামলানোর আর কী আছে। রোম থেকে আসা খুড়তুতো ভাইটিকে তো সারাদিন প্রায় চোখেই দেখি না। আর যখন দেখিও, দুচারটের বেশি কথা হয় না। এমন মুখচোরা লোক দুটি দেখিনি।’

‘যখন কথা বলেন কী ভাষায় বলেন?’ ফেলুদা জিজ্ঞেস করল।

‘ইংরিজি বাংলা মেশানো। বললে চন্দ্রশেখর নাকি ওর সঙ্গে বাংলাই বলত। তবে সেও তো আজ প্রায় চল্পিশ বছর হয়ে গেছে। চন্দ্রশেখর যখন দেশে ফেরে তখন ছেলের বয়স আঠারো-উনিশ। বাপের সঙ্গে বোধহয় বিশেষ বনত না। পাছে কিছু জিজ্ঞেস-টিজ্জেস করি তাই বোধহয় কথা বলাটা আ্যাভয়েড করে। ভেবে দেখুন—আমার নিজের খুড়তুতো ভাই, তাকে পাসপোর্ট দেখিয়ে বোঝাতে হল সে কে!’

‘ইংডিয়ান পাসপোর্ট কি?’ ফেলুদা জিজ্ঞেস করল।

‘তাই তো দেখলাম।’

নবকুমার বললে, ‘তুমি ভাল করে দেখেছিলে তো?’

‘ভাল করে দেখার দরকার হয় না। সে যে নিয়োগী পরিবারের ছেলে সে আর বলে দিতে হয় না।’

‘উনি সম্পত্তির ব্যাপারেই এসেছেন তো?’ জিজ্ঞেস করল ফেলুদা।

‘হ্যাঁ। এবং পেয়েও যাবে। সে নিজে তার বাবার কোনও খবরই জানত না। তাই রোম

থেকে চিঠি লিখেছিল আমায়। আমিই তাকে জানাই যে দশ বছর হল তার বাপের কোনও খোঁজ নেই। তার পরেই সে এসে উপস্থিত হয়।'

ফেলুদা বলল, 'চন্দ্রশেখরের সংগ্রহে যে বিখ্যাত পেন্টিংটা আছে সেটা সম্বন্ধে উনি কিছু জানেন? কিছু বলেছেন?'

'না। ইনি নাকি ইঞ্জিনিয়ারিং-এর লোক। আর্টে কোনও ইটারেস্ট নেই। ...তবে ছবিটার খোঁজ করতে লোক এসেছিল।'

'কে?' জিজ্ঞেস করলেন নবকুমারবাবু।

'সোমানি না কী যেন নাম। বাকিমের কাছে তার নাম ঠিকানা আছে। বললে এক সাহেবে কালেক্টর নাকি ইন্টারেস্টেড। এক লাখ টাকা অফার করলে। প্রথমে পঁচিশ হাজার দেবে, তারপর সাহেব দেখে জেনুইন বললে বাকি টাকা। দিন পনেরো আগের ষটনা। তখনও রুদ্রশেখর আসেনি, তবে আসবে বলে লিখেছে। সোমানিকে বললাম এ হল আর্টিস্টের ছেলের প্রপার্টি। সে ছেলে আসছে। যদি বিক্রি করে তো সেই করবে। আমার কোনও অধিকার নেই।'

'সে লোক কি আর এসেছিল?' ফেলুদা জিজ্ঞেস করল।

'এসেছিল বই কী। সে নাছোড়বান্দা। এবার রুদ্রশেখরের সঙ্গে কথা বলেছে।'

'কী কথা হয়েছিল জানেন?'

'না। আর রুদ্র যদি বিক্রি করতে চায়, আমাদের তো কিছু বলার নেই। তার নিজের ছবি সে যা ইচ্ছে করতে পারে।'

'কিন্তু সেটা সম্পত্তি পাবার আগে তো নয়,' বলল ফেলুদা।

'না, তা তো নয়ই।'

খাবার সময় দুজন ভদ্রলোকের সঙ্গেই দেখা হল। রবীনবাবু সাংবাদিককে দেখে হঠাৎ কেন জানি চেনা-চেনা মনে হয়েছিল। হয়তো কোনও কাগজে ছবি-টবি বেরিয়েছে কখনও। দাঢ়ি-গোঁফ কামানো, মাঝারি রং, চোখ দুটো বেশ উজ্জ্বল। বয়স ত্রিশ-পঁয়ত্রিশের বেশি না। বললেন অন্তু সব তথ্য বার করেছেন চন্দ্রশেখর নিয়োগী সম্বন্ধে। স্টুডিয়োতে একটা কাঠের বাক্সে নাকি অনেক মূল্যবান কাগজপত্র আছে।

'রুদ্রশেখরবাবু থাকাতে আপনার খুব সুবিধে হয়েছে বোধহয়?' বলল ফেলুদা, 'ইটালির অনেক খবর তো আপনি এঁর কাছেই পাবেন।'

'ওঁকে আমি এখনও বিরক্ত করিনি,' বললেন রবীনবাবু, 'উনি নিজে ব্যস্ত রয়েছেন। আপাতত আমি চন্দ্রশেখরের ভারতবর্ষে ফিরে আসার পরের অংশটা নিয়ে রিসার্চ করছি।'

রুদ্রশেখরের মুখ দিয়ে একটা ছাঁ ছাড়া আর কোনও শব্দ বেরোল না।

বিকেলে নবকুমারবাবুর সঙ্গে একটু বেড়াতে বেরিয়েছিলাম, কাছেই পোড়া ইটের কাজ করা দুটো প্রাচীর মন্দির আছে সেগুলো নাকি খুবই সুন্দর। ফটক দিয়ে বেরিয়ে গ্রামের রাস্তায় পড়তেই একটা কাণ্ড হল। পশ্চিম দিক থেকে ঘন কালো মেঘ এসে আকাশ ছেয়ে ফেলল, আর দশ মিনিটের মধ্যেই বজ্রপাতের সঙ্গে নামল তুমুল বৃষ্টি। লালমোহনবাবু বললেন এরকম ড্রামাটিক বৃষ্টি তিনি কখনও দেখেননি। সেটার একটা কারণ অবশ্য এই যে এ বকম খোলা প্রান্তরে বৃষ্টি দেখার সুযোগ শহরবাসীদের হয় না।

দৌড় দেওয়া সত্ত্বেও বৃষ্টির ফোঁটা এডানো গেল না। তারপর বুঝতে পারলাম যে এ বৃষ্টি সহজে ধরার নয়। আর আমাদের পক্ষে এই দুর্যোগের সন্ধ্যায় কলকাতায় ফেরাও সম্ভব নয়।

নবকুমারবাবু অবিশ্য তাতে বিন্দুমাত্র বিচলিত হলেন না। বললেন বাড়তি শোবার ঘর

কম করে দশখানা আছে এ বাড়িতে। খাট বালিশ তোশক চাদর মশারি সবই আছে; কাজেই
বাত্তিরে থাকার ব্যবস্থা করতে কোনওই হাঙ্গাম নেই। পরার জন্য লুঙ্গি দিয়ে দেবেন উনি,
এমনকী গায়ের আলোয়ান, ধোপে কাচা পাঞ্জাবি, সবই আছে।—‘আমাকে এখানে মাঝে
মাঝে আসতে হয় বলে কয়েক সেট কাপড় রাখাই থাকে। আপনারা কোনও চিন্তা করবেন
না।’

উত্তরের দিকে পাশাপাশি দুটো পে়লায় ঘরে আমাদের বন্দোবস্ত হল। লালমোহনবাবু
এক একটি জাঁদরেল খাট পেয়েছেন, বললেন, ‘একদিন-কা সুলতানের গঁপ্পের কথা মনে
পড়ছে মশাই।’

তা খুব ভুল বলেননি। দুপুরে ষেতে পাথরের থালাবাটি গেলাসে খাবার সময় আমারও সে
কথা মনে হয়েছিল। বাত্তিরে দেখি সেই সব জিনিসই রূপের হয়ে গেছে।

‘আপনার দাদুর স্টুডিয়োটা কিন্তু দেখা হল না,’ খেতে খেতে বলল ফেলুদা।

‘সেটা কাল সকালে দেখাব,’ বললেন নবকুমারবাবু। ‘আপনারা যে দুটো ঘরে শুচ্ছেন,
ওটা ঠিক তারই উপরে।’

যখন শোবার বন্দোবস্ত করছি, তখন বৃষ্টিটা ধরে গেল। জানালায় দাঁড়িয়ে দেখলাম
ধুবতারা দেখা যাচ্ছে। চারিদিকে অন্তর্ভুক্ত নিষ্ঠদ্বন্দ্ব। রাজবাড়ির পিছনে বাগান, সামনে
মাঠ। আমাদের ঘর থেকে বাগানটাই দেখা যাচ্ছে, তার গাছে গাছে জোনাকি জুলছে। অন্য
কোনও বাড়ির শব্দ এখানে পৌঁছায় না, যদিও পুরে বাজারের দিক থেকে ট্রানজিস্টারের
গানের একটা ক্ষীণ শব্দ পাওছি।

সাড়ে দশটা নাগাত লালমোহনবাবু গুড়নাইট করে তাঁর নিজের ঘরে চলে গেলেন। দুই
ঘরের মাঝখানে একটা দরজা আছে। ভদ্রলোক বললেন সেটা বেশ কনভিনিয়েন্ট।

এই দরজা দিয়েই ভদ্রলোক মাঝবাত্তিরে চুকে এসে চাপা গলায় ডাক দিয়ে ফেলুদার ঘুম
ভাঙ্গলেন। সঙ্গে সঙ্গে অবিশ্য আমারও ঘুম ভেঙ্গে গেল।

‘কী ব্যাপার মশাই? এত বাত্তিরে?’

‘শ্ৰীশ্ৰীশ্ৰী! কান পেতে শুনুন।’

কান পাতলাম। আর শুনলাম।

খচ খচ খচ খচ...

মাথার উপর থেকে শব্দটা আসছে। একবার একটা খুচ শব্দও পেলাম। কেউ হাঁটাচলা
করছে।

মিনিট তিনেক পরে শব্দ থেমে গেল।

উপরেই সান্ত্রে নিয়োগীর স্টুডিয়ো।

ফেলুদা ফিসফিস করে বলল, ‘তোরা থাক, আমি একটু ঘুরে আসছি।’

ফেলুদা খালি পায়ে নিঃশব্দে বেরিয়ে গেল।

লালমোহনবাবু আর আমাদের খাটে বসে রইলাম। প্রচণ্ড সাসপেন্স, ফেলুদা
না-আসা পর্যন্ত হৃৎপিণ্ডটা ঠিক আলজিভের পিছনে আটকে রইল। প্রাসাদের কোথায় যেন
ঘড়িতে ঢং ঢং করে দুটো বাজল। তারপর আরও দুটো ঘড়িতে।

মিনিট পাঁচকের মধ্যে আবার ঠিক তেমনি নিঃশব্দে এসে ঘরে চুকল ফেলুদা।

‘দেখলেন কাউকে?’ চাপা গলায় ঘড়ঘড়ে গলায় লালমোহনবাবুর প্রশ্ন।

‘ইয়েস।’

‘কাকে?’

‘সিঁড়ি দিয়ে এক তলায় নমে গেল।’

‘কে?’

‘সাংবাদিক রবীন চৌধুরী।’

8

বাত্তিরের ঘটনাটা আর নবকুমারবাবুকে বলল না ফেলুদা। চায়ের টেবিলে শুধু জিজ্ঞেস করল, ‘স্টুডিয়োটা চাবি দেওয়া থাকে না?’

‘এমনিতে সবসময়ই থাকে,’ বললেন নবকুমারবাবু, ‘তবে ইদানীং রবীনবাবু প্রায়ই গিয়ে কাজ করেন। রুদ্রশেখরবাবুও যান, তাই ওটা খোলাই থাকে। চাবি থাকে বাবার কাছে।’

চা খাওয়ার পর আমরা চন্দ্রশেখরের স্টুডিয়োটা দেখতে গেলাম।

তিনতলায় ছাত। তারই একপাশে উত্তর দিকটায় স্টুডিয়ো। সিঁড়ি দিয়ে উঠে ডান দিকে ঘুরে স্টুডিয়োতে ঢেকার দরজা।

উত্তরের আলো নাকি ছবি আঁকার পক্ষে সবচেয়ে ভাল, তাই স্টুডিয়োর উত্তরের দেয়ালটা পুরোটাই কাচ। বেশ বড় ঘরের চারদিকে ছড়ানো রয়েছে ডাঁই করা ছবি, নানান সাইজের কাঠের ফ্রেমে বাঁধানো সাদা ক্যানভাস, দুটো বেশ বড় টেবিলের উপর রং তুলি প্যালেট ইত্যাদি নানারকম ছবি আঁকার সরঞ্জাম, জানালার পাশে দাঁড় করানো একটা ইজেল। সব দেখেটোকে মনে হয় আর্টিস্ট যেন কিছুক্ষণের জন্য স্টুডিয়ো ছেড়ে বেরিয়েছেন, আবার এক্ষনি ফিরে এসে কাজ শুরু করবেন।

‘জিনিসপত্র সবই বিলিতি,’ চারিদিক দেখে ফেলুদা মন্তব্য করল। ‘এমনকী লিনসীড অয়েলের শিশিটা পর্যন্ত। রংগুলো তো দেখে মনে হয় এখনও ব্যবহার করা চলে।’

ফেলুদা দু-একটা টিউব তুলে টিপে টিপে পরীক্ষা করে দেখল।

‘হ্যাঁ, ভাল কন্ডিশনে রয়েছে জিনিসগুলো। রুদ্রশেখর এগুলো বিক্রি করেও ভাল টাকা পেতে পারেন। আজকালকার যে কোনও আর্টিস্ট এসব জিনিস পেলে লুফে নেবে।’

ঘরের দক্ষিণ দিকের বড় দেয়ালে আট-দশটা ছবি টাঙানো রয়েছে। তার একটার দিকে নবকুমারবাবু আঙুল দেখালেন।

‘ওটা দাদুর নিজের আঁকা নিজের ছবি।’

আর্টিস্টরা অনেক সময় আয়নার সামনে বসে সেলফপোট্রেট আঁকতেন সেটা আমি জানি। চন্দ্রশেখর নিজেকে এঁকেছেন বিলিতি পোশাকে। চমৎকার শার্প, সুপুরুষ চেহারা। কাঁধ অবধি টেউখেলানো কুচকুচে কালো চুল, দাঢ়ি আর গোঁফও খুব হিসেব করে আঁচড়ানো বলে মনে হয়।

‘এই ছবিটাই ওই প্রবক্ষের সঙ্গে বেরিয়েছে,’ বলল ফেলুদা।

‘তা হবে,’ বললেন নবকুমারবাবু, ‘বাবার কাছে শুনেছিলাম ভূদেব সিং-এর এক ছেলে এখানে এসেছিল একদিনের জন্য। বাপের আর্টিকলের জন্য বেশ কিছু ছবি তুলে নিয়ে যায়।’

‘ভূদলোকের রং তো তেমন ফরসা ছিল বলে মনে হচ্ছে না।’

‘না,’ বললেন নবকুমারবাবু। ‘উনি আমার প্রপিতামহ অনন্তনাথের রং পেয়েছিলেন। মাঝারি।’

‘সেই বিখ্যাত ছবিটা কোথায়?’ এবার ফেলুদা প্রশ্ন করল।

‘এদিকে আসুন, দেখাচ্ছি।’



ମନ୍ଦିର

ନବକୁମାରବୁ ଆମାଦେର ନିଯେ ଗେଲେନ ଦକ୍ଷିଣେ ଦେୟାଲେର ଏକେବାରେ କୋଣେର ଦିକେ ।

ଗିଲିଟିକରା ଫ୍ରେମେ ବାଁଧନୋ ରଯେଛେ ସୀଶୁଥିସ୍ଟେର ଛବିଟା ।

ମାଥାଯ କାଁଟାର ମୁକୁଟ, ଚୋଖେ ଉଦାସ ଚାହନି, ଡାନ ହାତଟା ବୁକେର ଉପର ଆଲତୋ କରେ ରାଖା ।
ମାଥାର ପିଛନେ ଏକଟା ଜ୍ୟୋତି, ତାରଓ ପିଛନେ ଗାଛପାଳା-ପାହାଡ଼-ନଦୀ-ବିଦ୍ୟୁତ-ଭରା ମେଘ ମିଲିଯେ
ଏକଟା ନାଟକୀୟ ପ୍ରାକୃତିକ ଦୃଶ୍ୟ ।

ଆମରା ମିନିଟିଖାନେକ ଧରେ ଅବାକ ହସେ ଚେଯେ ରହିଲାମ ଛବିଟାର ଦିକେ । କିଛୁଇ ଜାନି ନା,
ଅର୍ଥଚ ମନେ ହଲ ହାଜାର ଐଶ୍ୱର, ହାଜାର ରହସ୍ୟ ଲୁକିଯେ ରଯେଛେ ଓଇ ଛବିର ମଧ୍ୟେ ।

ଫେଲୁଦାର ହାବଭାବେ ବେଶ ବୁଝିତେ ପାରାଛିଲାମ ଯେ ବୈକୁଞ୍ଚପୁରେର ନିଯୋଗୀଦେର ସଙ୍ଗେ ସମ୍ପର୍କ
ଏହିଥାନେଇ ଶେ ନଯ । ନୀଚେ ଏସେଇ ଫେଲୁଦା ଏକଟା ଅନୁରୋଧ କରି ନବକୁମାରବୁକୁକେ ।

‘ଆପନାଦେର ଏକଟା ବଂଶଲତିକା ପାଓଯା ଯାବେ କି ? ଅନୁନ୍ତନାଥ ଥିକେ ଶୁରୁ କରେ ଆପନାରା
ପ୍ରୟଞ୍ଚ ଜନ୍ମ ଯତ୍ତୁ ଇତ୍ୟାଦିର ତାରିଖ ସମେତ ହଲେ ଭାଲ ହୁଯ, ଆର ଆଲାଦା କରେ ଚନ୍ଦ୍ରଶେଖରେର
ଜୀବନେର ଜରୁରି ତାରିଖଗୁଲୋ । ଅବିଶ୍ୟ ଯେମେବ ତାରିଖ ଆପନାଦେର ଜାନା ଆଛେ ।’

‘ଆମି ବକ୍ଷିମବାସୁକେ ବଲାଛି । ଉନି ଖୁବ ଏଫିଶିଆନ୍ ଲୋକ । ଦଶ ମିନିଟେର ମଧ୍ୟେ ତୈରି କରେ
ଦେବେନ ଆପନାକେ ।’

‘ଆର, ଇଯେ—ଯେ ଭଦ୍ରଲୋକ ଛବି କିନତେ ଏସେଛିଲେନ ତାଁର ଠିକାନାଟା । ଯଦି ବକ୍ଷିମବାସୁର
କାହେ ଥାକେ ।’

বক্ষিমবাবুর বয়স পঞ্চাশের কাছাকাছি। বেশ চালাক চেহারা। হাসলেই গোঁফের নীচে ধৰধৰে সাদা দাঁতের পাটি বেরিয়ে পড়ে। বললেন, বংশলতিকা একটা রবীনবাবুর জন্য করেছিলেন, তার কার্বন রয়েছে। সেটা পেতে দশ মিনিটের জায়গায় লাগল দু মিনিট।

যিনি ছবি কিনতে এসেছিলেন তাঁর একটা কার্ড বক্ষিমবাবুর কাছে ছিল, উনি সেটা এনে দিলেন ফেলুদাকে। দেখলাম নাম হচ্ছে হীরালাল সোমানি, ঠিকানা ফ্ল্যাট নং ২৩, লোটাস টাওয়ারস, আমীর আলি অ্যাভিনিউ।

কার্ডটা দেবার পর ভদ্রলোক দাঁড়িয়ে রয়েছেন, মুখে একটা কিন্তু কিন্তু ভাব। ফেলুদা বলল, ‘কিছু বলবেন কি?’

‘আপনার নাম শুনেছি’ বললেন ভদ্রলোক, ‘আপনি ডিটেকটিভ তো?’

‘আজ্জে হ্যাঁ।’

‘আপনি কি আবার আসবেন?’

‘প্রয়োজন হলে নিশ্চয়ই আসব। কেন বলুন তো?’

‘ঠিক আছে’ ভদ্রলোকের এখনও সেই ইতস্তত ভাব। —‘মানে, একটু ইয়ে ছিল। তা সে পরেই হবে।’

আমার কাছে ব্যাপারটা কেমন যেন রহস্যময় মনে হল, যদিও পরে ফেলুদাকে বলতে ও বলল, ‘বোধহয় অটোগ্রাফ নেবার ইচ্ছে ছিল, বলতে সাহস পেলেন না।’

গাড়িতে যখন উঠাই তখন ফেলুদা নবকুমারবাবুকে বলল, ‘অনেক ধন্যবাদ, মিস্টার নিয়োগী। আপনাদের এখানে এসে সত্যিই ভাল লাগল। যা দেখলাম আর শুনলাম, তা খুবই ইটারেস্টিং। আমি যদি একটু ওদিক খোঁজখবর করি তাতে আপনার আপত্তি হবে না তো?’

‘মোটেই না।’

‘একবার ভগওয়ানগড়ে ভূদেব সিং-এর কাছে যাবার ইচ্ছে আছে। ওই যীশুর বাজার দরটা কী হতে পারে সেটা একবার ওঁর কাছ থেকে জানা দরকার।’

‘বেশ তো, চলে যান ভগওয়ানগড়। আমার আপত্তির কোনও প্রশ্নই ওঠে না।’

‘আর আপনার বাবা কিন্তু ঠিকই বলেছেন; আপনাদের ফক্স-টেরিয়ার খুনের ব্যাপারটাকে কিন্তু আপনি মোটেই হালকা করে দেখবেন না। আমি ওটার মধ্যে গৃঢ় রহস্যের গন্ধ পাচ্ছি।’

‘তা তো বটেই। আমার কাছে ব্যাপারটা অত্যন্ত ন্যশৎস বলে মনে হয়েছিল।’

ফেলুদা আর নবকুমারবাবুর মধ্যে কার্ড বিনিময় হল। ভদ্রলোক বললেন, ‘আপনি প্রয়োজনে টেলিফোন করবেন, তেমন বুবলে সোজা চলে আসবেন। আর ভগওয়ানগড়ে কী হল সেটা দয়া করে জানিয়ে দেবেন।’

*

‘ভগওয়ানগড় বলে যে একটা জায়গা আছে সেটাই জানা ছিল না, মশাই,’ ফেরার পথে বললেন লালমোহনবাবু।

‘জায়গাটা বোধহয় মধ্যপ্রদেশে,’ বলল ফেলুদা। ‘তবে আই আম নট শিওর। গিয়েই পুঁপক ট্র্যাভেলসের সুদর্শন চক্ৰবৰ্তীৰ শৰণপৰ হতে হবে।’

‘এম পি-টা দেখা হয়নি,’ আপন মনে বললেন জটায়।

‘অবিশ্য এ যাত্রায় যে বিশেষ দেখা হবে সেটা মনে করবেন না। শ্ৰেফ কতগুলো তথ্য

জেনে নিয়ে ফিরে আসা । বৈকুঠপুরকে বেশিদিন নেগলেকট করা চলবে না ।’

‘এটা কেন বলছেন ?’

‘রূদ্রশেখরের পায়ের দিকে লক্ষ করেছেন ?’

‘কই, না তো ?’

‘রবীন চৌধুরীর খাওয়াটা লক্ষ করেছেন ?’

‘কই, না তো ।’

‘তা ছাড়া ভদ্রলোক রাত দুটোর সময় স্টুডিয়োতে কী করেন, বক্ষিমবাবু কী বলতে গিয়ে বললেন না, একটা কুকুরকে কী কী কারণে খুন করা যেতে পারে—এসব অনেক প্রশ্ন আছে ।’

আমি বললাম, ‘কোনও বাড়ির কুকুর যদি ভাল ওয়াচডগ হয়, তা হলে একজন চোর সে-বাড়ি থেকে কিছু সরাবার মতলব করে থাকলে আগে কুকুরকে সরাতে পারে ।’

‘ভেবি গুড় । কিন্তু কুকুরকে মারা হয়েছে মঙ্গলবার আঠাশে সেপ্টেম্বর, আর আজ হল ৫ই অক্টোবর । কই, এখনও তো কিছু চুরি হয়েছে বলে জানা যায়নি । আর, এগারো বছরের বুড়ো ফঞ্চ-টেরিয়ার কতই বা ভাল ওয়াচডগ হবে ?’

‘আমার কী আপশোস হচ্ছে জানেন তো ?’ বললেন লালমোহনবাবু ।

‘কী ?’

‘যে আর্টের বিষয় এত কম জানি ।’

‘বর্তমান ক্ষেত্রে শুধু এইটুকু জানলেই চলবে যে একজন প্রাচীন যুগের প্রখ্যাত শিল্পীর ছবি যদি বাজারে আসে, তা হলে তার দাম লাখ দু লাখ টাকা হলেও আশর্য হবার কিছু নেই ।’

‘অ্যাঁ !’

‘আজ্জে হাঁ !’

‘তার মানে বলতে চান একটি লাখ টাকার ছবি আজ চালিশ বছর ধরে টাঙানো রয়েছে বৈকুঠপুরের ওই স্টুডিয়োর দেয়ালে, অথচ সেটা সম্বন্ধে কেউ কিছু জানে না ?’

‘ঠিক তাই । এবং সেইটে জানার জন্যেই ভগওয়ানগড় যাওয়া ।’

৫

কলকাতায় ফিরে এসেই ফেলুদা প্রবন্ধের কথাটা উল্লেখ করে একটা জরুরি অ্যাপয়েন্টমেন্ট চেয়ে টেলিগ্রাম করে দিল ভগওয়ানগড়ের এক্স মহারাজা ভূদেব সিংকে । তার আগেই অবিশ্য পুষ্পক ট্র্যাভেলসে ফোন করেছিল ফেলুদা । ওঁ ঠিকই আন্দাজ করেছিল ; ভগওয়ানগড় মধ্যপ্রদেশেই, তবে আমাদের প্রথমে যেতে হবে নাগপুরে । সেখান থেকে ছোট লাইনের ট্রেনে ছিন্দওয়ারা । ছিন্দওয়ারা থেকে পঁয়তালিশ কিলোমিটার পশ্চিমে হল ভগওয়ানগড় ।

টেলিগ্রামের উত্তর এসে গেল পরের দিনই । এই সপ্তাহে যে-কোনওদিন গেলেই ভূদেব সিং আমাদের সঙ্গে দেখা করবেন । কবে যাচ্ছি জানিয়ে দিলে ছিন্দওয়ারাতে রাজাৰ লোক গাড়ি নিয়ে থাকবে ।

সুদূরশ্বেতসূর্যকে ফোন করতে ভদ্রলোক বললেন, ‘আপনাদের তাড়া থাকলে কাল বুধবার ভোরে একটা নাগপুর ফ্লাইট আছে । সাড়ে ছ'টায় রওনা হয়ে পৌঁছবেন সোয়া আটটায় । তারপর নাগপুর থেকে সাড়ে দশটায় ট্রেন আছে, সেটা ছিন্দওয়ারা পৌঁছবে বিকেল পাঁচটায় । ট্রেনের টিকিট আপনাদের ওখানেই কেটে নিতে হবে ।’

‘আর ফেবার ব্যাপারটা ?’ জিজ্ঞেস করল ফেলুদা।

‘আপনি বিষ্ণুদ্বাৰ রাত্ৰে আবাৰ ছিলওয়াৱা থেকে ট্ৰেন ধৰতে পাৰবেন। সেটা নাগপুৰ পৌছৰে শুক্ৰবাৰ ভোৱ পাঁচটায়। সেদিনই কলকাতাৰ ফ্লাইট আছে তিন ঘণ্টা পৰে। সাড়ে দশটায় ব্যাক ইন ক্যালকটা।’

সেইভাৰেই যাওয়া ঠিক হল, আৱাৰ রাজাকেও জানিয়ে টেলিগ্ৰাম কৰে দেওয়া হল।

আজকেৰ বাকি দিনটা হাতে আছে, তাই ফেলুদা ঠিক কৰল এই ফাঁকে একটা জৱাৰি কাজ সেৱে নেৰে।

টেলিফোনে অ্যাপয়েন্টমেন্ট কৰে আমৱা বিকেল সাড়ে পাঁচটায় গিয়ে হাজিৰ হলাম আমীৰ আলি অ্যাভিনিউতে লোটাস টাওয়াৱাসে হৈৱালাল সোমানিৰ ফ্ল্যাটে।

বেল টিপতে একটি বেয়াৰা এসে দৰজা খুলে আমাদেৱ বৈঠকখানায় গিয়ে বসিয়ে দিল।

ঘৰে চুকলেই বোৰা যায় ভদ্ৰলোকেৰ সংগ্ৰহেৰ বাতিক আছে, আৱা অনেক জিনিসেৱই যে অনেক দাম সেটাৰ বুৰাতে অসুবিধে হয় না। যেটা নেই সেটা হল সাজানোৰ পারিপাট্য।

ঝাড়া দশ মিনিট বসিয়ে রাখাৰ পৰ সোমানি সাহেবে প্ৰবেশ কৰলেন, আৱা কৱামত্ৰ একটা পাৱাফিউমেৰ গন্ধ ঘৰটায় ছড়িয়ে পড়ল। বুৰালাম তিনি সবেমত্ৰ গোসল সেৱে এলেন। সাদা ট্ৰাউজাৱেৰ উপৱ সাদা কুৰ্তা। পায়ে সাদা কোলাপুৰি ঢাট। পালিশ কৰে আঁচড়ানো চুলেও সাদাৰ ছোপ লক্ষ কৰা যায়। যদিও সৰু কৰে ছাঁটা গোঁফটা সম্পূৰ্ণ কলো।

ভদ্ৰলোক আমাদেৱ সামনেৰ সোফায় বসে ফেলুদা ও লালমোহনবাবুকে সিগাৱেট অফাৱ কৰে নিজে একটা ধৰিয়ে একৱাশ ধোঁয়া ছেড়ে পৱিষ্ঠাৰ বাংলায় বললেন—

‘বলুন কী ব্যাপার।’

‘আমি কয়েকটা ইন্ফ্ৰামেশন চাইছিলাম,’ বলল ফেলুদা।

‘বলুন যদি পসিবল হয় দেব।’

‘আপনি রিসেটলি একটা ছবিৰ খোঁজে বৈকুঠপুৰ গিয়েছিলেন। তাই না ?’

‘ইয়েস।’

‘ওৱা বিক্ৰি কৰতে রাজি হননি।’

‘নো।’

‘আপনি ছবিৰ কথাটা কীভাৱে জানলেন সেটা জানতে পাৰি কি ?’

ভদ্ৰলোক প্ৰশ্নটা শুনে একটু আড়ষ্ট হয়ে গেলেন, যেন ফেলুদা বাড়াবাড়ি কৰছে, এবং উত্তৰ দেওয়া-না দেওয়াটা তাঁৰ মৰ্জি। কিন্তু শেষ পৰ্যন্ত উত্তৰটা এল।

‘আমি জানিনি। আৱেকজন জেনেছিলেন। আমি তাঁই রিকোয়েস্টে ছবি কিনতে গিয়েছিলাম।’

‘আই সি।’

‘আপনি কি সেই ছবি আমায় এনে দিতে পাৱেন ? তবে, জেনুইন জিনিস চাই। ফোজাৰি হলে এক পইসা ভি নহী মিলেগা।’

‘জাল না আসল সেটা আপনি বুৰাবেন কী কৰে ?’

‘আমি বুৰাৰ কেন ? যিনি কিনবেন তিনি বুৰাবেন। হি হাজ থার্টিফাইভ ইয়াৱাস এক্সপ্ৰিয়েস অ্যাজ এ বাইয়াৰ অফ পেটিঃস।’

‘তিনি কি এদেশেৰ লোক ?’

সোমানি সাহেবেৰ চোয়ালটা যেন একটু শক্ত হল। ভদ্ৰলোক ধোঁয়া ছেড়ে যাচ্ছেন, কিন্তু দৃষ্টি এক মুহূৰ্তেৰ জন্য সৱেনি ফেলুদাৰ দিক থেকে। এই প্ৰথম ভদ্ৰলোকেৰ ঠোঁটেৰ কোণে

একটা হাসির আভাস দেখা গেল।

‘এইনফরমেশন আমি আপনাকে দেব কেন? আমি কি বুদ্ধি?’

‘ঠিক আছে।’

ফেলুদা ওঠার জন্য তৈরি হচ্ছিল, এমন সময় সোমানি বললেন, ‘আপনি যদি আমাকে এনে দিতে পারেন, আমি আপনাকে কমিশন দেব।’

‘শুনে সুধী হলাম।’

‘টেন থাউজ্যান্ড ক্যাশ।’

‘আর তারপর সেটা দশ লাখে বিক্রি করবেন?’

সোমানি কোনও উত্তর না দিয়ে একদৃষ্টে চেয়ে রইল ফেলুদার দিকে।

‘ছবি পেলে আপনাকে দেব কেন, মিস্টার সোমানি?’ বলল ফেলুদা। ‘আমি সোজা চলে যাব আসল লোকের কাছে।’

‘নিশ্চয় যাবেন, বাট ওনলি ইফ ইউ নো হোয়্যার টু গো।’

‘সে সব বার করার রাস্তা আছে, মিস্টার সোমানি। সকলের না থাকলেও, আমার আছে।...আমি আসি।’

ফেলুদা উঠে পড়ল।

‘অনেক ধন্যবাদ।’

‘গুড়ড়ে, মিস্টার প্রদোষ মিত্র।’

শ্রেষ্ঠ কথাটা ভদ্রলোক এমনভাবে বললেন যেন উনি ফেলুদার নাম ও পেশা দুটোর সঙ্গেই বিশেষভাবে পরিচিত।

‘একরকম মাংসাশী ফুল আছে না,’ বাইরে বেরিয়ে এসে বললেন, লালমোহনবাবু, ‘দেখতে খুব বাহারে, অথচ পোকা পেলেই কপ্ত করে গিলে ফেলে?’

‘আছে বই কী।’

‘এ লোক যেন ঠিক সেইরকম।’

ফেলুদার উৎকর্ষের ভাবটা বুৰাতে পারলাম যখন সন্ধ্যাবেলা বাড়ি ফিরে এসেই ও বৈকুণ্ঠপুরে একটা ফোন করল।

তবে নবকুমার বললেন আর নতুন কোনও ঘটনা ঘটেনি।

বাড়িতে ফিরে বৈঠকখানায় বসে ‘ভাই, শ্রীনাথকে একটু চা করতে বলো না,’ বলে লালমোহনবাবু পকেট থেকে একটা বই বার করে সশ্বে টেবিলের উপর রাখলেন। বইটা হল ‘সমগ্র পাশ্চাত্য শিল্পের ইতিহাস’, লেখক অনুপম ঘোষদাস্তিদার।

‘কী বলছেন ঘোষদাস্তিদার মশাই?’ আড়চোখে বইটা দেখে প্রশ্ন করল ফেলুদা। ও নিজে আজই দুপুরে সিধু জ্যাঠার বাড়িতে গিয়ে দুটো মোটা আর্টের বই নিয়ে এসেছে সেটা আমি জানি।

‘ওঁ, ভেরি ইউজফুল মশাই। আপনি আর রাজা কথা বলবেন আর্ট নিয়ে, আর আমি হংসমধ্যে বক যথা, এ হতে দেওয়া যায় না। এটা পড়ে নিলে আমিও পার্টিসিপেট করতে পারব।’

‘গোটা বইটা পড়ার কোনও দরকার নেই; আপনি শুধু রেনেসাঁস অংশটা পড়ে রাখবেন। রেনেসাঁস আছে তো ও বইয়ে?’

‘তা তো বলছে না।’

‘তবে কী বলছে?’

‘রিনেইস্যান্স।’

‘ঘোষদস্তিদাবের জবাব নেই।’

‘জিনিসটা তো একই?’

‘তা একই।’

‘ইয়ে, রেনেসাঁস বলতে বোঝাচ্ছেটা কী?’

‘পঞ্চদশ আর ষোড়শ শতাব্দী। এই দেড়শো-দুশো বছর হল ইটালির পুনর্জন্মের যুগ। রেনেসাঁস হল পুনর্জন্ম, পুনর্জাগরণ।’

‘কেন পুনঃ বলছে কেন? হোয়াই এগেইন?’

‘কারণ প্রাচীন গ্রিক ও রোমান সভ্যতার আদর্শে ফিরে যাওয়ার একটা ব্যাপার ছিল এই যুগে—যে আদর্শ মধ্যযুগে হারিয়ে গিয়েছিল। তাই রেনেসাঁস। ইটালিতে শুরু হলেও রেনেসাঁসের প্রভাব ক্রমে ছড়িয়ে পড়েছিল সমস্ত ইউরোপে। বহু প্রতিভা জন্মেছে এই সময়টাতে। শিল্প, সাহিত্যে, সংগীতে, বিজ্ঞানে, রাজনীতিতে। ছাপাখানার উন্নত এই সময়; তার মানে শিক্ষার প্রসার এই সময়। কোপর্নিকাস, গ্যালিলিও, শেক্সপিয়র, দাবিত্ব, রাফেল, মাইকেল এঞ্জেলো—সব এই দেড়শো-দুশো বছরের মধ্যে।’

‘তা আপনার কি ধারণা বৈকুঠপুরের যীশুও আঁকা হয়েছে এই রেনেসাঁসের যুগে?’

‘তার কাছাকাছি তো বটেই। আগে নয় নিশ্চয়ই, বরং সামান্য পরে হতে পারে। মধ্যযুগের পেট্রিং-এ মানুষ জন্ম গাছপালা সব কিছুর মধ্যে একটা কেঠো-কেঠো, আড়ষ্ট, অস্থাভাবিক ভাব দেখতে পাবেন। রেনেসাঁসে সেটা আরও অনেক জীবন্ত, স্বাভাবিক হয়ে আসে।’

‘এই যে সব নাম দেখছি এ বইয়ে—গায়োট্রো—’

‘গায়োট্রো লিখেছে নাকি?’

‘তাই তো দেখছি। গায়োট্রো, বটিসেল্লি, মানটেগ্না’...

‘আপনি ও বইটা রাখুন। আমি আর্টিস্টের নামের একটা তালিকা করে দেব—আপনি চান তো সে নামগুলো মুখস্থ করে রাখবেন। গায়োট্রো নয়। ইংরিজি উচ্চারণে জিয়োটো, ইতালিয়ানে জ্যোত্রো, বতিচেল্লী, মানতেন্যা...’

‘এরা সব বলছেন জাঁদেরেল আঁকিয়ে ছিলেন?’

‘নিশ্চয়ই! শুধু এঁরা কেন? এ রকম অন্তত ত্রিশটা নাম পাবেন শুধু ইটালিতেই।’


‘আর এই ত্রিশ জনের মধ্যে একজনের আঁকা ছবি রয়েছে বৈকুঠপুরে? বোঝো!’

রাত্রে খাওয়া-দাওয়া সেরে জিনিসপত্র গুছিয়ে ফেলুনা নিয়োগীদের বংশলতিকা খাটে বিছিয়ে সেটা খুব মনোযোগ দিয়ে দেখতে লাগল। সেই সঙ্গে অবিশ্য চন্দশেখরের জীবন সংক্ষান্ত তারিখগুলোও ছিল। সে কার দাদু, কে কার কাকা, কে কার ভাই, এগুলো আমার একটু গুলিয়ে যাচ্ছিল। এবার সেটা পরিষ্কার হয়ে গেল।

‘দুটো জিনিসের চেহারা এই রকম—

বংশলাতকা

১। অনন্তনাথ (১৮৬২-১৯৪১)



২। চন্দ্রশেখর নিয়োগী

- ১৮৯০ — জন্ম (বৈকুষ্ঠপুর)
- ১৯১২ — প্রেসিডেন্সি কলেজ থেকে বি.এ. পাশ
- ১৯১৪ — রোমযাত্রা। অ্যাকাডেমি অব ফাইন আর্টসের ছাত্র
- ১৯১৭ — কালৰ্ট ক্যাসিনিকে বিবাহ
- ১৯২০ — পুত্র রূপশেখরের জন্ম
- ১৯৩৭ — কালৰ্ট মৃত্যু
- ১৯৩৮ — স্বদেশে প্রত্যাবর্তন
- ১৯৫৫ — গৃহত্যাগ

৬

প্রেনে নাগপুরে সাড়ে আটটার সময় পৌঁছে, সেখান থেকে দশটা পঞ্চাশের প্যাসেঙ্গার ট্রেন ধরে ছিদ্বয়ারা পৌঁছতে প্রায় ছাঁটা বেজে গেল। স্টেশনে শেভরোলে গাড়ি নিয়ে হাজির ছিলেন ভূদেব সিং-এর লোক। হাসিখুশি হষ্টপুষ্ট মাঝবয়সী এই ভদ্রলোকটির নাম মি. নাগপাল। চারজন গাড়িতে রওনা দিয়ে পৌনে সাতটার মধ্যে পৌঁছে গেলাম ভগওয়ানগড়ের রাজবাড়ি।


নাগপাল বললেন, ‘আপনাদের জন্য ঘর ঠিক করা আছে, আপনারা হাত-মুখ ধুয়ে নিন, সাড়ে সাতটার সময় রাজা আপনাদের মিট করবেন। আমি এসে আপনাদের নিয়ে যাব।’

ঘরের চেহারা দেখেই বুঝলাম যে আজ রাতটা আমাদের এইখানেই থাকার জন্য ব্যবস্থা হয়েছে। বিছানা, বালিশ, লেপ, মশারি, বাথরুমে তোয়ালে সাবান—সবই রয়েছে। যে কোনও ফাইভ-স্টার হোটেলের চেয়ে কোনও অংশে কম নয়। লালমোহনবাবু বললেন, এখনকার বাথরুমে নাকি তাঁর গড়পারের বাড়ির পাঁচটা বেডরুম চুকে যায়। ‘নেহাত টাইম নেই, নইলে টবে গরম জল ভরে শুয়ে থাকতুম আধ ঘণ্টা।’

কাঁচায় কাঁচায় সাড়ে সাতটার সময় মিঃ নাগপাল আমাদের রাজার সামনে নিয়ে গিয়ে হাজির করলেন। শ্বেতপাথরের মেঝেওয়ালা বারান্দায় বেতের চেয়ারে বসে আছেন ভূদেব সিং। চেহারা যাকে বলে সৌম্যকান্তি। বয়স সাতাত্তর, কিন্তু মোটেও খুখুড়ে নন।

আমরা নিজেদের পরিচয় দিয়ে রাজার সামনে তিনটে বেতের চেয়ারে বসলাম। হাসনাহানা ফুলের গঞ্জে বুক্তে পারছি বারান্দার পরেই বাগান, কিন্তু অন্ধকারে গাছপালা বোঝা যাচ্ছে না।

কথাবার্তা ইংরিজিতেই হল, তবে আমি বেশির ভাগটা বাংলা করেই লিখছি। জটায়ু
১৮৮



বলেছিলেন, পার্টিসিপেট করবেন। কতদূর করেছিলেন সেটা যাতে ভাল বোঝা যায় তাই নাটকের মতো করে লিখছি।

ভূদেব—আমার লেখাটা কেমন লাগল ?

ফেলুদা—খুবই ইন্টারেস্টিং। ওটা না পড়লে এরকম একজন শিল্পীর বিষয় কিছুই জানতে পারতাম না।

ভূদেব—আসলে আমরা নিজের দেশের লোকদের কদর করতে জানি না। বিদেশ হলে এ রকম কথনওই হত না। তাই

ভাবলাম—আমার তো বয়স হয়েছে, সেভেনটি-সেভেন—মরে যাবার আগে এই একটা কাজ করে যাব। চন্দ্রশেখরের বিষয় জানিয়ে দেব দেশের লোককে। আমার ছেলেকে পাঠিয়ে দিলাম বৈকুঞ্চিপুর।

চন্দ্রের সেলফপোর্টেট আমার কাছে ছিল না। সে আমাকে ছবি তুলে এনে দিল।

ফেলুদা—আপনার সঙ্গে চন্দ্রশেখরের আলাপ হয় কবে ?

ভূদেব—দাঁড়ান, এই খাতাটায় সব লেখা আছে। ...হ্যাঁ, ৫ই নভেম্বর ১৯৪২ সে আমার পোর্টেট আঁকতে আসে এখানে। তার কথা আমি শুনি ভূপালের রাজার কাছ থেকে। রাজার পোর্টেট চন্দ্র করেছিল। আমি দেখেছিলাম। আমার খুব ভাল লেগেছিল। চন্দ্র হ্যাড ওয়ান্ডারফুল স্কিল।

জটায়ু—ওয়ান্ডারফুল !

ফেলুদা—আপনার লেখায় পড়েছি তিনি ইটালিতে গিয়ে একজন ইটালিয়ান মহিলাকে বিয়ে করেন। এই মহিলা সম্বন্ধে

আরেকটু কিছু যদি বলেন ।

জটায়ু—সামথিং মোৱ...

ভূদেব—চন্দশেখৰ রোমে গিয়ে অ্যাকাডেমি অফ ফাইন আর্টসে
ভর্তি হয় । ওৱা ফ্লাসেই ছিল কার্লা ক্যাসিনি । ভেনিসের
অভিজ্ঞত বৎশের মেয়ে । বাবা ছিলেন কাউন্ট । কাউন্ট
আলবের্তো ক্যাসিনি । কার্লা ও চন্দশেখৰের মধ্যে
ভালবাসা হয় । কার্লা তার বাবার সঙ্গে চন্দশেখৰের
পরিচয় কৱিয়ে দেয় । এখানে বলে রাখি, চন্দশেখৰ
আয়ুর্বেদ চৰ্চা কৱেছিল । ইটালি যাবার সময় সঙ্গে বেশ
কিছু শিকড় বাকল নিয়ে গিয়েছিল । কার্লাৰ বাপ ছিলেন
গাউটের রুগি । প্রচণ্ড যন্ত্ৰণায় ভুগতেন । চন্দশেখৰ
তাঁকে ওষুধ দিয়ে ভাল কৰে দেয় । বুৰাতেই পারছ, এৱ
ফলে চন্দ্ৰৰ পক্ষে কাউটেৱ মেয়েৰ পাণিগ্ৰহণেৰ পথ
অনেক সহজ হয়ে যায় । ১৯১৭-তে বিয়েটা হয়, এবং
এই বিয়েতে কাউন্ট একটি মহামূল্য উপহাৰ দেন চন্দ্ৰকে ।

ফেলুদা—এটা কি সেই ছবি ?

জটায়ু—রেনেসাঁস ?

ভূদেব—হ্যাঁ । কিন্তু এই ছবিটা সম্পন্নে কতটা জানেন আপনাৱা ?

ফেলুদা—ছবিটা দেখেছি, এই পৰ্যন্ত । মনে হয় রেনেসাঁস যুগেৰ
কোনও শিল্পীৰ আঁকা ।

জটায়ু—(বিড়বিড় কৰে)—বত্তিজাতো...দাভিক্ষেপ্তি...

ভূদেব—আপনাৱা ঠিকই ধৰেছেন, তবে যে-কোনও শিল্পী নয় ।
রেনেসাঁসেৰ শেষ পৰ্বেৰ অন্ততম সবচেয়ে খ্যাতিমান
শিল্পী । টিনটোৱেটো ।

জটায়ু—ওফ্ফফফ !

ফেলুদা—টিনটোৱেটোৰ নিজেৰ আঁকা তো খুব বেশি ছবি আছে
বলে জানা যায় না, তাই না ?

ভূদেব—না । অনেক ছবিই আংশিক ভাবে টিনটোৱেটোৰ আঁকা,
বাকিটা একেছে তার স্টুডিয়ো বা ওয়ার্কশপেৰ শিল্পীৰা ।
এটা তথনকাৰ অনেক পেটাৱ সম্পর্কেই থাটে । তবে
কাজাটা যে উচুদৰেৰ তাতে সন্দেহ নেই । সে ছবি চন্দ্ৰ
এনে আমাকে দেখিয়েছিল । টিনটোৱেটোৰ সব লক্ষণই
ৱয়েছে ছবিটায় । ঘোড়শ শতাব্দী থেকেই ক্যাসিনি
প্যালেসে ছিল ছবিটা ।

ফেলুদা—তার মানে ওটা তো একটা মহামূল্য সম্পত্তি ।

ভূদেব—ওৱা দাম বিশ-পঁচিশ লাখ হলে আশচৰ্য হব না ।

জটায়ু—(নিশ্চাস টেনে)—হি ই ই ই ই !

ভূদেব—সেই জন্যেই তো আমি পেটাৱেৰ নামটা বলিনি
প্ৰবন্ধটায় ।

ফেলুদা—কিন্তু তাও বৈকুঠপুৱে লোক এসে খবৱ নিয়ে গেছে ।

ভূদেব—কে ? ক্রিকোরিয়ান এসেছিল নাকি ?

ফেলুদা—ক্রিকোরিয়ান ? কই না তো ! ও নামে তো কেউ আসেনি ।

ভূদেব—আমেনিয়ান ভদ্রলোক । আমার কাছে এসেছিল । ওয়লটার ক্রিকোরিয়ান । টাকার কুমির । হংকং-এর ব্যবসাদার এবং ছবির কালেক্টর । বলে ওর কাছে ওরিজিন্যাল রেমব্রান্ট আছে, টার্নার আছে, ফ্রাগোনার আছে । আমাদের বাড়িতে একটা বুশের-এর ছবি আছে, আমার ঠাকুরদাদার কেনা । সেটা কিনতে এসেছিল । আমি দিইনি । তারপর বলল ও আমার লেখাটা পড়েছে । জিজেস করছিল নিয়োগীদের ছবিটার কথা । ও নিজে এত বড়াই করছিল যে আমি উলটে একটু বড়াই করার লোভ সামলাতে পারলাম না । বলে দিলাম টিনটোরেটোর কথা । ও তো লাফিয়ে উঠেছে চেয়ার থেকে । আমি বললাম, ও ছবিও তুমি কিনতে পাবে না, কারণ পয়সার লোভের চেয়ে প্রাইড অফ পোজেশন আমাদের ভারতীয়দের অনেক বেশি । এটা তোমরা বুঝবে না । ও বললে, সে ছবি আমার হাতে আসবেই, তুমি দেখে নিয়ো । বলেছিল নিজেই যাবে বৈকুঞ্চপুরে । হয়তো হঠাৎ কোনও কাজে ফিরে গেছে । তবে ওর এক দালাল আছে—

ফেলুদা—হীরালাল সোমানি ?

ভূদেব—হ্যাঁ ।

ফেলুদা—ইনিই গিয়েছিলেন বৈকুঞ্চপুরে ।

ভূদেব—অত্যন্ত ঘৃণ্ণ লোক । ওকে যেন একটু সাবধানে হ্যান্ডল করে ।

ফেলুদা—কিন্তু ও ছবি তো চন্দ্রশেখরের ছেলের সম্পত্তি । সে তো এখন বৈকুঞ্চপুরে ।

ভূদেব—হোয়াট ! চন্দ্র ছেলে এসেছে ? এতদিন পরে ?

ফেলুদা—তাকে দেখে এলাম আমরা ।

ভূদেব—ও । তা হলে অবিশ্য সে ছবিটা ক্রেম করতে পারে । কিন্তু টিনটোরেটো তার হাতে চলে যাচ্ছে এটা তাবতে ভাল লাগে না মিস্টার মিট্রা !

ফেলুদা—এটা কেন বলছেন ?

ভূদেব—চন্দ্র ছেলের কথা তো আমি জানি । চন্দ্রকে কত দুঃখ দিয়েছে তাও জানি । এসব কথা তো নিয়োগীরা জানবে না, কারণ চন্দ্র আমাকে ছাড়া আর কাউকে বলেনি । পরের দিকে অবিশ্য ছেলের কথা আর বলতাই না, কিন্তু গোড়ায় বলেছে । ছেলে মুসোলিনির ভক্ত হয়ে পড়েছিল । মুসোলিনি তখন ইটালির একচ্ছত্র অধিপতি ।

বেশির ভাগ ইটালিয়ানই তাকে পুজো করে। কিন্তু কিছু বুদ্ধিজীবী—শিল্পী, সাহিত্যিক, নাট্যকার, সংগীতকার—ছিলেন মুসোলিনি ও ফ্যাসিস্ট পার্টির ঘোর বিরোধী। চন্দ্র ছিল এদের একজন। কিন্তু তার ছেলেই শেষ পর্যন্ত ফ্যাসিস্ট পার্টিতে যোগ দেয়। তার এক বছর আগে কার্ল মারা গেছে ক্যানসারে। এই দুই ট্র্যাজিডির ধাক্কা চন্দ্র সহিতে পারেনি। তাই সে দেশে ফিরে আসে। ছেলের সঙ্গে সে কোনও যোগাযোগ রাখেনি। ভাল কথা, ছেলেকে দেখলে কেমন? তার তো ঘাটের কাছাকাছি বয়স হবার কথা।

ফেলুদা—বাষ্পটি। তবে এমনিতে শক্ত আছেন বেশ। কথাবার্তা
বলেন না বললেই চলে।

ভূদেব—বলার মুখ নেই বলেই বলে না। ...স্ত্রীর মৃত্যু ও ছেলের
বিপথে যাওয়ার দুঃখ চন্দ্র কোনওদিন ভুলতে পারেনি।
শেষে তাই তাকে সংসার ত্যাগ করতে হয়েছিল। এই
নিয়ে অবশ্য তার সঙ্গে আমার কথা কাটাকাটিও হয়।
তাকে বলি—তোমার মধ্যে এত ট্যালেন্ট আছে, এখনও
কাজের ক্ষমতা আছে, তুমি বিবাহী হবে কেন? কিন্তু সে
আমার কথা শোনেনি।

ফেলুদা—আপনার সঙ্গে যোগাযোগ রেখেছিলেন কি?

ভূদেব—মাঝে মাঝে একটা করে পোস্টকার্ড লিখত, তবে
অনেকদিন আর খবর পাইনি।

ফেলুদা—শেষ কবে পেয়েছিলেন মনে আছে?

ভূদেব—দাঁড়াও, এই বাক্সের মধ্যেই আছে তার চিঠিগুলো। হ্যাঁ,
সেপ্টেম্বর ১৯৭৭। হার্ফীকেশ থেকে লিখেছে এটা।

ফেলুদা—অর্থাৎ পাঁচ বছর আগে। তার মানে তো আইনের চেয়ে
তিনি এখনও জীবিত!

ভূদেব—সত্যিই তো! এটা তো আমার খেয়াল হয়নি।

ফেলুদা—তার মানে রুদ্রশেখর এখনও তার সম্পত্তি ক্লেম করতে
পারেন না।

পরদিন ভূদেব সিং গাড়িতে ঘুরিয়ে ডগওয়ানগড়ের যা কিছু দ্রষ্টব্য সব দেখিয়ে দিলেন
আমাদের। গড়ের ভগ্নস্তূপ, ভবনীর মন্দির, লক্ষ্মীনারায়ণ গার্ডেনস, পিঠৌরি লেক, জঙ্গলে
হরিণের পাল—কিছুই বাদ গেল না।

কথাই ছিল এবার শেভরোলে গাড়ি আমাদের একেবারে নাগপুর অবধি পৌঁছে দেবে,
যাতে আমাদের আর প্যাসেঞ্জার ট্রেনের ঝক্কি পোয়াতে না হয়। গাড়িতে ওঠার আগে ভূদেব
সিং ফেলুদার কাঁধে হাত রেখে বললেন—

‘সি দ্যাট দ্য টিনটোরেটো ডাজন্ট ফল ইন্টু দ্য রং হ্যান্ডস।’

মি. নাগপালকে আগেই বলা ছিল; তিনি ওই আমেনিয়ান ভদ্রলোকের নাম ঠিকানা একটা
কাগজে লিখে ফেলুদাকে দিলেন, ফেলুদা সেটা স্বত্ত্বে ব্যাগে পুরে রাখল।

পরদিন এগারোটায় বাড়ি ফিরে এক ঘণ্টার মধ্যে বৈকুঠপুর থেকে নবকুমারবাবুর টেলিফোন এল।

‘চট করে চলে আসুন মশাই। এখানে গওগোল।’

৭

আমরা আধ ঘণ্টার মধ্যেই বেরিয়ে পড়লাম।

‘ছবিটা কি লোপাট হয়ে গেল নাকি মশাই?’ যেতে যেতে জিজ্ঞেস করলেন লালমোহনবাবু।

‘সেইটোই তো ভয় পাছি।’

‘অ্যাদিন ছবির ব্যাপারটায় ঠিক ইটারেস্ট পাছিলুম না, জানেন। এখন বইটা পড়ে, আর ভূদেব রাজার সঙ্গে কথা বলে কেমন যেন একটা নাড়ির যোগ অনুভব করছি ওই টিরিনটোরোর সঙ্গে।’

ফেলুদা গন্তীর, লালমোহনবাবুর ভুল শুধরোনোর চেষ্টাও করল না।

এবারে হরিপদবাবু স্পিডোমিটারের কাঁটা আরও চড়িয়ে রাখায় আমরা ঠিক দুষ্টোয় পৌঁছে গেলাম।

নিয়োগীবাড়িতে এই তিনিনে যেমন কিছু নতুন লোক এসেছে—নবকুমারবাবুর স্ত্রী ও দুই ছেলে-মেয়ে—তেমনি কিছু লোক চলেও গেছে।

চন্দ্রশেখরের ছেলে রুদ্রশেখর আজ ভোরে চলে গেছেন কলকাতা।

আর বক্ষিমবাবুও নেই।

বক্ষিমবাবু খুন হয়েছেন।

কোনও ভারী জিনিস দিয়ে তাঁর মাথায় আঘাত করা হয়, আর তার ফলেই তাঁর মৃত্যু হয়। বেশ বেলা পর্যন্ত তাঁর কোনও হাদিস না পেয়ে খোঁজাখুঁজি পড়ে যায়। শেষে চাকর গোবিন্দ সুউডিয়োতে গিয়ে দেখে তাঁর মৃতদেহ পড়ে আছে মেঝেতে, মাথার চার পাশে রক্ত। পুলিশের ডাঙ্গার দেখে বলেছে মৃত্যু হয়েছে আঘাতের সঙ্গে সঙ্গে। সময়—আন্দাজ রাত তিনটে থেকে ভোর পাঁচটার মধ্যে।

নবকুমার বললেন, ‘আপনাকে ফোনে পাওয়া গেল না, তাই বাধ্য হয়েই পুলিশে খবর দিতে হল।’

‘তা ভালই করেছেন,’ বলল ফেলুদা—‘কিন্তু কথা হচ্ছে—ছবিটা আছে কি?’

‘সেটোই তো আশ্চর্য ব্যাপার মশাই। আততায়ী যে কে সেটা আন্দাজ করা তো খুব মুশকিল নয়; ভদ্রলোকের হাবভাব এমনিতেই সন্দেহজনক মনে হত। বোঝাই যাচ্ছিল টাকার দরকার, অথচ আইনের পথে যেতে গেলে সম্পত্তি পেতে অন্তত ছসাত মাস তো লাগতই—’

‘আরও অনেক বেশি,’ বলল ফেলুদা, ‘পাঁচ বছর আগেও ভূদেব সিং চন্দ্রশেখরের কাছ থেকে চিঠি পেয়েছেন।’

‘তাই বুঝি? তা হলে তো ভদ্রলোকের কোনও লিগ্যাল রাইটই ছিল না।’

‘তাতে অবিশ্য চুরি করতে কোনও বাধা নেই।’

‘কিন্তু চুরি হয়নি! ছবি যেখানে ছিল সেখানেই আছে।’

‘তাজ্জব ব্যাপার,’ বলল ফেলুদা। ‘এ জাতীয় ঘটনা সমস্ত হিসেব-টিসেব গুলিয়ে দেয়। পুলিশে কী বলে?’

‘এক দফা জেরা হয়ে গেছে সকালেই। আসল কাজ তো হল, যে চলে গেছে তাকে খুঁজে পাওয়া। কারণ, কাল রাত্রে এ বাড়িতে ছিলাম আমি, আমার স্ত্রী আর ছেলেমেয়ে, বাবা, মা, রবীনবাবু আর চাকর-বাকর।’

‘রবীনবাবু ভদ্রলোকটি—?’

‘উনি প্রায় রোজ রাত দেড়টা-দুটো অবধি ওঁর ঘরে কাজ করেন। চাকরের ওঁর ঘরে বাতি ঝলতে দেখেছে। তাই সকাল আটটার আগে বড় একটা ঘূম থেকে ওঠেন না। আটটায় ওঁর ঘরে চা দিয়ে গোবিন্দ। আজও দিয়েছে। রুদ্রশেখরও যে খুব সকালে উঠতেন তা নয়, তবে আজ সাড়ে ছাঁটার মধ্যে উনি চলে গেছেন। উনি আর ওঁর সঙ্গে একজন আর্টিস্ট।’

‘আর্টিস্ট?’

‘আপনি যেদিন গেলেন সেদিনই এসেছেন কলকাতা থেকে। রুদ্রশেখরই গিয়ে নিয়ে এসেছিলেন। স্টুডিয়োর জিনিসপত্রের একটা ভ্যালুয়েশন করার জন্য। সব বিক্রি করে দেবেন বলে ভাবছিলেন বোধহয়।’

‘ভদ্রলোক আপনার সঙ্গে দেখা করে যাননি?’

‘উহ। আমি তো জানি কলকাতায় যাচ্ছেন উকিল-টুকিলের সঙ্গে কথা বলতে; কাজ হলেই আবার ফিরে আসবেন। কিন্তু এখন তো আর মনে হয় না ফিরবেন বলে।’

আমরা এক তলার বৈঠকখানায় বসে কথা বলছিলাম। নবকুমারবাবু বোধহয় আমাদের দোতলায় নিয়ে যাবেন বলে সোফা ছেড়ে উঠতেই ফেলুদা বলল—

‘রুদ্রশেখর যে ঘরটায় থাকতেন সেটা একবার দেখতে পারি কি?’

‘নিশ্চয়ই। এই তো পাশেই।’

ঘরের দক্ষিণ দিকের দরজা একটা দিয়ে আমরা মেঝেতে চিনে মাটির টুকরো বসানো একটা শোবার ঘরে চুকলাম। চুকেই মনে হল যেন উনবিংশ শতাব্দীতে এসে পড়েছি। এমন খাট, খাটের উপর মশারি টাঙানোর এমন ব্যবস্থা, এমন ড্রেসিং টেবিল, এমন রাইটিং ডেস্ক, কাপড় রাখার এমন আলনা—কোনওটাই আর আজকের দিনে দেখা যায় না। নবকুমারবাবু বললেন, এ ঘরটাতে আগে চন্দ্রশেখরের ভাই সূর্যশেখর—অর্থাৎ নবকুমারবাবুর ঠাকুরদা—থাকতেন। ‘ঠাকুরদা’ শেষের দিকে আর দোতলায় উঠতে পারতেন না। অর্থ রোজ সকালে-বিকেলে মন্দিরে যাওয়া চাই, তাই একতলাতেই বসবাস করতেন।’

‘বিছানা করা হয়নি দেখছি’ বলল ফেলুদা। সত্যি, মশারিটা পর্যন্ত এখনও ঝুলে রয়েছে।

‘সকাল থেকেই বাড়িতে যা হটপোল, চাকরবাকররা সব কাজকর্ম ভুলে গেছে আর কী!’

‘পাশের ঘরটায় কে থাকে?’

‘ওটায় থাকতেন বক্ষিমবাবু।’

দুটো ঘরের মাঝাখানে একটা দরজা রয়েছে, কিন্তু সেটা বন্ধ। ফেলুদা রুদ্রশেখরের ঘর থেকে বেরিয়ে এসে বাইরের দরজা দিয়ে চুকল বক্ষিমবাবুর ঘরে।

এঘরে স্বভাবতই জিনিসপত্র অনেক বেশি। আলনায় জামা-কাপড়, তার নীচে চটি-জুতো, টেবিলের উপর কিছু বই, কলপ, প্যাড, একটা রেমিংটন টাইপরাইটার। দেয়ালে টাঙানো কিছু ফোটোগ্রাফ, তার মধ্যে একটা একজন সন্ন্যাসী-গোছের ভদ্রলোকের। এ ঘরেও বিছানা করা হয়নি। মশারি ঝুলে রয়েছে।

ফেলুদা হঠাৎ খাটের দিকে এগিয়ে গিয়ে মশারিটা তুলে ধরল, তার দৃষ্টি বালিশের দিকে।

বালিশটা তুলতেই তার তলা থেকে একটা জিনিস বেরিয়ে পড়ল।

একটা ছোট নীল বাঞ্ছের মধ্যে একটা ট্র্যাভেলিং অ্যালার্ম ক্লক ।

‘এ জিনিস তো আমরাও এককালে করতুম মশাই’ বললেন লালমোহনবাবু । ‘আমার পাশের ঘরে ছেটকাকা শুতেন ; পরীক্ষার সময় অ্যালার্ম দিয়ে ভোরে উঠতুম, আর ওঁর যাতে ঘুম না ভাঙে তাই ঘড়িটা রাখতুম বালিশের নীচে ।’

‘ইঁ’ বলল ফেলুদা, ‘কিন্তু ইনি অ্যালার্ম দিয়েছিলেন সাড়ে তিনটৈয়ে ।’

‘সাড়ে তিনটৈ !’

নবকুমারবাবু অবাক ।

‘এবং সেই সময়ই বোধহয় গিয়েছিলেন চন্দ্রশেখরের স্টুডিয়োতে । মনে হয় ভয়ানক কিছু একটা সন্দেহ করছিলেন । সেই সন্দেহের কথাটাই বোধহয় আমায় বলতে চেয়েছিলেন গতবার ।’

*

এই খুনের আবহাওয়াতেও লালমোহনবাবুর হঠাতে উৎফুল্ল হয়ে ওঠার কারণ আর কিছুই না ; নবকুমারবাবুর এগারো বছরের ছেলে আর ন বছরের মেয়ে দুজনেই বেরিয়ে গেল জটায়ুর অঙ্গ ভক্ত । ভদ্রলোককে বৈঠকখানার সোফায় ফেলে দুজনেই চেপে ধরল—‘একটা গল্প বলুন ! একটা গল্প বলুন !’

লালমোহনবাবু খুব স্পিডে উপন্যাস লেখেন ঠিকই, তাই বলে কেউ চেপে ধরলেই যে টুথপেস্টের টিউবের মতো গলগল করে নতুন গল্প বেরিয়ে যাবে এমন নয় । ‘আচ্ছা বলছি’ বলে পর পর তিনবার খানিকদূর এগোতেই ভাই বোনে চেঁচিয়ে ওঠে—‘আরে, এ তো সাহারায় শিহবন !’ ‘আরে, এ তো হনডুরাসে হাহাকার !’ এ তো অমুক, এ তো তমুক...

শেষে ভদ্রলোকের কী অবস্থা হল জানি না, কারণ ফেলুদা নবকুমারবাবুকে বলল যে একবার খুনের জায়গাটা দেখবে ।

লালমোহনবাবুকে দোতলায় রেখে আমরা তিনজনে গেলাম চন্দ্রশেখরের স্টুডিয়োতে ।

প্রথমেই যেটার দিকে দৃষ্টি দিয়ে ফেলুদা থেমে গেল সেটা হল ঘরের মাঝখানের টেবিলটা ।

‘এর ওপর একটা ব্রঞ্জের মূর্তি ছিল না—একটা ঘোড়সওয়ার ?’

‘ঠিক বলেছেন । ওটা ইলেক্ট্রিচ মণ্ডল নিয়ে গেলেন আঙুলের ছাপ নেওয়ার জন্য । ওঁর ধারণা ওটা দিয়েই খুনটা করা হয়েছে ।’

‘ইঁ...’

এবার আমরা তিনজনেই দক্ষিণের দেয়ালের কোণের ছবিটার দিকে এগিয়ে গেলাম ।

আজ যেন যীশুর জৌলুস আরও বেড়েছে । কেউ পরিষ্কার করেছে কি ছবিটাকে ?

ফেলুদা এক পা এক পা করে এগিয়ে গিয়ে ছবিটার একেবারে কাছে দাঁড়াল । তারপর মিনিটখানেক সেটার দিকে চেয়ে থেকে একটা অস্তুত প্রশ্ন করল ।

‘ইটালিতে রেনেসাঁসের যুগে মিনি-শ্যামাপোকা ছিল কি ?’

‘মিনি-শ্যামাপোকা ?’ নবকুমারবাবুর চোখ কপালে উঠে গেছে ।

‘আজকাল তিনরকম শ্যামাপোকা হয়েছে জানেন তো ? মিনি, মিডি আর ম্যাঞ্জি । ম্যাঞ্জিগুলো সাদা, সবুজ নয় । মিনিগুলো রেগুলার কামড়ায় । সবুজ মিডিগুলো অবিশ্য চিরকালই ছিল । কিন্তু ষড়বিংশ শতাব্দীর ভেনিসে ছিল কি না সে বিষয় আমার সন্দেহ আছে ।’

‘ভেনিসে না হোক, এই বৈকুঞ্জপুরে তো আছেই। কাল রাত্রেও হয়েছিল।’

‘তা হলে দুটো প্রশ্ন করতে হয়,’ বলল ফেলুদা, ‘প্রাচীন পেটিং-এর শুকনো রঙে সে পোকা আটকায় কী করে, আর যে ঘরে বাতি জ্বলে না সে ঘরে পোকা আসে কী করে।’

‘তার মানে—?’

‘তার মানে এ ছবি আসল নয়, মিস্টার নিয়োগী। আসল ছবিতে যীশুর কপালে শ্যামাপোকা ছিল না, আর ছবির রংও এত উজ্জ্বল ছিল না। এ ছবি গত দু-এক দিনে আঁকা হয়েছে মূল থেকে কপি করে। কাজটা রাত্তিরে মোমবাতি বা কেরোসিনের বাতি জ্বালিয়ে হয়েছে, আর সেই সময় একটি শ্যামাপোকা ঢুকে যীশুর কপালের কাঁচা রঙে আঁটকে গেছে।’

নবকুমারবাবুর মুখ ফ্যাকাসে !

‘তা হলে আসল ছবি—?’

‘আসল ছবি সরিয়ে ফেলা হয়েছে মিস্টার নিয়োগী। খুব সন্তুষ্ট আজ ভোরেই। এবং কে সরিয়েছে সেটা তো নিশ্চয়ই বুঝতে পারছেন।’

রুদ্রশেখরের কথা (২)

‘গুড আফটারনুন, মিস্টার নিয়োগী।’

‘গুড আফটারনুন।’

রুদ্রশেখর এগিয়ে এসে সোমানির বিপরীত দিকে একটা চেয়ারে বসলেন। দুজনের মাঝখানে একটা প্রশস্ত আধুনিক ডেস্ক। আপিসঘরটা শীতাতপনিয়ন্ত্রিত ও চারিদিক থেকে বন্ধ। তাই শহরের কোনও শব্দই এখানে পৌঁছায় না। পাশের শেলফের উপর ঘড়িটা ইলেকট্রনিক, তাই স্টেটও নিঃশব্দ।

‘আপনি কি ছবিটা পেয়েছেন?’ প্রশ্ন করলেন হীরালাল সোমানি।

রুদ্রশেখর নিয়োগী কোনও জবাব দেওয়ার পরিবর্তে বললেন, ‘আপনি তো আরেকজনের হয়ে ছবিটা কিনতে চান, তাই না?’

হীরালাল একদৃষ্টে চেয়ে রইলেন রুদ্রশেখরের দিকে, ভাবটা যেন তিনি প্রশ্নটা শুনতেই পাননি।

‘আমি সেই ভদ্রলোকের নাম-ঠিকানাটা চাইতে এসেছি’ বললেন রুদ্রশেখর নিয়োগী।

হীরালাল ঠিক সেই ভাবেই চেয়ে থেকে বললেন, ‘আমি আবার জিজ্ঞেস করছি মিঃ নিয়োগী—ছবিটা কি এখন আপনার হাতে?’

‘সেটা বলতে আমি বাধ্য নই।’

‘তা হলে আমিও ইনফরমেশন দিতে বাধ্য নই।’

‘এবার দেবেন কি?’

রুদ্রশেখর বিদ্যুৎের উষ্টে দাঁড়িয়েছে, তার হাতে একটা একটি রিভলভার, সোজা হীরালালের দিকে তাগ করা।

‘বলুন মিঃ সোমানি। আমার জানা দরকার। আমি আজই সে লোকের সঙ্গে যোগাযোগ করতে চাই।’

টেবিলের তলায় সোমানি যে তাঁর বাঁ হাঁটু দিয়ে একটি বোতামে চাপ দিয়েছেন, এবং দেওয়ামাত্র রুদ্রশেখরের পিছনের একটি ঘরের দরজা খুলে গিয়ে দুটি লোক বেরিয়ে এসে

তাঁর পিছনে দাঁড়িয়েছে, সেটা তাঁর জানার উপায় ছিল না।

পরমুহুর্তেই রুদ্রশেখর দেখলেন যে তিনি মোক্ষম প্রাপ্ত পদেছেন।

একটি লোক তার ডান হাতটা ধরে তাতে মোচড় দেওয়াতে রিভলভারটা এখন তারই হাতে চলে গেছে, এবং সেটি এখন রুদ্রশেখরের দিকেই তাগ করা।

‘পালাবার কোনও চেষ্টায় ফল হবে না মিঃ নিয়োগী। এই দুজন লোক আপনার সঙ্গে গিয়ে আপনার কাছ থেকে ছবিটা নিয়ে আসবে। আশা করি আপনি মূর্খের মতো বাধা দেবেন না।’

বিশ মিনিটের মধ্যে লোক দুজন সমেত রুদ্রশেখর একটি ফিয়াট গাড়িতে করে সদর স্ট্রিটের একটি হোটেলে পৌঁছে গেলেন। আপাতদৃষ্টিতে কোনও অস্বাভাবিক ঘটনা নয়—দুটি লোককে সঙ্গে নিয়ে রুদ্রশেখর তাঁর ঘরে চলেছেন। দুজনের একজনের হাত কোটের পকেটে ঠিকই, কিন্তু সে হাতে যে রিভলভার ধরা সেটা বাইরের লোকে বুঝবে কী করে?

উনিশ নম্বর ঘরে তুকে দরজা বন্ধ করে দেবার পর রিভলভার বেরিয়ে এল কোটের পকেট থেকে। রুদ্রশেখর বুলেন কোনও আশা নেই, তাঁকে আদেশ মানতেই হবে।

সুটকেস বিছানার উপর রেখে চাবি দিয়ে ডালা খুলে একটা শবরের কাগজে মোড়া পাতলা বোর্ড বার করে আনেন রুদ্রশেখর।

যে লোকটির হাতে রিভলভার নেই সে মোড়কটা ছিনিয়ে নিয়ে খবরের কাগজের র্যাপিং খুলতেই বেরিয়ে পড়ল যীশু খ্রিস্টের ছবি।

লোকটা ছবিটা আরার কাগজে মুড়ে পকেট থেকে প্রথমে একটি সিঙ্কের রুমাল বার করে তাই দিয়ে রুদ্রশেখরের মুখ বাঁধল।

তারপর একটি মোক্ষম ধূষিতে তাকে অজ্ঞান করে মেঝেতে ফেলে, নাইলনের দড়ির সাহায্যে আচ্ছেপঞ্চে বেঁধে সেইভাবেই ফেলে রেখে দুজনে ঘর থেকে বেরিয়ে গেল।

পনেরো মিনিটের মধ্যে যীশু খ্রিস্টের ছবি হীরালাল সোমানির কাছে পৌঁছে গেল। সোমানি ছবিটার উপর চেখ বুলিয়ে দুটির একটি লোকের হাতে দিয়ে বললেন, ‘এটা ভাল করে প্যাক করো।’

তারপর অন্য লোকটিকে বললেন, ‘একটা জরুরি টেলিগ্রাম লিখে দিচ্ছি। এখুনি পার্ক স্ট্রিট পোস্টাপিসে চলে যাও। টেলিগ্রাম আজকের মধ্যেই যাওয়া চাই।’

সোমানি টেলিগ্রাম লিখলেন—

মিঃ ওয়লটার ক্রিকোরিয়ান

ক্রিকোরিয়ান এন্টারপ্রাইজেজ

১৪ হেনেসি স্ট্রিট

হংকং

অ্যারাইভিং স্যাটোরডে নাইনথ অক্টোবর

—সোমানি

৯

সঙ্কের দিকে ইস্পেষ্টর মণ্ডল এলেন। মহাদেব মণ্ডল! নামটা শুনলেই যে একটা গোলগাল নাদুসন্দুস চেহারা মনে হয়, মোটেই সেরকম নয়। বরং একেবারেই উলটো। লালমোহনবাবু পরে বলেছিলেন, ‘নামের তিনভাগের দুভাগই যখন রোগা, তখন এটাই স্বাভাবিক, যদিও সচরাচর এটা হয় না।’ এখানে অবিশ্য নাম বলতে লালমোহনবাবু



‘দারোগা’ বোঝাতে চেয়েছিলেন।

দেখলাম ফেলুদার নাম যথেষ্ট জানা আছে ভদ্রলোকের।

‘আপনি তো খড়াপুরের সেই জোড়া খুনের রহস্যটা সমাধান করেছিলেন, তাই না? সেভেনটি এইটে?’

যমজ ভাইয়ের একজনকে মারার কথা, কোনও রিক্ষ না নিয়ে দুজনকেই খুন করেছিল এক ভাড়াতে গুণ্ঠা। ফেলুদার খুব নামডাক হয়েছিল কেসটাতে।

ফেলুদা বলল, ‘বর্তমান খুনের ব্যাপারটা কী বুঝেছেন?’

‘খুনি তো যিনি ভেগেছেন তিনিই’ বললেন ইন্সপেক্টর মণ্ডল। ‘এ বিষয়ে তো কোনও ডাউট নেই, কিন্তু কথাটা হচ্ছে মোটিভ নিয়ে।’

‘একটা মহামূল্য জিনিস নিয়ে খুনি ভেগেছেন সেটা জানেন কি ?’

‘এটা আবার কী ব্যাপার ?’

‘এটা আবিষ্কারের ব্যাপারে আমার সামান্য অবদান আছে ।’

‘জিনিসটা কী ?’

‘একটা ছবি । স্টুডিয়োতেই ছিল । সেই ছবিটা নেবার সময় বক্ষিমবাবু দিয়ে পড়লে পরে খুন্টা অসন্তুষ্ট নয় ।’

‘তা তো বটেই ।’

‘আপনি সাংবাদিক ভদ্রলোকটিকে জেরা করেছেন ?’

‘করেছি বইকী । সত্যি বলতে কী, দু-দুটি সম্পূর্ণ অচেনা লোক একই সঙ্গে বাড়িতে এসে রয়েছে এটা খুবই খটকার ব্যাপার । ওঁর ওপরেও যে আমার সন্দেহ পড়েনি তা না, তবে জেরা করে মনে হল লোকটি বেশ স্ট্রেট-ফরওয়ার্ড, কথাবার্তাও পরিষ্কার । তা ছাড়া, যে ঘৃত্তিটা মাথায় মেরে খুন করা হয়েছে বলে আমার বিশ্বাস, তাতে স্পষ্ট আঙুলের ছাপ পাওয়া গেছে । তার সঙ্গে এনার আঙুলের ছাপ মেলে না ।’

‘রুদ্রশেখরবাবুর খোঁজটা করেছেন ? ডব্লু বি টি ফোর ওয়ান ডবল টু ?’

‘বা-বা, আপনার তো খুব মেমারি !—খোঁজ করা হয়েছে বই কী । পাওয়া গেছে সে ট্যাঙ্কি । রুদ্রশেখরকে এখান থেকে নিয়ে গিয়ে সদর স্ট্রিটে একটা হোটেলে নামায় । সে হোটেলে খোঁজ করে ভদ্রলোককে পাওয়া যায়নি । অন্য হোটেলগুলোতেও নাম এবং চেহারার বর্ণনা দিয়ে খোঁজ করা হচ্ছে, কিন্তু এখনও কোনও খবর আসেনি । মহামূল্য ছবি যদি নিয়ে থাকে তা হলে তো সেটাকে বিক্রি করতে হবে । সে কাজটা কলকাতায় হবারই সন্ত্বরণা বেশি ।’

‘সে ব্যাপারে পুরোপুরি ভরসা করা যায় বলে মনে হয় না ।’

‘আপনি বলছেন শহর ছেড়ে চলে যেতে পারে ?’

‘দেশ ছেড়েও যেতে পারে ।’

‘বলেন কী !’

‘আমার যদুর ধারণা আজই হংকং-এ একটা ফ্লাইট আছে ।’

‘হংকং ! এ যে আন্তর্জাতিক পুলিশের ব্যাপার হয়ে দাঁড়াচ্ছে মশাই । হংকং চলে গেলে আর মহাদেব মণ্ডল কী করতে পারে বলুন !’

‘হংকং যে গেছে এমন কোনও কথা নেই । তবে আপনি না পারলেও আমাকে একটা চেষ্টা দেখতেই হবে ।’

‘আপনি হংকং যাবেন ?’ বেশ কিছুটা অবাক হয়েই জিজ্ঞেস করলেন নবকুমারবাবু ।

‘আরও দু-একটা অনুসন্ধান করে নিই’ বলল ফেলুদা, ‘তারপর ডিসাইড করব ।’

‘যদি যাওয়া স্থির করেন তো আমাকে জানাবেন । ওখানে একটি বাঙালি ব্যবসাদারের সঙ্গে খুব আলাপ আছে আমার । পূর্ণেন্দু পাল । আমার সঙ্গে কলেজে পড়ত । ভারতীয় হ্যান্ডক্রাফ্টসের দোকান আছে । সিঙ্গি-পাঞ্জাবিদের সঙ্গে পাঞ্জা দিয়ে মন্দ করছে না ।’

‘বেশ তো । আমি গেলে তাঁর ঠিকানা নিয়ে নেব আপনার কাছে ।’

‘ঠিকানা কেন ? আমি তাকে কেবল করে জানিয়ে দেব, সে আপনাদের এসে মিট করবে এয়ারপোর্টে । প্রয়োজনে তার ফ্ল্যাটেই থাকতে পারেন আপনারা ।’

‘ঠিক আছে, ঘুরে আসুন,’ ফেলুদাকে উদ্দেশ করে বললেন মিঃ মণ্ডল, ‘যদি পারেন আমার জন্য কিছু বিলিতি রেড নিয়ে আসবেন তো মশাই । আমার দাঢ়ি বড় কড়া । দিশি রেডে শান্তায় না ।’

মিঃ মণ্ডল বিদায় নিলেন।

‘যাক, তা হলে শেষমেষ আমাদের পাস্পোর্টটা কাজে লাগল,’ আমরা তিনজনে আমাদের ঘরে গিয়ে বসার পর বললেন লালমোহনবাবু। দু বছর আগে বস্বের প্রেসিডেন্ট হোটেলের একজন আরব বাসিন্দা খুন হয়। ফেলুদার বক্স বস্বের ইঙ্গেল্সের পটবর্ধন মারফত কেসটা ফেলুদার হাতে আসে। সেই সূত্রেই আমাদের আবু ধাবি যাবার কথা হয়েছিল। সব ঠিক, পাসপোর্ট-টাসপোর্ট রেডি, এমন সময় খবর আসে খুনি পুলিশের কাছে আত্মসমর্পণ করেছে।—‘কান ঘেঁষে বেরিয়ে গেল, তপেশ ভাই! আক্ষেপ করে বলেছিলেন লালমোহনবাবু। ‘কাঠমাণু ফরেন কান্তি ঠিকই, কিন্তু পাসপোর্ট দেখিয়ে ফরেনে যাবার একটা আলাদা ইয়ে আছে।’

সেই ইয়েটা এবার হলেও হতে পারে।

লালমোহনবাবু হংকং-এর ক্রাইম রেট সম্বন্ধে কী একটা মন্তব্য করতে যাচ্ছিলেন, এমন সময় দরজার বাইরে একটা মদু কাশির শব্দ পেলাম।

‘আসতে পারি?’

সাংবাদিক রবীন চৌধুরীর গলা।

ফেলুদা ‘আসুন’ বলাতে ভদ্রলোক ঘরে ঢুকে এলেন। আমার আবার মনে হল একে যেন আগে দেখছি, কিন্তু কোথায় সেটা বুঝতে পারলাম না।

ফেলুদা চেয়ার এগিয়ে দিলেন ভদ্রলোকের দিকে।

‘আপনি শুনলাম ডিটেকটিভ?’ বসে বললেন ভদ্রলোক।

‘আজ্ঞে হ্যাঁ। সেটাই আমার পেশা।’

‘জীবনী লেখার কাজটাও অনেক সময় প্রায় গোয়েন্দাগিরির চেহারা নেয়। এক-একটা নতুন তথ্য এক-একটা ক্লু-এর মতো নতুন দিক খুলে দেয়।’

‘আপনি চন্দ্রশেখর সম্বন্ধে নতুন কোনও তথ্য পেলেন নাকি?’

‘সুড়িয়ো থেকে চন্দ্রশেখরের দুটো বাই আমি আমার ঘরে নিয়ে এসেছিলাম। তাতে বেশির ভাগই চিঠি, দলিল, ক্যাশমোমো, ক্যাটলগ ইত্যাদি, কিন্তু সেই সঙ্গে কিছু খবরের কাগজের কাটিং-ও ছিল। তার মধ্যে একটা খুবই গুরুত্বপূর্ণ। এই দেখুন।’

ভদ্রলোক পকেট থেকে একটা খবরের কাগজের টুকরো বার করে ফেলুদার দিকে এগিয়ে দিলেন। তার একটা অংশ লাল পেনসিল দিয়ে মার্ক করা। তাতে লেখা—

La moglie Vittoria con in figlio Rajsekhar annuncio con profondo dolore la scomparsa del loro Rudrasekhar Neogi.

—Roma, Juli 27, 1955

‘এ তো দেখছি ইটালিয়ান ভাষা,’ বলল ফেলুদা।

‘হ্যাঁ, কিন্তু আমি ডিকশনারি দেখে মানে করেছি। এতে বলছে—স্ত্রী ভিত্তোরিয়া ও ছেলে রাজশেখের গভীর দুঃখের সঙ্গে জানাচ্ছে—“লা স্ফুম্পারসা দেল লোরো রুদ্রশেখের নিয়োগী”—অর্থাৎ, দ্য লস্ অফ দেয়ার রুদ্রশেখের নিয়োগী।’

‘মৃত্যু সংবাদ?’ ভুবু কুঁচকে বলল ফেলুদা।

‘রুদ্রশেখের ডেড?’ চোখ কপালে তুলে বললেন জটায়ু।

‘তা তো বটেই। এবং তিনি মারা যান ১৯৫৫ সালের সাতাশে জুলাই। তার সঙ্গে এটাও জানা যাচ্ছে যে তিনি বিয়ে করেছিলেন, এবং রাজশেখের নামে তাঁর একটি ছেলে হয়েছিল।’

‘সর্বনাশ! এ যে বিশ্বেরণ!’ ফেলুদা খাট ছেড়ে উঠে দাঁড়িয়েছে। ‘আমার নিজেরও সন্দেহ হয়েছিল, কিন্তু এই ভাবে হাতে-নাতে প্রমাণ পাওয়া যাবে সেটা ভাবতে পারিনি।

আপনি কবে পেলেন এটা ?'

'আজই দুপুরে ।'

'ইস—লোকটা স্টকে পড়ল । কী মারাত্মক ধাপ্পাবাজি !'

'আমি কিন্তু প্রথম থেকেই সন্দেহ করেছিলাম, কারণ আমি কোনও প্রশ্ন করলে হয় উনি
এড়িয়ে যাচ্ছিলেন, না হয় ভুল জবাব দিচ্ছিলেন । শেষে অবিশ্য প্রশ্ন করা বন্ধই করে
দিয়েছিলাম ।'

'যাকগে । এই নিয়ে এংদের এখন কিছু জানিয়ে কোনও লাভ নেই । এখন লোকটাকে
ধরা নিয়ে কথা । তারপর অবিশ্য শাস্তি যেটো দরকার সেটা হবে । আপনি সত্যিই গোয়েন্দার
কাজ করেছেন । অনেক ধন্যবাদ ।'

রবীনবাবু চলে গেলেন । আমাদের অনেক উপকার করে গেলেন ঠিকই, কিন্তু তাও ওঁর
সম্বন্ধে খটকা লাগছে কেন ?

ওঁর শার্টের এক পাশে রক্তের দাগ কেন ?

ফেলুদাকে বললাম ।

লালমোহনবাবুও দেখেছেন দাগটা, এবং বললেন, 'হাইলি সাস্পিশাস ।'

ফেলুদা শুধু গজীরভাবে একটা কথাই বলল, 'দেখেছি ।'

*

আমরা সঙ্গে সাতটায় বৈকুঠপুর থেকে বেরিয়ে পড়লাম । রওনা দেৱাৰ ঠিক আগে
নবকুমারবাবু আমাদের সঙ্গে দেখা করতে এসে একটা অপ্রত্যাশিত ব্যাপার করলেন ।
ফেলুদার হাতে একটা খাম গুঁজে দিয়ে বললেন, 'এই নিন মশাই, সামনে আপনাদের অনেক
খৰচ আছে । এতে কিছু আগাম দিয়ে দিলাম । আমাদেরই হয়ে আপনি তদন্তটা করছেন এ
ব্যাপারে আপনার মনে যেন কোনও দ্বিধা না থাকে ।'

'অনেক ধন্যবাদ ।'

'আৱ আমি পূর্ণেন্দুকে কাল একটা টেলিগ্রাম করে দেব । আপনি যদি যান তা হলে ফ্লাইট
নাহার জানিয়ে এই ঠিকানায় ওকে একটা তাৱ করে দেবেন । ব্যস, আৱ কিছু ভাবতে হবে
না ।'

খাম ছিল পাঁচ হাজাৰ টাকার একটা চেক ।

'জাল-কুন্দশেখৰকে খোঁজার কী কৰবেন ?' ফেরার পথে লালমোহনবাবু জিজেস
করলেন ।

'ওঁৰ পাস্তা পাবাৰ আশা কম, যদি বা ভদ্রলোক হংকং গিয়ে থাকেন ।'

'গেছে কি না-গেছে সেটা জানছেন কী কৰে ?'

'জানাৰ কোনও উপায় নেই । তাকে দেশৰ বাইৱে যেতে হলে তাৱ নিজেৰ নামে যেতে
হবে ; তাৱ পাসপোর্টও হবে নিজেৰ নামে । নবকুমারবাবুৰ বাবাকে যে পাসপোর্ট
দেখিয়েছিলেন ভদ্রলোক, সেটা জাল ছিল তাতে কোনও সন্দেহ নেই । ক্ষীণদৃষ্টি বৃংগেৰ পক্ষে
সেটা ধৰাৰ কোনও সন্তাবনা ছিল না । কিন্তু এয়াৱপোর্টে তো আৱ সে ধাপ্পা চলবে না তাৱ
অসল নামটা যখন আমৱা জানি না, তখন প্যাসেঞ্জাৰ লিস্ট দেখে কোনও লাভ নেই ।'

'তা হলে ?'

'একটা ব্যাপার হতে পাৱে । আমাৰ মনে হয় সেই আমেনিয়ান ভদ্রলোকেৰ নাম ঠিকানা
নিতে জাল-কুন্দশেখৰকে একবাৰ হীৱালাল সোমানিৰ কাছে যেতেই হবে । সোমানি সম্বন্ধে

যা শুনলাম, এবং তাকে যতটুকু দেখেছি, তাতে মনে হয় না সে নাম ঠিকানা দেবে। এত বড় দাঁও সে হাতছাড়া করবে না। ছলেবলে কৌশলে সে জাল-কন্দুশেখরের হাত থেকে ছবিটা আদায় করবে। তারপর সেটা নিয়ে নিজেই হংকং যাবে সাহেবকে দিতে।'

'তা হলে তো সোমানির নাম খুঁজতে হবে প্যাসেঙ্গার লিস্টে।'

'তা তো বটেই। ওটার উপরই তো নির্ভর করছে আমাদের যাওয়া না-যাওয়া।'

লালমোহনবাবুর চঃ করে চোখ কপালে তোলা থেকে বুঝলাম উনি একটা কুইক্ প্রার্থনা সেবে নিলেন যাতে হংকং যাওয়া হয়। যদি যাওয়া হয় তা হলে চিনে ভাষায় শেখার প্রয়োজন হবে কি না জিজ্ঞেস করাতে ফেলুদা বলল, 'চিনে ভাষায় অক্ষর কটা আছে জানেন ?'

'কটা ?'

'দশ হাজার। আর আপনার জিভে প্লাস্টিক সার্জারি না করলে চিনে উচ্চারণ বেরোবে না মুখ দিয়ে। বুঝেছেন ?'

'বুঝলাম।'

পরদিন সকালে আপিস খোলার টাইম থেকেই ফেলুদা কাজে লেগে গেল।

আজকাল শুধু এয়ার ইন্ডিয়া আর থাই এয়ারওয়েজে হংকং যাওয়া যায় কলকাতা থেকে। এয়ার ইন্ডিয়া যায় সপ্তাহে একদিন—মঙ্গলবার, আর থাই এয়ারওয়েজ যায় সপ্তাহে তিনদিন—সোম, বুধ আর শনি—কিন্তু শুধু ব্যাক্তক পর্যন্ত ; সেখান থেকে অন্য প্লেন নিতে হয়।

আজ শনিবার, থাই ফেলুদা প্রথমে থাই এয়ারওয়েজেই ফোন করল।

পাঁচ মিনিটের মধ্যেই প্যাসেঙ্গার লিস্টের খবর জানা গেল।

আজই সকালে হীরালাল সোমানি হংকং চলে গেছেন।

আমরা সবচেয়ে তাড়াতাড়ি যেতে পারি আগামী মঙ্গলবার, অর্থাৎ তরঙ্গ।

তার মানে হংকং-এ তিনটে দিন হাতে পেয়ে যাচ্ছে হীরালাল সোমানি।

সুতরাং ধরে নেওয়া যেতে পারে আমরা যতদিনে পৌঁছাব ততদিনে ছবি সোমানির হাত থেকে সাহেবের হাতে চলে যাবে।

তা হলে আমাদের গিয়ে কোনও লাভ আছে কি ?

কথাগুলো অবিশ্বি ফেলুদাই বলছিল আমাদের শুনিয়ে শুনিয়ে।

লালমোহনবাবু কিছুক্ষণ চুপ করে থেকে বললেন—

'চিনটোরেটোর ইটালিয়ান উচ্চারণটা কী মশাই ?'

'তিনতোরোত্তো,' বলল ফেলুদা।

'নামের গোড়াতেই যখন তিনি, আর আমি যখন আছি আপনাদের সঙ্গে, তখন মিশন সাক্সেসফুল না হয়ে যায় না।'

'যাবার ইচ্ছেটা আমারও ছিল পুরোমাত্রায়,' বলল ফেলুদা, 'কিন্তু যাবার এত বড় একটা জাস্টিফিকেশন খুঁজে পাওয়া আমার পক্ষে সম্ভব হত না।'

মঙ্গলবার ১২ই অক্টোবর রাত দশটায় এয়ার ইন্ডিয়ার ৩১৬নম্বর ফ্লাইটে আমাদের হংকং যাওয়া। বোইং ৭০৭ আর ৭৩৭-এ ওড়ার অভিজ্ঞতা ছিল এর আগে, এবার ৭৪৭ জাস্বো-জেটে চড়ে আগের সব ওড়াগুলো ছেলেমানুষি বলে মনে হল।

প্লেনের কাছে পৌঁছে বিশ্বাস হচ্ছিল না যে এত বড় জিনিসটা আকাশে উড়তে পারে।

সিঁড়ি দিয়ে উঠে ভিতরে চুকে যাত্রীর ভিড় দেখে সেটা আরও বেশি করে মনে হল। লালমোহনবাবু যে বলেছিলেন শুধু ইকনভি ক্লাসের যাত্রীতেই নেতাজি ইঙ্গের স্টেডিয়াম ভরে যাবে, সেটা অবিশ্য বাড়াবাড়ি, কিন্তু একটা মাঝারি সাইজের সিনেমা হলের একতলাটা যে ভরে যাবে তাতে সন্দেহ নেই।

ফেলুদা গতকাল সকালেই পূর্ণেন্দুবাবুকে টেলিগ্রাম করে দিয়েছে। আমরা হংকং পৌঁছাব আগামীকাল সকাল পৌনে আটটা হংকং টাইম—তার মানে ভারতবর্ষের চেয়ে আড়াই ঘণ্টা এগিয়ে।

যেখানে যাচ্ছি সেটা যদি নতুন জায়গা হয় তা হলে সেটা সম্বন্ধে পড়াশুনা করে নেওয়াটা ফেলুদার অভ্যাস, তাই ও গতকালই অর্কফোর্ড বুক অ্যান্ড স্টেশনারি থেকে হংকং সম্বন্ধে একটা বই কিনে নিয়েছে। আমি সেটা উলটে পালটে ছবিগুলো দেখে বুঝেছি হংকং-এর মতো এমন জর্জমাট রংবার শহর খুব কমই আছে। লালমোহনবাবু উৎসাহে ফেটে পড়ছেন ঠিকই, কিন্তু যেখানে যাচ্ছেন সে-জায়গা সম্বন্ধে ধারণা এখনও মোটেই স্পষ্টই নয়। একবার জিজ্ঞেস করলেন চিনের প্রাচীরটা দেখে আসার কোনও সুযোগ হবে কি না। তাতে ফেলুদাকে বলতে হল যে চিনের প্রাচীর হচ্ছে পিপ্লস রিপাবলিক অফ চায়নায়, পিকিং-এর কাছে, আর হংকং হল ব্রিটিশদের শহর। পিকিং হংকং থেকে অন্তত পাঁচশো মাইল।

আবহাওয়া ভাল থাকলে জাস্বে জেটের মতো এমন মোলায়েম ঝাঁকানিশূন্য ওড়া আর কোনও প্লেনে হয় না। মাঝারাত্রে ব্যাককে নামে প্লেনটা, কিন্তু যাত্রীদের এয়ারপোর্টে নামতে দেবে না শুনে দিব্য ঘূমিয়ে কাটিয়ে দিলাম।

সকালে উঠে জানালা দিয়ে চেয়ে দেখি আমরা সমুদ্রের উপর দিয়ে উড়ে চলেছি।

তারপর ক্রমে দেখা গেল জলের উপর উচিয়ে আছে কচ্ছপের খোলার মতো সব ছেট ছেট দ্বীপ। প্লেন নীচে নামছে বলে দ্বীপগুলো ক্রমে বড় হয়ে আসছে, আর বুঝতে পারছি তার অনেকগুলোই আসলে জলে-ডুবে-থাকা পাহাড়ের চূড়ো।

সেগুলোর উপর দিয়ে যেতে যেতে হঠাৎ দেখতে পেলাম পাহাড়ের ঘন সবুজের উপর সাদা ছোপ।

আরও কাছে আসতে সেগুলো হয়ে গেল পাহাড়ের গায়ে থরে থরে সাজানো রোদে-চোখ-ঝালসানো বিশাল হাইরাইজ।

হংকং-এ ল্যান্ডিং করতে হলে পাইলটের যথেষ্ট কেরামতির দরকার হয় সেটা আগেই শুনেছি। তিনদিকে সমুদ্রের মাঝখানে এক চিলতে ল্যান্ডিং স্ট্রিপ—হিসেবে একটু গণগোল হলে জলে ঝপাং, আর বেশি গণগোল হলে সামনের পাহাড়ের সঙ্গে দড়াম।

কিন্তু এ দুটোর কোনওটাই হল না। মোক্ষম হিসেবে প্লেন গিয়ে নামল ঠিক যেখানে নামবার, থামল যেখানে থামবার, আর তারপর উলটো মুখে গিয়ে টার্মিন্যাল বিল্ডিং-এর পাশে ঠিক এমন জায়গায় দাঁড়াল যে চাকার উপর দাঁড় করানো দুটো চারকোনা মুখ-ওয়ালা সুড়ঙ্গ এসে ইকনভি ক্লাস আর ফার্স্ট ক্লাসের দুটো দরজার মুখে বেমালুম ফিট করে গেল। ফলে আমাদের আর সিঁড়ি দিয়ে নীচে নামতে হল না, সোজা দরজা দিয়ে বেরিয়ে সুড়ঙ্গে চুকে টার্মিন্যাল বিল্ডিং-এর ভিতরে পৌঁছে গেলাম।

‘হংকং-এর জবাব নেই,’ বললেন চোখ-ছানাবড়া লালমোহনবাবু।

‘এটা হংকং-এর একচেটে ব্যাপার নয় লালমোহনবাবু,’ বলল ফেলুদা। ‘ভারতবর্ষের বাইরে পৃথিবীর সব বড় এয়ারপোর্টেই প্লেন থেকে সোজা টার্মিন্যাল বিল্ডিং-এ চুকে যাবার এই ব্যবস্থা।’

হংকং-এ এক মাসের কম থাকলে ভিসা লাগে না, কাস্টমস-এও বিশেষ কড়াকড়ি নেই,

তাই বিশ মিনিটের মধ্যে সব ল্যাঠী চুকে গেল। লাগেজ ছিল সামান্যই, তিনি জনের তিনটে ছেট সুটকেস, আর কাঁধে একটা করে ছেট ব্যাগ। সব মাল আমাদের সঙ্গেই ছিল।

কাস্টমস থেকে বেরিয়ে এসে দেখি একটা জায়গায় লোকের ভিড়, তাদের মধ্যে একজনের হাতে একটা হাতলের মাথায় বোর্ডে লেখা ‘পি. মিটার’। বুবলাম ইনিই হচ্ছেন পূর্ণেন্দু পাল। পরস্পরের মুখ চেনা নেই বলে এই ব্যবস্থা।

‘ওয়েলেকাম টু হংকং’, বলে আমাদের অভ্যর্থনা করলেন পাল মশাই। নবকুমারবাবুরই বয়স, অর্থাৎ চল্লিশ-বেয়ালিশ-এর মধ্যেই। মাথায় টাক পড়ে গেছে, তবে দিব্যি চকচকে শ্বার্ট চেহারা, আর গায়ের খয়েরি সুটাও স্বার্ট আর চকচকে। ভদ্রলোক যে রোজগার ভালই করেন, আর এখানে দিব্যি ফুর্তিতে আছেন, সেটা আর বলে দিতে হয় না।

একটা গাঢ় নীল জার্মান ওপেল গাড়িতে গিয়ে উঠলাম আমরা। ভদ্রলোক নিজেই ড্রাইভ করেন। ফেলুদা ওঁর পাশে সামনে বসল, আমরা দুজন পিছনে। আমাদের গাড়ি রওনা দিয়ে দিল।

‘এয়ারপোর্টটা কাউলুনে,’ বললেন মিঃ পাল। ‘আমার বাসস্থান এবং দোকান দুটোই হংকং-এ। কাজেই আমাদের বে পেরিয়ে ওপারে যেতে হবে।’

‘আপনার উপর এভাবে ভর করার জন্য সত্যিই লজিজ্যত,’ বলল ফেলুদা।

ভদ্রলোক কথাটা উভিয়েই দিলেন।

‘কী বলছেন মশাই। এটুকু করব না? এখানে একজন বাঙালির মুখ দেখতে পেলে কীরকম লাগে তা কী করে বলে বোঝাব? ভারতীয় গিজগিজ করছে হংকং-এ, তবে বঙ্গসন্তান তো খুব বেশি নেই! ’

‘আমদের হোটেলের কোনও ব্যবস্থা—?’

‘হয়েছে, তবে আগে চলুন তো আমার ফ্ল্যাটে! ইয়ে, আপনি তো ডিটেকটিভ?’

‘আজ্জে হ্যাঁ।’

‘কোনও তদন্তের ব্যাপারে এসেছেন তো?’

‘হ্যাঁ। একদিনের মামলা। কাল রাত্রেই আবার এফার ইভিয়াতেই ফিরে যাব।’

‘কী ব্যাপার বলুন তো।’

‘নবকুমারবাবুদের বাড়ি থেকে একটি মহামূল্য পেন্টিং চুরি হয়ে এখানে এসেছে। এনেছে সোমানি বলে এক ভদ্রলোক। হীরালাল সোমানি। সেটা চালান যাবে এক আমেনিয়ানের হাতে। জিনিসটার দাম বেশ কয়েক লাখ টাকা।’

‘বলেন কী! ’

‘সেইটিকে উদ্ধার করতে হবে।’

‘ওরে বাবা, এ তো ফিল্মের গশ্পো মশাই। তা এই আমেনিয়ানটি থাকেন কোথায়?’

‘ত্রুঁ আপিসের ঠিকানা আছে আমার কাছে।’

‘সোমানি কি কলকাতার লোক?’

‘হ্যাঁ, এবং তিনি এসেছেন গত শনিবারের ফ্লাইটে। সে ছবি ইতিমধ্যে সাহেবের কাছে পৌঁছে গেছে।’

‘সর্বনাশ! তা হলে?’

‘তা হলেও সাহেবের সঙ্গে একবার দেখা করে ব্যাপারটা বলতে হবে। চোরাই মাল ঘরে রাখা তার পক্ষেও নিরাপদ নয়। সেইটে তাকে বুঝিয়ে দিতে হবে।’

‘হ্যঁ...’

পূর্ণেন্দুবাবুকে বেশ চিঞ্চিত বলে মনে হল।

লালমোহনবাবুকে একটু গত্তীর দেখে গলা বেশি না তুলে জিজ্ঞেস করলাম, কী ব্যাপার।

‘হংকংকে কি বিলেত বলা চলে?’ জিজ্ঞেস করলেন ভদ্রলোক।

বললাম, ‘তা কী করে বলবেন। বিলেত তো পশ্চিমে। এটা তো ফার ইস্ট। তবে বিলেতের যা ছবি দেখেছি তার সঙ্গে এর কোনও তফাত নেই।’

ফেলুদার কান খাড়া, কথাগুলো শুনে ফেলেছে। বলল, ‘আপনি চিন্তা করবেন না, লালমোহনবাবু। আপনার গড়পারের বন্ধুদের বলবেন হংকংকে বলা হয় প্রাচ্যের লন্ডন। তাতেই ওঁরা যথেষ্ট ইমপ্রেস্ড হবেন।’

‘প্রাচ্যের লন্ডন! গুড়।’

ভদ্রলোক ‘প্রাচ্যের লন্ডন’ বলে বিড়বিড় করছেন, এমন সময় আমাদের গাড়িটা গেঁও খেয়ে একটা চওড়া টানেলের ভিতর চুকে গেল। সারবাঁধা হলদে বাতিতে সমস্ত টানেলের মধ্যে একটা কমজো আভা ছড়িয়ে দিয়েছে। পূর্ণেন্দুবাবু বললেন আমরা নাকি জলের তলা দিয়ে চলেছি। আমাদের মাথার উপর হংকং বন্দর। আমরা বেরোব একেবারে হংকং-এর আলোয়।

লালমোহনবাবু বললেন, ‘এমন দুর্দান্ত শহর, তার নামটা এমন হৃপিং কাশির মতো হল কেন?’

‘হংকং মনে কী জানেন তো?’ জিজ্ঞেস করলেন পূর্ণেন্দুবাবু।

‘সুবাসিত বন্দর,’ বলল ফেলুদা। বুঝলাম ও খবরটা পেয়েছে ওই বইটা থেকে।

বেশ কিছুক্ষণ এই পথে চলার পর টানেল থেকে বেরিয়ে দেখলাম ছেট বড়-মাঝারি নানারকম জলযান সমেত পুরো বন্দরটা আমাদের পাশে বিছিয়ে রয়েছে, আর তারও পিছনে দূরে দেখা যাচ্ছে ফেলে আসা কাউলুন শহর।

আমাদের বাঁয়ে এখন বিশাল হাইরাইজ। কোনওটা আপিস, কোনওটা হোটেল, প্রত্যেকটারই নীচে লোভনীয় জিনিসে ঠাসা দোকানের সারি। পরে বুরোছিলাম পুরো হংকং শহরটা একটা অতিকায় ডিপার্টমেন্ট স্টোরের মতো। এমন কোনও জিনিস নেই যা হংকং-এ পাওয়া যায় না।

কিছুদূর গিয়ে বাঁয়ে ঘুরে দুটো হাইরাইজের মাঝখান দিয়ে আমরা আরেকটা বড় রাস্তায় গিয়ে পড়লাম।

এমন রাস্তা আমি কখনওই দেখিনি।

ফুটপাথ দিয়ে চলেছে কাতারে কাতারে লোক, আর রাস্তা দিয়ে চলেছে ট্যাক্সি, বাস, প্রাইভেট গাড়ি আর ডবলডেকার-ট্রাম। ট্রামের মাথা থেকে ডাঙা বেরিয়ে তারের সঙ্গে লাগানো, কিন্তু রাস্তায় লাইন বলে কিছু নেই। রাস্তার দুপাশে রয়েছে দোকানের পর দোকান। তাদের সাইনবোর্ডগুলো দোকানের গা থেকে বেরিয়ে আমাদের মাথার উপর এমন ভাবে ভিড় করে আছে যে আকাশ দেখা যায় না। চিনে ভাষা লেখা হয় ওপর থেকে নীচে, তাই সাইনবোর্ডগুলোও ওপর থেকে নীচে, তার একেকটা আট-দশ হাত লম্বা।

ট্র্যাফিক প্রচঙ্গ, আমাদের গাড়িও চলেছে ধীরে, তাই আমরা আশ মিটিয়ে দেখে নিছি এই অঙ্গুত শহরের অঙ্গুত রাস্তার চেহারাটা। কলকাতার ধরমতলাতেও ভিড় দেখেছি, কিন্তু সেখানে অনেক লোকের মধ্যেই যেন একটা যাচ্ছ-যাব ভাব, যেন তাদের হাতে অনেক সময়, রাস্তাটা যেন তাদের দাঁড়িয়ে আড়ডা মারার জায়গা। এখানের লোকেরা কিন্তু সকলেই ব্যস্ত, সকলেই হাঁটছে, সকলেরই তাড়। বেশির ভাগই চিনে, তাদের কাকুর চিনে পোশাক, কাকুর বিদেশি পোশাক। এদেরই মধ্যে কিছু সাহেব-মেমও আছে। তাদের হাতে ক্যামেরা, চোখে কৌতুহলী দৃষ্টি আর মাঝে মাঝে দাঁড়িয়ে পড়ে এদিক ওদিক ঘাড় ঘোরানো থেকেই বোঝা

যায় এরা টুরিস্ট ।

অবশেষে এ-রাস্তাও পিছনে ফেলে একটা সরু রাস্তা ধরে একটা অপেক্ষাকৃত নিরবিলি অঞ্চলে এসে পড়লাম আমরা । পরে জেনেছিলাম এটার নাম প্যাটারসন স্ট্রিট । এখানেই একটা বিশ্ব তলা বাড়ির সাত তলায় পূর্ণেন্দুবাবুর ফ্ল্যাট ।

গাড়ি থেকে যখন নামছি তখন আমাদের পাশ দিয়ে একটা কালো গাড়ি হঠাতে স্পিড বাড়িয়ে বেরিয়ে গেল আর ফেলুদা কেমন যেন একটু টান হয়ে গেল । এই গাড়িটাকে আমি আগেও আমাদের পিছনে আসতে দেখেছি । এদিকে পূর্ণেন্দুবাবু নেমেই এগিয়ে গেছেন কাজেই আমাদেরও তাঁকে অনুসরণ করতে হল ।

‘একটু হাত পা ছাড়িয়ে বসুন স্যার,’ আমাদের নিয়ে তাঁর বৈঠকখানায় ঢুকেই বললেন পূর্ণেন্দুবাবু । ‘দুঃখের বিষয় আমার এক ভাগনের বিষয়, তাই আমার স্ত্রী ও ছেলেমেয়েকে এই সেদিন রেখে এসেছি কলকাতায় । আশা করি আতিথেয়তার একটু-আধটু ত্রুটি হলে মাইন্ড করবেন না । —কী খাবেন বলুন ।’

‘সবচেয়ে ভাল হয় চা হলে,’ বলল ফেলুদা ।

‘টি-ব্যাগস-এ আপত্তি নেই তো ?’

‘মোটেই না ।’

ঘরের উত্তর দিকে একটা বড় ছড়ানো জানালা দিয়ে হংকং শহরের একটা অংশ দেখা যাচ্ছে । লালমোহনবাবু দৃশ্য দেখছেন, আমি দেখছি সোনি কালার টেলিভিশনের পাশে আরেকটা যন্ত্র, সেটা নিশ্চয়ই ভিডিয়ো । তারই পাশে তিন তাক ভোক ভিডিয়ো ফিল্ম । তার মধ্যে বেশির ভাগই হিন্দি, আর অন্য পাশে টেবিলের উপর ডাই করা ম্যাগাজিন । ফেলুদা তারই খানকতক টেনে নিয়ে পাতা ওলটাতে আরম্ভ করেছে । মিঃ পাল ঘরে নেই তাই এই ফাঁকে প্রশ্নটা না করে পারলাম না ।

‘গাড়িতে কে ছিল ফেলুদা ?’

‘যে না-থাকলে আমাদের আসা বৃথা হত ।’

‘বুবেছি ।’

হীরালাল সোমানি ।

‘কিন্তু লোকটা কী করে জানল যে আমরা এসেছি ?’

‘খুব সহজ,’ বলল ফেলুদা । ‘আমরা যে ভাবে ওর আসার ব্যাপারটা জেনেছি সেই ভাবেই । প্যাসেঞ্জার লিস্ট চেক করেছে । এয়ারপোর্টে ছিল নিশ্চয়ই । ওখান থেকে পিছু নিয়েছে ।’

লালমোহনবাবু জানালা থেকে ফিরে এসে বললেন, ‘ছবি যদি পাচার হয়ে গিয়ে থাকে তা হলে আর আমাদের পিছনে লাগার কারণটা কী ?’

‘স্টেটাই তো ভাবছি ।’

‘আসুন স্যার !’

পূর্ণেন্দুবাবু ট্রে-তে চা নিয়ে এসেছেন, সঙ্গে বিলিতি বিস্কুট । টেবিলের উপর ট্রে-টা রেখে ফেলুদার দিকে ফিরে বললেন, ‘আপনি যে মান্দাতার আমলের ফিল্মের পত্রিকায় মশগুল হয়ে পড়লেন ।’

ফেলুদা একটা ছবি বেশ মন দিয়ে দেখতে দেখতে বলল, ‘ক্রিন ওয়ার্ল্ডের এই সংখ্যাটা কি আপনার খুব কাজে লাগছে ? এটা সেভেন্টি-সিঙ্গ-এর ।’

‘মোটেই না । আপনি স্বচ্ছন্দে নিতে পারেন । ওগুলো আমি দেখি না মশাই, দেখেন আমার গিন্ধি । একেবারে ফিল্মের পোকা ।’

‘থ্যাক্স ইউ’। তোপ্সে, এই পত্রিকাটা আমার ব্যাগের মধ্যে ভরে দে তো। ইয়ে, আপনাদের এখানকার আপিস-টাপিস খোলে কখন?’

‘আর মিনিট দশেকের মধ্যেই খুলে যাবে। আপনি সেই সাহেবকে ফোন করবেন তো?’

‘আজ্জে হ্যাঁ।’

‘নম্বর আছে?’

‘আছে।’

ফেলুদা নোটবুক বার করল। —‘এই যে—৫-৩১, ১৬৮৬।’

‘হ্যাঁ। হংকং-এর নম্বর। আপিসটা কোথায়?’

‘হেনেসি স্ট্রিট। চোদ্দো নম্বর।’

‘হ্যাঁ। আপনি দশটায় ফোন করলেই পাবেন।’

‘আমাদের হোটেল কোনটা ঠিক করেছেন জানতে পারি কি?’

‘পার্ল হোটেল। এখান থেকে হেঁটে পাঁচ মিনিট। তাড়া কীসের? দুপুরের খাওয়াটা সেবে যাবেন এখন। কাছেই খুব ভাল ক্যাটানিজ রেস্টোরাণ্ট আছে। তারপর, আপনাদের মিশন যদি আজ সাক্ষেসফুল হয়, তা হলে কাল নিয়ে যাব কাউলুনের এক রেস্টোরাণ্টে। এমন একটা জিনিস খাওয়ার যা কখনও খাননি।’

‘কী জিনিস মশাই?’ লালমোহনবাবু জিজ্ঞেস করলেন। ‘এরা তো আরশোলা-টারশোলাও খায় বলে শুনিছি।’

‘শুধু আরশোলা কেন,’ বলল ফেলুদা, ‘আরশোলা, হাঙরের পাখনা, বাঁদরের ঘিলু, এমন কী সময় সময় কুকুরের মাংস পর্যন্ত।’

‘এ একেবারে অন্য জিনিস,’ বললেন পুর্ণেন্দুবাবু। ‘ফ্রাইড স্লেক।’

‘স্লস্ল-স্লেক?’ লালমোহনবাবুর চোখ-নাক সব একসঙ্গে কুঁচকে গেল।

‘স্লেক।’

‘মানে সাপ? সর্প?’

‘সর্প। সাপের সুপ, সাপের মাংস, ফ্রাইড স্লেক—সব পাওয়া যায়।’

‘খেতে ভাল?’

‘অপূর্ব। ব্যাঙের মাংস তো অতি সুস্বাদু জিনিস, জানেন বোধহয়। তা ব্যাঙের ভক্ষক কেন ভাল হবে না খেতে বলুন।’

লালমোহনবাবু যদিও বললেন ‘তা বটে,’ কিন্তু যুক্তি পুরোপুরি মানলেন বলে মনে হল না।

ফেলুদা উঠে পড়েছে।

‘যদি কিছু মনে না করেন—আপনার টেলিফোনটা...’

‘নিশ্চয়ই, নিশ্চয়ই।’

ফেলুদা আমেনিয়ান সাহেবের নম্বরটা ডায়াল করল। এ ডায়ালিং আমাদের মতো ঘুরিয়ে ডায়ালিং নয়। এটা বোতাম টিপে ডায়ালিং। টেপার সঙ্গে সঙ্গে বিভিন্ন নম্বরে বিভিন্ন সুরে একটা ‘পিঁ’ শব্দ হয়।

‘আমি একটু ক্রিকোরিয়ান সাহেবের সঙ্গে কথা বলতে চাই।’

‘তিনি তো নেই।’

‘কোথায় গেছেন?’

‘তাইওয়ান।’

‘কবে?’

‘গত শুক্রবার। আজ সন্ধিয়ায় ফিরবেন।’

‘থ্যাক ইউ।’

ফেলুদা ফোন রেখে তারপর কী কথা হয়েছে সেটা বলল আমাদের।

‘তার মানে সে ছবি তো এখনও সোমানির কাছেই আছে’ বললেন পূর্ণেন্দুবাবু।

‘তাই তো মনে হচ্ছে’ বলল, ফেলুদা। ‘তার মানে আমাদের এখানে আসাটা ব্যর্থ হয়নি।’

১১

ইয়ুঁ কী রেস্টোরাটে আমাদের দুর্দান্ত ভাল চিনে থাবার খাইয়ে বাইরে বেরিয়ে এসে পূর্ণেন্দুবাবু বললেন, ‘আপনাদের তিনটের আগে যখন হোটেলে যাবার দরকার নেই তখন কিছু কেনাকাটার থাকলে এই বেলা সেরে নিন। অবিশ্য কালকেও সময় পাবেন। আপনাদের ফ্লাইট তো সেই রাত দশটায়।’

‘কিনি বা না কিনি, দু-একটা দোকানে অন্তত একটু উকি দিতে পারলে ভাল হত,’ বলল ফেলুদা।

‘আমার দোকানে নিয়ে যেতে পারতাম, কিন্তু সে তো ভারতীয় জিনিস। আপনাদের ইটারেস্ট হবে না বোধহয়।’

লালমোহনবাবুর একটা পকেট ক্যালকুলেটার কেনার শখ—বইয়ের বিক্রির হিসেবটা নাকি চেক করতে সুবিধে হয়—তাই ইলেক্ট্রনিক্সের দোকানেই যাওয়া স্থির হল।

‘আমার চেনা দোকানে নিয়ে যাচ্ছি,’ বললেন পূর্ণেন্দুবাবু, ‘জিনিসও ভাল পাবেন, দামেও এদিক ওদিক হবে না।’

ফেলুদা আর লালমোহনবাবু দুজনেই তাদের প্রাপ্য পাঁচশো ডলার নিয়ে এসেছেন সঙ্গে করে। তাই হংকং-এর মতো জায়গা থেকে কিছু কেনা হবে না এটা হতেই পারে না।

নী বাদারসে ইলেক্ট্রনিক্স-এর সব কিছু ছাড়াও ক্যামেরার জিনিসপত্রও পাওয়া যায়। আমার সঙ্গে ফেলুদার পেনট্যাগ্র, তার জন্য কিছু রঙিন ফিল্ম কিনে নিলাম। আজ আর সময় হবে না, কিন্তু কাল মাঝারির জন্যে কিছু কিনে নিতে হবে। লালমোহনবাবু যে ক্যালকুলেটারটা কিনলেন সেটা এত ছোট আর চ্যাপ্টা যে তার মধ্যে কোথায় কী ভাবে ব্যাটারি থাকতে পারে সেটা আমার মাথায় চুকল না। ফেলুদা একটা ছোট সোনি ক্যাসেট বেকডারি কিনে আমাকে দিয়ে বলল, ‘এবার থেকে মক্কেল এলে এটা অন করে দিবি। কথাবার্তা রেকর্ড করা থাকলে খুব সুবিধে হয়।’

দোকানের পাট সেরে তিনটে নাগাদ আবার পূর্ণেন্দুবাবুর বাড়িতে গিয়ে আমাদের মালপত্র তুলে রওনা দিলাম। পূর্ণেন্দুবাবুকে একবার দোকানে যেতে হবে, এবং সেটা আমাদের হোটেলের উলটো দিকে, তাই আমরা ট্যাক্সিতেই যাব পার্ল হোটেলে।

‘আমি কিন্তু চিন্তায় থাকব মশাই,’ বললেন পূর্ণেন্দুবাবু। ‘কী হল না-হল একটা ফোন করে জানিয়ে দেবেন।’

রাস্তায় বেরিয়ে সামনেই একটা ট্যাক্সি পাওয়া গেল। মাথাটা রুপোলি, গা-টা লাল—এই হল হংকং ট্যাক্সির রং। লম্বা আমেরিকান গাড়ি, তিনজনে উঠে পিছনে বসলাম।

‘পার্ল হোটেল,’ বলল ফেলুদা।

ট্যাক্সি ফ্ল্যাগ ডাউন করে চলতে আরম্ভ করল।

লালমোহনবাবুর কিছুক্ষণ থেকেই একটা যিম-ধরা নেশা-করা ভাব লক্ষ করছিলাম।

জিজ্ঞেস করাতে বললেন সেটা অঞ্চল সময়ে মনের প্রসার প্রচণ্ড বেড়ে যাওয়ার দরকান। আর বাড়লে নাকি সামলানো যাবে না।—‘কলকাতায় কেবল চিনে ছুতোর মিস্ট্রি আর চিনে জুতোর দোকানের কথাই শুনিছি। তারা যে এমন একখানা শহর গড়তে পারে সেটা চাক্ষুষ না দেখলে বিশ্বাস করতুম না মশাই।’

পূর্ণেন্দুবাবু বলেছিলেন পায়ে হেঁটে পার্ল হোটেলে যেতে লাগে পাঁচ মিনিট। অলি গলি দিয়ে দশ মিনিট চলার পরেও যখন পার্ল হোটেল এল না, তখন বেশ ঘাবড়ে গেলাম। ব্যাপার কী? ফেলুদা আরেকবার গলা চড়িয়ে বলে দিল, ‘পার্ল হোটেল। উই ওয়েন্ট পার্ল হোটেল।’

উত্তর এল—‘ইয়েস, পার্ল হোটেল।’ কালো কোট, কালো চশমা পরা ড্রাইভার, ভুল শুনেছে এটাও বলা চলে না, আর একই নামে দুটো হোটেল থাকবে সেটাও অবিশ্বাস্য।

প্রায় কুড়ি মিনিট চলার পর ট্যাঙ্কিটা একটা রাস্তার মোড়ে এসে থামল।

এটা যে একেবারে চিনে পাড়া তাতে কোনও সন্দেহ নেই। রাস্তার দু-দিকে সারবাঁধা আট-দশ তলা বাড়ি। সেগুলোর প্রত্যেকটির জানালায় ও ছোট ছোট ব্যালকনিতে কাপড় শুকোছে, বাইরে থেকেই বোৰা যায় ঘরগুলোতে বিশেষ আলো বাতাস ঢোকে না। দোকান যা আছে তার মধ্যে টুরিস্টের মাথা-ঘোরানো হংকং-এর কোনও চিহ্ন নেই। সব দোকানের নামই চিনে ভাষায় লেখা, তাই বাইরে থেকে কীসের দোকান তা বোঝার উপায় নেই।

‘পার্ল হোটেল—হোয়্যার?’ ফেলুদা জিজ্ঞেস করল।

লোকটা হাত বাড়িয়ে বুড়ো আঙুল দিয়ে বুঝিয়ে দিল সামনের ডাইনের গলিটায় যেতে হবে।

মিটারে ভাড়া বলছে হংকং ডলারে, সেটা হিসেব করে দাঁড়ায় প্রায় একশো টাকার মতো। উপায় নেই। তাই দিয়ে আমরা তিনজন মাল নিয়ে নেমে পড়লাম। আমি আর লালমোহনবাবুর দিকে চাইছি না, জানি তাঁর মুখ ফ্যাকাসে হয়ে গেছে, হংকং-এ ক্রাইমের বাড়াবাড়ি সম্বন্ধে যা কিছু শুনেছেন সবই এখন বিশ্বাস করছেন।

যে গলিটার দিকে ড্রাইভার দেখিয়েছে সেটায় সূর্যের আলো কোনওদিন প্রবেশ করে কি না জানি না; অন্তত এখন তো নেই।

আমরা মোড় ঘুরে গলিটায় ঢুকলাম, আর দোকার সঙ্গে সঙ্গে কোথেকে কারা যেন এসে আমাদের ঘিরে ফেলল, আর তার পরম্পরাতেই মাথায় একটা মোক্ষম বাড়ির সঙ্গে সঙ্গে ঝ্যাক-আউট।

যখন জ্ঞান হল তখন বুরাতে পারলাম একটা ঘুপটি ঘরের মেঝেতে পড়ে আছি। ফেলুদা আমার পাশে একটা কাঠের প্যাকিং কেসের উপর বসে চারমিনার খাচ্ছে। একটা অস্তুত গন্ধে মাথাটা কীরকম ভার ভার লাগছে। পরে জেনেছিলাম সেটা আফিং-এর গন্ধ। ব্রিটিশরা নাকি ভারতবর্ষের আফিং চিনে বিক্রি করে প্রচুর টাকা করেছিল, আর সেই সঙ্গে চিনেদের মধ্যে ঢুকিয়ে দিয়েছিল আফিং-এর নেশা।

লালমোহনবাবু এখনও অজ্ঞান, তবে মাঝে মাঝে নড়ছেন-চড়ছেন, তাই মনে হয় এবার জ্ঞান ফিরবে।

আমাদের মালপত্র ? নেই।

ঘরে গোটাপাঁচেক ছোট বড় প্যাকিং কেস, একটা কাত হয়ে পড়ে থাকা বেতের চেয়ার, দেয়ালে একটা চিনে ক্যালেন্ডার—ব্যস, এ ছাড়া কিছু নেই। বাঁ দিকের দেয়ালে প্রায় দেড় মানুষ উচুতে একটা ছোট জানালা, তাই দিয়ে ধোঁয়া মেশানো একটা ফিকে আলো আসছে। বোৰা যাচ্ছে দিনের আলো এখনও ফুরোয়ানি। ডাইনে আর সামনে দুটো দরজা, দুটোই

বন্ধ । শব্দের মধ্যে মাঝে মাঝে একটা পাখির ডাক শুনতে পাচ্ছি । চিনেরা খাঁচায় পাখি রাখে এটা অনেক জায়গায় লক্ষ করেছি, এমন কী দোকানেও ।

‘উঠুন লালমোহনবাবু’ বলল ফেলুদা, ‘আর কত ঘুমোবেন ?’

লালমোহনবাবু চোখ খুললেন, আর সঙ্গে সঙ্গে চোখ কুঁচকোনোতে বুঝলাম মাথার যন্ত্রণাটা বেশ ভাল ভাবেই অনুভব করছেন ।

‘উঃ, কী ভয়ংকর অভিজ্ঞতা !’ কোনওমতে উঠে বসে বললেন ভদ্রলোক । ‘এ কোথায় এনে ফেলেছে আমাদের ?’

‘গুম ঘর,’ বলল ফেলুদা । ‘একেবারে আপনার গম্ভীর মতো, তাই না ?’

‘আমার গম্ভীর ? ছোঃ !’

ছোঃ বলতেই বোধহয় মাথাটা একটু ঝন্ঝন্ঝ করে উঠেছিল, তাই নাকটা কুঁচকে একটু থেমে এবার গলাটা খানিকটা নামিয়ে নিয়ে বললেন—

‘যা ঘটল তার কাছে গম্ভীর হো ? সব ছেড়ে দোব মশাই । তের হয়েছে । হনতুরাস ভ্যাড্যাড্যাঃ, ক্যাথোডিয়ায় কচকচি আর ভ্যানকুভারের ভ্যানভ্যানানি—দুর দুর !’

‘আর লিখবেন না বলছেন ?’

‘নেভার ।’

‘আপনার এই স্টেটমেন্ট কিন্তু রেকর্ড হয়ে গেল । এর পরে আবার লিখলে কিন্তু কথার খেলাপ হবে ।’

ফেলুদার পাশেই রাখা আছে তার নতুন কেনা ক্যাসেট রেকর্ডার । আর কিছু করার নেই তাই ওটা নিয়েই খুটুর খাটুর করছে । রেকর্ডিং-এর কথাটা যে মিথ্যে বলেনি সেটা ও প্রে-ব্যাক করে জানিয়ে দিল ।

‘এ তো সোমানিরই কীর্তি বলে মনে হচ্ছে’ বললেন লালমোহনবাবু ।

‘নিঃসন্দেহে । এখন আমাদের লাগেজটা ফেরত পেলে হয় । রিভলভারটা গেছে । কী ভাগ্য রেকর্ডারটা নেয়নি ।’

‘দুটো যে দরজা দেখছি, দুটোই কি বন্ধ ?’

‘সামনেরটা বন্ধ । পাশেরটা খোলা যায় । ওটা বাথরুম ।’

‘ওটাতে পালাবার পথ নেই বোধহয় ?’

‘দরজা একটা আছে । বাইরে থেকে বন্ধ । জানালা দিয়ে মাথা গলবে, ধড় গলবে না ।’

লালমোহনবাবু একটা দীর্ঘশাস ফেলে হাতের উপর মাথা রেখে আবার শুয়ে পড়লেন ।

মিনিট খানেক পরে দেখি ভদ্রলোক গুণগুন করে গান গাইছেন । অনেক কষ্টে চিনতে পারলাম গানটা । হরি দিন তো গেল সম্ভা হল পার কর আমারে ।

‘কড়িকাঠের দিকে চেয়ে কী ভাবছেন মশাই ?’

‘মাথায় ঘা খেয়ে অজ্ঞান হয়েও যে লোকে স্বপ্ন দেখে সেটা এই এক্সপ্রেরিয়েলেটা না হলে জানতুম না ।’

‘কী স্বপ্ন দেখলেন ?’

‘এক জায়গায় ডজনখানেক বাঁদর বিক্রি হচ্ছে, আর একটা লোক ডুগডুগি বাজিয়ে বলছে—রেনেসাঁসকা সুবাসিত বান্দর—রেনেসাঁসকা সুবাসিত বান্দর—দো দো ডলার—দো দো—’

ঘরের বাইরে পায়ের শব্দ । সিঁড়ি দিয়ে উঠছে লোক । তার মানে বাইরে বারান্দা ।

সামনের দরজা চাবি দিয়ে খোলা হল ।

একজন কালো সুট পরা ভদ্রলোক এসে চুকলেন । পিছনে আবছা অন্ধকারে আরও দুটো



লোক রয়েছে দেখতে পাচ্ছি। তিনজনেই ভারতীয়।

যিনি চুকলেন তিনি হচ্ছেন হীরালাল সোমানি। চোখে মুখে বিশ্বী একটা বিদ্যুপের হাসি।

‘কী মিস্টার মিত্রি ? কেমন আছেন ?’

‘আপনারা যেমন রেখেছেন।’

‘আপনি ঘাবড়াবেন না। আপনাকে লাইফ ইম্প্রিজনমেন্ট দিইনি আমি। আমার কাম হয়ে গেলেই খালাস করে দেব।’

‘আমাদের মালগুলো সরিয়ে রাখার কী কারণ বুঝতে পারলাম না।’

‘দ্যাট ওয়জ এ মিসটেক। কান্হাইয়া ! কান্হাইয়া !’

দুজন লোকের একজন কোথায় চলে গিয়েছিল, সে ডাক শুনে ফিরে এল। এতক্ষণে বুঝতে পারছি যে অন্য লোকটি সোমানির পিছনে দাঁড়িয়ে রিভলভার উঁচিয়ে রয়েছে।

‘ইনলোগকা সামান লাকে রখ্ দো ইস্ কামরেমে,’ কান্হাইয়াকে আদেশ করলেন হীরালাল। তারপর ফেলুদার দিকে ফিরে বললেন, ‘এখানে ডিনারের অ্যারেঞ্জমেন্ট একটু মুশকিল হবে। আজ রাতটা ফাস্ট করুন। কাল থেকে আবার খাবেন, কেমন ?’

কান্হাইয়া লোকটা আমাদের ব্যাগগুলো এবার ঘরের মধ্যে ছাঁড়ে ফেলে দিল।

‘বেশি ঝামেলা করবেন না মিস্টার মিত্রি। রাখেশ্যাম হ্যাজ ইওর রিভলভার। উয়ো আলতু ফালতু আদমি নহী হ্যায়। গোলি চালাতে জানে। আর মনে রাখবেন কি হংকং ইজ নট ক্যালকাটা। প্রদোষ মিটার ইজ নোবডি হিয়ার। আমি চলি। কাল সকালে দশটার সময় এসে এরা আপনাদের ফ্রি করে দেবে। গুড নাইট।’

ঘরের আলো ইতিমধ্যে অনেক কমে গেছে। বুঝতে পারছি সূর্য ডুবে গেছে। এ ঘরে

বালবের হোলভার আছে, কিন্তু বাল্ব নেই।

হীরালাল চলে গেলেন। কান্হাইয়া এগিয়ে এসে দরজাটা বন্ধ করার জন্য পালাটা টানল।

‘কান্হাইয়া! কান্হাইয়া!’

মনিবের ডাক শুনে কান্হাইয়া ‘হজুর’ বলে ডাইনে বেরিয়ে গেল, রাধেশ্যাম এগিয়ে এল তার কাজটা শেষ করে দেবার জন্য, আর সেই মুহূর্তে ঘটে গেল এক তুলকালাম কাণ।

ফেলুদার সামনে ওর কাঁধের ব্যাগটা পড়ে ছিল, ও সেটাকে চোখের নিমেষে তুলে প্রচণ্ড বেগে ছুঁড়ল দরজার দিকে, আর সেই সঙ্গে এক লাফে ঝাঁপিয়ে পড়ল রাধেশ্যামের উপর।

ফেলুদার সঙ্গে থেকে আমারও একটা প্রত্যুৎপন্নমতিত্ব এসে গেছে, আমিও লাফিয়ে এগিয়ে গেছি।

ইতিমধ্যে ফেলুদা জাপটে ধরেছে রাধেশ্যামকে, তার হাত থেকে রিভলভার ছিটকে পড়ে গেছে মেঝেতে। ফেলুদা ‘ওটা তোল’ বলার সঙ্গে সঙ্গে আমি রিভলভারটা হাতে নিয়ে নিয়েছি—আমার হাতের রিভলভার তার দিকে তাগ করা। ছেলেবেলা এয়ার গান চালিয়েছি, পয়েন্ট ব্লাক রেঞ্জে মিস করার কোনও প্রশ্নই উঠতে পারে না।

রাধেশ্যাম লোকটা তাগড়াই, সে প্রাণপণে ঢেঁটা করছে ফেলুদার হাত থেকে নিজেকে ছাড়িয়ে নিতে। এমন সময় হঠাৎ দেখি লালমোহনবাবু ঘর থেকে একটা মাঝারি গোছের প্যাকিং কেস তুলে এনে সেটা দুহাতে ধরে তিড়ি-তিড়িং এদিক-ওদিক লাফাচ্ছেন রাধেশ্যামের মাথায় সেটাকে মারার সুযোগের জন্য।

সুযোগ মিলল। প্যাকিং কেসের একটা কোনা রাধেশ্যামের ঘন কালো চুল ভেদ করে তার ব্রহ্মতালুতে এক মোক্ষম আঘাতে তাকে ধরাশায়ী করে দিল। এক বালক দেখলাম লোকটার চুল থেকে রক্ত চুইয়ে পড়ছে মেঝের উপর।

ফেলুদা আমার হাত থেকে রিভলভার নিয়ে নিল। সেটা কান্হাইয়ার দিক থেকে এক চুলও নড়েনি।

‘ব্যাগগুলো বাইরে আন। আমার ছোট ব্যাগটা আমার কাঁধে ঝুলিয়ে দে। বড়টা তুই হাতে নে।’

আমি আর লালমোহনবাবু মিলে আমাদের মাল বাইরে নিয়ে এলাম।

রাধেশ্যাম মেঝেতে পড়ে আছে; এবার ফেলুদার একটা আপার কাটে কান্হাইয়াও তার পাশেই মাটিতে লুটিয়ে পড়ল। যতক্ষণে এদের জ্ঞান হবে ততক্ষণে আমরা আউট অফ ডেনজার।

আমরা এতক্ষণ ছিলাম তিনতলায়। সিঁড়ি দিয়ে নেমে রাস্তায় বেরিয়ে এসে দেখি চারিদিক জ্বলন্ত নিয়ন্ত্রণে ছেয়ে আছে। চিনে ভাষায় দশ হাজার অক্ষরের সব অক্ষরই যেন আমাদের গিলে ফেলতে চাইছে চতুর্দিক থেকে। তবে এটা কোনও মেন-রোড নয়। পিছন দিকের একটা মাঝারি রাস্তা। এখানে ট্রাম নেই, বাসও নেই; আছে ট্যাক্সি, প্রাইভেট গাড়ি আর মানুষ।

আমরা প্রথম দুটো ট্যাক্সি ছেড়ে দিয়ে তৃতীয়টায় উঠলাম। উঠেই ফেলুদাকে প্রশ্নটা করলাম।

‘কান্হাইয়াকে ডাকার ব্যাপারটা কি তোমার ক্যাসেটে বাজল?’

‘ঠিক ধরেছিস। হীরালাল আসতেই রেকর্ডারটা আবার অন করে দিয়েছিলাম। কান্হাইয়া বলে যখন দু'বার ডাকল, তার পরেই বন্ধ করে দিয়েছিলাম। মন বলছিল ডাক দুটো কাজে লাগতে পারে। আর সত্যিই তাই হল।’



‘আপনার জবাব নেই,’ বলল লালমোহনবাবু।

‘আপনারও,’ বলল ফেলুদা। আমি জানি ফেলুদা কথাটা অন্তর থেকে বলেছে।

পার্ল হোটেল পৌঁছাতে লাগল দশ মিনিট, ভাড়া উঠল সাড়ে সাত ডলার।

আমাদের ঘরে গিয়েই পূর্ণেন্দুবাবুকে একটা ফোন করল ফেলুদা। ভদ্রলোক জানালেন ফেলুদাকে নাকি অনেক চেষ্টা করেও পাননি। —‘হোটেলে বলল আপনারা নাকি আসেনইনি। আমি তো চিন্তায় পড়ে গেসলাম মশাই।’

‘একবার আসতে পারবেন?’

‘পারি বই কী। তা ছাড়া আপনাদের জন্য খবর আছে।’

পনেরো মিনিটের মধ্যে পূর্ণেন্দুবাবু চলে এলেন। ফেলুদা সংক্ষেপে আমাদের ঘটনাটা বলল।

‘এইসব শুনলে বাঙালির জন্য গর্বে বুকটা দশ হাত হয়ে ওঠে মশাই। যাকগে, এখন আমার খবরটা বলি। সেই ক্রিকেরিয়ান কোথায় থাকে সেটা তো টেলিফোনের বই দেখেই বেরিয়ে গেল। কিন্তু হীরালাল সোমানির হাসিসও পেয়েছি।’

‘কী করে ?’

‘এখানে আরও পাঁচজন সোমানি থাকে। তাদের এক-এক করে ফোন করে বেরিয়ে গেল হীরালাল হচ্ছে কেশব সোমানির খুড়তুতো ভাই। কেশবের কাপড়ের দোকান আছে কাউলুনে। কাউলুনেই তার বাড়ি, আর হীরালাল সেখানেই উঠেছে। আপনার আমেনিয়ান তো সঙ্কেবেলা আসছে। তাইওয়ানের প্লেন এসে গেছে এতক্ষণে। হীরালাল নিশ্চয়ই আজই ছবি পাচার করবে। আমি ওয়াং শু-কে পাঠিয়ে দিয়েছি সোমানির বাড়ির উপর চোখ রাখতে। আমাদের আপিসের এক ছোকরা। খুব শ্মার্ট। তাকে বলা ছিল সোমানির বাড়ি থেকে কোনও গাড়ি বেরোতে দেখলেই যেন আমাকে ফোন করে।’

‘ক্রিকেরিয়ান কোথায় থাকে ?’

‘ভিকটেরিয়া ছিল। হংকং-এ। অভিজাত পাড়া। সোমানি রওনা হবার সঙ্গে সঙ্গেই আমরা রওনা দিলে ওর আগেই ভিকটেরিয়া ছিল পৌঁছে যাব। তখন আপনি ইচ্ছে করলে ওকে মাঝপথে রুখতে পারেন। অবিশ্য আপনার নিজের প্ল্যানটা কী সেটা আমার জানা ছিল না।’

ফেলুদা পূর্ণেন্দুবাবুর পিঠ চাপড়ে দিল।

‘আপনি তো মশাই সাংঘাতিক বুদ্ধিমানের কাজ করেছেন। আপনার রাস্তা ছাড়া আর রাস্তাই নেই। কিন্তু সেই ছোকরার কাছ থেকে ফোন পেয়েছেন কি ?’

‘আমি এখানে আসার ঠিক আগেই করেছিল। অর্থাৎ মিনিট কুড়ি আগে। গাড়ি রওনা হয়ে গেছে। যিনি আসছেন তাঁর হাতে একটা ফ্ল্যাট কাগজের প্যাকেট।’

তিনি মিনিটের মধ্যে আমরা পূর্ণেন্দুবাবুর গাড়িতে করে রওনা দিয়ে দিলাম।

মিনিট দশকের মধ্যে গাড়ি প্যাঁচালো রাস্তা দিয়ে ঘুরে ঘুরে পাহাড়ে উঠতে শুরু করল। যেন হিল-স্টেশনে যাচ্ছি। হংকং এখন আলোয় আলো, আর যত উপরে উঠছিল ততই সমুদ্র পাহাড় রাস্তা গাড়ি হাইরাইজ সমেত সমস্ত শহরটা আরও বেশি বেশি করে দেখা যাচ্ছে, আর লালমোহনবাবু খালি বলছেন, ‘স্বপ্ন রাজ্য, স্বপ্ন রাজ্য’।

আরও কিছুক্ষণ যাবার পর পূর্ণেন্দুবাবু বললেন, ‘এইবার বাড়ির নম্বরটা দেখে নিতে হবে।’

গাছপালা বাগানে মেরা দারণ সুন্দর সুন্দর সব পুরনো বাড়ি, দেখলেই মনে হয় সাহেবদের জন্য সাহেবদেরই তৈরি। তারই একটা বাড়ির গেটের সামনে এসে নম্বর দেখে বুলাম ক্রিকেরিয়ানের বাড়িতে এসে গেছি। আর এসেই দেখলাম ভিতরে পোর্টকোর এক পাশে একটা কালো গাড়ি দাঁড়িয়ে আছে যেটা আমাদের চেনা। আমরা যখন সকালে পূর্ণেন্দুবাবুর গাড়ি থেকে নামছি, তখন এই গাড়িটাই আমাদের পাশ দিয়ে বেরিয়ে গিয়েছিল।

হীরালাল সোমানির গাড়ি।

আমাদের গাড়িটা আরেকটু এগিয়ে নিয়ে গিয়ে রাস্তার ধারে একটা গাছের তলায় পার্ক করে পূর্ণেন্দুবাবু বললেন, ‘সাহেবের বাড়িটার দিকে চোখ রাখার জন্য একটা গোপন জায়গা বার করতে হবে।’

সেরকম একটা জায়গা পেয়েও গেলাম।

তবে বেশিক্ষণ আড়ি পাততে হল না।

মিনিটখানেকের মধ্যেই বাড়ির সামনের দরজাটা খুলে যাওয়াতে তার থেকে একটা

চতুর্কোণ আলো বেরিয়ে পড়ল বাগানের ঘাসের উপর, আর তার পরেই নেপথ্যে বলা গুড় নাইটের সঙ্গে সঙ্গে হীরালাল নিজেই বেরিয়ে এসে তাঁর গাড়িতে উঠলেন, আর গাড়িও রওনা দিল বিলিতি এঞ্জিনের মৃদু গাড়ীর শব্দ তুলল।

‘এবার কী করবেন?’ ফিসফিসিয়ে প্রশ্ন করলেন পূর্ণেন্দুবাবু।

‘সাহেবের সঙ্গে দেখা করব,’ বলল ফেলুদা।

আমরা আড়াল থেকে বেরিয়ে এগিয়ে গিয়ে সাহেবের গেট দিয়ে ভিতরে চুকলাম।

পোর্টিকোর দিকে এগোচ্ছি এমন সময় হঠাতে এক অস্তুত ব্যাপার হল।

বাড়ির দরজা আবার খুলে গিয়ে উদ্ভ্রান্ত ভাবে সাহেবের স্বয়ং বেরিয়ে এসে আমাদের সম্পূর্ণ অগ্রহ্য করে দৌড়ে এগিয়ে গেলেন গেটের দিকে। সাহেবের হাতে গিল্টিকরা নতুন ফ্রেমে বাঁধানো টিনটোরেটোর যীশু।

গেট থেকে বেরিয়ে রাস্তার দিকে একবার চেয়ে মাথায় হাত দিয়ে সাহেব চেঁচিয়ে উঠলেন—‘স্কাউন্ডেল! সুইল্লার! সান-অফ-এ-বিচ!’

তারপর আমাদের দিকে ফিরে দিশেহারা আধ-পাগলা ভাব করে বললেন, ‘হি হ্যাজ জাস্ট সোন্ট মি এ ফেক—অ্যান্ড আই পেড ফিফটি থাউজ্যান্ড ডলারস ফর ইট।’

অর্থাৎ লোকটা আমাকে এক্ষুনি একটা জাল ছবি বিক্রি করে গেল, আর আমি ওকে তার জন্য পঞ্চাশ হাজার ডলার দিলাম।

আমরা কে, কেন এসেছি তার বাড়িতে, এসব জানার কোনও প্রয়োজন বোধ করলেন না সাহেব।

‘তুমি কি টিনটোরেটোর ছবিটার কথা বলছ? ফেলুদা জিজ্ঞেস করল। সাহেব আবার বোমার মতো ফেটে পড়লেন।

‘টিনটোরেটো? টিনটোরেটো মাই ফুট! এসো, তোমাকে দেখাচ্ছি এসো।’

সাহেব দ্রুত পায়ে এগিয়ে গেলেন পোর্টিকোর দিকে। আমরা চারজন তাঁর পিছনে।

পোর্টিকোর আলোতে সাহেব ছবিটা তুলে ধরলেন।

‘লুক অ্যাট দিস! থ্রি গ্রিন ফ্লাইজ স্টিকিং টু দ্য পেন্ট—থ্রি গ্রিন ফ্লাইজ! এই পোকা আমার জীবন অতিষ্ঠ করে তুলেছিল কলকাতার প্র্যান্ড হোটেলে! সেই পোকা আটকে আছে এই ছবির ক্যানভাসে। আর লোকটা বলে কিনা ছবিটা জেনুইন!—হি ফুলড মি, বিকজ ইটস এ গুড কপি—বাট ইটস এ কপি।’

‘ঠিক বলেছ,’ বলল ফেলুদা, ‘যোড়শ শতাব্দীতে ইটলিতে এ পোকা থাকা সন্তুষ্ট না।’

পোর্টিকোর আলোতে দেখতে পাচ্ছি সাহেবের সাদা মুখ লাল হয়ে গেছে।—‘দ্যাট ডার্টি ডাব্ল ক্রসিং সোয়াইন! লোকটার ঠিকানাটা পর্যন্ত জানি না।’

‘ঠিকানা আমি জানি,’ বললেন পূর্ণেন্দুবাবু।

‘জান? সাহেব যেন ধড়ে প্রাণ পেলেন।

‘হ্যাঁ, জানি। কাউলুনে থাকেন ভদ্রলোক। হ্যানয় রোড।’

‘গুড। দেখি ব্যাটা কী ভাবে পার পায়। আইল স্কিন হিম অ্যালাইভ।’

তারপর সাহেব হঠাতে ফেলুদার দিকে চেয়ে বললেন, ‘হি আর ইট?’

‘আমরা জানতাম ছবিটা জাল, তাই আপনাকে সাবধান করে দিতে আসছিলাম’—অন্নানবদনে মিথ্যে কথা বলল ফেলুদা।

‘কিন্তু তাকে তো ধরা যেতে পারে,’ হঠাতে বললেন পূর্ণেন্দুবাবু, ‘এক্ষুনি চলুন না। আমার গাড়ি আছে। লোকটা এখনও বেশি দূর যায়নি।’

সাহেবের চোখ ঝলঝল করে উঠল।



‘লেটস গো !’

আসবার সময় ঢ়াই বলে বেশি স্পিড দেওয়া সম্ভব হয়নি ; উত্তরাই পেয়ে পূর্ণেন্দুবাবু দেখিয়ে দিলেন তারাবাজি কাকে বলে। সোমানির পকেটে পঞ্চাশ হাজার ডলারের চেক, তার কাজ উদ্ধার হয়ে গেছে, তার আর তাড়া থাকবে কেন ? পাঁচ মিনিটের মধ্যে একটা মোড় ঘুরেই দেখতে পেলাম চেনা গাড়িটাকে ।

পূর্ণেন্দুবাবু আরেকটু স্পিড বাড়িয়ে গাড়িটার একেবারে পিছনে এসে পড়লেন। তারপর বার কয়েক হৰ্ন দিতেই সোমানির গাড়ি পাশ দিল। পূর্ণেন্দুবাবু ওভারটেক করে নিজের গাড়িটাকে টেরচাভাবে রাস্তায় দাঁড় করিয়ে দিলেন।

ব্যাপারটা দেখে সোমানি গাড়ি থেকে নেমে পড়েছে, ক্রিকোরিয়ানও নেমেছেন ছবিটা হাতে নিয়ে, আর সেই সঙ্গে ফেলুন্ডাও ।

‘এক্সকিউজ মি !’

ফেলুন্দা ক্রিকোরিয়ানের হাত থেকে ছবিটা নিয়ে নিল। ক্রিকোরিয়ান যেন বাধা দিতে গিয়েও পারল না ।

তারপর বড় বড় পা ফেলে সোমানির দিকে এগিয়ে গিয়ে কী হচ্ছে সেটা বোবার আগেই দেখলাম ছবি সমেত ফেলুন্দার হাত দুটো মাথার উপর উঠল, আর সঙ্গে সঙ্গে প্রচণ্ড বেগে নেমে এল সোমানির মাথার উপর ।

দিশি ক্যানভাস ফুঁড়ে সোমানির মাথাটা বেরিয়ে এল বাইরে, আর ছবির গিলিটকরা ফ্রেমটা হয়ে গেল হতভম্ব ভদ্রলোকের গলার মালা ।

‘এবার উনি আপনাকে আপনার চেকটা ফেরত দেবেন ।’

ফেলুন্দার হাতে এখন রিভলভার ।

সোমানির হতভম্ব ভাবটা এখনও কাটেনি, কিন্তু ফেলুন্দার কথা বুঝতে ওঁর কোনও

অসুবিধে হল না ।

কাঁপা হাত পকেটের মধ্যে ঢুকিয়ে চেকটা বার করে ক্রিকেটারিয়ানের দিকে এগিয়ে দিলেন ভদ্রলোক ।

সাহেব যখন চেকটা ছিনিয়ে নিয়ে পকেটে পুরছেন, তখন সোমানির হাঁ করা মুখ আরও হাঁ করিয়ে দিয়ে ফেলুন্দা বলল—

‘এই যে আপনার সর্বনাশটা হল, হীরালালজি, এর জন্য কিন্তু আমি দায়ী নই, দায়ী তিনিটি সবুজ পোকা ।’

১২

সবচেয়ে যেটা অবাক নাগাছিল সেটা হল দ্বিতীয় ছবিটাও জাল বেরিয়ে পড়া । কিন্তু আশ্চর্য, এটা নিয়ে ফেলুন্দা কোনও মন্তব্যই করল না । এমনিতে ছবিটা দেখে একেবারেই জাল বলে মনে হয়নি । লালমোহনবাবু তো বললেন, ‘ইটালিতে চারশো বছর আগে শ্যামাপোকা ছিল না—এ ব্যাপারে আপনি এত শিওর হচ্ছেন কী করে ? হয়তো পশ্চিম থেকেই আমদানি হয়েছে এই পোকার । শুনিটি তো কচুরিপানাও এদেশে এককালে ছিল না, সেটা নাকি এসেছে এক মেমসাহেবের সঙ্গে ।’

এতেও ফেলুন্দা তার একপেশে হাসিটা ছাড়া কোনও মন্তব্য করল না ।

পরদিন পূর্ণেন্দুবাবু এয়ারপোর্টে এলেন আমাদের সি-অফ্ করতে । ফেলুন্দা তাঁকে একটা ভাল টাই কিনে উপহার দিল । ভদ্রলোক বললেন, ‘চরিশ ঘণ্টায় একটা ছেটখাটো ঝড় বইয়ে দিলেন মশাই হংকং-এ । তবে এর পরের বার আরেকটু বেশি দিন থাকতে হবে । আপনাদের সাপের মাংস না খাইয়ে ছাড়ছি না ।’

হংকং ছাড়তে সত্যিই ইচ্ছে করছিল না, কিন্তু আমি জানি ফেলুন্দা যে-কয়েকটা মন্ত্রে বিশ্বাস করে তার মধ্যে একটা হল ‘ডিউটি ফাস্ট’ । এত রহস্যের সমাধান বাকি আছে—নকল ফীশুর রহস্য, বক্ষিমবাবু খুনের রহস্য, কুকুর খুনের রহস্য—সেগুলির একটা গতি না করে হংকং-ভোগ ফেলুন্দার ধাতে নেই ।

বুধবার রাত্রে রওনা হয়ে বিষুবার দুপুর সাড়ে বারোটায় পৌঁছলাম কলকাতা । এয়ারপোর্টেই লালমোহনবাবুকে বলে দেওয়া হয়েছিল যে আজকের দিনটা বিশ্রাম । কাল সকাল আটটা নাগাত ট্যাঙ্কিতে ওঁর বাড়িতে পৌঁছে যাব, সেখান থেকে ওঁর গাড়িতে বৈকুঠপুর । ফেরার পথে ফেলুন্দা একবার পার্ক স্ট্রিট পোস্টআপিসে থামল । বলল, একটা জরুরি টেলিগ্রাম করার আছে ; কাকে সেটা বলল না ।

বাকি দিনটা ফেলুন্দার পেট থেকে আর কোনও কথা বার করা গেল না । ওর এই মৌনী অবস্থাটা আমার খুব ভাল জানা আছে । এটা হচ্ছে বড়ের থমথমে পূর্বাবস্থা । আমি নিজে অনেক ভেবেও কুলকিনারা পাইনি । এখনও যেই তিমিরে সেই তিমিরে । তার উপর একদিনের হংকং-এর ধাকায় এমনিতেই সব তালগোল পাকিয়ে গেছে, চোখ বুজলেই এখনও চোখের সামনে দেখতে পাচ্ছি আকাশের গায়ে ঝুলছে লম্বা লম্বা চিনে অক্ষর ।

‘পরদিন বৈকুঠপুর পৌঁছতে পৌঁছতে প্রায় এগারোটা হয়ে গেল ।

নবকুমারবাবু উদ্গৃব হয়ে হংকং-এর কথা জিজ্ঞেস করতে ফেলুন্দার মাথা নাড়তে হল ।

‘ছবি পাওয়া যায়নি ?’

‘যেটা ছিল সেটাও জাল,’ বলল ফেলুন্দা ।

‘সে কী করে হয় মশাই ? দু-দুটো জাল ? তা হলে আসলটা গেল কোথায় ?’

আমরা সিঁড়ির নীচে দাঁড়িয়ে কথা বলছিলাম। ফেলুদা বলল, ‘ওপরে চলুন। বৈঠকখানায় বসে কথা হবে।’

বৈঠকখানায় গিয়ে দেখি মহাদেব মণ্ডল বসে লেবুর সরবত খাচ্ছেন।

‘কী মশাই—মিশন সাকসেসফুল?’ প্রশ্ন করলেন ভদ্রলোক।

‘চোরাই মাল পাওয়া যায়নি। তবে সেটা আমারই ভুল। অন্য দিক দিয়ে সাকসেসফুল বই কী।’

‘বটে? খুনি?’

‘সে হয়তো নিজেই ধরা দেবে।’

‘বলেন কী।’

ফেলুদা আর চেয়ারে বসল না। আমাদের জন্যও ট্রে-তে সরবত এসেছিল, একটা গেলাস তুলে নিয়ে তাতে একটা চুমুক দিয়ে টেবিলে নামিয়ে রেখে ফেলুদা পকেট থেকে খাতাটা বার করল। আমরা সবাই ওকে ঘিরে সোফায় বসেছি।

‘আমার মনে হয় শুরু থেকেই শুরু করা ভাল,’ বলল ফেলুদা। তারপর খাতাটা একটা বিশেষ পাতায় খুলে সেটার দিকে একবার চোখ বুলিয়ে নিয়ে বলল—

‘২৮শে সেপ্টেম্বর মঙ্গলবার বৈকুঠপুরে দুটো ঘটনা ঘটে—নবকুমারবাবুদের ফক্স টেরিয়ার টুমরীকে কে জানি বিষ খাইয়ে মারে, আর চন্দ্রশেখরের ছেলে রুদ্রশেখর বৈকুঠপুরে আসেন। এটা একই দিনে ঘটায় আমার মনে প্রশ্ন জেগেছিল এই দুটোর মধ্যে কোনও যোগ আছে কি না। একটা পোষা কুকুরকে কে মারতে পারে এবং কেন মারতে পারে, এই প্রশ্ন নিয়ে ভাবতে গিয়ে দুটো উভয়ের পেলাম। কোনও বাড়ির কুকুর যদি ভাল পাহারাদার হয়, তা হলে সে বাড়ি থেকে কিছু চুরি করতে হলে চোর কুকুরকে আগে থেকে সরিয়ে ফেলতে পারে। কিন্তু এখানে চুরি ঘটে হয়েছে সেটা কুকুর মারা যাবার অনেক পরে। তাই আমাকে দ্বিতীয় কারণটার কথা ভাবতে হল। সেটা হল, কোনও ব্যক্তি যদি তার পরিচয় গোপন করে ছাপবেশে কোনও বাড়িতে আসতে চায়, এবং সে ব্যক্তি যদি সে বাড়ির কুকুরের খুব চেনা হয়, তা হলে কুকুর ব্যাধাতের সৃষ্টি করতে পারে। এবং সেই কারণে কুকুরকে সরানোর প্রয়োজন হতে পারে। কারণ, কুকুর প্রধানত মানুষ চেনে মানুষের গায়ের গন্ধ থেকে এবং এই গন্ধ ছাপবেশে ঢাকা পড়ে না।

‘তখনই মনে হল রুদ্রশেখর হয়তো আপনাদের চেনা লোক হতে পারে। তার হাবভাবেও এ বিশ্বাস আরও বদ্ধমূল হল। তিনি কথা প্রায় বলতেন না, ঘোলাটে চশমা ব্যবহার করতেন, পারতে কারুর সামনে বেরোতেন না। তা হলে এই রুদ্রশেখরের আসলে কে? তিনি ইটালি থেকে এসেছেন, অথচ পায়ে বাটোর জুতো পরেন। তিনি তাঁর পাসপোর্ট আপনার বাবাকে দেখিয়েছেন ঠিকই, কিন্তু আপনার বাবা চোখে ভাল দেখেন না, এবং চক্ষুলজ্জার খাতিরে পাসপোর্ট খুঁটিয়ে দেখবেন না, তাই জাল পাসপোর্ট চালানো খুব কঠিন নয়।

‘অথচ পাসপোর্ট যদি জাল হয়, তা হলে চন্দ্রশেখরের সম্পত্তি পাবার ব্যাপারেও তিনি ব্যর্থ হতে বাধ্য, কারণ উকিলের কাছে তিনি কোনওদিনও প্রমাণ করতে পারবেন না যে তিনি চন্দ্রশেখরের ছেলে।

‘তা হলে তিনি এলেন কেন? কারণ একটাই—চন্দ্রশেখরের ব্যক্তিগত সংগ্রহের মহামূল্য ছবিটি হাত করার জন্য। ভূদেব সিং-এর প্রবন্ধের দৌলতে এ ছবির কথা আজ ভারতবর্ষের অনেকেরই জান।’

‘যিনি রুদ্রশেখরের ভেক ধরে এসেছিলেন, তিনি একটা কথা জানতেন না, যে কথাটা আমরা জেনেছি চন্দ্রশেখরের বাক্সে পাওয়া একটি ইটালিয়ান খবরের কাগজের কাটিং।

থেকে। এই খবরে বলা হয়েছে, আজ থেকে ছাবিশ বছর আগে রোম শহরে রুদ্রশেখরের মৃত্যু হয়।'

'অ্যাঁ!'—নবকুমারবাবু প্রায় চেয়ার থেকে লাফিয়ে উঠলেন।

'আজ্জে হাঁ, নবকুমারবাবু। আর খবরটার জন্য আমি রবীনবাবুর কাছে কৃতজ্ঞ।'

'তা হলে এখানে এসেছিল কে ?'

ফেলুদা এবার পকেট থেকে একটা কাগজ বার করল। একটা ম্যাগাজিনের পাতা।

'হংকং-এ অত্যন্ত আকস্মিকভাবে এই পত্রিকার পাতাটা আমার চোখে পড়ে যায়। এই ভদ্রলোকের ছবিটা একবার দেখবেন কি নবকুমারবাবু ? "মোস্বাসা" নামক একটি হিন্দি ফিল্মের ছবি এটা। ১৯৭৬-এর ছবি। এই ছবির অনেক অংশ আফ্রিকায় তোলা হয়েছিল। এতে ভিলেনের ভূমিকায় অভিনয় করেছিলেন এই শুশ্রু-গুষ্ফ বিশিষ্ট ভদ্রলোকটি। দেখুন তো একে চেনেন কি না !'

কাগজটা হাতে নিয়ে নবকুমারবাবুর চোখ কপালে উঠে গেল।

'এই তো রুদ্রশেখর !'

'নীচে নামটা পড়ে দেখুন।'

নবকুমারবাবু নীচের দিকে চাইলেন।

'মাই গড ! নন্দ !'

'হাঁ, নবকুমারবাবু। ইনি আপনারই ভাই। প্রায় এই একই মেক-আপে তিনি এসেছিলেন রুদ্রশেখর সেজে। আসল দাঢ়ি-গোঁফ, নকল নয়। কেবল চুলটা বোধহয় ছিল পরচুলা। আসবার আগে তাঁর কোনও চেনা লোককে দিয়ে রোম থেকে একটা চিঠি লিখিয়েছিল সৌম্যশেখরকে। এ কাজটা করা অত্যন্ত সোজা।'

নবকুমারবাবুর অবস্থা শোচনীয়। বার বার মাথা নেড়ে দীর্ঘস্থাস ফেলে বললেন, 'নন্দটা চিরকালই বেকলেস।'

ফেলুদা বলল, 'আসল ছবি হঠাতে মিসিং হলে মুশকিল হত, তাই ডনি কলকাতা থেকে আর্টিস্ট আনিয়ে তার একটা কপি করিয়ে নিয়েছিলেন। কোনও কারণে বোধহয় বঙ্গিমবাবুর সন্দেহ হয়, তাই যেদিন তোরে নন্দকুমার যাবেন সেদিন সাড়ে তিনটায় অ্যালার্ম লাগিয়ে স্টুডিয়োতে গিয়েছিলেন। এবং তখনই তিনি নিহত হন।'

বৈঠকখানায় কিছুক্ষণের জন্য পিন-ড্রপ সাইলেন্স। তারপর ফেলুদা বলল, 'অবিশ্যি একজন ব্যক্তি নন্দবাবুকে আগেই ধরিয়ে দিতে পারতেন, কিন্তু দেননি কারণ তাঁর বোধহয় লজ্জা করছিল। তাই নয় কি ?'

প্রশ্নটা ফেলুদা করল যাঁর দিকে চেয়ে তিনি মিনিটখানেক হল ঘরে এসে এক কোনায় একটা সোফায় বসেছেন।

সাংবাদিক রবীন চৌধুরী।

'সত্যিই কি ? আপনি সত্যিই পারতেন নন্দকুমারবাবু প্রশ্ন করলেন।'

রবীনবাবু একটু হেসে ফেলুদার দিকে চেয়ে বললেন, 'এতদুর যখন বলেছেন, তখন বাকিটাও আপনিই বলুন না।'

'আমি বলতে পারি, কিন্তু সব প্রশ্নের উত্তর তো আমার জানা নেই রবীনবাবু। সেখানে আপনার আমাকে একটু সাহায্য করতে হবে।'

'বেশ তো, করব। আপনার কী কী প্রশ্ন আছে বলুন।'

'এক—আপনি যে সেদিন বললেন ইটালিয়ান কাগজের খবরটা পড়তে আপনার

ডিকশনারির সাহায্য নিতে হয়েছিল, সেটা বোধহয় মিথ্যে, না ?'

'হাঁ, মিথ্যে ।'

'আর আপনার শার্টের বাঁ দিকে যে লাল রংটা লেগে রয়েছে, যেটাকে প্রথম দেখে রক্ত
বলে মনে হয়েছিল, সেটা আসলে অয়েল পেন্ট, তাই না ?'

'তাই ।'

'আপনি পেন্টিং শিখেছিলেন বোধহয় ?'

'হাঁ ।'

'কোথায় ?'

সুইটজারল্যান্ডে । বাবা মারা যাবার পর মা আমাকে নিয়ে সুইটজারল্যান্ডে চলে যান । মা
নাসিং শিখেছিলেন, জুরিখে একটা হাসপাতালে যোগ দেন । আমার বয়স তখন তেরো ।
আমি লেখাপড়ার সঙ্গে সঙ্গে আর্ট অ্যাকাডেমিতে ক্লাস করি ।'

'কিন্তু বাংলাটা শিখলেন কোথায় ?'

'সেটা আরও পরে । ১৯৬৬-তে আমি প্যারিসে যাই একটা স্কুলের শিক্ষক
হিসেবে । ওখানে কিছু বাঙালির সঙ্গে পরিচয় হয় এবং বাংলা শেখার ইচ্ছে হয় । শেষে
সোরবোন বিশ্ববিদ্যালয়ে বাংলার ক্লাসে যোগ দিই । ভাষার উপর আমার দখল ছিল, কাজেই
শিখতে মুশকিল হয়নি । বছর দু-এক হল চন্দ্রশেখরের জীবনী লেখা হিঁর করি । রোমে
যাই । ভেনিসেও গিয়ে ক্যাসিনি পরিবারের সঙ্গে আলাপ করি । সেখানেই টিনটোরেটোর
ছবিটার কথা জানতে পারি ।'

'তার মানে আপনিও একটি কপি করেছিলেন টিনটোরেটো ছবির । এবং সেই কপিটি
হীরালাল সোমানি নিয়ে গিয়েছিল হংকং-এ ?'

'আজ্ঞে হাঁ ।'

'তা হলে আসলটা কোথায় ?' চেঁচিয়ে উঠলেন নবকুমারবাবু ।

'ওটা আমার কাছেই আছে' বললেন রবীনবাবু ।

'কেন, আপনার কাছে কেন ?'

'ওটা আমার কাছে আছে বলেই এখনও আছে, না-হলে হংকং চলে যেত । এখানে এসেই
আমার সন্দেহ হয়েছিল যে ওটাকে সরাবার মতলব করছেন জাল-কন্দ্রশেখর । তাই ওটার
একটা কপি করে, আসলটাকে আমার কাছে রেখে কপিটাকে ফ্রেমে ভরে টাঙিয়ে
রেখেছিলাম ।'

ফেলুদা বলল, 'আসলটা তো আপনারই নেবার ইচ্ছে ছিল, তাই না ?'

'নিজের জন্য নয় । আমি ভেবেছিলাম ওটা ইউরোপের কোনও মিউজিয়ামে গিয়ে দেব ।
পৃথিবীর যে-কোনও মিউজিয়াম ওটা পেলে লুক্ষে নেবে ।'

'আপনি মিউজিয়ামে দেবেন মানে ?' সোফা ছেড়ে উঠে দাঁড়িয়ে রীতিমতো উত্তেজিত
হয়ে বললেন নবকুমারবাবু । 'ওটা তো নিয়োগী পরিবারের সম্পত্তি ।'

'আপনি ঠিকই বলেছেন নবকুমারবাবু' বলল ফেলুদা, 'কিন্তু উনিও যে নিয়োগী
পরিবারেরই একজন ।'

'মানে ?'

'আমার বিশ্বাস উনি রুদ্রশেখরের পুত্র ও চন্দ্রশেখরের নাতি—রাজশেখর নিয়োগী ।
অর্থাৎ আপনার আপন খুড়তুতো ভাই । ওঁর পাসপোর্টও নিশ্চয়ই সেই কথাই বলছে ।'

নবকুমারবাবুর মতো আমরা সকলেই থ ।

রবীন—থুড়ি, রাজশেখরবাবু বললেন, 'পাসপোর্টটা কোনওদিন দেখাতে হবে ভাবিনি ।

আমি ভেবেছিলাম ছদ্মনামে এখানে থেকে ঠাকুরদাদা সম্বন্ধে রিসার্চ করে চলে যাব, আর যেহেতু ছবিটা উত্তরাধিকারসূত্রে আমারই প্রাপ্য, ওটা নিয়ে যাব। কিন্তু ঘটনাচক্রে এবং প্রদোষবাবুর আশৰ্য্য বুদ্ধির জন্য—আসল পরিচয়টা দিতেই হল। আশা করি আপনারা অপরাধ নেবেন না।’

ফেলুদা বলল, ‘এখানে একটা কথা বলি রাজশেখবাবু—পাঁচ বছর আগে পর্যন্ত চন্দ্রশেখরের চিঠি পেয়েছেন ভূদেব সিং। কাজেই আইনত ছবিটা এখনও আপনার প্রাপ্য নয়। কিন্তু আমার মতে ছবি আপনার কাছেই থাকা উচিত। কারণ আপনিই সত্য করে এটার কদর করবেন। কী বলেন নবকুমারবাবু?’

‘একশোবার। কিন্তু মিস্টার মিস্টির, আপনার সন্দেহটা হল কী করে বলুন তো? আমার কাছে তো সমস্ত ব্যাপারটা ভেলকির মতো।’

ফেলুদা বলল, ‘উনি যে বাংলাদেশের বাঙালি নন সেটা সন্দেহ হয় সেদিন দুপুরে ওঁর খাওয়া দেখে। সুজ্ঞো কখন খেতে হয় সেটা বাংলার বাঙালিরা ভাল ভাবেই জানে। ইনি দেখলাম বেশ কিছুক্ষণ ইতস্তত করে প্রথমে খেলেন ডাল, তারপর মাছ, সব শেষে সুজ্ঞো। তা ছাড়া, সন্দেহের দ্বিতীয় কারণ হল—’

এবার ফেলুদা যে ব্যাপারটা করল সেটা একেবারে ম্যাজিক।

উত্তরের দেওয়ালের দিকে গিয়ে চন্দ্রশেখরের আঁকা তাঁর বাবা অনন্তনাথের ছবির সামনে দাঁড়িয়ে নিজের দুটো হাত ছবির গোঁফে আর দাঁড়ির উপর চাপা দিতেই দেখা গেল মুখটা হয়ে গেছে রবীন চৌধুরীর!

লালমোহনবাবু ক্ল্যাপ দিয়ে উঠলেন, আর আমি অ্যান্ডিনে বুঝতে পারলাম রবীনবাবুকে সেখে কেন চেনা চেনা মনে হত।

কিন্তু চমকের এখনেই শেষ না।

একটি চাকর কিছুক্ষণ হল একটা টেলিগ্রাম নিয়ে দাঁড়িয়ে ছিল, এবার সেটা নবকুমারবাবুর হাতে এল।

ভদ্রলোক সেটা খুলে পড়ে চোখ কপালে তুলে বললেন, ‘আশৰ্য্য! নন্দ লিখেছে আজ সকালের ফ্লাইটে কলকাতায় আসছে। আমি কিছুই বুঝতে পারছি না।’

ফেলুদা বলল, ‘ওটার জন্য আমিই দায়ী, মিস্টার নিয়োগী। আপনার নাম করে কাল আমিই ওঁকে টেলিগ্রাম করেছিলাম।’

‘আপনি?’

‘আজ্জে হাঁ। আমি বলেছিলাম সৌম্যশেখবাবুর হার্ট অ্যাটাক হয়েছে। কন্ডিশন ক্রিটিক্যাল। কাম ইমিডিয়েটলি।’

*

নবকুমারবাবুর কাছ থেকে আরও টাকা নেওয়ার ব্যাপারে প্রচণ্ড আপত্তি করেছিল ফেলুদা। বলল, ‘দেখলেন তো, তদন্তের ফলে বেরিয়ে গেল আপনার নিজের ভাই হচ্ছেন অপরাধী।’ তাতে নবকুমারবাবু বেশ বিরক্ত হয়েই বললেন, ‘ওসব কথা আমি শুনতে চাই না। আপনি আমাদের হয়ে তদন্ত করেছেন। ফলাফলের জন্য তো আপনি দায়ী নন। আপনার প্রাপ্য আপনি না নিলে আমরা অসন্তুষ্ট হব। সেটা নিশ্চয়ই আপনি চান না।’

নিজের ভাই অপরাধী প্রমাণ হলেও, সেই সঙ্গে যে খুড়তো ভাইটিকে পেলেন নবকুমারবাবু, তেমন ভাই সহজে মেলে না। টিনটোরেটোর যীশু যে এখন উপযুক্ত লোকের

হাতেই গেছে তাতে সন্দেহ নেই। কিছুদিনের মধ্যেই সেটা ইউরোপের কোনও বিখ্যাত মিউজিয়ামের দেয়ালে শোভা পাবে।

আমরা আর একদিন ছিলাম বৈকুঞ্চিপুরে। ফেরার পথে লালমোহনবাবুর অনুরোধে একবার ভবেশ ভট্টাচার্যের ওখানে তুঁ মারতে হল। সামনের বছর বৈশাখের জন্য জটায়ু যে উপন্যাসটা লিখবেন সেটার নাম ‘হংকং-এ হিমসিম’ হলে সংখ্যাতত্ত্বের দিক দিয়ে ঠিক হবে কিনা সেটা জানা দরকার।

অস্বর সেন অন্তর্ধান রহস্য

‘আপনি তো আমার দেখা শুধরে দেন,’ বললেন লালমোহনবাবু, ‘সেটা আর এবার থেকে দরকার হবে না।’

ফেলুদা তার প্রিয় সোফাটায় পা ছড়িয়ে বসে রুবিকস কিউবের একটা পিরামিড সংক্রণ নিয়ে নাড়াচাড়া করছিল; সে মুখ না তুলেই বলল, ‘বটে?’

‘নো স্যার। আমার পাড়ায় এক ভদ্রলোক এয়েচেন, কাল পার্কে দেখা হল। এক বেঞ্চিতে বসে কথা বললুম প্রায় আধ ঘণ্টা। গ্রেট স্কলার। নাম মতুঝেয় সোম।’

‘স্কলার?’

‘স্কলার। বোধহয় হার্বার্ট ইউনিভার্সিটির ডবল এম এ, বা ওই ধরনের কিছু।’

‘উফফ! ফেলুদা এবার মুখ না তুলে পারল না। ‘হার্বার্ট নয় মশাই, হার্ভার্ড, হার্ভার্ড! তাই হবে। হার্ভার্ড।’

‘হার্ভার্ড সেটা বুবালেন কী করে? নাকিসুরে মার্কিন মার্কি ইংরিজি বলেন ভদ্রলোক?’

‘ইংরিজিটা একটু বেশি বলেন। নাকিসুর কিনা লক্ষ করিনি। তবে বিদ্বান লোক। থাকেন বহরমপুর। একটা বই লিখছেন, তাই নিয়ে রিসার্চ করবেন বলে ক'দিনের জন্য কলকাতায় এসেছেন। চেহারাতে বেশ একটা ইয়ে আছে। ফ্রেঞ্চ-কাট দাঢ়ি, চোখে সোনার বাই-ফোকাল, জামাকাপড়ও ধোপদুরস্ত। আমার ‘হড়ুরাসে হাহাকার’টা পড়তে দিয়েছিলুন। চৌত্রিশটা মিসটেক দেখিয়ে দিলেন। তবে বললেন ভেরি এনজয়েব্ল।’

‘তা হলে আর কী। আপনার পেট্টল খরচা অনেক কমে যাবে এবার থেকে। আর গড়পার-বালিগঞ্জ ঠ্যাঙ্গাতে হবে না।’

‘তবে ব্যাপারটা হচ্ছে কী—’

ব্যাপারটা কী হচ্ছে সেটা আর জানা গেল না, কেন না ঠিক এই সময় এসে পড়লেন ফেলুদার মক্কেল অস্বর সেন। নটায় অ্যাপয়েন্টমেন্ট ছিল। ঘড়ির কাঁটায় কাঁটায় আমাদের কলিং বেল বেজে উঠল।

অস্বর সেনের বয়স মনে হয় পঁয়তাঙ্গিশ থেকে পঞ্চাশের মধ্যে, ফরসা রং, দাঢ়িগোঁফ কামানো, চোখে পুরু ফ্রেমের চশমা, গায়ে পাঞ্জাবি আর ধূতির উপর একটা পুরনো জামেওয়ার শাল। কাশীরি শাল যে কতরকম হয় সেটা সেদিন ফেলুদার সঙ্গে মিউজিয়ামে গিয়ে দেখে এসেছি।

অস্বর সেন ফেলুদার মুখোমুখি চেয়ারে বসে বললেন, ‘আপনিও ব্যস্ত মানুষ, আমিও ব্যস্ত।

কাজেই সময় নষ্ট না করে সোজা কাজের কথায় চলে যাওয়াই ভাল। আগে এই জিনিসটা দেখুন।'

পাঞ্জবির পকেট থেকে একটা কাগজ বের করে ভদ্রলোক ফেলুদার দিকে এগিয়ে দিলেন। খাতা থেকে ছেঁড়া একটা পাতা, সেটাকে দলা করে পাকানো হয়েছিল, তারপর আবার হাত বুলিয়ে মসৃণ করার চেষ্টা করা হয়েছে।

কাগজটাতে গোটা অঙ্করে লাল কালি দিয়ে লেখা—‘আমার সর্বনাশের শাস্তি ভোগ করার জন্য প্রস্তুত হও। আর সাতদিন মেয়াদ। পালিয়ে পথ পাবে না।’

কাগজটা নেড়েচেড়ে দেখে ফেলুদা প্রশ্ন করল, ‘কীভাবে পেলেন এটা?’

‘আমার বাড়িতে একতলায় আমার কাজের ঘর’, বললেন ভদ্রলোক, ‘রাত্তিরে এসে জানালা দিয়ে ছুঁড়ে ডেক্সের উপর ফেলে দিয়ে গেছে। সকালে আমার চাকর লক্ষণ এটা পেয়ে আমার কাছে নিয়ে আসে।’

‘আপনার ঘর কি রাস্তার উপর?’

‘না। ঘরের বাইরে বাগান, তারপর কম্পাউন্ড ওয়াল, তারপর রাস্তা। তবে দেয়াল টপকানো যায়।’

‘সর্বনাশের কথা যে বলছে সেটা কী?’

অস্বর সেন মাথা নাড়লেন।

‘দেখুন মিস্টার মিত্রি, আমি নির্বাঙ্গট মানুষ। আমার পেশা হল ব্যবসা, তবে আসল কাজ আমার ভাইই করে। আমার পাঁচ রকম অন্য শখ আছে, সেই সব নিয়ে থাকি। সজ্ঞানে কারুর কখনও কোনও সর্বনাশ করেছি বলে তো মনে পড়ে না। অস্তত এমন সর্বনাশ নিশ্চয়ই নয় যেটা এই হৃষকি-চিঠিকে জাস্টিফাই করতে পারে। ব্যাপারটা আমার কাছে সম্পূর্ণ অর্থহীন বলে মনে হচ্ছে।’

ফেলুদা ভুঁড় কুঁচকে একটুক্ষণ ভেবে বলল, ‘অবিশ্য এটা এক ধরনের রসিকতাও হতে পারে—যাকে বলে প্র্যাকটিক্যাল জোক। আপনার পাড়ায় কাছাকাছির মধ্যে মন্তান ছেলেদের আস্তান আছে?’

‘আমরা থাকি পাম এভিনিউতে,’ বললেন অস্বর সেন। ‘পুর দিকে কিছু দূরে একটা বস্তি আছে, সেখানে এই ধরনের ছেলে থাকা কিছুই আশ্চর্য নয়।’

‘পুজোর চাঁদার জন্য হামলা করে না?’

‘তা করে, কিন্তু চাঁদা তো আমরা নিয়মিত দিই।’

শ্রীনাথ চা এনেছে, তাই কাজের কথা কিছুক্ষণের জন্য বন্ধ হল। লালমোহনবাবু দুবার বিড়বিড় করে ‘রিভেঞ্জ’ কথাটা বললেন। ফেলুদা সেই সুযোগে আমাদের দুজনের সঙ্গে ভদ্রলোকের আলাপ করিয়ে দিল।

‘আপনিই বিখ্যাত লালমোহন গাঙ্গুলী?’

‘হঁ হঁ।’

ভদ্রলোক বেশ তুষ্টি সহকারে চায়ে চুমুক দিয়ে ফেলুদার দিকে ফিরে বললেন, ‘আসলে আপনার বিষয় আমি আপনার কাহিনীগুলো থেকেই জেনেছি। তাই মনে হল আপনার কাছেই আসি।’

‘পুলিশে খবর দেননি?’ জিজেস করল ফেলুদা।

‘আমার ভাই অবিশ্য পুলিশের কথাই বলেছিল, কিন্তু আমি আবার এ সব ব্যাপারে একটা আন-অর্থডক্স। প্রচলিত নিয়মগুলো চঢ় করে মানতে মন চায় না। আর সত্যি বলতে কী, এখনও বোধহয় অতটা বিচলিত হবার কারণ ঘটেনি। আপনার কাছে এলাম, তার একটা কারণ

আপনাকে দেখারও একটা ইচ্ছে ছিল। আমাদের পরিবারের মোটামুটি সকলেই আপনাকে চেনে।’

‘পরিবারে আর কে কে আছেন?’

‘আমার ভাই অম্বুজ আছে। সে বিয়ে করেছে, আমি করিনি। অম্বুজের স্ত্রী আছে, একটি মেয়ে আছে বছর দশকের—ছেলে দুটি বড়, তারা বাইরে থাকে—তা ছাড়া আমার বিধবা মা আছেন, আর আছে আমাদেরই এক দূর সম্পর্কের আত্মীয়। সে আমাদেরই বাড়িতে মানুষ। ফ্যামিলি মেমবার বলতে এই; তার বাইরে তিনজন চাকর, একটি ঠিকে যি, রামার লোক, মালী, দারোয়ান আর ড্রাইভার। আমরা থাকি ফাইভ বাই ওয়ান পাম এভিনিউতে। বাবা ছিলেন নামকরা হার্ট স্পেশালিস্ট অনাথ সেন।’

ফেলুদা একটু কিন্তু কিন্তু ভাব করছে দেখে ভদ্রলোক বললেন, ‘আপনাকে আমি শুধু ব্যাপারটা জানিয়ে গেলাম। হতে পারে এটা একটা প্র্যাকটিক্যাল জোক ছাড়া আর কিছুই না; তবে কী জানেন, এ ধরনের রসিকতার টারঙ্গেট বিখ্যাত ব্যক্তিদের মাঝে মাঝে হতে হয় ঠিকই, কিন্তু আমি তো আর তেমন কেউ-কেটা নই, তাই...’

ফেলুদা বললে, ‘বুঝতেই পারছেন, এ হৃষকি যদি সম্পূর্ণ ভিত্তিইন হয় তা হলে আমার পক্ষে কিছু করা সম্ভব নয়। যাই হোক—আপাতত এই চিঠিটা আমি রাখতে পারি তো?’

‘নিশ্চয়ই। ওটা তো আপনাকে দেবার জন্যেই আনা।’

এমন একটা হৃষকি-চিঠি নিয়ে অন্বর সেনের ফেলুদার কাছে আসাটা একটু বাড়াবাড়ি বললেই মনে হচ্ছিল, পরদিন সকালে পাম এভিনিউ থেকে যে ফোনটা এল, তাতে সমস্ত ব্যাপারটা একটা অন্য চেহারা নিল।

বসবার ঘর থেকে ফেলুদার ঘরে কলটা ট্রান্সফার করে দিয়ে কান লাগিয়ে যা শুনলাম তা হল এই—

‘কে, মিস্টার মিস্টির?’

‘আজ্ঞে হ্যাঁ।’

‘আমার নাম অম্বুজ সেন। কাল আমার দাদা বোধহয় আপনার ওখানে গেস্লেন একটা হৃষকি-চিঠির ব্যাপারে?’

‘হ্যাঁ হ্যাঁ।’

‘ওয়েল, হি ইজ মিসিং।’

‘মানে?’

‘দাদাকে পাওয়া যাচ্ছে না।’

‘পাওয়া যাচ্ছে না?’

‘না। দাদা রোজ ভোরে গাড়িতে করে বেরোন; গঙ্গার ধারে গাড়ি দাঁড় করিয়ে তারপর মাইল দুয়েক হাঁটেন। আজও গেস্লেন, কিন্তু আজ আর ফেরেননি।’

‘সে কী।’

‘ড্রাইভার গাড়ি নিয়ে ফিরে এসেছে এক ঘণ্টা ওয়েট করার পর। ও তন্ত্র করে খুঁজেও দাদার দেখা পায়নি।’

‘পুলিশে জানাননি?’

‘সেখানে একটা গোলমাল আছে মিঃ মিস্টির। আমার মা’র বয়স আশি, শরীরও ভাল নেই। ওঁকে দাদার ব্যাপারটা নিয়ে এখনও কিছুই জানাইনি। পুলিশ এলেই কিন্তু ব্যাপারটা আর চাপা থাকবে না। তখন ওঁকে সামলানো মুশকিল হবে। কাজেই আমাদের ইচ্ছা কেসটা আপনিই

হ্যান্ডল করুন। আপনার উপর আমাদের পুরো ভরসা আছে। অবশ্য আপনার উপযুক্ত পারিঅধিক আগরা দেব।’

‘আমি তা হলে একবার আপনাদের ওখানে আসছি। অসুবিধা হবে না তো?’

‘মোটেই না। আপনি এখনই চলে আসুন। আমাদের বাড়ির নম্বরটা জানেন তো?’

‘ফাইভ বাই ওয়ান পাম এভিনিউ তো?’

‘হ্যাঁ হ্যাঁ।’

২

সাহেবি ধাঁচের গাড়িবারান্দাওয়ালা দোতলা ছড়ানো বাড়ি, সামনে একটা ছোট বাগান, পিছনেও সবুজ দেখে মনে হল বোধহয় টেনিস কোর্ট জাতীয় কিছু আছে। গেটের গায়ে শ্বেতপাথরের ফলকে অস্বরবাবুর বাবার নাম, নামের পরে অনেকগুলো ইংরিজি অক্ষর, কমা, ফুলস্টপ। সব শেষে ব্র্যাকেটের মধ্যে ‘এডিন’ কথাটা দেখে বুঝলাম ভদ্রলোককে স্টেল্লান্ড যেতে হয়েছিল ডাক্তারি পড়তে।

যিনি আমাদের ট্যাঙ্গির শব্দ পেয়ে বেরিয়ে এলেন তাঁর সঙ্গে অস্বরবাবুর আদল আছে ঠিকই, কিন্তু ইনি বেঁটে, মোটা আর কালো। অর্থাৎ মুখের মিল বাদ দিলে ইনি অস্বরবাবুর ঠিক উলটো।

আমাদের দেখে ভদ্রলোকের মুখে হাসি ফুটে উঠলেও, দুশ্চিন্তার ফলে সেটা সঙ্গে সঙ্গেই মিলিয়ে গেল।

‘আসুন ভিতরে।’

শ্বেতপাথরের মেঝেওয়ালা ল্যাভিং পেরিয়ে বৈঠকখানায় গিয়ে চুকলাম। এখানেও মার্বল, তার উপর কার্পেট, আর তার উপর দামি দামি ফারনিচার। যে সোফায় বসলাম, সেটার গদি এত নরম যে, আমার ভারেই প্রায় ছ ইঞ্চি বসে গেল।

‘রঞ্জা, এসো।’

একটি ফ্রক-পরা মেয়ে এসে দরজায় দাঁড়িয়ে আবাক চোখে চেয়ে আছে ফেলুদার দিকে। অস্বজবাবু ডাকতেই সে গুটি গুটি ঘরের ভিতরে এগিয়ে এল।

‘ইনি কে জান?’ জিজ্ঞেস করলেন অস্বজবাবু।

‘ফেলুদা,’ চাপা গলায় উত্তর এল।

‘আর ইনি?’

‘তোপসে।’

‘বাঃ, তুমি তো আমাদের দুজনকেই চেনে দেখছি’ বলল ফেলুদা।

‘জাটয়ু কোথায়?’ জিজ্ঞেস করল মেয়েটি। বোৰা গেল সে এই তৃতীয় ব্যক্তিটিকে না দেখে কিছুটা হতাশ হয়েছে।

‘তিনি তো আসেননি,’ বলল ফেলুদা। ‘তবে তাঁকে একদিন নিশ্চয়ই নিয়ে আসব।’

‘তোপসে এত মিথ্যে কথা বলে কেন?’

এই রে।—আমার সমক্ষে হঠাতে এমন বদনাম কেন?

‘মিথ্যে মানে?’ ফেলুদা জিজ্ঞেস করল।

‘একটা বইয়ে লিখেছে ফেলুদা ওর মাসতুতো ভাই, আরেকটায় লিখেছে জ্যাঠতুতো ভাই। মিথ্যেই তো।’

ফেলুদাই আমাকে বাঁচিয়ে দিল। বলল, ‘ওহো—প্রথমে মাসতুতো ভাই লিখেছিল বটে, তখন ও গপপের মতো বানিয়ে লিখতে চেষ্টা করছিল। আমি ধর্মক দিতে তারপর সত্যি কথাটা

লিখতে শুরু করল। আসলে জ্যাঠতুতো ভাইটাই ঠিক।’

‘আপনার সব অ্যাডভেঞ্চার ওর পড়া,’ বললেন অম্বুজ দেন।

‘জেঠুকে খুঁজে বার করে দিতে পারবে তুমি?’ ফেলুদার দিকে সটান তাকিয়ে প্রশ্ন করল রূপ।

‘চেষ্টা করতে হবে।’ বলল ফেলুদা। ‘তুমি যদি কোনও ক্লু জোগাড় করে দিতে পারো তা হলে তো কথাই নেই।’

‘ক্লু?’

‘ক্লু জান তো?’

‘জানি।’

‘আছে তোমার কাছে কোনও ক্লু, যাতে আমরা চট করে বের করে দিতে পারি তোমার জেঠুকে?’

‘ক্লু তো তুমি বার করবে। তুমি তো ডিটেকটিভ।’

‘ঠিক বলেছ। খুব চালাক মেয়ে তুমি। কী নাম তোমার? একটা নাম তো জানি, অন্যটা কী?’

‘ভাল নাম যার্না।’

ফেলুদা অম্বুজবাবুর দিকে ফিরল।

‘দেখুন, আপনাদের দিক থেকে কতকগুলো ব্যাপারে সাহায্য না পেলে কিন্তু আমার পক্ষে এগোনো মুশকিল হবে।’

‘কী সাহায্য বলুন।’

‘প্রথমত, আপনাদের সকলের সঙ্গে কথাবার্তা বলতে হবে। আপনার দাদার সঙ্গে আমার মাত্র কয়েক মিনিটের আলাপ। তাঁকে আমার আরেকটু ভাল করে চিনতে হবে। তাঁর কাজের ঘরটাও একবার দেখা দরকার। এমনকী, দরকার হলে তাঁর জিনিসপত্র একটু ঘেঁটে দেখতে হতে পারে। আশা করি আপন্তি হবে না।’

‘মোটেই না,’ বললেন অম্বুজবাবু।

‘আর আপনার দাদা যেখানে মর্নিং ওয়াকে যেতেন, সেই জায়গাটাও একবার দেখে আসা দরকার।’

‘কোনওই অসুবিধে নেই। আমাদের ড্রাইভার বিলাস আপনাদের গাড়ি করে নিয়ে গিয়ে সব দেখিয়ে আনবে।’

ফেলুদা সোফা ছেড়ে উঠে পায়চারি আরঙ্গ করেছে। তিনটে বড় বড় বুককেস বোঝাই বই, সেইদিকে তার দৃষ্টি।

‘এ সব বই কার?’

‘সবই দাদার।’

‘নানান বিষয়ে ইন্টারেস্ট আছে দেখছি।’

‘আজ্জে হ্যাঁ।’

‘এমনকী গোয়েন্দাগিরি সম্বন্ধেও তো বই আছে।’

‘হ্যাঁ। এক সময় ওটা নিয়েও পড়াশুনা করেছেন।’

‘বিজ্ঞান, ইতিহাস, রান্নার বই, মুদ্রা সংগ্রহ, থিয়েটার...’

‘থিয়েটারটা দাদার নেশা বলতে পারেন। আমাদের মাঠে পুজোর সময় স্টেজ বেঁধে নাটক হয়। দাদাই নির্দেশক; ফ্যামিলির সকলেই রংটং মেথে নেমে পড়ে। এমনকী ইনিও।’ রূপার দিকে দেখিয়ে দিলেন অম্বুজবাবু। রূপা এখনও সেইভাবেই হাঁ করে চেয়ে আছে ফেলুদার দিকে।

‘এবারে অস্বরবাবুর কাজের ঘরটা একটু দেখতে পারি?’

‘আসুন আমার সঙ্গে।’

অস্বুজবাবু উঠে পড়লেন সোফা থেকে।

বৈঠকখানার পাশে একটা প্যাসেজ, সেইটা পেরিয়ে পিছনের মাঠের দিকের একটা ঘরে গিয়ে চুকলাম আমরা।

পুর দিকের জানালা দিয়ে রোদ এসে ঘরটাকে আলো করে দিয়েছে। একটা বড় ডেস্ক, তার সামনে একটা রিভলভিং চেয়ার, উলটো দিকে আরও দুটো চেয়ার। জানালার ধারে একটা আরাম-কেদারা। এ ছাড়া টেবিলের পিছন দিকে রয়েছে একটা শেলফ, একটা ক্যাবিনেট আর একটা গোদরেজের আলমারি। তার পাশের দেয়ালে একটা ফোলডিং ব্র্যাকেট থেকে হাঙ্গারে বুলহে একটা ছাই রঙের কোট।

ডেস্কের উপরটা দেখলে মনে হয় অস্বুজবাবু বেশ গোছানো লোক ছিলেন। কাগজপত্র টেলিফোন পেনহোলডার পিনকুশন পেপার-ওয়েট চিঠির ব্যাক, সব পরিপাটি করে সাজানো। একটা ডেট-ক্যালেন্ডার রয়েছে, তার তারিখটা তিনিদিন আগের। ব্যাপারটা আমারও খটক লেগেছিল, ফেলুদা সেটা দিকে অস্বুজবাবুর দৃষ্টি আকর্ষণ করায় ভদ্রলোক বললেন, ‘দাদাকে কয়েকদিন থেকেই অন্যমনস্ক দেখছিলাম। সচরাচর দাদার এরকম ভুল হয় না কিন্তু।’

ফেলুদা খুতুঁতে মানুষ, সে নিজেই শনিবার দোসরাটা বদলে মঙ্গলবার পাঁচই করে দিল।

‘দেরাজ খুলে দেখতে পারি কি?’ ফেলুদা জিজ্ঞেস করল।

‘দেখুন না।’

তিনিটে দেরাজই পরপর খুলে তার ভিতরের জিনিসপত্র হাতড়ে দেখল ফেলুদা। ওপরের দেরাজ থেকে পাওয়া এক টুকরো কাগজ সমন্বে মনে হল তার একটু কৌতুহল হয়েছে, কারণ সেটা সে ঘুরিয়ে ফিরিয়ে দেখছে।

‘হিমালয়ন অপটিক্যালস থেকে চশমা করাতেন বুঝি আপনার দাদা?’

‘হ্যাঁ।’

‘একটা ক্যাশমেমো দেখছি। তারিখটা সাতদিন আগের। নতুন চশমা করিয়েছিলেন বুঝি?’

‘কই, না তো!’ বলে উঠল রুনা। সে-ও আমাদের পিছন পিছন এসেছে।

‘তুমি কী করে জানলে, রুনা?’ জিজ্ঞেস করল ফেলুদা।

‘আমাকে তো দেখায়নি জেঠুঁ।’

অস্বুজবাবু একটু হেসে বললেন, ‘দাদা যে কখন কী করছেন তার খবর আমরা সব সময়ে পেতাম না।’

আমরা অস্বুজবাবুর স্টাডি থেকে বেরিয়ে এলাম।

‘আপনাদের এক আত্মীয় এখানে থাকেন বোধ হয়’, প্যাসেজে বেরিয়ে এসে বলল ফেলুদা, ‘আপনাদের এখানেই মানুষ হয়েছেন?’

‘কে, সমরেশ? হাঁ, থাকে বইকী।’

ফেলুদার অনুরোধে সমরেশকে ডেকে পাঠানো হল। বছর পঁয়ত্রিশ বয়স, মুখে বসন্তের দাগ, চোখে পুরু চশমা। একটু যেন আড়ষ্টভাব নিয়ে ভদ্রলোক এসে দাঁড়ালেন আমাদের দিকে হাত দশেক দূরে।


‘বসুন,’ বলল ফেলুদা।

বেশ কিছুটা দূরে একটা চেয়ারে বসলেন সমরেশবাবু।

‘আপনার পদবিটা কী?’

‘মল্লিক।’

‘কদিন আছেন এ-বাড়িতে?’



‘বছর পঁচশ।’

‘কী করেন?’

‘একটা ফিল্ম ডিস্ট্রিবিউশন আপিসে কাজ করি।’

‘কোথায়?’

‘ধরমতলায়।’

‘কী নাম কোম্পানির?’

‘কোহিনুর পিকচার্স।’

‘কদিন আছেন ওখানে?’

‘সাত বছর।’

‘তার আগে কী করতেন।’

‘এই...বাড়ির কাজকর্ম।’

হাত দুটোকে ভাঁজ করে হাঁটির মধ্যে চেপে রেখেছেন ভদ্রলোক—যাকে বলে জবুথু ভাব।

‘আপনি অস্বরবাবুর অস্তর্ধানের ব্যাপারে কোনও আলোকপাত করতে পারেন?’

সমরেশবাবু চুপ। ফেলুদা বলল, ‘তিনি একটা হৃষকি-চিঠি পেয়েছিলেন জানেন?’

‘জানি।’

‘আপনার ঘর কি এ-বাড়ির একতলাতে?’

‘হ্যাঁ।’

‘অস্বরবাবুর কাছে বাইরের লোকজন দেখা করতে আসত?’

‘তা আসত, মাঝে-মাঝে।’

‘সম্প্রতি এমন কোনও লোককে আসতে দেখেছেন, যাকে আগে দেখেননি?’

‘সেটা লক্ষ করিনি। তবে—’

‘তবে কী?’

‘এই পাড়ায় কিছু ছেলেকে দেখেছি, যাদের আগে দেখিনি।’

‘কোথায়?’

‘মোড়ের মাথায়।’

‘কী করত তারা?’

‘মনে হত এই বাড়ির দিকে চোখ রাখছে।’

‘বয়স কীরকম তাদের?’

‘বিশ থেকে পঁচিশের মধ্যে বলে মনে হয়।’

‘কজন ছেলে?’

‘চারজন।’

ফেলুদা একটুক্ষণ চুপ করে কী যেন ভাবল। তারপর বলল, ‘ঠিক আছে। আপনি আসতে পারেন।’

এইসব কথা থেকে ফেলুদা কোনও ঝুঁ পেল কিনা জানি না। যেটাতে মনে হয় সত্যি করে কাজ হল, সেটা হল অস্বজবাবুর স্ত্রীর সঙ্গে কথাবার্তায়।

বীতিমতো সুন্দরী মহিলা, তার উপর যাকে বলে ‘ব্রাইট’। বয়স চল্লিশের উপর হলেও দেখে বোঝার জো নেই। দোতলার একটা ছোট বৈঠকখানায় বসে কথা হল।

ফেলুদা প্রথমেই ক্ষমা চেয়ে নিল ভদ্রমহিলাকে বিব্রত করার জন্য। ‘তাতে কী হয়েছে,’ বললেন মিসেস অস্বজ সেন, ‘গোয়েন্দাকে যে এভাবে জেরা করতে হয় সে তো ফেলুদার গল্প পড়েই জেনেছি। খুব ভাল লাগে পড়তে গোয়েন্দার কাহিনী।’

‘তা হলে তো ভালই হল,’ বলল ফেলুদা। ‘আমার প্রধান মুশকিলটা কোথায় হচ্ছে বলি। অস্বরবাবু একটা হৃষকি-চিঠি পেয়েছিলেন জানেন বোধহয়।’

‘তা জানি বইকী।’

‘দেখেছেন সে চিঠি?’

‘তাও দেখেছি।’

‘আমি অস্বরবাবুকে জিজ্ঞেস করেছিলাম তাঁর জীবনে এমন কোনও ঘটনা ঘটেছিল কি না যার ফলে অন্য কোনও মানুষের সর্বনাশ হতে পারে। উনি বলেছিলেন তেমন কোনও ঘটনা তাঁর জানা নেই। অবিশ্যি আমার বলা উচিত ছিল যে, রিসেট ঘটনা হবার দরকার নেই, অতীতের

ঘটনা হলেও চলবে, কেন না প্রতিহিংসার ভাবটা মানুষ অনেক সময়ে অনেক দিন পুষে রাখে। আমি এখন আপনাকে জিজ্ঞেস করতে চাই, আপনি কি এমন কোনও ঘটনার কথা জানেন? দশ-বিশ বছর আগের হলেও চলবে।'

তদ্বারাই একটুক্ষণ চিত্তিভাবে চুপ করে থেকে বললেন, 'তা হলে আপনাকে বলি। আপনি দেখন এমনি ঘটনার কথাই বলছেন কি না। এটা আমার কাল রাস্তিরে হঠাতে মনে পড়ে। আমার স্বামীকেও এখনও বলিনি।'

'কী ঘটনা বলুন তো।'

'একটা অ্যাঞ্জিডেন্টের ব্যাপার।'

'অ্যাঞ্জিডেন্ট?'

'অনেকদিন আগে। তখনও রুনা হয়নি; বোধহয় তার পরের বছরই হল। আমার ভাসুর তখন নিজেই গাড়ি চালাতেন। আমার শ্বশুরের গাড়ি। অস্টিন। উনি শ্যামবাজারের দিকে একজন লোককে চাপা দেন। সে-লোক মারা যায়।'

আমরা দুজনেই চুপ। ঘরে থমথমে ভাব। অস্বুজবাবু পাশেই ছিলেন, চাপা গলায় বললেন, 'আশচর্য, এটা আমার মনেই ছিল না।'

'আর কী মনে পড়ছে?' ফেলুদা দুজনকেই প্রশ্নটা করল।

'নিম্ন-মধ্যবিত্ত ফ্যামিলি,' বললেন অস্বুজবাবু, 'ক্লার্ক ছিলেন তদ্বলোক।'

'নাম মনে পড়ছে?'

'উহু।'

'স্ত্রী ছিল, আর তিনটি ছেলেমেয়ে,' বললেন মিসেস সেন। 'ছেলেটির বয়স তেরো-চৌদো। মেয়ে দুটি আরও ছোট। পাঁচ হাজার টাকা তুলে দেন বিধবার হাতে।'

'কে, অস্বুজবাবু?'

'হাঁ।'

'সেই থেকেই দাদা ড্রাইভিং বন্ধ করে দেন,' বললেন অস্বুজবাবু। 'এখন মনে পড়ছে।'

'হঁ...' ফেলুদা গম্ভীর। 'তার মানে এখন সে-ছেলের বয়স বছর পঁচিশ। পরিবারটির যে সর্বনাশ হবে এই ঘটনার ফলে, এটা মোটেই অস্বাভাবিক নয়। পাঁচ হাজার টাকা আর কদিন চলে?'

'এর বেশি আর কিছু মনে পড়ছে না, জানেন,' বললেন মিসেস সেন।

'আমারও না,' বললেন অস্বুজবাবু।

'অস্বুজবাবু কি ডায়রি রাখতেন?' ফেলুদা জিজ্ঞেস করল।

'কই, সে রকম তো শুনিনি এখনও,' বললেন অস্বুজবাবু।

ফেলুদা উঠে পড়ল।

'অনেক ধন্যবাদ, মিসেস সেন। আপনি অন্ধকারে একটা আলো দেখিয়েছেন আমাদের, তার জন্য আমি বিশেষ কৃতজ্ঞ।'

'আমরা কিন্তু মনেপ্রাণে চাইছি যে, আপনি ব্যাপারটার একটা সুবাহা করেন।'

কথাটা যে ভদ্রমহিলা খুব আস্তরিকতার সঙ্গে বললেন তাতে কোনও সন্দেহ নেই।

অস্বরবাবুর অসুস্থ মাকে বিরক্ত করার কোনও মানে হয় না, তাই আমরা আপাতত পাম এভিনিউ-এর পাট শেষ করে সেনেদের অ্যামবাসাড়ের চলে গেলাম গঙ্গার ধারে। গে রেস্টোরান্টের সামনে গাড়ি দাঁড় করিয়ে ড্রাইভার বিলাসবাবু বললেন, ‘এইখান থেকে স্যার হাঁচতে আরম্ভ করে সোজা দক্ষিণ দিকে গিয়ে ঠিক এক ঘণ্টা বাদে আবার ফিরে আসতেন। একেবারে ঘড়ির কাঁটায় কাঁটায়।’

‘আপনি গাড়িতেই বসে থাকতেন?’

‘আজ্জে হ্যাঁ।’

‘কদিন ড্রাইভারি করছেন সেন-বাড়িতে?’

‘নাইন ইয়ারস।’

‘তার মানে অ্যাক্সিডেন্টের ব্যাপারটা আপনি জানেন না?’

‘অ্যাক্সিডেন্ট?’

‘অস্বরবাবু বছর বাবো আগে একবার একটি লোককে গাড়ি চাপা দিয়ে মারেন।’

‘সেন সাহেব?’

‘কেন, আপনার বিশ্বাস হচ্ছে না?’

‘উনি যে কোনওদিন নিজে ড্রাইভ করেছেন সেইটেই জানতুম না।’

‘ওই ঘটনার পরেই ড্রাইভিং ছেড়ে দেন।’

‘তা হবে। ড্রাইভারের তো দোষ দেওয়া যায় না সব সময়! রাস্তার লোকে যেভাবে চলাফেরা করে, আরও বেশি লোক মরে না কেন সেইটেই তো ভাবি। ড্রাইভারের আর কী দোষ?’

‘অস্বরবাবু যেদিন আর ফিরলেন না, সেদিনের ঘটনাটা একটু বলবেন?’

‘সেদিন উনি আসছেন না দেখে আমি হেস্টিংস পর্যন্ত গিয়ে তল্লাশ করেছিলাম। পথে লোক ধরে ধরে জিঞ্জেস পর্যন্ত করছি। গাড়ি থামিয়ে থামিয়ে রাস্তায় নেমে খুঁজেছি যদি কোথাও পড়ে-টড়ে গিয়ে থাকেন। হাঁটাটা তেমন মজবুত ছিল না তো।’

‘লোকজন কেমন ছিল রাস্তায়?’

‘সকালে এদিকটা লোক মন্দ থাকে না। সব হাঁচতে আসে। তবে নিউ হাওড়া ব্রিজের সাইডটায় লোক থাকে না বললেই চলে। স্যার তো ওদিকেই যেতেন। ফস করে যদি গাড়িতে কটা জোয়ান লোক এসে কোলপাঁজা করে তুলে নিয়ে যায়, কেউ টেরও পাবে না।’

আমরা গাড়িতে করেই দশ মাইল স্পিডে চালিয়ে হেস্টিংস পর্যন্ত ঘুরে এলাম, কিন্তু সন্দেহজনক কিছুই দেখতে পেলাম না।

এরপর দুদিন পাম এভিনিউ থেকে কোনও খবর নেই। বিষুদ্ধবার বিকেলে লালমোহনবাবু এসেই বললেন, ‘ঘটনা এগোল?’ অস্বর সেন উধাও শুনে ভদ্রলোকের চোখ কপালে উঠে গেল। বললেন, ‘আপনার একটি কেসও গেঁজে যেতে দেখলুম না। ধন্যি আপনার লাক।’

‘আপনার গ্রেট স্কুলার প্রতিবেশী মৃত্যুজ্ঞয় সোমের কী খবর?’

‘দূর দূর! স্কুলার না মুগু!’

‘সে কী মশাই, এর মধ্যে আবার কী হল? সেদিন তো সুপারলেটিভ ছাড়া কথাই বলছিলেন না।’

‘আর বলবেন না মশাই।’

‘কেন, কী হল?’

‘বলতেও লজ্জা করে।’

‘আমার কাছে আবার লজ্জা কী? বলে ফেলুন।’

ব্যাপারটা কী জানি না, কিন্তু সেটা যে লালমোহনবাবু চেপে যেতে চাইছেন সেটা বুঝতেই পারছি। এদিকে ফেলুদা ও ছাড়বার পাত্র নয়। শেষটায় পীড়াপীড়িতে ভদ্রলোক বলেই ফেললেন।

‘আরে মশাই, ভাবতে পারেন, ভদ্রলোক প্রদোষ মিত্রিরের নাম শোনেননি! আপনার বস্তু বলে পরিচয় দিতে গিয়ে একেবারে ভেড়া বনে গেলুম! বলে কিনা—হ ইজ প্রদোষ মিত্ৰ?’

‘তাতে আর কী হল, এত বড় স্কলার, হার্বার্টের ডবল এম এ, আমিও তো তাঁর নাম শুনিনি।’

কথাটা বোধহয় লালমোহনবাবুকে কিছুটা আশ্চর্ষ করল। বললেন, ‘তা যা বলেছেন। এত বড় দুনিয়ায় কটা মানুষকে আর কটা মানুষ চেনে! আর ভদ্রলোক বোধহয় বেশির ভাগ সময় বিদেশে কাটিয়েছেন। কাজেই এক্সকিউজ করে দেওয়া যায়—কী বলেন?’

আমাদের কথার মাঝখানেই পায় এভিনিউ থেকে ফোন এল। অস্বুজ সেন। একটা বেনামি চিঠি এসেছে ভদ্রলোকের নামে। টেলিফোনে সেটা পড়ে শোনালেন ভদ্রলোক।

আগামীকাল শুক্রবার সন্ধ্যা সাড়ে ছটায় ১০০ টাকার নোটে ২০০০০ টাকা ব্যাগে পুরে প্রিমসেপঘাটের দক্ষিণ-পূর্ব কোণের থামের ধারে রেখে যাবেন। অস্বর সেনকে অক্ষত অবস্থায় ফিরে পাবার এই একমাত্র উপায়। পুলিশ বা গোয়েন্দার সাহায্য নিলে ফল হবে মারাত্মক।’

ফেলুদা ফোনে বলল, ‘এখনই কোনও সিদ্ধান্ত নেবার দরকার নেই, মিঃ সেন। আরও চবিশ ঘণ্টা সময় আছে। এর মধ্যে আমার কয়েকটা কাজ আছে। আপনাদের দিক থেকে কী করণীয় সেটা আমি কাল দুপুর দুটোর মধ্যে আপনাদের বাড়ি গিয়ে বলে আসব। তবে হ্যাঁ, টাকার ব্যবস্থাটা করে রাখবেন। ওটা খুবই জরুরি।’

‘কিন্তু গোয়েন্দার ব্যাপারে শাসিয়ে রেখেছে যে মশাই’ ফেলুদা ফোন রাখার পর লালমোহনবাবু বললেন।

ফেলুদা উত্তরে শুধু বলল, ‘জানি।’

রকেটের বেগে ঘটনা এগিয়ে চলেছে। এই টাকাটা না দিয়ে উপায় কী আছে সেটা আমিও ভেবে পেলাম না।

‘লালমোহনবাবু, কাল আপনার গাড়িটা একটু পাওয়া যাবে কি?’ প্রায় পাঁচ মিনিট চুপ করে থেকে অবশেষে প্রশ্ন করল ফেলুদা।

‘এনি টাইম,’ বললেন জটায়ু। ‘কখন চাই বলুন।’

‘সকালে একবার বেরোব। সাড়ে নটা নাগাত পেলেই চলবে। ঘণ্টা দুয়েকের মধ্যে আমার কাজ হয়ে যাবে। তারপর বিকেল পাঁচটা নাগাত আপনি যদি গাড়িটা নিয়ে চলে আসেন তো খুব ভাল হয়।’

‘ভেরি গুড়।’

এরপর ফেলুদা আর কোনও কথাই বলল না।

পরদিন লালমোহনবাবুর গাড়িতে করে ফেলুদা বেরোল। একাই বেরোল, কাজেই কোথায় গেল কী করল জানার উপায় নেই। বারোটা নাগাত ফিরে আসার পর দেখলাম তার মুখের ভাব বদলে গেছে।

‘কী ঠিক করলে ফেলুদা।’ ভয়ে ভয়ে জিজ্ঞেস করলাম।

‘টাকাটা দিতেই হবে,’ বলল ফেলুদা। ‘তবে গোয়েন্দা সম্পর্কে হমকিটা মানা চলবে না।’

‘মানে? তুমি নিজেও থাকবে সেখানে?’



‘ফেলু মিত্রির আত সহজে ঘাবড়াবার লোক নয় রে তোপসে।’
 ‘আর আমরা? আমরা কোথায় থাকব?’
 ‘তোরাও থাকবি কাছাকাছির মধ্যে, কারণ হেলপ দরকার হতে পারে।’
 আমি তো শুনে থ।
 দুপুরে খেয়ে দেয়ে আমরা গেলাম পাম এভিনিউ।
 অস্বুজবাবু স্বত্ত্বাবতই বাড়িতে ছিলেন, ফেলুদাকে দেখেই ব্যস্ত হয়ে উঠলেন।
 ‘কাল রাত্তিরে চেখের পাতা এক করতে পারিনি মশাই। দেখতে দেখতে কী যে হয়ে গেল?’
 ফেলুদা গঙ্গীরভাবে বলল, টাকাটা আপনাদের খসবেই, মিঃ সেন। অস্বুজবাবুকে ফিরে
 পাবার আর কোনও রাস্তা নেই।’

‘তুমি ধরতে পারনি এখনও?’ রূপা হঠাতে ঘরের দরজা থেকে ঢেঁচিয়ে জিজ্ঞেস করে উঠল।

‘অনেকটা ধরে ফেলেছি, রূপা,’ বলল ফেলুদা। ‘খুব চেষ্টা করছি যাতে বাকিটা আজ বিকেলের মধ্যেই ধরতে পারি।’

‘ব্যাস, ঠিক আছে।’

রূপাকে ভৌষণ নিশ্চিন্ত বলে মনে হল। ফেলুদা ব্যর্থ হবে এটা যেন তার কাছে ডয়ানক একটা দুঃখের ব্যাপার।

‘তা হলে কী করা উচিত বলে মনে হয়?’ জিজ্ঞেস করলেন অশ্বজবাবু।

‘টাকার ব্যবস্থা হয়েছে?’

‘সেটা করে ফেলেছি। বাড়িতে তো অত ক্যাশ থাকে না, তাই আজ সকালেই সমরেশকে দিয়ে ব্যাঙ্ক থেকে আনিয়ে নিয়েছি।’

‘সেই টাকা, এবং যে ব্যাগে করে সেটা দেওয়া হবে—এই দুটো জিনিস আমি একবার দেখতে চাই।’

টাকা এবং ব্যাগ এসে গেল। এত টাকা এর আগে একসঙ্গে দেখেছি কি? মনে তো পড়ে না।

ফেলুদার সামনেই কুড়িটা করে একশো টাকার নেট রাবার ব্যাণ্ড দিয়ে গোছ করে দশ ভাগে ব্যাগের মধ্যে পুরে দেওয়া হল। তার ফলে ব্যাগের চেহারা হয়ে গেল কচ্ছপের পিঠের মতো।

‘ভেরি গুড়,’ বলল ফেলুদা। ‘তা হলে আমরা বেরিয়ে পড়ছি পৌনে ছটা নাগাত।’

অশ্বজবাবু চমকে উঠলেন।

‘সে কী, আপনি যাবেন?’

‘অপরাধীকে ধরার চেষ্টা আমাকে করতেই হবে, মিঃ সেন। আপনি টাকা রেখে আসবেন, আর সে লোক দিয়ি এসে সেটা তুলে নিয়ে চলে যাবে, এ তো হতে দেওয়া যায় না! অশ্বজবাবুকে ফেরত পাওয়াটাই বড় কথা সেটা জানি, কিন্তু সেই সঙ্গে এই গুণাদেরও সাজা হওয়া উচিত নয় কি? না হলে তো তারা এই ধরনের কুকুরি করেই চলবে। তবে আপনি চিন্তা করবেন না। সাবধানতা অবলম্বন না করে আমি কখনও কিছু করি না।’

‘তা হলে—’

‘আমি বলছি, আপনি মন দিয়ে শুনুন। আপনি আপনার গাড়িতে করে যাবেন টাকা নিয়ে। নিউ হাওড়া বিজের দিকটা দিয়ে আসবেন। ওদিকটা মোটামুটি নিরিবিলি। গাড়ি প্রিনসেপঘাট থেকে অস্তত দুশো গজ আগে দাঁড় করিয়ে আপনার ড্রাইভারকে বলবেন টাকাটা যথাস্থানে রেখে আসতে। আমি কাছাকাছির মধ্যেই থাকব। কাজটা ঠিকমতো হচ্ছে কিনা সেটা আমি দেখতে পাব। আমরা মিট করব ঘটনার পর। গে রেস্টোরান্টের সামনে। আপনি টাকা রেখে সোজা ওখানে চলে আসবেন। আমিও তাই করব। অপরাধীকে যদি ধরতে পারি তা হলে তিনিও আমার সঙ্গেই থাকবেন, বলাই বাহ্য্য।’

অশ্বজবাবুকে মনে হল যিনি তিনি বেশ নার্ভাস বোধ করছেন। সেটা অস্বাভাবিক নয়। টাকার অক্টা তো কম নয়। আর গুণারা কী করবে না-করবে কে জানে?

বিকেলে সাড়ে চারটুকু সময় লালমোহনবাবু এলে পর ফেলুদার প্রথম কথা হল, ‘মশাই, এমন অভিনব কেস আর আমি কোনওদিন পাইনি।’

অবিশ্য আমাকে জিজ্ঞেস করলে পরে আমি এখনও বলতে পারব না এর বিশেষস্তুট কোথায়।

‘তা হলে আমরা কী করছি?’ জিজ্ঞেস করলেন লালমোহনবাবু।

‘শুনে নিন মন দিয়ে,’ বলল ফেলুদা। ‘তুইও শোন, তোপ্সে। সাড়ে পাঁচটার সময় আপনার

গাড়ি নিয়ে আপনি আর তোপসে চলে যাচ্ছেন গে রেস্টোরান্টে। সেখানে আপনাদের অভিজ্ঞতা অনুযায়ী পানাহার সেরে ঠিক সোয়া ছটায় রেস্টোরান্ট থেকে বেরিয়ে স্টান চলে যাবেন দক্ষিণে প্রিনসেপ্সাট লক্ষ্য করে। গাড়ি রেখে যাবেন রেস্টোরান্টের সামনে। থামওয়ালা ঘাটটার কাছে পৌছনোর কিছু আগেই দেখবেন ডানদিকে একটা গম্বুজওয়ালা বসার ঘর রয়েছে। দুজনে সেখানে চুকে বেঞ্চিতে বসে পড়বেন। ভাবটা এমন হওয়া চাই যেন সান্ধ্যব্রহ্মণ আর বায়ুসেবন ছাড়া আপনাদের আর কোনও উদ্দেশ্য নেই। ঘাটের দিকে আড়দৃষ্টি রাখবেন, তবে যেন মনে না হয় যে, ওটাই আপনাদের লক্ষ্য। তারপর সাড়ে ছটার দশ মিনিট পর ওখান থেকে উঠে পড়ে নিজের গাড়িতে ফিরে আসবেন। আমিও সেখানেই আপনাদের মিট করব।’

৫

ফেব্রুয়ারি মাস শেষ হতে চলল, কিন্তু এখনও দিব্য ঠাণ্ডা। তবে শীতকালের মতো দিন আর অত ছেট নেই, ছটা পর্যন্ত বেশ আলো থাকে। আমি আর লালমোহনবাবু কফি আর মুরগির কাটলেট খেয়ে ঠিক সোয়া ছটায় রেস্টোরান্ট থেকে বেরিয়ে রওনা দিলাম প্রিনসেপ্সাটের দিকে।

পথে লালমোহনবাবু মাঝে-মাঝে বুক ভরে নিখাস নিয়ে আঃ উঃ শব্দ করে সান্ধ্যব্রহ্মণের অভিনয় করছেন, সেটা যে খুব কনভিনিসিং হচ্ছে তা নয়। কিন্তু ক্রমেই আশপাশের লোকজন এত কমে আসছে, ফুককাওয়ালা আর ডেলপুরিওয়ালার দল এত পিছিয়ে পড়ছে যে, এখন উনি যা খুশি করলেও আপত্তির কিছু নেই।

দশ মিনিট লাগল আমাদের গম্বুজওয়ালা বসার জায়গাটায় পৌছতে। বেঞ্চ দখল করার পর এদিক ওদিক চেয়ে লালমোহনবাবু চাপা গলায় প্রশ্ন করলেন, ‘তোমার দাদাকে দেখতে পাচ্ছি, তপ্পেশ?’

দাদা কেন, কোনও মানুষকেই দেখতে পাচ্ছি না ঘাটের নৌকোর মাঝিদের ছাড়া। কোনখানে লুকিয়ে রয়েছে ফেলুদা কে জানে। ঘাটের দেড়শো বছরের পুরনো থামগুলো মাথা উঁচিয়ে দাঁড়িয়ে আছে, তাদের মধ্যে ফাঁকগুলো ক্রমেই অঙ্ককারে হয়ে আসছে। ওখানে গিয়ে কেউ টাকার ব্যাগ রাখলে, বা সে ব্যাগ নিতে এলে, কেউ দেখতেও পাবে না।

‘ওই যে!’ লালমোহনবাবু আমার হাত থামচে ধরেছেন।

হ্যাঁ—ঠিকই দেখেছেন ভদ্রলোক।

একজন সাদা প্যান্ট আর কালো কোট পরা লোক হাতে একটা ব্যাগ নিয়ে এগিয়ে যাচ্ছে প্রিনসেপ্সাটের দিকে। অস্বরবাবুদের ড্রাইভার। বিলাসবাবু।

বিলাসবাবু এবার থামগুলোর ফাঁক দিয়ে ভিতরে চুকে অঙ্ককারে মিলিয়ে গেলেন।

মিনিটখানেক পরেই তাঁকে আবার দেখা গেল। এবার হাত থালি। বড়রাস্তায় পড়ে ডাইনে মোড় ঘুরে গাছের আড়াল হয়ে গেলেন ভদ্রলোক।

সাড়ে ছটা বেজে গেছে। আলো আরও পড়ে এসেছে। এখন সামনের সারির থামগুলো ছাড়া আর কোনওটাই দেখা যাচ্ছে না। একবার মনে হল অঙ্ককারের মধ্যে কে যেন নড়ল; কিন্তু সেটা চোখের ভুল হতে পারে।

এবার দেখলাম সেনদের গাড়ি আমাদের সামনে দিয়ে রেস্টোরান্টের দিকে চলে গেল। তারপর তিনজন জিনস-পরা ছেলে, আর তাদের পিছনে ঢোলা প্যান্টপরা হাতে লাঠিওয়ালা এক বৃন্দ ফিরিঙ্গিও সেই দিকেই চলে গেল।

আমরাও উঠে পড়লাম।

আবার ঠিক দশ মিনিটই লাগল আমাদের গাড়িতে পৌছাতে।

কিন্তু ফেলুদা কই?

এবার গাড়ির ভিতরে চোখ গেল।

নস্যিরঙের আলোয়ান জড়ানো এবং লুঙ্গি পরা এক বুড়ো বসে আছে ড্রাইভার হরিপদবাবুর পাশে। থুতিনিতে খোঁচা-খোঁচা দাঢ়ি, কিন্তু গোঁফ নেই।

‘স্যালাম কর্তা!’ লালমোহনবাবুর দিকে চেয়ে বলল লোকটা।

এ আর বলতে হবে না। ওই মুসলমান মাঝি ফেলুদা ছাড়া আর কেউ না। এদিকে অস্বৃজ্বাবুও এসে পড়েছেন রাস্তার ওদিক থেকে। তাঁর কাছে ফেলুদার নিজের পরিচয় দিতেই হল। ‘নোকো থেকে ঘাটটা সবচেয়ে ভাল দেখা যায়, তাই ওখানেই ওত পাতার সিদ্ধান্ত নিয়েছিলাম।’

‘কিন্তু কী হল সেইটে বলুন, মিঃ মিত্রি।’

ফেলুদা গভীর।

‘ভেরি সরি, মিঃ সেন।’

‘মানে?’

‘আমি ঘাটে ওঠার আগেই সে লোক টাকা নিয়ে হাওয়া।’

‘বলেন কী! টাকা নেই? লোকটাকেও ধরা গেল না?’

‘বলছি তো—আমি অত্যন্ত দুঃখিত।’

অস্বৃজ্বাবু কিছুক্ষণ ফ্যালফ্যাল করে চেয়ে রইলেন ফেলুদার দিকে। কথাটা যেন ভদ্রলোকের বিশ্বাসই হচ্ছে না। সত্যি বলতে কী, আমারও কেমন যেন মাথা বিমর্শ করছিল। ফেলুদাকে এভাবে হার মানতে এর আগে দেখিনি কখনও।

‘আপনাদের পুলিশের সাহায্য নিতে হবে, মিঃ সেন,’ বলল ফেলুদা। ‘আপনি বাড়ি চলে যান। এবার তো অস্বৃবাবুর ফিরে আসা উচিত। আমরা একবার বাড়িতে টুঁ মেরে আপনার ওখানেই আসছি। এই বেশে তো আর পাম এভিনিউ-এর বৈঠকখানায় ঢোকা যাবে না।’

বাড়ি যাওয়ার একমাত্র কারণ ফেলুদার একটু ফিটফাট হয়ে নেওয়া। তা ছাড়া হাতেও রং লেগেছিল—জিঞ্জেস করতে বলল আলকাতরা—সেটাও ধূয়ে নেওয়া দরকার। আলকাতরাটাও মেক-আপের অংশ কিনা জিঞ্জেস করাতে কোনও উত্তর দিল না ফেলুদা।

আমরা যখন পাম এভিনিউ রওনা হলাম, তখন প্রায় সাড়ে সাতটা বাজে। পথে লালমোহনবাবু একবার বলেছিলেন, ‘আপনার অমন ব্রিলিয়েন্ট মেক-আপটা মাঠে মারা যাবে ভাবিনি মশাই—’ কিন্তু তাতে ফেলুদা কোনও মন্তব্য করেনি।

পাম এভিনিউ পৌঁছানোর সঙ্গে-সঙ্গেই রুনার গলায় উচ্ছ্বসিত চিৎকার শোনা গেল, ‘জেরু এসে গেছে!’

অস্বৃবাবু ফিরেছেন আমরা আসার মিনিট দশেক আগে। আমরা বৈঠকখানায় গিয়ে চুক্তেই ভদ্রলোক সোফা ছেড়ে উঠে হাত বাড়িয়ে ফেলুদার হাত দুটো ধরে বাঁকিয়ে দিলেন। ভাই ভাইয়ের বউ, ভাইঁ, সমরেশবাবু, বিলাসবাবু, সকলেই ঘরে রয়েছেন।

‘কোথায় আটক করে রেখেছিল আপনাকে?’ একগাল হেসে প্রশ্ন করলেন লালমোহনবাবু।

‘ওঁ—সে আর বলবেন না—’

ফেলুদা হাত তুলে বাধা দিল ভদ্রলোককে।

‘উনি তো বলবেনই না, আর আপনিও বলবেন না, মিঃ সেন। কারণ বললেই একরাশ কল্পনার আশ্রয় নিতে হবে। মিথ্যে শব্দটা ব্যবহার করলাম না, কারণ সেটা ভাল শোনায় না।’

‘হুররে হুররে হুররে!’ চেঁচিয়ে উঠল রুনা। ‘ফেলুদা ধরে ফেলেছে, ফেলুদা ধরে ফেলেছে।’

এবার ফেলুদা একটা চারমিনার ধরিয়ে নিয়ে বলল, ‘আপনারা যে একটা বিরাট ফন্দি এঁটেছিলেন সেটা ধরে ফেলেছি, কিন্তু সেটার কারণটা এখনও ঠিক ধরতে পারছি না।’

‘কারণ বলছি মিঃ মিস্টির,’ হেসে বললেন অস্বর সেন। ‘কারণ আমার ওই খুদে ভাইয়িটি। সে আপনাকে বলতে গেলে একরকম পুজোই করে। তার ধারণা আপনি ভুলভাস্তির উর্ধ্বে। তাই একে আমি সেদিন বললাম যে, তোর ফেলুদাকে আমি জন্ম করতে পারি। ব্যস—ওই একটি উক্তি থেকেই সমস্ত ফন্দিটির উৎপত্তি। এতে আমাদের সকলেরই ভূমিকা আছে।’

‘অর্থাৎ এও আপনাদের একটা ফ্যামিলি নাটক?’

‘ঠিক তাই। সবাইকে সব কিছু আমিহি শিখিয়ে পড়িয়ে দিয়েছিলাম। আপনি কী জিজ্ঞেস করলে কী উত্তর দেবে, সব লিখে মুখস্থ করিয়ে দিয়েছিলাম—এমনকী ড্রাইভার ও চাকরকে পর্যন্ত। প্রধান নারীচরিত্র অবশ্য বউমা, যাঁকে দিয়ে মনগড়া অ্যাকসিডেন্টের কথাটা বলানো হয়েছিল। আমি নিজে ভাবিন যে, আপনি ব্যাপারটা ধরে ফেলবেন—ইন ফ্যাষ্ট, এই নিয়ে আমার ভাইয়ের সঙ্গে একশো টাকা বাজিও ধরেছিলাম। এ ব্যাপারে রুলার উৎকর্ষাই ছিল সবচেয়ে বেশি। কারণ তার হিরো যদি ফেল করত, তা হলে তার দুঃখের সীমা থাকত না। এই ঝুঁকিটা অবশ্য আমাকে নিতেই হয়েছিল, কিন্তু এখন সে নিশ্চিন্ত। এবার বলুন তো আপনার সিসটেমটা কী। কীসে আপনার প্রথম সন্দেহ হল মিঃ মিস্টির?’

ফেলুদা বলল, ‘প্রথমত এবং প্রধানত, দুটো ঝু, দুটোই আপনার কাজের ঘরে পাওয়া। এক হল হিমালয়ান অপটিক্যালসের ক্যাশ মেমো। আমি সেখানে খোঁজ নিয়ে জেনেছি যে, আপনি দিন সাতকে আগে একটি সোনালি ফ্রেমের নতুন চশমা করিয়েছেন। অর্থাৎ আপনার বাড়িতে সেটা সমষ্কে কেউ জানে না, বা কেউ সেটা আপনাকে পরতে দেখেনি। প্রশ্ন হল, এই চশমার দরকার পড়ছে কেন। এবং ঠিক এই সময় দরকার কেন।

‘দুই হল—আপনার ডেট ক্যালেন্ডারে তিন দিনের পুরনো তারিখ। আপনার চাকর যখন তারিখ বদল করে না, তখন সেটা নিশ্চয় আপনিই করেন। তা হলে বদল হয়নি কেন?’

‘তখনই মনে হল যে, আপনাকে যদি কিন্ডন্যাপড হবার ভান করে গা ঢাকা দিতে হয়, তা হলে হয়তো একটা ডেরা স্থির করে দু'দিন আগে গিয়েই সেখানে থাকা অভ্যাস করতে হবে। নতুন জায়গা ধাতস্থ হতে সময় লাগে বইকী! আর তাই যদি হয়, তা হলে সাবধানতা অবলম্বন করার জন্য আপনাকে হয়তো একটি ছায়াবেশ ও একটি নতুন নাম নিতে হবে। সেই ক্ষেত্রে একটি নতুন চশমা নেওয়াও মোটেই অস্বাভাবিক নয়।’

‘ধরে ফেলেছে, ফেলুদা সব ধরে ফেলেছে!’ আবার চেঁচিয়ে উঠল রুলা।

এর মধ্যে লালমোহনবাবু যে হঠাতে কেন খাঁচায়-বন্ধ সিংহের মতো পায়চারি করতে আরম্ভ করেছেন তা বুঝাতে পারলাম না। ভদ্রলোক যাতে কোনও বাড়াবাড়ি না করে ফেলেন তাই ওঁকে সামলাতে যাব, এমন সময় উনি হঠাত দুহাত তুলে চেঁচিয়ে উঠলেন—

‘ইউরোকা!’

‘চিনেছেন ভদ্রলোককে?’ ফেলুদা প্রশ্ন করল।

‘চিনব না? মৃত্যুঞ্জয় সোম!’

অস্বরবাবু হো হো করে হেসে উঠলেন।

‘আপনার সঙ্গে সেদিন পার্কে দেখা হওয়াটা সম্পূর্ণ অ্যাকসিডেন্ট, মশাই। আসলে গড়পারেই আমার এক বন্ধুর বাড়িতে গিয়ে ছিলাম সাতদিন। আপনি যখন এগিয়ে এসে জাটায়-টায় বলে নিজের পরিচয় দিলেন, তখন ভাবলাম— বা রে, এ তো বেশ মজা! যাকে জন্ম করতে যাচ্ছি তারই সাকরেদের সঙ্গে দেখা হয়ে গেল! তা হলে এঁকে নিয়ে একটু রগড় করতে পারলে কেমন হয়? তারপর অবিশ্য মিস্টির মশাইয়ের বাড়িতেও আপনার সঙ্গে দেখা

হয়েছিল আমার আসল চেহারায়, কিন্তু আপনি চিনতে পারেননি।’

‘কিন্তু তা হলে ব্যাপারটা কী দাঁড়াচ্ছে?’ বলল ফেলুদা, ‘নাটকের তো এখানেই শেষ নয়, অস্বরবাবু। এখনও তো ড্রপসিন ফেল চলবে না।’

ঘরের আবহাওয়া মহুর্তে বদলে গেল, কারণ ফেলুদা কথাটা বলেছে গভীর থমথমে ভাবে।

‘হোয়ার ইজ দ্য মানি?’ প্রশ্ন করল ফেলুদা।

অস্বর সেন ফেলুদার দিকে তীক্ষ্ণদৃষ্টিতে চেয়ে বললেন, ‘মিঃ মিত্র, আপনি আমাকেও কিন্তু একজন শখের গোয়েন্দা বলতে পারেন। আমি যদি বলি যে, টাকাটা আপনিই নিয়ে আমাদের সঙ্গে একটু রংগড় করছেন, তা হলে কি খুব ভুল বলা হবে? অপরাধী যখন নেই, কিন্তু পার নেই, তখন টাকাটা সরে কোথায় যাবে মিঃ মিত্র?’

ফেলুদা মাথা নেড়ে বলল, ‘মিঃ সেন অত্যন্ত দুঃখের সঙ্গে জানাচ্ছি যে, আপনার শখের গোয়েন্দাগিরি এক্ষেত্রে খাটল না। প্রিনসেপঘাটের কাছে আজ সন্ধ্যায় আমি ছাড়াও আরেকজন ছদ্মবেশী ছিলেন।’

‘বলেন কী!’ বললেন অস্বর সেন, ‘আপনি তাকে দেখেছেন?’

‘দেখেছি, কিন্তু চিনিনি।’

‘কিন্তু আপনি তখনই তাকে ধরলেন না কেন?’

‘তখন ধরাটা আপনাদের পক্ষে যথেষ্ট নাটকীয় হত না। আপনারা নাটক পছন্দ করেন তো? আমার মনে হয় আপনাদের সামনে ধরাটা আরও নাটকীয় হবে। আমার সন্দেহ তিনি এখানেই আছেন। এ সন্দেহ ঠিক কি না সেটা আমি একবার পরবর্তী করে দেখতে চাই।’

ঘরে যাকে বলে পিন-পড়া নিষ্ঠুরতা। রুমার দিকে আড়চোখে চেয়ে দেখলাম সেও ফ্যাকাসে মেরে গেছে।

‘বিলাসবাবু, আপনার জুতোর তলাটা একবার দেখুন তো,’ বলে উঠল ফেলুদা।

বিলাসবাবু ঘরের দরজার মুখে দাঁড়িয়ে ছিলেন, বললেন, ‘দেখব আর কী স্যার, জুতোর তলায় তো আলকাতরা লেগে রয়েছে। ব্যাগ রেখে ফেরবার সময় তো রাস্তায় পাঁ আটকে যাচ্ছিল।’

‘ওই আলকাতরা আমিই ছাড়িয়ে রেখেছিলাম থামটার চারপাশে,’ বলল ফেলুদা, ‘কারণ একজনের সমন্বে আমার মনে একটা সন্দেহের কারণ ঘটেছিল। আপনারা সকলেই বানিয়ে বানিয়ে কথা বলেছিলেন। কিন্তু ইনি যে মিথ্যেটা বলেছিলেন সেটা একটু অন্যরকম। ইনি বলেছিলেন...ও কী, আপনি যাচ্ছেন কোথায়?’

কিন্তু পালাবার পথ নেই। দরজা আগলে দাঁড়িয়ে আছেন বিলাসবাবু। এক ঝটকায় যাকে বগলদাবা করে ফেলেছেন ভদ্রলোক, তিনি হচ্ছেন সমরেশ মলিক।

‘এবার আপনার স্যান্ডেলের তলাটা এঁদের দেখিয়ে দিন তো,’ বলল ফেলুদা। ‘বিলাসবাবু একটু হেল্প করলে ব্যাপারটা সহজে হয়ে যাব।’

বিলাসবাবু নিচু হয়ে সমরেশবাবুর পা থেকে স্যান্ডেলটা একটানে খুলে নিয়ে তার তলাটা সকলকে দেখিয়ে দিলেন। উনিই যে গিয়েছিলেন প্রিনসেপঘাটের থামের পাশে, তাতে আর কোনও সন্দেহ রইল না।

‘আপনার কোহিনুর কোম্পানি তো দুবছর হল লাটে উঠেছে সমরেশবাবু,’ বলল ফেলুদা, ‘তা সত্ত্বেও আপনি সেখানে চাকরি করছিলেন কী করে সেটা এঁদের একটু বুঝিয়ে বলবেন? আর যদি চাকরি না-ই করে থাকেন, তবে এই দুবছর কীভাবে রোজগার করেছেন সেটা বলবেন?’

সমরেশবাবু নিরুত্তর। বিলাসবাবু এখনও তাঁকে জাপটে ধরে আছেন; মনে হয় পুলিশ

আসার আগে পর্যন্ত সেইভাবেই ধরে থাকবেন।

‘অবিশ্য এই ব্যক্তির খোলস খুলে ফেলার জন্য আপনাদের আমাকেই ধন্যবাদ দিতে হবে,’
বলল ফেলুদা। ‘আপনারা তো আর বিশ হাজার টাকা রাখতেন না থামের পাশে! নেহাত আমি
যখন বললাম শাসানি কেয়ার করি না, আমি নিজে থাকব সেখানে, তখন আপনাদের বাধ্য হয়েই
রাখতে হল, আর সেই টাকা হাত করার সুযোগ নিলেন সমরেশবাবু। যাকগে, এখন তো
জানলেন টাকা কোথায় আছে। এবার সেটা আদায় করার রাস্তা আপনারা দেখুন। উনি যদি
সে-টাকা অন্যত্র পাচার করে থাকেন, তা হলে পুলিশ তো আছেই, তারা এসব আদায়ের অনেক
রাস্তা জানে। আমার কাজ এখানেই শেষ।’

ফেলুদার সঙ্গে সঙ্গে আমরা দুজনও উঠে পড়েছিলাম, কিন্তু ওঠা আর হল না। মিসেস সেন
বাধা দিলেন।

‘শেষ বলছেন কী? এত সহজে শেষ হবে কী করে? আপনাকে ঝুড়ি ঝুড়ি মিথ্যে কথাগুলো
বললাম, তার বুঝি প্রায়শিষ্ট করতে হবে না? আজ রাত্তিরে আপনাদের খেতে হবে আমাদের
বাড়িতে।’

‘আর ওই বিশ হাজারের অন্তত খানিকটা তো আপনার প্রাপ্য,’ বললেন অস্থর সেন, ‘সেটা
না নিয়ে যাবেন কী করে?’

‘আর তোমরা তিনজনে একসঙ্গে এসেছ, বললেন শ্রীমতী রঞ্জনা, ‘আমার অটোগ্রাফে সই
দেবে না বুঝি?’

‘এন্টস ওয়েল দ্যাট অলস্ ওয়েল,’ বললেন লালমোহনবাবু।



জাহাঙ্গীরের স্বর্ণমুদ্রা

১

‘হ্যালো—প্রদোষ মিত্র আছেন?’

‘কথা বলছি।’

‘ধৰন—পানিহাটি থেকে কল আছে আপনার.....হ্যাঁ, কথা বলুন।’

‘হ্যালো—’

‘কে, মিঃ প্রদোষ মিত্র?’

‘বলছি—’

‘আমার নাম শক্রপৎসাদ চৌধুরী। আমি পানিহাটি থেকে বলছি। আমি অবিশ্য^১
আপনার অপরিচিত, কিন্তু একটা বিশেষ অনুরোধ জানাতে আপনাকে টেলিফেন করছি।’

‘বলুন।’

‘আমার ইচ্ছা আপনি একবার এখানে আসেন।’

‘পানিহাটি?’

‘আজ্জে হ্যাঁ। আমি এখানেই থাকি। গঙ্গার উপরে আমাদের একটা একশো বছরের
পুরনো বাড়ি আছে। নাম অমরাবতী। এখানে সকলেই জানে। আপনার কাজের সঙ্গে
আমার যথেষ্ট পরিচয় আছে, এবং আপনারা যে তিনজন একসঙ্গে ঘোরাফেরা করেন তাও
আমি জানি। আমি আপনাদের তিনজনকেই আমন্ত্রণ জানাচ্ছি। এই শনিবার সকালে

এসে—এই ধরন দশটা নাগাদ—রাস্তিরটা থেকে আবার রবিবার ফিরে যাবেন।’

‘কোনও অসুবিধায় পড়েছেন কি? মানে আমার পেশাটা তো জানেন; কোনও রহস্য—?’

‘তা না হলে আপনাকে ডাকব কেন বলুন? তবে সে বিষয়ে আমি ফোনে বলব না, আপনি এলে বলব। আমার বাড়িটা আপনাদের ভালই লাগবে, ভাল ইলিশ মাছ খাওয়াব, যদি ভিডিও ক্যামেটে ছবি দেখতে চান তাও দেখাব, আর তার উপরে আপনার মস্তিষ্ক খাটানোর খোরাকও জুটবে বলে মনে হয়।’

‘আমার অবিশ্যি এখন এমনিতে কোনও এন্গেজমেন্ট নেই—’

‘তা হলে চলে আসুন—দ্বিধা করবেন না। তবে একটা কথা।’

‘কী?’

‘এখানে আমি ছাড়াও কয়েকজন থাকবেন। গোড়ায় আমি কাউকে আপনার আসল পরিচয়টা দিতে চাই না—একটা বিশেষ কারণে।’

‘ছদ্মবেশ নিয়ে আসতে বলছেন?’

‘সেটার হয়তো প্রয়োজন নেই। আপনি তো ফিল্মস্টার নন। যাঁরা এখানে থাকবেন, আমার বিশ্বাস তাঁরা আপনার চেহারার সঙ্গে পরিচিত নন। আপনি শুধু আপনাদের তিনজনের জন্য ভূমিকা বেছে নেবেন। কী ভূমিকা সেটাও আমি সার্জেন্ট করতে পারি।’

‘কীরকম?’

‘আমার প্রপিতামহ বনোয়ারিলাল চৌধুরী ছিলেন এক বিচিত্র চরিত্র। তাঁর কথা পরে জানবেন, কিন্তু আমি এইটুকু বলতে পারি যে তাঁর একটা জীবনী লেখা এমনিতেও বিশেষ দরকার। আপনি যদি ধরন তাঁর সম্বন্ধে তথ্য সংগ্রহ করতে আসেন।’

‘ভেরি গুড। আর আমার বন্ধু—মিঃ গঙ্গুলী।’

‘আপনার বাইনোকুলার আছে?’

‘তা আছে।’

‘তা হলে ওঁকে পক্ষিবিদ করে দিন না। আমার বাগানে অনেক পাখি আসে; ওঁর একটা অকুপেশন হয়ে যাবে।’

‘বেশ। আমার খুড়তুতো ভাইটি হবেন পক্ষিবিদের ভাইপো।’

‘ব্যাস, তা হলে তো হয়েই গেল।’

‘তা হলে পরশু শনিবার সকাল দশটা?’

‘দশটা।’

‘আমরাবতী?’

‘আমরাবতী। আর আমার নাম শক্রপ্রসাদ চৌধুরী।’

ফেলুদাকে অবিশ্যি টেলিফোনের পুরো ব্যাপারটা আমার জন্য রিপিট করতে হল। বলল, ‘কিছু লোক আছে যাদের কষ্টস্বরে এমন একটা ভরসা-জাগানো হৃদ্যতাপূর্ণ ভাব থাকে যে তাদের অনুরোধ এড়ানো খুব মুশকিল হয়।’

আমি বললাম, ‘এড়াবে কেন? এঁকে তো একরকম মক্কেল বলেই মনে হচ্ছে। তোমার রোজগারের কথাটাও ভাবতে হবে তো।’

আসলে ফেলুদার একটা ব্যাপার আছে। পর পর গোটা দু-তিন কেসে ভাল রোজগার হলে কিছুদিনের জন্য গোমেন্দাগিরিতে ইন্সফা দিয়ে অন্য জিনিস নিয়ে পড়ে। সে জিনিসে অবিশ্যি রোজগার নেই, শুধু শখের ব্যাপার। এখন ওর সেই অবস্থা চলেছে। এখনকার নেশা হল আদিম মানুষ। সম্প্রতি পূর্ব আফ্রিকার জীবতত্ত্ববিদ্ রিচার্ড লীকির একটা

সাক্ষাৎকার পড়ে ও জেনেছে যে লীকির কিছু আবিষ্কারের ফলে আদিম মানুষের উত্তরে সময়টা এক ধার্কায় লাখ লাখ বছর পিছিয়ে গেছে। ফেলুদা এখন আদিম মানুষ ও তার বানর পূর্ববঙ্গের ভাবনায় মশগুল। পাঁচবার গেছে মিউজিয়ামে, তিনবার ন্যাশনাল লাইব্রেরি আর একবার চিড়িয়াখানা। একদিন বলল, ‘একটা থিওরিতে কী বলে জানিস?’ বলে মানুষ এসেছে আফ্রিকার এক বিশেষ ধরনের খুনে বানর থেকে, যাকে বলে “কিলার এপ”। আর সেই কারণেই নাকি মানুষের মজায় একটা হিংস্র প্রবৃত্তি রয়ে গেছে—যেটা প্রকাশ পায় যুদ্ধে, দাঙ্গায় আর খুন-খারাপিতে।’

পানিহাটিতে মানুষের এই হিংস্র প্রবৃত্তির কোনও নমুনা ও আশা করছে কি না জানি না, তবে এটা জানি যে মাঝে মাঝে ওর কলকাতা ছেড়ে অস্তত কিছুক্ষণের জন্য বাইরে ঘুরে আসতে ভালই লাগে। এইতো সেদিন আমরা লালমোহনবাবুর গাড়িতে গিয়ে বর্ধমানের রাস্তায় পাঞ্চায়ার বিখ্যাত ঐতিহাসিক গম্বুজ আর হিন্দু মন্দিরের উপরে তৈরি ঘোড়শ শতাব্দীর মুসলমান মসজিদ দেখে এলাম।

লালমোহনবাবুর ড্রাইভার হরিপদবাবু দশ দিনের ছুটিতে দেশে গেছেন বলে ফেলুদাকেই তাঁর জায়গা নিতে হল। পথে যেতে যেতে লালমোহনবাবু বললেন, ‘দিলেন তো মশাই একটা দায়িত্ব আর একটা বাইনোকুলার আর দুখানা বই ঘাড়ে চাপিয়ে ; এদিকে গড়পারে তো কাক-চড়ই ছাড়া কোনও পাখি কোনওদিন দেখিচি বলে মনে পড়ে না।’

বই দুটো হল সেলিম আলির ইন্ডিয়ান বার্ডস আর অজয় হোমের বাংলার পাখি।

ফেলুদা বলল, ‘কুছ পরোয়া নেই। মনে রাখবেন, কাক হল করভাস স্প্লেন্ডেন্স, চড়ই হল পাসের ডোমেস্টিকাস। সব সময় ল্যাটিন নাম বলতে গেলে জিভ জড়িয়ে যাবে, তাই ইংরিজি নামও ব্যবহার করতে পারেন—যেমন ফিঙ্গেকে ড্রঙ্গে, টুন্টুনিকে টেলর বার্ড, ছাতারেকে জাঙ্গল ব্যাবলার। আর পাখি না দেখলেও, মাঝে মাঝে বাইনোকুলার চোখে লাগালেই অনেকটা কাজ দেবে।’

‘আমার নামও তো একটা চাই বললেন লালমোহনবাবু।

‘আপনি হলেন ভবতোষ সিংহ, আপনার ভাইপো প্রবীর আর আমি সোমেশ্বর রায়।’

পৌনে নটায় রওনা হয়ে আমরা দশটা বেজে পাঁচে পানিহাটিতে শক্রপথসাদ চৌধুরীর বাড়ি অমরাবতীতে পৌঁছে গেলাম। আমাদের গাড়ি দেখেই বন্দুকধারী গুর্খা দারোয়ান এসে বিকট ক্যাঁ-চ শব্দে লোহার গেট খুলে দিল।

ফেলুদা বলে, ‘গল্লের শুরুতেই একগাদা বর্ণনা হড় হড় করে ঢেলে দিলে পাঠক হাবড়বু খায় ; ওটা দিবি গল্লের ফাঁকে ফাঁকে।’ তাই শুধু বলছি—বিশাল জমির ওপর লাল বাড়িটা পেল্লায়, থমথমে আর অনেকটা বিলিতি কাস্লের ধাঁচে তৈরি। বাড়ির দক্ষিণে ফুলবাগান, তার পরে গাছপালা রাখার কাচের ঘর, আর তারও পরে ফলবাগান। নুড়ি বিছানো প্যাঁচালো পথ দিয়ে আমরা সদর দরজায় পৌঁছলাম।

বাড়ির মালিক গাড়ির শব্দ পেয়ে বাইরে এসে দাঁড়িয়েছিলেন, আমরা নামলে হেসে বললেন, ‘ওয়েলকাম্ টু অমরাবতী।’ এঁর বর্ণনা হল—মাঝারি হাইট, ফরসা রং, বয়স পঞ্চাশ-টোকাশ। পরনে পায়জামা আর আদির পাঞ্জাবি, পায়ে শুঁড় তোলা লাল চঢ়ি, ডান হাতে চুক্টি।

‘আমার খুড়তুতো ভাই জয়স্তও কাল এসেছে, তাকেও দলে টেনে নিয়েছি। অর্থাৎ সে আপনার আসল পরিচয় জানলেও অন্যদের সামনে প্রকাশ করবে না।’

‘অন্যরা কি এসে গেছেন?’ ফেলুদা জিজ্ঞেস করল।

‘না। তাঁরা আসবেন বিকেলে। চলুন, একটু বসে জিরোবেন। আর সেই সুযোগে কিছু

কথাও হবে।'

আমারা বাড়ির পশ্চিমদিকের বিরাট চওড়া বারান্দায় গিয়ে বসলাম। সামনে দিয়ে গঙ্গা বয়ে চলেছে, দেখলেও চোখ জুড়িয়ে যায়। অমরাবতীর প্রাইভেট ঘাটও দেখতে পাচ্ছি সামনে ডান দিকে। একটা তোরণের নীচ দিয়ে সিঁড়ি নেমে গেছে জল অবধি।

'ওই ঘাট কি ব্যবহার হয়?' ফেলুদা জিজ্ঞেস করল।

'হয় বইকী,' বললেন শক্রবাবু। 'আমার খুড়িমা থাকেন তো এখানে। উনি রোজ সকালে গঙ্গামান করেন।'

'উনি একা থাকেন এ বাড়িতে?'

'একা কেন? আমিও তো দু বছর হল এখানেই থাকি। টিটাগড় আমার কাজের জায়গা। কলকাতায় আমহাস্ট স্ট্রিটের বাড়ির চেয়ে এ বাড়ি অনেক কাছে হয়।

'আপনার খুড়িমার বয়স কত?'

'সেভেনটি এইট। আমাদের পুরনো চাকর অনন্ত ওঁর দেখাশোনা করে। এমনিতে মোটামুটি শক্তি আছেন, তবে ছানি কাটাতে হয়েছে কিছুদিন হল, দাঁতও বেশি বাকি নেই, আর মাথায় সামান্য ছিট দেখা দিয়েছে। নাম ভুলে যান, খেতে ভুলে যান, মাঝেরাত্তিরে পান ছাঁতে বসেন—এই আর কী। ধূম তো এমনিতে খুবই কম—রাত্তিরে ঘণ্টা দুয়েকের বেশি নয়। আসলে চার বছর আগে কাকা মারা যাওয়ার পর উনি আর কলকাতায় থাকতে চাননি। এখানে থাকটা ওঁর কাছে একরকম কাশীবাসের মতো।'

বেয়ারা ট্রেতে করে চা আর মিষ্টি নিয়ে এল।

'দুপুরে খেতে খেতে সেই একটা-দেড়টা হবে,' বললেন শক্রবাবু, 'কাজেই আপনারা মিষ্টিতের সম্মতব্যাহার করুন। এ মিষ্টি কলকাতায় পাবেন না।'

চায়ের কাপ হাতে নিয়ে একটা চুমুক দিয়ে ফেলুদা বলল, 'আমাদের আসল আর নকল দুটো পরিচয়ই তো জানেন, এবার আপনাদের পরিচয়টা পেলে ভাল হত। আপনি কী করেন জিজ্ঞেস করাটা কি অভদ্রতা হবে?'

'মোটেই না,' বললেন শক্রবাবু। 'আপনাকে ডেকেছি তো সব কথা খুলে বলবার জন্যেই; না হলে আপনি কাজ করবেন কী করে?—সোজা কথায় আমি হলাম ব্যবসাদার। বুৰাতেই পারছেন, এত বড় বাড়ি যখন মেনটেন করছি তখন ব্যবসা আমার মোটামুটি ভালই চলে।'

'আপনার কি বৎসানুক্রমিক ব্যবসা?'

'না। এ বাড়ি তৈরি করেন আমার প্রপিতামহ—বনোয়ারিলাল চৌধুরী।'

'অর্থাৎ যাঁর জীবনী লিখতে যাচ্ছি আমি?'

'এগজ্যাস্টলি। তিনি ছিলেন রামপুরের ব্যারিস্টার। অগাধ পয়সা করে শেষ বয়সে কলকাতায় চলে আসেন; এসে এই বাড়িটা তৈরি করেন। উনি এখানেই থাকতেন, এখানেই মৃত্যু হয়। ঠাকুরদাদা ও ব্যারিস্টার ছিলেন, তবে তাঁর পসার আমার প্রপিতামহের মতো ছিল না। তার দুটা কারণ—জুয়া আর মদ। তার ফলে চৌধুরী পরিবারের অবস্থা কিছুটা পড়ে যায়। বাড়িতে বনোয়ারিলালের কিছু মূল্যবান সম্পত্তি ছিল—সেগুলোর কথায় পরে আসছি—তার কিছু আমার ঠাকুরদাদা বিক্রি করে দেন। ব্যবসা শুরু করেন আমার বাবা, আর তার ফলে বৎসের ভিত্তি খানিকটা মজবুত হয়। তারপর আমি।'

'আর আপনার খুড়তুতো ভাই?'

'জয়স্ত ব্যবসায় যায়নি। সে আছে এক এনজিনিয়ারিং ফার্মে। ভালই রোজগার করে, তবে ইদনীং শুনছি ক্লাবে গিয়ে পোকার খেলছে। ঠাকুরদাদার একটা গুণ পেয়েছে আর

কী ? জয়স্ত আমার চেয়ে পাঁচ বছরের ছোট ।’

এই ফাঁকে ফেলুন পকেট থেকে তার মাইক্রোক্যাসেট রেকর্ডারটা বার করে চালু করে দিয়েছে । এটা হংকং থেকে আনা । আজকাল মক্কেলের কথা খাতায় না লিখে রেকর্ডারে তুলে নেয়, তাতে অনেক বেশি সুবিধা হয় ।

শঙ্করবাবু বললেন, ‘আঞ্চলীয়ের কথা তো হল, এবার অনাঙ্চলীয়ের প্রসঙ্গে আসা যাক ।’

‘তার আগে একটা প্রশ্ন করে নিই’ বলল ফেলুন্দা । ‘যদিও প্রায় ঘষে উঠে গেছে, তবুও মনে হচ্ছে আপনার কপালে একটা চন্দনের ফোটা দেখতে পাওয়া । তার মানে—’

‘তার মানে আর কিছুই না, আজ হল আমার জন্মতিথি । ফোটাটা দিয়েছেন খুড়িমা ।’

‘জন্মতিথি বলেই কি আজ এখানে অতিথি সমাগম হবে ?’

‘অতিথি বলতে মাত্র তিনজন । গত বছর ছিল ফিফটিয়েখ বার্থডে, সেবারও ডেকেছিলাম এই তিনজনকেই । ভেবেছিলাম ওই একটি বারই তিথি পালন করব । কিন্তু একটা বিশেষ কারণে এবারও করছি । বুঝতেই পারছেন, এ বাড়িতে যাঁরা একবার এসেছেন, তাঁদের দ্বিতীয়বার আসতে কোনও আপত্তি হবে না ।’

‘এই দ্বিতীয়বারের কারণটা কী ?’

শঙ্করবাবু একটু ভেবে বললেন, ‘খুব ভাল হয় আপনারা যদি চা খেয়ে একবারটি দোতলায় আসেন আমার সঙ্গে—আমার খুড়িমার ঘরে । তা হলে বাকি ঘটনাটা বুঝতে সহজ হবে । আর আমিও ব্যাপারটা শুনিয়ে বলতে পারব ।’

আমরা মিনিটখানেকের মধ্যেই উঠে পড়লাম ।

সিঁড়িতে পৌঁছাতে হলে বৈঠকখানা দিয়ে যেতে হয় । এখানে বলে রাখি—বাহারের আসবাব, কাপেট; মখমলের পর্দা, ঝাড়লঠন, শ্বেতপাথরের মূর্তি ইত্যাদি মিলিয়ে এমন জমজমাট বৈঠকখানা আমি বেশি দেখিনি ।

সিঁড়ি উঠতে উঠতে ফেলুন বলল, ‘আপনার খুড়িমা ছাড়া দোতলায় আর কে থাকেন ?’

‘খুড়িমা থাকেন উন্নত প্রাপ্তে,’ বললেন শঙ্করবাবু, ‘আর দক্ষিণে থাকি আমি । জয়স্ত এলেও দক্ষিণেই একটা ঘরে থাকে ।’

দোতলার ল্যাঙ্কিং পেরিয়ে আমরা চুকলাম খুড়িমার ঘরে । বেশ বড় ঘর, কিন্তু এতে কোনও জাঁকজমক নেই । পশ্চিমে দরজার বাইরে আলো আর বাতাসের বহুর দেখে বোঝা যায় ওদিকেই গঙ্গা । দরজার পাশেই বুড়ি মাদুরে বসে মালা জপছেন । তাঁর পাশে একটা হামানদিস্তা, একটা পানের বাটা আর একটা মোটা বই । নির্ঘাতি রামায়ণ কি মহাভারত হবে । আসবাব বলতে একটা খাট আর একটা ছোট আলমারি ।

আমরা ঘরে চুক্তেই খুড়িমা মাথা তুলে পুরু চশমার ভিতর দিয়ে আমাদের দিকে চাইলেন ।

‘কজন অতিথি এসেছেন কলকাতা থেকে’, বললেন শঙ্করবাবু ।


‘তাই এই ঘাটের মড়াকে দেখাতে আনলি ?’

আমরা তিনজনে এগিয়ে গিয়ে প্রণাম করতে বৃক্ষা বললেন, ‘তা বাপু তোমাদের পরিচয় জেনে আর কী হবে, নাম তো মনে থাকবে না । নিজের নামটাই ভুলে যাই মাঝে মাঝে । এখন তো বসে বসে দিন গোনা ।’

‘আসুন—’

শঙ্করবাবুর ডাকে আমরা ঘুরলাম । বৃক্ষা আবার বিড়বিড় করে মালা জপতে শুরু করলেন ।

এবার দেখলাম ঘরের উলটোদিকে খাটের পাশে একটা প্রকাণ্ড সিন্দুক রয়েছে । শঙ্করবাবু



পকেট থেকে চাবি বার করে সিন্দুকটা খুলতে খুলতে বললেন, ‘এবারে আপনাদের যে জিনিস দেখাব সে হল আমার প্রগতিমন্ত্রের সম্পত্তি। রামপুরে থাকতে বহু নবাব-তালুকদার তাঁর মক্কেল ছিলেন। এগুলো তাঁদের উপটোকন। এরই বেশ কিছু আমার ঠাকুরদাদা বিপাকে পড়ে বেচে দিয়েছিলেন। তবে তার পরেও কিছু আছে। যেমন এই যে দেখুন—’

শক্রবাবু একটা থলি বার করে তার মুখটা ফাঁক করে হাতের তেলোয় উপড় করলেন। বানবান করে কিছু গোল চাকতি তেলোয় পড়ল।

‘জাহাঙ্গীরের আমলের স্বর্ণমুদ্রা’, বললেন শক্রবাবু। ‘দেখুন, প্রত্যেকটিতে একটি করে রাশির ছবি খোদাই করা। এই জিনিস একেবারেই দুষ্প্রাপ্য।’

‘রাশিচক্র হলে এগারোটা কেন?’ ফেলুদা জিজ্ঞেস করল। ‘বারোটা হওয়া উচিত নয় কি?’

‘একটি মিসিং।’

আমরা পরম্পরের দিকে চাইলাম।

‘আরও জিনিস আছে, বললেন শক্রবাবু,’ সেগুলো এই আইভরির বাক্সটার মধ্যে। সোনার উপর চুনি বসানো ইটালিয়ান নসির কৌটো, জেড পাথরে চুনি আর পান্না বসানো মোগল সুরাপাত্র, আংটি, লকেট...কিন্তু সে সব আপনারা দেখবেন আজ সন্ধ্যাবেলা, সর্বসমক্ষে। এখন নয়।’

‘এর চাবি তো আপনার কাছেই থাকে?’ ফেলুদা জিজ্ঞেস করল।

‘হ্যাঁ, আমার কাছেই। একটা ডুপলিকেট আছে, থাকে খুড়িমার আলমারিতে।’

‘কিন্তু সিন্দুক আপনার ঘরে নয় কেন?’

‘এ ঘরটা অতীতে ছিল আমার প্রপিতামহের ঘর। সিন্দুক তাঁরই আমলের। ওটা আর সরাইনি। আর কড়া পাহারা আছে গেটে, এ ঘরে খুড়িমা প্রায় সর্বক্ষণ থাকেন, তাই এক হিসেবে ওটা এখানে যথেষ্ট সেফ।’

আমরা আবার নীচের বারান্দায় ফিরে এলাম। চেয়ারে বসার পর ফেলুদা টেপেরেকডারি চালু করে দিয়ে বলল, ‘একটি মুদ্দা মিসিং হল কী করে?’

‘সে কথাই তো বলছি বললেন শঙ্করবাবু। তিনজনকে উইক এন্ডে নেমন্টন করেছিলাম গত জন্মতিথিতে। একজন হলেন আমার বিজনেস পার্টনার নরেশ কাঞ্জিলাল। আরেকজন এখানকারই ডাক্তার অর্ধেন্দু সরকার। আর তৃতীয় ব্যক্তি হলেন কালীনাথ রায়। ইনি ইঙ্গুলে আমার সহপাঠী ছিলেন; পঁয়াত্রিশ বছর পর আবার আমার সঙ্গে যোগাযোগ করেন। আমার প্রপিতামহের মহামূল্য সম্পত্তির কথা এঁরা সকলেই শুনেছিলেন, কিন্তু চোখে দেখেননি। আমার পরিকল্পনা অনুযায়ী রাস্তারে ডিনারের পর জয়ন্ত সিন্দুক থেকে স্বর্ণমুদ্রার থলিটা বার করে নীচে বৈঠকখানায় আনে। কয়েনগুলো টেবিলের উপর ছড়িয়ে রেখেছি, সকলে যিয়ে দেখছে, এমন সময় হল লোডশেডিং। ঘর অন্ধকার। এটা অবিশ্য অস্বাভাবিক ঘটনা নয়। চাকর দুমিনিটের মধ্যে মোমবাতি নিয়ে আসল, আমি কয়েনগুলো তুলে নিয়ে আবার সিন্দুকে রেখে এলাম। একটা যে কমে গেছে সেটা তখন খেয়াল করিনি। এমন যে হতে পারে কল্পনাও করিনি। পরদিন সকলে চলে যাবার পর মনে একটা খটকা লাগাতে সিন্দুক খুলে দেখি কক্ট রাশির মুদ্রাটি নেই।’

‘কয়েনগুলো আপনিই তুলে রেখেছিলেন?’

‘হ্যাঁ, আমি। ব্যাপারটা বুবুন মিঃ মিত্রি। তিনজন নিম্নিত্ব। একজনকে পঁচিশ বছর চিনি—আমার বিজনেস পার্টনার। অর্ধেন্দু সরকার হলেন ডাক্তার এবং ভালই ডাক্তার। খড়দা টিটাগড় থেকে কল আসে গুঁর। আর কালীনাথ আমার বাল্যবন্ধু।’

‘কিন্তু এঁদের সকলকেই কি অনেস্ট লোক বলে জানেন আপনি?’

‘সেখানেই অবিশ্য গওগোল। কাঞ্জিলালের কথা ধরুন। ব্যবসায় অনেকেই জেনেশনে অসৎ পদ্ধা নেয়, কিন্তু কাঞ্জিলালের মতো এমন অল্পান্বিত বদনে নিতে আমি আর কাউকে দেখিনি। আমাকে ঠাট্টা করে বলে—তুমি ধর্ম্যাজক হয়ে যাও, তোমার দ্বারা ব্যবসা হবে না।’

‘আর অন্য দুজন?’

‘ডাক্তারের কথা আমি জানি না। খুড়িমা মাঝে মাঝে বাতে ভোগেন, ডাক্তার তাঁকে এসে দেখে যান। এর বেশি জানি না। তবে কালীনাথ বোধহয় গভীর জলের মাছ। এক যুগ দেখা নেই, হঠাৎ একদিন টেলিফোন করে আমার কাছে এল। বলল—ব্যবসা যত বাড়ছে ততই পুরনো দিনের কথা মনে পড়ে। তাই একবার ভাবলাম তোমার সঙ্গে দেখা করি।’

‘আপনি তাঁকে দেখেই চিনেছিলেন?’

‘তা চিনেছিলাম। তা ছাড়া ইঙ্গুলের বহু পুরনো গল্ল করল। সে যে আমার সহপাঠী তাতে সন্দেহ নেই। গোলমালটা হচ্ছে, সে যে এখন কী করে তা কিছুতেই ভেঙে বলে না। জিজ্ঞেস করলেই বলে, ধরে নাও তোমারই মতো ব্যবসা করে। এদিকে গুণ যে নেই তা নয়। খুব আমুদে রসিক লোক। ইঙ্গুলে থাকতে ম্যাজিক দেখাত, এখনও সে অভ্যাসটা রেখেছে। হাত সাফাই রীতিমতো ভাল।’

‘আপনার ভাইও তো অন্ধকারের মধ্যে ঘরে ছিলেন।’

‘সে ছিল। তবে সে তো এ জিনিস আগে দেখেছে, তাই সে টেবিলের কাছে ছিল না। নিয়ে থাকলে ওই তিনজনের একজনই নিয়েছে।’

‘তারপর আপনি কী করলেন ?’

‘কী আর করতে পারি বলুন । এমন লোক আছে যারা এই অবস্থায় সোজাসুজি পুলিশ ডেকে তিনজনের বাড়ি সার্চ করাত । কিন্তু আমি পারিনি । ওই তিনজনের সঙ্গে বসে কত বিজ খেলেছি, আর তাদের একজনকে বলব চোর ?’

‘তার মানে শ্রেফ হজম করে গেলেন ব্যাপারটা ?’

‘শ্রেফ হজম করে গেলাম । ফলে এখনও কেউ জানেই না যে আমি ব্যাপারটা টের পেয়েছি । সেই ঘটনার পরেও তো এদের সঙ্গে দেখা হয়েছে কতবার, কিন্তু কেউ তো কোনওরকম অসোয়াস্তি বা অপরাধ বোধ করছে বলে মনে হয়নি । অথচ আমি জানি যে এই তিনজনের মধ্যেই একজন দোষী । একজন চোর ।’

আমরা তিনজনেই চুপ । ঘটনাটা অন্তুত তাতে সন্দেহ নেই । কিন্তু এ অবস্থায় কী করা যায় ?

আমার মনের প্রশ্নটা ফেলুদাই করল । শক্রবাবু বললেন, ‘এরা জানে যে আমি এদের সন্দেহ করি না । তাই এদের আবার ডেকেছি, এবং আজ রাত্রে আমি আবার এদের সামনে বনোয়ারিলালের কিছু মূল্যবান জিনিস বার করব । মাসখানেক থেকে ঘড়ির কাঁটায় কাঁটায় সম্ভ্য সাতটায় লোডশেডিং হচ্ছে এখানে । তার ঠিক আগে আমি জিনিসগুলো টেবিলে সাজাব । ঘর আবার অন্ধকার হবে । আশা করছি সেই অন্ধকারে চোরের প্রবৃত্তি আবার মাথা ঢাঢ়া দিয়ে উঠবে । সব মিলিয়ে এই সম্পত্তির মূল্য চালিশ-পঞ্চাশ লাখের কম নয় । হয়তো আমার ভুল হতে পারে, কিন্তু আমার বিশ্বাস চোর লোভ সামলাতে পারবে না । চুরির পর আপনি আপনার আসল ভূমিকায় অবর্তীর্ণ হবেন । তখন প্রদোষ মিত্রের কাজ হবে চোর ধরা এবং চোরাই মাল বার করা ।’

ফেলুদা বলল, ‘আপনার ভাই এ সম্বন্ধে কী বলেন ?’

‘সেও তো কাল অবধি কিছুই জানত না,’ বললেন শক্রবাবু, ‘কাল আপনাকে ইনভাইট করার পর ওকে বলি ।’

‘উনি কী বললেন ?’

‘খুব চেটপাট করল । বলল—তুমি অ্যাদিন চেপে রেখেছ ব্যাপারটা—তখন তখনই পুলিশে খবর দেওয়া উচিত ছিল । এক বছর পরে কি মিঃ মিত্রের কিছু করতে পারবেন, ইত্যাদি ।’

‘একটা কথা বলব মিঃ টোধুরী ?’

‘বলুন ।’

‘আপনি মানুষটা এত নরম বলেই কিন্তু চোর তার সুযোগটা নিয়েছিল । অতিথিকে চুরির অপবাদ দিতে সবাই পেছপা হত না ।’

‘সেটা জানি । সেই জন্যই তো আপনাকে ডাকা । আমি যেটা পারিনি, সেটা আপনি পারবেন ।’

২

সরষে বাটা দিয়ে চমৎকার গঙ্গার ইলিশ সমেত দুপুরের খাওয়াটা হল ফাস্ট ক্লাস । জয়স্বাবুর সঙ্গে আলাপ হল খাবার টেবিলে । ইনি মাঝারি হাইটের চেয়েও কম, বেশ সুস্থ, সবল মানুষ । শক্রবাবুর পার্সোনালিটি এঁর মেই, কিন্তু বেশ হাসিখুশি চালাক চতুর লোক ।

খাবার পর শক্রবাবু বললেন, ‘আপনাদের এখন আর ডিস্ট্র্যুর করব না, যা মন চায়

করুন। আমি একটু গড়িয়ে নিই। বিকেলে চায়ের সময় বারান্দায় আবার দেখা হবে।'

আমরা জয়স্তবাবুর সঙ্গে বাড়ির আশপাশটা ঘুরে দেখব বলে বেরোলাম।

পশ্চিম দিকে একটানা একটা নিচু থামওয়ালা পাঁচিল চলে গেছে নদীর ধার দিয়ে। পাঁচিলের পরেই জমি ঢালু হয়ে নেমে গেছে জল অবধি। এই পাঁচিলই বাকি তিনিদিকে হয়ে গেছে দেড় মানুষ উচু। জয়স্তবাবুর ফুলের শখ, তাই তিনি আমাদের বাগানে নিয়ে গিয়ে গোলাপ সম্বন্ধে একটা ছেটখাটো বক্তৃতা দিয়ে দিলেন। গোলাপ যে তিনশে রকমের হয় তা এই প্রথম জানলাম।

বাড়ির উত্তরে গিয়ে দেখলাম সেদিকে আর একটা গেট রয়েছে। শহরে কোথাও যেতে হলে এই গেটটাই নাকি ব্যবহার করা হয়।

আরেকটা সিঁড়িও রয়েছে এদিকে। জয়স্তবাবু বললেন খুড়িমা, মানে ওঁর মা, গঙ্গাস্বানে যেতে ওটাই ব্যবহার করেন। একতলায় নদীর দিকে আর গঙ্গার দিকে চওড়া বারান্দা, দুদিক দিয়েই সিঁড়ি রয়েছে নীচে নামার জন্য।

দেখা শেষ হলে পর আমরা ঘরে ফিরে এলাম। জয়স্তবাবু কাচের ঘরে চলে গেলেন অর্কিড দেখার জন্য।

আমাদের থাকার জন্য একতলায় একটা প্যাসেজের এক দিকে পর পর দুটো ঘর দেওয়া হয়েছে। উলটোদিকে আরও তিনটে পাশাপাশি ঘর দেখে মনে হল তাতেই বোধহয় তিনজন অতিথি থাকবেন। ঘরে চুকে বাহারে খাটে নরম বিছানা দেখে লালমোহনবাবু বোধহয় দিবানিদ্বার তাল করছিলেন, কিন্তু শেষ পর্যন্ত বললেন, ‘পাথির বইগুলোতে একবার চোখ বুলিয়ে নেওয়া দরকার।’

আমি একটা কথা ফেলুনকে না জিজ্ঞেস করে পারলাম না।

‘আচ্ছা, এক বছর আগে যে লোক চুরি করেছে, সে যদি এবার আর চুরি না করে, তা হলে তুমি চোর ধরবে কী করে?’


ফেলুন্দা বলল, ‘সেটা এই তিন ভদ্রলোককে স্টাডি না করে বলা শক্ত। যার মধ্যে চুরির প্রবৃত্তি রয়েছে, তার সঙ্গে আর পাঁচটা অনেক লোকের একটা সূক্ষ্ম তফাত থাকা উচিত। চোখ-কান খোলা রাখলে সে তফাত ধরা পড়তে পারে। ভুলিস না, যে লোক চুরি করে তার বাইরেটা যতই পালিশ করা হোক না কেন তাকে আর ভদ্রলোক বলা চলে না। সত্যি বলতে কী, ভদ্রলোক সাজার জন্য তাকে যথেষ্ট অভিনয় করতে হয়।’

বিকেলে পর পর দুটো গাড়ির আওয়াজ পেয়ে বুঝলাম অতিথিরা এসে গেছেন। বারান্দায় চায়ের আয়োজন হলে পর শক্রবাবুই আমাদের ডেকে নিয়ে গেলেন তিন গেস্টের সঙ্গে আলাপ করানোর জন্যে।

ডাঃ সরকার এক মাইলের মধ্যে থাকেন, ইনি হেঁটেই এসেছেন। বছর পঞ্চাশ বয়স, চোখে চশমা, মাথার চুল পাতলা হয়ে এসেছে, গেঁফটা কাঁচা হলেও, কানের পাশের চুলে পাক ধরেছে।

নরেশ কাঞ্জিলাল বিরাট মানুষ, ইনি সুট-টাই পরে সাহেব সেজে এসেছেন। ফেলুন্দার পরিচয় জেনে বললেন, ‘বনোয়ারিলালের জীবনী লেখার কথা আমি শক্রকে অনেকবার বলেছি। আপনি এ কাজের ভারটা নিয়েছেন শুনে খুশি হলাম। হি ওয়াজ এ রিমার্কেবল ম্যান।’

মজার লোক হলেন কালীনাথ রায়। এঁর কাঁধে একটা ব্যাগ ঝুলছে, তাতে হয়তো ম্যাজিকের সরঞ্জাম থাকতে পারে। লালমোহনবাবুর সঙ্গে পরিচয় হতেই বললেন, ‘পক্ষিবিদ্ যে মুরগির ডিম পকেটে নিয়ে ঘোরে তা তো জানতুম না মশাই।’ কথাটা বলেই খপ্প করে



মগজন

লালমোহনবাবুর পাঞ্জাবির পকেটে হাত ঢুকিয়ে একটা মুরগির ডিমের সাইজের মস্ত সাদা পাথর বার করে দিয়ে আঙ্কেপের সুরে বললেন, ‘এ হে হে, এ যে দেখেছি পাথর ! আমি তো ফাই করে খাবার মতলব করেছিলুম ।’

কথা হল রাস্তিরে খাবার পর কালীনাথবাবু তাঁর হাতসাফাই দেখাবেন ।

সূর্য হেলে পড়েছে, গঙ্গার জল চিক চিক করছে, বিরবিরে হাওয়া, তাই বোধহয় নরেশবাবু আর কালীনাথবাবু নেমে গেলেন বাইরের শোভা উপভোগ করতে । লালমোহনবাবু কিছুক্ষণ থেকেই উস্থুস্থু করছিলেন, এবার বাইনোকুলার বার করে উঠে পড়ে বললেন, ‘দুপুরে যেন একটা প্যারাডাইজ ফ্লাইক্যাচারের ডাক শুনেছিলুম । দেখি তো পাখিটা আশেপাশে আছে কি না ।’

ফেলুদার গন্তীর মুখ দেখে আমিও হাসিটা কোনওমতে চেপে গেলাম ।

ডাক্তার সরকার চায়ে চুমুক দিয়ে শক্রবাবুর দিকে ফিরে বললেন, ‘আপনার ভাতাটিকে দেখেছি না—সে কি বাগানে ঘূরছে নাকি ?’

‘ওর ফুলের নেশার কথা তো আপনি জানেন।’

‘ওঁকে তো বলেছি মাথায় টুপি না পরে যেন রোদে না ঘোরেন। সে আদেশ তিনি মেনেছেন কি?’

‘জয়স্ত কি ডাঙ্গারের আদেশ মানার লোক? আপনি তাকে চেনেন না?’

ফেলুদা যে চারমিনার হাতে আড়চোখে ডাঙ্গারের কথাবার্তা হাবভাব লক্ষ করে যাচ্ছে সেটা বেশ বুঝতে পারছি।

‘আপনার খুড়িমা কেমন আছেন?’ শক্রবাবুর দিকে ফিরে জিজ্ঞেস করলেন ডাঃ সরকার।

‘এমনিতে তো ভালই’, বললেন শক্রবাবু, ‘তবে অরংঠির কথা বলছিলেন যেন। আপনি একবার তুঁ মেরে আসুন না।’

‘তাই যাই।’

ডাঃ সরকার চলে গেলেন খুড়িমাকে দেখতে। প্রায় একই সঙ্গে জয়স্তবাবু ফিরে এলেন বাগান থেকে—ঠোঁটের কোণে হাসি।

‘কী ব্যাপার? হাসির কী হল?’ জিজ্ঞেস করলেন শক্রবাবু।

জয়স্তবাবু তি পট থেকে কাপে চা ঢেলে নিয়ে ফেলুদার দিকে ফিরে বললেন, ‘আপনার বন্ধু কিন্তু চোখে বাইনোকুলার লাগিয়ে বেদম অভিনয় করে যাচ্ছেন পক্ষিবিদের।’

ফেলুদাও হেসে বলল, ‘অভিনয় তো আজ সকলকেই করতে হবে অঞ্জবিস্তর। আপনার দাদার পরিকল্পনাটাই তো নাটকীয়।’

জয়স্তবাবু গঁউর হয়ে গেলেন।

‘আপনি কি দাদার পরিকল্পনা অ্যাপ্রুভ করেন?’

‘আপনি করেন না বলে মনে হচ্ছে?’ বলল ফেলুদা।

‘মোটেই না,’ বললেন জয়স্তবাবু। ‘আমার ধারণা চোর অত্যস্ত সেয়ানা লোক। সে কি আর বুঝবে না যে তার জন্য ফাঁদ পাতা হচ্ছে? সে কি জানে না যে দাদা অ্যান্ডিনে টের পেয়েছে যে সিন্দুকের একটি মূল্যবান জিনিস গায়েব হয়ে গেছে?’

‘সবই বুঝি,’ বললেন শক্রবাবু, ‘কিন্তু তাও আমি ব্যাপারটা ট্রাই করে দেখতে চাই। ধরে নাও এটা আমার গোয়েন্দা কাহিনী প্রীতির ফল।’

‘তুমি কি সিন্দুকের বাকি সব জিনিসই বার করতে চাও?’

‘না। শুধু ইটালিয়ান নস্পির কৌটো আর মোগলাই সুরাপাত্র। ডাঃ সরকার খুড়িমাকে দেখতে গেছেন। উনি এলেই তুমি ওপরে গিয়ে জিনিস দুটো বার করে আনবে। আমি পকেটে রেখে দেব। এই নাও চাবি।’

জয়স্তবাবু অনিচ্ছার ভাব করে চাবিটা নিলেন।

মিনিট পাঁচকের মধ্যে ডাঃ সরকার ফিরে এলেন। ভদ্রলোক হেসে বললেন, ‘দিয়ি ভাল আছেন আপনার খুড়িমা। বারান্দায় বসে দুখভাত খাচ্ছেন। আপনাদের আরও অনেকদিন জ্বালাবেন।’

জয়স্তবাবু চুপচাপ উঠে পড়লেন।

‘কী বসে আছেন চেয়ারে?’ ফেলুদার দিকে ফিরে বললেন ডাঃ সরকার। ‘চলুন একটু হাওয়া খাবেন। এ হাওয়া কলকাতায় পাবেন না।’

শক্রবাবু সমেত আমরা চারজনই সিঁড়ি দিয়ে নামলাম। বাঁয়ে চেয়ে দেখি লালমোহনবাবু বাগানের মাঝখানে একটা শ্রেতপাথরের মূর্তির পাশে দাঁড়িয়ে চোখে বাইনোকুলার লাগিয়ে এদিক ওদিক দেখছেন। ‘পেলেন আপনার প্যারাডাইজ ফ্লাইক্যাচারের দেখা?’ জিজ্ঞেস

করল ফেলুন্দা !

‘না, তবে এইমাত্র একটা জাঙ্গল ব্যাবলার দেখলুম মনে হল ।’

‘এখন পাখিদের বাসায় ফেরার সময়’, বলল ফেলুন্দা । ‘এর পরে পঁঢ়া ছাড়া আর কিছুই দেখতে পাবেন না ।’

বাকি দুজনে গেলেন কোথায় ? বাড়ির সামনের দিকে কি, না কাচের ঘরের পিছনে ফলবাগানে ?

শক্রবাবুর বোধহয় একই প্রশ্ন মনে জেগেছিল, কারণ উনি হাঁক দিয়ে উঠলেন—‘কই হে, নরেশ ? কালীনাথ গেলে কোথায় ?’

‘একজনকে দেখলুম এদিকের সিঁড়ি দিয়ে বাড়ির ভেতর চুকতে,’ বললেন লালমোহনবাবু ।

‘কোনজন ?’ প্রশ্ন করলেন শক্রবাবু ।

‘বোধহয় সেই ম্যাজিশিয়ান ভদ্রলোক ।’

কিন্তু লালমোহনবাবু ভুল দেখেছিলেন । বাড়ি থেকে বেরিয়ে এলেন কালীনাথবাবু নয়, নরেশ কাঞ্জিলাল ।

‘সঙ্গের দিকে ঝপ করে টেমপারেচারটা পড়ে,’ বললেন কাঞ্জিলাল, ‘তাই আলোয়ানটা চাপিয়ে এলাম ।’

‘আর কালীনাথ ?’ প্রশ্ন করলেন শক্রবাবু ।

‘সে তো বাগানে নেমেই আলাদা হয়ে গেল । বলছিল শুকনো ফুলকে টাটকা করে দেবার একটা ম্যাজিক দেখাবে, তাই—’

মিঃ কাঞ্জিলালের কথা আর শেষ হল না, কারণ সেই সময় বুড়ো চাকর অনন্তর চিংকার শোনা গেল ।

‘দাদাৰাবু !’

অনন্ত গঙ্গার দিকে বারান্দায় সিঁড়ি দিয়ে নেমে অত্যন্ত ব্যস্তভাবে ছুটে এল আমাদের দিকে ।

‘কী হল অনন্ত ?’ শক্রবাবু উদ্বিগ্নভাবে প্রশ্ন করে এগিয়ে গেলেন ।

‘ছোট দাদাৰাবু অজ্ঞান হয়ে পড়ে আছেন দোতলায় ।’

৩

দোতলার সিঁড়ি দিয়ে উঠে ল্যান্ডিং পেরিয়েই খুড়িমার ঘর, সেটা আগেই বলেছি । জয়ন্তবাবু সেই ঘরের চৌকাঠের হাত তিনেক এদিকে চিত হয়ে পড়ে আছেন, তাঁর মাথার পিছনের মেঝেতে খানিকটা রক্ত চুঁইয়ে পড়েছে ।

ডাক্তার সরকার দ্রুত সিঁড়ি দিয়ে উঠে সবচেয়ে আগে পৌঁছে জয়ন্তবাবুর নাড়ি চিপে ধরলেন । ফেলুন্দাও প্রায় একই সঙ্গে পৌঁছে জয়ন্তবাবুর পাশে হাঁটু গেড়ে বসেছে । তার মুখ গভীর, কপালে খাঁজ ।

‘কী মনে হচ্ছে ?’ চাপা গলায় প্রশ্ন করলেন শক্রবাবু ।

‘পাল্স সামান্য দ্রুত,’ বললেন ডাঃ সরকার ।

‘মাথার জখমটা ?’

‘মনে হচ্ছে পড়ে গিয়ে হয়েছে । এই সময় খালি মাথায় রোদে ঘোরা ডেনজারাস সেটা অনেকবার বলেছি ওঁকে ।’



‘কন্কাশন—?’

‘সেটা তো পরীক্ষা না করে বলা সম্ভব না। আজ আবার আমি যন্ত্রপাতি কিছুই আনিন্তি সঙ্গে। একবার হাসপাতালে নিয়ে যেতে পারলে ভাল হত।’

‘তাই করুন না। গাড়ি তো রয়েছে।’

তদ্দেশীয় বেশ ভাল ভাবেই অজ্ঞান হয়েছেন, কারণ ফেলুদা সমেত চারজন ধরাধরি করে গাড়িতে তোলার সময়ও তাঁর জ্ঞান হল না। সিঁড়ি দিয়ে নামার সময় অবিশ্বিত কালীনাথবাবুর সঙ্গেও দেখা হল। বললেন, ‘আমি জাস্ট ওয়ার্থটা খাবার জন্য ঘরে গেছি—আর তার মধ্যে এই কাণ্ড !’

‘আমি সঙ্গে আসব কি ?’ শক্তরবাবু ডাক্তারকে জিজেস করলেন।

‘কোনও দরকার নেই’, বললেন ডাঃ সরকার, ‘আমি হাসপাতাল থেকে আপনাকে ফোন করব।’

গাড়ি চলে গেল। এই দুর্ঘটনার জন্য শক্তরবাবুর প্ল্যান যে ভেষ্টে গেল সেটা বুঝতে পারছি। বেচারি ভদ্রলোকের জন্মাতিথিতে এমন একটা ঘটনা ঘটার জন্য আমারও খারাপ লাগছিল।

আমরা সবাই এসে বসবার ঘরে বসেছিলাম, প্রায় সঙ্গেই ফেলুদা কেন যে, ‘আমি

আসছি বলে উঠে গেল তা জানি না । অবিশ্যি মিনিট দুয়েকের মধ্যে আবার ফিরে এল ।

শঙ্করবাবু অতিথিদের সামনে যথাসন্তোষ স্বাভাবিক হাসিখুশি ব্যবহার করছিলেন । এমনকী তাঁর আশ্চর্য প্রপিতামহ সম্বন্ধে আস্তুত সব ঘটনাও বলছিলেন, কিন্তু আমি বুঝতে পারছিলাম যে সেটা করতে তাঁর বেশ বেগ পেতে হচ্ছে ।

প্রায় ঘণ্টাখানেক এইভাবে চলার পর হাসপাতাল থেকে ডাঃ সরকারের ফোন এল । জয়স্ত্রবাবুর জ্ঞান হয়েছে । তিনি অনেকটা ভাল । মনে হচ্ছে কাল সকালেই আসতে পারবেন ।

এই সুখবরের পর অবিশ্যি ঘরের আবহাওয়া খানিকটা হালকা হল, কিন্তু আমি জানি যে শঙ্করবাবুর মোটেই ভাল লাগছে না, কারণ চোরের রহস্য রহস্যই থেকে যাবে ।

খাওয়া দাওয়ার পর, ভিডিও-ক্যাসেট ছবি দেখতে চাই কি না জিজ্ঞেস করাতে আমরা সকলেই না বললাম । এ অবস্থায় ফুর্তি চলে না । তাই ম্যাজিকও বাদ পড়ল ।

সকলকে গুড নাইট জানিয়ে নিজেদের ঘরে আসতেই আমি যে প্রশ্নটা ফেলুদাকে করব ভাবছিলাম, সেটা লালমোহনবাবু করে ফেললেন ।

‘আপনি তখন ফস্ক করে বেরিয়ে কোথায় গেলেন মশাই ?’

‘খুড়িমার ঘরে ।’

‘খুড়িমাকে দেখতে গেলেন ?’ অবিশ্যাসের সুরে প্রশ্নটা করলেন লালমোহনবাবু ।

‘সেই সঙ্গে অবিশ্যি সিন্দুকের হাতল ধরে একটা টানও দিয়ে এলাম ।’

‘খোলা নাকি ?’

‘বন্ধ । সেটাই স্বাভাবিক । যে ভাবে ঘরের দরজার দিকে পা করে পড়েছিলেন ভদ্রলোক, তাতে মনে হয় ঘরে ঢোকার আগেই পড়েছেন ।’

‘কিন্তু চাবিটা কোথায়, ফেলুদা ?’ আমি জিজ্ঞেস করলাম । প্রশ্নটা কিছুক্ষণ থেকেই আমার মাথায় ঘুরছিল ।

ফেলুদা বলল, ‘শঙ্করবাবু হয়তো দুর্ঘটনায় গুটার কথা ভুলেই গিয়েছিলেন ।’

কথাটা বলতে বলতেই শঙ্করবাবু এসে চুকলেন আমাদের ঘরে । ‘দেখুন তো কী বিশ্রী ব্যাপার ঘটে গেল ?’ বললেন ভদ্রলোক । ‘জয়স্ত্র আর একবার এরকম হয়েছিল । ওর ব্লাড প্রেশারটা একটু বেশি নেমে যায় মাঝে মাঝে ।’

‘ফোনে আর কী বললেন ডাঃ সরকার ?’

‘সেটাই তো বলতে এলাম । তখন লোকজনের সামনে বলিনি । চাবির কথাটা তো গোলমালে ভুলেই গিয়েছিলাম ; এখন কী হয়েছে জানেন তো ? ডাক্তারকে জিজ্ঞেস করতে বললেন জয়স্ত্র কাছে চাবি ছিল না । হয়তো অজ্ঞান হবার সময় হাত থেকে পড়ে গেছে ।’

‘আপনি খুঁজেছেন চাবি ?’

‘তন্ম তন্ম করে । সিঁড়ি, ল্যান্ডিং, সদর দরজার বাইরে, কোথাও বাদ দিইনি । সে চাবি হাওয়া ।’

‘যাকগে, ডুপ্পিকেট আছে তো,’ বলল ফেলুদা । ‘ও নিয়ে ভাববেন না ।’

‘তা না হয় ভাবব না,’ গভীরভাবে বললেন শঙ্করবাবু, ‘কিন্তু রহস্য তো দূর হল না ! চোর তো অজ্ঞাতেই রয়ে গেল । আর আপনাকে একটা মাথা খেলানোর সুযোগ দেব ভেবেছিলাম, সেটাও হল না ।’

‘তাতে কী হল ?’ ফেলুদা বলল । ‘এখানে এসে লাভ হয়েছে বিস্তর । একে এরকম বাড়ি, তার উপর আপনার অতিথেয়তা ।’

শঙ্করবাবু যাবার আগে বলে গেলেন যে সকালে সাড়ে ছাঁটায় চা দেবে, আর আটটায় ব্রেকফাস্ট ।

‘এটা অ্যাটেম্প্টেড মার্ডার নয়তো মশাই ?’ লালমোহনবাবু ফিস্ক করে প্রশ্ন করলেন ।

‘মিঃ কাঞ্জিলাল আর মিঃ ম্যাজিশিয়ান দুজনেই কিন্তু বাড়ির মধ্যে চুকেছিলেন।’

‘মার্ডারের দরকার কী? কার্যসিদ্ধির জন্য তো শুধু অঙ্গান করলেই চলে।’

‘কার্যসিদ্ধি?’

‘জয়স্তবাবুকে অঙ্গান করে তাঁর হাত থেকে চাবিটা নিয়ে সিন্দুক খুলে যা বার করার বার করে আবার হাতে চাবি গুঁজে দিয়ে চলে আসা।’

সর্বনাশ! এটা তো খেয়াল হয়নি আমার। আমি বললাম ‘তাই যদি হয়ে থাকে তা হলে তো এখন তিনজনের জায়গায় সাসপেন্ট মাত্র দুজন—কাঞ্জিলাল আর কালীনাথ।’

‘নারে তোপ্সে,’ বলল ফেলুদা ‘ব্যাপারটা অত সহজ নয়। জয়স্তবাবুর মাথায় কেউ বাড়ি মারলে তো সেটা তিনি জ্ঞান হলে বলতেন; তা তো বলেননি। আর অঙ্গান করে যে সিন্দুক খুলবে সেটাই বা কী করে সম্ভব—খুড়িমা তো ঘরে থাকতে পারেন। একজন বাইরের লোক সিন্দুক খুলছে দেখলে কি তিনি চুপ করে থাকতেন?’

একটা আশার আলো জুলতে না জুলতে নিতে গেল। আমি শুয়ে পড়েছিলাম, কিন্তু অত তাড়াতাড়ি আর ঘুমোনো হল না। ফেলুদা এমনিতেও পায়চারি করছিল, বারোটা নাগাদ লালমোহনবাবু হঠাৎ আমাদের ঘরে এসে নিচু গলায় বললেন, ‘বারান্দায় গেসলুম। চাঁদের হাসির বাঁধ ভেঙ্গে, মশাই—উপচে পড়ে আলো।’

‘উপচে নয়, উছলে,’ বলল ফেলুদা।

‘সরি, উছলে। কিন্তু একবার বাইরে এসে দেখুন। এ দৃশ্য দেখবেন না কখনও।’

‘আপনি একা কাব্য করবেন, এটা হতে দেওয়া যায় না,’ বলল ফেলুদা। বিছানা ছেড়ে উঠে পড়লাম।

বাইরে গিয়ে মনে হল এ যেন দিনের বেলার দৃশ্যের চেয়েও টের বেশি সুন্দর। একটা পাতলা কুয়াশা নদীর ওপারটাকে প্রায় অদৃশ্য করে ফেলেছে। গঙ্গার আবছা গাঢ় জলের উপর ছড়ানো চাঁদির টুকরোগুলো ধীরে ধীরে দুলছে। তারই মধ্যে বিঁবির ডাক, হাসনুহানার গন্ধ, ফুরফুরে বাতাস, সব মিলিয়ে সত্যিই অমরাবতী।

ফেলুদা ত্রয়োদশীর চাঁদটার দিকে কিছুক্ষণ চেয়ে থেকে বলল, ‘চাঁদের মাটিতে মানুষের পা পড়লেও, এর মজা কোনওদিন নষ্ট করতে পারবে না।’

‘একটা মারাওক পোয়েম আছে চাঁদ নিয়ে’, বললেন লালমোহনবাবু।

‘আপনার এথিনিয়াম ইন্সিটিউশনের সেই বাংলার শিক্ষকের লেখা?’

‘ইয়েস। বৈকুঠ মল্লিক। এই পোড়া দেশে লোকটা রেকগনিশন পেলে না, কিন্তু আপনি শুনুন কবিতাটা। শোনো, তপেশ।’

এতক্ষণ আমরা নিচু গলায় কথা বলছিলাম। কিন্তু আবৃত্তির সময় লালমোহনবাবুর গলা আপনা থেকেই চড়ে গেল।

‘আহা, দেখ চাঁদের মহিমা

কভু বা সুগোল রৌপ্যথালি

কভু আধা কভু সিকি কভু একফালি

যেন সদ্য কাটা নথ পড়ে আছে নভে—

সেটুকুও নাহি থাকে, যবে

আসে অমাবস্যা—

সেই রাতে তুমি তাই

অচন্দ্রম্পশ্যা !

বুঝতেই পারছ, তপেশ, পদ্যটা একজন লেডিকে অ্যাড্রেস করে লেখা ।

‘একজন লেডিকে তো আপনি আবৃত্তির ঠেলায় ঘর থেকে টেনে বার করেছেন দেখছি ।’

ফেলুদার দৃষ্টি দোতলার বারান্দার দিকে । এই যে খুড়িমার ঘর । বৃক্ষ বারান্দার দরজার মুখটাতে এসে দাঁড়িয়েছেন । মিনিটখানেক এদিক ওদিক দেখে আবার ভিতরে ঢুকে গেলেন ।

এর পরে আমরা ঘাটের সিঁড়িতে গিয়ে বসেছিলাম আধ ঘণ্টা । মনমেজাজ তাজা, রাতের খাওয়া হজম । তারপর এক সময় ফেলুদা তার হাতস্তিতির রেডিয়াম ডায়াল ঢোকের সামনে ধরে বলল, ‘পৌনে এক ।’

আমরা তিনজনেই উঠে পড়লাম, আর তিনজনেই একসঙ্গে শুনলাম শব্দটা ।

সেটা যেন আসছে বাড়ির দোতলা থেকেই ।

খট্ খট্ খট্ খট্ ঠং খট্ খট্ ...

আমরা ঘাটের সিঁড়ি দিয়ে উপরে উঠে এলাম ।

‘সিদ কাটছে নাকি মশাই ?’ লালমোহনবাবু ফিস্ফিস করে জিজ্ঞেস করলেন । আলো জ্বলছে । আওয়াজটা আসছে ওই ঘর থেকে ।

খট্ খট্ খট্ খট্ ঠং ঠং...

কিন্তু এই ঘর ছাড়াও আরেকটা ঘরে আলো জ্বলছে । দক্ষিণ দিকের ঘরটা । খোলা জানালা দিয়ে দেখা যাচ্ছে একজন লোক দাঁড়িয়ে হাত পা নেড়ে উত্তেজিত ভাবে কথা বলছে ।

এবার লোকটা ঘর থেকে বেরিয়ে গেল ।

‘মিঃ কাঞ্জিলাল’, বলল ফেলুদা । ‘ওটাই শক্রবাবুর ঘর ।’

‘এই মাঝরাত্তিরে কী আলোচনা মশাই ?’ লালমোহনবাবু প্রশ্ন করলেন ।

‘জানি না’, বলল ফেলুদা । ‘ব্যবসা সংক্রান্ত কিছু হবে ।’

‘আপনাদেরও ঘূর্ম আসছে না ?’

নতুন গলা পেয়ে চমকে উঠে দেখি ম্যাজিশিয়ান কালীনাথবাবু ।

ভদ্রলোক সিঁড়ি দিয়ে নেমে এলেন । খট্ খট্ শব্দটা এখনও হয়ে চলেছে । কালীনাথবাবুর ঘাড় ঘুরে গেল সেই দিকে ।

‘কীসের শব্দ বুঝতে পারছেন তো ?’ প্রশ্ন করলেন ভদ্রলোক ।

‘হামানদিস্তা কি ?’ ফেলুদা বলল ।

‘ঠিক বলেছেন । এই মাঝরাত্তিরে বুড়ি পান ছাঁচতে বসেন । এ শব্দ আগেও পেয়েছি ।’

কথাটা বলে হাতের তেলোর আড়ালে দেশলাই জ্বালিয়ে সিগারেট ধরিয়ে ফেলুদার দিকে একটা সেয়ানা দৃষ্টি দিয়ে বললেন, ‘বনোয়ারিলালের জীবনী লেখার জন্য গোয়েন্দার দরকার হল কেন ?’

আমি তো থ ! লালমোহনবাবুর মুখ হাঁ হয়ে গেছে । ফেলুদা একটু হালকা হেসে বলল, ‘যাক, অন্তত একজন আমার আসল পরিচয়টা জানে দেখে ভালই লাগল ।’

‘তা জানবে না কেন মিঃ মিত্র ? এ শর্মা অনেক ঘাটের ভল খেয়েছে । অনেক কিছু দেখে শুনে চোখ কান দুইই খুলে গেছে ।’

ফেলুদা একদৃষ্টে চেয়ে আছে ভদ্রলোকের দিকে । তারপর বলল, ‘আপনি কি রহস্যই

করবেন, না খুলে বলবেন ?'

'খুলে আর কজনে বলতে পারে মিঃ মিত্রি ? স্পষ্টবঙ্গ আর কজনে হয় ? বেশির ভাগই তো মুখচোরা । আর দুঃখের বিষয়, আমিও যে সেই দলেই পড়ি । আপনি গোয়েন্দা, খুলে বলার কাজ হল আপনার । তবে আপনাকে আমি একটা কথা বলতে চাই । এখানে এসে আপনার পেশাটাকে কাজে লাগানোর কথা ভুলে যান । অমরাবতীতে এসেছেন, দুদিন ফুর্তি করে গঙ্গার হাওয়া থেয়ে ফিরে যান । নইলে বিপদে পড়তে পারেন ।'

'আপনার উপদেশের জন্য ধন্যবাদ ।'

কালীনাথবাবু নিজের ঘরে ফিরে গেলেন ।

'লোকটা অনেক কিছু জানে বলে মনে হচ্ছে ?' চাপা গলায় বললেন লালমোহনবাবু ।

'একটা জিনিস তো জানতেই পারে,' বলল ফেলুদা ।

'কী ?' আমরা দূজনে একসঙ্গে জিঞ্জেস করলাম ।

'চুরিটা কে করেছিল । যে করেছিল সে তো ওঁর পাশেই দাঁড়িয়ে ছিল ।'

আমি বললাম, 'কিন্তু সেটা তো উনি নিজেও করে থাকতে পারেন । উনি তো হাত সাফাই জানেন ।'

'এগজ্যাস্টলি,' বলল ফেলুদা ।

8

সাড়ে ছাঁয় বেড়টি না দিলে হয়তো ঘুম ভাঙতে আরও দেরি হত, কিন্তু ফেলুদাকে দেখে মনে হল সে অনেকক্ষণ আগেই উঠেছে । জিঞ্জেস করাতে বলল, 'শুধু উঠেছি নয়, এর মধ্যে একটা চক্রও মেরে এসেছি ।'

'কোথায় ?'

'শহরের দিকে ।'

'কী দেখলে ?'

'কী দেখলাম না সেটাই বড় কথা ।'

'কিছু বুঝতে পারলে ?'

'পানিহাটিতে আসা বৃথা হয়নি এটা বুঝেছি ।'

লালমোহনবাবু এসে বললেন এমন সলিড ঘুম নাকি ওঁর অনেকদিন হয়নি ।

'খুড়িমার উঠতে দেরি দেখে তিনিও খুব সলিড ঘুমিয়েছেন বলে মনে হচ্ছে, বলল ফেলুদা ।

আমি বললাম, 'সেটা আবার কী করে জানলে ?'

'অনস্তকে জিঞ্জেস করেছিলাম । সে বলল মা-ঠাকুরণ এখনও গঙ্গানানে যাননি । এমনিতে ছটার মধ্যে নাকি ওঁর স্নান সারা হয়ে যায় ।'

আমরা তিনজন বারান্দায় গিয়ে বসেছিলাম, মিনিট দশকের মধ্যে শক্রবাবু এসে পড়লেন । স্নান-টান সেরে ফিটফাট ।

'আমি কিন্তু ধরা পড়ে গেছি মিঃ চৌধুরী', বলল ফেলুদা । 'আপনার বাল্যবন্ধু আমায় চিনে ফেলেছেন ।'

'সে কী ?'

'আপনি ঠিকই বলেছিলেন । ভদ্রলোক গভীর জলের মাছ ।'

'তা হলে কি বলছেন আপনার পরিচয়টা দিয়েই দেব ?'

‘তা হলে কিন্তু সেই সঙ্গে আপনার জানিয়ে দিতে হবে আপনি কেন আমাকে ডেকেছেন। অর্থাৎ এতদিন যে কথটা চেপে রেখেছিলেন সেটা প্রকাশ করতে হবে।’

শঙ্করবাবুর কপালে আবার দুশ্মিষ্টার রেখা দেখা দিল।

পাঁচ মিনিটের মধ্যেই কাঞ্জিলাল আর কালীনাথবাবু বারান্দায় এসে পড়লেন, আর তার প্রায় সঙ্গে সঙ্গেই বাইরে একটা গাড়ির আওয়াজ পাওয়া গেল। কাঞ্জিলাল আর কালীনাথ বারান্দায় রয়ে গেলেন, আমরা চারজন সদর দরজায় গিয়ে হাজির হলাম।

লাল ক্রস-মারা একটা কালো অ্যামবাসাড় থেকে নামলেন জয়ন্তবাবু আর ডাঃ সরকার। জয়ন্তবাবুর মাথার পিছনের চুল খানিকটা কার্মিয়ে সেখানে প্লাস্টার লাগানো হয়েছে।

জয়ন্তবাবু নেমেই তাঁর দাদার কাছে ক্ষমা চাইলেন।—‘ভেরি সরি। তোমার জন্মতিথিতে এমন একটা অঘটন ঘটিয়ে ফেললাম। আসলে প্রেশারটা...’

‘কোনও চিন্তা নেই, বললেন ডাঃ সরকার। ‘আমি ওষুধ দিয়ে দিয়েছি। তবে রোদে বেশি ঘোরাঘুরি চলবে না।’

‘আপনারা চা খাবেন তো?’ বললেন শঙ্করবাবু।

‘তা হলে মন্দ হত না। চা-পানের সময় পাইনি এখনও।’

‘এরা সব কোথায়?’ জয়ন্তবাবু জিজ্ঞেস করলেন।

‘বারান্দায়’, বললেন শঙ্করবাবু।

জয়ন্তবাবু আর ডাঃ সরকার বারান্দার দিকে চলে গেলেন।

‘চুন, সকলে একসঙ্গেই বসা যাক,’ ফেলুদার দিকে ফিরে বললেন শঙ্করবাবু।

‘দাঁড়ান, আগে একটা কাজ সেরে নেওয়া দরকার।’

ফেলুদা কথটা বেশ জ্যোরে সঙ্গেই বলল। কী কাজের কথা বলছে ও?

‘কাজ?’ শঙ্করবাবু একটু যেন অবাক হয়েই জিজ্ঞেস করলেন।

‘আপনার খুড়িমার কাছে সিন্দুকের যে ডুপ্পিকেট চাবিটা আছে সেটা চাইলে পাওয়া যাবে নিশ্চয়ই।’

‘তা নিশ্চয়ই যাবে, কিন্তু—’

‘একবার সিন্দুকটা খুলে দেখতে চাই।’

খুড়িমার ঘরে গিয়ে দেখি বুড়ি গামছা নিয়ে স্নানে বেরোচ্ছেন।

‘আজ তোমার এত দেরি?’ শঙ্করবাবু প্রশ্ন করলেন।

‘আর বলিস না। চোখ মেলে দেখি ঝাঁঝ ঝাঁঝ রোদ। একেকদিন কী যে হয়!'

‘তোমার চাবিগোছাটা একবার দিতে হবে খুড়িমা। সিন্দুকটা খুলব।’

‘কিন্তু তোর কাছে যে—?’

‘আমারটা খুঁজে পাচ্ছি না।’

খুড়িমা আলমারি খুলে চাবির গোছা বার করে দিয়ে চলে গেলেন।

শঙ্করবাবু সিন্দুকের দিকে এগিয়ে গেলেন, আর সেই ফাঁকে কেন জানি ফেলুদা হামানদিষ্টাটা হাতে নিয়ে একবার নেচেচেড়ে দেখল।

‘সর্বনাশ!

শঙ্করবাবুর চিৎকারে চমকে লালমোহনবাবু সেলিম আলির বইটা তাঁর হাত থেকে ফেলেই দিলেন।

‘থালি বাঞ্চি কিছুই নেই, বলল ফেলুদা।

শঙ্করবাবুর ফ্যাকাসে মুখ দিয়ে কথাই বেরোচ্ছে না।

‘ওটা বন্ধ করুন’, বলল ফেলুদা। ‘তারপর চলুন নীচে যাওয়া যাক। সত্য উদ্যাটনের

সময় এসেছে। আমার আসল পরিচয়টা সকলকে জানিয়ে দিন এবং কতকগুলো প্রশ্ন করব সেটাও জানিয়ে দিন।’

বুঝতে পারছি শক্রবাবুকে অনেকখানি মনের জোর প্রয়োগ করতে হচ্ছে, কিন্তু তিনি গত বছরের চুরির ব্যাপারটা আর আজ এইমাত্র সিন্দুর খুলে যা দেখলেন সেটা মোটামুটি গুছিয়ে সকলকে বলে বললেন, ‘আমার বাড়িতে আমারই অতিথি হয়ে এসে আমার এত কাছের লোক যে এমন একটা কাজ করতে পারে সেটা স্বপ্নেও ভাবিনি। কিন্তু ঘটনা যে ঘটেছে তাতে কোনও ভুল নেই, আর সেই কারণেই আমি কলকাতার স্বনামধন্য ইন্ডেস্ট্রিজের প্রদোষ মিত্রকে ডেকেছি এর কিনারা করার জন্য। ইনি তোমাদের কয়েকটা প্রশ্ন করবেন। আশা করি তোমরা তার ঠিক জবাব দেবে।’

সকলে চুপ। কার মনে কী প্রতিক্রিয়া হচ্ছে দেখে বোঝার উপায় নেই।

ফেলুদা শুরু করল। প্রথম প্রশ্নটা ডাঃ সরকারকে, আর সেটা যাকে বলে অপ্রত্যাশিত।

‘ডাঃ সরকার, আপনাদের এই পানিহাটিতে কটা হাসপাতাল আছে?’

‘একটাই’ বললেন ডাঃ সরকার।

‘তার মানে সেখানেই আপনি নিয়ে গিয়েছিলেন জয়স্তবাবুকে, আর সেখান থেকেই কাল রাত্রে ফোন করেছিলেন?’

‘হ্যাঁ এ প্রশ্ন কেন জানতে পারি কি?’

‘কারণ আজ সকালে আমি সে হাসপাতালে গিয়েছিলাম, জয়স্তবাবু সেখানে যাননি।’

ডাঃ সরকার হাসলেন।

‘কাল রাত্রে যে আমি হাসপাতাল থেকে ফোন করেছিলাম সে কথা তো আমি শক্রবাবুকে বলিনি।’

‘তবে কোথেকে করছিলেন?’

‘আমার বাড়ি থেকে। কাল যাবার পথেই জয়স্তবাবুর জ্ঞান হয়। তখন বুঝতে পারি আঘাত গুরুতর নয়, কন্ধাশন হয়নি। তবু একবার দেখব বলে আমার বাড়িতেই নিয়ে যাই। তখনই ঠিক করি রাত্রিটা ওখানে রেখে সকালে পৌঁছে দিয়ে যাব।’

‘এবার জয়স্তবাবুকে একটা প্রশ্ন,’ বলল ফেলুদা। ‘আপনি কাল যে সিন্দুর খোলার জন্য চাবিটা নিলেন, সেটা তো আপনার হাতেই ছিল?’

‘হ্যাঁ, কিন্তু মাথা ঘুরে পড়ার পর আর হাতে নাও থাকতে পারে।’

‘হাতে না থাকলেও, কাছাকাছিই পড়ে থাকার কথা। কিন্তু তা তো ছিল না।’

‘সেটার আমি কী জানি? চাবি আপনারা খুঁজে পেলেন কি না পেলেন তার আমি কী করতে পারি? আপনি কী বলতে চাইছেন সেটা সরাসরি বলুন না।’

‘আর একটা প্রশ্ন আছে, সেটা ডাক্তারকে। তার পরেই সরাসরি বলছি। ডাঃ সরকার, হিমোগ্লোবিন বলে একটা পদার্থ আছে সেটা আপনি জানেন নিশ্চয়ই।’

‘কেন জানব না?’

‘সাধারণ লোকের চোখে সেটার রঙের সঙ্গে রক্তের কোনও তফাত ধরা পড়ে না সেটাও নিশ্চয়ই জানেন।’

ডাক্তার সরকার গলা খাক্রানি দিয়ে মাথা নেড়ে হ্যাঁ জানিয়ে দিলেন।

‘আমার বিশ্বাসটা কী তা হলে এবার বলি?’ বলল ফেলুদা। সকলে একদৃষ্টে চেয়ে আছে ফেলুদার দিকে। ‘আমার বিশ্বাস জয়স্তবাবু অজ্ঞান হননি, অজ্ঞান হবার ভাব করেছিলেন—ডাক্তার সরকারের সঙ্গে একজোট হয়ে। কারণ তাঁদের দুজনের এই বাড়ি থেকে চলে যাওয়ার দরকার ছিল।’



ମାନ୍ୟବୀ

‘ନମେନ୍ !’ ଚିଠିଯେ ଉଠିଲେନ ଜୟନ୍ତବାବୁ । ‘କେନ, ଚଲେ ଯାବ କେନ ?’
 ‘କାରଣ ମାଝରାତ୍ରିରେ ଗୋପନେ ଆବାର ଫିରେ ଆସବେନ ବଲେ ।’
 ‘ଫିରେ ଆସବ ?’
 ‘ହଁ । ଉତ୍ତରେର ଫଟକ ଦିଯେ ଚୁକେ, ପିଛନେର ସିଡ଼ି ଦିଯେ ଉଠେ ଆପନାର ମାର ଘରେ ଯାବେନ ବଲେ ।’

‘ଆପନି ଏକଟୁ ବାଡ଼ାବାଡ଼ି କରଛେନ ମିଃ ମିତିର । ମାଝ ରାତ୍ରିରେ ମା-ର ଘରେ ଯାବ, ଆର ମା ଟେର ପାବେନ ନା ? ମା ରାତ୍ରିରେ ତିନୟଟାର ବେଶ ଘୁମୋନ ନା ସେଟୀ ଆପନି ଜାନେନ ?’

‘ଏମନିତେ ଘୁମୋନ ନା—କିନ୍ତୁ ଘୁମେର ଓସୁଧ ଖାଓୟାଲେ ? ଧରନ ଯଦି ଡାକ୍ତରବାବୁ ଗତକାଳ ତାଁକେ ଦେଖାର ସମୟ ତାଁର ଦୁଧଭାତେ କିଛୁ ମିଶିଯେ ଦିଯେ ଥାକେନ ?’

ଜୟନ୍ତବାବୁ ଆର ଡାଃ ସରକାର ଦୂଜନେରଇ ଡୋକ୍ଟର-କେଯାର ଭାବଟା ମିନିଟେ ମିନିଟେ କମେ ଆସଛେ ସେଟୀ ବୁଝାତେ ପାରଛି । ଫେଲୁଦା ବଲେ ଚଲଲ, ‘ଆପନାର ଫିରେ ଆସତେ ହେଯାଇଲ କାରଣ ଏକ ବଚର ଆଗେ ଯେ କାଁଚା କାଜଟା କରେଛିଲେନ, ଏବାର ଆର ସେରକମ କରଲେ ଚଲତ ନା । ଶକ୍ରବାବୁର ପୁରୋ

প্ল্যানটাই ভেস্টে দিয়ে মাঝারাত্তিরে এসে চুরিটা সারার দরকার ছিল। সে চুরি ধরা পড়ত কবে তার কোনও ঠিক নেই। অবিশ্য চাবি আপনার কাছে ছিল না, তাই আপনার মা-র আলমারি থেকে ডুপলিকেট বার করে নিতে হয়েছিল। সেই সময় আমার এই বন্ধুর আবৃত্তি শুনে আপনি কিঞ্চিৎ বিচলিত হয়ে পড়েন। তাই গায়ে একটা থান জড়িয়ে দরজার মুখে এসে প্রমাণ করতে হয়েছিল যে আপনার মা জেগেই আছেন, অভরিথিং ইজ অল রাইট। তার পরে আমাদের মনে এই ধারণা বদ্ধমূল করার জন্য হামানদিস্তা পিটতে শুরু করেন। এতেও আমার সন্দেহ হয়েছিল, কারণ হামানদিস্তায় পান থাকলে শব্দটা হয় একটু অন্যরকম; এটা ছিল ফাঁকা শব্দ।

‘সবই বুঝালাম, মিঃ মিস্টির’, বললেন জয়স্তবাবু, ‘কিন্তু তারপর ?’

‘তারপর চাবি দিয়ে সিন্দুক খোলা।’

‘আপনি কোন্ অপরাধে আমাদের অভিযুক্ত করছেন, মিঃ মিস্টির ? অঙ্গান হবার ভান করা ? আমার মাকে ঘুমের ওষুধ দেওয়া ? রাত্তিরে ফিরে এসে ডুপলিকেট চাবি বার করে সিন্দুক খোলা ?’

‘তার মানে এর সবগুলোই করেছেন স্বীকার করছেন তো ?’

‘এর কোনওটাৰ জন্য শাস্তি হয় না সেটা আপনি জানেন ? আসল ব্যাপারটায় আসছেন না কেন আপনি ?’

‘ঘটনা যে দুটো জয়স্তবাবু, একটা তো নয়। আগে প্রথম ঘটনাটা সেৱে নিই—এক বছর আগের চুরি।’

‘সেটা আপনি সারবেন কী করে, মিঃ মিস্টির ? আপনি কি অস্ত্যামী ? আপনি তখন কোথায় ?’

‘আমি ছিলাম না ঠিকই, কিন্তু অন্য লোক তো ছিল। যিনি চুরি করেছিলেন তাঁর ঠিক পাশেই লোক ছিল। তাদের মধ্যে অন্তত একজন কি টের পেয়ে থাকতে পারেন না ?’

এবারে শক্তরবাবু কথা বললেন। তিনি বেশ উত্তেজিত।

‘এটা আপনি কী বলছেন, মিঃ মিস্টির ? চুরি হয়েছে সেটা জানবে অথচ আমায় বলবে না, আমার এত কাছের লোক হয়ে ?’

ফেলুদা এবার ম্যাজিশিয়ান কালীনাথবাবুর দিকে ঘুরল।

‘আপনি কাল রাত্তিরে কী বিপদের কথা ভেবে আমাকে তদস্ত বন্ধ করতে বলছিলেন সেটা বলবেন, কালীনাথবাবু ?’

কালীনাথবাবু হেসে বললেন, ‘অগ্রিয় সত্য প্রকাশ করায় বিপদ নেই ? শক্তরের মনের অবস্থাটা ভেবে দেখুন তো !’

‘না, নেই বিপদ,’ দৃষ্টস্বরে বললেন শক্তরবাবু। ‘অনেকদিন ব্যাপারটা ধামা চাপা রয়েছে। এবার প্রকাশ হওয়াই ভাল। তুমি যদি কিছু জেনে থাক তো বলে ফেলো, কালীনাথ।’

‘সেটা বোধহয় ওঁর পক্ষে সহজে নয়, মিঃ চৌধুরী’, বলল ফেলুদা, ‘কারণ তদন্তে চোর ধরা পড়লে যে ওঁরও বিপদ হত। এই একটা বছর যে উনি চোরকে নিংড়ে শেষ করেছেন !’

‘ব্ল্যাকমেল !’

‘ব্ল্যাকমেল, শক্তরবাবু। সেটা উনিও স্বীকার করবেন না, চোরও স্বীকার করবেন না। অবিশ্য চোরের যে দোসর আছে সেটা সন্তুত কালীনাথবাবু জানতেন না, উনি একজনকেই লক্ষ্য করেছিলেন। কিন্তু আমার ধারণা এই অনবরত ব্ল্যাকমেলিং-এর ঠেলায় দ্বিতীয় চুরিটার প্রয়োজন হয়ে পড়েছিল। আর তাই—’

‘ভুল ! ভুল !’ তারস্বরে চেঁচিয়ে উঠলেন জয়স্তবাবু। ‘সিন্দুক থেকে যা নেবার তা আগেই

নেওয়া হয়ে গেছে। বনোয়ারিলালের আর একটি জিনিসও তাতে নেই! সিন্দুক খালি!

‘তার মানে আমার বাকি অভিযোগ সবই সত্যিই?’

‘কিন্তু..কাল রাত্তিরে কুকীটিটা কে করেছে সেটা বলছেন না কেন?’

‘সেটাও বলছি, কিন্তু তার আগে আপনার স্পষ্ট স্বীকারোক্তিটা চাই। আপনি বলুন জয়স্তবাবু—ডাঃ সরকার আর আপনি মিলে গতবছর বারোটার মধ্যে থেকে একটি স্বর্ণমুদ্রা সরিয়েছিলেন কি না।’

জয়স্তবাবুর মাথা হেঁট হয়ে গেছে; ডাঃ সরকার দুহাতে রং টিপে বসে আছেন।

‘আমি স্বীকার করছি’ বললেন জয়স্তবাবু। ফেলুদা পকেট থেকে টেপ রেকর্ডারটা বার করে ঢালু করে আমার হাতে দিয়ে দিল।

‘আমি দাদার কাছে ক্ষমা চাইছি। সে স্বর্ণমুদ্রা ডাঃ সরকারের কাছেই আছে, সেটা ফেরত দেওয়া হবে। আমাদের দুজনেরই অর্থভাব হয়েছিল। একটার জায়গায় বারোটার পুরো সেটটা বিক্রি করলে প্রায় একশো গুণ বেশি দাম পাওয়া যাচ্ছিল, তাই...’

‘তাই বাকি এগারোটা নেবার কথা ভাবছিলেন।’

‘স্বীকার করছি, কিন্তু চোর আরও আছে, মিঃ মিত্র। যে লোক ঝ্যাকমেল করতে পারে—’

‘—সে লোক চুরি করতে পারে’ বলল ফেলুদা। ‘কিন্তু তিনি চুরি করেননি।’

‘তা হলে?’ প্রশ্ন করলেন শক্তরবাবু।

‘ওগুলো সরিয়েছেন প্রদোষ মিত্র।’

ফেলুদা ঘর থেকে বাকি মাল এনে টেবিলের উপর রাখল। সকলের মুখ হাঁ হয়ে গেছে।

‘এই হল বনোয়ারিলালের বাকি সম্পত্তি, বলল ফেলুদা, ‘মেরেতে চাবি না পেয়ে, এবং রক্তের বদলে হিমোগ্লোবিন দেখে মনে ঘোর সন্দেহ উপস্থিতি হয়। তাই যখন আপনাকে ধরাধরি করে নীচে নিয়ে যাচ্ছিলাম, তখন বাধ্য হয়েই আমাকে পিকপকেটের ভূমিকা অবলম্বন করতে হয়েছিল। তাগ্য ভাল যে চাবিটা ছিল আপনার প্যান্টের ডান পকেটে। বাঁ পকেটে থাকলে পেতাম না। আপনাকে নিয়ে যাবার পর বৈঠকখানায় এসে বসি। তখনই এক ফাঁকে বেরিয়ে গিয়ে আমি সিন্দুক খুলে জিনিসগুলো বার করে আমার ঘরে রেখে দিই। আমি জানতাম যে বিপদের আশঙ্কা আছে।—এই নিন আপনার চাবি, মিঃ চৌধুরী। এরপর কী করা হবে সেটা আপনিই স্থির করুন; আমার কাজ এখানেই শেষ।’

ফেরার পথে লালমোহনবাবুর মুখে আর একটা আবৃত্তি শুনতে হল। এটাও বৈকুঠ মল্লিকের লেখা। নাম হল ‘জিনিয়াস’—

‘অবাক প্রতিভা কিছু জন্মেছে এ ভবে
এদের মগজে কী যে ছিল তা কে কবে ?
দ্য ভিডিং আইনস্টাইন খনা লীলাবতী
সবাবেই স্মরি আমি, সবাবে প্রণতি।’



এবার কাণ্ড কেদারনাথে

১

‘কী ভাবছেন, ফেলুবাবু ?’

প্রশ্নটা করলেন রহস্য-রোমাঞ্চ উপন্যাসিক লালমোহন গাঙ্গুলী ওরফে জটায়। আমরা তিনজনে রবিবারের সকালে আমাদের বালিগঞ্জের বৈঠকখানায় বসে আছি, লালমোহনবাবু যথাযীতি তার গড়পারের বাড়ি থেকে চলে এসেছেন গল্পগুজবের জন্য। কিছুক্ষণ হল এক পশলা বৃষ্টি হয়ে গেছে, কিন্তু এখন গন্ধমনে রোদ। রবিবার লোডশোডিং নেই বলে আমাদের পাখাটা খুব দাপটের সঙ্গে ঘুরছে।

ফেলুদা বলল, ‘ভাবছি আপনার সদ্যপ্রকাশিত উপন্যাসটার কথা।’

পয়লা বৈশাখ জটায়ুর ‘অতলাস্তিক আতঙ্ক’ বেরিয়েছে, আর আজ পাঁচই বৈশাখের মধ্যেই নাকি সাড়ে চার হাজার কপি বিক্রি হয়ে গেছে।

লালমোহনবাবু বললেন, ‘ও বইতে যে আপনার মতো লোকের ভাবনার খোরাক ছিল, তা তো জানতুম না মশাই।’

‘ঠিক সে রকম ভাবনা নয়।’

‘তবে ?’

‘ভাবছিলাম আপনার গল্প যতই গাঁজাখুরি হোক না কেন, শ্রেফ মশলা আর পরিপাকের জোরে শুধু যে উতরে যায় তা নয়, রীতিমতো উপাদেয় হয়।’

লালমোহনবাবু গদগদ ভাব করে কিছু বলার আগেই ফেলুদা বলল, ‘তাই ভাবছিলাম আপনার পূর্বপুরুষদের মধ্যে কোনও গল্প লিখিয়ে-টিখিয়ে ছিলেন কি না।’

সত্যি বলতে কী, আমরা লালমোহনবাবুর পূর্বপুরুষদের সম্বন্ধে প্রায় কিছুই জানি না। উনি বিয়ে করেননি এবং ওঁর বাপ-মা আগেই মারা গেছেন সেটা জানি, কিন্তু তার বেশি উনিও বলেননি, আর আমরাও কিছু জিজ্ঞেস করিনি।

লালমোহনবাবু বললেন, ‘পাঁচ-সাত পুরুষ আগের কথা তো আর বিশেষ জানা যায় না, তাঁদের মধ্যে হয়তো কোনও কথক ঠাকুর-টাকুর থেকে থাকতে পারেন। তবে গত দু-তিন জেনারেশনের মধ্যে ছিল না সেটা বলতে পারি।’

‘আপনার বাবার আর ভাই ছিল না ?’

‘থি রাদার্স। উনি ছিলেন মিডল। জ্যাঠা মোহিনীমোহন হোমিওপ্যাথিক ডাক্তার ছিলেন। ছেলেবেলায় আরনিকা রাস্টকস বেলাডোনা পালসেটিলা যে কত খেয়েছি তার ইয়ত্তা নেই। গ্রেট গ্র্যান্ডফাদার ললিতমোহন ছিলেন পেপার মার্চেন্ট। এল এম গাঙ্গুলী অ্যান্ড সন্সের দোকান এই সেদিন অবধি ছিল। ভাল ব্যবসা ছিল। গড়পারের বাড়িটা এল-এমই তৈরি করেন। ঠাকুরদাদা, বাবা দুজনেই ব্যবসায় যোগ দেন। বাবা যদিন বেঁচে ছিলেন তদিন ব্যবসা চালান। ফিফটি-টু-তে চলে গেলেন। তার পর যা হয় আর কী। এল এম গাঙ্গুলী অ্যান্ড সন্স-এর নামটা ব্যবহার হয়েছিল কিছু দিন, কিন্তু মালিক বদল হয়ে গেছিল।’

‘আপনার ছোটকাকা ? তিনি ব্যবসায় যোগ দেননি ?’

‘নো স্যার। ছেটকাকা দুর্গামোহনকে দেখি আমার জগ্নের অনেক পরে। আমার জগ্ন থার্টি সিঙ্গে। দুর্গামোহন টোয়েন্টি নাইনে সন্ত্রাসবাদীদের দলে যোগ দিয়ে খুলনার অ্যাসিস্ট্যান্ট কমিশনার টার্নবুল সাহেবকে গুলি মেরে তাঁর থুতনি উড়িয়ে দেন।’

‘তার পর?’

‘তারপর হাওয়া। বেপাস্ত। পুলিশ ধরতে পারেনি ছেটকাকাকে। আমরা ধারণা আমার অ্যাডভেঞ্চার শ্রীতিটা ছেটকাকার কাছ থেকেই পাওয়া।’

‘উনি আর আসেননি?’

‘এছেছিলেন। একবার। স্বাধীনতার পর ফর্টি নাইনে। তখন আমি থার্ড ফ্লাসে পড়ি। সেই প্রথম আর সেই শেষ দেখা ছেটকাকার সঙ্গে। তবে যাঁকে দেখলাম, তিনি সেই অগ্নিযুগের ছেটকাকা দুর্গামোহন গাঙ্গুলী নন। কমপ্লিট চেঞ্জ। কোথায় সন্ত্রাস, কোথায় পিস্তল। একেবারে নিরাহ, সাহিক পুরুষ। মাসখানেক ছিলেন, তার পর আবার চলে যান।’

‘কোথায়?’

‘যদূর মনে পড়ে কোনও জঙ্গলে কাঠের ব্যবসা করতে যান।’

‘বিয়ে করেননি?’

‘নাঃ।’

‘কিন্তু আপনার আপন বা জ্যাঠতৃতো ভাইবোন আছে নিশ্চয়ই।’

‘আপন বোন একটি আছেন, দিদি। স্বামী রেলওয়েতে চাকরি করেন; ধানবাদে পোস্টেড। জ্যাঠার ছেলে নেই, তিন মেয়ে, তিনজনের স্বামীই ভারতবর্ষের বিভিন্ন অঞ্চলে ছড়িয়ে ছিটিয়ে আছেন। বিজয়া দশমিতে একটি করে পোস্টকার্ড—ব্যস্। আসলে রক্তের সম্পর্কটা কিছুই নয়, ফেলুবাবু। এই যে আপনার আর তপেশের সঙ্গে আমার ইয়ে, তার সঙ্গে কি ব্লাড রিলেশনের কোনও—?’

লালমোহনবাবুর কথা থামাতে হল, কারণ দরজায় টোকা পড়েছে। এটা যাকে বলে প্রত্যাশিত, কারণ টেলিফোনে অ্যাপেয়েন্টমেন্ট করা ছিল। সাড়ে ন'টাৰ জন্য, এখন বেজেছে ন'টা তেক্রিশ।

তদ্বলোকের নাম্টা জানা ছিল টেলিফোনে—উমাশক্তির পুরী—এবার চেহারাটা দেখা গেল। মাঝারি হাইট, দেহারা গড়ন, পরনে ঘি রঙের হ্যান্ডলুমের সুট। দাঢ়ি-গৌঁফ কামানো। মাথার চুল কাঁচা-পাকা মেশানো, ডান দিকে সিঁথি। এই শেষের ব্যাপারটা দেখলেই কেন যেন আমার অসোয়াস্তি হয়; মনে হয় মুখটা যেন আয়নায় দেখছি। পুরুষদের মধ্যে শতকরা একজনের বেশি ডান দিকে সিঁথি করে কিনা সন্দেহ, যদিও কারণটা জিজ্ঞেস করলে বলতে পারব না।

‘আপনাকে খুব তাড়াতড়ো করে চলে আসতে হয়েছে বলে মনে হচ্ছে?’ ফেলুদা মন্তব্য করল আলাপ পর্বের পর তদ্বলোক চেয়ারে বসতেই।

‘হ্যাঁ, তা—’ উমাশক্তিরের ভুক্ত কপালে উঠে গেল—‘কিন্তু সেটা আপনি জানলেন কী করে?’

‘আপনার বাঁ হাতের সব নখই পরিকার করে ক্লিপ দিয়ে কাটা, তার একটি নখ এখনও কোটের পকেটের ধারে লেগে আছে, অথচ ডান হাতে দুটো নখের পরে আর বাকিগুলো...’

‘আর বলবেন না!’ বললেন মিঃ পুরী, ‘ঠিক সেই সময় একটা ট্রাঙ্ক কল এসে গেল; কথা শেষ হতে দেখি, আপনার সঙ্গে অ্যাপেয়েন্টমেন্টের সময় হয়ে গেছে।’

‘যাক গে—এবার বলুন আপনাকে কীভাবে সাহায্য করতে পারি।’



মিঃ পুরী গভীর হয়ে নিজেকে সংযত করে নিলেন। তার পর বললেন, ‘মিঃ মিটার, আমি থাকি ভারতবর্ষের আরেক প্রাণে। আপনার নাম আমি শুনেছি ভগওয়ানগড়ের রাজার কাছে থেকে। শুধু নাম নয়, প্রশংসা। তাই আমি আপনার কাছে এসেছি।’

‘আমি তাতে গর্ব বোধ করছি।’

‘এখন কথা হচ্ছে কি—’ মিঃ পুরী থামলেন। তাঁর মধ্যে একটা ইতস্তত ভাব লক্ষ করছিলাম। তিনি আবার বললেন, ‘ব্যাপারটা হচ্ছে কি—একটা দুর্ঘটনা ঘটতে পারে ; সেইটে যাতে না ঘটে তাই আমি আপনার সাহায্য চাইছি। সেটা পাওয়া যাবে কি ?’

ফেলুদা বলল, ‘আপনি কী ঘটনা বা দুর্ঘটনার কথা বলছেন, সেটা না জানা পর্যন্ত আমি মতামত দিতে পারছি না।’

শ্রীনাথ এই সময় চা-চানাচুর-বিস্কুট এনে রাখাতে কথায় একটু বিরতি পড়ল। তারপর মিঃ পুরী একটা বিস্কুট তুলে নিয়ে বললেন, ‘আপনি কাপনারায়ণগড় স্টেটের নাম শুনেছেন ?’

‘নামটা চেনা-চেনা লাগছে, বলল ফেলুদা, ‘উত্তরপ্রদেশে কি ?’

‘ঠিকই বলেছেন,’ বললেন মিঃ পুরী। ‘আলিগড় থেকে ৯০ কিলোমিটার পশ্চিমে। আমি যখনকার কথা বলতে যাচ্ছি সেটা আজ থেকে ত্রিশ বছর আগে। তখন রাজা ছিলেন চন্দ্রদেও সিং। আমি ছিলাম এস্টেটের ম্যানেজার। ভারত স্বাধীন হয়ে গেলেও তখনও এসব নেটিভ স্টেটের উপর তত চাপ পড়েনি ; রাজারা বাজাই ছিলেন। চন্দ্রদেও-এর বছর চুয়ান বয়স, কিন্তু তখনও সিংহের মতো চেহারা। শিকার করেন, টেনিস খেলেন, পোলো খেলেন, প্রোচ্ছের কোনও লক্ষণ নেই। একটি ব্যারাম তাঁকে মাঝে মাঝে বিরত করত, কিন্তু সেটা যে হঠাত এমন আকার ধারণ করবে, সেটা কেউ স্বপ্নেও ভাবেনি। হাঁপানি। সে যে কী হাঁপানি সে আমি আপনাকে বলে বোঝাতে পারব না। একটা জলজ্যান্ত জোয়ান

‘মানুষকে ছ’ মাসের মধ্যে কক্ষালে পরিণত হতে এই প্রথম দেখলাম। কোনও ওয়ুধে কোনও কাজ দিল না। হয়তো দু দিন দেয়, আবার যেই কে সেই।

‘সেই সময় খবর এল, হরিদ্বারে নাকি এক ভদ্রলোক থাকেন, নাম ত্বানী উপাধ্যায়, তিনি নাকি হাঁপানির অব্যর্থ ওযুধ জানেন। বহু ঙুগি তাঁর ওযুধে সম্পূর্ণ আরোগ্যলাভ করেছে।

‘আমি নিজেই চলে গেলাম হরিদ্বার। ঠিকানা জানা ছিল না ভদ্রলোকের, কিন্তু খোঁজ পেতে অসুবিধা হল না, কারণ ওঁকে অনেকেই চেনে। সাদাসিধা মানুষ, ছেট একটা বাড়িতে থাকেন, আমাকে যথেষ্ট খাতির করে তাঁর তক্ষপোশে বসালেন। তার পর সব শুনেচুনে বললেন, ‘আমি যাব আপনার সঙ্গে, রাজাকে ওযুধ দেব; সারবার হলে দশ দিনের মধ্যে সারবে, না হলে নয়। সেই দশ দিন আমি ওখানে থাকব। ওযুধে কাজ না দিলে আমি কোনও পয়সা নেব না।

‘বললে বিশ্বাস করবেন না মিঃ মিটার, দশ দিন নয়, সাত দিন নয়, তিনি দিনের মধ্যে রাজার হাঁপানি উধাও। এমন যে ঘটতে পারে সেটা না দেখলে বিশ্বাস করা যায় না। উপাধ্যায় বললেন তাঁর ওযুধের দাম পঞ্চাশ টাকা। রাজাকে বলতে তিনি তো কথাটা কানেই তুললেন না। বললেন, ‘আমি মরতে বসেছিলাম, উনি এসে আমাকে নতুন জীবন দান করলেন, আর তার দাম হল কিনা পঞ্চাশ টাকা ?

‘এখানে বলে রাখি যে রাজা চন্দ্রদেও মানুষটা একটু খামখেয়ালি ছিলেন। তা ছাড়া তাঁর শোক, তাঁর আনন্দ, তাঁর ক্রোধ, তাঁর দয়া-দাক্ষিণ্য—সবই সাধারণ মানুষের চেয়ে মাত্রায় অনেকটা বেশি ছিল। পঞ্চাশ টাকার বদলে উনি উপাধ্যায়কে যেটা দিলেন, সেটা একটা মণিমুক্তাখচিত সোনার বালগোপাল। জিনিসটা আসলে একটা পেনডেন্ট বা লকেট—লম্বায় ইঞ্চি তিনেক। তখনকার দিনে সেটার দাম পাঁচ-সাত লাখ টাকা।’

একটু ফাঁক পেয়ে ফেলুন্দা প্রশ্ন করল, ‘উপাধ্যায় নিলেন সেই লকেট ?’

‘সেই কথাই তো বলছি, বললেন উমাশক্তির পুরী। উপাধ্যায় বললেন, ‘আমি সাদাসিধে মানুষ, আমাকে এমন বিপাকে ফেলছেন কেন ? এত দামি একটা জিনিস আমার কাছে থাকবে, সেটা লোকে আমার বলে বিশ্বাস করবে কেন ? সবাই ভাববে আমি চুরি করেছি।’

রাজা বললেন—‘কারুর তো জানার দরকার নেই। আমরা তো আর খবরটা ঢাক পিটিয়ে জাহির করতে যাচ্ছি না। আর নেহাতই যদি কেউ জেনে ফেলে, তার জন্য আমি আমার নিজের সিলমোহর দিয়ে নিখে দিচ্ছি যে, এটা আমি তোমাকে পারিতোষিক হিসেবে দিলাম। এর পরে তো আর কারুর কিন্তু বলার নেই।

‘উপাধ্যায় বলল, ‘আপনি, রাজা, এবং উপাধ্যায়—এই তিনজন ছাড়া আর কেউ কি ঘটনাটা জানত ?’

‘আমি সত্যি কথা বলব’, বললেন উমাশক্তির পুরী, ‘রাজা নিজে যদি খেয়ালবশে কাউকে বলে থাকেন তো সে আমি জানি না; ব্যাপারটা জানত রাজা, রানি এবং দুই রাজকুমার—সুরয ও পবন। বড় কুমার সুরয অতি চমৎকার ছেলে, রাজপরিবারে এমন দেখা যায় না। তার বয়স তখন বাইশ-তেইশ। ছেট কুমারের বয়স পনেরো। এ ছাড়া জানতাম আমি, আমার স্ত্রী আর আমার ছেলে দেবীশক্তির—তার বয়স তখন পাঁচ কি ছয়। ব্যস, আর কেউ না। আর এটাও আপনি খেয়াল করে দেখুন মিঃ মিটার—এ খবর কিন্তু গত ত্রিশ বছরে কোনও কাগজে বেরোয়নি। আপনি তো সাংবাদিকদের জানেন; তারা এর গন্ধ পেলে কি ছেড়ে দিত ?’

‘সে কথা ঠিক’ , বলল ফেলুদা , ‘ব্যাপারটার গোপনীয়তা রক্ষিত হয়েছে তাতে কোনও সন্দেহ নেই ।’

‘যাই হোক , এবার আমি এগিয়ে আসছি বর্তমানের দিকে । রাজা চন্দ্রদেও সিং বেঁচেছিলেন আর বছর বারো । তার পর সূর্যদেও রাজা হলেন । রাজা মানে , তখন তো আর রাজা কথাটা ব্যবহার করা চলে না ; বলতে পারেন উনিই হলেন কর্তা ।’

‘আপনি তখনও ম্যানেজার ?’

‘আজ্ঞে হ্যাঁ ; এবং আমি প্রাণপণে চেষ্টা করছি যাতে ব্যবসা ইত্যাদির সাহায্যে রূপনারায়ণগড়ের ভবিষ্যৎকে আরও মজবুত করা যায় । কিন্তু মুশকিল হয়েছে কী, সূর্যদেও-এর এসব দিকে কোনও উৎসাহ নেই । তার নেশা হচ্ছে বই । সে দিনের মধ্যে ঘোলো ঘণ্টা তার লাইব্রেরিতে পড়ে থাকে । সেখানে আমার একাব চেষ্টায় আমি কী করতে পারি ? ফলে আর্থিক দিক দিয়ে স্টেটের অবস্থা ক্রমেই খারাপ হয়ে আসতে থাকে ।’

‘আপনার নিজের ছেলেও তো তত দিনে বড় হয়েছে ?’

‘হ্যাঁ । দেবীকে অবশ্য আমি আগেই আলিগড়ে স্কুলে পাঠিয়ে দিই । সে আর রূপনারায়ণগড়ে ফেরেনি । দিল্লী গিয়ে নিজেই ব্যবসা শুরু করেছে ।’

‘আপনার কি ওই একই ছেলে ?’

‘আজ্ঞে হ্যাঁ । যাই হোক , আমার নিজের অনেকবার মনে হয়েছে যে ম্যানেজারি ছেড়ে দিয়ে আমার নিজের দেশ মোরাদাবাদে গিয়ে একটা কিছু করি, কিন্তু মায়া কাটাতে পারছিলাম না ।’

মিঃ পুরী এবার পকেট থেকে একটা চুরুট বার করে ধরিয়ে নিয়ে বললেন , ‘এবার আমি আসল ঘটনায় আসছি ; আপনার ধৈর্যচূড়ি হয়ে থাকলে আমায় মাপ করবেন ।’

‘সাত দিন আগে, অর্থাৎ উনত্রিশে এপ্রিল , শনিবার রূপনারায়ণগড়ের ছোটকুমার পবনদেও সিং হঠাৎ আমার কাছে এসে হাজির হন । তার প্রথম কথাই হল, “আমার বাবার হাঁপানি যিনি সারিয়েছিলেন, তাঁর নাম ও তাঁর হরিদ্বারের ঠিকানাটা আমার চাই ।”

‘স্বত্বাবতই আমি প্রথমে জিজ্ঞেস করলাম, কাহুর কোনও অসুখ করেছে কি না । পবন বলল, না, তা নয় ; সে একটা টেলিভিশনের ছবি করছে, তার জন্য তার এই ভদ্রলোককে দরকার ।

‘পবন যে ক্যামেরা নিয়ে ঘাঁটাঘাঁটি করে সেটা আমি জানতাম, কিন্তু সে যে টেলিভিশন নিয়ে মেতে উঠেছে, সে খবর জানতাম না । আমি বললাম, “তুমি কি তোমার ছবিতে সে ভদ্রলোককে দেখাতে চাও ?” সে বললে, “অবশ্যই । শুধু তাই না । বাবা তাকে যে লকেটা দিয়েছিলেন সেটাও দেখাব । একটা অসুখ সারিয়ে এ রকম বকশিস আর কেউ কোথাও পেয়েছে বলে আমার মনে হয় না ।”

‘তখন আমার পবনকে বলতেই হল যে, উপাধ্যায় তাঁর এই পারিতোষিকের ব্যাপারটা একেবারেই প্রচার করতে চাননি । পবন বলল, “ত্রিশ বছর আগে একটা লোক যে কথা বলেছে, আজও যে সে তাই বলবে এমন কোনও কথা নেই । সমস্ত পৃথিবীর কাছে নানা রকম তথ্য পরিবেশন করা টেলিভিশনের একটা প্রধান কাজ । আপনি আমাকে নাম ঠিকানা দিন । ওঁকে রাজি করাবার ভার আমার ।”

‘কী আর করি ; বাধ্য হয়ে উপাধ্যায়ের নাম ঠিকানা দিয়ে দিলাম ; সে ধন্যবাদ দিয়ে চলে গেল ।’

‘উপাধ্যায়ের বয়স এখন আন্দাজ কত হবে ?’ ফেলুদা জিজ্ঞেস করল ।

‘তা সত্ত্ব-বাহাতৰ তো হবেই । রূপনারায়ণগড়ে যখন এসেছিল, তখন তার যৌবন

পেরিয়ে গেছে।’

ফেলুদা উমাশক্তির দিকে কিছুক্ষণ তীক্ষ্ণ দৃষ্টিতে চেয়ে থেকে বলল, ‘আপনি কি শুধু এই ব্যাপারটার গোপনীয়তা রক্ষা হবে না বলেই চিন্তিত হচ্ছেন?’

মিঃ পুরী মাথা নাড়লেন।

‘না মিঃ মিটার। আপনি ঠিকই আন্দাজ করেছেন। শুধু যদি তাই হত, তা হলে আমি আপনার কাছে আস্তাম না। আমার ভয় হচ্ছে ওই লকেটটাকে নিয়ে। পবনের নতুন শখ হয়েছে টেলিভিশনের ছবি তোলার। আপনি নিশ্চয় জানেন যে কাজটা খরচসাপেক্ষ। পবনের নিজের কোনও অর্থ সংগ্রহের রাস্তা আছে কিনা জানি না, কিন্তু এটা জানি যে ওই একটি লকেট ওর সমস্ত অর্থসমস্যা দূর করে দিতে পারে।’

‘কিন্তু ওই লকেটটি হাত করতে হলে তো তাকে অসদুপায় অবলম্বন করতে হতে পারে।’

‘তা তো বটেই।’

‘পৰন্দেও ছেলে কেমন?’

‘সে বাপের কিছু দোষ-গুণ দুটোই পেয়েছে। পবনের মধ্যেও একটা বেপরোয়া দিক আছে। ভাল খেলোয়াড়। ছবি ভাল তোলে। আবার জুয়ার নেশাও আছে। অথচ তার দুরাজ মনের পরিচয় পেয়েছি। ওকে চেনা ভারী শক্ত। যেমন ছিল ওর বাপকে।’

‘তা হলে আপনি আমার কাছে কী চাইছেন?’

‘আমি চাইছি, আপনি দেখুন যাতে এই অসদুপায়টি অবলম্বন না করা হয়।’

‘পৰন্দেও কি হরিদ্বার যাচ্ছেন?’

‘আজ্ঞে হ্যাঁ, তবে তাঁর যেতে একটু দেরি হবে—অস্তত পাঁচ-সাত দিন, কারণ এখন উনি প্যালেসের ছবি তুলছেন।’

‘আমাদেরও যেতে গেলে সময় লাগবে, কারণ তার আগে তো ট্রেনে বুকিং পাওয়া যাবে না।’

‘তা বটে।’

‘কিন্তু ধূরন যদি আমি কেসটা নিই, আমি আপনাদের ছোট কুমারকে চিনছি কী করে?’

‘সে ব্যবহাও আমি করে এনেছি। দিল্লির একটি সাম্প্রাহিক কাগজে কুমারের এই রঙিন ছবিটা বেরিয়েছিল গত মাসে। একটা বিলিয়ার্ড চ্যাম্পিয়নশিপে জিতেছিল। এটা আপনি রাখুন। আর ইয়ে, আপনাকে আগাম কিছু...?’

‘আমি হাজার টাকা অ্যাডভাস নিই, বলল ফেলুদা।’ ‘কেস সফল না হলেও সেটা ফেরত দিই না, কারণ সফল না হওয়াটা অনেক সময় গোয়েন্দার অঙ্গমতার উপর নির্ভর করে না। সফল হলে আমি আরও এক হাজার টাকা নিই।’

‘বেশ। আপনাকে এখনই কিছু বলতে হবে না। আমি পার্ক হোটেলে আছি। আপনি কী স্থির করেন, বিকেল চারটে নাগাত ফোন করে জানিয়ে দেবেন। হ্যাঁ হলে আমি নিজে এসে আপনাকে আগাম টাকা দিয়ে যাব।’

ফেলুদা যে কেসটা নেবে, সেটা আমি আগে থেকেই জানতাম। আজকাল আমরা মক্কলের কথাবার্তা হংকং থেকে কেনা একটা মাইক্রোক্যাস্ট রেকর্ডারে তুলে রাখি। মিঃ পুরীর বেলাতে ওঁর অনুমতি নিয়ে তাই করেছিলাম। ফেলুদা দুপুরে সেই সব কথাবার্তা প্লে ব্যাক করে খুব মন দিয়ে শুনে বলল, ‘কেসটা নেবার সপক্ষে দুটো যুক্তি রয়েছে; একটা হল এর

অভিনবত্ব, আর দুই হল—গোয়েন্দাগিরির প্রথম ঘুগে দেখা হরিদ্বার-হ্যামিকেশটা আর একবার দেখাব লোভ।'

বাদশাহী আংটির ক্লাইম্যাক্স-টা যে হরিদ্বারেই শুরু হয়েছিল, সেটা আমিও কোনও দিন ভুলব না।

পার্ক হোটেলে টেলিফোন করে কেসটা নিচ্ছে বলে ফেলুদা মিঃ পুরীকে জানিয়ে দিয়েছিল। আর মিঃ পুরীও আধ ঘণ্টার মধ্যে এসে আগাম টাকা দিয়ে গিয়েছিলেন। প্রায় সঙ্গে সঙ্গেই পৃষ্ঠক ট্রাভেলসে ফোন করে ফেলুদা ডুন এক্সপ্রেসে আমাদের বুকিং-এর জন্য জানিয়ে দিয়েছিল। হঠাৎ দু দিন পরে এক অস্তুত ব্যাপার। রূপনারায়ণগড় থেকে মিঃ পুরীর এক টেলিগ্রাম এসে হাজির—

‘রিকোয়েস্ট ড্রপ কেস। লেটার ফলোজ।’

ড্রপ কেস! এ তো তাজব ব্যাপার! এমন তো আমাদের অভিজ্ঞতায় কখনও হয়নি।

মিঃ পুরীর চিঠিও এসে গেল দু দিন পরে। মোদা কথা হচ্ছে—ছোটকুমার মত পালটেছে। সে হরিদ্বার-হ্যামিকেশ গিয়ে ছবি তুলবে, তাতে উপাধ্যায় থাকবেন, কিন্তু তাতে শুধু দেখানো হবে তিনি কীভাবে নিজের তৈরি ওষুধ দিয়ে স্থানীয় লোকের চিকিৎসা করেন। রূপনারায়ণগড়ের রাজার চিকিৎসাও যে উপাধ্যায় করেছিলেন, সেটা ছবিতে বলা হবে, কিন্তু মহামূল্য পারিতোষিকের কথটা বলা হবে না।

ফেলুদা টেলিগ্রামে উত্তর দিল—‘ড্রপিং কেস, বাট গোইং অ্যাজ পিলগ্রিমস।’ অর্থাৎ কেস বাতিল করছি, কিন্তু তীর্থযাত্রী হিসেবে যাচ্ছি।

আমি জানি, ফেলুদা ও কথা লিখলেও ও নিজের গরজেই চোখ-কান খোলা রাখবে, আর তদন্তের কোনও কারণ দেখলে তদন্ত করবে। সত্যি বলতে কী, ভবানী উপাধ্যায় আর ছোটকুমার পবনদেও সিং—এই দুটি লোককেই আমার খুব ইন্টারেস্টিং বলে মনে হচ্ছিল।

আমরা তিনজন এখন ডুন এক্সপ্রেসের একটা শ্রি টিয়ার কম্পার্টমেন্টে বসে আছি। ফৈজাবাদ স্টেশনে মিনিট দু-এক হল গাড়ি থেমেছে, আমরা ভাঁড়ের চা কিনে থাচ্ছি।

‘আপনি যে বলছিলেন হরিদ্বার গেসলেন, সেটা কবে?’ ফেলুদা তার সামনের সিটে বসা লালমোহনবাবুকে জিজ্ঞেস করল।

‘আমার ঠাকুরদা একবার সপরিবারে তীর্থমণে যান’, বললেন লালমোহনবাবু, ‘ইনকুড়িং হরিদ্বার। তখন আমার বয়সে দেড় ; কাজেই নো মেমারি।’

এবার অন্য দিক থেকে একটা প্রশ্ন এল।

‘আপনারা কি শুধু হরিদ্বারই যাচ্ছেন, না ওখান থেকে এ দিকে ও দিকেও ঘুরবেন?’

এ-প্রশ্ন করলেন লালমোহনবাবুর পাশে বসা এক বৃক্ষ। মাথায় সামান্য চুল যা আছে তা সবই পাকা, কিন্তু চামড়া টান, দাঁত সব ওরিজিন্যাল, আর চোখের দুপাশে যে খাঁজগুলো রয়েছে, সেগুলো যেন হাসবার জন্য তৈরিই হয়ে আছে।

‘হরিদ্বারে একটু কাজ ছিল’, বলল ফেলুদা। ‘সেটা হয়ে গেলে পর...দেখা যাক—’

‘কী বলছেন মশাই!’ বৃক্ষের চোখ কপালে উঠে গেছে—‘অ্যাদুর এসে কেদার-বদ্বীটা দেখে যাবেন না? বদ্বীনাথ তো সোজা বাসে করেই যাওয়া যায়। কেদারের শেষের ক'টা মাইল অবিশ্য এখনও বাস-রুট হয়নি। তবে এও ঠিক যে কেদারের কাছে বদ্বী কিছুই নয়। যদি পারেন তো একবার কেদারটা ঘুরে আসবেন। শেষের হাঁটা পথটুকু আর—’ ফেলুদা আর আমার দিকে তাকিয়ে—‘আপনাদের বয়সে কী! আর—’ লালমোহনবাবুর দিকে তাকিয়ে—‘এনার জন্য তো ডাঙি আর টাটু ঘোড়াই আছে। টাটু ঘোড়ায় চড়েছেন

কখনও ?'

শেষের প্রশ্নটা অবিশ্যি লালমোহনবাবুকেই করা হল। লালমোহনবাবু হাতের ভাঁড়টায় একটা শেষ চুমুক দিয়ে জানালা দিয়ে বাইরে ফেলে দিয়ে গভীরভাবে অন্য দিকে চেয়ে বললেন, ‘আজ্ঞে না, তবে থর ডেজাটে একবার উটের পিঠে চড়ে দৌড়ের অভিজ্ঞতা হয়েছে। সেটা আপনার হয়েছে কি ?’

বৃদ্ধ মাথা নাড়লেন।—‘তা হয়নি। আমার চরবার ক্ষেত্র হল হিমালয়ের এই বিশেষ অংশ। তেইশবার এসেছি কেদার-বদ্বী। ভঙ্গি-টঙ্গি আমার যে তেমন আছে তা নয়, তবে এখানকার প্রাকৃতিক দৃশ্য থেকেই আমি সব আধ্যাত্মিক শক্তি আহরণ করি। কোনও বিগ্রহের দরকার হয় না।’

ভদ্রলোকের নাম পরে জেনেছিলাম মাখনলাল মজুমদার। শুধু কেদার-বদ্বী নয়, যমুনোত্তী, গঙ্গোত্তী, গোমুখ, পঞ্চকেদার, বাসুকিতাল—এ সবও এঁর দেখা আছে। নেহাত একটা সংসার আছে না হলে হিমালয়েই থেকে যেতেন। অবিশ্যি এটাও বললেন যে, আজকের বাস-ট্যাঙ্কিতে করে যাওয়া আর আগেকার দিনের পায়ে হঁটে যাওয়া এক জিনিস নয়। বললেন, ‘আজকাল তো আর কেউ পিলগ্রিম নয়, সব পিকনিকারস। তবে হাঁ, গাড়ির রাস্তা তৈরি করে তো আর হিমালয়ের দৃশ্য পালটানো যায় না। নয়নভিরাম বলতে যা বোঝায়, সে রকম দৃশ্য এখনও অফুরন্ত আছে।’

ভোর ছাঁটায় ঢুন এক্সপ্রেস পৌঁছাল হরিদ্বার।

সেই বাদশাহী আংটির সময় যেমন দেখেছিলাম, পাঞ্চার উপদ্রবটা যেন তার চেয়ে একটু কম বলে মনে হল। স্টেশনেই একটা রেস্টোরাটে চা-বিস্কুট খেয়ে নিলাম। উপাধ্যায়ের নাম এখানে অনেকেই জানে আন্দজ করেই বোধহয় ফেলুদা রেস্টোরান্টের ম্যানেজারকে তাঁর হাদিস জিজ্ঞেস করল।

উন্নত শুনে বেশ ভালরকম একটা হোঁচট খেলাম।

ভবানী উপাধ্যায় তিন-চার মাস হল হরিদ্বার ছেড়ে রুদ্রপ্রয়াগ চলে গেছেন।

‘তাঁর বিষয়ে আরও খবর কে দিতে পারে, বলতে পারেন ?’ জিজ্ঞেস করল ফেলুদা। উন্নত এল—‘এখনকার খবর পেতে হলে রুদ্রপ্রয়াগ যেতে হবে, আর যদি আগেকার খবর চান তো কান্তিভাই পশ্চিতের কাছে যান। উনি ছিলেন উপাধ্যায়জীর বাড়িওয়ালা। তিনি সব খবর জানবেন।’

‘তিনিও কি লক্ষণ মহল্লাতেই থাকেন ?’

‘হাঁ হাঁ। পাশাপাশি বাড়িতে থাকতেন ওঁরা। সবাই ওঁকে চেনে ওখানে। জিজ্ঞেস করলেই বলে দেবে।’

আমরা আর সময় নষ্ট না করে বিল চুকিয়ে দিয়ে বেরিয়ে পড়লাম।

কান্তিভাই পশ্চিতের বয়স ষাট-পঁয়ষষ্ঠি, বেঁটেখাটো চোখাচাখা ফরসা চেহারা, খোঁচা খোঁচা গোঁফ, কপালে চন্দনের ফেঁটা আর চোখে বাইফোকাল চশমা। আমরা ভবানী উপাধ্যায়ের খোঁজ করছি জেনে উনি রীতিমতো অবাক হয়ে বললেন, ‘কী ব্যাপার বলুন তো ? আর একজন তো ওঁর খোঁজ করে গেলেন এই তিন-চার দিন আগে।’

‘তাঁর চেহারা মনে আছে আপনার ?’

‘তা আছে বইকী।’

‘দেখুন তো এই চেহারার সঙ্গে মেলে কিনা।’

ফেলুদা পকেট থেকে ছোটকুমার পরনদেও-এর ছবিটা বার করে দেখাল।

‘হাঁ হাঁ, এই তো সেই লোক’, বললেন কান্তিভাই পশ্চিত। ‘আমি রুদ্রপ্রয়াগের ঠিকানা

দিয়ে দিলাম তাঁকে ।’

‘সে ঠিকানা অবিশ্ব আমরাও চাই’, বলে ফেলুন তার একটা কার্ড বার করে দিল মিঃ পণ্ডিতের হাতে ।

কার্ডটা পাওয়ামাত্র মিঃ পণ্ডিতের হাবভাব একদম বদলে গেল । এতক্ষণ আমরা দাঁড়িয়ে কথা বলছিলাম, এবার আমাদের সকলকে চেয়ার, মোড়া আর তন্ত্রপোশে ভাগাভাগি করে বসতে দেওয়া হল ।

‘কেয়া, কুছ গড়বড় হয়া মিঃ মিত্র ?’

‘যত দূর জানি, এখনও হয়নি,’ বলল ফেলুনা । ‘তবে হবার একটা সম্ভাবনা আছে । এবার আমি আপনাকে একটা প্রশ্ন করতে চাই, মিঃ পণ্ডিত ; আপনি সঠিক উত্তর দিতে পারলে খুব উপকার হবে ।’

‘আই উইল ট্রাই মাই বেস্ট ।’

‘মিঃ উপাধ্যায়ের ব্যক্তিগত সংগ্রহে কি কোনও একটা মূল্যবান জিনিস ছিল ?’

মিঃ পণ্ডিত একটু হেসে বললেন, ‘এ প্রশ্নটাও আমাকে দ্বিতীয়বার করা হচ্ছে । আমি মিঃ সিংকে যা বলেছি, আপনাকেও তাই বলছি । মিঃ উপাধ্যায়ের একটা থলি উনি আমার সিন্দুকে রাখতে দিয়েছিলেন । কিন্তু তাতে যে কী ছিল, সেটা আমি কোনও দিন দেখিনি বা জিজ্ঞেসও করিনি ।’

‘সেটা উনি রুদ্রপ্রয়াগ নিয়ে গেছেন ?’

‘ইয়েস স্যার । অ্যান্ড অ্যানাদার থি—আপনি ডিটেকটিভ, তাই এ খবর আমি আপনাকে বলছি, আপনার হয়তো কাজে লাগতে পারে—পাঁচ-ছে মহিনে আগে দুজন লোক—তখনও মিঃ উপাধ্যায় ছিলেন এখানে—একজন সিঙ্গী কি মাড়োয়ারি হবে—হি লুকড এ রিচ ম্যান—অ্যান্ড অ্যানাদার ম্যান—দুজন উপাধ্যায়ের সঙ্গে দেখা করতে এসেছিল । অনেক কথা হচ্ছিল সেটা আমি বুবতে পারছিলাম । এক ঘটার উপর ছিল । তারা যাবার পর উপাধ্যায় একটা কথা আমাকে বলে—পণ্ডিতজী, আজ আমি একটি রিপুকে জয় করেছি । মিঃ সিংঘানিয়া আমাকে লোভের মধ্যে ফেলেছিলেন, কিন্তু শেষ পর্যন্ত আমি সে লোভ কাটিয়ে উঠেছি ।’

‘আপনি উপাধ্যায়ের এই সম্পত্তির কথা আর কাউকে বলেননি ?’

‘দেখুন মিঃ মিত্র, ওঁর যে একটা কিছু লুকোবার জিনিস আছে, সেটা অনেকেই জানত । আর সেই নিয়ে আড়ালে ঠাট্টাও করত । আমার আবার সন্ধ্যাবেলায় একটু নেশা করার অভ্যাস আছে, হয়তো কখনও কিছু বলে ফেলেছি । কিন্তু উপাধ্যায়জীকে সকলে এখানে এত ভক্তি করত যে, সিন্দুকে কী আছে সেই নিয়ে কেউ কোনও দিন মাথা ঘামায়নি ।’

‘এই যে রুদ্রপ্রয়াগ গেলেন তিনি, এর পিছনে কোনও কারণ আছে ?’

‘আমাকে বলেছিলেন, গঙ্গার ঘাটে ওঁর একজন সাধুর সঙ্গে আলাপ হয় । তাঁর সঙ্গে কথা বলে উপাধ্যায়ের মধ্যে একটা মানসিক চেঞ্জ আসে । আমার মনে হয়, চেঞ্জটা বেশ সিরিয়াস ছিল । কথা-টুথা সব কমিয়ে দিয়েছিলেন । অনেক সময় চুপচাপ বসে ভাবতেন ।’

‘ওঁর ওষুধপত্রের কি উনি সঙ্গেই নিয়েছিলেন ?’

‘ওষুধ বলতে তো বেশি কিছু ছিল না : কয়েকটা বৈয়াম, কিছু শিকড়-বাকল, কিছু মলম, কিছু বড়ি—এই আর কী । এগুলো সবই উনি নিয়ে গিয়েছিলেন । তবে আমার নিজের ধারণা উনি হ্রমে পুরোপুরি সন্ধ্যাসের দিকে চলে যাবেন ।’

‘উনি বিয়ে করেননি ?’

‘না । সংসারের প্রতি ওঁর কোনও টান ছিল না । যাবার দিন আমাকে বলে

গেলেন—ভোগের রাস্তা, ত্যাগের রাস্তা, দুটোই আমার সামনে ছিল। আমি ত্যাগটাই বেছে নিলাম।’

‘ভাল কথা,’ বলল ফেলুদা, ‘আপনি যে বললেন, ওঁর রূদ্রপ্রয়াগের ঠিকানা আপনি দিয়ে দিয়েছেন ওই ভদ্রলোকটিকে—আপনি ঠিকানা পেলেন কী করে?’

‘কেন, উপাধ্যায় আমাকে পোস্টকার্ড লিখেছে সেখান থেকে।’

‘সে পোস্টকার্ড আছে?’

‘আছে বইকী।’

মিঃ পশ্চিত তাঁর পিছনের একটা তাকে রাখা বাক্সের ভিতর হাত ঢুকিয়ে একটা পোস্টকার্ড বার করে ফেলুদাকে দিলেন। হিন্দিতে লেখা আট-দশ লাইনের চিঠি। সেটা ফেলুদা বার বার পড়ল কেন, আর পড়ে বিড়বিড় করে দু বার ‘মোস্ট ইটারেস্টিং’ বলল কেন, সেটা বলতে পারব না।

মিঃ পশ্চিত আমাদের একটা ভাল ট্যাঙ্কির কথা বলে দিলেন। আপাতত রূদ্রপ্রয়াগ, তাঁর পর যেখানেই যাওয়া দরকার—সেখানেই যাবে। গাড়োয়ালি ড্রাইভারের নাম যোগীন্দ্ররাম। লোকটিকে দেখে আমাদের ভাল লাগল। আমরা বললাম, বারোটা নাগদ খেয়েদেয়ে রওনা দেব হ্রষীকেশ থেকে। হ্রষীকেশ এখান থেকে মাইল পমেরো। হরিদ্বারে কিছুই দেখবার নেই, গঙ্গার ঘাটটা পর্যন্ত আগের বার যা দেখেছিলাম, তেমন আর নেই। বিশ্বি দেখতে সব নতুন বাড়ি উঠেছে আর তাদের দেওয়াল-জোড়া বিজ্ঞাপন। হ্রষীকেশে যাওয়া দরকার, কারণ আমাদের রূদ্রপ্রয়াগে থাকার বন্দোবস্ত করতে হবে। ইচ্ছে করলে ধরমশালায় থাকা যায়; এখানে প্রায় সব শহরেই বহু দিনের পুরনো নাম-করা কালীকমনী ধরমশালা রয়েছে, কিন্তু ফেলুদা জানে যে রূপনারায়ণগড়ের ছেটকুমার ও সব ধরমশালায় থাকবে না।

আমরা হ্রষীকেশে গিয়ে গাড়ওয়াল মণ্ডল বিকাশ নিগমের রেস্ট হাউসে একটা ডবল-ক্রম পেয়ে গোলাম। ওরা বলল যে, তিনজন লোক হলে বাড়তি একটা খাটিয়া পেতে দেবে। বারোটা নাগদ খেয়ে আমরা রওনা দিলাম রূদ্রপ্রয়াগ। কয়েক মাইল যাবার পর ডাইন পড়ল লছমনবুলা। এখানেও দুদিকে বিশ্বি বিশ্বি নতুন বাড়ি আর হোটেল হয়ে জায়গাটার মজাই নষ্ট করে দিয়েছে। তাও বাদশাহী আংটির শেষ পর্বের ঘটনা মনে করে গা-টা বেশ ছমছম করছিল।

রূদ্রপ্রয়াগ জরুরি দুটো কারণে। এক হল জিম করবেট। ‘দ্য ম্যান-ইটিং লেপার্ড অফ রূদ্রপ্রয়াগ’ যে পড়েছে, সে কোনও দিন ভুলতে পারবে না কী আশ্চর্য ধৈর্য, অধ্যবসায়, আর সাহসের সঙ্গে করবেট মেরেছিল এই মানুষবেকোকে আজ থেকে পঞ্চাম বছর আগে। আমাদের ড্রাইভার যোগীন্দ্র বলল, সে ছেলেবেলায় তাঁর বাপ-ঠাকুরার কাছে শুনেছে এই বাঘ মারার গল্প। করবেট যেমন ভালবাসত এই গাড়োয়ালিদের, গাড়োয়ালিরাও ঠিক তেমনই ভক্তি করত করবেটকে।

রূদ্রপ্রয়াগের আর একটা ব্যাপার হচ্ছে—এখান থেকে বদ্রী ও কেদার দু জায়গাতেই যাওয়া যায়। দুটো নদী এসে মিশেছে রূদ্রপ্রয়াগে—মন্দাকিনী আর অলকানন্দ। অলকানন্দ ধরে গেলে বদ্রীনাথ আর মন্দাকিনী ধরে গেলে কেদারনাথ। বদ্রীনাথের শেষ পর্যন্ত বাস যায়; কেদারনাথ যেতে বাস থেমে যায় ১৪ কিলোমিটার আগে গৌরীকুণ্ডে। সেখান থেকে হয় হেঁটে, না হয় ডাঙি বা টাটু ঘোড়া ভাড়া করে যাওয়া যায়।

হ্রষীকেশ থেকে বেরিয়েই বনের মধ্য দিয়ে পাহাড়ের পথ আরম্ভ হয়ে গেল। পাশ দিয়ে বয়ে চলছে স্থানীয় লোকেরা যাকে বলে গঙ্গা মাঝ। হ্রষীকেশ থেকে রূদ্রপ্রয়াগ ১৪০ ২৭০



কিলোমিটার ; পাহাড়ে রাস্তায় ৩০ কিলোমিটার করে গেলেও সেই সন্ধ্যার আগে পৌঁছানো যাবে না । তা ছাড়া পথে তিনটে জায়গা পড়ে—দেবপ্রয়াগ, কীর্তিনগর, আর শ্রীনগর । এই শ্রীনগর কাশ্মীরের রাজধানী নয়, গাড়ওয়াল জেলার রাজধানী ।

পাহাড় ভেদ করে বনের মধ্য দিয়ে কেটে তৈরি করা রাস্তা ঘুরে ঘুরে উঠছে, আবার ঘুরে ঘুরে নামছে । মাঝে মাঝে গাছপালা সরে গিয়ে খোলা সবুজ পাহাড় বেরিয়ে পড়ছে, তারই কোলে ছবির মতো ছোট ছোট গ্রাম দেখা যাচ্ছে ।

দৃশ্য সুন্দর ঠিকই, কিন্তু আমার মন কেবলই বলছে ভবানী উপাধ্যায়ের কাছে একটা মহামূল্য লকেট রয়েছে । একজন সম্যাচীর কাছে এমন একটা জিনিস থাকবে, আর তাই নিয়ে কোনও গোলমাল হবে না, এটা যেন ভাবাই যায় না । তা ছাড়া মিঃ পুরীর একবার ফেলুদাকে কাজের ভার দিয়ে, তার পরই টেলিগ্রাম করে বারণ করাটাও কেমন যেন গঙ্গোল

লাগছে। অবশ্য তিনি চিঠিতে কারণ দিয়েছেন ঠিকই, কিন্তু এ জিনিস এর আগে কক্ষনও হয়নি বলেই বোধহয় একটা খট্কা মন থেকে যাচ্ছে না।

লালমোহনবাবু কিছুক্ষণ থেকেই উস্থুস্ক করছিলেন, এবার বললেন, ‘আমি ভূ-গঙ্গোল আর ইতিহাস-ফাঁসে চিরকালই কাঁচা ছিলাম ফেলুবাবু—সেটা তো আপনি আমার লেখা পড়েও অনেক বার বলেছেন। তাই, মানে, আমরা ভারতবর্ষের এখন ঠিক কোনখানে আছি, সেটা একটু বলে দিলে নিশ্চিন্ত বোধ করব।’

ফেলুদা তার বাথোলোমিউ কোম্পানির বড় ম্যাপটা খুলে বুঝিয়ে দিল—‘এই যে দেখুন হরিদ্বার। আমরা এখন যাচ্ছি এই দিকে। এই যে রুদ্রপ্রয়াগ। অর্থাৎ পূর্বে নেপাল, পশ্চিমে কাশ্মীর, আমরা তার মধ্যখানে, বুঝেছেন?’

‘হ্যাঁ। এই বারে ক্লিয়ার।’

৩

পথে শ্রীনগরে থেমে চা খেয়ে রুদ্রপ্রয়াগ পৌঁছতে পৌঁছতে হয়ে গেল প্রায় পাঁচটা। ইঙ্গুল কলেজ হাসপাতাল পোস্টাপিস থানা সব মিলিয়ে রুদ্রপ্রয়াগ বেশ বড় শহর। করবেট যেখানে লেপার্টটা মেরেছিল, সেখানে অনেক দিন পর্যন্ত নাকি সাইনবোর্ড ছিল, কিন্তু যোগীন্দ্র বলল, সেটা নাকি কয়েক বছর হল ভেঙ্গে গেছে।

আমরা সোজা চলে গেলাম গাড়ওয়াল নিগম রেস্ট হাউসে। শহরের একটু বাইরে সুন্দর নিরিবিলি জায়গায় তৈরি রেস্ট হাউসে গিয়ে যে খবরটা প্রথমেই শুনলাম, সেটা হল : কেদারনাথের রাস্তায় এক জায়গায় ধস নামাতে নাকি বাস চলাচল বেশ কয়েক দিন বন্ধ ছিল, আজই আবার নতুন করে শুরু হয়েছে। এতে যে আমাদের একটা বড় রকম সুবিধে হয়েছিল, সেটা পরে বুঝেছিলাম।

ম্যানেজার মিঃ গিরিধারী ফেলুদাকে না চিনলেও আমাদের খুব খাতির করলেন। উনি নাকি হিন্দি অনুবাদে বহু বাংলা উপন্যাস পড়ে খুব বাঙালি-ভক্ত হয়ে পড়েছেন। ওঁর ফেভারিট অথরস হচ্ছেন বিমল মিত্র আর শংকর।

মিঃ গিরিধারী ছাড়াও আরেকজন ভদ্রলোক ছিলেন রেস্ট হাউসে, তিনি কেদারের পথ বন্ধ বলে আটকা পড়ে গিয়েছিলেন। ইনি কিন্তু ফেলুদাকে দেখে চিনে ফেললেন। বললেন, ‘আমি একজন সাংবাদিক, আমি আপনার অনেক কেসের খবর জানি ; সেভেনটি নাইনে এলাহাবাদে সুখতকর মার্ডার কেসে আপনার ছবি বেরিয়েছিল নদর্জন ইন্ডিয়া পত্রিকায়। সেই থেকেই আমি আপনাকে চিনেছি। আমার নাম কৃষ্ণকান্ত ভাগৰ। আই অ্যাম ভেরি প্রাউড টু মিট ইউ, স্যার।’

ভদ্রলোকের বছর চলিশেক বয়স, চাপদাঢ়ি, মাঝারি গড়ন। মিঃ গিরিধারী স্বত্বাবতই ফেলুদার পরিচয় পেয়ে ভারী উত্তেজিত হয়ে পড়লেন—‘দেয়ার ইজ নো ট্রাবল হিয়ার আই হোপ?’

‘ট্রাব্ল সর্বত্রই হতে পারে, মিঃ গিরিধারী। তবে আমরা এসেছি একটা অন্য ব্যাপারে। আপনাদের এখানে ভবানী উপাধ্যায় নামে একজন ভদ্রলোক—’

‘উপাধ্যায় তো এখানে নেই, বলে উঠলেন সাংবাদিক মিঃ ভাগৰ। ‘আমি তো ওঁকে নিয়েই একটা স্টোরি করব বলে এখানে এসেছি। হরিদ্বারে গিয়ে শুনলাম, উনি রুদ্রপ্রয়াগ গেছেন ; এখন এখানে এসে শুনছি তিনি খুব সন্তুষ্ট কেদারনাথ গেছেন। আমি তাই কাল সকালে কেদার যাচ্ছি ওঁর খোঁজে। হি ইজ এ মোস্ট ইন্টারেস্টিং ক্যারেকটার, মিঃ মিটার।’

‘আমি অবিশ্য ওঁর অসুখ সারানোর কথা শুনেছি, বলল ফেলুদা। তারপর লালমোহনবাবুর দিকে দেখিয়ে চাপা গলায় বলল, ‘আমার এই বন্ধুটির মাঝে মাঝে একটা মন্তিক্ষের ব্যারামের মতো হয়। ভুল বকেন, সামান্য ভায়োলেঙ্গও প্রকাশ পায়। তাই একবার ওঁকে দেখাব ভাবছিলাম। কলকাতার অ্যালোপ্যাথি হোমিওপ্যাথিতে কোনও কাজ দেয়নি।’

লালমোহনবাবু প্রথমে কেমন থতমত খেয়ে, তার পর ফেলুদার কথা সত্যি প্রমাণ করার জন্য মুখে একটা হিংস্র ভাব আনার চেষ্টা করলেন, যেটা আমাদের একটা নেপালি মুখোশ আছে, স্টোর মতো দেখাল।

‘তা হলে আপনাদের এই কেদার-বদ্রী যাওয়া ছাড়া গতি নেই’, বললেন মিঃ ভার্গব। ‘আমি বদ্রী গিয়ে ওঁকে পাইনি। অবিশ্য উনি নাকি সন্ধ্যাসী হয়ে গেছেন, তাই নামও হয়তো বদলে নিয়েছেন।’

এই সময় রেস্ট হাউসের গেটের বাইরে একটা আমেরিকান গাড়ি থামল, আর তার থেকে তিনজন ভদ্রলোক নেমে আমাদের দিকে এগিয়ে এলেন। এদের যিনি দলপতি, তাঁকে চিনতে মোটেই অসুবিধা হল না, কারণ তাঁরই রঙিন ছবি রয়েছে ফেলুদার কাছে। ইনি হলেন রূপনারায়ণগড়ের ছোটকুমার বিলিয়ার্ড চ্যাম্পিয়ন পবনদেও সিং। অন্য দুজন নির্ঘতি এঁর চামচ।

আমরা পাঁচজন এতক্ষণ বাংলোর সামনের বারান্দায় বসে চা খাচ্ছিলাম, এবার আরও তিনজন লোক বাড়ল। পবনদেও একটা বেতের চেয়ার দখল করে বললেন, ‘আমরা বদ্রীনাথ থেকে আসছি। নো লাক্। উপাধ্যায় ওখানে নেই।’

মিঃ গিরিধারী বললেন, ‘আশ্চর্য ব্যাপার এই যে, আমার এখানে যতজন অতিথি এসেছেন, সকলেই উপাধ্যায়ের খোঁজ করছেন, এবং প্রত্যেকে বিভিন্ন কারণে। আপনি ওঁর ছবি তুলবেন, মিঃ ভার্গব ওঁকে ইন্টারভিউ করবেন, আর মিঃ মিটার তাঁর বন্ধুর চিকিৎসা করবেন।’

পবনদেওর দলের সঙ্গে টেলিভিশনের যন্ত্রপাতি রয়েছে। ক্যামেরাটা পবনদেওর নিজের হাতে, আর তাতে লাগানো একটা পেঞ্জায় লেপ্স।

‘ওটা তো আপনার টেলি-লেন্স দেখছি, ফেলুদা মন্তব্য করল।

পবনদেও ক্যামেরাটা টেবিলের উপর রেখে বলল, ‘হ্যাঁ। সকালের রোদে বদ্রীনাথের চুড়ো থেকে বরফ গলে গলে পড়তে দেখা যায়। অ্যাকচুয়েলি আমার পুরো সরঞ্জাম একজনেই হ্যান্ডল করতে পারে। ক্যামেরা, সাউন্ড, সব কিছু। আমার এই দুই বন্ধু থাকবেন গৌরীকুণ্ড পর্যন্ত। বাকিটা আমি একাই তুলব।’

‘তার মানে আপনি কেদারনাথ যাচ্ছেন?’

‘হ্যাঁ। কাল ভোরেই বেরিয়ে পড়ছি।’

‘আপনি ভবানী উপাধ্যায়কে নিয়ে ফিল্ম তুলছেন?’

‘হ্যাঁ। অস্ট্রেলিয়ান টেলিভিশনের জন্য। উপাধ্যায় মানে, তার সঙ্গে হরিদ্বার-হৃষীকেশ-কেদার-বদ্রীও কিছু থাকবে। তবে সেট্টাল ক্যারেক্টার হবেন ভবানী উপাধ্যায়। আশ্চর্য চরিত্র। উনি আমার বাবার হাঁপানি যেভাবে সারিয়েছিলেন, স্টো একটা মিরাক্ল।’

আমি আড়চোখে পবনদেওকে লক্ষ করে যাচ্ছিলাম। মিঃ উমাশঙ্কর পুরী যে চরিত্র বর্ণনা করেছিলেন, তার সঙ্গে কোনও মিল পাচ্ছিলাম না। ফেলুদা দেখলাম উমাশঙ্কর পুরীর কোনও উল্লেখ করল না।

রূদ্রপ্রয়াগে পৌঁছানোর সময় একটা হোটেল দেখে রেখেছিলাম, সেইখানেই আমরা

তিনজন গিয়ে ডিলার সারলাম। বয় যখন অর্ডার নিতে এল, তখন লালমোহনবাবু হঠাতে ভীষণ তেজের সঙ্গে টেবিলের উপর একটা ঘূরি মেরে একটা গোলমরিচদান উলটে দিয়ে বললেন, তিনি আরমাডিলোর ডিমের ডালনা খাবেন। তখন ফেলুদার তাঁকে বুঝিয়ে বলতে হল যে, যাদের কাছে ওঁর অসুখের কথাটা বলা হয়েছে, শুধু তাদের সামনেই এই ধরনের ব্যবহার চলতে পারে, অন্য সময় নয়। বিশেষ করে ভাঙোলেস্টা যার-তার সামনে দেখাতে গেলে হয়তো লালমোহনবাবুকেই প্যাদানি খেতে হবে।

‘তা বটে’ ; বললেন লালমোহনবাবু। ‘তবে অপরচুনিটি পেলে কিন্তু ছাড়ব না।’

পরদিন ভোরে উঠতে হবে বলে আমরা খাওয়ার পর্ব শেষ করেই রেস্ট হাউসে চলে এলাম। কেউ কোনও হৃষ্মকি চিঠি দিয়ে যায়নি তো এই ফাঁকে ? আমাদের আবার এই জিনিসটার একটা ট্র্যাডিশন আছে। কিন্তু না ; এদিক ওদিক দেখেও তেমন কিছু পেলাম না।

আমাদের দুটো ঘর পরেই যে পৰন্দেও তার দুই বন্ধু আর মিঃ গিরিধারীকে নিয়ে পানীয়ের সন্ধ্যবহার করছেন, সেটা গেলাসের টুং টাঁ আর দমকে দমকে হাসি থেকেই বুঝতে পারছিলাম।

লালমোহনবাবু তাঁর বালিশে মাথা দিয়ে বললেন, ‘একটা কথা কিন্তু বলতেই হবে ফেলুবাবু—সে দিন আপনার ঘরে বসে পুরী সাহেব ছোটকুমার সমন্বে যাই বলে থাকুন না কেন, আমার কিন্তু ভদ্রলোককে বেশ মাই ডিয়ার বলেই মনে হচ্ছে।’

ফেলুদ বলল, ‘প্রকৃতি কিন্তু অনেক হিংস্র প্রাণীকেই সুন্দর করে সৃষ্টি করেছে। বাংলার বাঘের চেয়ে সুন্দর কোনও প্রাণী আছে কি ? ময়ূরের ঠোকরানিতে যে কী তেজ আছে, তা তো আপনি জানেন। জানেন না ?’

লালমোহনবাবু তাঁর অ্যালার্ম ক্লকের চাবিটায় একটা মোচড় দিয়ে, চোখে একটা হিংস্র উন্মাদ ভাব এনে বললেন—‘পোপোক্যাটাপেটাপোটোপুলাটিশ !’

8

আমরা ঠিক সাড়ে পাঁচটার সময় ট্যাক্সির সামনে গিয়ে হাজির হলাম। যোগীন্দ্ররাম তার আগেই রেডি। আমাদের গাড়ির কাছেই পৰন্দেওর আমেরিকান গাড়িতে মাল তোলা হচ্ছে। ও গাড়ি আধ ঘণ্টার আগে বেরোতে পারবে বলে মনে হয় না। তবে এও ঠিক যে, মারপথে ও আমাদের ছাড়িয়ে যাবে।

ট্যাক্সিতে যখন উঠতে যাব, তখন ছোটকুমার হঠাতে আমাদের দিকে এগিয়ে এলেন। বোঝাই যাচ্ছে কিছু বলার আছে।

ভদ্রলোক ফেলুদাকে উদ্দেশ করে বললেন, ‘কাল রাত্রে মিঃ গিরিধারী নেশার বোঁকে আপনার আসল পরিচয়টা আমাদের দিয়ে দিয়েছেন। আমি আপনাকে একটা সোজা প্রশ্ন করতে চাই।’

‘বলুন।’

‘উমাশঙ্কর কাকা কি আমার উপর চোখ রাখার জন্য আপনাকে এ কাজে বহাল করেছেন ?’

‘তিনি যদি সেটা করেও থাকতেন,’ বলল ফেলুদা, ‘সেটা আমি নিশ্চয়ই আপনার কাছে প্রকাশ করতাম না, কারণ সেটা নীতিবিরুদ্ধ এবং বোকামি হত। তবে আমি আপনাকে বলেই দিচ্ছি—আসলে আমি মিঃ পুরীর হয়ে কিছু করছি না। আমাদের এখানে আসার প্রধান



উদ্দেশ্য ভ্রমণ। তবে যদি কোনও গঙ্গোল দেখি, তা হলে গোয়েন্দা হয়ে আমার নিজেকে সংযত বাখা খুবই মুশকিল হবে। ভবানী উপাধ্যায় সম্পর্কে আমার নিজেরও একটা প্রবল কৌতৃহল জেগে উঠেছে। তার একটা বিশেষ কারণ আছে, যদিও এখনও সেটা প্রকাশ করতে পারছি না।'

‘আই সি।’

‘এবার আমি আপনাকে একটা প্রশ্ন করতে পারি?’

‘করুন।’

‘আপনি কি আপনার ফিল্মে সেই বিখ্যাত লকেটটি দেখাতে চান?’

‘নিশ্চয়ই। অবিশ্যি সেটা যদি এখনও উপাধ্যায়ের কাছে থেকে থাকে।’

‘কিন্তু উপাধ্যায়ের কাছে যে ও-রকম একটা জিনিস আছে, সেটা জানাজানি হয়ে গেলে তো ওঁর জীবন বিপন্ন হয়ে উঠবে। এত দিন যে-ব্যাপারটা গোপন ছিল, সেটা আপনি প্রচার করে দেবেন?’

‘মিঃ মিত্র, তিনি যদি সত্যিই সন্ধ্যাসী হয়ে থাকেন, তা হলে তো তাঁর আর ও জিনিসের কোনও প্রয়োজনই থাকতে পারে না। আমি ওঁকে বলব, একটা কোনও বড় মিউজিয়ামে ওটা দান করে দিতে। জিনিসটা চারশো বছর আগে ত্রিবাঙ্গুরের রাজার ছিল। কারিগরির দিক দিয়ে অতুলনীয়। উনি ওটা ডেনেট করলে চিরকাল ওঁর নাম ওই লকেটের সঙ্গে জড়িত থাকবে। মোটকথা, ওই লকেট আমি ছবিতে দেখাচ্ছি, এবং সেখানে আপনি আশা করি কোনও বাধা দিতে চেষ্টা করবেন না।’

শেষের কথাটা বেশ দাপটের সঙ্গেই বলে ছোটকুমার তাঁর গাড়িতে ফিরে গেলেন। এবার তাঁর জায়গায় সাংবাদিক মিঃ ভাগৰ এসে বললেন, ‘আপনারা তিনজন আছেন জানলে তো আপনাদের সঙ্গেই যাওয়া যেত। উপাধ্যায় সম্মন্দে আমি যে-সব তথ্য আবিষ্কার করেছি, সেগুলো আপনাকে বলতে পারতাম।’

‘আপনার এই তথ্যের সোর্স কী?’ ফেলুদা জিজেস করল।

‘কিছু দিয়েছেন কৃপনারায়ণগড়ের বড় কুমার সুরয়দেও, কিন্তু আসল তথ্য দিয়েছে রাজবাড়ির এক আশি বছরের বুড়ো বেয়ারা। আপনি কি জানেন যে, কৃপনারায়ণগড়ের রাজা চন্দেও সিং-এর হাঁপানি উপাধ্যায় সারিয়ে দিয়েছিলেন?’

‘তাই বুঝি?’

‘আর তার জন্য রাজা তাঁকে ইনাম দিয়েছিলেন ওয়ান অফ হিজ মোস্ট প্রেশাস অর্নামেন্টস। এ খবর এত দিন ওদের ফ্যামিলির বাইরে কেউ জানত না। আপনি ভাবতে পারেন, খবরের কাগজের কাছে এই ঘটনার কী দাম?’

‘আপনি তো তা হলে রাজা হয়ে যাবেন, মিঃ ভাগৰ!’

‘আমি আপনাকে বলছি মিঃ মিত্র, এই লকেট উপাধ্যায়ের কাছে যেশি দিন থাকবে না। আপনি কি ছোটকুমারের কথায় বিশ্বাস করেন যে, ও শুধু টি. ডি-র ছবি তুলতে এসেছে? আমি বলছি আপনাকে, এখানে শিগগিরই আপনার নিজের পেশার আশ্রয় নিতে হবে।’

‘তার জন্য আমি সদা প্রস্তুত’, বলল ফেলুদা।

মিঃ ভাগৰ চলে গেলেন।

‘লোকটা তো ঘোড়েল আছে, মশাই’, বললেন লালমোহনবাবু।

‘সাংবাদিক মাত্রেই ঘোড়েল’, বলল ফেলুদা। ‘গোয়েন্দাগিরিতে ওরাও কম যায় না। রাজবাড়ির পুরনো বেয়ারাকে জেরা করায় ও খুব বুদ্ধির পরিচয় দিয়েছে। চাকররা অনেক সময় এমন খবর বাখে, যা মনিবেরা জানতেই পারে না। কিন্তু তাও—’

‘তাও কী?’ আমি জিজেস করলাম। আমি বুঝতে পারছিলাম, ফেলুদার মনটা খচখচ করছে।

‘তাও যে কেন লোকটাকে দেখে অসোয়াস্তি লাগছে, তা বুবাতে পারছি না।’

আমাদের গাড়ি রুদ্রপ্রয়াগ থেকে রওনা হয়ে অলকানন্দার পাশ দিয়ে কিছু দূর গিয়ে হঠাতে একটা টানেল চুকে পড়ল। সেই টানেল থেকে যখন আবার আলোয় বেরোলাম, তখন নদী পালটে গিয়ে হয়ে গেছে ‘মন্দাকিনী’। এটাই এখন চলবে আমাদের সঙ্গে কেদার পর্যন্ত। কেদার থেকেই নাকি মন্দাকিনীর উৎপত্তি।

ফেলুদার ভুকুটি থেকেই বুঝতে পারছিলাম, কোনও একটা কারণে ওর বিরক্ত লাগছে।

এবারে ওর কথায় সেটা বুঝতে পারলাম—

‘আমার সমস্ত রাগটা গিয়ে পড়ছে ওই গিরিধারী লোকটার উপর। ও যে এত ইরেসপনসিব্ল তা ভাবতে পারিনি। ছেটকুমার এখন যে কথাগুলো বললেন, সেগুলো অবিশ্য ওঁর পক্ষে স্বাভাবিক। তবে আশ্চর্য লাগছে জেনে যে, মিঃ পুরীর সঙ্গে ওঁর আর দ্বিতীয়বার কোনও কথাই হ্যানি। সেক্ষেত্রে মিঃ পুরীর চিঠি, টেলিগ্রাম দুটোই বহস্যজনক হয়ে উঠছে। অবিশ্য সবই নির্ভর করছে, কে সত্তি বলছে কে মিথ্যে বলছে তার উপর। মোটকথা, কেস ড্রপ করলেও, এখানে আসার সিদ্ধান্ত যে ড্রপ করিনি, সেটা খুব ভাগ্যের কথা।’

গৌরীকুণ্ড রুদ্রপ্রয়াগ থেকে আশি কিলোমিটার হলেও এত চড়াই-উত্তরাই আর এত ঘোরপ্যাঁচের রাস্তা, যেতে বেশ সময় লাগে। পথে তিনটে শহর পড়ে। ৩০ কিলোমিটারের মাথায় অগস্ত্যমুনি, হাইট আন্দাজ ৯০০ মিটার; সেখান থেকে ৯ কিলোমিটার দূরে গুপ্তকাশী—যদিও হাইট এইটুকুর মধ্যে বেড়ে যাচ্ছে ডবল। গুপ্তকাশী থেকে শোনপ্রয়াগ, যেখানে শোনগঙ্গা মন্দাকিনীর সঙ্গে এসে মিশেছে। এই শোনপ্রয়াগ থেকে ৮ কিলোমিটার দূরে হল গৌরীকুণ্ড—যদিও সেখানে গিয়ে হাইট হয়ে যাচ্ছে সোয়া দু হাজার মিটার।

আমাদের গরম জামা যাতে প্রয়োজন হলে সহজেই বার করে নেওয়া যায়, তার ব্যবস্থা আমরা করে নিয়েছিলাম। বড় সুটকেস জাতীয় মাল আমাদের সঙ্গে যা ছিল, তা সবই গাড়ওয়াল নিগম রেস্ট হাউসের লকারে রেখে দিয়ে এসেছি, ফেরার সময় আবার নিয়ে যাব। লালমোহনবাবুর টাকের জন্য উনি এর মধ্যেই টুপি পরে নিয়েছেন, যদিও আমাদের বাঙালি মাঞ্চি ক্যাপ না; রাজস্থান থেকে কেনা কান-চাকা পশ্চমের লাইনিং দেওয়া স্মার্ট চামড়ার টুপি।

অগস্ত্যমুনি পৌঁছে গাড়ি থামিয়ে যখন আমরা গরম জামা পরছি, তখন আমাদের পাশ দিয়ে বেরিয়ে গেল পবনদেওর আমেরিকান টুরার। ছেটকুমার জানালা দিয়ে হাত বাড়িয়ে ওয়েভ করাতে ফেলুদাকে হাত নাড়াতে হল।

আমরা শীতের সঙ্গে লড়াই করবার জন্য তৈরি হয়ে আবার রওনা দিলাম। বাঁয়ে মন্দাকিনী একবার আমাদের পাশে চলে আসছে, আবার পরক্ষণেই নেমে যাচ্ছে সেই খাদের একেবারে নীচে। নদীর শব্দ ছাপিয়ে শোনা যাচ্ছে লালমোহনবাবুর সুর করে বলা, ‘ওরে তোরা কি জানিস কেউ, জলে কেন এত ওঠে চেউ’। আমার দৃঢ় বিশ্বাস উনি পুরো কবিতাটার কেবলমাত্র ওই দুটো লাইনই জানেন।

শেষে ফেলুদা আর থাকতে না পেরে লাইন যোগ করতে শুরু করে দিল—ওরে তোরা কি জানিস কেউ, কেন বাঘ এলে ডাকে ফেউ...ওরে তোরা কি শুনিস কেউ, কুকুরের ঘেউ ঘেউ, খোকা কাঁদে ভেউ ভেউ...

গুপ্তকাশী যখন পৌঁছলাম, তখন বেজেছে দশটা। এখানে একটা চায়ের দোকান দেখে থামতে হল। যাকে ব্রেকফাস্ট বলে সেটা সকালে হ্যানি, কাজেই যিদেটা ভালই হয়েছিল। গরম জিলিপি, কচুরি আর চা দিয়ে দিব্য ব্রেকফাস্ট হয়ে গেল।

যোগিন্দ্রের এক ভাই কাছেই থাকে, সে বলল তার সঙ্গে পাঁচ মিনিটের জন্য দেখা করে আসছে। সেই ফাঁকে লালমোহনবাবু চন্দশ্চেখর মহাদেব আর অর্ধনারীশ্বরের মন্দিরগুলো দেখতে গেলেন।

গুপ্তকাশী থেকে পাহাড়ের উপর দেখা যায় উষ্ণীমঠ। নভেম্বর থেকে এপ্রিল পর্যন্ত কেদারের পথ যখন বরফের জন্য বন্ধ থাকে, তখন কেদারেশ্বরের পুজো এই উষ্ণীমঠেই হয়ে থাকে।

লালমোহনবাবু মন্দির দেখে ফিরে এলেন, কিন্তু যোগীন্দ্রের ফেরার নাম নেই। ফেলুদা আর আমি ব্যস্তভাবে এদিক-ওদিক দেখছি। এমন সময় দেখি, ছোটকুমারের গাড়ি আসছে। ওরা আমাদের পেরিয়ে গিয়ে আবার পিছিয়ে পড়ল কেন?

আমাদের দেখে গাড়ি থামিয়ে কুমার নেমে এলেন। বললেন, গুপ্তকাশী থেকে নাকি কেদার ও বদী দুটো চূড়োরই ভিউ পাওয়া যায়, তাই ওঁরা এখানে কিছুটা সময় দিলেন। তবে আর দেরি করলে চলবে না, কারণ তা হলে যাত্রীদের রওনা দেবার দৃশ্য তোলার জন্য আর আলো থাকবে না।

কিন্তু তাও যোগীন্দ্রের দেখা নেই। তার বদলে দেখা দিলেন সাংবাদিক মিঃ ভার্গব। তাঁর গাড়ীটা আগে দেখেছিলাম, আর ভাবছিলাম তিনি এখানে এতক্ষণ কী করছেন। ভদ্রলোক বললেন যে, কেদারনাথের সেবায়েতের একজন নাকি এখানে রয়েছেন। এরা সকলেই রাওয়াল পরিবারের লোক ; এই বিশেষ রাওয়ালটির সঙ্গে নাকি একটা ইন্টারভিউ নিতে গিয়েছিলেন মিঃ ভার্গব। এখনই আবার তাঁকে ছুটতে হবে শোনপ্রয়াগ হয়ে গৌরীকুণ্ড।

মিঃ ভার্গব চলে যাবার সঙ্গে সঙ্গে একটা বছর পনেরোর ছেলে এসে হঠাৎ ‘ফোর-থার্টি-ফোর ট্যাঙ্কি কি কোই পাসিঞ্জের হ্যায় ইহা?’ বলে হাঁক দিতেই ফেলুদা ব্যস্তভাবে তার দিকে এগিয়ে গেল।

‘ফোর-থি-জিরো-ফোর কি পাসিঞ্জের?’

‘হ্যাঁ। কেন, কী হয়েছে?’

ব্যাপার আর কিছুই না, আমাদের গাড়ির ড্রাইভার জখম হয়ে পড়ে আছে কিছু দূরে। ছেলেটি তাকে চেনে বলে সে খবর দিতে এসেছে।

লালমোহনবাবুকে আমাদের জিনিসপত্র পাহারা দেবার জন্য রেখে, আমরা দুজন ছেলেটাকে অনুসরণ করে গেলাম।

পাঁচ-সাতটা বাড়ি নিয়ে একটা নিরিবিলি পাড়ায় একটা কলাগাছের ধারে যোগীন্দ্ররাম মাটিতে মুখ থুবড়ে পড়ে আছে। তার মাথার পিছন দিকের ঘন কালো চুলে রক্তের ছোপ। শরীরের ওঠা-নামা থেকে বোঝা যাচ্ছে সে মরেনি, কিন্তু ফেলুদা তাও দৌড়ে গিয়ে তার নাড়ি পরীক্ষা করল।

কে এই কুকুর্তি করেছে, এ নিয়ে চিন্তা করার সময় নেই ; এখন দরকার ওর চিকিৎসা। ছোকরাটি বলল, এখানে হাসপাতাল দাওয়াখানা দুইই আছে। সে আবার গাড়িও চালাতে জানে। শেষ পর্যন্ত সে-ই নিজে ট্যাঙ্কি চালিয়ে যোগীন্দ্রকে হাসপাতালে নিয়ে গেল।

সব মিলিয়ে ঘন্টা দেড়েক দেরি হয়ে গেল। যোগীন্দ্রের মাথায় ব্যাস্তেজ, ব্যথাও আছে ; তাকে বলা হল যে এখান থেকে অন্য ট্যাঙ্কির ব্যবস্থা করে দিলে, আমরা তাতেই যাব। কিন্তু সে রাজি হল না। সে নিজেই যাবে আমাদের নিয়ে।

‘কে মরেছিল, কিছু বুঝতে পেরেছিলে?’ ফেলুদা জিজ্ঞেস করল।


‘নেহি’, বলল যোগীন্দ্র, ‘পিছে সে আ কর মারা।’

‘এখানে তোমার কোনও দুশ্মন আছে?’

‘কোই ভি নেহী।’

ফেলুদা কী ভাবছে সেটা আমি জানি। দুশ্মন যদি থাকে তো সে আমাদের দুশ্মন। আমাদের দেরি করিয়ে দেবার জন্য ব্যাপারটা করা হয়েছে। শক্ত কে আমরা বুঝতে না পারলেও, শক্ত যে রয়েছে তাতে সন্দেহ নেই।

আমরা রওনা হবার পর আমি ফেলুদাকে বললাম, ‘আচ্ছা, মিঃ পুরী যে তোমার কাছে



এসেছিলেন, সেটা জানতে পেরে ছেটকুমার তাঁকে দিয়ে টেলিগ্রামটা করিয়ে চিঠিটা লেখায়নি তো?—যাতে তার কাজে ফেলু মিত্রির কোনও বাধার সৃষ্টি না করতে পারে?’

‘এটা তুই খুব ভাল ভেবেছিস তোপ্সে। কথাটা আমারও মনে হয়েছে। অবিশ্য তার মানে এটাও বোঝা যায় যে, মিঃ পুরীর উপর এতটা কর্তৃত করার ক্ষমতা ছেটকুমারের আছে।’

‘তা থাকবে না কেন’, বললেন লালমোহনবাবু, ‘ছেটকুমার ইজ এ প্রিস, অ্যান্ড পুরী ইজ ওনলি এ কর্মচারী।’

‘ঠিক বলেছেন আপনি’, বলল ফেলুদা, ‘এখানে বয়সের তফাতটা কিছু ম্যাটার করে না।’

তবে হাঁ—এটাও ঠিক যে টেলিগ্রাম আৱ চিঠি সংগ্ৰহ যে আমি চলে আসব, সেটা বোধহয় ছেটকুমার ভাৰতেই পাৰেনি।’

‘তাৰ মানে যোগীন্দ্ৰকে জখম ওৱাই কৰিয়েছে?’

‘যোগীন্দ্ৰ যখন বলছে এখানে ওৱ কোনও শক্র নেই, তখন আৱ কী হতে পাৰে?’

‘অৱিকিউজ মি স্যার’, বললেন লালমোহনবাবু, ‘আমাৱ কিন্তু ওই সাংবাদিক লোকটিকেও বিশেষ সুবিধেৰ লাগছে না।’

‘কেন বলুন তো? আমাৱ নিজেৰও যে ভদ্ৰলোককে একেবাৱে আদৰ্শ চাৰিত্ৰ বলে মনে হচ্ছে তা নয়। কিন্তু আপনাৱ ভাল না-লাগাৱ কাৰণটা জানাৱ কৌতুহল হচ্ছে।’

‘সাংবাদিক হলে পকেটে কলম থাকবে না?’ বললেন লালমোহনবাবু। ‘বাইৱেৰ পকেটে তো নেই-ই, কাল যখন কোট পৱছিল তখন দেখলাম বুক পকেটেও নেই, শাত্ৰেৰ পকেটেও নেই।’

‘আমাৱ মতো যদি একটা মাইক্ৰোক্যাসেট রেকৰ্ডৰ থাকে?’

লালমোহনবাবু যেন কথাটা শুনে একটু দমে গেলেন। বললেন, ‘তা যদি হয়, তা হলে অবশ্য আলাদা কথা। আসলে আমাৱ চাপ-দাঢ়ি দেখলেই কেমন যেন একটা সন্দেহ হয়।’

‘যাকগে—এবাৱ একটু কাজেৰ কথায় আসা যাক।’

‘কী?’

‘আপনি কোনটা প্ৰেফাৱ কৰবেন—যোড়া না ডাঙি?’

‘ন্যাচাৱেলি আপনাৰা যেটা প্ৰেফাৱ কৰবেন, সেটাই। এক যাত্ৰায় তো আৱ পৃথক ফল হতে পাৰে না।’

‘কেদাৱেৰ পথ সম্বন্ধে আপনাৱ কিঞ্চিৎ ধাৰণা আছে, আশা কৰি?’

‘হ্যাঃ হ্যাঃ হ্যাঃ হ্যাঃ!’

‘হাসছেন কেন?’

‘আমাৱ ধাৰণাটা বোধহয় আপনাৱ চেয়েও ভিভিড, কাৰণ কেদাৱ-যাত্ৰা সম্বন্ধে এথিনিয়ামেৰ বাংলা শিক্ষক বৈকুষ্ঠ মল্লিক যা লিখে গেছেন, তাৱ তুলনা লিটাৱেচৱে বেশি পাৰেন না। তপেশ, জানো পোয়েমটা?’

‘না তো!’

‘শুনুন ফেলুবাবু।’

‘দাঁড়ান, সামনে দুটো ইউ-টাৰ্ন আসছে, সেগুলো পেৱিয়ে যাক। সোজা রাস্তা না পেলে আবৃত্তি কৰাও যায় না, শোনাও যায় না।’

মিনিট দশক পৱে একটা সোজা রাস্তা পেয়ে লালমোহনবাবু তাঁৰ আবৃত্তি আৱঙ্গ কৱলেন—

“শহৱেৰ যত ক্ৰেদ, যত কোলাহল
ফেলি পিছে সহস্র যোজন
দেখ চলে কত ভজ্জন
হিমগিৰি বেষ্টিত এই তীর্থপথে
শুধু আজ নয়, সেই পুৱাকাল হতে—
সাথে চলে মন্দকিনী
অটল গাঞ্জীৰ্য মাৰো ক্ষিপ্তা প্ৰবাহিনী”—

এইবাৱ হচ্ছে আসল ব্যাপার। শুনুন, যাৰ্ত্তীদেৱ কীভাৱে ওয়ানিং দিচ্ছেন ভদ্ৰলোক—

“তবে শুন এবে অভিজ্ঞের বাণী—
 দেবদর্শন হয় জেনো বহু কষ্ট মানি’
 গিরিগাত্রে শীর্ণপথে যাত্রী অগণন
 প্রাণ যায় যদি হয় পদস্থলন,
 তাও চলে অশ্বারোহী, চলে ডাঙিবাহী,
 যষ্ঠায়ারী বৃদ্ধ দেখ তাঁরও ক্লাস্তি নাহি
 আছে শুধু আটল বিশ্বাস
 সব ক্লাস্তি হবে দূর, পূর্ণ হবে আশ
 যাত্রা অস্তে বিরাজেন কেদারেশ্বর
 সর্বগুণ সর্বশক্তিধর
 মহাত্মীর্থে মহাপুণ্য হবে নিশ্চয়
 উচ্চকঞ্চে বল সবে—কেদারের জয় !”

‘হ্লি’ বলল ফেলুদা, ‘বোঝাই যাচ্ছে, মল্লিক মশাই এ কবিতা লিখেছিলেন বাস-ট্যাক্সির যুগের অনেক আগে ।’

‘সাটেনলি,’ বললেন লালমোহনবাবু, ‘তাঁকে তীর্থ্যাত্রীর পুরো ধকল ভোগ করতে হয়েছিল ।’

‘কিন্তু আমার প্রশ্ন হচ্ছে—আপনি কি অশ্বারোহী হতে চান, না ডাঙিবাহী দ্বারা বাহিত হতে চান, না পয়দল যেতে চান ।’

‘সেটা সব ডিপেন্ড করছে আপনাদের উপর। দলচুত হবার প্রশ্ন তো আর উঠতে পারে না ।’

‘আমি আর তোপ্সে তো হেঁটেই যাব স্থির করেছি। আপনার পক্ষে ডাঙিটা সবচেয়ে নিরাপদ, কারণ ঘোড়গুলোর টেভেলি হচ্ছে পথের যে দিকটায় খাদ, তার কানা ধরে চলা। সে টেনশন আপনার সহ্য হবে না ।’

লালমোহনবাবু ভয়ঙ্কর রকম গাত্তীর হয়ে বললেন, ‘শুনুন ফেলুবাবু, আপনি কিন্তু আমার ক্ষমতাকে ক্রমান্বয়ে আভার এস্টিমেট করে চলেছেন। আমি গেলে হেঁটে যাব, আর নয়তো যাব না। এই আমার সোজা কথা ।’

‘যাক, তা হলে এটা সেট্লড’, বলল ফেলুদা।

‘একটা প্রশ্ন আমি করতে পারি কি ?’ বললেন লালমোহনবাবু—‘আবিশ্য এটা জানি সম্পর্কে নয় ।’

‘নিশ্চয় পারেন ।’

‘এরা তো মশাই আমাদের চিনে ফেলেছে; এখন কেদার গিয়ে আমরা করছিটা কী ?’

‘সেটা সব নির্ভর করছে—কে আগে উপাধ্যায়ের সন্ধান পায় তার উপর ।’

‘ধৰুন যদি আমরাই পাই ।’

‘তা হলে তাঁকে সাবিত্তারে ব্যাপারটা বলতে হবে। সন্ধ্যাসী হয়ে তাঁর মনোভাব যদি বদলে গিয়ে থাকে, তা হলে হয়তো লকেটটা উনি আর নিজের কাছে রাখতে চাইবেন না। আমাদের কর্তব্য হবে—তিনি সেটা কাকে দিয়ে যেতে চান, তাঁর অনুসন্ধান করা—অবশ্য সে রকম লোক যদি কেউ থেকে থাকে। এর মধ্যে যদি হোটকুমারও উপাধ্যায়ের সন্ধান পেয়ে যান, তা হলে তিনি হয়তো লকেটটার ছবি তুলতে চাইবেন। চন্দদেওর ছেলে বলে উপাধ্যায় হয়তো স্নেহবশত তাতে রাজিও হয়ে যেতে পারেন। কিন্তু উপাধ্যায়ের অমতে পবনদেওকে

কোনও মতেই লকেটটা হস্তগত করতে দেওয়া যায় না। অবিশ্যি সে যে সেটা হাত করতে চাইছে, এমন বিশ্বাস করার কোনও কারণ এখনও ঘটেনি। আমরা শুধু অনুমান করছি যে, সেই হম্কি দিয়ে মিঃ পুরীকে চিঠি ও টেলিগ্রামটা পাঠাতে বাধ্য করেছিল। কিন্তু তারও এখনও কোনও প্রমাণ নেই। টেলিভিশনের ছবি তোলা ছাড়া তার আর কোনও উদ্দেশ্য নাও থাকতে পারে।’

আমি বললাম, ‘কিন্তু সাংবাদিক মিঃ ভার্গবও যে উপাধ্যায়ের খৌজ করছেন।’

ফেলুদা বলল, ‘আমার বিশ্বাস ভার্গব যখন আসল ঘটনা জেনে গেছে, তখন তার শুধু দুটো ছবি পেলেই কাজ হয়ে যাবে—একটি উপাধ্যায়ের, একটি লকেটের। কারণ এই কাহিনী খবরের কাগজে প্রকাশিত হলে ভার্গবের অস্তত কিছু দিন আর অন্নচিত্তা থাকবে না।’

ইতিমধ্যে আমদের গাড়িটা কিন্তু অত্যন্ত বেয়াড়া রকম চড়াই উঠে দশ হাজার ফুট বা সাড়ে তিনি হাজার মিটারের উপরে পৌঁছে গেল। অস্তত যোগীন্দ্র তাই বলল, আর সেই সঙ্গে বাইরের কনকনে শীতেও তার প্রমাণ পেলাম। এখন মাঝে মাঝে বরফের পাহাড়ের চুড়ো দেখা যাচ্ছে, কিন্তু কোনটা যে কোন শৃঙ্গ তা বুঝতে পারছি না। মিনিট পনেরোর মধ্যেই গৌরীকুণ্ড পৌঁছে যাওয়া উচিত। ঘড়ি বলছে পাঁচটা পনেরো। দূরে পাহাড়ের চুড়োয় উজ্জ্বল রোদ থাকলেও আশেপাশের পাহাড়ে পাইন আর রড়োডেন্ড্রনের বনে অন্ধকার ঘনিয়ে এসেছে।

একটা মোড় ঘূরে সামনে ঘর বাড়ি গাড়ি ঘোড়া ইত্যাদি দেখে বুঝলাম যে, আমরা গৌরীকুণ্ডে এসে গেছি। এটাও বুঝলাম যে, আজ রাতটা এখানেই থাকতে হবে। আমদের কেদার-যাত্রা শুরু হবে কাল ভোরে। আর ভোরে রওনা হলেও চোদ্দ কিলোমিটার চড়াই পথ যেতে সক্ষে হয়ে যাবে। অর্থাৎ আসল ঘটনা যা ঘটবার, তা পরশুর আগে নয়।

বাস টারমিনাস হবার ফলে ছেট জায়গা হওয়া সত্ত্বেও গৌরীকুণ্ডে ব্যস্ততার শেষ নেই। ঘোড়া, ডাঙি, কাণ্ডি, কুলি—এদের সঙ্গে দর-দস্তির চলছে। কাণ্ডি জিনিসটা ঝুঁড়ি টাইপের। এতে করেও মানুষ যায়, যদিও দেখে মোটেই ভরসা হয় না।

এখানে বাত্রে থাকতে হবে জেনেও আগে কোনও বন্দোবস্ত করিনি। কারণ, জানি অস্তত একটা ধরমশালা কি চটি পেয়ে যাব। সত্তিই দেখা গেল, জায়গার কোনও অভাব নেই। এখানে পাঞ্চালা ঘর ভাড়া দেয়। বিছানা বালিশ লেপ কম্বল সবই দেয়। পাঞ্চালা বাঙালি না হলেও বাঙালি যাত্রী এত আসে যে, এরা দিব্যি বাংলা শিখে গেছে। এদের থাকার ঘরগুলো হয় দোতলায়। বেঁটে বেঁটে ঘর, যার সিলিং-এ ফেলুদার প্রায় মাথা ঠেকে যায়। এই ঘরের নীচে থাকে সেই রকমই বেঁটে সার বাঁধা দোকান। সস্তার ব্যাপার, তবে আমদের কথা হচ্ছে, রাস্তিরে ঘুমোনো। সেই কাজটায় কোনও ব্যাঘাত হবে বলে মনে হল না।

আমরা এখানে এসেই ছেটকুমারের হলদে আমেরিকান গাড়িটা দেখেছিলাম। ওরা আমদের চেয়ে ঘণ্টা চারেক আগে পৌঁছেছে নিশ্চয়। অর্থাৎ দুপুরে ঘোড়া নিয়ে রওনা হয়ে রাস্তিরে মধ্যে পৌঁছে যাবে। তার মানে কেদারে একটা পুরো দিনেরও বেশি সময় পাচ্ছে ছেটকুমার।

আমার ধারণা, মিঃ ভার্গবও আজ রাস্তিরে মধ্যে পৌঁছে যাবেন।

আশ্চর্য এই যে, সকলেরই উদ্দেশ্য এক—উপাধ্যায় মশাইয়ের সন্ধান করা।

পাঞ্চদের ঘরে গভীর ঘুমে রাত কাটিয়ে ভোর পাঁচটার মধ্যে অ্যালার্ম বাজিয়ে উঠে আমরা তিনজনে বাইরে বেরিয়ে এলাম।

এত ভোরে বিভিন্ন দেশীয় এত যাত্রীর ভিড় এখানে জমায়েত হয়েছে, সেটা ভাবতেই পারিনি। এদের মধ্যে বাঙালি আছে প্রচুর, আর তাদের প্রায় সবাই দলে এসেছে। দল বলতে অবিশ্য পরিবারও বোঝায়। সক্তর বছরের দাদু থেকে নিয়ে পাঁচ বছরের নাতনি পর্যন্ত, তার মধ্যে মাসি-পিসিও যে নেই, তা নয়।

ভিড়ের মধ্যে হঠাৎ ক্যামেরা হাতে পৰন্দেওকে দেখে বেশ অবাক হলাম। তিনি ঘোড়া ভাড়া করেছেন দুটো—একটা নিজের জন্য, আর একটার পিঠে থাকবে সরঞ্জাম। আমাদের দেখে বললেন, শোনপ্রয়াগে নাকি অনেক ইন্টারেস্টিং ছবি তোলার ছিল, তাই কাল এসে পৌঁছাতে পৌঁছাতে বেশ রাত হয়েছে। আমাদের সঙ্গেই অবিশ্য রওনা হচ্ছেন, তবে উনি থেমে থেমে ছবি তুলতে তুলতে যাবেন; ক্যামেরা ও সাউন্ডের সরঞ্জাম থাকবে নিজের সঙ্গে—ফিল্ম, অর্থাৎ কাঁচামাল থাকবে অন্য ঘোড়ার পিঠে।

ফেলুদা ছেটকুমারের কাছ থেকে সরে এসে বলল, ‘রহস্যের শেষ নেই। উনি কি তা হলে কেদারে লোক লাগিয়েছেন উপাধ্যায়কে খুঁজে বার করার জন্য?’

যাই হোক, এ সব ভাববার সময় এখন নয়, কারণ আমাদের রওনা দেবার সময় এসে গেছে।

‘আপনি তা হলে দৃঢ়সংকল্প যে হেঁটেই যাবেন?’ ফেলুদা লালমোহনবাবুকে আবার জিজ্ঞেস করল।

‘ইয়েস স্যার’, বললেন জটায়ু, ‘তবে হ্যাঁ, আপনাদের সঙ্গে তাল রেখে হাঁটতে পারব কিনা সে বিষয়ে—’

‘সে বিষয়ে আপনি আদৌ চিন্তা করবেন না। আপনি আপনার নিজের ক্ষমতা অনুযায়ী হাঁটবেন। গন্তব্য যখন এক, রাস্তা যখন এক, তখন পিছিয়ে পড়লেও চিন্তার কারণ কিছু নেই। এই নিন, এইটে হাতে নিন।’

আমরা তিনজনের জন্য তিনটে লাঠি কিনে নিয়েছি, যার নীচের অংশটা ঝুঁচোলো লোহা লাগানো। এ লাঠি এখন প্রত্যেক পদ্যাত্মীর হাতে। এর দাম দু টাকা, ফিরে এসে আবার ফেরত দিলে এক টাকা ফেরত পাওয়া যায়। তারই একটা ফেলুদা লালমোহনবাবুকে দিয়ে দিল।

আমরা ঘড়ি ধরে ছ'টায় রওনা দিলাম। লালমোহনবাবু যে রকম হাঁক দিয়ে ‘জয় কেদার’ বলে তাঁর প্রথম পদক্ষেপ নিলেন—আমার তো মনে হল, তাতেই তাঁর অর্দেক এনার্জি চলে গেল।

পাহাড়ের গা দিয়ে পাথরে বাঁধানো রাস্তা। শুধু যে শীর্ণ তা নয়, এক-এক জায়গায় একজনের বেশি একসঙ্গে পাশাপাশি যেতে পারে না। এক দিকে পাহাড়, এক দিকে খাদ, খাদের নীচ দিয়ে বেগে বয়ে চলেছে মন্দাকিনী। দু দিকেই মাঝে মাঝে বড় বড় গাছ থাকার ফলে যাত্রীদের মাথার উপর একটা চাঁদোয়ার সৃষ্টি হয়েছে। তবে বেশির ভাগ অংশই গাছপালা নেই, খালি শুক্রনো ঘাস আর পাথর। পায়ে যারা হাঁটছে, তাদের মুশকিল হচ্ছে, অশ্বারোহী আর ডান্ডিবাহীদের জন্য প্রায়ই তাদের পাশ দিতে হচ্ছে। এখানে নিয়মটা হচ্ছে কি, সব সময়ই পাহাড়ের গা ঘেঁষে পাশ দেওয়া। খাদের দিকটায় গিয়ে পাশ দিতে গেলে পদস্থলনের সমূহ সন্তাননা।

যোগব্যায়াম করি বলে বোধহয় আমাদের দুজনের খুব একটা কষ্ট হচ্ছিল না। লালমোহনবাবুর পক্ষে ব্যাপারটা খুব শ্রমসাপেক্ষ হলেও উনি প্রাণপথে চেষ্টা করছিলেন সেটা যেন বাইরে প্রকাশ না পায়। ঢড়াই ওঠার সময় তো কথা বলা যায় না ; এর পর খানিকটা সমতল রাস্তায় আমাদের কাছাকাছি পেয়ে বললেন, ‘তেনজিং নোরকের মাহাত্ম্যটা কোথায়, সেটা এখন বুঝতে পারছি ।’

মিনিট কুড়ি চলার পর একটা ঘটনা ঘটল, যেটা আমাদের কেদার পৌঁছানোটা আরও আধ ঘণ্টা পিছিয়ে দিল।

একটা বেশ বড় পাথরের খণ্ড পাহাড়ের গা দিয়ে হঠাতে গড়িয়ে এল সোজা ফেলুদার দিকে। ব্যাপারটা সম্ভবে সচেতন হতে যে কয়েকটা মুহূর্ত গেল, তাতেই কিছুটা ড্যামেজ হয়ে গেল। পাথরের ঘষা খেয়ে ফেলুদার হাতের এইচ এম টি ঘড়িটা চুরমার হয়ে গেল, আর আমাদের পাশের এক প্রৌঢ় যাত্রীর লাঠিটা হস্তচুত হয়ে পাশের খাদ দিয়ে পাথরের সঙ্গে ঝড়ের বেগে গড়িয়ে নেমে গেল মন্দাকিনী লক্ষ্য করে।

ফেলুদা একটু হকচকিয়ে গেলেও সেটা মুহূর্তের জন্য। ওর শরীর যে কত মজবুত আর স্ট্যামিনা যে কী সাংঘাতিক, সেটা বুঝালাম এই এতখানি খাড়াই পথ হাঁটার পর সোজা পাহাড়ের গা বেয়ে উপরে উঠে গেল। আমিও ওর পিছন পিছন গিয়েছিলাম, কিন্তু যতক্ষণে ওর কাছে পৌঁছালাম, তার মধ্যেই ও একটা লোকের কলার চেপে তাকে একটা গাছে ঠেসে ধরেছে। লোকটার বয়স বছর পাঁচশের বেশি না। তার মুখ ফ্যাকাসে হয়ে গেছে এবং সে স্বীকার করেছে যে, পাথর ফেলার ব্যাপারে সে আর একজনের আদেশ পালন করছিল। পকেট থেকে দশখানা কড়কড়ে দশ টাকার নোট বার করে সে দেখিয়ে দিল, কেন তাকে এমন একটা কাজ করতে রাজি হতে হয়েছে।

কে তাকে এই টাকা দিয়েছে জিজ্ঞেস করাতে সে বলল, তারই এক অচেনা জাতভাই। বোঝা গেল আসল লোক সে নয়, সে শুধু দালালের কাজ করেছে।

আপাতত ফেলুদা লোকটার গা থেকে একটা পশমের চাদর খুলে, সেটা দিয়ে তাকে দু হাত সমেত পিছমোড়া করে গাছের সঙ্গে বেঁধে দিল। বলল, যাত্রীদের ফাঁকে ফাঁকে কনস্টেবল থাকে, তাদের একজনকে পেলে তার কাছে পাঠিয়ে দেবে।

লালমোহনবাবুর ভাষায় পাথর ফেলার অস্ত্রনিহিত মানেটো সত্যি করে ভাবিয়ে তোলে। ভদ্রলোক বললেন, ‘বোঝাই যাচ্ছে, কেউ বা কাহারা কেদারে আপনার উপস্থিতিটা প্রিভেট করার জন্য উঠে-পড়ে লেগেছে।’

গৌরীকুণ্ড আর কেদারের মাঝামাঝি একটা জায়গা আছে, যেটা নাম রামওয়াড়া। সকলেই এখানে থামে বিশ্রামের জন্য। চাটি আছে, ধরমশালা আছে, চায়ের দোকান আছে। লালমোহনবাবুকে আমরা এখানে আধখণ্টা বিশ্রাম দেওয়া স্থির করলাম। এখানকার এলিভেশনে আড়াই হাজার মিটার, অর্থাৎ প্রায় আট হাজার ফুট। চারিদিকের দৃশ্য ক্রমেই ফ্যান্ট্যাস্টিক হয়ে আসছে। লালমোহনবাবু একেবারে মহাভারতের মুডে চলে গেছেন ; এমন কী এও বলছেন যে যাত্রাপথে যদি তাঁর পতনও হয়, তা হলেও কোনও আক্ষেপ নেই, কারণ এমন ফোরিয়াস ডেখ নাকি হয় না।

ফেলুদা বলল, ‘আপনি কিন্তু পাবলিকের উপর যে পরিমাণে গাঁজাখুরি মাল চাপিয়েছেন, আপনার নরকভোগ না হয়ে যায় না।’

‘হেঁ’, বললেন লালমোহনবাবু, ‘যুধিষ্ঠির পার পাননি মশাই নরকভোগের হাত থেকে, আর লালমোহন গাঙ্গুলী !’

বাকি সাড়ে তিন মাইলের মধ্যে একটা উল্লেখযোগ্য ঘটনা ঘটল। একটা জায়গা থেকে



হঠাতে কেদারের মন্দিরের চুড়ো দেখতে পেয়ে সব যাত্রীরা ‘জয় কেদার !’ বলে কেউ মাথা নত করে, কেউ হাত জোড় করে, কেউ বা সাটাঙ্গ হয়ে তাদের ভক্তি জানালেন। কিন্তু আবার হাঁটা শুরু করার সঙ্গে সঙ্গেই মন্দিরের চুড়ো লুকিয়ে গেল পাহাড়ের পিছনে, আর বেরোল একেবারে কেদার পৌছানোর পর। পরে জানলাম যে, এই বিশেষ জায়গা থেকেই এই বিশেষ দর্শনটাকে এরা বলে ‘দেও-দেখনী’।

৬

কেদার পৌছাতে পৌছাতে আমাদের হয়ে গেল বিকেল সাড়ে পাঁচটা। তখনও যথেষ্ট আলো রয়েছে, চার দিকের পাহাড়ের চুড়োগুলোয় রোদ বলমল করছে।

এক্ষণ চড়াই-এর পর হঠাতে সামনে সমতল জমি দেখতে পেলে যে কেমন লাগে, তা লিখে বোঝাতে পারব না। এটুকু বলতে পারি যে, অবিশ্বাস আশ্বাস আনন্দ—সব যেন এক সঙ্গে মনের মধ্যে জেগে ওঠে, আর তার সঙ্গে কৃতজ্ঞতা মেশানো একটা অস্তুত শাস্তি ভাব। সেটাই বোধহয় যাত্রীদের মনে আরও বেশি ভক্তি জাগিয়ে তোলে।

চারিদিকে সবাই পাথর-বাঁধানো জমিতে শুয়ে বসে দাঁড়িয়ে ‘জয় কেদার’ ‘জয় কেদার’ করছে, মন্দিরটা দাঁড়িয়ে রয়েছে তিন দিকে ঘেরা বরফের পাহাড়ের মধ্যে, আমরা তিনজন তারই মধ্যে এগিয়ে গেলাম একটা বাসস্থানের ব্যবস্থা করতে।

এখানে হোটেল আছে—হোটেল হিমলোক—কিন্তু তাতে জায়গা নেই, বিড়লা রেস্ট হাউসেও জায়গা নেই। এক রাত্রের ব্যাপার যখন, মোটামুটি একটা ব্যবস্থা হলেই হল। তাই শেষ পর্যন্ত কালীকমলীওয়ালির ধরমশালায় উঠলাম আমরা। সামান্য ভাড়ায় গরম লেপ তোশক কস্বল সবাই পাওয়া যায়।

কেদারনাথের মন্দির এই কিছুক্ষণ আগে সন্ধ্যা ছাঁটায় বন্ধ হয়ে গেছে, আবার খুলবে সেই কাল সকাল আটটায়। তাই লালমোহনবাবুর পুজো দেবার কাজটা আজ স্থগিত থাকবে। আপাতত ঠিক এই মুহূর্তে যেটা দরকার, সেটা হল গরম চা। আমাদের থাকার ঘর থেকে নীচে নেমেই চায়ের দোকান পেয়ে গেলাম। এটা হল কাশীর বিশ্বনাথের গলির মতোই কেদারনাথের গলি। দোকানগুলো সবই অস্থায়ী, কারণ নভেম্বর থেকে এখিল পর্যন্ত বরফের জন্য কেদারনাথে জনপ্রাণী থাকবে না।

আমি ভেবেছিলাম, এই ধরকলের পর লালমোহনবাবু হয়তো একটু বিশ্রাম নিতে চাইবেন। কিন্তু তিনি বললেন যে, তাঁর দেহের রঞ্জে রঞ্জে নাকি নতুন এনার্জি পাচ্ছেন—‘তপেশ, এই হল কেদারের মহিমা !’

বিশ্বনাথের মতোই এখানেও কেদারের গলির দোকানগুলোতে বেশির ভাগই পুজোর সামগ্রী বিক্রি হয়। এমন কী, বেনারসের সেই অতি-চেনা গঞ্জাও যেন এখানে পাওয়া যায়।

আমরা তিনজনে এলাচ-দেওয়া গরম চা খাচ্ছি, এমন সময় হঠাতে চেনা গলায় প্রশ্ন এল—‘উপাধ্যায়ের সন্ধান পেলেন ?’

ছোটকুমার পবনদেও সিং। এখনও তার হাতে ক্যামেরা আর বেশ্টের সঙ্গে লাগানো সাউন্ড রেকর্ডিং যন্ত্র।

‘আমরা তো এই মিনিট কুড়ি হল এলাম’, বলল ফেলুদা।

‘আমি এসেছি আড়াইটৈয়ে,’ বলল পবনদেও। ‘যেটুকু জেনেছি, তিনি এখন পুরোপুরি সাধুই হয়ে গেছেন। চেহারাও সাধুবই মতো। বুঁয়ে দেখুন, এখানে এত সাধুর মধ্যে তাকে

খুঁজে বার করা কত কঠিন। একটা ব্যাপার সম্বন্ধে আমি শিওর। তিনি নাম বদলেছেন। উপাধ্যায় বলে কাউকে এখানে কেউ চেনে না।'

'দেখুন চেষ্টা করে', বলল ফেলুদা, 'আমরাও খুঁজছি।'

পৰন্দেও চলে গেলেন। লোকটা আমার কাছে এখনও রহস্য রয়ে গেল।

আমরা চা শেষ করে উঠে কয়েক পা এগিয়েছি, এমন সময় আর-একটা চেনা কঠে বাংলায় একটা প্রশ্ন এল।

'এই যে—এসে পড়েছেন ? কেমন, আসা সার্থক কিনা বলুন।'

আমাদের ট্রেনের আলাপী মাখনলাল মজুমদার।

'মোল আনা সার্থক', বলল ফেলুদা, 'আমাদের ঘোর এখনও কাটেনি।'

'হরিদ্বারের কাজ হল ?'

'হ্যানি বলেই তো এখানে এলাম। একজনের সঙ্গান করে বেড়াচ্ছি। আগে ছিলেন হরিদ্বারে। সেখানে গিয়ে শুনি, তিনি চলে গেছেন রুদ্রপ্রয়াগ। আবার রুদ্রপ্রয়াগে গিয়ে শুনি কেদারনাথ।'

'কার কথা বলছেন, বলুন তো ?'

'ভবানী উপাধ্যায় বলে এক ভদ্রলোক।'

মাখনবাবুর চোখ কপালে উঠে গেল।

'ভবানী ? ভবানীর খোঁজ করছেন আপনারা ? আর সে কথা অ্যাদিন আমাকে বলেননি ?'

'আপনি তাঁকে চেনেন নাকি ?'

'চিনি মানে ? সাত বছর থেকে চিনি। আমার পেটের আলসার সারিয়ে দিয়েছিল এক বড়িতে। তার পর হরিদ্বার ছাড়ার কিছু দিন আগেও আমার সঙ্গে দেখা করেছে। একটা বৈরাগ্য লক্ষ করেছিলাম ওর মধ্যে। বললে, রুদ্রপ্রয়াগে যাবে। আমি বললাম, বাসরুট হয়ে প্রয়াগ আর এখন সে জিনিস নেই। তুমি জপতপ করতে চাও তো সোজা কেদার চলে যাও। বোধহয় একটা দোটানার মধ্যে পড়েছিল, তাই কিছু দিন রুদ্রপ্রয়াগে থেকে যায়। কিন্তু এখন সে এখানেই।'

'সে তো বুরুলাম, কিন্তু কোথায় ?'

'শহরের মধ্যে তাকে পাবেন না ভাই। সে এখন গুহাবাসী। চোরাবালিতাল নাম শুনেছেন ? যাকে এখন গাঙ্কী সরোবর বলা হয় ?'

'হাঁ, হাঁ, শুনেছি বটে।'

'ওই চোরাবালিতাল থেকে মন্দাকিনী নদীর উৎপত্তি। কেদারনাথের পিছন দিয়ে পাথর আর বরফের উপর দিয়ে মাইল তিনেক যেতে হবে। হৃদের ধারে একটা গুহায় বাস করে ভবানী। উপাধ্যায় অংশটা তার নাম থেকে উবে গেছে; এখন সে ভবানীবাবা। একা থাকে, কাছেপিঠে আর কেউ থাকে না। কাল সকালে আপনারা চেষ্টা করে দেখতে পারেন।'

'আপনার সঙ্গে এবার দেখা হয়েছে ?'

'না, তবে স্থানীয় লোকের কাছে খবর পেয়েছি। ফলমূলের জন্য তাকে বাজারে আসতে হয় মাঝে মাঝে।'

'আপনি আমাদের অশেষ উপকার করলেন, মিঃ মজুমদার। কিন্তু তাঁর অতীতের ইতিহাস কি এখানে কেউ জানে ?'

'তা তো জানতেই পারে,' বললেন মাখনবাবু, 'কারণ সে তো চিকিৎসা এখনও সম্পূর্ণ



ছাড়েনি। এই কেদারনাথের মোহাস্তই তো বলছিলেন যে, ভবানী সম্পত্তি নাকি একটি ছেলের পোলিও সারিয়ে দিয়েছে। তবে আমার ধারণা, সে কিছু দিনের মধ্যে আর চিকিৎসা করবে না—পুরোপুরি সম্যাসী বনে যাবে।’

‘একটা শেষ প্রশ্ন’, বলল ফেলুদা, ‘ভদ্রলোক কোনু দেশি তা আপনি জানেন?’

‘এ বিষয় তো তাকে কোনও দিন জিজ্ঞেস করিনি। তবে সে আমার সঙ্গে সব সময় হিন্দিতেই কথা বলেছে। ভাল হিন্দি। তাতে অন্য কোনও প্রদেশের ছাপ পাইনি কখনও।’

মাখনবাবু চলে গেলেন।

লালমোহনবাবু ইতিমধ্যে আমাদের দল থেকে একটু দূরে সরে গিয়ে কার সঙ্গে যেন কথা বলছিলেন। এবার এগিয়ে এসে বললেন, ‘বিড়লা গেস্ট হাউস থেকে আমাদের তলব পড়েছে।’

‘কে ডাকছে?’ প্রশ্ন করল ফেলুদা।

একজন বেঁটে ভদ্রলোক এগিয়ে এসে বললেন, ‘মি: সিংঘানিয়া।’

ফেলুদার ভুরুটা কুঁচকে গেল। আমাদের দিকে ফিরে চাপা গলায় বলল, ‘মনে হচ্ছে এই সিংঘানিয়াই এক ভদ্রলোককে সঙ্গে নিয়ে হরিদ্বার গিয়েছিলেন উপাধ্যায়ের সঙ্গে দেখা করতে। আমার মনে হয়, একে খানিকটা সময় দেওয়া যেতে পারে—চলিয়ে।’

যদিও চারিদিকে অনেকগুলো বরফের পাহাড়ের চুড়োতে এখনও রোদ রয়েছে—তার কোনওটা সোনালি, কোনওটা লাল, কোনওটা গোলাপি—কেদার শহরের উপর অঙ্ককার নেমে এসেছে।

বিড়লা গেস্ট হাউস কেদারনাথের মন্দিরের পাশেই কাজেই আমরা তিন মিনিটের মধ্যেই পৌঁছে গেলাম। দেখে মনে হল, এখানে হয়তো এটাই থাকবার সবচেয়ে ভাল জায়গা। অস্তত পরিষ্কৃতার দিক দিয়ে তো বটেই; থাবারের কথা জানি না। থাবারের ব্যাপারে এমনিতেও শুনছি, এখানে আলু ছাড়া আর বিশেষ কিছুই পাওয়া যায় না।

বেঁটে লোকটা আমাদের আগে আগে পথ দেখিয়ে বিড়লা গেস্ট হাউসের দোতলার একটা ঘরে নিয়ে গিয়ে হাজির করল। বেশ বড় ঘর, চারিদিকে চারটে গদি পাতা। মাথার উপর একটা ঝুলন্ত লোহার ডাঙা থেকে বেরোনো তিনটি ছকে টিমটিম করে তিনটে বালব ছলছে। কেদারনাথে ইলেক্ট্রিসিটি আছে বটে, কিন্তু আলোর কোনও তেজ নেই।

আমরা মিনিটখানেক অপেক্ষা করতেই, যিনি আমাদের আহান করেছিলেন, তাঁর আবির্ভাব হল।

৭

যা ভাবা যায়, সেটা যখন না হয়—তখন মনের অবস্থাটা আবার স্বাভাবিক হতে বেশ কিছুটা সময় লাগে। সিংঘানিয়ার নামটার সঙ্গে সিংহের মিল আছে বলে বোধহয় ব্যক্তিসম্পন্ন কাউকে আশা করেছিলাম। যিনি এলেন তাঁর মাঝারি গড়ন, মেজাজে মাঝারি গাত্তীর্য, গলার স্বর সরুও নয় মোটাও নয়। শুধু একটা মোটা পাকানো গোঁফে বলা যায় কিছুটা ভারিকি ভাব এসেছে।

‘মাই নেম ইজ সিংঘানিয়া’ বললেন ভদ্রলোক—‘প্লিজ সিট ডাউন।’

আমরা তিনজনে দুটো গদিতে ভাগাভাগি করে বসলাম, সিংঘানিয়া বসলেন তৃতীয় গদিতে সোজা আমাদের দিকে মুখ করে। কথা হল ইংরেজি-হিন্দি মিশিয়ে।

সিংঘানিয়া বললেন, ‘আপনার খ্যাতির সঙ্গে আমি পরিচিত মি: মিটার, কিন্তু আলাপ হবার সৌভাগ্য হ্যানি।’

ফেলুদা বলল, ‘বিপদে না পড়লে তো আর আমার ডাক পড়ে না, তাই আলাপ হবার সুযোগও হ্যানি।’

‘আমি অবিশ্য আপনাকে বিপদে পড়ে ডাকিনি।’

‘তা জানি’, বলল ফেলুদা। ‘আপনার নামও কিন্তু আমি শুনেছি। অবিশ্য সিংঘানিয়া তো অনেক আছে, কাজেই যাঁর নাম শুনেছি, তিনিই আপনি কিনা বলতে পারব না।’

‘আই অ্যাম ভেরি ইন্টারেস্টেড টু নো, আপনি কী ভাবে আমার নাম শুনলেন।’

‘আপনি হরিদ্বার গিয়েছিলেন কখনও ?’

‘সার্টেনলি ।’

‘সেখানে ভবানী উপাধ্যায় বলে একজনের সঙ্গে দেখা করেছিলেন ?’

‘করেছিলাম বইকী ; কিন্তু আপনি সেটা জানলেন কী করে ?’

‘উপাধ্যায়ের বাড়িওয়ালা আমাকে বলেছিলেন যে, মিঃ সিংঘানিয়া এবং আর একজন ভদ্রলোক উপাধ্যায়ের সঙ্গে দেখা করতে এসেছিলেন ।’

‘আর কিছু বলেননি ?’

‘বলেছিলেন যে উপাধ্যায়কে নাকি আপনি লোভে ফেলে দিয়েছিলেন, কিন্তু উপাধ্যায় সেটা কাটিয়ে ওঠে ।’

‘হোয়াট এ ষ্ট্রেঞ্জ ম্যান, দিস উপাধ্যায় ! আমি এমন লোক আর দ্বিতীয় দেখিনি । ভেবে দেখুন মিঃ মিটার—লোকটার রোজগার মাসে পাঁচশো টাকার বেশি নয়, কারণ গরিবদের সে বিনা পয়সায় চিকিৎসা করে । সেই লোককে আমি পাঁচ লাখ টাকা অফার করলাম । আপনি জানেন বোধহয় যে, ওঁর কাছে একটা অত্যন্ত ভ্যালুয়েব্ল লকেট আছে—খুব সন্তুষ্ট এককালে সেটা ট্র্যাভাক্সেরের মহারাজার ছিল ।’

‘সে তো জানি, কিন্তু আমার জানার কৌতুহল হচ্ছে, আপনি এই লকেটের খবরটা জানলেন কী করে । ওটা তো রাজার পাঁচ-চ' জন খুব কাছের লোক ছাড়া আর কারও কাছে প্রচার হয়নি ।’

‘আমি খবরটা জেনেছিলাম সেই কাছের লোকদের একজনের কাছ থেকেই । আমার জুয়েলারির ব্যবসা আছে দিল্লিতে । আমার কাছে এই লকেটের খবর আনে কুপনারায়ণগড়ের ম্যানেজার মিঃ পুরীর হেলে দেবীশক্র পুরী । সে আমাকে লকেটা কিনতে বলে । ন্যাচারেলি হি এক্সপেস্টেড এ পারসেন্টেজ । আমরা গেলাম হরিদ্বার । উপাধ্যায় রিফিউজ করলেন । পুরীর উৎসাহ চলে গেল । কিন্তু আমি ওটা কেনার লোভ ছাড়তে পারছি না । আমার মনে হয়, এখনও চেষ্টা করলে হয়তো পাওয়া যাবে । তখন তিনি ডাঙ্কারি করেছিলেন, লোকের সেবা করেছিলেন, এখন হি ইজ এ সম্যাসী । একজন গৃহত্যাগী সন্যাসীর ওই রকম একটা পার্থির সম্পদের উপর কোনও আসন্নি থাকবে, এটা ভাবতে একটু আত্মত লাগছে না ? আমি চাই, ওঁকে আর একবার অ্যাপ্রোচ করতে ।’

‘বেশ তো, করুন না ।’

‘দ্যাট ইজ ইমপসিব্ল, মিঃ মিটার ।’

‘কেন ?’

‘উনি এমন জায়গায় থাকেন, সেখানে আমার পক্ষে যাওয়া অসম্ভব । আমি আপনাকে একটা কথা জিজেস করতে পারি ?’

‘করুন ।’

‘হোয়াই আর ইউ হিয়ার ?’

‘প্রধানত ভ্রমণের উদ্দেশ্যে । তবে উপাধ্যায় লোকটার উপর আমার একটা শ্রদ্ধা রয়েছে । তার যদি কোনও অনিষ্ট হচ্ছে দেখি, তা হলে কিন্তু আমি বাধা দেব ।’

‘ইউ আর অ্যাকটিং অ্যাজ এ ফি এজেন্ট ? আপনাকে কেউ এমপ্লায় করেনি ?’

‘না ।’

‘আপনি আমার হয়ে কাজ করবেন ?’

‘কী কাজ ?’

‘আপনি উপাধ্যায়ের সঙ্গে দেখা করে তাকে বুঝিয়ে বলে লকেটটা এনে দিন । আমি

আপনাকে পাঁচ লাখের টেন পার্সেণ্ট দেব। উনি যদি নিজে টাকা না নেন, তা হলে ওঁর যদি কোনও উত্তরাধিকারী থাকে, তাকে আমি টাকাটা দেব।'

'কিন্তু এই লকেট সহস্রে ইন্টারেস্টেড আরও কয়েকজন এখানে রয়েছে, আপনি জানেন সেটা ?'

'রংগনারায়ণগড়ের ছেটকুমার তো ?'

'আপনি জানেন ?'

'জানতাম না। আজ বিকেলেই ভার্গব বলে এক সাংবাদিক এসেছিল। কেদারে এসেও যে সাংবাদিকদের উৎপাত সহ্য করতে হবে, সেটা ভাবিন। যাই হোক, সেই খবরটা দিল। কিন্তু ছেটকুমার তো ফিল্ম তুলতে এসেছে।'

'জানি। কিন্তু তাতে উপাধ্যায় আর লকেটের একটা বড় ভূমিকা আছে।'

সিংঘানিয়ার চেহারাটা এবার একটা ইন্দুরের মতো হয়ে গেল। সে হাতজোড় করে বলল—

'দোহাই মিঃ মিটার—প্লিজ হেল্প মি !'

'আপনি ভার্গবকে এ সব নিয়ে কিছু বলেননি তো ?'

'পাগল ! আমি বলেছি তীর্থ করতে এসেছি। কেদারে আসার আর কোনও কারণ থাকার দরকার আছে কি ?'

'ভার্গব লোকটাও উপাধ্যায় সহস্রে ইন্টারেস্টেড। তবে খবরের কাগজের খোরাক হিসেবে।'

'আপনি কিন্তু এখনও আমার কথার উত্তর দেননি।'

'মিঃ সিংঘানিয়া—আমি এইটকু বলতে পারি যে, আপনার প্রস্তাব আমি উপাধ্যায়কে জানাব। তবে আমার ধারণা যে তিনি যদি লকেটটা নিজে না রাখেন, তবে সেটা হয়তো অন্য কাউকে দিয়ে যেতে চাইবেন। কাজেই এখন কোনও পাকাপাকি কথা বলার দরকার নেই; তখন অবস্থা বুঝে ব্যবস্থা হবে, কেমন ?'

'ভেরি গুড়।'

*

বাইরে রাত। কেদার শহর যিমিয়ে পড়েছে। বাড়ির বাতি, রাস্তার বাতি, দোকানের বাতি—সবই যেন ধুঁকছে। তারই মধ্যে এক জায়গায় বেশ একটা উজ্জল আলো দেখে অবাক হয়ে এগিয়ে গিয়ে দেখি, ছেটকুমার পবনদেও একটা ব্যাটারির আলো জ্বালিয়ে কেদারের গলির ফিল্ম তুলছে। আমাদের দেখে শুটিং থামিয়ে ফেলুদাকে উদ্দেশ করে প্রশ্ন করল, 'উপাধ্যায়ের কোনও খবর পেলেন ?'

ফেলুদা উত্তর না দিয়ে একটা পালটা প্রশ্ন করল—

'আপনি উঠেছেন কোথায় ?'

'এখানে পাশোরা ঘর ভাড়া দেয়, জানেন তো ? তারই একটাতে রয়েছি—এই বাঁয়ের রাস্তা দিয়ে দুটো বাড়ির পরে ডান দিকের বাড়ি।'

'ঠিক আছে—আমি আপনার সঙ্গে যোগাযোগ করাই, বলল ফেলুদা। আমরা এগিয়ে গেলাম আমাদের ধরমশালার দিকে।'

লালমোহনবাবু হঠাৎ মন্তব্য করলেন, 'ছেটকুমার কেমন লোক জানি না মশাই, কিন্তু সিংঘানিয়া লোকটা ধড়িবাজ আছে।'

'কী করে জানলেন ?' ফেলুদা প্রশ্ন করল।

'আপনি যেখানে বসেছিলেন, সেখান থেকে বোধ হয় দেখতে পাননি, কিন্তু আমি

দেখলাম, লোকটার কোটের বাঁ পকেটে একটা ক্যাস্ট রেকর্ডার। কথা শুনু হবার আগে স্টো টুক করে চালু করে দিল।’

‘ধড়িবাজের উপর আবার ধড়িবাজতর হয় জানেন তো ?’

ফেলুদাও তার পকেট থেকে মাইক্রোক্যাস্ট রেকর্ডারটা বার করে দেখিয়ে দিল।

‘আপনি কি ভাবছেন যে, এটা আমি—’

ফেলুদার কথা শেষ হল না, কারণ কাঁধে একটা ঘা খেয়ে ততক্ষণে সে মাটিতে পড়ে গেছে। গলির এই অংশটা নিরিবিলি, সেই সুযোগে পাশের কোনও গলি থেকে একটা লোক আচমকা বেরিয়ে এসে ওই কাণ্ডটি করেছে।

মুহূর্তের মধ্যে একটা তুলকালাম কাও হয়ে গেল।

লোকটা মেরেই পালাচ্ছিল; আমি তার উপর ঝাঁপ দিয়ে পড়ে তার কোমরটা দু হাতে জাপটে ধরে তাকে দেয়ালে ঢেপে ধরলাম। সেও পালটা চাপ দিয়ে আমাকে ঠেলে সরিয়ে পালাতে যাচ্ছিল, এমন সময় লালমোহনবাবু তার হাতের অন্তর্টা দিয়ে তাকে এক ঘায়ে ধরাশায়ী করে দিলেন।

অন্তর্টা আর কিছুই না, গৌরীকুণ্ডে দু টাকা দিয়ে কেনা সেই লোহা-লাগানো লাঠি। স্পষ্ট দেখতে পাচ্ছি লোকটার মাথা ফেটে গলগল করে রক্ত বেরোছে কিন্তু সেই অবস্থাতেই সে আবার উঠে, এক দৌড়ে অন্ধকারে মিলিয়ে গেল।

এদিকে ফেলুদা উঠে বসেছে। বোঝাই যাচ্ছে সে বেশ কাবু। আমরা দু জন দু দিক থেকে তাকে ধরে তুললাম। আমাদের ধরমশালায় প্রায় পৌঁছে গেছি। শেষ পথটুকু ফেলুদা শুধু একটা কথাই বলল, ‘কেদারেও তাহলে গুণ্ডা এসে পৌঁছে গেছে !’

কপাল-জোরে আমাদের পাশের ঘরেই একজন বাঙালি ডাক্তার পাওয়া গেল, নাম অধীর সেন। অধীরবাবু আবার ফেলুদাকে চিনে ফেললেন, কাজেই যত না জখম, তার তুলনায় শুশ্রূষাটা একটু বেশিই হল। ডান কাঁধে একটা জায়গায় কেটে গিয়েছিল, সেখানে ওষুধ দিয়ে ব্যান্ড-এড দিয়ে দিলেন। বললেন, ‘ফ্যাকচার হয়েছে কি না, স্টো তো এক্স-রে না করলে বোঝা যাবে না।’

ফেলুদা বলল, ‘ফ্যাকচারই হোক আর যাই হোক, আমাকে বিছানায় শুইয়ে রাখতে পারবেন না, এটা আগে থেকেই বলে দিলাম।’

ফি-এর কথা জিজ্ঞেস করাতে ভদ্রলোক জিভ-টিভ কেটে একাক্কার—‘তবে ব্যাপারটা কী জানেন, মিঃ মিত্রি ! এই নিয়ে আমার তিনবার হল কেদার। প্রাকৃতিক সৌন্দর্য যেমন ছিল তেমনই আছে, কিন্তু ক্রমে অ্যান্টি-সোশ্যাল এলিমেন্টস ঢুকে পড়ছে শহরে। এর জন্য দায়ী কী জানেন তো ? আমাদের যানবাহনের সুব্যবস্থা ! এক দিকে ভাল করেন তো অন্য দিক দিয়ে খারাপ ঢুকে পড়ে—এই তো দেখে আসছি জগতের নিয়ম !’

কালীকমলীর ম্যানেজার নিজের বুদ্ধি খাটিয়েই এখানকার পুলিশকে খবর দিয়ে আনিয়ে নিয়েছিলেন। ফেলুদা তার সঙ্গে বেশ কিছুক্ষণ ধরে কথা বলল। বুৱাতে পারলাম যে, নানা রকম নির্দেশ দেওয়া হল, এবং সবই দারোগা সাহেব অতি মনোযোগের সঙ্গে শুনে নিলেন।

পুলিশ চলে যাবার পর সাংবাদিক মিঃ ভার্গব এসে হাজির—‘শুনলাম আপনার লাইফের উপর একটা আটেম্প্ট হয়ে গেছে ?’

‘গোয়েন্দার জীবনে এ তো দৈনন্দিন ঘটনা, মিঃ ভার্গব। এখানকারই কোনও গুণ্ডা হয়তো পকেট মারতে চেয়েছিল, কিন্তু বিশেষ সুবিধা করতে পারেনি।’

‘আপনি বলতে চান, আপনার কোনও তদন্তের সঙ্গে এর কোনও কানেকশন নেই ?’

‘তদন্ত আবার কোথায় ? আমি তো এখানে এসেছি উপাধ্যায়ের সঙ্গে দেখা করতে।



‘ভাল কথা, তিনি কোথায় থাকেন সে খবর পেয়েছেন ?

‘আপনি পেয়েছেন ?’

‘উপাধ্যায় বলে এখানে কেউ কাউকে চেনে না ।’

‘তা হলে ভদ্রলোক হয়তো নাম বদলেছেন ।’

‘তাই হবে ।’

ফেলুন্দা আসল ব্যাপারটা বেমালুম চেপে গেল । ভার্গব কিছুটা নিরাশ হয়েই যেন চলে গেলেন ।

কাল সকাল সকাল উঠতে হবে বলে আমরা সাড়ে আটটার মধ্যে পুরি-তরকারি খেয়ে নিয়ে শুয়ে পড়ার আয়োজন করতে লাগলাম। এই সময় ফেলুদা যে ব্যাপারটা করল, সেটা কিন্তু আমি আর লালমোহনবাবু মোটেই অ্যাপ্রুভ করতে পারলাম না। ও বলল, ‘তোরা দুজনে শুয়ে পড়, আমি একটু ঘুরে আসছি।’

‘ঘুরে আসছ মানে?’ আমি অবাক এবং কিছুটা বিরক্ত হয়ে প্রশ্ন করলাম। আমি জানি, ওর কাঁধে এখনও কেশ ব্যথা। ‘কোথেকে ঘুরে আসছ?’

‘একবার ছোটকুমারের সঙ্গে দেখা করা দরকার।’

‘সে কী, তুমি সোজা এনিমি ক্যাম্পে চলে যাবে?’

‘আমার এ রকম অনেক বার হয়েছে রে তোপ্সে। একটা চোট খেয়ে বুদ্ধিটা খুলে গেছে। এবারও তাই। পবনদেও আমাদের শক্তি না।’

‘তবে?’

‘আসল শক্তি কে, সেটা জানতে পারবি খুব শিগগিরই।’

‘কিন্তু তুমি বেরোবে, আর শক্তি যদি এখন ওঁত পেতে থাকে?’

‘আমার সঙ্গে অস্ত্র আছে। তোরা শুয়ে পড়। আমি যখনই ফিরি না কেন, কালকের প্রোগ্রামে কোনও চেঞ্জ নেই। গান্ধী সরোবর। ভোর সাড়ে চারটায় রওনা হচ্ছি।’

সঙ্গে রিভলভার আর একটা বড় টর্চ নিয়ে ফেলুদা চলে গেল।

‘তোমার দাদার সাহসের জবাব নেই, বললেন জটায়ু।

৮

ফেলুদা কাল রাত্তিরে কখন ফিরেছে জানি না। সেটা ওকে আর জিজ্ঞেস করলাম না, কারণ ও দেখলাম সাড়ে চারটার মধ্যে রেডি হয়ে আছে।

আমরা দুজনও দশ মিনিটের মধ্যে তৈরি হয়ে নেওয়ার পর তিনজনে এক সঙ্গে বেরিয়ে পড়লাম। বাইরে এখন ফিকে ভোরের আলো, রাস্তার বাতিগুলো এখনও টিমটিম করে জলছে।

কেদারনাথের মন্দির ছাড়িয়ে খোলা জায়গায় পড়ে ফেলুদা হঠাতে জিজ্ঞেস করল, ‘তুই যে জিভ আর দাঁতের ফাঁক দিয়ে খুব জোরে শিস দিতিস, সেটা এখনও পারিস?’

আমি একটু অবাক হয়েই বললাম, ‘হ্যাঁ, তা পারি বইকী।’

ফেলুদা বলল, ‘আমি যখন বলব, তখন দিবি।’

আমরা তিনজনেই সঙ্গে লোহার স্পাইক-দেওয়া লাঠি এনেছিলাম, তা না হলে মাঝে মাঝে বরফে ঢাকা এই পাথুরে পথ দিয়ে হাঁটা অসম্ভব হত। গোড়তেই মন্দাকিনীর উপর দিয়ে একটা তঙ্গ-ফেলা সেতু পার হতে হয়েছে আমাদের। নদী এখানে সরু নালার মতো। তিন দিকে ঘিরে যে সব তুষার-শৃঙ্খ রয়েছে, তার কোনওটার নাম এখনও জানা হয়নি। তাদের মধ্যে যেগুলো সবচেয়ে উচু, তার চুড়োয় গোলাপি আভা লক্ষ করা যাচ্ছে। শীত প্রচণ্ড, তারই মধ্যে কাঁপা গলায় লালমোহনবাবু হঠাতে প্রশ্ন করলেন, ‘তো-হো-হোপ্সে তো শি-হিস দেবে; আমার ডু-হু-হুমিকাটা—?’

ফেলুদা বলল, ‘আপনি আপনার ওই হাতের লাঠিটা প্রয়োজনে পাগ্লা জগাই-এর মতো মাথার ওপর ঘোরাবেন, তাতে আপনার বীরত্ব আর ব্যারাম দুটোই একসঙ্গে প্রমাণ হবে।’

‘বু-হু-বেছি।’

আরও আধঘণ্টা চলার পরে দেখতে পেলাম, দূরে একটা ছাই রঙের মসৃণ সমতল প্রান্তর

রয়েছে। চারিদিকের পাথরের মধ্যে সেটাই যে চোরাবালিতাল বা গাঁকী সরোবর, সেটা বুঝতে অসুবিধা হল না। তবু আমি ফেলুদার দিকে ঘাড় ফিরিয়ে জিজ্ঞেস করলাম, ‘ওটাই কি—?’ ফেলুদা ঘাড় নাড়িয়ে বুঝিয়ে দিল, হ্যাঁ।

হৃদের পশ্চিম ধারে একটা পাথরের ঢিবি রয়েছে, সেটার মধ্যে অন্যায়ে একটা গুহা থাকতে পারে। পুরো ব্যাপারটা এখনও আমাদের থেকে অন্ত আড়াইশো গজ দূরে।

আমরা যেখান দিয়ে যাচ্ছি সেখানে জমিতে আলগা পাথর ছাড়াও বেশ বড় বড় শিলাখণ্ড রয়েছে। তা ছাড়া বরফ জমে রয়েছে চতুর্দিকে।

কিছুক্ষণ থেকেই লক্ষ করছি যে ফেলুদার দৃষ্টিটা এদিক ওদিক ঘুরছে, ও যেন কিছু একটা খুঁজছে। এবাবে দৃষ্টিটা এক জ্যায়গায় স্থির হল।

তার দৃষ্টি অনুসরণ করে দেখলাম আমাদের ডান দিকে একটা পাথরের আড়াল থেকে বেরিয়ে আছে ক্যামেরার তেপায়ার একটা ঠ্যাং।

ফেলুদা প্রায় নিঃশব্দে সেই দিকে এগিয়ে গেল, আমরা তার পিছনে।

পাথরটা পেরোতেই দেখা গেল ছেটকুমার পবনদেও ক্যামেরায় চোখ লাগিয়ে দাঁড়িয়ে আছে। লেন্সটা দেখেই বোৱা যাচ্ছে, সেটা টেলি-ফোটো, অর্থাৎ—টেলিস্কোপের কাজ করবে।

ছেটকুমারের পাশে পৌঁছতেই তিনি বললেন, ‘স্পষ্ট দেখা যাচ্ছে গুহাটা, কিন্তু এখনও উনি বেরোননি।’

এবাব পর পর ফেলুদা আর আমি দুজনেই চোখ লাগালাম।

লেকের জলটা স্থির, তাতে আকাশের আবছা গোলাপি রং প্রতিফলিত হয়েছে। তারপর বাঁ দিকে ক্যামেরা ঘূরিয়ে দেখা গেল গুহাটা। পাথরের ফাঁকে গোঁজা একটা গৈরিক পতাকা রয়েছে গুহাটার ঠিক পাশে।

আমাদের চারপাশের যে শৃঙ্গগুলো সবচেয়ে উচু, তাতে এখনই গোলাপি রোদ লেগেছে। পুবে একটা উচু শৃঙ্গ, তার পিছনে আকাশের লাল রং দেখে মনে হচ্ছে সূর্যটা ওখান দিয়েই উঠবে।

মিনিটখনেকের মধ্যেই পুবের পাহাড়ের চুড়োর পিছন দিয়ে চোখ-বলসানো সূর্যটা উকি দিতেই গাঁকী সরোবরটা রোদে ধুয়ে গেল।

সেই সঙ্গে লক্ষ করলাম, গুহার গায়ে রোদ পড়েছে আর এক আশ্চর্য প্রাকৃতিক পরিবেশে এক আশ্চর্য নাটক হচ্ছে এইভাবে এক সন্ধ্যাসী বেরিয়ে এলেন গুহা থেকে। তাঁর দৃষ্টি সোজা পুব দিকে। যেন নতুন-ওঠা সূর্যকে স্বাগত জানাচ্ছেন।

‘তোপ্সে, এগিয়ে চল !’ ফিস্ফিসিয়ে আদেশ এল ফেলুদার কাছ থেকে।

‘আমি ক্যামেরায় আছি, বললেন ছেটকুমার।

আমরা তিনজন দ্রুত এগিয়ে গেলাম গুহার দিকে এ-পাথর ও-পাথরের আড়াল দিয়ে।

আলো পড়ছে, কিন্তু কোনও শব্দ নেই। প্রকৃতি যেন কুন্দ্রশাসে কোনও একটা বিশেষ ঘটনার জন্য অপেক্ষা করছে।

এবাব গুহা, সন্ধ্যাসী, পতাকা সবই স্পষ্ট দেখতে পাচ্ছি। আমরা উত্তর-মুখে এগিয়ে চলেছি। সন্ধ্যাসী আমাদের দিকে পাশ করে পুব দিকে চেয়ে আছেন, তাঁর গেৱয়া বসনের উপর একটা খয়েরি রঙের পট্টুর চাদর।

এবাব একটা আশ্চর্য জিনিস লক্ষ করলাম। গুহার পুব দিকের পাথরের ঢিবির গায়ে একটা আলো নড়া চড়া করছে। সেটা যে কোনও ধাতব জিনিস থেকে প্রতিফলিত, তাতে কোনও সন্দেহ নেই।



এবার গুহার ঢিবির পিছন দিয়ে একটা লোক বেরিয়ে এল। তার ওভারকোটের কলার তোলা, তাই মুখটা বোঝা যাচ্ছে না। লোকটার মাথায় একটা পশমের টুপি, আর হাতে যে জিনিসটা রোদ পড়ে চক্চক করছে, সেটা রিভলভার ছাড়া আর কিছুই না।

সম্ম্যাসী সেই একই ভাবে সামনের দিকে চেয়ে আছেন, সূর্যের আলো পড়ছে তার মুখে।

ফেলুদা এবার চাপা গলায় বলল, ‘আমি এগোচ্ছি। তোরা এই পাথরের আড়াল থেকে দ্যাখ। রিভলভারের আওয়াজ শুনলেই তোর সেই শিসটা দিবি।’

ফেলুদা নিঃশব্দে এগিয়ে গেল গুহাটার দিকে। খানিক দূর গিয়ে সে একটা পাথরের

পাশে এমনভাবে দাঁড়াল যে সমস্ত ঘটনাটা দেখতে পায়। আমরা আছি তার বিশ গজ পিছনে, কিন্তু আমরা দেখতে পাচ্ছি নাটকের সব চরিত্রকে।

ফেলুদার পকেট থেকেও এবার রিভলভার বেরিয়ে এল।

এবার সন্ধাসী তাঁর দৃষ্টি ঘুরিয়েছেন বাঁ দিকে, অর্থাৎ ওভারকোটে মুখ-ঢাকা লোকটার দিকে।

পরম্পরাগতেই এই অপার্থিব নৈশব্দ্য চুরমার করে একটা রিভলভারের শব্দের সঙ্গে সঙ্গে ওভারকোট পরা লোকটা বাঁ হাত দিয়ে ডান হাতের কবজি টিপে বরফের উপর বসে পড়ল, আর তার হাতের রিভলভারটাও ছিটকে গিয়ে পড়ল বরফের উপর।

সঙ্গে সঙ্গে আমার মনে পড়ল ফেলুদার নির্দেশ।

শিসের শব্দ হওয়া মাত্র এ-পাথর সে-পাথরের আড়াল থেকে বেরিয়ে এল পুলিশ।

‘তোপ্সে, তোরা আয়।’

আমরা দূজনে দৌড়ে এগিয়ে গেলাম ঘটনাস্থলের দিকে।

এক মিনিটের মধ্যে পৌঁছে গেলাম সাধুর গুহার সামনে।

সৌম্যমূর্তি গেরয়াধারী সন্ধাসী এখনও যেন পুরো ব্যাপারটা অনুধাবন করতে পারেননি। আমাদের সকলের দিকেই ঘুরে ঘুরে অবাক হয়ে দেখছেন।

আর যিনি মাটিতে বসে আছেন তাঁর কবজি টিপে ? এবারে তো তাঁর মুখ দেখা যাচ্ছে।

সে কী, ইনি যে সাংবাদিক মিঃ ভার্গব !

একজন কনস্টেবল যেন ফেলুদারই কাছ থেকে নির্দেশ পাবার অপেক্ষায় দাঁড়িয়ে আছেন। ফেলুদা বলল, ‘আগে ওঁর দাড়িটা টেনে খুলুন তো !’

ভার্গবের দাড়িটা টেনে খুলতে যে মুখটা বেরোল, সেই মুখটাই ম্যাজিকের মতো আশ্চর্য রকম চেনা চেনা হয়ে গেল—যখন ফেলুদা নিজেই গিয়ে এক টানে মাথার টুপিটা খুলে ফেলল।

‘আশ্চর্য জিনিস রে হেরেডিটি, বলল ফেলুদা—‘শুধু যে এর কানের লতি এর বাপের মতো, তা নয়, ইনি সিঁথিও করেন ডান দিকে—আর তাই এঁকে দেখে আমার এত অসোয়াস্তি হত।’

তার মানে কী দাঁড়াল ?

ইনি উমাশঙ্কর পুরীর ছেলে দেবীশঙ্কর পুরী।

৯

এবার আমাদের সকলের দৃষ্টি গেল সন্ধাসীর দিকে। তাঁর এখনও কেমন যেন মুহ্যমান ভাব। হিন্দিতে বললেন, ‘পিস্তলের শব্দ শুনে মনটা কেমন যেন হয়ে গিয়েছিল—কিছু মনে করবেন না।’

ফেলুদাও হিন্দিতে বলল, ‘যদি কিছু মনে না করেন, আপনার কাছে যে থলিটি আছে, সেটি একবার বার করা দরকার। আমরা আপনার বন্ধু, সেটা বোধহয় বুবাতেই পারছেন। ওটা আপনার গুহার মধ্যেই আছে তো ?’

‘আর কোথায় থাকবে ? ওই তো আমার একমাত্র সম্পত্তি !’

একজন কনস্টেবল গিয়ে গুহার ভিতর থেকে একটা লাল থলি বার করে নিয়ে এল। সেটা খুলতে প্রথমে বেরোল একটা পাকানো কাগজ। এটা রাজা চন্দেও সিং-এর সিলমোহর সমেত ভবানী উপাধ্যায়কে লকেট-দানের স্বীকৃতি।

তারপর বেরোল আরেকটা ছোট থলি থেকে সেই বিখ্যাত সোনার লকেট—বালগোপাল—যার অপরাপ্রস সৌন্দর্য এই পরিবেশে, এই সকালের রোদে আরও শতঙ্গ বেড়ে গেছে।

এইবার ফেলুদা মুখ খুলল। তার বেস্ট হিন্দিতে সে বলল, ‘এবার আপনার আসল পরিচয়টা দিলে কিন্তু আমাদের সকলের খুব সুবিধে হত।’

‘আমার আসল পরিচয়?’

‘আপনার নিজের নামটা বাংলাতেই বলুন না। অ্যাদিন পরে বাংলা বলতে আপনার নিশ্চয়ই ভাল লাগবে।’

উপাধ্যায় ফেলুদার দিকে অবাক হয়ে গিয়ে বাংলায় বললেন, ‘আপনি বুঝে ফেলেছেন আমি বাঙালি?’

‘কেন বুঝব না?’ বলল ফেলুদা, ‘আপনি দেবনাগরী অক্ষরে হিন্দিতে চিঠি লিখেছেন, কিন্তু আপনার “ল” আর বর্গীয় “জ” বাংলার মতো। তা ছাড়া আপনার হরিদ্বারের ঘরের তাকে একটা বইয়ের পাতার টুকরো পেয়েছি, সেটাও বাংলা।’

‘আপনার বুদ্ধি তো আশ্চর্য তীক্ষ্ণ।’

‘এবার আর একটা প্রশ্নের জবাব দেবেন কি?’

‘কী?’

‘উপাধ্যায় কি সত্যিই আপনার পদবি, আর ভবনী কি সত্যিই আপনার নাম?’

‘আপনি কী বলছেন আমি—’

‘উপাধ্যায় কি গঙ্গোপাধ্যায়ের অংশ নয়, আর ভবনী কি দুর্গার আরেকটা নাম নয়? আমি যদি বলি, আপনার আসল নাম দুর্গামোহন গঙ্গোপাধ্যায়—তা হলে কি খুব মিথ্যে বলা হবে?’

‘ছো—ছো—ছো—ছো—’

‘আপনি কাকে ধিক্কার দিচ্ছেন লালমোহনবাবু?’ ফেলুদা বলে উঠল।

‘ছো-ছোটকাকা।’

দুর্গামোহন গঙ্গোপাধ্যায় অবাক হয়ে চাইলেন লালমোহনবাবুর দিকে।

‘আমি যে লালু!’ বললেন জটায়ু।

লালমোহনবাবু গিয়ে দুর্গামোহনকে চিপ করে প্রণাম করায় সাধুবাবা তাঁর ভাইপোকে বুকে জড়িয়ে ধরে বললেন, ‘তা হলে তো আমার সমস্যার সমাধান হয়েই গেল। ওই লকেট তো তোরই প্রাপ্য! ও জিনিস আমার কাছে রাখা এক বিরাট বিড়ম্বনা।’

‘তা তো বটেই। তা, আমাকে দিলে আমি একটা ব্যাক্সের ভল্টে রেখে দিতে পারি। আপনি তো জানেন না ছোটকাকা, আজকাল আমি ছোটদের উপন্যাস লিখে বেশ টু পাইস করছি; তবে রঞ্চির তো কিছু বলা যায় না, একদিন দেখব ব্যপ্ক করে সেল পড়ে গেছে! তখন লকেটটা থাকলে তবু একটা...’

*

নিজের ছেলে লকেটটা হাত করার তাল করছে জেনে উমাশক্রকে বাধ্য হয়ে ফেলুদাকে টেলিগ্রাম ও চিঠি পাঠাতে হয়েছিল। বাপকে হাতের মুঠোর মধ্যে রাখার ক্ষমতা দেবীশক্রের নিশ্চয়ই আছে। দুর্গামোহন খুন হলে লকেট বেহাত হয়ে যেত এটাও ঠিক, কিন্তু বাঁচিয়ে দিয়েছিল ওই ধস্। দেবীশক্র আটকা পড়ে গিয়েছিল রুদ্রপ্রয়াগে। সিংঘানিয়া যে এসেছিল কেদারে, সে একেবারে নিজের গরজে, লকেটটাকে কেনার জন্য।

দেবীশঙ্করই লোক লাগিয়ে ফেলুদার দিকে পাথর গড়িয়ে দিয়েছিল, সে-ই আবার কেদারে রাত্তিরবেলা গুগু লাগিয়ে ফেলুদাকে জখম করার চেষ্টা করেছিল।

ছোটকুমার পবনদেও সিং অবিশ্যি তার ক্যামেরা দিয়ে পুরো ঘটনাই টেলি-ফোটো সেন্স-এর জোরে বেশ কাছ থেকেই তুলে রেখেছিল। দেবীশঙ্কর যে রিভলভার বার করে দুর্গামোহনের দিকে তাগ করেছিল, সেটা স্পষ্ট বোধ যাবার কথা। আপত্তি ছোটকুমারের আর ফিল্ম নেই, কিন্তু দিল্লি থেকে স্টক এলে পরে দুর্গামোহনের একটা সাক্ষাৎকার নেবার ইচ্ছা প্রকাশ করল। দুর্গামোহন আপত্তি করলেন না ; বরং বললেন, ‘একজন রাজার আশ্চর্য দরাজ মনের কথাটা বিশ্বের লোকের কাছে গোপন থাকে কেন ? আমি টেলিভিশন ক্যামেরায় নিশ্চয়ই বলব আমার সোনার বালগোপাল পাবার কথা।’

পবনদেও বললেন, ‘কিন্তু বালগোপাল তো আর আপনার কাছে থাকছে না।’

‘না’, বললেন দুর্গামোহন। ‘সেটার ছবি যদি তুলতে চাও তো আমার ভাইপোকে বলো।’

পবনদেও লালমোহনবাবুর দিকে ফিরে বললেন, ‘আপনার বাড়ি গিয়ে আমি লকেটার ছবি তুলে আনতে পারি কি ?’

জটায়ু তাঁর সবচেয়ে বেশি সাহেবি উচ্চারণে বললেন, ‘ইউ আর মোডস্ট ওয়েলথার !’

বোসপুরে খুনখারাপি


১

আমাদের বন্ধু রহস্য-রোমাঞ্চ ঔপন্যাসিক লালমোহন গাঙ্গুলী ওরফে জটায়ুর পাণ্ডায় পড়ে শেষটায় যাত্রা দেখতে হল। এখনকার সবচেয়ে নামকরা যাত্রার দল ভারত অপেরার হিট নাটক সূর্যতোরণ। এটা বলতেই হবে যে যতক্ষণ দেখা যায় ততক্ষণ জমে যেতে হয়। কোথাও কোনও ঢিলেডালা ব্যাপার নেই; অ্যাকটিং একটু রং চড়া হলেও কাউকেই কাঁচা বলা যায় না। লালমোহনবাবু ফেরার পথে বললেন, ‘আমার গঞ্জের যা গুণ, এরও তাই। মনকে টানবার শক্তি আছে পুরোপুরি। অথচ তলিয়ে দেখুন, দেখবেন অনেক ফাঁকি, অনেক ফাঁকি।’

কথাটা বড়ই-এর মতো শোনালেও, অস্বীকার করা যায় না। লালমোহনবাবুর লেখাও তলিয়ে দেখলে তাতে তেমন কিছু পাওয়া যাবে না। অথচ ভদ্রলোকের পপুলারিটি কিন্তু একটা চমক লাগার মতো ব্যাপার। নতুন বই বেরোনোর পরদিন থেকে একটানা তিন মাস বেস্ট সেলর লিস্টে নাম থাকে। অথচ উনি বেশি লেখেন না; বছরে দুটো উপন্যাস—একটা বৈশাখে, একটা পুজোয়। আজকাল তথ্যের ভূল আগের চেয়ে অনেক কম থাকে। কারণ শুধু যে ফেলুদাকে পাণ্ডুলিপি দেখিয়ে নেন তা নয়, সম্পত্তি নিজেও অনেক রকম এনসাইক্লোপিডিয়া ইত্যাদি কিনেছেন। সেগুলোর যে সম্ভবহার হচ্ছে সেটা বইগুলো পড়লেই বোধ যায়।

সূর্যতোরণ যাত্রা নামটা প্রথমেই করার কারণ হল, এই যাত্রার সঙ্গে যুক্ত এক ভদ্রলোককে নিয়েই আমাদের এবারের তদন্ত। ভদ্রলোকের নাম ইন্দ্রনারায়ণ আচার্য। এঁরই লেখা নাটক, গানও এঁর লেখা, অর্থাৎ নিজেই গীতিকার—আর ইনি নিজেই অর্কেন্ট্রায় বেহালা বাজান। মোট কথা গুণী লোক। তাঁকে নিয়ে যে গোলমালটা হল সেটা অবিশ্যি খুবই প্যাঁচালো ব্যাপার, আর ফেলুদাকে তার বুদ্ধির শেষ কণাটুকু খরচ করে এই রহস্যের সমাধান করতে হয়েছিল।

আমরা যাত্রা দেখবার দিন দশকে পরেই একদিন টেলিফোনে অ্যাপয়েন্টমেন্ট করে



ইন্দ্রনারায়ণবাবু নিজেই আমাদের বাড়িতে এলেন তাঁর সমস্যাটা নিয়ে। দিনটা রবিবার। লালমোহনবাবু যথারীতি ন টার মধ্যেই আজড়া মারতে চলে এসেছেন, দশটা নাগাত ভদ্রলোক এসে হাজির হলেন। যাকে বলে ক্লিন শেভ্ন চেহারা, বয়স আন্দাজ চল্লিশ-বেয়াল্লিশ, রং ফরসা। হাঁটু মাঝারির চেয়ে একটু বেশি, মাথার চুল প্রায় সবই কাঁচা। ফেলুদা প্রথমেই সৃষ্টতোরণের প্রশংসা করে বলল, ‘আপনি তো মশাই ম্যান অফ মেনি পার্টস; এত বকম শিখলেন কী করে?’

ভদ্রলোক হালকা হেসে বললেন, ‘আমার লাইফ হিস্ট্রিটা একটু বেয়াড়া ধরনের। আমার ফ্যামিলির কথা জানলে পরে বুঝবেন যে আমার যাত্রার সঙ্গে কানেকশনটা কত অস্বাভাবিক। আপনি কি বোসপুরুরের আচার্য পরিবারের কথা জানেন?’

‘হাঁ হাঁ,’ ফেলুদা বলল, ‘সে তো অতি নামকরা ফ্যামিলি মশাই। আপনাদেরই এক পূর্বপুরুষ ছিলেন না কন্দপ্রনারায়ণ আচার্য? যিনি বিলেত গিয়ে প্রিন্স দ্বারকানাথের মতো নবাবি মেজাজে থাকতেন?’

‘আপনি ঠিকই বলেছেন,’ বললেন ইন্দ্রনারায়ণবাবু। ‘কন্দপ্রনারায়ণ ছিলেন আমার ঠাকুরদার বাবা। আঠারো শো পঁচাত্তরে বিলেতে যান। অত্যন্ত শৌখিন লোক ছিলেন। গান-বাজনার শখ ছিল। তাঁর কিনে আনা বেহালাই আমি বাজাই। আমাদের পরিবারে এক আমার মেজো দাদা হরিনারায়ণ ছাড়া গান-বাজনার দিকে আর কেউ যায়নি। সে অবিশ্য কিছু বাজাই-টাজায় না; তার উচ্চাঙ্গ সংগীতের শখ। সে রেকর্ড আর ক্যাসেট শোনে। যাই হোক, পরিবার যে খানদানি সে তো বুবতেই পারছেন। আমরা তিন ভাই—আমি, হরিনারায়ণ আর দেবনারায়ণ। আমি ছেট, দেবনারায়ণ বড়। দেব ব্যবসায়ী আর হরি চার্টার্ড অ্যাকাউন্ট্যান্ট। আমাদের বাবা বেঁচে আছেন। নাম কীর্তিনারায়ণ, বয়স উনআশি। উনি ব্যারিস্টার, যদিও এখন আর কোর্ট-কাছারি করার সামর্থ্য

নেই। বুঝতেই পারছেন, এই অবস্থায় আমার যাত্রার সঙ্গে যোগটা কত অস্বাভাবিক। কিন্তু আমার ছেলেবেলা থেকেই ওই দিকে শখ। আই. এ. পাশ করে আর পড়িনি। বেহালা শিখেছি মাস্টার রেখে, গান করতাম, গান লিখতাম খুব কম বয়স থেকেই। বাবাকে সোজাসুজি বলি যে আমি যাত্রায় জয়েন করব। বাবার আবার কেন জানি আমার উপর একটা দুর্বলতা ছিল, তাই আমার আবদারটা মেনে নিলেন। এখন অবিশ্যি আমি আমার অন্য দু ভাইয়ের চেয়ে কম কিছু রোজগার করি না। যাত্রার আর্থিক সচ্ছলতার কথাটা জানেন তো?’

‘তা আর জানি না,’ বললেন লালমোহনবাবু। ‘হিরো-হিরোইন মাইনে পায় পঁচিশ-ত্রিশ হাজার টাকা করে।’

‘আমার নিজের কথাটা নিজেই বলছি বলে কিছু মনে করবেন না,’ বললেন ইন্দুনারায়ণবাবু, ‘কিন্তু আজ ভারত অপেরার যে এত নাম-ডাক সেটা প্রায় অনেকটাই আমার জন্য। আমার নাটক, আমার গান, আমার বাজনা—এগুলো ভারত অপেরার বড় অ্যাট্রিকশন, এবং আমার গোলমালটাও এর থেকেই।’

কথাটা বলে ভদ্রলোক থামলেন। তার একটা কারণ অবিশ্যি শ্রীনাথ চা এনেছে তাই। ফেলুদা বলল, ‘আপনি কি অন্য দলের সঙ্গে প্রতিদ্বন্দ্বিতার কথা বলছেন?’

‘আজ্ঞে হাঁ, আপনি ঠিক ধরেছেন। আমাকে বেশি টাকার প্রলোভন দেখিয়ে ভাঙিয়ে নেবার চেষ্টা তো অনেক দিন থেকেই চলছে। টাকা জিনিসটাকে তো আর অগ্রহ্য করা চলে না, তবে ভারত অপেরার সঙ্গে আমি আছি আজ সতেরো বছর ধরে। এরা আমাকে যথেষ্ট যত্ন-অন্তি করে, আমার গুণের মর্যাদা দেয়। কাজেই এ দল ছেড়ে অন্য দলে যাবার আগে অনেকবার ভাবতে হয়। আমি তাই এদের স্বাইকে ঢেকিয়ে রেখেছি। কিন্তু সেদিন যেটা হল এবং যেটার জন্য আমি আপনার কাছে আসতে বাধ্য হলাম—সেটা হল আমাকে হচ্ছিয়ে ভারত অপেরাকে পঙ্কু করার চেষ্টা।’

‘হচ্ছিয়ে মানে?’

‘সোজা কথায় খুন করে।’

‘টার প্রমাণ কী?’

‘প্রমাণ একেবারে শারীরিক আক্রমণ। তিন দিন আগের ঘটনা। এখনও কাঁধে ব্যথা রয়েছে।

‘কোথায় হল আক্রমণটা?’

‘বিড়ন স্ট্রিট থেকে বেরিয়েছে মহম্মদ শফি লেন। সেখানে একটা বাড়িতে আমাদের আপিস আর রিহার্সালের ঘর। গলিটা অস্বাকার এবং নিরবিলি। সেদিন আবার ছিল লোডশেডিং। ডিসি অফ। আমি যাচ্ছি আপিসে, এমন সময় পিছন থেকে এসে মারল রড জাতীয় একটা কিছু দিয়ে। মাথায় মারতে চেয়েছিল বোধহয়; অঙ্গের জন্য পারেনি। সৌভাগ্যক্রমে ঠিক সেইসময় আমাদের দলের দুজন অভিনেতা আসছিল গলি দিয়ে আপিসেই। আমি তখন মাটিতে পড়ে যন্ত্রণায় কাতরাছি। তারা আমাকে তুলে আপিসে নিয়ে গিয়ে সব ব্যবস্থা করে। আমার হাতে বাক্সে বেহালা ছিল, সেটা পড়ে যায় রাস্তায়। আমার সবচেয়ে ভয় ছিল সেটার বুঝি কোনও ক্ষতি হয়েছে—কিন্তু দেখলাম তা হয়নি। এখন, আমি আপনার কাছে এসেছি আমার কী করা উচিত সে বিষয়ে পরামর্শ নিতে।’

ফেলুদা একটা চারমিনার ধরিয়ে বলল, ‘এই অবস্থায় তো আমার পক্ষে কিছু করা সম্ভব নয়। আর যে লোক আপনাকে আক্রমণ করেছে সে যে বিরুদ্ধ পার্টির লোক এমনও ভাবার কোনও কারণ দেখছি না। সে সাধারণ চোর ছাঁচড় হতে পারে—হয়তো আপনার মানিব্যাগ হাতানোর তালে ছিল। আপনি বরং পুলিশে খবর দিতে পারেন। এর বেশি আর আমার দিকে থেকে কিছু বলা সম্ভব নয়, মিঃ আচার্য। তবে আর যদি কোনও ঘটনা ঘটে তা হলে আপনি আমাকে



মুজিব গঠন

জানাবেন। কিন্তু এ ব্যাপারে পুলিশ আপনাকে আরও দেশি সাহায্য করতে পারবে বলে আমার বিশ্বাস। এটুকু বলতে পারি যে আপনার পারিবারিক ইতিহাস আমার খুব ইটারেস্টিং লাগল। এ রকম পরিবার থেকে কেউ কোনওদিন যাত্রায় যোগ দিয়েছে বলে আমার জানা নেই।'

'আমাকে বলা হত আচার্য ফ্যামিলির ব্ল্যাক শিপ', বললেন ইন্দ্রনারায়ণবাবু, 'অন্তত আমার ভাইরা তাই বলতেন।'

ইন্দ্রনারায়ণবাবু আর বসলেন না। উনি চলে যাবার পর ফেলুন্দা দুটো ধৌঁয়ার রিং ছেড়ে বলল, 'ভাবতে অবাক লাগে যে মাত্র একশো বছর আগে এই আচার্য ফ্যামিলির কন্দপুনারায়ণ বিলেত গিয়ে চুটিয়ে নবাবি করেছে, আর আজ সেই ফ্যামিলিরই ছেলে মহম্মদ শফি লেনে যাত্রার রিহাসাল দিতে গিয়ে গুগুর হাতে রডের বাড়ি খাচ্ছে। মাত্র তিন জেনারেশনে এই

পরিবর্তন কল্পনা করা যায় না।'

'অবিশ্যি পরিবর্তনটা হয়েছে শুধু এই ক্ষেত্রে,' বললেন লালমোহনবাবু। 'অন্য ভাইদের কথা যা শুনলুম তাতে তো মনে হয় তাঁরা দিব্যি আচার্য ফ্যামিলির ট্র্যাডিশন চালিয়ে যাচ্ছেন।'

'যাই হোক', বলল ফেলুদা, 'ফ্যামিলিটাকে ইন্টারেস্টিং লাগছে। বোসপুরুরে একবার গিয়ে পড়তে পারলে মন্দ হত না।'

সেই বোসপুরুরের আচার্য বাড়িতে যাবার সুযোগ যে কয়েকদিনের মধ্যেই এসে পড়বে তা কে জানত?

২ ইন্দ্রনারায়ণের কথা

'সন্তাট অশোক' আর দুদিনে শেষ হয়ে যাবে। সেদিক দিয়ে ইন্দ্রনারায়ণের চিন্তা করার কিছু নেই। সত্যি বলতে কী, নাটক আরও চারখানা আগেই তৈরি হয়ে আছে, যদিও সে কথা ইন্দ্রনারায়ণ তাঁর যাত্রা দলের মালিককে এখনও বলেননি। সব নাটক সব সময় চলে না; দর্শকের কৃচি আশ্চর্যরকম বদলায় বছরে বছরে। হাওয়া বুঝে নাটক লিখতে হয়, না হলে ভাল নাটকও অনেক সময় মার খেয়ে যায়। সে বিচারে সন্তাট অশোক এখন খুবই যুগোপযোগী নাটক।

আসলে দুশ্চিন্তার কারণ অন্য। এখন বেজেছে রাত দশটা। আর কিছুক্ষণ পরেই বীণাপাণি অপেরার ম্যানেজার অশ্বিনী ভড় আসবেন ইন্দ্রনারায়ণের কাছে। এই নিয়ে পাঁচবার হবে তাঁর আসা। এ ছাড়া নব নট কোম্পানির লোকও এসেছে তাঁর কাছে; কিন্তু বীণাপাণির মতো জোর তাদের নেই। আসার কারণ একটাই; ভারত অপেরা থেকে ভাঙিয়ে নিতে চায় তারা ইন্দ্রনারায়ণকে। সতেরো বছর যাত্রার সঙ্গে যুক্ত রয়েছেন ইন্দ্রনারায়ণ। এখন তাঁর বয়স বেয়ালিশ। এই খাওয়া-খাওয়ির ব্যাপারটা সম্পর্কে এতদিন তিনি ওয়াকিবহাল ছিলেন না; এখন হয়েছেন। অবিশ্যি এর জন্য তাঁর খ্যাতিই দায়ী। ইশ্঵রদত্ত ক্ষমতা নিয়ে জন্মেছিলেন ইন্দ্রনারায়ণ। তাই আজ সব দল তাঁকে হাত করতে চায়। বিশেষ করে বীণাপাণি অপেরা।

সেদিনের আক্রমণটা অবিশ্যি এই রেষারেফির সঙ্গে যুক্ত নাও হতে পারে। প্রদোষবাবু ঠিকই বলেছিলেন। এটা খুব সম্ভবত চোর-ছ্যাঁচড়ের ব্যাপার। মাথায় বাড়ি মারতে চাইলে কি মারতে পারত না? আসলে সে উদ্দেশ্য ছিল না; ছিল অজ্ঞান করে পকেট থেকে মানিব্যাগটি নিয়ে পালানো। সেদিন সঙ্গে টাকাও ছিল দেড়শোর উপর। তাগিয়স মলয় আর ইন্দ্রজিৎ এসে পড়ল। খুব বাঁচন বেঁচেছেন ইন্দ্রনারায়ণ।

সঙ্গোষ বেয়ারা এসে স্লিপ দিল। অশ্বিনী ভড়।

'যাও, ডেকে আনো', বললেন ইন্দ্রনারায়ণ আচার্য।

অশ্বিনী ভড় এসে চেয়ার টেনে নিয়ে পাশেই বসে বললেন, 'বলুন।'

'আপনি বলুন', বললেন ইন্দ্রনারায়ণ।

'আমি আর নতুন কথা কী বলব ইন্দ্রবাবু। আমি তো এই নিয়ে পাঁচবার এলুম। এবার তো একটা এস্পার ওস্পার না করলেই নয়।'

'সে তো বুঝতেই পারছি। কিন্তু আমি যে মনস্তির করে উঠতে পারছি না অশ্বিনীবাবু। এতদিনের একটা সম্পর্ক চুকিয়ে দেওয়া তো মুখের কথা নয়।'

'সবই বুঝলুম, কিন্তু আটিস্টরা তো ঘর বদল করছে। নিউ অপেরায় দশ বছর থাকার পর ভারতে চলে গেলেন সঞ্জয়কুমার। এ তো হামেশাই হচ্ছে। আর টাকার অক্ষটা অগ্রাহ্য করছেন কী করে? আপনি কত পাছেন ভারত অপেরায় সে তো আমরা জানি। পনেরো হাজার। আমরা

সেখানে বলছি বিশ। এক বছরে আপনার ইনকাম হবে আড়াই লাখ। আর খাতির যত্ন আপনাকে আমরা ওদের চেয়ে কিছু কম করব না। গুণের কদর আমরাও করি। বিজ্ঞাপনে আপনার নাম থাকবে মোটা হরফে। আপনি যা বলবেন তাই আমরা মেনে নেব—নেহাত যদি সাধ্যের বাইরে না হয়।’

‘শুনুন অশ্বিনীবাবু। আমার আর দু-তিনদিন লাগবে এই নাটকটা শেষ করতে। আমি এখন আর কিছু ভাবতে পারছি না। আপনি সামনের সপ্তাহে আর একটিবার আসুন।’

‘ভরসা দিচ্ছেন কিছুটা?’

‘একেবারে নিরাশ করার ইচ্ছে থাকলে আর আপনাকে আসতে বলব কেন? তবে আমার দিকটাও আপনার চিন্তা করে দেখতে হবে। টাকাটাই যে সব সময় সব থেকে বড় জিনিস তা তো নয়। ভারত অপ্সেরা যদি জানে যে আপনারা আমাকে বিশ অফার করছেন, তা হলে আমার বিশ্বাস তারাও আমাকে ওই টাকাটাই দিতে চাইবে। আর সবচেয়ে বড় কথা হচ্ছে—এত বছরের সম্পর্ক কি চট করে ভোলা যায়?’

‘ঠিক আছে। তা হলে তো এখন আর কথা বলে লাভ নেই। দিন সাতেক পরে এলে আশা করি ফল হবে। এভাবে ঝুলিয়ে রাখাটাও কোনও কাজের কথা নয়, ইন্দ্রবাবু। আসি। নমস্কার।’

‘নমস্কার।’

ইন্দ্রনারায়ণ ঘর থেকে বেরিয়ে সামনের দরজার দিকে কিছুদূর এগিয়ে দিলেন অশ্বিনীবাবুকে। তারপর নিজের কাজের ঘরে ফিরে এসে আবার চেয়ারে বসলেন। শেষ দৃশ্যটা ভালই যাচ্ছে। এভাবে একেবারে শেষ পর্যন্ত গেলে এ নাটককে কেউ রুখতে পারবে না। এটা হবে ইন্দ্রনারায়ণ আচার্যের জীবনের শ্রেষ্ঠ কাজ।

ইন্দ্রনারায়ণ এক মনে কাজ করে চলেছেন। মাঝে মাঝে দু-একটা শ্যামা পোকা আসছে। সামনে পুজো। এই পোকাই তাঁর কাজে সবচেয়ে বেশি ব্যাঘাতের সৃষ্টি করে। আর লোডশেডিং। তবে আজ কদিন থেকে লোডশেডিং হচ্ছে না। আশা করি সামনের দুটো দিনও হবে না।

ইন্দ্রনারায়ণ তাঁর পুরো মনোযোগটা লেখায় দিলেন। তাঁর জীবনের শ্রেষ্ঠ নাটক। সন্তাট অশোক।

কিন্তু কাজ বেশি দূর এগোতে পারল না। ইন্দ্রনারায়ণ টেরও পেলেন না যে একটি লোক ঘরে চুকে অতি সন্ত্রিপ্তে তাঁর পিছনে এসে দাঁড়িয়েছে।

তারপর হামানদিস্তার একটি মোক্ষম বাড়ি। আর ইন্দ্রনারায়ণের চোখের সামনে সব কিছু চিরতরে অঙ্ককার হয়ে গেল।

৩

খবরের কাগজ খুলে চমকে উঠলাম।

ইন্দ্রনারায়ণ আচার্য তাঁর বাড়িতে খুন হয়েছেন। গত পরশু রাত্রে হয়েছে ঘটনাটা। খবরে যাত্রায় ইন্দ্রনারায়ণের ভূমিকা সম্বন্ধেও কয়েক লাইন লিখেছে। আশ্চর্য দশ দিনও হয়নি ভদ্রলোক আমাদের বাড়ি এসেছিলেন ফেলুদার সঙ্গে দেখা করতে।

ফেলুদা অবিশ্য আমার আগেই খবরটা পড়েছে। আক্ষেপের ভঙ্গিতে মাথা নেড়ে বলল, ‘লোকটা এল আমার কাছে, অথচ কিছু করতে পারলাম না ওর জন্য। অবিশ্য করার কোনও উপায়ও ছিল না।’

আমার একটা ব্যাপারে খটকা লাগছিল। বললাম, ‘প্রথমবার ভদ্রলোককে গলিতে আঢ়াটক ৩০৪

করেছিল, আর এবার একেবারে বাড়ির ভিতর এসে খুন করল। খুব ডেয়ারিং খুনি বলতে হবে।'

ফেলুদা বলল, 'সেটা ওঁর বাড়ির প্ল্যান, ভদ্রলোক কোন ঘরে থাকতেন, ইত্যাদি না দেখে বলা যাবে না। আর খুন করার তেমন তাগিদ থাকলে বাড়িতে এসে করবে না কেন?'

'কিন্তু এবার তো আর তোমাকে তদন্তর জন্য ডাকল না।'

'এবারে পুলিশকেই ডেকেছে বোো যাচ্ছে। তবে ও পাড়ার থানার দারোগা মণিলাল পোদারকে তো বেশ ভাল করে চিনি। এক তিনি যদি কোনও খবর দেন।'

মণিলাল পোদারকে আমিও একবার দেখেছি। মোটাসেটা গুঁফো ভদ্রলোক, ফেলুদাকে যেমন ঠাট্টাও করেন তেমনি শাক্তাও করেন।

তবে শেষ পর্যন্ত খবরটা এল দারোগার কাছ থেকে নয়; স্বয়ং আচার্য বাড়ির কর্তা উনআশি বছরের বুড়ো কীর্তিনারায়ণ ফেলুদাকে ডেকে পাঠালেন। খুনটা হবার তিন দিন পরে সকালে নটা নাগাত এক ভদ্রলোক এলেন আমাদের বাড়িতে। বয়স চালিশের কাছাকাছি, বেশ শার্প চেহারা, চোখে সোনার চশমা। অক্ষোব্র মাস হলেও বেশ গরম, ভদ্রলোক সোফায় বসে রুমাল বার করে ঘাম মুছে বললেন, 'কিছু মনে করবেন না, মিঃ মিস্টির; বহুবার চেষ্টা করেও আপনার লাইন পেলাম না। আমি আসছি বেসপুরুরের আচার্য বাড়ি থেকে। আমায় পাঠিয়েছেন বাড়ির কর্তা কীর্তিনারায়ণবাবু। আমাদের বাড়িতে একটা খুন হয়েছে জানেন বোধহয়। সেই ব্যাপারে যদি আপনার সাহায্য পাওয়া যায়।'

'আপনার পরিচয়টা...?'

'এই দেখুন, আসল কথাটাই বলা হয়নি। আমার নাম প্রদূষ্ম মল্লিক। আমি ও বাড়িতে থেকে বংশের আদিপুরুষ কন্দর্পনারায়ণের একটা জীবনী লিখছি। লেখাই আমার পেশা। একটা খবরের কাগজে চাকরি করতাম, এখন ছেড়ে দিয়েছি। আপাতত জীবনীর জন্য তথ্য সংগ্রহের সঙ্গে সঙ্গে কীর্তিনারায়ণের সেক্রেটারির কাজ করছি। উনি ব্যারিস্টার ছিলেন; রিটায়ার করেছেন বছর চারেক হল। ওঁর শরীরটা বিশেষ ভাল নেই।'

'আমাকে ডাকতে এসেছেন—পুলিশে খবর দেওয়া হয়নি?'

'পুলিশ যা করার করছে, কিন্তু কীর্তিনারায়ণের পছন্দ-অপছন্দ একটু গতানুগতিকের বাইরে। পুলিশকে ডেকেছে ওঁর ছেলেরা। উনি নিজে আপনার কথা বললেন। বললেন পুলিশের চেয়ে একজন ভাল প্রাইভেট ডিটেকটিভ নিয়ে করলে কাজ হবে বেশি। উনি আবার গোয়েন্দা কাহিনীর বিশেষ ভক্ত। আপনার যা পারিশ্রমিক তাও উনি দিতে রাজি আছেন অবশ্যই।'

'ইতিমধ্যে খুন সম্বন্ধে আর কোনও তথ্য পাওয়া গেছে?'

'বিশেষ কিছুই না। খুনটা মাথার পিছন দিকে বাড়ি মেরে করা হয়। ইন্দ্রনারায়ণ তখন টেবিলে বসে কাজ করছিলেন। পুলিশের ডাঙ্গার পরীক্ষা করে বলেন যে খুনটা হয় রাত বারোটা থেকে সাড়ে বারোটার মধ্যে। ইন্দ্রনারায়ণের ঘর ছিল বাড়ির এক তলায়। একটা শোবার ঘর আর তার পাশে একটা কাজের ঘর। উনি অনেক রাত পর্যন্ত কাজ করতেন। উনি যে যাত্রার সঙ্গে যুক্ত ছিলেন সে খবর জানেন বোধহয়?'

ফেলুদা এবার মিঃ মল্লিককে বলে দিল যে ইন্দ্রনারায়ণ আচার্য তার কাছে এসেছিলেন, তাই আচার্য পরিবার সম্বন্ধে অনেক তথ্যই সে জানে।

'তা হলে তো ভালই হল,' বললেন প্রদূষ্ম মল্লিক। 'খুনের রাত্রে দশটার সময় ইন্দ্রনারায়ণের কাছে বীণাপাণি অপেরার ম্যানেজার আসেন দেখা করতে। পুলিশ অবিশ্য তাঁকে জেরা করছে, কারণ বাড়ির চাকর সঙ্গে বেয়ারা তার জবানিতে বলে যে, ইন্দ্রনারায়ণ আর ওই ভদ্রলোকের মধ্যে বচসা হচ্ছিল সেটা সে শুনতে পায়। কিন্তু বীণাপাণি অপেরার ভদ্রলোক—নাম বোধহয় অঞ্চিনীবাবু—এগারোটার মধ্যে চলে যান। তারপর আবার আসেন কি না জানা যায়নি,

কারণ বাড়ির পিছন দিকে একটা দরজা আছে সেটা চাকররা বন্ধ করে অনেক রাত্রে। রাতের কাজের পর চাকরগুলো পাড়ায় আড়তা দিতে বেরোয়, ফেরে একটার কাছাকাছি। কাজেই বারোটা নাগাত যদি অশ্বিনীবাবু আবার ফিরে এসে থাকেন তা হলে সে খবর কেউ নাও জানতে পারে। যাই হোক, সে তো আপনি গিয়ে তদন্ত করবেনই। অবিশ্য যদি আপনি তদন্তের ভার নিতে রাজি থাকেন। যদি তাই হয় তা হলে আজ সকালেই এগারোটা নাগাত আপনি আসতে পারেন। তখন কীর্তিনারায়ণ ক্ষি থাকেন।'

ফেলুদা রাজি হবে জানতাম, কারণ আচার্য পরিবার সম্বন্ধে ওর একটা কৌতুহল আগে থেকেই ছিল। তা ছাড়া ইন্দ্রনারায়ণবাবুর সঙ্গে কথা বলেও ওর বেশ ভাল লেগেছিল। ঠিক হল আমরা এগারোটার সময় বোসপুরুরে গিয়ে হাজির হব। প্রদুম্ববাবু আরেকবার ঘাম মুছে বিদ্যায় নিলেন।

'ওই কাগজটা কী বেরিয়ে পড়ল দেখ তো,' ফেলুদা বলল ভদ্রলোক চলে যাবার পর।

একটা ভাঁজ করা সাদা কাগজ সোফার কোপে পড়ে আছে, আমি সেটা তুলে ফেলুদাকে দিলাম। ভাঁজ খুলতে দেখা গেল ডট পেনে দুলাইন ইংরিজি লেখা—

HAPPY BIRTHDAY

HUKUM CHAND

ফেলুদা ভুক্ত কুঁচকে লেখাটার দিকে কিছুক্ষণ চেয়ে দেখে বলল, 'হুকুম চাঁদ নামটা চেনা চেনা মনে হচ্ছে। কথাটা বোধহয় জন্মদিনের কেকের উপর লেখা হবে। হুকুম চাঁদ সন্তুষ্ট কীর্তিনারায়ণের বন্ধু। কিন্তু হয়তো টেলিগ্রাম পাঠানো হবে; মল্লিকের উপর ভার ছিল কাজটা করবার।'

ফেলুদা কাগজটাকে আবার ভাঁজ করে নিজের শার্টের বুক পকেটে রেখে দিল।


'এবার কর্তব্য হচ্ছে তৃতীয় মাস্কেটিয়ারকে ফোন করা। তাঁর যান ছাড়া তো আমাদের গতি নেই, এবং তাঁকে বাদ দিলে তিনি সন্তুষ্ট হবেন বলে মনে হয় না।'

লালমোহনবাবুকে ফোন করার এক ঘণ্টার মধ্যেই ভদ্রলোক স্নান করে ফিটফাট হয়ে নিজের সবুজ অ্যাষ্টাসাড়ের নিয়ে চলে এলেন। সব শুনেটুনে বললেন, 'এবারে পুজোটা তার মানে রহস্যের জট ছাড়াতেই কেটে যাবে। তা এক হিসেবে ভাল। উপন্যাসটা লেখা হয়ে গেলে পর হাতটা বড় খালি খালি লাগে। এতে সময়টা দিয়ি কেটে যাবে। ভাল কথা, আমার পড়শি রোহিণীবাবু সেদিন বলছিলেন ওঁর নাকি বোসপুরুরে আচার্যদের সঙ্গে চেনাশুনা আছে। বললেন, "এমন পরিবার দেখবেন না মশাই; বাপ-ছেলেয় মিল নেই, ভাইয়ে-ভাইয়ে মিল নেই, তাও একান্নবর্তী হয়ে বসে আছে। সে বাড়িতে যে খুন হবে সেটা আশ্চর্যের কিছুই নয়।"

আমরা রওনা দিয়ে দিলাম। লালমোহনবাবুর ড্রাইভার হরিপদবাবু যে গাড়িটার যত্ন নেন সেটা গাড়ির ক্ষিণিণ দেখলেই বোঝা যায়। ভদ্রলোক ফেলুদার ভীষণ ভক্ত।

এগারোটা বেজে পাঁচ মিনিটে বোসপুরুর রোডে আচার্যদের বাড়ির পোর্টিকোর নীচে দরজার সামনে গিয়ে দাঁড়াল আমাদের অ্যাষ্টাসাড়ের। কলিং বেল টিপতে চাকর এসে দরজা খুলে দিতেই দেখি পিছনে দাঁড়িয়ে আছেন প্রদুম্ব মল্লিক। বললেন, 'গাড়ির আওয়াজ শুনেই বুঝেছি আপনি এসেছেন। আমিও থাকি একতলাতেই। আসুন দোতলায় একেবারে বড় কর্তার কাছে।'

পে়লায় বাড়ি, নিশ্চয়ই সেই কন্দর্পনারায়ণের তৈরি, কিন্তু তারও আগে হতে পারে, কারণ দেখে মনে হয় বয়স হবে অন্তত দেড়শো বছর। চওড়া কাঠের সিঁড়িতে শব্দ তুলে আমরা দোতলায় গিয়ে পৌঁছলাম। সিঁড়ির পাশের দেয়ালে আচার্যদের পূর্বপুরুষদের বিশাল বিশাল অয়েল পেন্টিং; সিঁড়ি দিয়ে উঠেই সামনে একটা প্রকাণ্ড শ্রেতপাথরের মূর্তি, এদিকে ওদিকে ছড়ানো নানান সাইজের ফুলদানি তার বেশির ভাগই চিনে বলে মনে হল। একটা বিশাল



দাঁড়নো ঘড়িও রয়েছে সিডির সামনের বারান্দায়। বারান্দার এক পাশে দাঁড়ালে নীচে নাটমন্দির দেখা যায়, অন্য পাশে সারবঁধা ঘর। এরই একটা ঘরে আমাদের নিয়ে গিয়ে তোকালেন প্রদূষ্ম মল্লিক। দেখলাম এটা একটা মাথার সাইজের বৈঠকখানা; চারিদিকে সোফা বিছানো, মাটিতে কাপেট, মাথার উপর দুদিকে দুটো ঝাড় লঠন। আমি আর লালমোহনবাবু একটা সোফায় বসলাম। ফেলুদা কিছুক্ষণ পায়চারি করে জিনিসপত্র দেখা আর একটা ছেট সোফায় বসল। মল্লিক মশাই গেছেন কীর্তিনারায়ণকে ডাকতে।

দু মিনিটের মধ্যেই এসে পড়লেন বাড়ির কর্তা কীর্তিনারায়ণ আচার্য। ধপধপে ফরসা রং, দাঢ়ি শোঁক কামানো, চুল অধিকাংশই পাকা। তবে উনআশিতেও যে কিছু কাঁচা অবশিষ্ট রয়েছে সেটাই আশ্চর্য। ছেটখাটো মানুষ কিন্তু এমন একটা পার্সোনালিটি আছে যে তাঁর দিকে চোখ যাবেই, এবং গিয়ে থেমে থাকবে। দেখে মনে হয় ব্যারিস্টার হিসেবে ইনি নিশ্চয়ই খুব পাকা ছিলেন। ভদ্রলোকের পরনে সিঙ্কের পায়জামা, পাঞ্জাবি আর বেগুনি রঙের ড্রেসিং গাউন। চোখে যে চশমাটা রয়েছে সেটা হল যাকে বলে হাফ প্লাস, অর্থাৎ নীচের দিকে পড়ার জন্য অর্ধেক লেপ আর উপর দিকটা ফাঁকা।

‘কই, কিনি গোয়েন্দা মশাই?’

ফেলুদা নিজের, এবং সেই সঙ্গে আমাদের দুজনের পরিচয় দিয়ে দিল। লালমোহনবাবুর

পরিচয় পেয়ে কীর্তনারায়ণ ঢোখ কপালে তুললেন। ‘কই, আপনার লেখা কোনও রহস্য গঞ্জ তো কোনওদিন পড়িনি!'

লালমোহনবাবু ভীষণ বিনয় করে বললেন, ‘আজ্জে সে সব আপনার পড়ার মতো কিছুই না।’

‘তবু, রহস্য গঞ্জ যখন লেখেন তখন আপনার মধ্যেও একটি গোয়েন্দা নিশ্চয়ই বর্তমান। দেখুন, আপনারা দুজনে মিলে এই রহস্যের কোনও কিনারা করতে পারেন কিনা। ইন্দ্র ছিল আমার ছেট ছেলে। যা হয়, কিন্তু সত্তান অনেক সময়ই একটু নেগলেকটেড হয়। ওর ক্ষেত্রেও তাই হয়েছিল, কিন্তু তার জন্য ও কোনওদিন অভিযোগ করেনি বা কৃপথে যায়নি। গান-বাজনা ভালবাসত, পড়াশুনা যখন হল না তখন ভাবলুম ওদিকেই যাক। ছেট বয়স থেকেই গান লিখত, নাটক লিখত, বেহালা বেহালা ছিল ঠাকুরদাদার আনা বিলেত থেকে, “আম আঁটির ডেঁপু”—’

‘আম আঁটির ডেঁপু?’ ফেলুদা অবাক হয়ে প্রশ্ন করল।

‘ওই রকমই রসিকতা ছিল ঠাকুরদার,’ বললেন কীর্তনারায়ণ, ‘বেহালাকে বলতেন আম আঁটির ডেঁপু, প্রথম ল্যাগডা মোটর গাড়ি যখন কিনলেন তখন সেটাকে বলতেন পুস্পক রথ, গ্রামফোন রেকর্ডকে বলতেন সুদর্শন চক্র—এই আর কী। ঠাকুরদাদার কথা বলতে গেলে রাত কাবার হয়ে যাবে। আসল কথা হচ্ছে কী, ইন্দ্র এই ভাবে জীবন শেষ হয়ে যাওয়াতে আমি প্রচণ্ড আঘাত পেয়েছি। যাত্রায় যোগ দেওয়াটা আচার্য বাড়ির ছেলের পক্ষে কিছু গৌরবের নয় ঠিকই, কিন্তু শেষের দিকে সে মাইনে পেত পনেরো হাজার টাকা; এটাও তো দেখতে হবে! তার মধ্যে গুণ না থাকলে এটা কি হয়? আমি নিজে যাত্রা থিয়েটারের খুব ভক্ত ছিলাম। এক রকম নেশা ছিল বলতে পার। সেখানে আমার নিজের ছেলে সে লাইনে গেলে নাক সিটকোলে চলবে কেন? না, ইন্দ্রকে আমি সম্পূর্ণ স্বাধীনতা দিয়েছিলাম। আর সে সেটার সন্দ্বিহার করে পুরোপুরি। যাত্রার কাজ করেও তার মধ্যে কোনও বদ খেয়াল দেখা দেয়নি। কাজ-পাগলা মানুষ ছিল সে। বেহালায় হাত ছিল চমৎকার, গান লিখত রীতিমতো ভাল। আমার মতে আচার্য বংশের সে কোনও রকম অসম্মান করেনি; বরং একদিক দিয়ে দেখলে মুখ উজ্জলই করেছে।’

ফেলুদা বলল, ‘আপনি কি জানেন যে দিন পনেরো আগে মহম্মদ শফি লেনে তাঁকে একজন এসে পিছন থেকে আঘাত করে, এবং সে আঘাত কাঁধে না পড়ে মাথায় পড়লে তিনি হয়তো তখনই মারা যেতেন?’

‘তা জানি বইকী,’ বললেন কীর্তনারায়ণ। ‘আমিই তো তাকে তোমার পরামর্শ নিতে বলি।’

‘এবার যে ঘটনাটা ঘটল, আপনার মতে কি তার জন্যও এই যাত্রার দলগুলির মধ্যে রেষারেবিই দায়ী?’

‘সে তো আমি বলতে পারব না। সেটা বার করার দায়িত্ব তোমার। তবে এটা বলতে পারি যে ইন্দ্রের শক্র যদি থেকে থাকে তো সে যাত্রার দলেই হয়তো থাকবে। এমনিতে সে বিশেষ কারুর সঙ্গে মিশত না, আর সম্পূর্ণ নির্বিবাদী লোক ছিল। বললাম না, সে যে জিমিস্টা জানত সেটা হল কাজ। কাজের বাইরে তার আর কোনও ইন্টারেস্ট ছিল না।’

‘পুলিশ তো বোধহয় বাড়ির সকলকে জেরা করেছে?’

‘তা তো করবেই। সেটা তো তাদের রঞ্জিনের মধ্যেই পড়ে। কিন্তু তারা করেছে বলে তুমি করতে পারবে না এমন কোনও কথা নেই। এখন অবিশ্য তুমি আমার অন্য ছেলেদের পাবে না। সম্ভ্যায় এলে পাবে। প্রদুর্ঘ এখন আছে, তাকে কিছু জিজ্ঞেস করতে চাইলে করতে পারো। চাকর-বেয়ারারা আছে। আমার এক বউমা আছেন, হরিনারায়ণের স্ত্রী। বড় ছেলে দেবনারায়ণ বিপন্নীক। হরিনারায়ণের মেয়ে লীনা আছে। সে খুব চালাক-চতুর। ইন্দ্রের খুব ন্যাওটা ছিল। ভাল কথা, তোমার ফি কত?’

‘আমি আগাম হাজার টাকা নিই; তারপর তদন্ত ঠিক মতো শেষ হলে পর আরও হাজার নিই।’

‘রহস্যের সমাধান না হলে আগামটা ফেরত দেওয়া হয়?’

‘আজ্ঞে না, তা হয় না।’

‘ভেরি গুড়। আমি তোমাকে হাজার টাকার চেক লিখে পাঠিয়ে দিছি। দোহাই বাপু—আমি কোনদিন ফস করে চলে যাব—একে ডায়াবেটিস, তার উপর একটা স্ট্রোক হয়ে গেছে—যাবার আগে ইন্দ্রের খুনির শাস্তি হয় এটা আমি দেখে যেতে চাই।’

‘শুধু একটা প্রশ্ন করার বাকি আছে।’

‘বলো।’

‘হ্রস্ব চাঁদ বলে কি আপনার বস্তুস্থানীয় কেউ আছে?’

‘হ্রস্ব সিং বলে একজনকে চিনতাম, তা সে অনেকদিন আগো।’

‘থ্যাক ইউ।’

ফেলুদা প্রদূষণবাবুর সঙ্গেই আগে কথা বলা স্থির করল। কীর্তিনারায়ণবাবু উঠে চলে যেতেই প্রদূষণবাবু এসে ঘরে ঢুকলেন। ভদ্রলোক প্রথম কথাই বললেন, ‘দারোগা সাহেব একবার আপনার সঙ্গে দেখা করতে চান।’

‘কে, মিস্টার পোদার?’

‘হ্যাঁ, উনি নীচে আছেন।’

আমরা তিনজন নীচে রওনা দিলাম। লালমোহনবাবু এতক্ষণ চুপচাপ ছিলেন, তবে বুঝতে পারছিলাম যে উনি সব কথা মনোযোগ দিয়ে শুনছিলেন। বিভিন্ন লোকে কী ভাবে কথা বলে সেদিকে নাকি লেখকদের দৃষ্টি রাখতে হয়, তা না হলে গঁথে ভাল ডায়ালগ লেখা যায় না। তা ছাড়া কিছুদিন আগোই লালমোহনবাবু একদিন আমাদের বাড়িতে আড়া মারতে মারতে বলেছিলেন, ‘শোনো ভাই তপ্পেশ, তোমার দাদাকে কিন্তু আমরা তদন্তের ব্যাপারে যতটা সাহায্য করতে পারি ততটা করি না। এবার থেকে আমরাও চোখ-কান খোলা রাখব। শুধু দর্শকের ভূমিকা নেওয়াটা কোনও কাজের কথা নয়—বিশেষ করে আমি নিজেই যখন গোমেন্দা কাহিনী লিখি।’

মগিলাল পোদার ফেলুদাকে দেখে একগাল হেসে বললেন, ‘গঙ্কে গঙ্কে ঠিক এসে হাজির হয়েছেন দেখছি।’

ফেলুদা বলল, ‘আমি তো ভাবলাম এসে দেখব আপনি বুঝি কেস খতম করে ফেলেছেন।’

‘ব্যাপারটা তো মোটামুটি বোঝাই যাচ্ছে’, বললেন মগিলালবাবু, ‘যাত্রা পার্টিদের মধ্যে রেষারেষি। ভিকটিম ভারত অপেরার স্তুতি বিশেষ, ওঁর জোরেই প্রায় নাটক চলত, অন্য দল তাঁকে ভাঙ্গিয়ে নিতে চেষ্টা করছিল, পারেনি, তাই তাঁকে খুন করে ভারত অপেরাকে খেঁড়া করে দিয়েছে। অবিশ্য চুরিরও একটা মোচিত ছিল, কারণ ঘরে কিছু কাগজপত্র ঘাঁটাঘাঁটি করা হয়েছিল। হয়তো ওঁর লেখা কোনও নতুন নাটক খুঁজছিল।’

‘আপনি ভারত অপেরার মালিকের সঙ্গে কথা বলেছেন?’

‘শুধু ভারত অপেরা কেন? যেদিন খুনটা হয় সেদিন রাইভ্যাল কোম্পানি বীণাপাণি অপেরার ম্যানেজার এসেছিলেন ভিকটিমের সঙ্গে দেখা করতে। ভদ্রলোকের নাম অশ্বিনী ভড়। অনেক প্লেভন দেখান। বিশ হাজার টাকা মাইনে অফার করেন; কিন্তু ইন্দ্রনারায়ণ কোনও কমিটি করেননি। ভারত অপেরার প্রতি ন্যাচারেলি ওঁর একটা লয়েলটি ছিল। অশ্বিনী ভড় চলে যান পৌনে এগারোটায়। খুনটা হয় বারোটা থেকে সাড়ে বারোটার মধ্যে। বাড়ির পিছনের দরজা খোলা ছিল। চাকর বলে ইন্দ্রনারায়ণ তখনও কাজ করছিলেন, আর মাঝে মাঝে বেহালা

বাজাছিলেন। হয়তো গান লিখছিলেন। সেই সময় মার্ডারটা হয়। পিছন দিক থেকে এসে কোনও ভোঁতা ভারী অন্ত দিয়ে মাথায় মারে। তৎক্ষণাত মৃত্যু। টেবিলে ঝুকে কাজ করছিলেন, এমনিতেই মারার সুবিধে।’

‘অস্ত্রটা পাওয়া গেছে?’

‘না। যেদিকটা ইন্দ্রনারায়ণ থাকতেন সেনিকটা নিরিবিলি। এক তলার ঘর। চাকর-বাকর খেয়ে দেয়ে আড়া মারতে গিয়েছিল। খাস বেয়ারা সন্তোষের আবার মদের নেশা, সে খাবার পরে মাল খেতে যায়, সাড়ে বারোটা একটায় এসে পিছনের দরজা বন্ধ করে। সুন্দর দরজা অবিশ্য সব সময়ই বন্ধ থাকে, আর বাইরে দারোয়ান আছে। বারোটার পর যদি কেউ পিছনের দরজা দিয়ে ঢেকে তা হলে কেউ টের পাবে না। কারণ বাড়ির পিছনে গলি—যদু নস্কর লেন।’

‘আমি যদি একবার ইন্দ্রনারায়ণের শোবার ঘর আর কাজের ঘরটা দেখি তা হলে আপনাদের আপত্তি নেই তো?’

‘মেটেই না। ইড আর মোস্ট ওয়েলকাম। তবে আমি যেমন আপনাকে ইনফরমেশন দিলাম, সেটা আপনার তরফ থেকেও পেলে দুপক্ষেই সুবিধা—বুঝতেই তো পাবছেন, হেঁ হেঁ।’

8

মণিলালবাবুর সঙ্গে কথা সেরে আমরা প্রদুম্ববাবুর সঙ্গে গেলাম ইন্দ্রনারায়ণ আচার্যের ঘরে। ঘরটা এক তলার উত্তর-পশ্চিম কোণে। বাড়ির উত্তর দিকটা হচ্ছে সামনের দিক। মাঝখানে নাটমন্দির আর তাকে ঘিরে তিনদিকে বারান্দা আর সারি সারি ঘর। বাড়ির পিছনের দরজাটা দক্ষিণ-পশ্চিম দিকে, পশ্চিমের বারান্দার শেষ মাথায়। তার মানে কেউ দরজা দিয়ে চুকে বারান্দা পেরোলেই ইন্দ্রনারায়ণবাবুর শোবার ঘর পাবে সামনে। তারপর উত্তরের বারান্দা ধরে দশ পা গেলে ডাইনে পাবে ইন্দ্রনারায়ণবাবুর কাজের ঘরের দরজা। অর্থাৎ বাইরে থেকে একজন লোক এসে খুন করাটা খুবই সহজ ব্যাপার।

শোবার ঘরে খাট, একটা আলমারি, দুটো তাক আর কিছু ট্রাঙ্ক সুটকেস ছাড়া জিনিস বেশি নেই। আমরা কাজের ঘরে গিয়ে হাজির হলাম।

এখানে বড় বড় দুটো তাক বোঝাই কাগজপত্র খাতা ইত্যাদিতে। বুরুলাম এগুলোতে নাটক আর গানের খসড়া রয়েছে। সতেরো বছরের যত কাগজ সবই মনে হল এই দুটো তাকে রয়েছে। বারান্দার দিকে যে দরজাটা রয়েছে সেটার ঠিক ডান পাশে একটা টেবিল আর চেয়ার। বোঝাই গেল এইখানেই খুনটা হয়েছিল। টেবিলের উপর ফাউন্টেন পেন, ডট পেন, পেনসিল, পেপার ওয়েট, কালি, টেবিল ল্যাম্প ইত্যাদি রয়েছে। আর যেটা রয়েছে সেটা হল একটা বেহালার কেস। ফেলুদা বলল, ‘একবার আম আঁটির ডেঁপুর চেহারটা দেখা যাক।’

বাস্তু খুলে বেহালাটা দেখে বুরুলাম ইন্দ্রনারায়ণবাবু সেটার খুব যত্ন নিতেন। একশো বছরের পুরনো বেহালা এখনও প্রায় নতুনের মতো রয়েছে।

ফেলুদা কেসটা বন্ধ করে দিল।

এ ছাড়া ঘরে রয়েছে এক পাশে একটা সোফা, একটা চেয়ার আর শ্বেত পাথরের একটা ছেট তেপায়া টেবিল। দেয়ালে ছবির মধ্যে রয়েছে দুটো বাঁধানো মানপত্র—ইন্দ্রনারায়ণের পাওয়া—একটা বিলিতি ল্যান্ডস্কেপ আর একটা রামকৃষ্ণ পরমহংসের মার্কামারা ছবি।

ঘর দেখা হলে সোফা আর চেয়ারে ভাগাভাগি করে বসলাম আমরা চারজন। প্রদুম্ববাবু ইতিমধ্যে যোলের সরবত্তের জন্য বলেছিলেন, সেটা এনে চাকর ষেতপাথরের টেবিলের উপর রাখল। সরবত থেকে থেকে কথা হল।



‘আপনার ঘরটা কোথায়?’ ফেলুদা প্রশ্ন করল প্রদ্যুম্ববাবুকে।

‘টেরচা ভাবে এই ঘরের বিপরীত দিকে,’ বললেন প্রদ্যুম্ববাবু, ‘অর্থাৎ দক্ষিণ-পূর্ব কোণে। একেরারে কোণের ঘরটা হল লাইব্রেরি, আর আমারটা হল তার পাশেই।’

‘আপনি রাত্রে ঘুমোন কখন?’

‘তা বেশ রাত হয়। এক-আধ দিন তো একটা দেড়টাও হয়ে যায়। আমার কাজটা—অর্থাৎ কন্দপুরায়ণ সম্বন্ধে তথ্য সংগ্রহের ব্যাপারটা—আমি সাধারণত রাত্রেই করি। প্রথম দিকে আমার কাজ ছিল কীর্তিনারায়ণকে ইন্টারভিউ করা। তিনি বাইশ বছর বয়স পর্যন্ত তাঁর ঠাকুরদাদাকে দেখেছেন। তাঁর কাছ থেকে সব তথ্য নেওয়া হলে পর আমি চিঠিপত্র দলিল

ডায়রি ইত্যাদি স্টোডি করা শুরু করি।’

‘তা হলে সেনিন যখন খুনটা হয় তখন আপনি জেগে ছিলেন?’

‘তা তো বটেই। তবে নাটমন্দিরটা এত বড় যে আমার কাজের ঘর থেকে এ ঘরটা দেখাও যায় না, এখানকার কোনও শব্দ শোনাও যায় না।’

‘বীগাপাণি অপেরা থেকে লোক এসেছিল ইন্দ্রনারায়ণবুর কাছে সে খবর জানা গেল কী ভাবে?’

‘স্টো বলেছে সন্তোষ বেয়ারা। অশ্বিনী ভড় যে মিপটা পাঠিয়েছিলেন স্টোও টেবিলের উপর পাওয়া যায়। ভদ্রলোক কখন যান সে খবরও বেয়ারাই দেয়।’

‘আপনি বেহালা শুনতে পাননি?’

‘তা হয়তো এক-আধবার শুনেছি, কিন্তু স্টো প্রায় রোজই শুনতাম বলে বিশেষ করে সেই দিন শুনেছিলাম কিনা বলতে পারব না।’

‘কন্দর্পনারায়ণ কি নিয়মিত ডায়রি লিখতেন?’

‘পরের দিকে লেখেননি, কিন্তু পঁচিশ বছর থেকে চল্লিশ বছর পর্যন্ত লিখেছিলেন।’

‘তার মানে বিলেত ভ্রমণের ডায়রিও আছে?’

‘আছে বইকী, আর সে এক আশ্চর্য জিনিস। কত লর্ড আর ডিউক আর ব্যারনের সঙ্গে যে তিনি খানাপিনা করেছেন তা পড়লে আশ্চর্য হয়ে যেতে হয়। লভন থেকে কন্দর্পনারায়ণ ফ্রাসে যান। সেখানে প্যারিসে কিছুদিন কাটিয়ে তিনি চলে যান ভূমধ্যসাগরের উপকূলে দক্ষিণ ফ্রাসের রিভিয়েরাতে। আপনি তো জানেন এই অঞ্চলের কয়েকটি শহরের ক্যাসিনো হল জুয়াড়িদের তীর্থস্থান। কন্দর্পনারায়ণ মন্তি কার্লোর ক্যাসিনোতে রুলেট থেকে লাখ লাখ টাকা জেতেন। খুব কম বাঙালিই সে যুগে বিলেত গিয়ে এরকম কীর্তি রেখে এসেছেন।’

‘আচার্যদের জমিদারি কোথায় ছিল?’

‘পূর্ববঙ্গে কাস্টিপুরে। বিরাট জমিদারি।’

ফেলুদা একটা চারমিনার ধরাল। দুটো টান দিয়ে তারপর বলল, ‘মৃতদেহ আবিষ্কার করে কে?’

‘সেও সন্তোষ বেয়ারা। সে নিজে ফেরে প্রায় পৌনে একটায়। তারপর ইন্দ্রনারায়ণবুর কাজের ঘরে বাতি জ্বলছে দেখে একবার উকি দিতে এসে দেখে এই ব্যাপার। সঙ্গে সঙ্গে আমাকে খবর দেয়। তারপর আমি দোতলায় গিয়ে অন্যদের জানাই।’

‘পুলিশে খবর দেবার সিদ্ধান্ত কার?’

‘দেবনারায়ণবুর। বড় কর্তা না করেছিলেন, কিন্তু দেবনারায়ণবুর বাপের কথায় কান দেননি।’

‘আপনার সঙ্গে ইন্দ্রনারায়ণবুর সম্পর্ক কীরকম ছিল?’

‘দিব্যি ভাল। আমি ভদ্রলোককেও কিছু প্রশ্ন করেছিলাম। বিশেষ করে তাঁর বেহালা সম্পর্কে। উনি বলেন যন্ত্রটা খুব ভাল এবং আওয়াজ অতি মিষ্টি। প্রায় সত্তর বছর ওটা না বাজানো অবস্থায় পড়ে ছিল, কিন্তু ইন্দ্রনারায়ণ ওটা বার করে বাজাতে আরম্ভ করার সঙ্গে সঙ্গেই ওটার আওয়াজ খুলে যায়।’

‘ভদ্রলোক সম্পর্কে আপনার ধারণা কী?’

‘একেবারে কাজ-পাগলা মানুষ ছিলেন। কাজে ডুবে থাকতেন যতক্ষণ বাড়িতে থাকতেন। লাইব্রেরি থেকে বই নিতে আসতেন মাঝে মাঝে। বিশেষ করে ঐতিহাসিক নাটক লেখার সময় বই দেখার দরকার হতই। কন্দর্পনারায়ণের ছেলে, কীর্তিনারায়ণের বাবা দর্পনারায়ণ ইতিহাসে এম. এ. ছিলেন। তাই লাইব্রেরিতে ইতিহাসের বই খুব ভালই আছে।’

‘এবার অন্য দু ভাই সম্মক্ষে একটু জানতে চাই।’

‘বেশ তো।’

‘সবচেয়ে বড় তো দেবনারায়ণ। তারপর হরিনারায়ণ, তারপর ইন্দ্রনারায়ণ।’

‘হ্যাঁ।’

‘ইন্দ্রনারায়ণ তো বিয়েই করেননি। আর দেবনারায়ণ শুনলাম বিপন্নীক?’

‘আজ্ঞে হ্যাঁ। বছর সাতেক আগে ওঁর স্ত্রীর মৃত্যু হয়।’

‘ওঁর ছেলেপিলে নেই?’

‘একটি মেয়ে আছে, তার বিয়ে হয়ে গেছে। স্বামী পুনায় কাজ করে; ছেলে একটি আছে সে আমেরিকায় ইঞ্জিনিয়ারিং পড়ে।’

‘আপনার মতে দেবনারায়ণ লোক কেমন?’

‘অত্যন্ত চাপা, গম্ভীর প্রকৃতির মানুষ।’

‘উনি কি চাকরি করেন?’

‘উনি স্টকওয়েল টি কোম্পানিতে উচু পোস্টে আছেন।’

‘অফিস থেকে বাড়ি ফেরেন কখন?’

‘তা রাত সাড়ে নটার আগে তো নয়ই, কারণ অফিস থেকে ক্লাবে যান। সন্ধ্যাটা সেখানেই কাটান।’

‘ভাইয়ের মৃত্যুতে কি উনি খুব শোক পেয়েছিলেন বলে মনে হয়?’

‘তিনি ভাইয়ের মধ্যে বিশেষ সন্তান ছিল না। বিশেষ করে ইন্দ্রনারায়ণ যাত্রার কাজ করেন বলে আমার ধারণা অন্য দুভাই ওঁকে বেশ হেয় জ্ঞান করতেন।’

‘কিন্তু কীর্তিনারায়ণ তো ছেট ছেলেকে বেশ ভালই বাসতেন।’

‘শুধু ভালবাসতেন না, তিনি ছেলের মধ্যে ছেটকেই সবচেয়ে বেশি ভালবাসতেন। এ-বিষয়ে আমার কোনও সন্দেহ নেই, কারণ অনেকে কথাতেই এই পক্ষপাতিত্ব প্রকাশ পেত।’

‘কীর্তিনারায়ণ কি উইল করেছেন?’

‘করেছেন বলেই তো আমার ধারণা।’

‘সেই উইলেও তো এই পক্ষপাতিত্ব প্রকাশ পেতে পারে।’

‘তা তো পারেই।’

ফেলুদা একটা চারমিনার ধরাল। লালমোহনবাবু তাঁর ছেট লাল খাতাটা বার করে কী যে নোট লিখছেন তা উনি জানেন। হয়তো ভবিষ্যতের একটা গল্পের প্লট ওঁর মাথায় আসছে।

‘এবার দ্বিতীয় ভাই সম্মক্ষে একটু জানা দরকার।’

‘কী জানতে চান বলুন,’ বললেন থিদুম্ববাবু।

‘উনি তো চাটার্ড অ্যাকাউন্ট্যান্ট?’

‘হ্যাঁ। স্কিনার অ্যান্ড হার্ডউইক কোম্পানিতে আছেন।’

‘কেমন লোক?’

‘ওঁর তো ফ্যানিলি আছে, কাজেই সেখানেই বড় ভাইয়ের সঙ্গে একটা তফাত হয়ে যাচ্ছে। ভদ্রলোক মোটামুটি ফুর্তিবাজ, বিলিতি গান বাজনার খুব ভক্ত।’

‘রেকর্ড আর ক্যাসেট শোনেন?’

‘হ্যাঁ, তবে সেটা রবিবারে। অন্যদিন সন্ধ্যায় ইনিও ক্লাবে যান, ফেরেন সেই সাড়ে নটা দশটায়।’

‘কোন ক্লাব?’

‘স্যাটারডে ক্লাব।’

‘বড় ভাইও কি একই ক্লাবের মেম্বার নাকি?’

‘না, উনি বেঙ্গল ক্লাবে।’

‘হরিনারায়ণের তো একটি মেয়ে আছে।’

‘হ্যাঁ—লীনা। বুদ্ধিমতী। বছর চৌদ্দো বয়স, পিয়ানো শিখছে। ক্যালকাটা গার্লস স্কুলে পড়ে।

সে বেচারি কাকার মৃত্যুতে খুব আঘাত পেয়েছে, কারণ সে কাকার খুব ভক্ত ছিল।’

‘আর হরিনারায়ণবু? তিনি আঘাত পাননি?’

‘বড় দু ভাইয়ের কেউই ছেটকে বিশেষ আমল দিতেন না।’

‘আর হয়তো ইন্দ্রনারায়ণ যাত্রা থেকে এত রোজগার করছে সেটাও তারা বিশেষ সুনজরে দেখত না।’

‘তাও হতে পারে।’

‘আমার অবিশ্য এই দুই ভাইয়ের সঙ্গে কথা বলতে হবে। সেটা বোধহয় শনি কি রবিবার করলে ভাল হয়, তাই না?’

‘শনিবার সকালে এলে দু ভাইকেই পাবেন।’

‘আপনি যে কন্দর্পনারায়ণের জীবনীর উপর কাজ করছেন, সেটা কতদিন থেকে?’

‘তা প্রায় ছ’মাস হল।’

‘ইঠাং এই মতি হল কেন?’

আমি উনবিংশ শতাব্দী নিয়ে একটা উপন্যাস লিখব বলে ন্যাশনাল লাইব্রেরিতে গিয়ে পড়াশুনা করছিলাম। সেই সময় কন্দর্পনারায়ণের নাম পাই। খৈঁজখবর নিয়ে জানি তাঁর বংশধরেরা এখনও আছেন বোসপুরে। সোজা এসে কীর্তিনারায়ণের সঙ্গে দেখা করি। কীর্তিনারায়ণ বলেন—তুমি আমার বাড়িতে থেকে রিসার্চ করতে পারো, কিন্তু সেই সঙ্গে আমার কিছু কাজও করে দিতে হবে। তার জন্য আমি তোমাকে পারিশ্রমিক দেব। আমি তখন খবরের কাগজের কাজ ছেড়ে এখানে চলে আসি। এখানে অনেক ঘর খালি পড়ে আছে, তারই একটা ঘরে আমাকে এক তলায় থাকতে দেন কীর্তিনারায়ণ। গত ছ’মাসে আমি এবাড়ির সঙ্গে বেশ মিশে গেছি। আমার কারবার অবিশ্য শুধু কীর্তিনারায়ণকে নিয়েই, তবে অন্যরাও আমার ব্যাপারে কোনও আপত্তি করছেন বলে শুনিনি।’

‘ভাল কথা—’

ফেলুদা তার পার্স থেকে এক টুকরো সাদা কাগজ বার করল।

‘এটা বোধহয় সেদিন আপনার পকেট থেকে পড়ে গিয়েছিল—আপনি যখন ঘাম মুছতে কর্মাল বার করেন। জন্মদিনের জন্য কেকের অর্ডার কি, নাকি টেলিগ্রাম?’

ফেলুদা ‘হ্যাপি বার্থডে হুকুম চাঁদ’ লেখা কাগজটা প্রদুষ্ণবাবুর হাতে দিল। প্রদুষ্ণবাবু ভুক্ত কপালে তুলে বললেন, ‘কই, এমন তো কোনও কাগজ আমার পকেটে ছিল না। আর এই হুকুম চাঁদ যে কে সে তো আমি বুঝতেই পারছি না।’

‘আপনি সেদিন কীসে করে আমার বাড়িতে এসেছিলেন?’

‘বাসা।’

‘বাসে ভিড় ছিল? তার মধ্যে কেউ এটা পকেটে ফেলে দিতে পারে?’

‘তা পারে, কিন্তু এটার তো কোনও মানেই আমি বুঝতে পারছি না।’

‘এটা যদি আপনার না হয় তো আমার কাছেই থাকুক।’

ফেলুদা কাগজটা আবার পার্সে রেখে দিল। এই কাগজ যে একটা রহস্যের মধ্যে পড়ে তাতে কোনও সন্দেহ নেই।

আমরা বোসপুর গিয়েছিলাম বিষ্ণুবার, আবার যেতে হবে শনিবার, কাজেই মাঝে শুক্রবারটা ফাঁক। সেই ফাঁকে দেখি লালমোহনবাবু আমাদের বাড়িতে এসে হাজির। আসলে একটা তদন্ত যখন শুরু হয়ে যায় তখন আর নিয়ম মানা যায় না।

ভদ্রলোক এসেই ধপ করে সোফায় বসে বললেন, ‘আপনার তো শুধু বোসপুর গেলে চলবে না মশাই—যাত্রা পার্টিগুলোতেও তো একবার যাওয়া দরকার।’

‘সে আর বলতে?’ বলল ফেলুন। ‘মৃত ব্যক্তির সমস্ত জীবনটাই তো যাত্রার সঙ্গে জড়িয়ে রয়েছে। আপনি যখন এসেই পড়েছেন তখন বাড়িতে বসে না গেঁজিয়ে চলুন মহম্মদ শফি লেনটা ঘুরে আসা যাক।’

‘তারপর বীণাপাণি অপেরার ম্যানেজার সেই সিশানবাবু না কি—’

‘অশ্বিনীবাবু।’

‘হ্যাঁ। অশ্বিনীবাবুর সঙ্গে তো কথা বলতে হবে। তাই না?’

‘নিশ্চয়ই। তোপ্সে, একবার ডি঱েকটরিতে দ্যাখ তো বীণাপাণি অপেরার ঠিকানাটা কী।’

ডি঱েকটর দেখতে বেরোল বীণাপাণি অপেরা সুরেশ মল্লিক স্ট্রিট। লালমোহনবাবু বললেন যে রাস্তাটা ওঁর জানা আছে। ওখানের একটা ব্যায়মাগারে নাকি উনি কলেজে থাকতে রেগুলারলি যেতেন।

‘বলেন কী! বলল ফেলুন।

‘বিশ্বাস করুন। ডন বৈঠক বারবেল চেস্ট-এক্সপ্যান্ডার কোনওটা বাদ দিইনি। বড়ির ডেভেলপমেন্টও হয়েছিল ভালই, আমর হাইটে বেয়ালিশ ইঞ্জিনিয়ারিং ছাতি নেহাত নিদের নয়।’

‘তা সে সব মাঙ্সপেশি গেল কোথায়?’

‘আর মশাই, লেখক হলে কি আর মাস্ল থাকে শরীরে? তখন সব মাস্ল গিয়ে জমা হয় ব্রেনে। তবে ভোরে হাঁটার অভ্যেসটা রেখেছি। ডেইলি টু মাইলস। তাই তো আপনার সঙ্গে পাল্লা দিয়ে চলতে পারি।’

চা খেয়ে আমরা বেরিয়ে পড়লাম। লালমোহনবাবুর ড্রাইভার হরিপদবাবুর খুব উৎসাহ। খুনের ব্যাপারটা কাগজে পড়েছেন, তা ছাড়া ভারত অপেরার অনেক যাত্রা ওঁর দেখা। আমরা সেই খুনেরই তদন্ত করছি জেনে বললেন, ‘ইন্দ্র আচার্য একা ভারত অপেরাকে দাঁড় করিয়ে দিয়েছিলেন। ওঁর খুনিকে কাঠগড়ায় দাঁড় করাতে পারলে একটা কাজের কাজ হবে।’

শুক্রবার ট্যাফিক প্রচুর, তাই ভারত অপেরার আপিসে পৌঁছাতে লাগল প্রায় পঁয়তালিশ মিনিট। নম্বরটা ডি঱েকটরিতে দেখে নিয়েছিলাম, তা ছাড়া দরজার উপরে সাইন বোর্ডে লেখাই রয়েছে কোম্পানির নাম।

দরজা দিয়ে চুকে একটা টেবিলের পিছনে একজন কালো মতন মাঝবয়সী লোক বসে আছেন; বললেন, ‘কাকে চাই?’

ফেলুন তার কাউটা বার করে দেখাতে ভদ্রলোকের চোখের অলস চাহিনিতে কিছুটা জৌলুস এল। বললেন, ‘আপনারা কি শরৎবাবুর সঙ্গে দেখা করতে চাইছেন—আমাদের প্রোপাইটার?’

‘আজ্জে হ্যাঁ,’ বলল ফেলুন।

‘একটু বসুন।’

একটা বেঁধি আর আরও একটা চেয়ার ছিল ঘরটায়, আমরা তাতেই ভাগাভাগি করে বসলাম। ভদ্রলোক উঠে পিছনের একটা দরজা দিয়ে বেরিয়ে গেলেন। লালমোহনবাবু বললেন, ‘এই কোম্পানির যে এত রমরমা সেটা কিন্তু এঘর থেকে বোঝার কোনও উপায় নেই।’

মিনিট খানেকের মধ্যেই ভদ্রলোক ফিরে এসে বললেন, ‘আসুন আমার সঙ্গে। শরৎবাবু দোতলায় বসেন।’

একটা সরু সিডি দিয়ে দোতলায় ওঠার সময় হারমোনিয়ামের শব্দ পেলাম। রিহার্সালের তোড়জোড় চলছে নাকি? খুঁটি চলে গেলেও যাত্রা তো চালিয়েই যেতে হবে।

প্রোপাইটার শরৎ ভট্টাচার্যের আপিস দেখে কিন্তু ধারণা পালটে গেল। বেশ বড় ঘর, বড় টেবিল, চারপাশে মজবুত চেয়ার, দেয়ালে একটা বিরাট বারোমাসি ক্যালেন্ডার, আর্টিস্টদের বাঁধানো ছবি, দুটো আলমারিতে মোটা মোটা খাতাপত্র ছাড়া একটা গোদরেজের আলমারি রয়েছে, মাথার উপর বাঁই বাঁই করে ঘুরছে পাখা।

টেবিলের পিছনে যিনি বসা তিনিই অবিশ্য শরৎবাবু। তাঁর মাথায় টাক, কানের পাশে পাকা চুল, ঘন কালো ভুরু, মুখের চামড়া টান। বয়স বোঝা যায় না, শুধু বলা যায় পঞ্চাশ থেকে পঁয়ষ্টির মধ্যে।

‘আপনিই প্রদোষ মিত্রি?’ ফেলুদার দিকে তাকিয়ে ভদ্রলোক প্রশ্ন করলেন।

‘আর ইনি হচ্ছেন আমার বকু রহস্য রোমাঞ্চ ওপন্যাসিক লালমোহন গাঙ্গুলী,’ বলল ফেলুদা।

‘ওরে বাবা, আপনি তো স্বনামধন্য ব্যক্তি মশাই। আমার বাড়িতে আপনার অনেক ভক্ত আছে।’

লালমোহনবাবু বার চারেক হেঁ হেঁ করলেন, তারপর ভদ্রলোক বলাতে আমরা চেয়ারে বসলাম। ফেলুদাই কথা শুরু করল।

‘ইন্দ্রনারায়ণবাবুর বাবা আমাকে তাঁর ছেলের খুনের তদন্ত করতে বলেছেন, সেই জন্যেই আসা।’

শরৎবাবু মাথা নেড়ে বললেন, ‘আমি আর কী বলতে পারি বলুন, শুধু এইটুকুই জানি যে আমাদের একেবারে পথে বসিয়ে দিয়ে গেছেন ভদ্রলোক। নাটক লিখিয়ে হয়তো পাওয়া যায়, কিন্তু অমন গান কেউ লিখত না, আর কেউ লিখবেও না। আহা—আকাশে হাসিছে চাঁদ, তুমি কেন আনমনা—কী গান! শুধু গান শুনতেই লোকে বার বার ফিরে ফিরে আসে।’

‘আমরা শুনেছি অন্য দল থেকে তাঁকে প্রলোভন দেখানো হচ্ছিল।’

‘সে তো বটেই। তবে প্রলোভনে কোনও কাজ হয়নি। আমার সঙ্গে তার সম্পর্ক এত ঘনিষ্ঠ ছিল যে আমাকে ছাড়বার কথা সে কল্পনাও করতে পারত না। যখন প্রথম এল তখন তার বয়স পঁচিশ। আমিই যে তাকে প্রথম সুযোগ দিয়েছিলাম সেটা সে কোনওদিন ভুলতে পারেনি। শেষটায় তার জীবননাশ করে আমায় খোঁড়া করে দিল।’

শরৎবাবু ধূতির খুঁট দিয়ে চোখের জল মুছলেন। তারপর বললেন, ‘আগে একবার ওর মাথায় বাড়ি মারার চেষ্টা করেছিল রাস্তায়। অবিশ্য সেটা খুনের চেষ্টা কিনা, আর সেটার সঙ্গে আসল খুনের কোনও সম্পর্ক আছে কিনা, সেটা বলতে পারব না। এই গলিটায় গুণ্ডা বদমায়েশের অভাব নেই। সেদিন ওরা দুজন এসে না পড়লে অস্তত ওর মানিব্যাগটি হাওয়া হয়ে যেত বলে আমার বিশ্বাস। সেটা আর হয়নি। তবে আসল খুনটা যে আমাকেও এক রকম খুন করা সে বিষয় আমার কোনও সন্দেহ নেই। আপনি তদন্ত করতে চান তো বীণাপাণি অপেরায় গিয়ে করুন; আমার নিজের আর কিছু বলার নেই।’

আমরা উঠে পড়লাম। ইতিমধ্যে চা খাওয়া হয়ে গেছে সেটা বলে নিই। এর পরের স্টপ হল সুরেশ মল্লিক স্ট্রিট।

আমহার্স্ট স্ট্রিট ধরে উত্তরে যেতে গিয়ে বাঁয়ে একটা মোড় নিয়ে তার পরের ডাইনের রাস্তাটাই হল সুরেশ মল্লিক স্ট্রিট। চোদ্দ নম্বরে বীণাপাণির আপিস বার করতে কোনও অসুবিধা হল না।



এখানে বাড়িতে চুক্কেই যাকে বলে উদাস্ত কঠস্বর শুনতে পেয়ে বুবলাম পুরোদেম মহড়া চলছে। ম্যানেজার অশ্বিনীবাবুকে বার করতে সময় লাগল না। বদমেজাজি চেহারা, টুথ ব্রাশ শোঁর্ফ, বছর পঞ্চাশক বয়স। বাইরের একটা ঘরে আমাদের বসতে দেওয়া হয়েছিল, ভদ্রলোক চুক্কে এসে ফেলুদার কার্ড দেখেই খাপ্পা হয়ে উঠলেন।

‘এ কি বোসপুরুরের খুনের ব্যাপার নাকি?’

ফেলুদা বলল, ‘আজ্জে হ্যাঁ। আমার উপর তদন্তের ভার পড়েছে। আপনি ইন্দ্রনারায়ণবাবুর সঙ্গে খুনের রাত্রে দেখা করেছিলেন, তাই আপনাকে দু-একটা প্রশ্ন করার ছিল।’

‘পুলিশ তো এক দফা জেরা করে গেছে, আবার আপনি কেন? তা যাই হোক, আমি বলেই দিছি, আমি খুনের বিষয় কিছুই জানি না। আমি গেসলুম তাঁকে একটা অফার দিতে আমাদের তরফ থেকে। এর আগেও কয়েকবার গেছি। ওঁকে নিমরাজি করিয়ে এনেছিলাম, কারণ তারত অপেরা ওঁকে যে টাকা দিত আমরা তার চেয়ে তের বেশি অফার করি। আমাদের সে জোর আছে বলেই করি। কাজেই এ অবস্থায় আমরা যেটা চেয়েছিলাম সেটা হল উনি যাতে আমাদের দলে যোগ দেন। উনি যদি মরেই যান তা হলে আমাদের লাভটা হচ্ছে কোথেকে?’

‘অন্য দলের ক্ষতি হলে তাতেও তো আপনাদের লাভ।’

‘না। ওসব ছাঁচড়ামোর মধ্যে আমরা নেই। এ দল সে দল থেকে আর্টিস্ট ভাঙিয়ে নেবার চেষ্টা আমরা সব সময়ই করি, কিন্তু তাতে সফল না হলে কি আমরা সে আর্টিস্টকে প্রাপ্তে মেরে অন্য দলের ক্ষতি করব?’

‘আপনি বলছিলেন উনি নিমরাজি হয়েছিলেন। তার কোনও প্রমাণ আছে কি?’

‘গোড়ায় যখন চিঠি লিখে অফার দিই, তার একটা পোস্টকার্ডের উপর আছে, দেখতে চান দেখাতে পারি।’

ফেলুদা বলতে ভদ্রলোক ফাইল থেকে পোস্টকার্ডটা বার করে দেখালেন। তাতে দেখলাম

ইন্দ্রনারায়ণবাবু সত্তিই বলেছেন, ‘আপনাদের প্রস্তাব আমি ভেবে দেখছি। আপনি মাস খানকে বাদে অনুগ্রহ করে আরেকবার অনুসন্ধান করবেন।’ অর্থাৎ ইন্দ্রনারায়ণবাবু বীণাপাণি অপেরার প্রস্তাবে পুরোপুরি না করেননি। তাঁর মনে একটা দ্বিধাৰ ভাব এসেছিল।

ফেলুদা বলল, ‘সেদিন রাত্রে যে আপনি গেলেন, তখন আপনাদের মধ্যে কোনও কথা কাটাকাটি হয়েছিল?’

‘আমি ওঁকে নানান ভাবে বোঝানোৱ চেষ্টা কৰছিলাম সেটা ঠিক আৱ তাতে হয়তো গলা এক-আধবাৰ চড়ে যেতে পাৱে। কিন্তু ইন্দ্রনারায়ণবাবু মাথাঠাণ্ডা লোক ছিলেন; সেই কাৰণেই তাঁৰ কাজটা এত ভাল হত। উনি বললেন, ‘ভাৱত অপেৱাৰ সঙ্গে এতদিনেৰ সম্পর্ক। সেটা ভাঙা তো সহজ কথা নয়। কিন্তু তাও বলছি আপনাৰা পাৱলে আমাকে আৱ কিছুটা সময় দিন। একটা নতুন নাটক আমি লিখছি ভাৱত অপেৱাৰ জন্য। সেটা দেৱ বলে কথা দিয়েছি; সে কথাৰ তো আৱ নড়চড় কৰতে পাৱি না। এই বছৰেৰ শেষে আমি আৱাৰ আপনাদেৱ সঙ্গে যোগাযোগ কৰব—এই হল শেষ কথা। তাৱপৰ আমি চলে আসি। তখন পৌনে এগাৰোটা।’...

‘গোলমেলে ব্যাপার’, ফেলুদা মন্তব্য কৰল চৌৱঙ্গিতে একটা রেস্টোৱেন্টে বসে কফি খেতে খেতে।

‘বীণাপাণি অপেৱাই যে গুণ্ডা লাগিয়ে খুন কৰেছে সেটা এখন আৱ মনে হচ্ছে না—তাই না?’
বললেন লালমোহনবাবু।

‘তা হচ্ছে না’, বলল ফেলুদা, ‘তবে প্ৰশ্ন হচ্ছে শক্ৰবিহীন এই ব্যক্তিটিৰ উপৰ কাৱ এত আকেশ ছিল? ভাড়াটে গুণ্ডাই যদি মেৰে থাকে তা হলে ফেলু মিন্তিৱেৰ বিশেষ কিছু কৰবাৰ নেই। সেখানে পোদ্বাৰমশাই টেকা মেৰে বেৰিয়ে যাবেন।’

‘কিন্তু অঞ্চলীবাৰুৰ কথা শুনে—’

‘অঞ্চলীবাৰু যে সত্তি কথা বলছেন সেটাই বা মেনে নিই কী কৰে? সেদিন ওঁৰ কথায় যে ইন্দ্রনারায়ণ সৱাসিৱ না কৰে দেননি সেটাই বা কে বলতে পাৱে? সাক্ষী কই?’

‘আছা, বাড়িৰ লোক যদি খুন কৰে থাকে?’

‘সেটাৰ সম্ভাৱনা একেবাৱে বাদ দেওয়া যায় না। কীৰ্তিনারায়ণ তাঁৰ ছোট ছেলেকে সবচেয়ে বেশি ভালবাসতেন। তিনি যদি তাঁৰ উহিলে ইন্দ্রনারায়ণকে বেশি টকা দিয়ে থাকেন, তাতে বড় বাইদেৱ কি মনে হতে পাৱে না ছোটভাইকে হিটিয়ে তাদেৱ শেয়াৰ কিছুটা বাড়িয়ে নেওয়া?’

‘এটা আপনি মোক্ষম বলেছেন’, বললেন লালমোহনবাবু।

‘কিন্তু ব্যাপার কী জানেন? খুন জিনিসটা কৱা অত্যন্ত কঠিন। প্ৰচণ্ড তাগিদ না থাকলে সাধাৰণ মানুষৰ পক্ষে খুনেৰ সাহস সংগ্ৰহ কৱা সম্ভব নয়। আগো অন্য ভাই দুটোকে একটু বাজিয়ে নিই, তাৱপৰ তেমন বুঝলে ওটা নিয়ে ভাবা যাবে।’

ফেলুদাৰ কপালে ভুকুটি তাও যাচ্ছে না দেখে জিজ্ঞেস কৰলাম সে কী ভাবছে। ফেলুদা বলল, ‘সেকেন্দ্ৰ ব্ৰাদাৰ হৱিনারায়ণেৱ কথা।’

‘কেন?’

‘লোকটা আৱাৰ ওয়েস্টাৰ্ন মিউজিকেৰ ভঙ্গ—ক্ল্যাসিক্যাল মিউজিক। এই নিয়ে যে দুটো প্ৰশ্ন কৰব তাৱও জো নেই। কাৰণ ফেলু মিন্তিৰ ও ব্যাপারে একেবাৱেই কঁচা।’

লালমোহনবাবু বললেন, ‘আমাৰ কাছে একটা পাশ্চাত্য সংগীতেৰ এনসাইক্লোপিডিয়া আছে—এক ভলুম, সাড়ে সাতশো পাতা। তাতে আপনি যা জানতে চান সব পাবেন।’

‘আপনি ও বই নিয়ে কী কৰছেন?’

‘ওটা একটা সেটোৱ মধ্যে পড়ে গিয়েছিল—তাতে হিস্ট্ৰি, জিওগ্ৰাফি, মেডিসিন, সায়েন্স, অ্যানিমিয়লস—সবই আছে। আমি নিজে উলটে পালটে দেখেছি মিউজিকেৰ বইটা হেডন,

মোজার্ট, বিথোডেন সব বড় বড় সুরকারদের জীবনী রয়েছে।’

‘আমি এসব সুরকারদের রচনা শুনিনি বটে, কিন্তু এদের নামের উচ্চারণগুলো অন্তত আমার জানা আছে, কিন্তু আপনার নেই।’

‘কী রকম?’

‘হাইড্ন, মোংসার্ট, বেটোফেন—এই হল আসল উচ্চারণ।’

‘হাইড্ন, মোংসার্ট, বেটোফেন—থ্যাক্স ইউ স্যার, আর ভুল হবে না।’

‘এখনই দিতে পারেন বইটা?’

‘আলবত! আপনার জন্য এনি টাইম।’

আমরা রেস্টোরান্ট থেকে গড়পার গিয়ে লালমোহনবাবুর বইটা তুলে নিয়ে ভদ্রলোককে বাড়িতে রেখে একটা ট্যাঙ্কি নিয়ে বাড়ি ফিরলাম।

বাকি দিনটা ফেলুদার সঙ্গে আর কথা বলা সম্ভব হয়নি, কারণ সে ঘর বন্ধ করে এনসাইক্লোপিডিয়া অফ ওয়েস্টার্ন মিউজিক পড়ল।

৬

শনিবার সকাল দশটায় বোসপুরুর গিয়ে প্রথমেই যার সঙ্গে কথা হল, সে হল হরিনারায়ণবাবুর মেয়ে লীনা। লীনার আজ ইস্পুল ছুটি, সে ক'দিন থেকেই শুনেছে বাড়িতে ডিটেকটিভ এসেছে। তাই উদ্গীব হয়ে আছে। ফেলুদার ভক্ত হওয়াতে তার সঙ্গে কথা বলতে আরও সুবিধা হল।

‘তোমার ছেটকাকা তোমাকে খুব ভালবাসতেন, তাই না?’ ফেলুদা জিজ্ঞেস করল।

‘শুধু ভালবাসতেন না’, বলল লীনা, ‘আমরা দুজনে বন্ধু ছিলাম। কাকার সব লেখা আগে আমাকে পড়ে শোনাতেন। আমার যদি কোনও জায়গা গোলমাল লাগত তা হলে কাকা সেটা বদলে দিতেন।’

‘আর গান?’

‘আমাকে প্রথম শোনাতেন।’

‘তুমি নিজে গান ভালবাস?’

‘আমি পিয়ানো শিখছি।’

‘তার মানে তো বিলিতি বাজনা।’

‘হ্যাঁ, কিন্তু আমার রবীন্দ্রসংগীতও ভাল লাগে, আর কাকার গানও ভাল লাগত। আমি নিজেও গান করি একটু একটু।’


‘তোমার কাকা কোনওদিন ভারত অপেরা ছেড়ে দেবার কথা বলেছিলেন তোমাকে?’

‘বীণাপাণি অপেরা কাকাকে অনেক টাকা দিতে রাজি হয়েছিল, কিন্তু আমার মনে হয় না কাকা কোনওদিন ভারত অপেরা ছাড়তেন। আমায় বলতেন, আমার শেকড় ভারত অপেরায়; শেকড় তুলে অন্য জায়গায় গেলে কি আর আমি বাঁচব?’

‘কাকা একটা নতুন নাটক লিখছিলেন সেটা তুমি জান?’

‘একটা কেন; সন্তাট অশোক তো শেষ হয়নি। তা ছাড়া কাকার চারটে নাটক লেখা ছিল। এছাড়া ওঁর প্রায় পনেরো-কুড়িটা খুব ভাল ভাল গান লেখা ছিল যেগুলো এখনও যাত্রায় ব্যবহার হয়নি। আর নাটকের খসড়া যেগুলো ছিল—সেও প্রায় আট-দশটা হবে—সেগুলো তো খসড়াই রয়ে গেল।’

লীনার সঙ্গে কথা বললাম প্রদুম্নবাবুর ঘরে। খুব সাদাসিংহে ঘর, লাইব্রেরির ঠিক পাশেই। ভদ্রলোক বললেন যে ওঁর রিসার্চের কাজ প্রায় শেষ হয়ে গেছে, এর পর কাগজপত্র সব নিয়ে



উনি বইটা লেখার জন্য শ্রীরামপুরে ওঁর বাড়িতে চলে যাবেন। ওঁর আন্দাজ এক বছর লাগবে বইটা লিখতে।

‘অবিশ্যি রহস্যের সমাধান না হওয়া পর্যন্ত আপনাকে এখানে থাকতেই হবে সেটা বোধ হয় বুঝতেই পারছেন।’

‘সে কথা পুলিশ আগেই বলে দিয়েছে।’

‘আপনি চলে গেলে কীর্তনারায়ণবাবুর সেক্রেটারির কী হবে?’

‘সে আমি অন্য একটি ছেলেকে বদলি দিয়ে যাব। জীবনী একবার লিখতে আরঙ্গ করলে অন্য কোনও দিকে মন দিতে পারব না।’

ফেলুন্দা ঘুরে ঘুরে ঘরটা দেখছিল, আর ঘরের দরজা দিয়ে বাইরের কী অংশ দেখা যায় সেটাও দেখছিল। দেখলাম প্রদুম্নবাবুর শোবার ঘর থেকে ইন্দুনারায়ণবাবুর কাজের ঘরের দরজাটা দেখা যায়, কিন্তু লাইব্রেরি থেকে দুটোর একটা ঘরও দেখা যায় না। ঘরের পিছনের জানালা দিয়ে বাইরে গলি দেখা যায়—যদু নক্ষর লেন। বোসপুরুর রোডটা হল বাড়ির সামনে, অর্থাৎ দক্ষিণ দিকের বাগানের পরে।

লীনা ইতিমধ্যে তার বাবা হরিনারায়ণবাবুকে আমাদের কথা বলে রেখেছে; আমরা দোতলায়

দক্ষিণ দিকের বারান্দার পাশে একটা বৈঠকখানায় গিয়ে হাজির হলাম। বেশ সুন্দর সাজানো ঘর, তাতে কিছু দামি পুরনো জিনিসও রয়েছে বলে মনে হল। যে সব জিনিস মানুষ কিউরিওর দোকান থেকে কেনে। ঘরের এক পাশে একটা বড় তাকে হাই-ফাই যন্ত্র রেকর্ড আর ক্যাসেট চালনার জন্য, আর তাকের উপরে দুদিকে দুটো স্টিরিও স্পিকার।

হরিনারায়ণবাবুকে দেখেই লীনার বাবা বলে বোঝা যায়। বেশ সুপুরুষ চেহারা, রং এ বাড়ির আর সকলের মতোই ফরসা, খালি শরীরে মাঙ্সটা একটু বেশি।

ভদ্রলোক ফেলুদা আর লালমোহনবাবুকে বললেন, ‘আপনাদের দুজনের নামই শোনা বলে মনে হচ্ছে। এখন বলুন কীভাবে আপনাদের সাহায্য করতে পারি।’

ফেলুদা প্রথমেই কাজের কথায় গেল না। বলল, ‘আপনার তো দেখছি বিরাট গান-বাজনার কালেকশন।’

‘হ্যাঁ, তা বিশ বছর হল শুনেছি ওয়েস্টার্ন মিউজিক। ওটাতেই কান বসে গেছে, দিশি আর ভাল লাগে না।’

‘আপনার কোনও ফেভারিট কম্পোজার আছে—নাকি?’

‘চাইকোভস্কি খুব ভাল লাগে; সুমান, ব্রাম্স, শোপাঁ।’

‘অর্থাৎ রোম্যান্টিক যুগটাই আপনার বেশি প্রিয়?’

‘হ্যাঁ।’

‘আপনার ছেট ভাই বেহালা বাজান্তে বিলিতি সংগীতের দিকে ঝোঁকেলনি বোধহয়।’

‘না। ওর ব্যাপারটা ছিল একেবারে উলটো। শুনেছি ওর নাকি ট্যালেন্ট ছিল, কিন্তু যাত্রা দেখার কোনও তাগিদ কোনওদিন অনুভব করিনি। আমার স্ত্রী আর মেয়ে গেছে কয়েকবার।’

‘ইন্দ্রনারায়ণের মতৃ সুবৰ্ণে আপনার নিজের কোনও থিওরি আছে?’

‘ব্যাপার কী জানেন, ও যে ঝাসের লোকেদের সঙ্গে মেলামেশা করত তাদের তো আর ঠিক ভদ্রলোক বলা চলে না। যাত্রার পরিবেশটাই খারাপ। কোথায় কার সঙ্গে কী গোলমাল পাকিয়ে রেখেছিল কে জানে? তাই একজন এসে বলা নিয়েছে—এ ছাড়া আর কী? জিনিসপত্র যখন কিছুই চুরি যায়নি তখন আর কী কারণ থাকতে পারে তা তো আমি জানি না। ওর সঙ্গই ওর কাল হয়েছিল। আপনি এনকোয়ারি করতে চাইলে ওই যাত্রা পার্টিশুলোতে গিয়েই করুন। এখানে বিশেষ সুবিধে করতে পারবেন না।’

‘পুলিশে খবর কি আপনার দাদা দেন?’

‘আমি, দাদা দুজনেই দিই। বাড়িতে খুন হলে স্টেই তো স্বাভাবিক। চঢ় করে কেউ প্রাইভেট ডিটেকটিভ ডাকে কি? বাবার তাই ইচ্ছা ছিল, কিন্তু বাবা চিরকালই ছিটগ্রস্ত। কী করে যে ব্যারিস্টারি করেছেন এতদিন তা জানি না।’

‘আপনার বাবা বোধহয় আপনার ছেট ভাইকে খুব ভালবাসতেন।’

‘স্টেও ওই ছিটেই উদাহরণ। বাবা গাতানুগতিকভা পছন্দ করেন না। এই ব্যাপারে বাবার সঙ্গে আমাদের পূর্বপুরুষ কন্দর্মনারায়ণের মিল আছে।’

ফেলুদা উঠে পড়ল। আমিও বুঝতে পারছিলাম যে এই ভদ্রলোকের সঙ্গে আর কথা বলে কোনও ফল হবে না।

বড় ভাই দেবনারায়ণ ছিলেন বাড়ির পশ্চিম দিকের বারান্দায়, বেতের চেয়ারে বসে। সামনে বেতের টেবিল, তার উপর কোল্ড বিয়ার রাখা। আমাদের অভিবাদন জানিয়ে ভদ্রলোক বিয়ার অফার করলেন, আমরা স্বত্বাবতই মাথা নেড়ে না জানালাম।

‘প্রাইভেট ডিটেকটিভ এমপ্লয় করা বুঝি বাবার প্ল্যান?’

ফেলুদা হেসে বলল, ‘বোধহয় তাই, কারণ আর কারুরই শর্খের গোয়েন্দার উপর আস্থা

নেই।'

'এ জিনিস উপন্যাসে চলে, রিয়েল লাইফে চলে না।'

ভদ্রলোক কথাগুলো বলছেন একেবারে শুকনো মুখে। সত্যি বলতে কী, এত গভীর লোক কমই দেখেছি।

দেবনারায়ণবাবু বললেন, 'আমার ভাইয়ের সম্পর্কে জিজ্ঞেস করবেন তো? সেটা অনুমান করেই বলছি, ইন্দুনারায়ণ ছিল আমাদের পরিবারের কলঙ্ক। আমাকে ক্লাবে অনেক সময়ই লোকে তার কথা জিজ্ঞেস করেছে; তার যাত্রা কেমন চলছে, গান পপুলার হচ্ছে কিনা, সে বেহালা কেমন বাজায়—ইত্যাদি। আমি মাথা হেঁট না করে কোনও কথার জবাব দিতে পারিনি। আমাদের আপন ভাইয়ের এই দশা হবে এ আমি স্বপ্নেও ভাবতে পারিনি। তার মৃত্যুর জন্যেও সে নিজেই দায়ী। তার উপর আমার কোনও সহানুভূতি নেই। আর আপনিও যে তদন্তের ভার নিয়েছেন, আপনার ওপরেও আমার কোনও সিম্প্যাথি নেই। ওকে খুন করেছে যাত্রা দলের গুগু। দে আর অল পোটেনশিয়াল ক্রিমিন্যালস। আপনি কাকে ছেড়ে কাকে ধরবেন?'

দেবনারায়ণবাবুর সঙ্গে কথাও এইখানেই শেষ হয়ে গেল।

নীচে আসার সময় ফেলুদা প্রদ্যুম্নবাবুকে বলল, 'একটা জিনিস দেখার বড় কৌতুহল হচ্ছে আমার; কল্পনারায়ণের বিলেতের ডায়ারি। ক'টা খণ্ড আছে সবসুন্দর?'

'দুটো। উনি বিলেতে ছিলেন এক বছরের কিছু বেশি।'

'ওটা দিন-তিনেকের জন্য ধার পাওয়া যাবে?'

'নিশ্চয়ই।'

ফেলুদা তার থলিতে বই দুটো নিয়ে নিল, আমরা আবার বাড়িমুখে রওনা দিলাম।

৭

'কীরকম মনে হচ্ছে বলুন তো?' লালমোহনবাবু প্রশ্ন করলেন একমুটো ডালমুট মুখে পুরে।

আমরা বোসপুরু থেকে ফিরেছি মিনিট পনেরো হল, শ্রীনাথ সবেমাত্র চা-ডালমুট দিয়ে গেছে।

ফেলুদা একটা চারমিনার ধরিয়ে বলল, 'শুধু অপেরা-অপেরায় খাওয়া-খাওয়ি হলে ব্যাপারটা অনেক সহজ হত। কিন্তু এখানে তা হচ্ছে না। বাড়ির লোকদের একেবারে বাদ দেওয়া যাচ্ছে না। অবিশ্যি দুভাইয়ের মেজাজ ছাড়া এখনও তাদের বিষয় আর বিশেষ কিছু জানা যায়নি। দুজনের মধ্যে কারুর যদি টাকার টানাটানি দেখা দিয়ে থাকে, তা হলে ছোট ভাই যাতে বাপের টাকা না পায় সেদিকে সে দৃষ্টি দিতে পারে। কীর্তিনারায়ণ যদি তাঁর ছোট ছেলেকে বেশি টাকা দিয়ে থাকেন তা হলে তো তাঁকে সে উইল চেঞ্জ করতে হবে। তার ফলে অবশিষ্ট দুভাইয়ের ভাগে নিশ্চয়ই বেশি করে পড়বে।'

'আমার কিন্তু মশাই দেবনারায়ণকে ভাল লাগল না। ওরকম একটা কাঠখোট্টা লোক সচরাচর দেখা যায় না।'

'বাড়িতে দেখে এদের পুরোপুরি বিচার করা যাবে না। আমার জানার ইচ্ছে সঙ্গেবেলা ওঁরা ক্লাবে গিয়ে কী করেন।'

'সেটা জানছেন কী করে?'

'দুই ক্লাবেই আমার চেনা লোক মেষ্টর আছে', বলল ফেলুদা। 'দুজনেই আমার সহপাঠী ছিল। বেঙ্গল ক্লাবে অনিমেষ সোম, আর স্যাটার্ডে ক্লাবে ভাস্কর দেব। দুজনেই বড় চাকুরে। তাদের জিজ্ঞেস করলেই বলে দেবে।'



‘এই ক্লাবগুলির খালি নামই শুনেছি; তেতরে যে কী বস্তু জানিও না।’

‘আপনার ফুর্তি হবার মতো তেমন কিছুই নেই। আপনি মদ্য পান করেন না, তাস খেলেন না, বিলিয়ার্ড খেলেন না—আপনি ক্লাবে গিয়ে কী করবেন?’

‘তা বটে।’

ফেলুদা আর সময় নষ্ট করল না। প্রথমে বেঙ্গল ক্লাবের মেম্বর অনিমেষ সোমকে ফোন করল। অবিশ্বি সাতবার ডায়াল করার পর নস্বর পাওয়া গেল। একত্রফা কথা শুনে পুরো ব্যাপারটা আঁচ করতে পারলাম না; তাই ফেলুদা খুলে বলে দিল।

‘দেবনারায়ণবাবু ক্লাবে যান নিয়মিত এবং অধিকাংশ সময় মদ খেয়ে চুর হয়ে থাকেন। খেলাধুলার মধ্যে নেই, লোকজনের সঙ্গে আড়া প্রায় মারেন না বললেই চলে, লঙ্ঘনের খবরের কাগজ নিয়মিত পড়েন। আরেকটা ব্যাপার, ভদ্রলোকের আপিসে গঙ্গোল যাচ্ছে, স্ট্রাইক হবার সত্ত্বাবন্ন আছে।’

এরপর ফেলুদা ভাস্কর দেবকে ফোন করে একবারে পেয়ে গেল। এখানে শুধু ফেলুদার দিকটা শুনেই মোটামুটি পুরো ব্যাপারটা আঁচ করে নিলাম।

‘কে, ভাস্কর কথা বলছিস? আমি ফেলু, প্রদোষ মিত্রি।’

‘—’

‘তুই তো স্যাটারডে ক্লাবের মেম্বর, তাই না?’

‘—’

‘তোদের একজন মেম্বর সম্বন্ধে একটু ইনফরমেশন দরকার ছিল। হরিনারায়ণ আচার্য।’

‘—’

‘হ্যাঁ হ্যাঁ, যার ভাই খুন হয়েছে। এ লোকটা মানুষ কেমন? তোর সঙ্গে আলাপ আছে নিশ্চয়ই?’

‘—’

‘ও বাবা, জুয়াড়ি? হেভি স্টেকসে পোকার খেলে? তার মানে গ্রেট গ্র্যান্ড ফাদারের বাতিকটা পেয়েছে আর কী?’

‘—’

‘তুইও খেলেছিস ওর সঙ্গে?’

‘—’

‘দেনা বেড়ে যাচ্ছে তাও খেলা থামায়নি? তার মানে তো খুবই নেশা বলতে হবে!’

‘—’

‘এনিওয়ে, অনেক ধন্যবাদ ভাই। আমার উপর আবার তদন্তের ভার পড়েছে, তাই এদিক সেদিক থেকে তথ্য সংগ্রহ করছি। ঠিক আছে—আসি।’

ফেলুদা ফোন রেখে বলল, ‘বোঝো! লোকটা খুন করবে কী; বরং তহবিল তচ্ছৃপ করলে বুঝতে পারতাম। দেৱোৱ দেনা হয়ে গেছে তাসের জুয়াতে, অথচ দেখে বোবার কোনও উপায় নেই।’

লালমোহনবাবু হঠাতে ভীষণ একসাইটেড হয়ে পড়লেন।

‘ও মশাই—এ যে সাংঘাতিক ব্যাপার! বাপ না মরলে তো আর উইল থেকে কোনও টাকা আসছে না। টাকার যদি দুরকারই হয় ছেলের তা হলে তো এবার কীর্তিনারায়ণের খুন হওয়া উচিত।’

‘আপনার গোয়েন্দাগিরিতে মাথা খুলে যাচ্ছে, লালমোহনবাবু। আপনি খুব ভুল বলেননি।’

‘তা হলে তো এ-ব্যাপারে সর্তর্কতা অবলম্বন করতে হয়।’

‘শুনুন।’ ফেলুদা চায়ের কাপটা নামিয়ে চেয়ারে একটু এগিয়ে বসে বলল, ‘আপনাকে আগেও বলেছি, খুন জিনিসটা অত সহজ নয়। ও বাড়িতে পুলিশ মোতায়েন আছে। একটা খুন ইতিমধ্যে হয়ে গেছে। ছোট ভাই যে বাবার প্রিয় ছিল একথাও অজানা নেই। সেখানে ছোট ভাই খুন হবার পর যদি বাবাও খুন হন, তাতে দু-ভাইয়ের উপর যে পরিমাণ সন্দেহ বর্তাবে, তাতে তারা কোনওমতেই পার পাবে না। এক তো পুলিশ, তার উপর ফেলু মিস্টির। তাদের নিজেদের কি প্রাপের ভয় নেই? উইলের জন্য যদি ইন্দনারায়ণকে খুনও করা হয়ে থাকে, বাপকে মারার কোনও তাড়া নেই, কারণ ভদ্রলোকের উন্তাশি বছর বয়স, ডায়াবেটিসের রুগ্নি, একটা স্ট্রেক ইতিমধ্যে হয়ে গেছে। ওঁর আর কদিন? তবে হ্যাঁ—হরিনারায়ণের সম্মতে তথ্যটা জরুরি তথ্য। বাড়িতে মানুষটাকে চেনা যায়নি। আমি জানতাম যারা গান-বাজনার ভঙ্গ তারা সাধারণত কোমল প্রবৃত্তির লোক হয়। এ দেখছি একেবারে অস্তুত কম্পিনেশন।’

‘ওই পুরো ফ্যামিলিটাই তো তাই মশাই।’

কথাটা বলে সামনে পড়ে থাকা শনিবারের স্টেটস্ম্যানটা হাতে তুলে নিলেন লালমোহনবাবু। ফেলুদা ও চোখ ঘুরিয়েছিল কাগজটার দিকে, হঠাতে কী জানি দেখে সে কাগজটা লালমোহনবাবুর হাত থেকে ছিনিয়ে নিল। তারপর মিনিট খানকে ধরে পিছনের পাতায় চোখ বুলাল। তারপর কাগজটা হাত থেকে নামিয়ে রেখে বলল, ‘আই সি।’

মিনিট খানকে পর আবার বলল, ‘বুঝলাম।’

তারপর আরও আধ মিনিট পরে বলল, ‘এই ব্যাপার!

লালমোহনবাবু আর থাকতে না পেরে বললেন, ‘কী বুঝলেন মশাই?’

তাতে ফেলুদা বলল, ‘বুঝলাম গোয়েন্দা হলেও আমার জ্ঞান কত সীমিত। বুঝলাম এখনও আমার অনেক কিছু শেখার আছে।’

ফেলুদা যখন রহস্য করতে চায় তখন তার জাল ভেদ করে এমন সাধ্য কারুর নেই। কাজেই ও যখন মিনিট খানকে পরে বলল, ‘আজ একটা নতুন অভিজ্ঞতা হবে’, তখন বুঝলাম এটাও

রহস্যেরই একটা অঙ্গ।

‘কী ব্যাপার?’ লালমোহনবাবু যথারীতি জিজ্ঞেস করলেন।

‘আজ আমরা তিনজনেই রেসের মাঠে যাচ্ছি।’

‘সে কী? রেসের মাঠে? কেন মশাই?’

‘এটা আমার অনেকদিনের একটা শখ। আজ বিকেলটা আমরা ফি আছি। কলকাতায় এমন একটা আশ্চর্য ঘটনা ঘটে চলেছে প্রতি শনিবার সেই কত কাল থেকে, কিন্তু আমরা তার ধারে-পাশেও যাব না এটা মোটেই ঠিক নয়। অন্তত একবারের জন্য সব রকম অভিজ্ঞতা হয়ে থাকা ভাল।’

‘এ কথাটা আমারও অনেকদিন মনে হয়েছে মশাই’, চাপা উদ্দেশ্যনার সঙ্গে বললেন লালমোহনবাবু। ‘আসলে ব্যাপারটা কী জানেন, চেনা কেউ যদি দেখে ফেলে জুয়াড়ি ভাবে, এইখনেই আমাদের সঙ্কোচ।’

‘এবারে সেটার কোনও সম্ভাবনা নেই।’

‘কেন?’

‘কারণ আমরা তিনজনেই যাব ছয়বেশে।’

লালমোহনবাবু লাফিয়ে উঠলেন।

‘ওঃ, দুর্দান্ত ব্যাপার মশাই! আমাকে একটা ফ্রেঞ্চকাট দাড়ি দিতে পারবেন?’

‘আমি মনে মনে তাই ভাবছিলাম।’

‘গ্রেট!’

মেক-আপে ফেলুদার জুড়ি নেই সেটা আগেও বলেছি, কিন্তু এতদিন শুধু ওর নিজের মেক-আপই দেখেছি, এবার ও আমাকে আর লালমোহনবাবুকে যেভাবে মেক-আপ করল তাতে আয়নায় নিজের চেহারা দেখে নিজেরাই হকচকিয়ে গেলাম। লালমোহনবাবুকে ফ্রেঞ্চ-কাট দাড়ি আর চেউ খেলানো চুল, আর আমার গোঁফ দাড়ি আর পার্ক স্ট্রিট-মার্ক ঝাঁকড়া চুলের কোনও তুলনা নেই।


ফেলুদা নিজে একটা চাড়া দেওয়া মিলিটারি গোঁফ লাগিয়েছে, আর একটা পরচুলা পরেছে যাতে মনে হয় চুলটা ছোট করে ছাঁটা। এই সামান্য ব্যাপারেই ওর চেহারায় আকাশ পাতাল তফাত হয়ে গেছে।

রেসের মাঠে যে কোনওদিন যাব সেটা ভাবতে পারিনি। রাস্তার ভিথুরি থেকে রাজা মহারাজা অবধি সবাই যদি কোথাও একই উদ্দেশ্য নিয়ে একই জায়গায় জমায়েত হয় তো সেটা হল রেসের মাঠ। এমন দৃশ্য কলকাতা শহরে আর কোথাও দেখা যায় না, কোথাও দেখার সম্ভাবনাও নেই। একমাত্র রেসের মাঠেই মূড়ি মিছরি এক দর।

ঘোড় দৌড় এখনও শুরু হয়নি, আমরা এদিক সেদিক ঘূরে বেড়াচ্ছি। এক জায়গায় একটা বেড়ায় ঘেরা মাঠের মধ্যে যে সব ঘোড়া রেস দৌড়বে তাদের ঘূরিয়ে দেখানো হচ্ছে। ফেলুদা বলল জায়গাটাকে বলে প্যাডক। আরেকটা জায়গা—যেখানে একটা একতলা বাড়ির গায়ে সার সার জানালা, সেখানে বেটিং প্রেস করা হচ্ছে। সকলের মতো আমারও একটা করে রেসের বই কিনে নিয়েছি। অভিনয় ভাল হবে বলে লালমোহনবাবু সেটা ভয়ংকর মনোযোগের সঙ্গে পাতা উলটে দেখছেন।

আমরা ছিলাম সব সুন্দর আধ ঘণ্টা। প্রথম রেসটা দেখলাম, লোকদের মরিয়া হয়ে ঘোড়ার নাম ধরে চিৎকার করা শুনলাম, তারপর ফেলুদা হঠাতে এক সময় বলল, ‘যে প্রয়োজনে আসা সেটা যখন মিটে গেছে তখন আর বৃথা মেক-আপের বোঝা বয়ে কী লাভ?’

কী প্রয়োজনের কথা বলছে জানি না, জিজ্ঞেস করলেও উত্তর পাব এমন ভরসা নেই, তাই



আমরা তিনজন বাইরে বেরিয়ে এসে লালমোহনবাবুর গাড়ি খুঁজে বার করে তাতে চেপে বসলাম।

রবিবার সকালে দারোগা মণিলাল পোদারের ফোন এল। বললেন, ‘কিছু এগোলেন?’ ফেলুন। বলল, ‘আগে মানুষগুলোকে চেনার চেষ্টা করছি, নইলে এগোতে পারব না। বেশ জটিল কেস বলে মনে হচ্ছে।’

মণিলালবাবুর কথা থেকে জানা গেল যে আরেকবার আচার্য বাড়িতে ডাকাত পড়লে উনি ৩২৬

আশ্চর্য হবেন না। প্রথমবার তো খুনই করেছে, কোনও জিনিস তো নেয়ানি; ওঁর ধারণা যাত্রার যে দলটা খুন করিয়েছে তারা ইন্দ্রনারায়ণবাবুর অন্য নাটক আর গানগুলোও হাতাবার চেষ্টা করবে। বেসপুকুরের কাছেই একটা গলি আছে, রাম পরামাণিক লেন, সেটা নাকি নটোরিয়াস গুণাদের আড়ত। তা ছাড়া এটাও মণিলালবাবু সন্দেহ করছেন যে আচার্য বাড়ির বেয়ারা সঙ্গের সঙ্গে হয়তো এই গুণাদলের যোগসাজশ আছে।

ফেলুদা প্রশ্ন করল, ‘আপনারা কি বাড়ির পিছনের যদু নস্করের গলিতে পুলিশ পাহারা রাখছেন?’

‘তা রাখা হচ্ছে বইকী,’ বললেন পোদ্দারমশাই।

‘তেমন দরকার হলে একবার অস্তত একবারতের জন্য তুলে নেওয়া যেতে পারে কি?’

‘আপনি কি গুণাদের প্রলোভন দেখাতে চান?’

‘ঠিক তাই।’

‘তা বেশ। আপনার প্রয়োজন হলে বলবেন, আমরা পাহারা সরিয়ে নেব।’

পোদ্দার মশাই-এর ফোনটা এসেছিল সাড়ে সাতটার সময়। তার পনেরো মিনিট পরেই ফোন করলেন প্রদুম্নবাবু, বললেন আধ ঘণ্টা থেকে নাকি চেষ্টা করছেন। ব্যাপার গুরুতর। গতকাল রাত্রে বারোটার সময় নাকি চোর এসেছিল আচার্যবাড়িতে। ইন্দ্রনারায়ণবাবুর ঘরে চুকেছিল নিশ্চয়ই কোনও চাকরের সাহায্যে, কারণ পিছনের গলিতে পুলিশ পাহারা আছে। একটা শব্দ পেয়ে প্রদুম্নবাবু নাকি তাঁর কাজের ঘর থেকে বেরিয়ে আসেন বারান্দায়। তাতে চোরটা পালায়। প্রদুম্নবাবু দৌড়ে গিয়ে লোকটাকে ধরবার চেষ্টা করেছিলেন, কিন্তু সে ধাক্কা দিয়ে প্রদুম্নবাবুকে মাটিতে ফেলে দেয়। ফলে ভদ্রলোকের হাঁটুতে চোট লেগেছে, উনি নাকি খুড়িয়ে হাঁটেছেন।

ফোন রাখার পর ফেলুদা বলল, ‘এখন সত্যিই মনে হচ্ছে ওঁর কাগজপত্র সরাবার উদ্দেশ্যেই ইন্দ্রনারায়ণবাবুকে খুন করা হয়েছিল। যে লেখকের নাটক আর গানের এত চাহিদা, সে পাঁচ-পাঁচ খানা নাটক আর পনের-বিশ খানা গান লিখে রেখে যাবে, আর তার উপরে চোখ পড়বে না অন্য যাত্রা দলের? অবিশ্য নিয়মমতো এই সব গান আর নাটক ভারত অপেরারই প্রাপ্য। তারা যাতে না পায় সেইজন্যেই এগুলো হাতাবার এত উদ্যোগ।’

আমি বললাম, ‘অন্য যাত্রার দল যদি ইন্দ্রনারায়ণের এই সব গান আর নাটকের কথা জেনে থাকে, তা হলে সে কথা নিশ্চয়ই ইন্দ্রনারায়ণ নিজেই বলেছেন। তার মানে তিনি ভারত অপেরার প্রতি যতটা লয়েল ছিলেন ভাবছিলাম, আসলে হয়তো ততটা ছিলেন না। সত্যিই হয়তো তিনি অন্য দলে যাবার কথা ভাবছিলেন।’

‘কিন্তু তা হলে খুনটা করল কে এবং কেন?’

‘হয়তো বীণাপাণি অপেরাকে ইন্দ্রনারায়ণ কথা দিয়েছিলেন, তাই আরেকটা দল সে পথ বন্ধ করেছে।’

ফেলুদা গভীরভাবে মাথা নেড়ে আমার কথায় সায় দিল। সত্যি, এখনও পর্যন্ত রহস্যের কোনওই কিনারা হল না।

ফেলুদা তার বিখ্যাত সবুজ খাতা খুলে কী যেন লিখতে শুরু করল। আজ সকাল থেকেই তাকে ভীষণ সিরিয়াস দেখছি। কী যেন একটা নতুন চিন্তা তার মাথায় এসেছে সেটা বুঝতে পারছি না।

নটার সময় যথারীতি লালমোহনবাবু এসে হাজির হলেন। ফেলুদা বলল, ‘আপনার মিউজিক এনসাইক্লোপিডিয়াটা আরও দু-চার দিন রাখছি।’

‘দু-চার দিন কেন, দু-চার মাস রাখলেও কোনও আপত্তি নেই।’

‘অনেক কিছু নতুন জ্ঞান করছি বইটা থেকে। মেলডি, হারমনি, পলিফনি, কাউটার-পয়েন্ট—অনেক কিছু জানা গেল। মিউজিকের ইতিহাসেও দেখছি রহস্য রয়েছে—পৃথিবীর অন্যতম শ্রেষ্ঠ কম্পোজার মোংসার্টকে নাকি আরেক কম্পোজার সালিয়েরি বিষ খাইয়ে হত্যা করেন। অর্থ এই ক্রাইমের কোনও কিনারা হয়নি।’

‘সে তো বুঝাম, কিন্তু আজ আমাদের প্ল্যানটা কী?’

‘আচার্য বাড়িতে নাকি কাল আবার ডাকাত পড়েছিল, কিন্তু প্রদূষণবাবুর তৎপরতার জন্য সে কিছু করতে পারেনি। আমার বিশ্বাস রাস্তিতে ও বাড়িটাকে একটু চোখে চোখে রাখা ভাল।’

‘রাস্তিতে?’

‘হ্যাঁ। এই ধরন সাড়ে এগারোটা থেকে শুরু করে একটা দেড়টা পর্যন্ত।’

‘সেটা কী করে সম্ভব হচ্ছে?’

‘বাড়ির উত্তর গা ঘেঁষে গলি গেছে। উত্তর দিকেই পিছনের দরজা। ধরন যদি সেই গলির ফুটপাথে বসে থাকা যায় বাড়ির দিকে চোখ রেখে।’

‘ফুটপাথে বসে থাকা? তিনজন ভদ্রলোক ফুটপাথে বসে থাকবেন আর রাস্তার লোক সন্দেহ করবে না?’

‘তা করবে না যদি তাদের আর ভদ্রলোক বলে না মনে হয়।’

ফেলুদার প্ল্যানটা শুনে মাথা ঘুরে গেল। বোঝাই যাচ্ছে ও আবার ছন্দবেশের কথা বলছে। কিন্তু কী ছন্দবেশ? উত্তরটা ফেলুদাই দিল।

‘আপনি কি তাস একেবারেই খেলেননি?’ লালমোহনবাবুকে জিজেস করল ফেলুদা।

‘স্কুল খেলতুম এক কালে, আর গোলাম চোর...।’

‘যাই হোক, তাস চেনেন তো গোলাম দেখলে সাহেব বলে ভুল হবে না তো, আর চিড়িতন দেখলে ইঙ্গাপন?’

‘পাগল!’

‘তা হলে তিনজন প্লাস হরিপদবাবু মিলে টোয়েন্টি-নাইন খেলব। উৎকলবাসী চারজন চাকর হয়ে যাব আমরা। মেক-আপের ভার অবিশ্যি আমার উপর। নেহাতই কথা বলার দরকার হলে বলা হবে, আর তখন অকারান্ত শব্দ হস্ত দিয়ে শেষ করা চলবে না। অর্থাৎ তাস হবে ‘তাসঅ’, সাহেব হবে ‘সাহেবঅ’। বুঝেছেন?’

‘বুঝেছি মিস্টারঅ মিস্ত্রিঅ।’

লালমোহনবাবুর চোখে একটা ভাসা ভাসা চাহনি দেখে বুঝতে পারলাম তিনি বেশ একটা অ্যাডভেঞ্চারের গন্ধ পাচ্ছেন। আমি অবাক ভাবটা এখনও কাটিয়ে উঠতে পারিনি, তবে এটা বুঝেছি যে তদন্তটা বেশ জমে উঠেছে।

লালমোহনবাবু বারোটা নাগাত যাবার সময় বলে গেলেন আবার সন্ধ্যা সাতটায় আসবেন, আমাদের বাড়িতেই থাবেন। তারপর আমরা এখান থেকেই মেক-আপ নিয়ে এগারোটা নাগাত চলে যাব যদু নশ্বর লেনে। গলিটা দেখে নিরিবিলি বলেই মনে হয়েছে, একটা ল্যাম্প পোস্ট দেখে তার নীচে চাদর বিছিয়ে বসে খেললেই চলবে। হরিপদবাবু তাঁর বাড়ি থেকে এক প্যাকেট পুরনো তাস এনে দেবেন বলেছেন। খেলাটা সন্ধ্যাবেলাই লালমোহনবাবুকে মোটামুটি শিখিয়ে নেওয়া হবে।

ফেলুদার উত্তেজনা থাকলেও বোঝার উপায় নেই; সে সারাদিন মিউজিক এনসাইক্লোপিডিয়া পড়েছে। আর আমি পত্রিকার পাতা উলটেছি।

এই মেক-আপটা সহজ ছিল, তাই আমরা অন্যায়েই সাড়ে দশটার মধ্যে তৈরি হয়ে নিলাম। ধুতিগুলোকে চায়ের জলে ভিজিয়ে একটু ময়লা করে নিয়েছিলাম, চাদর আর তাস—দুটোই

মোক্ষম এনেছিলেন. হরিপদবাবুকে টোয়েন্টি-নাইন শিখিয়ে দুহাত খেলে নেওয়া হয়েছে, ভদ্রলোক খালি মনে মনে বিড়বিড় করে চলেছেন—গোলাম নহলা টেক্কা দশ সাহেব বিবি আট সাত।

গাড়িটাকে বড় রাস্তায় অঙ্ককারে একটা জায়গায় পার্ক করে আমরা চারজন চাদর বগলে নিয়ে যদু নস্বরের লেনে গিয়ে হাজির হলাম। অন্যদিন এ রাস্তায় পুলিশ থাকে, আজ ফেলুদার অনুরোধে নেই। রাস্তার এক পাশে একটা বিরাট জায়গা জুড়ে দাঁড়িয়ে আছে আচার্যদের বাড়ি। উত্তর দিকের ঘরগুলোর পিছন দিকটা রাস্তার উপর পড়েছে, তার মধ্যে বাঁ দিকে, অর্থাৎ উত্তর-পূর্ব কোণে, প্রথম হল লাইব্রেরি, আর তার পরেই হল প্রদুষ্মবাবুর শোবার ঘর। ঘরের সারির শেষে হল বাড়ির পিছনের দরজা, সেটা এখন বন্ধ। লাইব্রেরি আর প্রদুষ্মবাবুর ঘর দুটোতেই বাতি জ্বলছে, তবে ভদ্রলোক যে কোন ঘরে রয়েছেন সেটা রাস্তা থেকে বোঝার কোনও উপায় নেই।

আমরা চারজনে ল্যাম্প পোস্টের তলায় চাদর পেতে বসে গেলাম। ফেলুদা তার গায়ের চাদরের তলা থেকে একটা পানের ডিবে বার করে তার থেকে চারজনকে চারটে পান দিয়ে লালমোহনবাবুকে বলল, ‘গালে গুজে রেখে দিন; আর বার বার পিক ফেলবেন না।’

আচার্য বাড়ি থেকে বোধহয় গ্র্যান্ডফাদার ক্লকে এগারোটা বাজতে শোনা গেল।

‘উনিশত্ত্বা।’

লালমোহনবাবু ফেলুদার পার্টনার হয়েছেন, এখন ডাকাডাকি চলছে। ফেলুদা সঙ্গে এক প্যাকেট বিড়ি এনেছে। তার থেকে একটা হরিপদবাবুকে দিয়ে নিজে একটা ধরিয়ে নিল। বিশ ফুটের বেশি চওড়া গলি নয়, আর তাতে লোক চলাচল প্রায় নেই বললেই চলে! ওপাশে কিছু দূরে একটা রিকশা দাঁড় করানো রয়েছে, তার চালকটা ঘুমিয়ে কাদা। আজ বোধ হয় অমাবস্যা, কারণ আকাশে মেঝ না থাকলেও বেশ ঘুটেঘুটে। মাথার উপর কাল্পনুরুষ দেখা যাচ্ছে।

‘তুরপত্ত মারুচি কাঁই?’

লালমোহনবাবু উড়িয়া ভাষা বলতে চেষ্টা করে একটু বাড়াবাড়ি করছেন, তাই ফেলুদা একটা ‘উঁঁ’ শব্দ করে ওঁকে সতর্ক করে দিল। আশ্চর্য এই যে যদিও আমাদের প্রধান উদ্দেশ্য সময় কাটানো, টোয়েন্টি-নাইন খেলাটা এমনই যে এরই মধ্যে বেশ জমে উঠেছে। সময় কোথা দিয়ে চলে যাচ্ছে টেরই পাছি না। আচার্য বাড়িতে একটা ঢং শব্দ পেয়ে সাড়ে এগারোটা বেজেছে বুরো বেশ অবাক লাগল। ইতিমধ্যে লালমোহনবাবু একবার একটা বিড়ি ধরাবার চেষ্টা করে বিশেষ জুঁ করতে না পেরে সেটা আবার ফেলে দিয়েছেন।

একটা কুরুরের ডাকে আরেকটা সাড়া দিয়েছে এমন সময় ফেলুদা হাঁটাঁ আমার হাঁটুতে একটা হাত রাখল।

একটা লোক আসছে গলির পশ্চিম দিক থেকে। পরনে ধূতি পাঞ্জাবি, তার উপর একটা ছেয়ে রঙের চাদর জড়ানো। চাদর আমাদের গায়েও আছে, কারণ অঞ্চোবর মাসের রাত্তিরে বেশ চিনচিনে ঠাণ্ডা।

লোকটা আমাদের ছাড়িয়ে চলে গেল অন্য ফুটপাথ দিয়ে। সে হাঁটছে আচার্য বাড়ির গা যেঁৰে।

এবার সে দরজার কাছাকাছি পৌঁছে হাঁটার গতি কমাল।

তারপর দরজার সামনে এসে থামল।

ঠক ঠক ঠক...

তিনটে মৃদু টোকা দরজার উপর। কান পেতেছিলাম বলে শব্দটা শুনতে পেলাম। দরজা খুলে গেল। অঙ্গ ফাঁক, ঠিক যাতে একটা মানুষ চুক্তে পারে। মানুষটা চুকে গেল। যে চুকল তাকে



আমরা তিনজনেই চিনি।

ইনি হলেন বীণাপাণি অপ্রেরার ম্যানেজার অশ্বিনী ভড়।

ঘড়িতে ঢং ঢং করে বারোটা বাজল।

অর্থাৎ অশ্বিনীবাবু ঢোকার পর পনেরো মিনিট হয়ে গেছে।

এবার ভদ্রলোক বেরোলেন। তাঁর সঙ্গে যদি কিছু থেকে থাকে তো সেটা বোঝার কোনও উপায় নেই, কারণ হাত দুটো চাদরের নীচে।

ভদ্রলোক যেদিক দিয়ে এসেছিলেন সেদিক দিয়েই আবার চলে গেলেন।

আমাদের পাহারা সার্থক এবং শেষ। ‘এই দানটা খেলে উঠ’ব’, ফেলুনা ফিস ফিস করে বলল।

পরদিন সকালে ফেলুদা বোসপুকুরে ফোন করল প্রদূষণবাবুকে। আমি বসবার ঘরে মেন টেলিফোনে কান লাগিয়ে কথা শুনলাম।

‘কে, মিস্টার মল্লিক?’

‘হ্যাঁ, কী খবর?’

‘কাল রাত্রে কিছু হয়নি তো?’

‘কই না তো।’

‘এক কাজ করুন; আমি ফোনটা ধরছি, আপনি একবার ইন্দ্রনারায়ণবাবুর কাজের ঘরে গিয়ে দেখে আসুন তো সব ঠিক আছে কিনা।’

আধ মিনিটের বেশি ধরতে হল না। এবারে প্রদূষণবাবুর গলার স্বর একেবারে বদলে গেছে।

‘ও মশাই, সর্বনাশ হয়ে গেছে!’

‘কী হল?’

‘সব নতুন নাটক আর গান হাওয়া।’

‘আমি আন্দাজ করেছিলাম বলেই ফোন করলাম।’

‘এর মানেটা কী?’

‘তান্ত্র রহস্যগুলোর সঙ্গে আরেকটা যোগ হল।’

‘আপনি কি আজ একবার আসছেন?’

‘প্রয়োজন হলে যাব। তার আগে দারোগা সাহেবের সঙ্গে একবার কথা বলতে হবে।’

ফোনটা রেখে ফেলুদা মণিলাল পোদারের নম্বর ডায়াল করল।

‘শুনুন মিঃ পোদার, গলি থেকে আপনার লোক সরিয়ে নেবার জন্য ধন্যবাদ। কাল সত্যিই কাজ হয়েছে। আপনি অশ্বিনীবাবুর দিকে দৃষ্টি রাখছেন তো? উনি কিন্তু কাল রাত বারোটায় আচার্য বাড়িতে গিয়ে ইন্দ্রনারায়ণবাবুর বহুমূল্য সব কাগজপত্র সরিয়ে নিয়ে গেছেন।’

‘লোকটা খুব গোলমেল’, বললেন মিঃ পোদার। ‘খুনের টাইমের জন্য ওর কোনও অ্যালিবাই নেই। সেদিন রাত্রে আচার্য বাড়ি থেকে নিজের বাড়িতে ফেরেনি। বলছে পথে ট্যাক্সি বিগড়ে যায় বলে আটকে পড়েছিল, কিন্তু সেটা বিশ্বাসযোগ্য নয়। আপনার প্রোগ্রেস কেমন?’

‘মোটামুটি ভালই। অবিশ্যি আমরা তো ঠিক এক রাস্তায় চলছি না, তাই আমার সিদ্ধান্তগুলো আপনার সঙ্গে মিলবে না।’

‘তা না মিলুক। যে কোনও রকমে রহস্যের সমাধান হলেই হল।’

ফেলুদা কোন রাস্তায় চলার সেটা জানতে চাইলে উত্তর পাওয়া যাবে না, তাই আর আমি ওদিকে গেলাম না। ফেলুদা ফোন রেখে বলল, ‘আমি একটু বেরোছি। স্টেটসম্যানের পার্সোনাল কলামে একটা জরুরি বিজ্ঞাপন দিতে হবে। একটা ভাল বেহালার দরকার।’

স্টেটসম্যানে পরদিনই বেরোল যে একটা উৎকৃষ্ট বিদেশি বেহালার প্রয়োজন, অমুক বক্স নাম্বারে লিখে খবর জানানো হোক।

এই বিজ্ঞাপনের উপর এসে গেল দুদিনের মধ্যে। চিঠিটা পড়ে ফেলুদা বলল, ‘আমাকে একটু লাউডন স্ট্রিটে যেতে হচ্ছে, বিশেষ দরকার।’

আধ ঘণ্টার মধ্যেই ফিরে এসে ফেলুদা বলল, ‘বেজায় দাম চাইছে।’

আমি বললাম, ‘এনসাইক্লোপিডিয়া পড়ে তোমার কি এই বয়সে বেহালা শেখার শখ হল?’

ফেলুদা গভীরভাবে বলল, ‘ইট ইজ নেভার টু লেট টু লার্ন।’

অর্থাৎ আরও রহস্য।

এদিকে লালমোহনবাবুও ঘন ঘন আসছেন আর ছটফট করছেন। একবার আমায় একা পেয়ে বললেন, ‘তোমার দাদার সব ভাল শুধু এক এক সময় চুপ মেরে যাওয়ার ব্যাপারটা মোটে বরদাস্ত করা যায় না।’

বৃথাবর পার্সোনাল কলামে বিজ্ঞাপন বেরিয়েছিল, শুক্রবার উভ্র পেয়ে ফেলুদা লাউডন স্ট্রিটে গিয়েছিল, শনিবার সকালে দেখি ওর চেহারা একদম পালটে গেছে। শুন শুন করে গান গাইতে গাইতে বলল, ‘আজ আচার্য বাড়ি যেতে হবে, কীর্তিনারায়ণকে এখনি ফোন করা দরকার।’

কীর্তিনারায়ণ ফোন পেয়ে বললেন, ‘আপনার কাজ কি মিটে গেছে?’

‘তাই তো মনে হচ্ছে’, বলল ফেলুদা, ‘তবে সেটা সম্পূর্ণ মিটিবে একটা মিটিং করে পুরো ব্যাপারটা পরিষ্কার করে বললে পরে। আর সেই বলাটা বলতে হবে সকলের সামনে। অন্তত আপনি, আপনার দুই ছেলে, আর প্রদূষণবাবুকে সেখানে উপস্থিত থাকতে হবে।’

‘সেটা আর এমন কঠিন কী? এরা তো সবাই বাড়িতেই আছে। সে ব্যবস্থা আমি করছি; আপনি চিন্তা করবেন না। কটায় আসছেন?’

‘এই ধরন দশটা।’

কীর্তিনারায়ণের পর মণিলাল পোদারকে ফেন করে ফেলুদা দশটায় বোসপুরে আসতে বলল।

লালমোহনবাবু এলেন নটায়, আমরা সাড়ে নটায় চা খেয়ে বেরিয়ে পড়লাম।

আচার্য বাড়িতে পৌছে দেখি দারোগা সাহেব এসে গেছেন। ফেলুদা বলল, ‘আজই ঘটনার ক্লাইম্যাক্স, অতএব আপনার থাকার প্রয়োজন।’

দোতলায় যে বৈঠকখানায় প্রথম দিন কীর্তিনারায়ণের সঙ্গে কথা হয়েছিল, আজও সেখানেই ব্যবস্থা হয়েছে।

আমরা আসার প্রায় সঙ্গে সঙ্গেই কীর্তিনারায়ণ এসে গেলেন।

‘কই, এদের সব ডাকো, প্রদূষ।’

প্রদূষণবাবু বেরিয়ে গেলেন দুই ছেলেকে ডাকতে।

প্রথমে এলেন দেবনারায়ণবাবু, আর এসেই বললেন, ‘পুলিশ তো অনেক দূর এগিয়েছে বলে শনেছি, তা হলে আবার এই ভদ্রলোকের বক্তৃতা শুনতে হচ্ছে কেন?’

ফেলুদা বলল, ‘পুলিশের সঙ্গে সঙ্গে আমিও এগিয়েছি, কিন্তু সেটা একটু অন্য পথে। আর মার্ডার ইজ নট দ্য ওনলি ক্রাইম কমিটিড ইন দিস কেস—সেটাও আপনাকে জানানো দরকার। আমি পুরো ব্যাপারটাই পরিষ্কার করে বলতে চেষ্টা করব।’

ইংরেজিতে যাকে বলে ‘গ্রান্ট’, সেইরকম একটা শব্দ করে দেবনারায়ণবাবু চুপ করে গেলেন। আসলে ভদ্রলোকের মুখে অষ্টপ্রহর পাহিপ থাকে, বাপের সামনে সেটা সন্তু হচ্ছে না বলে বোধ হয় উনি আরও খাঙ্গা হয়েছেন।

হরিনারায়ণবাবু এসে কোনও তথ্বি করলেন না, কিন্তু তাঁর ভুকুটি দেখে বুঝলাম যে তিনিও ব্যাপারটা পছন্দ করছেন না।

সকলে উপস্থিত দেখে ফেলুদা আরম্ভ করল।

‘সাতই অষ্টোবৰ রাত বারোটা থেকে সাড়ে বারোটার মধ্যে ইন্দ্রনারায়ণ আচার্য খুন হন। তাঁকে খুন করে কী লাভ হতে পারে এইটে বিচার করার সময় আমরা জানতে পারি যে তিনি ছিলেন তাঁর বাপের প্রিয় পুত্র। অনুমান করা যায় যে কীর্তিনারায়ণের উইলে তাঁর ছেলের প্রতি এই পক্ষপাতিত্ব প্রকাশ পাবে, এবং সেই ছেলে না থাকায় সে উইল বদল হবে। এই বদলানো উইলে তাঁর অন্য দুই ছেলের প্রাপ্তি বেড়ে গেলেও, যতদিন কীর্তিনারায়ণ বেঁচে আছেন ততদিন

তাঁরা এই টাকা পাচ্ছেন না। অর্থাৎ ভাইকে খুন করে তাঁদের ইমিডিয়েট কোনও লাভ নেই।

‘আরেকটা তথ্য আমরা জানতে পারি সেটা এই যে বীণাপাণি অপেরা ইন্দ্রনারায়ণকে ভারত অপেরা ছেড়ে তাদের দলে যোগ দেবার জন্য প্রলোভন দেখাচ্ছিল, কিন্তু ইন্দ্রনারায়ণ তাতে রাজি হননি। এই অবস্থায় ভারত অপেরাকে পঙ্গু করার জন্য ইন্দ্রনারায়ণকে খুন করার একটা কারণ থাকতে পারে। এ কাজটা বীণাপাণি অপেরা গুগু লাগিয়ে করতে পারে। খুনের দিন রাত এগারোটা পর্যন্ত ইন্দ্রনারায়ণের সঙ্গে কথা বলেন বীণাপাণি অপেরার ম্যানেজার অশ্বিনী ভড়। তিনি চলে যাবার ঘণ্টাখানেক পরে খুনটা হয়।

‘এখানে আরেকটা তথ্য আমাদের খুব কাজে লাগে। আমরা জীবনের কাছ থেকে জানতে পারি যে, ইন্দ্রনারায়ণের কাছে তাঁর লেখা পাঁচটি নতুন নাটক ও থান কুড়ি গান ছিল। যাত্রার বাজারে যে এ জিনিসের দাম অনেক সেটা আর বলে দিতে হবে না। আমরা জানি যিনি ইন্দ্রনারায়ণকে খুন করেছিলেন তিনি ইন্দ্রনারায়ণের কাগজপত্র ঘাটাঘাঁটি করেছিলেন, কিন্তু সময়ের অভাবেই হোক বা অন্য কোনও কারণেই হোক, তার কিছুই সরাতে পারেননি। গত কাল রাত্রে বীণাপাণি অপেরার ম্যানেজার এসে নাটক আর গানগুলো নিয়ে গেছেন।

‘তা হলে অনুমান করা যায় যে খুনের একটা উদ্দেশ্য হতে পারে এই নাটক আর গানগুলি হাত করা। এ কাজ কিন্তু বাইরের লোকের পক্ষে সহজ নয়। কারণ ইন্দ্রনারায়ণের কাগজপত্রের সঙ্গে তাদের পরিচয় থাকার সম্ভাবনা কম। ঘরের লোকের পক্ষে এ খবর জানা অনেক বেশি স্বাভাবিক। ঘরের লোক যদি খুনের সঙ্গে সঙ্গে কাগজগুলো নাও নিতে পারেন, তার জন্য পরে সময় পেতে কোনও অসুবিধা নেই, কারণ কাগজগুলো থেকেই যাচ্ছে। এখানে আমাদের দেখা দরকার বাড়ির কোনও লোকের টাকার টানাটানি যাচ্ছিল কিনা।

‘এ-ব্যাপারে শ্রেংজ নিয়ে জানতে পারি যে হরিনারায়ণবাবু সম্প্রতি তাঁর ঝাবে বেশি টাকায় জুয়া খেলে অনেক লোকসান দিয়েছেন। কিন্তু তা হলেও হরিনারায়ণবাবুর পক্ষে ইন্দ্রনারায়ণের নাটক আর গান চুরি করে সেগুলো অন্য যাত্রা দলে বিক্রি করাটা আমার কাছে বিশ্বাসযোগ্য বলে মনে হচ্ছিল না। তা হলে আর কে অভাবী ব্যক্তি আছেন বাড়িতে ?

‘এখানে অকস্মাত একটি তথ্য আবিষ্কার করার ঘটনা আমি আপনাদের কাছে বলতে চাই।

‘প্রদূষণবাবু যেদিন আমার বাড়িতে আসেন সেদিন তাঁর পক্ষে থেকে এক টুকরো কাগজ আমাদের সোফাতে পড়ে যায়। এই কাগজে ডট পেন দিয়ে দুলাইন কথা লেখা ছিল—“হ্যাপি বার্থডে” আর “হ্রকুম চাঁদ”। প্রদূষণবাবুকে জিজ্ঞেস করাতে উনি বলেন কাগজটা ওঁর না। এর কিছুদিন পরে হঠাৎ শনিবারের কাগজের শেষ পাতায় একটি নামের তালিকা থেকে জানতে পারি যে হ্যাপি বার্থডে আর হ্রকুম চাঁদ দুটোই হল রেসের ঘোড়ার নাম। তখন আমার ধারণা হয় যে, প্রদূষণবাবু রেস খেলেন, কিন্তু সে তথ্য আমাদের কাছে গোপন রাখতে চান। আমরা সেদিনই রেসের মাঠে যাই। সেখানে আমি প্রদূষণবাবুকে দেখি ভিড়ের মধ্যে জানালার সামনে দাঁড়িয়ে বেটিং করতে। অর্থাৎ প্রদূষণবাবু যে জুয়াড়ি সেটা প্রমাণ হয়ে যায়। আমার ধারণা যারা নিয়মিত রেস খেলে এবং যাদের রোজগার খুব বেশি নয়, তাদের সব সময়ই টাকার টানাটানি হয়। সূতরাং রেসে যদি বড় রকম হার হয়ে থাকে তা হলে খুনের মোটিভ প্রদূষণবাবুর ছিল, এবং সেই সঙ্গে সুযোগও ছিল। সত্যি বলতে কী, তার চেয়ে বেশি সুযোগ এ বাড়ির কারুর ছিল না। খুনের সময় প্রদূষণবাবু কাজ করছিলেন, তাঁর পক্ষে নাটমন্দিরের বারান্দা দিয়ে এসে ইন্দ্রনারায়ণের মাথায় বাড়ি মেরে কাজটা করা ছিল অত্যন্ত সহজ ব্যাপার।

‘প্রদূষণ মল্লিকের অবস্থাটা আরও ঢিলে হয়ে যায় এই কারণেই যে তিনি হলেন মিথ্যেবাদী। তিনি শুধু রেসের ব্যাপারেই মিথ্যে বলেননি; তাঁর মতে ক’দিন আগে এ বাড়িতে আবার চোর আসে এবং সে চোরকে বাধা দিতে গিয়ে তিনি ধাক্কা খেয়ে মাটিতে পড়ে হাঁটুতে চোট পান—

যার ফলে তাঁকে নাকি খোঁড়াতে হচ্ছে। কিন্তু আজ সকালে তিনি অস্তত দুবার হাঁটার সময় খোঁড়াতে ভুলে গেছেন সেটা বোধহয় তিনি নিজে খেয়াল করেননি।

‘গত রবিবার রাত্তিরে ইন্দ্রনারায়ণের ঘর থেকে নাটক ও গানগুলি চুরি যায়। সেগুলো কার হাতে গেছে আমরা জানি, কারণ আমরা তখন বাড়ির পিছনের গলিতে ন্যাম্প পোস্টের আলোয় বসে তাস খেলছিলাম। বীণাপাণি অপেরার ম্যানেজার আসেন পৌনে বারোটায়। তাঁকে বাড়ির পিছনের দরজা খুলে দেওয়া হয়। প্রদূষণবাবুর ঘরের বাতি জ্বলছিল। আমাদের ধারণা তাঁর সঙ্গেই হয় লেনদেনটা। অফিসী ভড় টাকা দেন, প্রদূষণবাবু তার বিনিময়ে তাঁকে নাটক ও গানগুলো দেন। যদি আমি ভুল বলে থাকি তা হলে প্রদূষণবাবু আমাকে শুধরে দিতে পারেন।’

প্রদূষণবাবুর মুখ ফ্যাকাসে, মাথা হেঁটে, শরীরে কঁপুনি। দারোগা সাহেব এগিয়ে গিয়ে তাঁর ঠিক পিছনেই দাঁড়িয়েছেন, ঘরে রয়েছে আরও দুজন কনস্টেবল।

‘এই হল ইন্দ্রনারায়ণ আচার্য খনের ইতিহাস’, বলল ফেলুন। ‘কিন্তু এখানেই অপরাধের শেষ নয়। এবার আমি দ্বিতীয় অপরাধে আসছি।

‘আমি প্রথম দিন যখন এ বাড়িতে আসি তখন একটা ব্যাপার দেখে আমার একটু খটকা লেগেছিল। সেটা হল ইন্দ্রনারায়ণবাবুর বেহালা। একশে বছরের পুরনো বেহালা এত ঝক্কবকে হয় কী করে? অবিশ্যি আমার বেহালার অভিজ্ঞতা কম, কত বছরে তার কীরকম চেহারা হয় সেটা আমার জানা নেই, তাই ব্যাপারটা নিয়ে তখন আর মাথা ঘামাইনি। সেদিনই অবিশ্যি শুনেছিলাম যে কন্দর্পনারায়ণ রসিকতা করে তাঁর বেহালাকে বলতেন ‘আম আঁটির ভেঁপু’। সম্প্রতি দুটো জিনিস পড়ার সুযোগ হয়েছে আমার। এক হল পাশ্চাত্য সংগীত সম্পর্কে এক এনসাইক্লোপিডিয়া আর দুই হল কন্দর্পনারায়ণের বিলেতের ডায়রি। প্রথম বই থেকে আমি জেনেছি যে বোড়শ ও সপ্তদশ শতাব্দীতে বেহালা বা যন্ত্রের সংস্কার হয় ইতালিতে। তখন থেকে বেহালার চেহারা এবং আওয়াজ পালটে আরও সুন্দর ও আরও জোরালো হয়। ইতালির বেহালা প্রস্তুতকারকদের মধ্যে তিনজনের নাম সবচেয়ে বিখ্যাত। এরা তিনজনেই সপ্তদশ শতাব্দীর লোক। প্রথম হল আন্টন স্ট্রাডিভারি, দ্বিতীয় আন্দ্রেয়াস গুয়ারনেরি, আর তৃতীয় নিকোলো আমাটি। এর মধ্যে আমাটিই প্রথম বেহালার সংস্কার করেন ইতালির ক্রেমোনা শহরে।

‘তখনও আমার মাথায় আসেনি যে এই আমাটি আর কন্দর্পনারায়ণের “আম আঁটি” একই জিনিস। এটা পরিষ্কার হয় কন্দর্পনারায়ণের ডায়রি পড়ে। তাতে এক জায়গায় তিনি লিখেছেন’, ফেলুন পকেট থেকে একটা কাগজ বার করে পড়ল—“আই বট অ্যান আমাটি টুডে ফ্রম এ মিউজিশিয়ান ল ওয়জ সাক্ষ ইন ডেট অ্যান্ড সোল্ড ইট টু মি ফর টু থাউজ্যান্ড পাউন্ডস। ইট হ্যাজ এ প্লোরিয়াস টোন।” অর্থাৎ আমি আজ একটি দেনায় জর্জরিত বাজিয়ের কাছ থেকে একটি আমাটি বেহালা কিনলাম দুহাজার পাউন্ড। যন্ত্রটির আওয়াজ আশ্চর্য সুন্দর।— তখনকার দিনে দুহাজার পাউন্ড মানে বিশ হাজার টাকা। আজকে একটি আমাটি বেহালার দাম দেড়-দুই টাকা।

‘এমন একটি বেহালা এই বাড়িতে এতকাল পড়েছিল, আর এই বেহালা যাত্রার কনসার্টে বাজাতেন ইন্দ্রনারায়ণ আচার্য। বেহালার আসল খবর কেউ জানতেন কি? আমার মনে হয় না কীর্তনারায়ণবাবু বা দেবনারায়ণবাবু জানতেন, কিন্তু দুজনের জানার কথা। এক হল প্রদূষণ মল্লিক, যিনি দর্পনারায়ণের ডায়রি পড়েছিলেন, আরেক হল হরিনারায়ণবাবু। তিনি বিদেশি সংগীত সম্বন্ধে জানেন, ভাল বেহালার দাম জানেন, এবং এটাও নিশ্চয়ই জানেন যে বেহালার গায়ে দুদিকে যে ইংরিজি এস-এর মতো ফাঁক থাকে, তার একটায় চোখ লাগালে ভিতরে বেহালা প্রস্তুতকারকের নাম সমেত লেবেল দেখা যায়।

‘এই আমাটির কথা জানার পরেই আমার সন্দেহ বদ্ধমূল হয় যে ইন্দ্রনারায়ণের খুনের পর তাঁর বেহালাটি সরানো হয়েছে এবং তাঁর জায়গায় একটি সন্তা নতুন বেহালা কিনে এনে রাখা হয়েছে। কিন্তু এই বেহালা সরিয়েছে কে, এবং যে সরিয়েছে সে তো টাকার জন্যই সরিয়েছে?’

‘আমার সন্দেহটা স্বত্বাতই হরিনারায়ণবাবুর উপর পড়ে এবং এটাও বুঝতে পারি যে বেহালা পাচার হয়ে ঘরে টাকা এসে গেছে। তখন আমি ভাল বিদেশি বেহালা কিনতে চাই বলে কাগজে একটা বিজ্ঞাপন দিই। তার উত্তরে আমায় চিঠি লেখেন জনেক মিঃ রেবেলো। এই রেবেলোর বাড়ি গিয়ে দেখি তিনি একজন বিরাট প্রাচীন দ্রব্য বিক্রেতা—যাকে বলে অ্যানটিক ডিলার। তিনি বলেন তাঁর কাছে একটি আমাটি বেহালা আছে যেটা তিনি দেড় লাখ টাকায় বিক্রি করতে রাজি আছেন। আমি ওঁকে জিজ্ঞেস করি বেহালাটা তিনি মিঃ আচার্যের কাছ থেকে কিনেছেন কিনা। তাতে তিনি হাঁ বলেন এবং বলেন ‘ইট ইজ দ্য ওনলি আমাটি ইন ইন্ডিয়া।’

‘এই হল হরিনারায়ণবাবুর অপরাধের কাহিনী, এবং আমার বক্তৃতারও এখনেই শেষ।’

আশৰ্য এই যে ফেলুদার একটা কথাতেও কোনও প্রতিবাদ শোনা গেল না। প্রদুন্নবাবু এখন মিঃ পোদ্দারের জিম্মায়। হরিনারায়ণবাবু রগ টিপে বসে আছেন মাথা ছেঁট করে। দেবনারায়ণবাবু লজ্জায় লাল হয়ে ঘর থেকে চলে গেছেন। কীর্তিনারায়ণ দীর্ঘশ্বাস ফেলে বললেন, ‘হরি যদি আমার বলত তা হলে আমি ওকে জুয়োর দেনা শোধ করার টাকা দিয়ে দিতাম। মিছিমিছি আমাদের পরিবারের একটা আশৰ্য সম্পত্তি সে বেহাত করল। কিন্তু প্রদুন্ন যে এত অসৎ তা আমি ভাবতে পারিনি। তাকে ইটকুই বলতে পারি যে সে আমার পূর্বপুরুষের জীবনী লেখার পক্ষে সম্পূর্ণ অযোগ্য। তার উপযুক্ত শাস্তি হলে আমি সবচেয়ে বেশি খুশি হব।’

* * *

কীর্তিনারায়ণের বোধহয় খুবই শখ ছিল যে কন্দপুরনারায়ণের একটা জীবনী লেখা হোক। না হলে আর লালমোহনবাবুকে তিনি অফারটা করেন?

‘আপনি তো লিখিয়ে মানুষ—রহস্য রোমাঞ্চ ঔপন্যাসিক—তা কন্দপুরনারায়ণের চেয়ে বড় রহস্য আর রোমাঞ্চ একই লোকের জীবনে কিন্তু আর পাবেন না।’

লালমোহনবাবু অত্যন্ত বিনয়ের সঙ্গে ঘাড় কাত করে বললেন, ‘আমাকে আর লজ্জা দেবেন না, আমি অতি নগণ্য ব্যক্তি, আমার লেখার কোনও মূল্যই নেই।’

পরে অবিশ্য উনি ফেলুদাকে বলেছিলেন, ‘রক্ষে করুন মশাই—ওই খুন হওয়া বাড়িতে বসে আমি কন্দপুরনারায়ণের জীবনী নিয়ে রিসার্চ করব!—বেঁচে থাকুক আমার রহস্য-রোমাঞ্চ, বেঁচে থাকুক প্রথর রুদ্র—অ্যাস্ট লং লিভ দ্য থ্রি মাসকেটিয়ারস।’



দার্জিলিং জমজমাট

১

‘সুখবর বলে মনে হচ্ছে ?’

লালমোহনবাবু ঘরে চুকতেই ফেলুদা তাঁকে প্রশ্নটা করল। আমি নিজে অবিশ্য সুখবরের কোনও লক্ষণ দেখতে পাইনি। ফেলুদা বলে চলল, ‘দু বার পর পর বেল টেপা শুনেই বুবেছিলাম, আপনি কোনও সংবাদ দিতে ব্যগ্র, তবে সেটা সুসংবাদ না দৃঃসংবাদ বুঝতে পারিনি। এখন স্পষ্ট বুঝছি সুসংবাদ।’

‘কী করে বুঝলেন ?’ বললেন লালমোহনবাবু, ‘আমি তো হাসিনি।’

‘এক নম্বর, আপনার মাঝা দেওয়া চেহারা। হলদে পাঞ্জাবিটা নতুন, দাঢ়ি কামিয়েছেন নতুন ড্রেড দিয়ে, আফটার-শেভ লোশনের গঁকে ঘর মাতোয়ারা, তারপর আপনি সচরাচর নটার আগে আসেন না ; এখন নটা বাজতে সতেরো।’

লালমোহনবাবু হেসে ফেললেন। ‘ঠিকই ধরেছেন মশাই ! আপনাকে ব্যাপারটা না বলা অবধি সোয়াস্তি পাচ্ছিলাম না। সেই পুলক ঘোষালকে মনে আছে তো ?’

‘চিত্র পরিচালক ? যিনি আপনার বোম্বাইয়ের বোম্বেটে থেকে হিন্দি ছবি করেছিলেন ?’

‘শুধু ছবি নয়, হিট ছবি। তখন থেকেই বলে রেখেছিল ভবিষ্যতে আবার আমার গঁজ থেকে ছবি করবে। অ্যাদিনে সেটা ফলেছে।’

‘এটা কোনটা ?’

‘সেই কারাকোরামের গঁজটা। অবিশ্য কারাকোরাম আর নেই ; সেখানে হয়ে গেছে দার্জিলিং।’

‘কোথায় কারাকোরাম, আর কোথায় দার্জিলিং !’

‘তবু নেই আমার চেয়ে তো কানা মামা ভাল মশাই। আর আমার রেটও তো বেড়ে গেছে অনেক। ফটি থাউজ্যান্ড !’

‘বলেন কী ? আমার দু বছরের বোজগার।’

‘তা, যেখানে ছাগ্নান লাখ টাকা বাজেট—সেখানে রাইটারকে ফটি থাউজ্যান্ড দেবে না ? ওখানে টপ অভিনেতারা কত পায় জানেন ?’

‘তা মোটামুটি জানি বইকী !’

‘তবে ? আমার এ ছবিতে হিরো করছে রাজেন রায়না। সে নিচ্ছ বারো লাখ। আর ভিলেন করছে মহাদেব ভার্মা। এর রেট আরও বেশি। সবে পাঁচখানা ছবি করেছে, কিন্তু পাঁচখানাই সিলভার জুবিলি হিট।’

‘তা, পুলক ঘোষাল আপনার এত পেয়ারের, আপনাকে দার্জিলিং-এ ডাকল না ?’

‘সেইটে বলতেই তো আসা ! ডাকবে না মানে ? ওর গ্র্যান্ডফাদার ডাকবে। আর আমাকে এক নয়, আমাদের তিনজনকেই ডেকেছে। অবিশ্য আমি বলিচি ইনভিটেশনের দরকার নেই—আমরা এমনিই যাব। কী—ঠিক বলিনি ?’

শেষ করে গেছি দার্জিলিং ? মনেই নেই ; শুধু এইটকু মনে আছে যে ফেলুদার গোয়েন্দাগিরির শুরু দার্জিলিং-এ। আমি ছিলাম খুব ছোট, আর ওর নরম-গরম ধমক প্রায়ই শুনতে হত। এখন ফেলুদা আমাকে ওর অ্যাসিস্ট্যান্ট বলে পরিচয় দেয়। তখন সেটা

করতে গেলে লোকে হাসত। বেশ কিছু দিন থেকেই মনে হয়েছে যে আবার দার্জিলিং গেলে বেশ হয়, কিন্তু গত পাঁচ-ছ বছরে ফেলুদার পসার বেড়েছে অনেক। সেই সঙ্গে অবিশ্য রেটও বেড়েছে। আজকাল ওর দিবি চলে যায়। গত ছ মাসে পাঁচটা তদন্ত করতে হয়েছে ওকে। তার মধ্যে চন্দননগরের একটা জোড়া খুনের কেস ছাড়া সব কটাতেই ও সফল হয়েছে, তারিফ পেয়েছে, পয়সা কামিয়েছে। তিনি মাস আগে একটা কালার টি ভি কিনেছে ও। তা ছাড়া ওর পুরনো বইয়ের শখ, সেই সব বই বিস্তর কিনে ও তাক ভরিয়েছে। এটা আমি বুঝেছি যে ফেলুদা খরচে লোক। টাকা জমানোর দিকে ততটা আগ্রহ নেই। যা ঘরে আসে তার বেশির ভাগই খরচ হয়ে যায়, আর সেটা যে শুধু নিজের পিছনে, তা নয়। লালমোহনবাবু আমাদের জন্য এত করেন বলে ফেলুদা সুযোগ পেলেই তাঁকে কিছু না কিছু দেয়। আফটার-শেভ লোশনটা ওরই দেওয়া। সেটা ‘স্পেশাল অকেশনে’ লালমোহনবাবু ব্যবহার করেন। বোঝাই যাচ্ছে আজকে সে রকমই একটা দিন।

সামনে পুজো, ফেলুদা ঠিকই করেছিল মাস কয়েক আর কোনও কাজ নেবে না। কাজেই দার্জিলিং যাওয়ায় তার আপত্তির কোনও কারণ থাকতে পারে না। এমনিতেই দার্জিলিং ওর খুব প্রিয় জায়গা। ও বলে, বাংলা দেশটা ভারতবর্ষের কঠিদেশে হওয়াতে এখানে একটা আশ্চর্য ব্যাপার ঘটেছে—বাংলার উত্তরে হিমালয় আর দক্ষিণে বঙ্গোপসাগর। এটা ভারতবর্ষের আর কোনও প্রদেশে নেই। এটা নাকি একটা ‘অ্যাঞ্জিলেন্ট অফ জিয়োগ্রাফি’। ‘এত বৈচিত্র্য আর কোনও একটা প্রদেশে পাবি না’, বলে ফেলুদা। ‘শস্য-শ্যামলাও পাবি, রুক্ষতাও পাবি, সুন্দরবনের মতো জঙ্গল পাবি, গঙ্গা পদ্মা মেঘনার মতো নদী পাবি, সমুদ্র পাবি, আবার উত্তরে হিমালয় আর কাঞ্চনজঙ্গলাও পাবি।’

‘বলুন মশাই, যাবেন কি না,’ শ্রীনাথের আনন্দ গরম চায়ে চুমুক দিয়ে এক মুঠো চানচুর মুখে পুরে বললেন লালমোহনবাবু।

‘দাঁড়ান, আর একটা ডিটেল জেনে নিই।’

‘বলুন কী জানতে চান।’

‘গেলে কবে যাওয়া ?’

‘ওদের একটা দল অলরেডি দার্জিলিং পৌঁছে গেছে। তবে আগামী শুক্রবারের আগে কাজ আরম্ভ হচ্ছে না। আজ হল রবি।’

‘শুটিং দেখার ব্যাপারে আমার তেমন কোনও উৎসাহ নেই। কাজটা কি মাঠে-ঘাটে হচ্ছে, না বাড়ির ভিতর ?’

‘বিরূপাক্ষ মজুমদারের নাম শুনেছেন ?’

‘বেঙ্গল ব্যাকের ম্যানেজিং ডি঱েন্টের ?’

‘ছিলেন, এখন আর নেই। একটা মাইল্ড সেরিব্রাল স্ট্রোকের পর বাহাম বছর বয়সে রিটায়ার করেন।’

‘তা ছাড়া ওঁর তো আরও অনেক শুণপনা আছে না ? ভদ্রলোক স্পোর্টসম্যান ছিলেন তো ?’

‘এককালে ভারতবর্ষের বিলিয়ার্ড চ্যাম্পিয়ন ছিলেন। শিকারও বোধহয় করতেন।’

‘ওঁর একটা শিকারকাহিনী একটা পত্রিকায় পড়েছি।’

‘খুব বড় ফ্যামিলির ছেলে। এঁর পূর্বপুরুষ পূর্ববঙ্গে নয়নপুরের জমিদার ছিলেন। দার্জিলিং-এ ওঁদের একটা পুরনো বাড়ি আছে। একতলা বাংলো টাইপের ছড়ানো বাড়ি, শোলটা ঘর। বিরূপাক্ষ মজুমদার রিটায়ার করার পর সেখানে গিয়েই থাকেন। ওঁদের বাড়ির দুখানা ঘরে কিছু শুটিং হবে। পারমিশন হয়ে গেছে। বাকি শুটিং বাইরে নানান

জায়গায় ছড়িয়ে। এরা মাউন্ট এভারেস্ট হোটেলে রয়েছে। আমরা অন্য কোনও হোটেলে থাকতে পারি।'

'সেই ভাল। ফিল্ম পার্টির সঙ্গে অতিরিক্ত মাখামাখিটা আমার পছন্দ হয় না। দার্জিলিং-এ ইদানীং অনেক নতুন হোটেল হয়েছে। তার একটাতে থাকলেই হল।'

আমি বললাম, 'হোটেল কাঞ্চনজঙ্গার একটা বিজ্ঞাপন দেখেছি কাগজে।'

'ঠিক বলেছিস', বলল ফেলুদা। 'আমিও দেখেছি।'

'তা হলে আর কী', বললেন লালমোহনবাবু, 'ব্যবস্থা করে ফেললেই হয়।'

ব্যবস্থা তিন দিনের মধ্যেই হয়ে গেল।

বিষ্ণুবাবুর ত্রিশে সেপ্টেম্বর দুপুরে এয়ারপোর্টে গিয়ে দেখি, আমাদের সঙ্গে পুলক ঘোষালও চলেছেন। আর সে-সঙ্গে চলেছে ছবির হিরো, হিরোইন আর ভিলেন। লালমোহনবাবুর গঁজে কোনও হিরোইন ছিল না; সেটা বুবলাম এঁরা চুকিয়েছেন। পুলক ঘোষাল ফেলুদাকে দেখে এক গাল হেসে বললেন, 'লালুদার গল্প হওয়াতে আবার আপনার সঙ্গে দেখা হয়ে গেল। ভেরি লাকি। তবে আশা করি, আগের বারের মতো এবারও আপনাকে তদন্তে জড়িয়ে পড়তে হবে না।'

পুলক ঘোষাল হিরো রাজেন্দ্র রায়না, হিরোইন সুচন্দ্রা আর ভিলেন মহাদেব ভার্মার সঙ্গে আলাপ করিয়ে দিলেন। সুচন্দ্রাকে দেখতে ভাল, তবে রং একটু বেশি মেখেছেন, রাজেন্দ্র রায়নার ছবি আমি আগেই দেখেছি—বেশ শ্মার্ট, হাসিখুশি ভদ্রলোক, একটু দাঢ়ি আছে বেশ ছেট করে আর যত্থু করে ছাঁটা, লস্বায় ফেলুদারই মতো, আর শরীরটাকেও বেশ ফিট বলেই মনে হল। ইনি নবাগত হলেও বয়স অন্তত চল্লিশ তো হবেই; তবে সেটা মেক-আপ নিলে ক্যামেরায় আর ধৰা ধৰা পড়বে বলে মনে হয় না। লালমোহনবাবু ওঁর হিরো প্রথর কুদ্রের যে বর্ণনা দিয়েছেন—লস্বায় সাড়ে ছ ফুট, পঞ্চাশ ইঞ্চি ছাতি, খাঁড়ার মতো নাক, আর চোখ দেখলে মনে হয় যেন আগুন জ্বলছে—সে-রকম চেহারার কোনও অভিনেতা কোনও দেশে আছে বলে আমার জানা নেই।


আমার সবচেয়ে ইন্টারেস্টিং লাগল মহাদেব ভার্মাকে। ইনি হলেন যাকে ইংরিজিতে বলে পালিশ করা ভিলেন। চোখ দুটো চুলু চুলু, ঠোঁটের কোণে মৃদু হাসি, নাকের নীচে সরু চাড়া-দেওয়া গৌঁফ, দেখে মনে হয় প্রয়োজনে খুন করতে কিছুমাত্র দ্বিধা করবেন না। তার উপর দেখলাম ভদ্রলোক পারফিউম ব্যবহার করেছেন, তাতে বোঝা যায় ইনি শৌখিনও বটে। পারফিউম অবিশ্য রাজেন্দ্র রায়নাও মেখেছেন, তবে তার গন্ধ অন্য। ফেলুদা পরে বলেছিল যে মহাদেব ভার্মার সেন্টটা হচ্ছে ডেনিম, আর রায়নারটা হল ইয়ার্ডলি ল্যাভেন্ডার।

এয়ারপোর্টেই লাউড স্পিকারে বলল যে বাগড়োগরার প্রেম এক ঘণ্টা লেট আছে। তাই আমরা সকলেই রেস্টোরান্টে চা-কফি খেতে চলে গেলাম। এ ব্যবস্থাটা অবিশ্য পুলক ঘোষালই করলেন, আর আমরা তাঁর অতিথি হয়েই গেলাম।

রেস্টোরান্টে মহাদেব ভার্মার সঙ্গে ফেলুদার কথা হল। আমি ফেলুদার পাশেই বসেছিলাম, তাই সব কথাই শুনতে পেলাম।

ফেলুদাই প্রথম শুরু করল, বলল, 'আপনি তো বোধহ্য কয়েক বছর হল এ লাইনে এসেছেন ?'

ভার্মা বললেন, 'হ্যাঁ, সবে তিন বছর হয়েছে। তার আগে আমার ছিল অমগের নেশা। ভারতবর্ষের বছ জায়গায় ঘুরেছি; এমনকী বছর পাঁচেক আগে লে-লাদাক পর্যন্ত ঘুরে



এসেছি। সেখান থেকে যাই কাশীর। শ্রীনগরে একটা শুটিং হচ্ছিল, সেই ছবির পরিচালকের সঙ্গে ঘটনাচক্রে পরিচয় হয়; তিনিই আমাকে ছবিতে অফাৰ দেন। এখন অবিশ্য আৱ ফিল্ম ছাড়াৰ কথা ভাৰাই যায় না।'

লালমোহনবাবু কিছুক্ষণ থেকেই উসখুস কৰছিলেন, এবাৰ তাৰ প্ৰশ্নটা কৰে ফেললেন। 'আপনি যে চৱিত্ৰা কৰছেন, সেটা আপনাৰ কেমন লাগল ?'

'খুব জোৱদাৰ চৱিত্ৰ', বললেন মহাদেব ভাৰ্মা। 'বিশেষ কৰে আমি যেখানে হিৰোইনকে আমাৰ সামনে ধৰে হিৰোৰ প্ৰতি বাক্যবাণ নিক্ষেপ কৰছি, আৱ হিৰো হাতে রিভলভাৰ নিয়েও কিছু কৰতে পাৱছে না, সে দৃশ্যটা সত্যি নাটকীয়।'

অবিশ্য এমন কোনও দৃশ্য বহৈয়ে নেই। লালমোহনবাবুৰ মুখেৰ হাসিটা তাই কেমন যেন শুকিয়ে গেল।

এবাৰ মহাদেব ভাৰ্মা ফেলুদাকে একটা প্ৰশ্ন কৰলেন।

'আপনি তো গোয়েন্দা বলে শুনলাম। তা গোয়েন্দাৰা তো শুনেছি, একজন মানুষকে দেখেই তাৰ বিষয়ে অনেক কিছু বলে দিতে পাৱেন। আপনি আমাকে দেখে কিছু বলুন তো দেখি।'

ফেলুদা হেসে বলল, 'গোয়েন্দাৰা অবশ্যই জাদুকৰ নন। তাৰা যেটুকু বোৱেন তাৰ কিছুটা পৰ্যবেক্ষণেৰ জোৱে, আৱ কিছুটা মনস্তৰেৰ সাহায্যে। এ দুটোৱ ভিত্তিতে এটুকু বলতে পাৱি যে আপনি কিছুটা নিৱাশ বোধ কৰছেন।'

'কেন ?'

'কাৰণ আপনি প্ৰায়ই কথা বলতে বলতে এদিক-ওদিক দেখছেন আৱ বেশ বুঝতে পাৱছেন যে, এই লোক-ভৰ্তি ৱেস্টেৱান্টে আপনাকে অনেকেই চিনতে পাৱছে না। একটু আগেই লক্ষ কৰলাম যে, আপনি চারপাশে চোখ বুলিয়ে একটা দীৰ্ঘশাস ফেললেন। অথচ হিৱো রাজেন্দ্ৰ রায়নাকে অনেকেই চিনেছে, অনেকেই এগিয়ে এসে তাৰ অটোগ্ৰাফ নিয়েছে। শেষে দেখলাম, আপনি আপনাৰ কালো চশমাটা খুলে টেবিলেৰ উপৰ রাখলেন, যদি তাৰ

ফলে কেউ চেনে ; কিন্তু তাতেও কোনও ফল হল না দেখে আপনি আবার চশমাটা পরে নিলেন ।

মহাদেব ভার্মা এবার আর একটা দীর্ঘশ্বাস ফেলে বললেন, ‘আপনি হাঙ্গেড পারসেন্ট ঠিক বলেছেন । বস্তে আমাকে পাবলিক প্লেসে দেখলে বীতিমতো হই-চই পড়ে যায় । আপনাদের বাঙালিরা বোধহয় বেশি হিন্দি ছবি দেখেন না ।’

‘যথেষ্ট দেখেন’, বললেন লালমোহনবাবু, ‘কিন্তু আপনার তিনখানা ছবি এখনও এখানে রিলিজ হয়নি । অবিশ্যি আমি যে সিনেমার খুব খবর রাখি তা নয়, তবে আমার গল্পে যিনি ভিলেনের পার্ট করছেন, তাঁর বিষয়ে গত ক দিনে কিছু খৌজ-খবর নিছ্বলাম ফিল্ম পত্রিকাগুলো থেকে ।’

‘আই সি’, খানিকটা আশ্চর্ষ হয়ে বললেন মিঃ ভার্মা । ‘যাই হোক, মিঃ মিত্তিরের অবজারভেশন যে দারুণ শার্প, তাতে কোনও সন্দেহ নেই ।’

ফেলুদার পর্যবেক্ষণ শক্তির পরীক্ষা অবিশ্যি দার্জিলিং-এ খুব ভালভাবেই হয়েছিল, কিন্তু সে কথা, যাকে বলে, ‘যথাস্থানে’ বলব । আপাতত প্লেন এসে গেছে, আমাদের ডাক পড়ে গেছে, তাই উঠে পড়তে হল । এখন সিকিউরিটি খুব কড়া, আমি জানি ফেলুদা তাই তার কোট রিভলভারটা সুটকেসে ঢালান দিয়েছে, সেটা ইতিমধ্যে আমাদের অন্য মালের সঙ্গে প্লেনে উঠে গেছে । আজকাল ফেলুদা আর কোনও রিস্ক নেয় না ; শ্রেফ ছুটি ভোগ করতে গিয়েও তাকে এত বার তদন্তে জড়িয়ে পড়তে হয়েছে যে, ও রিভলভার ছাড়া কোথাও যায় না ।

সিকিউরিটি থেকে লাউঞ্জে গিয়ে বসার দশ মিনিটের মধ্যেই ডাক পড়ল—‘দ্য ফ্লাইট টু বাগডেগরা ইজ রেডি ফর ডিপারচার’ । আমরা তিনজন আর সেই সঙ্গে শুটিং-এর দল, প্লেনে গিয়ে উঠলাম । এখন আমরা সমতল ভূমিতে, কিন্তু আর মিনিট পাঁচকের মধ্যেই উঠে যাব ৬০০০ ফুট উচুতে । অস্ট্রোবরে দার্জিলিং-এ বেশ ঠাণ্ডা, ভাবতেই মনটা নেচে উঠছে । আমি যেন দেখতে পাচ্ছি যে সামনে অ্যাডভেঞ্চার আছে, যদিও সেটা ফেলুদাকে বলায় ও দাবড়ানি দিয়ে বলে দিল, ‘তার কোনও ইঙ্গিত এখনও পর্যন্ত পাওয়া যায়নি, কাজেই তোর আশা সম্পূর্ণ ভিত্তিহীন ।’

এর পরে আর আমি ভবিষ্যৎ নিয়ে কিছু বলতে যাইনি ।

২

কাঞ্চনজঙ্গী স্ট্রোটেলটা দিব্যি ছিমছাম । ঘরে ঘরে টেলিফোন, হিটার, স্নানের ঘরে ঠাণ্ডা-গরম জলের ব্যবস্থা, বিছানার চাদর, বালিশ পরিকার—মোট কথা সব কিছু দেখে মনটা যাকে বলে বেশ প্রসন্ন হয়ে গেল । দিন দশকের জন্য এসেছি, তাই থাকার ব্যবস্থাটা মোটামুটি ভাল না হলে মনটা খুঁতখুঁত করে ।

পথে কোনও উল্লেখযোগ্য ঘটনা ঘটেনি । সোনাদা এলে পর লালমোহনবাবু তাঁর রাজস্থান থেকে কেনা কান-ঢাকা চামড়া আর পশ্চমের টুপিটা মাথায় চাপিয়ে নিলেন । পথের দুধারে পাহাড়ের দৃশ্য দেখে উনি কতবার যে ‘বাঃ’ বলেছেন, তার হিসেব নেই । শেষটায় কার্সিয়ং রেলওয়ে রেস্টোরান্টে চা খাবার সময় ভদ্রলোক সত্যি কথাটা বলে ফেললেন । সেটা হল এই যে, তিনি এই প্রথম দার্জিলিং-এ চলেছেন ।

ফেলুদার চোখ কপালে উঠে গেল ।

‘সে কী আপনি এখনও কাঞ্চনজঙ্গাই দেখেননি ?’



‘নো স্যার !’ একগাল হেসে জিভ কেটে বললেন লালমোহনবাবু।

‘ইস্—আপনাকে প্রচণ্ড হিংসে হচ্ছে ।’

‘কেন ?’

‘প্রথমবার কাঞ্চনজঙ্গা দেখার যে কী অদ্ভুত অনুভূতি, সেটা তো আমাদের মধ্যে একমাত্র আপনিই বুঝবেন ! ইউ আর ভেরি লাকি, মিস্টার গাঙ্গুলী ।’

আকাশ পরিষ্কার থাকলে কার্সিয়ং থেকেও কাঞ্চনজঙ্গা দেখা যায়, কিন্তু আজ মেঘলা। ঘুম যখন পৌঁছলাম তখন আলো পড়ে আসছে, আর তখনও মেঘ কাটেনি। মোট কথা লালমোহনবাবুর ভাগ্যে ব্যাপারটা এখনও ঘটেনি। এটা অবিশ্যি দার্জিলিং-এর বিখ্যাত ঘটনা। এমনও হতে পারে যে এই দশ দিনের এক দিনও কাঞ্চনজঙ্গা দেখা যাবে না। তা হলে অবিশ্যি খুবই খারাপ হবে। আমি নিজে এর আগে কাঞ্চনজঙ্গা দেখে থাকলেও আবার নতুন করে দেখার জন্য উদ্গীব হয়ে আছি। এই একটা দৃশ্য, যা কোনও দিনও পুরনো হবার নয়।

হোটেলে জিনিসপত্র শুছিয়ে রেখে আমরা তিনজনে বেরিয়ে পড়লাম। আমাদের হোটেল থেকে মিনিট পাঁচেক খাড়াই উঠেই ম্যাল। যখন পৌঁছলাম, তখন দোকানের আর রাস্তার আলোগুলো জ্বলে উঠেছে। লালমোহনবাবু বললেন, ‘কী ব্যাপার মশাই, গাড়িটাড়ি দেখছি না কেন ?’ ফেলুদাকে বুঝিয়ে দিতে হল, দার্জিলিং-এর বেশ খানিকটা অংশে গাড়ি চলা নিষিদ্ধ। ম্যালটা হল সে রকম একটা জায়গা। এখানে শুধু হাঁটা চলে আর ঘোড়ায় চড়া চলে। ‘আপনি ঘোড়ায় চড়েছেন কখনও ?’ জিজেস করল ফেলুদা।

‘নাঃ’, বললেন লালমোহনবাবু। ‘তবে উঠেই যখন চড়া আছে, তখন ঘোড়া তো তার কাছে নিয়ি ।’

আগেই বলেছি যে বিরূপাক্ষ মজুমদার বলে একজনের বাড়িতে শুটিং হবার কথা আছে।

আশচর্য এই যে, প্রথম দিনই ম্যালে এসে ভদ্রলোকের সঙ্গে আলাপ হয়ে গেল। সেটা হল পুলক ঘোষালের মারফত। শুটিং পার্টি ম্যালে বেড়াতে বেরিয়েছে পুলক ঘোষাল একবার আগেই দার্জিলিং এসে বিরূপাক্ষ মজুমদারের বাড়ি দেখে পছন্দ করে গেছেন, ভদ্রলোকও কোনও আপত্তি করেননি। ফেলুদাকে দেখেই পুলকবাবু এগিয়ে এলেন, তাঁর সঙ্গে একজন ফেল্ট হ্যাট আর সুট পরা ভদ্রলোক।

‘এঁর বাড়িতেই আমরা শুটিং করছি, বললেন পুলকবাবু, ‘ইনি হলেন মিস্টার বিরূপাক্ষ মজুমদার।’

তার পর পুলকবাবু আমাদের তিনি জনের পরিচয় দিয়ে দিলেন ভদ্রলোককে।

‘আপনার সঙ্গে শুটিং-এর কী সম্পর্ক?’ ফেলুদাকে জিজ্ঞেস করলেন মিঃ মজুমদার।

ফেলুদা বলল, ‘আমার কোনও সম্পর্ক নেই, তবে আমার এই বন্ধুটি একজন বিখ্যাত রহস্য-রোমাঞ্চ উপন্যাসিক। এঁরই একটি গল্প থেকে ছবিটা হচ্ছে।’

‘বাও, ভেরি গুড় ! ইনি ক্রাইম রাইটার, আর আপনি গোয়েন্দা—ভেরি গুড় ! প্রদোষ মিত্র নামটা তো জানা বলে মনে হচ্ছে। আপনার নাম তো কাগজে বেরিয়েছে কয়েকবার, তাই না ?’

‘আজ্জে হ্যাঁ’, বলল ফেলুদা। ‘গত বছর বোসপুরুরে একটা খুনের ব্যাপারে আমি কিছুটা সাহায্য করেছিলাম।’

‘দ্যাট্স রাইট’, বলল উঠলেন ভদ্রলোক, ‘তাই চেনা চেনা লাগছিল। আমার আবার একটা বাতিক আছে ; আমি খবরের কাগজের খবর সংগ্রহ করি। আমার সতের বছর বয়স থেকে এই হবি। সব খবর নয়, যাকে বলা যায় একটু গরম খবর। একত্রিশটা খণ্ড হয়েছে সেই খবরের খাতার। এখন তো রিটায়ার করেছি ; মাঝে মাঝে সেই সমস্ত পুরনো খাতার পাতা উলটে উলটে দেখি। লোকে গল্পের বই পড়ে, আর আমি পুরনো খবর পড়ি। এখন অবিশ্য আমার একজন হেল্পার হয়েছে। রজত—আমার সেক্রেটারি—আমার কাটিংগুলো খাতায় সেঁটে দেয়। আপনার কাটিংও আছে তার মধ্যে।’

আমরা কথা বলতে বলতে এগিয়ে গিয়েছিলাম ম্যালের মুখে ফোয়ারাটা ছাড়িয়ে মেন রোডের দিকে। মিঃ মজুমদার বললেন, ‘আমার একটা ওষুধ ফুরিয়ে গেছে, কেনা দরকার। চলুন না ওই কেমিস্টের দোকানে।’

আমরা গিয়ে দোকানে চুকলাম। ভদ্রলোক টফানিল নামে রাংতায় মোড়া একত্রিশটা বড় কিনলেন। বললেন, ‘এ হল অ্যান্টি-ডিপ্রেসান্ট পিলস—আমার এক মাসের স্টক। রোজ একটি করে না খেলে আমার ঘূম হয় না।’

দোকান থেকে বেরিয়ে এসে ফেলুদা বলল, ‘একদিন গিয়ে আপনার খাতাগুলো একটু দেখব।’

‘একশোবার !’ বললেন ভদ্রলোক। ‘ইউ আর মোস্ট ওয়েলকাম। এও আপনাকে দেখিয়ে দেব যে, এখনও কিনারা হয়নি এমন পুরনো তদন্তের খবরও আমার খাতায় সাঁটা আছে। আমি বলছি প্রায় বিশ বছর আগের কথা।’

‘খুব ইন্টারেস্টিং ব্যাপার তো !’ বলল ফেলুদা।

‘অবিশ্য আমার নিজের জীবনটাও কম ইন্টারেস্টিং নয়,’ বললেন ভদ্রলোক। ‘এক এক সময় ইচ্ছে করে আত্মজীবনী লিখি, কিন্তু তার পরেই মনে হয়—সবগুলো সত্যি কথা তো লিখতে পারব না। আত্মজীবনী লিখতে গেলে কোনও কিছুই গোপন রাখা উচিত নয়। অস্তত আমার তাই বিশ্বাস। যাক গে—একদিন আসবেন।’

‘কোন সময় গেলে আপনার ব্যাপাত হবে না ?’

‘দ্য বেস্ট টাইম ইজ ইন দ্য মর্নিং। আমি বিকেলে একটু ঘুরতে বেরোই। মাউন্ট এভারেস্ট হোটেল ছাড়িয়ে একটু গেলে বাঁয়ে একটা রাস্তা পাবেন যেটা পাহাড়ের গা বেয়ে ওপরে উঠে গেছে। সেটা দিয়ে কিছু দূর গেলেই দেখবেন, গেটে “নয়নপুর ভিলা” লেখা একটা বাগানে ঘেরা বাংলো। সেটাই আমার বাড়ি।’

ভদ্রলোক হাত তুলে গুড বাই করে এগিয়ে গিয়ে একটা ঘোড়ায় চাপলেন, সঙ্গে একজন সহিস। ফেলুদা বলল, ‘ঝগি মানুষ, খাড়াই ওঠা বারণ, তাই নিশ্চয়ই ঘোড়া ব্যবহার করেন। তবে বেশ লোক, তাতে সন্দেহ নেই।’

শুটিং পার্টির সকলে এ-দোকান সে-দোকান ঘুরে দেখছে, পুলকবাবু এগিয়ে এসে বললেন, ‘মজুমদার মশাইকে কেমন লাগল ?’

‘খুব ভাল’, বলল ফেলুদা। ‘অসুখ হলে কী হবে, এখনও বেশ তাজা আছেন।’

‘আর সব ব্যাপারে ইন্টারেস্ট। শুটিং-এর বিষয় খুঁটিয়ে খুঁটিয়ে জিজ্ঞেস করছিলেন।’

‘উনি ছাড়া আর কে থাকেন ওঁর বাড়িতে ?’

‘ওর সেক্রেটারি আছেন, রজত বোস। এ ছাড়া জনা তিনেক চাকর, মালী আর সহিস আছে। ভদ্রলোক বিপত্তিক। ওঁর ছেলে আসছেন কলকাতা থেকে। অন্তত আসার তো কথা। একটুই ছেলে। মেয়ে আছে দুটি, তাদের বিয়ে হয়ে গেছে। তারা কলকাতায় থাকে না।’

‘ভদ্রলোকের হিটো কিন্তু খুব চিন্তাকর্ষক।’

‘কাটিং জমানোর কথা বলছেন ?’

‘হ্যাঁ। অনেকটা আমাদের সিধু জ্যাঠার কথা মনে পড়ছে।’

আমারও যে তা মনে হ্যানি তা নয়, তবে সিধু জ্যাঠা শুধু খুনখারাপির খবরই জমান না ; ইন্টারেস্টিং খবর হলেই সেটা সেঁটে রাখেন।

কথা আর বেশি দূর এগোল না। পুলকবাবু বললেন শুটিং-এর অনেক তোড়জোড় আছে, এবার হোটেলে ফিরতে হবে। আগামীকাল নাকি খুব হালকা আউটডোরের কাজ রাখা হয়েছে ; তার পরদিন থেকে আর্টিস্ট নিয়ে কাজ শুরু হবে, আর প্রথমেই বিরূপাক্ষ মজুমদারের বাড়িতে কাজ।

পুলক ঘোষাল সমেত ফিল্মের দল চলে যাবার পর আমরা ম্যালের কাছেই কেডেনটারের দোকানের খোলা ছাতে বসে হট চকোলেট খেলাম। লালমোহনবাবু খুব তৃপ্তি সহকারে চকোলেটে চুমুক দিয়ে বললেন, ‘মশাই, আমার মন কিন্তু একটা কথা বলছে।’

‘কী বলছে ?’

‘বলছে এ যাত্রা বৃথা যাবে না।’

‘বৃথা কেন যাবে ? দার্জিলিঙ্গ-এ এসেছি চেঞ্জে, এমন চমৎকার ক্লাইমেট, বৃথা কখনও যেতে পারে ? পলিউশন-ফ্রি আবহাওয়া—শরীর সারতে বাধ্য।’

‘আমি সেদিক দিয়ে বলছি না, একটা বিজ্ঞ হাসি হেসে বললেন জটায়।

‘তবে কোন দিকে দিয়ে বলছেন ?’

‘আমি আপনার পেশার কথা ভাবছি।’

‘আমার পেশা ?’

‘আমার মন কেন জানি বলছে যে, আপনাকে কাজে লেগে পড়তে হবে।’

ফেলুদা একটা চারমিনার ধরিয়ে বলল, ‘আসলে মুশকিলটা করছে আমার পেশা নয়, আপনার পেশা। আপনার স্বভাবই হল অলিতে-গলিতে রহস্যের গন্ধ পাওয়া। অবিশ্য যদি তেমন কিছু ঘটেই বসে, গড় ফরবিড, তা হলে ফেলু মিত্রির হাত গুটিয়ে বসে থাকবে না এটা

জোর দিয়ে বলতে পারি । ’

‘এই তো চাই ! এই তো এ. বি. সি. ডি.-র পক্ষে সবচেয়ে উপর্যুক্ত মনোভাব !’

এইখানে বলে রাখি, এ. বি. সি. ডি. হল ফেলুদাকে দেওয়া লালমোহনবাবুর খেতাব । এর মানে হল এশিয়াজ বাইটেস্ট ক্রাইম ডিটেক্টর । কাজেই উনি ফেলুদাকে মাঝে মাঝে এ. বি. সি. ডি. বলে সম্মোধনও করে বসেন ।

আমি জানি না, কিন্তু বিরূপাক্ষ মজুমদারের সঙ্গে যেটুকু আলাপ হল, তাতে আমারও ভদ্রলোককে বেশ রহস্যজনক চরিত্র বলে মনে হল । বছরের পর বছর প্রায় একাই দার্জিলিং-এ পড়ে আছেন, খাতায় গরম গরম খবর সাঁটছেন, আর পুরনো খবর পড়ে দেখছেন । অবিশ্যি তার মানেই যে তাকে ঘিরে কোনও ক্রাইম ঘটবে, সেটা ভাবার কোনও যুক্তি নেই । আসল কথাটা হচ্ছে কী—ফেলুদা চেঞ্জে গেলেও সেখানে শেষ পর্যন্ত তাকে গোয়েন্দার ভূমিকা নিতে হয়, এটা এতবার দেখেছি যে, মন বলছে এবারও সেটা না হয়ে যায় না ।

দেখা যাক, কপালে কী আছে ।

৩

‘সাল্লাইম’ কথাটা লালমোহনবাবুকে এই প্রথম ব্যবহার করতে শুনলাম । অবিশ্যি শুধু সাল্লাইম নয়, তার সঙ্গে স্বর্গীয়, হেভেনলি, অপার্থিব অনিবচনীয় ইত্যাদি বিশেষণ ব্যবহার করে এথিনিয়াম ইস্কুলের কবি মাস্টার বৈকুঠ মল্লিকের লেখা একটি ছ. লাইনের কবিতা আবৃত্তি করে ফেললেন ভদ্রলোক । ঘটনা আর কিছুই না, দ্বিতীয় দিন ভোরে উঠে ভদ্রলোক তাঁর ঘরের জানালায় দাঁড়িয়েই দেখেন যে সামনে কাঞ্চনজঙ্গলা দেখা যাচ্ছে, আর তাতে সবে সূর্যের গোলাপি রঙের ছোপ পড়তে শুরু করেছে । সঙ্গে সঙ্গে ভদ্রলোক আমাকে ঘুম থেকে তুলে এনে তাঁর পাশে দাঁড়ি করালেন । বললেন, ‘এ জিনিস কারুর সঙ্গে শেয়ার না করলে মজাই নেই ।’ আর তার পরেই বিশেষণের তোড়, আর সব শেষে উদান্ত কঠে আবৃত্তি করা কবিতা—

‘অযি কাঞ্চনজঙ্গে !
দেখেছি তোমার রূপ উত্তরবঙ্গে
মুঞ্ছ নেত্রে দেখি মোরা তোমারে প্রভাতে
সাঁবোতে আরেক রূপ, ভুল নেই তাতে—
তুষার ভাস্কর্য তুমি, মোদের গৌরব
সবে মিলে তোমারেই করি মোরা স্তব ।’

আবৃত্তি শেষ করে দম নিয়ে বললেন, ‘সম্মোধনে আ-কারটা এ-কার হয়ে যায়—সেটাকে কীভাবে কাজে লাগিয়েছেন কবি, দেখছ তপেশ ?’

আমি মাথা নেড়ে বললাম, ‘দেখেছি, যদিও সংস্কৃত ব্যাকরণটা ভাল জানা নেই বলে ভদ্রলোক ঠিক বলছেন না ভুল বলছেন, সেটা বুঝতে পারলাম না ।

‘এটাই গ্রেট প্রয়েটের লক্ষণ’, বললেন লালমোহনবাবু ।

ফেলুদাও অবিশ্যি কাঞ্চনজঙ্গলা দেখেছিল, তবে সেটা হোটেলের বাইরে থেকে । ও ভোরে উঠে যোগব্যায়াম সেরে আমি ওঠার আগেই বেরিয়ে পড়েছিল । তার পর ম্যাল থেকে অবজারভেটারি হিলের চারিদিকে চক্র মেরে চায়ের ঠিক আগে ফিরে এসেছিল । বলল, ‘যতবার কাঞ্চনজঙ্গলা দেখি, ততবার বয়সটা যেন কিছুটা কমে যায় । আর সবচেয়ে ভাল

কথা—যেখানে-সেখানে বাড়ি উঠে শহরটার অনেক ক্ষতি করলেও অবজারভেটারি হিলের
রাস্তাটার কোনও পরিবর্তন হয়নি।’

‘আমারও আজ প্রথম মনে ইল যেন জন্ম সার্থক’, বললেন লালমোহনবাবু।

‘যাক! বলল ফেলুন। এত গাঁজাখুরি গল্প লিখেও যে আপনার সূক্ষ্ম অনুভ্বতিগুলো
চিকে আছে, সেটা জেনে খুব ভাল লাগল।’

‘আজ তা হলে আমরা কী করছি?’

আমরা হোটেলের ডাইনিং রুমে ব্রেকফাস্ট করছিলাম; ফেলুন্দা কাঁটা দিয়ে ওমলেটের
খানিকটা অংশ মুখে পুরে বলল, ‘আজ সকালে একবার মজুমদার মশাইয়ের ওখানে যাবার
ইচ্ছে আছে। কাল থেকে ওঁর বাড়িতে শুটিং আরম্ভ হয়ে যাবে, তখন বড় ভিড়। আজ
মনে হয় নিরিবিলি বসে একটু কথা বলা যাবে। এমন লোককে কালচিটেট করাটা আমি
কর্তব্যের মধ্যে ধরি।’

‘তথাক্ত’, বললেন লালমোহনবাবু।

আমরা সাড়ে আটটায় বেরিয়ে পড়লাম। ম্যাল থেকে নেমে দাশ স্টুডিয়ো আব
কেভেন্টারের পাশ দিয়ে নেহরু রোড ধরে সোজা তিন কোফার্টির মাইল গেলে মাউন্ট
এভারেস্ট হোটেল। সেটা ছাড়িয়ে গেলেই পাব আমরা মিঃ মজুমদারের বাড়ির রাস্তা।

সেই রাস্তা ধরে কিছু দূর উঠতেই একজন বাঙালি ভদ্রলোককে জিজ্ঞেস করতে উনি বলে
দিলেন যে, আর মিনিট খানেক হাঁটলেই আমরা নয়নপুর ভিলাতে পৌঁছে যাব।

বাড়ি খুঁজে পেতে কোনওই অসুবিধা হল না। লাল টালির ছাদওয়ালা কাঠের বাংলো
বাড়ি, বেশ ছড়ানো, তিন দিক ঘিরে বয়েছে সুন্দর বাগান, আর পিছনে পুব দিকে ঘন
কাউবন্নের পরেই উঠেছে খাড়াই পাহাড়।

বাগানে একটা মালী কাজ করছিল, সে আমাদের দেখেই এগিয়ে এল।

‘মিঃ মজুমদার আছেন?’ জিজ্ঞেস করল ফেলুন্দা।

‘কী নাম বলব?’

‘বলো যে, কাল যাঁর সঙ্গে সন্ধ্যায় আলাপ হয়েছিল, সেই মিত্রিবাবু দেখা করতে
এসেছেন।’

মালী খবর দিতে চলে গেল। আমি অবাক হয়ে বাড়িটার শোভা দেখছিলাম। উত্তরে
চাইলেই সোজা কাঞ্চনজঙ্গলা দেখা যাচ্ছে। এখন ঝলমলে ঝপোলি। যিনিই বাড়িটা বানিয়ে
থাকুন, তাঁর রুচির তারিফ করতে হয়।

মালীর পিছন দেখি, মিঃ মজুমদার নিজে বেরিয়ে এসেছেন।

‘গুড মর্নিং! আসুন আসুন, ভিতরে আসুন।’

আমরা তিনজন বাড়ির নাম লেখা সাদা কাঠের গেট খুলে ভিতরে এগিয়ে গেলাম।
ভদ্রলোক এককালে বেশ সুপুরুষ ছিলেন, সেটা দিনের আলোতে দেখে বুরতে পারছি।
দেখে অসুস্থ বলে মনেই হয় না। মিঃ মজুমদারের সঙ্গে আর একজন ভদ্রলোক বেরিয়ে
এসেছিলেন, জানলাম তিনিই হলেই সেক্ষেটারি রজত বসু। খয়েরি ট্রাউজারের উপর গাঢ়
নীল পোলো-নেক পুলোভার পরেছেন, মাঝারি হাইট, রং বেশ পরিষ্কার।

আমাদের বৈঠকখানায় নিয়ে গেলেন মিঃ মজুমদার। আমরা ভাগাভাগি করে দুটো
সোফায় বসলাম। ঘরের এক পাশে একটা কাচের আলামারিতে গুচ্ছের ছেট-বড় ঝপোর
কাপ সাজানো রয়েছে। বোঝা যায় সেগুলো মিঃ মজুমদার নানান সময়ে নানান স্পোর্টস
প্রতিযোগিতাতে পেয়েছেন। মাটিতে একটা লেপার্ডের ছাল, আর দেয়ালে দুটো হরিণ আর
একটা বাইসনের মাথাও দেখলাম।



ম্যানেজার

‘আজ সন্ধ্যায় আমার ছেলে সমীরণ আসবে’, বললেন বিরুপাক্ষ মজুমদার। ‘বাপ-ছেলের মধ্যে কোনও মিল খুঁজে পাবেন বলে মনে হয় না। সে ব্যবসাদার, শেয়ার মার্কেটে ঘোরাঘুরি করে।’

‘তিনি কি ছুটিতে আসছেন, না কোনও কাজে?’

‘সাতদিনের ছুটিতে। অস্তত বলছে তো তাই, তবে ও চুপচাপ বসে ছুটি ভোগ করার ছেলে নয়। ড্যানক ছটফটে। ত্রিশ হতে চলল, এখনও বিয়ে করেনি। আর কবে করবে জানি না। যাকগে—এখন আপনাদের কথা বলুন।’

‘আমরা বরং আপনার কথা শুনতে এসেছি, বলল ফেলুন।

‘আমার কথার তো শেষ নেই’ বললেন মিঃ মজুমদার। ‘আই হ্যাত লেড এ ভেরি কালারফুল লাইফ। অবিশ্য পরের দিকে সেটল করে গিয়েছিলাম। একটা ব্যাঙ্কের পুরো দায়িত্ব এসে পড়ে আমার ঘাড়ে। স্বভাবতই তখন অনেকটা সামলে নিতে হয়। তরুণ বয়সটা—শুধু তরুণ কেন, প্রায় চল্লিশ বছর বয়স পর্যন্ত—খুব হই-হল্লোড় করেছি। খেলাধূলো, আউটডোর-ইনডোর, শিকার, কিছুই বাদ দিইনি।’

‘আর তার সঙ্গে আপনার কাটিং জ্মানোর হবি।’

‘হ্যাঁ, সেটা কখনও বাদ পড়েনি। রজত আপনাকে একটা নমুনা দেখিয়ে দেবে।’

ভদ্রলোক সেক্রেটারির দিকে ইঙ্গিত করাতে তিনি উঠে গিয়ে ভিতরের ঘর থেকে একটা মোটা বড় খাতা এনে ফেলুদার হাতে দিলেন। আমি আর লালমোহনবাবু উঠে গিয়ে ওর

পাশে দাঁড়ালাম।

বিচিত্র খাতা, তাতে সন্দেহ নেই।

‘আপনি দেখছি লভনের কাগজ থেকেও কাটিং রেখেছেন,’ বলল ফেলুদা।

‘হ্যাঁ’, বললেন বিরূপাক্ষ মজুমদার। ‘লভনে আমার এক ডাঙ্গার বদ্ধ আছে। তাকে বলাই আছে—কেনও সেনসেশন্যাল খবর পেলেই যেন আমাকে কেটে পাঠিয়ে দেয়।’

‘খুন রাহাজানি অ্যাক্সিডেন্ট অগ্নিকাণ্ড আত্মহত্যা—কিছুই বাদ নেই দেখছি।’

‘তা নেই’, বললেন মিঃ মজুমদার।

‘কিন্তু আপনি কী একটা ক্রাইমের কথা বলেছিলেন, যেটার কোনও কিনারা হয়নি?’

‘হ্যাঁ—তেমন একটা ক্রাইম আছে বটে। সেটার খবর আপনি খাতায় পাবেন; আরেকটি আছে যেটা খাতায় পাওয়া যাবে না, কারণ সেটা খবরের কাগজের কানে পৌঁছায়নি।’

‘সেটা কী ব্যাপার?’

‘সেটা আমায় জিজ্ঞেস করবেন না, কারণ তার উত্তর আমি দিতে পারব না। আমায় মাপ করবেন। যাই হোক, রজত—একবার যাও তো সিঙ্কাটি নাইনের ভলুমটা নিয়ে এসো।’

রজতবাবু এবার আর একটা খাতা নিয়ে এসে ফেলুদাকে দিলেন।

‘খাতার মাঝামাঝি পাবেন খবরটা’, বললেন মিঃ মজুমদার। ‘জুন মাসে ঘটে ঘটনাটা। স্টেচস্ম্যানের খবর, হেডিং হচ্ছে, যত দূর মনে পড়ে—“এমবেজ্লার আন্ট্রেসড”।’

‘পেয়েছি’ বলল ফেলুদা। তার পর কিছুটা পড়েই বলল, ‘এ যে দেখছি আপনাদেরই ব্যাক্সের ঘটনা।’

‘সেই জন্যেই তো ওটা ভুলতে পারি না’, বললেন মিঃ মজুমদার। ‘পড়লেই বুঝতে পারবেন, আমাদেরই ব্যাক্সের অ্যাকাউন্টস ডিপার্টমেন্টের একটি ছেলে, নাম ভি. বালাপোরিয়া, প্রায় দেড় লাখ টাকা ব্যাঙ্ক থেকে হাতিয়ে উধাও হয়ে যায়। পুলিশ বিস্তর চেষ্টা করেও তার আর সন্ধান পায়নি। আমি তখন ছিলাম ডেপুটি জেনারেল ম্যানেজার।’

ফেলুদা বলল, ‘যদিও অনেকদিনের ঘটনা, তাও আমার ব্যাপারটা আবছা আবছা মনে আছে। গোয়েন্দা হবার আগে এই ধরনের ক্রাইমের খবর আমিও খুঁটিয়ে পড়তাম।’

ইতিমধ্যে লালমোহনবাবু আর আমিও খবরটা পড়ে ফেলেছি।

বিরূপাক্ষবাবু বললেন, ‘তখনই আমার একবার মনে হয়েছিল যে, শার্লক হোমস বা এরকুল পোয়ারোর মতো একজন প্রাইভেট গোয়েন্দা থাকলে হয়তো ব্যাপারটার একটা সুরাহা হত। পুলিশের উপর আমার নিজের যে খুব একটা আস্থা আছে, তা নয়।’

ফেলুদা কিছুক্ষণ খাতাটা উলটে পালটে দেখে ধন্যবাদ দিয়ে ফেরত দিয়ে দিল।

ইতিমধ্যে কফি এসে গেছে। বেয়ারাটির বেশ ভদ্র চেহারা, হঠাৎ দেখলে চাকর বলে মনে হয় না। আমরা ট্রে থেকে কফি তুলে নিলাম।

ফেলুদা বলল, ‘বাইরে আপনার ঘোড়টা দেখলাম; আপনি বুঝি ওটাতেই চলা-ফেরা করেন?’

মিঃ মজুমদার বললেন, ‘চলা-ফেরা মানে আমি শুধু বিকেলে একবার বেরোই। বাকি সময়টা আমি বাড়িতেই থাকি। আমার অভ্যাসগুলো ঠিক সাধারণ মানুষের মতো নয়। রিটায়ার করার পর থেকে আমার রুটিনটা একটা অন্তর্ভুক্ত চেহারা নিয়েছে। আমার ইনসম্ব্রিনিয়া আছে, সে কথা আগেই বলেছি। আমি যুমোই দুপুরবেলা, তাও এক গেলাস দুধের সঙ্গে একটা করে বড়ি খেয়ে। ঘড়িতে অ্যালার্ম দিয়ে শুই, উঠি ঠিক পাঁচটায়। তারপর চা খেয়ে বেরোই। রাত্তিরটা আমি বই পড়ি।’

‘একদমই ঘুমোন না রাত্রে?’ ফেলুদা অবাক হয়ে জিজ্ঞেস করল।

‘একদমই না’, বললেন ভদ্রলোক। ‘অবিশ্যি, এককালে আমার ঠাকুরদাদারও শুনেছি এই বাতিক ছিল। তিনি ছিলেন ডাকসাইটে জমিদার। তাঁর রাতটা ছিল দিন, আর দিনটা রাত। জমিদারির কাজকর্ম তিনি রাতেই দেখতেন, আর সারা দুপুর আফিং খেয়ে ঘুমোতেন। ভাল কথা, আপনার ধূমপানের প্রয়োজন হলে আমার সামনেই করতে পারেন; আই ডোস্ট মাইন্ড।’

‘থ্যাক্ষ ইউ’, বলে ফেলুদা একটা চারমিনার ধরাল। বিরুপাক্ষবাবুর ষাটের কাছে বয়স হলেও তাঁকে বৃদ্ধ বলে মোটেই মনে হয় না।

‘কাল থেকে তো আপনার বাড়িতে শুটিং শুরু হবে’, বলল ফেলুদা। ‘আপনার উপর দিয়ে অনেক ধক্কল যাবে।’

‘আই ডোস্ট মাইন্ড’, বললেন ভদ্রলোক। আমি থাকব বাড়ির উত্তর প্রান্তে, কাজ হবে দক্ষিণ দিকটায়। পরিচালক ভদ্রলোকটিকে বেশ ভাল লাগল, তাই আর না করলাম না।’

এই কথা বলতে বলতেই একটা জিপের আওয়াজ পেয়ে ঘুরে দেখি ফিল্মের দল এসে গেছে। বাগান পেরিয়ে দরজার মুখে এসে টোকা মারলেন পুলক ঘোষাল।

‘কাম ইন স্যার’, বলে উঠলেন বিরুপাক্ষ মজুমদার।

পুলক ঘোষাল ঢুকে এলেন, তাঁর পিছনে মহাদেব ভার্মা আর রাজেন রায়না।

‘আমরা শুটিং-এ বেরোচ্ছি’, বলল পুলক ঘোষাল, ‘তাই ভাবলাম একবার আপনার সঙ্গে দেখা করে যাই। কাল থেকে তো আপনার এখানেই কাজ, তা ছাড়া এই দুটি অভিনেতার সঙ্গে আপনার আলাপও হয়নি। ইনি হলেন ছবির নায়ক রাজেন রায়না, আর ইনি হলেন ভিলেন মহাদেব ভার্মা।’

‘বসুন, বসুন’, বললেন মিঃ মজুমদার। ‘যখন এলেন, তখন একটু কফি খেয়ে যান।’

‘না স্যার! আজ আর বসব না। কাল থেকে তো প্রায় সারাটা দিনই এখানে থাকতে হবে। ভাল কথা, আপনার সেক্রেটারি বলছিলেন আপনি নাকি দুপুরটা ঘুমোন। তা, দুপুরে তো আমাদের কাজ হবে, এ বাড়ি থেকে একটু দূরে আমাদের জেনারেটর চলবে। তাতে আপনার ব্যাপাত হবে না তো?’

‘মোটেই না’, বললেন মিঃ মজুমদার। ‘আমি দরজা-জানলা ভেজিয়ে পরদা টেনে শুই। বাইরের কোনও আওয়াজ ঘরে ঢোকেই না।’

লক্ষ করছিলাম ভদ্রলোক কথা বলার সময় রায়না আর ভার্মার দিকে তীক্ষ্ণ দৃষ্টি দিয়ে দেখছেন। বললেন, ‘ঝাক, এবার তা হলে বলতে পারব যে, ফিল্মস্টারের সঙ্গে আলাপ হয়েছে। অ্যাদিন এ সৌভাগ্যটা হয়নি।’

এবার পুলক ঘোষাল লালমোহনবাবুর দিকে ফিরলেন।

‘লালুদা, আপনাকে একটা রিকোয়েস্ট ছিল।’

‘কী ভাই?’

‘আমার মেমরি খুব শার্প, লালুদা। আমার স্পষ্ট মনে আছে, নাইনটিন সেভেনটিতে গড়পারে ফ্রেন্ডস ক্লাবে “ভুশগুৰি মাঠে” প্লে হয়েছিল। সরবর্তী পুজোয়। আপনার মনে পড়ছে?’

‘বিলক্ষণ।’

‘আপনি তাতে নদু মল্লিকের পাঁচ করেছিলেন, মনে আছে?’

‘বাবা, সে কি ভুলতে পারি! পাখোয়াজের বোলটা পর্যন্ত এখনও মনে আছে—ধা ধা ধিন্তা কস্তা গে, গিন্নী ঘা দেন কর্তাকে!—ওঃ! সে কি তোলা যায়? জীবনে আমার প্রথম এবং শেষ অভিনয়।’

‘না না, শেষ নয়।’

‘মানে?’

‘এখানকার বেঙ্গলি ক্লাব আমাদের ডুবিয়েছে। বলেছিল দু-একটা ছোট পাট্টের জন্য লোক দেবে, এখন বলছে তারা কলকাতায় চলে গেছে ছুটিতে। বিশেষ করে একটি পাট—বুঝেছেন লালুদা, ভিলেনের রাইট হ্যান্ড ম্যান—’

‘কে—অঘোরচাঁদ বাটলিওয়ালা?’

‘হ্যাঁ দাদা!’

‘কিন্তু তার তো বেশি কিছু করার নেই; শুধু দুটো সিন।’

‘সেই দুটো সিন আমাদের একটু উদ্ধার করে দিতে হবে দাদা! কথা খুব কম। আজ বিকেলে গিয়ে আপনাকে ডায়ালগ দিয়ে আসবে। এ কাজটা কাইভলি আপনি করে দিন। সবসুজ তিনি দিনের কাজ।’

‘আমরা কিন্তু আর দশ দিন মাত্র আছি।’

‘এক উইকের মধ্যে আপনার কাজ শেষ করে দেব।’

‘কিন্তু এই চেহারা নিয়ে—’

‘আপনাকে মেক-আপ দেব। ফ্রেঞ্চকাট দাঢ়ি আর একটা পরচুলা। ফার্স্টফ্লাইন মানাবে। কেয়া ভাই মহাদেব, মেরা চয়েস মে কুছ গলতি হ্যায়?’

‘নেহি নেহি ভাই’, বললেন মহাদেব ভার্মা।

‘আপনার সিগার খাওয়ার অভ্যেস আছে?’ লালমোহনবাবুকে জিজ্ঞেস করলেন পুলক ঘোষাল।

‘ধূমপান করতুম এককালে’, হাত কচলাতে কচলাতে বললেন লালমোহনবাবু, ‘কিন্তু সিগারেট ছেড়েছি দশ বছর হল।’

‘তাতে কী হল? আর হ্যাঁ, চোখে একটা কালো চশমা।’

বেশ বুঝতে পারছিলাম যে, লালমোহনবাবু ব্যাপারটাতে ক্রমেই মেতে উঠাছিলেন। এবার বললেন, ‘ওককে! যখন এত করে বলছ, তখন “না” করব না। আমার নিজের গঞ্জে একটা গেস্ট অ্যাপিয়ারেন্স থাকলে মন্দ কী? কিন্তু একটা কথা।’

‘কী?’

‘আমার নামের পাশে যেন একটা “অ্যাঃ” থাকে। পেশাদারি অভিনেতা হতে আমি নারাজ। হলে অ্যামেচার, আর না হলে নয়। ঠিক তো?’

‘ওককে! বললেন পুলক ঘোষাল।

এই সুযোগে আমিও একটা ব্যাপার সেবে নিলাম। পুলক ঘোষালকে জিজ্ঞেস করলাম, ‘আমি শুটিং দেখতে আসতে পারি তো?’

‘একশোবার, ভাই, একশোবার’, বললেন পুলক ঘোষাল।

পুলক ঘোষালের দল তাদের কথা সেবে শুটিং-এর তোড়জোড় করতে চলে গেল। আমাদের কফি খাওয়া শেষ, তাই আমরাও আর বসলাম না। ফেলুদাই প্রথমে উঠে পড়ে বলল, ‘আজ তা হলে আসি?’

‘অ্যাঃ?’

ভদ্রলোক যেভাবে প্রশ্নটা করলেন তাতে বুঝতেই পারলাম, তিনি কোনও একটা কারণে

অন্যমনক্ষ হয়ে পড়েছিলেন। পরমুহুর্তেই অবিশ্যি নিজেকে সামলে নিয়ে অত্যন্ত স্বাভাবিকভাবেই বললেন, ‘উঠবেন ? ঠিক আছে। রয়েছেন যখন কদিন, তখন দেখা হবে নিশ্চয়ই।’

আমরা তিনজনে নয়নপুর ভিলা থেকে বেরিয়ে উত্তরাই দিয়ে হোটেলমুখো রওনা দিলাম।

ফেলুদা পথে কিছুই বলল না। কেন জানি, ও-ও একটু অন্যমনক্ষ হয়ে পড়েছে। দুপুরে লাঞ্চ খাবার সময় লালমোহনবাবুর দিকে ফিরে বলল, ‘কী মশাই, আমাদের অ্যান্ডিনের আলাপ, আর এমন একটা খবর আপনি বেমালুম চেপে গেস্লেন ? ভৃশগুৰির মাঠেতে নন্দু মল্লিক ? বাংলা সাহিত্যে এমন একটি চরিত্র খুঁজে পাওয়া ভার, আর আপনি সেই চরিত্রে অভিনয় করেছিলেন ?’

লালমোহনবাবু একটা ফিশ ফাইয়ের চুকরো মুখে পুরে দিয়ে বললেন, ‘আরে মশাই, সে-রকম বলতে গেলে তো অনেক কিছুই বলতে হয়। নর্থ ক্যালকাটায় ক্যারাম চ্যাম্পিয়ন ছিলুম ফিফটি নাইনে—এ খবর জানতেন ? এনডিওরেন্স সাইক্লিং-এ আমার কত কীর্তি আছে, সে সব আপনি জানেন ? আবৃত্তি প্রতিযোগিতায় মেডেল পেয়েছি—একবার নয়, থ্রি টাইমস্। দেবতার গ্রাস পুরো মুখস্থ ছিল। ফিল্মে অফার বিশ বছর আগেও পেয়েছি—তখন আমার মাথা ভর্তি কোঁকড়া চুল—ভাবতে পারেন ? কিন্তু সে অফার নিইনি। তখন থেকেই মাইড মেক আপ করেছি যে লেখক হব। শখের লেখক নয়, পেশাদারি লেখক। শ্রেফ লিখে পয়সা করা যায় কিনা দেখব। তার পরের ইতিহাস অবিশ্যি খুব সহজ। খণ্ডেন জ্যোতিষী বলেছিল—তোমার কলমে জানু আছে তুমি লেখো। তবে এতটা যে সাকসেস হবে, তা অবিশ্যি ভাবতে পারিনি।’

‘একটা কথা কিন্তু বলে রাখছি, বলল ফেলুদা।

‘কী ?’

‘এরা আপনাকে দিয়ে চুরুট খাওয়াবে। আপনি দশ বছর হল শ্মোকিং ছেড়েছেন। সুতরাং একটা বিপর্যয়ের সন্তান আছে।’

‘বলছেন ?’

‘বলছি। এক কাজ করবেন। আজই একটা চুরুট কিনে ধোঁয়াটা পেটে না নিয়ে খাওয়া অভ্যাস করুন। পেটে গেলেই কিন্তু কাশির দমকের চোটে শট একেবারে মাটিংচকার হয়ে যাবে।’

‘থ্যাক ইউ ফর দি অ্যাডভাইস, স্যার।’

দুপুরে একটু বিশ্রাম করে চারটে নাগাত আমরা বেরিয়ে পড়লাম। আজ অবজারভেটরি হিলটায় একটা চকর মারার ইচ্ছে আছে। পাহাড়ের উত্তর দিক থেকে কাঞ্চনজঙ্ঘার একটা চমৎকার ভিউ পাওয়া যায়।

লালমোহনবাবু প্রথম যে সিগারেটের দোকানটা পেলেন, সেখান থেকেই একটা চুরুট কিনে নিলেন। প্রথম টানে ধোঁয়া পেটে চলে গিয়ে সত্যিই একটা বিপর্যয় হতে যাচ্ছিল, কিন্তু ভদ্রলোক সেটা কোনও-মতে সামলে নিয়ে তারপর থেকে খুব সাবধানে ধোঁয়া টানামাত্র সেটা ছেড়ে দিতে লাগলেন। চুরুট হাতে নেবার সঙ্গে সঙ্গে ভদ্রলোকের পার্সেনালটির একটা বদল লক্ষ করছিলাম। বেশ একটা মিলিটারি মেজাজ, জুতোর গোড়ালি দিয়ে শব্দ তুলে হাঁটা, ঠেঁটের কোণে একটা মদু হাসি নিয়ে এদিক-ওদিক চাওয়া। বুরালাম, ভদ্রলোক অঘোরচাঁদ বাটলিওয়ালার চরিত্রে অভিনয় করতে করতে চলেছেন।

অবজারভেটরি হিলের পুবের রাস্তাটা দিয়ে গিয়ে যেই বাঁয়ে মোড় নিয়েছি, অমনি সামনে ৩৫০

দেখি বিকেলের পড়ন্ত রোদে কাঞ্চনজঙ্গল সোনার রং ধরতে শুরু করেছে। লালমোহনবাবুর আবার কাব্যের মেজাজ এসে পড়ল, ‘অয়ি কাঞ্চনজঙ্গল’ বলে আর বাকি কবিতাটা বললেন না। আমরা পুরো পাহাড়টা চকর দিয়ে আবার যখন ম্যালে ফিরে এলাম তখন পাঁচটা বেজে গেছে, সূর্য পাহাড়ের পিছনে চলে গেছে। পুরে জালাপাহাড় রোডের দিকে চেয়ে দেখি ঘোড়ার স্ট্যান্ডের সামনে দিয়ে শুটিং-এর দল মালপত্র কাঁধে নিয়ে ফিরছে, তার পিছনে লোকের ভিড়। তবে এ ভিড় মোটামুটি ভদ্র, বেশি উৎপাত করবে বলে মনে হল না। রায়না আর ভার্মা দুজনকেই কিছু অটোগ্রাফে সই দিতে হল সেটা দেখলাম। তার পর দলটা বাঁয়ে নেহুর রোড ধরে বোধহয় সোজা হোটেলের দিকে চলে গেল।

‘গুড ইভিনিং !’

ঘোড়ার পিঠে বিরূপাক্ষ মজুমদার। আমাদের দেখে নেমে এলেন।

‘একটা কথা আজ সকালে আপনাকে বলা হয়নি’, মিঃ মজুমদার ফেলুদাকে উদ্দেশ করে গলা নামিয়ে কথাটা বললেন। তারপর আরও কাছে এগিয়ে এসে বললেন, ‘এ খবরটা আমার মালীর কাছ থেকে শোনা। কত দূর রিলায়েব্ল তা বলতে পারব না।’

‘কী খবর ?’ ফেলুদা জিজ্ঞেস করল।

‘ক দিন থেকেই নাকি একটি লোককে আমাদের গেটের বাইরে বাড়ির আশেপাশে ঘোরাফেরা করতে দেখা যাচ্ছে।’

‘বলেন কী ?’

‘মালীও তাই বলে। লোকটা পুরনো, তার কথা অবিশ্বাস করার কোনও কারণ নেই।’

‘লোকটার কোনও বর্ণনা দিয়েছে ?’

‘বলছে মাঝারি হাইট, রং মাঝারি, খোঁচা খোঁচা দাঢ়ি আছে। মুখ ভাল করে দেখেনি, কারণ চোখে চোখ পড়তেই লোকটা গাছের আড়ালে চলে যায়। তবে সিগারেট বা বিড়ি খায় এটা মালী বলল, কারণ গাছের পিছন থেকে খোঁয়া বেরোতে দেখেছে।’

‘এইভাবে দৃষ্টি রাখার কোনও কারণ খুঁজে বার করতে পারেন আপনি ?’

‘তা পারি। আমার বাড়িতে একটা মূল্যবান জিনিস আছে। অষ্টধাতুর তৈরি একটা বালগোপাল। আমাদের পৈতৃক বাড়ির মন্দিরের মধ্যে ছিল এটা। নয়নপুরে। জিনিসটা খুবই ভ্যালুয়েব্ল। আর সেটা এখানে অনেকেই দেখেছে।’

‘সেটা কোথায় থাকে ?’

‘আমার শোবার ঘরে তাকের উপর।’

‘খোলা অবস্থায় ?’

‘আমি তো রাত্রে জেগে থাকি, আর আমার সঙ্গে রিভলভার থাকে, কাজেই চোর বিশেষ কিছু করতে পারবে না।’

‘আর কোনও কারণে লোক হানা দিতে পারে ?’

‘আমি এটুকু বলতে পারি যে আমার অনিষ্ট করতে চাইবে এমন লোক থাকা অসম্ভব নয়। এটা কেন বলছি তার কারণ জিজ্ঞেস করবেন না। আমি শুধু এইটুকু জানতে চাই যে এর মধ্যে যদি কিছু ঘটে তা হলে আপনার সাহায্য আশা করতে পারি তো ?’

‘দ্যাট গোজ উইদাউট সেইঁ’, বলল ফেলুদা।

‘তা হলেই নিশ্চিন্ত,’ বললেন ভদ্রলোক।

‘এমন সময় একটি বছর ত্রিশের ভদ্রলোক আমাদের দিকে এগিয়ে এলেন। ‘এসো সমীরণ, তোমার সঙ্গে আলাপ করিয়ে দিই,’ বললেন মিঃ মজুমদার। ‘ইনি হচ্ছেন আমার একমাত্র পুত্র সমীরণ, আর ইনি প্রদোষ মিত্র, আর ইনি লালচাঁদ—স্যারি, লালমোহন...গান্দুলী তো ?’

‘আজ্জে হ্যাঁ।’

‘আর ইনি প্রদোষবাবুর কাজিন।’

সমীরণ মজুমদার বেশ স্মার্ট দেখতে, তার উপর একটা গাঢ় লাল জার্কিন পরাতে আরও স্মার্ট দেখাচ্ছে। বললেন, ‘আপনি তো বিখ্যাত ডিটেকটিভ?’

‘বিখ্যাত কিনা জানি না’, বলল ফেলুদা, ‘তবে ডিটেকশন আমার পেশা বটে।’

‘আমি আবার খুব গোয়েন্দাকাহিনীর ভক্ত। আপনার সঙ্গে একদিন বসে কথা বলার ইচ্ছা রইল।’

‘নিশ্চয়ই।’

‘আজ একটু শপিং-এ বেরিয়েছি। এক্সকিউজ মি।’

সমীরণবাবু চলে গেলেন।

‘আমিও আসি।’ ঘোড়ার পিঠে চড়ে বললেন মিঃ মজুমদার। ‘আবার দেখা হবে নিশ্চয়ই।’

‘প্রয়োজনে টেলিফোন করতে দ্বিধা করবেন না,’ বলল ফেলুদা। ‘আমরা উঠেছি কাঞ্চনজঙ্গী হোটেলে।’

ইতিমধ্যে একটি অচেনা ছেলে এসে লালমোহনবাবুর হাতে একটা কাগজ ধরিয়ে দিয়ে গেছে। সেটা নাকি ওঁর আগামী কালের ডায়ালগ। ‘হিন্দি ডায়ালগ বাংলা অক্ষরে লিখে দিয়েছে, সুবিধাই হল।’

‘অনেক কথা আছে?’ ফেলুদা জিজ্ঞেস করল।

‘সাড়ে তিন লাইন,’ শুকনো গলায় বললেন লালমোহনবাবু।

‘হোটেলে ফিরে গিয়ে একবার দেবেন তো আমাকে ডায়ালগটা,’ বলল ফেলুদা। ‘আপনাকে একটু তালিম দিয়ে দেব। আপনার হিন্দিতে বজ্জ বেশি শ্যামবাজারের টান এসে পড়ে।’

আমরা গতকালের মতো আজকেও ফেরার আগে একবার কেভেন্টারসের ছাতে গিয়ে বসলাম হট চকোলেট খাবার জন্য। ঠাণ্ডা বেশ কনকনে, তার উপর মেঘ নেই বলে শীত আরও বেশি। এর মধ্যেই অনেক তারা বেরিয়ে পড়েছে আকাশে, আর তার সঙ্গে আবহাতাবে দেখা যাচ্ছে ছায়াপথটা।

‘এখানে বসতে পারি?’

আমরা তিনজন একটা টেবিলে বসেছিলাম। আমাদের পাশে একটা চেয়ার খালি ছিল; এবার দেখলাম একজন বছর ঘাটকের বাঙালি ভদ্রলোক সেটার পিছনে এসে দাঁড়িয়ে আমাদের দিকে হাসি-হাসি মুখ করে চেয়ে আছেন। চোখে চশমা, কঁচা-পাকা মেশানো গোঁফ আর মাথার চুল।

‘বসুন’, বলল ফেলুদা।

‘আপনার পরিচয় আমার জানা আছে?’ ভদ্রলোক ফেলুদার দিকে চেয়ে বললেন, ‘আপনার একটা ছবি সমেত সাক্ষাৎকার বোধহয় একটা বাংলা পত্রিকায় বেরিয়েছিল। বছর খানকে আগে।’

‘আজ্জে হ্যাঁ।’

‘কিন্তু এঁকে তো—?’

ইনি ঔপন্যাসিক লালমোহন গঙ্গোপাধ্যায়।

‘কিছু মনে করবেন না—এভাবে উড়ে এসে জুড়ে বসলাম—কিন্তু আজ আপনাদের দেখলাম আমার পাশের বাড়িতে চুক্তে। আমি নয়নপুর ভিলার উত্তরের বাড়িটায় থাকি।



বাড়িটার নাম দ্য রিট্রিট, আর আমার নাম হরিনারায়ণ মুখার্জি।'

'নমস্কার।'

'নমস্কার—ইয়ে, আপনি কি কোনও তদন্তের ব্যাপারে এখানে এসেছেন ?'

'আজ্ঞে না। এসেছি ছুটি কাটাতে।'

'না, মানে, বিস্রপাক্ষ মজুমদারের বাড়িতে একজন গোয়েন্দা চুকছে দেখলে মনে হয়...'

'কেন ? উনি কি কোনও গোলমালে জড়িয়ে আছেন নাকি ?'

'ইয়ে, ওঁর স্বরে পাঁচ রকম গুজব শোনা যায় তো !'

‘ওঁ, তাই বলুন। না, উনি কোনও গোলমালে জড়িয়ে আছেন বলে মনে হল না। আর শুজবে কান দেওয়াটা আমি বাঞ্ছনীয় বলে মনে করি না।’

‘তা তো বটেই। তা তো বটেই।’

আমার মনে হল, ফেলুদা ইচ্ছে করেই মিঃ মজুমদারের লেটেস্ট ব্যাপারটা চেপে গেল। ইনি কোথাকার কে তা কে বলতে পারে? আর ভদ্রলোক সত্যিই তো উড়ে এসে জুড়ে বসেছেন।

কেভেন্টারসের ছাতে আলো অল্পই, কিন্তু তার মধ্যেই দেখছিলাম লালমোহনবাবু পকেট থেকে তাঁর কাগজটা বার করে ডায়লগটা আউড়ে দেখছেন।

‘তা হলে উঠি? আলাপ করে খুব ভাল লাগল।’

হরিনারায়ণ মুখার্জি চলে গেলেন।

‘মনে হল ভদ্রলোক এখানকার অনেক দিনের বাসিন্দা,’ ফেলুদা মন্তব্য করল।

‘সেটা আবার কী করে বুবালেন মশাই?’

‘আমাদের চেয়ে শীতটা বেশি সহ্য করতে পারেন। সুতির শার্টের উপর একটা গরম চাদর জড়িয়ে বেরিয়ে পড়েছেন। পায়ে মোজাও পরেননি। ভদ্রলোককে একটু কালচিভেট করতে পারলে মন্দ হত না।’

‘কেন?’

‘আজ জানান দিয়ে গেলেন যে ওঁর কাছে খবর আছে।’

কেন জানি না, হট চকোলেটটা খেতে খেতে মনে হচ্ছিল যে ঘটনা যেভাবে এগোচ্ছে, যে-সব লোকের সঙ্গে আলাপ করে যে-সব খবর জানতে পারছি, তার থেকে একটা বিস্ফোরণ ঘটা খুব আশ্চর্য নয়। কিন্তু সেটা যে এত তাড়াতাড়ি ঘটবে সেটা ভাবতেই পারিনি।

৫

পরদিন ব্রেকফাস্ট শেষ করতে না করতে পুলক ঘোষালের কাছ থেকে গাড়ি নিয়ে লোক এসে গেল লালমোহনবাবুর জন্য। আগের দিন রাত্রে ফেলুদার কাছ থেকে তালিম নিয়ে লালমোহনবাবু তাঁর সাড়ে তিন লাইন ডায়লগটা তৈরি করে নিয়েছিলেন। যে লোকটি তাঁকে নিতে এল সে বাঙালি, নাম নীতিশ সোম। সে বলল আজ প্রথম দিন, তাই শুটিং আরম্ভ হতে হতে বারোটা হবে। কিন্তু লালমোহনবাবুর মেক-আপ আছে। তাই তাঁকে আগে প্রয়োজন। জামাকাপড়ের কথা পুলকবাবু আগেই বলে দিয়েছিলেন ফোন করে; লালমোহনবাবু নিজের কোট-প্যান্টস পরবেন, তবে কী রঙের সেটা এখনও ঠিক হয়নি, তাই তিনি সঙ্গে যা এনেছেন সবই নিয়ে যেতে হবে। আমিও যেতে চাই শুনে নীতিশবাবু বললেন, ‘আপনি বরং এগারোটা নাগাত আসবেন। ততক্ষণে আমাদের তোড়জোড় প্রায় শেষ হয়ে যাবে। তা ছাড়া আজ তো মহরত, তাই একটা ছেট অনুষ্ঠান আছে। সেটা এগারোটায় এলে দেখতে পাবেন। আপনি দুপুরের লাঞ্ছটাও না হয় আমাদের সঙ্গেই করবেন; হোটেল থেকে প্যাকড লাঞ্ছ আসবে।’

সাড়ে আটটার মধ্যেই একটা সুটকেস নিয়ে ‘দুগ্গণ’ বলে লালমোহনবাবু বেরিয়ে পড়লেন।

আমি আর ফেলুদা নটা নাগাত হোটেল থেকে বেরিয়ে পড়লাম। আজ আমরা একটু জালাপাহাড় রোড দিয়ে হাঁটব। ফেলুদা বলল, ‘দার্জিলিং-এ এসে সকালটা হোটেলে বসে থাকার কোনও মানে হয় না।’

আজকের দিনটাও রোদ-ঝলমল, উভরে কাথওনজঙ্ঘা মাথা তুলে দাঁড়িয়ে আছে। ম্যালের বেঞ্চিতে লোক ভর্তি, কারণ পুজোয় অনেক চেঞ্জার এসেছে। আমরা ঘোড়ার স্ট্যান্ড ছাড়িয়ে জালাপাহাড় রোড দিয়ে হাঁটতে লাগলাম। ফেলুদা সিগারেট খাওয়া অনেক কমিয়ে দিলেও ব্রেকফাস্টের পর একটা না খেয়ে পারে না। একটা চারমিনার ধরিয়ে দৃশ্য দেখতে দেখতেই আমাকে প্রশ্ন করল, ‘হালচাল কীরকম বুঝছিস?’

আমি বললাম, ‘এখন পর্যন্ত বিজ্ঞাপক মজুমদারকেই সবচেয়ে ইন্টারেস্টিং লোক বলে মনে হচ্ছে।’

‘সেটা ঠিক। অবিশ্য তার একটা কারণ হচ্ছে যে, একমাত্র এই ভদ্রলোক সম্বন্ধেই আমরা বেশ কিছু তথ্য জেনেছি, আর সেগুলো খুবই ইন্টারেস্টিং। যে লোক দিনে ঘুমোয় আর রাতে জাগে, যে লোক গরম গরম খবর কাগজ থেকে কেটে খাতায় সেঁটে রাখে, যে বলে যে তার জীবনে একটা রহস্য আছে কিন্তু সেটা সে প্রকাশ করতে চায় না, আর যে একটা মহামূল্য জিনিস সিন্দুকে না রেখে তার ঘরের তাকে রাখে, তাকে কোনও মতেই স্বাভাবিক মানুষের পর্যায়ে ফেলা চলে না।’

‘ওঁর ছেলে তো প্রায় কথাই বললেন না।’

‘হ্যাঁ। আমার কাছে ভদ্রলোককে বেশ রহস্যজনক বলে মনে হল। ভাবটা যেন বেশি কথা বললে কোনও রহস্য প্রকাশ পেয়ে যাবে, তাই সামলে চলছে।’

‘আর রজতবাবু?’

‘তোর কী মনে হল?’

‘মনে হল যে লোকটার চোখ খারাপ কিন্তু চশমা নেয়নি। একটা মোড়ায় ধাক্কা খেলেন দেখলে না?’

‘একসেলেন্ট! একদম ঠিক বলেছিস। চশমাটা হয়তো ভেঙেছে; আর মাইনাস পাওয়ার তাতে সন্দেহ নেই—অর্থাৎ দূরের জিনিস দেখতে পায় না, কাছের জিনিস পায়—তা না হলে ঠিকঠিক খাতাগুলো আনতে পারত না।’

‘আর বস্তের হিরো আর ভিলেন?’

‘তোর কী মনে হয়? আজকে তোর পরীক্ষাই হোক।’

‘কাল একটা অস্তুত জিনিস লক্ষ করলাম।’

‘কী?’

‘লালমোহনবাবু যখন নদু মল্লিকের পাখোয়াজের বোলটা বলছিলেন, তখন রায়না আর ভাৰ্মা দুজনের ঠোঁটের কোণেই হাসি দেখা দিল।’

‘এটাও দুর্দান্ত বলেছিস।’

‘তার মানে কি ওৱা বাংলা জানে?’

‘আসলে বস্তের ফিল্ম-জগতে এত বাঙালি কাজ করে যে, বাংলাটা অল্পবিষ্ণুর অনেকেই বুঝতে পারে, বলতে না পারলেও।’

‘ওদের দুজনকে দেখে মিঃ মজুমদার একটু অন্যমনক হয়ে পড়েছিলেন, সেটা লক্ষ করেছিলে নিশ্চয়ই।’

‘তা তো বটেই।’

‘অবিশ্য মিঃ মজুমদারের মনটা যেন মাঝে মাঝেই অন্য দিকে চলে যায়, তাই না?’

‘হ্যাঁ, লোকটা সব সময় যেন কিছু একটা ভাবছে। সেটা হয়তো বোঝা যাবে ওঁর সম্বন্ধে গুজবটা কী সেটা জানলে।’

আমরা প্রায় দেড় ঘণ্টা ঘোরার পর হোটেলে ফিরলাম। ফেলুদা বলল, ‘তুই আজ মনের ৩৫৫

আনন্দে শুটিং দেখিস ; আমাৰ কথা চিন্তা কৱিস না । আমি ভাবছি একবাৰ অবজাৰভেটোৱি
হিলেৰ মাথায় গুম্ফটা দেখে আসব ।'

আমি ঠিক সময়ে সাড়ে এগারোটায় বেরিয়ে কুড়ি-পঁচিশ মিনিটে নয়নপুৰ ভিলায় পৌঁছে
গেলাম । ফট ফট শব্দ শুনে বুঝলাম যে জেনারেটোৱ চালু হয়ে গেছে । কিন্তু সেটা যে
কোথায় রাখা হয়েছে, তা বুঝতে পাৱলাম না । আমাকে দেখে ওদেৱ দলেৱ একজন এগিয়ে
এসে ভিতৱে ঢেকে নিয়ে গৈল । এ দিকটা বাড়িৰ দক্ষিণ দিক, এ দিকে কাল আসিনি ।
একটা ঘৱেৱ মধ্যে কাজ হচ্ছে, সেখানে জোৱালো সুটিয়োৱ আলো জ্বলছে । জানালা বন্ধ
কৱে বাইৱে থেকে দিনেৱ আলো আসাৰ পথ বন্ধ কৱে দিয়েছে । বুঝলাম দৃশ্যটা বোধহয়
ৰাত্ৰেৰ দৃশ্য, যদিও তোলা হচ্ছে দিনেৱ বেলা ।

কিন্তু আমাদেৱ জটায়ু কোথায় ?

ও মা—ওই তো ভদ্রলোক ! কিন্তু প্ৰথম দেখে একেবাৱেই চিনতে পাৱিনি—দাঢ়ি আৱ
পৰচুলায় চেহাৱা এত বদলে গেছে । দিবিয় ভিলেন-ভিলেন লাগছে ভদ্রলোককে । আমায়
দেখতে পেয়ে চেয়াৱ থেকে উঠে এগিয়ে এসে বেশ ভাৱিকি চালে জিজ্ঞেস কৱলেন, ‘কী
মনে হচ্ছে ? চলবে ?’

আমি ভদ্রলোকেৱ চেহাৱাৰ তাৰিফ কৱে বললাম, ‘আপনাৰ কথাগুলো মনে আছে তো ?’

‘আলবৎ !’ ভীষণ কনফিডেন্সেৰ সঙ্গে বললেন ভদ্রলোক ।

অন্য একটা সোফায় বসে মহাদেৱ ভাৰ্মা তাৰ গোঁফে চাড়া দিচ্ছিলেন । এবাৰ পুলক
ঘোষালেৱ গলা পেলাম ।

‘লালুদা !’

লালমোহনবাবু তাড়াতাড়ি গিয়ে তাৰ চেয়াৱে বসলেন । আমি একটা সুবিধেৰ জায়গা
বেছে নিয়ে সেখান থেকে দাঁড়িয়ে দেখতে লাগলাম ।

পুলক ঘোষাল এবাৰ লালমোহনবাবুৰ সামনে দাঁড়িয়ে হাত-পা নেড়ে ব্যাপারটা বুঝিয়ে
দিলেন ।

‘লালুদা, আপনি প্ৰথমে বুক পকেট থেকে একটা চুৰুট বাৱ কৱে মুখে পুৱবেন ; সেই সঙ্গে
মহাদেৱও একটা সিগাৱেট মুখে পুৱবে । তাৱপৰ আপনি পকেট থেকে দেশলাই বাৱ কৱে
মহাদেৱেৰ সিগাৱেটটা ধৰিয়ে দেবেন, তাৱপৰ নিজেৰ চুৰুটটা ধৰাবেন । তাৱ পৱে চেয়াৱে
হেলান দিয়ে বসবেন । তখন আমি “ইয়েস” বলব । তাতে আপনি চুৰুটেৰ ঘোঁয়া ছেড়ে
আপনাৰ প্ৰথম কথাটা বলবেন । এৱে পৱেই শট্ শেষ । এই শট্ টা কিন্তু প্ৰধানত আপনাৱই
শট । ক্যামেৰা আপনাৱই মুখ দেখছে, আৱ মহাদেৱেৰ দেখছে পিঠি । বুৰোছেন ?’

‘ইয়েস,’ বললেন লালমোহনবাবু । ‘তবে একটা কথা ।’

‘বলুন ।’

‘এ দেশলাইটা জ্বলবে তো ?’

‘হ্যাঁ হ্যাঁ । একেবাৱে টাট্কা । আজই সকালে কেনা ।’

‘ভেৱি গুড় ।’

মিনিটখানেক আৱও আমড়াগাছিৰ পৰ শট্ আৱস্ত হল । ক্যামেৰা আৱ সাউণ্ড চালু হল,
আৱ পুলকবাবু বলে উঠলেন, ‘অ্যাকশন !’

লালমোহনবাবু মুখে চুৰুট পুৱলেন ঠিকই, কিন্তু দেশলাইটা ধৰাতে গিয়ে বাৱদেৱ দিকটা
হাতে ধৰে উলটো দিকটা ঘষতে লাগলেন দেশলাইয়েৰ গায়ে । খচ্ খচ্ খচ্ খচ্—দেশলাই
আৱ জ্বলে না, এ দিকে ক্যামেৰা চলেছে ঘড়ঘড় শব্দ কৱে ।

‘কাট, কাট !’ চেঁচিয়ে উঠলেন পুলক ঘোষাল । ‘লালুদা, আপনাৰ বোধহয়—’



‘সবি ভাই, ভেবি সবি । এবার আর ভুল হবে না ।’

দ্বিতীয়বার অবিশ্য চুক্টি আর সিগারেট ঠিকই জ্বল, কিন্তু চুক্টে টান্টা একটু বেশি মাত্রায় হওয়ায় লালমোহনবাবুর বিষম লেগে শট্টা নষ্ট হয়ে গেল, আর পুলক ঘোষালকে আবার চেঁচিয়ে বলতে হল, ‘কাট, কাট !’

তিনবারের বার আর কোনও ভুল হল না । ‘ও কে !’ বলে চেঁচিয়ে উঠলেন পুলক ঘোষাল, আর সকলে লালমোহনবাবুকে তারিফ করে হাততালি দিয়ে উঠল ।

আশ্চর্য এই যে, আরও পাঁচ ঘণ্টা লালমোহনবাবুকে নিয়ে কাজ হল আর তার মধ্যে ভদ্রলোক একটাও ভুল করলেন না । এর মধ্যে অবিশ্য ভদ্রলোককে দুবার বাথরুমে যেতে হয়েছিল ; সেটা শীতের জন্যও হতে পারে আবার নার্ভাসনেসের জন্যও হতে পারে । মোট কথা, পুলক ঘোষাল স্যাটিসফাইড ।

‘কাল আবার সেম টাইমে লোক যাবে কিন্তু’ বললেন পুলকবাবু ।

‘লোক যাবার কোনও দরকার ছিল না ভাই’ বললেন লালমোহনবাবু । আমি এমনিই চলে আসতে পারতাম ।’

‘না না, তা কি হয়?’ বললেন পুলকবাবু। ‘আমরা সকলের জন্যই লোক পাঠাই। ওটা আমাদের একটা নিয়ম।’

লালমোহনবাবুর মেক-আপ তুলতে লাগল দশ মিনিট, তারপর প্রোডাকশনের একটা জিপে করে আমরা আমাদের হোটেলে ফিরে এলাম।

নিজের ঘরে না গিয়ে আমাদের ডাবল রুমে এসে লালমোহনবাবু বিছানায় চিংপটাং হয়ে শুয়ে পড়লেন। আমি ফেলুদাকে বলে দিলাম লালমোহনবাবুর কাজ খুব ভাল হয়েছে আর সকলে খুব তারিফ করেছে।

‘বাঃ, তা হলে আর কী,’ বলল ফেলুদা, ‘তা হলে তো বাজিমাং। একটা নতুন দিক খুলে গেল। এবার আর শুধু রহস্য-রোমাঞ্চ ওপন্যাসিক নয়, চলচ্চিত্রাভিনেতাও বটে।’

লালমোহনবাবু এতক্ষণ চোখ বুজে পড়ে ছিলেন, হঠাতে চোখ খুলে উঠে বসে ফেলুদার দিকে চেয়ে বললেন, ‘দেখছেন, আরেকটু হলে ভুলেই যাচ্ছিলাম। আপনাকে যে একটা অত্যন্ত জরুরি কথা বলার আছে।’

‘কী ব্যাপার?’

‘শুনুন মন দিয়ে। আজ দেড়টায় লাঞ্চ ব্রেক হয়েছে। আমি সেই ফাঁকে টুক করে একবার স্থল ওয়ার্ক সারতে গিয়েছিলাম বাথরুমে। বাড়ির দক্ষিণে আমাদের কাজ হচ্ছে; সে দিকে বাথরুম আছে, কিন্তু তার ভেতর এরা শুটিং-এর যাবতীয় মালপত্র রেখেছে; তাই আমাকে যেতে হল উন্নত দিকে—অর্থাৎ যে দিকে মিঃ মজুমদার থাকেন। প্রোডাকশনের একজন ছোকরাই আমাকে বাথরুমটা দেখিয়ে দিল। আমি গেলুম। এটা একটা আলাদা বাথরুম, বেডরুমের সঙ্গে অ্যাটাচড নয়। আমি কাজ সেরে হাত ধূয়ে চোখে-মুখে জলের ঝাপটা দিয়ে, বাইরে এসেই কাছের কোনও একটা ঘর থেকে শুনি মিঃ মজুমদারের গলা। ভদ্রলোক কাকে যেন কড়া গলায় শাসনের সুরে বলছেন, “ইউ আর এ লায়ার; তোমার একটা কথাও আমি বিশ্বাস করি না।” যদিও গলার স্বর চাপা, কিন্তু তাতে যে ঘোর বিরক্তি প্রকাশ পাচ্ছিল, তাতে কোনও সন্দেহ নেই।’

‘বাংলায় বললেন কথাটা?’

‘ঠিক আমি যেমন বললাম। প্রথম অংশ ইংরিজি, বাকিটা বাংলা।’

‘তার মানে ভদ্রলোক তখনও ঘুমোননি?’

‘না; কারণ কাল যখন লাঞ্চ ব্রেক হয়, তখনও ভদ্রলোককে দক্ষিণের বারান্দায় দেখেছি। উনি শুটিং দেখতে এসেছিলেন। সকালে আমার সঙ্গে কথা হয়েছে। উনি দেড়টায় বড়িটা খান, তার পর ঘুমোন। আমি যখনকার কথা বলছি তখন দেড়টা বেজে মিনিট সাতেক হয়ে গেছে।’

‘ভদ্রলোকের কথার উভরে অন্য লোকটি কিছু বললেন না?’

‘বলে থাকলেও সেটা এত চাপা গলায় যে, আমি শুনতে পাইনি। আমার আবার তখন তাড়া—লাঞ্চ রেডি—তাই আর অপেক্ষ না করে চলে এলাম। কিন্তু মিঃ মজুমদারই যে কথাটা বলেছেন, সে বিষয়ে কোনও সন্দেহ নেই।’

‘তার মানে হয় বজত বোস, না হয় নিজের ছেলে সমীরণ মজুমদারকে বলেছেন কথাটা।’

লালমোহনবাবু হঠাতে প্রসঙ্গ বদলে বললেন, ‘তবে একটা কথা কিন্তু বলতেই হবে মশাই। এই সব বোম্বাই-অভিনেতাদের বিষয়ে যত কিছু শোনা যায়, আসলে তত কিছু নয়।’

‘এটা কেন বলছেন?’

‘লাঙ্ঘের পর রায়নার সঙ্গে একটা শট ছিল, সেটা ছোকরার ভুলের জন্য পাঁচবার করে নিতে হল। সামান্য ডায়ালগ, তবু বার বার ভুল করছে।’

‘ও রকম হয়েই থাকে,’ বলল ফেলুদা, ‘সেরা অভিনেতারও হঠাত হঠাত নার্ভ ফেল করতে পারে।’

সব শেষে জটায়ু বললেন, ‘যেটুকু নার্ভসিনেস ছিল, আজ সম্পূর্ণ কেটে গেছে। আর কোনও ভাবনা নেই।’

৬

বজ্রপাতটা হল পরের দিন, তবে আসল ঘটনাটা সরাসরি না বলে আগে দিনটা কীভাবে গেল বলি।

দিনটা মেঘলা, তাই কাঞ্চনজঙ্গলা রয়েছে আড়ালে। আমি ফেলুদার সঙ্গে সকালে বেরিয়ে একটু কেনাকাটা সেরে, বার্চ হিল রোড দিয়ে খানিকদূর বেড়িয়ে এগারোটা নাগাত রওনা দিলাম নয়নপুর ভিলায়। গতকাল রাত্রেও ফেলুদা লালমোহনবাবুকে তালিম দিয়েছে। এবারে সাড়ে তিনের জায়গায় সবসুন্ধ পাঁচ লাইন ডায়ালগ। আজ আর চুরুট-সিগারেট ধরানোর ব্যাপার নেই, তাই সেদিক থেকে বাঁচোয়া।

লালমোহনবাবুর সাতটা শট ছিল। সাড়ে নটায় কাজ আরম্ভ হয়েছে। আড়ইট্টেয় লাঙ্ঘ ব্রেক হয়েছে। লাঙ্ঘের আগে চারটে, পরে তিনিটে শট হয়ে সাড়ে চারটের সময় লালমোহনবাবু ফ্রি হয়ে গেলেন। পুলক ঘোষাল বলল, ‘জিপের ব্যবস্থা আছে লালুদা, আপনি এনি টাইম যেতে চাইলে যেতে পারেন।’

লালমোহনবাবু বললেন, ‘আজ যখন তাড়াতাড়ি শেষ হল, তখন ভাবছি হেঁটেই বাড়ি ফিরব ; গাড়ির দরকার নেই।’

‘জাস্ট অ্যাজ ইউ লাইক,’ বলল পুলক ঘোষাল।

পুলক ঘোষাল চলে গেলে পর লালমোহনবাবু বললেন, ‘এদের চা-টা বেশ ভাল ; এক্ষুনি চা দেবে, সেটা খেয়ে বেরিয়ে পড়ব।’

দেড় মাইলের উপর রাস্তা, তাই চা খেয়ে পাঁচটা নাগাত বেরিয়ে হোটেল পৌঁছতে পৌঁছতে সাড়ে পাঁচটা হয়ে গেল।

ঘরে চুকেই দেখি ফেলুদা গায়ে জ্যাকেট চাপাচ্ছে।

‘বেরোচ্ছ নাকি ?’ আমি জিজ্ঞেস করলাম।

ফেলুদা আমাদের দিকে অবাক হয়ে তাকিয়ে বলল, ‘তোরা ছিলি না ওখানে ? তোরা শুনিসনি ?’

‘আমরা তো আধ ঘণ্টা হল বেরিয়েছি তখন পর্যন্ত তো কিছু শুনিনি। কী ব্যাপার ?’

‘মিঃ মজুমদার খুন হয়েছেন।’

‘অঁ্য় !’

আমরা দুজনেই সমস্বরে চেঁচিয়ে উঠলাম।

‘ভদ্রলোক সাড়ে বারোটা নাগাত আমায় ফোন করেছিলেন। বললেন আমার সঙ্গে জরুরি কথা আছে, সেটা সন্ধ্যায় আমার এখানে এসে বলবেন। আর তার পর এই ব্যাপার।’

‘তুমি খবর পেলে কী করে ?’

‘ওঁর ছেলে ফোন করেছিলেন এই পাঁচ মিনিট আগে। পুলিশে খবর দিয়েছেন, কিন্তু আমাকেও যেতে বললেন। পাঁচটার পরেও ভদ্রলোকের ঘুম তাঙ্গে না দেখে সমীরণবাবু ওঁর ঘরে ঢেকেন ; বাবাকে কী যেন একটা বলার ছিল। দরজাটা কেবল ভেজানো ছিল ; মিঃ মজুমদার ছিটকিনি লাগাতেন না কখনও। চুকে দেখেন বজ্জ্বাত কাণ। বুকে ছোরা মেরেছে ঘুমস্ত অবস্থায়। ওঁর বাড়ির ডাক্তার এসে বলে গেছেন ছুরির আঘাতেই মৃত্যু

হয়েছে। শুটিং অবশ্যই বন্ধ হয়ে গেছে, এবং স্বত্ত্বাবতই কিছু দিন বন্ধ রাখতে হবে। কারণ পুলিশ তদন্ত করবে। যাই হোক—আমি তো চললাম। তোরা কি থাকবি, না আমার সঙ্গে যাবি?’

‘থাকব কী!’ বললেন লালমোহনবাবু। ‘এর পরে কি আর থাকা যায়? চলুন বেরিয়ে পড়ি।’

আমরা তিনজন যখন নয়নপুর ভিলা পৌঁছলাম, তখন সোয়া ছটা। চারিদিক অন্ধকার হয়ে গেছে, আকাশে মেঘ, টিপ টিপ করে বৃষ্টি পড়ছে। শুটিং-এর দলের সকলেই রয়েছে। পুলক ঘোষাল কাছেই ছিলেন, আমাদের দেখে এগিয়ে এসে বললেন, ‘কী বিশ্বী ব্যাপার বলুন তো! ভারী মাই ডিয়ার লোক ছিলেন মিঃ মজুমদার। এক কথায় কাজ করার অনুমতি দিয়ে দিয়েছিলেন।’

বাড়ির বাইরে পুলিশের জিপ দাঁড়িয়ে আছে সেটা আগেই লক্ষ করেছি।

আমরা বাড়ির দিকে এগিয়ে গেলাম। সামনের বারান্দায় একজন ইনস্পেক্টর দাঁড়িয়ে আছেন। বছর চালিশেক বয়স, ফেলুদার দিকে হাত বাড়িয়ে বললেন, ‘আপনার নাম অনেক শুনেছি। আমি ইনস্পেক্টর যতীশ সাহা।’

কর্মদণ্ড শেষ হবার পর ফেলুদা বলল, ‘কী ব্যাপার? কী বুবলেন?’

‘ঘূরের মধ্যেই খুনটা হয়েছে, যত দূর মনে হয়।’

‘কী দিয়ে মেরেছে?’

‘একটা ভুজালি। সেটা বুকেই ঢোকানো রয়েছে। ওটা নাকি মিঃ মজুমদারের ঘরেই থাকত।’

‘আপনাদের ডাক্তার এসেছেন কি?’

‘এই এলেন বলে। আসুন না ভিতরে।’

মিঃ মজুমদারের শোবার ঘরটা বেশ বড়। আমি আর লালমোহনবাবু দরজার মুখেই দাঁড়িয়ে রাখলাম, ফেলুদা ভিতরে গেল। মৃতদেহ সাদা চাদর দিয়ে ঢেকে ফেলা হয়েছে।

‘একটা কথা আপনাকে বলে দিই,’ ফেলুদাকে এক পাশে ডেকে নিয়ে বললেন যতীশ সাহা, ‘আমরা তো যথারীতি আমাদের ইনভেস্টিগেশন চালিয়ে যাব, তবে আপনি যখন এখানে রয়েছেন, তখন আপনিও আপনার নিজের তরফ থেকে যা করতে চান, করতে পারেন। কেবল আমাদের যা কিছু ফাইভিংস পরম্পরাকে জানানো বোধহ্য কাজের দিক দিয়ে সুবিধা হবে।’

‘সে বিষয়ে আপনি নিশ্চিত থাকুন,’ বলল ফেলুদা। ‘আর আপনাদের সাহায্য ছাড়া আমি এগোতেই পারব না।’

সমীরণবাবু এসেছেন ঘরে, তাঁর মুখ ফ্যাকাসে, চুল উসকোখুসকো।

ফেলুদা তাঁর দিকে ফিরে বললেন, ‘ব্যাপারটা তো আপনিই ডিস্কাভার করেন?’

‘আজ্ঞে হ্যাঁ’, বললেন সমীরণবাবু। ‘বাবা ঘড়িতে অ্যালার্ম দিয়ে ঠিক পাঁচটায় উঠে গিয়ে বারান্দায় বসতেন। তার পর লোকনাথ চা এনে দিত। আজ সোয়া পাঁচটায় বাবাকে জায়গায় না দেখে ভাবলাম ব্যাপার কী। খট্কা লাগল, তার পর বাবার শোবার ঘরে গেলাম। ঘরে চুকেই দেখি এই কাণ।’

‘এই খুন সম্বন্ধে আপনার কিছু বলার আছে? আপনার নিজের কোনও ধারণা হয়েছে এ সম্বন্ধে?’

ফেলুদা প্রশ্ন করতে করতে ঘরটা পায়চারি করে দেখছে, কোনও কিছুই তার তীক্ষ্ণ দৃষ্টি এড়াচ্ছে না।

‘কেবল একটা কথা বলার আছে’ বললেন সমীরণবাবু।

‘কী?’

‘ঘরে একটা জিনিস মিসিং।’

‘কী জিনিস?’

আমরা সকলেই কোতৃহলী দৃষ্টি দিলাম ভদ্রলোকের দিকে।

‘অষ্টধাতুর একটা বালগোপাল,’ বললেন সমীরণবাবু। ‘এটা ছিল আমাদের নয়নপুরের বাড়ির মন্দিরে। অনেক দিনের সম্পত্তি, এবং অত্যন্ত মূল্যবান জিনিস।’

‘কোথায় থাকত এটা?’

‘ওই তাকের উপর। ভুজালিটার পাশেই।’

সমীরণবাবু ঘরের একটা সেলফের দিকে ইঙ্গিত করলেন।

যতীশ সাহা বললেন, ‘এমন একটা জিনিস সিন্দুকে না রেখে বাইরে রাখা হত কেন?’

‘তার কারণ বাবা তো রাত্রে ঘুমোতেন না, আর সঙ্গে রিভলবার থাকত, তাই কোনও বিপদ আছে বলে মনে করেননি।’

‘তা হলে তো রবারিই মোটিভই বলে মনে হচ্ছে, বললেন সাহা। ‘জিনিসটার দাম কত হবে?’

‘তা ষাট-পঁয়ষষ্ঠি হাজার তো হবেই। সোনার অংশ বেশ বেশি ছিল।’

ফেলুদা খাটের পাশের টেবিল থেকে একটা পেনসিল তুলে নিয়ে বলল, ‘শিস্টা ভাঙা, এবং ভাঙা টুকরোটা পাশেই পড়ে আছে।’

আমি দেখলাম পেনসিলের পাশে একটা ছোট্ট প্যাডও রয়েছে।

ফেলুদা নিচু হয়ে প্যাডের উপরের কাগজটা দেখছিল। তারপর বিড়বিড় করে বলল, ‘ওপরের কাগজটা ছিড়েছে বলে মনে হচ্ছে...’

এবারে ও আরও নিচু হয়ে টেবিলের চার পাশের মেঝেটা দেখতে লাগল। তারপর মেঝে থেকে একটা কাগজ তুলে নিয়ে বলল, ‘পেয়েছি।’

আমি দূর থেকেই বুঝলাম প্যাডের কাগজের উপর কী যেন একটা লেখা রয়েছে।

কাগজটা নিজে ভাল করে দেখে ফেলুদা সেটা সাহার দিকে এগিয়ে দিল। সাহা কাগজটা হাতে নিয়ে লেখাটা পড়ে চোখ কপালে তুলে বললেন, ‘বিষ?’

‘তাই তো লিখছেন ভদ্রলোক,’ বলল ফেলুদা। ‘আর যে ভাবে “বি”-এর পেট কাটা হয়েছে, মনে হয় তার পরেই মৃত্যুটা হয়, এবং শিস ভেঙে পেনসিলটা হাত থেকে পড়ে যায়, আর কাগজটাও প্যাড থেকে আলগা হয়ে মাটিতে পড়ে।’

‘কিন্তু বিষ কথাটা লিখবার অর্থ কী?’ বললেন সাহা, ‘যেখানে স্পষ্ট দেখা যাচ্ছে ছুরি দিয়ে মারা হয়েছে?’

‘সেটাই তো ভাবছি’ ভুকুটি করে বলল ফেলুদা। তারপর সমীরণবাবুর দিকে ফিরে বলল, ‘মিঃ মজুমদারের ঘুমের ওষুধ কোথায় থাকত, জানেন?’

‘ডাইনিং রুমে একটা বোতলের মধ্যে,’ বললেন সমীরণবাবু। ‘দোকান থেকে এলেই লোকনাথ টিন-ফয়েল ছিড়ে বড়গুলো বার করে বোতলে রেখে দিত।’

‘সেই বোতলটা একবার আনতে পারেন?’

সমীরণবাবুর ফিরে আসতে যেন একটু বেশি সময় লাগল। আর যখন এলেন তখন ভদ্রলোকের মুখ আরও ফ্যাকাসে হয়ে গেছে।

‘বোতল নেই, ধরা গলায় বললেন ভদ্রলোক।

ফেলুদার ভাব দেখে মনে হল সে যেন এটাই আশা করছিল। বলল, ‘গত পরশু সন্ধ্যায়



আমাদের সামনেই ভদ্রলোক একমাসের স্টক কিনলেন ওই ওষুধের।' তারপর সাহার দিকে ফিরে বলল, 'এই বড়ির খান ত্রিশেক একসঙ্গে একজন মানুষকে খাওয়ালে তার মৃত্যু হতে পারে না ?'

'এটা কী বড়ি ?'

ট্রফানিল। অ্যাটি-ডিপ্রেসান্ট পিল্স।'

'তা নিশ্চয়ই হতে পারে', বললেন সাহা।

'এবং তখন সে বড়িকে বিষ বলা যেতে পারে না ?'

'নিশ্চয়ই।'

'তা হলে বিষ কথাটার একটা মানে পাওয়া যাচ্ছে, যদিও...।' ফেলুদার যেন খট্কা লাগছে। একটু ডেবে বলল, 'যে লোককে খুন করা হচ্ছে সে যদি মরার পূর্বমুহূর্তে কিছু লিখে যায় তা হলে কী ভাবে তাকে মারা হচ্ছে সেটা না লিখে সে যাকে আততায়ী বলে সন্দেহ করছে তার নামটাই লিখে যাবে না কি ?'

'কথাটা আপনি ঠিকই বলেছেন', বললেন সাহা, 'কিন্তু এক্ষেত্রে ভদ্রলোক সেটা করেননি সেটা স্পষ্টই দেখা যাচ্ছে।...ভাল কথা, একবার বেয়ারা লোকনাথকে ডাকলে হত না ?'

ফেলুদা প্রস্তাবটা সমর্থন করে সমীরণবাবুর দিকে চাইল। সমীরণবাবু ইঙ্গিতটা বুঝে নিয়ে লোকনাথের খোঁজে বেরিয়ে গেলেন।

ফেলুদার চোখ থেকে যে ভুকুটি যাচ্ছে না সেটা আমি লক্ষ করছিলাম। লালমোহনবাবু বললেন, 'লোকনাথ দেড়টা নাগাত একবার দক্ষিণের বারান্দায় এসেছিল মিঃ মজুমদারকে ডাকতে। কিন্তু মিঃ মজুমদার তৎক্ষণাৎ যাননি।'

‘তার মানে আজকে তাঁর নিয়মের কিছু ব্যতিক্রম হয়েছিল’, বলল ফেলুদা।

‘হ্য়’, বললেন লালমোহনবাবু। ‘মনে হচ্ছিল ভদ্রলোক শুটিং-এর ব্যাপারটাতে বেশ ইন্টারেস্ট পাচ্ছিলেন। রায়না আর ভার্মাকে সুযোগ পেলেই নানা রকম প্রশ্ন করছিলেন।’

সমীরণবাবু ঘরে ফিরলেন। তাঁর মুখ দেখেই বুঝলাম, খবর ভাল না। কিন্তু যা শুনলাম, ততটা তাজব খবর আমি আশা করিনি।

‘লোকনাথকে পাওয়া যাচ্ছে না’, বললেন সমীরণবাবু।

‘পাওয়া যাচ্ছে না?’ অবাক হয়ে জিজ্ঞেস করল ফেলুদা।

‘না, বললেন সমীরণবাবু। ‘সে দেড়টার কিছু পর থেকেই মিসিং। চাকরো দুটো নাগাত খেত—লোকনাথ খায়ওনি। কোথায় গেছে, কখন গেছে, কেউ বলতে পারছে না।’

‘রজতবাবু তাকে কোথাও পাঠাননি তো?’

‘না। উনি কিছু জানেনই না। বললেন, দুপুরের খাবার পর আধ ঘণ্টা বিশ্রাম করেই উনি ঝাউবনে বেড়াতে যান। এটা ওঁর একটা বাতিক আছে। উনি দুপুরে ঘুমোন না।’

কথাটা যে সত্যি সেটা জানি। কারণ শুটিং-এ লাঞ্ছ ব্রেকের সময় আমি একবার ঝাউবনে গিয়েছিলাম ছেট কাজ সারতে। তখন রজতবাবু ঝাউবন থেকে ফিরছিলেন।

‘এই লোকনাথ বেয়ারা কতদিনের?’ জিজ্ঞেস করলেন সাহা।

‘বছর চারেক’, বললেন সমীরণবাবু। ‘আগের বেয়ারা রঙলাল খুব পুরনো লোক ছিল। সে হঠাতে হেপাটাইটিসে মারা যায়। লোকনাথ খুব ভাল রেফারেন্স নিয়ে এসেছিল। একটু লিখতে-পড়তেও পারত। বাবার হিঁবির ব্যাপারে রজতবাবুকে ও সাহায্য করত।’

‘তা হলে তো মনে হচ্ছে ওকে খুঁজে বের করলেই আমাদের সমস্যার সমাধান হবে’, বললেন সাহা। ‘আপনাদের টেলিফোনটা একটু ব্যবহার করতে পারি?’

‘নিশ্চয়ই’, বলে সমীরণবাবু সাহাকে নিয়ে ঘর থেকে বেরিয়ে গেলেন।

‘কিন্তু মড়ার উপর খাঁড়ার ঘা-টা কেন দেওয়া হল, সেটা তো বুঝতে পারছি না ফেলুবাবু?’ বললেন লালমোহনবাবু। ‘চুরিই যদি উদ্দেশ্য হয়ে থাকে, তা হলে তো সে কাজটা ত্রিশটা বড়ি খাইয়ে বেহঁশ করেই হয়ে যায়। আবার ছোরা কেন?’

ফেলুদা বলল, ‘মনে হয় শুধু বড়িতে আততায়ী নিশ্চিন্ত হতে পারেনি। হয়তো যে সময় মৃত্তিটা চুরি করতে এসেছিল, সেই সময় মজুমদার একটু নড়াচড়া করেছিলেন। বড়ির অ্যাকশন হতে তো সময় লাগে! এই নড়াচড়া দেখেই ঘাবড়ে গিয়ে ছোরাটা মারা হয়েছে। এবং তারপর মৃত্তিটা সরানো হয়েছে।’

‘কিন্তু তা হলে “বিষ”টা কখন লেখা হল?’

‘সেটা অবিশ্য ছোরা মারার আগেই হয়েছে—যখন মজুমদার প্রথম বুঝেছেন যে, তাঁকে কিছু একটা খাইয়ে বেহঁশ করার চেষ্টা হয়েছে। লেখাটা লিখেই উনি অস্ত সাময়িকভাবে সংজ্ঞা হারান। এ ছাড়া আর কোনও সমাধান আপাতত খুঁজে পাওয়া যাচ্ছে না।’

ফেলুদা যে খুশি নয় সেটা আমি বুঝতে পারছিলাম।

সাহা ইতিমধ্যে ঘরে ফিরে এসেছিলেন; বললেন, ‘আমার কাছে ইট সার্টেন্সি মেক্স সেন্স। ...যাক যে, আমি লোক লাগিয়ে দিয়েছি। ইতিমধ্যে অবিশ্য আমার অন্য কাজ চালিয়ে যেতে হবে। আমি এ বাড়ির এবং ফিল্মের দলের সকলকে জেরা করতে চাই।’

‘একটা কথা’, বললেন লালমোহনবাবু। ‘ফিল্মের দলের মধ্যে সকলের কিন্তু বাড়ির উত্তর দিকের বাথরুম ব্যবহার করার অধিকার ছিল না। সে অধিকার ছিল পরিচালক পুলক ঘোষালের, ক্যামেরাম্যান সুদের ঘোষ, রায়না, ভার্মা, আর আমার।’

‘তা হলে শুধু তাদেরই জেরা করা হবে’, বললেন সাহা।

‘মানে, আমাকেও ?’ ধরা গলায় প্রশ্ন করলেন লালমোহনবাবু।

‘তা তো বটেই, বলল ফেলুদা। ‘সুযোগ যাদের ছিল, তাদের মধ্যে আপনি তো একজন বটেই।’

সাহা বললেন, ‘এ ছাড়া আছে বাড়ির লোক। অর্থাৎ—’ ভদ্রলোক সমীরণবাবুর দিকে জিজ্ঞাসু দৃষ্টি দিলেন।

সমীরণবাবু বললেন, ‘অর্থাৎ আমি, রজতবাবু, চাকর বাহাদুর, আর রান্নার লোক জগদীশ।’

‘ভেরি গুড়।’

৭

পরদিন সকালে সাড়ে নটায় পুলক ঘোষাল আমাদের হোটেলে এলেন। ‘আপনাদের জেরা শেষ ?’ ফেলুদা জিজ্ঞেস করল ভদ্রলোককে।

‘তা শেষ’, বললেন পুলক ঘোষাল। ‘কাল রাত সাড়ে নটায় ছাড়া পেয়েছি। কিন্তু কী ঘোঁঞ্চটে পড়া গেল দেখুন তো ! যদিন না তদন্ত শেষ হচ্ছে, তদিন তো ও-বাড়িতে শুটিং বন্ধ। অবিশ্য সমীরণবাবু বলেছেন যে সব মিটে গেলে ওঁদের বাড়িতে আবার কাজ করতে দেবেন, কিন্তু সেটা কবে তা কে বলতে পারে ? কত টাকা লস্থ হল আমাদের ভাবতে পারেন ?’

লালমোহনবাবু চুকচুক করে সহানুভূতি জানালেন।

‘তবে এটা ঠিক’, বললেন পুলকবাবু, ‘একটা প্রোডাকশনে বাধা পড়লে সচরাচর সে ছবি হিট হয়। আর, একটা কথা আপনি জানবেন লালুদা—আপনার গঁপ্পের মার নেই।’

পুলকবাবু চলে যাবার আধ ঘটার মধ্যেই ইনস্পেক্টর যতীশ সাহা এলেন। বললেন, ‘নো পাত্তা অফ লোকনাথ বেয়ারা। আমরা শিলিঙ্গড়িতে পর্যন্ত লোক লাগিয়ে দিয়েছি। তবে আমার মনে হয় ইট্স এ ম্যাটার অফ টাইম। এখন হয়তো কোনও ভুটিয়া বস্তিতে গাঢ়াকা দিয়ে রয়েছে; সুন্দর অর লেটার ধরা পড়তে বাধ্য। আমার দৃঢ় বিশ্বাস লোকটা কলকাতায় যাবার তাল করেছে; সেইখানে ও মৃত্যি পাচার করবে। আশ্চর্য—সিধে মানুষও লোভে পড়লে কী রকম বেঁকে যায় !’

‘আপনার জেরা তো হয়ে গেছে শুনলাম,’ বলল ফেলুদা।

‘তা হয়েছে’, বললেন সাহা। ‘এতে একটা জিনিস প্রমাণ হল যে, ফিল্ম শুটিং-এর ব্যাপারে মানুষের কৌতুহলের সীমা নেই। বাড়ির প্রত্যেকটি লোক বেশ কিছুটা করে সময় কাটিয়েছে শুটিং দেখে। মিঃ মজুমদার তাঁর ঝটিন ব্রেক করলেন—তাবতে পারেন ? অথচ ওঁর জীবনটা চলত ঘড়ির কাটার মতো !’

ফেলুদা বলল, ‘সুযোগের ব্যাপারটা কী মনে হল ? মোটিভটা এখন থাক।’

‘এখানে অবিশ্য দুটো ব্যাপার দেখতে হবে’, বললেন সাহা। ‘এক, দুধে বড়ি মেশানো, আর দুই, ছেরা মেরে মূর্তি চুরি। দেড়টা নাগাত লোকনাথ দুধ রেডি করে মজুমদারকে খবর দিতে গেস্ল। সে নিজেই ত্রিশটা বড়ি মেশাতে পারে। অথবা সে যখন ছিল না, তখন অন্য লোক কাজটা করতে পারে। রজতবাবু বললেন তখন উনি নিজের ঘরে শুয়ে বই পড়ছিলেন। সমীরণবাবুও বললেন তিনি নিজের ঘরে ছিলেন। এ সবের অবিশ্য কোনও প্রমাণ নেই। চাকর বাহাদুর আর রান্নার লোক জগদীশ শুটিং দেখছিল। দিস ইজ এ ফ্যাক্ট।’

‘আপনাদের ডাক্তার খুনের টাইম সম্বন্ধে কী বলেন ?’

‘বলছেন আড়াইটা থেকে সাড়ে চারটার মধ্যে স্ট্যাবিংটা হয়েছে। ছুরিকাঘাতেই যে মতৃ হয়েছে তাতে কোনও সন্দেহ নেই, তা না হলে এত ব্লিং হত না।’

‘লোকনাথ সম্বন্ধে কেউ কিছু বলতে পারল ?’

‘কেউ না। আসলে সকলের মনই শুটিং-এর দিকে পড়ে ছিল।’

লালমোহনবাবু কিছুক্ষণ থেকেই উসখুস করছিলেন; এবার বললেন, ‘আমার জেরাটা এখন সেরে নিলেই ভাল হত না ?’

‘নিয়মমতো কালকেই সেরে নেওয়া উচিত ছিল।’ বললেন ইনস্পেক্টর সাহা, ‘কিন্তু আপনি মিঃ মিনিটের বক্তু বলে আর ইনসিস্ট করিনি। যাই হোক, এবার আপনি বলুন গতকালের ঘটনাগুলো।’

‘আমি পৌঁছেছি নটায়, বললেন লালমোহনবাবু। ‘তারপর মেক-আপ করতে লেগেছে এক ঘণ্টা। যে ঘরে শুটিং, তার পাশেই দক্ষিণের বারান্দা; আমরা অভিনেতার আমাদের ডাকের অপেক্ষায় সেখানেই বসেছিলাম। সেখানে একটা ব্যাপার হয়। মিঃ মজুমদার সাড়ে দশটা নাগাত একবার এসে রায়না আর ভার্মাকে ডেকে ভিতরে নিয়ে যান মিনিট পাঁচকের জন্য। পরে রায়না আমাকে বলে যে, মজুমদার তাঁদের একটা মূল্যবান পৈতৃক সম্পত্তি দেখাতে নিয়ে গিয়েছিলেন। এখন বুঝতে পারছি সেটা ছিল ওই বালগোপালটা।’

‘তারপর ?’ প্রশ্ন করলেন সাহা।

‘তারপর এগারোটার সময় আমার আর ভার্মার ডাক পড়ে। আমরা দুজনে শুটিং-এর ঘরে গিয়ে হাজির হই। দশ মিনিটের মধ্যে শট আরম্ভ হয়। লাক্ষের আগে চারটে শট হয়। তার মধ্যে দ্বিতীয় শটের পর সাড়ে বারোটা নাগাত আমি একবার বাথরুমে যাই।’

‘তখন আর কাউকে দেখেছিলেন কি ?’

‘না। বাথরুম থেকে ফেরার কয়েক মিনিটের মধ্যেই আমাকে রিহার্সালের জন্য ডাকা হয়। আধ ঘণ্টার মধ্যেই তিনি নম্বর শট আরম্ভ করেন। তারপর আমার বেশ কিছুক্ষণ বিশ্রাম ছিল। সেই সময়টা আমি দক্ষিণের বারান্দায় বসেছিলাম।’

‘একা ?’

‘আমার সঙ্গে রায়না আর ভার্মা ছিল, আর মিঃ মজুমদার এসেছিলেন কিছুক্ষণের জন্য। ওঁকে লোকনাথ খবর দিতে আসে ওঁর দুধ বেড়ি আছে বলে। তার পাঁচ-সাত মিনিট পরে মজুমদার চলে যান। পৌনে দুটোর সময় আমার ডাক পড়ে চার নম্বর শটের জন্য। এটা ছিল শুধু আমার একার শট। এর পরেই আড়াইটায় লাঞ্ছ ব্রেক হয়। তখন আমি একবার বাথরুম যাই হাত ধূতে। আমার সঙ্গে রায়না আর ভার্মাও গিয়েছিল।’

‘কে প্রথমে হাত ধোয় ?’

‘আমি। তারপর আমি চলে আসি। খেতে সবসুন্দর মিনিট কুড়ি লাগে। তারপর আমি বারান্দাতেই বসেছিলাম। তপেশ ছিল আমার সঙ্গে।’

আমি মাথা নেড়ে সায় দিলাম।

লালমোহনবাবু বলে চললেন, ‘এই সময়টা রায়না আর ভার্মা কোথায় ছিল লক্ষ করিনি। তিনটের সময় আবার কাজ শুরু হয়। আমার পাঁচ নম্বর শট শেষ হয় সাড়ে তিনটেয়। তার পর আলো চেঞ্জ করার জন্য প্রায় পাঁয়ত্রিশ মিনিটের একটা বিরতি ছিল।’

‘তখন আপনি কী করছিলেন ?’

‘আমি, রায়না আর ভার্মা দক্ষিণের বারান্দায় বসে গল্প করছিলাম। তপেশও ছিল কাছাকাছি বসে।’

আমি আবার সায় দিলাম।

‘ভার্মা ভারতবর্ষের অনেক জায়গায় ঘুরেছে। ওঁর অভিজ্ঞতা বলছিলেন আমাদের।’

‘এই পুরো সময়টাই কি আপনারা তিনজনে একসঙ্গে ছিলেন?’

লালমোহনবাবু একটু ভুঁকে কুঁচকে ভাবলেন। তারপর বললেন, ‘ভার্মা বোধহয় একবার উঠে গিয়েছিল মিনিট পাঁচকের জন্য। তখন রায়না বোঝাই ফিল্ম জগতের গস্পি শোনাচ্ছিলেন। তারপর—’

‘আর দরকার নেই, এতেই হবে’, বললেন ইনস্পেক্টর। ‘তবে লোকনাথকে যে বিকেলের দিকে আর দেখেননি, সেটা আপনার মনে আছে?’

‘লোকনাথ...লোকনাথ...উহু, লোকনাথকে আর দেখিনি।’

‘থ্যাক ইউ স্যার’, বলে সাহা উঠে পড়লেন। তার পর আমার দিকে ফিরে বললেন, ‘তুমিও তো ছিলে ওখানে?’

আমি মাথা নেড়ে হাঁ বললাম।

‘তোমার কিছু বলার আছে?’

‘লালমোহনবাবু যা বলেছেন, সবই ঠিক বলেছেন। আমি শুধু একবার আড়াইটের সময় পিছনে ঝাউবনে যাই বাথরুম সারতে। তখন রজতবাবুকে দেখি, উনি বাড়ির দিকে ফিরছেন। দেখে মনে হল যেন একটু হাঁপাচ্ছেন।

সাহা বললেন, ‘ভদ্রলোক জেরাতেও বলেছিলেন যে, মাঝে মাঝে দুপুরে খেয়ে একটু বিশ্রাম করে উনি ঝাউবনে বেড়িয়ে আসেন। গতকালও গেছেন বলে বলছিলেন। ভাল কথা, দুপুরে যে লাঞ্ছটা হত, তাতে কি শুধু ফিল্মে যারা কাজ করছে তারাই অংশগ্রহণ করত?’

‘আজ্জে হাঁ,’ বললেন লালমোহনবাবু। ‘সমীরণবাবু আর রজতবাবুকেও অফার করেছিল পুলক, কিন্তু ওঁরা রাজি হননি।’

‘ভাল কথা’, বললেন সাহা। ‘ভুজালির হাতলে কোনও আঙুলের ছাপ পাওয়া যায়নি।’

ফেলুদা বলল, ‘সেটা বোধহয় আশাও করা যায়নি। কিন্তু আমার একটা প্রশ্ন ছিল আপনাকে।’

‘কী প্রশ্ন?’

‘খুনের টাইমটা সাড়ে চারটে হওয়ার চেয়ে আড়াইটা হওয়াই বেশি স্বাভাবিক বলে মনে হয় না কি?’

‘কেন বলুন তো?’

‘ধৰন যদি লোকনাথই অপরাধী হয়, সে স্বভাবতই যত তাড়াতাড়ি পারে তার কাজ সেবে ফেলবে। দেড়টায় সে বড় মিশিয়েছে দুধে—আটশখানা—তারপর তিন ঘণ্টা পর্যন্ত সে অপেক্ষা করবে কেন? যদি মৃত্যু নেবার সময় সে ছোরা মেরে থাকে—যেটা স্বাভাবিক—তা হলে সেটা এত পরে করবে কেন?’

‘গুড় পয়েন্ট’, বললেন সাহা। ‘অবিশ্য আড়াইটায় খুনটা হলে সেটা ডাক্তারের রিপোর্টের বিরুদ্ধে যায় না।’

ইনস্পেক্টর সাহা উঠে পড়লেন। বললেন, তাঁকে একবার নয়নপুর ভিলায় যেতে হবে। ঘর থেকে বেরোবার সময় ফেলুদার দিকে ফিরে বললেন, ‘আপনার চোখ থেকে ভ্রুকুটি যাচ্ছে না কেন বলুন তো?’

ফেলুদা বলল, ‘ওটা কিছু না। আসলে আমি খুব জটিল কেস হ্যান্ডেল করে অভ্যন্ত। এটা কেমন যেন বেশি সরল বলে মনে হচ্ছে। এটা আমার কাছে একটা নতুন অভিজ্ঞতা, ৩৬৬

তাই সেটাকে সহজে গ্রহণ করতে পারছি না।’

‘এ আবার আপনার বাড়াবাড়ি মশাই’, বললেন সাহা। ‘আমরা সহজ কেস হলে হাঁপ ছেড়ে বাঁচি, আর আপনি দেখছি তার ঠিক উলটো। এইখানেই পুলিশ আর শখের গোয়েন্দার তফাত।’

সাহা চলে গেলেন, কিন্তু ফেলুদার কপালে দুশ্চিন্তার রেখা রয়েই গেল। ও শেষে বলল, ‘একটা সামান্য সহজ জিনিস নিয়ে এত ভাবার কোনও মানেই হয় না। লোকনাথকে খুঁজে বার করবে পুলিশ; সেখানে আমার কিছু করারই নেই। চল, একটু বেড়িয়ে আসি ম্যালে।’

আজকের দিনটা কুয়াশাচ্ছন্ন, তার ফলে শীতটাও একটু বেশি, তাই বোধহয় ম্যালে বেশি লোক নেই। আমরা তিনজন এগিয়ে একটা খালি বেঁধিতে বসলাম।

ভারী অঙ্গুত লাগছে কুয়াশার মধ্যে ম্যালটাকে। এতই কুয়াশা যে দশ হাত দূরের লোককে দেখা যায় না। কাছে এলে মনে হয় হঠাতে যেন শৃঙ্খল থেকে বেরিয়ে এল। সেই ভাবেই বেরিয়ে এলেন একজন বৃদ্ধ ভদ্রলোক, আর তিনি এগিয়ে এলেন আমাদের দিকেই। তারপর ফেলুদার দিকে চেয়ে হাত দুটো জোড় করে বললেন, ‘নমস্কার।’

৮

ফেলুদাও প্রতিনমস্কার করল। ভদ্রলোক বললেন, ‘কাল সন্ধ্যায় কেভেন্টারসে সামান্য পরিচয় হয়েছিল আমাদের—আপনার মনে আছে বোধহয়?’

‘হ্যাঁ হ্যাঁ—আপনার নাম তো হরিনারায়ণ মুখোপাধ্যায়?’

‘বাঃ, আপনার মেমরি তো বেশ শার্প দেখছি। তা, একটু বসতে পারি আপনাদের পাশে?’

‘নিশ্চয়ই।’

ফেলুদা ওর নিজের আর লালমোহনবাবুর মাঝখানে একটু জায়গা করে দিল। ভদ্রলোক বসলেন।

‘আপনি তো নয়নপুর ভিলার পাশেই থাকেন?’

‘আজ্ঞে হ্যাঁ। উন্নর দিকের বাড়িটা আমার। আমি আছি এখানে প্রায় এগারো বছর।’

‘আপনার বাড়ির পাশেই তো একটা ট্র্যাভিডি হয়ে গেল।’

‘তা তো বটেই, বললেন ভদ্রলোক। কিন্তু এর একটা আঁচ তো আগে থেকেই পাওয়া গেস্ন, তাই নয় কি?’

‘আপনার তাই মনে হয়?’

‘এ কথা বলছি, কারণ বিরূপাক্ষ মজুমদারকে আমি অনেক দিন থেকেই চিনি। ঘনিষ্ঠ আলাপ ছিল বলতে পারি না, কারণ মজুমদার যে খুব মিশকে লোক ছিলেন তা নয়। কিন্তু তাঁর বিষয়ে আমি জানি অনেক দিন থেকেই।’

‘কী করে জানলেন?’

‘আমি এককালে বছর দশকে ছিলাম মধ্যপ্রদেশের নীলকংপুরে। আমার পেশা ছিল জিওলজি। ইট পাথর নিয়ে কারবার ছিল আমার। সেই নীলকংপুরে একবার আসেন বিরূপাক্ষ মজুমদার। তখন ওর বয়স ছিল হয়তো পঁয়ত্রিশ-চতুর্দশ। শিকারের খুব শখ ছিল ভদ্রলোকের। নীলকংপুরের রাজা পৃথী সিং মজুমদারকে আমন্ত্রণ জানান তাঁর জঙ্গলে গিয়ে শিকার করার জন্য। পরম্পর আলাপ ছিল আগে থেকেই। এই দুই শিকারির মধ্যে একটা মিল ছিল। সেটা এই যে, কেউই মাচার উপর থেকে শিকার করতে চাইতেন না। এমনকী

হাতির পিঠ থেকেও না । তাঁদের উদ্দেশ্য ছিল বিটারদের সাহায্য না নিয়ে জঙ্গলের মধ্যে দিয়ে সোজা হেঁটে গিয়ে বাঘ শিকার করা । এই শিকার থেকেই হয় এক চরম দুর্ঘটনা ।'

'কী রকম ?'

'বাঘের বদলে মানুষের উপর গুলি চালান বিরূপাক্ষ মজুমদার ।'

'সে কী !'

'ঠিকই বলছি ।'

'মানে, কোনও স্থানীয় অধিবাসী-টাসী — ?'

'না । তা হলে তো তবু কথা ছিল । যিনি মরেছিলেন, তিনি ছিলেন ভদ্রলোক এবং বাঙালি । নাম সুধীর ব্রহ্ম । বাঙালি হলেও বাপের আমল থেকে মধ্যপ্রদেশবাসী । পেশা ছিল নীলকঠপুর রাজ কলেজে ইতিহাসের প্রফেসরি, কিন্তু প্রচণ্ড শখ ছিল কবিরাজির । রাজা এবং মজুমদার যে সময় বাঘ খুঁজছিলেন, সেই সময় ব্রহ্ম ঘুরছিলেন জঙ্গলে গাছড়ার অনুসন্ধানে । তাঁর গায়ে একটা গেরুয়া চাদর ছিল । একটা বোপের পাতা নড়তে দেখে আর বোপের ফাঁক দিয়ে গেরুয়া দেখে বাঘ ভেবে গুলি চালান বিরূপাক্ষ মজুমদার । সে গুলি গিয়ে লাগে সুধীর ব্রহ্মের পেটে । তৎক্ষণাত্মে মৃত্যু ।

'এ খবর যাতে না ছড়ায়, তার জন্য বিস্তর টাকা খরচ করতে হয়েছিল পৃথী সিং-কে । আমি নিজে জানি, কারণ আমি ছিলাম ব্রহ্মের বন্ধুস্থানীয় । মজুমদার কলক্ষের হাত থেকে পার পায় ঠিকই, কিন্তু সে যে অপরাধী, সে যে হত্যাকারী, বাঘ মারতে সে যে মানুষ মেরে ফেলেছিল, তাতে তো কোনও সন্দেহ নেই ! এই অপরাধের বৌঝা বয়ে মানুষ কত দিন বেঁচে থাকতে পারে ?'

'আপনার কি মনে হয় এবার যে-খন হয়েছে তার সঙ্গে এই দুর্ঘটনার কোনও যোগ আছে ?'

'একটা ব্যাপার আছে । আপনি গোয়েন্দা, আপনি হয়তো বর্তমানে হত্যা নিয়ে ভাবছেন, তাই আপনাকে বলছি । সুধীর ব্রহ্ম একটি ছেলে ছিল, নাম রমেন ব্রহ্ম । এই দুর্ঘটনা যখন ঘটে তখন ছেলেটির বয়স ঘোলো । সে কিন্তু এই ধামা চাপা দেওয়ার ব্যাপারটাকে মোটেই বরদাস্ত করতে পারেনি । আমাকে কাকা বলে সন্মেধন করত রমেন । সেই সময়ই সে বলেছিল যে বড় হয়ে সে এই হত্যার প্রতিশোধ নেবে । এখন তার বয়স হওয়া উচিত আটত্রিশ ।'

'আপনার সঙ্গে সে যোগাযোগ রেখেছিল ?'

'না । আমি নীলকঠপুর ছাড়ি আজ থেকে বিশ বছর আগে । কিছুকাল ছোট নাগপুরে ছিলাম । তারপর রিটায়ার করে চলে আসি দার্জিলিং-এ । আমার বাড়িটা আপনার চোখে পড়েছে কিনা জানি না । ছোট কটেজ বাড়ি । আমি আর আমার স্ত্রী থাকি । আমার একটি ছেলে, সে কলকাতায় প্লিডার । একটি মেয়ের বিয়ে হয়ে বাইরে রয়েছে ।'

'আপনার কি ধারণা, সুধীর ব্রহ্মের সেই ছেলে এখন এখনে রয়েছে ?'

'তা বলতে পারব না ; আর বাইশ বছর পরে তাকে দেখলে হয়তো চিনতেও পারব না । কিন্তু সে বাপের হত্যার প্রতিশোধ নিতে বন্ধপরিকর ছিল সে কথা আমি জানি ।'

ভদ্রলোক যে ঘটনাটা বললেন, সেটা যে খুবই আশ্চর্য তাতে কোনও সন্দেহ নেই । এটা বুঝতে পারছিলাম যে, এ কাহিনী ফেলুদাকে নতুন করে ভাবাবে ।

ফেলুদা বলল, 'আপনাকে অশেষ ধন্যবাদ । সে ছেলে যদি এখন এখনে নাও থাকে, মিঃ মজুমদারের জীবনে যে এমন একটা ঘটনা ঘটেছে এটা শুনে খুবই অবাক লাগছে । তাঁর জীবনে যে কোনও একটা গোলমেলে ব্যাপার ঘটেছিল সে রকম ইঙ্গিত দু-একবার পেয়েছি,

এমনকী আপনিও দিয়েছেন, কিন্তু সেটা যে এমন একটা ঘটনা তা ভাবতে পারিনি। আর আপনি নিজেই যখন সে সময় নীলকঠপুরে উপস্থিত ছিলেন, তখন এটা অবিশ্বাস করার কোনও কারণ থাকতে পারে না।'

হরিনারায়ণবাবুর সঙ্গে আমরাও উঠে পড়লাম। ফেলুদার কপালে নতুন করে ভূকুটি দেখা দিয়েছে। আমার মন বলছে এবার আর কেসটাকে তেমন সহজ বলে মনে হচ্ছে না ফেলুদার। খানিকটা পথ কুয়াশার মধ্যে দিয়ে হেঁটে ও বলল, 'এই কাহিনী আমার চিন্তাকে সাহায্য করবে না ব্যাহত করবে সেটা বুঝতে পারছি না। এখন এই শহরের অবস্থা যেমন, আমার মনের অবস্থাও ঠিক সেই রকম। একরাশ কুয়াশা এসে চিন্তাশক্তিকে আচ্ছম করে ফেলেছে। যদি একটু সূর্যের আলো দেখতে পেতাম !'

আমরা হাঁটতে হাঁটতে অবজারভেটরি হিল রোডের পুব দিকটায় এসে পড়লাম। বুঝতে পারছিলাম ফেলুদার মনের ভিতরটা ছটফট করছে, তাই সে এক জায়গায় চুপ করে দাঁড়িয়ে থাকতে পারছে না।

কুয়াশার মধ্যেই একজন নেপালি একটা ঘোড়া নিয়ে এগিয়ে এল, পিঠে কোনও সওয়ার নেই। 'বাবু ঘোড়া লেগো, ঘোড়া ?' বলে উঠল লোকটা, কিন্তু আমরা তাকে অগ্রহ্য করে এগিয়ে গেলাম। সামনে বাঁয়ে ঘুরে গেছে রাস্তা, ডাইনে খাদ, আমরা সে খাদ বাঁচিয়ে রাস্তার বাঁ দিক ধৈঁধে চলেছি। রাস্তার পাশের রেলিংটা প্রায় দেখা যাচ্ছে না কুয়াশায়। পরিষ্কার দিনে এখান থেকে সামনে উত্তরে পুরো কাঞ্চনজঙ্গীর লাইনটা দেখা যায়; আজ আমাদের চার দিক থেকে ঘিরে রয়েছে একটা দুর্ভেদ্য সাদা দেয়াল।

এবার পাশের রেলিংটা ফুরিয়ে গেছে। এখন ডাইনে রাস্তার ধারেই খাদ। আমরা এখনও পাহাড়ের দিক ধৈঁধে চলেছি, যদিও দেখছি ফেলুদা, মাঝে মাঝে অন্যমনস্ক হয়ে একটু বেশি ডান দিকে চলে যাচ্ছে। লালমোহনবাবু খালি বলছেন, 'মিস্টিরিয়াস, মিস্টিরিয়াস'...। তারপর একবার বললেন, 'শার্ষাই, মিস্ট থেকেই মিস্টি আর মিস্টিরিয়াস এসেছে নাকি ?'

হঠাতে আমাদের পিছনে ফিরতে হল, কারণ দ্রুত পায়ের শব্দ পেয়েছি। কিন্তু কই, এখনও তো কাউকে দেখা যাচ্ছে না! অথচ পায়ের শব্দটা এগিয়ে আসছে। তারপর হঠাতে কুয়াশার ভিতর থেকে একটা ছায়ামূর্তি বেরিয়ে এল। তার মুখ ভাল করে দেখার আগেই সে মূর্তি ফেলুদাকে সজোরে মারল একটা ধাকা খাদের দিকে। ফেলুদা টাল সামলাতে না পেরে পাহাড়ের গা দিয়ে গড়িয়ে মুহূর্তের মধ্যে নীচে অদৃশ্য হয়ে গেল—চারিদিক কুয়াশায় কুয়াশা!

ইতিমধ্যে মূর্তি ও আবার কুয়াশায় মিলিয়ে গেছে, সেই সঙ্গে মিলিয়ে গেছে তার দ্রুত পায়ের শব্দ।


লালমোহনবাবুর আর্টনাদের সঙ্গে সঙ্গে বুঝতে পারলাম কী সাংঘাতিক একটা ঘটনা ঘটে গেল।

আর সেই সঙ্গে দুটো নেপালি সামনের কুয়াশা থেকে বেরিয়ে এল, আর আমাদের দেখেই জিজ্ঞেস করল, 'কেয়া হ্যাঁ, বাবু ?'

আমরা বললাম কী হয়েছে। আমাদের সঙ্গের লোক খাদে পড়ে গেছে জেনেই তারা দুজন অন্যায়ে পাহাড়ের গা দিয়ে নীচে নেমে গেল—'এক মিনিট ঠাহরিয়ে বাবু, হাম্ দেখ্তা হ্যায় কেয়া হ্যাঁ।'

লোক দুটোও কুয়াশার মধ্যে অদৃশ্য হয়ে গেল, কিন্তু সেই মুহূর্তেই কুয়াশাও হঠাতে পাতলা হয়ে চারিদিকে সব কিছু যেন আবছা আবছা দেখা যেতে লাগল। কে যেন একটা ফিল্মিনে চাদর টেনে সরিয়ে নিচ্ছে সমস্ত দৃশ্যের উপর থেকে।

নীচে ওটা কী ?



একটা গাছ। রড়োডেন্ড্রন বলেই তো মনে হচ্ছে। তার গুঁড়ির সঙ্গে লেগে একটা মানুষ পড়ে আছে। ফেলুদা! ওই যে তার খাকি জার্কিন আর লাল-কালো চেক মাফলার।

নেপালি দুটো মুহূর্তের মধ্যে পাহাড়ের গা দিয়ে নেমে গেছে, তার পর ফেলুদাকে দু হাতে ধরে তুলতেই যেন ফেলুদারও হুঁশ ফিরে এসেছে।

‘ফেলুদা!’

‘ফেলুবাবু?’

আমাদের দুজনের ডাকের উন্নরে ফেলুদা তার ডান হাতটা তুলে আশ্বাস দিল যে সে ঠিকই আছে।

তারপর সে খাড়াই দিয়ে উঠে এল দুই নেপালির সাহায্যে—আমাদের চরম বিপদের সময় দুই আচমকা বন্ধু।

পাঁচ মিনিটের ক্ষরত ও চেষ্টার পর ফেলুদা পৌঁছে গেল আমাদের কাছে—সে হাঁপাচ্ছে, তার কপাল ছড়ে গিয়ে রক্ত বেরোচ্ছে, হাতেও আঁচড় লেগেছে, তাতে রক্তের আভাস।

‘বহুৎ সুক্রিয়া!’ ফেলুদা বলল তার উদ্ভারকারীদের।

তারা দুজনে চাপড় মেরে ফেলুদার গা থেকে ধুলো বেড়ে দিয়ে বলল, ম্যালের মোড়েই ডাঙ্কারখানা আছে, সেখানে এক্ষুনি গিয়ে যেন ফেলুদা ফাস্ট এডের ব্যবস্থা করে।

আমাদেরও সে মতলব ছিল। আমরা হাঁটা দিলাম আবার ম্যালের দিকে।

‘লোকটা কে ছিল বুঝতে পারলে তপেশ?’ লালমোহনবাবু জিজ্ঞেস করলেন। আমি মাথা নাড়লাম। সত্যি বলতে কী, চাপ দাঢ়ি ছাড়া আর কিছুই দেখিনি আমি। আর দাঢ়িটাও মনে হচ্ছিল নকল। ‘কী রকম বোধ করছেন?’ জটায়ু জিজ্ঞেস করলেন ফেলুদাকে।

‘বিধ্বস্ত’, বলল ফেলুদা। ‘ওই গাছটাই আমাকে বাঁচিয়ে দিয়েছে, না হলে হাড়গোড় সব চুরমার হয়ে যেত। কিন্তু মনে হচ্ছে, এবার আস্তে আস্তে মাথা খুলে যাবে। একটা জোরালো ঝুঁ তো এর মধ্যেই পেয়েছি। আমার এ রকমই হয়, জানেন, এ রকমই হয়। এটার দরকার ছিল। আর এটাও বুঝলাম যে, কেসটা মোটেই সরল নয়।’

৯

ফেলুদার জখম যে তেমন গুরুতর হয়নি সেটা ডাঙ্কারখানায় গিয়েই বোঝা গেল। ডাঙ্কার বর্ধন বসেন ডিসপেনসারিতে, তিনিই ফাস্ট এড দিয়ে দিলেন। ভদ্রলোক স্বভাবতই ঘটনাটা জানতে চাইলেন, আর আমাদেরও বলতে হল।

‘কিন্তু আপনার ওপর এ আক্রমণের কারণ কী?’ জিজ্ঞেস করলেন বর্ধন।

এর ফলে ফেলুদাকে নিজের পরিচয় দিতে হল। তাতে ভদ্রলোকের চোখ কপালে উঠে গেল। বললেন, ‘আপনিই স্বনামধন্য গোয়েন্দা প্রদোষ মিত্র? আমি তো আপনার অনেক কীর্তির বিষয়ে পড়েছি মশাই! কাঞ্চুষ পরিচয় যে হবে সেটা কোনওদিন স্বপ্নেও ভাবতে পারিনি। ...কিন্তু আপনি কি মিঃ মজুমদারের খুনের তদন্ত করছেন নাকি?’

‘ঘটনাক্রমে জড়িয়ে পড়তে হয়েছে, বলল ফেলুদা।

‘ভদ্রলোক তো আমারই পেশেন্ট ছিলেন’, বললেন ডাঃ বর্ধন।

‘তাই বুঝি?’

ইয়েস। আশ্চর্য মনের জোর ছিল মিঃ মজুমদারের। দেখে বোঝাই যেত না যে ওঁর ওপর দিয়ে এত ঝড় বয়ে গেছে, এবং এখনও যাচ্ছে। নিজের হবি নিয়ে মেতে থাকতেন, আর ঘোড়া চড়ে ঘুরে বেড়াতেন।’

‘কিন্তু বড়ের কথা কী বলছেন একটু জানতে পারি কি ?’

‘একে তো ওঁর নিজের অসুখ ছিল । তারপর স্তৰীকে হারান বছর সাতেক আগে । ভদ্রমহিলার ক্যানসার হয়েছিল । তার উপর পুত্রের সমস্যা ।’

‘স্মীরণবাবুর কথা বলছেন ?’

‘এত গুণ ছিল ছেলেটির, কিন্তু শেয়ার বাজারের খেলা খেলতে গিয়ে সব গেছে । এখন দেনার জালে জড়িয়ে পড়েছে । একটিমাত্র ছেলে, তাই ভাবতে কষ্ট হয় । আমি তো ওঁর ডাক্তার ছিলাম, তাই সুখ-দুঃখের অনেক কথাই আমাকে বলতেন । এবারও যে ছেলে এসেছে, আই আজ্যাম শিওর তার কারণ বাপের কাছে হাত পাতা । কিন্তু আমি যতদূর জানি বাবা সম্পত্তি ছেলের উপর রীতিমতো বিরূপ হয়ে উঠেছিলেন । একটা আলটিমেটাম দিয়ে থাকলেও আশ্চর্য হব না । সমস্ত ব্যাপারটা কালিমাময়, আনপ্রেজেন্ট । আমার ভাল লাগছে না । খুনের কথাটা শুনে অবধি আমার মনে একটা আশঙ্কা দেখা দিয়েছে । আমি সেটা কাটিয়ে উঠতে পারছি না ।’

‘ভদ্রলোক উইল করে গেছেন কি না জানেন ?’

‘তা জানি না । তবে করে থাকলে ছেলেকেই নিশ্চয় সব কিছু দিয়ে গেছেন—যদি না ইতিমধ্যে উইল বদলে থাকেন ।’

ফেলুদা ডাঃ বর্ধনকে অনেক ধন্যবাদ দিয়ে উঠে পড়ল । অনেক অনুরোধ সত্ত্বেও ভদ্রলোক একটি প্যাসাও নিলেন না । আসবাব সময় ফেলুদা বলল, ‘আপনি যে আমার কত উপকার করেছেন, তা আপনি জানেন না । ফার্স্ট এড নিতে এসেছিলাম, তার সঙ্গে আরও অনেক এড পেয়ে গেলাম ।’

বাইরে বেরিয়ে এসে ফেলুদা বলল, ‘তোরা যদি বিশ্রাম করতে চাস তো হোটেলে ফিরে যেতে পারিস । আমি কিন্তু এখন একটু নয়নপুর ভিলায় যাব । আজকের জানা সব নতুন তথ্য মাথায় রেখে নতুন করে তদন্ত শুরু করতে হবে । আমার চোখে কেসটা এখন একেবারে নতুন চেহারা নিয়েছে ।’

আমরাও দুজনেই অবিশ্যি সঙ্গেই যেতে চাইলাম । ও যদি এত ধকলের পরও বিশ্রাম ছাড়া চলতে পারে তা হলে আমরা তো পারবই । সত্যি, আশ্চর্য শক্ত শরীর ফেলুদার । পাহাড়ের গা গড়িয়ে প্রায় একশো ফুট নীচে চলে গিয়েছিল ।

আমরা নয়নপুর ভিলায় যখন পৌঁছলাম তখন কুয়াশা প্রায় কেটে গেছে । সমস্ত বাড়িটায় একটা থমথমে ভাব, যদিও চারিদিকের আশ্চর্য সুন্দর দৃশ্য যেমন ছিল তেমনই আছে । নুড়ির ওপর আমাদের পায়ের শব্দ শুনেই বোধহয় রজতবাবু ঘর থেকে বারান্দায় বেরিয়ে এলেন । ফেলুদা তাঁকে নমস্কার জানিয়ে বলল, ‘আপনার যে হাত খালি খালি লাগছে সেটা বেশ বুরতে পারছি । আমাদের কতকগুলো কাজ ছিল, সেই ব্যাপারে আপনি যদি আমাদের একটু সাহায্য করেন...’

‘কী কাজ বলুন ।’

‘আমরা একবার মিঃ মজুমদারের কাজের ঘরটা দেখতে চাই । তারপর আপনার ঘরটাও একটু দেখব । অবিশ্যি তার সঙ্গে কিছু প্রশ্নও করতে হবে ।’

‘বেশ তো, চলুন ।’

‘স্মীরণবাবুকে দেখছি না— ?’

‘উনি বোধহয় স্নান করতে গেছেন ।’

‘তা হলে চলুন মিঃ মজুমদারের স্টাডিতেই বসা যাক ।’

আমরা চারজনে বাড়ির উত্তর দিকের পিছনের অংশে একটা ঘরে গিয়ে হাজির হলাম ।

বেশ সুসজ্জিত, পরিষ্কার ঘর, পুবের জানালা দিয়ে বাড়ির পিছনের ঘাউবন দেখা যায়। জানালার সামনে একটা বেশ বড় মেহগনি টেবিল, তার পিছনে একটা আর সামনে দুটো ভারী চেয়ার। এ ছাড়া, ঘরের পশ্চিম অংশেও আলাদা বসবার ব্যবস্থা রয়েছে। একটা সোফা আর দুটো মুখোমুখি আর্ম চেয়ার। আমরা সেখানেই বসলাম। ফেলুদার বসবার তাড়া নেই, সে ঘরটা ঘুরে ঘুরে দেখছে। টেবিলের উপর থেকে পেপারকাটাৰ তুলে নিয়ে ঘুরিয়ে ফিরিয়ে দেখল।

‘এটায় তো বেশ ধার দেখছি, বলল ফেলুদা, ‘এই দিয়েও তো মানুষ খুন করা যায়।’

লালমোহনবাবু বললেন, ওর একটা জোড়া নাকি ওঁদের শুটিং-এ ব্যবহার হচ্ছে। ‘এটা দিয়ে ভিলেনকে পিঠ চুলকোতে দেখানো হয়েছে।’

সত্যিই ছুরিটাকে দেখলে বেশ ধারালো মনে হয়। ফেলুদা সেটা আবার টেবিলের উপর রেখে দিল।

ঘরের এক দিকে একটা বুক-শেলফে সারি সারি বড় খাতা দাঁড় করানো রয়েছে, তার দুটো আমরা এর আগেই দেখেছি। এগুলোতেই সেই সব খুনখারাবির খবর সাঁটা আছে। ফেলুদা তার আরও দু-একটা উলটে-পালটে দেখল। তারপর প্রশ্ন করল, ‘আপনি আসার আগে এগুলো কে সাঁটত?’

‘মিঃ মজুমদার নিজেই।’

‘আপনি আসার পর থেকে তো উনি সে কাজটা আপনার উপরই ছেড়ে দিয়েছিলেন?’

‘হ্যাঁ, তবে আমাকে লোকনাথ মাঝে মাঝে সাহায্য করত।’

‘লোকনাথ বেয়ারা?’

‘হ্যাঁ। লোকনাথ স্কুল ফাইন্যাল পাশ করেছে। সে রীতিমতো লিখতে-পড়তে পারে।’

‘এটা একটা অন্ত্যশিত খবর। তবে, পড়াশুনা করে সে বেয়ারার কাজ কেন নিল, সেটা বলতে পারেন?’

‘মিঃ মজুমদার ওকে খুব ভাল মাইনে দিতেন।’

‘আর সে বেয়ারাই শেষকালে এমন একটা কাজ করল?’

ফেলুদা ঘুরে ঘুরে এটা সেটা দেখছে আর প্রশ্ন করে চলেছে।

‘আপনি এখানে আসার আগে কী করতেন?’

‘একটা দিশি ফার্মে চাকরি করতাম?’

‘কোথায়?’

‘কলকাতায়।’

‘ক’ বছর করেছিলেন এই কাজ?’

‘সাত বছর।’

‘মিঃ মজুমদার কি সেক্রেটারি চেয়ে বিজ্ঞাপন দেন?’

‘হ্যাঁ।’

‘আপনি কদূর পড়েছেন?’

‘আমি বি কম পাশ।’

‘আপনার ফ্যামিলি নেই?’

‘আমি বিয়ে করিনি। বাবা-মা মারা গেছেন।’

‘ভাই-বোন নেই?’

‘না।’

‘তার মানে আপনি একা মানুষ?’

‘হাঁ।’

‘এই ছবিটা কী ব্যাপার ?’

একটা শেলফের উপর একটা বাঁধানো ছবি টাঙানো ছিল। একটা গুপ্ত ছবি ; দেখে মনে হয় আপিসের গুপ্ত, সবসুন্দর জনা পঁয়ত্রিশ লোক, কিছু পিছনের সারিতে দাঁড়িয়ে, বাকি সামনের চেয়ারে বসে।

‘ও ছবিটা বেঙ্গল ব্যাকে তোলা’, বললেন রজতবাবু। ‘একজন ম্যানেজিং ডিরেক্টর চলে যাচ্ছিলেন, তাঁকে ফেয়ারওয়েল দেবার দিন ছবিটা তোলা হয়েছিল। মিঃ মজুমদার তখন ডেপুটি ডিরেক্টর ছিলেন।’

ফেলুদা ছবিটা হাতে নিয়ে মন দিয়ে দেখল।

‘কোনজন কে—স্টো লেখা নেই ছবিতে ? মিঃ মজুমদারকে তো চিনতেই পারছি।’

‘ছবির তলার দিকে থাকতে পারে। হয়তো বাঁধানোর সময় মাস্কের নীচে ঢাকা পড়ে গেছে।’

‘এটা আমার কাছে দু-তিন দিন রাখতে পারি ?’

‘নিশ্চয়ই।’

ফেলুদা ছবিটা আমার হাতে ঢালান দিল। আমি আর লালমোহনবাবু স্টো দেখলাম। আপিসের গুপ্ত যেমন হয় তেমনই ব্যাপার। মিঃ মজুমদার প্রথম সারিতে চেয়ারে বসে আছেন বোধহয় ম্যানেজিং ডিরেক্টরের পাশে।

ফেলুদা বলল, ‘খুনের দিন সকালবেলা আপনি কখন কী করছিলেন স্টো জনা দরকার।’

প্রশ্নটা করে ফেলুদা কোটের পকেট থেকে তার খাতাটা বার করে একটা পাতা খুলে তাতে একবার চেখ বুলিয়ে নিল। তারপর বলল, ‘সাড়ে এগারোটার সময় মিঃ মজুমদার তাঁর স্টাডিতে আসতেন। তখন আপনার তাঁর সঙ্গে থাকতে হত। সাড়ে বারোটা পর্যন্ত কাজ চলত, তাই না ?’

‘হাঁ।’

‘সেদিন কী কাজ ছিল ?’

‘মিঃ মজুমদারের অনেক চেনা পরিচিত ছিল দেশ-বিদেশে। উনি তাঁদের নিয়মিত চিঠি লিখতেন। তাতেই বেশির ভাগ সময় কেটে গেছিল সেদিন।’

‘সাড়ে এগারোটার আগে সকালে আপনি কী করছিলেন ?’

‘ব্রেকফাস্টের কিছু পরেই শুটিং-এর দল আসতে শুরু করে। আমি দক্ষিণের বারান্দায় গিয়ে ওঁদের তোড়জোড়ের কাজ দেখছিলাম।’

‘কোনও শট নেওয়া দেখছিলেন ?’

‘প্রথমটা দেখেছিলাম। মিঃ গান্দুলী আর মিঃ ভার্মাকে নিয়ে শট।’

লালমোহনবাবুর মাথা নাড়া দেখে বুঝলাম, তিনি রজতবাবুর কথাটার সমর্থন করছেন।

‘স্টো কটা নাগাত ?’

‘আন্দাজ এগারোটা। আমি ঘড়ি দেখিনি। তার কিছু পরেই আমি মিঃ মজুমদারের কাজের ঘরে চলে আসি।’

‘কাজের পর তো লাঞ্চ খেতেন আপনারা ?’

‘আঞ্জে হাঁ।’

‘আপনারা তিনজনে এক সঙ্গে খেতেন ?’

‘হাঁ।’



‘খাওয়ার পর কী করেন ?’

‘লাঞ্চ শেষ হয় প্রায় একটার সময়। তারপর আমি নিজের ঘরে এসে কিছুক্ষণ বই
পড়ি।’

‘কী বই ?’

‘বই না, পত্রিকা। রিডারস্ ডাইজেস্ট।’

‘তারপর ?’

‘তারপর দুটো নাগাত একটু বাউবনে ঘুরতে বেরোই। বাউবনটা খুব সুন্দর। আমি ফাঁক
পেলেই ও দিকটা একবার ঘুরে আসি।’

‘তারপর ?’

‘আড়াইটে নাগাত আমি ফিরে আসি। তারপর বিকেল চারটে অবধি বিশ্রাম করে আর একবার শুটিং দেখতে যাই। তখন মিঃ গাঙ্গুলীর একটা শট হচ্ছিল।’

লালমোহনবাবু আবার মাথা নেড়ে সায় দিলেন।

ফেলুদা বলল, ‘মিঃ মজুমদার যখন পাঁচটার পরেও ঘর থেকে বেরোলেন না তখন আপনার কোনও প্রতিক্রিয়া হয়নি?’

‘আমি ঘড়ি দেখিনি। বাড়িতে হট্টগোল, জেনারেটর চলছে, আমার সময়ের খেয়াল ছিল না।’

‘মিঃ মজুমদার বস্তি হিসেবে কী রকম লোক ছিলেন।’

‘খুব ভাল।’

‘আপনার উপর চোটপাট করেননি কখনও?’

‘না।’

‘মাইনে যা পেতেন, তাতে আপনি খুশি ছিলেন?’

‘হ্যাঁ।’

‘খুনের আগের দিন লালমোহনবাবু দুপুরের দিকে বাথরুম থেকে বেরিয়ে এসে মিঃ মজুমদারের গলা শুনতে পান। তিনি কাউকে বলছিলেন, ‘ইউ আর এ লায়ার। আমি তোমার একটা কথাও বিশ্বাস করি না।’—এই কথাটা উনি কাকে বলতে পারেন, সে ধারণা আছে আপনার?’

‘একমাত্র ওঁর ছেলে ছাড়া আবার কারুর কথা তো মনে পড়ছে না।’

‘ওঁর ছেলের সঙ্গে মিঃ মজুমদারের সন্তাব ছিল না?’

‘ছেলের সম্বন্ধে কতকগুলো ব্যাপারে ওঁর আক্ষেপ ছিল।’

‘সেটা আপনি কী করে জানলেন?’

‘আমার সামনে দু-একবার বলেছেন—“সমুটা বড় রেকলেস হয়ে পড়ছে”—বা ওই জাতীয় কথা। উনি ছেলেকে ভালও বাসতেন, আবার সেই সঙ্গে শাসনও করতেন।’

‘উনি কোনও উইল করে গেছেন বলে আপনি জানেন?’

‘যদ্যুব জানি করেননি।’

‘কেন বলছেন এ কথা?’

‘কারণ একদিন আমাকে বলেছিলেন—“এখন তো দিবি আছি; আরেকটু শরীরটা ভাঙ্গুক, তারপর উইল করব”।’

‘তার মানে ওঁর সম্পত্তি ওঁর ছেলেই পাচ্ছেন?’

‘তাই তো হয়ে থাকে।’

‘এবার আপনার ঘরটা একবার দেখতে পারি কি?’

‘আসুন।’

রজতবাবুর শোবার ঘরে আসবাবপত্র খুবই কম। একটা খাট, একটা ছোট আলমারি, একটা তাক, একটা টেবিল আর একটা চেয়ার। দেয়ালে আলনা রয়েছে একটা, তাতে একটা শার্ট, একটা খয়েরি পুলোভার আর একটা তোয়ালে ঝুলছে। ঘরের একপাশে একটা সুটকেস রয়েছে, তাতে আবার বিলেখ।

টেবিলের উপর তিন-চারখানা ইংরিজি পেপার ব্যাক আবার গোটা পাঁচেক পত্রিকা রয়েছে।

‘হিন্দি পত্রিকা দেখছি যে?’ ফেলুদা প্রশ্ন করল।

‘আমার ছেলেবেলা কানপুরে কেটেছে, বললেন রজতবাবু, ‘বাবা ওখানকার ডাক্তার ছিলেন। ইস্কুলে হিন্দি শিখেছিলাম। বাবা মারা যাবার পর কলকাতায় মামা বাড়িতে চলে আসি।’

আমরা চারজন ঘর থেকে বেরিয়ে এলাম। ফেলুদা প্রশ্ন করল, ‘মিঃ মজুমদার ঘুমের আগে একটা বড়ি খেতেন, সেটা আপনি জানতেন?’

‘হ্যাঁ। আমি অনেকবার গিয়ে সে বড়ি এনে দিয়েছি। টফ্ফানিল। পুরো মাসের স্টক একবারে কিনে নিতেন।’

‘হ্যাঁ...এবার একটু সমীরণবাবুর সঙ্গে কথা বলব।’

সমীরণবাবু স্নান সেরে তাঁর ঘরে বসে একটা খবরের কাগজ পড়ছিলেন। অশ্রীচ অবস্থা, তাই দাঢ়ি কামাননি ভদ্রলোক। ওর সঙ্গে কথা বলে খুব বেশি কিছু জানা গেল না। ভদ্রলোক স্থীরাক করলেন যে ওর বাপের সঙ্গে মাঝে মাঝে কথা কাটাকাটি হত। ‘বাবা আগে এ রকম ছিলেন না’, বললেন ভদ্রলোক। ‘অসুখের পর থেকে এ রকম হয়ে গিয়েছিলেন।’

‘আপনার দিক থেকে কি কোনও পরিবর্তন হয়নি, যাতে আপনার বাবা আপনার উপর অস্তুষ্ট হতে পারেন?’

‘আমার দু-একটা ভুল স্পেকুলেশন হয়েছে সেটা ঠিকই, কিন্তু সে রকম তো ব্যবসায় হতেই পারে।’

‘খুনের আগের দিন দুপুরে দেড়টা নাগাত আপনার সঙ্গে মিঃ মজুমদারের কোনও রকম কথা কাটাকাটি হয়েছিল?’

‘কই, না তো।’

‘আপনার বাবার কাছ থেকে কি আপনার মাঝে মাঝে টাকা চাইতে হত?’

‘তা চাইব না কেন? আমার বাবা অনেক পয়সা করেছিলেন।’

‘আপনার বাবা যে উইল করে যাননি, সেটা আপনি জানতেন?’

‘জানতাম। বাবা একদিন আমাকে রাগ করে বলেছিলেন উইল করলে আমাকে এক পয়সাও দেবেন না।’

‘কিন্তু এখন তো আপনি সব কিছুই পাচ্ছেন?’

‘তা পাচ্ছি।’

‘এতে আপনার অনেক সমস্যা মিটে যাবে—তাই না?’

‘তা যাবে, কিন্তু এটার জন্য তো আমি দায়ী নই। আপনি কি ইঙ্গিত করছেন যে আমি বাবাকে খুন করেছি?’

‘ধরুন যদি তাই করি। সুযোগ ও কারণ—দুটোই তো আপনার ছিল।’

‘ঘুমের বড়ি খাওয়ানোর সুযোগ আমার কী করে থাকবে? সে বড়ি তো দিত লোকনাথ।’

‘কিন্তু সেদিন লোকনাথ দুধটা রেখে কিছুক্ষণের জন্য ঘর থেকে চলে গিয়েছিল, এটা ভুলবেন না। আর ছুরি বসানোর সুযোগও আপনার ছিল। আপনার বাবার ঘরেই এ কাজের জন্য একটা উত্তম অস্ত্র ছিল—যেটা সত্ত্ব করেই ওই কাজে লাগানো হয়।’

সমীরণবাবু একটা বাঁকা হাসি হেসে বললেন, ‘এ সব কী বলছেন আপনি? আমার কি মাথা খারাপ হয়েছে? মূর্তি ছুরির কথাটা তাবছেন না কেন? বাবা মরলেই তো আমি টাকা পাব, সেখানে আর বালগোপালের দরকার কী?’

‘আপনার হয়তো তাড়া ছিল। বাবার মৃত্যুর সঙ্গে সঙ্গেই তো আর আপনার হাতে টাকা আসবে না; তার তো একটা লিঙ্গ্যাল প্রোসেস আছে।’

‘তা হলে লোকনাথ গেল কোথায়? যে আসল লোক, তার সম্বন্ধে তদন্ত না করে আপনি বৃথা সময় নষ্ট করছেন কেন?’

‘সেটাৰ কাৰণ আছে নিশ্চয়ই, যদিও সেটা প্ৰকাশ্য নয়।’

‘ঠিক আছে, আপনি আপনাৰ গোপন কাৰণ নিয়ে থাকুন, কিন্তু জেনে রাখুন যে, আমাকে এ ব্যাপারে জড়িয়ে পড়তে হয়েছে একেবাৰেই ঘটনাচক্ৰে। আসল অপৱাধীকে পেতে হলে আপনাৰ অন্য জায়গায় খুঁজতে হবে। এৰ বেশি আৱ আমি কিছু বলতে চাই না।’

১০

দুপুৰে লাঞ্ছেৰ পৰ ফেলুদা বলল যে-গুপ ছবিটা ও মিঃ মজুমদাৰেৰ স্টাডি থেকে এনেছে, সেটা নিয়ে ওকে একবাৰ ফোটোগ্ৰাফিৰ দোকান দাশ সুড়িওতে যেতে হবে। ‘তা ছাড়া, একবাৰ থানায় গিয়ে সাহাৰ সঙ্গে দেখা কৰাও দৰকাৰ। কতকগুলো জৰুৰি ইনফৱেশন চাই, সে কাজটা আমাৰ চেয়ে পুলিশেৰ পক্ষে অনেক বেশি সহজ। তোৱা এই ফাঁকে কোথাও ঘুৰে আসতে চাস তো আসতে পাৱিস। আমি বাড়ি ফিরে আৱ বেৱোৱ না। কাৰণ আমাৰ অনেক কিছু চিন্তা কৰাৰ আছে। কেসটা এখনও ঠিক দানা বাঁধেনি।’

ফেলুদা বেৱিয়ে গেল। কী আৱ কৰি—আমৱাও দুজনে বেৱিয়ে পড়লাম। বাইৱে ঠাণ্ডা বাতাস বইছে, হাঁটতে কোনও অসুবিধা নেই।

হোটেলেৰ বাইৱে এসে আমি লালমোহনবাবুকে বললাম, আপনাৰ একটা জিনিস এখনও দেখা হয়নি; সেটা আমি দেখেছি। সেটা হল মজুমদাৰেৰ বাড়িৰ পিছনেৰ ঝাউবন। অবিশ্যি আমিও গেছি মাত্ৰ দু মিনিটেৰ জন্য, কিন্তু তাতেই মনে হয়েছ বনটা দারুণ। যাবেন?’

‘সেটা যেতে হলে মজুমদাৰেৰ বাড়িৰ ভিতৰ দিয়ে যেতে হয়?’

আমি বললাম, ‘তা কেন? ওদেৱ বাড়িতে পঁচিবাৱ আগেই মেন ৱোড থেকে একটা রাস্তা বাঁ দিকে বেৱিয়ে বনেৱ দিকে চলে গেছে—দেখেননি?’

আমৱা দুজন রওনা দিয়ে দিলাম। ফেলুদাৰ কথাটা মন থেকে দূৰ কৰতে পাৱছি না। ও যে কয়েকটা ক্লু পেয়েছে তাতে সন্দেহ নেই, কিন্তু সেগুলো যে কী সেটা এখন আমাদেৱ বলবে না। ওৱ হালচাল আমাৰ খুব ভাল কৰেই জানা আছে। এখন ওৱ চিন্তা কৰা আৱ ইনফৱেশন জোগাড় কৰাৰ সময়। সব সূত্ৰ খুঁজে পেয়ে কেসটা মাথায় পাৱিকাৰ হলে তাৱপৰ বস্বশেলটা ছাড়বে।

পথে যেতে যেতে লালমোহনবাবু বললেন, ‘এখানে যে রহস্যটা কোথায়, সেটা আমাৰ কাছে ক্লিয়াৰ হচ্ছে না, তপেশ। লোকনাথ বেয়াৱা খুন কৰে মূৰ্তি চুৱি কৰে পালিয়েছে—ব্যস, ফুৱিয়ে গেল। তোমাৰ দাদা এত যে কী সাতপাঁচ ভাবছেন! বাকিটা তো পুলিশেৰ ব্যাপার। তাৱা কালপ্রিটকে খুঁজে পেলেই খেল খতম।’

আমি বললাম, ‘আপনি ফেলুদাকে এত দিন চেনেন, আৱ এটকু বুৱছেন না যে, কোথাও একটা গণগোল না থাকলে ফেলুদা মিথ্যে ভাবত না! এক তো চোখেৰ সামনে দেখতে পেলেন যে, ওঁকে মেৰে ফেলোৰ চেষ্টা হল খাদে ফেলে। সেটা নিশ্চয়ই লোকনাথ বেয়াৱা কৰেনি। তা ছাড়া, মিঃ মজুমদাৰেৰ জীৱনে একটা কেলেক্ষানি রয়েছে। উনি নিজে একজনকে অজাণ্টে খুন কৰেছিলেন। তাৱপৰ তাঁৰ ব্যাক্ষ থেকে একজন টাকা চুৱি কৰে পালিয়েছিল। তাকে ধৰা যায়নি। তাৱপৰ আপনি নিজে সে দিন শুনলেন মজুমদাৰ একজনকে ধৰক দিচ্ছেন, সেটা যে কে সেটা এখনও বোৰা যায়নি। এত রকম জিলিপিৰ প্যাঁচ সত্ত্বেও আপনি বলছেন, কেসটা সহজ?’

সত্যি বলতে কী, আমাৰ নিজেৰ মনেৰ মধ্যে সব কিছু এমন তালগোল পাকিয়ে গিয়েছিল
৩৭৮

যে আমি কোনওটার সঙ্গে কোনওটার যোগ খুঁজে পাচ্ছিলাম না। কাজেই মনে মনে ঠিক করেছিলাম যে, ভাবার কাজটা ফেলুন্দার উপরেই ছেড়ে দেব।

বাটুবনটাতে একবার চুকেই বুঝেছিলাম যে সেটা একটা আশ্চর্য জায়গা। আজ ভাল করে দেখে আসল ব্যাপারটা বুঝতে পারলাম। এটাকে বাটুবন বলা ঠিক নয়, কারণ এখানে পাইন, ফার, রড়োডেনড্রন ইত্যাদি অনেক রকম চেনা-অচেনা গাছই আছে। গাছের মাঝে মাঝে বোপ রয়েছে, তাতে আবার লাল নীল হলদে ফুল। আজ দিনটা মেঘলা, তাই সমস্ত বনটাই আবছা অঙ্ককারে ঢাকা। মনে হয়, অজস্র থামওয়ালা একটা বিরাট গির্জার মধ্যে আমরা এসেছি। যেখান দিয়ে এখন হেঁটে চলেছি সেখান থেকে পশ্চিমে চাইলে গাছের ফাঁক দিয়ে নয়নপুর ভিলা দেখা যায়। অবিশ্বিত বনের মধ্যে দিয়ে যতই এগোছিছ ততই বাড়িটা দূরে সরে গিয়ে গাছপালায় ঢেকে যাচ্ছে। এটা মানতেই হবে যে, এই নিস্তর দুপুরে এই ঘন বনের মধ্যে দিয়ে হাঁটতে গাটো বেশ ছমছম করছিল। লালমোহনবাবু তাই বোধহয় একবার বললেন, ‘এখানে কাটুকে খুন করলে লাশ আবিক্ষা করতে মাস্থানেক অন্তত লাগবে।’

আমরা আরও এগিয়ে চললাম। এবার আর নয়নপুর ভিলা দেখা যাচ্ছে না। একটা মাত্র পাখির ডাক কিছুক্ষণ থেকে কানে আসছে, কিন্তু সেটা যে কী পাখি তা জানি না।

উত্তর দিকে চোখ পড়তে হঠাৎ দেখি মেঘ সরে গিয়ে দুটো পাইন গাছের মধ্যে দিয়ে কাঞ্চনজঙ্গল খানিকটা অংশ দেখা যাচ্ছে। আমি লালমোহনবাবুকে সেই দিকে দেখতে বলব বলে ডাইনে ঘুরেই দেখি ভদ্রলোক চোখ বড়-বড় করে থমকে দাঁড়িয়ে গেছেন। কী দেখছেন ভদ্রলোক?

ওঁর দৃষ্টি অনুসরণ করে পূর্বে চাইতেই বুঝলাম ব্যাপারটা কী।

একটা গাছের গুঁড়ির পাশে একটা বোপ, আর সেই বোপের পিছনে এক জোড়া জুতো-পরা পা দেখা যাচ্ছে।

‘এগিয়ে গিয়ে দেখবে?’ ফিসফিসে গলায় জিজ্ঞেস করলেন লালমোহনবাবু।

আমি এ প্রশ্নের কোনও উত্তর না দিয়ে এগিয়ে গেলাম। ওই জুতো জোড়া আমি আগে দেখেছি।

বোপটা পেরোতেই ব্যাপারটা বুঝলাম।

একটা লাশ পড়ে আছে মাটিতে।

একে আমরা চিনি।

এ হল লোকনাথ বেয়ারা।

একেও বুকে ছুরি মেরে খুন করা হয়েছে, যদিও অন্তর্টা কাছাকাছির মধ্যে নেই।

তার বদলে আছে একটা পাথরের সামনে একটা ভাঙা বোতল, আর সেই বোতলের চারিদিকে ছড়ানো গেটো ত্রিশেক বড়ি। সেই বড়ি এককালে সাদা ছিল, কিন্তু এখন জল আর মাটি লেগে সেটা আর সাদা নেই।

আমরা আর এক মুহূর্ত অপেক্ষা না করে সোজা ফিরে এলাম হোটেলে। ফেলুন্দাও বলল সে ফিরেছে মিনিট পাঁচেক আগে। লালমোহনবাবু ‘সেনসেশন্যাল ব্যাপার—’ বলে নাটক করতে আরম্ভ করেছিলেন। আমি ওঁকে থামিয়ে এক কথায় ব্যাপারটা বলে দিলাম।

ফেলুন্দা তৎক্ষণাত্মে থানায় ফোন করে দিল। পাঁচ মিনিটের মধ্যে সাহাকে নিয়ে দুটো জিপ চলে এল, একটায় চারজন কনস্টেবল।

আমরা আবার ফিরে গেলাম বাটুবনে যেখানে লাশ পাওয়া গিয়েছিল, সেই জায়গায়।

‘ইনিও দেখছি ছুরিকাঘাতে মৃত’, বললেন সাহা। ‘আসলে আমরা খুঁজছিলাম লোকালয়ে, ভাবছিলাম লোকটা কোনও গোপন ডেরায় লুকিয়ে রয়েছে। এই ডিসকভারির জন্য পুরো



ক্রেডিট পাবেন মিস্টার মিত্রের বন্ধু এবং কাজিন। সত্যিই আপনারা কাজের কাজ করেছেন।'

মৃতদেহ চলে গেল পুলিশের জিম্মায়, আমরা ফিরে এলাম হোটেলে।

'এ যে মোড় ঘুরে গেল!' আমাদের ঘরে এসে খাটের উপর ধপ্ক করে বসে বললেন লালমোহনবাবু।

'ঘুরেছে ঠিকই', বলল ফেলুদা, 'কিন্তু অন্ধকারের দিকে নয়, আলোর দিকে। এখন শুধু কয়েকটা খবরের আপেক্ষা। তারপর চূড়ান্ত নিষ্পত্তি।'

সন্ধ্যায় এল ফেলুদার টেলিফোন—সাহার কাছ থেকে। একপেশে কথা শুনে, আর ফেলুদার গোটা বিশেক 'হ্যাঁ' 'আই সি' আর 'ভেরি গুড' শুনে আন্দাজ করলাম যে, খবরটা যা আসবার তা এসে গেছে। শেষে ফেলুদা বলল, 'তা হলে কাল সকাল দশটার সময় সকলকে বলুন যেন মিঃ মজুমদারের বৈঠকখানায় জমায়েত হয়। নয়নপুর ভিলার সকলে এবং মাউন্ট এভারেস্টের পুলক ঘোষাল, রাজেন রায়না, মহাদেব ভার্মা আর ক্যামেরাম্যান সুদেব ঘোষ। আপনাদের উপস্থিতি তো অবশ্যই এসেনশিয়াল।'

১১

পরদিন সকাল সাতটায় আমাদের হোটেলের ঘরের ফোনটা বেজে উঠল। আমরা দুজনেই আগেই উঠে পড়েছিলাম, সবে বেড়-টি খাওয়া হয়েছে, ফেলুদা বিছানায় বসেই হাত বাড়িয়ে ফোনটা তুলল। ওকে শুধু দুটো কথা বলতে শুনলাম—'বলেন কী?' আর 'আমি পাঁচ মিনিটের মধ্যে তৈরি হয়ে নিছি।'

ফোনটা রেখে আমার দিকে ফিরে বলল, 'লালমোহনবাবুকে বল তৈরি হয়ে নিতে—এক্ষুনি!'

কী ব্যাপার, কোথায় যাওয়া হচ্ছে? সেটা পুলিশের জিপে উঠে বুবলাম। আজ সকাল সকাল পুলিশের জিপ নয়নপুর ভিলায় গিয়েছিল ওদের মিটিং সম্বন্ধে খবর দিতে। গিয়ে শুনল সমীরণবাবু নাকি একটা জরুরি টেলিফোন পেয়ে পনের মিনিট আগে শিলিগুড়ি রওনা হয়ে গেছেন। অর্থচ ফেলুদার মতে মিটিং-এ তাঁকে ছাড়া চলবে না।

আমাদের জিপ শিলিগুড়ির রাস্তা ধরল।

পাহাড়ি রাস্তা দিয়ে এই স্পিডে কোনও দিন চলেছি বলে মনে পড়ে না। দেখতে দেখতে ঘুম সোনাদা টুঁঁ ছাড়িয়ে গেল। তবু ভাগ্যি ভাল এখন অবধি তেমন কুয়াশা পাইনি। নইলে জিপের স্পিড তোলা যেত না। অসন্তু তুখোড় ড্রাইভার, তাই পঁয়তালিশ মিনিটের রাস্তা আধ ঘণ্টায় পেরিয়ে গেল।

সাহা অবিশ্যি কার্সিয়ং আর শিলিগুড়িতেও খবর পাঠিয়ে দিয়েছিলেন যাতে সমীরণবাবুর গাড়ি তারা আটকায়। কিন্তু ট্যাক্সির নম্বরটা দেওয়া সন্তু হয়নি। সেটা বার করতে বেশ কিছুটা সময় নষ্ট হয়ে যেত।

কার্সিয়ং পর্যন্ত গিয়েও সমীরণবাবুর ট্যাক্সির কোনও পাতা পাওয়া গেল না। সাহা ড্রাইভারকে বললেন, 'এবার পাঁখাবাড়ির শর্টকাটটা ধরো।'

আমাদের দুটো জিপ ছিল; একটা সাধারণ রাস্তা দিয়ে গেল, আর অন্যটা—যাতে আমরা রয়েছি—সেটা শর্টকাটটা ধরল।

পাঁখাবাড়ির রাস্তা যে কী ভয়ানক প্যাঁচালো, সেটা যে না দেখেছে তাকে বোঝানো অসন্তু। লালমোহনবাবু তো চোখ বন্ধ করে রইলেন। বললেন, 'অন্য গাড়ির দেখা পেলে

বোলো, তপেশ। আমি তার আগে আর চোখ খুলছি না ; খুললেই গা শুলোবে ।'

পনের মিনিট সাপের মতো প্যাঁচানো উত্তরাই দিয়ে যাবার পর একটা হেয়ারপিন বেঙ্গ ঘুরেই দেখা গেল একটা ট্যাঙ্কি দাঁড়িয়ে আছে। রাস্তার প্রায় মাঝামাঝি। বোঝাই যাচ্ছে টায়ার পাংচার। গাড়ির পাশে রাস্তায় দাঁড়িয়ে অসহিষ্ণুভাবে সিগারেট টানছেন সমীরণ মজুমদার।

আমাদের জিপ দেখেই ভদ্রলোক কেমন যেন হকচকিয়ে তটস্থ হয়ে পড়লেন।

আমরা সকলেই গাড়ি থেকে নামলাম। ফেলুদা আর সাহা এগিয়ে গেল সমীরণবাবুর দিকে। ভদ্রলোকের মুখ ফ্যাকাসে হয়ে গেছে।

‘কী—কী ব্যাপার?’

‘কিছুই না’, বলল ফেলুদা, ‘হয়েছে কী, আপনি যে মিটিংটা অ্যাটেন্ড করতে যাচ্ছেন কলকাতা, তার চেয়েও তের জরুরি মিটিং রয়েছে আজই, সকাল দশটায় আপনাদের নয়নপুর ভিলাতে। সেখানে আপনার থাকা একান্তই প্রয়োজন। অতএব আর বাক্যব্যয় না করে আপনার ট্যাঙ্কির ভাড়া মিটিয়ে দিয়ে উঠে পড়ুন আমাদের জিপে। সঙ্গে আপনার সুটকেস্টাও অবিশ্য নেওয়া চাই।’

তিনি মিনিটের মধ্যে আমরা আবার রওনা হলাম উলটো মুখে। পথে কোনও কথা হল না। ফেলুদা চুপ, সাহা চুপ, সমীরণবাবুও চুপ।

নয়নপুর ভিলা যখন পৌঁছলাম তখন পৌনে দশটা।

বাড়ির ভিতর চুকে ফেলুদা সমীরণবাবুকে বলল, ‘আপনার লোকনাথ বেয়ারা যখন আর নেই, তখন আপনার অন্য চাকর বাহাদুরকে বলুন কফি করতে। অন্তত বারো কাপ।’

আমরা বৈঠকখানায় গিয়ে বসলাম। পাশের ঘর থেকে আরও চেয়ার এনে রাখা হয়েছে। সবাই যাতে বসতে পারে।

কফি আসার সঙ্গে সঙ্গেই এভারেস্ট হোটেলের দলও চলে এল। পুলক ঘোষাল একটু অবাক হয়েই জিজ্ঞেস করল, ‘ব্যাপার কী লালুদা?’

লালমোহনবাবু বললেন, ‘তুমি যেই তিমিরে, আমিও সেই তিমিরে। তবে যতদূর জানি, রহস্যে আলোকপাতের জন্যেই এই মিটিং-এর ব্যবস্থা। আলোকসম্পাত করবেন শ্রীপ্রদোষ মিত্র।’

‘আমাদের শুটিং আবার চালু করতে পারব তো?’

‘সে তো ভাই বলতে পারব না। কিছুক্ষণের মধ্যেই জানতে পারবে।’

‘দুগ্গা দুগ্গা!...বারো বছর এ লাইনে আছি, সতেরোখানা ছবি ডাইরেক্ট করেছি, কিন্তু এ হজ্জতে পড়িনি কখনও।’

পুলক ঘোষালের কাঁচুমাচু ভাব দেখে আমার মায়া হল। ছাপ্পান্ত লাখ খরচ হ্বার কথা ছবিটাতে। সেটা এখন বেড়ে গিয়ে কোথায় দাঁড়াবে কে জানে?

সবাই চেয়ার বেছে নিয়ে বসে পড়ল। সকলেরই অস্পষ্টি ভাব। আমি একবার সকলের উপর চোখ বুলিয়ে নিলাম। আমার ডাইনে বসেছেন লালমোহনবাবু, আর বাঁয়ে ফেলুদা। ফেলুদার পরে পর-পর গোল হয়ে বসেছেন ইনস্পেক্টর সাহা, সমীরণবাবু, রজতবাবু, পুলক ঘোষাল, মহাদেব ভার্মা, রাজেন্দ্র রায়না আর ক্যামেরাম্যান সুদেব ঘোষ। এ ছাড়া ঘরে দাঁড়িয়ে আছে নেপালি চাকর বাহাদুর, রাম্মার লোক জগদীশ, আর চারজন কনস্টেবল। চারজনই রয়েছেন ঘরের দরজার মুখটাতে।

আমাদের কফি খাওয়া শেষ হল। শেলফে রাখা একটা বাহারের ঘড়িতে টিৎ টিৎ করে দশটা বাজল। আর তার সঙ্গে সঙ্গেই ফেলুদা উঠে দাঁড়াল। সমস্ত ঘরে একমাত্র ফেলুদার



2015/01/21

মধ্যেই কোনও অবস্থির ভাব নেই। ইনস্পেক্টর সাহকেও একবার আঙুল মটকাতে লক্ষ করেছি।

বোম্বাইয়ের অভিনেতা দুজন রয়েছে বলে ফেলুন্দা ইংরিজিতে কথা বলল, আমি সেটা বাংলা করে লিখছি।

ফেলুন্দা আরম্ভ করল—

‘গত ক’দিনে এ বাড়িতে কয়েকটা দুর্ঘটনা ঘটে গেছে। সাধারণ অবস্থায় হয়তো ঠিক এইভাবে এগুলো ঘটত না, কিন্তু এ বাড়িতে একটা ফিল্মের শুটিং চলাতে দৈনন্দিন কাটিনে কিছু পরিবর্তন দেখা দিয়েছিল, এবং অনেক লোকের মনই পড়ে ছিল এই শুটিং-এর দিকে—যার ফলে কতকগুলি ঘটনা ঘটা সম্ভব হয়েছিল।

‘প্রধান ঘটনা হল—বাড়ির যিনি কর্তা—বিক্রামক্ষ মজুমদার—তিনি খুন হন। আমি নিজে একজন প্রাইভেট ইনভেস্টিগেটার; আমার কাছে হত্যাটা খুব রহস্যজনক বলে মনে হচ্ছিল। খুনের প্রধান উদ্দেশ্য যদি মূল্যবান জিনিস চুরি হয়ে থাকে, তা হলে লোকনাথ বেয়ারার উপর সন্দেহ পড়াটা খুব স্বাভাবিক, কারণ সে খুনের পর থেকেই উধাও হয়ে গিয়েছিল। কিন্তু আমার মন এটা মানতে চাইছিল না—কেন, সেটা ক্রমে প্রকাশ করছি। প্রথমে, যিনি খুন হয়েছিলেন তাঁকে জড়িয়ে দুটো ঘটনা আমি আপনাদের বলতে চাই।

‘একটা ঘটে যখন তিনি কলকাতায় বেঙ্গল ব্যাক্সের ম্যানেজিং ডিপ্রেসর ছিলেন। ব্যাক্সের অ্যাকাউন্টস ডিপার্টমেন্টের একটি তরুণ কর্মচারী—নাম ভি. বালাপোরিয়া—তহবিল তছরপ করে প্রায় দেড় লাখ টাকা হাত করে বেপাত্তা হয়ে যায়। আজ পর্যন্ত তার কোনও সন্ধান পাওয়া যায়নি।

‘দ্বিতীয় ঘটনা ঘটে মধ্যপ্রদেশের নীলকণ্ঠপুরে। ওখানকার রাজা পৃথী সিং-এর আমন্ত্রিত হয়ে বিক্রামক্ষ মজুমদার সেখানে যান বাঘ শিকার করতে। সেখানে জঙ্গলে বোপের পিছনে বাঘ ভেবে তিনি একটি মানুষের উপর গুলি চালান। তার ফলে সেই মানুষের মৃত্যু হয়। যিনি মরেন তিনি ছিলেন বাঙালি। নাম সুধীর বৰুৱা। নীলকণ্ঠপুর রাজ কলেজে ইতিহাসের অধ্যাপক ছিলেন। তাঁর একটি শখ ছিল, সেটা হল কবিয়াজি গাছ-গাছড়া সংগ্রহ করা। এই কাজ করতেই তিনি জঙ্গলে গিয়েছিলেন, এবং এই জন্যই তাঁর মৃত্যু হয়। এই হত্যার খবর যাতে সম্পূর্ণ গোপন থাকে, তার জন্য পৃথী সিংকে অনেক টাকা খরচ করতে হয়।

‘যিনি মারা গিয়েছিলেন, সেই সুধীর ব্ৰহ্মের একটি ছেলে ছিল, নাম রমেন বৰুৱা। স্বভাবতই রমেন বৰুৱা এই ঘটনায় খুবই বিচলিত হয়ে পড়েন। তখন তাঁর বয়স ছিল মোল। তিনি প্রতিজ্ঞা করেন যে, বড় হয়ে তিনি এই অন্যায়ের প্রতিশোধ নেবেন। এখানে বলে রাখি, এই ঘটনা আমি শুনি দার্জিলিং-এর বাসিন্দা এবং মিঃ মজুমদারের প্রতিবেশী হরিনারায়ণ মুখোপাধ্যায়ের কাছে, যিনি সেই সময় নীলকণ্ঠপুরে থাকতেন এবং সুধীর ব্ৰহ্মের পরিবারকে চিনতেন। এই ঘটনার অবিশ্যি কোনও প্রমাণ নেই, কিন্তু তাঁর জীবনে যে একটা কলক্ষময় ঘটনা ঘটেছিল এবং সেটা যে খবরের কাগজ থেকে চেপে রাখা হয়েছিল সে ইঙ্গিত বিক্রামক্ষ মজুমদার নিজেই আমাকে দিয়েছিলেন। সুতরাং এটা অবিশ্বাস করার কোনও কারণ আমি দেখি না।

‘এবার বিক্রামক্ষবাবুর হত্যার ঘটনায় আসা যাক। তাঁকে মারবার কারণ ও সুযোগ কার থাকতে পারে এটা ভাবতে গেলে প্রথমেই মনে হয় তাঁর ছেলে সমীরণবাবুর কথা। সমীরণবাবু শেয়ার মার্কেটে অনেক লোকসান দিয়েছেন এ খবর আমরা পেয়েছি। এটা কি সমীরণবাবু অস্থি কার করতে পারেন?’

সমীরণবাবু মাথা নেড়ে না বললেন, তাঁর দৃষ্টি মেঝের কার্পেটের দিকে।

‘আর তিনি যে তাঁর পিতার মৃত্যুতে আর্থিক দিক দিয়ে বিশেষ লাভবান হলেন সেটা কি তিনি অস্বীকার করতে পারেন ?’

সমীরগবাবু এবারও মাথা নেড়ে না বললেন।

‘ভেরি গুড়’, বলল ফেলুন্দা। ‘এবার আমরা খুনের চেহারাটা দেখব।

‘বিরূপাক্ষবাবু দুধে মিশিয়ে টফানিল বলে একটা বড়ি খেয়ে দুপুরে ঘুমোতেন। এই দুধ তাঁকে এনে দিত তাঁর বেয়ারা লোকনাথ। এই বড়ি মৃত্যুর দু দিন আগে পুরো এক মাসের স্টক, অর্থাৎ একত্রিশটা, কেনেন বিরূপাক্ষবাবু। তখন আমি সেখানে উপস্থিত ছিলাম। খুনের পর দেখা যায় যে তার একটিও অবশিষ্ট নেই। আমাদের স্বভাবতই মনে হবে যে এই বড়িগুলির সবই তাঁর দুধের সঙ্গে মেশানো হয়েছিল। ত্রিশটা টফানিল একসঙ্গে খেলে একজন মানুষের মৃত্যু হতে পারে। আমাদের ধারণা আরও বদ্ধমূল হয় এই দেখে যে, বিরূপাক্ষবাবু একটা কাগজে কঁপা হাতে “বিষ” কথাটা লিখে রেখে গিয়েছিলেন। কিন্তু সেই সঙ্গে আরেকটা ব্যাপার দেখা গেল এই যে, তাঁকে যে শুধু বড়ি খাওয়ানো হয়েছিল তা নয়। সেই সঙ্গে তাঁকে ছোরাও মারা হয়েছিল। এটা মনে হওয়া স্বাভাবিক যে, “বিষ” কথাটা লেখার পরে তাঁকে ছোরা মারা হয়েছিল। মনে হয়, বড়িতে কাজ দেবে না মনে করে আততায়ী পরে আরেকবার এসে ছোরা মেরে খুন্টাকে আরও নিশ্চিতভাবে সম্পন্ন করে।

‘এখানে প্রশ্ন আসে—এই খুনের মোটিভ কী ? এরও উত্তর পেতে কোনও অসুবিধা হয়নি। বিরূপাক্ষবাবুর ঘরে অষ্টধাতুর একটি মহামূল্য মৃত্যি ছিল। সেটি এই খুনের সঙ্গে সঙ্গে উধাও হয়ে যায়।

‘এখানে আমার মনে খট্কা যাই থাকুক না কেন, পুলিশের বিশ্বাস হয় যে বেয়ারা লোকনাথ মৃত্যিটা হাত করার জন্য মনিবকে ত্রিশটা বড়ি খাইয়ে তারপর খুন্টাকে আরও জোরদার করার জন্য তাঁর বুকে ছুরি মেরে মৃত্যিটাকে নিয়ে পালায়। গতকাল কিন্তু জানা যায় যে এ ধারণা সম্পূর্ণ ভুল। আমার বন্ধু মিঃ গাঞ্জুলী ও ভাই তপেশ গতকাল বিকেলে এই বাড়ির পিছনের বাউবনে বেড়াতে গিয়ে অকস্মাত লোকনাথ বেয়ারার মৃতদেহ আবিষ্কার করে। তাকেও ছুরি মেরে খুন করা হয়েছে। শুধু তাই নয় ; মৃতদেহের পাশে ছড়ানো ছিল খান ত্রিশেক টফানিলের বড়ি। অর্থাৎ লোকনাথ শুধু যে খুন বা ছুরি করেনি তা নয়, যাতে তার মনিবকে বড়ি খাইয়ে হত্যা না করা হয়, সেইজন্য সে বড়িগুলো নিয়ে পালাচ্ছিল। সেই সময় কেউ তাকে খুন করে।

‘অর্থাৎ এও জানা যাচ্ছে যে বিরূপাক্ষ মজুমদারের মৃত্যু হয় একমাত্র ছুরির আঘাতেই, বড়ি খেয়ে নয়।

‘ইতিমধ্যে আমার নিজের কতকগুলো অভিজ্ঞতা হয় যে-সম্বন্ধে আমি আপনাদের বলতে চাই।

‘নয়নপুর ভিলার একজন বাসিন্দা হিসাবে রজত বোস সম্বন্ধে আমার একটা কৌতুহল ছিল, যদিও প্রথম দিকে তাঁর উপর সন্দেহ পড়ার কোনও কারণ ছিল না। তাঁকে জেরা করে আমি জানতে পাই যে, তিনি ফিফটি সেভনে বি কম পাশ করেন।

‘এ ব্যাপারে আমরা অনুসন্ধান করে জেনেছি যে, রজত বোস নামে কোনও ছাত্র ওই বছর বি কম পাশ করেন।’

আমি রজতবাবুর দিকে চাইলাম। তিনি হঠাৎ যেন কেমন মুশড়ে পড়েছেন। ফেলুন্দার দৃষ্টি তখন রজতবাবুর দিকে। সে বলল, ‘এই গোলমালটা কেন হল বলতে পারেন ?’

রজতবাবু দু বার গলা খাক্রে চুপ করে গেলেন। তারপর যেন নিজের মনকে শক্ত করে একটা বড়ি রকম নিখাস টেনে নিয়ে বললেন, ‘আমি বিরূপাক্ষ মজুমদারকে খুন করিনি, কিন্তু

করতে চেয়েছিলাম—একশোবার চেয়েছিলাম। হি কিল্ড মাই ফাদার। তারপর ঘুষ দিয়ে লোকের মুখ বন্ধ করেন। হি ওয়াজ এ ক্রিমিন্যাল !

‘ফেলুদা বলল, ‘সে ব্যাপারে আপনার উপর আমার সহানুভূতি আছে। কিন্তু এবার আমি আপনাকে কয়েকটা কথা জিজ্ঞেস করতে চাই—সত্যি কি মিথ্যে বলুন।’

‘কী কথা ?’

রজতবাবু এখনও হাঁপাচ্ছেন।

ফেলুদা বলল, ‘সে দিন লোকনাথ রোজকার মতো দুধে বড়ি মিশিয়ে তার মনিবকে খবর দিতে গিয়েছিল। মজুমদার সেই সময় শুটিং দেখছিলেন। তখন দুধের গোলাস আর বড়ির বোতল খাবার ঘরে পড়ে ছিল। আপনি সুযোগ বুঝে দুধে আরও বেশি করে বড়ি মেশাতে গিয়েছিলেন—তাই নয় কি ?’

রজতবাবু বললেন, ‘আমি তো বলেছি—আমি আমার বাবার মৃত্যুর প্রতিশোধ নিতে চেয়েছিলাম।’

‘কিন্তু আপনি কাজটা করার আগেই ঘরে লোকনাথ ফিরে আসে—ঠিক কি না ? এবং সে আপনাকে ওখানে ওইভাবে দেখে সমস্ত ব্যাপারটা আঁচ করে। আপনি তার মুখ বন্ধ করতে বদ্ধপরিকর হন।’

‘হি ওয়াজ এ ফুল !’ চেঁচিয়ে উঠলেন রজতবাবু। ‘আমি ওকে দলে টানতে চেয়েছিলাম, কিন্তু ও রাজি হয়নি।’

‘তাই আপনি তাকে আক্রমণ করেন। সে আপনার হাত থেকে মুক্তি পেয়ে বড়ি সমেত বোতল নিয়ে ঘাউবনে পালায়। আপনি তার পিছু নেন ; আপনার সঙ্গে অন্ত ছিল—মিঃ মজুমদারের পেপার কাটার। আপনি তাকে ধরে ফেলেন, কিন্তু আপনি ছুরি মারার আগে সে তার হাতের বোতল মাটিতে ছুঁড়ে ফেলে দেয়।’

এতক্ষণ দৃঢ়ভাবে থাকলেও রজতবাবু হঠাৎ ভেঙে পড়ে দু হাতে মুখ গুঁজে নিলেন।

দুজন কনস্টেবল তাঁর দিকে এগিয়ে গেল।

‘আর একটা ছেট্টো প্রশ্ন, বলল ফেলুদা, ‘আপনার সুটকেসে যে আর বি লেখা আছে, সেটা তো আসলে রমেন ব্ৰহ্ম, এবং সেই জন্যেই পৱে রজত বোস নাম নিয়েছিলেন ?’

রজতবাবু মাথা নেড়ে হাঁ বললেন।

ফেলুদা আবার তার কথা শুনু কৰল।

‘এর মধ্যে গতকাল আবার একটা ঘটনা ঘটে। একজন লোক কুয়াশার মধ্যে আমাকে খাদে ফেলে মারতে চেষ্টা করে।’

সমস্ত ঘর চুপ। সকলেই ফেলুদার দিকে চেয়ে আছে। ফেলুদা বলে চলল—

‘লোকটিকে ভাল করে দেখা যায়নি কুয়াশার জন্য, তবে তার চাপ দাঢ়িটা যে কৃত্রিম, সেটা সন্দেহ করেছিলাম। সে লোকটি যখন আমাকে ঠেলা মারে তখন আমি একটা সেন্টের গন্ধ পাই। সেটা ছিল ইয়ার্ডলি ল্যাভেন্ডার এবং সে গন্ধ আমি আরেকবার একজনের গায়ে পেয়েছিলাম—দমদম এয়ারপোর্টে রেস্টোৱার্টে বসে।’

এখানে হঠাৎ রাজেন রায়না কথা বলে উঠল।

‘আমি নিজে ইয়ার্ডলি ল্যাভেন্ডার ব্যবহার করি, কিন্তু মিস্টার মিত্রি যদি বলেন যে আমি ছাড়া সে সেন্ট কেউ ব্যবহার করে না, তা হলে তিনি অত্যন্ত ভুল করবেন।’

ফেলুদার ঠোঁটের কোণে হাসি।

‘আপনি যে এ কথা বলবেন তা আমি ‘জানতাম’, বলল ফেলুদা। ‘কিন্তু আমার কথা বলা তো এখনও শেষ হয়নি, মিঃ রায়না।’

‘বলুন কী বলবেন।’

ফেলুদা এবার সাহার কাছ থেকে একটা পোর্টফোলিও নিয়ে তার ভিতর থেকে একটা খাম বার করল। আর সেই সঙ্গে একটা বাঁধানো ছবি। এটা সেই বেঙ্গল ব্যাক্সের গ্রুপ ফোটো।

‘এই গ্রুপ ছবিটার কথা কি আপনার মনে আছে, মিঃ রায়না?’

‘আই হ্যাভ নেভার সিন ইট বিফোর।’

‘কিন্তু এতে যে আপনি নিজে উপস্থিত রয়েছেন।’

‘মনে?’

এইবার ফেলুদা খাম থেকে একটা ছবি বার করল। এটা একটা মুখের এনলার্জমেন্ট।

‘এই ছবিটার উপর আমার একটু কলম চালাতে হয়েছে, বলল ফেলুদা, ‘কারণ তখন আপনার দাঢ়ি ছিল না, এখন হয়েছে। দেখুন তো এঁকে চিনতে পারেন কিনা। এটা বেঙ্গল ব্যাক্সের অ্যাকাউন্টস্ডি পিপার্টমেন্টের ভি. বালাপোরিয়ার ছবি।’

রায়না আর হাতে নিয়ে ছবিটা দেখল না। সে একটা রুমাল বার করে ঘাম মুছছে। আমি দেখতে পাচ্ছি ছবিটার সঙ্গে রায়নার হ্বহু সাদৃশ্য।

‘যাঁর বাড়িতে আপনার শুটিং হবে তিনি যে আপনার এককালের বস্তি, এবং তিনি যে আপনাকে চিনে ফেলবেন এটা আপনি কী করে জানবেন? আর, একবার যদি সত্য কথা প্রকাশ পেয়ে যায় তা হলে সেই কলক্ষের চাপে আপনার ফিল্ম কেরিয়ারের কী দশা হবে সেটা তো আপনি বুঝতেই পারছিলেন। মিঃ মজুমদার আপনাকে জানিয়েছিলেন যে তিনি আপনাকে চিনতে পেরেছিলেন। আপনি অঙ্গীকার করেন। তাতে তিনি বলেন, “ইউ আর এ লায়ার!” আর তারপর বাংলায় বলেন, “আমি তোমার একটা কথাও বিশ্বাস করি না”। আপনি এগারো বছর বেঙ্গল ব্যাক্সে চাকরি করেন, কাজেই আপনি বাংলা যথেষ্ট ভাল ভাবেই জানতেন।

‘আর খনের সুযোগের কথাই যদি হয়, তা হলে লাঞ্ছের সময় পঁয়তাল্লিশ মিনিট কাজ বন্ধ ছিল; সেই ফাঁকে মিঃ মজুমদারের ঘরে যাওয়া আপনার সন্তুষ্টি ছিল; আর মিঃ মজুমদার যখন আপনাদের তাঁর বালগোপালকে দেখতে নিয়ে যান, তখন তার পাশেই যে একটি ভুজালি রয়েছে সেটা নিশ্চয়ই আপনার দৃষ্টি এড়ায়নি।’

সাহা এবার রায়নার দিকে রওনা দিলেন। পুরুক ঘোষাল মাথায় হাত দিয়ে বসে আছেন। তাঁর মনের কী অবস্থা সেটা আমি বেশ বুঝতে পারছি। লালমোহনবাবু এবার আমার দিকে ঝুঁকে পড়ে ফিসফিস করে বললেন, ‘কিন্তু মজুমদার “বিষ” কথাটা কেন লিখলেন—’

লালমোহনবাবুর কথা শেষ হল না, কারণ ফেলুদা আবার মুখ খুলেছে। সে বলল—

‘আমি আরও বলছি, মিঃ রায়না। মিঃ মজুমদারকে যখন আপনি খুন করতে যান, তখন তাঁর ঘূম ভেঙে যায়। তিনি আপনাকে দেখেছিলেন। ছুরির আঘাতের পরও তিনি কয়েক মুহূর্ত বেঁচে ছিলেন। কারণ ছুরি ঠিক মোক্ষম জায়গায় লাগেনি। মিঃ মজুমদার আপনার নামটা লিখে যেতে চেষ্টা করেছিলেন, কিন্তু পুরোটা লিখতে পারেননি। সে নামটা কী আপনি বলবেন?’—রায়না চুপ।

‘আমি বলি?’

রায়না চুপ।

‘আমরা খবর নিয়ে জেনেছি যে, ভি. বালাপোরিয়া হচ্ছে বিষুদ্ধাস বালাপোরিয়া। বিষুদ্ধাসের “বিষ”-টুকু মজুমদার লিখতে পেরেছিলেন, আর পারেননি।’

‘আই অ্যাম সরি, আই অ্যাম সরি! বলে ডুক্রে কেঁদে উঠলেন বিষুদ্ধাস বালাপোরিয়া

ওরফে রাজেন রায়না।

ফেলুদা এবার সমীরণবাবুর দিকে চাইল। সমীরণবাবু বললেন, ‘আমি তো এদের কাছে শিশু !’

‘তা বটে, বলল ফেলুদা। ‘এবার সুটকেস্টা খুলুন তো দেখি ; খুলে অষ্টধাতুর বালগোপালটা বার করে দিন।’

বিকেলে কেভেন্টারসের ছাতে বসে কথা হচ্ছিল। আমরা তিনজন আর পুলক ঘোষাল।

‘দার্জিলিংটা বড় অপয়া জায়গা, লালুদা,’ বললেন পুলক ঘোষাল। ‘তার চেয়ে ভাবছি সিমলায় করব শুটিংটা। রাজেন রায়নার জায়গায় অর্জুন মেরহোত্রা। কেমন মানাবে ?’

‘দুর্দৰ্শন,’ বললেন লালমোহনবাবু। ‘তবে আমার অংশটা বাদ পড়বে না তো !’

‘পাগল !—নভেম্বরেই শুটিং আরম্ভ করে ফেলব, আর ফেরুয়ারিতে শেষ। আরও চারখানা ছবি আছে আমার হাতে, সব এইটি সেভেনের মধ্যে নামিয়ে দিতে হবে।’

‘চারখানা ছবি ! পর পর ?’

‘তা আপনাদের আশীর্বাদে মোটামুটি চলছে ভালই, লালুদা !’

ফেলুদা লালমোহনবাবুর দিকে ফিরে বলল, ‘ঁকেও তা হলে এ বি সি ডি বলা চলে, তাই না ?’

‘কীরকম ?’ চোখ কপালে তুলে জিজ্ঞেস করলেন জটায়ু।

‘এশিয়াজ বিজিয়েস্ট সিনেমা ডাইরেক্টর !’

ভূস্বর্গ ভয়ংকর

১

‘এবার কোথায় যাওয়া হচ্ছে ?’ এক মুঠো চানাচুর মুখে পুরে চায়ে একটা চুমুক দিয়ে জিজ্ঞেস করলেন রহস্য রোমাঞ্চ উপন্যাসিক লালমোহন গাঙ্গুলী ওরফে জটায়ু—‘যা গন্গনে গরম পড়েছে, আর তো এখানে থাকা যায় না।’

‘কোথায় যাওয়া যায়, সেটা আপনিই বলুন না,’ বলল ফেলুদা। ‘ভ্রমণের নেশা তো আপনার আরও প্রবল। আমি তো ইচ্ছা করলে বারো মাস কলকাতায় পড়ে থাকতে পারি।’

‘আপনার হাতে এখন কোনও কেস নেই তো ?’

‘তা নেই।’

‘তা হলে চলুন বেরিয়ে পড়ি।’

‘কোথায় যেতে চাইছে আপনার মন ?’

‘পাহাড় তো বটেই ; আর পাহাড় বলতে আমি হিমালয়ই বুঝি। বিন্ধ্য, ওয়েস্টার্ন ঘাট্স—এ সব আমার কাছে পাহাড়ই নয়। আমার মন যেখানে যেতে চাইছে সেখানে না গেলে নাকি জন্মই বৃথা।’

‘কোথায় ?’

‘এত হিন্টস দিলুম তাও বুঝতে পারলেন না ?’

‘ভূষ্মগ ?’

‘এগজ্যাস্টলি ! কাশ্মীর ! প্যারাডিজ অন আর্থ । রোজগার তো বলতে নেই, দুজনেরই অনেক হল । সংসার আপনারও নেই, আমারও নেই । এত টাকা জমিয়ে রাখছি কার জন্যে ? চলুন বেরিয়ে পড়ি—ক্যালকাটা টু ডেল্হি, ডেল্হি টু শ্রীনগর ।’

‘শ্রীনগরই তো কাশ্মীরের একমাত্র দেখার জায়গা নয় । আরও আছে ।’

‘সবই দেখা যাবে একে একে ।’

‘পাহালগাম, গুলমার্গ, খিলেনমার্গ—অনেক কিছু দেখার আছে ।’

‘তা বেশ তো ; দিন পনেরো হাতে নিয়ে বেরিয়ে পড়ি । একটু ঘোরাঘুরি না করলে আমার মাথায় প্লট আসে না । পুজোর জন্য একটা কিছু লিখতে হবে তো !’

‘আপনার অত অনেক প্রয়োজন কী জানি না । আর পাঁচ জন যাবা লিখছে, সব বিদেশি খিলার থেকে প্লট সংগ্রহ করছে । ভদ্র ভাষায় বললাম, আসলে স্বেফ চুরি ছাড়া আর কিছুই না । আপনিও এবাব লেগে পড়ুন ।’

‘হাঁ, আমি চুরি করি আর শেষটায় আপনিই গালমন্দ করুন । আপনার কথার শেষ ভূজালির চেয়েও তীক্ষ্ণ ।’

‘তা হলে যেভাবে চলছে চলুক—থোড় বড়ি খাড়া, খাড়া বড়ি থোড় ।’

‘তা না হয় হল, কিন্তু কাশ্মীর যাবার ব্যাপারটা কোথায় দাঁড়াচ্ছে ?’

‘হাউসবোটে থাকবেন তো ?’

‘শ্রীনগরে ?’

‘শ্রীনগর ছাড়া আর হাউসবোট নেই । ডাল লেকের উপরে থাকা যাবে ।’

‘সেই তো ভাল—তাই নয় কি ? বেশ একটা নতুন অভিজ্ঞতা হবে ।’

‘অনেক খুচর কিন্তু । তার চেয়ে বোধহয় হোটেল সন্তু ।’

‘ও সব খুচরের কথা শুনতে চাই না । যাকে অনেক জমে আছে—ইনকাম ট্যাক্স দিয়েও । যাব—গিয়ে ম্যাক্সিমাম ফুর্টি যাতে হয়, তাই করব ।’

‘তা হলে শ্রীনগরে হাউসবোট, পাহালগামে তাঁবু আর গুলমার্গে লগ ক্যাবিন ।’

‘চমৎকার ! টুরিস্ট অফিস থেকে লিটারেচর নিয়ে আসব, তারপর দিন ক্ষণ দেখে বেরিয়ে পড়া যাবে ।’

*

কাশ্মীরের প্রস্তাবটা ফেলুদারও মনে ধরেছিল, সেটা আমি বুঝেছিলাম । লালমোহনবাবু ঘটা দু-এক আড়া মেরে চলে যাবার পর ফেলুদা টুরিস্ট অফিসে গিয়ে কাশ্মীর সম্বন্ধে পুস্তিকা ইত্যাদি নিয়ে চলে এল । বলল, ‘মনস্তির যখন করেই ফেলা হয়েছে, তখন আর সময় নষ্ট করে লাভ নেই । আজ সোমবার ; শনিবার নাগাত বেরিয়ে পড়া যাবে ।’

‘ঠাণ্ডা হবে না ওখানে ?’

‘তা হবে, এবং তার জন্যে তৈরি হয়ে যেতে হবে ।’

‘লালমোহনবাবু সেটা জানেন তো ?’

‘নিশ্চয়ই জানেন । তবে সাবধানের মার নেই । কাজেই ওঁকে সেটা ফোনে জানিয়ে রাখা দরকার । এমনিতেই তো শীতকাতুরে ।’

দু দিনের মধ্যে লন্ড্রি থেকে আমাদের শীতের কাপড় এসে গেল । ঠিক হল প্রথমে শ্রীনগরেই দিন সাতেক থাকা হবে, তারপর অন্য জায়গাগুলো দেখা যাবে । হাউসবোট কাশ্মীর টুরিজ্ম থেকে ব্যবস্থা করা হল । একটা হাউসবোটে একটা পুরো ফ্যামিলি থাকতে পারে । তাই তিনজনের পক্ষে যথেষ্ট । আমি না গিয়ে পড়া পর্যন্ত কঙ্গনাই করতে পারছিলাম

না ব্যাপারটা কী রকম হয়। নৌকোয় থাকা! তাও আবার লাঙ্গারি নৌকো! বোধহয় জিমদিরি আমলের বজরার মতো। পৃষ্ঠিকায় ছবি দেখে বুলাম যে হাউসবোটগুলো কটেজের মতো দেখতে। সেই সঙ্গে আবার ছেট ছেট নৌকোর ছবিও দেখা যাচ্ছে যাতে করে ডাল লেকে ঘুরে বেড়ানো যায়; কারণ হাউসবোটগুলো নড়েচড়ে বেড়ায় না।

ফেলুদাকে বললাম, ‘যা বুঝছি, শ্রীনগর শহরটায় দেখবার জিনিসের মধ্যে আছে কিছু বিখ্যাত মোগল বাগান। তবে পাহাড়েমেরা উপত্যকা, সব কিছুর মধ্যে দিয়ে বিলাম বয়ে চলেছে, তা ছাড়া দু-তিনটে লেক, পপলার, ইউক্যালিপ্টাস, চিনার গাছের সারি—মনে হয় জায়গাটা খুব সুন্দর। তবে গুলমার্গ পাহালগামও কিছু কম যায় না। পরে যদি ১১,০০০ ফুট খিলেনমার্গে ওঠা যায়, তা হলে সেখান থেকে নাঙ্গা পর্বতের নাকি একটা অন্তুত ভিউ পাওয়া যায়। পনেরো দিনের জন্য খুব জমজমাট টুর, কাজেই চিন্তা করার কিছুই নেই।’

প্ল্যানমাফিক আমরা শনিবারই বেরিয়ে পড়লাম। এবার প্লেনে তিনজনের এক লাইনে সিট পড়েনি বলে লালমোহনবাবুকে আলাদা বসতে হল। ভদ্রলোক দেখলাম তাঁর পাশের একটি বাঙালির সঙ্গে খুব আলাপ জুড়ে দিয়েছেন। দিল্লিতে এয়ারপোর্টে এসে জিঞ্জেস করলাম, ‘আপনার সহযাত্রীটি কে ছিলেন মশাই?’

লালমোহনবাবু বললেন, ‘নাম সুশান্ত সোম, এক রিটায়ার্ড জজের সেক্রেটারি। দলেবলে কাশীর চলেছেন। ওঁরাও হাউসবোটে থাকবেন। ভদ্রলোক তোমার দাদাকে দেখেই চিনেছেন। আমাকে জিঞ্জেস করলেন কোনও তদন্তে যাচ্ছি কি না। একবার মনে হল বলি হ্যাঁ, তারপর মাইন্ড চেঞ্জ করে সত্ত্ব কথাটাই বলে দিলুম।’

চারিদিকে বাঙালির ভিড়, তাদের অনেকের কথাবার্তা শুনেই মনে হল তাঁরাও কাশীর যাচ্ছেন। শ্রীনগরের প্লেন ছাড়তে আরও তিন ঘণ্টা দেরি। তার মধ্যে আমরা আর এক প্রস্ত চা খেয়ে নিলাম। রেস্টোর্যাটে লালমোহনবাবুর আলাপী ভদ্রলোকের সঙ্গে আবার দেখা হয়ে গেল। উনি আমাদের টোবিলের দিকে হাসিমুখে এগিয়ে এলেন।

‘আমার নাম সুশান্ত সোম,’ ভদ্রলোক ফেলুদাকে নমস্কার করে বললেন—‘আপনার বক্স মিঃ গাঙ্গুলীর সঙ্গে আলাপ হল, তাই ভাবলাম সুযোগ যখন মিলেছে তখন আপনার সঙ্গেও আলাপটা সেরে নিই। আমি আপনার একজন গুণমুক্ষ ভক্ত। আপনার তদন্তের কথা অনেক পড়েছি। দাঁড়ান, আমার বস্ত্র হয়তো আপনাকে দেখলে খুশি হবেন।’

রেস্টোর্যাটের দরজা দিয়ে আরও দল চুকেছে। সুশান্তবাবু তাদের দিকেই এগিয়ে গেলেন। জনা চারেক ভদ্রলোক, তার মধ্যে একজন বেশ বয়স্ক, প্রায় বৃক্ষ বললেই চলে। সুশান্তবাবু তাঁকে ফিসফিস করে কী বলতে ভদ্রলোক আমাদের দিকে এগিয়ে এলেন। ফেলুদা উঠে দাঁড়াল।

‘বসুন বসুন—উঠছেন কেন?’ বললেন ভদ্রলোক। ‘আমার নাম সিংহেশ্বর মল্লিক। আমি প্রায় সারা জীবন ক্রাইমের সঙ্গে যুক্ত, কিন্তু এই প্রথম একজন প্রাইভেট ডিটেকটিভকে দেখলাম।’

ফেলুদা বলল, ‘ক্রাইমের সঙ্গে যুক্ত মানে—?’

‘আমি একজন রিটায়ার্ড জজ। বহু অপরাধীকে মৃত্যুদণ্ডে দণ্ডিত করেছি। এখন সে কাজ থেকে অবসর নিয়ে বিশ্রাম করছি। শরীরও কিঞ্চিং ভেঙে পড়েছে—সঙ্গে ডাক্তার নিয়ে ঘুরতে হয়। ছেলেও আছে, বেয়ারাও আছে। আর আছে প্রাইভেট সেক্রেটারি। এই ইনি। সুশান্ত খুব কাজের ছেলে। একে ছাড়া চলে না আমার।’

‘আপনারা শ্রীনগরেই থাকবেন?’ জিঞ্জেস করল ফেলুদা।



‘আপাতত । তবে ইচ্ছে আছে কাশ্মীরটা একটু ঘুরে দেখার ।’

‘আমাদেরও ওই একই প্ল্যান’, বলল ফেলুন্ডা । ‘শ্রীনগরে নিচয়ই আবার দেখা হবে । আপনারা কি হাউসবোটে থাকবেন ?’

‘হ্যাঁ । হাউসবোটটা একটা ইউনিক দ্ব্যাপার । আমি সিঙ্গাটি-ফোরে একবার এসে থেকে গেছি । ইয়ে, এনার সঙ্গে তো আলাপ হল না—’ ভদ্রলোক লালমোহনবাবুর দিকে ফিরেছেন ।

‘আমিও ক্রাইম’, বলল জটায়ু । ‘আমি একজন রহস্য রোমাঞ্চ উপন্যাসিক ।’

‘ওরে বাবা ! তা হলে তো ক্রিমিন্যাল ছাড়া সবাই উপস্থিত দেখছি...ঠিক আছে । দেখা হবে শ্রীনগরে । আমরাও একটু চায়ের ব্যবস্থা দেখি গিয়ে ।’

২

আকাশ থেকে শ্রীনগর উপত্যকার এক রূপ, আর মাটিতে নেমে আর এক রূপ । চোখ জুড়িয়ে যায় তাতে কোনও সন্দেহ নেই । আর এও ঠিক যে এ জায়গার সঙ্গে দার্জিলিং-সিমলার কোনও মিল নেই । শ্রীনগরের দৃশ্য একেবারে অনন্য । সেটা আরও বেশি করে বুঝতে পারলাম ট্যাঙ্কিতে করে শহরে আসার সময় । শহর থেকে এয়ারপোর্ট সাত মাইল । একবার মনে হয়েছিল উপত্যকা বলে বুঝি অনেকটা কাঠমাণুর মতো হবে, কিন্তু তারপর লেক আর ঝিলাম নদী দেখে সে ধারণা একদম পালটে গেল ।

আমাদের যেতে হবে ডাল লেকের দক্ষিণে শহরের রাস্তা বুলেভার্ডে । আধ ঘণ্টায় বুলেভার্ডে পৌঁছে গেলাম । লেকের এদিকটা পাকা গাঁথুনি দিয়ে ঘেরা । ঘাট থেকে সিঁড়ি দিয়ে নেমে ছোট নৌকোয় গিয়ে উঠতে হয় । এই নৌকোকে এখানে বলে শিকারা । ভেনিসে যেমন জলপথে যাতায়াতের জন্য গঙ্গোলা, এখানে তেমনি শিকারা । আমাদের হাউসবোটের নাম ‘ওয়াটার লিলি’ । ‘ওয়াটার লিলি’র শিকারাও ঘাটেই আমাদের জন্য অপেক্ষা করছিল । আমরা মালসমেত তাতে গিয়ে উঠলাম । তারপর পঞ্চাশ হাত খানেক গেলেই পাশাপাশি সার বাঁধা হাউসবোট । এই সারি কিছুদূর যাবার পর লেক চওড়া হয়ে গেছে তারপর আর হাউসবোট নেই । যা আছে সবই লেকের পশ্চিম অংশে ।

শিকারা থেকে বোটে উঠতে কোনও কসরতের দরকার হয় না, খুবই সহজ ব্যবস্থা । বোটের সামনের দিকে খানিকটা খোলা জায়গা, সেখানে ইচ্ছা করলে বসা যায়, আবার সিঁড়ি দিয়ে উপরের ডেকে ওঠার বন্দেবন্দ আছে, সেখানে চেয়ারে বসে চারিদিকের দৃশ্য উপভোগ করা যায়, চা খাওয়া যায়, আর স্রেফ আড়তও মারা যায় ।

ভিতরে ঢুকলে প্রথমেই বসবার ঘর, তাতে সোফা, চেয়ার, কাপেট ইত্যাদি বৈঠকখানার যাবতীয় সরঞ্জাম রয়েছে, দেয়ালে ছবি রয়েছে, ফুলদানিতে ফুল রয়েছে, আবার একটা ছোট লাইব্রেরিও রয়েছে । বসবার ঘরের পরে খাবার ঘর, দুটো বেডরুম, বাথরুম ইত্যাদি । সব মিলিয়ে জলের উপর একটি বাংলো বাড়ি যাতে সব রকম ব্যবস্থা আছে । কিচেনও আছে, তবে সেটা পিছন দিকে একটা ছোট্ট আলাদা নৌকোয় ।

লালমোহনবাবুর মুখে হাসি লেগেই আছে, বললেন, ‘ভাগিস ডিপিশনটা নিয়েছিলাম । এর ক্রেডিট কিন্তু সবটাই আমার পাওনা । তোমার দাদা ভূস্বর্গের কথা ভাবেননি ।’

ফেলুন্ডা বলল, ‘আমি তো আপনার মতো লেখক নই । আইডিয়া আসা উচিত আপনার মাথা থেকে । যাকগে, এখন আগে একটু চা খেয়ে শিকারায় করে লেকটা একবার ঘুরে দেখা যাক ।’

দুজন চাকর রয়েছে হাউসবোটের সঙ্গে, নাম মাহমুদিয়া আর আবদুল্লা ।

চা খেয়ে বেরোতে সূর্য হেলে এল পশ্চিমে । মে মাস হলে কী হবে, বেশ ঠাণ্ডা ; আমাদের কলকাতায় শীতের সময় যে পোশাক পরতে হয়, এখন এখানেও তাই পরতে হয় । ফেলুদা বলল, ‘আজ শুধু লেকটা ঘুরে দেখা যাবে, কাল থেকে সাইট সিইং আরন্ত হবে । বুলেভার্টের পিছনেই দেখতে পাচ্ছেন পাহাড় রয়েছে, এক হাজার ফুট উঁচু ! ওর মাথায় রয়েছে শঙ্করাচার্যের মন্দির । সপ্রাট অশোকের ছেলে জালুকের তৈরি । তা হাড়া লেকের পুব দিকে মোগল বাগান রয়েছে—নিশাদবাগ, শালিমার, চশমা শাহি—এগুলোও দেখা চাই । চশমা শাহির স্প্রিং-এর জল নাকি একেবারে অমৃত—যেমনই স্বাদ, তেমনি ক্ষুধাবর্ধক ।’

‘লেকের মাঝখানে একটা ছোট দীপ দেখা যাচ্ছে, ওটা কী ?’ আমি জিজ্ঞেস করলাম । আমি জানতাম ফেলুদা কাশীর সম্বন্ধে সব পড়াশুনা করে এসেছে ।

ফেলুদা বলল, ‘ওটাকে বলে চার মিনার । দীপটার চার কোণে চারটে চিনার গাছ রয়েছে ।’

মাহমুদিয়া আর আবদুল্লা শিকারা চালাতে আরন্ত করল, আমরা বাঁয়ে গোটা দশক হাউসবোট পেরিয়ে আসল লেকে গিয়ে পড়লাম । দুটো পাশাপাশি হাউসবোট নিয়ে রয়েছেন রিট্যার্ড জং সিদ্দেশ্বর মল্লিক আর তাঁর সাঙ্গোপাঙ্গ । আমরা খেলা লেকে পড়বার আগে একটা বোট থেকে সুশান্ত সোম আমাদের দিকে হাত নেড়ে বললেন, ‘ফেরার পথে একবার উঁচু মেরে যাবেন । ঢায়ের নেমন্টন রইল ।’

ডাল লেকের সৌন্দর্যের বর্ণনা দেবার ভাষা আমার জানা নেই । স্বচ্ছ কাচের মতো জল, হাওয়া নেই বলে চেউ নেই, তাই আয়নার মতো চারিদিকের পাহাড়গুলো প্রতিফলিত হচ্ছে । এখানে-ওখানে পদ্ম শালুক শাপলা ফুটে আছে, শিকারা সেগুলোকে পাশ কাটিয়ে চলেছে । লালমোহনবাবুকে কবিতায় পেয়েছে, বললেন, ‘কাশীর সম্পর্কে আমাদের এথিনিয়াম ইঙ্গুলের মাস্টার বৈকুঠ মল্লিকের একটা আট লাইনের কবিতা আছে । ভদ্রলোক বহু জায়গায় ঘুরেছিলেন, আর সেই সব জায়গা নিয়ে পদ্য লিখে গেছেন । কাশীরেরটা শুনুন ফেলুবাবু কী রকম ডিসেন্ট—

করি নত শির

তোমারে প্রণমি কাশীর

কুমারীকার অপর প্রাপ্তে

অবস্থান তব ভারতের উত্তর সীমান্তে

রাজধানী শ্রীনগর

বিলামের জলে ধোয়া অপূর্ব শহর

কত হৃদ, কত বাগ, কত বাগিচা

অন্য নগরের সাথে তুলনা করিতে যাওয়া যিছে । ...’

‘বাঃ, দিবি’, বলল ফেলুদা—যদিও বুঝলাম সেটা জটায়ুর মনে কষ্ট না দেবার জন্য । কবিতায় লালমোহনবাবুর ঝুঁটিটা যে একটু গোলমেলে তার পরিচয় এর আগেও অনেকবার পেয়েছি ।

শুধু কবিতা নয়, ডাল লেকের দৃশ্যে ভদ্রলোককে গানেও পেয়েছে । গুণগুণ করে কী গাইছেন জিজ্ঞেস করাতে বললেন উর্দু গজল ।

এদিকে সন্ধ্যার আলো অনেক বেশিক্ষণ থাকে—অন্তত বছরের এই সময়টায় । আমরা সাড়ে সাতটায় যখন ফিরছি তখনও পুরো অন্ধকার হয়নি ।

সুশান্ত সোম তাঁদের হাউসবোটের সামনের বারান্দায় দাঁড়িয়েছিলেন, আমাদের দেখে

হাতছানি দিয়ে ডাকলেন ।

‘আসুন, একটু আড়ডা মারা যাক ।’

আমরা এঁদের বোটের সামনে শিকারা দাঁড় করিয়ে ওপরে উঠলাম । এঁদের বোটের নাম ‘রোজমেরি’ । এঁদের পাশেই রয়েছে এঁদের অন্য বোট, সেটার নাম ‘মিরাভা’ । ‘রোজমেরি’-তে থাকেন সুশান্ত সোম আর জজ সাহেবের ছেলে, নাম বিজয় মল্লিক । ‘মিরাভা’-তে আছেন মিঃ মল্লিক, তাঁর ডাক্তার হরিনাথ মজুমদার আর বেয়ারা প্রয়াগ ।

চায়ের অর্ডার দিয়ে উপরের ডেকে উঠে সুশান্ত ফেলুদাকে বললেন, ‘আপনার তাস চলে ? তিন-তাস ?’

‘অভ্যেস নেই’, বলল ফেলুদা, ‘তবে তাসের প্রায় সব খেলাই মোটামুটি জানা আছে । কিন্তু হঠাৎ এ প্রশ্ন কেন ?’

‘নীচের বৈঠকখানায় তাসের আড়ডা জমেছে ।’

‘এত লোক পেলেন কোথায় ?’

‘প্লেনে দুই ভদ্রলোকের সঙ্গে আলাপ হয়েছে বিজয়ের । একজন বাঙালি, নাম সরকার ; আর একজন পাঞ্জাবি । তিনি জনেই জুয়াড়ি ।’

আমরা চারজনে বসলাম । সত্যি, কলকাতা যে কোন সুদূরে চলে গেছে তার কোনও হিসাবই নেই । হাউসবোটের টপ ডেকে বসে চা খাওয়ার আয়োজন—এ এক অভাবনীয় ব্যাপার । আমাদের ডান দিকের হাউসবোটে সাহেবেরা এসে উঠেছে—সেখান থেকে বিলিতি বাজনার শব্দ আসছে । জানালা দিয়ে দেখা যাচ্ছে সাহেব-মেম সেই বাজনার সঙ্গে নাচছে সামনের বৈঠকখানায় ।

ফেলুদা সুশান্তবাবুকে উদ্দেশ করে প্রশ্ন করল, ‘সিদ্ধেশ্বরবাবু কদিন হল রিটায়ার করেছেন ?’

‘পাঁচ বছর’, বললেন সুশান্তবাবু । ‘ওঁর তখন ঘাট বছর বয়স ।’

‘কিন্তু জজের তো রিটায়ার করার কোনও বাধ্যবাধকতা নেই ।’

‘ওর শরীরটা একটু খারাপ হয়ে গিয়েছিল । অ্যানজাইনা । ভদ্রলোকের রিটায়ার করার ইচ্ছা ছিল না, কিন্তু ডাক্তারের কথায় বাধ্য হয়ে করতে হয় । উনি বহু অপরাধীর প্রাণদণ্ড দিয়েছেন । এক-এক সময় বলেন, ‘আমার শেষ জীবনে দুঃখ আছে । এত লোককে ফাঁসিতে পাঠালে তার একটা প্রতিক্রিয়া হবেই । উনি ডায়েরি লিখতেন ; সে ডায়েরি সব এখন আমার হাতে কারণ আমি ওঁর একটা জীবনী লিখছি—যদিও সেটা আস্তাজীবনী হিসেবেই বেরোবে । সেই ডায়েরিতে উনি যেদিনই কারুর প্রাণদণ্ড দিয়েছেন সেদিনই লাল কালিতে একটা ত্রস দিয়ে বেরেছেন । মাঝে মাঝে ক্রসের সঙ্গে একটা প্রশ্নবোধক টিহু রয়েছে । সেটাতে বুঝতে হবে প্রাণদণ্ড দিয়ে নিজেরই মনে একটা প্রশ্ন জেগেছে এটা ঠিক হল কি না । এখন কী করছেন জানেন ? ওঁর যে ডাক্তার—মজুমদার—তিনি ভাল মিডিয়ম—তাঁর সাহায্যে প্ল্যানচেট করছেন, আর ফাঁসির আসামির আস্তাদের ডেকে এনে তাদের জিজেস করছেন, তারা সত্যিই খুন করেছিল কিনা । আস্তা যদি বলে যে হাঁ, সে সত্যিই খুন করেছিল, তা হলে উনি খানিকটা নিশ্চিন্তবোধ করেন । এখন পর্যন্ত ওর জাজমেটে কোনও ভুল বেরোয়নি ।’

‘আপনারা কি এখনে এসেও প্ল্যানচেট করবেন নাকি ?’

‘সেই জন্যেই তো ডাক্তারকে একই হাউসবোটে রেখেছেন । ওর অ্যানজাইনাটা এখন অনেকটা কঠ্টেলে এসেছে । আসলে ডাক্তার সঙ্গে এসেছেন প্ল্যানচেটের জন্য ।’

‘আজ রাত্রেও কি আপনাদের প্ল্যানচেট হবে ।’

‘আজ হয়তো হবে না, কিন্তু দু-এক দিনের মধ্যেই শুরু হয়ে যাবে নিশ্চয়ই ।...কেন বলুন তো ?’

‘আমি ইন্টারেস্টেড’, বলল ফেলুদা। ‘অবশ্যি উনি আমার উপস্থিতি বরদাস্ত করবেন কিনা সেটা একটা প্রশ্ন।’

‘সেটা আমি বলে দেখতে পারি। উনি আপনার প্রতি বেশ প্রসন্ন সেটা আমি এর মধ্যেই বুঝেছি। আর এমনিতে প্ল্যানচেটের ব্যাপারে উনি কোনও গোপনতা অবলম্বন করেন না। যা ফলাফল হয়, সবই তো ওঁর আত্মজীবনীতে যাবে। আমি তো সম্পূর্ণ রেকর্ড রাখছি।’

‘তা হলে আপনি একটু জিজেস করে জানাবেন।’

‘নিশ্চয়ই।’

আমরা ঢাঁ খাওয়া শেষ করে আরও কিছুক্ষণ গল্ল করে নিজেদের বোটে চলে এলাম। বৈঠকখানায় ঢুকে সোফায় ধপ করে বসে পড়ে লালমোহনবাবু বললেন, ‘হাইলি ইন্টারেস্টিং ম্যান—দিস্ট্ৰিজ জজ সাহেব।’

‘ইন্টারেস্টিং তো বটেই’, বলল ফেলুদা, ‘তবে উনিই একমাত্র জজ নন, যাঁর এইরকম প্রতিক্রিয়া হয়েছে। এ রকম ঘটনা দেশে-বিদেশে আগেও শোনা গেছে।’

‘ভাল কথা—আপনার সঙ্গে আমার পারমিশনটাও চেয়ে রাখবেন। প্ল্যানচেট দেখার সুযোগ ছাড়া যায় না।’

৩

দেখতে দেখতে ঢার দিন কেটে গেল। এর মধ্যে একদিন শহরটা ঘুরে দেখলাম। লালমোহনবাবু একটা ‘হটেল’ ক্যামেরা কিনেছেন, তাই দিয়ে পটাপট ছবি তুলছেন। সেগুলো শহরের মাহাত্মা অ্যান্ড কোম্পানিতে ডেভেলোপ আর প্রিন্ট করে দেখা গেল মন্দ ওঠেনি। যদিও লালমোহনবাবুর নিজের মন্তব্য ‘হাইলি প্রোফেশনাল’ মোটেই মানা যায় না।

নিশাদ্বাগ, শালিমার আর চশমা শাহিও এক সকালে বেরিয়ে দেখে এলাম। মন্টা চলে গেল সেই জাহাঙ্গীর শাজাহানের আমলে। এই ট্রিপটা আমরা করেছিলাম মল্লিক ফ্যামিলির সঙ্গে, ফলে তাদের সঙ্গে আলাপটাও আরও জমে উঠল। সিদ্ধেশ্বরবাবু ফেলুদাকে বললেন, ‘আপনি শুনছি আমার প্ল্যানচেট সম্বন্ধে কোতৃল প্রকাশ করেছেন। আপনি প্ল্যানচেটে বিশ্বাস করেন?’

‘আমার মন্টা খুব খোলা, জানেন’, বলল ফেলুদা। ‘প্ল্যানচেট, স্পিরিচুয়ালিজম ইত্যাদি সম্বন্ধে আমি অনেক পড়েছি। পরলোকের সঙ্গে যোগাযোগ করা যে সত্ত্ব সেটা বহু জ্ঞানী-গুণী ব্যক্তি বলে গেছেন; সেক্ষেত্রে প্ল্যানচেট সম্বন্ধে অবজ্ঞা প্রকাশ করার কোনও মানে হয় না।’ তবে যেমন সব কিছুর মধ্যেও থাকে তেমনই এর মধ্যেও ধাক্কাবাজি চলে। আসলে মিডিয়ম যদি খাঁটি হয় তা হলেই ব্যাপারটা বিশ্বাসযোগ্য হয়ে ওঠে।’

‘ডাঃ মজুমদার ইজ এ ফার্স্ট রেট মিডিয়ম। আপনি একদিন বসে দেখুন না।’

‘হ্যাঁ, কিন্তু আমার বন্ধু আর আমার ভাইও আসতে চায়।’

‘মনে বিশ্বাস থাকলে কোনও লোকের আসাতেই আমার আপত্তি নেই। আজই আসুন। ভাল কথা, আমি কাদের আঢ়া নামাছি জানেন তো?’

‘যে সব লোককে আপনি প্রাণদণ্ড দিয়েছেন তাদের তো?’

‘হ্যাঁ। আমি জানতে চাইছি আমার জাজমেন্টে কোনও ভুলে হয়েছে কি না। এখন পর্যন্ত সে রকম ভুল পাইনি।’

‘আপনারা রোজ একটি করে আঢ়া নামান?’

‘হাঁ। একটাৰ বেশিতে ডাক্তারেৰ স্ট্ৰেন হয়।’

‘তা হলে কটায় আসব ?’

‘আসুন রাত দশটায়। ডিনারেৰ পৱ বসা যাবে। তখন চাৰিদিকটা বেশ নিষ্ঠক হয়ে যায়।’

ডিনারেৰ পৱ আমোৱা মিঃ মল্লিকেৰ হাউসবোটে গিয়ে হাজিৰ হলাম। বসবাৰ ঘৰে প্ৰ্যানচেটেৰ ব্যবস্থা হয়েছে। একটা টেবিলকে ঘিৰে পাঁচটা চেয়াৰ রাখা হয়েছে; বুৰলাম চেয়াৰগুলো খাবাৰ ঘৰ থেকে আনা হয়েছে। আমোৱা আৱ সময় নষ্ট না কৰে কাজে লেগে গেলাম। মিঃ মল্লিক বললেন, ‘আজ আমোৱা রামস্বৰূপ রাউত বলে একটি বিহাৰি ছেলেৰ আঘাকে নামাৰ। এই ছেলেটিৰ আজ থেকে দশ বছৰ আগে ফাঁসি হয়, এবং আমিই সে ফাঁসিৰ জন্য দায়ী ছিলাম। আমাৱ বিশ্বাস এৰ ফাঁসিৰ দণ্ড হওয়া উচিত ছিল না, কিন্তু জুৱিৱ ভাড়িষ্ট ছিল গিন্তি, আৱ খুনটাও ছিল একটু নৃশংস ধৰনেৰ। তাই আমি সাময়িক আন্তিবশত জেনেশনেও প্ৰাণদণ্ডেৰ আদেশ দিই। যদিও আমাৱ মনে এই আদেশেৰ যথাৰ্থতা সম্পর্কে যথেষ্ট সন্দেহ ছিল। কেসটা এমন চতুৱভাবে সাজানো হয়েছিল যাতে ছেলেটিকে অপৰাধী বলেই মনে হয়। ...মজুমদাৰ তুমি তৈৰি ?’

‘আজ্ঞে হাঁ।’

জানালার সব পৱদা টেনে দিয়ে ঘৰটাকে একেবাৰে অন্ধকাৰ কৰে দেওয়া হয়েছিল। আমোৱা সকলে যে যাব জায়গায় বসেছি। আমাৱ ডান দিকে ফেলুদা, বাঁ দিকে লালমোহনবাৰু, ফেলুদাৰ ডান পাশে মিঃ মল্লিক আৱ তাঁৰ পাশে—লালমোহনবাৰুৰ বাঁ দিকে—ডাঃ মজুমদাৰ।

মিঃ মল্লিক গভীৰভাৱে বললেন, ‘ছেলেটিৰ বয়স ছিল উনিশ। শাৰ্প চেহাৰা, নাকেৰ নীচে সৱু গেঁফ, গায়েৰ বং পৱিক্ষাৰ। বিহাৰেৰ ছেলে—নাম রামস্বৰূপ রাউত। ছুৱি দিয়ে খুনেৰ মায়লা, ঘটনাশূল কলকাতাৰ বাগবাজারেৰ একটা গলি। ছেলেটিকে দেখে কিন্তু খুনি বলে মনে হয়নি। আপনাৱা নিজেদেৱ কলনা অনুযায়ী একটা চেহাৰা স্থিৰ কৰে নিয়ে তাতে মনসংযোগ কৰতে চেষ্টা কৰুন। প্ৰশ্ন আমিই কৰিব, উত্তৰ মজুমদাৰেৰ মুখ দিয়ে আসামিৰ কষ্টস্বৰে বেৱোৱে।’

পনেৱো মিনিট এইভাৱে অন্ধকাৰে বসে থাকাৱ পৱই বুৰলাম টেবিলটা আন্তে আন্তে নড়তে আৱস্থা কৰেছে। তাৱ পৱ আৱও জোৱে দোলানি শুক হল। আমি রুদ্ধিষ্ঠাসে অপেক্ষা কৰতে লাগলাম।

মিনিট খানেক পৱে, মল্লিকমশাই প্ৰশ্ন কৰলেন—হিন্দিতে।

‘তুমি কে ?’

‘আমাৱ নাম রামস্বৰূপ রাউত।’

ডাক্তারেৰ গলা দিয়ে আওয়াজ বেৱোল, কিন্তু কষ্টস্বৰ সম্পূৰ্ণ আলাদা। শুনে বেশ গা শিউৱে ওঠে।

মিঃ মল্লিক আবাৱ প্ৰশ্ন কৰলেন—

‘তোমাৰ ফাঁসি হয়েছিল ১৯৭৭ সালে ?’

‘হাঁ।’

‘আমি তোমাৰ মৃত্যুদণ্ডেৰ জন্য দায়ী, তা তুমি জানো ?’

‘জানি।’

‘খুনটা কি তুমিই কৰেছিলে ?’

‘না।’

‘তবে কে করেছিল?’

‘ছেদিলাল। সে ভয়ানক ধূর্ত ছিল। তার অপরাধ সে অত্যন্ত চতুরভাবে আমার ঘাড়ে ফেলে। পুলিশ আমাকেই দোষী সাব্যস্ত করে।’

‘আমি সেটা জানি। আমি তোমায় দেখেই বুঝেছিলাম যে তোমার দ্বারা এ খুন করা সম্ভব নয়। কিন্তু শেষ পর্যন্ত আমি তোমাকেই মৃত্যুদণ্ডে দণ্ডিত করি।’

‘সে নিয়ে এখন আর ভেবে কী হবে?’

‘আমি চাই তুমি আমাকে ক্ষমা করো।’

‘সেটা আমি খুব সহজেই করতে পারি। তবে আমার আঙ্গীয়-বন্ধুদের মধ্যে যাঁরা জীবিত আছেন তারা ক্ষমা করবেন কি না জানি না।’

‘তাদের কথা আমি ভাবছি না। তোমার ক্ষমাটাই আমার প্রয়োজন।’

‘মৃত্যুর পর আর কারুর ওপর কোনও আক্রেশ থাকে না।’

‘তোমাকে অনেক ধন্যবাদ।’

মিঃ মল্লিক উঠে গিয়ে ঘরের বাতিটা জ্বালিয়ে দিলেন। ডাঃ মজুমদারের জ্ঞান আসতে আরও মিনিট দু-এক লাগল।

এ এক বিচিত্র অভিজ্ঞতা হল বটে।

‘মনটা অনেকটা হাল্কা লাগছে’, বললেন মিঃ মল্লিক, ‘এই একটি মৃত্যুদণ্ডে যে আমি ভুল করেছিলাম, সে বিষয়ে আমার কোনও সন্দেহ নেই। এবং এখন তো বুবতেই পারছি যে আমার ধারণাই ঠিক।’

ফেলুদা বলল, ‘এই প্ল্যানচেট করে কি আপনি নিজের মনটাকে হালকা করতে চান?’

‘শুধু তাই নয়’, বললেন মিঃ মল্লিক, ‘আমার মনে মাঝে মাঝে একটা সন্দেহ জাগে যে, আদৌ একজন মানুষ আরেকজনের প্রাণদণ্ড দিতে পারে কি না।’

‘কিন্তু তা হলে খুনির শাস্তি হবে না?’

‘হবে—কিন্তু প্রাণদণ্ডের দ্বারা নয়। কারাদণ্ড নিশ্চয়ই চলতে পারে। তা ছাড়া অপরাধীর সংস্কারের জন্য রাস্তা বার করতে হবে।’

ঘড়িতে প্রায় এগারোটা বাজে, তাই আমরা উঠে পড়লাম। মল্লিক বলেন, ‘আমরা গুলমার্গ যাচ্ছি পরশু। আপনারা আসুন না আমাদের সঙ্গে।’

ফেলুদা বলল, ‘সে তো খুব ভালই হয়। ওখানে কি থাকবেন?’

‘এক রাত’, বললেন ভদ্রলোক। ‘গুলমার্গ থেকে খিলেনমার্গ যাব—তিন মাইল পথ—হেঁটেও যাওয়া যায়, ঘোড়াতেও যাওয়া যায়। তারপর ফিরে এসে এক রাত থাক। এখান থেকেই সব ব্যবস্থা হয়ে যাবে; আমাদের ট্র্যাভেল এজেন্সিই আপনাদেরটাও করে দেবে।’

সেই কথা রাইল। আমরা তিনজনে আমাদের হাউসবোটে ফিরে এলাম।

ফেলুদা শুতে যাবার আগে বলল, ‘মল্লিকমশাইয়ের ধারণাটাকে সম্পূর্ণ সমর্থন করা চলে না। একজন খুনির প্রাণদণ্ড হবে না সেটা মেনে নেওয়া কঠিন। ভদ্রলোকের আসলে বয়সের সঙ্গে সঙ্গে চিন্তাশক্তির খানিকটা গোলমাল হয়ে গেছে। আবিশ্য একজন জজের এটা হওয়া অস্বাভাবিক নয়।’

‘তবে ভেবে দেখুন’, বললেন লালমোহনবাবু, ‘এক কথায় একটা লোকের ফাঁসি হয়ে যাচ্ছে। কতখানি ক্ষমতা দেওয়া থাকে একজন জজের হাতে। এই ক্ষমতা সম্পর্কে সচেতন হয়ে পড়লে একজন বিবেকসম্পন্ন মানুষের মনে সংশয় আসতে পারে বইকী।’

‘সেটা অবশ্য ঠিক’, বলল ফেলুদা।

শ্রীনগরের সঙ্গে গুলমার্গের কোনও মিলই নেই। এখানে হৃদ, নদী, বাগ-বাগিচা ইত্যাদি কিছুই নেই; যা আছে, তা হল ঢেউ খেলানো পাহাড়ের গায়ে মসৃণ ঘন সবুজ ঘাস—যা দেখতে একেবারে মখমলের মতো; আর আছে ঝাউ বন আর পাইন বন আর ইতস্তত ছড়ানো কিছু কাঠের ঘর বাড়ি। সব মিলিয়ে ছবির মতো সুন্দর। এই পাহাড়ের গায়েই গলফ খেলা হয়। আর শীতকালে যখন ঘাস বরফে ঢেকে যায় তখন ক্ষিইং হয়।

শ্রীনগর থেকে টাঁংমার্গ পর্যন্ত আঠাশ মাইল ট্যাঙ্কি করেই আসতে হয়, তারপর শেষের ঢড়াই চার মাইল মেতে হয় ঘোড়াতে। কলকাতায় থাকতেই ফেলুদা লালমোহনবাবুকে বলে দিয়েছিল যে কাশ্মীরে ঘোড়ায় ঢড়তে হবে।—‘ভয় নেই, উটের চেয়ে অনেক সহজ।’ লালমোহনবাবু একেবারে পাকাপোক্ত রাইডিং ব্রিচেস করিয়ে এনেছিলেন। গুলমার্গে ঘোড়ার পিঠ থেকে নেমে বললেন ঘোড়া ঢড়ার মতো সহজ ব্যাপার আর নেই।

আমাদের সঙ্গে মল্লিক মশাইরাও এসেছেন। আমরা আজকের রাতটা গুলমার্গে থেকে কাল এখান থেকে তিন মাইল দূরে আর দু হাজার ফুট ওপরে খিলেনমার্গ দেখে বিকেলেই শ্রীনগর ফিরে যাব।

থাকার জন্য আমরা পাশাপাশি দুটো ক্যাবিন নিয়েছি। আমাদেরটা ছোট, ওদেরটা বড়। বিকেলে ক্যাবিনের বারান্দায় বসে চা খাচ্ছি, এমন সময় তিনজন ভদ্রলোক এসে হাজির—সুশাস্তবাবু, সিদ্ধেশ্বর মল্লিকের ছেলে বিজয়বাবু আর আরেকজন—যাকে আমরা চিনি না, সুপুরুষ চেহারা, টকটকে রং, বয়স ত্রিশ-বত্রিশ। সত্যি বলতে কী, তিনজনেই মোটামুটি এক বয়সী।

সুশাস্তবাবু নতুন ভদ্রলোকের সঙ্গে আলাপ করিয়ে দিয়ে বললেন, ‘এঁর নাম অরুণ সরকার। ইনি কলকাতায় ব্যবসা করেন। আমাদের সঙ্গে এখানে এসে আলাপ। জুয়াড়িদের একজন বললে বোধহয় আপনার চিনতে আরও সুবিধে হবে।’

সকলেই হেসে উঠল। সুশাস্তবাবু বললেন, ‘আমরা এসেছি কেন বোধহয় বুঝতেই পারছেন। প্রাইভেট ইনভেস্টিগেটরের সঙ্গে আলাপ করতে এঁরা দুজনেই খুব ব্যগ্র। তা ছাড়া শুনছিলাম আপনার বন্ধু মিঃ গান্দুলীও তো একজন নামী লেখক—ওঁর সব বই-ই নাকি বেস্ট-সেলার।’

লালমোহনবাবু মাথা হেঁট করে হেঁ করে একটু বিনয়ের ভাব দেখালেন।

বিজয় মল্লিক আর অরুণ সরকারের খাতিরে ফেলুদাকে তার গোটা দু-তিন বিখ্যাত কেসের বর্ণনা দিতে হল। শেষ হয়ে যাবার পর সরকার ফেলুদাকে জিজেস করলেন, ‘আপনার কি কাশ্মীরে এই প্রথম?’

ফেলুদা বলল, ‘হাঁ, এই প্রথম। আমি কিন্তু আপনাকে প্রথমে দেখে কাশ্মীরি ভেবেছিলাম। আপনি বোধহয় এখানে আর একবার এসেছেন?’

‘তা এসেছি, বললেন সরকার।’ ইন ফ্যাট্ট, আমার ছেলেবেলার কয়েকটা বছর শ্রীনগরেই কেটেছে। বাবা এখানে একটা হোটেলে ম্যানেজারি করতেন। তারপর বছর কুড়ি আগে আমরা কলকাতা চলে যাই।’

‘এখানকার ভাষা আপনার জানা নেই?’

‘তা অল্পবিস্তর আছে বইকী।’



এবার ফেলুদা বিজয় মল্লিকের দিকে ফিরল ।

‘আপনার বাবার প্ল্যানচেট সম্বন্ধে আপনার কোনও কৌতুহল নেই ?’

বিজয়বাবু বেশ জোরের সঙ্গে মাথা নেড়ে না বললেন ।

‘বাবার ভীমরতি ধরেছে’, বললেন বিজয়বাবু । ‘একজন খুনি মৃত্যুদণ্ডের হাত থেকে
রেহাই পেয়ে যাবে এর চেয়ে অন্যায় আর কিছু হতে পারে না ।’

‘আপনি সে কথা বাবাকে বলেননি ?’

‘বাবার সঙ্গে আমার সে রকম সম্পর্ক নয় । উনি আমার বিষয়ে কিছু জিজ্ঞেস করেন না,
আমিও ওঁর ব্যাপারে কিছু বলি না ।’

‘আই সি ।’

‘তবে বাবা যা করছেন তা করে যদি শাস্তি পান, তা হলে আমার বলবার কিছু নেই ।’

‘আপনার মা নেই ?’

‘না । মা বছর চারেক হল মারা গেছেন ।’

‘আর ভাই বোন ?’

‘এক দাদা ছিল, আমেরিকায় ইঞ্জিনিয়ারিং করত, সে গত বছর মারা যায় । তার
মেমসাহেবে বউ আর এদেশে আসেনি । এক বোন আছে, তার স্বামী ডুপালে কাজ করে ।’

‘আমার বিশ্বাস আপনার কাশীরের দৃশ্য সম্পর্কে খুব একটা কৌতুহল নেই ।’

‘কী করে বুঝলেন ?’

‘কারণ যে পরিমাণ সময় ঘরে বসে তাস খেলে কাটান !’

‘আপনি ঠিকই বলেছেন । আমার মনে কাব্য নেই । আমি কাঠখোট্টা মানুষ । আমার
দু-একজন বন্ধু আর দু প্যাকেট তাস হলেই হল ।’

সরকার একটু হেসে বলল, ‘আমি কিন্তু তাসও খেলি, আবার দৃশ্যও দেখি । সেটা বোধহয়
ছেলেবেলায় কাশীরে থাকার জন্য হয়েছে ।’

‘যাই হোক’—বিজয়বাবু উঠে পড়লেন—‘আমাদের কিন্তু তাসের সময় হয়ে যাচ্ছে ।
আজ সুশাস্ত্রকে দলে টেনেছি । আপনারা কেউ— ?

‘আমরা ভাবছিলাম একটু ঘুরতে বেরোব । আপনারা এখন কিছুক্ষণ খেলবেন তো ?’

‘এগারোটা পর্যন্ত তো বটেই ।’

‘তা হলে ফিরে এসে একবার চুঁ মারব ।’

‘বেশ । কাল আবার দেখা হবে ।’

তিন ভদ্রলোক গুড়বাই করে চলে গেলেন । লালমোহনবাবু বললেন, ‘এখন না বেরিয়ে
আফটার ডিনার ওয়াকে বেরোলে ভাল হত না ?’

‘তথাক্ষণ’, বলল ফেলুদা ।

এখনে ক্যাবিনের সঙ্গে বাবুটি রয়েছে, তাকে বলে দিয়েছিলাম রাত্তিরে ভাত আর মুরগির
কারি খাব । দেখলাম দিব্যি রান্না করে । সাড়ে আটটার মধ্যে খাওয়া হয়ে গেল । এত
তাড়াতাড়ি ঘুম আসবে না, তাই তিনজনেই বেশ উৎসাহের সঙ্গে রাতের গুলমার্গ শহর
দেখতে বেরোলাম ।

নিরিবিলি শহর, তার মধ্যে দিয়ে তিনজন হঁটে চলেছি । পথে যে লোক একেবারে নেই,
তা নয় । ভারতীয়দের মধ্যে বিদেশি টুরিস্টও মাঝে মাঝে চোখে পড়ে । সত্যি বলতে কী,
হিসেব নিলে বোধহয় বিদেশি টুরিস্টই সংখ্যায় বেশি হবে । লালমোহনবাবু এখনও গুনগুন
করে গজল গাইছেন, খালি শীতের জন্য গলায় মাঝে মাঝে অযথা গিঁটকিরি এসে যাচ্ছে ।

‘শীত লাগছে ?’ ফেলুদা জিজ্ঞেস করল ।

‘তা লাগছে, তবে মনে হয় খুব স্বাস্থ্যকর ঠাণ্ডা ।’

‘তা হতে পারে, কিন্তু আমার মনে হয় এ সব জায়গায় বেশি রাত না করাই ভাল । চ তোপ্সে, ফেরা যাক ।’

আমরা উলটোমুখে ঘূরলাম । শহর আর আমাদের ক্যাবিনের মধ্যে একটা ব্যবধান আছে । সেখানটা বসতি নেই বললেই চলে । আমরা সেই জায়গাটা দিয়ে হাঁটছি । এমন সময় হঠাৎ একটা ব্যাপার ঘটে । একটা কী জানি জিনিস শন্শন শব্দে আমাদের মাথার পাশ দিয়ে গিয়ে রাস্তার ধারের একটা গাছের গায়ে লেগে মাটিতে পড়ে গেল । ‘আমাদের মাথা’ বলছি, কিন্তু আসলে সেটা ঠিক ফেলুদার কান যেঁষে বেরিয়ে গেল । ফেলুদার কাছে টর্চ ছিল, সেটা জালিয়ে গাছের তলায় ফেলতেই দেখা গেল বেশ বড় একটা পাথর । সেটা ফেলুদার মাথায় লাগলে নির্ঘাত একটা কেলেক্ষারি কাণ্ড হত ।

প্রশ্ন হচ্ছে—কে এই লোকটা, যে এভাবে আক্রমণটা করল ? আর এর কারণই বা কী ? আমরা তো সবে এখানে এসেছি । এখনও গোলমেলে ব্যাপার কিছু ঘটেনি, তদন্তের কোনও প্রশ্নই উঠেছে না, তা হলে এই হ্রদের মানে কী ?

ক্যাবিনে ফিরে এসে ফেলুদা গভীরভাবে বলল, ‘ব্যাপারটা মোটেই ভাল লাগছে না । আমাকে পছন্দ করছে না কেউ ; এবং গোয়েন্দাকে হটানোর চেষ্টার একটাই কারণ হতে পারে—কোনও কুকীর্তি হতে চলেছে । অথচ সেটা যে কী, সেটা আন্দাজ করার কোনও উপায় নেই ।’

লালমোহনবাবু বললেন, ‘আপনার সেই ৩২ কোটি রিভলভারটা আশা করি এনেছেন ।’

ফেলুদা বলল, ‘ওটা বাক্সেই রাখা থাকে । কিন্তু রিভলভার ব্যবহার করার সময় এখন এল কই ? কোনও ক্রাইম তো ঘটেনি এখনও ।’

‘যাই হোক, রাত্তিরে দরজা-জানালা সব ভাল করে বন্ধ করে শুতে হবে । এখানে রিস্ক নেওয়া চলবে না । আশ্চর্য ব্যাপার মশাই !—আপনার সঙ্গে ছুটিতে কোথাও বেরোলেই কি গঙ্গাগুল শুরু হবে ?’

ফেলুদা একটু ভেবে বলল, ‘যাই, ওদের সঙ্গে একটু তাস পিটিয়ে আসি । আমি ঘণ্টা খানেকের মধ্যেই ফিরব । আপনারা শুয়ে পড়ুন ।’

৫

আগেই বলেছি যে খিলেনমার্গ যেতে হলে তিন মাইল পাহাড়ি রাস্তা দিয়ে দু হাজার ফুট উপরে উঠতে হয় । আমরা দুই ক্যাবিনে বাসিন্দারা আগে থেকেই ঠিক করে রেখেছিলাম যে, তাড়াতাড়ি ব্রেকফাস্ট খেয়ে নটার মধ্যে বেরিয়ে পড়ব । সেটাই করা হল ।

আমাদের মধ্যে এক মিঃ মল্লিকই ঘোড়া নিলেন, আর সকলে হেঁটে যাওয়া স্থির করলাম । শুনেছি, পথের দৃশ্য অতি চমৎকার, আর দু পাশে অনেক ফুল গাঢ় ।

লালমোহনবাবু বললেন, ‘এই সাত দিনেই এনার্জি বেড়ে গেছে মশাই । হেঁটে দু হাজার ফুট পাহাড়ে ওঠাটা কোনও ব্যাপারই বলে মনে হচ্ছে না ।’

সত্যিই পথের দৃশ্য অপূর্ব । আমরা তিনজনে মোটামুটি একসঙ্গে হাঁটছি, বাকি ওদের দল ভাগ ভাগ হয়ে ছড়িয়ে পড়েছে । আমরা দলে আছি সবসুন্দর ন জন—আমরা তিনজন, মিঃ মল্লিক, বিজয় মল্লিক, ডাঃ মজুমদার, সুশাস্ত্রবাবু, মিস্টার সরকার আর বেয়ারা প্রয়াগ ।

প্রায় দু ঘণ্টা লাগল দু হাজার ফুট উঠতে ; আর উঠেই এক আশ্চর্য দৃশ্য আমাদের হকচকিয়ে দিল । আমরা একটা পাহাড়ের পিঠে এসে উপস্থিত হয়েছি, মাটিতে বরফ, সামনে

বরফের পাহাড় আর উলটো দিকে ছড়িয়ে আছে গাছপালা নদী হৃদ-সমেত দিগন্ত বিস্তৃত উপত্যকা, আর তারও পিছনে আকাশের গায়ে যেন খোদাই করা রয়েছে নাম্বা পর্বত।

ফেলুদা বলল, ‘এই বোধহয় ক্লাইম্যাট্রি। কাশীরে এর চেয়ে সুন্দর আর কিছু আছে কি ?’

লালমোহনবাবু ক্যামেরা নিয়ে ব্যস্ত হয়ে পড়েছেন। বার বার বলছেন, ‘আসুন, একটা গ্রুপ তুলি, একটা গ্রুপ তুলি এই বরফের উপর দাঁড়িয়ে।’

হঠাতে বাকি দল থেকে একটা শোরগোল শোনা গেল। সেটা একটা প্রশ্নের আকার নিয়ে আমাদের কানে এল।

‘মন্টু কই ?’

প্রশ্নটা করেছেন মিঃ মল্লিক, অত্যন্ত ব্যস্ত কঠে। বুঝতে অসুবিধা হল না যে মন্টু হল বিজয় মল্লিকের ডাকনাম। কারণ দলের মধ্যে একমাত্র তিনিই অনুপস্থিত।

কোথায় গেলেন ভদ্রলোক ? এতই পিছিয়ে পড়েছেন কি ? না, তা তো হতে পারে না। এঁরা একটু ছাড়াছাড়ি ভাবে হাঁটছিলেন ঠিকই, কিন্তু বিজয়বাবু কি একেবাবে দলছুট হয়ে গিয়েছিলেন ?

এবার সুশাস্ত্র সোমের গলা শোনা গেল। ‘আপনি এখানেই থাকুন মিঃ মল্লিক। আমরা নীচে খোঁজ করে আসছি।’

যেমন কথা তেমন কাজ, আর এই অনুসন্ধানের পার্টিতে আমরাও যোগ দিলাম।

যে পথ দিয়ে উপরে উঠেছি, এবার সেই পথ দিয়েই নেমে যাওয়া। আমার বুকের ভিতরটা টিপ-টিপ করছে। লোকটা গেল কোথায় ?

সুশাস্ত্রবাবু গলা তুলে চিৎকার দিলেন।

‘বিজয়বাবু ! বিজয়বাবু !’

কোনও উত্তর নেই।

মিনিট পনেরো নামার পরেই হঠাতে লালমোহনবাবু এক জায়গায় এসে থম্কে থেমে গেলেন, তাঁর দৃষ্টি একটা ঝোপের দিকে।

ফেলুদা আর এক মুহূর্ত দ্বিধা না করে দৌড়ে গেল ঝোপটার দিকে, কারণ পাতার ফাঁক দিয়ে একটা জুতো দেখা যাচ্ছে—পাহাড়ে ওঠার বুট।

‘মিঃ সোম !’ ফেলুদা হাঁক দিল।

মিঃ সোম দৌড়ে পৌঁছে গেল ফেলুদার পাশে, তার পিছনে বাকি চারজন।

ঝোপের পিছনে মাটিতে মুখ খুবড়ে পড়ে আছেন বিজয় মল্লিক।

ফেলুদা নাড়ি টিপেই বলল, ‘হি ইজ আলাইভ। মনে হয় মাথায় চোট লেগে অজ্ঞান হয়ে গেছে।’

কাছেই একটা ঝরনা ছিল, তার থেকে আঁজলা করে জল এনে মুখে ঝাপটা দিতে ভদ্রলোক চোখ খুলে এদিক-ওদিক মাথা নাড়লেন। তারপর অফুটুন্সে প্রশ্ন করলেন, ‘কোথায়— ?’

ফেলুদা এগিয়ে গিয়ে বলল, ‘আপনার এ অবস্থা কী করে হল ?’

কেউ...ধাকা...’

‘আপনি যেখানে পড়েছেন, মনে হয় আপনাকে অনেক উপর থেকে গাড়িয়ে পড়তে হয়েছে।’

‘হাঁ...তাই...একটা ফুল দেখছিলাম বুঁকে পড়ে...’

‘অজ্ঞানটা হয়েছেন এই গাছের গুঁড়িতে মাথা ঠোকা খেয়ে ?’

‘তাই হবে।’



‘আপনি দেখুন তো উঠতে পারেন কি না ।’

ফেলুদা ভদ্রলোকের দু হাত ধরে নিজের কাঁধের উপর রেখে উঠে দাঁড়াল । একটু টলোমলো অবস্থার পর ভদ্রলোক দেখলাম নিজেকে সামলে নিলেন ।

ফেলুদা এবার মাথাটা দেখে বলল, ‘একটা জায়গায় চেট লেগেছে, রক্ত বেরোয়নি, তবে জায়গাটা ফুলে গেছে । দু-তিন দিন একটু ভোগাবে আপনাকে । এখন আপনি ফিরে চলুন । একটা ঘোড়ার ব্যবস্থা করতে পারলে সবচেয়ে ভাল হয় । তা না হলে আস্তে আস্তে হেঁটে চলুন । পরে এক সময় আপনার সঙ্গে একটু কথা বলার ইচ্ছে রইল ।’

বিজয়বাবু এতক্ষণে মোটামুটি চাঙ্গা হয়ে গেছেন, কেবল দু-এক বার মাথার একটা বিশেষ জায়গায় আলতো করে হাত বোলালেন ।

আমি মনে মনে ভাবছি—ভদ্রলোকের এ দশা করল কে এবং কেন ?

গুলমার্গ ফিরতে ফিরতে বিকেল হয়ে গেল । আমরা যে যার ক্যাবিনে চলে গেলাম । ফেলুদা বলল, ‘আগে একটু চা খাওয়া দরকার ।’

খানসামাকে চায়ের অর্ডার দেওয়ার পর লক্ষ করলাম ফেলুদার ভুরুটা অস্বাভাবিক রকম কুঁচকে আছে ।

চায়ের পর দেখি বিজয়বাবু নিজেই এসে হাজির, সঙ্গে সুশান্তবাবু আর মিঃ সরকার ।

‘বাধ্য হয়েই আপনার কাছে আসতে হল’, বললেন বিজয়বাবু । ‘আমি এত হতভম্ব আর কখনও হইনি ।’

‘আপনার উপর আক্রোশ থাকতে পারে এমন কেউ নেই এখানে ?’

‘কে থাকতে পারে বলুন ! তা হলে তো সুশান্ত বা ডাঃ মজুমদার বা মিঃ সরকারের কথা বলতে হয় । সে তো হাস্যকর ব্যাপার হত !’

‘কাশীরে এসে পূর্বপরিচিত কারুর সঙ্গে দেখা হয়নি ?’

‘না ।’

‘কলকাতাতে এমন কেউ নেই যার আপনার উপর কোনও আক্রোশ থাকতে পারে ।’

‘আমি তো সে রকম কারুর কথা জানি না ।’

‘আপনি তো কলকাতাতেই পড়াশুনা করেছেন ?’

‘হ্যাঁ ।’

‘গ্র্যাজুয়েট ?’

‘হ্যাঁ । স্কটিশ চার্চ কলেজ ।’

‘মোটামুটি নির্বাঙ্গট ছাত্রজীবন ছিল ?’

‘ঠিক তা বলা যায় না ।’

‘কেন ?’

‘কলেজে সেকেন্ড ইয়াবে থাকতে কুসঙ্গে পড়ি, নেশা ধরি, ড্রাগস ।’

‘হার্ড ড্রাগস ?’

‘হ্যাঁ—কোকেন, মফিন...’

‘তারপর ?’

‘বাবা টের পেয়ে যান ।’

‘বাবা তো তখনও জজিয়তি করতেন ?’

‘হ্যাঁ ।’

‘তারপর ?’

‘তিনি আমার এই অভ্যাস ছাড়ানোর প্রাণান্ত চেষ্টা করেন, কিন্তু পারেন না । তারপর আশা

ছেড়ে দেন।'

'এই অবস্থাতেও আপনি গ্র্যাজুয়েট হতে পেরেছিলেন ?'

'আমি খুবই ভাল ছাত্র ছিলাম।'

'আপনি বাড়িতেই থাকতেন ?'

'কিছু দিন ছিলাম, তারপরে আর পারিনি। বাড়ি ছেড়ে বেরিয়ে পড়ি। কানপুরে এক অশ্চর্য লোকের সংস্পর্শে আসি। সাধুই বলতে পাবেন। নাম আনন্দস্বামী। তখনও আমি নেশায় মন্ত, কিন্তু ভদ্রলোকের সংস্পর্শে এসে আমার নেশা চলে যায়। একে মিরাক্ল ছাড়া আর কিছু বলা যায় না। আমি আবার আগের অবস্থায় ফিরে যাই।'

'তারপর বাড়ি ফেরেন ?'

'হ্যাঁ। বাবা আমার সমস্ত দোষ শক্তি করে দেন।'

'তখন আপনার বয়স কত ?'

'সাতাশ-আটাশ হবে।'

'তারপর ? আপনি চাকরি করেন ?'

'বাবাই একটা ফার্মে ঢুকিয়ে দেন। আমি এখনও স্থানেই আছি।'

'আপনার জুয়ার প্রতি একটা আসক্তি আছে না ?'

'তা আছে।'

'সেটা কোনও সমস্যার সৃষ্টি করছে না তো ?'

'না।'

'আপনাকে যদি জিজ্ঞেস করা যায় আপনার কোনও শক্তি আছে কি না, আপনি কী বলবেন ?'

'যত দূর জানি, আমাকে খুন করতে চাইবে এমন কোনও শক্তি আমার নেই। ছোটখাটো শক্তি বোধহয় সকলেরই থাকে—তার পিছনে ঈর্ষা থাকতে পাবে। এটা যে অস্বাভাবিক নয়, সেটা আপনি নিশ্চয়ই স্বীকার করবেন।'

'একশোবার। ...এবার আরও দু-এক জন সম্বন্ধে আপনাকে আরও দু-একটা প্রশ্ন করে নিই। ডাঃ মজুমদারকে আপনি কদিন থেকে চেনেন ?'

'উনি আমাদের ফ্যামিলি ফিজিশিয়ান আজ প্রায় পনেরো বছর হল।'

'বেশ। এবার সুশাস্ত্রবুকে একটা প্রশ্ন।'

সুশাস্ত্রবুক বললেন, 'বলুন।'

'আপনি কতদিন হল মিঃ মল্লিকের সেক্রেটারির কাজ করছেন ?'

'ওঁর রিটায়ার করার সময় থেকেই। তার মানে পাঁচ বছর।'

'বেয়ারা প্রয়াগক কত দিন আছে ?'

'ও-ও আন্দাজ পাঁচ বছর। মিঃ মল্লিকের পুরনো বেয়ারা মকবুল হঠাতে মারা যায়। তারপর উনি প্রয়াগকে রাখেন।'

'বেশ, আজ এই পর্যন্তই থাক। তবে পরে দরকার হলে আবার প্রশ্ন করতে পারি তো ?'

'নিশ্চয়ই,' বললেন বিজয়বাবু।

‘কী মশাই, আবার যেই কে সেই ?’

শ্রীনগর ফিরে এসে আমরা সকালে বোটের উপরের ডেকে বসে চা খাচ্ছিলাম, এমন সময় লালমোহনবাবু মস্তব্যটা করলেন।

‘যেই কে সেই’, বলল ফেলুদা। ‘যা বুঝছি ছুটি-ভোগ মানেই দুর্ভোগ। ক্রাইম যেন আমাদের পিছনে ওত পেতে থাকে, একটু আরাম করলেই ঘাড়ের উপর ঝাঁপিয়ে পড়ে। তবে এবার যে রকম হতভস্ত হয়েছি, সে রকম কখনও হয়েছি বলে মনে পড়ে না। কোনও খুঁটিই যেন খুঁজে পাচ্ছি না, যেটা ধরে একটু এগোব। সব অন্ধকার।’

তারপর কিছুক্ষণ চূপ থেকে চা-টা শেষ করে একটা চারমিনার ধরিয়ে বলল, ‘সুশান্তবাবুকে বলতে হবে একবার যদি মিঃ মল্লিকের ডায়েরিগুলো দেন।’

‘ও ডায়েরি দিয়ে আপনার কী লাভ ?’ জিজেস করলেন লালমোহনবাবু।

‘কীসে কী কাজ দেয় তা আগে থেকে কেউ বলতে পারে ? অবশ্য মিঃ মল্লিকের রাজি হওয়া চাই। সেটা সুশান্তবাবুকে একবার জিজেস করতে হবে।’

‘তা, সে তো এখনই পারেন—ওই তো সুশান্তবাবু।’

সত্যিই দেখি, ভদ্রলোক শিকারা করে বুলেভার্ডের দিক থেকে ফিরছেন, সঙ্গে কিছু খরিদ করা জিনিসপত্র।

ফেলুদা ডেকের রেলিং-এর পাশে ঝুঁকে পড়ে ডাক দিল।

‘ও মশাই, এক মিনিট এদিকে আসতে পারেন ?’

শিকারাটা আমাদের বোটের কাছে চলে এল। ফেলুদা বলল, ‘মিঃ মল্লিকের ডায়েরিগুলো কি আপনি সঙ্গে এনেছেন ?’

‘সবগুলো’, বললেন সুশান্তবাবু, ‘চরিশটা আছে।’

‘ওগুলো দু-তিনটে করে ধার নিতে পারি ? মল্লিক ফ্যামিলি সম্বন্ধে আরেকটু জানতে না পারলে আমি এই নতুন পরিস্থিতির ঠিক কিনারা করতে পারছি না। আমার মনে হয় ডায়েরিগুলো পড়লে কিছুটা সুবিধা হতে পারে।’

সুশান্তবাবু বললেন, ‘আমি একবার সাহেবকে জিজেস করি।’

‘নিশ্চয়ই।’

‘আমার মনে হয় না উনি কোনও আপত্তি করবেন, কারণ আপনারা তো সবই শুনেছেন ওঁর মুখ থেকে।’

আধ ঘণ্টার মধ্যে সুশান্তবাবু চারটে পুরনো ডায়েরি সঙ্গে নিয়ে আমাদের হাউসবোটে এসে হাজির। বললেন, ‘এক কথায় রাজি হয়ে গেলেন। বললেন, “জীবনী যখন বেরোবে, তখন তো সবই জানাজানি হয়ে যাবে কাজেই এখন পড়তে দিতে আর কী আপত্তি থাকতে পারে ? আর ক্রাইমের কথাই যদি হয়, তা হলে সবই তো খবরের কাগজের রিপোর্টে বেরিয়েছে”।’

ফেলুদা বলল, ‘এগুলো দেখো হয়ে গেলে আর এক সেট আমি আপনার কাছ থেকে চেয়ে আনব। ...তোপ্সে—তুই আর লালমোহনবাবু বরং যা, মানসবল লেকটা দেখে আয়। আমি এখন একটু ঘরে বসে কাজ করব।’

‘ভাল কথা’, বললেন সুশান্তবাবু, ‘আপনারা পাহালগাম যাবেন না ?’

‘ইচ্ছে তো আছে।’

‘কবে যাবেন ? আমার মনে হয় আমাদের সঙ্গে গেলেই ভাল। আমরা পরশু যাচ্ছি।’

‘ভেরি গুড়।’

মানসবল লেকের মতো স্বচ্ছ জল আমি আর কোনও লেকে দেখিনি। জলের একেবারে তল অবধি উত্তির দেখা যায়। ভারী অন্তুত লাগে দেখতে।

লালমোহনবাবু দৃশ্য উপভোগ করলেন ঠিকই, কিন্তু বুবতে পারছিলাম, মাঝে মাঝে ওঁর ফেলুদার তদন্তের কথা মনে পড়ে যাচ্ছে। একবার বললেন, ‘তোমার দাদা ওই ডায়েরিগুলো পড়ছেন কেন জানি না। যাদের একবার ফাঁসি হয়ে গেছে তারা তো আর খুনখারাপি করতে পারবে না।’

আমি বললাম, ‘সেটা ফেলুদাকেই বুবতে দিন না।’

মানসবল শ্রীনগর থেকে আঠারো মাইল দূরে; আমাদের ফিরতে ফিরতে হয়ে গেল সন্ধ্যা সাড়ে ছাঁটা। ফেলুদা দেখলাম বৈঠকখানার সোফায় বসে তখনও ডায়েরি নিয়ে পড়ছে। বলল, সারা দিনে বারোটা ডায়েরি পড়ে শেষ করেছে এবং সব কটাই নাকি ইন্টারেস্টিং।

‘কোনও কাজ হল কি?’ জিজ্ঞেস করলেন জটায়ু।

ফেলুদা বলল, ‘কাজ কীসে হয়, সেটা অনেক সময় আগে থেকে বোঝা যায় না। আপাতত আমার কাজ হচ্ছে তথ্য সংগ্রহ করা। নতুন তথ্য কিছু বেরিয়েছে—শুধু ডায়েরি থেকে নয়। যেমন বিজয়বাবু বলেছেন যে সেদিন যে উনি ঘাড়ে ধাক্কা খেয়েছিলেন তখন একটা ঠাণ্ডা, ধাতব স্পর্শ অনুভব করেছিলেন। আমার মতে সেটা আংটি ছাড়া আর কিছুই হতে পারে না। তবে তাতেও যে খুব সুবিধে হচ্ছে তা নয়, কারণ আংটি এখানে তিনজন পরেন—সুশাস্ত্রবাবু, মিঃ সরকার আর প্রয়াগ। আর যদি এ দলের বাইরে কেউ থাকে তা হলে তো চমৎকার। তা হলে আমাদের কোনও তদন্তই কাজ দেবে না।’

‘কিন্তু সে রকম দল কি বেশি ছিল?’ জিজ্ঞেস করলেন লালমোহনবাবু।

‘তা ছিল না ঠিকই।’

‘আমার তো একটিও মনে পড়ছে না।’

‘একটি ছিল—পাঞ্জাবি দল—তবে তাদের পাঁচজনের মধ্যে তিনজনই ছিল ঘোড়ার পিঠে।’

‘আশা করি আর কোনও গোলমাল হবে না।’

‘আপনার মুখে ফুল-চন্দন পড়ুক। তৃষ্ণর্গে এসে এ সব ঝামেলা ভাল লাগে না—বিশেষ করে যখন বুদ্ধি খাটোবার কোনও স্কোপ পাওয়া যাচ্ছে না।’

*

পাহালগাম যাবার আগে আমরা শ্রীনগরে আর একদিন ছিলাম, তার মধ্যে ফেলুদা মিঃ মল্লিকের বাকি ডায়েরিগুলো পড়া শেষ করে ফেলল।

‘কী বুবালেন?’ জিজ্ঞেস করলেন জটায়ু।

ফেলুদা বলল, ‘অন্তত ছাঁটা প্রাণদণ্ড সম্পর্কে উনি মিশ্চিত যে সেগুলো অন্যায়ভাবে দেওয়া হয়েছে এবং সেগুলোতে তিনি ভুল করেছেন। এই ছাঁটা কেসেই কারাদণ্ড দেওয়া উচিত ছিল। একটি বিশেষ কেস—সেখানে আবার আসামি হচ্ছেন কাশীরি, নাম সপ্তু—সেখানে ফাঁসির হকুম দেওয়ার পরে মল্লিকের খুব অনুশোচনা হয়। তারপরেই অবিশ্য ওঁর অ্যানজাইনার পেইন আরম্ভ হয় এবং উনি কিছু দিনের মধ্যে রিটায়ার করেন।’

পাহালগাম শ্রীনগর থেকে ঘাট মাইল। লিদুর উপত্যকায় ছেট্ট শহর। এক পাশ দিয়ে খরস্তোতা লিদুর নদী বয়ে গেছে। তাতে সাহেবরা ট্রাউট মাছ ধরে। শহরের উত্তর-পূর্ব দিকে বরফের পাহাড় দেখা যায়। আগে এখানে হোটেল-টোটেল ছিল না, এখন অনেক হয়েছে। তবে এখনও ইচ্ছে করলে তাঁবু ভাড়া নিয়ে নদীর ধারে থাকা যায়। আমরা সেভাবেই থাকব বলে ঠিক করলাম।

চারটে ট্যাক্সি করে আমরা সবাই বেরিয়ে পড়লাম। চমৎকার পাহাড়ি রাস্তা দিয়ে বারোটার মধ্যে আমরা পাহালগাম পৌঁছে গেলাম। শহরটা একপেশে ; নদীর পশ্চিম দিকে শুধু পাহাড়, বাড়ি ঘরদোর কিছুই নেই। আর পূব দিকে পাহাড়ের গায়ে ছড়িয়ে আছে হোটেল, রেস্টোরাণ্ট, দোকানপাট নিয়ে ছবির মতো শহর।

আমাদের তাঁবুর জন্য আগেই বলা ছিল, গিয়ে দেখি যে তাঁবু খাটাবার তোড়জোড় শুরু হয়ে গেছে। এ তাঁবু স্পেশ্যাল ধরনের মজবুত তাঁবু এতে ডাইনিং রুম, বেডরুম, অ্যাটাচ্ড বাথরুম সবই আছে। আমাদের একটা তাঁবু আর মল্লিকদের দুটো। সামনে বিশ হাতের মধ্যে দিয়ে তোড়ে বয়ে চলেছে লিদুর নদী, তার একটানা শব্দ কখনও থামে না। লালমোহনবাবু হলিউডের ছবির কথায় চলে গেলেন ; বললেন, ‘মশাই, একমাত্র ওয়েস্টার্ন ছবিতেই এ রকম আউটডোর লাইফ দেখেছি ; আমাদের আবার কোনও দিন এরকমভাবে থাকতে হবে, ভাবতে পারিনি।’

দুপুরে তাঁবুতে লাঞ্ছ খেয়ে (এখানেও সঙ্গে কিচেন রয়েছে) সবে বাইরে বেরিয়েছি এমন সময় দেখি সুশাস্ত সোম আমাদের তাঁবুর দিকে আসছেন।

‘লাঞ্ছ শেষ ?’ জিজ্ঞেস করলেন ভদ্রলোক।

‘হ্যাঁ, বলল ফেলুন্দু।

‘এখান থেকে আট মাইল দূরে চন্দনওয়াড়ি বলে একটা জায়গা আছে জানেন তো ?’

‘যেখানে একটা বরফের ব্রিজ আছে—যেটা সারা বছর থাকে ?’

‘হ্যাঁ।’

‘সেটা দেখতে যাবার মতলব করছেন নাকি ?’

‘গেলে সবাই একসঙ্গে গেলেই তো ভাল হয় ?’

‘তবে আজই সবে এলাম, আজ ভাবছিলাম পাহালগামটাই ঘুরে দেখব। চন্দনওয়াড়ি কাল গেলে হয় না ?’

‘আমাদেরও সেই আইডিয়া। আমি শুধু আপনাদের ইনভাইট করতে এলাম।’

ফেলুন্দা বলল, ‘অবশ্যই একসঙ্গে যাব। আমাকে ছাড়া বোধহয় আপনাদের আর চলবে না। এর মধ্যেই যা একটা কেলেক্ষারি কাণ্ড ঘটে গেল। এটাকে তো অ্যাটেম্টেড মার্ডার ছাড়া আর কিছুই বলা যায় না। বিজয়বাবুর খুব ভাগ্য ভাল যে, উনি বেঁচে গেলেন।’

‘তা হলে কাল দুটো নাগাদ যাওয়া যাক। এখান থেকে আট মাইল ঘোড়া করে যেতে হয়। লাঞ্ছ করে বেরিয়ে পড়া যাবে।’

‘প্রয়াগ ! প্রয়াগ !’ মিঃ মল্লিক ডাকতে ডাকতে তাঁবু থেকে বেরিয়ে এসেছেন। তাঁর চোখে ঝুকুটি। এদিকে প্রয়াগ সামনেই নদীর ধারে হাত-মুখ ধূঁচে।

‘বোধহয় নদীর শব্দের জন্য শুনতে পাচ্ছে না’, বলল ফেলুন্দু।

‘না’, বললেন মিঃ মল্লিক, ‘ও এমনিতেই কানে একটু খাটো, তিনবার না ডাকলে উত্তর দেয় না।’

প্রয়াগ এবার ডাক শুনে মনিবের কাছে দৌড়ে গেল।

‘যাও, আমার লাঠিটা নিয়ে এসো।’

‘হজুর’, বলে প্রয়াগ তাঁবুর ভিতর চলে গেল।

কিছুক্ষণ থেকেই দেখছিলাম ফেলুন্দা প্রয়াগকে একদৃষ্টে লক্ষ করছে। কেন সেটা ঠিক বুঝতে পারলাম না।

ইতিমধ্যে অন্য তাঁবুটা থেকে বিজয়বাবু আর মিঃ সরকারও বেরিয়ে এসেছেন। সরকার এঁদের সঙ্গ ছাড়েননি। মনে হয় পুরো টুরটাই এঁদের সঙ্গে ঘুরবেন।

‘আমরা কাল চন্দনওয়াড়ি যাচ্ছি, বললেন সুশাস্তবাবু।

সকলে প্রস্তাবে সায় দিল।

ফেলুদা বলল, ‘তোরা দুজনে ডেক-চেয়ার নিয়ে নদীর ধারে বসে প্রকৃতির সৌন্দর্য উপভোগ কর, আমি একটু পাহাড়ি পথে ঘূরে আসি। মাথাটা একটু পরিষ্কার করা দরকার।’

‘কতুক্ষণের জন্য যাবে ?’ আমি জিজেস করলাম।

‘এই ঘট্টাখানেক,’ বলল ফেলুদা।

‘সঙ্গে আপনার বিশ্বস্ত অন্তর্বিটি আছে তো ?’

‘তা আছে।’

ফেলুদা চলে গেল।

লালমোহনবাবুর মাথায় একটা নতুন গল্লের প্লট এসেছে, সেটা আমাকে শুনিয়ে পরখ করে দেখে নিলেন। আমি আবার কিছু ইমপ্রুভমেন্ট সাজেস্ট করলাম। এই করতে করতে প্রায় ঘণ্টা দেড়েক বেরিয়ে গেল। নদীর ধারে বসে থাকলে বোরিং লাগে না, তাই সময়টা বেশ কেটে যাচ্ছিল, এমন সময় লালমোহনবাবু বললেন, ‘দু ঘণ্টা হতে চলল, তবু তোমার দাদা এলেন না—’

সত্যিই তো ! এটা আমার খেয়ালই হয়নি।

‘কী করা যায়, বলো তো ?’

ফেলুদার সঙ্গে থেকে থেকে আমারও অভ্যেস হয়ে গেছে মুহূর্তে ডিসিশন নেবার।

আমি উঠে পড়লাম।

‘চলুন, ওকে খুঁজতে বেরোই।’

‘চলো।’

ফেলুদা কোন রাস্তা ধরেছে সেটা আমরা জানতাম। আমরা দুজনে সেই পাহাড়ি পথে চড়াই ধরে রওনা দিলাম। পাইন বনের মধ্যে দিয়ে পথ, পরিবেশ চমৎকার, কিন্তু আমাদের সে সব উপভোগ করবার মতো মনের অবস্থা নেই। ফেলুদা বলেছিল এক ঘণ্টায় ফিরবে ; এ বিষয়ে ওর কথার নড়চড় হয় না। কিছু একটা গণগোল নিশ্চয়ই হয়েছে।

আধ ঘণ্টা হাঁটার পরেই যা খুঁজছিলাম, তা পেয়ে গেলাম। একটা ঝোপের ধারে মাটিতে হাত-পা ছাড়িয়ে পড়ে আছে ফেলুদা। আমার গলা মুহূর্তে শুকিয়ে গেল।

লালমোহনবাবু পাল্স ধরেই বললেন, ‘বেঁচে আছেন—কোনও চিন্তা নেই।’

ফেলুদাও নড়েচড়ে উঠল। তার পরেই উঠে বসে মাথার পিছনে হাতটা দিয়ে মুখটা বিকৃত করে বলল, ‘এবার মিস্ করেনি রে। একেবারে মোক্ষমভাবে লক্ষ্যভেদ।’

‘উঠতে পারবে ?’

‘নিশ্চয়ই। ব্যথা তো মাথায়।’

ফেলুদা উঠে পড়ে আমাদের দুজনের কাঁধে ভর করে কয়েক পা হেঁটে বলল, ‘ঠিক হ্যায়, হাঁটতে পারব ?’

‘কিন্তু কাটিকে কি দেখতে পেলেন ?’

‘তা হলে তো তদন্ত ফুরিয়ে যেত। সে লোক অত কাঁচা নয়। কাঁটা দিন যাক। আর একটু মাথা না খাটালে চলছে না।’

রাস্তারে মিঃ মন্টিকের তাঁবুতে আবার প্ল্যানচেট হল। বলা হয়নি, এর মধ্যে শ্রীনগরে আর একদিন প্ল্যানচেট হয়েছিল যাতে আমরাও উপস্থিত ছিলাম। শাসমল বলে এক মৃত্যুদণ্ডে দণ্ডিত আঞ্চা এসে বলল যে, সে সত্যিই খুন করেছিল।

আজকের প্ল্যানচেটে ফেলুদা ডায়েরি পড়ে যার কথা বলেছিল, সেই কাশ্মীরি মিঃ মনোহর



সপ্তুর আত্মা নামানো হল । আশচর্য মিডিয়ম ডাঃ মজুমদার—দশ মিনিটের মধ্যেই আত্মা চলে আসে ।

সপ্তুর আত্মা প্রশ্ন করল, ‘আমাকে কেন ডেকেছ ?’

মিঃ মল্লিক বললেন, ‘তোমাকে প্রাণদণ্ডে দণ্ডিত করেছিলাম আমি । যে খুনের মামলার আমি ছিলাম জজ ।’

‘সেটা আমি জানি ।’

‘আমার বিশ্বাস হয়েছিল খুনটা তুমি করোনি ।’

‘খুন করেছিল হরিদাস ভগত । পুলিশ ভুল তদন্ত করেছিল । কিন্তু এখন আর তাতে কিছু এসে যায় না ।’

‘কিন্তু আমি যে সেই সেভেনটি এইট থেকে দুশ্চিন্তায় ভুগছি ।’

‘তুমি কি আমার কাছে ক্ষমা চাও ?’

‘হাঁ ।’

‘বেশ, করলাম তোমাকে ক্ষমা । কিন্তু আমার যেসব আত্মীয়বন্ধু জীবিত আছে, তারা তোমায় ক্ষমা করেনি বা করবে না ।’

‘তাতে কিছু যায় আসে না । আমি তোমার ক্ষমা চাই ।’

‘বেশ, ক্ষমা করলাম । আমি আসি ।’

প্ল্যানচেট শেষ হল ।

মিঃ মল্লিক আবার স্বত্ত্বার নিশ্বাস ফেললেন ।

আমরা নিজেদের তাঁবুতে ফিরে এলাম ।

বালিশে মাথা রাখার দশ মিনিটের মধ্যেই ঘুম এসে গেল ।

৭

সকালে কাঁধ ধরে ঝাঁকুনিতে ঘুম ভেঙে গেল । চোখ মেলে দেখি ফেলুদা । তার মুখের ভাব দেখেই বুঝালাম কোনও একটা গুরুতর ব্যাপার ঘটেছে ।

‘মিঃ মল্লিক খুন হয়েছেন ।’

‘অ্যাঁ !’

এবার আমার চিংকারে লালমোহনবাবুরও ঘুম ভেঙে গেল ।

‘কাল মাঝরাত্রিকে,’ বলল ফেলুদা । ‘বুকে ছুরি মেরেছে । শুধু তাই না, খুনটাকে আরও পাকা করার জন্য মাথায়ও একটা ভারী কিছু দিয়ে মেরেছে । সব মিলিয়ে বিশ্রী ব্যাপার !’

এক লাফে বিছানা ছেড়ে উঠে পড়লাম । লালমোহনবাবুও উঠলেন । গায়ে দুটো গরম কাপড় চাপিয়ে দুজনেই তাঁবুর বাইরে চলে এলাম । ফেলুদা আমাদের খবরটা দিয়েই আবার বেরিয়ে গেল । মিঃ মল্লিক খুন ! ব্যাপারটা আমার বিশ্বাস হচ্ছিল না । মনের মধ্যে সব তালগোল পাকিয়ে যাচ্ছে ।

বাইরে দেখি সকলেই প্রায় তাঁবুর বাইরে দাঁড়িয়ে আছে, সকলেরই মুখ কালো । কথাবার্তায় বুঝালাম বিজয়বাবু পুলিশকে খবর দিতে গেছেন । এখান থেকে শহর বেশি দূর নয়, তাই পুলিশ আসতে বেশি সময় লাগা উচিত না ।

ডাঃ মজুমদারই সকালে উঠে প্রথমে ব্যাপারটা দেখেন । বিছানার চাদর রক্তাক্ত । সেটা ছুরির আঘাতের ফলে, কারণ মাথায় বিশেষ রক্তপাত হয়নি । অন্তর্টা অবশ্য পাওয়া যায়নি । মনে মনে বললাম, এমন চমৎকার লিদুর নদী থাকতে অন্ত ফেলার জায়গার অভাব কোথায় ?

নদী এখন সে ছুরিকে ভাসিয়ে ভাসিয়ে কোথায় নিয়ে গেছে কে জানে ?

তবে শুধু যে খুন তা নয় ; তার সঙ্গে ছুরিও আছে । মিঃ মল্লিকের ডান হাতের অনামিকায় একটা বহুমূল্য হিরের আংটি ছিল—তাঁর এক গুজরাটি মকেলের দেওয়া । খুনি সেইটিও খুলে নিয়ে গেছে ।

ফেলুদা ডাঃ মজুমদারকে প্রশ্ন করছিল ।

‘কান রাত্রে ভদ্রলোক শুয়েছেন কখন ?’

‘আমাদের অনেক আগে । উনি নটার মধ্যে খেয়ে শুয়ে পড়তেন ।

‘আপনি তো ডাক্তার, দেখে বুঝতে পারছেন না কখন খুনটা হয়েছে ?’

‘মনে হয় রাত দুটো-আড়াইটে নাগাদ ; তবে সেটা পুলিশের ডাক্তার এলে আরও সঠিকভাবে বলতে পারবে ।’

‘রাত্রে কোনও শব্দটুকু শোনেননি ? ঘুমের কোনও ব্যাঘাত হয়নি ?’

‘উহু । আমার সচরাচর এক ঘুমে রাত কাবার হয়ে যায় । আমি একটু তাড়াতাড়ি উঠি । সাড়ে ছ’টায় উঠেই দেখি এই কাও । আমার আগে প্রয়াগ উঠেছিল, কিন্তু ও এই দুর্ঘটনাটা লক্ষ করেনি । ও উঠেই তাঁবুর বাইরে চলে গিয়েছিল ।’

‘কে খুন করতে পারে, সে সম্বন্ধে আপনার কোনও ধারণা আছে ?’

‘একেবারেই না ।’

একটা পুলিশের জিপ এসে তাঁবুর কাছে থামল । বিজয়বাবু নামলেন, তাঁর পিছনে একজন ইনস্পেক্টর । বিজয়বাবুর নির্দেশ অনুযায়ী ইনস্পেক্টরটি এগিয়ে গেলেন মিঃ মল্লিকের তাঁবুর দিকে ।

‘আমার নাম ইনস্পেক্টর সিৎ’, বললেন ভদ্রলোক । ‘আমি এই কেসটার চার্জ নিছি । হোয়ার ইজ দ্য ডেডবডি ?’

বিজয়বাবু মিঃ সিৎকে নিয়ে তাঁবুর ভিতর চুকলেন । আমরা বাইরেই রয়ে গেলাম ।

ইনস্পেক্টরের পিছন পিছন কয়েকজন কনস্টেবল, ফোটোগ্রাফার ইত্যাদি এসব ব্যাপারে যেমন হয়ে থাকে ঠিক তেমনি ভাবেই কাজ শুরু করে দিল । এ জিনিস অনেকবার দেখেছি, তাই কোতুহল মিটে গেছে । আর মিঃ মল্লিকের মৃতদেহ দেখবার কোনও ইচ্ছে আমার ছিল না । খালি মনে হচ্ছিল—কী আশ্চর্য, এই মল্লিক কতজনকে মৃত্যুদণ্ড দিয়েছেন, আর হয়তো কিছু দিনের মধ্যেই তাঁর হত্যাকারীও মৃত্যুদণ্ড হবে ।

ফেলুদা একা এক পাশে দাঁড়িয়ে আছে দেখে লালমোহনবাবু তার দিকে এগিয়ে গিয়ে জিজ্ঞেস করলেন, ‘কী ব্যাপার বলুন তো ?’

ফেলুদা বলল, ‘আমার মনের ভিতরের জটাটা আরও বেশ ভাল করে পাকিয়ে গেল—এই তো ব্যাপার ! এখন পুলিশ যদি কিছু করতে পারে ।’

‘আপনি নিজে কি হাল ছেড়ে দিলেন ?’

‘তা কি হয় ? আমি তো প্রথম থেকে সবগুলো ঘটনাই দেখেছি ; পুলিশ তো আর তা দেখেনি । অবিশ্য ঘটনাগুলোর পরম্পরের সঙ্গে কোনও যোগসূত্র আছে কিনা সেটাই হচ্ছে প্রশ্ন । আমাকে যে পাথর ছুঁড়ে মেরেছিল, আর বিজয়বাবুকে যে ঘাড় ধাক্কা দিয়ে ফেলেছিল, দুজনেই কি এক লোক ? আর সেই লোকই কি এই খুনটা করেছে ? হিরের আংটি ছুরি যদি মোটিভ হয়ে থাকে, তা হলে হয়তো বাইরের থেকে খুনটা করে থাকতে পারে । কিন্তু আমার—’

ফেলুদা চুপ করে গেল । তারপর কিছুক্ষণ পরে বলল, ‘ডাক্তারির আইডিয়াটাকে অবিশ্য উড়িয়ে দেওয়া যায় না । কিন্তু আমার বিশ্বাস, আমাদের চেনা লোকই কুকীভিটা করেছে ।’



‘চেনা লোক বলতে—?’

‘মিঃ মল্লিকের সঙ্গে যারা এসেছেন। ইনক্লুডিং মিঃ সরকার। কারণ তাঁর ডান হাতের আঙুলে ‘S’ লেখা আংটিটার কথা ভুললে চলবে না।’

ইনস্পেক্টর সিঃ তাঁবু থেকে বাইরে বেরোলেন। ভদ্রলোক তিনটে তাঁবুর দিকে দেখিয়ে বললেন, ‘এই সবগুলোই কি একই পার্টির তাঁবু?’

বিজয়বাবু বললেন, ‘না ; এই দুটো আমাদের, আর ওইটা মিঃ মিত্ররদের।’

‘মিঃ মিত্র?’

‘হি ইজ এ ওয়েলনোন প্রাইভেট ইনভেস্টিগেটর ফ্রম ক্যালকাটা।’

মিঃ সিঃ ভু-কুঞ্চিত করে ফেলুদার দিকে এগিয়ে গেলেন। তারপর প্রশ্ন করলেন, ‘আপনি কি রাজগড়ের খুনের কেসটা সল্ভ করেছিলেন?’

‘আজ্ঞে হ্যাঁ।’

মিঃ সিঃ হাত বাড়ালেন কর্মদনের জন্য।

‘ইনস্পেক্টর বাজপাই ইজ এ ভেরি গুড ফ্রেন্ড অফ মাইন। তার কাছে আপনার খুব প্রশংসা শুনেছি। আপনার সঙ্গে আলাপ করে খুশি হলাম।’

ফেলুদা বলল, ‘আমি কিন্তু এখানে ঘটনাচক্রে এসে পড়েছি। কোনও কেস-টেস সল্ভ করতে নয়। আপনি আপনাদের কাজ চালিয়ে যান।’

‘আমি তো চালিয়ে যাবই আমার কাজ, কিন্তু আপনিই বা চুপচাপ বসে থাকবেন কেন, বিশেষ করে এই ফ্যামিলির সঙ্গে যখন আপনার আলাপ হয়েছে। খুন্টা তো বাইরের ব্যাপার বলেই মনে হচ্ছে। ছুরি যে বসিয়েছে সে তো লেফট হ্যান্ডেড ; এখানে তো সবাই দেখছি রাইট হ্যান্ডেড। যাই হোক, ইউ আর ফ্রি টু ক্যারি অন ইওর ওন ইনভেস্টিগেশন।’

‘অনেক ধন্যবাদ। আসলে আমার উপরও একটা অ্যাটেম্ট হয়েছিল, কাজেই আমি ব্যাপারটাকে খুব ঠাণ্ডা মাথায় নিতে পারছি না।’

‘ভাল কথা’, মিঃ সিঃ বিজয়বাবুর দিকে ফিরলেন। ‘ডেড বডির কী হবে? ওটা কি আপনি কলকাতায় নিয়ে যেতে চান?’

‘তার কোনও প্রয়োজন আছে বলে আমার মনে হয় না। আমি ছাড়া তো বাবার আর কেউ নেই। মা মারা গেছেন, দাদা বিলেতে ছিলেন, দাদাও মারা গেছেন।’

‘ভেরি ওয়েল, তা হলে এখানেই সংকার হোক। তবে, বুবাতেই পারছেন, আপনাদের এখনও কিছু দিন পাহালগামে থাকতে হবে। অন্তত যত দিন না কেসটাৰ সুৱাহা হচ্ছে তত দিন। কারণ ইউ আর অল আভাৰ সাসপিশন। আমি একে একে প্রত্যেককেই জেৱা করতে চাই।’

পুলিশ ঘণ্টা তিনেক ধরে জেৱা চালাল। জেৱা শুরু কৱার আগে মিঃ সিঃ ফেলুদাকে দু-একটা প্রশ্ন করে নিলেন। ‘আপনি কাল রাত্ৰে কোনও সন্দেহজনক শব্দ পাননি?’—

‘না। তা ছাড়া এখানে নদীৰ শব্দে অন্য সব শব্দ চাপা পড়ে যায়।’

‘জানি। সেটা ক্রিমিন্যালের পক্ষে একটা অ্যাডভান্টেজ। ভাল কথা, আপনার বন্ধুর সঙ্গে তো আলাপ হয়নি।’

‘ইনি মিঃ গাঙ্গুলী। হি ইজ এ রাইটার।’

এর পৰ আমৱা তিনজন শহৱৰের দিকে গিয়ে একটা রেস্টোৱান্টে বসে চা আৰ অমলেট

খেলাম । সকালে গোলমালে আর ব্রেকফাস্ট হয়নি ।

‘খেতে খেতে লালমোহনবাবু বললেন, ‘সবচেয়ে আশচর্য দেখছি যে প্রথমে ছেলেকে খুন করতে চেষ্টা করে না পেরে শেষটায় বাবাকে খুন করল ।’

ফেলুদ বলল, ‘সেটা যে একই লোক করেছে, তার কী গ্যারান্টি ? একজনের ছেলের উপর আক্রমণ থাকতে পারে, আরেকজনের বাপের উপর । নট ভেরি সারপ্রাইজিং ।’

‘আমার কিন্তু একটি লোক সম্বন্ধে কী রকম সন্দেহ হয় ।’

‘কে ?’

‘ডাঃ মজুমদার । এদিকে ডাঙ্গার, তার উপরে আবার আস্তা নামাচ্ছে । কম্বিনেশনটা অস্তুত লাগছে ।’

‘খুন করার সুযোগ অবশ্য ডাঙ্গারেই বেশি ছিল, কারণ পাশের খাটে ঘুমোচ্ছেন । কিন্তু মোটিভ কী ? হিরের আংটি যদি নেওয়া উদ্দেশ্য হয়, তা হলে বলতে হয় ডাঙ্গারের খুবই আর্থিক দুরবস্থা । কিন্তু সেরকম তো কোনও ইঙ্গিত পাওয়া যাচ্ছে না ।’

‘আর বিজয়বাবু ?’

‘বিজয়বাবু অবশ্য তাঁর বাপের মতৃত্যে খুবই লাভবান হবেন । অবিশ্যি মিঃ মল্লিক যদি উইল করে থাকেন, এবং সে উইল থেকে যদি ছেলেকে বাদ দিয়ে থাকেন, তা হলে বিজয়বাবুর কোনওই লাভ নেই । তা না হলে বিজয়বাবু মোটা টাকা পাবেন, কারণ মিঃ মল্লিক নিঃসন্দেহে ধনী ব্যক্তি ছিলেন ।’

‘কিন্তু বিজয়বাবু তো তাঁর অফিস থেকে রোজগার করছেনই । তাঁর হঠাতে এতটা টাকার দরকার পড়বে কেন যে, সে খুন করবে ? খুন করা তো চাটিখানি কথা নয় ।’

‘দ্যাট ইজ ট্রু ।’

‘সুশান্ত সোম সম্বন্ধে কী মনে হয় আপনার ?’

‘কাজের ছেলে সে বিষয় কোনও সন্দেহ নেই । আর বেশ কোয়ালিফাইড । মিঃ মল্লিক সুশান্তবাবুর উপর সম্পূর্ণ নির্ভর করতেন । আর সুশান্তবাবুর কোনও খুনের মোটিভ খুঁজে পাওয়া মুশকিল ।’

‘আচ্ছা মিঃ মল্লিকের উপর কি কেউ প্রতিশোধ নিয়ে থাকতে পারে ?’

‘তা তো পারেই । আমি তো সেই কথাটাই বার বার ভাবছি । কত জনের প্রাণ নিয়েছেন লোকটা, ভেবে দেখুন ।’

‘কিন্তু বিজয়বাবুর বেলা তো প্রতিশোধ খাটে না ।’

‘তা তো খাটেই না, আর সেই ব্যাপারেই বার বার ধাক্কা খেতে হচ্ছে ।’

দুপুর বেলা লাঞ্ছের পর ফেলুদা বলল, একটু শহরের দিকে ঘুরে আসবে । একটু না হাঁটলে নাকি ওর মাথা খোলে না ।

‘শহর হোক আর যাই হোক, সঙ্গে আপনার অন্তর্টি রাখবেন’, বললেন লালমোহনবাবু ।

আমরা দু জন নদীর ধারে গিয়ে বসলাম ।

সুশান্তবাবু তাঁবু থেকে বেরিয়ে আমাদের দিকে এগিয়ে এলেন । ‘বিনা মেঘে বঙ্গায়াত’, বললেন ভদ্রলোক ।

আমরাও সায় দিলাম । সত্তিই, এমন যে হবে তা ভাবতেও পারিনি ।

‘ইনস্পেক্টর কী বলেন ?’ জিজেস করলেন লালমোহনবাবু ।

সুশান্তবাবু বললেন, ‘যদুর মনে হল, ডাকাতের সঙ্গাবনাটা একেবারে উড়িয়ে দিচ্ছেন না । আংটিটার বিস্তর দাম ছিল, মাঝখানে হিরে বসানো, তাকে গোল করে পান্না দিয়ে যেরা । আর এখানে যে ডাকাতির কেস একেবারে হয় না তা নয় । যত টুরিস্ট বাড়ছে, তত এসবও নাকি

বাড়ছে । বছর ত্রিশেক আগে পাহালগম অনেক নিরাপদ জায়গা ছিল । ’

‘আপনারা কি তাঁবুতে বন্দি ?’ আমি জিজ্ঞেস করলাম । ’

‘না’, বললেন সুশাস্ত্রবাবু, ‘তবে পাহালগম ছেড়ে কোথাও যাওয়া চলবে না । ’

‘মৃতদেহের সংকার হবে কখন ?’

‘বিকেলের মধ্যেই । ’

বিকেলে জানতে পারলাম যে, মল্লিকরা ভাস্ক ছিলেন । তাই বিজয়বাবুকে আর অশোচ পালন করতে হবে না ।

ফেলুদা পাঁচটার মধ্যে ফিরে এল । ও যতক্ষণ না ফিরছিল । ততক্ষণ আমার অসোয়াস্তি লাগছিল, কিন্তু ও বলল, যারা ওর পিছনে লাগতে পারত, তারা সকলেই এখন পুলিশের নজরে রয়েছে । তাই চিন্তা নেই ।

‘কিন্তু এই যে ঘুরে এলেন, এর কোনও ফল পেলেন ?’

‘পেয়েছি বইকী’, বলল ফেলুদা, ‘তবে এখনে বসে থেকে সব ব্যাপারটার নিষ্পত্তি হবে না । আমাকে একবার শ্রীনগর যেতে হবে । ’

‘কবে যাবেন ?’

‘কালই সকালে । ’

‘আর আমরা ?’

‘আমার দু দিন আন্দাজ লাগবে । সে দু দিন আপনারা এখানেই থাকবেন । চেঞ্জের পক্ষে এর চেয়ে ভাল জায়গা তো আর হয় না । ’

‘কিছু আলো দেখতে পেলেন ?’

‘তা পেয়েছি । সত্যিই অন্ধ হয়ে গিয়েছিলাম । ’

‘কিন্তু এখনও কিছুটা অন্ধকার রয়েছে । ’

‘সেই জন্যেই তো শ্রীনগর যাওয়া দরকার । তবে যাবার আগে আমার দিক থেকেও কয়েকজনকে একটু জেরা করা দরকার । নিচু স্তর থেকে ওপরে ওঠাই ভাল । আগে প্রয়াগকে কয়েকটা প্রশ্ন আছে । ’

সুশাস্ত্রবাবুকে দিয়ে খবর পাঠাতেই প্রয়াগ তার তাঁবু থেকে বেরিয়ে এল ।

‘বোসো এখানে’, বলল ফেলুদা ।

প্রয়াগ এখন আমাদের তাঁবুতে ।

‘শোনো প্রয়াগ’, বলল ফেলুদা, ‘তোমাকে কয়েকটা প্রশ্ন করব, তুমি তার ঠিক ঠিক জবাব দেবে । ’

‘পুছিয়ে বাবু । ’

কথাবার্তা হিন্দিতেই চলল, আমি বাংলায় লিখছি ।

‘তুমি মল্লিকসাহেবের বাড়িতে কবে থেকে আছ ?’

‘পাঁচ বছর হয়েছে । ’

‘তার আগে কোথায় ছিলে ?’

‘জেকবসাহেবের বাড়িতে বেয়ারার কাজ করতাম । পার্ক স্ট্রিটে । ’

‘মল্লিকসাহেব তোমাকে কী করে পেলেন ?’

‘আমি জেকবসাহেবের কাছ থেকে চিঠি নিয়ে মল্লিকসাহেবের সঙ্গে দেখা করেছিলাম । জেকবসাহেব বিলেত চলে যাচ্ছিলেন, তাই আর আমাকে দরকার লাগছিল না । ’

‘মল্লিকসাহেব জেকবসাহেবকে চিনতেন ?’

‘ওরা দুজনে এক ক্লাবের মেম্বার ছিলেন।’

‘তোমার পুরো নাম কী?’

‘প্রয়াগ মিসির।’

‘তোমার সংসার নেই?’

‘বউ মারা গেছে, মেয়ে দুটোর বিয়ে হয়ে গেছে।’

‘কাল রাত্রে তুমি কোনও রকম শব্দ পাওনি, যার জন্য তোমার ঘুম ভেঙে যেতে পারে?’
‘না বাবু।’

‘বাবুকে কে খুন করতে পারে, তাই নিয়ে তোমার কোনও ধারণা আছে?’

‘না বাবু। এ রকম হবে আমি কল্পনাই করতে পারিনি।’

‘ঠিক আছে, তুমি এখন যেতে পার।’

এবার ফেলুদা সুশাস্তবাবুকে বলল ডাঃ মজুমদারকে খবর দিতে।

ডাঃ মজুমদার এলেন আমাদের তাঁবুতে।

ফেলুদা বলল, ‘আমি আপনাকে দু-একটা প্রশ্ন করতে চাই।’

‘করুন।’

‘মিঃ মল্লিক যেভাবে প্ল্যানচেট করেছিলেন, সেটা কি ডাক্তার হিসাবে আপনার কাছে খুব স্বাভাবিক বলে মনে হয়?’

ডাঃ মজুমদার মাথা নাড়লেন।

‘না। আমি ওঁকে অনেকবার বলেছি যে, এই সব পুরনো ব্যপার নিয়ে বেশি ঘাঁটাঘাঁটি না করাই ভাল। আর জজ যদি এক-আধটা ভুল ভাড়িষ্ট দিয়ে থাকে, তাতেই বা কী এসে গেল। ভুল তো সকলেরই হতে পারে।’

‘আপনার নিজের মধ্যে যে ক্ষমতাটা রয়েছে, সেটা কবে থেকে প্রকাশ পেল?’

‘তা অনেক দিন। পঁচিশ বছর তো বটেই।’

‘ওঁকে কে খুন করতে পারে সে সম্বন্ধে আপনার কোনও ধারণা আছে?’

‘একেবারেই নেই।’

‘ওঁর ছেলে সম্বন্ধে আপনার কী ধারণা?’

‘ছেলে এক কালে ড্রাগসের প্রভাবে খুব গোলমালের মধ্যে পড়েছিল। আমি অনেক চেষ্টা করেও কিছু করতে পারিনি। কিন্তু সেই সাধুর প্রভাবেই হোক, আর অন্য কোনও কারণেই হোক, ও একেবারে স্বাভাবিক হয়ে গেছে।’

‘জুয়ার প্রতি ওর আসক্তি রয়েছে না?’

‘সেটা সম্বন্ধে আমি কিছু বলতে পারব না, কারণ আমি ও রসে একেবারেই বঞ্চিত।’

‘ও কোন অফিসে কাজ করে?’

‘চ্যাটার্জি অ্যান্ড কোং—ইমপ্রোট অ্যান্ড এক্সপোর্ট।’

‘কোথায় অফিস?’

‘গণেশ এভিনিউ। দশ নম্বর।’

‘ঠিক আছে। আপনি যেতে পারেন।’

ডাঃ মজুমদার চলে গেলেন। সুশাস্তবাবু জিজ্ঞাসু দৃষ্টি দিলেন ফেলুদার দিকে।

‘এবার মিঃ সরকারের সঙ্গে একটু কথা বলব।’

‘মিঃ সরকার?’

সুশাস্তবাবু যেন কথাটা বিশ্বাস করতে পারছিলেন না।’

ফেলুদা বলল, ‘হ্যাঁ। কেন, আপনার অবাক লাগছে?’

‘উনি তো ঠিক আমাদের দলের নন ; এক রকম বাইরের লোক ।’

‘তাঁর যে টাকার দরকার নেই সেটা আপনি কী করে জানলেন সুশাস্তবাবু ? টাকার জন্য মানুষে খুন করে না ?’

‘ঠিক আছে । আমি ডাকছি ওঁকে ।’

মিঃ সরকার এলেন ।

‘আসুন, বসুন’, বলল ফেলুদা ।

‘কাশীর এসেছিলাম বেড়াতে, আর কীসের থেকে কী হয়ে গেল দেখুন ।’

‘কী করবেন বলুন—মানুষের কপালই ওই রকম ।’

‘এখন বলুন, আমাকে কী জিজ্ঞেস করতে চান ।’

‘আপনি কত বছর পর্যন্ত শ্রীনগরে ছিলেন ?’

‘বছর বারো ।’

‘তারপর কলকাতায় যান ?’

‘হ্যাঁ ।’

‘সেইখানেই পড়াশুনা করেন ?’

‘হ্যাঁ ।’

‘আপনার বাবা কি কলকাতাতেও হোটেল ম্যানেজারি করতেন ?’

‘হ্যাঁ ।’

‘কোন হোটেল ?’

‘ক্যালকটা হোটেল ।’

‘আপনি গ্র্যাজুয়েট ?’

‘বি কম ।’

‘এখন কী করেন ।’

‘একটা ইনসিওরেন্স কোম্পানিতে আছি ।’

‘কোম্পানির নাম ?’

‘ইউনিভারসাল ইনসিওরেন্স ।’

‘আপিস কোথায় ?’

‘পাঁচ নম্বর পোলক স্ট্রিট ।’

‘আপনি জজ মিঃ মল্লিকের কথা জানতেন ?’

‘না । এখানে এসে আলাপ । বিজয়ের সঙ্গে অনেক ব্যাপারে মিলে গেল, তাই একটা বন্ধুত্ব গড়ে উঠেছে ।’

‘আপনি কি জুয়ার ভক্ত ?’

‘আই লাইক গ্যাস্টলিং, তবে বিজয়ের মতো নয় ।’

‘হঠাৎ কাশীর আসার ইচ্ছে হল কেন ?’

‘ছেলেবেলার স্মৃতির সঙ্গে মিলিয়ে দেখতে ।’

‘ক’ দিনের জন্য এসেছেন ?’

‘দশ দিন—তবে এখন কী হয় জানি না । এরকমভাবে আটকে পড়ব কে জানত !’

‘আপনার হাতের আংটিটা একবার দেখতে পারি ?’

‘নিশ্চয়ই ।’

সরকার তাঁর আংটিটা খুলে ফেলুদার হাতে দিলেন, সোনার আংটি, উপরে একটা ছ কোনা পাতের উপর মিনে করে নীলের উপর সাদা দিয়ে S লেখা ।

ফেলুদা ধন্যবাদ দিয়ে আংটিটা ফেরত দিয়ে দিল ।
‘ঠিক আছে । আপনার জেরা শেষ ।’
‘থ্যাক ইউ ।’

৯

পরদিন সকালে ফেলুদা ব্রেকফাস্টের পর ট্যাঙ্কি নিয়ে শ্রীনগরে চলে গেল । বলল, ‘মনে হচ্ছে, পরশু ফিরে আসতে পারব ; তবে দু-এক দিন দেরি হলে চিন্তা করিস না ।’

ন'টা নাগাত পুলিশের জিপ এল, ইনস্পেক্টর সিং নামলেন । অন্য তাঁবুতে কাজ শেষ করে ভদ্রলোক আমাদের দিকে এগিয়ে এলেন ।

‘হোয়ার ইজ মিঃ হোমস ?’ হেসে প্রশ্ন করলেন ভদ্রলোক ।

আমি বললাম ফেলুদা একটু শ্রীনগর গেছে ।

‘এই কেসের ব্যাপারে ?’

‘হ্যাঁ ।’

‘কিন্তু তার প্রয়োজন হচ্ছে কেন ? এই কেস তো জলের মতো সোজা ।’

‘কী রকম ?’

‘বেয়ারাটাই হচ্ছে অপরাধী । তার সুযোগ ছিল । সে একই তাঁবুতে শুত । তা ছাড়া এসব লোকের লোভ হওয়াটা স্বাভাবিক । বেয়ারাগিরি করে আর কত রোজগার হয় ?’

‘আপনি কি ওকে অ্যারেস্ট করছেন ?’ লালমোহনবাবু জিজ্ঞেস করলেন ।

‘আপাতত থানায় নিয়ে যাচ্ছি জেরার জন্য । তা ছাড়া, ও যে লেফট হ্যান্ডেড তাও প্রমাণ হয়ে গেছে । ওকে ওর নাম লিখতে বলেছিলাম । ডান হাতে লিখতেই পারল না, কিন্তু বাঁ হাতে বেশ পারল । কিন্তু তা সত্ত্বেও ও অঙ্গীকার করছে, সুতরাং ওকে বেশ ভাল রকম জেরা করা দরকার ।’

‘আংটিটাও পেতে হবে’, বললেন জটায়ু ।

‘সেটাও জেরার জোরে বেরিয়ে যাবে । পুলিশের পক্ষে খুঁজে পাওয়া তো মুশকিল । এই পাহাড়ি পরিবেশে কোথায় লুকিয়ে রেখেছে কে জানে ?’

ফেলুদা কি তা হলে বৃথাই গেল শ্রীনগর ? কেসটা এতই সোজা ? আমার কিন্তু তা বিশ্বাস হচ্ছিল না । অত সহজ হলে ফেলুদা অত কাঠখড় পোড়াত না । আমি জানি ও কলকাতায় খোঁজ করবে । ওর লোক আছে যাদের বলে দিলে কয়েক ঘণ্টার মধ্যে ওরা যে কোনও খবর জোগাড় করে দিতে পারে ।

কিন্তু তার পরেই আবার মনে হয়ে যাচ্ছে বেয়ারা লেফট-হ্যান্ডেড ।

কিন্তু এত সাহস হবে লোকটার ? ও কি জানে না যে ওর ওপরেই প্রথমে সন্দেহ পড়বে ?

ইনস্পেক্টর সিং বিদ্যম নিয়ে প্রয়াগকে সঙ্গে করে চলে গেলেন । লোকটাকে দেখে আমার কষ্ট হল, কারণ ও কান্নাকাটি আরম্ভ করে দিয়েছে । পুলিশরা স্বীকারোক্তি আদায় করবার জন্য কত কী যে করতে পারে সে আমার জানতে বাকি নেই । ফেলুদাও এ নিয়ে বহুবার আক্ষেপ করে বলেছে । ও বলে পুলিশরা কাজ জানে, ওরা কর্মসূল, কিন্তু দয়ামায়া বলে কিছু নেই ওদের মধ্যে । অবিশ্য উপায়ও নেই । অনেক সময় জরুরি তথ্য সংগ্রহ করতে কড়া রাস্তা নিতে হয় । সে কাজটা প্রাইভেট গোয়েন্দার চেয়ে পুলিশে অনেক বেশি ভাল পারে ।

সুশাস্ত্রবাবু এবার দেখি আমাদের দিকে আসছেন । বললেন, ‘মিঃ মিত্র তো বোধহয় শ্রীনগর গেছেন ।’

আমি ‘হ্যাঁ’ বলতে বললেন, ‘আমরা কিছু না বলতেই উনি আমাদের জন্য এত করছেন, এটা খুব অশ্র্য বলতে হবে।’

‘আসলে উনি এটাকে একটা চ্যালেঞ্জ হিসাবে নিয়েছেন। রহস্য জিনিসটা ওঁর কাছে অসহ্য। যতক্ষণ না সেটার কিনারা করতে পারছেন, ততক্ষণ ওঁর সোয়াস্তি নেই।’

লালমোহনবাবু বললেন, ‘আপনি কি মিঃ মল্লিকের জীবনী লিখতে আরস্ত করে দিয়েছিলেন?’

‘তা এক রকম দিয়েছিলাম বইকী। খানিকটা করে লিখছিলাম, আর উনি সেটা দেখে দিচ্ছিলেন। খুবই চিতাকর্ক বই হত বলে মনে হয়।’

‘এখন তো কাজটা বন্ধ হয়ে গেল।’

‘তা তো হলই।’

‘আপনিও কি প্রয়াগকে সন্দেহ করেন?’

‘মোটেই করিনি। ওর অত সাহস হবে বলেই আমার মনে হয়নি। কিন্তু পুলিশ যেভাবে চলছে...’

‘মিঃ মিত্রের উপর আরেকটা অ্যাটেম্প্ট হয়ে গেছে, সেটা বোধহয় জানেন না?’

‘সে কি!’

‘হ্যাঁ। এবার মাথায় বাড়ি মেরেছিল পাথর-টাথর কিছু দিয়ে। সৌভাগ্যক্রমে বেঁচে গেছে। কিন্তু কেউ যে ওর উপস্থিতি পছন্দ করছে না, সে বিষয়ে কোনও সন্দেহ নেই।’

‘তা, উনি তো পুলিশ প্রোটেকশন নিতে পারেন।’

‘সেটা উনি মরে গেলেও নেবেন না, যদিও উনি পুলিশকে সাহায্য করতে সব সময়ই প্রস্তুত।’

‘আপনাদের তাস খেলা বন্ধ বোধহয়?’ লালমোহনবাবু প্রশ্ন করলেন।

‘মৃত্যুর ছায়া এখনও ঘনিয়ে আছে; এর মধ্যে কি ও সব চলে?’

‘তা বটে।’

*

ফেলুদার জন্য প্রাণটা ছটফট করছে, অথচ দ্বিতীয় দিনেও ও এল না। দিনটা আমরা সাইট সিইং-এ কাটালাম। টুরিস্ট আপিস থেকে খবর নিয়ে আড়াই মাইল দূরে শিকারগাঁ লেক আর এক মাইল দূরে একটা পুরনো শিবমন্দির দেখে এলাম। তাঁবুতে থাকার চেয়ে দূরে থাকাই ভাল বুঝতে পারছিলাম। কারণ তাঁবুকে ঘিরে এখনও খুনের গন্ধ, ভাবতে গেলেই বুক ধড়ফড় করে।

তৃতীয় দিন সকাল দশটায় ভাবছি কী করা যায়, এমন সময় ফেলুদার ট্যাঙ্কি এসে হাজির। আমরা দুজনেই উদ্ধৃত হয়ে ওর দিকে এগিয়ে গেলাম। ও হাত তুলে বলল, ‘সবুরে মেওয়া ফলে।’

‘আপনার মাথা পরিষ্কার কি না সেইটে শুধু বলে দিন’, বললেন লালমোহনবাবু।

‘পরিষ্কার, তবে অনেক জট ছাড়াতে হয়েছে। এমন একটা কেস সচরাচর পাওয়া যায় না।’

‘রহস্য উদ্ঘাটনের টাইমটা কী?’

‘সেটা ইনস্পেক্টর সিং-এর সঙ্গে কথা বলে ঠিক করতে হবে।’

‘উনি কিন্তু খুনি ধরে ফেলেছেন এর মধ্যেই।’

‘মানে?’

‘বেয়ারা প্রয়াগ।’

‘সর্বনাশ ! তা হলে তো আর সময় নষ্ট করা চলে না । আমি চললাম থানায় ।’

ফেলুদা আর এক মুহূর্ত অপেক্ষা না করে শহরের দিকে চলে গেল ।

ও যখন ফিরল তখন আমাদের লাখ খাবার সময় হয়ে গিয়েছে । এসে বলল, ‘আজ তিনটৈয় মিটিং । ওঁদের তাঁবুতে ।’

আমার বুকটা কেঁপে উঠল । ফেলুদার রহস্যোদ্ধাটন যে না দেখেছে সে কল্পনা করতে পারে না সেটা কত নাটকীয় হতে পারে ।

তিনটৈর পাঁচ মিনিট পরেই পুলিশের জিপ এসে গেল । ইনস্পেক্টর সিং ফেলুদার দিকে এগিয়ে এসে বললেন, ‘আপনি কি বিশ্বাস করতে পারেন যে একজন পুলিশ ইনস্পেক্টর ক্রাইম স্টোরির ভক্ত হতে পারে ?’

‘আপনি ওসব বই পড়েন নাকি ?’

‘ও ছাড়া আর কিছুই পড়ি না । বিশেষ করে প্রাইভেট ডিটেকটিভের গল্প হলে তো আর কথাই নেই । আজ আপনার রহস্যোদ্ধাটনের ব্যাপারেও আমার পড়া অনেক গল্পের কথা মনে পড়ছে । অবিশ্যি আপনি যে কী বলতে যাচ্ছেন সে সম্বন্ধে আমার কোনও ধারণা নেই ।’

‘সেটা তো অল্পক্ষণের মধ্যেই জানতে পারবেন ।’

‘তাঁবুতে সকলে জমায়েত । দুটো তাঁবু থেকে চেয়ার এনে সকলের বসবার জায়গা করা হয়েছে । বিজয় মল্লিক, মিঃ সরকার, সুশান্ত সোম, ডাঃ মজুমদার—এঁরা সব চেয়ারে বসেছেন, আর তাঁবুর এক কোণে দাঁড়িয়ে আছে বেয়ারা প্রয়াগ । এই শেবের লোকটির চেহারার মধ্যে একটা ক্লিষ্ট ভাব দেখে মনে হয় পুলিশ তাকে বেশ ভালভাবেই জেরা করেছে ।

১০

ফেলুদা তার চেয়ার থেকে উঠে দাঁড়িয়ে একবার সকলের দিকে দেখে নিল । তারপর এক গেলাস জল ফ্লাস্ক থেকে ঢেলে নিয়ে খেয়ে তার কথা শুরু করল—

‘মিঃ মল্লিক আজ আমাদের মধ্যে নেই, আমি তাঁকে দিয়েই আমার কথা আরম্ভ করছি । সিদ্ধেশ্বর মল্লিক ত্রিশ বছর জজিয়তি করে তারপর কাজ থেকে অবসর গ্রহণ করেন । এই রিটায়ারমেন্টের কারণ ছিল অসুস্থতা । তা ছাড়া হয়তো মিঃ মল্লিক তাঁর পেশায় কিছুটা বিশ্বাস হারিয়েছিলেন । প্রাণদণ্ড নিয়ে হয়তো তাঁর মনে একটা সংশয় দেখা দিয়েছিল । আমি এই সিদ্ধান্তের সত্যতা-অসত্যতার ভিতর যেতে চাইছি না । যা ঘটেছিল শুধু তাই বলছি ।

‘মিঃ মল্লিক দৈনিক ডায়েরি লিখতেন । এই ডায়েরির একটা বিশেষত্ব ছিল । যে দিন তিনি কাউকে ফাঁসির আদেশ দিতেন, সেই দিন ডায়েরিতে প্রাণদণ্ডে দণ্ডিত ব্যক্তিটির নাম লিখে তার পাশে লাল কালিতে একটা ক্রস দিয়ে দিতেন । আর যে দিন এই দণ্ডের যথার্থতা সম্বন্ধে তাঁর মনে একটা গভীর সন্দেহ দেখা দিত, সেদিন ক্রসের পাশে একটা প্রশ্নবোধক চিহ্ন দিয়ে দিতেন ।

‘আমি মিঃ মল্লিকের ডায়েরিগুলি দেখেছি । সবসুন্দর ছটি প্রশ্নবোধক চিহ্ন রয়েছে । তার মানে ছ’টি প্রাণদণ্ডের সমীচীনতা সম্পর্কে তিনি সন্দিক্ষ্য ছিলেন ।

‘এইবার আমি আরেক দিকে দৃষ্টি আকর্ষণ করতে চাই । মিঃ মল্লিকের মনে দৃষ্টি হচ্ছিল কি না হচ্ছিল সেটা সম্বন্ধে জনসাধারণ কিছুই জানতে পারত না । কিন্তু যারা প্রাণদণ্ডে দণ্ডিত হচ্ছে, তাদের আঙ্গীয়-স্বজনের প্রতিক্রিয়া নিয়ে কি মিঃ মল্লিক কখনও ভেবেছিলেন ? মনে

তো হয় না, কারণ তাঁর ডায়ারিতে এর কোনও উল্লেখ নেই। ছেলের মৃত্যুদণ্ডে বাপ-মা কী ভাবছে, বাপের মৃত্যুদণ্ডে ছেলের বা ভাইয়ের বা স্ত্রীর বা অন্য আঙ্গীয়-স্বজনের কী মনোভাব হতে পারে, সেটা নিয়ে মিঃ মল্লিক বোধহয় কখনও চিন্তা করেননি। কিন্তু আমরা একটু ভেবে দেখলেই বুঝতে পারব যে, এই সব প্রাণদণ্ডে দণ্ডিত ব্যক্তিদের আঙ্গীয়-স্বজন বক্স-বান্ধব অনেকেই নিশ্চয়ই গভীর বেদনা অনুভব করেছে।

‘এইটে উপলব্ধি করার পরেই আমার মনে প্রশ্ন জাগে—এই রকম প্রাণদণ্ডে দণ্ডিত কোনও ব্যক্তির আঙ্গীয়ই কি প্রতিহিংসা চরিতার্থ করতে মিঃ মল্লিককে হত্যা করে ?

‘যত ভাবি, ততই মনে হয় এটা খুবই স্বাভাবিক। বিশেষ করে যেখানে দণ্ড সম্বন্ধে জজের মনেও সন্দেহ আছে, সেখানে তো বটেই।

‘এর পরের প্রশ্ন হচ্ছে—এই ঘরে যারা উপস্থিত আছেন, তাদের মধ্যে কি এমন ব্যক্তি কেউ আছেন ?’

‘এখানে প্রথমেই যাকে বাদ দেওয়া যায়, তিনি হলেন ডাঃ মজুমদার, কারণ তিনি আজ পনেরো বছর হল মল্লিকদের পারিবারিক চিকিৎসক।

‘বাকি থাকেন আর চারজন—বিজয় মল্লিক, সুশাস্ত সোম, মিঃ সরকার আর বেয়ারা প্রয়াগ।

‘এখানে বিজয় মল্লিককে এই বিশেষ তালিকা থেকে বাদ দেওয়া যেতে পারে। কারণ তাঁর কোনও আঙ্গীয়ের প্রাণদণ্ড হয়নি।

‘সেই রকম সুশাস্ত সোমকেও এই একই মর্মে বাদ দেওয়া যেতে পারে। কারণ তাঁরও কোনও নিকট জনের প্রাণদণ্ডের কথা আমরা ডায়েরিতে পাওয়া না।

‘বাকি রইলেন মিঃ সরকার ও প্রয়াগ বেয়ারা।

‘এখানে প্রয়াগকে আমি একটা প্রশ্ন করতে চাই।’

প্রয়াগ চুপ করে দাঁড়িয়ে রইল।

ফেলুদা বলল, ‘প্রয়াগ, সে দিন তুমি যখন নদীতে হাত ধুচ্ছিলে, তখন আমি তোমাকে লক্ষ করছিলাম। তোমার ডান হাতে একটি ছেটে উল্কি আছে—দুটি ইংরেজি অক্ষর—HR। এটার মানে আমি তোমাকে জিঞ্জেস করতে চাই।’

প্রয়াগ গলা খাকরিয়ে নিয়ে বলল, ‘ওর কোনও মানে নেই বাবু। উল্কি করাবার ইচ্ছা হয়েছিল তাই করিয়েছিলাম।’

‘তুমি বলতে চাও এটা তোমার নাম আর পদবির প্রথম অক্ষর নয় ?’

‘নেই বাবু। মেরা নাম হ্যায় প্রয়াগ মিসির।’

‘আমি যদি বলি তোমার নাম প্রয়াগ নয়। কারণ প্রয়াগ বলে ডাকলে তুমি চঢ় করে উত্তর দাও না—অথচ অন্য ব্যাপারে মোটেই তুমি কালা নও।’

‘আমার নাম প্রয়াগ মিসির, বাবু।’

‘না !’ ফেলুদা চেঁচিয়ে উঠল। ‘আমি জানতে চাই ওই R অক্ষরটা কীসের আদ্যক্ষর। কী পদবি তোমার ?’

‘আমি আর কী বলব বাবু !’

‘সত্তি কথাটা বলবে। এখানে জীবন-মরণ নিয়ে খেলা হচ্ছে, এখানে মিথ্যা চলবে না।’

‘তবে আপনিই বলুন।’

‘আমি বলছি। ওই R হচ্ছে রাউট। এবার তোমার পুরো নামটা বলো।’

প্রয়াগ হঠাৎ কেমন জানি ভেঙে পড়ল। তারপর কান্নার মধ্যেই বলল, ‘ও আমার একমাত্র ছেলে ছিল বাবু। আর ও খুন করেনি। ওর মামলা এমনভাবে সাজানো হয়েছিল,

যাতে ওকে খুনি বলে মনে হয়। আমার একমাত্র ছেলে—ফাঁসি হল !’

‘তা হলে তোমার পুরো নামটা কী দাঁড়াচ্ছে ?’

‘হনুমান রাউত, বাবু। কিন্তু আমি বাবুকে খুন করিনি, ওঁর আংটি আমি নিইনি !’

‘সেটা কি আমি একবারও বলেছি ?’

‘তা হলে বাবু আমাকে মাপ করে দিন।’

‘পুরোপুরি মাপ করা কি চলে ? সত্যি কথা বলো তো।’

হনুমান রাউত কেমন যেন ফ্যালফ্যাল করে ফেলুদার দিকে ঢাইল।

ফেলুদা বলল, ‘তুমি খুন করিনি, কিন্তু খুনের চেষ্টা করেছিলে।’

‘না বাবু—’

‘আলবৎ !’ ফেলুদা গার্জিয়ে উঠল। ‘তোমার নিজের ছেলের মৃত্যুর জন্য যিনি দায়ী, তুমি তাঁর ছেলেকে মারতে চেয়েছিলে যাতে তিনিও তোমার মতো পুত্রশোক ভোগ করেন। যিলেনমার্গ যাবার পথে তুমি বিজয়বাবুর ঘাড়ে ধাক্কা মারেনি ? ঠিক করে বলো তো। বাঁ হাতে তোমার আংটি রয়েছে, আর বাঁ হাত দিয়ে তুমি ডান হাতের কাজ কর, তাই না ?’

‘কিন্তু উনি তো বেঁচে আছেন বাবু : উনি তো মরেননি।’

‘খুনের অভিপ্রায়েরও শাস্তি আছে হনুমান রাউত—সে শাস্তি তোমাকে ভোগ করতে হবে !’

দুজন কনস্টেবল এসে বেয়ারাকে ঘর থেকে নিয়ে গেল।

ফেলুদা আরেক গেলাস জল খেয়ে নিল। তারপর আবার শুরু করল—‘এবারে আমরা অন্য প্রসঙ্গে যাচ্ছি। এটা আরও অনেক বড় প্রসঙ্গ। এখানে একজন ব্যক্তির প্রাণ নেওয়া হয়েছে। এ হল হত্যা। আর এর জন্য আমার মতে প্রাণদণ্ডই উচিত দণ্ড।’

সকলে একদৃষ্টে ফেলুদার দিকে চেয়ে আছে। তাঁবুতে পিন পড়লে তার শব্দ শোনা যেত নিশ্চয়ই যদি না বাইরে লিদুর নদীর শৌকের অবিশ্রান্ত শব্দ থাকত।

ফেলুদা বলল, ‘আমি একজনকে এর আগেও কয়েকটা প্রশ্ন করেছি—এবার আবেকবার করতে চাই। মিঃ সরকার।’

সরকার নড়েচড়ে বসে বললেন, ‘করুন।’

ফেলুদা বলল, ‘আপনি কবে শ্রীনগর এলেন ?’

‘আপনাদের সঙ্গে একই ফ্লাইটে এলাম।’

‘আচ্ছা, আপনার আঙুলের আংটির ‘S’টা কীসের আদ্যক্ষর ?’

‘আমার পদবির অফিসেস—সরকার।’

‘কিন্তু, মিঃ সরকার, আমি ইন্ডিয়ান এয়ারলাইনসে খোঁজ নিয়ে দেখেছি যে, সেদিন যাত্রীর তালিকায় সরকার বলে কেউ ছিলেন না। সেন ছিলেন, দুজন সেনগুপ্ত ছিলেন, একজন সিং ছিলেন আর একজন সপু ছিলেন।’

‘বাট—বাট—’

‘বাট হোয়াট, মিঃ সরকার ? আপনার নাম বদলানোর দরকার হল কেন জানতে পারি কি ?’

মিঃ সরকার চুপ।

ফেলুদা বলল, ‘আমি বলি ? আমার ধারণা আপনি মনোহর সপ্তুর ছেলে। আপনার চেহারার মধ্যে একটা পরিষ্কার কাশীরি ছাপ রয়েছে। মিঃ মল্লিক মনোহর সপ্তুকে প্রাণদণ্ডে দণ্ডিত করেছিলেন। মিঃ মল্লিককে প্লেনে দেখেই আপনি নাম বদল করার সিদ্ধান্ত নেন, কারণ তখন থেকেই আপনার মনে প্রতিশ্বাদের ইচ্ছা জাগে। আপনি ওই ফ্যামিলির সঙ্গে

মিশে যান, এবং সুযোগ খুঁজতে থাকেন—টু স্ট্রাইক। সেই সুযোগ আসে পাহলগামে।'

'কিন্তু...কিন্তু...দিস ক্রাইম ইজ কমিটেড বাই এ লেফ্ট-হ্যান্ডেড পার্সন।'

'আপনি ভুলবেন না, মিঃ সপ্তু—আমি আপনাকে তাস বাঁটতে দেখেছি। আর কেউ লক্ষ্য না করলেও আমি করেছি যে আপনি বাঁ হাতে তাস ডিল করেন।'

মিঃ সপ্তু হঠাতে কেমন যেন খেপে উঠলেন।

'বেশ, ঠিক কথা—আমি ওঁকে ছুরি মেরেছি, কিন্তু তার জন্য আমার একটুও অনুশোচনা নেই। আমার যখন মাত্র পনেরো বছর বয়স তখন উনি আমার বাবাকে ফাঁসিকাঠে ঘোলান—অ্যান্ড মাই ফাদার ওয়াজ নট গিল্ট! কিন্তু...কিন্তু...'

সপ্তুর যেন হঠাতে একটা নতুন কথা মনে পড়ল।

'আমি ওঁর আংটি তো নিইনি! আই ওনলি কিলড় হিম।'

'না', বলল ফেলুন। 'আপনি ওঁর আংটি নেননি। সেটা নিয়েছেন আরেকজন।'

ঘরে আবার সেই অস্তুত নিষ্ঠকাতা।

ফেলুন্দার দৃষ্টি ঘুরে গেল।

'বিজয়বাবু—জুয়াতে আপনার অনেক লোকসান হয়েছে। তাই না? আমি কলকাতায় খবর নিয়েছি। আমার লোক আছে খবর দেবার, পুলিশেও আমার বন্ধু আছে। আপনার বিস্তর দেনা হয়ে গেছে।'

বিজয়বাবু চুপ।

ফেলুন্দা বলে চলল, 'আর আপনার বোধহয় সন্দেহ হয়েছিল যে, বাবা আপনাকে উইলে কিছু দিয়েছেন কিনা। সেই জন্য তাঁকে মেরে তাঁর আংটিটি আপনি হাত করেছিলেন।'

'মেরে মানে ?'

'মেরে মানে কোনও ভারী জিনিস দিয়ে তাঁর মাথায় আঘাত মেরে। আপনার বাবাকে আসলে দুজন খুন করে। কার দ্বারা তিনি হত হয়েছিলেন সেটা বোঝা যায় বিছানায় রক্ত দেখে। ছুরির আঘাতই আগে পড়ে, তারপর আপনি মাথায় বাঢ়ি মেরে হাত থেকে আংটিটা খুলে নিয়ে যান। আপনি খুনি না চোর সেটা অবশ্য আইন বুঝবে, কিন্তু হাতকড়া বোধহয় তিনজনের হাতেই পড়বে।'

মল্লিকদের তাঁবু থেকে নিজেদের তাঁবুতে ফিরে এসে লালমোহনবাবু বললেন, 'কিন্তু মশাই আপনি একটা ব্যাপারে তো কোনও আলোকপাত করলেন না। আপনাকে দু বার মারার চেষ্টা করল কে ?'

'সে ব্যাপারে আলোকপাত করিনি কারণ আমি নিজেই ব্যাপারটা সম্বন্ধে শিওর নই। তিনজন অপরাধীর একজন করেছে তাতে সন্দেহ নেই, এবং সুযোগের দিক দিয়ে বিচার করলে প্রয়াগের কথাই মনে হয়। সপ্তু বা বিজয়বাবু দল থেকে বেরিয়ে এসে এটা করবেন, বিশ্বাস করা কঠিন। যাই হোক, এর জন্য মূল বহস্যোদয়টিনে কোনও এদিক ওদিক হচ্ছে না। ধরে নিন এটা ফেলু মিস্টারের একটা অক্ষমতার পরিচয়।'

'যাক, বাঁচা গেল। আপনার ভুল হতে পারে এটা জানতে পারলে একটু ভরসা পাওয়া যায়।'

'আপনি অথবা বিনয় করছেন।' আমি কিন্তু বহু চেষ্টা করলেও আপনার মতো লিখতে পারতাম না।'

'থ্যাক্স ফর দ্য খোঁচা !'



ইন্দ্রজাল রহস্য

>

অন্য অনেক জিনিসের মতো ম্যাজিক সম্বন্ধেও ফেলুদার যথেষ্ট জ্ঞান আছে। এখনও ফাঁক পেলে তাসের প্যাকেট হাতে নিয়ে আয়নার সামনে দাঁড়িয়ে হাতসাফাই অভ্যাস করতে দেখেছি। সেইজন্যেই কলকাতায় সূর্যকুমারের ম্যাজিক হচ্ছে দেখে, আমরা তিনজনে ঠিক করলাম একদিন গিয়ে দেখে আসব। তৃতীয় ব্যক্তিটি অবশ্য আমাদের বক্তু রহস্য-রোমাঞ্চ ঔপন্যাসিক লালমোহন গাঙ্গুলী ওরফে জটায়। যারা ম্যাজিকের আয়োজন করেছে তারা ফেলুদার খুব চেনা, তাই চাইতেই তিনখনা প্রথম সারির টিকিট পাওয়া গেল।

গিয়ে দেখি হল প্রায় ছ'আনা ফাঁকা। ম্যাজিক যা দেখলাম নেহাত খারাপ নয়, কিন্তু ম্যাজিশিয়ানের ব্যক্তিত্বে কেখায় যেন ঘাটতি আছে। হেঞ্চ-কাট দাঢ়ির সঙ্গে একটা চুমকি বসানো সিক্ষের পাগড়ি, কিন্তু গলার আওয়াজটা পাতলা। গোলমালটা সেখানেই। অথচ ম্যাজিশিয়ানকে অনর্গল কথা বলে যেতে হয়।

সামনের সারিতে বসার ফলে হল কী, হিপনোটিজম দেখাতে ভদ্রলোক লালমোহনবাবুকে স্টেজে ডেকে নিলেন। এ-জিনিসটা ভদ্রলোক ভালই জানেন। লালমোহনবাবুর হাতে পেনসিল দিয়ে, স্টোকে কামড়াতে বলে জিজ্ঞেস করলেন, 'চকোলেট কেমন লাগছে?'

লালমোহনবাবু সম্মোহিত অবস্থায় বললেন, 'খাসা চমৎকার চকোলেট।'

পাঁচ মিনিট স্টেজে ছিলেন, তার মধ্যে জটায় একেবারে নাজেহাল হয়ে গিয়েছিলেন, আর লোকেও উপভোগ করল খুব। লালমোহনবাবু জ্ঞান ফিরে পাবার পরে হাততালি আর থামে না।

পরদিন ছিল রবিবার। লালমোহনবাবু তাঁর সবুজ অ্যামবাসাড়ারে ঠিক নটার সময় চলে দিসেছিলেন তাঁর গড়পারের বাড়ি থেকে আড়া মারতে। তখনও ম্যাজিকের কথা হচ্ছে।

ফেলুদা বলল, 'ঠিক জয়াতে পারছে না লোকটা। কালকেও সিট খালি ছিল দেখেছিলি?'

লালমোহনবাবু বললেন, 'কিন্তু যাই বলুন মশাই, আমাকে যেভাবে বোকা বানানো, তাতে বলতেই হবে কৃতিত্ব আছে। পেনসিল চিবিয়ে চকোলেট, পাথর কামড়ে কড়াপাকের সন্দেশের স্বাদ—এ ভাবা যায় না।'

শ্রীনাথ সবে চা এনেছে, এমন সময় বাইরে গাড়ি থামার শব্দ আর সঙ্গে সঙ্গেই দরজায় টোকা পড়ল। অথচ কারুর আসার কথা নেই। খুলে দেখি, বছর ত্রিশেকের ভদ্রলোক।

'এটাই প্রদোষ মিস্টারের বাড়ি?'

ফেলুদা বলল, 'আজ্জে হ্যাঁ। আপনি ভেতরে আসুন।'

ভদ্রলোক এসে ঢুকলেন। ফরসা, রোগা, চোখে চশমা। বেশ সপ্ততিভ চেহারা।

সোমার একপাশে বসে বললেন, 'টেলিফোনে অনেক চেষ্টা করেও আপনার লাইনটা পেলাম না। তাই এমনিই চলে এলাম।'

'ঠিক আছে।' বলল ফেলুদা, 'আপনার প্রয়োজনটা যদি বলেন।'

'আমার নাম নিখিল বর্মন। আমার বাবার নাম হয়তো আপনি শুনে থাকবেন—সোমেশ্বর বর্মন।'

'যিনি ভারতীয় জাদু দেখাতেন?'

‘আজ্জে হাঁ।’

‘আজকাল তো আর নাম শুনি না। রিটায়ার করেছেন বোধহয়?’

‘হাঁ, বছর সাতেক হল আর ম্যাজিক দেখান না।’

‘উনি তো স্টেজে ম্যাজিক দেখাতেন না বোধহয়?’

‘না। এমনি ফরাসে দেখাতেন। ওঁর চারদিকে লোক ঘিরে বসত। সাধারণত নেটিভ স্টেগুলোতে ওঁর খুব নাম শিল। বহু রাজাদের ম্যাজিক দেখিয়েছেন। তা ছাড়া বাবা নানান দেশ ঘুরে ভারতীয় ম্যাজিক সম্পর্কে নানান তথ্য সংগ্রহ করেছিলেন। সেগুলো একটা বড় খাতায় লেখা আছে। বাবা ইংরিজিতে লিখেছিলেন, নাম দিয়েছিলেন ‘ইন্ডিয়ান ম্যাজিক’। ওটা একজন কিনতে চেয়েছেন বাবার কাছে। কুড়ি হাজার টাকা পর্যন্ত অফার করেছেন। বাবা চালিলেন আপনাকে একবার লেখাটি দেখাতে। কারণ বাবা ঠিক মনস্থির করতে পারছেন না।’

‘কুড়ি হাজার টাকা দিতে চেয়েছে কে জানতে পারি?’

‘জাদুকর সূর্যকুমার নন্দী।’

আশ্চর্য! কালই আমরা সূর্যকুমারের ম্যাজিক দেখে এসেছি! একেই ফেলুদা বলে টেলিপ্যাথি।

ফেলুদা বলল, ‘বেশ, আমি লেখাটি নিশ্চয়ই দেখব। তা ছাড়া আপনার বাবার সঙ্গে আমার আলাপ করারও যথেষ্ট ইচ্ছে আছে।’

‘বাবাও আপনার খুব গুণগ্রাহী। বলেন, অমন শার্প বুদ্ধি বাঙালিদের বড়-একটা দেখা যায় না। আমার মনে হয়, এর মধ্যেই একদিন এসে পড়ুন না। বাবা সন্ধ্যায় রোজই বাড়ি থাকেন।’

‘ঠিক আছে। আমরা আজ সন্ধ্যাতেই তা হলে আসি।’

‘বেশ তো। এই সাড়ে ছেটা নাগাত?’

‘তাই কথা রইল।’

২

রামমোহন রায় সরণিতে সোমেশ্বর বর্মনের পেঞ্জায় বাড়ি। এঁরা আগে পূর্ববঙ্গের জমিদার ছিলেন, অনেকদিন থেকেই কলকাতায় চলে এসেছেন। এখন বাড়িতে অধিকাংশ ঘরই খালি পড়ে আছে। বাড়িতে চাকর বাদে লোক মাত্র পাঁচজন। সোমেশ্বর বর্মন, তাঁর ছেলে নিখিল, মিঃ বর্মনের সেক্রেটারি প্রণবেশ রায়, মিঃ বর্মনের বন্ধু অনিমেষ সেন, আর রণেন তরফদার বলে এক শিল্পী। ইনি নাকি সোমেশ্বরবাবুর একটা পোত্রে করছেন। এসব খবর আমরা সোমেশ্বরবাবুর কাছ থেকেই পেলাম। ভদ্রলোকের বয়স ধরা যায় না। কারণ চুল এখনও তেমন পাকেনি, চোখ দুটো উজ্জ্বল, যেমন জাদুকরের হওয়া উচিত। আমরা একতলায় সোফায় বসেছিলাম। নিখিলবাবু আমাদের জন্য চায়ের অর্ডার দিলেন।

‘আমার বাবা ছিলেন হোমিওপ্যাথিক ডাক্তার।’ বললেন সোমেশ্বরবাবু, ‘ভাল পসার ছিল। আমি ল’ পড়েছিলাম, কিন্তু সেদিকে আর যাইনি। আমার ঠাকুরদাদা ছিলেন তাত্ত্বিক। হয়তো তাঁরই কিছুটা প্রভাব আমার চরিত্রে পড়েছিল। আমি ছোটবেলা থেকেই ভারতীয় জাদুবিদ্যায় ঝুঁকি। এলাহাবাদে একটা পার্কে এক বুড়োর ম্যাজিক দেখেছিলাম। তাঁর হাত-সাফাইয়ের কোনো তুলনা নেই। মঞ্চের ম্যাজিকের অর্ধেকই আজ যন্ত্রপাতির সাহায্যে হয়, সেইজন্য তাতে আমার কোনও ইন্টারেস্ট নেই। ভারতীয় ম্যাজিক হল আসল ম্যাজিক, যেখানে মানুষের দক্ষতাই সম্পূর্ণ কাজটা করে। তাই আমি কলেজের পড়া শেষ করে, এইসব ম্যাজিক সংগ্রহ করতে বেরিয়ে পড়ি। সুবিধে ছিল বাবা এসব বিষয়ে খুব উদার ছিলেন। আমি একটা নতুন কিছু করছি, এটাতে তিনি খুশিই হয়েছিলেন। আসলে আমাদের পরিবারে নানান লোকে নানান কাজ



করে এসেছে চিরকালই। ডাক্তার, উকিল, গাইয়ে, অভিনেতা, সাহিত্যিক—সবরকমই পাওয়া যাবে আমাদের এই বর্মন পরিবারে, আর তাদের মধ্যে অনেকেই রীতিমতো সফল হয়েছেন। যেমন আমি হয়েছিলাম জাদুতে। আমার সব রাজা-রাজডাদের কাছ থেকে ডাক আসত। প্রাসাদের ঘরে ফরাসের উপর বসে ম্যাজিক দেখাতাম—সব লোক হাঁ হয়ে যেত। রোজগারও হয়েছে ভাল। কোনও ধরাবাঁধা ফি ছিল না আমার। কিন্তু যা পেতাম, সেটা প্রত্যাশার অনেক বেশি।'

চা এসে গিয়েছিল। ফেলুদা একটা কাপ তুলে নিয়ে বলল, 'এবার আপনার পাঞ্চলিপির কথা বলুন। শুনেছি, ভারতীয় জাদু নিয়ে আপনি একটা বড় কাজ করেছেন।'

'তা করেছি,' বললেন সোমেশ্বর বর্মন, 'আমি যা করেছি, তেমন আর-কেউ করেছে বলে আমার জানা নেই। এ-নিয়ে আমি প্রবন্ধ-টবঙ্গও লিখেছি, এবং তার ফলেই আমার পাঞ্চলিপির ব্যাপারটাও জানাজনি হয়ে গেসল। সেই কারণে সুর্যকুমার আমার কাছে আসে। নইলে তার তো জানার কথা নয়। অবিশ্য জাদুকর হিসেবে সে আমার নাম আগেই শুনেছে।'

'সে কি আপনার পাঞ্চলিপিটা কিনতে চায়?'

'তাই তো বলে। সে সোজা আমার বাড়িতে চলে এসেছিল। আমার বেশ ভাল লাগে ছেলেটিকে, দেখেছি কেমন একটা ম্রেহ পড়ে গিয়েছিল। কিন্তু ওর অফারটায় আমি ঠিক রাজি হতে পারছি না। আমার ধারণা আমার কাজটা খব জরুরি কাজ, এবং তার মূল্য বিশ হাজারের চেয়ে অনেক বেশি। সেইজন্যেই চাহিলাম পাঞ্চলিপিটা আপনি একটু পড়ে দেখুন। আপনার তো নানান বিষয় পড়াশোনা আছে। সেটা আপনার কেসগুলো সম্বন্ধে পড়ে দেখলেই বোঝা যায়।'

'বেশ তো। আমি সাধ্যে পড়ব আপনার লেখা।'

সোমেষ্ঠরবাবু তাঁর সেক্রেটারির দিকে ফিরে বললেন, ‘প্রণবেশ, যাও তো খাতাটা একবার নিয়ে এসো।’

সেক্রেটারি চলে গেলেন আজ্ঞা পালন করতে।

ফেলুদা বলল, ‘আমরা কাল সূর্যকুমারের ম্যাজিক দেখতে গিয়েছিলাম।’

‘কেমন লাগল?’

‘মোটামুটি।’ বলল ফেলুদা, ‘তবে ভদ্রলোক হিপনোচিজ্মটা বেশ আয়ত্ত করেছেন। আর যা ম্যাজিক, সবই যদ্রে কারসাজি।’

সোমেষ্ঠরবাবু হঠাতে সামনের প্লেট থেকে একটা বিস্কুট তুলে নিয়ে, সেটা হাতের মুঠোয় বন্ধ করে, পরমুহুর্তেই হাত খুলে দেখালেন বিস্কুট হাওয়া। তারপর সেটা বেরোল লালমোহনবাবুর পকেট থেকে।

ফেলুদা প্রশংসায় পঞ্চমুখ।

‘আপনি ম্যাজিক বন্ধ করে দিলেন কেন? আপনার তো অঙ্গুত হাত!’

ভদ্রলোক মাথা নেড়ে বললেন, ‘আমি এখন পাণ্ডুলিপিটা নিয়েই কাজ করব। বইটা ছাপাতে পারলে মনে হয় কাজ দেবে। এ নিয়ে তো বই আর লেখা হয়নি।’

‘তা হলে আমি খাতাটা নিলাম।’ বলল ফেলুদা, ‘আমি পরশু ফেরত দেব। এইরকম সন্ধ্যাবেলা।’

‘বেশ, তাই কথা রাইল।’

ফেলুদা পরদিন সকালেই বলল, তার নাকি পাণ্ডুলিপি পড়া শেষ হয়ে গেছে। সে সারারাত পড়েছে। ‘ভদ্রলোকের হাতের লেখা মুক্তের মতো—অ্যান্ড ইট্স এ গোল্ডমাইন। ছেপে বেরোলে, একটা প্রামাণ্য বই হয়ে থাকবে। বিশ কেন, পঞ্চাশ হাজার দিলেও এ পাণ্ডুলিপি হাত-ছাড়া করা উচিত নয়।’

সন্ধ্যাবেলা সোমেষ্ঠরবাবুকে গিয়ে আমরা সেই কথাটাই বললাম। ভদ্রলোক শুনে যেন অনেকটা আশ্চর্ষ হলেন। বললেন, ‘আপনি আমার মন থেকে একটা বিরাট চিন্তা দূর করে দিলেন। আমি দোটানার মধ্যে পড়েছিলাম, কিন্তু আপনি যখন পড়ে এত প্রশংসা করলেন, তখন আবার আমি মনে বল পাচ্ছি। প্রণবেশ পাণ্ডুলিপিটাকে টাইপ করছে—ও-ও অনেকবার বলেছে যে এতে আশ্চর্য সব তথ্য আছে। আমার বন্ধু অনিমেষও সেই একই কথা বলেছে। এবার নিশ্চিপ্তে সূর্যকুমারকে না বলে দিতে পারব। ভাল কথা, কাল আমার ঘরে চোর এসেছিল।’

‘সে কী!'

‘আমার ঘুমটা ভেঙে যায়। আমি কে? বলতেই পালায়।’

‘এর আগে কখনও চুরি হয়েছে কি?’

‘কক্ষনও না।’

‘আপনার ঘরে কোনও ভ্যালুয়েবল জিনিস আছে কি?’

‘আছে। কিন্তু সেটা আমার সিন্দুরে থাকে। সিন্দুরের চাবি আমার বালিশের নীচে থাকে। আর সেটা সম্পর্কে আমার বাড়ির লোকেরা কেউ জানে না।’

‘আমি জানতে পারি কি? আমার অদম্য কৌতুহল হচ্ছে।’

‘নিশ্চয়ই পারেন।’

ভদ্রলোক উঠে দোতলায় গেলেন। তারপর মিনিট তিনেক পরে এসে একটা ছাইঝি লম্বা জিনিস আমাদের সামনে টেবিলের উপর রাখলেন। সেটা একটা বংশীবাদক শ্রীকৃষ্ণের মূর্তি।

‘পঞ্চরত্নের তৈরি।’ বললেন সোমেষ্ঠরবাবু, ‘তার মানে হিরে, পদ্মরাজ, নীলকান্ত, প্রবাল আর

মুক্তো এর কত দাম জানি না।'

'অমূল্য', বলল ফেলুদা। 'এবং অপূর্ব জিনিস। এ-জিনিস কবে থেকে আছে?'

'এটা পাই রঘুনাথপুরের রাজা দয়াল সিং-এর কাছে। নাইনটিন ফিফটি সিঙ্গো। আমার ম্যাজিক দেখে খুশি হয়ে দেন আমাকে জিনিসটা।'

'আপনাদের বাড়িতে দারোয়ান নেই?'

'তা আছে বইকী। তা ছাড়া চারজন চাকর আছে। চোরের মনে হয় চাকরের সঙ্গে যোগাযোগ ছিল।'

'যদি না চোর বাড়ির লোক হয়।'

'এ যে আপনি সক্রিয়ে কথা বলছেন!'

'আমরা গোয়েন্দারা এরকম কথা বলে থাকি। সেটা সিরিয়াসলি নেবার কোনও দরকার নেই।'

'তাও ভাল।'

'আপনি বোধহয় বিপন্নীক?'

'হ্যাঁ।'

'আপনার ওই একটিই ছেলে?'

'না। নিখিল আমার ছোট ছেলে। বড়টি—অখিল—উনিশ বছর বয়সে বি. এ. পাস করে বিদেশে চলে যায়।'

'কোথায়?'

'সেটা বলে যায়নি। আমাদের ফ্যামিলিতে ভবযুরেও রয়েছে কিছু কিছু। অখিল ছিল তাদের মধ্যে একজন। অস্থির চরিত্র। বলল, জার্মানি গিয়ে চাকরি করবে। তারপর বেরিয়ে পড়ল। এ হল নাইনটিন সেভেনটির কথা। তারপর আর কোনও যোগাযোগ করেনি। ইউরোপেই কোথাও আছে হয়তো, কিন্তু জানবার কোনও উপায় নেই।'

'আপনার সেক্রেটারি প্রগবেশে এই কৃষ্ণটার কথা জানেন?'

'হ্যাঁ। সে তো আমার ঘরের ছেলের মতোই। আর তাকে তো আমার সব কাগজপত্র, করেসপ্লেন্স ঘাঁটিতে হয়।'

'হাই হোক, এবার এটা তুলে রেখে দিন। এমন চমৎকার জিনিস আমি কমই দেখেছি।'

'আমি তা হলে সূর্যকুমারকে না বলে দিই।'

'নির্দিষ্টায়।'

ফেলুদা উঠে পড়ল।

'আমি একবার বাড়ির আশপাশটা ঘুরে দেখতে চাই। চোর কোন কোন জায়গা দিয়ে আসতে পারে, সেটা একবার দেখা দরকার।'

'সবচেয়ে সুবিধে বারান্দা দিয়ে। আসলে আমার দারোয়ান একটু কর্তব্যে ঢিলে দিয়েছে বলে মনে হচ্ছে।'

বাড়ির বারান্দা যে দিকে, সে দিকেই একটা বাগান রয়েছে। তবে সেটাকে খুব যত্ন করা হয় বলে মনে হল না। বাড়ির চারিদিকে বেশ উচু কম্পাউন্ড ওয়াল, সেটা টপকে পেরোনো সহজ নয়। দেয়ালের দুধারে গাছপালাও বিশেষ নেই।

ফেলুদা মিনিট পনেরো ঘোরাঘুরি করে বলল, 'চোর সম্বন্ধে ঠিক শিওর হওয়া গেল না। বাড়ির চোর না বাইরের চোর, সে-বিষয়ে সংশয় রয়ে গেল।'

পরদিন সোমেশ্বরবাবু টেলিফোনে জানালেন যে সূর্যকুমারের সঙ্গে ওঁর কথা হয়ে গেছে। উনি খাতাটা বিক্রি করবেন না বলে দিয়েছেন।

‘ভাল কথা।’ বললেন লালমোহনবাবু, ‘আমার জাদুকর নিয়ে একটা ভাল প্লট মাথায় এসেছে। ভাবছিলাম, সূর্যকুমারের সঙ্গে কী করে একটু কথা বলা যায়।’

‘ওকে হোটেলে ফোন করুন।’ বলল ফেলুদা, ‘কোন হোটেলে আছে সে তো যারা আমাদের টিকিট দিয়েছিল, তারাই বলে দেবে।’

‘তা বটে।’

পনেরো মিনিটের মধ্যে লালমোহনবাবু সূর্যকুমারের সঙ্গে কথা বলে, তার সঙ্গে একটা অ্যাপয়েন্টমেন্ট করে নিলেন আমাদের বাড়িতেই। ভদ্রলোক আগামীকাল সকালে সাড়ে নটায় আসবেন।

‘আপনি কিন্তু আমাকে দেখলেই চিনবেন।’ বললেন লালমোহনবাবু, ‘আমি সেদিন আপনার দ্বারা হিপনোটাইজড হয়েছিলাম।’

পরদিন একটা মাঝে গাড়িতে ঠিক সাড়ে নটার সময় সূর্যকুমার এসে হাজির। লালমোহনবাবু অবিশ্য মিনিট কুড়ি আগেই চলে এসেছিলেন। সূর্যকুমার ফেলুদাকে দেখে কেমন হকচকিয়ে গেলেন। বললেন, ‘আপনার পরিচয়টা পেতে পারি কি? আপনাকে কেমন যেন চেনা চেনা লাগছে।’

ফেলুদা বলল, ‘আমার নাম প্রদোষ মিত্র। হয়তো খবরের কাগজে ছবি দেখে থাকবেন।’

‘প্রদোষ মিত্র মানে গোয়েন্দা প্রদোষ মিত্র?’

‘আজ্ঞে হ্যাঁ।’

‘আমার পরম সৌভাগ্য।’

‘সৌভাগ্য তো আমারও। আপনার মতো একজন দক্ষ ম্যাজিশিয়ানের পায়ের ধুলো পড়ল আমাদের বাড়িতে, সেও কি কম সৌভাগ্য?’

চায়ের পর লালমোহনবাবু প্রশ্ন আরম্ভ করলেন।

‘আপনি কদিন ম্যাজিক দেখাচ্ছেন?’

‘তা বাবো বছর হল।’

‘কারুর কাছে শিখেছেন কি?’

‘আমি নক্ষত্র সেন ঐন্ড্রজালিকের সহকারী ছিলাম পাঁচ বছর। তাঁর বয়স হয়েছিল—স্টেজেই ম্যাজিক দেখাতে দেখাতে স্ট্রোক হয়ে মারা যান। তাঁর সব ম্যাজিকের সরঞ্জাম আমার হাতে পড়ে। আমি তাই দিয়েই শুরু করি।’

‘আপনাকে কি সারা ভারতবর্ষ ঘুরে খেলা দেখাতে হয়?’

‘হ্যাঁ। শুধু ভারতবর্ষ কেন, আমি জাপান আর হংকংও গিয়েছি।’

‘বটে?’

‘আজ্ঞে হ্যাঁ। আগামী বছর সিঙ্গাপুর থেকে নেমত্তম আছে।’

‘আপনার ফ্যামিলি নেই?’

‘না। আমি ব্যাচেলার।’

‘এখনও ম্যাজিক অভ্যাস করতে হয় আপনাকে, না আর দরকার হয় না?’

‘এখনও সকালে দুঃঘটা হাত-সাফাই প্র্যাক্টিস করি। ওটা থামালে চলে না।’

এবার ফেলুদা একটা প্রশ্ন করল।

‘আপনার সঙ্গে সোমেশ্বর বর্মনের বোধহয় আলাপ হয়েছে।’

‘আজ্জে হ্যাঁ।’

‘আপনি তো ভারতীয় জাদুবিদ্যার পাণ্ডুলিপিটা কিনতে চেয়েছিলেন?’

‘হ্যাঁ।’

‘কেন?’

‘আমি ভেবেছিলাম আমার বিলিতি ম্যাজিকের মধ্যে কয়েকটি দিশি আইটেম ঢোকাতে পারলে অ্যাট্রাকটিভ হবে। কিন্তু ভদ্রলোক বই বিক্রি করলেন না। আমি বিশ হাজার অফার করেছিলাম। তবে বিক্রি না করলেও, ওর সঙ্গে আমার খুব ভাল সম্পর্ক গড়ে উঠেছে, কারণ আমি ওঁকে সত্যিই শ্রদ্ধা করি। উনি আমার শো শেষ হলে পর ওর বাড়িতে গিয়ে আমাকে কয়েকদিন থাকতে বলেছেন।’

‘আপনার শো শেষ হচ্ছে কবে?’

‘এই রবিবার।’

‘এর পর কোথায় যাওয়া?’

‘দিন সাতেক বিশ্রামের পর পাটনা যাব।’

লালমোহনবাবুর আরও দু-একটা প্রশ্ন ছিল, তারপরেই ভদ্রলোক বিদায় নিলেন। আমারও ভদ্রলোককে খারাপ লাগল না।

ফেলুদা বলল, ‘বিদেশি জামাকাপড় জুতো পরেছে। বোধহয় জাপান কি হংকং-এ কেনা। এমনিতে বেশ শৌখিন লোক, যেমন ম্যাজিশিয়ানরা সাধারণত হয়।’

‘সোমেশ্বরবাবুদের সঙ্গে বেশ জমিয়ে নিয়েছেন বলুন?’ বললেন লালমোহনবাবু, ‘নইলে আর বাড়িতে এসে থাকতে বলে।’

8

এ সপ্তাহটায় আর কোনও ঘটনা ঘটল না। তারপর যেটা হল, সেটা একেবারে বজ্রপাত ! মঙ্গলবার দিন সোমেশ্বরবাবু ফোন করে জানালেন যে তাঁর বাড়িতে খুন হয়েছে তাঁর বহুদিনের বেয়ারা অবিনাশ, আর সেইসঙ্গে সিন্দুক থেকে পঞ্চরত্নের কৃষ্ণ হাওয়া ! একসঙ্গে ডবল ট্রাঙ্গেডি !

ফেলুদা তৎক্ষণাতে লালমোহনবাবুকে ফোন করে বলে দিল সোমেশ্বরবাবুর বাড়িতে আসতে, আর আমরা ট্যাঙ্কি করে চলে গেলাম।

গিয়ে দেখি, পুলিশকেও খবর দেওয়া হয়েছে। ইনস্পেক্টর ঘোষ ফেলুদার চেনা, দেখে বললেন, ‘শ্রেফ ডাকাতির কেস। খুন করার মতলব ছিল না; সামনে বাধা পেয়ে খুন করেছে। আসল উদ্দেশ্য ছিল সিন্দুক থেকে ওই কৃষ্ণটা নেওয়া। এ বাইরের লোকের কাজ, তাতে কোনও সম্দেহ নেই। এই সেদিন একটা ডাকাতির কেস হয়ে গেছে।’

‘ওই কৃষ্ণের কথা কিন্তু এ বাড়ির লোক ছাড়া কেউ জানত না।’

‘তা হলে এ বাড়ির ভেতর থেকেই ব্যাপারটা হয়েছে। সোমেশ্বরবাবুর ছেলে আছেন, সেক্ষেটারি আছেন, বন্ধু আছেন, আর্টিস্ট রশেন তরফদার আছেন, সূর্যকুমার বলে সেই ম্যাজিশিয়ান কাল থেকে এখানে রয়েছেন; এর মধ্যেই কেউ গিল্টি। আর যদি তাই হয়, তা হলে তো আমাদের কাজ অনেক সহজ হয়ে যাচ্ছে।’

‘খুনটা কখন হয়েছে?’

‘রাত একটা থেকে তিনটের মধ্যে।’

‘বেয়ারা কি চোরকে বাধা দিতে গেসল ?’

‘তাই তো মনে হচ্ছে।’

আমরা বাড়ির ভিতরে চুকলাম। একতলার বৈঠকখানায় সোমেশ্বরবাবু মাথায় হাত দিয়ে বসে আছেন। ঘরে আর সকলেই রয়েছে, কেউ দাঁড়িয়ে, কেউ চেয়ারে বসে।

ফেলুদা সোমেশ্বরবাবুকে বলল, ‘ঘটনাটা একটু বলবেন ? এই বেয়ারা কি আপনার অনেকদিনের বেয়ারা ?’

‘ত্রিশ বছর। অবিনাশের মতো ভাল লোক পাওয়া খুব দুরহ।’

‘খুনটা কোথায় হয় ?’

‘একতলায়। চোর সিন্দুক থেকে কৃষ্ণটা নিয়ে পালাচ্ছিল, সেই সময় হয়তো অবিনাশের ঘুম ভেঙে যায়। সে চোরের সামনে পড়ে, হয়তো তাকে ধরতে যায়; সেই সময় চোর তাকে ছুরি মেরে খুন করে।’

‘আপনারা কে কোথায় শোন, জানতে পারি ?’

‘আমার ঘর তো আপনি দেখেইছেন। আমি আর অনিষ্টে দোতলায় শুই। বাকি সকলে একতলায় শোয়। কাল সূর্যকুমার এখানে এসেছেন কদিনের জন্য, তাকে একতলায় একটা গেস্ট-রুম দিই।’

‘কিন্তু আপনার এই কৃষ্ণর কথা তো বাইরের কেউ জানত না ?’

‘তা তো না-ই। অথচ বাড়ির কেউ এমন কাজ করে থাকতে পারে, সেটা ভাবা অসম্ভব মনে হচ্ছে।’

‘আপনার বালিশের নীচ থেকে চাবি নিল, আর আপনি টের পেলেন না ?’

‘আমি যে ঘুমের ওষুধ খেয়ে ঘুমোই। সে গভীর ঘুম।’

‘সিন্দুকের চাবিটা কি রেখে গেছে ?’

‘হ্যাঁ। সেটা তালাতেই ঝুলছিল।’

‘যে অস্ত্রটা দিয়ে খুন হয়েছিল, সেটা পাওয়া গেছে ?’

‘না।’

ইনস্পেক্টর ঘোষ এ সময় এসে বললেন, তিনি সকলকে জেরা করতে চান।

ফেলুদা বলল, ‘আপনার জেরার পর আমি যদি একটু জেরা করি, তা হলে আপনার আপন্তি নেই তো ?’

‘মোটেই না। আপনার কীর্তিকলাপের সঙ্গে আমি বিলক্ষণ পরিচিত। নইলে প্রাইভেট ডিটেকটিভকে আমরা বিশেষ পাত্তা দিই না।’

ইনস্পেক্টর ঘোষ সোয়া ঘটা ধরে সকলকে জেরা করলেন। আমরা ততক্ষণ চা-টা খেলাম। সোমেশ্বরবাবু যথেষ্ট আঘাত পেয়েছেন—খুনের ব্যাপারেও, ছুরির ব্যাপারেও। কিন্তু তাতে আতিথেয়তার কোনওরকম ত্রুটি হল না।

আমরা চা খেয়ে বাইরে বাগানে বেরিয়ে গিয়েছিলাম। কিছুক্ষণ পরে ইনস্পেক্টর ঘোষ এসে বললেন, ‘আমার কাজ শেষ। এবার আপনি টেক-ওভার করুন।’


ফেলুদা ভিতরে গিয়ে প্রথমেই সোমেশ্বরবাবুর ছোট ছেলে নিখিলবাবুকে নিয়ে পড়ল। আমরা নিখিলবাবুর ঘরেই বসলাম।

ফেলুদা প্রথমেই জিজ্ঞেস করল, ‘আপনি কী করেন ?’

‘আমার একটা অকশন-হাউস আছে মিরজা গালিব স্ট্রিটে।’

‘কী নাম ?’

‘মডার্ন সেলস বুরো।’



‘জানি, দোকানটা দেখেছি।’

‘তা দেখে থাকতে পারেন। ওখানে আমি সকাল দশটা থেকে ছটা পর্যন্ত থাকি।’

‘ব্যবসা কী রকম চলে?’

‘ভালই।’

‘আপনি আর্ট সহকে ইন্টারেস্টেড?’

‘আমার কাজের মধ্যে দিয়ে তো অনেক রকম আর্টের জিনিসপত্র আমাদের ঘাঁটতে হয়। সেই সূত্রে বেশ কিছু জানা হয়ে গেছে।’

‘কত বছর হল আপনি এ কাজ করছেন?’

‘সাত বছর।’

‘আপনার বয়স কত?’

‘তেক্ষিণ চলছে।’

‘আপনার দাদা আপনার চেয়ে কত বড়?’

‘তিনি বছর।’

‘দাদার সঙ্গে আপনার সঙ্গাব ছিল?’

‘দাদা মিশুকে ছিলেন না। কথাও বেশি বলতেন না, বন্ধু-বান্ধবও বেশি ছিল না। সত্যি বলতে কী, দাদার কারুর উপরেই টান ছিল না—এমনকী আমার উপরেও না।’

নিখিলবাবুর কথা শুনে আমার কেন যে একটু অস্তুত লাগছিল, সেটা কিছুতেই ভেবে বের করতে পারলাম না।

‘বিদেশে গিয়ে দাদা আপনাকে চিঠি লেখেননি?’ ফেলুদা জিজেস করল।

‘না। শুধু আমাকে না, কাউকেই লেখেননি।’

‘বাবার ম্যাজিকে আপনার কোনও ইন্টারেস্ট ছিল না?’

‘নিশ্চয়ই ছিল। তবে বাবা তো বেশির ভাগ ম্যাজিক বাইরে দেখাতেন; সেগুলো আর আমার দেখা হত না।’

‘নিজে ম্যাজিক করার শখ হয়নি?’

‘তা হয়নি। শুধু দেখতেই ভাল লাগত।’

‘এই যে অঘটনটা ঘটল, এটার জন্য কে দায়ী, সে সহকে আপনার কোনও ধারণা আছে?’

‘না। একেবারেই নেই। তবে বাবাকে আমি অনেকবার বলেছি কৃষ্ণটা বাড়িতে না রেখে ব্যাক্ষে রাখা উচিত। বাবা আমার কথায় কান দেননি।’

নিখিলবাবুর সঙ্গে কথা শেষ করে, আমরা সোমেশ্বরবাবুর বন্ধু অনিমেষবাবুর কাছে গেলাম। খাট আর চেয়ার ভাগ করে আমরা বসলাম ভদ্রলোকের ঘরে।

ফেলুদা জিজেস করল, ‘আপনি কী করেন?’

‘আমি কিছুই করি না।’ বললেন অনিমেষবাবু, ‘আমার বাবা ছিলেন উকিল। তিনি অনেক তলার একটা বাড়ি তৈরি করে গেলেন, সেটার ভাড়া থেকেই আমার চলে যায়।’

‘সোমেশ্বরবাবুর সঙ্গে আপনার বন্ধুত্ব কত দিনের?’

‘তা প্রায় বিশ বছর।’

‘কী করে সূত্রপাত হয়?’

‘আমি এককালে জ্যোতিষ করতাম। সোমেশ্বর আমার কাছে এসেছিল তার ভাগ্য গণনা করাতে। ও তখন সবে ম্যাজিক দেখাতে শুরু করেছে। আমি ওর ভবিষ্যতের খ্যাতির কথা বলে দিই। এই ঘটনার পাঁচ বছর পরে ও আমার বাড়িতে আবার আসে, এবং আমার প্রতি কৃতজ্ঞতা প্রকাশ করে। তখন থেকেই ওর সঙ্গে আমার বন্ধুত্ব। সোমেশ্বরের স্ত্রী মারা যাবার পর ও আমাকে

ওর বাড়িতে এসে থাকতে বলে—বোধহয় একাকিত্ব খানিকটা কাটবে বলে। তখনই আমি চলে আসি। সে আজ পনেরো বছর হল।’

‘পঞ্চরত্নের কৃষ্ণটা আপনি কবে দেখেন?’

‘ওটা কথা তো আমি আমার গণনায় বলি। ওটা পাওয়া মাত্র ও আমাকে দেখায়।’

‘এই চুরি এবং খুন কে করতে পারে, সে বিষয়ে আপনার কোনও ধারণা আছে?’

‘বাড়ির চাকরের সঙ্গে যোগসাজশ আছে, এমন কোনও চোর বলেই আমার বিশ্বাস। আমার ধারণা, ও সিলুক খুলে টাকা নিতে গেসল। তারপর সামনে ওই ঝলমলে কৃষ্ণটা দেখে, সেইটে নিয়ে নেয়। বাড়ির কোনও লোক এ ব্যাপারে জড়িত, এ বিশ্বাস করতে আমার মন চায় না।’

৫

সোমেশ্বরবাবুর সেক্রেটারি প্রণবেশবাবু বললেন, উনি পাঁচ বছর থেকে সেক্রেটারির কাজ করছেন। ওঁর নিজের বাড়ি একটা ছিল ভবানীপুরে, কিন্তু এ-বাড়িতে এত ঘর আছে দেখে, সোমেশ্বরবাবুই প্রস্তাব করেন এই বাড়িতে এসে থাকার জন্য। প্রণবেশবাবুও আপত্তি করেননি।

‘মনিব হিসেবে সোমেশ্বরবাবু কেমন লোক?’

‘চর্মৎকার। সেদিক দিয়ে আমার কিছু বলার নেই।’

‘কাজটা কেমন লাগে?’

‘সোমেশ্বরবাবু যে-সব তথ্য সংগ্রহ করেছেন, সেগুলো আশৰ্য। টাইপ করতে করতে আমি যে কত কী নতুন জিনিস জানতে পারছি, তা বলতে পারি না।’

‘আপনি কটা পর্যন্ত করেন?’

‘রাত আটটা, নটা...’

‘আপনি ত একতলায় শোন।’

‘হ্যাঁ।’

‘যুম কেমন হয়?’

‘ভালই।’

‘কাল কোনও কারণে—কোনও শব্দে বা ওই জাতীয় কিছুতে আপনার যুম ভেঙে যায়নি?’
‘না। আমি ঘটনাটা জেনেছি সকালে উঠে।’

‘এ-বাড়ির কাউকে আপনার সন্দেহ হয়? কৃষ্ণটার বিষয় যখন শুধু এ-বাড়ির লোকেরাই জানত, তখন হয়তো অপরাধীও এ-বাড়িতেই রয়েছে।’

‘সে হতে পারে। আমিও তো সাসপেক্টদের মধ্যে পড়ছি।’

‘তা পড়ছেন বইকী।’

‘পুলিশ অবিশ্যি পুরো বাড়ি সার্চ করবে, কিন্তু অতটুকু জিনিস লুকোনোর জায়গার তো অভাব নেই। তারপর সুযোগ বুঝে বার করে নিলেই হল।’

সোমেশ্বরবাবুর যিনি আয়েল পেন্টিং করছিলেন, তিনিও এই বাড়িতেই থাকেন। আন্তত যতদিন না ছবি শেষ হচ্ছে, ততদিন থাকবেন। এই ভদ্রলোককে আমার কেন জানি একটু আন্তুত লাগে। প্রথমত চেহারাটা অস্তুত—চাপ-দাঢ়ি, চুল কাঁধ অবধি নেমে এসেছে। তারপর ভদ্রলোক কথা অত্যন্ত কম বলেন। কাজ অবিশ্যি ভালই করেন, কারণ সোমেশ্বরবাবুর যেটুকু ছবি আঁকা হয়েছে সেটা আমি দেখেছি, আর সেটা ভালই হয়েছে।

ইনিও একতলায় থাকেন। ফেলুদা তাঁর দরজায় গিয়ে টোকা মারল।

ভদ্রলোক দরজা খুলে ফেলুদার দিকে একটা জিঙ্গাসু দৃষ্টি দিলেন।



‘আপনাকে কয়েকটা প্রশ্ন করার ছিল।’ বলল ফেলুদা।

‘বেশ তো, ভেতরে আসুন।’

অগোছালো ঘর, যেটা হবে বলে আমি আন্দাজ করেছিলাম। আমরা মোড়া চেয়ার বিছানা মিলিয়ে বসলাম।

‘আপনার নাম তো রখেন তরফদার?’

‘আজ্ঞে হ্যাঁ।’

‘আপনি কদিন হল এ-বাড়িতে আছেন?’

‘যেদিন থেকে ছবিটা আঁকা শুরু করেছি। তার মানে দেড় মাস।’

‘আপনার একটা পোর্টেট করতে কত সময় লাগে?’

‘ফুল ফিগার হলে, এবং দিনে অন্তত দুষ্ণটা সিটিং পেলে, মাস দেড়েক হয়ে যায়।’

‘তা হলে এখানে এতদিন লাগছে কেন?’

‘এখানে সোমেশ্বরবাবু দিনে এক ঘণ্টার বেশি সিটিং দেন না। তারপর আমাকে ওঁর ভাল লেগেছে বলে, উনি চান আমি এখানেই থাকি। আসলে সোমেশ্বরবাবু বেশ সাঙ্গোপাঙ্গ নিয়ে থাকতে ভালবাসেন। ওঁর এক ছেলে বিলেতে। মেয়ের বিয়ে এবং স্ত্রীর মৃত্যুর পরে, উনি ভয়ানক একা হয়ে গেসলেন। এ-বাড়িটাকে উনি খানিকটা ভরাট করতে চান, এটা আমার ধারণা।’

‘আপনি পেন্টিং কোথায় শিখেছিলেন?’

‘আমি ফ্রান্সে শিখি তিন বছর। তা ছাড়া প্রথমে কলকাতার গভর্নমেন্ট কলেজ অফ আর্টে শিখেছি।’

‘পোর্টেট করে রোজগার ভাল হয়?’

‘এখন আর হয় না। ফোটোগ্রাফির যুগে আসল-পোর্টেটের কদর অনেক কমে গেছে। আমিও তাই আবন্দ্যাষ্ট পেন্টিং-এ চলে যাচ্ছি। সোমেশ্বরবাবুর পৃষ্ঠপোষকতা না-পেলে, আমার অবস্থা খুবই কাহিল হত।’

‘আপনি পঞ্চরত্নের কৃষ্ণ সম্মন্দে জানতেন?’

‘হ্যাঁ। ওটা আমাকে সোমেশ্বরবাবু দেখিয়েছিলেন। বলেছিলেন, তুমি আর্টিস্ট, তুমি এর কদর করতে পারবে।’

‘কালকের খুন এবং ডাকাতি সম্বন্ধে আপনার নিজের কোনও খিওরি আছে?’

‘বাড়ির লোক এ-কাজ করতে পারে না। আমার মনে হয়, চোর সিন্দুক থেকে টাকা নিতে গিয়ে কৃষ্ণটা দেখে সেটা নিয়ে নেয়। তারপর নীচে বেয়ারার সামনাসামনি পড়ে, ওকে খুন করে। আত্মরক্ষা ছাড়া খুনের আর কোনও মোটিভ আছে বলে আমার মনে হয় না।’

‘অনেক ধন্যবাদ।’

ফেলুদা উঠে পড়ল।

আর দুজন বাকি রইল—সূর্যকুমার আর সোমেশ্বরবাবু। আমরা সূর্যকুমারের কাছেই আগে গেলাম। ভদ্রলোক কেমন যেন গুম্ফ মেরে গেছেন। তিনি এ-বাড়িতে আসার দিনই ঘটনাটা ঘটল, এই জন্যই বোধহয়।

ফেলুদা বলল, ‘আপনার ভাগ্যটা খুব খারাপ দেখছি।’

‘আর বলবেন না।’ বললেন ভদ্রলোক, ‘সোমেশ্বরবাবু এত আপ্যায়ন করে আমায় থাকতে বললেন, আর প্রথম রাত্রেই কী কাণ্ড! আমি একবারে থ মেরে গেছি।’

‘রাত্রে কোনওরকম শব্দ-টব্ব পাননি?’

‘একেবারেই না। আমি এমনিতে খুব ভাল যুমোই। এক ঘুমে রাত কাবার হয় আমার।

কাজেই আমি কিছুই শুনিনি।’

‘এ-বাড়ির সকলের সঙ্গে আলাপ হয়েছে?’

‘যা হয়েছে, তাকে আলাপ বলা যায় না। একমাত্র সোমেশ্বরবাবু ছাড়া।’

‘যে জিনিসটা চুরি হয়েছে, সেটা আপনি দেখেননি?’

‘কী করে দেখব? প্রথমত ঠিক করে জানি না জিনিসটা কী। শুধু কৃষ্ণ শুনেছি, এই পর্যন্ত।’

‘কৃষ্ণই বটে, তবে পঞ্চরত্নের তৈরি। যেমন সুন্দর, তেমন ভ্যালুয়েব্ল। লাখখানেকের উপর দাম হবে। ...আপনি কি এখনও এখানেই থাকবেন?’

‘সোমেশ্বরবাবু তো তাই বলছেন। বলছেন, “আপনাকে ডেকে এনে, চলে যেতে বলার কোনও প্রশ্নই ওঠে না। তবে আপনার থাকটা আপনার পক্ষে তেমন সুখকর হতে পারল না, এই যা দুঃখ!”’

‘আপনি যখন আছেন, তখন প্রয়োজনে আপনাকে আবার প্রশ্ন করা চলবে তো?’

‘নিশ্চয়ই। এ নিয়ে তো কোনও কথাই উঠতে পারে না।’

এরপর আমরা সোমেশ্বরবাবুর কাছে গেলাম। ভদ্রলোক এখনো মুহূর্মান অবস্থায় রয়েছেন।

ফেলুদা বলল, ‘আপনি কিটা ঘা খেয়েছেন, সেটা বুঝতে পারছি। কিন্তু আমি যখন এখানে উপস্থিত রয়েছি, তখন কৌতুহলবশত আপনাকে দু-একটা প্রশ্ন না-করে পারছি না।’

‘তা তো করবেনই। আপনার তো পেশাই এটা।’

‘আপনি কোনওরকম টের পাননি, না?’

‘টের পাইনি, তবে আঘাত পেয়েছি প্রচণ্ড। প্রথমত আমার অবিনাশ বেয়ারার এই দশা। লোকটা যে কী কাজের ছিল, তা বলতে পারি না। আর আমাকে কিটা মান্য করত, সেও বলে বোঝাতে পারব না। দ্বিতীয়ত, আমার পঞ্চরত্নের কৃষ্ণ। দয়াল সিং নিজে হাতে তুলে দিয়েছিলেন জিনিসটা আমায়। বললেন, “তুমি শিল্পীর সেরা শিল্পী—তোমাকে এর চেয়ে কম পারিশ্রমিক দেওয়া যায় না।” আর সেই পঞ্চরত্নের কৃষ্ণ চলে গেল! আর তা ছাড়া—’
সোমেশ্বরবাবু কী যেন বলতে গিয়ে, অন্যমনস্ক হয়ে পড়লেন।

তারপর কয়েক মুহূর্ত পরে প্রায় আপন মনেই বললেন, ‘আমি কি ভুল করলাম? আশা করি ভুল করেছি। কারণ জিনিসটা সত্যি হলে, আমার পক্ষে আরও দ্বিশুণ বেদনাদায়ক হবে।’

‘আপনি কীসের কথা বলছেন?’ ফেলুদা জিজ্ঞেস করল।

‘সে আপনি জানতে চাইবেন না, কারণ আপনাকে বলতে পারব না।’

‘আপনি কিছু টের পাননি?’

‘টের পেয়েছি, কিন্তু পেয়েও কিছু করতে পারিনি।’

‘আপনার কথায় একটা রহস্যের সুর রয়েছে, সেটা আপনি উদঘাটন করবেন কি? করলে, আমাদের অনেক সুবিধে হত।’

‘সে অনুরোধ আমায় করবেন না, মিঃ মিত্র। আপনি যদি এবার আমাকে বেহাই দেন, আমি বাধিত হব।’

‘নিশ্চয়ই, নিশ্চয়ই—।’

আমরা তিনজন উঠে পড়লাম।

‘তবে আমি নিজের স্বার্থে তদন্ত করতে চাই আপনার বাড়ির এই দুর্ঘটনার ব্যাপারে। তাতে আশা করি আপনার আপত্তি হবে না।’

‘মোটেই না, অপরাধী যেই হোক না, তাকে ধরা কর্তব্য।’

বাড়ি এসে লালমোহনবাবু বললেন, ‘সোমেশ্বরবাবুর কথাগুলো ভারী রহস্যজনক মনে হচ্ছিল, তাই না?’

‘ঠিকই বলেছেন।’ বলল ফেলুদা।

‘আমার মনে হয়, ভদ্রলোক বেশ কিছু কথা লুকিয়ে গেলেন।’

‘আমারও সেই রকমই মনে হয়েছে।’

‘আপনি নিজে কী বুঝেছেন?’

‘একেবারে অঙ্ককারে আছি, তা নয়। তবে ম্যাজিকের জগৎ নিয়ে একটু অনুসন্ধান চালাতে হবে। তা ছাড়া অকশন-হাউসও একটা ব্যাপার আছে। আমি বরং একটু ঘুরে আসি। আপনারা দুজনে আড়ো মারুন।’

আমি একটা কথা এই বেলা ফেলুদাকে না বলে পারলাম না। ‘আচ্ছা ফেলুদা, নিখিলবাবুর কথা শনে কি তোমার কিছু মনে হয়েছিল?’

‘সেটা মনে হওয়া অস্থাভাবিক নয়। কেন নয়, সেটা অবিশ্য তোকে ভেবে বার করতে হবে।’
ফেলুদা বেরিয়ে গেল।

লালমোহনবাবু বললেন, ‘আমার কিন্তু এই আর্টিষ্ট ভদ্রলোককে মোটেই ভাল লাগছে না। অবিশ্য চাপ-দাঙির বিকলে আমার একটু প্রেজুডিস আছে এমনিতেই।’

‘সূর্যকুমার ভদ্রলোকটিকে আপনার ভাল লাগছে?’

‘ও-ও কেমন যেন পিকিউলিয়ার। তবে প্রথম দিন এসেই ও সিন্দুক খুলবে বলে মনে হয় না। ওই বাড়ির সঙ্গে তো ওর বিশেষ পরিচয় নেই। কোনটা কার ঘর, কোথায় সিন্দুক আছে, কোথায় সিন্দুকের চাবি আছে—এসব জানা ওর পক্ষে সম্ভব নয়। তবে এটা ঠিক যে এ চোর খুনি-চোর। ওকে যখন বেয়ারা দেখে ফেলল, তখন তো ও ওকে ঘুঁষি মেরে অজ্ঞান করে দিতে পারত। পালানো নিয়ে তো কথা, আর বেয়ারার বয়সও ষাটের কাছাকাছি। বোঝা যাচ্ছে যে চোর ছুরি হাতে নিয়েই কুকীভিটা করতে বেরিয়েছিল।’

‘এটা আপনি ঠিকই বলেছেন।’

‘সোমেশ্বরবাবুও কী বলতে গিয়ে বললেন না, সেটা জানতে ইচ্ছা করে। আমার মনে হয় ওখনে একটা ইম্পের্টেন্ট ঝুঁ লুকিয়ে আছে।’

ঠিক এই সময় একটা ফোন এল। তুলে ‘হ্যালো বলতে ওদিক থেকে প্রশ্ন এল, ‘মিঃ মিত্র আছেন?’

‘ইনস্পেক্টর ঘোষ। বললাম, ‘ফেলুদা একটু বেরিয়েছে।’

ভদ্রলোক বললেন, ‘ওঁকে বলে দেবেন যে কালপ্রিট ধরা পড়েছে। গোপচাঁদ বলে এক চোর—রিসেন্টলি জেল থেকে বেরিয়েছে। অবিশ্য লোকটা স্বীকার করেনি এখনও, কিন্তু সেদিন রাত্রে ও বেরিয়েছিল, সে খবর আমরা পেয়েছি। এটা আপনি জানিয়ে দেবেন। আর স্বীকারোক্তি পেলে, আবার আপনাকে টেলিফোন করব। আপনার দাদাকে নিশ্চিন্ত হতে বলে দেবেন।’

আমি ফোন রেখে দিলাম। মনটা কেমন জানি দমে গেল। এ তো ঠিক জমল না।

ঘণ্টা দেড়েক পরে ফেলুদা আসাতে, আমি প্রথমেই ওকে ইনস্পেক্টরের কথাটা বললাম। ফেলুদা যেন গা-ই করল না। বলল, ‘সূর্যকুমারের ম্যাজিক খুব ভাল চলছে না, নিখিলবাবুর দোকানের অবস্থাও ভাল নয়। আর আমাদের আর্টিষ্ট রঘনেন তরফদার গর্ভন্মেট কলেজ অফ আর্টের ছাত্র ছিলেন না। প্যারিসে আঁকা শিখেছিলেন কিনা, সেটা অবিশ্য জানতে পারিনি।’

‘তা হলে এখন কী করণীয়?’ লালমোহনবাবু প্রশ্ন করলেন।

‘আমার দিক থেকে মোটামুটি কাজ শেষ। এখন রাইল শুধু রহস্য উদ্ঘাটন। দাঁড়ান, আগে ইনস্পেক্টর ঘোষকে একটা ফোন করিব।’

ফেলুদা ফোনে প্রথমেই বলল, ‘আপনার সমাধান যে মানতে পারছি না, মিঃ ঘোষ।’

ঘোষের উত্তরের পর ফেলুদা বলল, ‘আমার ধারণা খুনি ওই বাড়িরই লোক। আপনি এক কাজ করলন। আমার সমাধান রেডি। আমি আজ বিকেলে সেটা ঘোষণা করতে চাই সোমেশ্বরবাবুর ওখানে। আপনিও আসুন। আমার কথা শুনে আপনার যদি কিছু বলার থাকে বলবেন। আমার এ অনুরোধটা আপনাকে রাখতেই হবে। তা ছাড়া আপনাকে খুনিকে গ্রেপ্তার করার জন্য তৈরি হয়ে আসতে হবে।... থ্যাক ইউ।’

ফেলুদা ফোন রেখে বলল, ‘ভদ্রলোক রাজি। গোপচাঁদ—হ্যাঁ! এইজন্যই মাঝে মাঝে পুলিশের উপর থেকে ভক্তি চলে যায়।’

এরপর ফেলুদা সোমেশ্বরবাবুকে একটা ফোন করে, বিকেলে ওঁর ওখানে যাবার কথাটা বলে দিল। সেই সঙ্গে এ-ও বলে দিল যে সবাই যেন উপস্থিত থাকে।

বিকেল পাঁচটায় আমরা সোমেশ্বরবাবুর নীচের বৈঠকখানায় জমায়েত হলাম। ইনস্পেক্টর ঘোষ আর দুজন কন্স্টেবল এসে গিয়েছিল আগেই।

সকলে যে-যার জায়গায় বসলে পর, ফেলুদা শুরু করল।

‘প্রথমেই আমাদের যে প্রশ্নটার সামনে পড়তে হচ্ছে, সেটা হল চোর বাইরের লোক না ভেতরের লোক। এখানে প্রথম যেদিন চোর আসে, তার পরদিন আমি এসেছিলাম। বাড়ির চারদিকে ঘুরে মনে হয়েছিল—এখানে বাইরে থেকে চোর ঢোকা খুব মুশকিল। বারান্দার থাম বেয়ে উঠলেও, জিনিসপত্র চুরি করে থাম বেয়ে নামার সুবিধে নেই। কাজেই আমার বাড়ির লোকের কথাই বেশি করে মনে হয়েছিল, এবং চোরের দৃষ্টি যে কীসের দিকে, সে সম্বন্ধেও আমার মনে কোনও সন্দেহ ছিল না।

‘এবার চুরি এবং খুনের পর আমি সকলকে জেরা করি। সোমেশ্বরবাবুকে জেরা করতে জানতে পারলাম তিনি এটা টের পেয়েছিলেন, কিন্তু বাধা দেবার কোনওরকম চেষ্টা করেননি। এতে মনে হয় তিনি চোরকে দেখে একেবারে হতচকিত হয়ে গিয়েছিলেন। কিন্তু চুরির পর যে খুন হবে, সেটা তাঁর পক্ষে জানা সম্ভব ছিল না। চুরির মোটিভ অবশ্য একটাই হতে পারে; চোরের হঠাতে বেশ কিছু টাকার দরকার পড়ে গেসেল।

‘এ-বাড়িতে যাঁরা থাকেন, তাঁদের মধ্যে রণেন তরফদার ছবি এঁকে রোজগার করছিলেন, সাময়িকভাবে তাঁর অবস্থা স্বচ্ছদাই বলা যেতে পারে। এ অবস্থায় তাঁর পক্ষে চুরি করাটা অস্বাভাবিক। অনিমেষবাবু ভালই আছেন বন্ধুর আতিথেয়তায়, কাজেই তাঁকে বাদ দেওয়া যেতে পারে।

‘এবার নিখিলবাবুতে আসা যাক। নিখিলবাবুর একটা অকশন-হাউস আছে। আমি খোঁজ নিয়ে জেনেছি, সে অকশন-হাউসের অবস্থা খুব ভাল না। সুতরাং নিখিলবাবুর পক্ষে পঞ্চরত্নের কৃষ্ট পাওয়া খুবই লাভজনক হবে। কারণ তিনি নিজের অবস্থা সামলে নিতে পারবেন। আমার ধারণা, প্রথম দিন নিখিলবাবুই চুরির চেষ্টা করতে গিয়ে ব্যর্থ হন।’

নিখিলবাবু বলে উঠলেন, ‘আপনি বিনা প্রমাণে দোষী সাব্যস্ত করছেন?’

ফেলুদা বলল, ‘এখানে শেষ তো হয়নি—আপনি তো চুরি করতে পারেননি। কাজেই আপনি উত্তেজিত হচ্ছেন কেন? আমি বলছি না যে আমার যুক্তি অকাট্য। আমি শুধু অনুমান করছি। আপনি আপন্তি করতে চান তো করতে পারেন, কারণ আসল ঘটনা হল দ্বিতীয় দিনের।’

‘প্রথম আর দ্বিতীয় দিমের ঘটনার মধ্যে একটি নতুন লোক এসে এ বাড়িতে উঠেছেন, তিনি হলেন জাদুকর সূর্যকুমার। এটাও আমি খোঁজ নিয়ে দেখেছি যে সূর্যকুমার তাঁর প্রদর্শনীতে লোকসান দিচ্ছে। আমরা যেদিন তাঁর ম্যাজিক দেখতে যাই, সেদিনও হলে অনেক সিট খালি ছিল। এই সূর্যকুমার কি চুরি করে থাকতে পারেন? কারণ তাঁর টাকার দরকার ছিল অবশ্যই।’

সূর্যকুমার বলে উঠলেন, ‘ভুলে যাচ্ছেন মিঃ মিত্র, আমি সোমেশ্বর বর্মনের সিন্দুক ও তার মধ্যে পঞ্চরত্নের কৃষ্ণ সমঙ্গে কিছুই জানতাম না।’

‘সূর্যকুমারবাবু,’ ফেলুদা বলল, ‘এবারে আমি আপনাকে একটা প্রশ্ন করতে চাই। সোমেশ্বরবাবুর আপনাকে খুব ভাল লেগে গিয়েছিল, তাই না?’

‘তা লেগেছিল নিশ্চয়ই, তা না হলে আর আমাকে এখানে থাকতে বলবেন কেন?’

‘কেন ভাল লেগেছিল, সে বিষয় আপনার কিছু বলার আছে?’

‘না।’

আমি যদি বলি যে আপনি তাঁকে তাঁর প্রথম সন্তানের কথা মনে করিয়ে দিয়েছিলেন। ইন্ফ্যান্ট তিনি বিশ্বাস করেছিলেন আপনিই তাঁর বড় ছেলে? সোমেশ্বরবাবু, আমি কি খুব ভুল বলেছি?’

‘কিন্তু আমার ছেলেই আমার শক্র হল শেষ পর্যন্ত?’

সূর্যকুমারবাবুর গলার আওয়াজ একটু পাতলা, যার ফলে তাঁর ব্যক্তিত্বের কিছুটা হানি হয়। আমি নিখিলবাবুর কঠস্বরেও ঠিক একই পাতলা ভাব পেয়েছি। চেহারা দাঢ়ি-গোঁফ লাগিয়ে যতই পরিবর্তন করা যাক না কেন, কঠস্বর তো আর বদলানো যায় না। আমার মনে হয় এই কঠস্বরেই সোমেশ্বরবাবু চিনেছিলেন।’

‘ঠিকই বলেছেন মিঃ মিত্র, অখিলের গলার আওয়াজ আমি চিনেছিলাম।’

‘তা হলে সূর্যকুমারও পঞ্চরত্নের কৃষ্ণের কথাটা জানতেন?’

‘আমি জানতে পারি,’ বললেন সূর্যকুমার ওরফে অখিল বর্মন, ‘কিন্তু সে কৃষ্ণ সিন্দুকে ছিল না। আমি কিছুই চুরি করিনি।’

ঘরের মধ্যে একটা শোরগোল পড়ে গেল। আমিও অবাক! কৃষ্ণ ছিল না সিন্দুকের মধ্যে, তবে সেটা কোথায় গেল?

‘না, কৃষ্ণ ছিল না ঠিকই।’ বলল ফেলুদা, ‘আপনি চোর নন, কিন্তু আপনি খুনি।’

‘কিন্তু আমার কৃষ্ণ কোথায় গেল?’ চেঁচিয়ে উঠলেন সোমেশ্বরবাবু।

‘এই যে আপনার কৃষ্ণ।’

ফেলুদা তার কোটের পকেট থেকে জিনিসটা বার করে তার সামনে টেবিলের উপর রেখে দিল।

আপনাদের বাড়িতে দুবার চোর আসেনি। তিনবার এসেছিল। আমি যখন খবর পাই সূর্যকুমার এ-বাড়িতে এসে থাকছেন, তখনই আমার সাধানতা অবলম্বন করার ইচ্ছেটা জাগে। নিখিলবাবুর সঙ্গে গলার আওয়াজ আর কথা বলার ঢং-এ মিল পেয়ে, আমার প্রথমেই সন্দেহ হয়েছিল যে সূর্যকুমার আসলে অখিল বর্মন। উনি যখন নিজের পরিচয় গোপন করে রাখলেন, তখনই আমার মনে হল যে ওঁর কোনও এক দুরভিসন্ধি আছে। তারপর জানতে পারলাম ওঁর বোজগার ভাল যাচ্ছে না—উনি দেনা করে বসে আছেন, প্রতিবারই লোকসান দিচ্ছেন। তখনই আমি স্থির করি যে পঞ্চরত্নের কৃষ্ণটা আর সিন্দুকে থাকতে দেওয়া উচিত নয়। দারোয়ানকে মোটা ঘূস দিয়ে আমি বাড়িতে চুকি। তারপর বারান্দার থাম বেয়ে ওপরে উঠে, আমার হাত-সাফাইয়ের জোরে সোমেশ্বরবাবুর বালিশের তলা থেকে চাবিটা নিয়ে সিন্দুক খুলে, তার থেকে কৃষ্ণটা বার করে নিই। তারপর আবার একই পথে ফিরে আসি। দৃঃখ্যের বিষয়, আমি অবিনাশের

হত্যাটাকে কুখতে পারলাম না।’

ইনস্পেক্টর ঘোষ ততক্ষণে এগিয়ে গেছেন সূর্যকুমারের দিকে। ফেলুদা বলল, ‘এই একটা ব্যাপার, যেখানে আপনার ম্যাজিক খাটবে না, অথিলবাবু।’

সোমেশ্বরবাবু উঠে এসে ফেলুদার হাতটা আঁকড়ে ধরলেন। ‘আপনার জন্য আমার কৃষ্ণ বেঁচে গেল। আপনাকে ধন্যবাদ দেবার ভাষা আমার নেই।’

বাড়ি ফিরে এসে লালমোহনবাবু ফেলুদাকে বললেন, ‘মশাই, এতদিন আপনার ওপর ভঙ্গির ভাবই ছিল; এবার ভয় চুকল। আপনি যে তক্ষরের শিরোমণি, সেটা তো জানা ছিল না।’



অঙ্গরা থিয়েটারের মামলা

>

চিভি-তে শার্লক হোমস দেখে ফেলুদা মুঞ্চ। বলল, ‘একেবারে বইয়ের পাতা থেকে উঠে এসেছে হোমস আর ওয়াটসন। জানিস তোপ্সে—আমাদের যা কিছু শিক্ষা দীক্ষা ওই শার্লক হোমসের কাছে। সব প্রাইভেট ডিটেকটিভের গুরু হচ্ছে হোমস। তাঁর সৃষ্টিকর্তা কল্যান ডয়েলের জবাব নেই।’

জটায়ু সায় দিয়ে বললেন, ‘লোকটা কত গল্প লিখেছে ভাবুন তো! এত প্লট কী করে যে মাথায় আসে সেটা ভেবে পাই না। সাধে কী আমার টাক পড়েছে? প্লট খুঁজতে গিয়ে মাথার চুল ছিঁড়ে!’

বাইরে বৃষ্টি পড়েছে, তার মধ্যে চা আর ডালমুটটা জমেছে ভাল। আসলে লালমোহনবাবুও একচল্লিশটা রহস্য উপন্যাস লিখেছেন, কিন্তু তার বেশির ভাগই ফেলুদার ভাষায় থোড় বড়ি খাড়া, খাড়া বড়ি থোড়। তবে প্রটের জন্য মাথা খুঁড়লেও ভদ্রলোকের উৎসাহের অভাব নেই। আর সত্ত্ব বলতে কী, ফেলুদার সঙ্গে বন্ধুত্ব হবার পর থেকে ওঁর গল্পও অনেক ইমপ্রুভ করে গেছে।

‘শ্রীনাথকে একটু বলো না ভাই তপেশ,’ বললেন লালমোহনবাবু, ‘আর এক কাপ চা হলে মন্দ হত না।’

আমি শ্রীনাথকে চায়ের ফরমাশ দিয়ে আসতেই দরজায় টোকা পড়ল। তার আগে অবশ্য ট্যাঙ্কি থামার শব্দ পেয়েছি।

দরজা খুলে দেখি ছাতা মাথায় এক ভদ্রলোক, মাঝারি হাইট, ফরসা রং, দাঢ়ি গেঁফ কামানো, বয়স চলিশ-পঁয়তালিশ।

বললাম, ‘কাকে চাই?’ অবিশ্যি এ প্রশ্নটা না করলেও চলত, কারণ দেখেই বুঝেছি মক্কেল।

‘এটা কি প্রদোষ মিত্রের বাড়ি?’ প্রশ্ন করলেন ভদ্রলোক।

এবাবে ফেলুদাই বলে উঠল, ‘আপনি আসুন ভিতরে।’

ভদ্রলোক ছাতাটা বন্ধ করে চুকলেন।

‘ওটাকে দরজার পাশে রেখে দিন,’ বলল ফেলুদা।

ভদ্রলোক তাই করলেন, তারপর সোফার এক পাশে এসে বসলেন। ফেলুদা বলল, ‘আমার নাম প্রদোষ মিত্র; আর ইনি আমার বন্ধু লালমোহন গাঙ্গুলী।’

‘যাক, তবু আপনাকে বাড়ি পাওয়া গেল,’ বললেন ভদ্রলোক, ‘টেলিফোন করে কানেকশন

পাইনি। আজকাল যা হয় আর কী।’

‘কী ব্যাপার বলুন।’

‘বলছি। আগে আমার পরিচয়টা দিই। আমার নাম মহীতোষ রায়। নাম শুনে চিনবেন ততটা অশা করি না, যদিও থিয়েটার লাইনে আমার কিছুটা খ্যাতি আছে।’

‘আপনি তো অঙ্গরা থিয়েটারে আছেন, তাই না?’

‘ঠিকই ধরেছেন। এখন প্রফুল্লতে অভিনয় করছি।’

‘হ্যাঁ হ্যাঁ, জানি।’

‘আপনার কাছে এসেছি একটা সংকটে পড়ে।’

‘কী সংকট?’

‘কদিন থেকে আমি হৃমকি চিঠি পাচ্ছি। কার কাছ থেকে তা বলতে পারব না।’

‘হৃমকি চিঠি?’

‘তার কিছু নমুনা আমি সঙ্গে করে নিয়ে এসেছি। এই দেখুন।’

ভদ্রলোক পকেট থেকে চারটে কাগজ বার করলেন, তারপর সেগুলো টেবিলের উপর রাখলেন। আমি দেখলাম একটায় লেখা ‘সাবধান!’ আরেকটায় ‘তোমার দিন ফুরিয়ে এল’, আরেকটায় ‘তোমার দুষ্কৃতির ফল ভোগ কর’, আর চার নম্বরটায় ‘আর সময় নেই। এবার ইষ্টনাম জপ কর!’. গোটা গোটা বড় বড় অঙ্করে লেখা, আর সবই যে এক লোকের লেখা তা বোঝবার উপায় নেই।

‘এ সব কি ডাকে এসেছে?’ ফেলুন্দা জিজ্ঞেস করল।

‘আজ্জে হ্যাঁ।’

‘এগুলো কদিনের মধ্যে পেয়েছেন?’

‘সাতদিন।’

‘কে লিখেছে কিছু অনুমান করতে পেরেছেন?’

‘একেবারেই না।’

‘আপনার প্রতি বিকল্প এমন কোনও লোকের কথা মনে করতে পারছেন না?’

‘দেখুন, আমি থিয়েটারে কাজ করি। আমাদের মধ্যে ছোটখাটো ঝগড়া, মনোমালিন্য—এ লেগেই আছে। আমি দুবছর হল অঙ্গরায় আছি, তার আগে রূপমঞ্চে ছিলাম। আমাকে নেওয়া হয় একটি অভিনেতার জায়গায়। স্বভাবতই সে অভিনেতা এতে সন্তুষ্ট হয়নি। সে নিশ্চয়ই দুর্ঘটনার ভুগছে।’

‘এই অভিনেতার নাম কী?’

‘জগন্ময় ভট্টাচার্য। ভয়ানক ড্রিস্ক করতে শুরু করেছিল। তাই তাকে আর বাখা যায়নি। তিনি এখন কী করছেন কোথায় আছেন তা জানি না।’

‘এই জগন্ময় ভট্টাচার্য ছাড়া আর কারুর কথা মনে পড়ছে?’

‘আমার একটি ছোট ভাই আছে, তার সঙ্গে আমার বনে না। সে অবিশ্য আলাদা থাকে। আমার বাবার মৃত্যুতে সম্পত্তি সব আমি পাই। আমার ছোট ভাই অসৎ সঙ্গে পড়ে নষ্ট হয়ে যায়। বাবা তাই তাকে উইল থেকে বাদ দেন। ছোট ভাই স্বভাবতই খুব অসন্তুষ্ট হয়। এ ছাড়া শক্ত বলতে আর কাউকে মনে পড়ে না।’

‘আপনি সাবধানে আছেন তো?’

‘তা তো আছি, কিন্তু আপনি যদি একটু পথ বাতলে দেন।’

‘এ ব্যাপারে সাবধানে থাকতে বলা ছাড়া তো আর কিছু বাতলাবার নেই। আপনি থাকেন কোথায়?’

‘বালিগঞ্জে। পাঁচ নম্বর পশ্চিমিয়া প্রেস।’

‘একটি থাকেন?’

‘আজ্ঞে হ্যাঁ। একটি চাকর আর একটি রান্নার লোক আছে। আমি এখনও বিয়ে করিনি।’

‘সত্ত্ব বলতে কী, এ অবস্থায় আমার আর কিছুই করার নেই। এরকম ভূমিকি কেস আমার কাছে আগেও এসেছে। চিঠিগুলো থেকে কিছু ধরা যায় না। এখানে চারটে চিঠিতে দেখছি চার রকম পোস্টমার্ক, কাজেই কোথেকে এসেছে তাও বলা যায় না। অধিকাংশ ক্ষেত্রেই দেখেছি শেষ পর্যন্ত কিছুই হয় না। তবে আপনাকে কেউ উৎকৃষ্টায় ফেলতে চাচ্ছে সে বিষয়ে কোনও সন্দেহ নেই। আমি বলি কী আপনি পুলিশে যান। তারা এসব ব্যাপারে আরও ভাল ব্যবস্থা করতে পারে।’

ভদ্রলোক যেন একটু মুঘড়ে পড়লেন, বললেন, ‘পুলিশ?’

‘কেন, পুলিশের বিরুদ্ধে আপনার কোনও অভিযোগ আছে নাকি?’

‘না, তা নেই।’

‘তবে আর কী। আপনি সোজা থানায় গিয়ে রিপোর্ট করুন। আমায় যা বললেন তাই বলুন।’

ভদ্রলোক অগত্যা উঠে পড়লেন। ফেলুন্দা তাঁকে দরজা অবধি পৌঁছে দিল। তারপর ফিরে এসে বসে পড়ে বলল, ‘ভদ্রলোকের ডান হাতের আঙুলে একটা আংটির দাগ দেখলাম। সেই আংটিটা কোথায় গেছে কে জানে।’

‘বেচে দিয়েছেন বলছেন?’ জটায়ু প্রশ্ন করলেন।

‘দিলে আশ্চর্য হব না। পায়ের জুতো জোড়ার অবস্থাও বেশ খারাপ। প্রফুল্লতে উনি প্রধান ভূমিকায় অভিনয় করছেন না সেটা জানি। সেটা করছেন অঙ্গরার স্টার অভিনেতা নেপাল লাহিড়ী।’

‘কিন্তু কে ওঁর পিছনে লেগেছে বলো তো’, আমি প্রশ্ন করলাম।

‘কী করে বলব বল। উনি যে দুজনের কথা বললেন তাদের একজন হতে পারে। মোটকথা এ কেস আমার নেওয়া চলে না। আর অনেক সময় এগুলো শ্রেফ ভাঁওতার উপর চলে। আমার কত টেলিফোন এসেছে বল তো হুমকি দিয়ে! সে সব মানতে হলে তো বাড়িতে হাত পা গুটিয়ে বসে থাকতে হয়।’

কিন্তু এই চিঠির ব্যাপারটা যে ভাঁওতা নয় সেটা তিন দিন পরেই জানলাম।

২

খবরটা জানা গেল খবরের কাগজ মারফত। ছোট করে লেখা খবর—অঙ্গরা থিয়েটারের অভিনেতা নির্বোঁজ। মহীতোষ রায় নাকি সন্ধ্যাবেলা থিয়েটার না থাকলে লেকের ধারে বেড়াতে যেতেন। গত পরশু, অর্থাৎ সোমবার, তিনি যথারীতি বেড়াতে গিয়ে আর বাড়ি ফেরেননি। বাড়ির চাকর থানায় গিয়ে খবর দেয়। পুলিশ এই নিয়ে তদন্ত চালাচ্ছে।

ফেলুন্দা বিরস্ত হয়ে বলল, ‘লোকটাকে পই পই করে বলেছিলাম সাবধানে থাকতে, তার লেকে বেড়াতে যাবার কী দরকার ছিল? যাই হোক, আমার কাছে যখন এসেছিলেন ভদ্রলোক, তখন একবার ওঁর বাড়িতে যাওয়া দরকার। ঠিকানাটা মনে আছে?’

‘পাঁচ নম্বর পশ্চিমিয়া প্রেস।’

‘গুড়। তোর স্মরণশক্তি পরীক্ষা করছিলাম।’

নটা নাগাদ আমরা বেরিয়ে পড়লাম।

পাঁচ নম্বর পশ্চিমিয়া প্রেস একটা ছেটু দোতলা বাড়ি, তার একতলায় থাকতেন

মহীতোষবাবু। চাকর দরজা খুলে দিলে আমরা নিজেদের পরিচয় দিয়ে ভিতরে চুকলাম। ফেলুদা চাকরকে বলল, ‘তোমার মনিব আমার কাছে এসেছিলেন সাহায্য চাইতে। উনি মাঝে মাঝে হমকি চিঠি পাছিলেন সে খবর তুমি জান?’

‘জানি বইকী বাবু। আমি বাইশ বছর ওনার কাজ করছি। আমাকে সব কথাই বলতেন। আমি ওকে অনেক করে বলেছিলাম—আপনি বেড়াতে যাবেন না, বাড়িতে থাকুন, সাবধানে থাকুন। তা উনি আমার নিষেধ শুনলেন না। যখন দেখলাম রাত সাড়ে নটা হয়ে গেল তাও আসছেন না, তখন আমি নিজেই গেলাম লেকে। কোনখানটায় উনি বসতেন, কোনখানটায় বেড়াতেন, সেটা আমি জানতাম। কিন্তু কই, তাঁকে তো কোথাও দেখতে পেলাম না। তারপর পুরো একটা দিন কেটে গেল, এখনও কোনও খবর নেই। আমি থানায় গেলাম। তেনারা সব লিখে-টিখে নিলেন, কিন্তু এখনও পর্যন্ত তো কিছুই হল না।’

ফেলুদা বলল, ‘তুমি এখন আমাদের সঙ্গে একবার আসতে পারবে? লেকে যে জায়গাটায় বসতেন সেটা যদি একবার দেখিয়ে দাও।’

‘চলুন বাবু, যাচ্ছি।’

‘তোমার নাম কী?’

‘দীনবন্ধু, বাবু।’

আমরা তিনজন ট্যাঙ্কি করে লেকে গিয়ে হাজির হলাম।

জলের ধারে একটা আমলকী গাছের পাশে একটা বেঞ্চি, তাতেই নাকি হাঁটা সেরে বসতেন ভদ্রলোক। হাঁটার অভ্যাসটা ডাঙ্গারই বলে বলে করিয়েছিলেন। এখন চতুর্দিকে কোনও লোক নেই, ফেলুদা খুব ঘন দিয়ে বেঞ্চি আর তার চারপাশটা পরীক্ষা করে দেখল। প্রায় মিনিট পাঁচেক তাম তাম করে খুঁজে ঘাসের মধ্যে একটা পিতলের কোটো পেল। দীনবন্ধু সেটা দেখামাত্র বলে উঠল, ‘এ কোটো তো বাবুর ছিল।’ কোটোটা খুলে ভিতরে এলাচ আর সুপুরি পাওয়া গেল। ফেলুদা সেটা পকেটে পুরে নিল। তারপর দীনবন্ধুকে জিজ্ঞেস করল, ‘তুমি কি ভবানীপুর থানায় খবর দিয়েছিলে?’

‘আজ্জে হাঁ বাবু।’

‘ঠিক আছে। চলো তোমাকে বাড়িতে নামিয়ে দিয়ে আমরা একটু থানায় খবর দিয়ে আসি।’

মেটামুটি কলকাতার বেশির ভাগ থানার ওসি-র সঙ্গেই ফেলুদার আলাপ আছে। ভবানীপুর থানার ওসি হচ্ছেন সুবোধ অধিকারী। আমরা দীনবন্ধুকে পশ্চিতিয়া প্লেসে নামিয়ে দিয়ে গেলাম অধিকারীর সঙ্গে দেখা করতে। রাশভারী হলেও বেশ মাইডিয়ার লোক, আর ফেলুদাকে খুব পছন্দ করেন। আমাদের দেখে একটু অবাক হয়েই বললেন, ‘কী ব্যাপার, এত সকাল সকাল?’

আমরা দুটো চেয়ারে বসলাম।

ফেলুদা বলল, ‘একটা ডিসাপিয়ারেসের কেস আপনাদের কাছে রিপোর্টেড হয়েছে। মহীতোষ রায়।’


‘হাঁ। এটা বোধহয় সত্যবান দেখছিল। দাঁড়ান, ওকে ডাকি। একটু চা চলবে?’

‘তা আপনি নেই।’

মিনিট খানেকের মধ্যেই ইনস্পেক্টর সত্যবান ঘোষ এসে গেলেন। ইনিও ফেলুদার যথেষ্ট চেনা; দুজনে হ্যান্ডশেক করার পর সত্যবান বললেন, ‘কী ব্যাপার বলুন।’

‘মহীতোষ রায় বলে একটি অভিনেতা বোধহয় নিরুদ্দেশ হয়েছেন?’

‘নিরুদ্দেশ কেন, আমার তো মনে হয় তাকে মেরে ফেলা হয়েছে। তাঁর বাড়ি থেকে বেশ কয়েকটা হমকি চিঠি পাওয়া গেছে। আর লেকের ধারে মেরে ফেলে গায়ে কিছু ভারী জিনিস দৈঁধে লাশ জলে ফেলে দিলে সে তো আর পাওয়াও যাবে না। আপনি এ ব্যাপারে কী করে



ইন্টারেস্টেড হলেন?’

ফেলুদা মহীতোষবাবুর আসার কথাটা বলল। তারপর প্রশ্ন করল, ‘আপনারা কোনওরকম এগোবার রাস্তা খুঁজে পাননি বোধহয়?’

যোষ বললেন, ‘ভদ্রলোক অঙ্গরা থিয়েটারে অভিনয় করতেন। আমরা সেখানে খোঁজ করেছি, কিন্তু কিছু এগোতে পারিনি। থিয়েটারের কারুর সঙ্গে এমন শক্তি ছিল না যে খুন হতে পারে। পেটি জেলাসি সব সময়ই থাকতে পারে, কিন্তু সেটা খুনের কারণ হয় না।’

‘ভদ্রলোকের আর্থিক অবস্থা কেমন ছিল?’

‘মোটামুটি। বারোশো টাকা মাইনে পেতেন। একা মানুষ, তাই চলে যেত। অবিশ্য খুনই যে হয়েছে একথা জোর দিয়ে বলা যায় না। ভদ্রলোককে কেউ হয়তো ফুসলে নিয়ে গেস্ল, কিংবা ভদ্রলোক হয়তো নিজেই কোনও কারণে গা ঢাকা দিয়েছেন।’

আমি আজ লেকের ওখানে গিয়েছিলাম। ভদ্রলোক যে বেঞ্চিতে বসতেন তার পাশেই ঘাসে ওঁর একটা মশলার কৌটো পাই।’

‘তাই বুঝি?’

‘হ্যাঁ।’

‘তা হলে তো খুন বলেই মনে হচ্ছে। আততায়ীর সঙ্গে ট্রাঙ্গলের সময় পকেট থেকে কৌটো পড়ে গেছল।’

‘তাই তো মনে হচ্ছে।’

‘ঠিক আছে। আমাদের এদিক থেকে কোনও খবর পেলে আপনাকে জানাব।’

‘ভেরি গুড। আমিও আপনাদের টাচে থাকব।’

মিঃ ঘোষ চলে গেলেন। চা এসে গিয়েছিল, আমরা চা খেয়ে উঠে পড়লাম।

বাইরে বেরিয়ে এসে ফেলুদা বলল, ‘একবার অঙ্গরা থিয়েটারে যাওয়া দরকার। ওই কেমিস্টের দোকান থেকে লালমোহনবাবুকে একটা ফোন করে বলে দে উনিও যেন চলে আসেন।’

ফোন করে আমরা আবার ট্যাঙ্গি ধরলাম। যেতে হবে সেই শ্যামবাজার।

৩

অঙ্গরা থিয়েটারে পৌঁছে দেখি লালমোহনবাবু অপেক্ষা করছেন।

‘কী ব্যাপার মশাই?’ ভদ্রলোক জিজ্ঞেস করলেন।

‘আজ কাগজ দেখেননি?’

‘দেখেছি বইকী। মহীতোষ রায় তো হাওয়া।’

‘হাওয়া কেন, বোধহয় খতম?’

সংক্ষেপে লালমোহনবাবুকে সকালের ঘটনাটা বলে দিল ফেলুদা।

‘তা হলে এখন কি আমরা থিয়েটারে তদন্ত চালাব?’

‘একবার অন্তত ম্যানেজারের সঙ্গে কথা বলি।’

আমরা ফুটপাথে দাঁড়িয়ে কথা বলছিলাম, এবার গিয়ে ভিতরে চুকলাম। গেটে দারোয়ান বলল ম্যানেজারের নাম কেলাস বাঁড়ুজ্য। তিনি তাঁর অফিসেই আছেন।

ম্যানেজারের আপিসে পৌঁছতে গেলে একটা ঘর পেরোতে হয়। সেখানে একজন ভদ্রলোক একটা টেবিলের সামনে বসে কাগজপত্র ঘাঁটিলেন, জিজ্ঞেস করলেন আমাদের কী দরকার।

ফেলুদা এবার তার একটা কার্ড বের করে ভদ্রলোকের হাতে দিয়ে বলল, ‘একবার যদি

কৈলাসবাবুর সঙ্গে দেখা করতে পারি।'

ভদ্রলোক আমাদের অপেক্ষা করতে বলে গেলেন ভিতরের দিকে। মিনিটখানেক পরে বেরিয়ে এসে বললেন, 'আপনারা আসতে পারেন।'

আমরা তিনজনে গিয়ে ম্যানেজারের ঘরে চুকলাম। বেঁটে, মোটা, কালো ভদ্রলোক। নাকের নীচে একটা সরু গোঁফ, বয়স আন্দাজ পঞ্চাশ। বললেন, 'আপনার নাম তো শুনেছি, কিন্তু হঠাৎ আমার এখানে আসার প্রয়োজন হল কেন সেইটেই ভাবছি।'

ফেলুদা বলল, 'আপনার একজন অভিনেতা সম্মতে কিছু জানার ছিল—যিনি দুদিন হল নিখোঁজ।'

'মহীতোষের কথা বলছেন? সে ব্যাপারে তো পুলিশ এসে এক দফা এনকোয়ারি করে গেছে।'

'ভদ্রলোক আমার কাছে এসেছিলেন। কতকগুলো হৃষক চিঠি পেয়েছিলেন সেই নিয়ে আমার পরামর্শ নিতে।'

'হৃষক চিঠি? তা হলে কি ও খুন হয়েছে নাকি? আমি তো ভাবলাম পাওনাদারের কাছ থেকে গোঁড়া দিয়েছে।'

'না। ঠিক সেরকম মনে হচ্ছে না।'

'অবিশ্য ও গিয়ে যে আমাদের একটা খুব বড় রকম ক্ষতি হয়েছে তা বলতে পারছি না। প্রশাস্ত মোটামুটি চালিয়ে নিচ্ছে। পুলিশ কালকেই এসেছিল। আমরা বিশেষ কোনও ইনফরমেশন দিতে পারিনি। মহীতোষ একটু চাপা টাইপের চরিত্র ছিল। ওর কারুর সঙ্গে খুব একটা মাঝামাঝি ছিল না। অভিনয়টা মোটামুটি ভালই করত। তবে ওর ইচ্ছে ছিল প্রযুক্তি মেন রোল করবার; সে ক্ষমতা ওর ছিল না।'

'ওঁর কোনও শক্র ছিল না বলছেন?'

'বলছি তো—শক্রও না, বক্সও না।'

'জগন্ময় ভট্টাচার্য বলে এককালে আপনাদের একজন অভিনেতা ছিলেন?'

'ছিল, কিন্তু তাকে তো অনেকদিন আগেই ছাড়িয়ে দেওয়া হয়েছে।'

'তাঁর জায়গাতেই মহীতোষকে নেওয়া হয়, তাই না?'

'তা বটে। এটা আপনি ঠিক বলেছেন, আমার খেয়াল হয়নি।'

'এই জগন্ময় ভট্টাচার্যের বাড়ির ঠিকানা আপনার কাছে আছে?'

'পুরনো ঠিকানা আছে, সে তো এখন সেখানে নাও থাকতে পারে।'

কৈলাসবাবু একটা ঘণ্টা চিপলেন। পাশের ঘর থেকে একটি বছর পাঁচিশ বয়সের ছেলে এসে দাঁড়াল।

'এঁদের জগন্ময়ের ঠিকানাটা দিয়ে দাও তো।'

এক মিনিটের মধ্যেই ঠিকানা এসে গেল। সাতাশ নম্বর নির্মল বোস স্ট্রিট। লালমোহনবাবু বললেন রাস্তাটা ওঁর জানা। আমরা উঠে পড়লাম।

নির্মল বোস স্ট্রিট শ্যামবাজারেই একটা গলি। জগন্ময়বাবুর বাড়ির ঠিকানায় গিয়ে খোঁজ করে জানলাম ভদ্রলোক এখনও সেখানেই আছেন। ফেলুদা চাকরের হাতে তার কার্ডটা পাঠিয়ে দিল। অল্পক্ষণের মধ্যেই আমাদের ডাক পড়ল। আমরা একটা তক্ষপোশ পাতা ঘরে গিয়ে হাজির হলাম। তাতে একটি রোগা-রোগা কেন ঝুঁঁগ বললেই বোধহয় ঠিক বলা হবে—ভদ্রলোক বসে আছেন। আমরা ঘরে ঢোকাতেও তিনি বসেই রইলেন।

'হঠাৎ আমার সঙ্গে ডিটেকটিভের কী প্রয়োজন পড়ল?'—ভদ্রলোকের প্রথম প্রশ্ন।

ফেলুদা বলল, 'আপনি কি মহীতোষ রায় বলে একজন অভিনেতাকে চিনতেন?'



‘চিনতুম বললে ভুল হবে। সে এল, আর আমি বরবাদ হয়ে গেলুম—এই চেনা। কিন্তু সে তো দেখছি উধাও হয়ে গেছে।’

‘উধাও নয়, খুব সভ্যত খুন হয়েছেন।’

‘খুন? অবিশ্যি আমার তাতে বুক ফেটে কান্না আসবে তা নয়। সে আমার ভাত মেরেছিল, সেটাই হচ্ছে আমার কাছে সব চেয়ে বড় টুথ।’

‘তার মৃত্যুর আগে মহীতোষবাবু কতকগুলো হৃষি চিঠি পেয়েছিলেন। সেই ব্যাপারে আপনি কোনও আলোকপাত করতে পারেন?’

‘আমি চিঠিগুলো লিখেছিলাম কিনা সেইটাই জানতে চাইছেন তো?’

‘আপনার তার উপরে এখনও যথেষ্ট আক্রোশ আছে দেখছি।’

‘সেটা আপনি কথাটা তুললেন বলে। মহীতোষ রায়ের ব্যাপার অতীতের ব্যাপার। এই নিয়ে আর আমি মাথা ঘামাই না। আমি তারপরে দীপ্তি থিয়েটারে কাজ পেয়ে যাই, এখনও সেখানেই আছি, যা পাঞ্চি তাতে আমার চলে যায়। মদ ছেড়ে দিয়েছি। আমি সাতেও নেই, পাঁচেও নেই। কেবলমাত্র একটা সমস্যা আছে সে হল হাঁপের কষ। এছাড়া আমি দিব্যি আছি। মহীতোষের কথা আপনি মনে করিয়ে দিলেন বলে। নইলে আমি ভুলেই গিয়েছিলাম।’

‘আপনি অঙ্গরা ছাড়ার পর মহীতোষবাবুর সঙ্গে আপনার দেখা হয়নি?’

‘নো স্যার। একবারও না। এমনকী মঞ্চে পর্যন্ত ওকে দেখিনি। অঙ্গরা থিয়েটারে আমি যাই না।’

8

এরপর তিনি মাস কেটে গেছে; এর মধ্যে মহীতোষবাবুর কোনও খবর পাওয়া যায়নি। তিনি যে আততায়ীর হাতে প্রাণ হারিয়েছেন তাতে সন্দেহ করার কোনও কারণ নেই। অঙ্গরা থিয়েটারে আরেকবার যাওয়া হয়েছিল ওখানে যদি কোনও খবর থাকে জানবার জন্য, কিন্তু তাতেও কোনও সুবিধা হয়নি। শুধু এই খবরটা পাওয়া গেছে যে মহীতোষ রায়ের জায়গায় আরেকজন অভিনেতা বহাল হয়েছে। এঁর নাম সুব্রত চক্রবর্তী। ইনি প্রফুল্লতে অভিনয় করছেন মহীতোষের জায়গায় এবং বেশ ভাল করছেন।

ফেলুদা এর মধ্যে মহীতোষ রায় সম্পর্কে আরও খবর নিয়েছে। ওঁর ছোট ভাই শিবতোষের সঙ্গে কথা বলে জেনেছে যে সে দাদার সঙ্গে কোনও সম্পর্ক রাখেনি।

ফেলুদা জিজ্ঞেস করল, ‘আপনার দাদার সঙ্গে আপনার বিরোধের কারণ কি শুধু সম্পত্তি?’

শিবতোষবাবু বললেন, ‘তার বেশি আর কারণের দরকার আছে কি? দাদা বাবাকে খোশামোদ করতেন। আমি সে দিকে যাইনি। খোশামোদ আমার ধাতে নেই। ছোট ছেলে বলে আমাকে সব সময় ছোট করে দেখা হয়েছে। বাবাও তাই করেছেন—দাদা তো বটেই। তাই আমি সম্পত্তি থেকে বঞ্চিত হলাম। এতে বিরোধের সৃষ্টি হবে তাতে আর আশ্চর্য কী?’

কথাগুলো শুনে আমার মনে হচ্ছিল শিবতোষবাবুর এখনও পুরোমাত্রায় আক্রোশ রয়েছে দাদার উপর।

ফেলুদা বলল, ‘আপনি মহীতোষবাবুর মৃত্যু সম্বন্ধে কোনও মন্তব্য করতে চান কি? এটা হয়তো আপনি বোঝেন যে তিনি যদি আততায়ীর হাতেই প্রাণ হারান, তা হলে সেই আততায়ী আপনি হওয়া কিছু আশ্চর্য নয়।’

‘আমি গত পাঁচ বছর দাদার মুখ পর্যন্ত দেখিনি। তাঁর সঙ্গে আমার সমস্ত সম্পর্ক চুকে গিয়েছিল। আর তাঁর থিয়েটারের জীবনের সঙ্গে আমার কোনও সম্পর্ক ছিল না।’



‘যেদিন মহীতোষবাবু নির্খোঁজ হন সেদিন সন্ধ্যাবেলা ছটা থেকে আটটার মধ্যে আপনি কী করছিলেন মনে পড়ে?’

‘রোজ যা করি তাই করছিলাম; আমার বন্ধুদের সঙ্গে তাস খেলছিলাম।’

‘কোথায়?’

‘সর্দার শক্তির রোড। এগারো নম্বর। অনুপ সেনগুপ্তের বাড়ি। আপনি খোঁজ নিয়ে দেখতে পারেন।’

ফেলুদা এটা চেক করার জন্যে সর্দার শক্তির রোডে শিবতোষবাবুর বন্ধুর বাড়িতে গিয়েছিল। তিনি বলে দেন যে তাদের বাড়িতে রোজ তাসের আড়ত হয় এবং শিবতোষবাবু নিয়মিত আসেন।

একটা বড় সাসপেন্টকে তাই ফেলুদাকে নাকচ করে দিতে হল।

পরদিন সকালে লালমোহনবাবু এসে বললেন, ‘শাহী, এ কেসটা কোনও কেসই না। আপনি মিথ্যে এটা নিয়ে মাথা ঘামাচ্ছেন। তার চেয়ে চলুন আমরা দিন চারকের জন্য কোথাও ঘুরে আসি। আমারও মাথায় একটা প্লট আসছে বলে মনে হচ্ছে, আর আপনিও মাথাটা একটু সাফ করে নিতে পারবেন।’

‘কোথায় যাবেন?’ ফেলুদা প্রশ্ন করল।

‘দিয়া গেলে কেমন হয়? ওটা তো এখনও দেখা হয়নি।’

‘বেশ তাই হোক। আমারও মনে হয় এ কেসটার কোনও নিষ্পত্তি হবে না। মহীতোষের হত্যাকারী আইনের হাত থেকে পার পেয়ে যাবে।’

আমরা পরদিনই দিয়া গিয়ে হাজির হলাম। টুরিস্ট লজে বুকিং ছিল, দিয়ি আরামে থাকা যাবে বলে মনে হল। আর তার উপর সমৃদ্ধে স্থান। লালমোহনবাবু একটা নতুন লাল সুইমিং কস্টুম কিনে এনেছিলেন।

দিঘাতে কলকাতার খবরের কাগজ আসতে সঙ্গে হয়ে যায়। তিনদিনের দিন আনন্দবাজারটা হাতে নিয়ে প্রথম পাতা দেখেই ফেলুদা প্রায় লাফিয়ে উঠল।

‘সর্বনেশে খবর! ’

‘কী ব্যাপার?’ লালমোহনবাবু আর আমি একসঙ্গে বলে উঠলাম।

‘অঙ্গরা থিয়েটারের প্রধান অভিনেতা খুন! ’ বলল ফেলুদা, ‘এ কি আরও হয়েছে বল তো দেখি! ’

খবরটা পড়ে দেখলাম। বলেছে অঙ্গরা থিয়েটারের প্রধান অভিনেতা নেপাল লাহিড়ী দু দিন আগে থিয়েটারের পর ট্যাক্সিতে বাড়ি ফিরছিলেন, পথে এক বন্ধুর বাড়িতে যাবেন বলে ট্যাক্সি থেকে নামেন। বন্ধুর বাড়ি একটা গলির মধ্যে। সেই গলিতেই তাকে ছোরা মেরে খুন করা হয়। পুলিশে খবর দেওয়া হয়েছে, তারা তদন্ত চালাচ্ছে। নেপালবাবুর স্ত্রী ও একটি বারো বছরের ছেলে আছে; তাঁরা এ-বিষয় কোনও আলোকপাত করতে পারেননি।

‘তা হলে কী হবে?’ লালমোহনবাবু প্রশ্ন করলেন।

‘তা হলে একবার আপনাকে যেতে হবে অঙ্গরা থিয়েটারে কিছু জিজ্ঞাসাবাদ করতে।’


‘কেন, আমাকে কেন?’

‘কারণ আমার পা-টা আজ মচকেছে সমুদ্রে স্নান করার সময়। কাল ভাল রকম ব্যথা হবে বলে মনে হচ্ছে।’

‘তা হলে চলুন আজই ফেরা যাক। কলকাতায় গিয়ে চুন-হলুদ দিয়ে পা-টা বেঁধে ফেলবেন।’

‘আপনি পারবেন তো আমার ভূমিকা নিতে?’

‘তা অ্যাদিন যখন আপনার সঙ্গে রয়েছি তখন কিছুটা জ্ঞানগম্ভী তো হয়েইছে।’



আমরা সেদিনই কলকাতায় ফিরে এলাম। কথা হল পরদিন সকাল নটায় লালমোহনবাবু আমাদের বাড়ি আসবেন, ফেলুদা তাঁকে কিছুটা তালিম দিয়ে দেবে, তারপর দশটা নাগাত আমরা দুজনে যাব অঙ্গরা থিয়েটার।

পরদিন সকালে ফেলুদার কাছে তালিম নিয়ে আমরা ঠিক দশটায় পৌছে গেলাম অঙ্গরা থিয়েটারে। লালমোহনবাবুর গদগদ ভাব, বললেন, ‘আমার অনেকদিনের আপশোস ছিল যে তোমার দাদাকে আরেকটু সক্রিয় ভাবে সাহায্য করতে পারি না। এইবারে তার সুযোগ এসেছে।’ ভদ্রলোক আজ ধূতি পাঞ্জাবির বদলে প্যান্ট শার্ট পরে এসেছেন; বললেন এতে কাজটা অনেক চটপটে হয়। ‘ওভারনাইট কার্ড ছাপিয়ে নিলুম আমার নামে, দেখতে কেমন হয়েছে।’

কার্ড নিয়ে দেখি তাতে ইংরিজিতে লেখা রয়েছে ‘লালমোহন গাঙ্গুলী, রাইটার।’
‘দিব্যি হয়েছে’, আমি বললাম।

দারোয়ানের হাতে একটা কার্ড ম্যানেজারের কাছে পাঠিয়ে দেওয়া হল, তিনি মিনিটের মধ্যে আমাদের ডাক পড়ল।

কেলাসবাবুকে দেখে মনেই হল না আমাদের উনি চিনতে পেরেছেন। বেশ রুক্ষভাবেই বললেন, ‘শুনুন, আমার এখানে এখন বিশেষ গোলমাল। আপনি যদি নতুন নাটক নিয়ে এসে থাকেন তো অন্য সময় হবে। এই কটা দিন বাদ দিন।’

লালমোহনবাবু জিভ কেটে বললেন, ‘নতুন নাটক নয় স্যার; আমি এসেছি প্রদোষ মিত্র প্রাইভেট ইনভেস্টিগেটরের প্রতিভূ হয়ে। উনি অসুস্থ, তাই নিজে আসতে পারলেন না। উনি এর আগে মহীতোষ রায়ের ব্যাপারে একবার আপনার সঙ্গে দেখা করেছিলেন, তখন আমিও এসেছিলাম ওঁর সঙ্গে।’

‘হ্যাঁ—মনে পড়েছে। তা আপনি কী জানতে চাইছেন? খবরের কাগজে যা বেরিয়েছে তার বেশি কিছু বলার নেই।’

‘একটা প্রশ্ন ছিল—নেপালবাবুও কি মহীতোষবাবুর মতো হৃষকি চিঠি পেয়েছিলেন?’

‘পেয়েছিল, তবে সে বিষয় প্রথম কদিন চেপে রেখেছিল। কোনও পাত্র দেয়নি। তারপর তিনিদিন আগে প্রথম আমাকে বলে। চিঠি পাঞ্চিল প্রায় দশদিন থেকে।’

‘সে চিঠি আপনি দেখেছেন?’

‘দু-তিনটে দেখেছি। গোটা গোটা অক্ষরে লেখা। হৃষকি চিঠি যেরকম হয় সেরকমই আরকী। আমি ওকে সাবধানে থাকতে বলি, কিন্তু নেপাল মধ্যে হিরো সাজত বলে নিজেকেও একটা হিরো বলে মনে করত। সে বলে, “এসব হৃষকিতে আমি ঘাবড়াই না”।’

‘তিনি থাকতেন কোথায়?’

‘নকুলেশ্বর ভট্টাচার্য লেনে; সাতাশ নম্বর।’

‘উনি কি বিবাহিত ছিলেন?’

‘হ্যাঁ।’

‘কাগজে লিখেছে উনি ওঁর এক বন্ধুর বাড়ি যাবেন বলে ট্যাক্সি থেকে নেমেছিলেন। এই বন্ধুটি কে আপনি জানেন?’

‘গলিতে বাড়ি বলে যখন বলছে তখন শশধর চাটুজে বলে মনে হয়। সেও অভিনেতা, রূপম থিয়েটারে অভিনয় করে।’

‘অঙ্গরা থিয়েটারে ওঁর কোনও শক্তি ছিল না?’

‘সে আর আমি কী করে বলব বলুন। প্রধান অভিনেতাকে সকলেই ঈর্ষ্যা করে। সে অর্থে শুধু আমাদের থিয়েটারে কেন, অন্য থিয়েটারেও নেপালের শক্তি ছিল। তাকে সরাতে পারলে আমার থিয়েটার কানা হয়ে যাবে এটা অনেকেই জানত।’

‘আপনাদের থিয়েটার কি তা হলে এখন বন্ধ?’

‘আজ প্রফুল্লর লাস্ট শো ছিল—সেটা আর হবে না। আমরা তো নতুন নাটক আলমগীর নামাব বলে তোড়জোড় করছিলাম। নাম ভূমিকায় তো নেপালেরই করার কথা ছিল। এখন অন্য অ্যাকটরকে ট্রাই করা হচ্ছে। একজন নতুন লোক এসেছে।’

‘কেমন?’

‘মন্দ নয় বোধহয়। দাঢ়ি গৌঁফ নিয়ে আলমগীর সাজবার চেহারা নিয়ে চলে এসেছে। তার মেক-আপ লাগবে না।’

এবার আমার একটা কথা মনে পড়ল। বললাম, ‘এখানকার মেন অ্যাকটরদের বাড়ির ঠিকানাগুলো নিয়ে নিন। ফেলুদা হয়তো ওদের কারুর কারুর সঙ্গে কথা বলতে চাইবে।’

‘হ্যাঁ, এটা ঠিক বলেছে, বললেন লালমোহনবাবু।

কৈলাসবাবুকে বলতে আবার ঘষ্টা টিপে ওর সেক্রেটারিকে আনিয়ে আমাদের সব নাম ঠিকানাগুলো আনিয়ে দিলেন।

‘যেই বন্ধুর বাড়িতে সেদিন নেপালবাবু যাচ্ছিলেন, তিনি কোথায় থাকেন বলতে পারেন?’

‘কাগজে দেখেননি? খুনটা হয়েছে মতি মিস্টি লেনে। কাজেই তিনিও সেখানেই থাকতেন।’

আমরা ভদ্রলোককে আর বিরক্ত না করে উঠে পড়লাম। একবার মতি মিস্টি লেনে শশধর চাটুজ্যের বাড়ি যাওয়া দরকার।

৫

মতি মিস্টি লেনে তিনজনের বেশি লোক পাশাপাশি হাঁটতে পারে না। আমরা গাড়ি বড় রাস্তায় দাঁড় করিয়ে গলির দিকে এগোলাম। মোড়ে একটা পান বিড়ির দোকান। মালিককে জিজ্ঞেস করতে বলে দিল শশধর চাটুজ্যে তিন নম্বর বাড়িতে থাকেন।

তিন নম্বরের দরজায় টোকা মারতে একজন ভদ্রলোক দরজাটা খুললেন।

‘কাকে চাই?’

‘আমরা শশধর চাটুজ্যের খোঁজ করছিলাম।’

‘আমিই সেই লোক। আপনাদের প্রয়োজন?’

লালমোহনবাবু একটা কার্ড বার করে দিতে ভদ্রলোকের চোখ জুলজুল করে উঠল।
‘আপনিই কি সেই বিখ্যাত রহস্য রোমাঞ্চ কাহিনীর লেখক?’

লালমোহনবাবু একটু বিনয় করলেন।

‘বিখ্যাত কিনা জানি না, তবে আমিই সেই লোক।’

‘আরে বাবা! আপনার সব বই যে আমার পড়া। তা হঠাতে এ-গরিবের বাড়িতে কী মনে করে?’

‘আমি এসেছি আমার বন্ধু গোয়েন্দা প্রদোষ মিত্রের তরফ থেকে।’

‘তাঁর নামও তো শুনিছি! আপনারা ভেতরে আসুন, ভেতরে আসুন।’

এতক্ষণে ঘরের ভিতর চুকলাম আমরা। একটা তঙ্গপোশেই প্রায় ঘরটা ভরে আছে, তবে তার সঙ্গে দুটো কাঠের চেয়ার রয়েছে।

লালমোহনবাবু চেয়ারে বসে বললেন, ‘আপনার বন্ধুর খুনের ব্যাপারে আমরা তদন্ত করছি। সে সম্বন্ধে আপনি যদি কিছু বলেন।’

‘আমি আর কী বলব। সে আমার বাড়িতে ঢোকার আগেই খুন হয়। পাড়ার একটি ছেলে আমাকে খবর দেয়। বাইশ বছর হল আমাদের বন্ধুত্ব, যদিও রাইভ্যাল থিয়েটারে আমরা অভিনয় করতাম।’

‘ওর কোনও শক্তি ছিল বলে জানেন?’

‘নেপালের শক্তি থাকবে না! সে এত বড় একটা হিরো—অন্য সব অভিনেতার সে ঈর্ষার পাত্র। তার তো শক্তি থাকবেই।’

‘বিশেষ কারুর নাম মনে পড়ছে না?’

‘না। তা পড়ছে না। সেরকম কোনও নাম নেপাল করেনি আমার কাছে। সে কাউকে বিশেষ তোয়াঙ্কা করত না। একটু বেপরোয়া গোছের লোক ছিল। তার পেশায় তার সমকক্ষ খুব কমই ছিল। অন্য বহু থিয়েটার তাকে অনেক টাকার লোভ দেখিয়েছে। কিন্তু অঙ্গরায় তার অভিনয় জীবনের শুরু বলে সে আর কোথাও যায়নি।’

‘তিনি যে ভূমকি চিঠি পাচ্ছিলেন সে কথা আপনাকে বলেছিলেন?’

‘বলেছিল বইকী, কিন্তু সে পাতাই দেয়নি। এক নাম করা জ্যোতিষী তাকে বলেছিল সে বিরাশি বছর বাঁচবে। সেটা সে বিশ্বাস করত। বলত ওই বয়স অবধি সে অভিনয় চালিয়ে যাবে, আর মঞ্চের উপর শেষ নিশাস ত্যাগ করবে।’

শশধরবাবু একটা দীর্ঘাস ফেললেন।

‘এর বেশি আমার আর কিছু বলার নেই, জানেন। আর আমার মন মেজাজও ভাল নেই। আপনারা বরং আসুন।’

আমরা উঠে পড়লাম।

এক সকালের পক্ষে অনেক কাজ হয়েছে মনে করে আমরা বাড়ির দিকেই রওনা দিলাম। ফেলুদাকে সব রিপোর্ট করতে হবে।

ফেলুদা সব শুনেটুনে লালমোহনবাবুর খুব তারিফ করল। বলল, ‘আপনি তো একেবারে পেশাদারি গোয়েন্দার মতো কাজ করেছেন। যেটা বাকি রাইল সেটা হচ্ছে অঙ্গরা থিয়েটারের অন্য প্রধান অভিনেতাদের জেরা করা। বিশেষ করে টপ অভিনেতা—যাদের সঙ্গে নেপাল লাহিটীর হাদ্যতাও ছিল, রেষারেষিও ছিল।’

‘তোমার পা কী বলে?’ আমি জিজ্ঞেস করলাম।

‘খ্যানও নট নড়ন-চড়ন। আরও দুদিন অস্তত লাগবে সারতে। ভাল কথা অভিনেতাদের সঙ্গে যখন কথা বলবেন তখন নতুনটিকেও বাদ দেবেন না।’

‘না না, তা তো নয়ই।’

লালমোহনবাবু ফেলুদার কাজটা করে খুব খোশমেজাজে ছিলেন। বললেন, ‘এ এক নতুন অভিজ্ঞতা হল। আসলে আপনার কাজটা যত কঠিন বলে মনে হয় তত কঠিন নয়।’

‘কঠিন কেবল রহস্যোদ্ধারণ।’

‘তা বটে, তা বটে। সেটা এখনও পারব না নিশ্চয়ই। আর সেরকম দাবিও করছি না। তবে একটা কথা বলতে পারি—আজ ওখানে আমাকে দেখলে আপনি চিনতেই পারতেন না।’

‘বটে?’

‘সেট পারসেট।’

‘ওখানে কি মহড়া চলছে?’

আমি বললাম, ‘চলছে বোধহয়। কয়েকদিনের মধ্যেই তো আলমগীর শুরু হবে।’

‘তা হলে ম্যানেজারকে টেলিফোন করে কোন সময় গেলে সকলের সঙ্গে দেখা হবে আর কথা বলা যাবে সেটা জেনে নিবি।’

‘ভেরি গুড়।’

‘পুলিশ দেখলি?’

‘কই না তো।’

‘আছে নিশ্চয়ই। কাগজে তো লিখেছে তারা তদন্ত চালাচ্ছে। একবার ইনস্পেক্টর ভৌমিককে ফোন করব। তার আভারেই কেসটা পড়বে বলে মনে হচ্ছে।’

ইনস্পেক্টর ভৌমিকের সঙ্গে কথা বলে ফেলুদা জানল যে পুলিশ একটা গুগুর দলকে সন্দেহ করছে। নেপালবাবুর নাকি একটা সোনার ঘড়ি ছিল সেটা খুনের পর পাওয়া যায়নি। খুবই দামি ঘড়ি, এবং সেটাই হয়তো খুনের কারণ হতে পারে। ফেলুদা বলল, ‘তা হলে থিয়েটারের সঙ্গে এ-খুনের কোনও সম্পর্ক নেই বলছেন।’ তাতে ভৌমিক বললেন ওর তাই ধারণা। একটা গুগুর



দল কিছুদিন থেকেই নাকি ওই আঞ্চলে উৎপাত করছে। তারা প্রায় সকলেই দাগি আসামি। ছুরিটা নেপালবাবুর গায়েই বিধে ছিল, কিন্তু তাতে কোনও আঙুলের ছাপ পাওয়া যায়নি। সব শেষে ভৌমিক বললেন, তিনি আশা করছেন দিন তিনেকের মধ্যেই কেসটার নিষ্পত্তি হয়ে যাবে। ‘এবার আর আপনাকে কোনও ভূমিকা নিতে হবে না’, বললেন ভদ্রলোক।

ফেলুদা টেলিফোনটা রেখে বলল, ‘ম্যানেজারকে ওই ফোনটা করে নে। অভিনেতাদের একবার জেরা করা দরকার।’

আমি তখনই অঙ্গরা থিয়েটারে ফোন করলাম। বার তিনেক ডায়াল করবার পর লাইন পেলাম। ম্যানেজার বললেন, ‘পুলিশ এক দফা জেরা করে গেছে সকলকে। তবে আপনারা যদি আবার করতে চান তা হলে বিষুদ্ধবার সকাল সাড়ে দশটায় আসুন। সেদিন এগারোটায়

রিহার্সাল আছে; আপনাদের আধ ঘণ্টায় কাজ শেষ করতে হবে।'

আমি ফেনটা নামিয়ে রাখার পর ফেলুন বলল, টপ তিনজন আর ওই নতুন অ্যাকটরাটিকে জেরা করলেই হবে।'

বিশ্বদ্বাৰ সাড়ে দশটার পাঁচ মিনিট আগোই আমরা পৌঁছে গেলাম অঙ্গৰা থিয়েটারে। ফেলুনকে দেখে এসেছি তার আজও পায়ে ব্যথা রয়েছে। লালমোহনবাবু আজ আরও স্মার্ট; তার হাঁটা চলা এবং কথা বলার ঢংই বদলে গেছে।

আমরা প্রথমে ম্যানেজারের সঙ্গে দেখা করে বললাম যে আমরা তিনজন টপ অভিনেতা আর নতুন অভিনেতাটিকে প্ৰশ্ন করতে চাই।

'তা হলে ধৰণীকে দিয়ে শুরু কৰুন। ধৰণী সান্যাল। সে এখনের সিনিয়ারমোস্ট আর্টিস্ট; ছাৰিষ বছৰ হল কাজ কৰছে।'

আমাদের জেৱাৰ জন্য ম্যানেজারের পাশের ঘৰটা খালি কৰে দেওয়া হল। ঘৰে একটা সোফা আৰ তিনটো চেয়াৰ রয়েছে।

একজন বছৰ পঞ্চাশের ভদ্রলোক এসে চুকলেন। সিংহেৱ কেশৱেৰ মতো চুল—তার বেশিৰ ভাগই সাদা—চুলুলু চোখ, গায়েৱ রং মাৰাবি।

'আমাৰ নাম ধৰণী সান্যাল,' বললেন ভদ্রলোক, 'আপনাৰা গোয়েন্দা ?'

'আজ্ঞে হাঁ,' সোজাসুজি বললেন লালমোহনবাবু। 'আমাৰ নেপাল লাহিড়ীৰ ব্যাপাৰে তদন্ত কৰছি।'

'নেপাল হৰ্মকি চিঠি পাচ্ছিল,' বললেন ধৰণীবাবু। 'তাকে বললুম সাৰধান হতে, সে কথা কানেই তুললে না। এৰ মধ্যে গেছে মতি মিত্রি লেনে। আৱে বাবা, বন্ধুৰ সঙ্গে কদিন না হয় নাই দেখা কৰলৈ। আমি তো ওকে পুলিশে খৰ দিতে বলেছিলাম, কিন্তু ও গা-ই কৰেনি। ঠিক এৱকম হয়েছিল আমাদেৱ আৱেক অভিনেতাৰ—মহীতোষ রায়। অবিশ্যি মহীতোষেৰ মৃত্যু থিয়েটারেৰ পক্ষে তত বড় লম নয়।'

'নেপালবাবুৰ কোনও শক্তি ছিল বলে জানেন ?'

'থিয়েটারেৰ টপ পোজিশনে বসে থাকলে তার শক্তি থাকবেই। মানুষেৰ ছয় বিপুৱ মধ্যে একটি হল মাৎস্য। নেপালেৱ শক্তি থাকবে না ? তবে যদি জিজেস কৰেন কোন শক্তি এই কুকুৰি কৰেছে, বা শক্তি ছাড়া অন্য কেউ কৰেছে কিনা, তা বলতে পাৱে না।'

'আপনাৰ বাড়িতে তাঁৰ যাতায়াত ছিল ?'

'আজ্ঞে না। এমনিই থিয়েটারে হপ্তায় তিন দিন দেখা হচ্ছে, তার উপৱ সে আমাৰ এমন বন্ধু ছিল না যে অন্যদিনও দেখা কৰিব।'

'যে দিন খুন হয় সেদিন সম্প্রাবেলো আপনি কী কৰছিলেন ?'

'কালিকিঙ্কৰ ঘোৱেৰ বাড়ি কেতুন শুনছিলুম। ইচ্ছে কৰলে যাচাই কৰে নিতে পাৱেন।'

'ঠিক আছে; আপনাকে আৱ কোনও প্ৰশ্ন কৰাৰ নেই।'

এবাৱ এলেন দীপেন বোস। বছৰ পঁয়তালিশ বয়স, মাথা ভৰ্তি কোঁকড়া চুল, ঠাঁটেৱ কোশে একটা সিগারেট, দাড়ি-গৌঁফ নেই।

ভদ্রলোক প্ৰথমেই বললেন, 'আমি আৱ নেপাল প্ৰায় এক সঙ্গেই অঙ্গৰা থিয়েটারে জয়েন কৰি। সে ছিল জাত অভিনেতা। আমাৰও অ্যাস্ট্ৰিশন ছিল, কিন্তু দেখলাম নেপালেৱ সঙ্গে পেৱে উঠব না।'

'তাতে আপনাৰ মনে ইৰ্ষা জাগেনি ?'

'তা জেগেছে বইকী। বিলক্ষণ জেগেছে। অনেকদিন মনে মনে ভেবেছি—এই লোকটা আমাৰ পথে কঁটা হয়ে রয়েছে—এটাকে সৱানো যায় না ?'



‘এই চিন্তাকে কার্যে পরিণত করার ইচ্ছা হয়নি কোনওদিন?’

‘পাগল! আমরা ছাপোষা লোক। আমাদের দিয়ে কি খুনখারাপি হয়? নাটক করি, তাই নানারকম নাটকীয় চিন্তা মাথায় আসে—ব্যাস, ওই পর্যন্ত।’

‘যেদিন খুনটা হয় সেদিন সন্ধ্যাবেলা আপনি কী করছিলেন?’

‘ব্যাঙ্কোপ দেখছিলাম। তবে প্রমাণ দিতে পারব না। টিকিটের অর্ধাংশ আমি কখনও রাখি না।’

‘কী ছবি দেখিলেন?’

‘মনের মানুষ।’

‘কেমন লাগল?’

‘থার্ড ক্লাস।’

‘ঠিক আছে, আপনি আসতে পারেন।’

তৃতীয় অভিনেতার নাম ভুজঙ্গ রায়। এর বয়স পঞ্চাশের উপর, চোখা নাক, চোখ কোটেরে বসা, গাল তোবড়ানো, মাথার চুল পাতল। হয়ে এসেছে।

‘আপনার সঙ্গে নেপালবাবুর সঙ্গা ছিল?’

‘এই থিয়েটারে নেপালই ছিল আমার সবচেয়ে বড় বন্ধু।’

‘তাঁর মৃত্যু সম্বন্ধে আপনার কিছু বলার আছে?’

‘এর চেয়ে বড় ট্র্যাজেডি থিয়েটার-মহলে অনেকদিন হয়নি। নেপাল ছিল আশ্চর্য অভিনেতা। আমার সঙ্গে কোনওদিন ক্ল্যাশ হয়নি, কারণ ও করত নায়কের রোল আর আমি করতুম ক্যারেক্টার পার্ট।’

‘উনি হুমকি চিঠি পাওছিলেন সেটা আপনাকে বলেছিলেন?’

‘প্রথম দিনই। আমি ওকে ওয়ার্নিং দিই—এসব চিঠি উড়িয়ে দিয়ো না, আর বিশেষ করে মতি মিস্টি লেনে কিছুদিন যাওয়া বন্ধ করো। ও পাড়াটা নটোরিয়াস। কে কার কথা শোনে? নেপালের বিশ্বাস ছিল তার আয়ু বিরাশি বছর—সেটা কেউ খণ্ডাতে পারবে না।’

‘তা হলে আপনার ধারণা শুণার হাতেই তাঁর মৃত্যু হয়?’

‘তাই তো মনে হয়, কারণ তার দামি ঘড়িটাও তো পাওয়া যায়নি। সোনার ওমেগা ঘড়ি, দাম ছিল সাত হাজার টাকা।’

ভুজঙ্গবাবুকে ছেড়ে দিলাম। উনি আমাদের ধন্যবাদ দিয়ে চলে গেলেন।

এবার এলেন নতুন অভিনেতা, নাম সুধেন্দু চক্ৰবৰ্তী। প্রথম দেখে একটু হকচকিয়ে যেতে হয়, কারণ মোগলাই দাঢ়ি আর গৌঁফ দেখে মনে হয় উনি মেক-আপ নিয়ে রয়েছেন। বললেন, অস্তরা থিয়েটারে আলমগীর হচ্ছে শুনেই তিনি দাঢ়ি রাখতে আরম্ভ করেন। আগে শুধু গৌঁফ ছিল।

‘আপনি এর আগে কোথায় অভিনয় করতেন?’ লালমোহনবাবু প্রশ্ন করলেন।

‘কোথাও না। দু-একটা আপিস ক্লাবে করেছি। আমার প্লাইটডের ব্যবসা ছিল। তবে অভিনয় আমার নেশা। আর কিছু না করার থাকলে আমি নাটকের বই খুলে পার্ট মুখ্য করে আয়নার সামনে দাঁড়িয়ে অভিনয় করতাম। এখন অবশ্য তার আর দরকার হবে না।’

‘আগনি কি আলমগীরে পার্ট পেয়ে গেছেন?’

‘সে বিষয়ে সন্দেহ নেই, তবে কোন পার্ট সেটা এখনও হিঁর হয়নি। মেন পার্টও হতে পারে।’

‘আপনি থাকেন কোথায়?’

‘অ্যামহাস্ট রো।’

‘ব্যবসা কি এখন ছেড়ে দেবেন?’

‘হাঁ। আকচিংই আমার ধ্যান ছিল; সুযোগ পাইনি বলে ব্যবসা চালাচ্ছিলাম।’

ফেলুদাকে যাতে ঠিকভাবে রিপোর্ট দিতে পারি তাই আমি কথোপকথনটা টেপ রেকর্ডেরে রেকর্ড করে নিচ্ছিলাম। বুবতে পারছিলাম লালমোহনবাবু প্রশ়ঙ্গলো করছিলেন নিজেকে ফেলুদা হিসেবে কল্পনা করেই। এটা আমাদের কাছে একেবারে নতুন অভিজ্ঞতা।

সুখেন্দুবাবুকে আর একটাই প্রশ্ন করার ছিল।

‘আপনার সঙ্গে নেপালবাবুর আলাপ হয়েছিল?’

‘সামান্যই। তবে ওঁর অভিনয় আমি আগে অনেক দেখেছি। খুব ভাল লাগত।’

৭

ফেলুদা খুব মন দিয়ে আমাদের রিপোর্ট শুনল। তারপর বলল, ‘আমার অ্যাবসেলে তো তোরা বেশ চালিয়ে নিতে পারছিস।’

লালমোহনবাবু বললেন, ‘প্রশ্ন করাটাতে খুব একটা বুদ্ধি লাগে না, আসল কথা হচ্ছে উত্তরগুলো থেকে কী বোঝা গেল। আমি তো মশাই এখনও যেই তিমিরে সেই তিমিরে। আর গুণা যদি মেরে থাকে লাহিড়ীকে তাহলে তো পুলিশ তার কিনারা করবেই।’

‘গুণারা হমকি চিঠি দিয়ে খুন করে না।’

‘তা বটে। তা আপনার কি মনে হয় নেপাল লাহিড়ী আর মহীতোষ রায়কে একজন লোকই খুন করেছে?’

‘একজন বা একই দল। সেটাই তো স্বাভাবিক।’

‘কিন্তু মোটিভটা—?’

‘ধরন যদি অন্য থিয়েটারের লোক খুন্টা করে থাকে, সেখানে তো স্পষ্ট মোটিভ রয়েছে। অঙ্গরা থিয়েটারে এখন টপ দুজন অভিনেতাই চলে গেল। ওদের আবার মাথা তুলে দাঁড়াতে কি কম সময় লাগবে?’

ফেলুদার পায়ে এখনও বেশ ব্যথা। বোধ হয় এক্স-রে করাতে হবে। ব্যান্ডেজ-বাঁধা পা কফি টেবিলের উপর তুলে ও সোফায় হেলান দিয়ে বসেছিল। বলল, ‘তোরা তো অনেক কাজ করলি, এবার আমায় একটু নিরিবিলি কাজ করতে দে।’

‘কী কাজ করবে তুমি?’

‘চিন্তা করব। একটা আলোর আভাস দেখতে পাচ্ছি অন্ধকারের মধ্যে। সেইটে আরও উজ্জ্বল হওয়া দরকার।’

লালমোহনবাবু বললেন, ‘আপনি ভাবুন; আমি আপনাকে কোনওরকম ডিস্টাৰ্ব না করে এক কাপ চা খাব। তপেশ ভাই, ভেতরে একটু বলে দিয়ে এসো না।’

ফেলুদা দেখলাম ভুকুটি করে চোখ বুজে ফেলেছে। শেষটায় কি ও ঘরে বসেই রহস্যের সমাধান করে ফেলবে নাকি?

কিছুক্ষণ চূপ থেকে ও একটা প্রশ্ন করল।

‘এইসব অভিনেতাদের সঙ্গে যে কথা বললি, এদের কারণ মধ্যে কোনও বাতিক লক্ষ করলি?’

আমি বললাম, ‘ভুজঙ্গ রায় নস্যি নেন; ধরণী সান্যাল বিড়ি খান আর সুখেন্দু চক্রবর্তী মশলা খান।’

‘গুড়।’

আবার কিছুক্ষণ নিষ্ঠদ্বন্দ্ব। ইতিমধ্যে শ্রীনাথ লালমোহনবাবুকে চা এনে দিয়েছে, ভদ্রলোক



বেশ তপ্পিসহকারে পান করছেন। আমি একটা পত্রিকার পাতা উলটে যেতে লাগলাম। ফেলুদার কাছে নানারকম পত্রিকা আসে, তার বেশির ভাগই অবিশ্য ওয়েস্ট পেপার বাস্কেটে চলে যায়।
মিনিট পাঁচেক নিষ্ঠুরতার পর ফেলুদার দিকে ঢেয়ে দেখি ও চোখ খুলেছে, আর সেই চোখ জ্বলজ্বল করছে।

‘লালমোহনবাবু’, চাপা স্বরে বলল ফেলুদা।

‘আজ্ঞে?’

‘এই যে সুধেন্দু চক্রবর্তী—ইনি কি মাঝারি হাইটের ভদ্রলোক?’

‘হ্যাঁ।’

‘ফরসা রং?’

‘হ্যাঁ।’

‘বছর চলিশ-পঁয়তালিশ বয়স?’



‘হ্যাঁ—কিন্তু আপনি এঁকে চেনেন নাকি?’

‘শুধু আমি নয়, আপনারাও চেনেন।’

‘বলেন কী?’

‘এবার বোধহয় ঘরে বসেই রহস্যোদ্ঘাটন হয়ে গেল।’

‘অ্যাঁ!’

‘দাঁড়ান, আগে ইন্সপেক্টর ভৌমিককে একটা ফোন করিব।’

আমি ফেলুদার হয়ে নম্বরটা ডায়াল করে ফোনটা ওর দিকে এগিয়ে দিলাম। ফেলুদা বলল, ‘কে, হরিদাসবাবু? আমি প্রদোষে মিত্র কথা বলছি।—শুনুন, ওই অঙ্গরা থিয়েটারের মামলাটা—আমার মনে হয় গুণ্ডাদের পিছনে সময় নষ্ট না করাই ভাল, কারণ আমি জেনে গেছি কে খুন্টা করেছে। আমি তো চলৎশক্তিরহিত। কাজেই আপনাকেই আসতে হবে আমার কাছে। আমি নাইনটি নাইন পার্সেন্ট সিওর...ঘটা খানেকের মধ্যে এলেই হবে।’

ফেলুদা ফোন রেখে দিল। আমরা ওর মুখের দিকে চেয়ে রয়েছি।

‘খুব জানতে ইচ্ছে করছে, তাই না? ঠিক আছে। তোদের আর সাসপেন্স রাখব না। ব্যাপারটা জলের মতো সোজা, অথচ জিলিপির মতো প্যাঁচালো। একটা কথা বলতেই হবে—হ্যাটস অফ টু দ্য মার্জিনার। আশৰ্য্য ফন্ডি এঁটেছিল। ফেলু মিত্রের পর্যন্ত ধোঁকা লেগে গিয়েছিল। আসলে এটা শ্রেফ দ্বৰ্য্যার ব্যাপার। নেপাল লাহিড়ীকে সরিয়ে প্রধান অভিনেতার স্থান দখল করার চেষ্টা; তার জন্যেই খুন।’

‘কিন্তু মহীতোষ রায়?’

‘তিনি খুন হননি।’

‘আর্য়!’

‘না। তিনি এমনভাবে ঘটনাটাকে সাজিয়েছিলেন—হমকি চিঠি থেকে আরম্ভ করে—যাতে মনে হয় তিনি খুন হয়েছেন। আসলে তিনি এখনও জীবিত এবং বহাল তবিয়তে রয়েছেন ছদ্মবেশে এবং নতুন ঠিকানায়। লেকে গিয়েছিলেন তিনি শুধু মশলার কৌটেটা ফেলে আসতে। তারপর গা ঢাকা দিলেই লোকের সন্দেহ হবে যে তিনি খুন হয়েছেন এবং তাঁর মৃতদেহ লেকের জলে ডুবে রয়েছে।’

‘আশ্চর্য মাথা বটে লোকটার।’

‘তারপর তিনি মাসে দাঢ়ি গোঁফ গজিয়ে অঙ্গরা থিয়েটারে আগমন। দাঢ়ি-গোঁফে মানুষের চেহারা একদম বদলে যায়। তাই আপনারা চিনতে পারেননি। অঙ্গরাতে অভিনেতা দরকার—সুতরাং ওঁকে না নেওয়ার কোনও কারণ নেই, বিশেষত যখন সুপুরুষ চেহারা আর কঠস্বর ভাল।’

‘সুবেদু চক্রবর্তী!’

‘ইয়েস স্যার। মশলার অভ্যাস এখনও যায়নি—যদিও আপনাদের সামনে খেয়ে লোকটা কঁচা কাজ করেছে। যাই হোক, তাঁর প্লান একেবারে যোলো আনা সফল হত, যদি না আপনারা আমাকে সাহায্য করতেন। লোকটা একটা পাকা খুন বনে গিয়েছিল শ্রেফ উচ্চাভিলাষের বশে। আংটি চুরিটা অবশ্য শ্রেফ ভাঁওতা। কিন্তু ফেলু মিস্তিরকে তো সে চেনে না। আমার কাছে এসে যে কত বড় ভুল করেছে এবার সে বুঝতে পারবে।’

ফেলুদা যে ব্যাপারটা ঠিকই ধরেছিল সেটা অবিশ্য পরদিনই ইনস্পেক্টর ভৌমিকের টেলিফোনে জানা গেল।

লালমোহনবাবু আমাকে আলাদা পেয়ে বললেন, ‘তোমার দাদার সঙ্গে আমাদের তফাতটা কোথায় সেটা হাড়ে হাড়ে টের পেয়েছি।’

‘কোথায় তফাত?’

লালমোহনবাবু তাঁর টাকের উপর ডান হাতের তর্জনীর ডগা দিয়ে টোকা মেরে বললেন—‘মাথায়।’

শকুন্তলার কঠহার

১

শেষ পর্যন্ত লালমোহনবাবুর কথাই রইল। ভদ্রলোক অনেকদিন থেকে বলছেন, ‘মশাই, সেই সোনার কেল্লার অ্যাডভেঞ্চার থেকে আমি আপনাদের সঙ্গে রইচি, কিন্তু তার আগে লখনৌ আর গ্যাংটকে আপনাদের যে দুটো অ্যাডভেঞ্চার হয়ে গেছে তখন তো আর আমি ছিলাম না। কাজেই সে দুটো জায়গাও আমার দেখা হয়নি। বিশেষ করে লখনৌ-এর মতো একটা ঐতিহাসিক শহর। আপনারা তো গেছেন সেই-কবে, চলুন না এবার পুজোয় আরেকবার যাওয়া যাক।’

ফেলুদার লখনৌ ভীষণ ভাল লাগে জানি, আর সেই সঙ্গে আমারও। আইডিয়াটা মন্দ
৪৬৪

না। প্রথমবার যখন যাই, আর আমাদের বাদশাহী আংটির অ্যাডভেঞ্চারটা হয়, তখন আমি খুব ছেট। এখন গেলে লখনৌ আরও ভাল লাগবে সেটা আমি জানি।

ফেলুদা বলল, ‘আমারও লখনৌ-এর কথা হলেই মনটা চনমন করে ওঠে। আর অত সুন্দর শহর ভারতবর্ষে কমই আছে। শহরের মাঝখান দিয়ে নদী বয়ে গেছে এ রকম কটা জায়গা পাবেন আপনি? বিজের একদিকে শহরের অর্ধেক, বাকি অর্ধেক অন্য দিকে। তা ছাড়া নবাবি আমলের গন্ডটা এখনও যায়নি। চারিদিকে তাদের কীর্তির চিহ্ন ছড়ানো। তার উপর সেপাই বিদ্রোহের চিহ্ন। নাঃ—আপনার কথাই শিরোধার্য। কদিন থেকে ভাবছি কোথায় যাওয়া যায় এবার পুজোয়। লখনৌই চলুন।’

ফেলুদা আজকাল ভাল রোজগার করে। প্রাইভেট গোয়েন্দাদের মধ্যে ওর নামডাকই সবচেয়ে বেশি। মাসে অস্তত সাত-আটটা কেস আসে, আর প্রতি তদন্তের জন্য দু হাজার করে পায়। অবিশ্যি রোজগারের দিক দিয়ে লালমোহনবাবুকে টেক্কা দেওয়া মুশকিল। একবার বলেছিলেন ওঁর বইয়ের থেকে বার্ষিক আয় নাকি প্রায় তিন লাখ টাকা। তার উপরে নতুন নতুন বই প্রতি বছরই বেরোচ্ছে।

আমরা আর দ্বিধা না করে লখনৌ যাবার ব্যবস্থা করে ফেললাম। দুন এক্সপ্রেসে তিনটি প্রথম শ্রেণীর টিকিট—রাত নটায় বেরোনো, পরদিন সক্ষ্য সাড়ে ছাঁটায় পৌঁছানো। সেই সঙ্গে অবিশ্যি হোটেল বুকিংও টেলিগ্রাম করে ফেলা হল। ফেলুদা বলল, ‘যাবই যখন তখন আরামে থাকব, নইলে ক্লাস্টি যাবে না।’

‘কোন হোটেলে উঠবেন?’ জিজ্ঞেস করলেন জটায়ু।

‘হোটেল ক্লার্কস-আওয়াধ।’

‘আওয়াধ? আওয়াধ ব্যাপারটা কী?’

‘আওয়াধ হল অযোধ্যার উর্দু নাম।’

‘লখনৌ বুঝি অযোধ্যায়?’

‘সেটাও জানেন না? লখনৌ নামটাও এসেছে লক্ষণ থেকে।’

‘রামের ভাই লক্ষণ?’

‘ইয়েস স্যার। আওয়াধ হল লখনৌ-এর সেরা হোটেল। একেবারে গুম্ফতীর উপরে। হোটেলের পাশ দিয়ে নদী বয়ে গেছে।’

‘বাঃ—আইডিয়াল। আওয়াধ অন দি গুম্ফতী! ঠাণ্ডা কেমন হবে?’

‘সক্ষের জন্য একটা পুলোভার নিয়ে নেবেন। অথবা আপনার গরম জহর কোট। আপনি সাহেব সাজবেন না বাঙালি সাজবেন তার উপর নির্ভর করছে।’

‘দুটোই নেব।’

‘ভেরি গুড়।’

‘ওখানে তো বাঙালি অনেক?’

‘বিস্তর। ছ-সাত পুরুষ থেকে লখনৌতে প্রবাসী এমন বাঙালি আছে। বেঙ্গলি ক্লাব আছে—সেখানে পুজো হয়। বলা যায় না—আপনার অনুরাগী পাঠকও সেখানে কিছু পেয়ে যেতে পারেন।’

‘তা হলে আমার লেটেস্ট বই “সাংঘাইয়ে সংঘাত” কয়েক কপি সঙ্গে নিলে বোধহয় মন্দ হয় না।’

‘কয়েক কপি কেন—এক ডজন নিয়ে নিন।’

ঐ অস্টোবার শনিবার আমরা বেরিয়ে পড়লাম। স্টেশনে প্রচুর ভিড়। রিজার্ভেশন ক্লার্ক দেখলাম ফেলুদাকে দেখে চিনলেন—বললেন, ‘চলুন স্যার, আপনাদের বোগি দেখিয়ে

দিচ্ছি। একটা ফোর্থ-বার্থ কম্পার্টমেন্টে তিনটে বার্থ—এই তো? এই যে আপনাদের বোগি। তিনি নম্বর কামরা আপনাদের জায়গা—একটা লোয়ার, দুটো আপার বার্থ।'

আমরা গিয়ে আমাদের জায়গা দখল করলাম। বাড়ি থেকে তাড়াতাড়ি ডিনার খেয়ে এসেছি, তাই ট্রেনে খাবার ঝামেলা নেই। একটা লোয়ার বার্থে আরেকজন ভদ্রলোক বসে আছেন, বছর পঞ্চাশ বয়স, মাঝারি হাইট, ঠোঁটের উপর একটা সরু গেঁফ। আমাদের দেখে একটু সরে বসে পাশে জায়গা করে দিলেন। ফেলুদা সেখানে বসল, আমরা দুজন উলটো দিকের বার্থে। দশ দিন থাকব আমরা লখন্নো। মালপত্র বেশি নিইনি; আমার আর ফেলুদার জিনিস একটা বড় সুটকেসে আর লালমোহনবাবুর জিনিস তাঁর বিখ্যাত লাল জাপানি সুটকেসে। বলেন ওটা নাকি ওঁর পাড়ার এক ধনী ব্যবসাদার বন্ধু হ্যাফিকেশ চৌধুরী জাপান থেকে স্পেশালি লালমোহনবাবুর জন্য এনে দিয়েছেন।

আমাদের সহযাত্রীটি বাঙালি কি না সে বিষয় একটু সন্দেহ ছিল। সেটা দূর হল ভদ্রলোক যখন নিজে আলাপ করলেন।

‘আপনারা কদূর যাবেন?’ জিজ্ঞেস করলেন ভদ্রলোক।

‘লখন্নো’, বললেন লালমোহনবাবু। ‘আপনি?’

‘আমিও লখন্নো যাচ্ছি। ওখানেই থাকি। আমরা তিনি পুরুষ ধরে ওখানেই আছি। আপনারা কি বেড়াতে যাচ্ছেন?’

‘আজ্জে হ্যাঁ’, বললেন লালমোহনবাবু।

এবার ফেলুদা বলল, ‘আপনার সুটকেসে দেখছি তিনটি ইংরিজি হরফ লেখা রয়েছে—এইচ. জে. বি। এরকম অঙ্গুত ইনিশিয়ালস তো বড় একটা দেখা যায় না। আপনার নামটা জিজ্ঞেস করলে আশা করি আপনি বিরক্ত হবেন না।’

‘মোটেই না। আমার নাম জয়স্ত বিশ্বাস। এইচ-টা হল হেস্টের। আমি ক্রিশ্চান। আমাদের পরিবারের সকলেরই একটা করে ক্রিশ্চান নাম আছে।’

‘ধন্যবাদ’, বলল ফেলুদা। ‘আপনার নামটা যখন বললেন তখন আমাদের নামও বলা সমীচীন। আমি প্রদোষ মিত্র, এটি আমার খুড়তুতো ভাই তপেশ, আর ইনি আমাদের বন্ধু লালমোহন গাঙ্গুলী।’

ভদ্রলোক বললেন, ‘আমার শাশুড়ির নাম হয়তো আপনারা শুনে থাকবেন। উনি সাইলেন্ট-যুগে ফিল্মে অ্যাকটিং করতেন। খুব পপুলার ছিলেন।’

‘কী নাম বলুন তো?’ জিজ্ঞেস করলেন লালমোহনবাবু।

‘শকুন্তলা দেবী।’

‘আরেবাস’, বললেন লালমোহনবাবু, ‘তিনি তো যাকে বলে তখনকার দিনে একজন বিখ্যাত স্টার! আমার এক প্রতিশেশী আছেন, নরেশ বোস—এখন বয়স হয়েছে, তবে যুবা বয়সে তিনি ফিল্মের পোকা ছিলেন। তাঁর কাছে বাঁধানো “বায়োক্ষোপ” পত্রিকা দেখেছি। তাতে শকুন্তলা দেবীর বিস্তর ছবি রয়েছে। তাঁর সম্মেলনে লেখাও রয়েছে অনেক। তিনি বোধহয় বাঙালি ছিলেন না।’

‘না। অ্যাংলো ইন্ডিয়ান বলতে পারেন। আসল নাম ছিল ভার্জিনিয়া রেন্ড্স। তাঁর বাবা টমাস রেন্ড্স ছিলেন আর্মিতে। তিনি লখন্নোতেই পোস্টেড ছিলেন। চোস্ট উর্দু বলতে পারতেন। তিনি একজন মুসলমান বাস্তিজিকে বিয়ে করেন। তাঁরই মেয়ে হলেন ভার্জিনিয়া।’

‘হাইলি ইন্টারেস্টিং’, বললেন লালমোহনবাবু। ‘কিন্তু তিনি তো বোধহয় টকিতে অভিনয় করেননি।’

‘না। এদেশে টকি আসার আগেই তিনি বিয়ে করে ফেলেন একজন বাঙালি ক্রিশ্চানকে। তারপর প্রথম সন্তান হবার পরই শকুন্তলা দেবী ছবির কাজ থেকে অবসর গ্রহণ করেন। তাঁর প্রথম দুটি সন্তান ছিল মেয়ে, তৃতীয়টি ছেলে। আমি দ্বিতীয় মেয়েকে বিয়ে করি ১৯৬০-এ। আমার বড় শালি বিয়ে করেন একটি গোয়ানকে। আমার ছোট শালা বিয়ে করেননি।’

এতদিন লখনৌতে থাকবার জন্যই বোধহয় ভদ্রলোকের বাংলায় একটা পশ্চিমা টান এসে গেছে। যদিও ভাষায় কোনও গওগোল নেই।

এবার ফেলুদা একটা প্রশ্ন করল।

‘কোনও এক মহারাজা শকুন্তলা দেবীকে একটা মূল্যবান উপহার দিয়েছিলেন, তাই না?’

‘আপনি ঠিকই বলেছেন,’ বললেন জয়ন্তবাবু। ‘মাইসোরের মহারাজা। শকুন্তলার অভিনয়ে মুঞ্চ হয়ে তিনি তাঁকে একটি বহুমুল্য কর্তৃতার উপহার দেন। তখনকার দিনেই দাম ছিল লাখ খানেকের মতো। কিন্তু এটা আপনি কী করে জানলেন? যদূর মনে হয় শকুন্তলা অভিনয় করতেন আপনার জন্মের আগে।’

‘তা তো বটেই, বলল ফেলুদা। ‘কিন্তু বছর পনেরো আগে আমি খবরের কাগজে একটা খবর পড়ি। এই হার চুরি হয়েছিল, তারপর পুলিশ সেটা উদ্ধার করে।’

‘ঠিক কথা। তখনও শকুন্তলা দেবী বেঁচে। তিনি মারা গেছেন তিন বছর আগে আটাত্তর বছর বয়সে। মারা যাবার পরেও এই হারটার কথা কাগজে বেরিয়েছিল।’ কিন্তু আপনার সেই পনেরো বছর আগের খবরের কথা মনে আছে—আপনার মেমরি তো খুব শার্প দেখছি।’

‘ক্রাইমের খবর আমি বহুদিন থেকেই খুব উৎসাহ নিয়ে পড়ি। আর পড়লে আমার মনেও থাকে। আসল কথাটা আপনাকে বলেই ফেলি। আমার পেশাটিও হচ্ছে ক্রাইমের সঙ্গে জড়িত।’

ফেলুদা পকেট থেকে তার একটা কার্ড বার করে জয়ন্তবাবুর হাতে দিল। ভদ্রলোকের চোখ কপালে উঠে গেল।

‘প্রাইভেট ইনভেস্টিগেটর! তাই বলুন। আপনার নামটা চেনা চেনা লাগছিল। আপনার তো একটা ডাকনামও আছে।’

‘হাঁ। ফেলু।’

‘ফেলু। ইয়েস—ফেলুদা। আমার মেয়ে আপনার বিশেষ ভক্ত। আপনার সব অ্যাডভেঞ্চার কাহিনী তার পড়া। বাংলা সে এমনিতে একেবারেই পড়ে না, কিন্তু আপনার বইগুলো পড়ে। যাক, আপনার সঙ্গে আলাপ হয়ে খুব ভাল লাগল।’

এবার ফেলুদা লালমোহনবাবুর পরিচয়টাও দিয়ে দিল। বলল, ‘এঁর নাম লখনৌ অবধি পোঁছেছে কি না জানি না, তবে হনি বাল্লার একজন বিশেষ জনপ্রিয় খ্রিলার রাইটার। জটায়ু ছদ্মনামে এঁর উপন্যাস বেরোয়।’

‘বাঃ দুজন বিখ্যাত লোকের সঙ্গে ট্রেনের কামরায় আলাপ হয়ে গেল এ তো আশ্চর্য ব্যাপার। লখনৌতে আপনারা উঠছেন কোথায়?’

‘ক্রার্কস-আওয়াধ।’

‘আমি থাকি নদীর ওদিকে—বাদশাবাগে। আমি আপনার সঙ্গে যোগাযোগ করব। একদিন আমাদের বাড়িতে খেতে আসতে হবে আপনাদের। আমার স্ত্রী খুব ভাল মোগলাই রান্না রাঁধেন। তা ছাড়া আমার মেয়ে তো ফেলুদাকে দেখে খিল্ড হয়ে যাবে। আপনাদের তিনজনেরই আসা চাই কিন্তু।’



‘নিশ্চয়ই, নিশ্চয়ই’, বলল ফেলুনা। ‘আর সেই সঙ্গে আশা করি বিখ্যাত কঠহারটাও একবার দেখা যাবে।’

‘সে তো খুব সহজ ব্যাপার। কারণ হারটা আমার কাছেই আছে। অর্থাৎ আমার স্ত্রীর কাছে।’

‘কেন? ছোট মেয়ের কাছে কেন? বড় মেয়ের কাছে নয় কেন?’

‘কারণ ভার্জিনিয়ার তাঁর ছোট মেয়ের উপর বেশি টান ছিল। আর অনেক গুণ ছিল এই ছোট মেয়ের—অর্থাৎ আমার স্ত্রী সুনীলা। অবিশ্য সে সব গুণের সম্মতির সে করেনি। বিয়ের পর পুরো গৃহিণী বনে গিয়েছিল। বিয়ে না করলে হয়তো ফিল্মে চাঞ্চ নিত, কারণ তার অভিনয় দক্ষতা ছিল যথেষ্ট।’

‘আগন্তুর স্ত্রীর নাম সুনীলা বললেন। ওঁনার কোনও ক্রিশ্চান নাম নেই?’

‘হাঁ। ওর পুরো নাম প্যামেলা সুনীলা।’

রাত্রে দশটার মধ্যেই ঘুমিয়ে পড়ে সকালে সাড়ে ছটায় উঠে মুখ-টুখ ধূয়ে বক্সারে ব্রেকফাস্ট খেলাম। মোগলসরাই আসবে পৌনে নটায়। লাক্ষ খাব প্রতাপগড়ে সাড়ে বারোটার সময়।

জয়স্তবাবু দেখলাম খুব সকালেই ওঠেন। ব্রেকফাস্ট খেয়ে বললেন, ‘কাছেই কুপেতে আমার এক চেনা ভদ্রলোক রয়েছেন, তাঁর সঙ্গে একবার দেখা করে আসি।’

লালমোহনবাবুও স্নানটান করে দাঢ়ি কামিয়ে একেবারে ফিটফট। উনি ‘বিক’ রেজার দিয়ে দাঢ়ি কামান। এগুলো বার তিন-চার ব্যবহার করে ফেলে দিতে হয়। কলকাতায় পাওয়া যায় না। লালমোহনবাবুর এক বক্তু কাঠমাণু থেকে ওঁর জন্য চার প্যাকেট অর্থাৎ কুড়িটা এনে দিয়েছেন। বললেন, ‘ভারী আরামে শেভ করা যায় মশাই।’

ফেলুদা বলল, ‘দু মাস পরে তো আবার দিশি রেডে ফিরে যেতে হবে।’

ভদ্রলোক একগাল হেসে বললেন, ‘নো স্যার। দাঢ়ি কামানোর ব্যাপারে আমি একটু লাঞ্চারি পছন্দ করি। আমি নিউ মার্কেট থেকে উইলকিনসন রেড কিনি।’

‘সে তো অনেক দাম।’

‘সংসার করিনি, টাকা কার জন্যে জয়াব বলুন তো ? তাই নিজের পেছনেই খরচ করি।’

‘আমাদের পেছনেও কম খরচ হয় না আপনার। আপনার গাড়ি আমরা প্রায়ই ব্যবহার করি।’

‘মশাই, তিনজনের একজন মাস্কেটিয়ারের গাড়ি আর দুজন চড়বে না—এ কেউ শুনেছে কথনও?’

ফেলুদা একটা চারমিনার ধরিয়ে বাইরের প্যাসেজে পায়চারি করতে গেল। মিনিট পাঁচেক পরে ফিরে এসে বলল, ‘এক নম্বর কুপেতে জয়স্তবাবু তাঁর আলাপীর সঙ্গে দিব্য গঁপ্পে মেতে আছেন। ইংরিজিতে কথা হচ্ছে অর্থাৎ ভদ্রলোক অবাঞ্চলি। দেখে আংলো ইন্ডিয়ান বলে মনে হল, যদিও রং আমাদেরই মতো।’

‘কী কথা হচ্ছে শুনতে পেলেন নাকি ?’ জিজ্ঞেস করলেন জটায়ু।

‘আলাপী বললেন, “আই গিভ ইউ জাস্ট থ্রি ডেজ।” এর বেশি আর কিছু শুনিনি।’

‘কথাটা কি হমকি বলে মনে হল ?’

‘ট্রেনের শব্দের জন্য গলা তুলতে হয় বলে সব কথাই হমকির মতো শোনায়।’

একটু পরেই জয়স্তবাবু তাঁর আলাপীকে সঙ্গে নিয়ে আমাদের কামরায় এসে ফেলুদাকে বললেন, ‘আপনার সঙ্গে আলাপ করিয়ে দিই। দিস ইজ মিঃ সুকিয়াস—এ ওয়েলনোন বিজনেসম্যান অফ লাক্নাউ। তা ছাড়া আর্টের সমবাদারও বটে।’

সুকিয়াস ইংরিজিতে বললেন, ‘আশা করি আমাদের আবার লখনৌতে দেখা হবে। মিঃ বিসওয়াস আমার অনেকদিনের পুরনো বক্তু।’

সুকিয়াস চলে গেলেন। জয়স্তবাবু তাঁর বার্থের আধখানা দখল করে বসলেন। বাকি আধখানায় যথারীতি ফেলুদা বসেছে।

ফেলুদা জয়স্তবাবুকে উদ্দেশ করে বলল, ‘আপনার শাশুড়ির আসল নাম বলছিলেন ভার্জিনিয়া রেনেন্স। এই রেনেন্স পরিবার কবে থেকে আছে ভারতবর্ষে ?’

জয়স্তবাবু বললেন, ‘ভার্জিনিয়ার ঠাকুরদাদা জন রেনেন্স ভারতবর্ষে আসেন ১৮২৭ খ্রিস্টাব্দে। তখন তাঁর বয়স উনিশ। তিনি বেঙ্গল রেজিমেন্টে যোগ দেন। ১৮৫৭-র স্পেই বিদ্রোহের সময় তিনি লখনৌতে পোস্টেড ছিলেন। যুদ্ধে যথেষ্ট বীরত্বের পরিচয়



শৈক্ষণিক

দিয়ে একেবারে শেষদিকে সেপাইদের কামানের গোলায় প্রাণ দেন। তাঁর ছেলে টমাসও বেঙ্গল রেজিমেন্টে ছিলেন। তিনি উর্দু শিখে একদম ভারতীয় বনে গিয়েছিলেন। রাজাৱ হালে থাকতেন। নিজেৰ বাড়িতে রেগুলাৱ বাস্টিনচেৰ আয়োজন কৰতেন। ফৰসিতে তামাক খেতেন, পান খেতেন, আতৰ মাখতেন। এমনকী মাৰে মাৰে দিশি পোশাকও পৰতেন। অবশ্যে তিনি ফৰিদা বেগম নামে এক কথক নাচিয়েকে ভালবেসে ফেলে তাকে বিয়ে কৰেন। বাড়িতে মূলসমান কেতা চালু ছিল। লোকে টমাসকে বলত “টমাস বাহাদুর”। টমাসেৰ প্ৰথমে দুটি ছেলে হয়, নাম এডওয়ার্ড আৱ চাৰ্লস। এৱাও ছেলেবেলা থেকেই উর্দু বলত। এৱা কেউই আৰ্মিতে যোগ দেয়নি। এডওয়ার্ড উকিল হয়, আৱ চাৰ্লস আসামেৰ চা-বাগানে ম্যানেজাৰি কৰতে চলে যায়। সে আৱ লখনৌতে ফেৱেনি। টমাসেৰ তৃতীয় সন্তান অবশ্য ছিল ভাৰ্জিনিয়া। উনি ছেলেবেলা থেকেই উর্দু আৱ ইংৰিজি একসঙ্গে শিখেছিলেন। গায়েৰ রংটা ছিল সাহেবেৰ মতো ফৰসা, কিন্তু চুল আৱ চোখ ছিল কালো। তাই যখন ছবিতে দিশি চাৰিত্ৰে অভিনয় কৰতেন, তাঁকে বেমানান লাগত না।

‘আগেই বলেছি ভাৰ্জিনিয়া একজন বাঙালি ক্ৰিশ্চানকে বিয়ে কৰেন। এঁৰ নাম ছিল
৮৭০

পার্সিভ্যাল মতিলাল ব্যানার্জি। আসলে ইনি ছিলেন শকুন্তলার ছবির প্রোডিউসর। ইনিই আমার শাশুড়িকে ছবিতে নামান। স্ত্রীর ছবি থেকে উনি অনেক টাকা করেন। সত্ত্ব বলতে কী, ভার্জিনিয়ার বাবা টমাস নবাবি করে শেষ জীবনে বেশ অর্থকষ্ট ভোগ করেন। তখন ভার্জিনিয়া তাঁর ফিল্মের রোজগার থেকে বাবাকে সাহায্য করেন।

‘পার্সিভ্যাল আর ভার্জিনিয়ার তিনটি সন্তান জন্মায়। বড় এবং মেজো হল মেয়ে, ছেটাটি ছেলে। বড়টির নাম মার্গারেট সুশীলা। ইনি যে একজন গোয়ার অধিবাসীকে বিয়ে করেন সে কথা আগেই বলেছি। এর নাম স্যামুয়েল সাল্ডান্হা। এনার একটি বাদ্যযন্ত্রের দোকান রয়েছে।

‘দ্বিতীয়া মেয়ে প্যামেলা সুনীলাকে আমি বিয়ে করি ১৯৬০-এ। আমার ইমপোর্ট-এক্সপোর্টের ব্যবসা আছে। আমার মেয়ের কথা তো আগেই বলেছি। এ ছাড়া আমার একটি ছেলেও আছে। তার নাম ভিট্টের প্রমেনজিৎ। মেয়েটির নাম মেরি শীলা। ছেলেটিকে আমার আপিসে দেৱাতে চেয়েছিলাম, কিন্তু সে রাজি হয়নি। সে নিজের পথে নিজের মজিমতে চলে। শীলা দুবছর হল ইংজিবেলো থোবার্ন কলেজ থেকে বি এ পাশ করেছে। ভাল অভিনয় করতে পারে—বাংলা ইংরিজি দুইই। তবে ওর আসল ইন্টারেস্ট হল জানালিজমে। দু-একটা ইংরিজি লেখা কাগজে বেরিয়েছে—বেশ ভাল লেখা।’

ভদ্রলোক ফেলুদাকে একটা সিগারেট অফার করে নিজে একটা ধরালেন। লালমোহনবাবু যে সিগারেট খান না সেটা উনি জানেন।

ফেলুদা বলল, ‘অস্তুত ইতিহাস।’

‘হাইলি রোম্যাটিক’, বললেন লালমোহনবাবু।

‘শকুন্তলা দেবীর কষ্ঠহারটা কি আপনার স্তৰী কখনও পরেছেন?’ ফেলুদা প্রশ্ন করল।

‘দু-একটা পার্টিতে পরেছেন। তবে সচরাচর ওটা সিন্দুকেই তোলা থাকে। দেখলে বুঝবেন জিনিসটার কী মহিমা।’

‘আমি তো না দেখে থাকতে পারছি না’, বললেন লালমোহনবাবু।

‘আর দিন চারেক ধৈর্য ধরুন’, বললেন জয়স্তবাবু।

৩

আমরা তিন দিন হল লখনৌতে এসেছি। প্রথমবারের কথা বার বার মনে পড়ছে। সেই বাদশাহী আংটি, মিঃ শ্রীবাস্তব, বনবিহারীবাবুর আশৰ্চ চিড়িয়াখানা, হরিদার, আর লহুমনবুলার পথে আমাদের অ্যাডভেঞ্চারের শিহরন-জাগানো ক্লাইম্যাকস।

সেবার অবিশ্যি আমরা হোটেলে থাকিনি। খুব সন্তুষ্ট কর্মসূল হোটেল তখনও তৈরিই হয়নি। হোটেলটা সভিয়ে ভাল। আমরা পাশাপাশি একটা ডাবল আর একটা সিঙ্গল রুমে আছি। দু ঘরের জানালা দিয়েই গুম্তী নদী দেখা যায়। নদীর ওপারে পশ্চিমে যখন সূর্য অস্ত যায়, সে দৃশ্য দেখবার মতো। হোটেলের খাওয়াও দুর্দণ্ড ভাল। আমরা অনেক জায়গায় অনেক হোটেলে থেকেছি, কিন্তু এত ভাল খাওয়া কোনও হোটেলে থাইনি।

এই তিন দিনে লালমোহনবাবু লখনৌ-এর প্রায় বেশির ভাগ দ্রষ্টব্যই দেখে নিয়েছেন। আমরা প্রথম গেলাম বড়া ইমামবড়ায়। এর থাম-ছাড়া বিশাল হলঘর দেখে এবারও মাথা ঘুরে গেল। লালমোহনবাবুর মুখ হাঁ হয়ে গেছে, কথা বেরোছে না, শুধু একবার বললেন, ‘বাবো নওয়াবস অফ লখনৌ।’

তারপর ভুলভুলাইয়া দেখে ভদ্রলোকের ভির্মি খাবার জোগাড়। এই গোলোকধাঁধায়

নবাবরা তাঁদের বেগমদের সঙ্গে লুকোচুরি খেলতেন শুনে ওঁর চোখ ছানাবড়া হয়ে গেল।

আরও চমক এল রেসিডেন্সিতে। ‘এ যে ইতিহাস চোখের সামনে ভেসে উঠছে মশাই। গোলাগুলির শব্দ পাছি, বারুদের গন্ধ পাছি। সেপাইদের এত এলেম ছিল যে এরকম একটা বিল্ডিংকে একেবারে ঝাঁঘরা করে দিয়েছিল?’

চতুর্থ দিনে সকালে একটু বাজারে গিয়েছিলাম এখানকার বিখ্যাত মিষ্টি ভুনা পেঁড়া কিনতে, হোটেলে ফিরে এসে দেখি ঘরে ছাপানো নেমস্টন চিঠি রয়েছে। পাঠিয়েছেন হেষ্টের জয়ন্ত বিশ্বাস। আগামী শুক্রবার, অর্থাৎ পরশু, তাঁদের বিয়ের রৌপ্য জয়ন্তী উপলক্ষে মিঃ অ্যান্ড মিসেস বিশ্বাস আমাদের ডিনারে ডেকেছেন। নেমস্টন চিঠির সঙ্গে একটা আলাদা কাগজে রাস্তার প্ল্যান আর কোনখানে বাড়ি সেটা ছাপা রয়েছে। বাড়িটা যে নদীর ওদিকে সেটা ভদ্রলোক আগেই বলেছিলেন। প্ল্যান দেখে বাড়ি খুঁজে বার করায় কোনওই অসুবিধা হবার কথা নয়।

বিকেলবেলা জয়ন্তবাবু নিজে ফোন করলেন। ফোনের পর ফেলুদাকে জিজ্ঞেস করাতে বলল ভদ্রলোক বলে দিলেন যেন আমরা অবশ্যই যাই। ওখানে অনেকের সঙ্গে আলাপ হবে, তা ছাড়া শুকুম্বলার হারটাও দেখা যাবে। ফেলুদা আরও বলল যে ভদ্রলোক বলে দিয়েছেন যে একেবারে ইন্ফরম্যাল ব্যাপার, কোনও বিশেষ পোশাক পরবার দরকার নেই।

‘এইটৈই আমার ভয় ছিল’, বলল ফেলুদা। ‘নেমস্টনে আপন্তি নেই, কিন্তু তার জন্য যদি সাহেব কিংবা বাবু সাজতে হয় তা হলেই গোলমাল।’

আমাদের হাতে একদিন সময় ছিল, তার মধ্যে ছোটা ইমামবড়া, ছওর মঞ্জিল আর চিড়িয়াখানা দেখে নিলাম। খাঁচার বাইরে বাথ সিংহ দেখে লালমোহনবাবু ভয়ানক ইমপ্রেস্ড। বললেন কলকাতাতে এরকম হওয়া উচিত।

শুক্রবার একটা ট্যাঙ্কি নিয়ে আমরা পৌনে আটকায় বেরিয়ে পড়লাম। প্ল্যান দেখে বাড়ি বার করতে কোনও অসুবিধা হল না। একতলা ছড়ানো বাড়ি, সামনে বেশ বড় ফুলের বাগান। তার মধ্য দিয়ে নুড়ি ঢালা পথ চলে গেছে বাড়ির দরজা পর্যন্ত। আমরা দরজায় বেল টিপলাম, কয়েক সেকেন্ডের মধ্যেই একজন উর্দি পরা বেয়ারা এসে দরজা খুলে দিল। বাড়ির ভিতর থেকে লোকজনের গলার শব্দ পাচ্ছিলাম, বেয়ারা ভিতরে গিয়ে বলতেই জয়ন্তবাবু চটপট বেরিয়ে এসে আমাদের দিকে এগিয়ে এলেন।

‘আসুন, আসুন, মিঃ মিত্র, আই অ্যাম সো প্ল্যান্ড ইউ হ্যাভ কাম।’

আমরা তিনজন জয়ন্তবাবুর পিছন পিছন বৈঠকখানায় গিয়ে চুকলাম। দেখলাম পাঁচ-সাত জনের বেশ লোক নেই। হ্যাতো পরে আরও আসবে।

এর পর আলাপ পর্ব। প্রথমে জয়ন্তবাবুর স্তী। দেখে বুঝলাম মহিলা এককালে সুন্দরী ছিলেন। তারপর তাঁর দুই ছেলেমেয়ে। মেয়েটি—নাম মেরি শীলা দেখতে সুন্দরী। চোখে মুখে বুদ্ধির ছাপ; ছেলেটির একেবারে পার্ক স্ট্রিট মার্ক চেহারা—দাড়ি, গোঁফ, ঝাঁকড়া ঝাঁকড়া চুল, তাতে চিরন্তন পড়েন। এরই নাম ভিট্টের প্রসেনজিং। তারপর জয়ন্তবাবু বললেন, ‘মিঃ অ্যান্ড মিসেস সাল্ডান্হা।’ অর্থাৎ জয়ন্তবাবুর বড় শালি এবং তাঁর স্বামী। ভদ্রমহিলা মোটা হয়ে গেছেন, ভদ্রলোক আবার তেমনই ঝোগা, দাড়ি গোঁফ কামানো, ঘাটের কাছাকাছি বয়স। এই সাল্ডান্হারই বাজনার দোকান আছে—ইনি গোয়ার অধিবাসী। আপাতত এই কজনই রয়েছেন ঘরে।

ঘরটা বেশ বড়, আর সবচেয়ে অশ্রু লাগল দেখে যে ঘরের একদিকে একটা সিনেমা ক্রিন টাঙ্গানো রয়েছে আর অন্যদিকে রয়েছে একটা প্রোজেক্টর। জয়ন্তবাবুকে জিজ্ঞেস করাতে বললেন ওঁদের কাছে শুকুম্বলা দেবীর শেষ ছবির একটা প্রিন্ট আছে, সেটা একটা

রিল নাকি ডিনারের আগে দেখানো হবে। এই ছবিতে নাকি শকুন্তলা দেবী তাঁর বিখ্যাত হারটা পরেছিলেন। গল্পটা কপালকুণ্ডলা, আর শকুন্তলা দেবী সেজেছিলেন লুতফ-উর্রিসা। আমার তো শুনেই মনটা চনমন করে উঠল।

ফেলুদা প্রাইভেট ডিটেকটিভ শুনে সকলের মধ্যে একটা চাঞ্চল্য পড়ে গিয়েছিল। মেরি শীলা এসে বলল, ‘আমি আপনার একজন ভীষণ অ্যাডমায়ারার। দুঃখের বিষয় আমার কোনও অটোগ্রাফ থাতা নেই। আমি আজকালের মধ্যেই একটা থাতা কিনে নিয়ে আপনার হোটেলে গিয়ে সই নিয়ে আসব।’

বাংলার মধ্যে অনেকগুলো ইংরিজি কথা ব্যবহার করছিল শীলা। সেটা এখানে প্রায় সকলের মধ্যেই লক্ষ করছিলাম।

বেয়ারা পানীয় পরিবেশন করছিল। আমরা তো মদ খাই না, তাই তিনজনে তিন গেলাস ফলের সরবত নিয়ে মাঝে মাঝে চুমুক দিচ্ছিলাম। স্যামুয়েল সাল্ডানহা আমাদের দিকে এগিয়ে এসে বললেন, ‘হজরতগঞ্জে আমাদের মিউজিক শপ। একদিন দোকানে এলে আমি খুব খুশ হব।’

‘আপনার দোকানে দিশ যন্ত্রও বিক্রি হয়?’ ফেলুদা জিজ্ঞেস করল।

‘আমরা এখন সেতারও রাখছি,’ বললেন ভদ্রলোক।

এবার একজন ভদ্রলোক এলেন তাঁকে দেখেই বুবালাম তিনি জয়ন্তবাবুর শালা, কারণ তাঁর চেহারার সঙ্গে সুশীলা দেবীর খুব সাদৃশ্য। ইনি প্রায় সাহেবের মতোই দেখতে, কারণ এঁর চুল আর চোখও কটা।

ইনি একটা ছাইস্কির গেলাস তুলে নিয়ে আমাদের দিকে এগিয়ে এসে বললেন, ‘আমার নাম রতনলাল ব্যানার্জি। আমি জয়ন্তুর বাদার-ইন-ল। আপনাদের পরিচয়...?’

এই সময় জয়ন্তবাবু এগিয়ে এসে আমাদের পরিচয় দিয়ে দিলেন।

‘প্রাইভেট ডিটেকটিভ?’ রতনলাল ভুরু কপালে তুলে জিজ্ঞেস করলেন। ‘আপনি কি কোনও কেসের ব্যাপারে লখ্যনোতে এসেছেন?’

ফেলুদা হেসে বলে, ‘না, শ্রেফ ছুটি।’

এই সময় একজন ভদ্রলোক ঘরে এসে চুকলেন বাড়ির ভিতর থেকে। বৃদ্ধই বলা চলে। সন্তুষ্য বাটের উপর বয়স নিশ্চয়ই। বুবালাম তিনিও এই বাড়িতেই থাকেন। ভদ্রলোকের চেহারাটা কী রকম যেন অপরিচ্ছন্ন। এই পার্টিতে তাঁকে মানাচ্ছে না। পোশাক অপরিষ্কার, দাঢ়িও অস্তুত দুদিন কামাননি, মাথার চুল লম্বা হয়ে কাঁধ পর্যন্ত নেমেছে।

জয়ন্তবাবু ভদ্রলোকের পিঠে হাত দিয়ে আমাদের দিকে নিয়ে এলেন।

‘আপনাদের সঙ্গে আলাপ করিয়ে দিই, বললেন জয়ন্তবাবু। জানা গেল ইনি হচ্ছেন একজন চিত্রশিল্পী। নাম সুদর্শন সোম। এককালে খুব নাম করা পোর্টেট পেন্টার ছিলেন, শকুন্তলা দেবীর অনেকগুলো ছবি এঁকেছিলেন। এখন রিটায়ার করে জয়ন্তবাবুর বাড়িতেই গেট হয়ে থাকেন। আর্টিস্টকে এই বয়সে রিটায়ার করতে শুনিনি কখনও, তাই একটু অবাক লাগল। এবার লক্ষ করলাম বৈঠকখানার দেয়ালে একটা ছবি—এক মহিলার, বছর চল্পিশেক বয়স—তার তলার কোণের দিকে লেখা এস. সোম। ইনিই কি শকুন্তলা দেবী? বয়স বেশি হলেও চেহারায় বেশ একটা জোলুস রয়েছে। তখন অবিশ্য শকুন্তলা দেবী আর ছবি করেন না। সুদর্শন সোম এবার বেয়ারার ট্রে থেকে একটা ছাইস্কির গেলাস তুলে নিলেন। ভদ্রলোককে দেখে কেন জানি কষ্ট হচ্ছিল।

ঘরের মধ্যে সবচেয়ে বেশি কথা বলছিলেন স্যামুয়েল সাল্ডানহা! ইনি রাজনীতি নিয়ে উচ্চেঁস্বরে তর্ক জুড়ে দিয়েছেন রতনলাল ব্যানার্জির সঙ্গে। সেই তর্কে দেখলাম সুদর্শন

সোমও যোগ দিলেন।

আমি খালি ভাবছিলাম শকুন্তলা দেবীর হারটা কখন দেখা যাবে। দুই গিন্নিকে দেছি অতিথিদের দিকে দৃষ্টি দিয়ে চলেছেন। জয়স্তবাবুর স্ত্রী সুনীলা দেবী ফেলুদাকে এসে বললেন, ‘আপনি অরেঞ্জ ক্ষোয়াশ খাচ্ছেন, ব্যাপার কী—আপনি ড্রিংক করেন না বুঝি?’

ফেলুদা হেসে বলল, ‘না, আমাদের পেশায় মাথাটা সব সময় ঠাণ্ডা রাখাই ভাল।’

‘কিন্তু আমি তো জানতাম প্রাইভেট ডিটেকটিভরা ভীষণ ড্রিংক করে।’

‘সেটা আপনার ধারণা হয়েছে বোধহয় আমেরিকান হ্রাইম উপন্যাস পড়ে।’

‘তাই হবে। আমি ভীষণ গোয়েন্দা কাহিনীর ভক্ত।’

‘ভাল কথা’, ফেলুদা আর না বলে পারল না, ‘আপনার স্বামী বলছিলেন আজ শকুন্তলা দেবীর হারটা একবার আমাদের দেখাবেন।’

‘ও হাঁ—তা তো বটেই—দেখেছেন, আমি একদম ভুলে গেছি। শীলা।’

শীলা তার মা-র দিকে এগিয়ে এল।

‘কী মা?’

‘যাও তো সোনা—তোমার দিদিমার হারটা একবার নিয়ে এসো তো। জানো তো চাবি কোথায় আছে। মিঃ মিত্র একবার দেখতে চাইছেন।’

শীলা তক্ষুনি চলে গেল আদেশ পালন করতে।

‘চাবি বুঝি আপনার কাছে থাকে না?’ জিজ্ঞেস করল ফেলুদা।

‘না। ওটা থাকে আমার ড্রেসিং টেবিলের দেরাজে। হারটা থাকে সিন্দুকে। এ বাড়িতে চুরি হবার কোনও ভয় নেই। আমার চাকরো সব পুরনো। সুলেমান—যে আপনাদের দরজা খুলে দিল—সে আছে আজ ত্রিশ বছর। অন্য চাকরও সব পুরনো আর বিশ্বস্ত।’

তিনি মিনিটের মধ্যে শীলা ফিরে এল—তার হাতে একটা গাঢ় নীল মখমলের বাঞ্ছ। মেয়ের হাত থেকে বাঞ্ছটা নিয়ে নিলেন সুনীলা দেবী। তারপর ‘এই যে’ বলে বাঞ্ছটা খুলে এগিয়ে দিলেন ফেলুদার দিকে।

আমি আর লালমোহনবাবু বাঞ্ছটার দুদিকে দাঁড়ালাম, আর দুজনের মুখ থেকে একই সঙ্গে একটা বিশ্বাসচূক নিখাস টানার শব্দ বেরিয়ে এল।

এমন অপূর্ব গয়না আমি কখনও দেখিনি। নকশাদার সোনার হার। তাতে হিরে থেকে শুরু করে যত রকম মণিমুক্তো হয় সব বসানো।

‘আশৰ্য জিনিস’, বলল ফেলুদা। ‘এরকম হার দুটি হয় না। এটার আজকের দর কত হতে পারে তা আন্দজ আছে আপনার?’

‘তা দুই আড়াই লাখ হবে নিশ্চয়ই।’

‘থাক—এটা আর বেশিক্ষণ বাইরে রাখা ভাল না। নাও, শীলা, এটা আবার রেখে দিয়ে এসো।’

শীলা হারটা নিয়ে চলে গেল।

একটা জিনিস লক্ষ করছিলাম যে জয়স্তবাবুর ছেলে আমাদের দিকে বেশি ঘেঁষছে না। দেখে মনে হল ছেলেটি মিশ্রকে নয়। আর পার্টিটাও যেন সে বিশেষ উপভোগ করছে না। অবিশ্য এই টাইপের এই বয়সী ছেলেরা এরকমই হয়, এটা কলকাতাতেও লক্ষ করেছি। এরা নিজেরা দল ছাড়া কোনও দলের সঙ্গেই মিশতে পারে না।

ড্রিংকসের পর্ব বোধহয় শেষ হল, কারণ এবার একজন ভদ্রলোক এসে এক রোল ফিল্ম নিয়ে প্রোজেক্টরে চাপাতে শুরু করলেন। কিছুক্ষণ পরে ভদ্রলোক বললেন, ‘আমি রেডি আছি।’

জয়ন্তবাবু এবার ঘোষণা করলেন যে শকুন্তলা দেবী অভিনীত কপালকুণ্ডল ছবির একটা রিল দেখানো হবে। ‘সুনেমান, ঘরের বাতিগুলো নিবিয়ে দাও তো।’

ঘর অঙ্ককার হয়ে গেল। তারপর ঘর্ষণ শব্দ তুলে প্রোজেক্টর চলতে শুরু করল। পর্দায় ছবি নড়ে উঠল। সেই আদ্যিকালের ছবি। জয়ন্তবাবু বললেন, ‘এটা ১৯৩০ সালের ছবি। ভারতবর্ষে টকি আসার ঠিক আগে।’

আমি আবাক হয়ে দেখছিলাম শকুন্তলা দেবীকে। দেখলে মেমসাহেব মনে হয় না। চেহারা সত্যি খুবই সুন্দর—আজকের দিনেও পর্দায় এত সুন্দরী বড় একটা দেখা যায় না। কিন্তু সাইলেন্ট ছবির যা দোষত্বটি আর থিয়েটারি অভিনয় সেটাও যে নেই এই কপালকুণ্ডলায় তা নয়। তবুও জানা গেল শকুন্তলা দেবীর পপুলারিটির খানিকটা কারণ। মহারাজা থেকে শুরু করে পানবিড়িওয়ালা পর্যন্ত সকলকেই মুক্ষ করেছিলেন তিনি। সকলেই তাঁর ছবি দেখত আর বাহবা দিত।

দশ মিনিট চলে ছবি বন্ধ হল।

ঘরের বাতি জলে উঠল। সকলে আবার কথাবার্তা শুরু করল।

এই অঙ্ককার অবস্থাতেই যে আরেকজন ঘরে চুকেছে তা টের পাইনি। এঁকে আমরা চিনি। ইনি হলেন মিঃ সুকিয়াস। ইনি ক্ষমা প্রার্থনা করলেন পার্টির দিনে এসে পড়ার জন্য। অর্থাৎ ইনি নিম্নিত্ব হননি—এমনি বোধহয় জয়ন্তবাবুর সঙ্গে দেখা করতে এসেছিলেন।

বেয়ারা এসে খবর দিল পাত পড়েছে—ডিনার ইঞ্জ সার্ভড।

চমৎকার মোগলাই রান্না খেয়ে আমরা যখন হোটেলে ফিরলাম তখন বেজেছে সোয়া এগারোটা। পার্টি যে আরও কিছুক্ষণ চলেছিল তাতে সন্দেহ নেই।

8

পরদিন সকালে ফেলুদা আমার কাঁধ ধরে ঝাঁকুনি দিয়ে আমাকে ঘুম থেকে তুলল। আমি ধড়মড়িয়ে উঠে বসলাম।

‘কী ব্যাপার ফেলুদা?’

ফেলুদার মুখ গত্তীর।

‘জয়ন্তবাবু ফোন করেছিলেন। এক্ষুনি। শকুন্তলা দেবীর কঠহার মিসিং।’

‘সর্বনাশ!’

‘তুই চট করে তৈরি হয়ে নে। আমি লালমোহনবাবুকে খবরটা দিয়ে আসছি। আমাদের ব্রেকফাস্ট খেয়েই যেতে হবে ওখানে। শুধু মিঃ সুকিয়াস ছাড়া আর সকলেই এসেছে ওখানে খবরটা পেয়ে।’

‘পুলিশে খবর দেয়নি?’

‘দিয়েছে, কিন্তু আমাকেও চায়।’

আমরা সাড়ে আটটার মধ্যে জয়ন্তবাবুর বাড়ি পৌঁছে গেলাম। বাড়ির সবাই কেমন যেন পাথরের মতো চুপ। ফেলুদা ক্ষমা চাইল। ‘কাল আমাদের দেখানোর জন্যই হারটা বার করা হয়েছিল। তার সঙ্গে এ চুরির কোনও সম্পর্ক আছে কি না জানি না, কিন্তু আমি নিজে খানিকটা অসোয়ান্তি বোধ করছি বলে কথাটা বললাম।’

পুলিশের লোক আগেই এসে গিয়েছিল। তাদের মধ্যে যিনি কর্তা তিনি ফেলুদার দিকে এগিয়ে হাত বাড়িয়ে বললেন, ‘আমি ইনস্পেক্টর পাণ্ডে। আপনি তো বোধহয় প্রাইভেট

ইনভেস্টিগেটর মিঃ মিটার ?'

'আজ্জে হ্যাঁ,' বলল ফেলুদা।

'আই অ্যাম ফ্যামিলিয়ার উইথ ইয়োর নেম', বললেন পাণ্ডে। 'আপনার কয়েকটা সাংস্কৃতিক ইনভেস্টিগেশনের কথা আমার মনে আছে। তা আপনি তো বোধহয় জেরা করতে চান ?'

'আগে আপনার কাজ শেষ হয়ে যাক,' বলল ফেলুদা। 'তারপর আমার।'

'থ্যাক্ষ ইউ স্যার।'

প্রশ্ন করে জানা গেল যে কাল রাত্রে সবাই চলে যাবার পর বারোটা নাগাদ জয়স্তবাবুর স্ত্রী তাঁর বেডরুমে গিয়ে শুতে যাবার আগে কেন জানি আরেকবার হারটা দেখার ইচ্ছা অনুভব করেন। হয়তো কপালকুণ্ডলা ছবিতে শকুন্তলা দেবীকে হার পরা অবস্থায় দেখেই সে ইচ্ছেটা জাগে। ভদ্রমহিলা নিজেই বললেন, 'এটা একটা ভ্যানিটির ব্যাপার। আমার মা-র গলায় হারটা এত সুন্দর মানাত ; সেটা দেখেই আমার মনে একটা ইচ্ছে হল হারটা একবার পরে





আয়নায় নিজের চেহারাটা দেখি। মেয়েরা শুতে যাবার আগে বেশ খানিকটা সময় ড্রেসিং টেবিলের আয়নার সামনে কাটায়। সেই সময়ই দেরাজ থেকে চাবিটা বার করে সিন্দুক খুলে দেখি হারটা নেই। আমি তৎক্ষণাত্মে আমার মেয়েকে ডাকি। মেয়ে জোর দিয়ে বলে যে সে সিন্দুকেই রেখে ছিল হারটা। সেখানে ছাড়া আর কোথায়ই বা রাখবে? সিন্দুকেই তো চিরকাল থেকেছে হারটা।'

'আপনারা ভাল করে খুঁজে দেখেছেন হারটা?' পাণ্ডে জিজ্ঞেস করল।

'কোথায় আর খুঁজব বলুন,' বললেন সুনীলা দেবী, 'ওটা যে কেউ সিন্দুক থেকে বার করে নিয়েছে তাতে তো কোনও সন্দেহ নেই!'

'আপনাদের বাড়িতে কাল পার্টি ছিল, তাই না?' পাণ্ডে প্রশ্ন করলেন।

'হ্যাঁ, বললেন জয়স্তবাবু।

'কটা থেকে কটা পর্যন্ত?'

'আটটা থেকে পৌনে বারোটা।'

'মিসেস বিশ্বাস, আপনি কি পার্টির পরেই আপনার ঘরে চলে যান?

'হ্যাঁ।'

'আর তার কতক্ষণ পরে আবিক্ষার করেন যে হারটা নেই?'

'মিনিট পনেরো।'

'এর মধ্যে আপনি ঘর ছেড়ে কোথাও বেরোননি?'

'না।'

'অর্থাৎ হারটা চুরি হয়েছে ডিউরিং দ্য পার্টি?'

'তাই তো মনে হয়,' বললেন জয়স্তবাবু। 'এখানে একটা কথা বলি—পার্টির মধ্যে হারটাকে আমার মেয়ে একবার সিন্দুক থেকে এই ঘরে আনে—মিঃ মিত্রকে দেখানোর জন্য।'

'তার পরেই—তখনই কি আপনার মেয়ে হারটাকে আবার সিন্দুকে তুলে দেয়?'

'হ্যাঁ, বলল মেরি শীলা। 'আমি এক মুহূর্ত দেরি করিনি।'

'এখানে একটা জরুরি কথা বলা দরকার,' বললেন জয়স্তবাবু। 'হারটা তুলে রাখার কিছু পরেই এ ঘরে একটা দশ মিনিটের ফিল্ম দেখানো হয়।'

'তার জন্য তখন বাতি নেবানো হয়েছিল?'

'হ্যাঁ।'

'এ বাড়িতে চাকর কজন?'

'তিনজন। একজন রান্না করে। আর দুজন বেয়ারা।'

'কতদিনের লোক এরা?'

'কেউই পনেরো বছরের কম না। এরা অত্যন্ত বিশ্বাসী। সুলেমান তো আমার শ্বশুরের আমল থেকে আছে।'

'তা হলে একটাই সিদ্ধান্তে পৌঁছানো যাচ্ছে,' বললেন পাণ্ডে। 'জিনিসটা শুনতে খারাপ লাগবে, কিন্তু আমাকে বলতেই হবে। এই বাড়ির লোক সমেত এই পার্টিতে যাঁরা ছিলেন, তাঁদেরই একজন হারটা নিয়েছেন।'

আমারও সেই কথাই মনে হচ্ছিল, আর আমার মনে হয় ফেলুদা আর লালমোহনবাবুরও তাই।

পাণ্ডে এবার ফেলুদার দিকে ফিরলেন।

'মিঃ মিটার, আপনার সঙ্গে যে দুজন এসেছেন, তাঁদের পরিচয় পেতে পারি কি?'



‘নিশ্চয়ই’, বলল ফেলুদা। ‘ইনি আমার কাজিন তপেশ মিত্র, আর ইনি আমার বন্ধু—বিখ্যাত লেখক লালমোহন গঙ্গুলী।’

‘এই লেখকটিকে আপনি কতদিন হল চেনেন?’

‘বছর পাঁচ-ছয়।’

আমি লালমোহনবাবুর দিকে দেখছিলাম। ভদ্রলোক ফ্যাকাশে হয়ে গেছেন। আমি ওঁকে কষ্টহার চোর হিসেবে কল্পনা করলাম। এই সংকটের অবস্থাতেও আমার হাসি পেয়ে গেল।

এরার পাণ্ডে অন্য প্রশ্নে গেলেন।

‘এখানে যাঁরা রয়েছেন তাঁদের মধ্যে কজন এ বাড়িতে থাকেন?’

জয়ন্তবাবু বললেন, ‘আমি, আমার স্ত্রী, আমার দুই ছেলেমেয়ে এবং আর্টিস্ট মিঃ সোম।’
মিঃ সোম আজও দাঢ়ি কামাননি। তাই তাঁকে আরও অপরিচ্ছন্ন দেখাচ্ছে।

‘আর সকলেই বাইরের লোক?’ পাণ্ডে প্রশ্ন করলেন।

‘হ্যাঁ। মিঃ সাল্ডান্হা থাকেন ক্লাইভ রোডে। উনি আমার ব্রাদার-ইন-ল। ওঁর স্ত্রী

আমার স্ত্রীর বড় বোন।’

‘আরেকজনকে দেখছি’ রতনলালের দিকে দৃষ্টি দিয়ে বললেন মিঃ পাণ্ডে।

‘উনি রতনলাল ব্যানার্জি—আমার স্ত্রীর ছেট ভাই।’

‘এ ছাড়া আর কেউ ছিল?’

‘একজন ছিলেন। লাটুশ রোডের মিঃ সুকিয়াস। উনি অবশ্য নিমন্ত্রিতদের মধ্যে ছিলেন না, এমনিই এসে পড়েন। তিনি এসেছিলেন যখন ফিল্মটা দেখানো হচ্ছে তার মাঝখানে। আলো জ্বালার পরে আমি তাঁকে দেখি।’

‘এই সুকিয়াসের প্রোফেশন কী?’

‘হি ইজ এ কালেক্টর অফ আর্ট অবজেক্টস। তা ছাড়া তেজারতির কারবার আছে।’

‘ইনি কি এই হারটা সম্বন্ধে কোনওদিন ইন্টারেন্স দেখিয়েছিলেন?’

‘উনি ওটা কিনতে চেয়েছিলেন আমরা বিক্রি করিনি।’

‘আই সি।’

ইন্স্পেক্টর পাণ্ডে একটুক্ষণ গভীর থেকে বললেন, ‘এটা তো বোঝাই যাচ্ছে যে কাল এখানে যাঁরা ছিলেন তাঁদেরই মধ্যে একজন হারটা নিয়েছেন। এখন কথা হচ্ছে, সেই হারটা কোথায়।’

জয়স্তবাবু গলা খাঁকরে নিয়ে বললেন, ‘আপনি যদি সার্চ করতে চান তা হলে করতে পারেন। এমনকী ব্যক্তিগত খানাতল্লাশিতেও আপনার সম্পূর্ণ স্বাধীনতা আছে।’

পাণ্ডে বললেন, ‘তা তো করতেই হবে। সার্চ থেকে মহিলারও বাদ পড়বেন না। এবং তার জন্য আমি মেয়ে পুলিশের বন্দোবস্ত করছি। তা ছাড়া বাড়িটাও ভাল করে সার্চ করা দরকার।’

সার্টের ব্যাপারে দেখলাম কেউই আপত্তি করলেন না। খালি সাল্ডান্হা বললেন, ‘আমার দোকান খুলতে হবে দশটার সময়। তার মধ্যে আমার সার্টটা হয়ে গেলে ভাল।’

ফেলুদা এতক্ষণ চুপ করে সব শুনছিল। এবার বলল, ‘এখানে সার্চ চলুক। আমি তা হলে এখন আসি। যদি হারটা পাওয়া যায় তা হলে আশা করি জয়স্তবাবু আমাকে ফোন করে জানিয়ে দেবেন। না হলে আমি ও বেলা আবার আসব।’

আমরা তিনজনে হোটেলে ফিরে এলাম। লালমোহনবাবুও আমাদের সঙ্গে আমাদের ঘরেই এলেন। ভদ্রলোক চুকেই বললেন, ‘এ নিয়ে কবার হল বলুন তো, যে আমরা বেড়াতে গিয়ে কেসে জড়িয়ে পড়েছি? এ জিনিস টেলিপ্যাথি ছাড়া হয় না।’

ফেলুদা বলল, ‘দেখি আপনার স্মরণশক্তি কতদূর। তোপ্সেকে তো এর আগে অনেকবার পরীক্ষা করেছি, আপনাকে কখনও করা হয়নি।’

‘ভেরি ওয়েল স্যার, আই অ্যাম রেডি, বললেন জটায়ু।

‘আগে শকুন্তলা দেবীর ফ্যামিলি সম্বন্ধে জিজ্ঞাসা করি।’

‘করুন।’

‘ভদ্রমহিলার তিন সন্তানের নাম বলুন তো।’

‘বড় মেয়ে সুশীলা—’

‘তার আগে একটা ক্রিশ্চান নাম আছে।’

‘ও হ্যাঁ—ক্রিশ্চান নাম...ক্রিশ্চান নাম...’

‘তোপ্সে বলতে পারিস?’

আমার মনে ছিল। বললাম, ‘মার্গারেট।’

‘ভেরি গুড। তার পরের মেয়ে, অর্থাৎ জয়স্তবাবুর স্ত্রী? এই প্রশ্নটা কিন্ত

লালমোহনবাবুকে করছি।’

লালমোহনবাবু এটা ভোলেননি। বললেন, ‘প্যামেলা সুনীলা।’

‘গুড়। তাঁর পরের ভাই?’

‘ইয়ে—রতনলাল। অ্যালবার্ট রতনলাল।’

‘এবার সুশীলা দেবীর স্বামীর নাম?’

‘স্যামুয়েল সাল্ডান্হা।’

‘ভেরি গুড়। সুনীলা দেবীর ছেলেমেয়ে?’

‘মেয়ে শীলা—মেরি শীলা। আর ছেলে প্রসেনজিং। ক্রিশ্চান নাম ভুলে গেছি।’

‘ভিট্টের। আর কে ছিলেন কাল পার্টিতে?’

‘সেই আর্টিস্ট ভদ্রলোক। নামটা মনে পড়ছে না।’

‘তোপ্সে?’

‘সোম। সুদর্শন সোম।’

‘গুড়।’

‘কিছু মাইন্ড করবেন না মশাই’, লালমোহনবাবু বললেন, ‘ভদ্রলোককে কিন্তু আমার ভাল লাগল না।’

‘কেন?’

‘কীরকম পাগলাটে চেহারা। দাঢ়ি কামাননি।’

‘আর্টিস্টরা সব সময় সমাজের নিয়মকানুন মেনে চলে না।’

‘তা হতে পারে। মোট কথা, উনি আর আরেকজন আমার কাছে এই চুরির ব্যাপারে প্রাইম সাসপেন্স।’

‘আরেকজন কে?’

‘জয়স্তবাবুর ছেলে প্রসেনজিং। একেবারে কলকাতার পার্ক স্ট্রিটের বাড়িভুলেদের মতো চেহারা। অবশ্য মদ তো দেখলাম খায় না ছেলেটি।’

‘খেলেও হয়তো বাপের সামনে খায় না।’

‘এনিওয়ে, পার্টিতে কিন্তু আরেকজন ছিলেন।’

‘মিঃ সুকিয়াস তো?’

‘হ্যাঁ। এঁর কিন্তু হারটার উপর লোভ ছিল।’

‘যে কোনও আর্ট কালেষ্টেরেই থাকবে। সেটা কিছুই আশ্চর্য না। আর্ট কালেষ্টের হলে কিনতে চাইবে। আর অভিবী লোক হলে হাতাতে চাইবে। এঁদের আর্থিক অবস্থা সবক্ষে আমরা কোনও কিছুই জানি না। কাজেই এখন অঙ্ককারে হাতড়ে লাভ নেই। বিকেলে জয়স্তবাবু ফোন করবেন, তার আগে পর্যন্ত আমরা ফ্রি। চলুন, আপনাকে কাঠজার-বাগটা দেখিয়ে আনি।’

‘ভেরি গুড় আইডিয়া’, বললেন লালমোহনবাবু। ‘তদন্তের চাপে যদি লখনৌ শহরটা দেখা সম্পূর্ণ না হয় তা হলে খুব আপশোস থেকে যাবে।’

বিকেলে কথামতো জয়স্তবাবু ফোন করলেন। পুলিশ সার্ট করে কিছু পায়নি। বাড়ির চাকরদের জেরা করা হয়েছে, তাতেও কোনও ফল হয়নি। ফেলুদা বলল, ‘চল, এবার একবার জয়স্তবাবুর বাড়ি যাওয়া যাক। এবার ফেলু মিস্তিরের কাজ শুরু। অবিশ্য পুলিশ

তাদের তদন্ত চালিয়েই যাবে, কিন্তু তাতে আমাদের কিছু এসে যাচ্ছে না।’

হোটেলেই ট্যাঙ্কি ছিল, একটা নিয়ে গুরুত্বীর বিজ পেরিয়ে জয়স্তবাবুর বাড়ি গিয়ে হাজির হলাম। আজ বাড়িটাকে গভীর দেখাচ্ছিল, বেশ বোৰা যাচ্ছিল ওখানে একটা দুর্ঘটনা ঘটে গেছে।

সুলেমান এসে দরজা খুলে দিল, আমরা তিনজন ভিতরে ঢুকলাম। জয়স্তবাবু আমাদের জন্য অপেক্ষা করছিলেন বৈঠকখানায়, আমাদের দেখেই সোফা হেডে উঠে এলেন।

‘ওটা পাওয়া গেল না’, প্রথম কথাই বললেন ভদ্রলোক।

ফেলুন্দা বলল, ‘সেটা অস্থাভাবিক নয়। আমারও মনে হয়েছিল ওটা পাওয়া যাবে না। যে নিয়েছে সে তো আর বোকা নয় যে হাতের কাছে রেখে দেবে জিনিসটা।’

‘আপনিও কি আলাদা করে সার্চ করতে চান?’

‘না’, বলল ফেলুন্দা। ‘আমি আপনার বাড়ির লোকজনদের সঙ্গে একটু কথা বলতে চাই। এখন এ বাড়িতে কে কে রয়েছেন?’

‘আমার স্ত্রী, আমার মেয়ে, ছেলে বোধহয় এখনও ফেরেনি। আর আছেন সোম—যাঁর সঙ্গে কাল আপনাদের আলাপ করিয়ে দিয়েছিলাম।’

‘আমার কিন্তু মিঃ সাল্ডানহার সঙ্গেও কথা বলা দরকার। আর মিঃ সুকিয়াস।’

‘সেটা কোনও অসুবিধা নেই। আমি আপনাকে ঠিকানা দিয়ে দেব, আপনি ফোনে অ্যাপয়েন্টমেন্ট করে চলে যাবেন।’

‘তা হলে আপনাকে দিয়ে শুরু করা যাক।’

‘বেশ তো।’

আমরা সকলেই সোফায় বসলাম।

‘একটু চা খাবেন তো?’ জয়স্তবাবু জিঞ্জেস করলেন।

‘তা খেতে পারি।’

জয়স্তবাবু সুলেমানকে ডেকে চার কাপ চায়ের অর্ডার দিলেন। তারপর ফেলুন্দা একটা চারমিনার ধরিয়ে তার প্রশ্ন শুরু করল।

‘আপনি বলছিলেন সুকিয়াস আপনার শাশুড়ির হারটা কিনতে চেয়েছিলেন। সেটা কতদিন আগে?’

‘বছরখানেক হবে।’

‘সুকিয়াস জানলেন কী করে এই হারের কথা?’

‘টাওর কথা অনেকেই জানে। এককালে খবরের কাগজে বেরিয়েছিল তো। আমার শাশুড়ি মারা যাবার পর তাঁর একটা সংক্ষিপ্ত জীবনী এখানকার “পায়েনিয়ার” কাগজে বেরিয়েছিল। তাতে হারের কথাটা ছিল। সুকিয়াস এমনিতে মানিলেভার, তেজারতির কারবার করে। ভাবলে মনে হয় এমন লোকের শিল্পের দিকে কোনও বোঁক থাকবে না। কিন্তু সুকিয়াস এ ব্যাপারে একটা বিরাট ব্যতিক্রম। আমি ওর বাড়িতে গিয়েছি, ওর সংগ্রহ দেখেছি। দেখবার মতো সব জিনিস আছে ওর কাছে। ওর ঝুঁচি অনবদ্য।’

‘আপনি যখন হারটা বিক্রি করলেন না, তখন ওর প্রতিক্রিয়া কী হয়?’

‘ও খুবই হতাশ হয়েছিল। ও দু লাখ টাকা অফার করেছিল। আমি নিজে হলে কী করতাম জানি না, কিন্তু আমার স্ত্রী হারটার প্রতি বিশেষভাবে অনুরক্ত। কোনও মতেই ওটা হাতছাড়া করবে না। আর সেই হারই...’

জয়স্তবাবু একটা দীর্ঘশ্বাস ফেললেন।

‘আপনি কাউকে সন্দেহ করেন এই ব্যাপারে?’

‘আমি সম্পূর্ণ হতভস্ত । চাকরবাকর কাউকেই আমার সন্দেহ হয় না । ওরা বেইমানি করবে এটা আমি বিশ্বাস করি না । অথচ তার বাইরে কে যে এটা নিতে পারে, এবং কেন, সেটা বোঝার সাধ্য আমার নেই ।’

‘আপনি তো ব্যবসাদার’, ফেলুদা বলল ।

‘ব্যবসাদার মানে আমার একটি ইমপোর্ট-এক্সপোর্টের আপিস আছে ।’

‘কেমন চলে আপিস ?’

‘ভালই । আমাদেরই কোম্পানি । আমার একজন পার্টনার আছে ।’

‘কী নাম ?’

‘গ্রিভুবন নাগর । এখানকারই লোক । আমার প্রথম জীবনে আমি ব্যবসায় ছিলাম না, একটা সওদাগরি আপিসে চাকরি করতাম । নাগর ছিল আমার বন্ধু । ত্রিশ বছর আগে নাগর আর আমি মিলে আমাদের ব্যবসা শুরু করি ।’

‘আপনাদের কোম্পানির নাম কী ?’

‘মডার্ন ইমপোর্ট অ্যান্ড এক্সপোর্ট ।’

‘কোথায় আপনাদের আপিস ?’

‘হজরতগঞ্জে ।’

ইতিমধ্যে আমাদের চা এসে গেছে, আমরা খেতে শুরু করে দিয়েছি । ফেলুদা বলল, ‘আরেকটা প্রশ্ন আছে ।’

‘কী ?’

‘কাল যখন ফিল্মটা চলছিল তখন আপনি কাউকে চলাফেরা করতে, কিংবা ঘর থেকে বেরিয়ে যেতে দেখেছিলেন ?’

‘উহু ।’

‘আপনার ছেলে কোনও চাকরি করে ?’

‘এখনও না । ওকে আমার আপিসে ঢোকানের চেষ্টা করেছি কিন্তু ও রাজি হয়নি ।’

‘ওর বয়স কত ?’

‘পাঁচিশ ।’

‘ওর কোনদিকে ঝোঁক ?’

‘ঈশ্বর জানেন ।’

‘থ্যাক্ষ ইউ স্যার । একবার আপনার স্ত্রীর সঙ্গে কথা বলা যায় কি ?’

‘নিশ্চয়ই । ও খুবই ডিপ্রেস্ড হয়ে পড়েছে, বুঝতেই পারেন ।’

‘আমি বেশি বিরক্ত করব না ওঁকে ?’

চা খাবার পর জয়স্তবাবু গিয়ে তাঁর স্ত্রীকে ডেকে আনলেন । ভদ্রমহিলা কানাকাটি করেছেন সেটা এখনও দেখলে বোঝা যায় । দিনের বেলা দেখে আরও বেশি করে মনে হল যে শকুন্তলা দেবীর সঙ্গে এঁর আশ্চর্য চেহারার মিল । ভদ্রমহিলা চাপা গলায় বললেন, ‘আপনি আমাকে কিছু প্রশ্ন করতে চাইছিলেন... ?’

ফেলুদা বলল, ‘হ্যাঁ । বেশিক্ষণ আপনাকে কষ্ট দেব না । সামান্য কয়েকটা প্রশ্ন ।’

‘বলুন ।’

‘আপনার মা যে হারটা আপনার দিদিকে না দিয়ে আপনাকে দিলেন তাতে আপনার দিদির কী প্রতিক্রিয়া হয়েছিল ?’

‘তিনি বোধহয় এ ব্যাপারটা আগে থেকেই আন্দাজ করেছিলেন ।’

‘কেন ?’

‘দিদি ছিল আমার বাবার ফেভারিট, আর আমি ছিলাম মা-র। মা মারা যাবার তিন বছর আগে হারটা আমাকে দেন। দিদির মনের অবস্থা কী হয়েছিল বলতে পারব না, কারণ এ নিয়ে আমাদের মধ্যে কখনও কোনও আলোচনা হয়নি।’

‘আপনার দিদির সঙ্গে আপনার সন্তার আছে?’

‘হ্যাঁ। যত দিন যাচ্ছে আমরা দুজনে তত আরও কাছাকাছি এসে পড়ছি। যখন ইয়াং ছিলাম তখন দুজনের মধ্যে একটা রেষারেবির ভাব ছিল।’

‘আপনি তো অভিনয় করতে খুব ভালবাসেন?’

‘হ্যাঁ। তাই তো মা আমাকে নিয়ে এত প্রাইড ছিলেন। এ ব্যাপারে দিদির কোনও শখ ছিল না।’

‘আপনার মেয়ের?’

‘শীলা স্কুলে কলেজে অ্যাকটিং করেছে, ক্লাবে-ট্লাবেও দু-একবার করেছে। তার বেশি নয়। ও ফিল্ম অফার পেয়েছে, কিন্তু নেয়নি।’

‘ও কী করতে চায়?’

‘ও ওয়ার্কিং গার্ল হতে চায়। আপিসে কাজ করবে, নিজে রোজগার করবে। ও তো সবে বি এ পাশ করেছে। এর মধ্যে কিছু জানলিজ্ম করেছে, খবরের কাগজে ওর দু-একটা লেখা বেরিয়েছে।’

‘আপনি কি এই চুরির ব্যাপারে কাউকে সন্দেহ করেন?’

‘কাউকেই না। এ ব্যাপারে আমি আপনাকে একেবারেই সাহায্য করতে পারব না।’

‘কাল যখন ফিল্ম দেখানো হচ্ছিল তখন কাউকে হাঁটাচলা করতে দেখেছিলেন?’

‘না। মনে হল সকলেই অন্ধ হয়ে ছবিটা দেখছে।’

‘ঠিক আছে, মিসেস বিশ্বাস। আপনার ছুটি।’

মিসেস বিশ্বাস ধন্যবাদ দিয়ে উঠে চলে গেলেন।

ফেলুদা জয়স্তবাবুর দিকে ফিরল।

‘আমি একবার মিঃ সোমের সঙ্গে কথা বলতে চাই।’

‘বেশ তো, আমি তাকে পাঠিয়ে দিচ্ছি।’

জয়স্তবাবু ভিতরে চলে গেলেন।

‘দু মিনিটের মধ্যে সুর্দশন সোম এসে হাজির হলেন। আজ তিনি দাঢ়ি কামিয়েছেন কোনও একটা সময়, তাই তাঁকে একটু ভদ্রস্থ লাগছে। তিনি ফেলুদার সামনের সোফায় বসেলেন, তাঁর মুখে চুরুট। কাল পার্টিতে এঁকে চুরুট খেতে দেখেছি। কড়া গন্ধে ঘরটা ভরে গেল।

ফেলুদা প্রশ্ন শুরু করল।

‘আপনি কত দিন এ বাড়িতে রয়েছেন?’

‘বছর পনেরো হল। শকুন্তলা দেবীই আমাকে এ বাড়িতে থাকতে বলেন।’

‘আপনি এক কথায় রাজি হয়ে যান? পরের আশ্রিত হতে কোনওরকম দ্বিধা-সংকোচ বোধ করেননি?’

‘তখন আমার অবস্থা খুব খারাপ হয়ে আসছে। এখন আমার বয়স সাত্যটি। তখনই আমি পঞ্চাশের উপর। ডান হাতের বুঢ়ো আঙুলে আরথাইটিস, তাই ছবি আঁকতে পারছি না। শকুন্তলা দেবীর অনুগ্রহে আমার তবু একটা সংস্থান হল। তা না হলে আমি যে কী করতাম জানি না। আমায় না খেয়ে মরতে হত। অবশ্য পরের চ্যারিটি ভোগ করছি এই নিয়ে অনেকদিন খুব সচেতন ছিলাম, মনটা খচ্ছ করত। কিন্তু এঁরাও আমার উপস্থিতি



মেনে নিয়েছিলেন, শীলা আৱ প্ৰসেনজিৎ আমাকে খুব ভালবাসত, তাই ব্যাপারটা ক্রমে
অভ্যন্ত হয়ে গিয়েছিল।'

'আপনার নিজের রোজগার বলে তো কিছুই নেই।'

'দু-একটা পুৱানো ছবি মাঝে মাঝে অল্প দামে বিক্ৰি হয়। সে তেমন কিছুই না। সত্যি
বলতে কী, আই আ্যাম পেনিলেস। জয়ন্তবাবু আমাকে প্ৰতি মাসে হাত খৰচেৰ জন্য কিছু
টাকা দেন, আৱ থাকা-খাওয়াৰ ব্যবহৃটা রয়েছে। চুৰটোৱ অভ্যাসটা অনেক চেষ্টা কৰেও
ছাড়তে পাৱিনি। তবে অনেক কমিয়ে দিয়েছি।'

'এই চুৰিৰ ব্যাপারে আপনার কাউকে সন্দেহ হয় ?'

'মিঃ সোম একটু ভেবে বললেন, 'চাকৰদেৱ কাউকে হয় না।'

'তবে কাকে হয় ?'

মিঃ সোম আবাৱ চুপ কৰে গেলেন। ফেলুদা বলল, 'আপনি ইতস্তত কৰলে কিন্তু আমাৱ
কাজটা আৱও কঢ়িন হয়ে পড়বে। আপনি নিশ্চয়ই চান যে শকুন্তলা দেবীৰ হারটা আবাৱ
উদ্ধাৱ হোক।'

‘তা তো বটেই।’

‘তা হলে বলুন আপনার কাউকে সন্দেহ হয় কি না।’

‘একজনকে হয়।’

‘কে সে?’

‘প্রসেনজিং।’

‘কেন এ কথা বলছেন?’

‘প্রসেনজিং আর আগের মতো নেই। সে অনেক বদলে গেছে। আমার ধারণা সে কুসঙ্গে পড়েছে। হয়তো জুয়া খেলে, নেশা করে, তার জন্য তার টাকার দরকার পড়ে। চাকরি-বাকরি তো কিছুই করে না। বাপ তাকে যা দেন তাতে তার চলে না। সে আমার কাছ থেকে পর্যন্ত টাকা ধার চায়। আমি তাকে অনেক বুঝিয়েছি, কিন্তু আমার কথায় সে কানই দেয় না।’

‘আই সি...। কাল যখন সিনেমা হচ্ছিল তখন কাউকে নড়াচড়া করতে বা জায়গা পরিবর্তন করতে দেখেছিলেন?’

‘আজ্ঞে না। আমি পদার্থ ছবি ছাড়া আর কিছুই দেখিনি।’

‘ঠিক আছে, মিঃ সোম। অনেক ধন্যবাদ। এবার আপনি যদি শীলাকে একটু পাঠিয়ে দেন।’

মিঃ সোম শীলার খোঁজে চলে গেলেন।

অলংকৃতের মধ্যেই শীলা এসে পড়ল। তার পরনে সালওয়ার কামিজ, গায়ে কোনও গয়না নেই। একেবারে আধুনিক।

‘কী করছিলে, শীলা?’ শীলা সোফায় বসার পর ফেলুন্দা প্রশ্ন করল।

‘একটা আর্টিক্ল লিখছিলাম।’

‘খবরের কাগজের জন্য?’

‘হ্যাঁ।’

‘কী বিষয়?’

‘ঘর কী করে সাজাতে হয় তাই নিয়ে।’

‘তুমি কি ইন্টিরিয়র ডেকোরেশনে ইন্টারেস্টেড নাকি?’

‘হ্যাঁ। ওটকেই আমার প্রোফেশন করার ইচ্ছে আছে।’

‘ও বিষয় শিখেছ কিছু?’

‘এমনি কিছু শিখিনি, কিন্তু ও বিষয় অনেক বই পড়েছি।’

‘আঁকতে পার?’

‘মোটামুটি। ছেলেবেলায় সুদর্শনকাকু আমাকে খুব এনকারেজ করতেন। যখন আমার বাবো-তেরো বছর বয়স।’

‘তোমার দাদার সঙ্গে তোমার সম্পর্ক কীরকম?’

‘আগে দুজনে খুব বক্স ছিলাম। এখন দাদা বদলে গেছে। আমার সঙ্গে প্রায় কথাই বলে না।’

‘তাতে তোমার খারাপ লাগে না?’

‘আগে লাগত, এখন অভ্যাস হয়ে গেছে।’

‘কাল রাত্রে হারটা আমাদের দেখিয়ে আবার ঠিক জায়গায় রেখেছিলে তো?’

‘নিশ্চয়ই। চার্বিও ঠিক জায়গায় রেখেছিলাম।’

‘তারপর সেটা কী ভাবে উধাও হল সে বিষয়ে তোমার কোনও ধারণা আছে?’

‘আমার কী করে থাকবে?’ শীলা একটু হেসে বলল। ‘বরং আপনার থাকা উচিত। আপনি তো ডিটেক্টিভ।’

‘ডিটেক্টিভ তো প্রশ্ন করেই তাদের তদন্ত করে, সেটা নিশ্চয়ই তুমি জান।’

‘তা জানি।’

এই কথাটা বলার সঙ্গে সঙ্গেই দরজায় বেলের শব্দ হল। সুলেমান দরজা খুলে দিতে প্রসেনজিং চুকল। সে আমাদের দেখে যেন একটু হকচকিয়ে গেল, কিন্তু তার পরেই সামলে নিয়ে বলল, ‘ডিটেক্টশন চলছে বুঝি?’

ফেলুদা বলল, ‘তোমার বোনকে প্রশ্ন করছিলাম কালকের ব্যাপার নিয়ে। এবার ভাবছি তোমাকে করব, যদি তোমার আপত্তি না থাকে।’

‘আপত্তি আছে বই কী। পুলিশও আমাকে জেরা করার চেষ্টা করেছিল। আমি কোনও কথার জবাব দিইনি।’

‘কিন্তু আমি তো পুলিশ নই।’

‘ইট মেক্স নো ডিফারেন্স। কোনও কথার জবাব আমি দেব না।’

‘তা হলে কিন্তু তোমার উপর সন্দেহ পড়তে পারে।’

‘পড়ুক। আই ডোন্ট কেয়ার। শুধু সন্দেহে তো আর কিছু হবে না। প্রমাণ চাই, সেই হারটা খুঁজে পাওয়া চাই।’

‘বেশ, তুমি যখন কো-অপারেট করবে না তখন আমাদের দিক থেকেও বলার কিছু নেই। আমরা তোমাকে ফোর্স করতে পারি না।’

ফেলুদা উঠে পড়ল, আর সেই সঙ্গে আমরা দুজনও।

কিন্তু ফেলুদার কাজ শেষ হয়নি। সে বলল, ‘আমি এবার বাড়ির প্ল্যানটা দেখতে চাই।’

শীলা বলল, ‘চলুন, আমি আপনাকে ভিতরে নিয়ে যাচ্ছি।’

যা দেখলাম তা মোটামুটি এই—বৈঠকখানার পরেই খাবার ঘর, তারপর জয়স্তবাবু আর সুনীলা দেবীর বেডরুম, তার সঙ্গে বাথরুম। এই বেডরুমের দুপাশে আরও দুটো বাথরুম সমেত বেডরুম, সে দুটোর একটাতে থাকে শীলা, অন্যটায় প্রসেনজিং। জয়স্তবাবুর ঘর থেকে দুটো ঘরে যাবার জন্য দরজা আছে। প্রসেনজিতের ঘরের পাশে একটা ছেট্ট গেস্টরুম আছে তাতে থাকেন মিঃ সোম।

প্ল্যানটা দেখে বৈঠকখানায় ফিরে এলে শীলা ফেলুদাকে বলল, ‘আমি কিন্তু দু-একদিনের মধ্যেই অটোগ্রাফের খাতা নিয়ে আসছি।’

‘আমি তো বলেইছি।’ ফেলুদা বলল, ‘যখন ইচ্ছে এসো—তবে একটা ফোন করে এসো। আমি তো এখন তদন্তে জড়িয়ে পড়েছি—কখন কোথায় থাকি বলতে পারি না। ভাল কথা—তোমার বাবাকে একবার আসতে বলবে ? একটু দরকার ছিল।’

শীলা জয়স্তবাবুকে পাঠিয়ে দিল।

‘হল আপনার কোয়েচনিং ?’ ভদ্রলোক জিজেস করলেন।

‘তা হল, তবে আপনার ছেলে কোনও প্রশ্ন করতে দিল না।’

জয়স্তবাবু আক্ষেপের ভঙ্গিতে মাথা নেড়ে বললেন, ‘প্রসেনজিং ওরকমই। ওর আশা আমি প্রায় ছেড়ে দিয়েছি।’

‘যাই হোক—আপনাকে ডাকার কারণ—মিঃ সালভান্হা কি এখনও দোকানে থাকবেন ?’

‘এখন তো সাড়ে পাঁচটা—এখনও নিশ্চয়ই থাকবে।’

‘তা হলে ওঁর দোকানের ঠিকানা আর টেলিফোন নম্বরটা যদি দেন।’

জয়স্তবাবু তখনই টেলিফোনের পাশে রাখা প্যাড থেকে একটা পাতা ছিঁড়ে ঠিকানা আর

ফোন নম্বর লিখে ফেলুদার হাতে দিলেন।

‘এখান থেকেই ফোন করে নিই?’ বলল ফেলুদা।
‘সার্টেনলি।’

ফেলুদা ফোন করতেই ভদ্রলোককে পেয়ে গেল। উনি তখনই ফেলুদাকে চলে আসতে বললেন।

‘আরেকজনের সঙ্গে কথা বলা বাকি থেকে যাচ্ছে’, বলল ফেলুদা, ‘তিনি হলেন আপনার শালা রতনলালবাবু। মিঃ সুকিয়াসকে কাল প্রশ্ন করব।’

‘রতনলাল থাকে ফেজার রোডে একটা ফ্ল্যাটে। তার ঠিকানা আর টেলিফোন নম্বরও আপনাকে দিয়ে দিচ্ছি। তাকে পাবার ভাল সময় হচ্ছে সন্ধ্যা সাতটার পর।’

৬

হজরতগঞ্জে সাল্ডান্হা অ্যাস্ট কোম্পানিতে পৌঁছে একটু হক্কচিয়েই গেলাম। এত পুরনো দোকান সেটা ভাবতে পারিনি। আর পনেরো মিনিট পরেই দোকান বন্ধ হয়ে যাবে। ভদ্রলোক একটা ডেকের পিছনে বসে ছিলেন, দোকানে কোনও খদ্দের নেই, খালি একজন কর্মচারী এদিক ওদিক ঘূরছে। সাল্ডান্হা আমাদের দেখেই হেসে দাঁড়িয়ে উঠলেন।

‘আসুন, বসুন, মিঃ মিটার।’

আমরা তিনজনে তিনটে চেয়ারে বসলাম।

‘এখানে এসে আপনাকে অসুবিধায় ফেললাম না তো?’ ইংরাজিতে জিজেস করল ফেলুদা।

‘মোটেই না। এখন তো ক্লোজিং টাইম এসে গেল। এখানে আপনার কী কথা আছে বলে নিন, তারপর আপনাদের আমার গাড়িতে করে আমার বাড়ি নিয়ে যাব। সেখানে কফি খাবেন, আমার স্ত্রীর সঙ্গে আলাপ করবেন।’

‘তা হলে ভালই হবে’, বলল ফেলুদা, ‘কারণ আপনার স্ত্রীকেও দু-একটা প্রশ্ন করার আছে। কালকের পার্টির সকলকেই আমরা প্রশ্ন করছি।’

‘দ্যাট্স অল রাইট। আই ডোন্ট থিংক সি উইল মাইভ।’

‘আমার প্রথম প্রশ্ন—আপনার এ দোকান কতদিনের?’

‘তা প্রায় সত্ত্বর বছর হল। আমার ঠাকুরদাদা দোকানটার পতন করেন। লখনো-এর প্রথম মিউজিক শপ।’

‘কিন্তু এখন নিশ্চয়ই আরও মিউজিক শপ হয়েছে?’

‘আরও দুটো হয়েছে—দুটোই আমাদের জাতভাইদের করা। একটার মালিক ডিমেলো, আরেকটার নরোন্হা। এদের মধ্যে একটা আবার হজরতগঞ্জেই—আমার দোকানের কাছেই। দুঃখের বিষয় আমরা ঠিক সময়ের সঙ্গে তাল রেখে চলতে পারিনি। সেটা বোধহ্য দোকানের চেহারা দেখেই বুঝতে পারছেন।’

‘আপনাদের ব্যবসা তার মানে ভাল চলছে না?’

‘কী আর বলব, মিঃ মিটার। এটা কম্পিউটারের যুগ। আমার ছেলেকে যদি দোকানে বসাতে পারতাম তা হলে তার ইয়াং আইডিয়াজ অনেক কাজে দিত। কিন্তু সে ডাক্তারি পাশ করে চলে গেল আমেরিকা। এখন অবশ্য সে সেখানে খুব ভালই রোজগার করছে। আর আমি বুড়ো মানুষ একাই দোকান সামলাচ্ছি। বিক্রি যে একেবারে হয় না তা নয়, আমার কিছু ফেইথফুল কাস্টমারস আছে। কিন্তু আজকাল যুগ অনেক বদলে গেছে। অনেস্টির আর

দাম নেই ; লোকে চায় চটক ।'

ফেলুন্দা সহানুভূতি প্রকাশ করে আসল প্রশ্নে চলে গেল ।

'কাল যে দুর্ঘটনা ঘটে গেল সেটা সম্বন্ধে আপনার কিছু বলার আছে ?'

'কী আর বলব বলুন । ও হার যখন আমার স্তৰী না পেয়ে আমার শালি পেল, তখন মার্গারেট একেবারে ভেঙে পড়ে । সি লাভড দ্যাট নেকলেস । কার না ভাল লাগবে বলুন—এমন একটা আশ্চর্য সুন্দর প্রাইসেলেস জিনিস ?'

'আপনি বলছেন সিশ্বরের চোখেও এটা একটা অন্যায় বলে মনে হয়েছিল ?'

'তা না হলে প্যামেলার এ ক্ষতি হবে কেন ? শুকুস্তলা দেবীর পক্ষপাতিত্ব ভগবানের চোখেও দৃষ্টিকুণ্ড বলে মনে হয়েছিল নিশ্চয়ই ।'

'কিন্তু কে এই হারটা নিতে পারে সে বিষয় আপনার কোনও ধারণা আছে ?'

'নো, মিঃ মিটার । সে বিষয় আমি আপনাকে কোনওরকম ভাবে সাহায্য করতে পারব না । আমার কোনও ধারণা নেই ।'

'সুনীলা দেবীর ছেলে যে কৃপথে যাচ্ছে সেটা আপনি জানেন ?'

'আমি সেটা আন্দাজ করেছি ।'

'সে বোধহয় নেশা করে । আর তার জন্য তার প্রায়ই টাকার দরকার হয় ।'

সাল্ডান্হা চুক্তুক্ত করে আক্ষেপসূচক শব্দ করলেন । তারপর বললেন, 'দ্যাট মে বি সো । কিন্তু তাই বলে সে তার মা-র এমন একটা সাধের জিনিস চুরি করবে ? এটা আমার কাছে একটু বাড়াবাড়ি বলে মনে হচ্ছে ।'

'কাল ফিল্মটা চলার সময় কাউকে ঘর থেকে বেরোতে দেখেছিলেন ?'

'নো । বাট আই স সুকিয়াস কামিং ইন ।'

'থ্যাক ইউ ।'

দোকান বন্ধ করার সময় হয়ে গিয়েছিল, তাই আমরা উঠে পড়লাম ।

মিঃ সাল্ডান্হার গাড়িতে তাঁর বাড়িতে গিয়ে পৌঁছলাম যখন, তখন সোয়া ছ'টা—সবে সম্পন্ন হয়েছে ।

সাল্ডান্হার বাড়ি জয়স্তবাবুর বাড়ির তুলনায় অনেক ছোট । এটাও এক-তলা বাংলো টাইপের বাড়ি । ভেতরে চুক্তে বৈঠকখানায় গিয়ে হাজির হলাম । এ বৈঠকখানায় জয়স্তবাবুর বাড়ির বৈঠকখানার বাহার নেই । বোঝাই যায় সাল্ডান্হার অবস্থা তেমন ভাল না । এবং তাঁর গৃহিণীর বাড়ি সুন্দর করে সাজিয়ে রাখার দিকে তেমন ঝোঁক নেই ।

'মার্গারেট—ইউ হ্যাভ ভিজিটরস' বলে একটা হাঁক দিয়ে সাল্ডান্হা আমাদের পাশের সোফায় বসে পড়লেন । আমাদের অবিশ্বি পরমুহুর্তেই দাঁড়াতে হল । কারণ ঘরে মিসেস সাল্ডান্হা, অর্থাৎ মার্গারেট সুশীলা দেবী, এসে চুকেছেন ।

'ও—মিঃ মিট !'

ভদ্রমহিলার ঠোঁটের কোণে হাসি দেখা দিল । তবে সে হাসি মুখ আলো করা হাসি নয় । কারণ হাসা সম্মেও একটা অবসাদের ভাব মুখে থেকে গেল ।

ফেলুন্দা বলল, 'বসুন, সুশীলা দেবী । আপনি বোধহয় জানেন না যে জয়স্তবাবু কালকের চুরির ব্যাপারে আমাকে তদন্ত করতে বলেছেন ।'

'সেটা আজ সকালেই আন্দাজ করছিলাম ।'

'সেই ব্যাপারেই আমি আপনাকে দু একটা প্রশ্ন করতে চাই ।'

সাল্ডান্হা এই সময় উঠে পড়ে বললেন, 'আমি আপনাদের জন্য কফি বলছি, আর আমার পোশাকটা বদলে একটু মুখটা ধূয়ে আসছি । ততক্ষণ আপনারা কথা বলুন ।'

সাল্ডান্হা চলে গেলেন ভিতরে ।

সুশীলা দেবী বললেন, ‘কী প্রশ্ন করবেন করুন ।’

‘আপনার বিয়ে হয়েছে কতদিন ?’

‘পঁয়ত্রিশ বছর ।’

‘আপনার একটি ছেলে আমেরিকায় আছে শুনলাম ।’

‘হ্যাঁ ।’

‘এ ছাড়া আর কোনও সন্তান আছে ?’

‘একটি মেয়ে আছে । তার বিয়ে হয়ে গেছে । সে কুলুতে থাকে । তার স্বামীর স্থানে অ্যাপ্ল অর্চার্ড আছে ।’

‘আপনার বোনের চেয়ে আপনি কত বড় ?’

‘দু বছরের ।’

‘তার মানে আপনারা প্রায় পিঠোপিঠি ?’

‘হ্যাঁ ।’

‘আপনার বোনের প্রতি আপনার কীরকম মনোভাব ছিল ?’

‘একেবারে ছেলেবয়সে আমরা দুজন ভীষণ বন্ধু ছিলাম । প্যামের আমাকে ছাড়া চলতই না । আমরা দুজনে একসঙ্গে পুতুল খেলতাম, নাসারি স্কুলে যেতাম, একরকম জামা কাপড় পরতাম ।’

‘তারপর ?’

‘আমার যখন বছর পনেরো বয়স তখন থেকেই আমি বুঝতে পারি যে মা-র টান আমার চেয়ে প্যামের উপর বেশি । তা ছাড়া প্যামের মধ্যে তখন থেকে অনেক গুণের প্রকাশ পেতে থাকে । ও খুব ভাল আবৃত্তি করত, অভিনয় করত, পড়াশুনায় আমার চেয়ে ভাল ছিল, দেখতেও আমার চেয়ে অনেক সুন্দর হয়ে উঠেছিল । দেখলাম প্যামই মা-র আদরের হয়ে উঠচে । আমার উপরে ভালবাসা করে যাচ্ছে । অবিশ্যি বাবা আমাকে খুব ভালবাসতেন, কিন্তু মা-র ভালবাসা পেলাম না বলে আমার মনে একটা হিংসার ভাব জেগে ওঠে যেটা আমি তখন কাটিয়ে উঠতে পারিনি । সব শেষে মা যখন তাঁর হারটা প্যামকে দিয়ে দিলেন তখন আমার পায়ের তলা থেকে মাটি সরে গেল । এ দুঃখ ভুলতে আমার অনেক সময় লেগেছে ।’

‘এখন মনে হিংসের ভাব নেই ?’

‘না । এক এক সময় ছেলেবেলার কথা মনে হলে জেলাস লাগে । কিন্তু এমনিতে দুজনের মধ্যে যথেষ্ট সন্তাব আছে । কাল তো দেখলেন আমাদের—কী মনে হল ?’

‘দিব্যি সন্তাব !’

‘শুধু তাই না । ওর সম্বন্ধে একটা অনুকম্পার ভাবও বোধ করি ।’

‘কেন বলুন তো ?’

‘কারণ আমার ভগীপতি । তাঁর টাকার টানটানি যাচ্ছে ।’

‘তাই বুঝি ?’

‘এটা কিন্তু আপনাকে গোপনে বলছি ।’

‘আপনি আমাদের উপর সম্পূর্ণ বিশ্বাস রাখতে পারেন ।’

‘আমার ভগীপতি অনেক দেনো করে ফেলেছেন । সেই সঙ্গে ড্রিফ্কিং বেড়ে গেছে ।’

‘কিন্তু কাল ওরকম পার্টি দিলেন ?’

‘কী করে দিলেন জানি না । আমি এবং আমার স্বামী নেমস্তন পেয়ে খুব আশ্চর্য হয়ে গিয়েছিলাম ।’

‘হয়তো এর মধ্যে অবস্থার উন্নতি হয়েছে।’

‘তা হতে পারে। কিন্তু আমি দু মাস আগের কথাও জানি। আমার বোন আমার কাছে এসে কানাকাটি করেছে। তার উপর ওদের ছেলের গোলমাল তো আছেই। সে ব্যাপার জানেন তো?’

‘শুনেছি।’

‘আশা করি আপনার কথাই ঠিক—ওদের অবস্থার উন্নতি হয়েছে।’

‘হারটা কে চুরি করতে পারে সে সম্বন্ধে আপনার কোনও বক্তব্য আছে?’

‘একেবারেই না। ওটা আমার কাছে একটা বিরাট রহস্য।’

‘প্রসেনজিংকে আপনার সন্দেহ হয় না?’

‘প্রসেনজিং?’

ভদ্রমহিলা যেন একটু ভাবলেন। তারপর বললেন, ‘একটা ব্যাপার আছে। ফিল্মটা যখন দেখানো হচ্ছিল তখন প্রসেনজিং আমার কাছেই ছিল। ফিল্ম চলা অবস্থায় সে উঠে কোথায় যেন যায়।’

‘অন্য কোনও লোককে জায়গা বদলাতে দেখেছিলেন?’

‘না। তা ছাড়া আমার দৃষ্টি পর্দার উপর ছিল। প্রায় কুড়ি বছর পরে দেখছিলাম ছবিটা।’

‘থ্যাক্স ইউ, সুশীলা দেবী—আমার প্রশ্ন শেষ।’

আমরা কফি খেয়ে উঠে পড়লাম। বাড়ির বাইরে এসে ফেলুন্দা বলল, ‘এবার অ্যালবার্ট রতনলাল। তা হলেই আজকের মতো আমার কাজ শেষ।’

সাল্ডান্হার বাড়ি থেকে আমরা রতনলালের ফ্ল্যাটে গেলাম। অত্যন্ত সুসজ্জিত ফ্ল্যাট, আর একজনের পক্ষে বেশ বড়। ভদ্রলোক সোফায় বসে একটা হাই-ফাই স্টি঱িওতে গজল শুনছিলেন, পরনে একটা বেগুনি ড্রেসিং গাউন, মুখে পাইপ। ভদ্রলোক যে আতর ব্যবহার করেন সেটা জানতাম না। ঘরে বেশ ঝাঁঝালো আতরের গন্ধ।

ভদ্রলোক আমাদের দেখে স্টি঱িওটা বন্ধ করে বললেন, ‘কী ব্যাপার?’

ফেলুন্দা বলল, ‘কালকে চুরির ব্যাপারে কয়েকটা প্রশ্ন করার ছিল। আমরা সকলকেই করেছি।’

‘এভরিওয়ান?’

‘শুধু মিঃ সুকিয়াসকে বাকি। সেটা কাল করব।’

‘আপনার কি ধারণা আমি চুরিটা করে থাকতে পারি?’

‘মোটেই না। তবে চোর ধরতে আপনি সাহায্য করতে পারেন।’

‘আই অ্যাম নট ইন দ্য লিস্ট বিট ইন্টারেস্টেড ইন দ্য থেফ্ট।’

‘এত দামি আর ভাল একটা জিনিস চুরি হল, আর তাতে আপনার ইন্টারেস্ট নেই?’

‘মাইসোরের দেওয়া জিনিস তো দামি হবেই, তাতে আশর্ফের কী আছে?’

‘আপনার মা-র এত সাধের জিনিস ছিল।’

‘আমার মা-র ফিল্ম কেরিয়ার সম্বন্ধেও আমার কিছুমাত্র উৎসাহ নেই। আই থিংক অল ফিল্মস আর রট্টন। সাইলেন্ট ফিল্মস তো বটেই।’

‘আপনার পেশাটা কী জানতে পারি?’

‘তা পারেন। আমি একটা মার্কেন্টাইল ফার্মের অ্যাসিস্ট্যান্ট ম্যানেজার।’

‘তা হলে আপনি আর কোনওরকমে সাহায্য করতে পারছেন না আমাদের?’

‘আই অ্যাম ভেরি সরি। আমার কিছু বলার নেই।’



‘একটা শেষ প্রশ্ন আছে।’

‘কী?’

‘কাল ফিল্মটা চলার সময় আপনি কাউকে জায়গা পরিবর্তন করতে দেখেছিলেন?’

‘আমি তো ফিল্ম দেখছিলাম না। আমি অন্যদিকে মুখ ফিরিয়ে ছিলাম। আই স মিঃ সুকিয়াস কাম ইন।’

‘ধন্যবাদ। আপনি দেখছি আপনার পিতামহের মতো হিন্দি গানের ভক্ত।’

রতনলাল কোনও মন্তব্য না করে আবার স্টেরিওটা চালিয়ে দিলেন। আমরা ঘর থেকে বেরিয়ে এলাম।

পরদিন সকালে ফেলুন্দা বলল, ‘তোরা বরং দিলখুশাটা দেখে আয়। আমার একটু চিন্তা করার আছে, তা ছাড়া দু-একটা টেলিফোন করারও আছে। সুকিয়াসের সঙ্গে একটা অ্যাপয়েটমেন্ট করতে হবে। ইনস্পেক্টর পাণ্ডেকেও একটা ফোন করব।’

আমরা দুজনে আজ ট্যাঙ্কির বদলে একটা টঙ্গা নিয়ে বেরোলাম। লালমোহনবাবুর ভীষণ শখ টঙ্গা চড়ার কারণ উনি জানেন বাদশাহী আংটির সময় আমরা টঙ্গা চড়েছিলাম।

টঙ্গা রওনা হবার পর লালমোহনবাবু বললেন, ‘দিলখুশার ইতিহাসটা একটু জেনে নিই।’

আমি বললাম, ‘দিলখুশা উনবিংশ শতাব্দীর প্রথম দিকে নবাব সাদাত আলির তৈরি একটা বাগানবাড়ি ছিল। এর আশেপাশে হরিণ চরে বেড়াত। এখন শুধু ব্যাপারটার ভগ্নাবশেষ রয়েছে, তবে তার পাশে একটা সুন্দর পার্ক রয়েছে যেখানে লোকে বেড়াতে যায়। দিলখুশার উত্তরে বিখ্যাত লা মার্টিনিয়ার ইস্কুল। অষ্টাদশ শতাব্দীতে ক্লড মার্টিনের তৈরি। মার্টিন ছিলেন মেজর জেনারেল। দিলখুশা থেকে এই স্কুলটা দেখতে পাবেন।’

টঙ্গাতে যেতে যেতে মনে হচ্ছিল—সত্যি, লখনৌ-এর মতো বাহারের শহর ভারতবর্ষে কমই আছে। লালমোহনবাবু অবশ্য বার বারই বলছেন, ‘ইতিহাস চোখের সামনে দেখতে পাচ্ছি।’

দিলখুশার ভগ্নাবশেষ দেখতে বেশি সময় লাগে না। তাই আমরা সে কাজটা শেষ করে পার্কটায় একটু বেড়াতে গেলাম, আর সেখানে গিয়েই একটা বিশ্বী ঘটনায় আমাদের জড়িয়ে পড়তে হল।

প্রথমে মনে হয়েছিল পার্কে কোনও লোকজন নেই। লোক সচরাচর হয় বিকেলের দিকে। আমরা ফুলবাগানের মধ্যে দিয়ে খানিকদূর হাঁটার পর একটা গাছের পিছনে একটা বেঞ্চির খানিকটা অংশ দেখলাম, আর সেই সঙ্গে মানুষের গলার আওয়াজ পেলাম। গাছটা পেরোতেই যে দৃশ্যটা দেখলাম তাতে আমাদের বুকের ভিতরটা ছাঁৎ করে উঠল।

দেখি কী, প্রসেনজিৎ আর দুটি তারই ধাঁচের ছেলে বেঞ্চিতে বসে কী যেন খাচ্ছে। তিনজনেরই চুল উসকো খুসকো আর চোখ ঘোলাটে। ওরা যে নেশা করছিল তাতে কোনও সন্দেহ নেই, আর এই নেশা বড় সহজ নেশা নয়। এ হল ড্রাগের ব্যাপার, যা খেয়ে মানুষ সম্পূর্ণ হিঁশ হারিয়ে খুন পর্যন্ত করতে পারে।

প্রসেনজিৎ এত মশ্শুল ছিল যে সে আমাদের প্রথমে দেখতেই পায়নি। তারপর যখন দেখল তখন তার মুখে এক আঙুত ত্বর হাসি ফুটে উঠল।

‘ডিটেকটিভের চেলাদের দেখছি, ডিটেকটিভ কোথায়?’ প্রশ্ন করল সে জড়ানো গলায়।

‘তিনি আসেননি’, বললেন লালমোহনবাবু।

‘আহা, এমন একটা দৃশ্য দেখতে পেলোন না।’

আমরা চুপ।

‘চোর ধরা পড়ল?’ বিদ্রূপের সুরে প্রশ্ন করল প্রসেনজিৎ।

‘এখনও পড়েনি।’

‘আমাকেই তো সকলে সন্দেহ করছে, তাই না? কারণ আমার টাকার অভাব। লোকের কাছে ধার চাইতে হয় ঘণ্টাখানেক স্বর্গবাসের জন্য। শুনুন—আই ক্যান টেল ইউ দিস—হার চুরি করার মতো বোকা আমি নই। আমার লাক খুলে গেছে। আমি বেশির ভাগ টাকা পাই জুয়া খেলে। মাঝে মাঝে লোকের কাছে ধার করতে হয়, কারণ এ জিনিস একবার ধরলে আর ছাড়া যায় না। আপনি ধরলে আপনিও আর ছাড়তে পারতেন না, মিস্টার খ্রিলার



রাইটার। একবার ট্রাই করে দেখুন না—আপনার লেখা অনেক ইমপ্রুভ করে যাবে। মাথার মধ্যে গ়লের প্লট ভিড় করে আসবে। কী, মিস্টার রাইটার—কী বলেন ?'

আমরা দুজনেই নির্বাক। এরকম একটা দৃশ্যের সামনে পড়তে হবে তাবতেই পারিনি।

'তবে একটা কথা বলে রাখি'—হঠাতে তড়ক করে দাঁড়িয়ে উঠে খস্খসে ধারালো গলায় বলল প্রসেনজিং। তারপর তার জীনসের পকেট থেকে একটা ফ্লিপ নাইফ বার করে খাঁচ করে বোতাম টিপে ফলাটা বার করে সেটা আমাদের দিকে বাঢ়িয়ে বলল, 'আজকের কথা যদি ঘুণাক্ষরেও কেউ জানতে পারে তা হলে বুঝব সেটা আপনাদের কীর্তি। তখন বুঝবেন এই ছুরির ধার কত। নাউ ক্লিয়ার আউট ফ্রম হিয়ার !'

বেগতিক ব্যাপার। এখানে থাকা আর নিরাপদ নয়, আর কোনও প্রয়োজনও নেই। যা দেখার তা দেখে নিয়েছি, আর এ দৃশ্য শুধু আমরাই দেখেছি, আর কেউ দেখেনি। আমরা দুজনে আবার টাঙ্গা করে হোটেলে ফিরে এলাম। সারা পথ দুজনের মুখে একটিও কথা নেই।

হোটেলে ফিরে দেখি আমাদের ঘরে শীলা বসে আছে, তার হাতে অটোগ্রাফ খাত। আমাদের দেখে শীলা উঠে পড়ল। বলল, 'আপনার কিছুটা সময় নষ্ট করে গেলাম। এনিওয়ে, সইয়ের জন্য ধন্যবাদ। আশা করি আপনার ডিটেকশন সফল হবে।'

শীলা চলে গেলে পর লালমোহনবাবুকেই বলতে দিলাম ফেলুদাকে দিলখুশার ঘটনাটা। ফেলুদা সব শুনে বলল, ‘আমার ওর চোখের চাহনি দেখেই সন্দেহ হয়েছিল ও ড্রাগ ব্যবহার করে। ও ছেলের ভবিষ্যৎ অঙ্ককার।’

‘কিন্তু তা হলে ওই কি কঠহার চোর?’ লালমোহনবাবু জিজ্ঞেস করলেন। ফেলুদা কোনও উত্তর না দিয়ে বলল, ‘ভাল কথা, আপনাদের আরেকবার একটু বেরোতে হবে।’

‘হোয়াই স্যার?’

‘সুকিয়াসের টেলিফোন খারাপ। অ্যাপয়েন্টমেন্ট হ্যানি। আমিই বেরোতাম, কিন্তু শীলা এসে পড়ল। ওঁর বাড়িতে গিয়ে অ্যাপয়েন্টমেন্ট করতে হবে। চট করে বেরিয়ে পড়লে এখনও ওঁকে বাড়িতে পাবার চাল। আমার মাথায় একটা জিনিস দানা বাঁধছে তাই আমি বেরোতে চাচ্ছি না। যা তোপ্সে, ট্যাঙ্কি নিয়ে বেরিয়ে পড়।’

লালমোহনবাবু একটা স্বষ্টির নিষ্পাস ফেলে বললেন, ‘জেরা শুনতে শুনতে প্রাণ হাঁপিয়ে উঠছিল, এবার তবু একটা কাজ পাওয়া গেল।’

আমরা দুজনে বেরিয়ে পড়লাম। সাত নম্বর লাটুশ রোড বলতেই ট্যাঙ্কি আমাদের সোজা গন্তব্যস্থলে নিয়ে গেল। আমরা ট্যাঙ্কিটাকে পাঁচ মিনিট অপেক্ষা করতে বললাম।

বেশি বড় একতলা বাড়ি, গেটের গায়ে মার্বল ফলকে লেখা ‘এস সুকিয়াস’। গেট দিয়ে চুকে দুদিকে বাগান। তাতে ফুল নানা রকমের। বাগানের মধ্যে দিয়ে পথ গাড়িবারান্দায় পৌঁছেছে। বাড়ির বয়স অন্তত পঞ্চাশ বছর তো হবেই।

আমরা কলিং বেল টিপতে একজন বেয়ারা এসে দরজা খুলে দিল।

লালমোহনবাবু জিজ্ঞেস করলেন, ‘মিঃ সুকিয়াস হ্যাঁয়?’

‘জি হ্যাঁ হজুর—আপকা সুভনাম?’

‘জারা বোলিয়ে মিঃ মিটারকে পাস সে দো আদমি আয়ে হ্যাঁয় এক মিনিট বাঁচিংকে লিয়ে।’

হিন্দিতে ক'টা ভুল হল জানি না, কিন্তু বেয়ারা ব্যাপারটা বুঝে নিল। আমাদের এক মিনিট অপেক্ষা করতে বলে সে ভিতরে চলে গেল।

এক মিনিট পরে যে বেয়ারা বেরিয়ে এল তার চেহারাই পালটে গেছে। দৃষ্টি বিস্ফারিত, হাত পা ঠক ঠক করে কাঁপছে, মুখ দিয়ে কথাই বেরোচ্ছে না।

‘কেয়া হ্যাঁ?’ রংদুখাসে জিজ্ঞেস করলেন লালমোহনবাবু।

‘আপলোগ...অন্দর আইয়ে...’ কোনওরকমে বলল বেয়ারা। আমরা বেয়ারার পিছন পিছন ভিতরে চুকলাম। বেয়ারা সেইভাবেই কাঁপতে কাঁপতে বৈঠকখানা পেরিয়ে একটা ঘরে নিয়ে ঢোকাল আমাদের।

ঘরটা হল যাকে বলে স্টাডি। চারিদিকে নানারকম শিল্পদ্রব্য আর বইয়ে ঠাসা আলমারি। ঘরের মাঝখানে একটা বড় টেবিল। তার পিছনে একটা রিভলভিং চেয়ার। সেই চেয়ারে বসে টেবিলের উপর হুমড়ি খেয়ে পড়ে আছেন মিঃ সুকিয়াস, পরনে সাদা শার্ট, তার পিঠ রক্তে লাল। এরকম বীভৎস দৃশ্য আমি কমই দেখেছি।

‘কী হরিব্ল ব্যাপার!’ বললেন লালমোহনবাবু। তারপর বেয়ারার দিকে ফিরে বললেন, ‘তুমি শেষ কখন দেখেছ তোমার মনিবকে?’

বেয়ারা আমতা আমতা করে যা বলল তাতে বুবলাম মিঃ সুকিয়াস সকালে ব্রেকফাস্ট করে এই ঘরে চলে আসেন কাজ করতে। তিনি নিজেই সব করেন, তাঁর সেক্রেটারি নেই, বা বাড়িতে অন্য কোনও লোক নেই। বেয়ারা এই সময়টা প্রয়োজন না হলে তাঁকে ডিস্টার্ব করে না। আজও সেই একই নিয়ম মানা হয়েছে।

‘সকালে কোনও লোক ওঁর সঙ্গে দেখা করতে আসেনি?’ আমি জিজ্ঞেস করলাম।
বেয়ারা মাথা নাড়ল।

‘নেহি হজুর। কোই নেহি আয়া।’

আমি বুঝতেই পারছিলাম যে বাইরে থেকে সামনের দরজা দিয়ে লোক আসার কোনও দরকার নেই, কারণ সুকিয়াসের চেয়ারের পিছনেই হাট করে খোলা একটা জানালা, তাতে শিক নেই। খুনি যে সেই জানালা দিয়েই চুকেছে তাতে কোনও সন্দেহ নেই।

‘তোমাদের টেলিফোন তো খারাপ, তাই না?’ লালমোহনবাবু প্রশ্ন করলেন।

‘হাঁ হজুর—দো রোজসে খারাপ হ্যায়।’

‘কিন্তু—’

আমি বললাম, ‘পুলিশের কথা ভুলে গিয়ে চলুন ট্যাঙ্কি নিয়ে হোটেলে ফিরে গিয়ে ফেলুন্দাকে নিয়ে আসি। যা করার ওই করবে।’

‘তাই চলো।’

৮

আমরা দশ মিনিটে হোটেলে পৌঁছে গেলাম।

ফেলুন্দাকে খবরটা দিতেই সে তার খাটাটা ফেলে দিয়ে কোনও কিছু না বলে জ্যাকেটটা চাপিয়ে নিয়ে আমাদের দুজনকে সঙ্গে নিয়ে বেরিয়ে পড়ল। তার ভুক্ত ভীষণ কুঁচকে গেছে।

সুকিয়াসের বাড়ি পৌঁছে সে প্রথমেই বেয়ারাকে জিজ্ঞেস করল, ‘তোমাদের ড্রাইভার আছে?’

‘হ্যায় হজুর, গাড়ি ভি হ্যায়।’

‘ড্রাইভারকে আমার কাছে পাঠিয়ে দাও।’

ড্রাইভার আসতে ফেলুন্দা তাকে তৎক্ষণাত্ম থানায় খবর দিতে বলল। ড্রাইভার চলে গেল।

এবার আমরা গিয়ে স্টাডিতে চুকলাম।

‘ছুরি মেরেছে ভদ্রলোককে,’ বলল ফেলুন্দা, ‘অস্ত্রটা নিয়ে গেছে।’

তারপর টেবিলের উপর ঝুঁকে পড়ে বলল, ‘ভদ্রলোক চিঠি লিখছিলেন।’

সেটা অবশ্য আমিও দেখেছিলাম। ইংরিজি চিঠির বেশ খানিকটা লেখা হয়ে গেছিল যখন ছুরিটা মারে।

‘এ কী—এ যে আমাকেই লেখা চিঠি?’ বলে উঠল ফেলুন্দা। তারপর বলল, ‘যদিও পুলিশ আসার আগে এখানে কিছু নড়চড় করা উচিত না, চিঠিটা যখন আমার তখন সেটার উপর আমার নিশ্চয়ই একটা ক্লেম আছে।’

এই বলে ফেলুন্দা চিঠিটা প্যাড থেকে ছিঁড়ে ভাঁজ করে পকেটে পুরে নিল।

তারপর জানালার কাছে গিয়ে বাইরে ঝুঁকে দেখল।

জানালার বাইরে একটা হাত চারেক চওড়া প্যাসেজ, তার পরেই বাড়ির পাঁচিল। সেই পাঁচিল টপকে লোক আসা খুব কঠিন নয়।

‘বোবাই যাচ্ছে খুনটা কোনও ভদ্রলোক করেননি।’

ফেলুন্দা প্রায় আপনমনেই কথাটা বলল। তারপর বলল, ‘যতদূর মনে হয় এ হল লখনৌইয়া ভাড়াটে গুণার কাজ। আর এখানে ডাকাতির কোনও প্রশ্ন আসছে না, কারণ এই



একটা ঘরেই আন্তত লাখ টাকার জিনিস রয়েছে। প্রশ্ন হচ্ছে, এই শয়তানটিকে কিনি এমপ্রয় করেছিলেন। অর্থাৎ লোকটি কার অ্যাকম্প্রিস।'

'সেটা অবশ্য মিঃ সুকিয়াসের ব্যক্তিগত ইতিহাস না জানলে বোঝা যাবে না', বললেন লালমোহনবাবু। 'তাই নয় কি?'

ফেলুদা বলল, 'ভদ্রলোকের বিষয় যে আমরা একেবারেই কিছু জানি না তা নয়। অদ্ভুত লোক ছিলেন সেটা তো জানি। চড়া সুদে টাকা ধার দেওয়ার সঙ্গে উঁচু দরের শিল্পব্যের সংগ্রহ গড়ে তোলা সাধারণ লোকের কম্ব নয়। আমার ধারণা চিঠিতেও কিছু তথ্য পাওয়া যাবে।'

'সেটা একবার পড়বেন না?' লালমোহনবাবু জিজ্ঞেস করলেন।

'চিঠিটির উপরে "কনফিডেনশিয়াল" লেখা ছিল সেটা বোধহয় আপনি দেখেননি। ওটা পড়ব যথাস্থানে যথা সময়ে। আততায়ীকে সুকিয়াস দেখেছিলেন বলে মনে হয় না। কাজেই তার আইডেন্টিটি তো আর চিঠিতে থাকবে না।'

দশ মিনিটের মধ্যেই পুলিশ এসে গেল। আবার ইনস্পেক্টর পাণ্ডে। ফেলুদার সঙ্গে কর্মদণ্ড করে বললেন, 'আপনি তো আমাদের টেক্কা দিয়েছেন দেখছি।'

'তা দিয়েছি, কিন্তু এখন থেকে এ কেসের ভাব সম্পূর্ণ আপনাদের উপর। আমি আর

এতে নাক গলাতে চাই না, কারণ তাতে কোনও লাভ হবে না। শুধু আততায়ীকে ধরলে পরে আমাকে একটা খবর দেবেন।’

‘আপনি তার মানে চললেন?’

‘হ্যাঁ। তবে আপনার সঙ্গে হয়তো দু-একদিনের মধ্যেই আবার দেখা হবে। কারণ আমি সেই চুরির মামলাটা মোটামুটি সল্ভ করে এনেছি।’

‘বলেন কী?’

‘তাই তো মনে হচ্ছে।’

‘আমরা কিন্তু মিঃ বিশ্বাসের ছেলেকে সন্দেহ করছি। আপনিও কি তাই?’

‘সেটা এখনও বলতে পারছি না। আমায় মাপ করবেন।’

‘আমরা ডেফিনিট প্রুফ পেয়েছি ও ড্রাগ্সের খঘরে পড়েছে। ওর পিছনে একজন লোকও লাগিয়ে দিচ্ছি আমরা।’

‘ওয়েল, বেস্ট অফ লাক্। এখন তো আপনাদের হাতে আরেকটি ক্রাইম পড়ল। আচ্ছা, একটা প্রশ্ন আছে। গুণ্ডা লাগিয়ে খুন সবখানেই সন্তুষ্ট এবং সেটা লখ্নোতেও সন্তুষ্ট বোধহয়।’

‘খুব বেশি মাত্রায়।’

‘থ্যাক্স।’

৯

কোনও একটা মামলার মাঝখানে ফেলুদাকে এত নিক্ষৰ্ম হয়ে পড়তে দেখিনি কখনও। আমরা পর পর দুদিন লালমোহনবাবুকে নিয়ে লখ্নো শহর দেখিয়ে বেড়ালাম। আমি একবার জিজ্ঞেস করলাম, ‘ফেলুদা, কী ব্যাপার বলো তো? তুমি এত চুপচাপ বসে আছ কেন?’

ফেলুদা বলল, ‘অর্ধেক মামলার সমাধান হয়ে গেছে। বাকি অর্ধেক পুলিশের সাহায্য ছাড়া হবে না। আমি এর মধ্যে পাণ্ডের কাছ থেকে দুবার ফোন পেয়েছি। মনে হয় পাকা খবর আর দুদিনের মধ্যেই পেয়ে যাব।’

‘পুলিশের ব্যাপারটা কি সুকিয়াসের খনের সঙ্গে জড়িত?’

‘ইয়েস,’ বলল ফেলুদা।

‘আর হার চুরি?’

‘সেটা নিয়ে আর ভাববার কিছু নেই।’

‘আর সুকিয়াসের খুন সম্বন্ধে তোমার কি কোনও ধারণাই নেই?’

‘আছে, কিন্তু প্রমাণ চাই? সেই প্রমাণটা পুলিশ গুণ্ডাটাকে ধরতে পারলেই পেয়ে যাব। কে খুন করিয়েছে সে সম্বন্ধে আমার একটা পরিষ্কার ধারণা আছে।’

আরও একটা দিন এই ভাবে কেটে গেল। আমরা জটায়ুকে নিয়ে মিউজিয়াম দেখিয়ে আনলাম। এখন জটায়ুর লখ্নো দেখা শেষ বললেই চলে। আমাদের কলকাতায় ফিরতে আর দুদিন বাকি আছে।

দুপুরবেলা ফেলুদা যে ফোনটা আশা করছিল সেটা এল। মিঃ পাণ্ডের কাছ থেকে। কথা বলার পর ওকে জিজ্ঞেস করতে ফেলুদা বলল, ‘কেস খতম। ওরা গুণ্ডাটাকে ধরেছে। শাস্ত্র সিং বলে এক পাঞ্জাবি। সে আদালতে দোষ স্বীকার করেছে, আসল লোককে দেখিয়ে দেবে বলেছে। যে ছুরিটা দিয়ে খুনটা করা হয়েছিল

সেটাও পাওয়া গেছে।’

‘তা হলে এখন কী হবে?’

‘রহস্য উদ্ঘাটন। আজ সক্ষাৎ সাতটায় জয়স্ত বিশ্বাসের বাড়িতে।’

এর পর ফেলুদাকে পর পর অনেকগুলো ফোন করতে হল। প্রথমে অবশ্য জয়স্তবাবুকে। ভদ্রলোক রাজি হয়ে গেলেন। বললেন, ‘বাকি সবাইকে তা হলে আপনিই খবর দিয়ে দিন। আপনি তো সকলের টেলিফোন নম্বরই জানেন।’

ভীষণ উৎকষ্ঠা নিয়ে পৌনে সাতটার সময় হেট্টির জয়স্ত বিশ্বাসের বাড়িতে গিয়ে হাজির হলাম। ইনস্পেক্টর পাণ্ডেও এসে পড়লেন সাতটার পাঁচ মিনিট আগে—সঙ্গে দুজন কনস্টেবল, আর আরেকটি লোক যার হাতে হাতকড়া। বুঝলাম সেই হচ্ছে খুনি গুণ।

সাতটা বেজে পাঁচ মিনিটের মধ্যেই সকলে এসে পড়ল। সকলে বলতে তালিকাটা দিয়ে দিই—জয়স্তবাবুর বাড়ির পাঁচজন, সাল্ডান্হার বাড়ির দুজন আর রতনলাল ব্যানার্জি। প্রশ্ন বৈঠকখানায় সকলে চেয়ার আর সোফাতে ছড়িয়ে বসলেন। রতনলাল আগেই প্রশ্ন করলেন, ‘হোয়াট ইজ দিস ফোর্স?’ ফেলুদা বলল, ‘আপনি এটাকে প্রহসন বলে মনে করতে পারেন, কিন্তু আর সকলের কাছে ব্যাপারটা বোধহ্য খুবই সিরিয়াস।’

‘হারটা পাওয়া গেছে কি?’ চাপা স্বরে প্রশ্ন করলেন সুনীলা দেবী।

‘যথাসময়েই তার উত্তর পাবেন’, বলল ফেলুদা। তারপর উঠে দাঁড়িয়ে সমবেত সকলের উপর একবার চোখ বুলিয়ে বলল, ‘রহস্যের সমাধান হয়েছে। বলাই বাহ্য, এটা পুলিশের সাহায্য ছাড়া হত না। আমি আপনাদের এখন ঘটনাটা বলতে চাই। আশা করি আপনাদের মনে যে সমস্ত প্রশ্ন রয়েছে তার জবাবও আমার কথায় পেয়ে যাবেন।’

‘আই হোপ খুব বেশি সময় নেবেন না,’ বললেন রতনলাল ব্যানার্জি, ‘আমার একটা ডিনার আছে।’

‘যতটুকু দরকার তার এক মুহূর্ত বেশি নেব না’, বলল ফেলুদা।

সবাই চুপ।

‘তা হলে এবার শুরু করি?’

‘করুন’, বললেন জয়স্তবাবু।

‘গোড়াতেই বলে রাখি যে এখানে দুটো তদন্তের ব্যাপার নিয়ে আমাদের কারবার। এক হল শকুন্তলা দেবীর হার চুরি, আর দ্বিতীয় হল মিঃ সুকিয়াসের মার্ডার।

‘এই তদন্তের ব্যাপারে আমি সকলকে জেরা করি। তার মধ্যে সকলেই যে সব সময় সত্যি কথা বলেছেন তা নয়। তাদের মিথ্যে কিছু ধরা পড়েছে অন্যের জেরাতে। কেউ কেউ কিছু কিছু জিনিস লুকোতে চেয়েছেন, কেউ কেউ আবার আমার প্রশ্নের জবাবই দেননি। হারের ব্যাপারে অনেককে সন্দেহ করা চলতে পারত। তার মধ্যে ছিলেন শ্রীমান প্রসেনজিৎ, যিনি ড্রাগের নেশ্বা ধরেছেন এবং সে ড্রাগ কেনার জন্য তাঁর প্রায়ই টাকার দরকার হয়। সে টাকা তিনি এর-ওর কাছ থেকে ধার করেন এবং জুয়া খেলেও জোগাড় করেন। তারপর আরেকজনকে সন্দেহ করা চলতে পারে; তিনি হলেন সুদুর্শন সোম। পরের আশ্রিত তিনি, অভাবী লোক, হয়তো সে অবস্থা থেকে মুক্তি পাবার জন্য তিনি হারটা চুরি করেছিলেন। তা ছাড়া আছেন মিঃ সাল্ডান্হা। তাঁর দেকান ভাল চলছে না, তিনি নিজের অবস্থার উন্নতি করার জন্য হারটা চুরি করতে পারেন। এক জনের উপর সন্দেহ করার কোনও কারণ ছিল না, তিনি হলেন জয়স্তবাবু। কারণ তাঁর জবানিতে তিনি বলেছিলেন যে তাঁর ব্যবসা ভালই চলছে, তাঁর টাকার কোনও অভাব নেই। কিন্তু আরেকজনের জবানিতে আমি শুনি যে তাঁর ব্যবসা মোটেই ভাল যাচ্ছে না, তিনি ফ্রাস্টেশন বশত তাঁর মদের মাত্রা বাড়িয়ে দিয়েছেন।



ଅବିଶ୍ୟ

ଅବିଶ୍ୟ ଏହି ଜବାନି ଥେକେ କିଛୁ ପ୍ରମାଣ ହ୍ୟ ନା, ଏଟା ଭୁଲଓ ହତେ ପାରେ ।

‘ଏଥାନେ ସୁକିଯାସେର ଖୁନେର ବ୍ୟାପାରେ ଆମାକେ ଆସତେ ହଚ୍ଛେ । ତିନି ଯଥିନ ଖୁନ ହନ ତଥିନ ଏକଟା ଚିଠି ଲିଖିଛିଲେନ । ଚିଠିଟା ପ୍ରାୟ ଶେଷ ହ୍ୟେ ଗିଯେଛିଲ ଏବଂ ସୋଟା ଆମାକେ ଉଦେଶ କରେ ଲେଖା । ଏହି ଚିଠି ଲେଖାର କାରଣ ହଲ—ତାଙ୍କେ ହଠାତ୍ କାନପୁର ଚଳେ ଯେତେ ହଚ୍ଛିଲ ମେହି ସକାଲେଇ, ତାଇ ଆମାକେ ତିନି କୋଯେଶ୍ଚନିଂ-ଏର ଜନ୍ୟ ସମୟ ଦିତେ ପାରିଛିଲେନ ନା । କିନ୍ତୁ କାନପୁର ଯାବାର ଆଗେଇ ତିନି ଖୁନ ହନ ।

‘ଏହି ଚିଠି ଥେକେ ଆମି ଦୁଟୋ ତଥ୍ୟ ଜାନତେ ପାରି । ଏକ ହଲ ଏହି ଯେ ଶକୁନ୍ତଲା ଦେବୀର ହାରଟା ଅବଶ୍ୟେ ଜୟନ୍ତବାୟ ତାଙ୍କେ ବିକ୍ରି କରତେ ରାଜି ହ୍ୟେଛିଲେନ ଦୁ ଲାଖ ଟାକାଯ । ଏହି ହାରଟା ଆର ତିନଦିନେର ମଧ୍ୟେଇ ସୁକିଯାସେର ହଞ୍ଚଗତ ହବାର କଥା ଛିଲ, କିନ୍ତୁ ତାର ଆଗେଇ ହାରଟା ଚୁରି ହ୍ୟେ ଯାଯ ।

‘ଦ୍ୱିତୀୟ ତଥ୍ୟ ହଲ, ଏହି ଘରେ ସମ୍ବେଦ ସକଳେର ମଧ୍ୟେ ଏକଜନ ଆଛେନ ଯିନି ମିଃ ସୁକିଯାସେର କାହିଁ ପଞ୍ଚଶ ହାଜାର ଟାକା ଧାର କରେନ ଦେଡ଼ ମାସ ଆଗେ । ତିନି ବଲେଛିଲେନ ଟାକାଟା ଏକ ମାସେର ମଧ୍ୟେ ସୁଦ୍ଦମେତ ଫେରତ ଦିଯେ ଦେବେନ, କିନ୍ତୁ ଦେନନି । ସୁକିଯାସ ତାଙ୍କେ ଅନେକ ଅନୁରୋଧ କରେଓ ଟାକାଟା ଆଦାୟ କରତେ ପାରେନନି । ତଥିନ ତିନି ବଲେନ ଆଇନେର ଆଶ୍ୟ ନେବେନ । ଏଇସବ ତଥ୍ୟ ଆମାର ଜେରାୟ ପ୍ରକାଶ ପେଯେ ଯେତ ବଲେଇ ତାଙ୍କେ ଖୁନ କରା ହ୍ୟ । ଅବିଶ୍ୟ ଯିନି ଖୁନ୍ଟା କରିଯେଛିଲେନ ତାଁ ପକ୍ଷେ ସୁକିଯାସେର ଚିଠିର କଥା ଜାନାର କୋନଓ ଉପାୟ ଛିଲ ନା, କାରଣ ଖୁନେର ସମୟ ତିନି ସେଖାନେ ଉପାସିତ ଛିଲେନ ନା । ଯିନି ଉପାସିତ ଛିଲେନ, ଅର୍ଥାତ୍ ଏହି ଭଦ୍ରଲୋକେର ଅୟକମପ୍ଲିସ, ତାକେ ପୁଲିଶ ଧରେଛେ ଏବଂ ମେ ତାର ଅପରାଧ ସ୍ଵୀକାର କରେଛେ । ଆର ଏଟାଓ ମେ ବଲେଛେ ଯେ, ଯେ ତାକେ ଏମପ୍ଲିସ କରେଛିଲ ତାକେ ମେ ଦେଖିଯେ ଦେବେ ।’

ফেলুদা এবার পাণ্ডের দিকে ফিরল ।

‘মিঃ পাণ্ডে—আপনি আপনার লোককে আনান তো ।’

দুজন কনস্টেবল গিয়ে শস্ত্র সিংকে নিয়ে এল ।

ফেলুদা বলল, ‘তোমাকে যে খুনটা করতে বলেছিল সে লোক কি এখানে রয়েছে ?’

শস্ত্র সিং এদিক দেখে বলল, ‘হাঁ হজুর ।’

‘তাকে দেখাতে পারবে ?’

‘ওই যে সেই লোক’, বলে একজন বিশেষ ব্যক্তির দিকে শস্ত্র সিং তার হাতকড়া পরা দুটো হাত একসঙ্গে তুলে দেখাল ।

সকলে অবাক হয়ে দেখল, যে রতনলাল ব্যানার্জির মুখ থেকে তাঁর পাইপটা খসে ঠকাস শব্দে মাটিতে পড়ল ।

‘হোয়াট ননসেস ইজ দিস ?’ বলে উঠলেন রতনলাল ব্যানার্জি ।

ফেলুদা বলল, ‘আপনি ননসেসই বলুন, আর ফার্সই বলুন, ইয়োর গেম ইজ আপ, মিঃ ব্যানার্জি ।’

সমস্ত ঘরে একটা থমথমে ভাব, তার মধ্যে ফেলুদা কথা বলে চলল ।

‘আপনাকে একটা প্রশ্ন করতে চাই, মিস্টার অ্যালবার্ট রতনলাল ব্যানার্জি । আপনার কীসের জন্য পঞ্জশ হাজার টাকা ধার করার প্রয়োজন হয়েছিল সেটা বলবেন কি ?’

‘আই উইল নট’, এখনও তেজের সঙ্গে বললেন রতনলাল ।

‘তা হলে আমিই বলি’, বলল ফেলুদা । ‘আপনি যা বোজগার করতেন তার চেয়ে অনেক বেশি খরচ করতেন । সুকিয়াস লিখেছে আপনি বাইজিদের পিছনে অটেল টাকা ঢালতেন । আমরা যেদিন আপনার ঘরে গিয়েছিলাম সেদিন আতরের গন্ধ পেয়েছিলাম । আমার ধারণা আমরা আসার আগে আপনার ঘরে একজন বাইজি ছিলেন, তাঁকে আপনি ভিতরে পাঠিয়ে দেন । আপনি নিজে আতর ব্যবহার করলে পার্টির দিনেও নিশ্চয়ই করতেন, কিন্তু সেদিন কোনও গন্ধ পাইনি । আমার মনে হয় আপনি আপনার পিতামহের স্বভাব পেয়েছিলেন । তাঁরও শেষ জীবনে অর্থভাব হয়েছিল । আপনিও সেই একই কারণে সুকিয়াসের দ্বারা স্থান হয়েছিলেন ।’

‘ও মাই গড !’ মাথা হেঁট করে ঝঁক্ষুঁরে বললেন রতনলাল । ‘আই অ্যাম ফিনিশ্ড ।’

ইনস্পেক্টর পাণ্ডে ও একজন কনস্টেবল তাঁর দিকে এগিয়ে গেল ।

ফেলুদা বলল, ‘আমার বক্তব্য অবিশ্য এখনও শেষ হয়নি । এখনও একটা রহস্য উদ্ঘাটন হতে বাকি আছে, সেটা হল শকুন্তলা দেবীর কঠার । সেটা জয়স্তবার নিতে চেয়েছিলেন, কিন্তু পারেননি, কারণ সেটা তার আগেই অন্য একজনের হাতে যায় ।’

‘কার ?’ চাপা স্বরে জিজ্ঞেস করলেন সুনীলা দেবী ।

‘এখানে আমি একটা কথা বলতে চাই’, বলল ফেলুদা । ‘একটা ধারণা হয়েছিল যে সেদিন পার্টিতে যখন ফিল্ম দেখানো হচ্ছিল সেই অঙ্ককার অবস্থাতেই বুঝি কেউ গিয়ে হারটা নিয়ে আসে । কিন্তু আসলে ফিল্ম যখন চলে তখন পর্দা থেকে প্রতিফলিত আলোয় ঘর আর সম্পূর্ণ অঙ্ককার থাকে না । আমি সেদিন প্রোজেক্টরের পাশে দাঁড়িয়েছিলাম । আমার দৃষ্টি শুধু পর্দার দিকে ছিল না । ঘর থেকে কেউ বেরিয়ে গেলে আমি নিশ্চয় দেখতে পেতাম । কেউ বেরোয়নি । প্রসেনজিঃ দাঁড়ানো অবস্থা থেকে সোফায় বসে আর ছবি চলার মধ্যে সুকিয়াস প্রবেশ করেন । ঘরে আর কোনও নড়াচড়া হয়নি ।’

‘তা হলে ?’ সুনীলা দেবী হতভম্ব ।

‘তা হলে এই যে ছবি শুরু হবার আগেই হারটা সিন্দুক থেকে বার করে আনা হয়েছিল ।’

‘সে তো হয়েছিল,’ বললেন সুনীলা দেবী। ‘শীলা এনেছিল আপনাকে দেখানোর জন্য এবং শীলাই সেটা আবার তুলে রাখে।’

‘না। সেখানেই ভুল। শীলা হারটাকে আর সিদ্ধুকে তোলেনি। সে সেটা নিজের কাছেই রেখে দিয়েছিল। এটা আমি বুঝতে পেরেছিলাম, কিন্তু কারণটা বুঝিনি। পরে রাত্রে সে সেটাকে একটা ফুলের টবে মাটির মধ্যে পুঁতে রাখে। এ কথা শীলা নিজে আমাকে বলেছে। এই যে সেই হার।’

ফেলুদা তার কোটের পকেট থেকে হারটা বার করে ঘরের মাঝখানে টেবিলের উপর রাখল। ঘরের সকলের মুখ থেকে একটা বিশ্ময়সূচক শব্দ বেরিয়ে এল।

সুনীলা দেবী বললেন, ‘কিন্তু...কিন্তু সে এরকম করল কেন?’

‘কারণ সে তার ঘর থেকে আপনার এবং আপনার স্বামীর মধ্যে কথোপকথন শুনে ফেলেছিল। তার শোবার ঘর তো আপনাদের শোবার ঘরের পাশেই এবং মাঝখানের দরজা খোলাই থাকে। মাঝরাত্রে তার ঘৃম ভেঙে যায়। তখন আপনি আপনার স্বামীকে বলছিলেন যে হারটা আপনি সুকিয়াসকে বিক্রি করতে রাজি আছেন। এই সিদ্ধান্তে গোঁছতে অবিশ্যি আপনার অনেক সময় লেগেছিল, কিন্তু শেষ পর্যন্ত যে আপনি রাজি হয়েছিলেন সেটা তো ঠিক। এমন দুর্ঘটনা যাতে না ঘটে তাই শীলা হারটা সরিয়ে রেখেছিল, এবং সে এটা করেছিল বলেই আজও হারটা আপনাদের কাছে রয়েছে এবং আশা করা যায় থাকবে। এমন জিনিস হাতছাড়া করাও একটা ক্রাইম।’

*

হোটেলে ফিরে এসে লালমোহনবাবু মাথা চুলকে বললেন, ‘মশাই, লাক্নাউ মানে তো ভাগ্য এখনই। তা এখানে ভাগ্যটা কার সেটা তো আমি ঠিক বুঝতে পারছি না।’

ফেলুদা বলল, ‘কেন পারছেন না? ভাগ্য আপনার, কারণ আপনি আবার ফেলু মিত্রের একটা তারাবাজি দেখতে পেলেন বিমে পয়সায়।’

আমি বললাম, ‘তা ছাড়া সুনীলা দেবীদেরই ভাগ্য ভাল যে হারটা তাদেরই রয়ে গেল। থ্যাক্সস্টু মেরি শীলা।’

‘যা বলেছ তপেশ ভাই’, বললেন লালমোহনবাবু।

‘শীলার মতো মেয়ে বড় একটা দেখা যায় না—তাই না ফেলুবাবু?’

ফেলুদা বলল, ‘শকুন্তলা দেবীর হারটা যদি সত্যি করে কেউ কদর করে, সে হল মেরি শীলা বিশ্বাস।’

ডাঃ মুনসীর ডায়রি

আজ চায়ের সঙ্গে চানাচুরের বদলে শিঙাড়া। লালমোহনবাবু কিছুদিন থেকেই বলছেন, “খাই-খাই” বলে একটা দোকান হয়েছে মশাই, আমার বাড়ি থেকে হাফ-এ মাইল, সেখানে দুর্দান্ত শিঙাড়া করে। একদিন নিয়ে আসব।’

আজ সেই শিঙাড়া এসেছে, আর লালমোহনবাবুর কথা যে সত্যি, সেটা প্রমাণ হয়ে গেছে।

‘সামনের বৈশাখে আপনার যে বইটা বেরোবে তার ছক কাটা হয়ে গেছে?’ জিজ্ঞেস করল ফেলুদা।

‘ইয়েস স্যার! কাষ্পুচিয়ায় কম্পমান। এবার দেখবেন প্রথর কংদ্রের হাবভাব কায়দাকানুন অনেকটা ফেলু মিত্রের মতো হয়ে আসছে।’

‘অর্থাৎ সে আরও প্রথর হয়ে উঠেছে এই তো?’

‘তা তো বটেই।’

‘গোয়েন্দাৰ ইয়পুভমেন্টের সঙ্গে সঙ্গে তার সৃষ্টিকৰ্ত্ত্ব ও ইয়পুভ করেছেন নিশ্চয়ই।’

‘এই কবছর সমানে যে আপনার আশেপাশে ঘুৰঘুৰ করেছি, তাতে অনেকটা বেনিফিট যে পাওয়া যাবে সেটা তো আপনি অস্বীকার করবেন না?’

‘সেটা মানব যদি আপনি পরীক্ষায় উত্তীর্ণ হতে পারেন।’

‘কী পরীক্ষা?’

‘পর্যবেক্ষণ ক্ষমতার পরীক্ষা। বলুন তো আমার মধ্যে কোনও পরিবর্তন দেখছেন কিনা। আপনি তো গতকালও সকালে এসেছিলেন; আজকের আমি আর গতকালের আমির মধ্যে কোনও তফাত দেখছেন কি?’

লালমোহনবাবু উঠে দাঁড়িয়ে দুপা পিছিয়ে গিয়ে মিনিটখানেক ফেলুদাকে আপাদমস্তক স্টাডি করে বললেন, ‘কই, না তো! উঁহ। নো ডিফারেন্স। কোনও তফাত নেই।’

‘হল না! ফেল। অতএব প্রথর রুদ্ধও ফেল। আপনি আসার দশ মিনিট আগে আমি প্রায় এক মাস পরে হাত আর পায়ের নখ কেটেছি। কিছু দিদের চাঁদের মতো হাতের নখ এখনও মেঝেতে পড়ে আছে। ওই দেখুন।’

‘তাই তো!’

লালমোহনবাবু কিছুক্ষণের জন্য খানিকটা নিষ্পত্ত হয়ে হঠাৎ ফেলুদার দিকে চেয়ে বললেন, ‘ভেরি ওয়েল; এবার আপনি বলুন তো দেখি আমার মধ্যে কী চেঙে লক্ষ করছেন।’

‘বলব?’

‘বলুন।’

ফেলুদা চায়ের খালি কাপটা টেবিলে রেখে চারমিনারের প্যাকেটটা তুলে নিয়ে বলল, ‘নাস্বার ওয়ান, আপনি কাল অবধি লাক্স টয়লেট সোপ ব্যবহার করেছেন; আজ সিল্লের গন্ধ পাচ্ছি। খুব সন্তুষ্ট টি ভি-র বিজ্ঞাপনের চটকের ফলে।’

‘ঠিক বলেছেন মশাই। এনিথিং এলস?’

‘আপনি পাঞ্জাবির বোতাম সব কটাই লাগিয়ে থাকেন; আজ অনেকদিন পর দেখছি ওপরেরটা খোলা। নতুন পাঞ্জাবিতে বোতাম লাগাতে অনেক সময় বেশ কসরত করতে হয়। ওপরেরটায় সেই কসরতে কোনও ফল হয়নি বলে মনে হচ্ছে।’

‘মোক্ষম ধরেছেন।’

‘আরও আছে।’

‘কী?’

‘আপনি রোজ সকালে একটি করে রসুনের কোয়া চিবিয়ে থান; সেটা আপনি ঘরে এলেই বুঝতে পারি। আজ পারছি না।’

‘আর বলবেন না। ভরণাজটা এমন কেয়ারলেস। দিয়েছি কড় করে ধমক। এইভিস্বর থেকে রসুন ধরেছি মশাই, সকালে ডেইলি এক কোয়া। আমার সিসটেমটাই—’

জটায়ুর রসুনের শুণকীর্তন কমাতে হল, কারণ কলিং বেল বেজে উঠেছে। দরজা খুলে দেখি ফেলুদারই বয়সী এক ভদ্রলোক।

ফেলুদা উঠে দাঁড়াল।

‘আসুন—’

‘আপনিই তো?’

‘আমার নাম প্রদোষ মিত্র।’

ভদ্রলোক সোফায় বসে বললেন, ‘আমার নাম শক্র মুনসী।’

‘সাইকায়াটিস্ট?’

আমি জানতাম ব্যারামের চিকিৎসা করে তাদের বলে সাইকায়াটিস্ট।

‘সেদিনই খবরের কাগজে ওঁর বিষয়ে একটা খবর পড়লাম না? একটা ছবিও তো বেরিয়েছিল।’

‘হ্যাঁ, আপনি ঠিকই বলেছেন’, বললেন শক্র মুনসী। ‘গত চল্লিশ বছর ধরে উনি একটা ডায়রি লিখেছেন, সেটা পেঙ্গুইন ছাপছে। আপনি হয়তো জানেন না। বাবার মনোবিজ্ঞানী হিসাবে সুনাম আছে ঠিকই, কিন্তু আরেকটা ব্যাপারেও তিনি ছিলেন অসাধারণ। সেটা হল শিকার। পাঁচিশ বছর আগে শিকার ছাড়লেও, এই ডায়েরিতে তাঁর শিকারের অভিজ্ঞতার বর্ণনাও আছে। পেঙ্গুইন এখনও লেখাটা পড়েনি; সাইকায়াটিস্ট শিকারির ডায়রি শুনেই ছাপার প্রস্তাব দেয়। তবে লেখক হিসেবে যে বাবার সুনাম আছে সেটা তারা জানে। মনোবিজ্ঞান সমষ্টি চমৎকার ইংরিজিতে লেখা বাবার অনেক প্রবন্ধ নানান পত্র-পত্রিকায় বেরিয়েছে।’

‘খবরটা কি আপনারাই কাগজে দেন?’

‘না, ওটা প্রকাশকের তরফ থেকে বেরোয়া।’

‘আইসি।’

‘যাই হোক, এবার আসল ব্যাপারটায় আসি। বাবার গর্ব হচ্ছে যে এ ডায়রিতে তিনি একটিও মিথ্যা কথা লেখেননি। তিনজন লোককে নিয়ে তিনটি ঘটনার উল্লেখ আছে ডায়রিতে। যদের পুরো নামটা ব্যবহার না করে বাবা নামের প্রথম অক্ষরটা ব্যবহার করেছেন। এই অক্ষর তিনটি হল “এ”, “জি”, আর “আর”。 এরা তিনজনেই আজ সমাজে সম্মানিত, সাঙ্গেসফুল ব্যক্তি। কিন্তু তিনজনেই, বেশ অনেককাল আগে, তিনটি অত্যন্ত গর্হিত কাজ করেন, এবং তিনজনেই নানান ফিকিরে আইনের হাত থেকে রেহাই পান। যদিও পুরো নাম ব্যবহার না করার দরুন বাবা আইনের হাত থেকে সম্পূর্ণ নিরাপদ। তবুও প্রকাশকের কাছ থেকে অফারটা পাবার পর বাবা তিনজনকেই ব্যাপারটা বলেন। “এ” আর “জি” প্রথমে আপন্তি তোলে, তারপর বাবা বুঝিয়ে বলার পর খানিকটা অনিষ্ট সঙ্গেও রাজি হয়। “আর” নাকি কোনওরকম আপন্তি তোলেনি।

‘গতকাল দুপুরে থেতে বসেছি, এমন সময় চাকর এসে বাবাকে একটা চিঠি দেয়। সেটা পড়ে বাবার মুখ গন্তির হয়ে যায়। কারণ জিজ্ঞেস করাতে বাবার মুখে প্রথম “এ”, “জি” আর “আর”-এর বিষয় শুনি, আগে কিছুই জানতাম না।’

‘কেন?’



‘বাবা লোকটা একটু পিকিউলিয়ার। উনি পেশা আর পেশেন্ট ছাড়া আর কিছুই জানেন না। আমি, মা, সংসার—এসব সম্পর্কেই বাবা সম্পূর্ণ উদাসীন। মা মানে আমার বিমাতা, স্টেপমাদার। আমার যখন তিনি বছর বয়স তখন আমার মা মারা যান। তার দু বছর পরে বাবা আবার বিয়ে করেন। এই নতুন মা যে আমাকে খুব কাছে টেনে নিয়েছিলেন তা বলতে পারি না। আমদের বাড়ির এক অনেক দিনের পুরনো চাকর আমার দেখাশুনা করত। সেই ব্যবধান এখনও রয়ে গেছে। যদিও এটা বলব যে বাবার স্নেহ যেমন পাইনি, তেমনি তাঁর শাসনও ভোগ করিনি।’

‘এবং তাঁর ডায়রিও পড়েননি?’

‘না। শুধু আমি না, কেউই পড়েনি।’

‘আসল প্রসঙ্গ থেকে আমরা একটু দূরে সরে এসেছি। ওই চিঠি কি এই তিনজনের একজন লিখেছেন?’

‘ইয়েস, ইয়েস। এই দেখুন।’

শক্রবাবু একটা খাম বার করে ফেলুদাকে দিলেন। তা থেকে যে চিঠিটা বেরোল সেটা ফেলুদার পিছনে দাঁড়িয়ে আমি আর লালমোহনবাবুও পড়লাম। প্রথমেই তলায় দেখলাম ‘এ’। তার উপর লেখা ‘আই টেক ব্যাক মাই ওয়ার্ড। ডায়রি ছাপতে হলে আমার অংশ বাদ দিয়ে ছাপতে হবে। এটা অনুরোধ নয়, আদেশ। অমান্য করলে তার ফল ভোগ করতে হবে।’

‘একটা প্রশ্ন আছে’, বলল ফেলুদা। ‘এই তিনি ব্যক্তির অপরাধের কথা আপনার বাবা জানলেন কী করেন?’

‘সেও খুব ইন্টারেস্টিং ব্যাপার। কৌশলে আইনের কবল থেকে মুক্তি পেয়ে “এ”, “জি” আর “আর” মনে শান্তি পায়নি। গভীর অনুশোচনা, শেষটায় ঘটনাক্রে ধরা পড়ে যাবার ভয় ক্রমে মানসিক ব্যারামে দাঁড়ায়। বাবার তখনই বেশ নাম ডাক, এরা তিনজনেই বাবার কাছে আসে চিকিৎসার জন্য। সাইকায়াটিস্টের কাছে তো আর কিছু লুকোনো চলে না; সব প্রশ্নের সঠিক জবাব না দিলে চিকিৎসাই হবে না। এই ভাবে বাবা এদের ঘটনাগুলো জানতে পারেন।’

‘হ্মকি কি শুধু “এ”-ই দিয়েছে?’

‘এখন পর্যন্ত তাই, তবে “জি” সম্বন্ধেও বাবার সংশয় আছে।’

‘এই তিনজনের অপরাধ কী তা আপনি জানেন?’

‘না। শুধু তাই না; এদের আসল নাম, এখন এরা কী করছে, এসব কিছুই বলেননি বাবা। তবে আপনাকে নিশ্চয়ই বলবেন।’

‘উনি কি আমার খোঁজ করছেন?’

‘সেই জন্যেই তো এলাম। বাবা ওঁর এক পেশেন্টের কাছ থেকে আপনার নাম শুনেছেন। আমাকে জিজ্ঞেস করতে আমি বললাম গোয়েন্দা হিসেবে আপনার যথেষ্ট খ্যাতি আছে। তাতে বাবা বললেন, “মানুষের মনের চাবিকাঠি হাতে না থাকলে ভাল গোয়েন্দা হওয়া যায় না। ওঁকে একটা কল দিতে পারলে ভাল হত। এইসব হ্মকি-টুমকিতে শান্তিভঙ্গ হয়। ফলে কাজের ব্যাধাত হয়। সেটা আমি একেবারেই চাই না।” আমি তখনই বাবাকে জিজ্ঞেস করি মিত্রিকে কথন আসতে বলব। বাবা বললেন, রবিবার সকাল দশটা। এখন আপনি যদি...’

‘বেশ তো; আমার দিক থেকে আপন্তি করার তো কোনও কারণই নেই।’

‘তা হলে এই কথা রাইল। রবিবার সকাল দশটা, নাস্তা সেভ্বন সুইনহো স্ট্রিট।’

২

সাত নম্বর সুইনহো স্ট্রিট ডাঙ্গারের বাড়ি বলে মনেই হয় না; তার সদর দরজা দিয়ে চুকে প্রথমেই চোখে পড়ে একটা দাঁড়ানো রয়েল বেঙ্গল টাইগার, আর তার পিছনে দেয়ালে উপর দিকে একটা বাইসনের মাথা।

শক্রবাবু নীচেই অপেক্ষা করছিলেন, আমরা তাঁর সঙ্গে দোতলায় গিয়ে বৈঠকখানায় বসলাম। এঘরেও চতুর্দিকে শিকারের চিহ্ন। ভদ্রলোক ডাঙ্গারি করে এত জানোয়ার মারার সময় কী করে পেলেন তাই ভাবছিলাম।

মিনিট খালেকের মধ্যেই ডাঃ মুনসী এসে পড়লেন। মাথার চুল সব সাদা হয়ে গেছে, তবে এখনও যে বেশ শক্ত সমর্থ সেটা দেখলেই বোঝা যায়। ভদ্রলোক ফেলুদার সঙ্গে হ্যান্ডশেক করে বললেন, ‘আপনার তো ব্যায়াম করা শরীর বলে মনে হচ্ছে। ভেরি গুড। আপনার কাজ প্রধানত মাথার হলোও আপনি যে শরীরের প্রতি দৃষ্টি রেখেছেন সেটা দেখে ভাল লাগল।’

এবার ভদ্রলোক জটায় ও আমার দিকে চাইতে ফেলুন্দা আমাদের পরিচয় করিয়ে দিল।

‘ঠুঠু ট্রাস্টওয়ার্ডি কি?’ ডাঃ মুনসী প্রশ্ন করলেন।

‘সম্পূর্ণ’, বলল ফেলুন্দা। ‘তপেশ আমার খুড়তুতো ভাই এবং আমার সহকারী, আর মিঃ গঙ্গুলী আমার অস্তরঙ্গ বন্ধু।’

‘এই জন্যে জিজেস করছি কারণ আজ সেই তিনি ব্যক্তির আসল পরিচয় আমাকে দিতে হবে, না হলে আপনি কাজ করতে পারবেন না। এই পরিচয় শুধু আপনারা তিনজনই জানবেন, আর কেউ জানে না, আর কাউকে বলিনি।’

‘আপনি নির্ভয়ে বলতে পারেন, ডাঃ মুনসী’, বললেন জটায়। ‘আমি অস্ত আর কাউকে বলব না।’

‘ভেরি ওয়েল।’

‘তা হলে বলুন কী করতে পারি। হ্রমকি চিঠির কথা আপনার ছেলে বলেছেন।’

‘শুধু হ্রমকি চিঠি নয়’, বললেন ডাঃ মুনসী, ‘হ্রমকি টেলিফোনও বটে। এটা কাল রাত্রের ঘটনা। তখন সাড়ে এগারোটা। বোঝাই যায় মন্ত অবস্থায় ফোন করছে। হিগিন্স। জর্জ হিগিন্স।’

‘আপনার ডায়ারির “জি”?’

‘ইয়েস। বলে কী—“সেদিন টেলিফোনে আমি অত্যন্ত বোকার মতো কথা বলেছি। যখন তোমার কাছে ট্রিটমেন্টের জন্য যাই, তখন আমার যে ব্যবসা ছিল, এখনও সেই ব্যবসাই রয়েছে। একচেটিয়া ব্যবসা আমার, সুতরাং ‘জি’ থেকে অনেকেই আমার আসল পরিচয় অনুমান করতে পারবে। সো কাট মি আউট।” মাতালকে তো আর যুক্তি দিয়ে কিছু বোঝানো যায় না। ফলে ফোন রেখে দিতে হল। বুঝতেই পারছেন, আমি কিংবা নিয়ে এত ব্যস্ত থাকি যে এদের বাড়ি নিয়ে সামনাসামনি কথা বলে যে কিছু বোঝাব তার সময় বা সামর্থ্য আমার নেই। এ কাজের ভারটা আমি আপনাকে দিতে চাই। “এ” এবং “জি”। “আর”—কে নিয়ে চিন্তার কারণ নেই। কারণ তার সঙ্গে কথা বলে জেনেছি যে নামের আদ্যক্ষর থেকে তাকে কেউ চিনে ফেলবে এ আশক্ত তার নেই।’

‘কিন্তু এই তিনজনের আসল পরিচয়টা—।’

‘কাগজ পেনসিল আছে?’ ফেলুন্দা পকেট থেকে নোটবুক আর ডট পেন বার করল।

‘লিখুন, “এ” হল অরূপ সেনগুপ্ত। ম্যাকনিল কোম্পানির জেনারেল ম্যানেজার, রোটারি ফ্লাবের ভাইস প্রিসিডেন্ট। বাসস্থান এগারো নম্বর রোল্যান্ড রোড। ফোন নম্বর ডি঱েষ্টেরিতে দেখে নেবেন।’

ফেলুন্দা চটপট ব্যাপারটা লিখে নিল।

‘এবার লিখুন’, বলে চললেন ডাঃ মুনসী, “জি” হল জর্জ হিগিন্স। টেলিভিশনের জন্য বিদেশে জানোয়ার চালান দেবার ব্যবসা এঁর। বাড়ির নম্বর নকুই রিপন স্ট্রিট। রাস্তার নাম থেকে বুঝতে পারবেন উনি পুরো সাহেব নন, অ্যাংলো ইন্ডিয়ান। তৃতীয় ব্যক্তির আসল পরিচয় প্রয়োজন হলে দেব, নচেৎ নয়।’

‘এদের অপরাধগুলো?’

‘শুনুন আমার পাওলিপি আজ আপনি নিয়ে যাবেন। মন দিয়ে পড়ে আপনার বুদ্ধি বিবেচনা প্রয়োগ করে আমাকে বলবেন এতে আপন্তিকর কিছু আছে কিনা যার ফলে বইটা বাজারে বেরোলে আমার ক্ষতি হতে পারে।’

‘ঠিক আছে তা হলে—’

ফেলুন্দাকে থামতে হল, কারণ ঘরে তিনজন লোকের প্রবেশ ঘটেছে। ডাঃ মুনসী তাদের দিকে দেখিয়ে বললেন, ‘আপনি আসছেন শুনে এঁর সকলেই আপনাকে দেখার ইচ্ছা প্রকাশ



করেছেন। আমার স্তী ছাড়া এই ক'জন এবং আমার ছেলেই এখন আমার বাড়ির বাসিন্দা। আলাপ করিয়ে দিই, এ হচ্ছে সুখময় আমার সেক্রেটারি।'

একজন চশমা-পরা বছর চলিশেকের ভদ্রলোকের দিকে দেখালেন ডাঃ মুনসী।

'আর ইনি হচ্ছেন আমার শ্যালক চন্দ্রনাথ।'

এঁর বয়স পঞ্চাশের কাছাকাছি। দেখে কেন জানি মনে হয় ইনি বিশেষ কিছু করেন-টরেন নাঁ, এ বাড়িতে আশ্রিত হয়ে রয়েছেন।

'আর ইনি আমার পেশেন্ট রাধাকান্ত মল্লিক। এঁর চিকিৎসা শেষ না হওয়া পর্যন্ত এখানেই আছেন।'

এঁকে দেখে মনে হয় এঁর অসুখ এখনও সারেনি। হাত কচলাছেন, চোখ পিট পিট করছেন, আর একটানা সুস্থির হয়ে দাঁড়িয়ে থাকতে পারছেন না। বয়স আন্দজ চালিশ-পঁয়তালিশ।

পরিচয়ের পরে একমাত্র সুখময়বাবু ছাড়া আর সকলেই চলে গেলেন। ডাঃ মুনসী সেক্রেটারির দিকে ফিরে বললেন, ‘সুখময়, যাও, আমার লেখাটা এনে প্রদোষবাবুকে দাও।’

ভদ্রলোক দু মিনিটের মধ্যে একটা বড়, মোটা খাম এনে ফেলুদাকে দিলেন।

‘ওর কিন্তু আর কপি নেই’, বললেন ডাঃ মুনসী। ‘পাবলিশারকে দেবার আগে ওটা সুখময় টাইপ করে দেবে।’

‘আপনি কোনও চিন্তা করবেন না’, বলল ফেলুদা, ‘আমি এটার মূল্য খুব ভালভাবেই জানি।’

আমরা উঠে পড়লাম। শঙ্করবাবু পাশের ঘরেই অপেক্ষা করছিলেন। এবার এসে আমাদের সদর দরজা অবধি পৌঁছে দিলেন। তারপর লালমোহনবাবুর সবুজ অ্যাস্ফাল্টের চড়ে আমরা বাড়িমুখো রওনা দিলাম।

‘একটা রিকুয়েস্ট আছে’, লালমোহনবাবু হঠাতে বললেন।

‘কী?’

‘আপনার পড়া হলে পর আমি একবার দু দিনের জন্য পাণ্ডুলিপিটা নেব। এটা রিফিউজ করবেন না, প্লিজ।’

‘আপনার না পড়লেই নয়?’

‘না-পড়লেই নয়। বিশেষ করে শিকার কাহিনী পড়তে আমার দুর্দান্ত লাগে।’

‘বেশ দেব। আর দুদিন নয়; আপনি যে সকালে নেবেন, তার পরের দিন সকালেই ফেরত দিতে হবে। তার মধ্যে শিকাবের অংশ আপনার নিশ্চয়ই পড়া হয়ে যাবে। কারণ ১৯৬৫-এর পর তো আর ভদ্রলোক শিকার করেননি।’

‘তাই সই।’

৩

ডাঃ মুনসীর হাতের লেখা বেশ পরিষ্কার হলেও, তিনশো পঁচাতার পাতার পাণ্ডুলিপিটা পড়তে ফেলুদার লাগল তিন দিন। এত সময় জাগার একটা কারণ অবিশ্য এই যে ফেলুদা পড়ার ফাঁকে ফাঁকে অনেক কিছু নিজের খাতায় নোট করে নিছিল।

তিন দিনের পরের দিন রবিবার সকালে যথারীতি জটায় এসে হাজির। প্রথম প্রশ্নই হল, ‘কী স্যার, হল?’

‘হয়েছে।’

‘আপনি কী সিঙ্কান্তে এলেন শুনি। এ ডায়রি নির্ভয়ে ছাপার যোগ্য?’

‘সম্পূর্ণ। তবে তাতে হমকি বন্ধ করা যায় না। এই তিনজনের একজনও যদি ধরে বসে থাকে যে নামের আদ্যক্ষের থেকেই লোকে বুঝে ফেলবে কার কথা বলা হচ্ছে তা হলে সে এ বই ছাপা বন্ধ করার জন্য কী যে না করতে পারে তার ঠিক নেই।’

‘ইভন মার্ডার?’

‘তা তো বটেই। একজনের কথাই ধরা যাক। “এ”। অরুণ সেনগুপ্ত। পূর্ববঙ্গের এক জমিদার বংশের ছেলে। যুবা বয়সে ছিলেন এক ব্যক্তির মধ্যপদস্থ কর্মচারী। কিন্তু রক্তের মধ্যে ছিল চূড়ান্ত শৌখিনতা। ফলে প্রতি মাসেই আয়ের চেয়ে ব্যয় বেশি। শেষে কাবুলিওয়ালার শরণাপন্ন হওয়া।’

এই ফাঁকে বলে রাখি, ফেলুন্দা একবার বলেছিল যে আজকাল আর দেখা যায় না বটে কিন্তু বছর কুড়ি আগেও রাস্তার মোড়ে মোড়ে দেখা যেত লাঠি হাতে কাবুলিওয়ালা দাঁড়িয়ে আছে। এদের ব্যবসা ছিল মোটা সুদে টাকা ধার দেওয়া।

ফেলুন্দা বলে চলল, ‘একটা সময় আসে যখন দেনার অক্ষটা এমন ফুলে ফেঁপে উঠে যে মরিয়া হয়ে অরুণ সেনগুপ্তকে ব্যাক্সের তহবিল থেকে চলিশ হাজার টাকা চুরি করতে হয়। কিন্তু সেটা সে এমন কৌশলে করে যে দোষটা গিয়ে পড়ে একজন নির্দেশ কর্মচারীর উপর। ফলে সে বেচারিকে জেল খাটতে হয়।’

‘বুঝেছি’, বিজ্ঞের মতো মাথা নেড়ে বললেন জটায়ু। ‘তারপর অনুশোচনা, তারপর মাথার ব্যারাম, তারপর মনোবিজ্ঞানী। ...কিন্তু ভদ্রলোক যে এখন একেবারে সমাজের উপর তলায় বাস করছেন। তার মানে মুনসীর চিকিৎসায় কাজ দিয়েছিল?’

‘তা তো বটেই। সে কথা মুনসী তাঁর ডায়ারিতে লিখেওছেন—যদিও তারপরে আর কিছু লেখেননি কিন্তু আমরা বেশ অনুমান করতে পারি যে এই ঘটনার পর সেনগুপ্ত নিশ্চয়ই তার জীবনের ধারা পালটে ফেলে ত্রিশ বছর ধরে ধীরে ধীরে ধাপে ধাপে উপরে উঠে আজকের অবস্থায় পৌঁছেছেন। বুঝতেই পারেন সেখান থেকে আবার পিছলে পড়ার আশঙ্কা যদি দেখা দেয়, যতই অমূলক হোক, তা হলে সেনগুপ্ত সাহেবের মাথা ঠিক রাখেন কী করে?’

‘বুঝলাম’, বললেন জটায়ু, ‘আর অন্য দুজন?’

“‘আর’” ব্যক্তি সম্পর্কে চিন্তার কেনও কারণ নেই সে তো সেদিন মুনসীর মুখেই শুনলেন। এর আসল নামটা উনি বলেননি, তাই আমিও বলতে পারছি না। ইনি এককালে একটা লোককে গাড়ি চাপা দিয়ে মারেন, তারপর এদিকে ওদিকে মোটা ঘূর দিয়ে আইনের হাত থেকে নিজেকে বাঁচান। ইনিও ডাঃ মুনসীর হাতে নিজেকে সমর্পণ করে বিবেকযন্ত্রণা থেকে রেহাই পান।...ইন্টারেস্টিং হল “জি”-র ঘটনা।’

‘কী রকম?’

‘ইনি যে ফিরিঙ্গি সে তো জানেন। আর এর ব্যবসার কথাও জানেন। নববুই নবর রিপন স্ট্রিটে একটা বড় দোতলা বাড়িতে থাকতেন জর্জ হিগিন্স। ১৯৬০-এ এক সুইডিশ ফিল্ম পরিচালক কলকাতায় আসেন ভারতবর্ষের ব্যাকগ্রাউন্ডে একটা ছবি করবেন বলে। তাঁর গল্লের জন্য একটা লেপার্ডের প্রয়োজন ছিল। ইনি হিগিন্সের খবর পেয়ে তার সঙ্গে গিয়ে দেখা করেন। হিগিন্সের একটা লেপার্ড ছিল বটে, কিন্তু সেটা রঞ্চানির জন্য নয়; সেটা তার পোষা! অনেক টাকা দিয়ে সুইডিশ পরিচালক একমাসের জন্য লেপার্ডটাকে ভাড়া করেন। কথা ছিল একমাস পরে তিনি অক্ষত অবস্থায় ফেরত দেবেন। আসলে ফিল্ম পরিচালক মিথ্যা কথা বলেন, কারণ তাঁর গল্লে ছিল গ্রামবাসীরা সবাই মিলে লেপার্ডটাকে মেরে ফেলে। এক মাস পরে পরিচালক এসে হিগিন্সকে আসল ঘটনা বলে। হিগিন্স প্রচণ্ড রেণ্টে কাণ্ডজ্ঞান হারিয়ে তখনই পরিচালকের টুঁটি টিপে তাকে মেরে ফেলে। পরমহৃতে রাগ চলে গিয়ে তার জায়গায় আসে আক্ষত। কিন্তু সেই অবস্থাতেও পুলিশের চোখে ধুলো দেবার ফন্দি হিগিন্স বার করে। সে প্রথমে ছুরি দিয়ে মৃত পরিচালকের সর্বাঙ্গ ক্ষতিটিহে ভরিয়ে দেয়। তারপর তার কালেকশনের একটা হিংস্র বনবেড়ালকে খাঁচার দরজা খুলে বার করে সেটাকে গুলি করে মারে। ফলে ব্যাপারটা দাঁড়ায়, খাঁচা ছাড়া বনবেড়াল পরিচালককে হত্যা করে এবং বনবেড়ালকে হত্যা করে হিগিন্স। ফিকিরটা কাজে দেয়, হিগিন্স আইনের হাত থেকে বাঁচে। কিন্তু তারপর একমাস ধরে ক্রমাগত স্বপ্নে নিজেকে ফাঁসিকাঠে ঝুলতে দেখে অগত্যা মুনসীর চেম্বারে গিয়ে হাজির হয়।’

‘হঁ...’ বললেন জটায়ু। ‘তা হলে এখন কিৎস কর্তব্য?’

‘দুটো কর্তব্য’, বলল ফেলুন্দা। ‘এক হল পাঞ্জালিপিটা আপনাকে দেওয়া, আর দুই—“এ”—কে

একটা টেলিফোন করা।’

জটায়ু হাসিমুখে ফেলুদার হাত থেকে পাওলিপি ভরা মোটা খামটা নিয়ে বললেন, ‘ফোন করবেন কি অ্যাপয়েন্টমেন্ট করার জন্য?’

‘ন্যাচারেলি’, বলল ফেলুদা। ‘আর দেরি করার কোনও মানে হয় না। তোপসে—এ. সেনগুপ্ত, ১১ রোল্যান্ড রোড, নম্বরটা বার কর তো।’

আমি ডাইরেক্টরিটা হাতে নিতেই ফোনটা বেজে উঠল। আমিই ধরলাম। ডাঃ মুনসী। ফেলুদাকে বলতেই ও আমার হাত থেকে ফোনটা ছিনিয়ে নিল।

ব্যাপার আর কিছুই নয়—সেনগুপ্ত আরেকটা হুমকি চিঠি দিয়েছেন। তাতে কী বলা হয়েছে সেটা ফেলুদা তার খাতায় লিখে নিল। তারপর ফেলুদা তার শেষ কথাটা বলে ফোনটা রেখে দিল।

সেনগুপ্ত দ্বিতীয় হুমকিটা হচ্ছে এই—‘সাতদিন সময়। তার মধ্যে কলকাতার প্রত্যেক বাংলা ও ইংরিজি কাগজে বিজ্ঞপ্তি দেখতে চাই যে অনিবার্য কারণে ডায়ারি ছাপা সম্ভব হচ্ছে না। সাতদিন। তারপরে আর হুমকি নয়—কাজ, এবং কাজটা আপনার পক্ষে প্রীতিকর হবে না বলাই বাহ্য্য।’

আমি সেনগুপ্তের ফোন নম্বর বার করে ডায়াল করে একবারেই লাইন পেয়ে গেলাম। ফেলুদার হাতে ফোনটা চালান দিয়ে আমি আর জটায়ু কেবল ফেলুদার কথাটাই শুনলুম। সেটা শুনে যা দাঁড়াল তা এই—

‘হ্যালো—মিঃ সেনগুপ্তের সঙ্গে একটু কথা বলতে পারি কি—অরুণ সেনগুপ্ত?’

‘—’

‘মিঃ সেনগুপ্ত? আমার নাম প্রদোষ মিত্র।’

‘—’

‘হ্যাঁ, ঠিকই ধরেছেন। ইয়ে—আমায় একদিন পাঁচ মিনিট সময় দিতে পারেন?’

‘—’

‘তাই বুঝি? আশ্চর্য তো! কী ব্যাপার?’

‘—’

‘তা পারি বইকী। কটায় গেলে আপনার সুবিধে?’

‘—’

‘ঠিক আছে। তাই কথা রইল।’

‘ভবতে পারিস?’ ফোনটা রেখে বলল ফেলুদা, ‘ভদ্রলোক নাকি আর পাঁচ মিনিটের মধ্যেই আমাকে ফোন করতেন।’

‘কেন, কেন?’ প্রশ্ন করলেন জটায়ু।

‘সেটা ফোনে বললেন না, সামনে বলবেন।’

‘কখন অ্যাপয়েন্টমেন্ট?’

‘আধ ঘণ্টা বাদে।’

এগারো নম্বর রোল্যান্ড রোড সাহেবি আমলের দোতলা বাড়ি। দরজার বেল টিপতে একজন উর্দিপরা বেয়ারার আবির্ভাব হল। সে কার্পেট ঢাকা কাঠের সৈড়ি দিয়ে আমাদের দোতলায় নিয়ে গিয়ে বৈঠকখানায় বসাল। মিনিট দুয়েকের মধ্যেই মিঃ সেনগুপ্ত প্রবেশ করলেন। বাড়ির সঙ্গে

মানানসই সাহেবি মেজাজ; পরনে ড্রেসিং গাউন, পায়ে বেডরুম স্লিপার, হাতে চুরুট।

পরিচয় পর্ব শেষ হলে পর ভদ্রলোক জিজ্ঞেস করলেন, ‘আপনারা ড্রিঙ্ক করেন?’

‘আজ্জে না’, বলল ফেলুন্দা।

‘আমি যদি বিয়ার খাই আশা করি আপনারা মাইন্ড করবেন না?’

‘মোটেই না।’

ভদ্রলোক বিয়ারকে ডেকে নিজের জন্য বিয়ার আর আমাদের তিনজনের জন্য চায়ের অর্ডার দিয়ে ফেলুন্দার দিকে দৃষ্টি দিলেন। ফেলুন্দা বলল, ‘আপনি আমাকে কেন ফোন করতে যাচ্ছিলেন সেটা আগে বলতে আপনার কোনও আপস্তি আছে? তারপর আমার দিকটা বলব।’

‘বেশ তো। জে. পি. চাওলার নাম শুনেছেন?’

‘ব্যবসাদার? গুরপ্রসাদ চাওলা? যার নামে চাওলা ম্যানসনস?’

‘হ্যাঁ।’

‘তাঁর এক নাতি তো—?’

‘হ্যাঁ। মিসিং। সন্তুষ্ট কিডন্যাপড়।’

‘কাগজে দেখছিলাম বটে।’

‘গুরপ্রসাদ আমার অনেকদিনের বন্ধু। পুলিশ তদন্ত করছে বটে, কিন্তু আমি ওকে আপনার নাম সাজেস্ট করি। ভুলু সেহানবিশের কাছে আপনার খুব সুখ্যাতি শুনেছি।’

‘হ্যাঁ, একটা ব্যাপারে ওঁকে আমি হেল্প করি।’

‘তা হলে চাওলাকে কী বলব?’

‘মিঃ সেনগুপ্ত, দুঃখের বিষয় আমি অলরেডি একটা কেস হাতে নিয়ে ফেলেছি।’

‘আই সি।’

‘আর সেই ব্যাপারেই আমি আপনার কাছে এসেছি।’

‘কী ব্যাপারে শুনি?’

‘আমি ডাঃ মুনসীর কাছ থেকে আসছি।’

‘হোয়াট!’

ভদ্রলোক সোফা থেকে প্রায় লাফিয়ে উঠলেন—‘মুনসী আপনাকে আমার পরিচয় দিয়ে দিয়েছে? তার মানে তো আর কদিনে রাজিয়সুন্দ লোক জেনে যাবে মুনসীর ডায়োরির “এ” ব্যক্তিটি আসলে কে।’

‘মিঃ সেনগুপ্ত, আমি অত্যন্ত সাবধানী লোক। গোপন ব্যাপার কী করে গোপন রাখতে হয় তা আমি জানি। আমার উপর আপনি সম্পূর্ণ ভরসা রাখতে পারেন। তবে আপনি যদি ঘন ঘন ডাঃ মুনসীকে হৃষ্মকি চিঠি দেন, তার ফল কী হবে সেটা আমি জানি।’

‘আমি হৃষ্মকি চিঠি দেব না কেন? আপনি ডায়রিটা পড়েছেন?’

‘পড়েছি।’

‘আপনার কী মনে হয়েছে?’

‘ক্রিশ বছরের পুরনো ঘটনা। এর মধ্যে অন্তত শ’ পাঁচেক ব্যাক্সে তহবিল তচ্ছুল্প হয়েছে। যারা এ কাজ করেছে হয়তো তাদের অনেকেরই নামের প্রথম অক্ষর “এ”। সুতরাং আপনার ভয় সম্পূর্ণ অমূলক।’

‘মুনসী কি ব্যাক্সের নাম করেছে?’

‘না।’

‘আমার ব্যাক্সে দুজন উচ্চপদস্থ কর্মচারী ছিল যারা চুরির ব্যাপারে আমাকে সন্দেহ করে, কারণ ঠেকায় পড়ে আমি দুজনের কাছে টাকা ধার চেয়েছিলাম। দুজনেই অবিশ্য রিফিউজ



করে।'

'মিঃ সেনগুপ্ত, আমি আবার বলছি—আপনার ভয়ের কোনও কারণ নেই। আর এই ধরনের চিঠি দিয়ে আপনার লাভটা কী হচ্ছে? ডাঃ মুনসী আইনের দিক দিয়ে সম্পূর্ণ নিরাপদ। অর্থাৎ আপনি কোনও লিগ্যাল স্টেপ নিতে পারছেন না। তা হলে কি আপনি আইনের বাইরে কোনও রাস্তা ভাবছেন?'

'আমার বিপদের আশঙ্কা দেখলে আমি আইন-টাইন মানব না মিঃ মিস্ট্রি। আমার অতীতের ইতিহাস থেকেই আপনি বুবাহেন যে প্রয়োজনে বেপরোয়া কাজ করতে আমি দ্বিধা করি না।'

'আপনার মাথা খারাপ হয়ে গেছে, মি সেনগুপ্ত। তখনকার আপনি আর এখনকার আপনি কি এক? আজ আপনি সমাজে সম্মানিত ব্যক্তি। এই অবস্থায় আপনি এমন একটা ঝুঁকি নেবেন?'

মিঃ সেনগুপ্ত মিনিট খানেক কিছু না বলে চুক্ত চুক্ত করে বিয়ার খেলেন। তারপর তাঁর চাউনির সামান্য পরিবর্তন দেখা গেল। তারপর তিনি একটা দীর্ঘশ্বাস ফেলে এক চুমুকে বাকি বিয়ারটা শেষ করে গেলাস্টা টেবিলে রেখে বললেন, 'ঠিক আছে—ড্যাম ইট! লেট হিম গো অ্যাহেড।'

'আপনি তা হলে হ্যাকির ব্যাপারে ইতি দিচ্ছেন?'

. ইয়েস ইয়েস ইয়েস!—তবে বিপদের বিন্দুমাত্রে আশঙ্কা দেখলোই কিন্তু—

'আর বলতে হবে না', বলল ফেলুদা, 'বুঝেছি।'

লালমোহনবাবু কথামতো পরদিন সকালেই পাগুলিপিটা ফেরত নিয়ে এলেন। ফেলুদা বলল, ‘এখন আর চা খাওয়া হবে না। কারণ আধ ঘণ্টার মধ্যেই “জি”-র সঙ্গে অ্যাপয়েন্টমেন্ট।’

নরহুই নম্বর রিপন ষ্ট্রিটের দরজায় বেল টিপতে যাঁর আবির্ভাব হল তাঁর মাথায় টাক, কানের পাশের চুল সাদা, আর এক জোড়া বেশ তাগড়াই গেঁফ, তাও সাদা।

‘মিঃ মিটার, আই আম জর্জ হিগিন্স।’

তিনজনের সঙ্গেই কর্মদনের পর হিগিন্স আমাদের নিয়ে দোতলায় চলল। গেট দিয়ে বাড়িতে ঢুকেই দুটো বেশ বড় খাঁচা দেখেছি, তার একটায় বাঘ, অন্যটায় হায়না। দোতলায় উঠে বাঁয়ে একটা ঘরের পাশ দিয়ে যাবার সময় দেখলাম তাতে গোটা পাঁচেক কোয়ালা ভাল্লুক বসে আছে মেঝেতে।

বসবার ঘরে পৌঁছে সোফায় বসে হিগিন্স ফেলুদাকে উদ্দেশ করে প্রশ্ন করল, ‘ইউ আর এ ডিটেকটিভ?’

‘এ প্রাইভেট ওয়ান’, বলল ফেলুদা।

বাকি কথাও ইংরিজিতেই হল, যদিও হিগিন্স মাঝে মাঝে হিন্দিও বলে ফেলছিলেন, বিশেষ করে কাফুর উদ্দেশে গালি দেবার সময়। অনেকের উপরেই ভদ্রলোকের রাগ। যদিও কারণটা বোঝা গেল না। অবশ্যেই বললেন, ‘মানসি তা হলে এখনও প্র্যাকটিস করে? আই মাস্ট সে, সে আমার বিপদের সময় অনেক উপকার করেছিল।’

‘তা হলে আর আপনি তাকে শাসাচ্ছেন কেন?’ প্রশ্ন করল ফেলুদা।

হিগিন্স একটুক্ষণ চুপ করে থেকে বলল, ‘সেটার একটা কারণ হচ্ছে সেদিন রাতে নেশার মাত্রাটা একটু বেশি হয়েছিল। তবে মানুষের কি ভয় করে না? আমার বাবা কী ছিলেন জান? স্টেশন মাস্টার। আর আমি নিজের চেষ্টায় আজ কোথায় এসে পৌঁছেছি দেখ। এ আমার একচেটিয়া ব্যবসা। মানসির ডায়ির ছাপা হলে যদি আমাকে কেউ চিনে ফেলে তা হলে আমার আর আমার ব্যবসার কী দশা হবে ভাবতে পার?’

ফেলুদাকে আবার বোঝাতে হল যে হিগিন্স আইন বাঁচিয়ে কিছুই করতে পারবেন না। তাঁকে আবার বেঁকা রাস্তায় যেতে হবে। ‘সেটাই কি তুমি চাইছ?’ বেশ জোরের সঙ্গে জিজ্ঞেস করল ফেলুদা। ‘তাতে কি তোমার প্রেসটিজ আরও বেশি বিপন্ন হবে না?’

হিগিন্স কিছুক্ষণ চুপ করে বিড়বিড় করে বললেন, ‘একবার কেন, শতবার খুন করতে পারতাম ও পাজি সুইডিশটাকে। বাহাদুর, আমার সাধের লেপার্ড, মাত্র চার বছর বয়স, তাকে কিনা লোকটা মেরে ফেললি!...’

আবার দশ সেকেন্ডের জন্য কথা বন্ধ; তারপর হঠাতে সোফার হাতল চাপড়ে গলা তুলে হিগিন্স বললেন, ‘ঠিক আছে; মানসিকে বলো আমি কোনও পরোয়া করি না। ও যা করছে করক, বই বেরোলে লোকে আমাকে চিনে ফেললেও আই ডোন্ট কেয়ার। আমার ব্যবসা কেউ টলাতে পারবে না।’

‘থ্যাক্ষ ইউ মিঃ হিগিন্স, থ্যাক্ষ ইউ।’

অরুণ সেনগুপ্তের খবরটা ফেলুদা আগেই ফোনে ডাঃ মুনসীকে জানিয়ে দিয়েছিল। হিগিন্সের খবরটা দিতে আমরা মুনসির বাড়িতে গেলাম, কারণ পাগুলিপিটা ফেরত দেবার একটা ব্যাপার ছিল। ভদ্রলোক ফেলুদাকে একটা বড় ধন্যবাদ দিয়ে বললেন, ‘তা হলে তো আপনার কর্তব্য সারা হয়ে গেল। এবারে আপনার ছুটি!'



‘আপনি ঠিক বলছেন? “আর” সংবক্ষে কিছু করার নেই তো?’

‘নাথিং।...আপনি আপনার বিল পাঠিয়ে দেবেন, আমি ইমিডিয়েটলি পেমেন্ট করে দেব।’
‘থ্যাঙ্ক ইউ, স্যার।’

‘এটাকে কি মামলা বলা চলে?’ বাড়ি ফিরে এসে বলল জটায়ু।

‘মিনি মামলা বলতে পারেন। অথবা মামলাগু।’

‘যা বলেছেন।’

‘আশ্চর্য এই যে এমন গর্হিত কাজ করার পঁচিশ-ত্রিশ বছর পরে লোকগুলো শুধু বেঁচে নেই, দিব্য সুখ স্বাচ্ছন্দ্য চালিয়ে যাচ্ছে।’

‘হ্রকথা’, বললেন জটায়ু। ‘কালই বাড়িতে বসে ভাবছিলুম ত্রিশ বছর আগে যাদের চিনতুম তাদের কারুর সঙ্গে আজও যোগাযোগ আছে কিনা, বা তারা এখন কে কী করছে সেটা জানি কিনা। বিশ্বাস করুন আজই আধ ঘণ্টা ভেবে শুধু একটা নাম মনে পড়ল, অপরেশ চাটুজ্য, যার সঙ্গে একসঙ্গে বসে বায়ক্ষেপ দেখিচি, ফুটবল খেলা দেখিচি, সাঙ্গুভ্যালিতে বসে চা খেইচি।’

‘এখন কী করে জানেন?’

‘উহঁ। আউট অফ টাচ। কমপ্লিটলি। কবে কীভাবে যে ছাড়াছাড়িটা হল, সেটা অনেক ভেবেও
মনে করতে পারলুম না।’

পরদিন সকালে লালমোহনবাবু এসে ফেলুদার দিকে চেয়ে বললেন, ‘আপনাকে একটু ডাউন
বলে মনে হচ্ছে? বেকারত্ত ভাল লাগছে না বুঝি।’

ফেলুদা মাথা নেড়ে বলল, ‘নো স্যার, তা নয়, একটা ব্যাপারে কৌতুহল নিষ্পত্তি হল না
বলে অসোয়াস্তি লাগছে।’

‘কী ব্যাপার?’

“‘আর’ ব্যক্তিটির আসল পরিচয়। ইনি একটা হমকি-টুমকি দিলে মন্দ হত না।’

‘রটন, রাবিশ, রিডিকুলাস’, বললেন জটায়ু। “‘আর’ জাহানমে যাক। আপনি আপনার যা
প্রাপ্য তা তো পাচ্ছেনই।’

‘তা পাচ্ছি।’

ফোনটা বেজে উঠল। আমিই ধরলাম। ‘হ্যালো’ বলতে ওদিক থেকে কথা এল আমি শক্র বলছি।’ আমি ফোনটা ফেলুদার হাতে চালান দিলাম।

‘বলুন স্যার।’

উত্তরটা শোনার সঙ্গে সঙ্গে ফেলুদার কপালে গভীর খাঁজ পড়ল। তিন-চারটে ‘হঁ বলেই
ফেলুদা ফোনটা রেখে দিয়ে বলল, ‘সাংঘাতিক খবর। ডাঃ মুনসী খুন হয়েছেন, আর সেই সঙ্গে
ডায়রিও উধাও।’

‘বলেন কী?’ চায়ের কাপটা নামিয়ে রেখে বললেন জটায়ু।

‘ভেবেছিলাম শেষ। আসলে এই সবে শুরু।’

আমরা আর এক মুহূর্ত অপেক্ষা না করে লালমোহনবাবুর গাড়িতে বেরিয়ে পড়লাম।

সুইনহো স্ট্রিটে পৌছে দেখি পুলিশ আগেই হাজির। ইনস্পেক্টর সোম ফেলুদার চেনা,
বললেন, ‘মাঝ রাত্তিরে খুনটা হয়েছে, মাথার পিছন দিকে ভারী কিছু দিয়ে মেরেছে।’

‘কে প্রথম জানল?’

‘ওঁর বেয়ারা। ভদ্রলোক তোর ছাটায় চা খেতেন। সেই সময়ই বেয়ারা ব্যাপারটা জানতে
পারে। ডাঃ মুনসীর ছেলে বাড়ি ছিলেন না। পুলিশে খবর দেন ডাঃ মুনসীর সেক্রেটারি।’

‘আপনাদের জেরা হয়ে গেছে?’

‘তা হয়েছে, তবে আপনি নিজের মতো করুন না। আপনি যে আমাদের কাজে ব্যাঘাত করবেন
না সেটা আমি পূর্ব অভিজ্ঞতা থেকে জানি। আর চারটি তো প্রাণী, ভদ্রলোকের ছেলে, সেক্রেটারি,
শ্যালক আর পেশেন্ট। অবিশ্য মিসেস মুনসী আছেন। তাঁকে কিছু জিজ্ঞেস করিনি এখনও।’

আমরা তিনজন শক্রবাবুর সঙ্গে দোতলায় রওনা দিলাম। সিডি ওঠার সময় ভদ্রলোক একটা
দীর্ঘ নিশাচ ফেলে বললেন, ‘অনেক কিছুই আশঙ্কা করছিলাম, কিন্তু এটা করিনি।’

বাবার ঘরে পৌছে ফেলুদা বলল, ‘আপনি যখন রয়েছেন তখন আপনাকে দিয়েই শুরু করি।’
‘বেশ তো। কী জানতে চান বলুন।’

আমরা সকলে বসলাম। চারিদিকে জন্ম জানোয়ারের ছাল, মাথা ইত্যাদি দেখে মনে হচ্ছিল,
এতবড় শিকারি, আর এইভাবে তাঁর মৃত্যু হল।

ফেলুদা জেরা আরম্ভ করে দিল।

‘আপনার ঘর কি দোতলায়?’

‘হ্যাঁ। আমারটা উত্তর প্রান্তে, বাবারটা দক্ষিণ প্রান্তে।’

‘আপনি আজ সকালে বেরিয়েছিলেন?’

‘হ্যাঁ।’

‘কোথায়?’

‘আমাদের ডাক্তারের ফোন খারাপ। উনি রোজ ভোরে লেকের ধারে হাঁটেন, তাই ওঁকে ধরতে গিয়েছিলাম। ক’দিন থেকেই মাথাটা ভার-ভার লাগছে। মনে হচ্ছিল প্রেশারটা বেড়েছে।’
‘প্রেশার কি আপনার বাবা দেখে দিতে পারতেন না?’

‘এটা বাবার আরেকটা পিকিউলারিটির উদাহরণ। উনি বলেই দিয়েছিলেন আমাদের বাড়ির সাধারণ চিকিৎসা উনি করবেন না। সেটা করেন ডাঃ প্রগব কর।’

‘আই সি...একটা কথা আপনাকে বলি শক্রবাবু, আপনি যে বলেছিলেন ডাঃ মুনসী আপনার সম্বন্ধে উদাসীন, ডায়রি পড়ে কিন্তু সেরকম মনে হয় না। ডায়রিতে অনেকবার আপনার উল্লেখ আছে।’

‘ভেরি সারপ্রাইজিং।’

‘আপনার ডায়রিটা পড়ার ইচ্ছে হয় না?’

‘অত বড় হাতে লেখা ম্যানুস্ক্রিপ্ট পড়ার বৈর্য আমার নেই।’

‘এটা অবশ্য আশা করা যায় যে আপনার বিষয় যেটা সত্যি সেটাই উনি লিখেছেন।’

‘বাবার দৃষ্টিতে যেটা সত্যি বলে মনে হয়েছে উনি লিখেছেন। সে দৃষ্টির সঙ্গে আর পাঁচজনের দৃষ্টি নাও মিলতে পারে। আমার বলার ইচ্ছে এই, যে বাবা আমাকে চিনলেন কী করে? তিনি তো সর্বক্ষণ কৃপি নিয়েই পড়ে থাকতেন।’

‘আপনার বাবার মাসিক রোজগার কত ছিল সে সম্বন্ধে আপনার কোনও ধারণা আছে?’

‘সঠিক নেই, তবে উনি যে ভাবে খরচ করতেন তাতে মনে হয় ত্রিশ-পঁয়াত্রিশ হাজার হওয়া কিছু আশ্চর্য নয়।’

‘উনি যে উইল করে গিয়েছিলেন সেটা আপনি জানেন?’

‘না।’

‘গত বছর পয়লা ডিসেম্বর। ওঁর সঞ্চয়ের একটা অংশ ব্যবহার হবে মনোবিজ্ঞানের উন্নতিকল্পে।’

‘আই সি।’

‘আর, আপনার প্রতি উদাসীন হওয়া সত্ত্বেও আপনিও কিন্তু বাদ পড়েননি।’

শক্রবাবু আবার বললেন, ‘আই সি।’

‘এই খুনের ব্যাপারে আপনি কোনও আলোকপাত করতে পারেন?’

‘একেবারেই না। এটা সম্পূর্ণ অপ্রত্যাশিত।’

‘আর ডায়রিটা যে লোপাট হল?’

‘সেটা ওই তিনজনের একজন লোক লাগিয়ে করাতে পারে। বাবার পেশেন্ট হিসাবে এরা এ বাড়িতে এসেছে। বাবা যে ঘরে রঞ্জি দেখেন, তার পাশেই তো আপিস ঘর। সেখানেই থাকত বাবার লেখাটা।’

‘আপনাদের সদর দরজা রাত্রে বন্ধ থাকে নিশ্চয়ই।’

‘হ্যাঁ, তবে বাড়ির দক্ষিণ-পশ্চিম কোণে জমাদার ওঠার জন্য একটা ঘোরানো সিঁড়ি আছে।’

‘ঠিক আছে। থ্যাঙ্ক ইট। আপনি এবার যদি সুখময়বাবুকে একটু পাঠিয়ে দিতে পারেন?’

মিনিট খানেকের মধ্যেই সেক্রেটারি সুখময় চক্রবর্তী এসে হাজির হলেন। ভদ্রলোক আমাদের থেকে একটু দূরে একটা চেয়ারে বসতে ফেলুন জেরা আরম্ভ করল।

‘আমি প্রথমেই জানতে চাই, পাণ্ডুলিপিটা যে চুরি হল, সেটা কি বাইরে পড়ে থাকত?’

‘না। দেরাজে; তবে দেরাজে চাবি থাকত না। তার কারণ আমি বা ডাঃ মুনসী কেউই ভাবতে পারিনি যে সেটা এই ভাবে ছুরি হতে পারে।’

‘এটা যে আর দেরাজে নেই সেটা কখন কীভাবে জানলেন?’

‘আজ থেকে ওটা টাইপ করা শুরু করব ভেবেছিলাম। সকালে গিয়ে দেরাজ খুলে দেখি সেটা নেই।’

‘আই সি... আপনি কদিন হল ডাঃ মুনসীর সেক্রেটারির কাজ করছেন?’

‘দশ বছর।’

‘কাজটা পেলেন কী করে?’

‘ডাঃ মুনসী কাগজে বিজ্ঞাপন দিয়েছিলেন।’

‘কী ধরনের কাজ করতে হত আপনাকে?’

‘ওঁর অ্যাপয়েন্টমেন্টগুলো নোট করে রাখতাম, আর চিঠিগুলোর জবাব টাইপ করতাম।’

‘চিঠি কি অনেক আসত?’

‘তা মন্দ না। বিভিন্ন দেশের মনোবিজ্ঞান সংস্থা থেকে নিয়মিত চিঠি আসত। বাইরের কনফারেন্সে যোগ দিতে উনি দুবছর অন্তর একবার বিদেশে যেতেন।’

‘আপনি বিয়ে করেননি?’

‘না।’

‘আগুয়ায়স্বজন আর কে আছে?’

‘ভাইবোন নেই। বাবা মারা গেছেন। আছেন শুধু আমার বিধবা মা আর আমার এক বিধবা খুড়িমা।’

‘এঁরা এক সঙ্গেই থাকেন?’

‘হ্যাঁ।’

‘আপনি এঁদের সঙ্গে থাকেন না?’

‘আমি তো এ বাড়িতেই থাকি। ডাঃ মুনসী আমাকে একটা ঘর দেন একতলায়। প্রথম থেকেই এখানে আছি। মাঝে মাঝে গিয়ে বাড়ির খবর নিয়ে আসি।’

‘বাড়ি কোথায়?’

‘বেলতলা রোড ল্যান্ডাউনের মোড়ে।’

‘আপনি এই খুন সম্পর্কে কোনও আলোকপাত করতে পারেন?’

‘একেবারেই না। ডায়রি বেহাত হতে পারে হ্যাকি চিঠি থেকেই বোঝা যায়; কিন্তু খুনটা আমার কাছে একেবারে অর্থহীন বলে মনে হচ্ছে।’

‘ডাঃ মুনসী বস্তি হিসাবে কেমন লোক ছিলেন?’

‘খুব ভাল। আমাকে তিনি অত্যন্ত মেহ করতেন, আমার কাজে সন্তুষ্ট ছিলেন, এবং ভাল মাইনে দিতেন।’

‘আপনি কি জানেন ডাঃ মুনসীর বই বেরোলে তাঁর অবর্তমানে বইয়ের স্বত্ত্বাধিকারী হতেন আপনি?’

‘জানি। ডাঃ মুনসী আমাকে বলেছিলেন।’

‘বই ছেপে বেরোলে তার কাটতি কেমন হবে বলে আপনার মনে হয়?’

‘প্রকাশকদের ধারণা খুব ভাল হবে।’

‘তার মানে মোটা রয়েলটি, তাই নয় কি?’

‘আপনি কি ইঙ্গিত করছেন এই রয়েলটির লোভে আমি ডাঃ মুনসীকে খুন করেছি?’

‘এখানে যে একটা জোরালো মোটিভের ইঙ্গিত পাওয়া যাচ্ছে সেটা কি আপনি অস্বীকার করবেন?’

‘আমার যেখানে টাকার অভাব নেই সেখানে শুধু রয়েলটির লোভে আমি খুন করব, এটা কি খুব বিশ্বাসযোগ্য?’

‘এর সঠিক উত্তর দিতে যতটা চিন্তার প্রয়োজন, তার সময় এখনও পাইনি। যাই হোক এখন আপনার ছুটি।’

‘কাউকে পাঠিয়ে দেব কি?’

‘আমি ডাঃ মুনসীর শালার সঙ্গে একটু কথা বলতে চাই।’

সুখময়বাবু চলে যাবার পর জটায়ু বললেন, ‘আপনার কী মনে হচ্ছে বলুন তো, ডায়রি লোপাট আর খুনটা সেপারেট ইস্যু, না পরম্পরের সঙ্গে জড়িত?’

‘আগে গাছে কাঁঠাল দেখি, তারপর তো গোঁফে তেল দেব।’

‘বোঝো।’

৬

শালা প্রায় সঙ্গে সঙ্গেই এসে হাজির হলেন। কপালের ঘাম মুছতে দেখে মনে হল ভদ্রলোক একটু নাভার্স বোধ করছেন।

‘আপনার নাম তো চন্দ্রনাথ; পদবি কী?’ ভদ্রলোক বসার পর ফেলুন্দা প্রশ্ন করল।

‘বোস।’

‘আপনি এখানে রয়েছেন পনেরো বছর, তাই তো?’

‘হ্যাঁ, কিন্তু আপনি কী করে?’

‘আমি ডাঃ মুনসীর ডায়রিটা পড়েছি। আপনার বিষয় অনেক কিছু জানি, তবু আপনার মুখ থেকে কনফার্মেশনের জন্য কতকগুলো প্রশ্ন করছি।’

চন্দ্রনাথ বোস আবার ঘাম মুছলেন।

‘ডাঃ মুনসী আপনাকে এ বাড়িতে থাকতে বলেন?’

‘না। আমার বোন ডাঃ মুনসীকে অনুরোধ করেন।’

‘উনি এক কথায় রাজি হয়ে যান?’

‘না।’

‘তা হলে?’

‘আমার বোন...পীড়াপীড়ি করলে পর...রাজি হন।’

‘আপনি তো কোনও চাকরি-টাকরি করেন না।’

‘না।’

‘হাত খরচা পান মাসে মাসে?’

‘হ্যাঁ।’

‘কত?’

‘পাঁচশো।’

‘তাতে চলে যায়?’

চন্দ্রনাথবাবু উত্তর না দিয়ে মাথা হেঁট করলেন। বুঝলাম হাতখরচটা যথেষ্ট নয়।

‘আপনি তো ইন্টারমিডিয়েট অবধি পড়েছেন?’

‘হ্যাঁ।’

‘ছাত্র হিসেবে কীরকম ছিলেন?’

‘সাধারণ।’

‘নাকি তার চেয়েও নীচে?’

চন্দনাথবাবু চূপ।

‘প্রথমবার আই এ-তে ফেল করেননি? সেই কারণেই তো আপনার কোনও চাকরি জোটেনি, তাই নয় কি?’

দৃষ্টি নত করে মাথা নেড়ে হ্যাঁ বললেন চন্দনাথবাবু।

‘এ বাড়ির কোনও কাজ আপনি করেন কি?’

‘হ্যাঁ।’

‘কী?’

‘বাজার করি। ওষুধপত্র আনি...’

‘বুঝেছি...আপনার শোবার ঘর দোতালায়?’

‘হ্যাঁ।’

‘কোনখনে? ডা. মুনসীর ঘর থেকে কতদূরে?’

‘পাশে।’

‘একেবারে পাশে? লাগালাগি?’

‘ই-ইয়েস।’

‘রাত্রে ঘুমোন কখন?’

‘দশটা সাড়ে দশটা।’

‘আর ওঠেন?’

‘ছ-টা।’

‘এই খুন সম্বন্ধে আপনার কিছু বলার আছে?’

‘নো-নো স্যার। নাথিং।’

‘ঠিক আছে। আপনি এবার অনুগ্রহ করে রাধাকান্ত মল্লিককে একটু পাঠিয়ে দিন।’

রাধাকান্ত মল্লিক এসে সোফায় বসেই এক সঙ্গে হাত আর মাথা নেড়ে বললেন, ‘আমি খুন সম্বন্ধে কিছু জানি না,, কিছু না...’

‘আমি বলেছি আপনি জানেন?’

‘বলেননি, কিন্তু বলবেন। আই নো ইউ ডিটেকটিভস। এসব জেরা-টেরা আমার ভাল লাগে না। যা বলার আমি বলে যাচ্ছি। আপনি শুনুন। আমি যে ব্যারাম নিয়ে এখানে আসি তার নাম আমি জানতাম না। মুনসী বলেন। পার্সিকিউশন ম্যানিয়া। তার লক্ষণ হল, চারপাশের সব লোকের হঠাতে শত্রু বলে মনে হওয়া। বাবা, দাদা, পড়শি, আপিসের কোলিগ কেউ বাদ নেই। সবাই যেন ওত পেতে বসে আছে। সুযোগ পেলেই ঝাপিয়ে পড়বে। আগে এটা ছিল না; ঠিক কখন যে শুরু হল তাও বলতে পারি না। শুধু এটা বলতে পারি যে শেষ দিকে এমন হয়েছিল যে রাস্তিরে ঘুমোতে পারতাম না, পাছে ঘুমোলে কেউ এসে বুকে ছুরি মারে!’

‘ডাঃ মুনসীর ওষুধে কাজ দেয়?’


‘দিছিল, তবে সময় লাগছিল। কথা ছিল আর দুহপ্তা পরে ছুটি পাব। কিন্তু তার আগেই... ছুটি হয়ে গেল...’

‘আপনি কি এখন বাড়ি ফিরে যাবেন?’

‘পুলিশ যেতে দিলেই যাব।’

‘আপনার চাকরি তো একটা আছে নিশ্চয়ই।’

‘পপুজীর ইনশিওরেন্স।’



‘ঠিক আছে। আপনি এবার আসতে পাবেন।’

রাধাকান্ত চলে যাবার পর ফেলুদা একবার খুনের জায়গা আর লাশটা দেখে এল। যে জিনিসটা দিয়ে বাড়ি মেরে খুন করা হয়েছে সেটা এখনও খুঁজে পাওয়া যায়নি। ইতিমধ্যে পুলিশের ডাক্তার এসে দেখে বলে গেছে খুনটা হয়েছে ভোর চারটা থেকে পাঁচটা র মধ্যে। পাণ্ডুলিপিটা এখনও পাওয়া যায়নি। ইনস্পেক্টর সোম বলেছেন সেটা বেরোলেই ফেলুদাকে জানিয়ে দেবেন।

‘মিসেস মুনসীর সঙ্গে কি এখন কথা বলা যাবে?’ ফেলুদা জিজ্ঞেস করল সোমকে।

‘তা যাবে। উনি দেখলাম মোটামুটি শক্তই আছেন।’

আমরা তিনজন মিসেস মুনসীর ঘরে গেলাম। ভদ্রমহিলা জানালার দিকে মুখ করে খাটে বসে আছেন। ফেলুদা দরজায় টোক মারতে আমাদের দিকে ফিরলেন।

আমি চমকে উঠলাম। ইনি হৃবল এঁর ভাইয়ের মতো দেখতে! যমজ নাকি?

নমস্কারের পর ফেলুদা বলল, ‘আমার নাম প্রদোষ মিত্র। আমি একজন প্রাইভেট ডিটেকটিভ। আপনার স্বামীর মৃত্যুর ব্যাপারে তদন্ত করতে এসেছি।’

‘আপনি কিছু জিজ্ঞেস করবেন কি?’

দেখে অবাক হলাম যে ভদ্রমহিলার কথায় বিন্দুমাত্র কান্নার রেশ নেই।

ফেলুদা বলল, ‘সামান্য দু-একটা প্রশ্ন।’

ভদ্রমহিলা আবার জানালার দিকে মুখ ঘুরিয়ে নিয়ে বললেন, ‘করুন।’

‘এই হত্যা সম্বন্ধে আপনার কিছু বলার আছে কি?’

‘ওঁর ডায়রিই হল ওঁর কাল। আমি ওঁকে কতবার বলেছি, তুমি লিখছ লেখ, কিন্তু এ জিনিস ছাপিও না। আমাদের দেশের লোকেরা এত সত্যি কথা গ্রহণ করতে পারবে না। অনেকে ব্যথা পাবে, অনেকে অসন্তুষ্ট হবে, আর আজ...’

‘আমি কিন্তু ডায়রিটা পড়েছি। আমার মনে হয় না এটা পড়লে মনে কেউ ব্যথা পেত।’

‘শুনে খুশি হলাম।’

‘আপনি আর চন্দ্রনাথবাবু যমজ ভাইবোন?’

‘হ্যাঁ।’

‘আপনি যখন ডাঃ মুনসীকে প্রস্তাব করেন আপনার ভাইকে এ বাড়িতে এনে রাখা হোক, তখন উনি কী বলেন?’

‘অনিষ্টাসত্ত্বেও মত দেন।’

‘অনিষ্টা কেন?’

‘আমার ভাই কোনও চাকরি করে না সেটা উনি মেনে নিতে পারছিলেন না। উনি নিজে ছিলেন কাজ-পাগল মানুষ। কাজ ছাড়া আর কিছুই জানতেন না।’

‘অনেক ধন্যবাদ, মিসেস মুনসী। আমার আর কিছু জানার নেই।’

৭

বাড়ি ফিরতে ফিরতে বারোটা হয়ে গেল। লালমোহনবাবু সকালে স্নান সেরে বেরোন, কাজেই সে সমস্যাটা নেই। তাঁকে বললাম দুপুরের খাওয়াটা আজ এখানেই সারতে। ভদ্রলোক রাজি হয়ে গেলেন।

‘মহীয়সী মহিলা!’ পাখাটা খুলে ফুল স্পিড করে তাঁর প্রিয় কাউচটায় বসে বললেন লালমোহনবাবু, ‘এত বড় একটা ট্র্যাজিডিতে এতটুকু টস্কাননি! অথচ ভাইটা একেবারে গোবর গমেশ।’

‘সেই জন্যেই মহিলার ভাইয়ের উপর এত টান’, বলল ফেলুদা, ‘এ বড় জটিল মনোভাব, লালমোহনবাবু। স্নেহ, অনুকূল্পা, এসব তো আছেই; তার মধ্যে কোথায় যেন একটা মাত্তের রেশ রয়েছে। ভদ্রমহিলার নিজের কোনও ছেলেপিলে নেই, এবং ডাঃ মুনসীর প্রথম পক্ষের স্ত্রীর ছেলের প্রতিও টান নেই, এসব কথা ভুলবেন না।’

‘তার উপরে যমজ।’

‘তা তো বটেই।’

‘আপনার কি মনে হয় ভদ্রমহিলার ডাঃ মুনসীর সঙ্গে বনিবনা ছিল না?’

‘সেটা মুনসী পরিবারের সঙ্গে অন্তরঙ্গ না থাকলে বলা মুশকিল। গোয়েন্দাকে যা বোঝার বুঝতে হয় দুটি ইন্দ্রিয়ের সাহায্যে, কান আর চোখ।’

‘এক্ষেত্রে কান কী বলছে?’

‘মনে একটা খট্টকা জাগাচ্ছে।’

‘কী সেটা?’

‘সেটা আপনারা কেন বোবেননি তা জানি না।’

এবারে আমি একটা কথা না বলে পারলাম না।

‘তুমি বলতে চাও ওঁর কথা শুনে মনে হল উনি ডায়রিটা পড়েছেন?’

‘সাবাস, তোপ্সে, সাবাস।’

‘কেন মশাই ডায়রিতে কী ধরনের জিনিস আছে সেটা তো মুনসী মুখেও বলতে পারেন।’

‘একই হল লালমোহনবাবু, একই হল।’

‘মুনসীর কথায় মনে হয়েছিল ওই তিনি ব্যক্তির ঘটনা ছাড়া ডায়রিতে কী আছে তা কেউ জানে না। এখন মনে হচ্ছে কথাটা হয়তো ঠিক না।’

‘তবে এটা তো বোৰা যাচ্ছে ডাঃ মুনসীর স্ত্রীর প্রতি মোটেই বিৰূপভাৱ পোষণ কৰতেন না। ডায়রিৰ প্ৰথম পাতা খুললেই সেটা প্ৰমাণ হয়। যে স্ত্রীৰ সঙ্গে বনিবনা নেই, তাকে কেউ বই উৎসর্গ কৰে না।’

‘আপনি দেখছি ফৰ্মে আছেন। ভেৱি গুড়।’

‘আৱেকটা ব্যাপারে আমি কানকে কাজে লাগিয়েছি মশাই; আপনি নিশ্চয়ই অ্যাপ্ৰিশিয়েট কৰবেন। ডাঃ মুনসী নিজেৰ ছেলেৰ প্ৰতি যে মনোভাৱ দেখিয়েছেন তাতে তাকে শুঙ্খং কাষ্ঠং বলে মনে হওয়া আশৰ্য্য নয়। কিন্তু সেইখনে দেখুন, তাৰ সেক্রেটাৰিৰ প্ৰতি তাৰ কত দৰদ।’

‘গুড়। গুড়।’ ফেলুদা যে অন্যমনস্কভাৱে তাৰিফটা কৰে সোফা ছেড়ে উঠে পায়চাৰি আৱাঞ্ছ কৰে দিল।

‘কী ভাবছেন মশাই?’ প্ৰায় এক মিনিট চুপ কৰে থেকে প্ৰশ্ন কৰলেন জটায়ু।

‘ভাৰতি যে তিনি উহু নামেৰ মধ্যে একজনই রয়ে গেল যাব আসল পৰিচয়টা পাওয়া গোল না। ফলে মামলাটোৱ মধ্যে একটা ফাঁক রয়ে গেল যেটা আৱ পূৰণ হবে না।’

‘আপনার কি মনে হয় ডাঃ মুনসী কোনও তথ্য—’

ক্রি-৯-১।

আমাদেৱ এই নতুন নীল টেলিফোনটাৰ আওয়াজ আগেৱটাৰ চেয়ে অনেক বেশি জোৱ। ফেলুদা রিসিভাৱটা তুলে ‘হ্যালো’ বলল।

অবিশ্বাস্য টেলিফোন। যাকে ফেলুদা টেলিপ্যাথি বলে এ হল যোল আনা তাই। কাৰ সঙ্গে কী কথাবাৰ্তা হল সেটা ফেলুদা ফোন নামিয়ে রেখেই বলেছিল; আমি যখন ঘটনাটা লিখতে যাব, তখন ও বলল, ‘যদিও তুই ফোনটাৰ সময় শুধু আমাৰ কথাগুলো শুনেছিলি, লেখাৰ সময় এমন ভাবে লেখ যেন দুই তৱফেৰ কথাই শুনতে পাওছিস। তা হলে পাঠক মজা পাবে।’

আমি ওৱ কথামতোই লিখছি।

‘হ্যালো।’

‘মি: মিস্ত্ৰিৰ?’

‘হ্যাঁ।’

‘আমি “আৱ” কথা বলছি।’

““আৱ”?”

‘মুনসীৰ ডায়াৰিৰ “আৱ”।’

‘ও। তা হঠাৎ আমাকে ফোন কেন? মুনসীৰ সঙ্গে আমাৰ সম্পর্কেৰ কথা আপনি জানলেন কী কৰে?’

‘আপনি আজ সকালে মুনসীৰ বাড়ি যাননি?’

‘তা তো যাবই। মুনসী আজ ভোৱ রাত্ৰে খুন হয়েছেন। সেই কাৰণেই যেতে হয়েছিল।’

‘আপনাৰ চেহাৰা অনেকেৰ কাছেই পৰিচিত। সেটা আপনি জানেন বোধহয়। মুনসীৰ বাড়িৰ সামনে ভিড় এবং পুলিশ দেখে প্ৰতিবেশীদেৱ অনেকেই বারান্দায় এসে দাঁড়িয়েছিল। তাদেৱই একজন আপনাকে চিনে ফেলে—আমাৰ এক পেশেন্ট। আমিও ডাঙ্গাৰ সেটা জানেন কি? এই

পেশেন্টের বাড়ি গেসলাম ঘটাখানেক আগে। তারই কাছে শুনি মুনসীর মৃত্যু ও আপনার উপস্থিতির খবর। দুইয়ে দুইয়ে চার করে বুঝি মুনসী আপনাকে এমপ্লয় করেছিল।'

'আপনার আসল নামটা জানতে পারি কি?'

'না, পারেন না। ওটা উহাই থাকবে। আমি জানতে চাই মুনসী আপনাকে আমার সংবন্ধে কী বলে।'

'উনি বলেন, আপনাকে উনি যথেষ্ট চেনেন এবং আপনাকে নিয়ে চিন্তা করার কোনও কারণ নেই। ডায়রিটা বেরছে এবং তাতে আপনার অতীতের ঘটনা থাকছে জেনেও নাকি আপনি কোনও আপত্তি করেননি।'

'ননসেল! সম্পূর্ণ মিথ্যা। ও আমাকে জানাবে কী করে? আমি তো পনেরো দিন বাইরে থেকে কলকাতায় ফিরেছি সবে পরশু রাত্রে। বাড়িতে এসে পুরনো স্টেটসম্যান ঘাঁটতে ঘাঁটতে মুনসীর ডায়রি পেঙ্গুইন ছাপছে এ খবরটা দেখি। খবরটা পড়ে আমার অস্থিতি লাগে। মুনসী সাইকায়াটিস্ট হওয়াতে অনেক মনোবিকারগ্রস্ত ব্যক্তির হাঁড়ির খবর সে জানে; আমার তো বটেই। সে সব কথা কি সে ডায়রিতে লিখেছে?

'আমি মুনসীকে ফোন করি। সে স্বীকার করে যে আমার ঘটনা তার ডায়রিতে স্থান পেয়েছে, তবে আমার নাকি চিন্তার কোনও কারণ নেই এই জন্যে যে আমার নামের শুধু প্রথম অক্ষরটা ব্যবহার করা হয়েছে...কিন্তু তাতে আমি আশ্বস্ত হব কেন? আমি চবিশ বছর আগেও ডাঙ্গার ছিলাম, এখনও আছি। তখনকার অনেক পেশেন্ট এখনও আমার পেশেন্ট। ডায়রি থেকে তারা আমায় চিনে ফেলবে না তার কী গ্যারান্টি?'

'আমি কিন্তু ডায়রিটা পড়েছি। আমার মনে হয় আপনার চিন্তার কোনও কারণ নেই।'

'আপনি যখন পড়েছেন তখন আমিও পড়ব। সে কথাটা আমি মুনসীকে বলি। আমি বলি যে তোমার কথা আমি বিশ্বাস করি না। আমি নিজে তোমার লেখা পড়ে বিচার করব সেটা ছাপলে আমার কোনও ক্ষতি হবে কিনা। তুমি আমাকে লেখাটা দাও। যদি না দাও তা হলে তোমার অতীতের ঘটনা আমি ফাঁস করে দেব।'

'এ আবার কী বলছেন আপনি?'

'মিস্টার মিস্টার, আমি আর মুনসী একই বছর লন্ডনে যাই ডাঙ্গারি পড়তে। আমার বিষয় যদিও মনোবিজ্ঞান ছিল না, কিন্তু আমাদের দুজনের যথেষ্ট পরিচয় ছিল। আমি মুনসীর যে চেহারা দেখেছি সে চেহারা কলকাতার কেউ দেখেনি। সে সেখানে উচ্চরে যেতে চলেছিল, আমি তাকে সামলাই, তাকে সোজা পথে নিয়ে আসি। কলকাতায় ফিরে এসে প্র্যাকটিস শুরু করার পর সে ক্রমে ক্রমে নিজেকে সংস্কার করে।'

'আপনি মুনসীর বাড়ি গিয়ে তাঁর কাছ থেকে লেখাটা চেয়ে আনেন?'

'আজ্ঞে হ্যাঁ। গতকাল রাত এগারোটায়। বলেছিলাম দুদিন পরে লেখাটা ফেরত দেব। এখন অবিশ্য তার কোনও প্রয়োজন নেই।'

'নেই মানে? আপনি পাঞ্জুলিপি ফেরত দিলেই সেটা ছাপা হবে। লেখকের মৃত্যুর পর তার বই ছাপা হয়েছে অনেক ক্ষেত্রে। একে ইংরিজিতে পসখ্যমাস পাবলিকেশন বলে সেটা আপনি জানেন না?'

'জানি। কিন্তু এক্ষেত্রে সেটা হবে না। লেখাটা আমি পড়েছি। সেটা আমার কাছেই থাকবে। বই হয়ে বেরোবে না। আসি।'

ফেলুদা রিসিভারটা নামিয়ে রেখে দিল, তার মুখ গঞ্জির।

'লোকটা এমন করে আমার উপর টেক্কা দিল!' খৎ করে সোফায় বসে বলল ফেলুদা। 'এ সহ্য করা যায় না।...আর এমন চমৎকার লেখা—এইভাবে বেহাত হয়ে গেল!'

‘লেখাটা নিয়ে ভাববেন না, ফেলুবাবু।’ একটু যেন রাগত ভাবেই বললেন জটায়। ‘দ্য খুন ইজ
মাচ মোর ইমপ্ট্যান্ট দ্যান দ্যা লেখা।’

‘আপনি লেখাটা পড়েও একথা বলছেন?’

‘বলছি। যেখানে মার্ডার হ্যাজ বিন কমিটেড, সেখানে আর ওসব কিছু তার কাছে তুচ্ছ।’

শ্রীনাথ এসে খবর দিল ভাত বাড়া হয়েছে। আমরা তিনজনে খাবার ঘরে থেতে বসলাম।
লালমোহনবাবু যদিও বেশ তঃপূর্ণ সঙ্গে খেলেন। এমনকী চিংড়ি মাছের মালাইকারিটা থেতে
থেতে বললেন, ‘আপনাদের জগন্নাথের রাখার তারের তুলনা নেই;’ ফেলুদা শুক্তো থেকে দই
পর্যন্ত একবারও মুখ খুলল না।

খাবার পর তিনজনে তিনটে পান মুখে পুরে বসবার ঘরে বসতেই ফোনটা বেজে উঠল।
আমিই ধরলাম। ইনস্পেক্টর সোম। আমি ফেলুদার হাতে ফোনটা চালান দিলাম। ‘বলুন
স্যার-’-এর পর ফেলুদা কেবল দুটো কথা বলল। প্রথমে মিনিট খানেক কথা শুনে বলল, ‘তা
হলে তো খুনটা বাড়ির লোকে করেছে বলেই মনে হচ্ছে’ আর ফোনটা রাখবার আগে বলল—
‘ভেরি ইন্টারেস্টিং আমি আসছি।’

‘কোথায় যাচ্ছ?’ আমি জিজ্ঞেস করলাম।

‘মুনসী প্যালেস’, টেবিল থেকে চারমিনারের প্যাকেট আর লাইটারটা তুলে পকেটে পুরে
বলল ফেলুদা।

‘খুনটা বাড়ির লোকে করেছে কেন বললেন?’ জটায়ুর প্রশ্ন।

‘কারণ নিষ্ঠারিণী যি আবিক্ষার করেছে যে একটা হামানদিস্তা মিসিং। এ পারফেক্ট মার্ডার
ওয়েপন।’

‘আর ইন্টারেস্টিংটা কী?’

‘মুনসীর একটা ডায়ারি পাওয়া গেছে যাতে এ বছরের প্রথম দিন থেকে মারা যাবার আগের
দিন পর্যন্ত এন্ট্রি আছে।...চলুন বেরিয়ে পড়ি।’

৮

পেঙ্গুইন যে ডায়ারিটা ছাপছিল সেটা ১৯৮৯ ডিসেম্বরে শেষ হয়েছে। পুলিশ যেটা পাগুলিপি
খুঁজতে খুঁজতে মুনসীর শোবার ঘরে পেয়েছে, সেটাতে দৈনিক এন্ট্রি আছে ১৯৯০ পয়লা
জানুয়ারি থেকে মুনসী মারা যাবার আগের রাত, অর্থাৎ ১৩ই সেপ্টেম্বর পর্যন্ত। ডায়ারিটা সঙ্গবত
খাটের পাশের টেবিলে রাখা ছিল। সেখান থেকে মাটিতে পড়ে যায়। পুলিশ সেটাকে মাটিতেই
পায়।

ডায়ারিটা সোমের কাছ থেকে নিয়ে প্রথম পাতা খুলেই ফেলুদার চোখ কীসে আটকে গেল।
কিছুক্ষণ ভ্রুকুটি করে পাতাটির দিকে ঢেয়ে থেকে আবার যেন সংবিধ ফিরে পেয়ে পাশে
দাঁড়ানো শক্রবাবুকে জিজ্ঞেস করল, ‘আপনি জানতেন যে আপনার বাবা ডায়ারি রাখার
অভ্যেসটা শেষদিন পর্যন্ত চালিয়ে গেছেন?’

‘একেবারেই না। তবে শুনে যে অবাক হচ্ছি তা নয়, কারণ চালিশ বছর একটানা লিখে হঠাৎ
বন্ধ করার তো কোনও কারণ নেই।’

‘সুখময়বাবু জানতেন এই ডায়ারির কথা?’

‘সেটা ওকেই জিজ্ঞেস করুন।’

আমরা সকলে বসবার ঘরে জমায়েত হয়েছিলাম। মিনিট খানেকের মধ্যেই সুখময় চক্রবর্তী
এলেন। ফেলুদা প্রশ্ন করতে সুখময়বাবু বললেন, ‘ডা. মুনসী ডায়ারি লিখবেন এতে আশ্চর্যের
৫২৫



কিছু নেই, কিন্তু উনি কাজটা করতেন দিনের শেষে শুভে যাবার আগে। ডায়রিও শোবার ঘরেই থাকত নিশ্চয়ই, এই লাল বই আমি কোনওদিনই দেখিনি।'

'বসুন।'

সুখময়বাবু দাঁড়িয়ে কথা বলছিলেন, ফেলুদা বলতে যেন একটু অবাক হয়েই বসলেন। আমি বুঝলাম ফেলুদা আরও কিছু জিজ্ঞেস করতে চায়।

'সুখময়বাবু', বলল ফেলুদা, 'আপনি নিশ্চয়ই চান যে ডাঃ মুনসীর আততায়ীর উপর্যুক্ত শাস্তি হোক। তাই নয় কি?'

'আমার দায়িত্ব', বলে চলল ফেলুদা, 'হল সেই আততায়ীকে খুঁজে বার করা। একটা কারণে এখন আমরা বুঝতে পারছি যে আততায়ী এই বাড়িতেই রয়েছেন। সেদিন আমি এই বাড়িতে যাঁরা থাকেন তাদের প্রত্যেককে জেরা করেছি। তার ফলে আমি এখনও কোনও সিদ্ধান্তে আসতে পারিনি। হয়তো আমার তরফ থেকেই যথেষ্ট প্রশ্ন করা হয়নি, এবং যাদের প্রশ্ন করেছি তারা আমার সব প্রশ্নের জবাব দেননি। একটা প্রশ্ন আমি করিনি, আজ করতে চাই।'

'বলুন।'

'একটা ব্যাপারে আমাদের মনে খট্কা জেগেছে।'

‘কী?’

‘শহরবাবুর মতে ডাঃ মুনসী তাঁর লেখা এবং পেশেন্ট ছাড়া আর সবকিছু সম্বন্ধে উদাসীন ছিলেন। কিন্তু আপনি তো তাঁর পেশেন্টও নন, তা হলে আপনার প্রতি তিনি এতটা মেহবর্ষণ করবেন কেন? ডায়ারিতে পড়েছি পাঁচ বছর আগে আপনার অ্যাপেন্সিসাইটিস অপারেশন হয়; তাঁর সমস্ত খরচ মুনসী বহন করেন। অপারেশনের পর আপনি দশ দিনের জন্য পুরী যান; সে খরচও তিনি বহন করেন। কেন? এর কোনও কারণ আপনি দেখাতে পারেন? এই পক্ষপাতিত্ব কীসের জন্য?’

‘জানি না।’

উত্তরটা আসতে যৎসামান্য দেরি হল সেটা নিশ্চয়ই ফেলুদা লক্ষ করেছে। সেটা তাঁর পরের কথা থেকেই বুঝতে পারলাম।

‘আমি আবার বলছি সুখময়বাবু, আপনি সত্যি কথা বললে, বা গোপন না করলে, আমাদের কাজ অনেকটা সহজ হয়ে যায়।’

এবারে উত্তরে দেরি হল না।

‘আমি সত্যি বলছি।’

লালমোহনবাবু আমাদের নামিয়ে দিয়ে ‘টুমরো মর্নিং’ বলে গড়পার ফিরে গেলেন। ফেলুদা সোজা তাঁর শোবার ঘরে চুকে দরজাটা ভেজিয়ে দিল। বুঝলাম সে ডায়ারিতে মনোনিবেশ করবে। ঘড়িতে এখন তিনিটে পঁচিশ।

পাখাটা ফুল স্পিড করে দিয়ে সোফায় গা ছড়িয়ে শুয়ে আমি একটা ন্যাশনাল জিওগ্রাফিক ম্যাগাজিন খুলে অ্যানটার্কটিকার বিষয় চমৎকার সব ছবি সমেত একটা লেখা পড়তে লাগলাম।

সাড়ে চারটৈয়ে শ্রীনাথ চা আনল। আমারটা টেবিলের উপর রেখে ফেলুদার ঘরের দরজায় টোকা দেবার সঙ্গে সঙ্গেই ফেলুদা বেরিয়ে এসে বলল, ‘এ ঘরেই চা দাও।’

বুঝতেই পারছি ডায়ারিটা পড়া হয়ে গেছে, তাই জিজ্ঞেস করলাম, ‘কিছু পেলে?’

ফেলুদা কাউচে বসে পকেট থেকে ডায়ারি আর চারমিনারের প্যাকেটটা বার করে টেবিলের উপর রেখে গরম চায়ে একটা ছেট চুমুক দিয়ে বলল, ‘তোকে কয়েকটা আইটেম পড়ে শেনাছি। আমার মনে হয় চিন্তার খোরাক পাবি।’

আমি আগেই লক্ষ করেছিলাম। ডায়ারির মাথার দিকটা দিয়ে কয়েকটা ছেঁড়া কাগজ উকি মারছে। ফেলুদা কোনওরকম তাড়াছড়ো না করে একটা চারমিনার ধরিয়ে প্রথম টুকরো মার্কে ডায়ারিটা খুলল।

‘শোন, এটা তিনি সপ্তাহ আগের এন্টি। আমি ইংরিজি থেকে বাংলা করছি। ‘আজ একটা নতুন পেশেন্ট। রাধানাথ মল্লিক। আমার ঘরে চুকে চেয়ারে বসে প্রথমেই পকেট থেকে এক টুকরো কাগজ বার করে হাতের তেলোয় রেখে সেটার দিকে আর আমার দিকে বারকয়েক দেখে কাগজটা দলা পাকিয়ে ওয়েস্ট পেপার বাস্কেটে ফেলে দিল। ওটা কী ফেললেন জিজ্ঞেস করাতে ভদ্রলোক বললেন, টেলিগ্রাফের খবর আপনার ছবি সমেত। আমি বললাম, আপনি কি যাচাই করে নিলেন ঠিক লোকের কাছে এসেছেন কিনা? এবারে একটা ছেটখাটো বিস্ফেরণ হল। ‘আমি কাউকে বিশ্বাস করি না, কাউকেই না! যাচাই করে নিতে হবে বইকী!... পার্সিকিউশন মেনিয়া।’

চার পাতা পরে দ্বিতীয় এন্টি।

‘শোন—আর. এম.-কে নিয়ে সমস্যা! সে নিজের বাড়িতে একদণ্ড টিকতে পারে না। তাঁর দাদা, তাঁর পড়শি সকলেই তাঁর মনে আতঙ্কের সঞ্চার করছে। ডিফিকল্ট কেস। আমি বলেছি

কাল থেকে যেন সে আমার এখানে চলে আসে। দুটো ঘর তো খালি পড়ে আছে দোতলায়; তার একটাতেই থাকবে।'

তৃতীয় এন্ট্রি, এটাও দিন চাবেক পরে।

'আর, এম.-কে নিয়ে সমস্যা মিটছে না। আজ ওকে কাউচে শোয়ানোর আগে ও আমার অপিসে এসে বসেছিল। আমি তখন বিলেত থেকে সদ্য আসা একটা জরুরি চিঠি পড়ছি। পড়া শেষ করে ওর দিকে চেয়ে একটা আশ্চর্য ব্যাপার দেখলাম। আমার ভারী কাচের পেপার ওয়েটটা হাতে নিয়ে ও কেমন যেন অস্তুত ভাবে আমার দিকে চেয়ে আছে। ও যদি আমাকেও ওর শক্রপক্ষ মনে করে তা হলে তো মুশকিল।'

চার নম্বর এন্ট্রি।

'আমার ওয়ুধের শিশিটা ভুল করে আপিস ঘরে ফেলে এসেছিলাম; রাত্রে শোবার আগে সেটা আনতে গিয়ে প্যাসেজ থেকেই বুবালাম ঘরে বাতি ছলছে। ভেবেছিলাম হয়তো সুখময় কোনও কাজ করছে, কিন্তু গিয়ে দেখি শক্র। সে আমার দিকে পিঠ করে ঝুঁকে পড়ে টেবিলের নীচের দেরাজটা বন্ধ করছে। আমায় দেখে ভারী অপ্রস্তুত হয়ে বলল ওর এয়ার মেল খাম ফুরিয়ে গেছে তাই এখানে আছে কিনা দেখতে এসেছিল। আমি ওকে দুটো খাম দিয়েছিলাম!... ওই দেরাজেই থাকে আমার পাণুলিপি।'

এরপরে একেবারে শেষ পাতায় শেষ এন্ট্রি। এর সঙ্গে রাধাকান্ত মল্লিকের কোনও যোগ নেই, আর এটা সত্যিই রহস্যজনক।

'কী ভুলই করেছিলাম!... যাক, তবু যে ভুলটা ভেঙেছে! কিন্তু "আর"-এর জের কি তা হলে অনিদিষ্টকাল ধরে চলবে? নাকি শুটা নিয়ে অথবা চিন্তা করছি?'

ফেলুদা ডায়ারিটা বন্ধ করে একটা দীর্ঘশাস ফেলে বলল, 'অস্তুত কেস!'

'তার মানে রহস্যের জট এখনও ছাড়াতে পারনি?'

'না, তবে কীভাবে প্রোসিড করতে হবে তার একটা ইঙ্গিত পেয়েছি। এবার কিছু দৈহিক পরিশ্রম আছে। কুচিন এনকোয়ারি। তুই জটায়ুকে ফোন করে বলে দে কাল যেন সকালে না এসে বিকেলে আসেন। সকালে আমি থাকছি না।'

৯

ফেলুদা পরদিন সকাল আটটায় বেরিয়ে আড়াইটৈয়ে ফিরল। ও নাকি বাইরেই লাঞ্ছ সেরে নিয়েছে। কাজ হল কিনা জিজ্ঞেস করতে ঠিক ভরসা পাচ্ছিলাম না। কারণ ওর মধ্যে একটা চাপা উত্তেজনা লক্ষ করছিলাম; তার মানে সাক্ষেস না ফেইলিওর সেটা বুবতে পারছিলাম না।

ফেলুদা সোফায় বসার আগে দুটো ফোন করল, একটা শক্র মুনসীকে, অন্যটা ইনশ্পেক্টর সোমকে। দুজনকেই একই ইন্স্ট্রাকশন, আগামীকাল সকাল দশটায় সুইনহো স্ট্রিটে বৈঠকে সবাই যেন উপস্থিত থাকে।

এবার একটা চারমিনার ধরিয়ে ফেলুদা সোফায় বসে সামনের টেবিলের উপর পাটা ছড়িয়ে দিয়ে বলল, 'আমারও মুনসীর মতো বলতে ইচ্ছা করছে, কী ভুলই করেছিলাম!... রহস্য উদ্যাটনের চাবি সবকটা চোখের সামনে পড়ে আছে, অথচ দেখতে পাচ্ছিলাম না।'

আমি একটা কথা না জিজ্ঞেস করে পারলাম না।

'অপরাধীকে আমরা চিনি তো?'

'নিশ্চয়ই', বলল ফেলুদা। 'তোর যখন এত কৌতুহল, তখন আমি তোকে কয়েকটা প্রশ্ন



করছি যেগুলোর উপর ঠিকমতো দিতে পারলে হয়তো তুই নিজেই সমস্যার সমাধান করতে পারবি।’

আমি চুপ, বুক টিপ টিপ।

‘এক, নতুন ডায়ারিটায় লক্ষ করার মতো বিশেষ কিছু দেখলি?’

‘একটা ব্যাপারে খটকা লাগল।’

‘কী?’

‘খুনের আগের রাত পর্যন্ত ডায়ারি লিখে গেছেন ভদ্রলোক, কিন্তু “আর” আসার কোনও উল্লেখ নেই।’

‘এক্সেলেন্ট! দুই, বিসর্জন কথটা বলতে প্রথমেই কী মনে হয়?’

‘নাটক। রবীন্দ্রনাথ।’

‘হল না।’

‘দাঁড়াও দাঁড়াও! জল...জলে কিছু ফেলে দেওয়া।’

‘গুড়। তিন, নেমেসিস কাকে বলে জানিস?’

‘নেমেসিস?’

‘হ্যাঁ।’

‘ইংরিজি কথা?’

‘উহু। গ্রিক।’

‘ওরে বাবা, সে কী করে জানব?’

‘তা হলে শিখে নে। অপরাধ করে যে শাস্তি সাময়িকভাবে এড়িয়ে গেলেও একদিন-না-একদিন ভোগ করতেই হবে বলে নেমেসিস। এই নেমেসিস-এরই ভয় পাঞ্চিল “এ”, “জি” আর “আর”।’

আমার ব্যাপারটা খুবই ইন্টারেস্টিং লাগছিল, তাই ফেলুদা চুপ করে আছে দেখে বললাম, ‘আরও আছে?’

‘আর একটা বলব। বেশি বললে কালকের নাটকটা জমবে না।’

‘ঠিক আছে।’

‘ফিজিশিয়ান হিল দাইসেলফ, মানে জানিস?’

‘এ তো ইংরিজি প্রবাদ, ডাঙ্কাৰ, আগে নিজেৰ ব্যারাম সারাও।’

‘আৱেকটা শেষ কথা বলে দিছি তোকে, “সাজা” কথাটাৰ অনেকগুলো মানে পাবি অভিধানে, তাৰ মধ্যে দুটো মানে নিয়ে আমাদেৱ কাৰিবাৱ।’

‘বুৰোছি।’

চা দেৱাৰ মিনিট দশকে আগে জটায়ু এসে হাজিৱ। কাউচে বসেই প্ৰথম প্ৰশ্ন হল, ‘আমাৱা কোন স্টেজে আছি?’

উত্তৰে ফেলুদা ‘মিনার্ভা’ বলে লালমোহনবাবুকে অসন্তুষ্ট ভ্ৰুটি কৱতে দেখে বলল, ‘পেনালটিমেট।’

‘পেনালটি, কী বললেন?’

‘আপনাৰ ইংরিজিটা আৱ রঞ্চ হল না কিছুতেই। পেনালটিমেট মানে লাস্ট বাট ওয়ান।’

‘লাস্ট স্টেজে পৌঁছাচ্ছি কৰে?’

‘কাল সকাল দশটায় মুনসী প্যালেসে সৰ্বসমক্ষে যবনিকা উত্তোলন।’

‘আৱ পতন?’

‘ধৰন্তাৰ আধ ঘণ্টা বাদে।’

‘চারজনেৰ উপৰ তো সন্দেহ—’

‘হ্যাঁ, ইনি, মিনি, মাইনি, মো।’

‘উঃ, কথায় কথায় আপনাৰ এই প্ৰগল্ভতা অসহ্য। এইটো অস্তত বলুন যে শক্র, সুখময়, রাধাকান্ত—’

ফেলুদা হাত তুলে বাধা দিয়ে বলল, ‘আৱ স্পিক-টি-নট। এইখানেই দাঁড়ি।’

‘আপনি দিন দাঁড়ি। আমাৱ বলা শেষ হয়নি। নাটকেৰ ঝাইম্যাক্স আমাৱ হাতে, আপনাৰ হাতে নয়। এটা ওয়ার্নিং দিয়ে দিলুম।’

‘আপনি যে ভয় পাইয়ে দিচ্ছেন।’

‘ভয়েৰ কিসু নেই। আপনাৰ সিংহাসন কেউ টলাতে পাৱবে না। আৱ তাৰিফেৰ সিংহভাগ আপনিই পাৱেন তাতে সন্দেহ নেই। কিন্তু সিংহাসনেৰ পাশে একটা ছেটা স্পেশাল আসন, আৱ তাৰিফেৰ পাশে একটি মিনি-তাৰিফ, এ দুটো আমাৱ বৰাদৰ থাকবেই।’

পৰদিন ভোৱে এক পশলা বৃষ্টি হওয়াতে আমাদেৱ পাড়াতে কিছুটা জল জমেছিল, তাও ঠিক

সাড়ে নটার সময় বগলে ছাতা, কাঁধে ঘোলা আর মুখে হাসি নিয়ে লালমোহনবাবু এসে হাজির। ‘তপ্পেশ ভাই’, কাউচে বসে বললেন ভদ্রলোক, ‘জগন্নাথকে বোলো যেন আজ ধিচুড়ি করে। নাটকের পর মধ্যাহ্ন ভোজনটা এখানেই সারব।’

চা খেয়ে দশটার পাঁচ মিনিট আগেই আমরা সুইনহো স্ট্রিটে পৌঁছে গেলাম। আমাদের আগেই পুলিশ হাজির; ইনস্পেক্টর সোম ফেলুদাকে শুভ মর্নিং করে বললেন, ‘আমি আপনার মেথড তো জানি। তাই সকলকেই বৈষ্ণবিক্ষানায় জমায়েত হতে বলে দিয়েছি, বেয়ারা বসার ব্যবস্থা করে দিয়েছে, কেবল মিসেস মুনসীরও থাকার দরকার কিনা সেটা জানার ছিল।’

ফেলুদা মাথা নেড়ে বলল, ‘উনি না থাকাটাই বাঞ্ছনীয়।’

সবাই যে যার জায়গা নিয়ে বসতে বসতে একত্রায় বড় ঘড়িতে ঢং ঢং করে দশটা বাজল। ফেলুদা উঠে দাঁড়িয়ে একবার চারদিকে দেখে নিয়ে ঘড়ির শেষ ঢং-এর রেশটা মিলিয়ে যেতেই কথা আরও করে দিল।

‘আমি প্রথমেই শক্রবাবুকে একটা প্রশ্ন করতে চাই।’

শক্রবাবু ঘরের উলটোদিকে বসেছিলেন। তাঁর দৃষ্টি ফেলুদার দিকে যুরু। ফেলুদা বলল, ‘আমি সেদিন যখন বললাম যে ডাঃ মুনসী তাঁর ডায়ারিতে অনেকবার আপনার উল্লেখ করেছেন, তা শুনে আপনি বিস্মিত হন। এবং আমি যখন বললাম যে তিনি আপনার সম্বন্ধে নিশ্চয় সত্ত্ব কথাই বলেছেন তখন আপনি বেশ বিরক্ত হয়েই বললেন, “বাবা আমাকে চিনলেন কবে, কীভাবে, তিনি তো তাঁর রুগি নিয়েই পড়ে থাকতেন।” শক্রবাবু আপনি কেন ধরে নিলেন যে বাবা আপনার সম্বন্ধে অপ্রিয় কথাই বলেছেন? আমি তো কিছুই বলিনি।’

‘কারণ বাবা সামনা-সামনি আমার কখনও প্রশংসা করেননি।’

‘নিন্দে করেছেন কি?’

‘না, তাও করেননি।’

‘তা হলে আপনিই বা আপনার সম্বন্ধে ডাঃ মুনসীর প্রকৃত মনোভাব কী করে জানলেন?’

‘ছেলে তার বাবার মন জানবে না কেন? সে তো অনুমান করতে পারে।’

‘বেশ, এবার আরেকটা কথায় আসি। আমি গতকাল দুপুরে একবার আপনাদের এখানে এসেছিলাম। এ বাড়িতে ভৃত্যস্থানীয় যারা আছে তাদের ডেকে ডেকে আমি কয়েকটা প্রশ্ন করি। একটা প্রশ্ন আপনাকে নিয়ে; সেটার উত্তর দেয় আপনাদের মালী গিরিধারী। প্রশ্নটা ছিল, আপনার বাবার খুনের দিন সে আপনাকে তোরে বেরোতে দেখেছিল কিনা। মালী বলে, হ্যাঁ দেখেছিল। তখন আমি জিজ্ঞেস করি আপনি খালি হাতে বেরোন কিনা। উত্তরে মালী বলে, না। আপনার হাতে একটা কালো চামড়ার ব্যাগ ছিল। বর্ণনায় বুঝি সেটা ব্রিফকেস বা পোর্টফোলিও জাতীয় ব্যাগ। এই ব্যাগে কী ছিল সেটা বলবেন কি?’

শক্রবাবু চুপ। তাঁর নিশ্চাস জোরে জোরে পড়তে শুরু করেছে।

‘আমি বলব কী ছিল?’ বলল ফেলুদা। শক্রবাবু নিরুত্তর। ফেলুদা বলল, ‘ব্যাগে ছিল আপনার বাবার ডায়ারিয়ে পাণ্ডুলিপি। ডাঙ্গারের সঙ্গে দেখা করে, বা করার আগে, আপনি সেটা লেকের জলে বিসর্জন দেন তবে তার কারণ’, ফেলুদার গলা চড়ে ওঠে, ‘আপনি ডায়ারিটা পড়ে দেখেছেন যে আপনার বাবা আপনার সম্বন্ধে একটিও প্রশংসাসূচক কথা বলেননি। তিনি—’

ফেলুদার গলা ছাপিয়ে শক্রবাবু বলে উঠলেন, ইয়েস, ইয়েস! এই বই ছাপা হলে আমার রোজগারের রাস্তা চিরকালের জন্য বন্ধ হয়ে যেত। অলস, উদ্যমহীন, ইরেসপন্সিবল, অস্থিরমতি, কী না বলেননি উনি আমাকে।’

‘রাইট’, বলল ফেলুদা। ‘তা হলে এটাও স্বীকার করুন যে সেদিন গলার স্বর পালটিয়ে “আর”-এর ভূমিকা নিয়ে আপনিই আমাকে ফোনটা করে আপনার বাবা সম্বন্ধে ঝুড়ি ঝুড়ি মিথ্যে

কথা বলেছিলেন, সন্দেহ যাতে আপনার উপর না পড়ে?’

শক্রবাবু দাঁড়িয়ে উঠেছিলেন, এবার ধপ্ত করে বসে পড়লেন।

‘আর’-এর কথাই যখন উঠল’, বলল ফেলুদা, ‘তখন ব্যাপারটা আরেকটু তলিয়ে দেখা যাক।’

ফেলুদার দৃষ্টি এবার বাঁয়ে বসা সুখময়বাবুর দিকে ঝুরল।

‘আমি এবার আপনাকে একটা প্রশ্ন করতে চাই।’

‘করুন।’

‘ইংরিজিতে যাকে হাঁশ বলা হয়, সেই হাঁশের উপর নির্ভর করে আমি গতকাল সকালে একবার সাঁইত্রিশ নম্বর বেলতলা রোডে যাই। সকলের অবগতির জন্য বলছি। এটা হল সুখময়বাবুর বাড়ির নম্বর। আমার মনে হচ্ছিল উনি কিছু তথ্য গোপন করে যাচ্ছেন, এবং হয়তো ওর বাড়ির লোকের সঙ্গে কথা বললে কিছুটা আলোর সন্ধান পাওয়া যেতে পারে।’

ফেলুদার দৃষ্টি ঘুরে গিয়েছিল, এখন আবার ফিরে এল সুখময়বাবুর দিকে।

‘আপনার মা-র সঙ্গে কথা বলে জানতে পারি আপনার বাবার মৃত্যু হয় চরিষ্ণ বছর আগে, গাড়ি চাপা পড়ে।...এই তথ্যটি কি ডাঃ মুনসী জানতেন?’

দৃষ্টি মেঝে থেকে না তুলেই উত্তর দিলেন সুখময়বাবু।

‘জানতেন। ইন্টারভিউ-এর সময়, আমার বাবা সাঁইত্রিশ বছর বয়সে মারা যান জেনে ডাঃ মুনসী জিজ্ঞেস করেন কীসে তাঁর মৃত্যু হয়।’

‘খুব সতর্ক লোকেরও কেমন ভুল হয় তার একটা উদাহরণ দিই। শক্র মুনসী যখন আমার বাড়িতে আসেন তখন তিনি নিজের পরিচয় দিতে বলেন যে তিনি ডাঃ রাজেন মুনসীর ছেলে। এই রাজেন নামটা আমার মাথা থেকে বেমালুম লোপ পেয়ে যায়; যেটা থেকে যায় সেটা হল “ডাঃ মুনসী”。 কাল ওর লাল ডায়ারি খুলে প্রথম পাতাতেই “আর মুনসী” দেখে আমি চমকে উঠি। তা হলে কি ডাঃ মুনসী নিজেই তাঁর ডায়ারির “আর”, এবং তিনিই গাড়ি চাপা দিয়ে লোক মেরে চতুর্দিকে ঘুষ দিয়ে আইনের কবল থেকে নিজেকে বাঁচান, আর সেই মৃত ব্যক্তিরই হেলে তাঁরই কাছে আসে চরিষ্ণ বছর পরে চাকরির ইন্টারভিউ দিতে?’

‘ভুল, ভুল, ভুল! চেঁচিয়ে উঠলেন সুখময়বাবু। আমার বাবাকে যিনি চাপা দেন তাঁর উপরুক্ত শাস্তি হয়।’

‘সে কথা কি ডাঃ মুনসী জানতেন?’

‘না। তাঁর ধারণা ছিল তিনিই আমার বাবার মৃত্যুর জন্য দায়ী। আসল ঘটনা তিনি জানতে পারেন মৃত্যুর আগের দিন।’

‘কীভাবে?’

‘উনি আমাকে ডেকে বলেন যে ওর একটা স্বীকারোক্তি করার আছে যেটা না করলে উনি শাস্তি পাবেন না। স্বীকারোক্তিটা কী জানতে পেরে আমি বলি, ডাঃ মুনসী, আপনি ভুল করছেন; আমার বাবাকে যিনি চাপা দেন তাঁর শাস্তি হয়েছিল। কথাটা শুনে উনি স্তুতি হয়ে যান। আর আমিও বুঝতে পারি কেন তিনি আমার উপর এত সদয় ছিলেন।’

ঘরের উলটোদিক থেকে একটা ছোট, শুক্নো হাসি শোনা গেল। শক্রবাবু।

‘কিছু বলবেন?’ ফেলুদা জিজ্ঞেস করল।

‘না বললে আপনি আরও বেশি ভুল পথে গিয়ে পড়বেন।’

‘মানে?’

‘আমার বাবা জীবনে কখনও গাড়ি চালাননি।’

‘সে তথ্য আমার অজানা নয়, শক্রবাবু। মালীর সঙ্গে কথা বলার পর আপনার ড্রাইভারের

সঙ্গে আমার কথা হল।’

‘সে কী বলে?’

‘ত্রিশ বছর সে আপনাদের ড্রাইভারি করেছে, তার মধ্যে সে মাত্র একটা অ্যাপ্লিডেন্ট করেছে। তাতে আপনার বাবার তাড়া ছিল বলে অনিচ্ছা সঙ্গেও জনবলুল রাস্তায় তাকে জোরে গাড়ি চালাতে হচ্ছিল। তাই যখন দুর্ঘটনাটা ঘটে তখন ডাঃ মুনসী খানিকটা নিজেকেই দায়ী করেন। ড্রাইভারের যাতে দণ্ড না হয় তার জন্য তিনি যা করবার সবই করেছিলেন। তা সঙ্গেও ড্রাইভারের অনুত্তাপ আর আতঙ্ক কিছুতেই যাছিল না। তখন মুনসী তার চিকিৎসা করে তাকে ভাল করে তোলেন। অর্থাৎ আপনার বাবা ডায়রিতে একটুও মিথ্যে লেখেননি। এবং “আর” হচ্ছে নট রাজেন মুনসী, বাট ড্রাইভার রঘুনন্দন তেওয়ারি।’

‘বাট হ কিল্ড মাই ফাদার?’ অসহিষ্ণুভাবে চেঁচিয়ে উঠলেন শক্র মুনসী।

‘এসব ব্যাপারে একটু দৈর্ঘ্য ধরতে হয়, মিঃ মুনসী’, গন্তব্রী স্বরে বলল ফেলুদা। তারপর মুনসীর দিক থেকে তার দৃষ্টি ঘূরে একটি অন্য ব্যক্তির উপর গিয়ে পড়ল। ‘এ যারে একজন ব্যক্তি আছেন যাঁকে আমরা অসুস্থ বলে জানি’, বলল ফেলুদা। ‘এর আগে তিনি দুবার আমাদের সামনে উপস্থিত হয়েছেন, এবং দুবারই নানান অঙ্গভঙ্গির সাহায্যে নিজেকে অসুস্থ বলে প্রতিপন্থ করার চেষ্টা করেছেন। আজ তাঁকে দেখছি তিনি সম্পূর্ণ সুস্থ মানুষের চেহারা নিয়ে আমার ভাষণ শুনছেন। মিঃ মল্লিক—আপনি কি আপনা থেকেই সেরে গেলেন?’

রাধাকান্ত মল্লিক হঠাতে যেন শক্ত খাওয়া মানুষের মতো চমকে উঠলেন।—‘কী—কী বলছেন বলুন।’

‘বলছি যে আমার জেরায় সকলেই অঞ্জবিস্তর মিথ্যা বলেছেন বা সত্য গোপন করে গেছেন, কিন্তু আপনি সবাইকে টেক্কা দিয়েছেন।’

মল্লিক এখনও এক দৃষ্টে ফেলুদার দিকে চেয়ে, তার মনের ভাব বোঝার কোনও উপায় নেই। ফেলুদা বলল, ‘আপনি বলেছিলেন পপুলার ইনশিওরেন্স কাজ করেন। আমি সেটা ভেরিফাই করতে সেখানে গিয়েছিলাম। গিয়ে শুনলাম আপনি আর সেখানে নেই, চার মাস হল ছেড়ে দিয়েছেন। আপনি কি তা হলে বেকার। না অন্য কোথাও কাজ করছেন? ইনশিওরেন্স অফিসে এ প্রশ্নের জবাব কেউ দিতে পারল না বলে আপনার বাড়ির ঠিকানা জোগাড় করে আমি সেখানে গিয়েছিলাম। সতীশ মুখার্জি রোড, তাঁই না?’

মল্লিক এখনও চুপ, তার দৃষ্টি সামনের দিকে।

‘সত্য, এ মামলায় বিশ্বয়ের শেষ, নেই’, বলে চলল ফেলুদা। ‘আপনি ডাঃ মুনসীকে বলেছিলেন আপনার বাবা, আপনার দাদা, সকলেই আপনার মনে আতঙ্কের সংঘার করেছে। অর্থাৎ আপনার বাড়ি গিয়ে দেখি আপনার বাবা দাদা, কেউই নেই। বাবা মারা গেছেন প্রায় পঁচিশ বছর হল, আর দাদা বলে কেউ কোনওদিন ছিলই না। আপনার বিধবা মা-র কাছ থেকে জানি যে আপনি একটা যাত্রা কোম্পানিতে যোগ দিয়েছেন এবং বর্তমানে টুরে আছেন।’

এবার রাধাকান্ত মল্লিক মুখ খুললেন।

‘আমি যে সত্যবাদী যুধিষ্ঠির এটা আমি কোনওদিনই ক্রেতে করিনি। কিন্তু আপনি কী বলতে চান? আমি খুন করেছি?’

‘আমি ধাপে ধাপে এগোই, মল্লিকমশাই, লাফে লাফে নয়। আপনি খুনি কিনা সে ব্যাপারে পরে আসছি; প্রথমে দেখছি আপনি প্রবক্ষক। মনোবিকারের অভিনয় করে আপনি মুনসীর কাছে এসেছিলেন চিকিৎসার জন্য। আপনি—’

‘কেন এসেছিলাম সেটা জানেন আপনি?’ ফেলুদাকে বাধা দিয়ে জোরালো গলায় বললেন মল্লিক।

‘এটা আপনার মা-র কাছ থেকে জানি যে আপনার বাবা গাড়ি চাপা পড়ে মারা যান, যিনি চাপা দেন তাঁর ক্ষেত্রে শাস্তি হয়নি, এবং গাড়ির মালিক এসে আপনার মা-র হাতে পাঁচ হাজার টাকা তুলে দেন ক্ষতিপূরণ হিসেবে।’

‘ইয়েস! চঁচিয়ে উঠলেন রাধাকান্ত মল্লিক। ‘তখনই দেখি আমি ভদ্রলোককে, আর তারপরে ছবি দেখি কাগজে এই সেদিন। সেই একই চেহারা, আর দেখেই স্থির করি যে একে বাঁচতে দেওয়া চলে না। কল্পনা করতে পারেন? একটা বারো বছরের ছেলে, বাবার পিছনে পিছনে টাম থেকে নামছে। চোখের সামনে বাবা মোটরের তলায় তলিয়ে গেল! ওঃ, কী ভয়ংকর দৃশ্য! আজও মনে পড়ে শরীর শিউরে ওঠে। মাসের পর মাস ধরে মা-কে জিজ্ঞেস করেছি, যে লোকটা বাবাকে চাপা দিল তার শাস্তি হবে না? “বড় লোকদের শাস্তি হয় না! বাবু, বড় লোকেরা পার পেয়ে যায়।”...আর তারপর হঠাত খবরের কাগজে ছবি! এক মুহূর্তে মনস্থির করে ফেলি। এর শাস্তি হবে। আর সে শাস্তি দেব আমি! ’

‘তারপরেই মনোবিকারের অভিনয় করার সিদ্ধান্ত?’

‘হ্যাঁ, কিন্তু খুন করা যে এত কঠিন কে জানত? বুঝতে পারছিলাম এ জিনিস চট করে হবার নয়, সময় লাগবে আমার মনকে শক্ত করতে। শেষকালে মন শক্ত হল, অস্ত্র জোগাড় হল...মুন্সীরই আপিস ঘরের একটা পেপার নাইফ। বাবার দেহ থেকে যে রক্ত বেরোতে দেখেছি। তাঁর হত্যাকারীর দেহ থেকেও রক্তপাত না হলে উপযুক্ত শাস্তি হবে না। তারপর—’

‘তারপর কী, মল্লিকমশাই?’

‘অঙ্গুত ব্যাপার, অঙ্গুত ব্যাপার! ছোরা হাতে নিয়ে ঘরে চুকেছি। পশ্চিমের জানালা দিয়ে চাঁদের আলো এসে মুন্সীর উপর পড়েছে। মুখ হ্যাঁ, আধ খোলা চোখে নিষ্পাণ চাউনি। নিষ্পাস-প্রশ্বাসের শব্দ নেই! আমি খুন করব কী? সে লোক তো অলরেডি, ডেড, ডেড, ডেড!

তৃতীয় ‘ডেড’ কথাটা বলার সঙ্গে সঙ্গে ঘরে একটা ধূপ করে শব্দ হল।

সেটার কারণ হচ্ছে ডাঃ মুন্সীর শালা চন্দনাথবাবু। তিনি সংজ্ঞা হারিয়ে চেয়ার থেকে উলটে মেঝেতে পড়েছেন।

সোম তাঁর দিকে দৌড়ে গেলেন। আর সেই সঙ্গে ফেলুদা বলে উঠল, ‘দেখে নিন, মিঃ মুন্সী। আপনার মামা, আপনার মা-র যমজ ভাই। হি কিল্ড ইওর ফাদার।’

‘মানে?’ হঠাত থাকতে না পেরে চঁচিয়ে উঠলেন জটায়ু, ‘মোটিভ?’

ফেলুদার দৃষ্টি আবার শক্তরবাবুর দিকে গেল। ‘আপনি বলতে পারেন না, শক্তরবাবু? আপনি তো ডায়রিটা পড়েছেন?’

শক্তরবাবু ধীরে ধীরে মাথা নেড়ে হ্যাঁ বললেন।

‘মানুষকে চেনা এত সহজ নয়, শক্তরবাবু’, বলল ফেলুদা। ‘জানোয়ারের সঙ্গে মানুষের আসল তফাত, জানোয়ার ভাব করতে জানে না, অভিনয় জানে না, মনের ভাব লুকোতে জানে না।... ডাঃ মুন্সী আপনার মা সম্বন্ধে মোটেই উদাসীন ছিলেন না। থাকলে ডায়রিটা তাঁকে কখনই পড়তে দিতেন না। কখনই সে ডায়েরি তাঁকে উৎসর্গ করতেন না। ব্যাপারটা আসলে উলটো। উদাসীন্য যদি কারুর তরফ থেকে হয়ে থাকে তিনি হলেন আপনার বিমাতা, যিনি তাঁর সমস্ত স্নেহ, ভালবাসা, চিন্তা, ভাবনা, চেলে দিয়েছিলেন তাঁর অকর্মণ্য ভাইয়ের উপর।’

‘...এবার খনের মোটিভটা কী? সেটা কি একবার সমবেত সকলকে বলবেন?’ প্রায় যান্ত্রিক মানুষের মতো কথা বেরোল শক্তরবাবুর মুখ থেকে।

‘বাবার উইলে চার ভাগ পাবে মনস্তাত্ত্বিক সংস্থা, চার ভাগ আমি, আর আট ভাগ আমার মা।’



ইতিমধ্যে মি. সোমের পরিচর্যায় চন্দ্রনাথবাবুর জ্ঞান ফিরেছে। ফেলুদা তাকে উদ্দেশ করে প্রশ্ন করল, ‘খুন করার সিদ্ধান্ত কি আপনার?’

চন্দ্রনাথবাবু মাথা নাড়লেন, তাঁর দৃষ্টি মেঝের কার্পেটের দিকে। একটা দীর্ঘশাসের পর কথা বেরোল, এত ক্ষীণ, যে বেশ কষ্ট করে বুঝতে হয়।

‘না। সিদ্ধান্ত...ডলির। ডলিই আমার হাতে...হামানদিঙ্গা তুলে দেয়।’

‘ওঁ বুঝোছি।’ ফেলুদা যেন বেশ ক্লান্তভাবেই চেয়ারে বসে পড়ল। ‘শুধু একটা আপশোস, গভীর আপশোস...ডায়ারিটা বেরোলে নিঃসন্দেহে সাহিত্যিক হিসাবে ডাঃ মুনসীর সুনাম হত। সেই ডায়ারি এখন সলিলগর্ভে।’

‘অ্যাটেনশন! স্পটলাইট!’

ঘর কাঁপিয়ে সবাইকে চমকে দিয়ে চেঁচিয়ে উঠলেন জটায়ু। সবাই তাঁর দিকে দেখছে দেখে একটা অস্তুত হেসে কাঁধের খোলা থেকে একটানে একটা ফাইল বার করে সেটাকে মাথার উপর তুলে বাঁগার মতো নাড়তে নাড়তে বললেন, ‘জলে যায়নি! জলে যায়নি! হিয়ার ইট ইজ!

‘ডাঃ মুনসীর পাণ্ডুলিপি?’ অবাক হয়ে প্রশ্ন করল ফেলুদা। ‘সেটা কী করে হয়?’

‘ইয়েস স্যার! থ্যাক্স টু বিজ্ঞানের অগ্রগতি। একদিনে পড়া হবে না বলে এটা জিরক্স করিয়ে

বেথেছিলাম, জিরঙ্গ ! এক্স ই আর ও এক্স !...নিন সুখময়বাবু, টাইপিং শুরু করে দিন, শেষ হলে পর সোজা নর্থ পোল।'

এখানে অবিশ্য একটা জটায়ু মার্কা ভুল হল, পেঙ্গুইন নর্থ পোলে থাকে না, থাকে সাউথ পোলে।

গোলাপী মুক্তা রহস্য

‘সোনাহাটিতে দেখবার কী আছে মশাই ?’ লালমোহনবাবু প্রশ্ন করলেন।

“বাংলায় ব্রহ্মণ”-এ যা বলছে, তাতে একটা পুরনো শিবমন্দির থাকা উচিত, আর একটা বড় দিঘি থাকা উচিত। নাম বোধহয় মঙ্গলদিঘি। ওখানকার এককালের জমিদার চৌধুরীদের কীর্তি। সোনাহাটি বিশ বছর আগে অবধি ছিল একটা গাঁ। এখন ইঙ্গুল, হাসপাতাল, হোটেল সবই হয়েছে।’

লালমোহনবাবু ঘড়ি দেখলেন। এটা সম্প্রতি কেনা একটা কোয়ার্টজ ঘড়ি। বললেন, ‘সাংঘাতিক অ্যাকিউরেট টাইম রাখে।’

‘আর দশ মিনিট,’ ঘড়ি দেখে বললেন ভদ্রলোক।

আমরা তিনজন এবং আরেকটি ভদ্রলোক—নাম নবজীবন হালদার—সোনাহাটি শাছি ওখানকার রিক্রিয়েশন ক্লাব থেকে নেমস্টম পেয়ে। ওরা ফেলুদা আর নবজীবনবাবুকে সংবর্ধনা দেবে ওদের বাংসরিক অনুষ্ঠানে। নবজীবনবাবু ইতিহাসের নামকরা অধ্যাপক, বই-টাইও আছে দু-তিনটে। আমরা থাকব দুদিন, ওখানকার সবচেয়ে নামকরা বড়লোক পঞ্চানন মল্লিকের গেস্ট হয়ে। মল্লিক হলেন রিক্রিয়েশন ক্লাবের প্রেসিডেন্ট। তাঁর নাকি নানারকম পুরনো জিনিসের সংগ্রহ আছে।

‘আপনি যে এই নেমস্টম অ্যাপ্রেস্ট করবেন সেটা কিন্তু আমি ভাবিনি,’ ফেলুদাকে উদ্দেশ করে বললেন জটায়ু।

ফেলুদা বলল, ‘আর কিছু না—দুদিনের জন্য যদি কলকাতার বিষাক্ত বায়ু থেকে রেহাই পাওয়া যায় তো মন্দ কী ? তা ছাড়া ওখানে আমার এক কলেজের সহপাঠী আছে, নাম সোমেশ্বর সাহা। ওকালতি করে।’

আমাদের ট্রেন মোটামুটি ঠিক সময়ই সোনাহাটি পৌঁছে গেল। আমরা নামতেই একটা দল আমাদের দিকে এগিয়ে এল—তাদের মধ্যে দুজনের হাতে ফুলের মালা। একজন ফেলুদার গলায় মালা পরিয়ে নমস্কার করে বলল, ‘আমি ক্লাবের সেক্রেটারি—নরেশ সেন। আমিই আপনাকে চিঠিটা লিখেছিলাম।’

নবজীবনবাবুকেও মালা পরানো হয়েছিল। এবার একজন মাঝবয়সী ভদ্রলোক—সিঙ্কের পাঞ্জাবিতে সোনার বোতাম—এগিয়ে এলেন। নরেশ সেন বলল, ‘ইনিই হচ্ছেন আমাদের ক্লাবের প্রেসিডেন্ট পঞ্চানন মল্লিক।’

মল্লিকমশাইয়ের মুখে স্বাগতম হাসি। বললেন, ‘আপনারা যে আমাদের আমন্ত্রণে সাড়া দিয়েছেন সেটা আমাদের পক্ষে গৌরবের বিষয়। আমার বাড়িতে আপনাদের থাকার ব্যবস্থা হয়েছে। আশাকরি কোনও অসুবিধা হবে না। বড় শহরের সব ফ্যাসিলিটিজ তো এখানে পাবেন না।’

‘ও নিয়ে আপনি কোনও চিন্তা করবেন না,’ বলল ফেলুদা।

‘আপনিও তো শুনিটি খ্যাতিমান ব্যক্তি,’ লালমোহনবাবুর দিকে ফিরে বললেন ভদ্রলোক।

‘আমি লিখি-চিখি আৱ কী,’ বিনয়ী হাসি হেসে বললেন জটায়ু।

মল্লিকমশাইয়ের নীল অ্যাথাসাড়ৰ স্টেশনের বাইরেই অপেক্ষা কৰছিল, আমৱা পাঁচজন তাতে উঠে পড়লাম—আমি আৱ জটায়ু সামনে।

‘আপনাৰ সংগ্ৰহেৰ কথা শুনেছি’ গাড়ি রওনা হৰাৰ পৱ বলল ফেলুন। ‘বোধহয় কাগজেও দেখেছি।’

‘হ্যাঁ—ওটা আমাৰ অনেকদিনেৰ শখ। অনেক রকম জিনিস আছে আমাৰ কাছে। হালদারমশাইও ইন্টাৰেস্ট পাৰেন, কাৱণ বেশ কিছু জিনিসেৰ সঙ্গে ইতিহাস জড়িয়ে আছে। আমাৰ লেটেস্ট সংগ্ৰহ হল মহৰ্ষিৰ জুতো।’

‘মহৰ্ষিৰ জুতো ? সেটা কী ব্যাপার ?’ ঘাড় ঘুৰিয়ে জিজ্ঞেস কৱলেন লালমোহনবাবু।

‘সে ঘটনা জানেন না ? হালদারমশাই নিশ্চয়ই জানেন।’

‘কী ব্যাপার ?’

‘মহৰ্ষি দেবেন্দ্ৰনাথ। তখন যুবা বয়স, খুব শৌখিন লোক। ঐশ্বৰ্যে ডুবে আছেন। একবাৰ এক জায়গা থেকে নেমন্তন্ত্র এল, সেখানে কলকাতাৰ সব রহস্য আদমিৱা যাবেন। মহৰ্ষি গেলেন। কলকাতাৰ বিখ্যাত বাবুমশাইৰা মাথা থেকে পা পৰ্যন্ত মহামূল্য পোশাক আৱ অলঙ্কাৰে ঢেকে এসেছেন। কাশীৱি দোৱোখা আৱ জামিয়াৰ শালে চতুর্দিক ঝলমল কৱছে। তাৰই মধ্যে দেখা গেল দেবেন্দ্ৰনাথ এলেন, পৱনে সাদা চোগা, সাদা চাপকান, তাৰ উপৱে নকশাহীন সাদা শাল জড়ানো। সকলে তো অবাক। এ কী ব্যাপার ? মহৰ্ষিৰ এই দৈন্যদশা কেন ? তাৰপৱ সকলেৰ চোখ গেল মহৰ্ষিৰ পায়েৰ দিকে। এক জোড়া সাদা নাগৱা, তাতে দুটি বিশাল বিশাল হিৱে ঝলমল কৱছে।’

‘সেই জুতো আপনি পেয়েছেন ?’ অবাক হয়ে প্ৰশ্ন কৱলেন লালমোহনবাবু।

‘একটি। একটি পেয়েছি—হিৱে সমেত। দেখাৰ আপনাদেৱ।’

পঞ্চাননবাবুৰ বাগানে যেৱা বিশাল দোতলা বাড়ি দেখলেই বোৱা যায় তিনি বড়লোক। গাড়িবাবান্দাৰ তলায় গিয়ে গাড়ি থামল। আমৱা সবাই নামলাম। সদৰ দৰজায় দুজন বেয়াৱা আৱ একজন দারোয়ান দাঁড়িয়ে আছে, মল্লিকমশাই একজন বেয়াৱাকে বললেন, ‘বেকুষ্ট, যাও এঁদেৱ ঘৰ দেখিয়ে দাও। আৱ এখন তো সোয়া বারোটা ; একটাৰ মধ্যে যাতে খাবাৰ ব্যবস্থা হয় সেটা দেখো।’

আমৱা শ্বেতপাথৰেৰ সিঁড়ি দিয়ে দোতলায় উঠতে লাগলাম। মল্লিকমশাই বললেন, ‘আপনাদেৱ ঘটনা তো সেই সন্ধ্যায়। ও সময়টা কিন্তু বেশ ঠাণ্ডা ; আশাকৱি গৱম কাপড় আছে সঙ্গে।’

‘সোৰ মাসে গ্ৰামাঞ্চলে ঠাণ্ডা হবে সেটা আমৱা জানতাম,’ বলল ফেলুন।

একটা প্যাসেজেৰ দুদিকে তিনটে ঘৰ আমাদেৱ জন্য বাখা হয়েছে। হালদারমশাই তাঁৰ ঘৰে চলে গেলেন, আমৱা তিনজন গিয়ে চুকলাম ফেলুন্দাৰ আৱ আমাৰ ঘৰে। চিনেমাটিৰ টুকুৱো দিয়ে ঢাকা মেঘো, যাকে ইংৰিজিতে বলে Crazy China। এককালে টানা-পাখাৰ ব্যবস্থা ছিল সেটা দেয়ালেৰ উপৱে দিকে ফুটো দেখলেই বোৱা যায়।

‘ঁৰঁ টাকা হচ্ছে তামাৰ খনিৰ টাকা,’ বলল ফেলুন। ‘আমাৰ এক মক্কেল এঁকে ভাল কৱেই চেনেন।’

‘আৰহাওয়াটা যে কলকাতাৰ তুলনায় নিৰ্মল সেটা এৱ মধ্যেই বোৱা যাচ্ছে’ বললেন লালমোহনবাবু।



আমিও সেটা বেশ বুঝতে পারছিলাম। তা ছাড়া কান্টাও আরাম পাচ্ছে। ট্যাফিক বলে কোনও ব্যাপার নেই; এখনও পর্যন্ত একটাও হৰ্ণ শুনিনি।

একজন বেয়ারা একটা থালায় তিন গেলাস সরবত দিয়ে গেল। সেই সরবত খেতে না খেতেই খবর এল যে নীচে খাবার ঘরে পাত পড়েছে।

২

আতিথেয়তায় মল্লিকমশাই যে একেবারে পয়লা নবৰ সেটা খাবার বহর দেখেই বোঝা গেল। মাছের যে এতরকম জিনিস রাখা হতে পারে সেটা আমার ধারণাই ছিল না। ফেলুদা অল্প খায়, কিন্তু লালমোহনবাবু ভোজনরসিক—খুব তৃপ্তি করে খেলেন। ওঁর খুশির আরেকটা কারণ হচ্ছে যে পঞ্চাননবাবু ওঁর লেখা সম্বন্ধে বেশ কয়েকটা প্রশ্ন করছিলেন তাই ভদ্রলোক নিজের ঢাক পেটাবার একটা সূযোগ পেলেন।

খাবার পর মল্লিকমশাই বললেন, ‘এবার আপনাদের একটু এন্টারটেন করব। চলুন আমার সংগ্রহের কিছু জিনিস দেখাই।’

আমরা আবার দোতলায় ফিরে এলাম। এবার সিঁড়ি দিয়ে উঠে ডান দিকে না ঘুরে বাঁ দিকে ঘুরলাম। এদিকেই পঞ্চাননবাবুর ঘর আর তাঁর সংগ্রহশালা।

জিনিসপত্র অনেকরকম জোগাড় করেছেন ভদ্রলোক তাতে সদেহ নেই। তার প্রত্যেকটারই আবার একটা করে পরিচয় আছে। মহর্ষির নাগরাটা প্রথমেই দেখা হল, তারপর ক্রমে টিপুর নস্তির কৌটো, ক্লাইভের ট্যাঁকঘড়ি, সিরাজদৌলার রুমাল, রানি বাসমণির পানবাটা—এ সবই দেখলাম। আমরা সকলেই অবিশ্য খুবই তারিফ করলাম, কিন্তু আমার যেন কেমন-কেমন লাগছিল। কোন জিনিসটা কার ছিল সেটা জানা গেল কী করে? ক্লাইভের ঘড়িতে তো আর ক্লাইভের নাম লেখা নেই। বা সিরাজদৌলার রুমালেও নেই।

সব দেখেটেখে চারজনে ঘরে ফেরার পথে নবজীবনবাবু ফেলুদাকে জিজ্ঞেস করলেন,
‘কেমন মনে হল ?’

ফেলুদা বলল, ‘খুব কনভিনিসিং লাগল না ।’

‘কনভিনিসিং ? ওর মধ্যে একটা জিনিসও জেনুইন নেই । লোকটা বোগাস, হামবাগ ।
মহর্ষির নাগরা থেকে তো রীতিমতো নতুন চামড়ার গন্ধ বেরোচ্ছিল ।’

ঘটা তিনেক বিশ্রামের সময় ছিল, তারপর অনুষ্ঠানে যাবার জন্য তৈরি হয়ে নিলাম ।
ফেলুদা ধূতি-পাঞ্জাবি পরল বোধহয় আজ দশ বছর পর । ওকে পোশাকটা যে দারণ মানায়
সেটা স্বীকার করতেই হয় । লালমোহনবাবু একটা নকশাদার কাশ্মীরি শাল চাপিয়েছিলেন,
বললেন সেটা ওঁর ঠাকুরদাদার ছিল ।

ঠিক পৌনে ছটায় বেয়ারা পাঠিয়ে আমাদের ডেকে নিলেন পঞ্চাননবাবু । শীতকাল, তাই
এর মধ্যেই বেশ অঙ্ককার হয়ে এসেছে ! অনুষ্ঠানের জায়গায় পৌঁছে দেখি আলোয় চারিদিক
ঝলমল করছে । স্পটলাইট, ফ্লয়োরেসেন্ট লাইট, রঙিন বাল্ব—কিছুরই অভাব নেই ।

আমরা মঞ্চে গিয়ে বসলাম । সংবর্ধনার ব্যাপারটা একেবারে শেষে—অর্থাৎ ক্লাইম্যাঞ্জ ।
তার আগে নাচ, গান, আবৃত্তি, নাটকের অংশের দৃশ্য—সবই হল । সকলেই আজ জান দিয়ে
দিচ্ছে ফেলুদাকে ইমপ্রেস করার জন্য, ফেলুদাও হাততালিতে কার্পণ্য করছে না ।

সংবর্ধনার ব্যাপারটা কুড়ি মিনিটে সারা হয়ে গেল ! সময় একটু লাগল মানপত্রটা
পড়তে । এটা বলতেই হবে যে মানপত্র দুটো দেখতে বেশ ভাল হয়েছে, আর যে লিখেছে
তার হাতের লেখা খুব ভাল । সব শেষে কয়েকজন সাংবাদিক ফেলুদাকে ঘিরে ধরল, আর
তাদের কিছু প্রশ্নের জবাবও দিতে হল ফেলুদাকে । সে বলল এখন তার অবসর—হাতে
কোনও কেস নেই ।

নবজীবনবাবু অনুষ্ঠানের শেষে পঞ্চাননবাবুর সঙ্গে বাড়ি ফিরে গেলেন, আমরা রয়ে
গেলাম কারণ আমাদের নেমত্তন আছে ফেলুদার সহপাঠী সোমেশ্বর সাহার বাড়িতে । ভিড়
কমবার পরেই ভদ্রলোক হাসিমুখে ফেলুদার দিকে এগিয়ে এলেন ।

‘চিনতে পারছিস ?’

‘আনায়াসে,’ বলল ফেলুদা । ‘গোঁফটা ছাড়া আর প্রায় কিছুই বদলায়নি ।’

‘তুইও মোটামুটি একই রকম আছিস, তবে চোখে একটা দীপ্তি দেখছি যেটা বুদ্ধি পাকবার
ফল হয়েছে । কটা কেস হ্যান্ডল করলি এ পর্যন্ত ?’

‘হিসেব নেই’ বলল ফেলুদা । ‘গোড়ার দিকে হিসেব রাখতাম, আজকাল ছেড়ে
দিয়েছি ।’

‘তোর সঙ্গে একজন আলাপ করতে ভীষণ আগ্রহী’—সোমেশ্বর সাহা তাঁর পিছনে দাঁড়ানো
এক ভদ্রলোককে পিঠে হাত দিয়ে সামনে আমাদের দিকে এগিয়ে দিলেন । —‘ঁর নাম
জয়চাঁদ বড়াল । এখানকারই বাসিন্দা । ইনিই মানপত্রটা ডিজাইন করেছেন ।’

‘তাই বুঝি ?’ বলল ফেলুদা । ‘খুব ভাল হয়েছে । আমরা নিজেদের মধ্যে বলাবলি
করছিলাম ।’

জয়চাঁদবাবু লজ্জায় ঘাড় নিচু করে বললেন, ‘আপনার কাছ থেকে প্রশংসা পাব এ
কোনওদিন স্বপ্নেও ভাবিনি । আমি আপনার একজন গুণমুগ্ধ ভক্ত ।’

‘আজ ইনিও আমাদের বাড়িতেই থাচ্ছেন,’ বললেন সোমেশ্বরবাবু । ‘চ—এখানে দাঁড়িয়ে
থেকে গেঁজিয়ে কোনও লাভ নেই । আমার বাড়ি বেশি দূর নয় । মিনিট দশেক পা চালাতে
পারবি তো ?’

‘জরুর ।’

সোমেশ্বরবাবুর বাড়ি বড় না হলেও, বেশ গুছোনো। সেটা বোধহয় ওঁর স্তীর জন্য। স্তী ছাড়া একটি দশ বছরের ছেলেও আছে ভদ্রলোকের। জয়চাঁদবাবু সমেত আমরা চারজনে বৈঠকখানায় বসার দশ মিনিটের মধ্যেই সরবত এসে গেল। স্তী উমাদেবী বললেন, ‘আগে সরবতটা খান—সাড়ে নটার মধ্যে আপনাদের খাবার ব্যবস্থা করে দেব।’

মিনিট পাঁচেক এটা-সেটা নিয়ে কথা হবার পর সোমেশ্বরবাবু জয়চাঁদ বড়লকে দেখিয়ে বললেন, ‘এঁর একটা বিশেষ কিছু বলার আছে তোকে। আমার মনে হয় তুই ইন্টারেন্স পাবি।’

‘বটে?’ বলল ফেলুন। ‘কী ব্যাপার শুনি।’

‘কিছুই না,’ সলজ্জ হাসি হেসে বললেন জয়চাঁদবাবু, ‘আমাদের ফ্যামিলি সংক্রান্ত একটা ব্যাপার।’

লালমোহনবাবু আগ্রহের সঙ্গে একটু এগিয়ে বসলেন। ‘কী ব্যাপার, কী ব্যাপার?’—গল্পের গন্ধ পেলেই ভদ্রলোক চনমনিয়ে ওঠেন।

জয়চাঁদবাবু হাত থেকে সরবতের গেলাসটা টেবিলের উপর নামিয়ে রেখে বললেন, ‘আমি নিজে এখন ইস্কুল মাস্টারি করি, কিন্তু আমার পৈতৃক ব্যবসা ছিল হিরে-জহরতের। কলকাতার কর্ণওয়ালিস স্ট্রিটে আমাদের একটা গয়নার দোকান এখনও আছে; সেটা দেখেন আমার এক কাকা। আমি যাঁর কথা বলছি তিনি ছিলেন আমার ঠাকুরদাদার ঠাকুরদাদা—নাম ছিল অভয়চরণ বড়ল। তিনিই এই ব্যবসা আরভ করেন। জাহাজে করে ভারতবর্ষের উপকূলে সব শহরে গিয়ে হিরে পানা কেনাবেচা করতেন। মাদ্রাজের কাছাকাছি কোনও একটা শহরে তিনি একবার একটা রত্ন পান। সেটা তিনি যত্ন করে জমিয়ে রেখেছিলেন। সে রত্ন এখনও আমার কাছে রয়েছে। সেটা আমি আপনাদের দেখাতে চাই।’

‘সঙ্গে এনেছেন?’ জটায়ু প্রশ্ন করলেন।

‘আজ্ঞে হ্যাঁ।’

ভদ্রলোক পকেট থেকে একটা খয়েরি রঙের ঝুমাল বার করলেন, তাতে গেরো দিয়ে বাঁধা একটা ছেটু লাল ভেলভেটের বাক্স। বাক্স খুলে তার থেকে একটা মুক্তো বার করে ভদ্রলোক আমাদের সামনে ধরলেন।

ফেলুন্ডা উত্তেজনায় ভরা চাপা স্বরে বলে উঠল—

‘একী—এ যে পিংক পার্ল।’

‘আজ্ঞে হ্যাঁ,’ বললেন জয়চাঁদ বড়ল। ‘আবিশ্য গোলাপী হওয়ায় এর কোনও বিশেষত্ব আছে কি না জানি না।’

‘কী বলছেন আপনি! বলল ফেলুন। ‘ভারতবর্ষে যতরকম মুক্তো পাওয়া যায় তার মধ্যে সবচেয়ে দুষ্প্রাপ্য আর সবচেয়ে মূল্যবান হল গোলাপী মুক্তো।’

‘মুক্তো সাদা ছাড়া হয় তাই তো জানতাম না,’ বললেন লালমোহনবাবু।

‘সাদা লাল কালো হলদে নীল—সবরকম হয়,’ বলল ফেলুন্ডা। তারপর জয়চাঁদবাবুর দিকে ঢেয়ে বলল, ‘শুনুন—আপনি ও জিনিস ওভাবে পকেটে নিয়ে ঘুরে বেড়াবেন না। বাড়িতে সিন্দুক থাকলে তাতে রেখে দেবেন।’

‘আজ্ঞে এটা আমি বার করি না বললেই চলে। আজ আপনাকে দেখাব বলে নিয়ে এলাম।’

‘আর কাকে দেখিয়েছেন ওটা?’

‘মাত্র একজন। গত সপ্তাহে একজন ভদ্রলোক এসেছিলেন, তিনি উনবিংশ শতাব্দীর বাঙালি বণিকদের নিয়ে একটা বই লিখছেন—তাঁকে দেখিয়েছিলাম।’



‘এ ছাড়া আর কেউ জানে না তো ?’

‘কী আর বলব বলুন—এই ভদ্রলোক, যিনি বই লিখছেন—তিনি আবার ঘটনাটা এক সাংবাদিককে বলেন। ফলে পরদিনই সেটা কাগজে বেরিয়ে যায়।’

‘কলকাতার কাগজে ?’

‘আজ্জে হ্যাঁ। তিনটে বাংলা কাগজে বেরিয়েছে। আপনি ফিরে গিয়ে সেটা দেখতে পাবেন।’

‘গোলাপী মুক্তো বলে বলা আছে তাতে ?’

‘তাই তো বলেছে। একটা কাগজে তো এ-ও বলে দিয়েছে যে মুক্তোর মধ্যে গোলাপী মুক্তোই সবচেয়ে ভ্যালুয়েব্ল।’

‘সর্বনাশ !’ কপালে হাত ঠুকে বললে ফেলুদা। ‘আমি আপনাকে জোর দিয়ে বলছি এ জিনিস আপনি কাউকে কখনও দেখাবেন না। এই একটা মুক্তোর দাম কত তা আপনি কল্পনা করতে পারেন ? বিক্রি করলে আপনি যা দাম পাবেন তাতে আপনার পরের দুই পুরুষ পর্যন্ত খাওয়া-পরার কোনও ভাবনা থাকবে না।’

‘এটা আপনি আমাকে বলে খুব উপকার করলেন।’

আমরা তিনজনেই একবার করে মুক্তোটা হাতে নিয়ে দেখলাম। নিটোল চেহারা। ফেলুদা বলল যে, শেপের দিক দিয়েও মুক্তোটা অসাধারণ।

জয়চাঁদবাবু তাঁর সম্পত্তি আবার পকেটে পুরে নিলেন। ফেলুদা ‘ছিক’ করে একটা আক্ষেপসূচক শব্দ করে বলল, ‘খবরটা কাগজে বেরোনো খুবই আনফরচুনেট ব্যাপার। আশা করি কোনও গোলমাল হবে না।’

‘যদি হয় তা হলে কি আমি আপনাকে জানাব ?’

‘নিশ্চয়ই । আমার ঠিকানা, ফোন নম্বর সবই সোমেশ্বর জানে । আপনি বিনা দ্বিধায় আমার সঙ্গে যোগাযোগ করবেন । এমনকী দরকার হলে ওটাকে নিয়ে কলকাতায় চলে আসতে পারেন ।’

৩

আমরা পরদিন সকালে হাওড়া এক্সপ্রেসে রওনা হয়ে বিকেলে কলকাতা পৌঁছে গেলাম । আমাদের সঙ্গে হালদারমশাইও ফিরলেন । দেখলাম ফেলুদা ওঁর সামনে একবারও গোলাপী মুক্তোর উল্লেখ করল না ।

বাড়িতে এসে ফেলুদা শুধু একটা কথাই বলল ।

‘মুক্তোর খবরটা কাগজে বেরোনোটা মারাঞ্জক ভুল হয়েছে ।’

আসবার তিন দিন পরে সকালে বসবার ঘরে বসে কথাসরিংসাগর পড়ছি, ফেলুদা ক্লিপ দিয়ে নখ কাটছে, এমন সময় টেলিফোনটা বেজে উঠল । ফেলুদা উঠে ধরল । কথা শেষ হয়ে যাবার পর ফেলুদা বলল, ‘বড়ল ।’

‘কলকাতায় এসেছেন ?’

‘হ্যাঁ । আমার সঙ্গে বিশেষ দরকার । বিকেল সাড়ে পাঁচটায় আসছে । কথা শুনেই বুঝতে পারলাম ভদ্রলোক খুবই উত্তেজিত ।’

আমরা ফোন করে লালমোহনবাবুকে ডাকিয়ে নিলাম । কোনও মামলার কোনও জরুরি অংশ থেকে বাদ পড়লে উনি বিশেষ ক্ষুঁষ হন । বলেন, ‘কী ঘটছে কিছুই বুঝতে পারি না । ফলে চিন্তা করে যে আপনাকে হেল্প করব তারও উপায় থাকে না ।’

ভদ্রলোক ঠিক পাঁচটায় এসে পড়লেন, আর তার আধঘণ্টা পরে, শ্রীনাথ চা দেবার সঙ্গে সঙ্গে, এসে পড়লেন জয়চাঁদ বড়ল ।

এ চেহারাই আলাদা । এই তিন দিনে ভদ্রলোকের উপর দিয়ে যে বেশ ধক্কল গেছে সেটা বোঝাই যায় । ইতিমধ্যে দুটো ইংরিজি কাগজেও পিংক পার্লের খবরটা বেরিয়ে আমাদের উৎকর্ষ আরও বাড়িয়ে দিয়েছে ।

জয়চাঁদবাবু এক গেলাস জল খেয়ে আক্ষেপের ভঙ্গিতে মাথাটা নাড়িয়ে বললেন, ‘একটা খবরের কাগজের খবর থেকে যে এত কিছু ঘটতে পারে এ আমার ধারণা ছিল না । তিনটে ঘটনা আপনাকে বলার আছে । এক হচ্ছে আমার এক খৃত্যতুতো ভাই—নাম হচ্ছে মতিলাল বড়ল—তার একটা চিঠি । সে বহুকাল থেকে বেনারসে আছে । একটা সিনেমা হাউস চালায় । সে লিখেছে যে যদি আমি মুক্তোটা বিক্রি করি তা হলে যা পাব তার একটা অংশ তাকে দিতে হবে । মুক্তোটা পরিবারের সম্পত্তি, শুধু আমার একার নয় । চিঠিতে স্পষ্ট ইঙ্গিত আছে যে মুক্তোর ব্যাপারটা আমি তার কাছ থেকে গোপন করে গেছি ।’

‘আর দুই নম্বর ?’

‘সেটাও একটা চিঠি, এসেছে ধরমপুর বলে উত্তরপ্রদেশের একটা শহর থেকে । আমি ইস্কুলের লাইব্রেরির বই যেঁটে জেনেছি যে ধরমপুর একটা করদ রাজ্য ছিল । যিনি চিঠিটা লিখেছেন তিনিই যে ধরমপুরের সর্বেসর্ব তাতে কোনও সন্দেহ নেই, কারণ ঠিকানা হচ্ছে ধরমপুর প্যালেস । লেখকের নাম সূরয় সিং । এর নাকি মুক্তোর বিয়ট কালেকশন আছে, কিন্তু গোলাপী মুক্তো নেই ! মুক্তোটা উনি কিনতে চান । আমি কত দাম চাই সেটা অবিলম্বে তাঁকে জানাতে হবে ।’

‘আর তিন নম্বর ?’

‘সেটাই সবচেয়ে মারাত্মক । এক ভদ্রলোক—পশ্চিমা কিংবা মাড়োয়ারি হবে—পরশু আমার বাড়িতে গিয়ে হাজির । তিনি অনেক কিছু কালেষ্ট করেন । কথায় বুরুলাম সে সব জিনিস তিনি ভাল দামে বিদেশে পাচার করেন । জামাকাপড়, হাতের আংটি, কানের হিঁরে ইত্যাদি দেখে মনে হল খুব মালদার লোক ।’

‘এঁরও কি মুক্তেটা চাই ?’

‘হ্যাঁ । তার জন্য তিনি চল্লিশ হাজার টাকা দিতে রাজি আছেন । আমি অবিশ্য হ্যাঁ না কিছুই বলিনি । তিনি দিন সময় চেয়েছি । ভদ্রলোক এখন কলকাতায় । তাঁর চিত্তরঞ্জন অ্যাভিনিউ-এর বাড়ির ঠিকানা দিয়ে দিয়েছেন । আমাকে কাল সকাল দশটায় তাঁর কাছে গিয়ে একটা কিছু বলতে হবে । মনে হল ভদ্রলোক মুক্তেটা পেতে বন্ধপরিকর । হয়তো দাম একটু বাঢ়তে পারেন, কিন্তু মুক্তেটা ওঁর চাই ।’

‘এঁর নাম জানেন নিশ্চয়ই ।’

‘জানি ।’

‘কী ?’

‘মগনলাল ! মগনলাল মেঘরাজ ।’

আমরা তিনজনেই কয়েক মুহূর্তের জন্য থ মেরে গেলাম । আর কতবার এই লোকটার সঙ্গে মোকাবিলা করতে হবে ? প্রতিপক্ষ হিসেবে এর চেয়ে সাংঘাতিক আর কাউকে কল্পনা করা যায় না । আর ইনিই গিয়ে হাজির হয়েছেন বড়ালমশাইয়ের কাছে ? এঁরও দরকার হয়ে পড়েছে গোলাপী মুক্তো ?

মুখে ফেলুদা বলল, ‘আপনি সোজা না করে দেবেন । ওই মুক্তের দাম ওর চেয়ে পাঁচগুণ বেশি । ভদ্রলোক এই পাথর মোটা দামে বিদেশে পাচার করবেন । দালালি করাই হচ্ছে ওঁর ব্যবসা । ওঁকে আমরা পাঁচ বছর ধরে চিনি ।’

‘কিন্তু উনি যদি আমার কথা না শোনেন ?’

ফেলুদা একটু ভেবে প্রশ্ন করল, ‘বেশ কড়া মেজাজে কথা বলছিলেন কি ভদ্রলোক ?’

‘তা বলছিলেন বটে,’ বললেন জয়চাঁদবাবু ‘এমনকী এ-ও বলেছিলেন যে ওঁর মুক্তেটা পাবার রাস্তা কেউ বন্ধ করতে পারবে না ।’

‘আপনি একটা কাজ করুন—মুক্তেটা আমাকে দিয়ে যান । আপনি সঙ্গে নিয়ে গেলে ওটা ও আদায় করে ছাড়বে । তার জন্য যদি খুনও করতে হয় তাতেও পেছপা হবে না । লোকটা সাংঘাতিক ।’

‘কিন্তু ওকে আমি কী বলব ?’

‘বলবেন আপনি মুক্তেটা বেচবেন না । তাই ওটা আর সঙ্গে করে আনেননি । ওরকম একটা প্রেশাস জিনিস তো কলকাতায় পকেটে নিয়ে ঘুরে বেড়ানো যায় না ।’

‘বেশ, তা হলে আপনিই রাখুন !’

ভদ্রলোক আবার ঝুমালের গেরো খুলে বাঞ্চ থেকে মুক্তেটা বার করে ফেলুদাকে দিলেন । ফেলুদা তৎক্ষণাৎ মুক্তেটা নিজের ঘরের গোদরেজের আলমারিতে রেখে দিল । তারপর ফিরে এসে সোফায় বসে বলল, ‘আর সেই সূর্য সিংকে কী বলবেন ? তিনিও বেশ নাছোড়বান্দা বলে মনে হচ্ছে ।’

‘তাঁকেও না করে দেওয়া ছাড়া উপায় নেই । দেড়শো বছরের ওপর জিনিসটা আমাদের কাছে রয়েছে, আর এখন হাতছাড়া হয়ে যাবে ? আমার তো টাকার অভাব নেই, টাকার লোভও নেই । আমার তো চাকরি আছেই, তা ছাড়া বাড়ি আছে । ধান জমি আছে, চাষ

করে মোটামুটি ভালই আয় হয়। তিনটি প্রাণী তো সংসারে—আমার দিব্যি চলে যায়।’

‘দেখুন কাল সকালে কী হয়। যাই হোক না কেন, আমাকে জানিয়ে যাবেন। আমাকে জানিয়ে আসারও কোনও দরকার নেই।’

তদ্বলোক চা খেয়ে উঠে পড়লেন। উনি বেরিয়ে যাবার পর লালমোহনবাবু বললেন, ‘এই রাহ থেকে আমাদের মুক্তি নেই। এবারে আর কী খেল দেখাবে কে জানে! ’

ফেলুদা বলল, ‘তবে এটা স্বীকার করতেই হবে যে প্রতিবারই আমরা ওকে জব্দ করেছি।’

‘সেটি ঠিক। ভাল কথা, আমার এক পড়শী আছে জহুরি, নাম রামময় মল্লিক। বৌবাজারে দোকান আছে—মল্লিক ব্রাদার্স। ওঁকে গিয়ে পিংক পার্লের কথাটা বলতে ভদ্রলোকের চোখ কপালে উঠে গেল। উনিও কনফার্ম করলেন যে এত ভ্যালুয়েব্ল মুক্তো আর হয় না।’

ফেলুদা বলল, ‘কাল সকালে কী হয় তার উপর সব নির্ভর করছে। মগনলাল যদি জেনে ফেলে জয়চাঁদবাবু আমার এখানে এসেছিলেন, তা হলেই মুশকিল।’

‘আপনি মুক্তো নিজের কাছে রেখে একটা বড় রিশ্ব নিয়েছেন।’

‘ও ছাড়া কোনও রাস্তা ছিল না। ওটা না করলে মুক্তো কাল মগনলালের হাতে চলে যেত।’

জয়চাঁদ বড়ালের কথা

চিত্তরঞ্জন অ্যাভিনিউতে মগনলালের বাড়ি বার করতে বেশি সময় লাগল না। বাড়ির বাইরেটা দেখে ভিতরে চুক্তেই ইচ্ছা করে না, কিন্তু একবার চুক্তে পড়লে দেখা যায় বেশ তক্তকে পরিষ্কৰ।

একজন চাকর এসে জয়চাঁদবাবুকে তিন তলায় নিয়ে গেল। তারপর একটা বারান্দা দিয়ে এগিয়ে গিয়ে একটা ঘরের দরজার সামনে পৌঁছে ঘোষণা করল যে বড়ালবাবু এসেছেন।

‘ভিতরে আসুন,’ মগনলালের গন্তব্য গলায় শোনা গেল।

জয়চাঁদ বড়াল ভিতরে গিয়ে চুকলেন।

মগনলাল এক পাশে গদিতে বসে আছে। অন্য পাশে সোফা রয়েছে, তারই একটাতে বড়াল বসলেন।

‘কী ডিসাইড করলেন?’ মগনলাল প্রশ্ন করল।

‘ওটা বেচব না।’

মগনলাল কিছুক্ষণের জন্য চুপ। তারপর বলল, ‘আপনি ভুল করছেন, জয়চাঁদবাবু। আমাকে রিফিউজ করে কোনও লোক রেহাই পায়নি। আপনি কি দাম বাড়াতে চাচ্ছেন?’

‘না। আমি ওটা ফ্যামিলিতেই রাখতে চাই। চার পুরুষ ধরে রয়েছে, এখনও থাকুক।’

‘আপনার বাড়ি যা দেখলাম সোনাহাটিতে, তাতে আপনার মান্থলি ইনকাম দেড়-দু হাজারের বেশি বলে মনে হয় না। আর এতে আপনি একসঙ্গে ক্যাশ অনেক টাকা পেয়ে যাবেন। হোয়াই আর ইউ বিহং সো ফুলিশ?’

‘এটা বৎসর্যাদির ব্যাপার। এটা আমি আপনাকে বোঝাতে পারব না।’

‘ওই মোতি কোথায় আছে?’

‘আমার কাছে নেই।’

‘ওটা আপনি আনেননি ?’

‘বেচবই না যখন ঠিক করলাম তখন আর আনব কেন ?’

মগনলাল তার সামনেই রাখা একটা ঘণ্টার উপর চাপড় মারল। টুং শব্দের প্রায় সঙ্গে সঙ্গে একটা চাকর এসে ঘরে দাঁড়াল।

‘গঙ্গা—এই বাবুকে সার্চ করো।’

গঙ্গা বেশ ষণ্ঠি লোক; সে একটানে জয়চাঁদবাবুকে বসা অবস্থা থেকে দাঁড় করাল। তারপর সর্বাঙ্গ সার্চ করে একটা মানিব্যাগ, একটা রুমাল আর একটা মশলার কৌটো বার করে মগনলালের সামনে রাখল।

‘ঠিক হ্যায়,’ বলল মগনলাল। ‘ওয়াপিস দে দেনা।’

চাকর জয়চাঁদবাবুকে তার জিনিসগুলো ফেরত দিয়ে দিল।

‘বসুন আপনি।’

জয়চাঁদবাবু আবার সোফায় বসলেন। মগনলাল বলল, ‘সোনাহাটিতে জানলাম কি আপনাদের ক্লাব প্রদোষ মিটারকে রিসেপশন দিয়েছে।’

‘ঠিকই শুনেছেন।’

‘তার সঙ্গে আপনার দেখা হয়েছিল ?’

‘আপনার সব কথার জবাব দিতে তো আমি বাধ্য নই।’

‘আপনার জবাবের দরকার নেই, বিকজ আই অলরেডি নো। আপনি যখন হাওড়াতে ট্রেন থেকে নামলেন, তখন থেকে আমার লোক আপনাকে নজরে রেখেছে। আপনি শিয়ালদায় যোগমায়া হোটেলে উঠেছেন—রাইট ?’

‘ঠিক।’

‘বিকেল পাঁচটার সময় হোটেল থেকে বেরিয়ে আপনি ট্যাক্সি করে সাউথে যান। আপনার ডেস্টিনেশন ছিল ফেলু মিটারের বাড়ি—রাইট ?’

‘আপনি তো সবই জানেন।’

‘আপনার মোতি এখন ফেলু মিটারের জিম্মায় আছে।’

জয়চাঁদবাবু চূপ করে রাইলেন। মগনলাল বলল, ইউ হ্যাভ ডান সামথিং ভেরি স্টুপিড, মিস্টার বড়াল। আপনি পাল্টা আমাকে দিলে চালিস হাজার টাকা পেতেন। এখন আমি সে পাল্ট আদায় করে নেব, আর আপনি আমার কাছ থেকে একটা পইসাও পাবেন না।’

জয়চাঁদবাবু উঠে পড়লেন।

‘আমি তা হলে এখন আসতে পারি ?’

‘পারেন। আমাদের বিজনেস খতম। তবে আপনার জন্য আমার আপশোস হচ্ছে।’

৫

ফোন না করে দুপুর বারোটা নাগাত জয়চাঁদবাবু নিজেই এসে হাজির। মগনলালের সঙ্গে তাঁর কী ঘটল না ঘটল বর্ণনা দিয়ে ভদ্রলোক বললেন, ‘আপনি মুক্তের ব্যাপারটা কী করবেন ?’

ফেলুদা বলল, ‘যদ্দুর বুঝতে পারছি, মগনলাল আন্দাজ করছে যে মুক্তেটা আমার কাছে রয়েছে। লোকটা অত্যন্ত ত্রুটোড়। সোজাসুজি যদি আমার কাছে এসে পড়ে তা হলেও আশ্র্য হব না। যে জিনিসটা এতকাল আপনাদের ফ্যামিলিতে ছিল, সেটা এখন হাতছাড়া হয়ে যাওয়াতে আপনার মন খারাপ লাগবে সেটাও আমি বুঝি। কিন্তু তাও আমি বলব যে



মুক্তেটা আমার কাছেই থাক। আপনার কাছে থাকলে ও যেন-তেন-প্রকারেণ ওটা আদায় করে নেবে। সেটা ভাল হবে না।'

জয়চাঁদ রাজি হয়ে গেলেন। বললেন, 'আমি বিক্রি না করলে তো ও মুক্তেটা এমনিতেই পাবে না। আপদ বিদেয় হোক, তারপর ওটা আমার কাছে ফিরে যেতে পাবে।'

'ঠিক কথা,' বলল ফেলুন। 'আপনি আজই ফিরছেন ?'

'আজ্জে হাঁ। সক্ষের গাড়িতে।'

'কোনও খবর থাকলে জানাতে ভুলবেন না।'

পরদিন সকালে সাড়ে সাতটার সময় ফোন এল। সোনাহাটি থেকে। সোমেশ্বর সাহা।

ফেলুদা কথা বলা শেষ করে ফোনটা রেখে গভীর মুখ করে বলল, ‘কাল রাত্তিরে ট্রেনে জয়চাঁদ বড়লের মাথায় বাড়ি মেরে অঙ্গান করে কে বা কারা যেন তার বাক্স সার্চ করে। জিনিসপত্র সব ছত্রাকার হয়ে পড়ে ছিল। অবিশ্য সোনাহাটি আসবার আগেই ভদ্রলোক জ্ঞান ফিরে পান।’

আমি বললাম, ‘এ-ও তো মগনলালেরই ব্যাপার।’

‘নিশ্চয়ই’ বলল ফেলুদা। ‘লোকটা কোনওরকম সুযোগ ছাড়ে না। ভাগ্যস মুক্তেটা আমার কাছে রেখে দিয়েছিলাম।’

একটা ন্তুন কেসের গহ্ন পেলে জটায় মাঝে মাঝে বিকেলেও এসে হাজির হন। আজও তাই হল। বললেন, ‘মন্টা পড়ে রয়েছে এখানে তাই বাড়িতে বসে থাকতে ভাল লাগছিল না।’

ফেলুদা লেটেস্ট খবরগুলো লালমোহনবাবুকে দিয়ে দিল।

‘তা হলে তো মনে হচ্ছে ওঁর পায়ের ধূলো এবার এখানে পড়বে। ও তো নির্ঘাত বুঝে গেছে যে মুক্তেটা আপনার কাছে রয়েছে।’

লালমোহনবাবু কথাটা বলার পাঁচ মিনিটের মধ্যে বাইরে একটা গাড়ি এসে যাবার শব্দ পেলাম। তারপর দরজার বেল বেজে উঠল। খুলে দেখি আসল লোক এসে হাজির।

‘মে আই কাম ইন, মিস্টার মিটার?’ বললেন মগনলাল।

‘নিশ্চয়ই, নিশ্চয়ই।’

ভদ্রলোক চুকে এলেন। সেই কালো শেরওয়ানি আর ধূতি, পায়ে মোজা আর পাম্প শু।

‘অনেক দিনের ইচ্ছা ছিল কি আপনার বাড়িতে একবার আসি। আমাদের এতদিনের দোষ্টি—হে হে হে ! আক্ষল কেমন আছেন ?’

লালমোহনবাবুকে মগনলাল যা নাস্ত্রাবুদ করেছে, ভদ্রলোক আর কোনওদিন মগনলালের সামনে স্বাভাবিক হতে পারবেন বলে মনে হয় না। শুকনো গলায় জটায় উত্তর দিলেন, ‘ভাল আছি।’

‘চা খাবেন ?’ ফেলুদা জিজ্ঞেস করল।

‘না স্যার। নো টি। আমি আপনার বেশি সময় নেব না। আমি কেন এসেছি তা বোধহ্য আপনি বুঝতে পারছেন।’

‘তা বোধহ্য পারছি।’

‘তা হলে আর টাইম ওয়েইস্ট করার দরকার নেই। হোয়ার ইজ দ্যাট পার্ল ?’

‘মিস্টার বড়লের কাছে যে নেই তা তো আপনি জানেন। আপনার লোক তো ট্রেনে তাঁকে ঘায়েল করে তাঁর বাক্স সার্চ করে মোতি খুঁজে পায়নি।’

‘আমার লোক ?’

‘তা ছাড়া আর কার লোক হবে বলুন।’

‘আপনি এভাবে বলবেন না, মিস্টার মিটার। আপনার কোনও প্রমাণ নেই যে আমার লোক কাজটা করেছে।’


‘আপনার ক্ষেত্রে প্রমাণের দরকার হয় না, মগনলালজী। আপনার কাজ মার্কার্মারা কাজ। সে কাজ আমি দেখলেই বুঝতে পারি।’

‘আমি আবার জিজ্ঞাসা করছি—সে পার্ল কোথায় আছে ?’

‘আমার কাছে।’

‘ওটা আমার দরকার।’

‘যা দরকার তা কি সব সময়ে পাওয়া যায় ?’



‘মগনলাল মেঘরাজ ক্যান অলওয়েজ গেট ইট । কথা বলে সময় নষ্ট করে লাভ নেই, মিস্টার মিটার । আমার ওই পিংক পার্ল চাই । না হলে, আপনি তো জানেন, আমি যেমন করে হোক ওটা আদায় করে নেব ।’

‘তা হলে সেটাই করুন, কারণ মুক্তো আমি আপনাকে দিচ্ছি না ।’

‘দেবেন না ?’

‘ভদ্রলোকের এক কথা ।’

‘তা হলে আমি আসি ।’ মগনলাল উঠে পড়লেন । ‘গুড বাই, আক্ষল ।’

‘গুড বাই’ ক্ষীণস্থরে বললেন জটায়ু ।

দরজার কাছে গিয়ে মগনলাল নেমে ফেলুদার দিকে ঘুরলেন । তারপর বললেন, ‘আমি তিন দিন সময় দিচ্ছি আপনাকে । আজ সোমবার । সোম, মঙ্গল, বুধ । বুবেছেন ?’

‘বুবেছি ।’

মগনলাল বেরিয়ে গেলেন ।

লালমোহনবাবু মাথা নেড়ে বললেন, ‘ব্যাপারটা আমার ভাল লাগছে না মোটেই । দিয়ে দিন মশাই, দিয়ে দিন । আর আপনি কাছেই বা আর কত দিন রাখতে পারবেন । বড়ালকে তো তাঁর জিনিস ফেরত দিতে হবে—তাঁর উত্তরাধিকার সূত্রে পাওয়া এত সাধের জিনিস ।’

‘যদিন মুক্তো বেহাত হবার আশঙ্কা আছে ততদিন এটা বড়ালকে ফেরত দেওয়া যাবে না । সব সংশয় কাটিয়ে উঠলে পর যেখানের মুক্তো সেখানে যাবে ।’

‘কিন্তু বড়াল যে এক মহারাজার কথা বলছিল তার সম্বন্ধেও তো একটু খোঁজ নেওয়া দরকার ।’

‘সে খোঁজ দিতে পারেন সিধু জ্যাঠা । বছদিন জ্যাঠার সঙ্গে দেখা হয়নি । চলুন একবার



ঘুরে আসি ।'

'জায়গার নামটা মনে আছে ?'

'ধরমপুর ।'

'আমর মহারাজার নাম ?'

'সূর্য সিং ।'

আমরা লালমোহনবাবুর গাড়িতে পাঁচ মিনিটের মধ্যে সিধু জ্যাঠার বাড়িতে পৌঁছে গেলাম । জ্যাঠা ম্যাগনিফিইং প্লাস দিয়ে একটা পুরনো পুরুষ পরীক্ষা করছিলেন, আমাদের দেখে গভীর হয়ে গেলেন ।

'তোমরা কে ? তোমাদের তো আমি চিনি না ।'

ফেলুদা হেসে বলল, 'অপরাধ নেবেন না জ্যাঠা । পসারটা একটু বেড়েছে বলে আর লোকজনের বাড়িতে বিশেষ যাওয়া হয় না । আমি যে কাজে উন্নতি করছি তাতে আপনি নিশ্চয়ই খুশি ।'

এবার সিধু জ্যাঠার মুখে হাসি ফুটল ।

'ফেলু মিত্রি—তোমাকে কি আমি আজ থেকে চিনি ? আট বছর বয়সে এয়ার গান দিয়ে শালিক মেরে এনে আমায় দেখিয়েছিলে । আমি বলেছিলাম নিরীহ জীবকে আর কক্ষনও মারবে না—কথা দাও । তুমি সেদিন থেকে পাখি মারা বন্ধ করেছিলে । গোয়েন্দাগিরিতে পসার হচ্ছে বলে আমার কাছে বড়াই কোরো না । গোয়েন্দা আমিও হতে পারতাম । তার সব গুণই আমার ছিল । এখনও আছে । তবে কোনওরকম কাজে বাঁধা পড়া আমার ধাতে সয় না । আমার সময় যদি আমি নিজে ইচ্ছামতো ব্যয় না করতে পারি তা হলে লাভটা কী ? শার্লক হোম্সের এক দাদা ছিল জানতে ? মাইক্রফট হোম্স । জাত কুঁড়ে, কিন্তু বুদ্ধিতে সত্যিই শার্লকের দাদা । সেই দাদার কাছে শার্লক মাঝে মাঝে যেত পরামর্শ নিতে । আমি হচ্ছি সেই মাইক্রফট । যাক গে, এখন বলো কী জন্যে আগমন ?'

‘একজন লোক সম্বন্ধে আপনার কাছে কোনও ইনফরমেশন আছে কি না জানতে এসেছিলাম।’

‘কে সেই ব্যক্তি?’

‘আপনি ধরমপুরের নাম শুনেছেন?’

‘শুনব না কেন? উত্তরপ্রদেশের একটা করদ রাজ্য ছিল। আলিগড় থেকে সাতাত্ত্বর মাইল দক্ষিণে। ট্রেন নেই, গাড়িতে যেতে হয়।’

‘তা হলে সূরয় সিৎ-এর সম্বন্ধেও নিশ্চয়ই জানেন?’

‘ওরে বাবা!—সে কি এখনও বেঁচে আছে?’

‘হ্যাঁ।’

‘সে যে একটি আস্ত বাঘ। মালটি মিলিওনেয়ার। হোটেলের ব্যবসার টাকা। হিরে জহরতের অত ভাল কালেকশন ভারতবর্ষে আর কারুর নেই।’

‘লোক কেমন জানেন?’

‘তা কী করে জানব? সে কি আমার এই কুটিরে পদার্পণ করেছে, না আমি তার ব্যুঢ়ি গেছি? এ সব লোককে ভাল-খারাপ বলে বর্ণনা করা যায় না। তুমি হয়তো গিয়ে দেখলে তার মতো অতিথিবৎসল লোক আর হয় না—তোমাকে রাজার হালে রেখে দিল। আবার পরদিন হয়তো সেই লোকই তার কালেকশনের জন্য পাথর আদায় করতে একজনকে খুনই করে ফেলল। অবশ্য নিজে হাতে নয়; এরা সব সময় আইন বাঁচিয়ে চলে, যদিও তার জন্য ট্যাঁক খরচা হয় অনেক।’

এই খবরই যথেষ্ট বলে আমরা সিধু জ্যাঠাকে আর বিরক্ত করলাম না, যদিও সূরয় সিৎ-এর সঙ্গে আমাদের কারবার হচ্ছে কীভাবে সেটা এখনও বুঝতে পারলাম না। ফেলুদাকে বলতে ও বলল, ‘তাও এ খবরগুলো জেনে রাখা ভাল। সে লোক যখন বড়ালকে চিঠি লিখেছে তখনই বোঝা যাচ্ছে তার মুক্তেটার বিশেষ দরকার। সেটা পাবার জন্য সে কতদূর যেতে পারে সেইটে দেখার প্রবল ইচ্ছা হচ্ছে।’

৬

মগনলাল বিষ্ণুদ্বার পর্যন্ত টাইম দিয়েছিল ফেলুদা তার মধ্যে ওর সঙ্গে কোনওরকম যোগাযোগ করল না। আর বিস্ফোরণটা হল শুক্রবার সকালে।

আমিও ফেলুদার দেখাদেখি রোজ সকালে যোগব্যায়াম করি। সাড়ে ছাঁচায় সে ব্যাপার শেষ হয়েছে। ফেলুদার কোনও সাড়াশব্দ পাচ্ছি না দেখে আমি তার ঘরের দিকে গেলাম। দরজাটা ভেজানো ছিল। ঠেলে খুলতেই একটা দৃশ্য দেখে থ মেরে গেলাম।

ফেলুদা এখনও ঘুমোচ্ছে। এ যে অভাবনীয় ব্যাপার! এই সময়ের মধ্যে ফেলুদার স্নান ব্যায়াম দাঢ়ি কামানো সব শেষ হয়ে যায়। সে বসবার ঘরে খবরের কাগজ পড়ে। আজ কী হল?

আমি ফেলুদার দিকে এগিয়ে গেলাম। বার দু-এক ঠেলা দিয়ে আর নাম ধরে ডেকে বুঝতে পারলাম ওর হুঁশ নেই।

আমার দৃষ্টি গোদরেজের আলমারির দিকে চলে গেল। দরজা হাট হয়ে আছে। সামনে মেঝেতে জিনিসপত্র ছড়ানো।

ফেলুদার পাল্স দেখলাম। দিব্যি চলছে। দৌড়ে বসবার ঘরে গিয়ে আমাদের ডাঙ্গার ভৌমিককে টেলিফোন করে ব্যাপারটা বললাম। ভদ্রলোক দশ মিনিটের মধ্যে চলে এলেন।



ফেলুদাকে যখন পরীক্ষা করছেন তখনই ও নড়াচড়া আরম্ভ করেছে। ভৌমিক বললেন, ‘ক্লারোফর্ম জাতীয় কিছু ব্যবহার করা হয়েছে অঙ্গান করার জন্য। কিন্তু লোক ঘরে চুকল কী করে ?’

সেটা আমি দু মিনিটের মধ্যে বার করে দিলাম। বাথরুমের উত্তর দিকে জমাদার ঢোকার দরজাটা খোলা।

মিনিট পনেরোর মধ্যেই ফেলুদার জ্বান হল। ডাক্তার ভৌমিক ভরসা দিয়ে বললেন, ‘কোনও চিকিৎসা নেই। কিছুক্ষণের মধ্যেই স্বাভাবিক অবস্থায় ফিরে আসবেন। তবে এরা কী ক্ষতি করেছে সেটা একবার দেখে নিন। আলমারি তো দেখছি খোলা।’

‘তেপ্সে দেরাজটা একবার খুলে দেখ তো।’

দেখলাম, কিন্তু সেই লাল ভেলভেটের কোটো কোথাও পেলাম না। অর্থাৎ পিংক পার্ল উধাও।

ফেলুদা মাথা নেড়ে আক্ষেপের সুরে বলল, ‘বাথরুমের দরজা বন্ধ করতে আমার কোনওদিন ভুল হয় না। কালও হয়নি। আসলে ছিটকিনিটা ভাল কাজ করছিল না। কেন যে সারিয়ে নিইনি—কেন যে সারিয়ে নিইনি !’

ডাক্তার ভৌমিক চলে গেলেন।

আমি ফেলুদার অবস্থা দেখেই লালমোহনবাবুকে ফোন করে দিয়েছিলাম। উনি এবার এসে পড়লেন।

‘পিংক পার্ল নেই?’ প্রথম প্রশ্ন করলেন ভদ্রলোক। আমি বললাম, ‘না।’ ভদ্রলোক ফেলুদাকে উদ্দেশ করে বললেন, ‘আমাকে হেলাফেলা করার রেজাণ্টটা দেখলেন তো ? আমি প্রথমেই বলেছিলাম—কাজটা ভাল হচ্ছে না। আপনার যে এই দশা করতে পারে সে

লোক কী সাংঘাতিক ভেবে দেখুন। এখন কী করা ?'

ফেলুদা উঠে বসে চা খাচ্ছিল। বলল সে এখন হান্ডেড পার্সেন্ট ফিট। 'বড়লকে দুঃসংবাদটা এখনও দেব না। আগে দেখি মুক্তেটা উদ্ধার করতে পারি কি না।'

টেলিফোনটা বেজে উঠল। আমি তুলে কথা বলে স্টো ফেলুদার হাতে চালান করে দিলাম। 'তোমার ফোন।'

ফেলুদা মিনিট তিনেক কথা বলে ফোনটা রেখে বলল, 'সোনাহাটি থেকে সোমেশ্বর। বড়লের খবর আছে। সূরয় সিং আবার চিঠি লিখেছে। মুক্তো তার চাই। সে সাত দিনের জন্য দিল্লি যাচ্ছে, সেখান থেকে ফিরে সোনাহাটি গিয়ে বড়লের সঙ্গে দেখা করবে। সে এক লাখ টাকা অফার করছে। এত টাকা পাবে বড়ল ভাবেনি। সে এখন মুক্তেটা বেচে দেবার কথা ভাবছে। ব্যাপারটা জানাজানি হয়ে যাওয়াতে মুক্তেটা এখন ওর একটা অশাস্ত্রি কারণ হয়ে দাঁড়িয়েছে। তাই বলছে আপদ বিদেয় করাই ভাল। আমি আর বললাম না যে মুক্তেটা মগনলালের হাতে চলে গেছে।'

'কিন্তু স্টো তো উদ্ধার করতে হবে,' বললেন লালমোহনবাবু।

'তা তো হবেই। স্টোই এখন আমাদের কাজ। তোপ্সে টেলিফোন ডিবেষ্টেরি থেকে মগনলালের ঠিকানাটা বার কর তো।'

'সাতবাটি নম্বর চিন্তুরঞ্জন অ্যাভিনিউ,' বই খুলে নম্বর দেখে বললাম।

'চা খেয়েই বেরিয়ে পড়ব,' বলল ফেলুদা।

'এখন সম্পূর্ণ স্বাভাবিক বোধ করছেন তো ?' জিজ্ঞেস করলেন জটায়ু।

'ইয়েস স্যার।'

'পুলিশে খবর দেবেন না ?'

'কী লাভ ? তারা তো অনুসন্ধান করে নতুন কিছু বলতে পারবে না। সবই তো আমার জানা।'

চিন্তুরঞ্জন অ্যাভিনিউতে মগনলালের বাড়ি যখন পৌঁছলাম, তখন বেজেছে ন'টা দশ। আমরা ভিতরে চুক্তি আর লালমোহনবাবু বিড়বিড় করছেন—'আজ আবার কী খেল দেখাবে কে জানে !'

কিন্তু তিনতলায় মগনলালের গদিতে পৌঁছে তাকে পাওয়া গেল না। তারই একজন কর্মচারী বলল, মগনলাল সকালে দিল্লি চলে গেছেন।

'পেনে গেছেন ?' ফেলুদা জিজ্ঞেস করল।

'না, ট্রেন।'

আমরা আবার নীচে নেমে এলাম। লালমোহনবাবু বললেন, 'আশ্চর্য ব্যাপার ইনিও দিল্লি গেছেন আর ওদিকে সূরয় সিংও দিল্লি গেছেন।'

'ব্যাপারটা ভেরিফাই করতে হবে,' বলল ফেলুদা।

চতুর্দিকে ফেলুদার চেনা—রেলওয়ে আপিসেও বাদ নেই। অপরেশবাবু বলে বুকিং-এর এক ভদ্রলোকের কাছে গিয়ে ফেলুদা জিজ্ঞেস করল, 'আজ সকালে দিল্লির কী কী ট্রেন আছে ?'

'সোয়া ন'টায় আছে—এইটি ওয়ান। পরদিন সকালে দশটা চালিশে দিল্লি পৌঁছায়।'

'এ ছাড়া আর কিছু নেই ?'

'না।'

'এবার রিজার্ভেশন চার্টেটা দেখে বলুন তো মিস্টার মেঝেরাজ বলে এক ভদ্রলোক এই ট্রেনে দিল্লি গেছেন কি না।'

ভদ্রলোক চার্টের নামের উপর চোখ বুলিয়ে এক জায়গায় থেমে বললেন, ‘মিস্টার এম. মেয়রাজ। ফার্স্ট ক্লাস এ. সি.। কিন্তু ইনি তো দিল্লি যাননি।’

‘তা হলে?’

‘বেনারস। বেনারস গেছেন। আজ রাত সাড়ে দশটায় পৌঁছবেন।’

‘বেনারস?’

কথাটা শুনে আমারও আশচর্য লাগছিল, তবে এটা তো জানি যে মগনলালের বেনারসেও একটা বাড়ি রয়েছে। সেখানেই তো আমাদের সঙ্গে প্রথম আলাপ।

‘কাল সকালের দিকে বেনারস পৌঁছায় এমন কী কী ট্রেন আছে?’ ফেলুদা জিজ্ঞেস করল।

‘আপনি দুটো সুবিধের ট্রেন পাবেন একটা অমৃতসর মেল, আর একটা ডুন এক্সপ্রেস। প্রথমটা ছাড়ে সন্ধ্যা সাতটা কুড়ি আর বেনারস পৌঁছায় পরদিন সকাল দশটা পাঁচ, আর অন্যটা ছাড়ে রাত আটটা পাঁচ আর পৌঁছায় সকাল এগারোটা পনেরো।’

ফেলুদা না হলে অবিশ্যি আমাদের রিজার্ভেশন পাবার কোনও সত্ত্বাবনাই ছিল না। সঙ্গে টাকা ছিল না। তাই বাড়ি ফিরতে হল। আবার রেল আপিসে ফিরে গিয়ে বারোটার মধ্যে রিজার্ভেশন হয়ে গেল। লালমোহনবাবু চলে গেলেন তাঁর বাড়িতে বাস্তু শুছাতে। ফেলুদা বলে দিল, ‘ক’দিনের জন্য যাচ্ছি কিছু ঠিক নেই মশাই। আপনি এক হপ্তার মতো জামাকাপড় নিয়ে নিন। ওদিকে কিন্তু খুব ঠাণ্ডা—সেটা ভুলবেন না।’

ট্রেনে বলবার মতো একটা ঘটনাই হল। পরদিন সকালে সাড়ে সাতটায় বক্সারে খবরের কাগজ কিনে তাতে একটা জরুরি খবর পড়লাম। আমেরিকা থেকে একটা ব্যবসায়ীদের দল এসেছে, তারা যে সব ভারতীয়দের সঙ্গে আলাপ আলোচনা করছে তার মধ্যে সূর্য সিং একজন। ভদ্রলোকের দিল্লি যাবার কারণটা বোঝা গেল।

মিনিট পনেরো লেট করে আমাদের ট্রেন বেনারস পৌঁছে গেল।

৭

বেনারসে দ্বিতীয়বার এসেও সেই প্রথমবারের মতোই চমক লাগল। এবারও দশাখন্ডে রোডে ক্যালকাটা লজেই উঠলাম। ম্যানেজারও একই রয়েছেন—নিরঞ্জনবাবু। ঘর আছে কি না জিজ্ঞেস করতে বললেন, ‘আপনাদের জন্য ঘর সব সময়ই আছে। কদিন থাকবেন?’

‘সেটা আগে থেকে বলতে পারছি না,’ বলল ফেলুদা।

আমরা আগেরবারের মতোই একটা চার বেডের ঘর পেয়ে গেলাম।

ব্রেকফাস্ট বক্সারেই সারা হয়ে গিয়েছিল, তাই খাবার তাড়া নেই। ফেলুদা বলল, ‘আগে কর্তব্যটা সেরে নিই, তারপর খাবার কথা তাবা যাবে।’

‘আপনি কি একেবারে বাঘের খাঁচায় গিয়ে ঢোকার কথা ভাবছেন?’ লালমোহনবাবু চাপা গলায় জিজ্ঞেস করলেন।

‘আপনি যদি হোটেলে থাকতে চান তো থাকতে পারেন।’

‘না না, সে কি হয়? শ্রী মাস্কেটিয়ার্স—ভুলে গেলে চলবে কেন?’

মগনলালের বাড়ি বিশ্বনাথের গলির মধ্যে দিয়ে হেঁটে যেতে হবে। আমরা বারোটা নাগাত রওনা দিয়ে দিলাম। আবার সেই দৃশ্য, সেই শব্দ, সেই গন্ধ। মনে হল এই কবছরে একটুও বদল হয়নি, আর কোনওদিনও হবে না। কয়েকজন দোকানদারের মুখও যেন চিনতে পারলাম।

ক্রমে মন্দির ছাড়িয়ে আমরা গলির একটা মোটামুটি নিরিবিলি অংশে পৌঁছে গেলাম। সব মনে পড়ছে। এর পরে ডাইনে ঘূরতে হবে, তারপর বাঁয়ে মোড় নিয়েই আমরা পৌঁছে যাব মগনলালের বাড়ির রাস্তায়।

‘আপনি কী বলবেন সেটা ঠিক করে নিয়েছেন?’ লালমোহনবাবু প্রশ্ন করলেন।

ফেলুদা বলল, ‘আমি যে সব সময় আগে থেকে ভেবে কাজ করি তা নয়। একেকটা বিশেষ মুহূর্তে একেকটা বিশেষ আইডিয়া এসে যায়। তখন সেইটে প্রয়োগ করি।’

‘এর বেলাও তাই করবেন?’

‘সেই রকমই তো ইচ্ছে আছে।’

মগনলালের বাড়ির সদর দরজার দুপাশে এখনও তলোয়ারধারী দুই প্রহরীর ছবি, এই কবছরে রংটা একটু ফিকে হয়ে গেছে।

আমরা দরজা দিয়ে চুকে একতলার উঠোনে পৌঁছলাম। কেউ কোথাও নেই। দুবার ‘কোই হ্যায়’ বলেও ফেলুদা জবাব পেল না।

‘চলুন উপরে,’ বলল ফেলুদা। ‘লোকটার সঙ্গে যখন দেখা করতেই হচ্ছে, তখন নীচে দাঁড়িয়ে থেকে তো কোনও লাভ নেই।’

আবার সেই ছেলেশ ধাপ সিঁড়ি, আবার সেই তিন তলায়।

দরজা দিয়ে বারান্দায় চুকতে একজন লোক সামনে পড়ল। সে খৈনি ডলছিল, আমাদের দেখে একটু অবাক হয়ে ইন্দিতে প্রশ্ন করল, ‘আপনারা কাকে চাইছেন?’

‘মগনলালজী আছেন?’ ফেলুদা জিজেস করল।

‘আছেন, তবে উনি এখন থেতে বসেছেন। আপনারা ওঁর ঘরে অপেক্ষা করুন। চলুন আপনাদের নিয়ে যাচ্ছি।’

আমরা আবার অনেকদিন পরে মগনলালের ঘরে এসে চুকলাম। এই ঘরেই লালমোহনবাবুকে নাকাল করেছিলেন ভদ্রলোক। সে ঘটনা কোনওদিনও ভুলব না। লালমোহনবাবুকে নিয়ে রংগড় করার একটা বাতিক লোকটার মজজাগত।

কাঠমাণুতেও লালমোহনবাবুর চায়ে এল এস ডি মিশিয়ে দিয়েছিলেন। তাতে অবিশ্য লালমোহনবাবুর খুব ক্ষতি হয়নি, কিন্তু হ্বার সন্তানে ছিল পুরোমাত্রায়।

আমরা তিনজন সোফায় বসার পরেই জটায়ু চাপা স্বরে বললেন, ‘কী বলবেন ঠিক করে ফেলুন মশাই। এইবেলা ঠিক করে ফেলুন। আমার মাথায় তো কিছুই আসছে না।’

‘আপনার মাথা দিয়ে তো আর এ মামলা চালাচ্ছি না আমি। আপনি চুপচাপ দেখে যান।’

‘ইয়েটা সঙ্গে আছে?’

ইয়ে মানে ফেলুদার রিভলভার সেটা বুঝতে অসুবিধা হল না।

‘আছে। নার্ভটাকে ঠাণ্ডা করুন। এ সব সিচুয়েশনে সঙ্গে একজন নার্ভসি লোক থাকলে বড় অসুবিধা হয়।’

কোথেকে যেন একটা ঢোলকের শব্দ আসছে, ঘরের দেয়াল-ঘড়ি টিক টিক করছে, নাকে রান্নার গঞ্জ এসে চুকছে, আমরা চুপচাপ বসেই আছি তো বসেই আছি।

‘একটা লোকের থেতে এত সময় লাগে?’ বিড়বিড় করে বললেন লালমোহনবাবু।

কথাটা বলার মিনিট খানেকের মধ্যে একজন লোক এসে ঘরে চুকল। সে যে মুগুর ভাঁজা পালোয়ান তাতে কোনও সন্দেহ নেই। সে ফেলুদার সামনে গিয়ে বলল, ‘খাড়া হো জাইয়ে।’

‘কিউ?’ ফেলুদার প্রশ্ন।

‘সার্চ হোগা।’

‘কে হ্রদয়েছে তোমায়?’

‘মালিক।’

‘মগনলালজী?’

‘হাঁ।’

ফেলুদা তবু বসে আছে দেখে লোকটা তার দুহাত ধরে হাঁচকা টান দিয়ে অনায়াসে তাকে দাঁড় করল। ফেলুদা আর কোনও আপত্তি করল না, কারণ এ লোকটার সঙ্গে গায়ের জোরে পেরে ওঠা পাঁচটা ফেলুদারও সাধ্য নেই।

লোকটা চাপড় মেরে প্রথমেই ফেলুদার রিভলভারটা বার করল। তারপর মানি ব্যাগ আর কুমাল।

এবার ফেলুদাকে ছেড়ে লোকটা লালমোহনবাবুকে ধরল। লালমোহনবাবু অবিশ্য ফেলুদার সার্চ শেষ হবার সঙ্গে সঙ্গে নিজেই উঠে দাঁড়িয়েছেন হাত মাথার উপর তুলে।

আমাদের তিনজনের সার্চ শেষ হবার পর লোকটা রিভলভার ছাড়া আর সব কিছু ফেরত দিয়ে ঘর থেকে বেরিয়ে গেল। তারপরেই বাইরে থেকে একটা গলা খাঁকরানির আওয়াজ পেলাম। এ আমাদের খুব চেনা গলা।

‘এ ভাবে আমার পিছে লাগলেন কেন, মিষ্টার মিটার?’ গদিতে বসে মগনলাল প্রশ্ন করলেন। ‘আপনার এখনো শিকষা হয়নি? কী লাভ আছে আমার পিছে পিছে ঘুরে? আপনি তো সে মোতি আর ফিরত পাবেন না।’

‘আপনি নিজেকে খুব চালাক মনে করেন—তাই না, মগনলালজী?’

‘সে তো আপনিও করেন। বুদ্ধি না থাকলে আর এতদিন বেওসা চালাছি? বুদ্ধি না থাকলে আর আপনার ঘর থেকে মোতি বার করে আনতে পারি?’

‘কী মোতি?’

‘পিংক পার্ল!’ মগনলাল চেঁচিয়ে উঠলেন। ‘কী মোতি সেও কি আপনাকে বলে দিতে হবে?’

‘কে বলল পিংক পার্ল?’ ধীর কঠে বলল ফেলুদা। ইচ্যু এ হোয়াইট পার্ল। তাও খাঁটি মুক্তো নয়, কালচারড পার্ল—যার দাম অনেক কম। আপনাকে ভাঁওতা দেবার জন্য ওতে পিংক রং করা হয়েছে। আসল মুক্তো চলে গেছে যার জিনিস তার কাছে। অত বেশি বুদ্ধিমান ভাববেন না নিজেকে, মগনলালজী।’

আমি অবাক হয়ে ফেলুদার কথা শুনছি। ও কী করে এত সব বানিয়ে বানিয়ে বলছে? কোথেকে ওর এত সাহস হচ্ছে? লালমোহনবাবু দেখলাম মাথা হেঁট করে রয়েছেন।

‘আপনি সচ বলছেন?’

‘আপনি কীভাবে যাচাই করতে চান করে দেখুন।’

মগনলাল তার সামনে রাখা একটা রুপোলি কলিং বেলে চাপড় মারল। পর মুহূর্তেই সেই পালোয়ান লোকটা আবার এসে চুকল।

‘সুন্দরলালের দোকান থেকে ওকে ডেকে আনো। বলো মগনলালজী ডাকছেন। তুরন্ত।’ ভ্রত্য চলে গেল।

কিছুক্ষণ সকলেই চুপ। মগনলাল একটা পানের ডিবে থেকে পান নিয়ে মুখে পুরলেন। তারপর ডিবে বন্ধ করার সময় একটা অস্তুত প্রশ্ন করলেন।

‘রবীন্দ্রনাথ টেগোরের গান আপনি জানেন?’

এবার মগনলালের চাউনি থেকে বুঝলাম প্রশ্নটা করা হয়েছে জটায়ুকে।



‘কী আক্ষল ? জবাব দিচ্ছেন না কেন ? আপনি বাঙালি আর আপনি টেগোর সং জানেন না ?’

লালমোহনবাবু মাথা নেড়ে না বোঝালেন।

‘সচ বোলছেন ?’

এবারে মাথা নড়ল উপর-নীচে। অর্থাৎ হ্যাঁ। ভদ্রলোক এখনও মাথা তুলতে পারছেন না।

এবার ফেলুদা বলল, ‘উনি গান করেন না, মগনলালজী।’

‘করেন না তো কী হল ? এখুন করবেন। দশ মিনিট লাগবে সুন্দরলালের এখানে আসতে। সেই টাইমে টেগোর সং হবে। আক্ষল উইল সিং। আসুন আক্ষল—গদিপর বসুন। সোফায় বসে কি গান হয় ? গেট আপ, গেট আপ ! না গাইবেন তো বড় মুশকিল হবে।’

‘আপনি বার বার ওঁকে নিয়ে এমন তামাশা করেন কেন বলুন তো ?’ বেশ রেগে গিয়েই বলল, ফেলুদা। ‘উনি আপনার কী ক্ষতি করেছেন ?’

‘নাথিৎ। দ্যাট ইজ হোয়াই আই লাইক হিম। উঠুন আক্ষল। উঠুন, উঠুন !’

নিঝুপায় হয়ে লালমোহনবাবু সোফা ছেড়ে উঠে গদিতে বসলেন।

‘ভেরি গুড। নাট সিং।’

আর কোনওই রাস্তা নেই। তাই ভদ্রলোক সত্যিই গান ধরলেন। ‘আলোকের এই বর্ণাধারায় ধুইয়ে দাও।’

মগনলাল তাকিয়ায় শরীরটাকে এলিয়ে দিয়ে পাশে রাখা ক্যাশ-বাক্সের উপর তাল ঠুকে তারিফ করতে লাগলেন। এই অস্ত্রুত গানের তারিফ হতে পারে এ আমি স্বপ্নেও ভাবিনি।

প্রায় পাঁচ মিনিট একটানা গেয়ে লালমোহনবাবু আর পারলেন না। বললেন, ‘বাকিটা জানি না।’

‘দ্যাট ইজ এনাফ,’ বললেন মগনলাল। ‘এবার সোফায় গিয়ে বসুন।’

লালমোহনবাবু সোফায় বসতেই ঘরে লোকের প্রবেশ হল—সেই পালোয়ান চাকর, আর

একজন পুরু চশমাপরা বুড়ো ।

‘আইয়ে সুন্দরলালজী,’ বললেন মগনলাল । ‘আপনি এত বুচ্ছা হয়ে গেছেন এই কবছরে তা ভাবতে পারিনি । একটা কাজের জন্য আপনাকে ডেকে পাঠিয়েছি ।’

সুন্দরলাল গদিতে বসলেন । মগনলাল তাঁর ক্যাশবাঞ্চ খুলে তার থেকে ভেলভেটের বাঞ্টা বার করলেন । তারপর বাঞ্চ থেকে মোতিটা বার করে সুন্দরলালকে প্রশ্ন করলেন, ‘গুলাবী মোতি হয় সেটা আপনি জানেন ?’

‘গুলাবী মোতি ?’

‘হা ।’

‘সেরকম তো শুনেছি, কিন্তু চোখে দেখিনি ।’

‘আপনি পঞ্চাশ বছর হল দোকান চলাচ্ছেন আর গুলাবী মোতি চোখে দেখেননি ? দেখুন এইটে দেখুন । দেখে বলুন তো এটা সচা না ঝুঠা ?’

সুন্দরলাল মুক্তেটা হাতে নিলেন । দেখলাম তাঁর হাত কঁপছে । চোখের খুব কাছে এনে মুক্তেটাকে মিনিটখানেক ধরে দেখে সুন্দরলাল বললেন, ‘হাঁ, এতো সত্যিই দেখছি গুলাবী মোতি । অ্যায়সা কভী নেহি দেখো ।’

‘তা হলে এটা খাঁটি ?’

‘ওইসাই তো মালুম হোতা ।’

‘এবার মোতিটা দিয়ে দিন আমাকে ।’

সুন্দরলাল মুক্তেটা ফেরত দিয়ে দিল ।

‘এবার আপনি যেতে পারেন ।’

সুন্দরলাল ঘর থেকে বেরোনোর পর মগনলাল ফেলুদার দিকে চেয়ে বললেন, ‘আপনি ঝুট বাত বলেছেন, মিস্টার মিটার । এই পার্ল জেনুইন ।’

‘এটা কি আপনি সূরয় সিংকে বিক্রি করতে চান ?’

‘আমি কী করি না-করি তাতে আপনার কী ?’

‘আপনি তো এখান থেকে দিল্লি যাবেন ?’

‘হাঁ, যাৰ ।’

‘ওখানে তো সূরয় সিং রয়েছেন ।’

‘সে খবর আমি পেপারে পড়েছি ।’

‘আপনি কি বলতে চান তাঁর সঙ্গে আপনার কোনও কারবার নেই ?’

‘আমি কিছুই বলতে চাই না, মিস্টার মিটার । দ্য পিংক পার্ল চ্যাপটার ইজ ক্লোজড । আমি ওই নিয়ে আপনার সঙ্গে আর কোনও কথা বলব না ।’

‘ঠিক আছে, আমি উঠছি । আমার যে জিনিসটা আপনার কাছে রয়েছে সেটা দয়া করে ফেরত দিন ।’

মগনলাল আবার কলিং বেল টিপলেন । পালোয়ান এসে দাঁড়াল ।

‘এঁকে এর রিভলভার ওয়াপিস দিয়ে দাও ।’

পালোয়ান আজগা পালন কৰল, ফেলুদা আর আমরা দুজন উঠে পড়লাম ।

মগনলালের ঘর থেকে বেরিয়ে বারান্দায় এসে জালমোহনবাবুকে জিজ্ঞেস করলাম, ‘এখন কেমন লাগছে ?’

ভদ্রলোক মাথা নেড়ে বললেন, ‘লোকটা কী করে যে একটা মানুষের উইক পয়েন্ট ধরে ফেলে !—পাঁচ মিনিট ধরে একটানা রবীন্দ্রসংগীত জীবনে এই প্রথম গাইলাম ।’

একতলায় এসে ফেলুদা বলল, ‘আজকে যে একটা খুব জরুরি কাজ হয়ে গেল সেটা কি

বুঝতে পেরেছেন, লালমোহনবাবু ?'

'জরুরি কাজ ?' ভদ্রলোক অবাক হয়ে প্রশ্ন করলেন।

'ইয়েস স্যার,' বলল ফেলুন। 'জেনে গেলাম ও মুক্তেটা কোথায় রাখে।'

'আপনি কি ওটা আবার আদায় করার তাল করছেন ?'

'ন্যাচারেলি !'

৮

হোটেলে ফিরে ঘরে ঢোকার আগেই নিরঞ্জনবাবু তাঁর ঘর থেকে ডাক দিয়ে বললেন, 'একটি ভদ্রলোক আপনাদের সঙ্গে দেখা করার জন্য অনেকক্ষণ থেকে বসে আছেন।'

ম্যানেজারের ঘরে ঢুকে দেখি একটি মাঝারি হাইটের কালো ভদ্রলোক, বয়স চাল্লিশ থেকে পঁয়তাল্পিশ, ম্যানেজারের উলটো দিকে একটা চেয়ারে বসে আছেন। আমাদের দেখে ভদ্রলোক উঠে দাঁড়ানে।

'আমার নাম মতিলাল বড়ল।'

'আপনি কি জয়চাঁদবাবুর ভাই ?'

'খুড়তুতো ভাই। এখানে একটা সিনেমা হাউস আছে আমার।'

'চলুন, আমাদের ঘরে চলুন। কথা হবে।'

আমরা চারজন আমাদের ঘরে এলাম। খাটে বসে ভদ্রলোক প্রশ্ন করলেন, 'মুক্তেটা এখন কোথায় ? জয়চাঁদের কাছে ?'

'না।'

'তবে ?'

'মগনলাল মেঘরাজের নাম শুনেছেন ?'

'বাবা ! তেইশ বছর কাশীতে আছি, আর মগনলালের নাম শুনব না ?'

'মুক্তেটা তাঁরই কাছে আছে।'

'কিন্তু তিনি তো মুক্তে জমান না। তিনি তো দালাল ; কম দামে জিনিস কিনে বেশি দামে বেচেন।'

'এবারেও তাই করবেন। ধরমপুরের সূর্য সিংকে উনি মুক্তেটা বেচবেন।'

'সূর্য সিং এখানে আসছেন ?'

'না। উনি দিল্লিতে। আমার যতদূর ধারণা, মগনলাল দিল্লি যাচ্ছেন ওঁর সঙ্গে দেখা করতে।'

'আপনি কী করছেন ?'

'আমরাও দিল্লি যাব—যদি তার আগে মুক্তেটা আদায় করতে পারি।'

'মগনলাল যদি টাকা না পায়, তা হলে আমার ভাই পাবে তো ?'

'সূর্য সিং যদি তাঁর কথা রাখেন তা হলে নিশ্চয়ই পাবেন।'

'আশ্চর্য ! এমন একটা ভ্যালুয়েবল জিনিস ফ্যামিলিতে রয়েছে এতকাল ধরে, আর জয় সে কথা একবারও বলেনি। ও একাই জিনিসটাকে আগলে রেখেছে।'

'আপনি জানতেন না এতে আমার খুব অবাক লাগছে।'

'আমি পনেরো বছর বয়স থেকে ঘর ছাড়া। তারপর আর সোনাহাটি যাইনি। কাগজে মুক্তের কথাটা পড়ে জয়কে চিঠি লিখেছিলাম, যে বিক্রি যদি হয় তা হলে আমি বেন একটা শেয়ার পাই। ও লিখল আমি বিক্রি করব না। তারপর কাল একটা চিঠি পেয়েছি তাতে



ଲିଖେହେ ଓ ମାଇଡ ଚେଣ୍ଟ କରେହୁ, ବିକ୍ରି କରବେ । ଏହି ଯେ ସେଇ ଚିଠି ।

ଭଦ୍ରଲୋକ ପକେଟ ଥେକେ ଏକଟା ଚିଠି ବାର କରେ ଦିଲେନ । ଫେଲୁଦା ସେଟା ପଡ଼େ ଫେରତ ଦିଯେ ବଲଲ, ‘ଆପନାକେ ତୋ ବିଶ ହାଜାର ଅଫାର କରେହୁ, ଆପନି ତାତେ ସନ୍ତୃଷ୍ଟ ?’

‘ଆରେକୁଟୁ ବେଶ ହଲେ ଆରଓ ଖୁଣି ହତାମ, ତବେ ନେଇ-ମାମାର ଚେୟେ କାନା ମାମା ଭାଲ । ମୁକ୍ତେଟା ଯେ ମଗନଲାଲେର କାହେ ଆଛେ ସେ ବିଷୟେ ଆପନି ଶିଓର ?’

‘ଆମି ନିଜେର ଚୋଥେ ଦେଖେଛି ।’

ମତିଲାଲବାସୁ ଏକଟୁକ୍ଷଣ ଭାବଲେନ । ତାରପର ବଲଲେନ, ‘ଆପନି ଯଦି ମୁକ୍ତେଟା ଚାନ, ତା ହଲେ ତୋ ଆପନିହି ସେଟା ସୂର୍ଯ୍ୟ ସିଂକେ ବିକ୍ରି କରବେନ ?’

‘ତା ତୋ ବଟେଇ, ଏବଂ ତା ହଲେଇ ଆପନି ଆପନାର ଶ୍ୟାର ପାବେନ ।’

‘ତା ହଲେ ପ୍ରଥମ କାଜ ହଞ୍ଚେ ମଗନଲାଲେର କାହୁ ଥେକେ ମୁକ୍ତେଟା ଆଦାୟ କରା ।’

‘ସେ ବ୍ୟାପାରେ ଆପନି ଆମାକେ ହେଲ୍‌ପ କରତେ ପାରେନ ?’

‘আপনার কী দরকার ?’

‘বেপরোয়া কাজ করতে পারে এমন কিছু লোক।’

মতিলালবাবু কয়েক মুহূর্ত মাথা হেঁট করে কী যেন ভাবলেন। তারপর বললেন, ‘একটা কথা আপনাকে বলি, মিস্টার মিত্রি—আজকাল শুধু সিনেমা হাউস চালিয়ে সংসার চলে না। লোকেরা সব বাড়িতে বসে ছবি দেখে। তাই কিছু একস্থি রোজগারের রাস্তা দেখতে হয়।’

‘মানে গোলমেলে কাজ ?’

‘কিন্তু আইন বাঁচিয়ে।’

‘তার মানে আপনার হাতে লোক আছে ?’

‘মগনলালের যে রাইট-হ্যান্ড ম্যান—মনোহর—সে আমার দিকে চলে এসেছে। তা ছাড়া আরও দু-একজন লোক আমি দিতে পারি।’

‘ভেরি গুড়।’

‘আপনি বলুন কখন কী করতে হবে।’

‘আজ রাত বারোটা। জ্ঞান-বাপীতে চলে আসুন আপনার লোক নিয়ে। আমরা ওখানে থাকব।’

‘ঠিক আছে। রাত বারোটা।’

‘আপনি আবার গোঁফার্টুমি করছেন ?’ বলে উঠলেন লালমোহনবাবু। ফেলুদা তাতে কানই দিল না। সে মতিলালবাবুকে বলল, ‘মগনলালের কিন্তু একটি পালোয়ান ভৃত্য আছে। তার সঙ্গে মোকাবিলা করার কথাটা ভুললে চলবে না।’

মতিলালবাবু হেসে বললেন, ‘আমার মনোহরও পালোয়ান। তার উপরে মাথায় বুদ্ধি রাখে।’

‘তা হলে ওই কথা রইল। রাত বারোটা, জ্ঞান-বাপী।’

মতিলালবাবু উঠে পড়ে বললেন, ‘একটা জরুরি কথা জিজ্ঞেস করা হয়নি। মুক্তেটা ও কোথায় রাখে জানেন ?’

‘জানি। ও নিয়ে আপনি চিন্তা করবেন না।’

‘অল রাইট।’

তদ্দুলোক চলে গেলে ফেলুদাও বিছানা থেকে উঠে পড়ে বলল, ‘আমার নিরঞ্জনবাবুর সঙ্গে দু মিনিট দরকার আছে। সেটা সেরে দক্ষিণ হস্তের ব্যাপারটা সারা ঘাবে। বেশ খিদে পেয়েছে।’

৯

কশীর মতো থমথমে রাত খুব কম জায়গাতেই দেখেছি। সেটা আরও বেশি মনে হয় এই জন্যে যে দিনের বেলা জায়গাটা লোকে জনে রঙে শব্দে ভরে থাকে। আমরা বারোটার সময় যখন জ্ঞান-বাপী পৌঁছলাম তখন একটা রাস্তার কুকুরের ডাক ছাড়া কোনও শব্দ নেই।

মিনিট পাঁচেক অপেক্ষা করার পর ফেলুদা একটা শেষ-করা চারমিনার পায়ের তলায় ফেলে চাপ দিতেই চাপা গলায় শোনা গেল, ‘মিস্টার মিত্রি !’ বুবলাম মতিলাল বড়াল হাজির।

কতগুলো অন্ধকার মূর্তি আমাদের দিকে এগিয়ে এল। ‘আমার সঙ্গে তিনজন লোক আছে। আপনি রওনা দেবার জন্য তৈরি ?’

চাপা স্বরে প্রায় ফিসফিসিয়ে কথা হচ্ছে। ফেলুদাও সেইভাবেই বলল, ‘নিশ্চয়ই। আর, আমাদের গাইড করতে হবে না, আমরা রাস্তা জানি।’

‘তা হলে চলুন।’

অঙ্ককারের মধ্যে দিয়ে আমরা এগিয়ে চললাম। ফেলুদা আর মতিলালবাবু দুজনেই দেখলাম রাস্তা খুব ভাল করে জানে, আর এই ঘৃটঘুটে অঙ্ককারেও বেশ দ্রুতই এগিয়ে চলেছে। এক জায়গায় একটা রাস্তার আলো টিমটিম করে ঝলঝিল। সেই আলোতে দেখে নিয়েছি মতিলালবাবুর তিনজন লোকের মধ্যে একজন ভীষণ ষণ্ঠা। বুরলাম এই হচ্ছে মনোহর।

মগনলালের রাস্তার মুখে এসে সকলে থামল। ফেলুদা লালমোহনবাবুর দিকে এগিয়ে এসে ফিসফিস করে বলল, ‘আপনারা এইখানে অপেক্ষা করুন। আমাদের হয়তো মিনিট কুড়ি লাগবে।’

কথাটা বলে উত্তরের অপেক্ষা না করেই মতিলালবাবু আর ওই তিনজন লোকের সঙ্গে ফেলুদা মগনলালের বাড়ির দিকে এগিয়ে গেল।

কয়েক মিনিট দুজনেই চুপ করে দাঁড়িয়ে রইলাম। নিজেদের নিষ্পাস ফেলার শব্দ পাচ্ছি। অবশ্যে লালমোহনবাবু হয়তো আর থাকতে না পেরে ফিসফিস করে বললেন, ‘ওই ষণ্ঠাদের সঙ্গে তোমার দাদার যাবার কী দরকার ছিল বুঝতে পারলাম না।’

‘সেটা যথাসময়ে বুঝবেন।’

‘আমার ব্যাপারটা ভাল লাগছে না।’

‘ঠিক আছে। আমার মনে হয় কথা না বলাই ভাল।’

তদ্বলোক চুপ করে গেলেন। খুব মন দিয়ে শুনলে দূর থেকে হারমোনিয়াম আর ঘুঙ্গুরের শব্দ পাওয়া যায়। আকাশের দিকে চাইলাম। এত তারা কলকাতার আকাশে কোনওদিন দেখিনি। এই তারার আলোতেই চার পাশ আবছা আবছা দেখা যাচ্ছে। যতদূর মনে হয়, আজ অমাবস্যা।

বেশি সময় যায়নি, কিন্তু এখনই মনে হচ্ছে অনন্তকাল ধরে দাঁড়িয়ে আছে। কতক্ষণ হল? দশ মিনিট? পনেরো মিনিট? আশচর্য! মগনলালের বাড়িতে ডাকাতি হচ্ছে, এখান থেকে ত্রিশ হাত দুরে, কিন্তু তার কোনও শব্দ নেই।

আরও মিনিট পাঁচক দাঁড়িয়ে থাকার পর পায়ের শব্দ পেলাম। একজনের বেশি লোক। এগিয়ে আসছে আমাদের দিকে।

ফেলুদারাই ফিরছে। কাছে এসে বলল, ‘চ।’

‘কাজ হল?’ কুন্দলখাসে জিজ্ঞেস করলেন জটায়ু।

‘খতম,’ বলল ফেলুদা। তারপর মতিলালবাবুর দিকে ফিরে বলল, ‘অনেক ধন্যবাদ। আপনার শেয়ারের ব্যবস্থা আমি করে দেব।’

আমরা আমাদের হোটেলের দিকে হাঁটা দিলাম।

কথা হল একেবারে ঘরে চুকে।


‘কিছু বলুন, মশাই!’ আর থাকতে না পেরে বললেন লালমোহনবাবু।

‘আগে এইটে দেখুন।’

ফেলুদা পকেট থেকে লাল ভেলভেটের বাঞ্চাটা বার করে খাটের উপর রাখল।

‘সাবাস!’ বললেন লালমোহনবাবু। ‘কিন্তু কীভাবে হল ব্যাপারটা একটু বলুন। খুন-খারাপি হয়নি তো?’

‘সেই পালোয়ানটা মাথায় একটু চোট পেয়েছে, সেটা মনোহরের কীর্তি।’



‘কিন্তু ক্যাশবাক্স খুললেন কী করে ?’

‘যে ভাবে লোকে খোলে । চাবি দিয়ে ।’

‘এ কি ম্যাজিক নাকি ?’

‘নো স্যার । মেডিসিন ।’

‘মানে ?’

‘সাপ্লাইড বাই নিরঞ্জনবাবুর বন্ধু ডাক্তার চৌধুরী ।’

‘কী সব বলছেন আবোল তাবোল ? কীসের সাপলাই ?’

‘ক্লোরোফর্ম’ বলল ফেলুদা। ‘শঠে শাঠ্যম্। এবার বুঝেছেন ?’

পরদিন রাত সোয়া এগারোটায় দিল্লি এক্সপ্রেস ধরে তারপর দিন ভোর ছটায় দিল্লি পৌছলাম। এর আগের বার আমরা জনপথ হোটেলে ছিলাম, এবারও তাই রইলাম। ফেলুদা ঘরে এসে আর কিছু করার আগে বিভিন্ন হোটেলে ফোন করে খোঁজ নিতে আরস্ত করল সূর্য সিং কোথায় আছে। দশ মিনিট চেষ্টা করার পর তাজ হোটেলে বলল, ‘হ্যাঁ, সূর্য সিং এখানেই আছেন। কৃম থ্রি ফোর সেভ্ন।’

‘একবার তাঁর সঙ্গে কথা বলতে পারি কি ?’

সৌভাগ্যক্রমে সূর্য সিং তাঁর ঘরেই ছিলেন। এক মিনিটে অ্যাপয়েন্টমেন্ট হয়ে গেল। সম্ভ্য ছটা। হোটেলে ওঁর ঘরেই যেতে হবে। কী কারণ জিজ্ঞেস করেছিল, বলল ফেলুদা। ‘আমি তাকে পিংক পার্ল সংক্রান্ত ব্যাপার বলাতে তৎক্ষণাতে টাইম দিয়ে দিল।’

দুপুর বেলাটা কিছু করার নেই। জনপথে একটা চিনে রেস্টোরাণ্টে খেয়ে দোকানগুলো দেখে তিনটে নাগাত হোটেলে ফিরে এলাম একটু বিশ্রামের জন্য। পৌনে ছটায় বেরোতে হবে। লালমোহনবাবু ফেলুদাকে মনে করিয়ে দিলেন, ‘আপনার ইয়েটা নিতে ভুলবেন না।’

ছটায় তাজে পৌঁছে ফেলুদা প্রথমে নীচ থেকে ফোন করে জানিয়ে দিল যে আমরা এসেছি।

‘আমার ঘরে চলে আসুন,’ বললেন ভদ্রলোক।

তিনশো সাতচালিশ গিয়ে বেল টিপতে যে দরজা খুলল তাকে মনে হল সেক্রেটারি জাতীয় কেউ। বললেন, ‘আপনারা বসুন, উনি এক্ষুনি আসছেন।’

ঘর বলতে যা বোঝায় এটা তা নয় ; তিনটে ঘর জুড়ে একটা বিশাল সুইট। যেটায় ঢুকেছি সেটা সিটিং রুম। আমরা সোফায় গিয়ে বসলাম।

মিনিট পাঁচেক বসতেই ভদ্রলোক এসে পড়লেন।

ইনি যে অত্যন্ত ধনী সেটা এক ঝলক দেখলেই বোঝ যায়। গায়ে চোস্ত সুট, সোনার টাইপিন, পকেটে সোনার কলম। হাতে পাথর বসানো সোনার আংটি। বয়স পঞ্চামের বেশি নয়। কানের দুপাশে চুলে পাক ধরেছে, বাকি চুল কালো, আর চাড়া দেওয়া গোঁফটাও কালো।

‘হ্যাঁ ইজ মিস্টার মিটার ?’

ফেলুদা উঠে দাঁড়িয়ে পরিচয় দেওয়ার ব্যাপারটা সেরে নিল। ভদ্রলোক দেখলাম দাঁড়িয়েই রইলেন।

‘আপনার সঙ্গে পিংক পার্লের কী কানেকশন ?’ ফেলুদাকে প্রশ্ন করলেন মিস্টার সিং।

ফেলুদা বলল, ‘আমি একজন প্রাইভেট ইনভেস্টিগেটর। জয়চাঁদ বড়াল মুক্তোটা আমার জিম্মায় রেখেছেন যাতে ওটা নিরাপদ থাকে।’

‘কথাটা আমি বিশ্বাস করতে রাধ্য নই, মিস্টার মিটার। আপনি মালিকের কাছ থেকে যে মুক্তোটা চুরি করেননি তার কী প্রমাণ ?’

‘কোনও প্রমাণ নেই। আপনাকে আমার কথা মনে নিতে হবে।’

‘আমি তাতে রাজি নই।’

‘তা হলে আমার একটা কথাই বলার আছে—আমি মুক্তোটা দেব না। এটা যার জিনিস তাঁর কাছে ফেরত চলে যাবে।’

‘মুক্তোটা দিতে আপনি বাধ্য।’



‘না মিস্টার সিং, আমি বাধ্য নই। নো ওয়ান ক্যান ফোর্স মি।’

চোখের পলকে সূর্য সিং-এর হাতে একটা রিভলভার চলে এল, আর তার পরমুহুর্তেই একটা কান-ফটানো গর্জন।

কিন্তু সেটা সূর্য সিং-এর রিভলভার থেকে নয়, ফেলুদার কোণ্ট থেকে। সে সূর্য সিং-এর হাত নামানো দেখেই ব্যাপারটা বুঝে নিয়েছে। আর বিদ্যুবেগে নিজের রিভলভারটা বার করেছে।

গর্জনের সঙ্গে সঙ্গে সূর্য সিং-এর হাত থেকে তার রিভলভারটা ছিটকে বেরিয়ে একটা ঠং

শব্দ করে ঘরের পিছন দিকের মেঝেতে পড়ল ।

‘সূরয় সিং-এর চেহারা পালটে গেছে । তার চাউনিতে ঘৃণার বদলে এখন সন্তুষ্ম ।

‘আমি চালিশ গজ দূর থেকে বাষ মেরেছি, কিন্তু তোমার মতো টিপ আমার নেই । ঠিক আছে, আমি তোমার নামেই চেক লিখে দিছি, তুমি মুক্তেটা আমাকে দাও ।’

ফেলুদা পকেট থেকে ভেলভেটের কৌটটা বার করে সূরয় সিংকে দিল । কৌটটা থেকে মুক্তেটা বার করে ডান হাতের বুঢ়ো আঙুল আর তর্জনীর মধ্যে ধরে সেটাকে ঘুরিয়ে-ফিরিয়ে দেখতে থাকলেন সূরয় সিং । তাঁর চোখ জল জল করছে ।

‘আমি এটাকে যাচাই করে নিলে আশা করি তোমার আপত্তি হবে না । এতগুলো টাকা...’

‘ঠিক আছে ।’

‘শঙ্করপ্রসাদ !’ হাঁক দিলেন সূরয় সিং । পাশের ঘর থেকে একজন ফিটফাট ভদ্রলোক বেরিয়ে এলেন, বছর চালিশেক বয়স, চোখে সোনার চশমা ।

‘স্যার ?’

‘একবার দেখো তো এই মুক্তেটা জেনুইন কি না ।’

শঙ্করপ্রসাদ মিনিটখানেক ঘুরিয়ে-ফিরিয়ে দেখেই সেটা সূরয় সিংকে ফেরত দিল ।

‘নো স্যার ।’

‘মানে ?’

‘এটা ফল্স । সন্তা সাদা কালচারড পার্লের উপর গোলাপী রং করে দেওয়া হয়েছে ।’

‘আর ইউ শিওর ?’

‘অ্যারসোলিউটলি ।’

সূরয় সিং-এর মুখ লাল । কাঁপতে কাঁপতে ফেলুদার দিকে চাইলেন । তাঁর কথা বলতেও যেন কষ্ট হচ্ছে ।

‘ইউ-ইউ—মেরি জিনিস আমাকে পাচার করছিলে ?’

ফেলুদার মুখ হাঁ হয়ে গেছে ।

‘তা হলে বড়ালের বাড়িতেই নিশ্চয়ই ফল্স মুক্তে ছিল,’ বলল ফেলুদা ।

‘তোমার রিভলভার নামাও ।’

ফেলুদা নামাল ।

‘এই নাও তোমার ঝুঠা মোতি ।’

ফেলুদা বাক্সমতে মুক্তেটা সূরয় সিং-এর হাত থেকে নিল ।

‘নাউ গেট আউট ।’

আমরা তিনজন সুবোধ বালকের মতো ঘর থেকে বেরিয়ে চলে এলাম । যখন লিফ্টে উঠছি তখন দেখলাম ফেলুদার কপালে গভীর খাঁঁজ ।

কলকাতা ফেরার পথে ট্রেনে ফেলুদা একটা কথাও বলল না । এমন অবস্থায় যে সে কোনওদিন পড়েনি সেটা আর কেউ না জানুক, আমি তো জানি ।

আমরা ফিরলাম রাত্রে । পরদিন সকালে আমার ঘর থেকে শুনতে পেলাম ফেলুদা গুন গুন করে গান গাইছে ।

আমি বসবার ঘরে এসে দেখি ও পায়চারি করছে আর ‘আলোকের এই ঝর্ণাধারায়’-এর সুরটা ভাঁজছে । আমাকে দেখেও সে পায়চারি, গান কোনওটাই থামল না । আমি অবশ্য খুশি । ফেলুদাকে মনমরা দেখতে আমার মোটেও ভাল লাগে না ।

মিনিট পাঁচকের মধ্যেই লালমোহনবাবুর গাড়ির হর্ন শোনা গেল। আমি দরজাটা খুলে দিলাম, ভদ্রলোক চুকলেন।

‘প্রাতঃ প্রণাম !’ ঘাড় হেঁট করে হাতজোড় করে বলল ফেলুন। ‘আসতে আজ্ঞা হোক !’

লালমোহনবাবু কেমন যেন থতমত খেয়ে একটা বোকা হাসি হেসে বললেন, ‘আপনি কি তা হলে... ?’

‘আমি অন্ধকার পছন্দ করি না, লালমোহনবাবু, তাই সেখানে আমাকে বেশিক্ষণ ফেলে বাখা চলে না। ফলস মুক্তোটা যে আপনার গড়পারের সেক্রা বন্ধুর কীর্তি সেটা আমি বুঝেছি, আর এটা যে আপনার এবং আমার ভাতার যৌথ প্রয়াস সেটা বুঝেছি, কিন্তু কবে কখন—’

‘বলছি স্যার, বলছি’ বললেন লালমোহনবাবু। ‘অপরাধ নেবেন না কাইন্ডলি। আর আপনার ভাইটিকেও মাপ করে দেবেন। আপনি মগনলালের ছুক্কি যেরকম বেপরোয়া ভাবে নিলেন, তাতে আমি অত্যন্ত উদ্বেগ বোধ করছিলুম। ও মুক্তোটা পেয়ে যাবে এই চিন্তাটাই আমি বরদাস্ত করতে পারছিলুম না। ও তিন দিন সময় দিয়েছিল সোম, মঙ্গল, বুধ। মঙ্গলবার আর্যি সকালে আসি। আপনি চুল ছাঁটাতে গেলেন, মনে আছে তো ? সেই সময় তপেশ আপনার চাবি দিয়ে আলমারি খুলে মুক্তোটা বার করে আমায় দেয়। এক দিনেই তুঁপিকেট হয়ে যায়। বুধবার ওটা তপেশকে এনে দিই, ও সুযোগ বুঝে সেটা আলমারিতে রেখে দেয়। যা করেছি তা শুধু আপনার মঙ্গলের জন্য, বিশ্বাস করুন।’

‘আপনাদের ফন্দি অবিশ্যি তারিফ করার মতোই।’

‘আপনি সেদিন যখন মগনলালকে বললেন মুক্তোটা ফলস, তখন আমি ভেবেছিলাম আপনি আমাদের কারসাজি ধরে ফেলেছেন।’

‘না ধরিনি। আপনাদের পক্ষে এতটা মাথা খাটানো সম্ভব সেটা ভাবতে পারিনি। আসলে আপনারা যে ফেলু মিত্তিরের এত কাছে থাকেন সেটা ভুলে গিয়েছিলাম।’

‘জয়চাঁদবাবু নিশ্চয়ই আরও ভাল অফার পাবেন।’

‘অলরেডি পেয়েছেন। কাল এসে সোমেশ্বরের একটা চিঠিতে জানলাম। এক আমেরিকান ভদ্রলোক। এক লাখ পাঁচশ অফার করেছেন।’

‘বাঃ, এ তো সত্যিই সুখবর।’

ফেলুদা এবার আমার দিকে ফিরল। আমি একটা গাঁট্টা কি রদ্দা এঞ্জপেষ্ট করছিলাম, তার বদলে ও আমার কাঁধে হাত দিয়ে বলল, ‘তোকে একটা অ্যাডভাইস দিই। এই ঘটনাটার বিষয় যখন লিখিবি, তখন তোদের এই কীর্তিটার কথা একেবারে শেষে প্রকাশ করবি। নইলে গপ্প জমবে না।’

আমি অবিশ্যি তাই করেছি। নোকে আশা করি আমার এই কারচুপিটা মাইন্ড করবে না।

‘তা হলে এবার আসলটা আপনাকে দিয়ে দিই ?’ বললেন লালমোহনবাবু।

‘ইয়েস, ইফ ইউ প্লিজ, মিস্টার গাঙ্গুলী।’

জটায় পকেট থেকে লাল ভেলভেটের কৌটোটা বার করে ফেলুদাকে দিল। ফেলুদা বাক্সটা খুলে জানালার কাছে গিয়ে আলোতে ধরল।

গোলাপী মুক্তা সঙ্গীরবে বিরাজমান।



ଲକ୍ଷ୍ମେ ଫେଲୁଦା

୧

‘ଟେଲିଭିଶନଟା କିମେ କୋନ୍‌ଓ ଲାଭ ହଲ ନା ମଶାଇ,’ ବଲଲେନ ଲାଲମୋହନବାବୁ। ‘ଦେଖାର ମତୋ କିସ୍ଯୁ ଥାକେ ନା। ରାମାଯଣ ମହାଭାରତ ଦୂଟେଇ ଦେଖତେ ଚେଷ୍ଟା କରେଛି। ପାଁଚ ମିନିଟେର ବେଶି ସ୍ଟ୍ୟାନ୍ କରା ଯାଏ ନା।’

‘ଆପନି ଯେ ଖେଳାଧୁଲୋଯ ଇଟ୍‌ଟାରେସ୍ଟେଡ ନନ’, ବଲଲ ଫେଲୁଦା। ‘ତା ହଲେ ଦେଖତେନ ମାଝେ ମାଝେ ବେଶ ଭାଲ ପ୍ରୋଗ୍ରାମ ଥାକେ। ଟେନିସ, କ୍ରିକେଟ, ଫୁଟବଲ—କୋନ୍‌ଓଟାଇ ବାଦ ନେଇ। ଯେମନ ଦେଶେର ଖେଳା, ତେମନି ବିଦେଶେର ଖେଳା।’

‘ତବେ ଓରା ଆମାର ଏକଟା ଗଲ୍ଲ ଥେକେ ଟି ଭି ସିରିଯାଲ କରତେ ଚାଚେ।’

‘ବାଃ, ଏ ତୋ ଭାଲ ଥିବରା।’

‘ଭାଲ ମାନେ? ପ୍ରଥର ଝନ୍ଦ କରବେ ଏମନ କୋନ୍‌ଓ ଅୟାକଟର ଆଛେ ବାଂଲାଦେଶେ? ଅର୍ଥଚ ଓ ଦେଶେ ଦେଖୁନ—ସୁପାରମ୍ୟାନେର ଜନ୍ୟ ପର୍ଯ୍ୟନ୍ତ ଲୋକ ପେମେ ଗେଲା। ମନେ ହୟ ଏକେବାରେ ବାଇସେର ପାତା ଥେକେ ଉଠେ ଏସେଛେ।’

ଆମାଦେର ପାଡ଼ାଯ କୋନ୍‌ଓ ବଡ଼ ପୁଜୋ ନେଇ। ତବେ ଏକଟୁ ଦୂରେଇ ଆଛେ, ମେଖାନ ଥେକେ ମାଝେ ଲାଉଡ଼ିସ୍ପିକାରେ ହିନ୍ଦି ଗାନ ଭେସେ ଆସଛେ। ଲାଲମୋହନବାବୁ ତାର ସଙ୍ଗେ ଗଲା ମେଲାତେ ଚେଷ୍ଟା କରେ ପାରଛେନ ନା। ଗାନଟା ଭଦ୍ରଲୋକର ଏକେବାରେଇ ଆସେ ନା, ଯଦିଓ ବଲେନ ଓ଱୍ର ଦାଦାମଶାଇ ନାକି ଖାନ ତ୍ରିଶେକ ଓତ୍ତାଦି ଗାନ ରେକର୍ଡ କରେଛିଲେନ।

ଚା ଏକ ପ୍ରଷ୍ଟ ହେଁ ଗେଛେ, ଆରେକବାର ହବେ କି ନା ଭାବଛି ଏମନ ସମୟ ବାଇସେ ଗାଡ଼ି ଥାମାର ଶବ୍ଦ ପେଲାମ। ଆର ତାର ପରେଇ ଡୋରବେଳ।

ଦରଜା ଖୁଲେ ଦେଖି ଏକ ଲଞ୍ଚା ଚଓଡ଼ା ଧବଧବେ ଫରସା ଭଦ୍ରଲୋକ ଦାଁଡ଼ିଯେ ଆଛେନ।

‘ଏଟା କି ପ୍ରଦୋଷ ମିତ୍ରେର ବାଢ଼ି?’

‘ଆଜ୍ଞେ ହୀଁ—ଆସୁନ ଭିତରେ।’ ଫେଲୁଦା ସୋଫା ଥେକେ ଉଠେ ଦାଁଡ଼ିଯେଛେ।

ଭଦ୍ରଲୋକ ସରେ ତୁଳେନ। ଧୂତି, ପାଞ୍ଜାବି ଆର କାଁଧେ ସାଦା ଚାଦର। ପାଯେ ସାଦା ପାମ୍ପ ଶ୍ଵାସ ଆଭିଜାତ୍ୟ ଫୁଟେ ବେରୋଛେ ସମ୍ପତ୍ତ ଶରୀର ଥେକେ।

‘ବସନ୍,’ ବଲଲ ଫେଲୁଦା।

ଭଦ୍ରଲୋକ ଏକଟା ସୋଫାଯ ବସେ ଲାଲମୋହନବାବୁର ଦିକେ ଜିଜ୍ଞାସୁ ଦୃଷ୍ଟି ଦିଲେନ। ‘ଇନି ଆମାର ବସ୍ତୁ ଲାଲମୋହନ ଗାସ୍ତୁଲୀ,’ ବଲଲ ଫେଲୁଦା। ଲାଲମୋହନବାବୁ ଏକଟା ନମଙ୍କାର କରଲେନ, କିନ୍ତୁ ଭଦ୍ରଲୋକ ଯେଣ ସେଟା ଦେଖେଓ ଦେଖଲେନ ନା। ପାଯେର ଉପର ପା ତୁଳେ ଗିଲେ କରା ଧୂତିର କୋଁଚ୍‌ଟାକେ ସଯତ୍ରେ କୋଲେର ଉପର ରେଖେ ବଲଲେନ, ‘ଆପନାର କଥା ଆମାଯ ବଲେ ପାଇକପାଡ଼ାର ସାଧନ ଚକ୍ରବର୍ତ୍ତୀ।’

‘ଓ଱୍ର ଏକଟା ତଦ୍ଦେତେ ସଙ୍ଗେ ଆମି ଜଡ଼ିତ ଛିଲାମ,’ ବଲଲ ଫେଲୁଦା।

‘ଭଦ୍ରଲୋକ ଆପନାର ସୁଖ୍ୟାତି କରଲେନ, ତବେ ଡିଟେଲ କିଛୁ ଦେନନି। ଆପନି କଦିନ ଧରେ କରଛେନ ଏ କାଜ ?’

‘ବହର ଦଶେକ ହଲ।’

‘ସିସଟେମ୍‌ଟା ଦିଶି ନା ବିଲିତି ?’

‘ଯେ କେମେ ଯେମନଟା ଦରକାର ହୟ ଆର କୀ।’

‘ଆଇ ସି...’

‘আপনার সমস্যাটা কী সেটা যদি বলেন...’

‘সেটাকে সমস্যা বলা চলে কি না জানি না। সেটা আপনিই বিচার করবেন।’

ভদ্রলোক পকেট থেকে একটা খাম বার করলেন। তারপর তার থেকে সফতে একটা ছবি বার করে ফেলুন্দাকে দিলেন। আমি ফেলুন্দার কাঁধের উপর দিয়ে দেখলাম ফিকে হয়ে যাওয়া পুরনো একটা ফোটোগ্রাফ, তাতে রয়েছে পাশাপাশি দাঁড়িয়ে পরস্পরের কাঁধে হাত দিয়ে দুজন প্যান্ট-শার্ট পরা ছেলে। তাদের বয়স ষোলো-সতেরোর বেশি নয়।

‘এর মধ্যে কাউকে চিনছেন কি?’ ভদ্রলোক প্রশ্ন করলেন।

‘বাঁ দিকের জন তো আপনি,’ বলল ফেলুন্দা।

‘হাঁ, ওই একজনকেই আমিও চিনতে পারছি।’

‘অন্যটি আপনার বন্ধু অবশ্যই।’

‘দেখে তো তাই মনে হয়, তবে ওর পরিচয় ধরতে পারিনি। ছবিটা আমি সম্প্রতি পেয়েছি। একটা দেরাজের কাগজপত্রের তলায় ছিল। আপনাকে আমি একটিমাত্র কাজ দিতে এসেছি। ডেবে দেখুন সেটা নেবেন কি না।’

‘কী কাজ?’

‘আমার সঙ্গে ওই ছেলেটি কে সেটা আমার জানা চাই। এর পরিচয় আপনাকে অনুসন্ধান করে উদ্যাটন করতে হবে। ও কোথায় আছে, কী করে, আমার সঙ্গে পরিচয় হল কবে, কী করে—সে সব আমার জানা চাই। সেটা করলেই আপনার কাজ শেষ। এর জন্য আপনার পুরো পারিশ্রমিক আমি দেব।’

‘আমার আগে জানা দরকার আপনি নিজে কোনও ঝোঁজ করেছেন কি না।’

‘ক্লাবে আমার স্কুল-কলেজের কয়েকজন সহপাঠী আছে, আমি তাদের দেখিয়েছি। তারা কেউ চিনতে পারেনি। আপনি লক্ষ করবেন ছেলেটি বাঙালি কি না তাও বোঝা শক্ত।’

‘চুলটা তো কালো, তবে চোখ দুটো যেন একটু কটা। আপনার সাহেব বন্ধু ছিল কখনও?’

‘আমি ইংল্যান্ডে চার বছর স্কুলে আর এক বছর কলেজে পড়ি। বাবা ওখানে ডাক্তারি করতে গিয়েছিলেন। তারপর অবিশ্য আমরা সবাই দেশে ফিরে আসি। ফিরে আসার আগে ইংল্যান্ডের কোনও কথা আমার মনে নেই, কারণ ওখানে থাকতে বাইসিকল থেকে পড়ে গিয়ে আমার ক্ষাল ফ্র্যাকচার হয়ে যায়। তার ফলে পাঁচ-সাত বছরের স্মৃতি আমার মন থেকে লোপ পেয়ে গেছে।’

‘কোন স্কুল আর কলেজে পড়েছিলেন সেটা মনে নেই?’

‘বাবা বলেছিলেন। সে-ও অনেক বছর আগে। কলেজ বোধহয় কেমব্ৰিজ। স্কুলের নাম মনে নেই।’

‘স্মৃতি ফিরিয়ে আনার জন্য কোনও ওষুধ-ট্যুথ খাচ্ছেন না?’

‘অ্যালোপ্যাথিক খেয়েছি। তাতে কোনও কাজ হয়নি। এখন একটা কবিরাজি ওষুধ খাচ্ছি।’

‘ইংল্যান্ড থেকে ফিরে কী হয়?’

‘সেট জেভিয়ার্সে ভর্তি হই। বাবাই সব ব্যবস্থা করে দেন, কারণ তখনও আমি সম্পূর্ণ সুস্থ হইনি।’

‘সেটা কোন বছর?’

‘ফিফটি টু। ইন্টারমিডিয়েটে ভর্তি হই।’

‘হঁ...।’

ফেলুন্দা ছবিটা হাতে নিয়ে মিনিটখানেক ভাবল। তারপর প্রশ্ন করল, ‘আপনার কি মনে হয় এই ছেলের সঙ্গে কোনও একটা বিশেষ ঘটনা জড়িয়ে আছে?’

‘সেরকম মনে হয়েছে। এক-এক সময় আবছা আবছা শুন্তি ফিরে আসে, আর তখন যেন



একে দেখতে পাই। কিন্তু এর পরিচয় অজানাই থেকে যায়। অত্যন্ত অস্বাস্থিকর ব্যাপার। যার
সঙ্গে এত বন্ধুত্ব ছিল সে কে, সে এখন কোথায় আছে, কী করে, আমাকে মনে রেখেছে কি না,
এ সব জানার জন্য প্রবল কৌতুহল হয়। কাজটা সহজ না বুঝতে পারছি, কিন্তু সেই কারণেই
হয়তো আপনি ইন্টারেস্টেড হতে পারেন।'

'ঠিক আছে। কাজটা আমি নিছি। তবে এতে কত সময় লাগবে তা আমি বলতে পারছি না।
আর ধর্মন যদি বিলেত যেতে হয় ?'

'তা হলে আপনার এবং আপনার অ্যাসিস্ট্যান্টের প্লেন ভাড়া আমি দেব, ওখানে হোটেলে
থাকার খরচ আমি দেব, যে পাঁচশো ডলার আপনাদের প্রাপ্য তার টাকাটা আমি দেব। বুঝতেই
পারছেন আমি এর পরিচয় পাবার জন্য কতটা আগ্রহী।'

‘আপনার বাবা কি—?’

‘মারা গেছেন। বিলেত থেকে ফেরার পাঁচ বছরের মধ্যেই। মা-ও মারা গেছেন দশ বছর হল। আমার স্তৰী বর্তমান। একটিই সন্তান আছে—আমার মেয়ে। সে বিষয়ে করে দিল্লিতে রয়েছে। স্বামী আই. এ. এস। এই হল আমার কার্ড। এতে আমার নাম ঠিকানা ফোন নম্বর সবই পাবেন।’

কাউন্টা দেখলাম। নাম—রঞ্জন কে. মজুমদার; ঠিকানা—১৩ রোল্যান্ড রোড; ফোন—২৮-৭৪০১।

ফেলুদা বলল, ‘আমি আপনার সঙ্গে অবশ্যই যোগাযোগ রাখব। কোনও প্রয়োজন হলে আশা করি আপনি আমাকে সাহায্য করবেন।’

‘সন্তুষ্ট হলে নিশ্চয়ই করব।’

ভদ্রলোক উঠে পড়ে বললেন, ‘ছবিটা তা হলে আপনার কাছেই রইল।’

‘হ্যাঁ। ওটার একটা কপি করে ওরিজিনালটা আপনাকে ফেরত দিয়ে দেব। ভাল কথা—আপনি কী করেন সেটা তো জানা হল না।’

‘সরি। আমারই বলা উচিত ছিল। আমি চার্টার্ড অ্যাকাউন্ট্যান্ট। বি. কম পাশ করি সেট জেভিয়ার্স থেকেই। লী আ্যান্ড ওয়াটকিনস্ হচ্ছে আমার আপিসের নাম।’

‘থ্যাঙ্ক ইউ।’

‘আমি তা হলে। গুড ডে।’

‘অভিনব মামলা,’ ভদ্রলোকের গাড়ি চলে যাবার পর বললেন লালমোহনবাবু।

‘সে বিষয়ে সন্দেহ নেই,’ বলল ফেলুদা। ‘এমন কেস আর পেয়েছি বলে তো মনে পড়ে না।’

‘একবার ছবিটা দেখতে পারি কি?’

ফেলুদা ছবিটা জটায়ুকে দিল। ভদ্রলোক ভুক্ত কুঁচকে সেটার দিকে কিছুক্ষণ চেয়ে থেকে বললেন, ‘সাহেব না ইত্তিয়ান তা বোঝার কোনও উপায় নেই। এ কেস আপনি কীভাবে কন্ডাক্ট করবেন তা আমার মাথায় আসছে না।’

‘আপনার মাথার প্রয়োজন নেই। ফেলু মিস্তিরের মাথায় এলেই হল।’

২

ফেলুদার একজন চার্টার্ড অ্যাকাউন্ট্যান্ট মক্কেল ছিল, নাম ধরণী মুখার্জি। ফেলুদা টেলিফোনে তার সঙ্গেই যোগাযোগ করল। ভদ্রলোক বললেন, রঞ্জন মজুমদারকে খুব ভাল করে চেনেন, কারণ দুজনেই সাটার্ডে ক্লাবের মেম্বার। রঞ্জনবাবু কীরকম লোক জিজ্ঞেস করাতে ধরণীবাবু বললেন যে, তিনি একটু চাপা ধরনের লোক, বিশেষ মিশুকে নন, বেশিরভাগ সময় ক্লাবে চূপচাপ একা বসে থাকেন। ড্রিংক করেন—তবে মাত্রাতিরিক্ষণ নয়। রঞ্জনবাবু যে ছেলেবেলায় কিছুকাল বিলেতে ছিলেন সে কথাও ধরণীবাবু জানেন, কিন্তু তার বাইরে আর কিছুই বিশেষ জানেন না।

১৯৫২-তে সেন্ট জেভিয়ার্স ইন্টারমিডিয়েটে কে কে ছাত্র ছিল তার হাদিস পেতে ফেলুদার বিশেষ বেগ পেতে হল না। সেই ছাত্রদের তালিকায় খুব ভাল করে চোখ বুলিয়ে ফেলুদা বলল, ‘এর মধ্যে একজনের নাম চেনা চেনা মনে হচ্ছে। যদ্ব মনে হয় ভদ্রলোক হোমিওপ্যাথি করেন।’ গাড়ি ফিরে এসে বলল, ‘তোপসে, ডাক্তার ইরেন বসাকের নামটা ডিবেষ্টরিতে বার করে ভদ্রলোকের টেলিফোন নাম্বারটা আমায় দে তো।’

আমি দু মিনিটে কাজটা সেরে দিলাম। ফেলুদা সেই নম্বরে ফোন করে একটা অ্যাপয়েন্টমেন্ট

চাইল। ডাক্তার ফেলুদার নাম শুনেই হয়তো পরদিন সকালেই সময় দিয়ে দিলেন—সাড়ে এগারোটা।

কেস কেমন যাচ্ছে খবর নিতে পরদিন সকালে লালমোহনবাবু এসেছিলেন। আমরা তাঁর গাড়িতেই ডাক্তারের চেষ্টারে গেলাম।

ওয়েইচিং রুমে ভিড় দেখেই বোধ যায় ডাক্তারের পসার ভাল। ডাক্তারের সহকারী ‘আসুন, আসুন’ বলে ফেলুদাকে একেবারে আসল ঘরে নিয়ে গিয়ে দোকাল; পিছন পিছন অবশ্য আমরা দুজনও টুকুলাম।

ডাক্তার বসাক ফেলুদাকে দেখে হাসিমুখে চেয়ার ছেড়ে উঠে দাঁড়ালেন।

‘কী ব্যাপার? আপনার তো বড় একটা ব্যারাম-ট্যারাম হয় না।’

‘ব্যারাম না,’ ফেলুদা হেসে বলল। ‘একটা তদন্তের ব্যাপারে আপনাকে একটা প্রশ্ন করতে এসেছি।’

‘কী প্রশ্ন?’

‘আপনি কি সেন্ট জেভিয়ার্সের ছাত্র ছিলেন?’

‘হ্যাঁ, তা ছিলাম।’

‘আমার আসল প্রশ্নটা হল—এই দুটি ছেলেকে কি চিনতে পারছেন?’

ফেলুদা পকেট থেকে সেলোফেনে মোড়া ছবিটা বার করে ডাক্তার বসাকের হাতে দিল। এক দিনের মধ্যেই ছবিটার কপি করিয়ে নিয়ে আসল ছবিটা ফেলুদা রঞ্জনবাবুকে ফেরত দিয়ে এসেছে। ডাক্তার ভুরু কুঁচকে ছবিটার দিকে কিছুক্ষণ চেয়ে থেকে বললেন, ‘এদের মধ্যে একজন তো মনে হয় আমাদের সঙ্গে পড়ত। রঞ্জন। হ্যাঁ, রঞ্জনই তো নাম।’

‘আমি বিশেষ করে অন্যজনের সম্বন্ধে জানতে চাইছি।’

ডাক্তার ছবিটা ফেরত দিয়ে মাথা নেড়ে বললেন, ‘অন্যটিকে কম্বিনকালেও দেখিনি আমি।’

‘আপনাদের সঙ্গে সেন্ট জেভিয়ার্সে পড়ত না?’

‘ডেফিনিটিলি না।’

ফেলুদা ছবিটা আবার সেলোফেনে মুড়ে পকেটে রেখে দিল।

‘আপনি তা হলে বলছেন আপনার ক্লাসের অন্য ছেলেদের জিঞ্জেস করেও খুব একটা লাভ নেই?’

‘আমার তো মনে হয় বৃথা সময় নষ্ট।’

‘তাও, আপনি একটা কাজ করে দিলে আমি খুব উপকৃত হব।’

‘কী?’

ফেলুদা পকেট থেকে সেন্ট জেভিয়ার্সের ছাত্রদের তালিকাটা বার করে ডাক্তার বসাককে দেখাল।

‘এর মধ্যে কারুর বর্তমান খবর জানেন?’

আমি বুঝলাম ফেলুদা সহজে ছাড়ছে না।

ডাক্তার তালিকাটার উপর ঢোক বুলিয়ে বললেন, ‘একজনের খবর জানি। জ্যোতির্ময় সেন। ইনিও ডাক্তার, তবে অ্যালোপ্যাথ।’

‘কোথায় থাকেন বলতে পারেন?’

‘হেস্টিংস। টিকানাটাও আপনি টেলিফোনের বইয়েতেই পেয়ে শাবেন।’

‘থ্যাক্স ইউ, স্যার।’

গাড়িতে উঠে লালমোহনবাবু বললেন, ‘স্কুল-কলেজের বাইরেও তো বন্ধু হয় মশাই। অ্যাট প্রেজেন্ট আমার যে কজন বন্ধু আছে তাদের কেউই আমার সহপাঠী ছিল না।’



‘এটা ঠিকই বলেছেন,’ বলল ফেলুদা। ‘আমার মনে হয় শেষ পর্যন্ত খবরের কাগজে ছবি দিয়ে এনকোয়ারি করতে হবে। তবে আগে এই হেস্টিংসের ডাক্তারকে একটু বাজিয়ে দেখা যাক।’

জ্যোতির্ময় সেন আমাদের অ্যাপয়েন্টমেন্ট দিয়েছিলেন তিনি দিন পরে, সকাল সাড়ে নটায়। ফেলুদার নাম শুনেছেন, যথেষ্ট সম্মের সঙ্গে কথা বললেন, আর বললেন উনি দশটায় চেম্বারে যান, তার আগেই আমাদের সঙ্গে কাজটা সেবে নিতে চান। ফেলুদা বলল, ‘আর এটাও জানিয়ে রাখ যে এর সঙ্গে ব্যারামের কোনও সম্পর্ক নেই; ব্যাপারটা আমার একটা তদন্তের সঙ্গে সংশ্লিষ্ট।’

লালমোহনবাবুও অ্যাপয়েন্টমেন্টের কথাটা জেনে নিয়েছিলেন; তাঁর গাড়িতেই আমরা শুক্রবার সকালে ঠিক সাড়ে নটায় হেস্টিংসে জ্যোতির্ময় সেনের বাড়ি পৌঁছে গেলাম।

তাঁর পিসার যে ভাল সেটা বাড়ি দেখেই বোঝা যায়। বেয়ারা এসে সেলাম ঠুকে আমাদের বসবার ঘরে নিয়ে গিয়ে বসিয়ে বলল, ‘ডাক্তারবাবু পাঁচ মিনিটের মধ্যেই আসবেন।’

লালমোহনবাবু গলা নামিয়ে ফেলুদাকে প্রশ্ন করলেন, ‘আপনি কার বিষয় জানতে চাইবেন—রঞ্জন মজুমদার, না ছবির অন্য ছেলেটি?’

ফেলুদা বলল, ‘রঞ্জন মজুমদার লোকটাকে একটু ভাল করে জানা দরকার। এখন পর্যন্ত খুবই সামান্য জানি। তাঁর বস্তুর বিষয় এই ডাক্তার কিছু বলতে পারবেন বলে মনে হয় না।’

ফেলুদার কথা শেষ হবার সঙ্গে সঙ্গেই জ্যোতির্ময়বাবু এসে গেলেন।

‘আপনি তো প্রদোষ মিত্র,’ বললেন ভদ্রলোক সোফায় বসে। ‘অবিশ্য ফেলুদা নামেই বেশি প্রসিদ্ধ। ইনি তো তোপসে, বুঝতেই পারছি, আর ইনি নিশ্চয়ই জটায়ু। আপনার তদন্তের সব কাহিনী আমার বাড়ির ছেলে বুড়ো সবাই পড়ে, তাই আপনাকে একরকম আত্মীয় বলেই মনে হয়। বলুন, কী প্রয়োজন আপনার।’

‘এই ছবির দুজনের একজনকেও চেনেন?’

‘এ তো দেখছি রঞ্জন মজুমদার। পরিষ্কার মনে পড়ছে এ চেহারা। এই দ্বিতীয় ছেলেটাকে চিনলাম না।’

‘কলেজে আপনাদের ক্লাসে ছিল না?’

‘উহ—তা হলে মনে থাকত।’

‘তা হলে এই রঞ্জন মজুমদার সম্বন্ধে দু-একটা প্রশ্ন করব।’

‘কলেজে রঞ্জন আমার ইন্টিমেট বন্ধু ছিল। আমরা দুজনে এক বেঁধে বসতাম, একসঙ্গে সিনেমা দেখতাম। ও আমার হয়ে প্রাঞ্জি দিত, আমি ওর হয়ে দিতাম। অবিশ্য এখন আর কোনও যোগাযোগ নেই।’

‘কীরকম ছেলে ছিলেন তিনি? অর্থাৎ, মানুষ হিসেবে কীরকম?’

জ্যোতির্ময় সেন ভুক্ত কুঁচকে একটু ভাবলেন। তারপর বললেন, ‘একটু খ্যাপাটে গোছের। অবিশ্য সেটা আমি মাইন্ড করতাম না।’

‘খ্যাপাটে কেন বলছেন?’

‘কারণ ওই বয়সে অত স্ট্রং ন্যাশনালিস্ট ফিলিং আমি কারুর মধ্যে দেখিনি। এটা মনে হয় ওর ঠাকুরদাদার কাছ থেকে পাওয়া। রঘুনাথ মজুমদার। ইয়াং বয়সে টেরেরিস্ট দলে ছিলেন, বোমা-টোমা তৈরি করতেন। রঞ্জনের বাবার মধ্যেও বোধহয় এ জিনিসটা ছিল। বিলেতে ডাঙ্গারি করতেন। কোন এক সাহেবের সঙ্গে বনেনি বলে আবার দেশে ফিরে আসেন।’

‘বিলেতে থাকার সময় রঞ্জনবাবু তো ওখানকার স্কুলে পড়তেন।’

‘তা পড়ত হয়তো, কিন্তু সে সম্বন্ধে ও নিজে কিছুই বলেনি। ওর তো ওখানে একটা বিশ্রী অ্যাসিডেন্ট হয়—সে বিষয় জানেন বোধহয়?’

‘হ্যাঁ। উনি নিজেই বলেছিলেন।’

‘তার ফলে ও পাঁচ-সাত বছরের ঘটনা একদম ভুলে যায়। অর্থাৎ বিলেতের সব ঘটনাই ওর মন থেকে লোপ পেয়ে যায়।’

‘তা হলে ওখানে কার সঙ্গে পরিচয় হয়েছিল না—হয়েছিল সেটাও জানবার কোনও উপায় নেই?’

‘না। যদি না ঘটনাচক্রে স্মৃতি আবার ফিরে আসে। তবে এটা বলে রাখি—রঞ্জন খুব সাধারণ ছেলে ছিল না। অসুখে ওর কী ক্ষতি করেছিল জানি না—বা ইংল্যান্ডের ছাত্র অবস্থা ওর কীরকমভাবে কেটেছে জানি না, কিন্তু ওর মধ্যে একটা ব্যক্তিত্ব ছিল যেটা ওই বয়সেও বোঝা যেত।’

পরদিন সকালে টেলিফোনে অ্যাপয়েন্টমেন্ট করে আমি আর ফেলুদা রঞ্জন মজুমদারের বাড়ি গেলাম। ‘কদ্দুর এগোলেন?’ ভদ্রলোক জিজ্ঞেস করলেন।

‘এই ছেলেটি যে কলকাতায় আপনার সহপাঠী ছিল না সেটা জানতে পেরেছি। এবার একটা স্টেপ নেব ভাবছি যেটা নিয়ে আপনার সঙ্গে আলোচনা করতে চাই এবং আপনার অনুমতি চাই।’

‘কী স্টেপ?’

‘এই ছবি থেকে আচেনা ছেলের ছবিটা খবরের কাগজে ছাপতে চাই—একটা বিজ্ঞাপনে।
কলকাতা আর দিল্লির কাগজে দিলেই হবে।’

ভদ্রলোক একটু ভেবে বললেন, ‘আমার নামের কোনও উল্লেখ থাকবে না তো ?’

‘মোটেই না,’ বলল ফেলুদা। ‘আমি শুধু জানতে চাই এই ছেলের পরিচয় কেউ জানে কি না।
যদি জানে তা হলে আমার সঙ্গে যেন যোগাযোগ করে। আমার নাম-ঠিকানা থাকবে।’

‘ঠিক আছে। আপনার ইনভেস্টিগেশনের জন্য যা যা করার দরকার সে তো আপনাকে
করতেই হবে। আমার কোনও আপত্তি নেই।’

৩

পাঁচ দিন পরে রাবিবারে কলকাতা আর দিল্লির স্টেটসম্যানে বিজ্ঞাপনটা বেরোল।

প্রথম দিন কোনও ফলাফল নেই, কেউ যোগাযোগ করল না।

‘বোঝাই যাচ্ছে কলকাতার কেউ নয়; তা হলে এর মধ্যে টেলিফোন এসে যেত’, বলল
ফেলুদা।

বুধবার সকালে ফেলুদার একটা ফোন এল। প্র্যাণ্ড হোটেল থেকে। জন ডেক্সট্র বলে
একজন টুরিস্ট। তিনি একটা অস্টেলিয়ান দলের সঙ্গে ভারতবর্ষ ভ্রমণে বেরিয়েছেন, দিল্লিতে
এসে আচমকা কাগজে ছবিটা দেখেই স্থির করেছিলেন কলকাতায় এসে ফেলুদার সঙ্গে
যোগাযোগ করবেন। বললেন আজই বিকেলে কাঠমাণু চলে যাচ্ছেন, দুপুর একটা নাগাত
আমাদের বাড়ি আসতে পারেন।

ফেলুদা অবশ্যই হ্যাঁ বলল। সে বেশ উত্সুকি। বিজ্ঞাপনের যে কোনও ফল হবে সেটা ও
আশা করেনি।

একটার কাছাকাছি একটা ট্যাক্সি এসে আমাদের বাড়ির সামনে দাঁড়াল। ফেলুদা দরজা
খুলল। ট্যাক্সি থেকে নেমে এক বছর পঞ্চাশের সাহেব ফেলুদার দিকে এগিয়ে এল।

‘মিস্টার মিটার?’

‘ইয়েস—প্রিজ কাম ইন।’

ভদ্রলোক ভিতরে এসে ঢুকলেন। গায়ের চামড়া রোদে পুড়ে একটা বাদামি রঙে এসে
দাঁড়িয়েছে। বোঝাই যায় ভদ্রলোক বেশ কিছু দিন হল ভারত দর্শন করে বেড়াচ্ছেন।

ভদ্রলোক বসার পরে ফেলুদা জিজ্ঞেস করল, ‘আপনি কাগজের ছবিটা দেখেছেন ?’

‘সেটা দেখেছি বলেই তো আসছি। অ্যান্দিন পরে আমার খুড়তুতো ভাই পিটার ডেক্সট্রের
ছবি কাগজের বিজ্ঞপনে দেখে অবাক লাগল।’

‘এ বিষয়ে আপনি নিশ্চিত যে এটা আপনার খুড়তুতো ভাইয়ের ছবি ?’

‘হ্যাঁ, তাতে কোনও সন্দেহ নেই। তবে আমি খুব অল্প বয়সে অস্টেলিয়া চলে যাই। তারপরে
আর পিটারের খবর রাখিনি। ইন ফ্যাট, আমার ফ্যামিলির সঙ্গেও আমার যোগাযোগ বিছিন্ন
হয়ে যায়। তাই ওরা এখন কে কী অবস্থায় আছে তা বলতে পারব না। এইচুকু মনে আছে যে
পিটারের বাবা—আমার কাকা—মাইকেল ডেক্সট্র ইন্ডিয়ান আর্মির ছিলেন। আমার মনে হয়
ইনডিপেন্ডেন্সের পরে উনি আবার দেশে ফিরে যান।’

‘পিটারই কি ওঁর একমাত্র ছেলে ছিল ?’

‘ওঃ নো ! সবসুবি সাতজন সন্তান ছিল মাইকেল ডেক্সট্রের। পিটার ছিল ষষ্ঠ। বড় ছেলে
জর্জও ইন্ডিয়ান আর্মির ছিল।’

‘মাইকেল ডেক্সট্র বিলেতে কোথায় থাকতেন ?’



‘কাউন্টিটা মনে আছে। নরফোক। শহরের নাম মনে নেই।’

‘এতেও অনেক কাজ হল।’

জন ডেক্সটার উঠে পড়লেন। তাঁকে হোটেলে গিয়ে লাঞ্ছ খেতে হবে—তাঁর দলের লোক সব অপেক্ষা করছে। ফেলুদা ভদ্রলোককে আবার ধন্যবাদ জানিয়ে ট্যাঙ্গিতে তুলে দিল।

পরদিন আবার অ্যাপয়েন্টমেন্ট করে আমরা রঞ্জন মজুমদারের বাড়ি গিয়ে হাজির হলাম।

‘বিজ্ঞাপনের কোনও ফল পেলেন?’ ভদ্রলোক জিজ্ঞেস করলেন।

‘সেইটে জানাতেই আপনার কাছে আসা’, বলল ফেলুদা। ‘ছেলেটি বিটিশ, নাম পিটার ডেক্সটার।’

‘কী করে জানলেন?’

ফেলুদা জন ডেক্সটারের ঘটনাটা বলল।

রঞ্জনবাবু কেমন যেন অন্যমনস্ক হয়ে গেলেন। তারপর বিড়বিড় করে দুবার বললেন, ‘পিটার ডেক্সটার...পিটার ডেক্সটার...’

‘কিছু মনে পড়ছে কি?’ ফেলুদা জিজ্ঞেস করল।

‘আবছা আবছা। একটা দুর্ঘটনা...না, এই শৃতির ওপর নির্ভর করা চলে না।’

‘আপনি যে-সময়ের কথা ভুলে গেছেন, সেই সময়ের ঘটনা কি মাঝে মাঝে মনে পড়ে যায়?’

‘যা মনে পড়ে সেটা সত্যি কি না কী করে বিচার করব? এমন তো কেউ নেই যাকে জিজ্ঞেস করে যাচাই করতে পারি। বাবা-মা দুজনেই মারা গেছেন। আমার বিলেতের ঘটনা ওঁরাই জানতেন।’

‘একটা জিনিস বোধহয় বুঝতে পারছেন, যে কলকাতায় বসে এই পিটার ডেক্সটার সমষ্টি আর কিছু জানা যাবে না।’

‘হ্যাঁ...হ্যাঁ... তা তো বুঝতেই পারছি...’

ভদ্রলোক আবার অন্যমনস্ক।

‘না কি ব্যাপারটা এখানেই ইতি দেবেন?’ ফেলুদা জিজ্ঞেস করল।

ভদ্রলোক হঠাতে যেন সজাগ হয়ে উঠলেন।

‘মোটেই না—মোটেই না।’ হাঁচুতে চাপড় মেরে বললেন রঞ্জন মজুমদার। ‘সে কোথায় আছে, কী করছে, আমাকে মনে আছে কি না—সব আমি জানতে চাই। আপনি কবে যেতে পারবেন?’

হঠাৎ এই প্রশ্নে যেন ফেলুদা একটু হকচকিয়ে গেল। বলল, ‘কোথায়?’

‘লন্ডন—আবার কোথায়? লন্ডন তো আপনাকে যেতেই হবে।’

‘হ্যাঁ, সেটা বুঝতে পারছি।’

‘কবে যাবেন?’

‘আমার তো অন্য কোনও কাজ নেই। এটাই একমাত্র কেস।’

‘আপনাদের পাসপোর্ট-টাসপোর্ট হয়ে গেছে?’

‘হ্যাঁ। আমরা কয়েক বছর আগে হংকং যাই; তখনই করিয়ে নিয়েছিলাম।’

‘তা হলে আর কী—বেরিয়ে পড়ুন। আমি টিকিটের ব্যবস্থা করছি।’

‘আমাদের সঙ্গে এক বন্ধু যাবেন—নিজের খরচে অবশ্য।’

‘ঠিক আছে—তাঁর নাম আমার সেক্রেটারি পশ্চপতিকে দিয়ে দেবেন। পশ্চপতিই আমার ট্র্যাভল এজেন্টের খু দিয়ে আপনাদের যাবার এবং ওখানে থাকার সব ব্যবস্থা করে দেবে। তা ছাড়া ফরেন এক্সচেঞ্জের ব্যাপারটা তো আছে; সেটাও ও করে দেবে।’

‘ওখানে কদিন থাকা?’

রঞ্জনবাবু একটু ভেবে বললেন, ‘সাত দিনে যদি হল তো হল, না হলে চলে আসবেন। আমি রিটার্ন বুকিংটাও সেইভাবেই করব।’

‘আমি যদি সাকসেসফুল না হই, তা হলে কিন্তু আপনার কাছ থেকে টাকা নিতে প্রস্তুত নই।’

‘আপনি কোনও কেসে বিফল হয়েছেন?’

‘তা হইনি।’

‘তা হলে এটাতেও হবেন না।’

‘ইউ, কে?’

লালমোহনবাবুর চোখ ছানাবড়া হয়ে গেল। ফেলুদা ভদ্রলোককে কলকাতার ঘটনা সব বলে দিয়ে তারপর লন্ডনের ব্যাপারটা বলল। ভদ্রলোক এটার জন্য একেবারেই তৈরি ছিলেন না।

‘আপনি গেলে কিন্তু আপনার নিজের খরচে যেতে হবে। আমাদের খরচ মিস্টার মজুমদার দিচ্ছেন।’

‘কুছ পরোয়া নেই। খরচের ভয় আমাকে দেখাবেন না, মিস্টার হোমস। আপনার পসার বেড়েছে ঠিকই, কিন্তু এখনও আমার রোজগার আপনার চেয়ে বেশি। শুধু বলে দিন কী করতে হবে।’

‘দিন সাতেকের মতো গরম কাপড় নেবেন। পাসপোর্টটা হারাননি তো?’

‘নো স্যার—কেয়ারফুলি কেপট ইন মাই অ্যালমাইরা।’

‘তা হলে আর আপনার করণীয় কিছু নেই। যাবার তারিখটা যথাসময়ে জানতে পারবেন। যদ্দূর মনে হয়—এখান থেকে বস্বে, বস্বে থেকে লন্ডন।’

‘ওখানে থাকছি কোথায়?’

‘সেটা রঞ্জনবাবুর ট্র্যাভেল এজেন্ট ব্যবস্থা করবে। একটা প্রিস্টার হোটেল হবে আর কী।’

‘হোয়াই ওনলি প্রিস্টারস?’

‘তার চেয়ে বেশি চড়তে গেলে মজুমদার মশায়ের পকেট ফাঁক হয়ে যাবে। লন্ডনের খরচ সহক্ষে কোনও ধারণা আছে আপনার?’

‘তা অবিশ্য নেই। তবে একটা কথা বলে রাখি—গড়পারে এক ভদ্রলোক থাকেন, আমার খুব চেন। চন্দ্রশেখর বোস। ব্যবসাদার। বছরে দুবার করে বিলেত যান। তাঁর কাছ থেকে কিছু ডলার ম্যানেজ করব—কী বলেন?’

‘ব্যাপারটা কিন্তু বেআইনি। অতএব নীতিবিহুন্দা।’

‘আরে মশাই আপনি অত সাধুগিরি করবেন না তো। আজকাল নীতির ডেফিনিশন চেঙে করে গেছে।’

‘ঠিক আছে। অনিষ্ট সঙ্গেও আপনার কারচুপিতে সায় দিচ্ছি।’

আমাদের মঙ্গলবার এয়ার ইভিয়াতে যাওয়া ঠিক হল। প্রেন ছাড়বে রাত তিনটোয়, তারপর বস্বে হয়ে লন্ডন পৌছাবে মঙ্গলবার সকাল সাড়ে এগারোটায়। হোটেলের বুকিং-ও হয়ে গেছে—পিকাডিলি সার্কাসে রিজেন্ট প্যালেস। ফেলুদা বলল, ‘খুব ভাল লোকেশন। একেবারে শহরের মাঝখানে।’ ফেলুদা ক'দিন থেকে লন্ডন সংক্রান্ত গাইড বুকে দুবে আছে, খুঁটিয়ে খুঁটিয়ে শহরের ম্যাপ দেখছে।

যাবার আগের দিন মিস্টার মজুমদারকে ফোন করা হল। মিনিট দুয়েক কথা বলে ফোন নামিয়ে রেখে ফেলুদা বলল, ‘জানতে চেয়েছিলাম ওঁর বাবা কোনও হাসপাতালের সঙ্গে যুক্ত ছিলেন কি না। বললেন ওঁর মনে নেই। ওঁরা কোথায় থাকতেন জিজ্ঞেস করাতেও একই উন্নত পেলাম। বললেন ওঁর বাবা ওঁকে বলেছিলেন কিন্তু এখন আর মনে নেই। আমার মনে হয় অ্যাকসিডেন্টটা ওঁর স্মৃতিশক্তিকেই দুর্বল করে দিয়েছে। লন্ডনে আমার কলেজের এক সহপাঠী আছে, সে-ও ডাক্তার। দেখব ওর কাছ থেকে কোনও খবর পাওয়া যায় কি না।’

দেখতে দেখতে যাবার দিন চলে এল। ফেলুদার দৌলতে কত জায়গাই না দেখলাম, কিন্তু লন্ডন যাওয়া হবে এটা কোনওদিন স্বপ্নেও ভাবিনি। লালমোহনবাবু বললেন, ‘বিলেত আজকাল রাম শ্যাম যদু মধু সকলেই যাচ্ছে, সেই ভেবে মনটাকে একটু ঠাণ্ডা রাখার চেষ্টা করছিলাম—ও

মা, কাল রাত্তিরে দেখি পালস রেট বেড়ে একশো দশে উঠেছে। এমনিতে আশির বেশি কদাচিং
ওঠে।’

এখানে বলে রাখি, লালমোহনবাবু তাঁর গড়পারের বন্ধুর কাছ থেকে বেশ কিছু ডলার
ম্যানেজ করেছেন।

ফেলুদাকে ক'দিন থেকে একটু চুপচাপ দেখছি, যদিও কাজ যা করার সবই করছে। কেসটা
যে সহজ নয় সেটাই বোধহয় মাথার মধ্যে ঘুরছে। আমি তো কল্পনাই করতে পারছি না ও
কীভাবে এগোবে। তথ্য এত কম। তার ওপরে রঞ্জনবাবুর স্মৃতিলোপ। যে কটা বছর ওই
ছেলেটির সঙ্গে ওঁর বন্ধুত্ব ছিল, সেই কটা বছরের কথাই উনি ভুলে বসে আছেন।
লালমোহনবাবু সোজাসুজি বললেন, ‘আপনি অনেক রহস্যের সমাধান করেছেন, কিন্তু এটার
মতো কঠিন কেস আর কখনও আপনার হাতে এসেছে বলে তো মনে হয় না। আপনি যে কেসটা
কেন নিলেন তা বুঝতে পারছি না।’

‘এটা নিলাম বলেই কিন্তু আপনার বিলেত যাওয়া হচ্ছে।’

‘তা বটে, তা বটে।’

যাবার দিন এবং তারপর যাবার সময়ও এসে পড়ল। লালমোহনবাবুর গাড়িতেই এয়ারপোর্ট
গেলাম। ভদ্রলোক পুরোদস্ত্র সাহেব সেজেছেন। এই টাইটা আগে দেখিনি, বুঝলাম নতুন
কিনেছেন।

কাস্টমসের ঝামেলা এখানেই চুকিয়ে দিয়ে বস্বে পৌঁছে লাগেজ জমা দিয়ে লাউঞ্জে কিছুটা
সময় অপেক্ষা করে, লাউডস্পিকারের ঘোষণা শুনে আমরা প্লেনে গিয়ে উঠলাম। আশর্য—
এখন বিছানায় শুয়ে ঘুমোনোর কথা, কিন্তু যাবার উত্তেজনায় একটুও ঘুম পাচ্ছে না।
লালমোহনবাবু নাকি দুপুরে এক দফা ঘুমিয়ে নিয়েছেন, তাই বললেন প্লেনে আর ঘুমোনোর
দরকার হবে না। ভদ্রলোক নিজের জায়গায় বসে বেল্ট বেঁধে বললেন, ‘সেই পঞ্চলালের গম্ভী
পড়েছিলাম না—তিমি মাছের পেটে চুকেছিল পঞ্চ—এও যেন সেই তিমি মাছের পেট। এত
লোক সমেত প্লেনটা মাটি থেকে ওঠে কী করে সেটাই আশর্য।’

সেই আশর্য ঘটনাটাও ঘটে গেল। রানওয়ে দিয়ে যখন প্লেন কান-ফাটানো শব্দ করে ছুটে
চলেছে, লালমোহনবাবুর চোখ তখন বন্ধ। ঠোঁটা একবার নড়ে উঠল, আর বুঝলাম যে উনি
বললেন ‘দুশ্মা দুশ্মা’, আর সেই মুহূর্তে প্লেনটা জমি ছেড়ে আকাশে উঠে পড়ল, জানালা দিয়ে
দেখলাম বহের আলো দ্রুত দূরে সরে যাচ্ছে। তারপর প্লেনটা ক্রমে নাক উঁচু অবস্থা থেকে
সোজা হল, শব্দ কমে গেল, আর লাউডস্পিকারে এয়ার হোস্টেসকে বলতে শোনা গেল আমরা
এখন বেল্ট খুলতে পারি, তবে আলগা করে পরে থাকাই ভাল। তারপর এক দিকে একজন
হেলে আর অন্য দিকে একজন মেয়ে দাঁড়িয়ে লাইফ জ্যাকেট আর অঙ্গিজেনের ব্যাপারটা
বুঝিয়ে দিল।

আমরা নন-শ্মোকিং এরিয়াতে বসেছি। ফেলুদা সিগারেট খায় বটে, কিন্তু দরকার পড়লে
অন্যায়ে দশ-বারো ঘণ্টা না খেয়ে থাকতে পারে। ‘সিনেমা দেখাবে না?’ লালমোহনবাবু
জিজ্ঞেস করলেন। আমি বললাম, ‘সচরাচর তো দেখায় বলেই শুনেছি।’

সিনেমা দেখাল ঠিকই, সেই সঙ্গে কথা শোনার জন্য একটা করে হেডফোন দিল, কিন্তু এত
বাজে ছবি যে আমি দশ মিনিট দেখে হেডফোন খুলে রেখে ঘুম দিলাম।

ঘুমটা যখন ভাঙল তখন জানালা দিয়ে রোদ আসছে। ফেলুদাও বলল ও ঘণ্টা দুয়েক ঘুমিয়ে
নিয়েছে। কেবল লালমোহনবাবুই নাকি একটানা জেগে আছেন। বললেন, ‘হোটেলে ঘুমিয়ে
পুরিয়ে নেব।’

বরফে ঢাকা আলপসের উপর দিয়ে প্লেনটা না উড়ে গেলে প্রায় কিছুই দেখার থাকত না।

পাহাড়টার নাম জেনে লালমোহনবাবু জিজ্ঞেস করলেন, ‘আমরা কি মন্ট ব্ল্যাক্স দেখতে পাব?’ ফেলুদা বলল, ‘তা পাব, তবে মন্ট ব্ল্যাক্স নয়, লালমোহনবাবু। এখন ইউরোপে এসেছেন, এখানকার দ্রষ্টব্যগুলোর নামের উচ্চারণ ঠিক করে করতে শিখুন। ওটা হল ম ঝাঁ।’

‘তার মানে অনেকগুলো অক্ষরের কোনও উচ্চারণই নেই?’

‘ফরাসিতে সেটা খুব স্বাভাবিক।’

লালমোহনবাবু বেশ কয়েকবার ম ঝাঁ ম ঝাঁ বলে নিলেন।

‘আর আমাদের হোটেল যেখানে,’ বলল ফেলুদা, ‘সেটা বানান দেখে পিকাডিলি বলতে ইচ্ছা করলেও আপনি যদি পিক্লি বলেন তা হলে ওখানকার সাধারণ লোকে বুঝবে আরও সহজে। পিক্লি সার্কাস।’

‘পিক্লি সার্কাস। য্যাক্ষ ইউ।’

আধ ঘণ্টা লেটে আমাদের প্লেন লন্ডনের হিথরো এয়ারপোর্টে পৌঁছে গেল। ফেলুদা বলল, ‘এখন থেকে সেন্ট্রাল লন্ডন তিনিরকমে যাওয়া যায়। এক হল বাস, দুই হল ট্যাক্সি আর তিনি টিউব। ট্যাক্সিতে দেদার খরচা, আর বাসের চেয়ে টিউবে কম সময় লাগে। আমার ম্যাপ বলছে একেবারে পিকাডিলি সার্কাস পর্যন্ত টিউব যায়, কাজেই তাতেই যাওয়া ভাল।’

‘টিউবটা কী ব্যাপার মশাই?’ লালমোহনবাবু জিজ্ঞেস করলেন।

‘টিউব হল কলকাতায় আমরা যাকে মেট্রো বলি, সেই। অর্থাৎ পাতাল রেল। লন্ডনের নীচে দিয়ে কিলাবিল করে ছড়ানো রয়েছে এই টিউবের লাইন। একবার বুবো নিলে টিউবে যাতায়াতের মতো সহজ জিনিস আর নেই। ম্যাপ পাওয়া যায়; একটা আপনাকে এনে দেব।’

৫

আমাদের হোটেলটা বেশ বড় আর পরিচ্ছন্ন, অথচ ভাড়া খুব বেশি নয়। ‘ট্র্যাভেল এজেন্ট ভালই চয়েস করেছিল মশাই,’ বললেন লালমোহনবাবু। টিউব থেকে বেরিয়ে শহরের চেহারা দেখে প্রথমে ভদ্রলোকের মুখ দিয়ে কথাই বেরোচ্ছিল না। শেষে বললেন, ‘আচ্ছা মশাই, আমাদেরও লাল ডবল ডেকার, আর এখানেও দেখছি লাল ডবল ডেকার, এগুলো কেমন ছিমছাম, আর আমাদেরগুলো এমন ছিবড়ে চেহারা কেন বলুন তো?’

লাক্ষ্ম হোটেলে সেরে ফেলুদা বলল, ‘তোরা যদি খুব টায়ার্ড না বোধ করিস তা হলে একবার অক্সফোর্ড স্ট্রিটটা ঘূরে দেখে আয়। ব্যন্ত লন্ডনের এমন চেহারা আর কোথাও পাবি না।’

‘আর তুমি কী করবে?’

‘বলছিলাম না—আমার এক কলেজের বন্ধু—বিকাশ দত্ত—এখানে ডাক্তার। তাকে একবার ফোন করে জানিয়ে দিই আমি এসেছি, আর দেখি যদি ও কোনও ইনফরমেশন দিতে পারে।’

আমরা অবিশ্যি তেমন কিছু ক্লান্ত হইনি, তাই বেরোনোই স্থির করলাম।

ফোন করে তার বন্ধুকে পেয়ে গেল ফেলুদা। মিনিটখানেক কথা বলে ফোন রেখে বলল, ‘বিকাশ আমার গলা শুনে একেবারে থ। একটা মামলা যে কোনওদিন আমাকে লন্ডনে এনে ফেলবে সেটা ও ভাবতেই পারেনি। তা ছাড়া ওর কাছ থেকে একটা খবরও পাওয়া গেল।’

‘কী খবর?’

‘লন্ডনে এক বৃদ্ধ বাঙালি ডাক্তার আছেন, তিনি নাকি দ্বিতীয় মহাযুদ্ধ শেষ হবার কিছু পরেই এখানে আসেন ডাক্তারির ছাত্র হয়ে। তারপর লন্ডনে প্র্যাকটিস করেন। নাম নিশানাথ সেন। খুব মিশুকে লোক। বিকাশের ধারণা উনি হয়তো রঞ্জনবাবুর বাবাকে চিনতেন। ওঁর চেস্বারের ঠিকানাটা দিয়ে দিল। আমি একবার ভদ্রলোকের সঙ্গে দেখা করে আসি।’

ফেলুনা উঠে পড়ল।

‘অন্ধকারে চিল যদি ছুঁড়তেই হয়, তা হলে সেটা এখনই আরম্ভ করে দেওয়া ভাল।’

আমরা একসঙ্গেই বেরোলাম। ফেলুনা টিউব স্টেশনের দিকে গেল, আমরা ওর কাছ থেকে ডিবেকেশন নিয়ে অক্সফোর্ড স্ট্রিটের দিকে হাঁটা দিলাম।

অস্ট্রেলির মাস, তাই বেশ ঠাণ্ডা। আমরা দুজনেই গলায় মাফলার জড়িয়ে নিয়েছি।

পথে অনবরত ভারতীয় চোখে পড়ছে, তাই বোধহয় জটায়ু বললেন, ‘বেশ অ্যাট-হোম ফিল করছি ভাই তপেশ। অবিশ্বি রাস্তায় মসৃণ চেহারা মোটেই হোমের কথা মনে পড়ায় না।’

অক্সফোর্ড স্ট্রিটে পৌঁছে চোখ টেরিয়ে গেল। শুধু যে দোকানের বাহার তা নয়; এরকম ভিড় আর কোনও রাস্তায় কখনও দেখেছি বলে মনে পড়ে না।

‘জনসমুদ্র! ওশন অফ হিউম্যানিটি, তপেশ, ওশন অফ হিউম্যানিটি।’

এই জনসমুদ্রের সঙ্গে তাল রেখে চলতে হচ্ছে, তাই আস্তে হাঁটার উপায় নেই। সমস্ত রাস্তাটাই যেন একটা অবিভাগ ব্যস্ততার ছবি। আর দোকানের কথা কী আর বলব! বলমলে লোভ লাগানো চেহারা নিয়ে পাশাপাশি দাঁড়িয়ে রয়েছে বিশাল বিশাল ডিপার্টমেন্ট স্টোর। নামগুলো পড়ছি—ডোবনহ্যাম, মার্কস অ্যান্ড স্পেনসরস, বুটস, ডি এইচ এভানস...

একটা বড় দোকানের কথা আমি আগেই জানতাম—সেলফিজেস—আর এটাও জানতাম যে সেটা অক্সফোর্ড স্ট্রিটের একেবারে শেষ প্রান্তে। দোকানটা যে এত বড় সেটা আমি ভাবতেই পারিনি। ‘চলুন, একটা জিনিস দেখাই’ বলে লালমোহনবাবুকে হাত ধরে রাস্তা পার করে সেলফিজেসের সামনে এসে দাঁড়ালাম। তারপর ঘূরপাক খাওয়া দরজা দিয়ে দুজনে দোকানের ভিতর চুকলাম। আমাদের মুখ হাঁ হয়ে গেল। রাজ্যের সবরকম জিনিস এই এক দোকানে পাওয়া যায়, তাই ক্রেতাদের ভিড়ও দেখিবার মতো। সেই ভিড়ের চাপে এদিকে ওদিকে টলছি, এক পা এগোছি তো দু পা পেছোছি। জটায়ু যাতে হারিয়ে না যান তাই তাঁর হাতটা চেপে ধরে আছি।

‘যানুষেরও যে ট্যাফিক জ্যাম হয় তা এই প্রথম দেখলাম,’ বললেন ভদ্রলোক।

খানিক দূর এগিয়ে একটা মোটামুটি কম ভিড়ের জায়গায় পৌঁছলাম।

‘এমন জায়গায় এসে কিছু না কিনে ফিরে যাব? বললেন লালমোহনবাবু।

‘কী কিনতে চাইছেন আপনি?’

‘চারিদিকে তো দেখছি কলম পেনসিল নোটবুকের সভার। একটা মাঝারি দামের ফাউটেন পেনও যদি কিনতে পারতাম। সামনের উপন্যাসটা লেন্ডনে কেনা কলমে লিখতে পারলে...’

‘বেশ তো, আপনি দেখে বেছে নিন।’

মিনিট পাঁচেক দেখার পর ভদ্রলোক একটা মনের মতো কলম খুঁজে পেলেন। ‘প্রি পাউডস থার্টি পেল। তার মানে আমাদের দেশের হিসেবে কত হল?’

‘তা প্রায় পাঁচত্বাংক টাকা।’

‘গুড়। এই জিনিসের কলকাতায় দাম হত দুশো।’


‘আর কী—পেমেন্ট করে দিন।’

‘কী বলব বলো তো? মানে, প্রথম দিন তো, একটু গাইডেস না পেলে...’

‘আপনাকে কিছুই বলতে হবে না। কলমটা নিয়ে ক্যাশ কাউন্টারে দিন আর একটা পাঁচ পাউন্ডের নোট দিন। ওরা চেঞ্জ ফেরত দেবে, আর কলমটা ওদের একটা খামে পুরে দেবে। ব্যস্ত, খতম।’

‘তুমি প্রথম দিন এত কী করে জানলে বলো তো?’

‘আমি তো এসে অবধি চতুর্দিকে দেখছি। আপনিও দেখছেন, কিন্তু আপনি অবজার্ভ করছেন



না।'

‘দু মিনিটের মধ্যে তদ্বলোক তার নতুন কেনা কলম নিয়ে হাসতে হাসতে ফিরে এলেন। আমি বললাম, ‘চা খাবেন?’

‘কোথায়?’

‘আমি যত দূর জানি, ওপরে একটা রেস্টোরাণ্ট আছে।’

‘বেশ তো, চলো যাওয়া যাক।’

চলন্ত সিডি দিয়ে ওপরে উঠে গিয়ে চার তলায় খাবার জায়গাটা আবিষ্কার করলাম, আর সেই

সঙ্গে ভাগ্যক্রমে একটা খালি টেবিলও পেয়ে গেলাম।

চা খাওয়া শেষ করে আবার অক্সফোর্ড স্ট্রিটের জনসমুদ্র পেরিয়ে যখন হোটেলে ফিরলাম তখন সাড়ে চারটা বেজে গেছে। ঘরে গিয়ে দেখি ফেলুদা হাজির।

‘বিলেত ব্যাপারটা কী তার কিছু আন্দাজ পেলেন?’

লালমোহনবাবুকে জিজ্ঞেস করল ফেলুদা।

‘কেমন লাগল বলার ভাষা থুঁজে পাচ্ছি না।’

‘কেন, আপনার বই পড়ে তো মনে হয় আপনার বিশেষদের স্টক অফুরন্ট।’

‘বাংলায় বোঝাতে পারব না। বলতে হয় সুপার-সেন্সেশন্যাল। এখনও মাথা ভোঁ ভোঁ করছে। বিশ্রী দেটানার মধ্যে পড়ে গেছি।’

‘কেন?’

‘লস্টন দেখব, না আপনার তদন্তের প্রোগ্রেস দেখব।’

‘তদন্ত তো সবে শুরু। তেমন জমে উঠলে আমি নিজে থেকেই বলব। আপাতত লস্টন দেখে নিন।’

‘সেই ডাক্তারের সঙ্গে দেখা হল?’ আমি জিজ্ঞেস করলাম।

‘হল, তবে কথা প্রায় কিছুই হল না। ভদ্রলোক ঝণি নিয়ে ব্যস্ত ছিলেন। কাল সকালে ওঁর বাড়ি যেতে বলেছেন। রিচমন্ড থাকেন।’

‘সেটা কোথায়?’

‘পিকাডিলি আভারগ্রাউন্ড থেকে বওনা হয়ে সাউথ কেন্সিংটনে চেঙ্গ করে গ্রিন লাইন ধরে সোজা রিচমন্ড। এ ধরনের জায়গাও তো দেখা দরকার। ভদ্রলোক স্টেশনের বাইরে গাড়ি নিয়ে অপেক্ষা করবেন আয়াদের জন্য। বেশ অমায়িক লোক। রঞ্জনবাবুর বাবাকে চিনতেন এটুকু জেনেছি।’

হোটেলের ঘরে ঘরে টেলিভিশন, তাই দেখেই সন্ধেটা দিব্যি কেটে গেল। তাড়াতাড়ি ডিনার সেরে শুয়ে পড়লাম, আর বালিশে মাথা রাখতেই চোখ ঘুমে চুলে এল।

৬

পরদিন সকালে উঠে দেখি আকাশ মেঘলা, টিপ টিপ করে বৃষ্টি পড়ছে। আমার একটা ওয়াটারপ্রুফ জ্যাকেট ছিল, সেটা গায়ে চাপিয়ে নিলাম। ফেলুদা আর লালমোহনবাবু দুজনেই ম্যাকিনটশ চাপিয়েছে।

ব্রেকফাস্ট সেরে হোটেলের বাইরে বেরিয়ে ফেলুদা বলল, ‘মিস্টার জটায়ু, আপনাকে বলে রাখি যে এটাই হল লস্টনের স্বাভাবিক চেহারা। কাল যে খটখটে দিন আর ঝলমলে রোদ পেয়েছিলেন, সেটা হচ্ছে ব্যতিক্রম।’

‘এখানে কলকাতার মতো জল জমে না নিশ্চয়ই।’

‘তা জমে না। আর খুব যে মুশলধারে বৃষ্টি হয় তাও নয়।’

আভারগ্রাউন্ডে দেখি সকলেরই তাড়া, কেউ আস্তে হাঁটছে না। আমরাও তার সঙ্গে তাল মিলিয়ে চললাম।

‘এই স্পিডটা দেখছি ছোঁয়াচে’, বললেন লালমোহনবাবু। ‘কলকাতায় এমন রুদ্রশাসে হাঁটবার কথা কল্পনাই করতে পারি না।’

চেঙ্গ করার সময়ও সেই একই তাড়া। এক লাইন থেকে আরেক লাইনে যেতে হচ্ছে, মিনিটে ট্রেন আসছে যাচ্ছে, সময় যাতে নষ্ট না হয় তার জন্য লোকে উঠে পড়ে লেগেছে।

রিচমন্ড পৌছলাম এগারোটা বেজে পাঁচে। নিশানাথবাবু বলে দিয়েছিলেন হাতে কত সময় রাখতে হবে, তাই কোনও অসুবিধা হল না।

স্টেশনের বাইরে বেরোতেই একজন ষাট-বাষটি বছরের সৌম্যদর্শন ভদ্রলোক হাসিমুখে ফেলুদার দিকে এগিয়ে এলেন। এখানে বৃষ্টি হচ্ছে না, যদিও আকাশে মেঘ।

‘ওয়েলকাম টু রিচমন্ড।’

ফেলুদা ভদ্রলোককে সম্ভাষণ জানিয়ে আমাদের দুজনের পরিচয় দিয়ে দিল।

‘আপনি রাইটার?’ লালমোহনবাবুকে জিজ্ঞেস করলেন ভদ্রলোক। ‘কতকাল যে বাংলা বই পড়িনি তার হিসেব নেই।’

‘আপনি দেশে যান না মাঝে মাঝে?’ লালমোহনবাবু জিজ্ঞেস করলেন।

‘লাস্ট গেছি সেভেনটি খ্রিতে। তারপর আর না। কার জন্মেই বা যাব বলুন। আমার পুরো ফ্যামিলি তো এখানে। আমার বাড়িতে অবিশ্য আমি আর আমার স্ত্রী ছাড়া কেউ থাকে না, কিন্তু ছড়িয়ে ছিটিয়ে এই ইংল্যান্ডেই রয়েছে আমার দুই ছেলে, দুই মেয়ে, নাতি-নাতনি।’

ভদ্রলোকের গাড়িটা একটু দূরে পার্ক করা ছিল; বললেন, ‘এখানে তবু কম; লন্ডনে গাড়ি পার্কিং হচ্ছে একটা বিরাট সমস্যা। আপনি হয়তো সিনেমা যাবেন, গাড়ি পার্ক করতে হবে সিনেমা হাউস থেকে আধ মাইল দূরে।’

আমরা গাড়িতে উঠলাম। ভদ্রলোক নিজেই ড্রাইভ করেন, ফেলুদা ওঁর পাশে বসে স্ট্র্যাপ লাগিয়ে নিল। ব্যাপারটা দেখে একটু অবাক হয়ে লালমোহনবাবু আমার দিকে চাহতে বললাম, ‘এখানে গাড়িতে সামনের সিটে বসলে স্ট্র্যাপ লাগানো নিয়ম।’

‘কেন?’

‘যাতে অ্যাক্সিডেন্ট হলে লোকে মুখ থুবড়ে না পড়ে।’

নিশানাথবাবু গাড়ি চালু করে দিয়ে বললেন, ‘আমার বাড়ি এখান থেকে দেড় মাইল। এখানে এখনও মাইল চলে। দেশে তো কিলোমিটার, কিলোগ্রাম হয়ে গেছে, তাই না?’

রিচমন্ড যে খুব ছোট জায়গা তা মনে হল না, কারণ দোকানপাট সবই রয়েছে। অক্সফোর্ড স্ট্রিটে যে সব দোকানের নাম দেখেছিলাম, তার কিছু কিছু এখানেও দেখলাম।

নিশানাথ সেনের বাড়ি একটা সুন্দর নিরিবিলি জায়গায়, চারিদিকে গাছপালা, গাছের পাতায় শরৎকালের হলদে আর বাদামি রং। দোতলা বাড়িটাও সুন্দর, সামনের বাগানে ফুল—একেবারে পোস্টকার্ডের ছবি।

আমরা একতলায় বসবার ঘরে বসলাম। আজ বেশ ঠাণ্ডা আর স্যাঁতসেঁতে, তাই ফায়ার প্লেসে আগুন জুলছে।

আমরা বসার প্রায় সঙ্গে সঙ্গেই একজন বয়স্ক মেমসাহেব এসে ঢুকলেন, মুখে হাসি।

‘আমার স্ত্রী এমিলি’, বললেন নিশানাথবাবু। আমরা নিজেরাই নিজেদের পরিচয় দিয়ে দিলাম।

‘আপনাদের জন্য একটু কফি করি?’ মহিলা জিজ্ঞেস করলেন। ফেলুদা সশ্রান্তি জানিয়ে ধন্যবাদ দিয়ে দিল। এবার নিশানাথবাবুও ফেলুদার সামনে একটা কাউচে বসে বললেন, ‘কী জানতে চান বলুন।’

‘আপনি কাল বলছিলেন রঞ্জন মজুমদারের বাবাকে চিনতেন। আমি রঞ্জন মজুমদার সম্বন্ধে কিছু তথ্য সংগ্রহ করছি।’

‘রঞ্জনের বাপ রঞ্জনী আর আমি প্রায় একই সঙ্গে ফটি এইটে বিলেতে আসি। ও আমার চেয়ে যোল-সতেরো বছরের বড় ছিল। আলাপটা হয় পরে। তত দিনে আমি এডিনবরায় ডাক্তারি পাশ করে লন্ডনে প্র্যাকটিস শুরু করেছি, আর রঞ্জনী মজুমদার সেন্ট মেরিজ হাসপাতালের



সঙ্গে অ্যাটাচড রয়েছেন। একটা থিয়েটারে আমাদের পাশাপাশি সিট পড়েছিল। কী নাটক তাও
মনে আছে—মেজের বারবার। ইন্টারমিশনে পরস্পরের সঙ্গে পরিচয় হয়। ওর সঙ্গে ওর স্ত্রীও
ছিলেন। ও থাকত গোল্ডার্স গ্রিনে, আর আমি—তখনও আমার বিয়ে হয়নি—হ্যাম্পস্টেডে।

‘আর ওঁর ছেলে?’

‘ছেলেও এখানে এসে কিছু দিনের মধ্যেই স্কুলে ভর্তি হয়।’

‘কী স্কুল মনে আছে?’

‘আছে বইকী—ওয়ারেনডেল। এপিং-এ। তারপর কেমব্ৰিজে যায়।’

‘কোন কলেজ?’

‘যদূর মনে পড়ে—ত্রিনিটি। সেই সময়ই আমার সঙ্গে রজনী মজুমদারের আলাপ।’

‘কীরকম লোক ছিলেন রজনী মজুমদার?’

নিশানাথবাবু একটু ভেবে বললেন, ‘পিকিউলিয়ার।’

‘কেন—পিকিউলিয়ার বলছেন কেন?’

‘আমার মনে হয় ওদের পুরো ফ্যামিলিটাই একটু অন্তুত ধৰনের ছিল। রজনী মজুমদারের

বাবা রঘুনাথ মজুমদার ইয়াং বয়সে টেররিস্ট ছিলেন, বোমা-টোমা তৈরি করেছেন। পরে উনি নামকরা হার্ট স্পেশালিস্ট হন। তখন আর সাহেবদের ওপর কোনও বিদ্বেষ নেই। এমনকী তিনিই জোর করে রজনীকে বিলেত পাঠান। তাঁর শখ তাঁর নাতি সাহেব ইস্কুলে পড়বে আর ছেলে লভনে প্র্যাকটিস করবে। এরকম কম্পান্টর বড় একটা দেখা যায় না। আর রজনী যে ভাবে দেশে ফিরে গেল সেও অস্তুত। ওর একটা ধারণা ছিল যে ইংরেজরা এখনও ভারতীয়দের ঘৃণার চোখে দেখে। আমি ওকে অনেক বোঝাতে চেষ্টা করেছি যে ব্যাপারটা সত্য নয়। এই বিদ্বেষের দু-একটা আইসোলেটেড ঘটনা হয়তো ঘটে থাকতে পারে, কিন্তু এখানে বহু ভারতীয় ইংরেজদের সঙ্গে একসঙ্গে কাজ করছে, দুই জাতের মধ্যে কোনও ক্ল্যাশ নেই।

‘কিন্তু রজনী মজুমদার আমার কথা মানতে রাজি হয়নি। একটা সামান্য ব্যাপারে—ওরই এক ব্রিটিশ পেশেন্টের একটা কথায়—ও হঠাৎ স্থির করে দেশে ফিরে যাবে।’

‘ততদিনে তো ওঁর ছেলের অ্যাপ্রিলেন্ট ঘটে গেছে?’

‘তা গেছে। সেই ছেলে এখন কী করছে? তার তো পঞ্চাশের ওপর বয়স হওয়া উচিত।’

‘হ্যাঁ। উনি চার্টার্ড অ্যাকাউন্ট্যান্ট।’

‘তার মানে এখনকার পড়াশুনা ওর কোনওই কাজে লাগেনি? কলকাতায় ফিরে গিয়ে নতুন করে পড়াশুনা করতে হয়?’

‘তাই তো মনে হয়। ইয়ে—রঞ্জনের বন্ধুবান্ধব সম্বন্ধে কিছু জানতেন কি?’

‘না। নাথিং অ্যাট অল।’

ইতিমধ্যে কফি এসে গিয়েছিল, আর আমাদের খাওয়াও হয়ে গিয়েছিল, তাই আমরা উঠে পড়লাম। ভদ্রলোক ফেরার পথেই একরকম জোর করেই আমাদের স্টেশনে পৌঁছে দিলেন।

৭

আমরা পরদিন টিউবে করে এপিং গিয়ে পৌছলাম বিকেল সাড়ে তিনটে নাগাদ। স্টেশন থেকে হেঁটে ওয়ারেনডেল স্কুলে পৌঁছতে লাগল কুড়ি মিনিট। বিশাল খেলার মাঠের পিছনে দাঁড়িয়ে আছে স্কুল বিল্ডিং—অস্তত দুশো বছরের পুরনো তো হবেই। ফেলুদার উদ্দেশ্য হল রঞ্জন মজুমদার ওখানে ছাত্র ছিল কি না, এবং পিটার ডেক্টর ওর সঙ্গে পড়ত কি না সেইটে জানা।

ইস্কুলের সদর দরজায় পোর্টার দাঁড়িয়ে আছে, সে জিজ্ঞেস করল আমরা কার সঙ্গে দেখা করতে চাই। ফেলুদা বলল সে চলিশ দশকের শেষ দিকের একজন ছাত্র সম্বন্ধে কিছু তথ্য জানতে চায়। পোর্টার আমাদের একটা লাইব্রেরি জাতীয় হলে চুকিয়ে দিয়ে বলল, ‘মিস্টার ম্যানিং দেয়ার উইল হেল্প ইউ।’

ম্যানিং ভদ্রলোকটি একটা ডেক্সে বসে পুরু কাচের চশমা পরে একটা খাতায় কী জানি নিখচিলেন, ফেলুদা তাঁর কাছাকাছি দাঁড়িয়ে একটা মৃদু গলা খাঁকিয়ানি দিল। ভদ্রলোক লেখা থামিয়ে চোখ তুলে বললেন, ‘ইয়েস?’

ফেলুদা ব্যাপারটা বুঝিয়ে দিল।

‘হ্রাচ ইয়ার ডিড ইউ সে?’

‘নাইন্টিন ফার্টি এইট।’

মিস্টার ম্যানিং তাঁর জায়গা ছেড়ে উঠে পিছন দিকে গিয়ে একটা বইয়ের তাক থেকে বেশ বড় এবং মোটা একটা খাতা বার করলেন। তারপর স্টেটকে এনে ফেললেন তাঁর ডেক্সে।

আমরা চুপ করে দাঁড়িয়ে আছি, ভদ্রলোক খাতার পাতা উলটিয়ে একটা বিশেষ পাতায় এসে চশমার ওপর দিয়ে ফেলুদার দিকে চেয়ে বললেন, ‘হোয়াট নেম ডিড ইউ সে?’



‘আই হ্যাভন্ট টোল্ড ইট ইয়েট,’ বলল ফেলুদা। ‘দ্য নেম ইজ মজুমদার, অ্যান্ড দ্য ফাস্ট নেম ইজ রঞ্জন।’

‘ম্যাজুমডা, ম্যাজুমডা,’ নামের তালিকার ওপর দিয়ে আঙুল চালাতে চালাতে বিড়বিড় করতে লাগলেন মিস্টার ম্যানিং।

হঠাতে আঙুলটা এক জায়গায় এসে থেমে গেল।

‘ইয়েস আর. ম্যাজুমডা,’ বললেন মিস্টার ম্যানিং।

‘ওর সঙ্গে কি পিটার ডেক্টর বলে কেউ পড়ত?’

‘ডেক্টর...ডেক্টর...নো, নো ডেক্টর ইন দ্য সেম ক্লাস।’

‘আই সি।’ ফেলুদার ভুঁক কুঁচকে গেছে। বলল, ‘যদি অনুগ্রহ করে ফটি নাইন্টাও একটু দেখে দাও। হয়তো পিটার ডেক্টর পরের বছর এসেছে।’

দুঃখের বিষয় ফটি নাইনের খাতাতেও পিটার ডেক্টরের নাম পাওয়া গেল না। অর্থাৎ এখানে আর আমাদের থাকার কোনও মানে হয় না।

‘থ্যাক্ষ ইউ ভেরি ভেরি মাচ,’ বলল ফেলুদা। ইউ হ্যাভ বিন মোস্ট হেল্পফুল।’

ট্রেনে আসতে আসতে ফেলুদা বলল, ‘কেমব্ৰিজে গিয়ে খোঁজ কৱলেই ডেক্টুৱেৱ নাম পাওয়া যাবে। কিন্তু তাও আমাৰ মনে হচ্ছিল যে এখানেও কাগজে একটা বিজ্ঞাপন দিলে মন্দ হত না।’

‘কী বিজ্ঞাপন?’ জিজ্ঞেস কৱলেন জটায়ু।

টাইমসেৰ পাৰ্সোন্যাল কলামে দেব। নৱফোকেৱ পিটাৰ ডেক্টুৱ সম্বন্ধে কাৱও কোনও ইনফুৰমেশন থাকলে সে যেন অমুক হোটেলেৰ অমুক ঘৱেৱ অমুক ব্যক্তিৰ সঙ্গে যোগাযোগ কৰে।’

‘এতে কী ফল হতে পাৱে বলে আপনি আশা কৱছেন?’

‘কীসে ফল হয় আৱ কীসে না হয় সেটা তো সব সময় আগে থেকে বলা যায় না। কেমব্ৰিজেৰ তালিকায় নাম পেলে তো শুধু নামটাই পাওয়া যাবে; লোকটা সম্বন্ধে তো কিছু জানা যাবে না। দিয়েই দেখি না একটা বিজ্ঞাপন।’

‘কিন্তু সে তো বেৱোতে বেৱোতে তিন-চার দিন লেগে যাবে।’

‘দুদিনেৰ বেশি সময় লাগাৰ কথা না। একটা দিন যদি ফাঁক পাই তা হলে সেদিন আমৱা লন্ডন দেখব। এখানে দেখাৰ জিনিসেৰ কি অভাৱ আছে? মাদাম তুসোৱ নাম শুনেছেন?’

‘ম্যাডাম টুসড ?’

‘আপনাৰ উচ্চারণে তাই।’

‘যেখানে বিখ্যাত লোকেদেৱ মোমেৰ প্রতিকৃতি আছে তো?’

‘ইয়েস স্যার। অবশ্য দৃষ্টব্য। তাৱপৰ আৰ্ট গ্যালারিগুলো আছে, পাৰ্লামেন্ট হাউসে বিগ বেন আছে, সেন্ট পলস ক্যাথিড্ৰাল আছে—কত চাই? হেঁটে হেঁটে আপনাৰ পায়েৱ গোড়াপিতে ফোক্ষা পড়ে যাবে। অথব এগুলো না দেখলে লন্ডন দেখা হল বলা চলে না।’

‘আপনাৰ বিজ্ঞাপনটা কবে দিচ্ছেন?’

‘আজই এক ঘণ্টাৰ মধ্যেই। পৱণ বেৱিয়ে যাবে।’

‘তা হলে কালকেৱ দিনটা আমৱা শহৰ দেখছি?’

‘হ্যাঁ।’

মাদাম তুসো (ফেলুদাৰ উচ্চারণে) দেখে তাক লেগে গেল ঠিকই। প্ৰত্যেকটা ঘৱেৱ দৱজাৱাৰ সামনে পোর্টোৱ দাঁড়িয়ে আছে এমনভাৱে যে সেগুলোকেও দেখলে মনে হয় মোমেৰ তৈৱি। তাৱপৰ চেম্বাৰ অফ হৱৰস—সত্যিই গায়ে কঁটা দেয়।

মিডজিয়ম দেখাৰ পৱ বাইৱে বেৱিয়ে আমৱা ফেলুদাকে অনুসৱণ কৱে চললাম। এবাৱে কোথায় যাচ্ছে সেটা আগে থেকে কিছুই বলল না।

এখানকাৰ অনেক রাস্তাৰ নাম বড় বড় পাথৱৰেৱ ফলকে লেখা থাকে। একটুক্ষণ চলাৰ পৱ সেইৱকম একটা ফলক চোখে পড়ায় ব্যাপারটা এক বলকে বুঝে নিলাম। রাস্তাৰ নাম বেকাৰ স্ট্ৰিট। ২২১ বি বেকাৰ স্ট্ৰিটে যে শাৰ্লক হোমসেৰ বাড়ি সে কে না জানে? ওই নম্বৰে যদিও সত্যি কৱে কোনও বাড়ি নেই। কিন্তু কাছাকাছি নম্বৰ তো আছে। ফেলুদা সেইৱকম একটা বাড়িৰ সামনে দাঁড়িয়ে গত্তীৱ গলায় বলল, ‘গুৰু, তুমি ছিলে বলেই আমৱা আছি। আজ আমাৰ লন্ডন আসা সাৰ্ক হল।’

বিশ্বেৰ গল্প সাহিত্যে যত চাৰিত্ব সৃষ্টি হয়েছে, তাৱ মধ্যে খাতিতে যে শাৰ্লক হোমস নাম্বাৰ ওয়ান সেটা ফেলুদা অনেকবাৰ বলেছে। কন্যান ডয়েল একটা গল্পে তিনি হোমসকে মেৰে ফেলেছিলেন। কিন্তু পাৰলিক অ্যায়সা হল্লা কৱে যে ডয়েল বাধ্য হয়ে হোমসকে আবাৰ বাঁচিয়ে তুলেছিলেন।

বেকাৰ স্ট্ৰিটে না এলে লন্ডন দেখা সম্পূৰ্ণ হত না এটা বুঝতে পাৱলাম।

দুদিন পরে অর্থাৎ রবিবার, টাইমসে ফেলুদার বিজ্ঞাপন বেরোল। আর আশ্চর্য ব্যাপার—তার পরদিনই বিজ্ঞাপনের ফল পাওয়া গেল। সোমবার সকাল সাড়ে আটটায় ফেলুদার ফোন বেজে উঠল। মিনিটখানেক কথা বলে ফেলুদা ফোনটা রেখে বলল, ‘অত্যন্ত রুক্ষ মেজাজের লোক। নাম আর্টিবল্ড ক্রিপস। বলল ওর কাছে পিটার ডেক্সট্রের খবর আছে। আধ ঘণ্টার মধ্যেই এসে যাচ্ছে লোকটা। রগড় হতে পারে। তুই লালমোহনবাবুকে খবর দে।’

লালমোহনবাবু তৈরি ছিলেন, এসে বললেন এত তাড়াতাড়ি রেজাল্ট পাওয়া যাবে সেটা উনি ভাবতেই পারেননি।

সোয়া নটার সময় দরজায় টোকা পড়ল। মৃদু নয়, বেশ জোরে। আমি দরজা খুললাম। রুক্ষ গলার সঙ্গে মানানসই রুক্ষ চেহারাওয়ালা একজন ভদ্রলোক ঢুকে এলেন। তাঁর দৃষ্টি প্রথমে গেল জটায়ুর দিকে।

‘আর ইউ মিস্টার মিটার?’

‘নো নো। হি, হি।’

লালমোহনবাবু ফেলুদার দিকে দেখিয়ে দিলেন। ক্রিপস সাহেব একটা চেয়ার টেনে এনে তাতে বসে ফেলুদার দিকে কঠোর দৃষ্টি দিয়ে বললেন, ‘হোয়াট ডু ইউ ওয়ান্ট টু নো অ্যাবাউট পিটার ডেক্সট্রের?’

‘প্রথমত, সে এখন কোথায়?’

‘হি ইজ ইন হেভন।’

‘তার মৃত্যু হয়েছে শুনে আমি দুঃখিত। কবে হল?’

‘আজ নয়। অনেক কাল আগে। হোয়েন হি ওয়জ ইন কেম্ব্ৰিজ।’

‘উনি কেম্ব্ৰিজে পড়তেন?’

‘হ্যাঁ, আর মূৰ্খের মতো ক্যাম নদীতে নৌকো চালাতে গিয়েছিল।’

‘মূৰ্খের মতো কেন?’

‘কারণ ও সাঁতার জানত না। নৌকো উলটে গিয়ে জলে পড়ে তার মৃত্যু হয়।’

‘ওঁৱা তো শুনেছি অনেক ভাইবোন ছিলেন।’

ফাইভ ব্ৰাদার্স অ্যান্ড টু সিস্টারস। তার মধ্যে শুধু দুজনের খবর জানি—বড় ছেলে জর্জ আর ছেট ছেলে রেজিন্যাল্ড। জর্জ আর্মিতে ছিল, ইভিপেডেসের পর এখানে চলে আসে। বলত শিখ আর গুর্ধ্ব ছাড়া ও দেশের সবাই হয় বদমাইস না হয় অকৰ্মণ্য। ডেক্সট্রের কেউই ইভিয়ান নিগারদের পছন্দ করে না।’

‘নিগার? নিগার তো ভারতবৰ্ষে নেই। ইন ফ্যান্টি, আমেরিকাতেও আজকাল নিগোদের আর কেউ নিগার বলে না।’

ফেলুদার মুখ গত্তীর। বলল, ‘আপনার কথা শুনে মনে হচ্ছে ভারতীয়দের সম্বন্ধে আপনার ধারণাও ডেক্সট্রের মতোই।’

‘তা তো বটেই। একশোবার।’

‘তা হলে আপনার কাছ থেকে আর কোনও ইনফৰমেশন আমি চাই না। যেটুকু দিয়েছেন তার জন্য ধন্যবাদ।’

এই গরম কথাগুলো শুনে ক্রিপস সাহেব যেন একটু নরম হলেন। বললেন, ‘আই



অ্যাম সরি ইফ আই হ্যাভ অফেন্ডেড ইউ। রেজিন্যাল্ডের কথাটা বলেই আমি উঠছি।
রেজিন্যাল্ড ওদের ছোট ভাই। সে ইভিয়াতে একটা চা বাগানে আছে, কিন্তু বেশিদিন থাকবে
না।'

ফেলুদা চেয়েই রয়েছে ভদ্রলোকের দিকে, মুখে কিছু বলছে না।

'বিকজ হি হ্যাজ ক্যানসার,' বলে চললেন ক্রিপ্স। 'ও গিয়েছিল শুধু পয়সা রোজগারের
জন্য। ভারতবর্ষের ওপর ওর কোনও মমতা নেই।'

ফেলুদা উঠে দাঁড়াল।

'থ্যাক ইউ মিস্টার ক্রিপ্স। আমার আর কিছু জানার প্রয়োজন নেই।'

ক্রিপ্সও কেমন যেন বোকা-বোকা ভাব করে উঠে দাঁড়ালেন। তারপর হঠাৎ 'গুড ডে' বলে
স্টোন ঘর থেকে বেরিয়ে গেলেন।

'কী জঘন্য লোক মশাই,' দরজা বন্ধ হবার সঙ্গে সঙ্গে বললেন লালমোহনবাবু। 'তবে আপনি
লক্ষনে বসে একজন সাহেবকে যে ভাবে দাবড়ানি দিলেন, তার কোনও জবাব নেই।'

'যাই হোক,' বলল ফেলুদা, 'এর কাছ থেকে আস্তত একটা জরুরি তথ্য পাওয়া গেল। পিটার
ডেক্টর কেমবিজে ছিলেন এবং নোকোড়ুবি হয়ে মারা যান।'

'এখন কী করা?'

‘সময় হু হু করে বেরিয়ে যাচ্ছে’ বলল ফেলুদা। ‘পরশু আমাদের ফেরার দিন, ভুলবেন না। আজই দুপুরে তাড়াতাড়ি লাঞ্ছ সেরে কেমবিজ যাব্বা।’

আমরা দেড়টার মধ্যে বেরিয়ে পড়লাম।

পিকাড়িলি সার্কাস থেকে প্রথমে লিভারপুল স্ট্রিটে গিয়ে সেখানকার রেল স্টেশন থেকে সাধারণ ট্রেন ধরে যেতে হয় কেমবিজে। পৌছতে লাগে এক ঘণ্টা। এখানে ট্রেন খুব দ্রুত চলে, আর চড়েও আরাম কারণ কামরাগুলো অত্যন্ত পরিষ্কার, পরিষ্কৃত।

সুন্দর শহর কেমবিজ, তার মধ্যে ইউনিভার্সিটি দাঁড়িয়ে আছে তার প্রাচীন ঐতিহ্য নিয়ে। পাশাপাশি অনেকগুলো কলেজ আছে—ফেলুদা বলল আটশোটা—তবে নিশ্চান্তবাবু বলে দিয়েছিলেন রঞ্জন মজুমদার ট্রিনিটি কলেজে পড়তেন, তাই আমরা সেখানেই থেঁজ করলাম। জানা গেল যে ১৯৫১-তে রঞ্জন মজুমদার ইতিহাস পড়তে ট্রিনিটি কলেজে ভর্তি হন, এবং তার সঙ্গে একই ক্লাসে ছিল পিটার ডেক্সেট।

‘এই পিটার ডেক্সেট তো নৌকাডুবি হয়ে মারা যান?’ জিজ্ঞেস করল ফেলুদা। যে ভদ্রলোক আমাদের সাহায্য করছিলেন—নাম মিস্টার টেলর—তিনি বললেন যে তিনি মাত্র সাত বছর হল জয়েন করেছেন, কাজেই পুরনো ঘটনা কিছুই জানেন না।

‘তবে এখানে একজন খুব পুরনো গার্ডনার আছে, চল্লিশ বছর হল এখানে কাজ করছে, নাম হুকিন্স। তাকে জিজ্ঞেস করে দেখতে পারেন।’

ফেলুদা বাগানেই হুকিন্সকে পাকড়াও করল। গায়ের চামড়া এখনও বেশ টান-টান, তবে চুল সাদা। তাও দিব্যি কাজ করে চলেছে।

‘তুমি এখানে অনেকদিন আছ, তাই না?’ ফেলুদা মোলায়েম সুরে প্রশ্ন করল।

‘হ্যেস,’ বলল হুকিন্স। ‘তবে আর বেশিদিন নয়, কারণ আমার রিটায়ারমেন্টের সময় এসে গেছে। আমার বয়স ত্যেত্তি হল, কিন্তু এখনও পরিশ্রম করতে পারি। আমার বাড়ি চ্যাটাওয়ার্থ স্ট্রিটে—এখান থেকে দু মাইল। রোজ হেঁটে আসি, হেঁটে ফিরি।’

‘হাত্তদের সঙ্গে তোমার কীরকম সম্পর্ক?’

‘খুব ভাল। দে অল লাভ মি। আমার সঙ্গে এসে গল্প করে, ঠাট্টা তামাসা করে, আমাকে সিগারেট দেয়, বিয়ার দেয়। আই গেট আ্যালং ভেরি ওয়েল উইথ দেম।’

‘পুরনো ঘটনা মনে থাকে তোমার? স্মরণশক্তি কেমন?’

‘হালের ঘটনা ভুলে যাই, কিন্তু পুরনো কিছু কিছু মনে আছে। অবিশ্যি কত পুরনো তার ওপর নির্ভর করে।’

‘মনটাকে চল্লিশ বছর পিছিয়ে নিয়ে যেতে পারবে?’

‘হোয়াই?’

‘তোমাদের এখানে ক্যাম নদীতে নৌকো চালায় না ছেলেরা?’

‘শুধু ছেলেরা কেন, মেয়েরাও চালায়।’

‘কোনও নৌকোডুবির ঘটনা মনে পড়ছে?’

হুকিন্স মাথা নেড়ে গলাটাকে ভারী করে বলল, ‘ইটস এ স্যাড স্টোরি, স্যাড স্টোরি। একটি ইংরেজ ছেলে, নাম মনে নেই। নৌকো উলটিয়ে জলে ডুবে মারা যায়। সাঁতার জানত না।’

‘সে কি একাই ছিল?’

‘একা? না বোধহয়। সঙ্গে বোধহয় আরেকজন ছিল।’

‘ঠিক করে ভেবে বলো তো।’

‘অত দিন আগের কথা তো— তাই ভাল মনে পড়ছে না।’

‘ওই ইংরেজ ছেলেটির একজন ভারতীয় বন্ধু ছিল না?’

‘আই থিক্ষ হি হ্যাভ।’

‘একটু চেষ্টা করে মনে করে দেখো তো—সেই ভারতীয় ছেলেটিও নৌকোয় ছিল কি না।’

‘মে বি হি ওয়াজ—মে বি হি ওয়াজ...’

‘ওই ঘটনার সময় তুমি কোথায় ছিলে?’

‘আমি একটা ঝোপের ধারে বসে বিশ্রাম করছিলাম। হয়তো সিগারেট খাচ্ছিলাম।’

‘ঘটনাটা তুমি দেখেছিলে?’

‘হেলপ-হেলপ চিকার শুনে আমি নদীর ধারে যাই। গিয়ে দেখি এই কাণ্ড।’

‘তা হলে তো তোমার মনে থাকা উচিত নৌকোতে আর কেউ ছিল কি না।’

হৃকিন্স মাথা হেঁট করে যেন ভাবার চেষ্টা করল। তারপর বলল, ‘নাঃ—এর বেশি আর মনে করতে পারছি না। আই অ্যাম সরি। এইটুকু যে মনে আছে তার একটা কারণ ওই একই দিনে আমি বিয়ে করি। ম্যাগি। দ্য বেস্ট ওয়াইফ ওয়ান কুড হ্যাভ।’

৯

টাইমসের বিজ্ঞাপনের ফল যে মিস্টার ক্রিপ্স-এর আসাতেই শেষ হয়ে গেল তা নয়। কেমব্ৰিজ যাবার পরদিনই ফেলুদা টেলিফোন পেল এক ভারতীয় ভদ্রলোকের কাছ থেকে—নাম সত্যনাথন। মাদ্রাজি, তাতে সন্দেহ নেই। ভদ্রলোক বললেন পিটার ডেক্সট্র সম্বন্ধে কিছু তথ্য তিনি দিতে পারেন। ‘আমি এগারোটা নাগাদ তোমাদের হোটেলে পৌছতে পারি।’

‘খুব ভাল কথা,’ বলল ফেলুদা, ‘চলে আসুন।’

সত্যনাথন কথা মতো এলেন। বেশ গাঢ় কালো রং, মাথার চুল একেবারে সাদা। একটা চেয়ারে বসে বললেন, ‘বিজ্ঞাপনটা পড়েই আপনার সঙ্গে যোগাযোগ করব ভেবেছিলাম, কিন্তু কয়েকটা কাজে একটু আটকা পড়ে গিয়েছিলাম।’

‘আপনি লভনেই থাকেন?’

‘না। কিলবার্নে। এখান থেকে বেশ দূর নয়। ওখানে একটা ইস্কুলে মাস্টারি করি। পিটার ডেক্সট্রের সঙ্গে একসঙ্গে আমি কেমব্ৰিজে ছিলাম।’

‘তার মানে রঞ্জন মজুমদারও আপনার সহপাঠী ছিল?’

‘তা তো বটেই।’

‘তাকে মনে আছে?’

‘স্পষ্ট। পিটারের খুব বন্ধু ছিল। অবিশ্য দুজনের মধ্যে ঝগড়াও হত প্রায়ই।’

‘কী নিয়ে?’

‘পিটার ভারতীয়দের একেবারে পছন্দ করত না। রঞ্জনকে দেখে একেবারে সাহেব বলে মনে হত, তাই পিটার তাকে বন্ধু হিসেবে মেনে নেয়। বলত—ইউ আর নট ইন্ডিয়ান, ইউ আর হাফ ইংলিশ।’

‘আপনার সঙ্গে পিটারের কীরকম সম্পর্ক ছিল?’

‘আমার গায়ের রং তো দেখতেই পাচ্ছেন। আমাকে সে বহুবার ডার্টি নিগার বলে সম্মোধন করেছে। আমি ব্যাপারটা হজৰ করে নিতাম।’

‘পিটারের মৃত্যুর কথা মনে আছে?’

‘তা থাকবে না? এমন কী দিনটাও মনে আছে—হাইট-সানডের আগের দিন। পিটার যখন সাঁতার জানত না তখন ওর নৌকোয় চড়া অত্যন্ত ভুল হয়েছিল।’

‘ওর সঙ্গে আর কে ছিল?’

‘রঞ্জন।’

‘সে বিষয় আপনি নিশ্চিত?’

‘অ্যাবসোলিউটলি। রঞ্জনের সর্বাঙ্গ জলে ভেজা চেহারাটা এখনও আমার চেথের সামনে ভাসে। আমি তখন আমার ঘরে ছিলাম। আমাদের মালী হুকিন্সের চেঁচামেচিতে বাইরে বেরিয়ে এসে সব ব্যাপারটা জানতে পারি। রঞ্জন তার বন্ধুকে বাঁচাবার জন্যে জলে ঝাঁপিয়ে পড়ে। বাই ইট ওয়জ টু লেট। রেজিনাল্ডও চেষ্টা করেছিল দাদাকে বাঁচাতে, কিন্তু পারেনি।’

‘পিটারের পরের ভাই?’

‘হ্যাঁ। সে আমাদের পরের বছরই কেমব্রিজে ভর্তি হয়। সেই একই ছাঁচে ঢালা। ভারতীয়দের সঙ্গে প্রায়ই হাতাহাতি লেগে যেত। অনেকবার ওয়ার্নিং দেওয়া হয়েছে। কিন্তু কোনও ফল হয়নি। রেজিনাল্ডের ধারণা ছিল রঞ্জন ইচ্ছা করলে পিটারকে বাঁচাতে পারত। এই কথা সে সারা কলেজে বলে বেড়াত—“হি ডেলিবারেটলি লেট হিম ড্রাউন।”

‘রঞ্জন মজুমদার তো এক বছরের বেশি কেমব্রিজে পড়েনি?’

‘না। একটা বাইসিক্ল অ্যাঞ্জিডেন্টের পর সে দেশে ফিরে যায়।’

কথা শেষ, তাই সত্যনাথন উঠে পড়লেন। ওঁর কাছ থেকে একটা মূল্যবান তথ্য জানা গেল—নৌকোতে পিটারের সঙ্গে রঞ্জন ছিলেন, আর তিনি বন্ধুকে বাঁচাতে চেষ্টা করে পারেননি।

সত্যনাথন চলে যাবার পর খেকেই লক্ষ করলাম ফেলুদার ভুরুটা কুঁচকে গেল। লাক্ষ থেতে থেতে লালমোহনবাবু বললেন, ‘আপনাকে যেন ডিস্ম্যাটিসফায়েড বলে মনে হচ্ছে। কারণটা জানতে পারি কি?’

‘একটা ব্যাপারে খটকা লাগছে।’

‘কী?’

‘মনে হচ্ছে হুকিন্স যা বলেছে তার চেয়ে বেশি ও জানে এবং ওর মনে আছে। কোনও একটা কারণে তথ্য লুকিয়ে যাচ্ছে।’

‘তা হলে কী করবেন?’

‘আরেকবার কেমব্রিজ যাওয়া দরকার। এবারে হুকিন্সের বাড়ি। রাস্তার নামটা ও বলেছিল। মনে আছে, তোপসে?’

‘মনে ছিল। বললাম, চ্যাটওয়ার্থ স্ট্রিট।’

‘ভেবি গুড। কেমব্রিজ গিয়ে রাস্তার একটা পুলিশকে জিজ্ঞেস করলেই বাতলিয়ে দেবে। এটাও জেনে রাখুন, লালমোহনবাবু—এখনকার পুলিশ, যাকে এরা বলে “ববি”—এদের মতো হেল্পফুল পুলিশ পৃথিবীতে আর কোথাও নেই।’

লাক্ষের পর ফেলুদা বলল ওর একটা কাজ আছে, ও একটু বেরোবে। ও ফিরলে তারপর আমরা কেমব্রিজ যাব। ঘটায় ঘটায় কেমব্রিজের ট্রেন ছাড়ে—কোনও অসুবিধা নেই।

সাড়ে চারটায় রওনা হয়ে আমরা যখন কেমব্রিজে পৌঁছলাম, তখন রাস্তার বাতি জ্বলে গেছে। আমরা একটা বড় রাস্তা ধরে এগিয়ে একটা পুলিশের কাছে গিয়ে হাজির হলাম।

‘চ্যাটওয়ার্থ স্ট্রিট কোথায় বলতে পার?’ ফেলুদা জিজ্ঞেস করল। পুলিশ প্রায় কাগজে নকশা আঁকার মতো করে বুঝিয়ে দিল।

আধঘণ্টা লাগল চ্যাটওয়ার্থ স্ট্রিট পৌঁছতে। এটাকে গলি বললেই চলে, দেখে বোঝা যায় যে খুব অবস্থাসম্পন্ন লোকেদের পাড়া নয়। একটা বাড়ির সামনে একজন সোক রাস্তা থেকে একটা বেড়ালকে তুলে কোলে নিল। তাকেই ফেলুদা জিজ্ঞেস করল হুকিন্স কোন বাড়িতে থাকে।

‘ফ্রেড হুকিন্স?’ ভদ্রলোক বললেন। ‘নাস্তাৰ সিক্রিটিন।’

এখনে সব বাড়ির বাইরেই নম্বর লেখা থাকে, তাই ঘোলো খুঁজে পেতে সময় লাগল না।

এগিয়ে গিয়ে দরজায় নক করতে হুকিন্স নিজেই দরজা খুলল।

‘গুড ইভিনিং,’ বলল ফেলুদা।

আমাদের দেখে হুকিন্সের মুখ হাঁ হয়ে গেছে। ‘সে কী—তোমরা আবার...?’

‘একটু ভিতরে আসতে পারি?’ ফেলুদা জিজ্ঞেস করল।

‘নিশ্চয়ই, নিশ্চয়ই।’

হুকিন্স এক পাশে সরে দাঁড়িয়ে আমাদের ঢেকবার জায়গা করে দিল। আমরা তিনজনে ঢুকলাম। এটাই বসবার ঘর, যদিও আয়তনে খুবই ছোট। আমরা দুটো চেয়ারে আর একটা সোফায় ভাগাভাগি করে বসলাম।

‘ওয়েল?’

ফেলুদার দিকে জিজ্ঞাসুর দৃষ্টি দিলে হুকিন্স।

‘তোমাকে দু একটা প্রশ্ন করার ছিল।’

‘অ্যাবাউট দ্য ড্রাউনিং?’

‘হ্যাঁ।’

‘আমি যা বলেছি তার বেশি তো আর কিছু জানি না।’

‘আমি নতুন প্রশ্ন করব।’

‘কী?’

‘মিস্টার হুকিন্স, যে নৌকো ধীরে চলছে, তাতে কেউ বসা অবস্থায় জলে পড়ে যেতে পারে এটা কি তোমার বিশ্বাসযোগ্য মনে হয়?’

‘যদি বড় থাকে তা হলে নৌকো নিশ্চয়ই উলটে যেতে পারে। দেয়ার ওয়জ এ হাই উইন্ড দ্যাট ডে।’

‘আমি আজই দুর্ঘটনার পরের দিনের খবরের কাগজ দেখেছি। তাতে পিটার ডেক্সট্রের মতু সংবাদ আছে, কিন্তু বাড়ের কোনও খবর নেই। ওয়েদার রিপোর্টে বলছে বাতাসের গতিবেগ ছিল ঘণ্টায় ৩৫ মাইল। সেটাকে কি তুমি হাই উইন্ড বলবে?’

হুকিন্স চুপ। আর একটা টেবিল কানেক্টের টিক টিক শব্দ ছাড়া আর কোনও শব্দ নেই।

ফেলুদা বলল, ‘আমার ধারণা তুমি একটা কিছু লুকোচ্ছ। সেটা কী দয়া করে বলবে?’

‘এতদিন আগের ঘটনা...’

‘কিন্তু অত্যন্ত গুরুত্বপূর্ণ ঘটনা। যে দুজনকে নিয়ে ঘটনা, তার মধ্যে একজন তো তোমার বেশ কাছের লোক ছিল বলে মনে হচ্ছে।’

হুকিন্স ফেলুদার দিকে চাইল। বেশ বোঝা যাচ্ছে যে তার দৃষ্টিতে সংশয় ঘনিয়ে আসছে।

‘হোয়াট ডু ইউ মিন?’

‘তোমার শেল্ফে আমি অনেকরকম জিনিসের মধ্যে একটা পিতলের গণেশ আর একটা আইভরির বুদ্ধ দেখতে পাই। ওগুলো কী করে পেলে জানতে পারি কি?’

‘রন দিয়েছিল আমাকে।’

‘রন মানে বোধ করি রঞ্জন।’

‘ইয়েস। ওকে আমি রনও বলতাম, জনও বলতাম।’

‘আই সি। এবার একটা কথা বলো—পিটারের হেল্প হেল্প চিকারের আগে তুমি ওদের কোনও কথা শোনোনি? ইন্ডিয়ান গড়দের সামনে মিথ্যা কথা বলা কিন্তু মহাপাপ।’

‘কী কথা বলছিল বুবিনি—আই ওনলি হার্ড দেয়ার ভয়েসেস।’

‘তার মানে ওরা বেশ জোরে কথা বলছিল?’

‘পারহ্যাপস...পারহ্যাপস...’



‘আমার কী বিশ্বাস জান?’

হুকিন্স আবার ফেলুদার দিকে দেখল।

‘হোয়াট?’

‘আমার বিশ্বাস ওদের মধ্যে ঝগড়া হচ্ছিল। পিটার দাঁড়িয়ে উঠেছিল, আর—’

‘ইয়েস, ইয়েস!’ হুকিন্স হঠাতে বলে উঠল। ‘আর ও রনকে আক্রমণ করতে যায়, আর টাল সামলাতে না পেরে জলে পড়ে যায়।’

‘তার মানে পিটার তার মৃত্যুর জন্য নিজেই দায়ী?’

‘অফ কোর্স।’

‘তোমাদের এই যে ক্যাম নদী, আমাদের দেশে এটাকে বলে কেন্যাল। এতে একটা লোক সাঁতার না জানলেও এত সহজে ডুবে যেতে পারে—বিশেষ করে যখন তাকে একজন বাঁচাবার চেষ্টা করছে?’

‘ডুবল যে সে তো চোখের সামনে দেখলাম।’

‘তুমি এখনও সত্যি কথা বলছ না, মিস্টার হুকিন্স। আই ওয়ান্ট দ্য ট্রুথ। আমি এত দূর থেকে এসেছি শুধু এই ট্রুথের সন্ধানে। পিটার কেন এত সহজে ডুবে গেল?’

হুকিন্সকে দেখেই বুঝতে পারছিলাম যে সে ক্রমেই কোণঠাসা হচ্ছে। এবার সে হঠাতে ভেঙে পড়ে বলল, ‘ঠিক আছে, আমি বলছি কেন পিটার ডুবে যায়। তার কারণ ও যখন জলে পড়ে তখন ওর জ্ঞান ছিল না।’

‘জ্ঞান ছিল না?’

ফেলুদা তীক্ষ্ণ দৃষ্টিতে চেয়ে রয়েছে হুকিন্সের দিকে। তারপর চাপা স্বরে বলল, ‘বুঝেছি। নৌকো বাইছিল রঞ্জন, তাই না?’

‘ইয়েস।’

‘তার মানে তার হাতে দাঁড় ছিল।’

‘ইয়েস।’

‘অর্থাৎ একটা অন্তর ছিল, যেটা দিয়ে সে পিটারকে আঘাত করে। তার ফলে পিটার সংজ্ঞা

হারিয়ে জলে পড়ে যায়। অর্থাৎ সে কোনও স্ট্রাগলই করেনি। আর রঞ্জন যে তাকে বাঁচাবার চেষ্টা করছিল সেটা একটা অভিনয়। অর্থাৎ রঞ্জনই পিটারের মৃত্যুর জন্য দায়ী।'

হুকিন্স মাথা চাপড়ে বলল, 'আমি তোমাদের আঘাত দিতে চাইনি। তাই সত্য গোপন করছিলাম। রঞ্জনের জায়গায় আমি থাকলে আমিও ওরই মতো করতাম। পিটার ওকে অশ্রাব্য ভাষায় গাল দিছিল। বলছিল তোমার চামড়া সাদা হলে কী হবে, আঁচড় কাটলেই দেখা যাবে নীচে কালো। ইউ আর নাথিং বাট এ ডার্টি ব্ল্যাক নেটিভ। এতে কার মাথা ঠিক থাকে বলো!'

'তুমি ছাড়া এই ঘটনার সাক্ষী আর কেউ ছিল?'

'ইয়েস। ওনলি ওয়ান।'

'কে?'

'রেজিন্যাল্ড।'

'রেজিন্যাল্ড ডেক্সটার?'

'আমরা দুজন একসঙ্গেই বসে সিগারেট খাচ্ছিলাম। সমস্ত ঘটনাই আমরা দুজন একসঙ্গে দেখি। পরে আমি রনকে বাঁচাবার জন্য বলেছিলাম পিটার রনকে আক্রমণ করতে গিয়ে জলে পড়ে যায়। এদিকে রেজিন্যাল্ড অনবরত সত্ত্ব ঘটনাটা বলে বেড়াচ্ছিল। সৌভাগ্যক্রমে সকলেই জানত যে রেজিন্যাল্ড ইন্ডিয়ানদের ঘৃণা করে, তাই তার কথা কেউ বিশ্বাস করেনি। থ্যাঙ্ক গড ফর দ্যাট—রন ওয়াজ সাচ এ নাইস বয়, সো জেনারাস, সো কাইভ।'

'এ ব্যাপারে তদন্ত হয়নি? ইনকুয়েস্ট হয়নি?'

'হয়েছিল বইকী।'

'তুমি সাক্ষী দিয়েছিলে?'

'ইয়েস।'

'মিথে সাক্ষী তো?'

'তা বটে। আই ওয়াজ ডিটারমিনড টু সেভ রঞ্জন। সেও অবশ্য সাক্ষী দিয়েছিল। আমি যা বলেছিলাম, সেও তাই বলেছিল।'

'আর রেজিন্যাল্ড? সে সাক্ষী দেয়নি?'

'হ্যাঁ—এবং সে সত্ত্ব ঘটনাই বলেছিল। তবে তার কথায় ভারতীয় বিদ্বেষ এত প্রকাশ পাচ্ছিল যে জুরি তার কথা বিশ্বাস করেনি। তারা রায় দিয়েছিল ডেথ বাই অ্যাক্রিডেন্ট।'

ফেলুদা উঠে পড়ল।

'থ্যাঙ্ক ইউ মিস্টার হুকিন্স। আমার আর কোনও প্রশ্ন নেই।'

হোটেলে ফিরলাম ডিনারের ঠিক আগে। রিসেপশন থেকে ঘরের চাবি নিছি, এমন সময় একজন কর্মচারী ফেলুদার দিকে চেয়ে বলল, 'মিস্টার মিটার?'

'ইয়েস।'

'তোমার একটি টেলিগ্রাম আছে।'

ফেলুদা টেলিগ্রামটা নিয়ে খুলে পড়ল। পাঠিয়েছেন রঞ্জন মজুমদার। তিনি বলছেন—'ক্যান রিকল এভেরিথিং। রিটার্ন ইমিডিয়েটলি।'

'পারফেক্ট টাইমিং', বলল ফেলুদা। 'এখানের মামলা শেষ, কাল আমাদের রিটার্ন বুকিং, আর মিস্টার মজুমদারের স্মৃতি ফিরে এসেছে।'

প্রেনেই ফেলুদা বলেছিল যে দমদম থেকে সোজা মিস্টার মজুমদারের বাড়ি যাব। আমরা কলকাতায় পৌঁছাছি দুপুর একটা পাঁচে।

মনে গভীর উৎকষ্ট। রঞ্জনবাবু জানেন তিনি খুন করেছিলেন; এখন তিনি কী করবেন?

আমাদের ফেরার তারিখ আর সময় আগে থেকেই জানা ছিল, তাই লালমোহনবাবুর গাড়ি এয়ারপোর্টে হাজির ছিল।

রোল্যান্ড রোডে পৌছে বুকটা ধক্ক করে উঠল। রঞ্জনবাবুর বাড়ির সামনে পুলিশের গাড়ি কেন?

গাড়ি থেকে নেমে গেটের ভিতর ঢুকতেই আমাদের চেনা ইনস্পেক্টর মণ্ডল গন্তীর মুখে এগিয়ে এলেন।

‘আজ সকাল আটটায় ব্যাপারটা ঘটেছে।’

‘কী ব্যাপার?’ ফেলুদা জিজ্ঞেস করল।

‘মিস্টার মজুমদার খুন হয়েছেন। সকালে নাকি একজন সাহেব এসেছিল ওঁর সঙ্গে দেখা করতে। সে কে তা জানা যায়নি। আপনি কোনও এনকোয়ারি করবেন?’

‘না।’

পরদিন সকাল সাড়ে সাতটায় লালমোহনবাবু এসে হাজির। ভদ্রলোক অত্যন্ত উত্তেজিত।

‘পাঁচ নম্বরের পাতার খবরটা দেখেছেন?’

‘কোন কাগজ?’ ফেলুদা জিজ্ঞেস করল।

‘স্টেটসম্যান—আবার কোন কাগজ।’

‘না, এখনও দেখিনি।’

‘প্রথম পাতায় তো মজুমদারের খবরটা রয়েছে—এবার পাঁচের পাতা দেখুন।’

ফেলুদা কাগজটা নিয়ে পাঁচের পাতা খুলল। ‘নীচে বাঁ দিকে’, বললেন জটায়ু।

খবরটা বাঁ করে ফেলুদা পড়ে শোনাল। তার বাংলা করলে এই দাঁড়ায়—

হোটেলে আত্মহত্যা

সদর স্ট্রিটের একটি হোটেলে গতকাল রাত্রে গুলির আওয়াজ পেয়ে অনুসন্ধান করে দেখা যায় সাত নম্বর ঘরে একটি সাহেব মৃত অবস্থায় মেঝেতে পড়ে আছেন। তাঁর হাতে রিভলভার। হোটেলের খাতা থেকে জানা যায় সাহেবের নাম রেজিন্যাল্ড ডেক্সটার। ইনি এসেছিলেন দার্জিলিং-এর নিকটবর্তী খয়রাবাড়ি চা বাগান থেকে।



নয়ন রহস্য

১

ফেলুদাকে বেশ কিছুদিন থেকেই মনমরা দেখছি। আমি বলছি মনমরা। সেই জায়গায় লালমোহনবাবু অস্তত বাবো রকম বিশেষণ ব্যবহার করেছেন—একেক দিনে একেক রকম। তার মধ্যে হতোদ্যম, বিষণ্ণ, বিমর্শ, নিষ্ঠেজ, নিষ্পত্ত ইত্যাদি তো আছেই। এমনকী মেদামারা পর্যন্ত আছে। এর কোনওটাই অবিশ্য উনি ফেলুদাকে বলেননি, বলেছেন আমাকে। আজ আর থাকতে না পেরে সোজাসুজি ফেলুদাকেই প্রশ্ন করে বসলেন, ‘মশাই, আপনাকে কদিন থেকে এত ভিয়মাণ দেখছি কেন?’

ফেলুদা সোফায় হেলান দিয়ে সামনের কফি-টেবিলের উপর পা ছড়িয়ে বসেছিল মেঝের দিকে তাকিয়ে; লালমোহনবাবুর প্রশ্নের পরও সেই একইভাবে বসে রইল।

‘এটা কিন্তু মশাই আনফেয়ার’, অভিমনের সুরে বললেন জটায়ু। ‘আমার এখানে আসার একমাত্র উদ্দেশ্য হচ্ছে জমিয়ে আড়ডা দেওয়া। আপনি দিনের পর দিন এমন বেজার ভাব করলে তো আসা বন্ধ করে দিতে হয়। একটু আলোকপাত করুন, যাতে কী হয়েছে আঁচ করতে পারি। এমন তো হতে পারে যে আপনার এই কন্ডিশনের রেমিডি হয়তো আমি সাধাই করতে পারি। আগে তো আমি ঘরে চুকলেই আপনার ভুক নেচে উঠত, আজকাল দেখছি আমাকে দেখলেই মুখ ঘুরিয়ে নেন।’

‘সরি’, মেঝের দিকে চেয়েই মনুস্থরে বলল ফেলুদা।

‘নো নিড টু আ্যাপলজাইজ, ফেলুবাবু; আপনি কেন গুমরোচ্ছেন সেইটে বলুন, তার পর বাকি কথা হবে। কাইন্তলি বলুন। এত আনন্দের শৃঙ্খিভরা ঘর এমন গুমোট মেরে যাবে এটা বরদাস্ত করা যায় না। বলবেন কী হয়েছে?’

‘চিঠি, বলল ফেলুদা।

‘চিঠি?’

‘চিঠি।’

‘কার চিঠি? এমন কী থাকতে পারে চিঠিতে যা আপনার মনে অন্ধকার আনবে? কার চিঠি মশাই?’

‘পাঠক।’

‘কীসের পাঠক?’

‘শ্রীমান তপেশের লিপিবন্দ করা প্রদোষচন্দ্র মিত্রের কীর্তিকলাপ।’

‘পাঠক কি তাতে অবজেকশন নিয়েছে?’

‘পাঠক সিঙ্গুলার নয়, লালমোহনবাবু; পাঠক প্লুর্যাল। গুনে দেখেছি ছাপান্নখানা চিঠিতে ঘুরিয়ে ফিরিয়ে একই কথা।’

আমি কিন্তু এইসব চিঠিপত্রের কথা কিছুই জানি না। ফেলুদা রোজই চার-পাঁচটা করে চিঠি পায় সেটা জানি, কিন্তু সেগুলো কী চিঠি সেটা কোনও দিন জিজ্ঞেস করিনি।

‘একই কথা মানে?’ জিজ্ঞেস করলেন জটায়ু। ‘কী কথা?’

‘ফেলু মিত্রের মামলা আর তেমন জমাটি হচ্ছে না, জটায়ু আর তেমন হাসাতে পারছেন না, তপেশের বিবরণ বিবরণ হয়ে ‘আসছে...’ লালমোহনবাবু হাঁৎ খেপে উঠলেন। —‘হাসাতে

পারছেন না ? জটায়ু হাসাতে পারছেন না ? আমি কি সৎ ?

‘না না’, ফেলুদা বলে উঠল, ‘আপনি সৎ হতে যাবেন কেন ? সৎ, ভাঁড়, ক্লাউন, জোকার—এ সব অত্যন্ত অপমানকর কথা । আপনি হলেন বিদৃমক । এইভাবে নিজেকে কল্পনা করে নিলে দেখবেন আর কোনও ঝঁঝট নেই ।’

কথাটায় লালমোহনবাবুর বাগ তো গেলই না, বরং তিনি বেশ বিরক্তির সঙ্গে ফেলুদার দিকে পিঠ করে দাঁড়িয়ে বললেন, ‘আই অ্যাম রিয়েলি ডিস্যাপৱেন্টেড । ছ্যা ছ্যা ছ্যা—এইসব চিঠি আপনি জমিয়ে রেখেছেন ? পাওয়ামাত্র দলা পাকিয়ে ওয়েস্ট পেপার বাস্কেটে নিক্ষেপ করেননি ?’

‘না, করিনি’, গন্তীরভাবে বলল ফেলুদা, ‘কারণ এই সব পাঠকই এতকাল আমাকে সাপোর্ট করেছে ; এখন যদি তারা বলে যে, থ্রি মাসকেটিয়াস-এর অকাল বার্ধক্য দেখা দিয়েছে, তা হলে কথাটা আমি উড়িয়ে দিতে পারি না ।’

‘অকাল বার্ধক্য !’ হাঁটুতে চাপড় মেরে চোখ কপালে তুলে বললেন জটায়ু । ‘তপেশের কথা ছেড়েই দিলাম—আপনি তো সুপারফিট চিরতরুণ । তপেশও আপনারই মতো রেগুলার যোগব্যায়াম করে । শৰীরে মেদের লেশমাত্র নেই । আর আমি যে আমি—এখনও—এই সে দিনও—আমার পড়শি—সেভেনচিন ইয়ারস মাই জুনিয়র—সোমেষ্ঠ হাজারাকে পাঞ্জায় কাত করে দিলুম—সেটা বার্ধক্যের লক্ষণ ? বয়স তো মানুষের বাড়বেই, কিন্তু সেই সঙ্গে যে আকেলও বাড়ে, অভিভূতও বাড়ে তার কি কোনও দাম নেই ?’

‘এটা বোঝাই যাচ্ছে যে, সে সবের কোনও পরিচয় পাঠকরা পাচ্ছে না ।’

‘এও তো এক রহস্য । কিনারা করতে পারলেন ?’

ফেলুদা টেবিল থেকে পা দুটো নামিয়ে সোজা হয়ে বসল ।

‘শুনুন, লালমোহনবাবু—জনপ্রিয়তার লেজুড় হিসেবে বেশ কিছু ঝক্কি এসে পড়ে সেটা আপনারও অজন্মা নয় । প্রকাশকের চাপ আপনাকে ভোগ করতে হয় না ?’

‘ওরেকাস—সে তো ড্রিমেন্ডস ব্যাপার !’

‘জানি । কিন্তু ফেলুদার জনপ্রিয়তা আর প্রথম রুদ্রের জনপ্রিয়তা এক জিনিস নয় । আপনার উপর চাপ এলে আপনি কল্পনার আশ্রয় নিয়ে সাপ-ব্যাঙ-বিছু যা হয় একটা দাঁড় করিয়ে প্রকাশকের চাহিদা মেটাতে পারেন । কিন্তু তোপ্সের উপর যখন চাপ আসে তখন কল্পনার আশ্রয় নিলে চলে না । বাস্তবে আমার মামলায় যা ঘটেছে, সেটাকেই একটু পালিশ করে উপন্যাসের আকারে প্রকাশকের হাতে তুলে দিতে হয় । তার মাস খানেকের মধ্যেই ফেলুদার একটি টাট্টকা নতুন অ্যাডভেঞ্চার বইয়ের বাজার দখল করে বসে । তার একটা ফল হল এই ছাপাইখানা চিঠি । কারণ আর কিছুই নয় ; প্রতি বছরই যে আমার হাতে এমন একটি মামলা আসবে যা থেকে জমাটি উপন্যাস হয় তার কী গ্যারান্টি আছে ? এটা ডুললে চলবে না যে, আমার পাঠক প্রধানত কিশোর-কিশোরী । আমার এমন অনেক মামলার উদাহরণ দিতে পারি যেগুলো চিন্তার্কর্ষক হলেও, তাতে এমন সব উপাদান থাকে যা কখনওই কিশোরদের পাতে দেওয়া চলে না ।’

‘যেমন লখাইপুরের সেই জোড়া খুনের মামলা ?’

‘তা তো বটেই ! সেটাতে তো তোপ্সেকে আমার ধারে-পাশেই আসতে দিইনি—যদিও সে এখন আর খোকাটি নেই, এবং বয়সের তুলনায় অনেক বেশি জানে-বোঝে ।’

‘তার মানে আপনি বলতে চান যে, তোপ্সের বাছাইয়ে গলদ রয়েছে ?’

‘সেটা হত না যদি না ও প্রকাশকের তাগিদের চোটে বিভাস্ত হয়ে পড়ত । ওকে দোষ দিই কী করে বলুন ? আমার মামলা থেকে ও যা খাড়া করে তাকে কিশোর উপন্যাসই বলা হয়ে

থাকে । এইসব উপন্যাস যদি শুধু কিশোররাই পড়ত, তা হলে কিন্তু কোনও সমস্যা ছিল না ; আসলে যেটা ঘটে সেটা হল, কিশোরদের সঙ্গে তাদের মা, বাবা, মাসি, পিসি, খুড়ো, জ্যাঠা সকলেই এসব উপন্যাস পড়ে । একসঙ্গে এত স্তরে চাহিদা মেটানো কি চান্তিখানি কথা ?

‘আপনি তপেশকে একটু গাইড করুন না ।’

‘সেটা করব । আগে করতাম, ইদানীং করি না । আবার করব । তবে তার আগে প্রকাশকের সঙ্গে একটা মোকাবিলা করা দরকার । তাদের বোঝাতে হবে যে, লাগসই মামলা পেলেই তারা উপন্যাস পাবে, নচেৎ নয় । তাতে যদি একটা বছর ফেলুন্দা বাদও যায়, সেটাও তাদের মেনে নিতে হবে । তারা ঘোর ব্যবসাদার ; আমার মান-ইজ্জত নিয়ে তারা চিন্তিত নয়—সে চিন্তা আমাদেরই করতে হবে ।’

‘পাঠকদের সঙ্গেও তো একটা মোকাবিলার প্রয়োজন, তাই নয় কি ? এই যে সব যারা রাগী-রাগী চিঠি দিল ?’

‘এরা বোকা নয়, লালমোহনবাবু । এদের চাহিদা অত্যন্ত সঙ্গত । সেটা মেটাতে পারলেই এরা আবার আমাকে তুলে ধরবে ।’

‘শুধু আপনাকে ? আমাকে নয় ?’

‘একশোবার ! আপনি-আমি তো পরম্পরের পরিপূরক । সোনায় সোহাগা । অ্যারালভাইট দিয়ে আমার সঙ্গে সেঁটে রয়েছেন আপনি সেই সোনার কেঁপ্পার সময় থেকেই । আমাকে ছাড়া আপনার অস্তিত্বই নেই—অ্যান্ড ভাইসি ভারসা ।’

লালমোহনবাবু আমার দিকে ফিরে গভীর গলায় বললেন, ‘বি ভেরি কেয়ারফুল, তপেশ !’

এটা বলার কোনও দরকার ছিল না, কারণ ফেলুন্দা স্পষ্টই বুঝিয়ে দিয়েছে যে, এবার থেকে কেয়ারফুল হবার অর্ধেক দায়িত্ব ওর ।

কথার ফাঁকে ফেলুন্দা একটা চারমিনার ধরিয়েছিল । এবার সেটা আধপোড়া অবস্থায় অ্যাশ-ট্রেতে ফেলে দিয়ে আমার দিকে এগিয়ে এসে পিঠে একটা চাপড় মেরে বলল, ‘সোজা নিয়ম, বুঝলি তোপ্সে । এবার থেকে আমার গ্রিন সিগন্যাল না পাওয়া পর্যন্ত তুই হাত পা গুটিয়ে বসে থাকবি । ঠিক হ্যায় ?’

আমি হেসে মাথা নাড়িয়ে বুঝিয়ে দিলাম ‘ঠিক হ্যায়’ ।

২

এই যে এতক্ষণ পাঁয়তারা করলাম, তা থেকে বোঝাই যাবে যে, ফেলুন্দা আমায় গ্রিন সিগন্যাল দিয়েছে । শুধু ফেলুন্দা কেন, নয়নের মামলা নিয়ে লিখাছি শুনে জটায় একটা কান-ফাটানো হাততালি দিয়ে বললেন, ‘গ্রেট ! গ্রেট ! ইয়ে, আমার ভূমিকাটা ইন্ট্যাক্ট থাকবে তো ? সব কিছু মনে আছে তো ?’ আমি বললাম, ‘কোনও চিন্তা নেই ; সব নেট করা আছে ।’

আসল মামলায় পৌঁছতে অবিশ্বি আরও কিছুটা সময় লাগবে । কোথায় শুরু করব জিঞ্জেস করাতে ফেলুন্দা বলল, ‘তরফদারের শো । দ্যাট ইজ দ্যা স্টার্টিং পয়েন্ট ।’ আমি ওর কথামতোই স্টার্ট করছি ।

তরফদার হলেন ম্যাজিশিয়ান । পুরো নাম সুনীল তরফদার । শোয়ের নাম ‘চমকদার তরফদার’ । আজকাল ব্যাঙের ছাতার মতো ম্যাজিশিয়ান গজাচ্ছে এই পশ্চিম বাংলায় । এর মধ্যে কিছু আছে যারা সত্ত্বেও ম্যাজিক নিয়ে সাধনা করে । প্রতিদ্঵ন্দ্বিতার চাপে অনেককেই শেষ পর্যন্ত পিছিয়ে আসতে হয় । যারা টিকে থাকে তাদের মোটামুটি একটা স্ট্যান্ডার্ড আছে । ইয়াং বয়সে ফেলুন্দার ম্যাজিকের নেশা ছিল, সেটা আমিই একটা গল্পে জানিয়ে

ফেলেছিলাম। ফলে এ সব উঠতি ম্যাজিশিয়ানদের অনেকেই ওর কাছে আসে শোয়ে নেমন্তন্ত্র করার জন্য। আমরা কয়েকবার গিয়েছি আর গিয়ে হতাশ হইনি।

সুনীল তরফদারও এই উঠতিদের মধ্যে একজন। বছর খানেক হল শো করছেন। এখনও তেমন নাম করেননি, যদিও দু-একটা কাগজে বেশ প্রশংসা বেরিয়েছে। গত ডিসেম্বরের গোড়ার দিকে এক দিন সকালে ইনি আমাদের বাড়িতে এসে ফেলুদাকে টিপ্প করে এক প্রণাম করলেন। কেউ ওর পায়ে হাত দিলে ফেলুদা ভীষণ বিরত হয়ে পড়ে; তরফদারের প্রণামে ও হাঁ হাঁ করে উঠল।

ভদ্রলোকের বয়স ত্রিশ-বত্তিরের বেশি নয়, লম্বা একহারা চেহারা, ঠোঁটের উপরে একটা সরু সাবধানে-ছাঁটা গোঁফ। প্রণাম সেরে নিজের পরিচয় দিয়ে বললেন, ‘স্যার, আমি আপনার একজন হেট ফ্যান। আমি জানি এককালে আপনার নিজেরই ম্যাজিকের শখ ছিল। আমার শো হচ্ছে মহাজাতি সদনে। আপনাদের জন্য তিনটে ফাস্ট রোয়ের টিকিট দিয়ে ফার্ছি। আগামী রবিবার সাড়ে ছাঁটায় যদি আপনারা আসেন তা হলে আমি সত্যিই খুশি হব।’

ফেলুদা তৎক্ষণাত হাঁ না কিছুই বলছে না দেখে ভদ্রলোক ঝুঁকে পড়ে ফেলুদার কাঁধে হাত রেখে বললেন, ‘আমি আপনাদের রোববার ডাকছি এই কারণে যে, সেদিন আমার প্রোগ্রামে একটা নতুন আইটেম অ্যাড করছি। আমি জোর দিয়ে বলতে পারি এ জিনিস আর কেউ কখনও স্টেজে দেখায়নি।’

ফেলুদা যাব বলে কথা দিয়েছিল। রবিবার বিকেলে সাড়ে পাঁচটায় লালমোহনবাবু তাঁর স্ব৔জ অ্যাসামাড় নিয়ে আমাদের বাড়িতে চলে এলেন। ঢা-ডালমুট খেয়ে আমরা ছ’ টায় রওনা হয়ে শোয়ের ঠিক পাঁচ মিনিট আগে মহাজাতি সদনে পৌঁছে গেলাম। কাগজে বেশ চোখে পড়ার মতো একটা বিজ্ঞপ্তি দুদিন আগেই বেরিয়েছিল, ভিড় দেখে মনে হল সেটায় কাজ দিয়েছে। আমরা মাঝের প্যাসেজ দিয়ে এগিয়ে গিয়ে সামনের সারির মাঝামাঝি পাশাপাশি তিনটে চেয়ারে বসলাম।

‘কাগজে বিজ্ঞাপনটা দেখেছিলেন?’ ফেলুদার দিকে ঝুঁকে পড়ে প্রশ্ন করলেন লালমোহনবাবু।

‘দেখেছি, বলল ফেলুদা।

‘তাতে যে বলছে অভৃতপূর্ব নতুন আকর্ষণ জ্যোতিক্ষণ—এই জ্যোতিক্ষণটি কী বস্তু, মশাই?’

‘একটু ধৈর্য ধরুন—যথাসময়ে জানতে পারবেন।’

তরফদার দেখলাম পাঁচয়ালি সাড়ে ছাঁটায় শো আরম্ভ করে দিলেন। পর্দা সরতেই ফেলুদার দিকে চেয়ে দেখি তার চোখ নিজের রিস্টওয়াচের দিকে, ভুরু সুষৎ তোলা, আর ঠোঁটের কোণে মৃদু হাসি। আমি তো জানি ও পাঁচয়ালিটির উপর কত জোর দেয়। ও বলে বাঙালিদের উন্নতির পথে একটা বড় রকম বাধাৰ সৃষ্টি করে এই সময়ানুবর্তিতার অভাব। তরফদার যে এই নিয়মের ব্যতিক্রম, সেটা দেখেই ফেলুদা খুশি।

শো কিছুক্ষণ চলার পরেই বুঝতে পারলাম, জাদুকরের ঝলমলে পোশাক ছাড়া আজকের সফল ম্যাজিশিয়ানদের তুলনায় ইনি জাঁকজমকের দিকটায় একটু কম দৃষ্টি দেন। এও লক্ষ করলাম যে এমন অনেক আইটেম আছে, যাতে নতুনত্ব বলে বিশেষ কিছু নেই।

ইন্টারভ্যালের পর প্রোগ্রামের দ্বিতীয় অংশে এল প্রথম চমক। এটা স্থীকার করতেই হল যে, হিপনটিজ্ম বা সম্মোহনে তরফদারের সমকক্ষ বাঙালি জাদুকরের মধ্যে আর নেই বললেই চলে। তিনজন দর্শককে পর পর স্টেজে এনে চোখের দৃষ্টি আর আঙুল-ছড়ানো দুই হাতের আদোলনের জোরে সম্মোহিত করে তাদের দিয়ে যা-খুশি-তাই করিয়ে ভদ্রলোক প্রচুর হাততালি পেলেন।

কিন্তু তার পরেই তরফদার একটা বেচাল চাললেন। ফেলুদার দিকে চেয়ে দর্শকদের উদ্দেশ করে বললেন, ‘আমি এবার প্রথম সারিতে বসা স্বনামধন্য গোয়েন্দাপ্রবর শ্রীপ্রদোষচন্দ্ৰ মিশ্রকে অনুরোধ কৰছি মঞ্চে আসতে।’

ফেলুদা উঠে দাঁড়িয়ে জটায়ুর দিকে দেখিয়ে বলল, ‘আমাকে না ডেকে এই ভদ্রলোককে ডাকুন। আমাকে ডাকলে বিপত্তির সন্তান আছে।’

তরফদারের বয়স বেশি না বলেই হয়তো তিনি একটু একরোখা। একটা ভয়ংকর রকম কনফিডেন্ট হাসি হেসে বললেন, ‘না স্যার, আমি চাই আপনিই আসুন।’

বিপত্তি কথাটা ভুল নয়। তরফদারের বাব বাব নানারকম চেষ্টা সত্ত্বেও ফেলুদা যেমন সজাগ তেমনই সজাগ রয়ে গেল। এদিকে আমার অপ্রস্তুত লাগছে; হল ভর্তি লোক, তার মধ্যে ম্যাজিশিয়ানের সব চেষ্টা ব্যর্থ হচ্ছে। শেষে তরফদার যেটা করলেন সেটাই বোধহয় এই অবস্থায় মান বাঁচানোর একমাত্র উপায়।

তিনি সবিনয়ে হার স্থীকার করে দর্শকদের উদ্দেশ্যে বললেন, ‘ফেলু মিস্তির বস্তুটা যে কী, সেটা আপনাদের দেখানোর জন্যই আমি এঁকে মঞ্চে ডেকেছিলাম। এঁর কাছে হার স্থীকার করতে আমার বিন্দুমাত্র লজ্জা নেই। আমি চাই আপনারা এই আশ্চর্য মানুষটিকে যথোপযুক্ত সম্মান দেখান।’

হল হাততালিতে ফেটে পড়ল। ফেলুদা স্টেজ থেকে নেমে নিজের জায়গায় এসে বসতে লালমোহনবুরু তার দিকে ঝুঁকে পড়ে বললেন, ‘আপনার মশাই ফিজিয়লজিটাই আলাদা।’

কিন্তু একটা চূড়ান্ত চমক—যেটা আমার হৃৎস্পন্দন প্রায় বন্ধ করে দিয়েছিল—এখনও বাকি ছিল। সেটাই তরফদারের নতুন এবং শেষ আইটেম।

যাকে নিয়ে এই আইটেম, সে হল আট-ন বছরের একটি ফুটফুটে ছেলে—যাকে সঙ্গে নিয়ে তরফদার মঞ্চে হাজির হলেন। একটা বেশ বাহারের চেয়ার স্টেজের মাঝখানে রাখা ছিল, ছেলেটিকে তাতে বসিয়ে তরফদার দর্শকদের দিকে ঘুরে বললেন, ‘এই বালকের নাম জ্যোতিষ্ঠ ; এর আশ্চর্য ক্ষমতার পরিচয় আপনারা এখনই পাবেন। আমি স্থীকার করছি এতে আমার কোনও বাহাদুরি নেই। একে মঞ্চে উপস্থিত করতে পেরে আমি গর্বিত। এ ছাড়া আমার আর কোনও ক্রেডিট নেই।’

এবার তরফদার ছেলেটির দিকে ফিরে বললেন, ‘জ্যোতিষ্ঠ, দর্শকদের দিকে দেখো তো।’

ছেলেটির দৃষ্টি সামনের দিকে ঘুরল।

তরফদার বললেন, ‘সামনের সারিতে প্যাসেজের ডান দিকে লাল সোয়েটার আর কালো প্যান্ট পরা যে ভদ্রলোকটি বসে আছেন, তাঁর কাছে কি কোনও টাকা আছে?’

যাঁর কথা বলা হচ্ছে তিনি উঠে দাঁড়ালেন।

‘আছে, মিহি, সুরেলা গলায় বলল জ্যোতিষ্ঠ।

‘কত টাকা বলতে পার ?’

‘পারি।’

‘কত ?’

‘কুড়ি টাকা তিরিশ পয়সা।’

ভদ্রলোক ইতিমধ্যে পকেট থেকে পার্স বাব করে তার থেকে দুটো দশ টাকার নোট বাব করেছেন। প্যাসেজের ওদিকে বসলেও দিব্য বুঝতে পারছি যে, ভদ্রলোকের চোখ ছানাবড়া, মুখ হাঁ।

‘ওনার হাতে যে দুটো দশ টাকার নোট, তার নম্বর বলতে পার ?’

‘এগারো ই—এক এক তিন শূন্য দুই। আর চোদ্দ সি—দুই আট ছয় শূন্য দুই পাঁচ।’

তত্ত্বলোকের ভুক্ত আরও ইঞ্জিখানেক উপরে উঠে গেল।

‘মাই গড—হি ইজ অ্যাবসোলিউটলি রাইট !’

চারদিক থেকে তুমুল হাততালি আর উচ্ছ্বসের কোরাস।

এবার তরফদার দর্শকদের দিকে ফিরে বললেন, ‘এখন অবিশ্য আমি জ্যোতিষকে প্রশ্ন করছি, কিন্তু ইচ্ছে করলে আপনাদের যে কেউ করতে পারেন। শুধু এটা মনে রাখতে হবে যে, প্রশ্ন এমন হতে হবে যার উন্নত সংখ্যায় হয়। এই ভাবে উন্নত দিতে জ্যোতিষক যথেষ্ট মানসিক পরিশ্রম হয়, যদিও সেটা বাইরে থেকে বোঝা নাও যেতে পারে। তাই জ্যোতিষক আর মাত্র দুটো প্রশ্নের জবাব দেবে, তার পর তার ছুটি।’

দুটোর একটায় একজন তরুণ দর্শক প্রশ্ন করল, ‘আমি এখানে এসেছি মোটর গাড়িতে। সে গাড়ির নম্বর তুমি বলতে পার ?’

জ্যোতিষ নম্বর বলে দিয়ে বলল, ‘তোমাদের কিন্তু এ ছাড়াও আর একটা গাড়ি আছে। সেটার নম্বর ড্রিপ্ট এম এফ ছয় দুই তিন দুই।’

তারপর তরফদার একটি ছেলেকে জিজ্ঞেস করলেন, ‘তুমি কি এ বছর কোনও পরীক্ষা দিয়েছ ?’

‘মাধ্যমিক’, বলল ছেলেটা। তরফদার জ্যোতিষক দিকে ফিরে বললেন, ‘এই ছেলেটি মাধ্যমিক পরীক্ষায় বাংলায় কত নম্বর পেয়েছে বলতে পার ?’

জ্যোতিষ বলল, ‘একাশি। ওর চেয়ে বেশি কেউ পায়নি।’

উন্নত শুনে ছেলেটি নিজেই হাততালি দিয়ে উঠল।

শোয়ের পর ফেলুদা বলল, ‘এক বার ব্যাকস্টেজে যাওয়া দরকার। তরফদারকে একটা ধন্যবাদ তো দিতেই হয়।’

আমরা গেলাম। তরফদার আয়নার সামনে বসে মেক-আপ তুলছেন—আমাদের দেখেই এক-গাল হেসে উঠে দাঁড়ালেন।

‘কেমন লাগল ফ্যাক্সলি বলুন, স্যার।’

‘দুটো আইটেমের তারিফ করতেই হয়’, বলল ফেলুদা। ‘এক, আপনার হিপ্নটিজম, আর দুই—জ্যোতিষ। কোথেকে পেলেন এই আশ্চর্য ছেলেকে ?’

‘কালীঘাটের ছেলে। ওর আসল নাম নয়ন। জ্যোতিষ নামটা আমিই দিয়েছি; বিজ্ঞাপনেও জ্যোতিষই ব্যবহার করছি। কথাটা আপনাদের বললুম, আপনারা কাইভলি আর কাউকে বলবেন না।’

‘না না,’ বলল ফেলুদা। ‘কিন্তু শুধু কালীঘাট বললে তো কিছুই বলা হল না।’


‘বাপ অসীম সরকার থাকেন নিকুঞ্জবিহারী লেনে। ছেলের আশ্চর্য ক্ষমতা দেখে আমার কাছে নিয়ে আসেন যদি আমি ওকে কাজে লাগাতে পারি। আসলে ভদ্রলোক অভাবী, তাই ভাবলেন ছেলেকে দিয়ে যদি কিছু একস্তা ইনকাম হয়।’

‘সেটা যে হবে সে বিষয় আমার কোনও সন্দেহ নেই, ছেলেটি কি বাপের কাছেই থাকে ?’

‘আজ্জে না। আমি ওকে নিজের বাড়িতে এনে রেখেছি। ওর পড়াশুনোর জন্য টিউটর ঠিক করেছি; কাল এক ডাক্তারকে ডেকেছিলাম, উনি নয়নের ডায়েট বাতলে দিয়েছেন।’

‘এ সব তো রীতিমতো খরচের ব্যাপার !’

‘জানি স্যার। তবে এও জানি যে, নয়ন ইজ এ গোল্ডমাইন। ওর রক্ষণাবেক্ষণের জন্য যদি ধার-দেনাও করতে হয়, সে টাকা কদিনের মধ্যে উঠে আসবে।’



‘হ্যাঁ...তবে আইডিয়াল হত যদি আপনি একটি পৃষ্ঠপোষক জোগাড় করতে পারতেন।’

‘সেটা আমিও বুঝি স্যার। দেখি আর দুটো দিন...’

‘আপনার অনেকটা সময় নিয়েছি। আর মাত্র দুটো কথা বলে আপনাকে রেহাই দেব। এক—এই স্বর্ণখনিটি যাতে বেহাত না হয়, সেদিকে আপনার কড়া নজর রাখতে হবে। সেকেন্ড রো-তে মনে হল কয়েকজন সাংবাদিককে দেখলাম, তাই না?’

‘ঠিক দেখেছেন, স্যার। এগারোজন সাংবাদিক আজকে আমার শো দেখেছেন। তারা সকলেই আগামী শুক্রবারের সিনেমার পাতায় আমার শোয়ের বিষয় লিখবেন। ইতিমধ্যে কোনও চিন্তার কারণ আছে বলে মনে হয় না।’

‘যাই হোক, এটা বলে গেলাম যে, যদি নয়ন সন্ধিক্ষে কোনও এনকোয়ারি বা টেলিফোন আসে যা আপনার মনে খটকা জাগায়, তা হলে আমাকে জানাতে দ্বিধা করবেন না।’

‘মেনি থ্যাক্স, স্যার। এবার আমার একটা রিকোয়েস্ট আছে।’

‘কী?’

‘এবার থেকে আমায় আপনি না বলে তুমি বলবেন কাইভ্লি।’

শুক্রবারের কাগজে নয়ন সম্বন্ধে বেরোনোর কথা ; আজ মঙ্গলবার । বেশ অবাক হ্লাম দেখে যে, আজই তরফদারের কাছ থেকে টেলিফোন এল । শুধু ফেলুদার দিকটা শুনে ব্যাপারটা আন্দজ করতে পারলাম না ; ফোন রাখার পর ফেলুদা খুলে বলল ।

‘খবরটা এর মধ্যেই ছড়িয়েছে, বুবোচ্চিস তোপ্সে । আটশো লোক সেদিন ম্যাজিক দেখেছে ; তার মধ্যে কতজন কত লোককে নয়ন সম্বন্ধে বলেছে কে, জানে ? ব্যাপারটা যা দাঁড়িয়েছে—তরফদার চারজনের কাছ থেকে টেলিফোন পেয়েছে । হেঁজিপেঁজি নয়, বেশ মালদার লোক । তারা সকলেই নয়ন সম্বন্ধে কথা বলতে অ্যাপয়েন্টমেন্ট চায় । তরফদার কাল সকাল নটা থেকে অ্যাপয়েন্টমেন্ট রেখেছে । প্রত্যেককে পনেরো মিনিট সময় দেবে । এও বলে দিয়েছে যে, তার সঙ্গে আরও তিনজন লোক থাকবে—অর্থাৎ মিস্টার ফেলু, মিস্টার তপেশ আর মিস্টার লালু । এই খবরটা তুই এক্ষুনি ফোন করে জটায়ুকে জানিয়ে দে ।’

‘কিন্তু এই চারজন কারা, সেটা তরফদার বললেন না ?’

‘একজন আমেরিকান, একজন পশ্চিমা ব্যবসাদার, একজন অ্যাংলো-ইণ্ডিয়ান, একজন বাঙালি । আমেরিকানটি নাকি ইমপ্রেসারিও । অর্থাৎ নানা রকম শিল্পীদের স্টেজে উপস্থিত করেন এবং তা থেকে দু পয়সা কামান । অন্য তিনজন কী তা গেলে জানা যাবে । আসল কথা যা বুবালাম—তরফদার বুঝেছে সে একা সিচুয়েশনটা হ্যান্ডল করতে পারবে না ; তাই আমাদের ডাকা ।’

লালমোহনবাবুকে ফোন করাতে ভদ্রলোক আর থাকতে না পেরে চলেই এলেন । ‘শ্রীনাথ !’ বলে একটা হাঁক দিয়ে তাঁর প্রিয় কাউচটাতে বসে বললেন, ‘একটা চেনা-চেনা গন্ধ পাচ্ছি যে মশাই, কী ব্যাপার ?’

‘এখন পর্যন্ত গন্ধ পাবার কোনও কারণ নেই, লালমোহনবাবু । এটা নিছক আপনার কঞ্চনা ।’

‘আমি মশাই কাল থেকে ওই খোকার কথা ভাবছি । কী আন্তুত ক্ষমতা বলুন তো !’

‘কিছুই বলা যায় না’, বলল ফেলুদা, ‘এক দিন হয়তো দেখবেন হঠাৎ ম্যাজিকের মতো ক্ষমতাটা লোপ পেয়ে গেছে । তখন আর-পাঁচটা ছেলের সঙ্গে নয়নের কোনও তফাত থাকবে না ।’

‘কাল তা হলে আমরা তরফদারের ওখানে মিট করছি ?’

‘ইয়েস, এবং একটা কথা আপনাকে বলে রাখি—আমি কিন্তু কাল গোয়েন্দা হিসেবে যাচ্ছি না । আমি হব নির্বাক দর্শক । যা কথা বলার তা আপনি বলবেন ।’

‘এটা আপনি রিয়েলি মিন করছেন ?’

‘সম্পূর্ণ ।’

‘ঠিক হ্যায় । জয় মা তারা বলে লেগে পড়ব ।’

*

একডালিয়া রোডে তরফদারের বাড়ি । মাঝারি দোতলা বাড়ি—অস্তত পঞ্চাশ বছরের পুরনো তো বটেই । গেটে সশন্ত দারোয়ান ; বুবালাম ফেলুদার সতর্কবাণীতে ফল হয়েছে ।

ফেলুদার নাম শুনে দারোয়ান গেট খুলে দিল, আমরা ভিতরে চুকলাম ।

চুকেই ডাইনে এক ফালি বাগান, তাতে কেয়ারির কোনও বালাই নেই । সদর দরজার দিকে এগিয়ে যাবার সময় ফেলুদা দাঁতের ফাঁক দিয়ে বলল, ‘দেখবি উইদিন টু ইয়ারস্ হোৱা

তরফদার এ বাড়ি ছেড়ে চলে যাবে । ’

‘কোথায় যাবে ?’

‘সাম অট্টালিকা । ’

সদর দরজার দারোয়ানও আমাদের সেলাম ঠুকে ভিতরে যেতে দিল ।

আমরা যেখানে পৌঁছলাম, সেটা ল্যান্ডিং, বাঁয়ে সিঁড়ি দোতলায় উঠে গেছে । এদিক ওদিক দেখছি, এমন সময় বেশ ভদ্র পোশাক পরা একজন চাকর—বেয়ারা বলাই বৈধহয় ঠিক হবে—আমাদের দিকে এগিয়ে এসে বলল, ‘আসুন আপনারা’ । আমরা চাকরের পিছন পিছন গিয়ে বৈঠকখানায় হাজির হলাম ।

‘বসুন ; বাবু আসছেন । ’

এই ঘরের সাইজও মাঝারি, তবে আসবাবপত্রে বেশ রুচির পরিচয় আছে । দুটো সোফায় ভাগভাগি করে আমরা তিনজন বসলাম ।

‘গুড মর্নিং !’

ম্যাজিশিয়ান হাজির, তবে একা নন । তাঁর পাশে একটি বিরাট অ্যালসেশিয়ান দণ্ডয়মান । আমি জানি ফেলুদা কুকুরের ভক্ত, আর যত বড় যত ভীতিজনক হাউন্ডই হোক না কেন, পোষা জানলে তার পিঠে হাত বোলানোর লোভ সামলাতে পারে না । এখানেও তাই করল ।

‘এর নাম বাদশা’, বললেন তরফদার । ‘বয়স বারো । খুব ভাল ওয়চ-ডগ । ’

‘এক্সেলেন্ট !’ আবার সোফায় বসে বলল ফেলুদা । ‘আমরা কিন্তু তোমার কথামতো পনেরো মিনিট আগেই এসেছি । ’

‘আপনি যে পাংচ্চাল হবেন সেটা আমি জানতাম’, তৃতীয় সোফায় বসে বললেন তরফদার ।

‘তোমার এ বাড়ি কি ভাড়া বাড়ি ?’ জিজ্ঞেস করল ফেলুদা ।

‘আজ্জে না । এ বাড়ি আমার বাবার তৈরি । উনি নামকরা অ্যাটর্নি ছিলেন । আর একটা বাড়ি আছে—ওল্ড বালিগঞ্জ রোডে । সেটায় আমার দাদা থাকেন । দুই ভাইকে দুটো বাড়ি উইল করে দিয়ে যান । বাবা মারা যান এইটি-ফোরে । আমি এই বাড়িতেই মানুষ হয়েছি । ’

‘আপনি সংসার করেননি ?’ জিজ্ঞেস করলেন জটায়ু ।

‘আজ্জে না’, মদু হেসে বললেন তরফদার । ‘তাড়া কী ? আগে শো-টাকে দাঁড় করাই !’

চা এসে গেছে, সঙ্গে শিঙড়া । ফেলুদা একটা শিঙড়া তুলে নিয়ে বলল, ‘আজ কিন্তু আমি শ্রোতা । কিছু বলার থাকলে ইনি বলবেন । ’ ফেলুদা জটায়ুর দিকে নির্দেশ করল । ‘ইনি কে জান তো ?’

‘তা জানি বইকী !’ চোখ কপালে তুলে বললেন তরফদার । ‘বাংলার নাস্তির ওয়ান রহস্য-রোমাঞ্চ প্রিপন্যাসিক । ’

লালমোহনবাবু কোনও দিন চেষ্টা করেও বিনয়ী ভাব প্রকাশ করতে পারেননি ; এখন একটা সেল্জুটে বুঁবিয়ে দিলেন তিনি চেষ্টাই করছেন না ।

ফেলুদা হাতের কাপ টেবিলে রেখে একটা চারমিনার ধরিয়ে বলল, ‘তোমাকে একটা কথা অকপটে বলছি, সুনীল । তোমার শোয়ে শোম্যানশিপের কিঞ্চিং অভাব লক্ষ করলাম । আজকের উঠতি জাদুকরদের কিন্তু ও দিকটা নেগলেন্ট করলে চলে না । তোমার হিপ্নটিজ্ম, আর তোমার নয়ন—দুটোই আশ্চর্য আইটেম তাতে সন্দেহ নেই, কিন্তু আজকের দর্শক জাঁকজমকটাও চায় । ’

‘জানি । আমার মনে হয় সে অভাব এবার পূরণ হবে । অ্যাদিন যে হয়নি তার একমাত্র

কারণ পুঁজির অভাব।’

‘সে ভাভাৰ মিটল কী কৰে?’ ভুঁৰু তুলে প্ৰশ্ন কৰল ফেলুদা।

‘সুখবৱটা দেবাৰ মওকা খুঁজছিলাম। —আমি একজন ভাল পৃষ্ঠপোক পেয়েছি, স্যার।’

‘এই সেদিনই বলছিলাম, আৱ এৱ মধ্যেই...?’

‘হ্যাঁ স্যার। আপাতত আৱ কোনও ভাবনা নেই।’

‘কিন্তু কে সেই ব্যক্তি সে কি জানতে পাৱি?’

‘কিছু মনে কৰবেন না, স্যার—তিনি তাঁৰ নামটা উহু রাখতে বলেছেন।’

‘কিন্তু ব্যাপারটা ঘটল কী কৰে সেটা বলাও কি বাৱণ?’

‘মোটেই না। এই ভদ্ৰলোকেৰ এক নিকট-আত্মীয় গত রাবিবাৰ আমাৰ শো দেখে সেই রাত্ৰেই ভদ্ৰলোককে নয়নেৰ কথা বলেন। রাত দশটায় ভদ্ৰলোকেৰ কাছ থেকে আমি ফোন পাই। তিনি বলেন যে, অবিলম্বে আমাৰ সঙ্গে একবাৰ দেখা কৰতে চান। আমি পৱ দিনই সকাল দশটায় সময় দিই। উনি কাঁটায় কাঁটায় দশটায় এসে হাজিৰ হন। তাৰ পৱ বৈঠকখানায় এসে বসে আমাকে প্ৰথমেই জিজ্ঞাসা কৰেন জ্যোতিষকে কীভাৱে দেখা যায়। নয়ন আমাৰ কাছেই থাকে জেনে ভদ্ৰলোক তৎক্ষণাৎ নয়নকে ডেকে পাঠাতে বলেন। নয়ন এলে পৱ ভদ্ৰলোক তাকে দু-একটা এমন প্ৰশ্ন কৰেন যাৰ উত্তৰ সংখ্যায় হয়। নয়ন অবশ্যই ঠিক ঠিক জবাৰ দেয়। ভদ্ৰলোক হতভম্ব হয়ে কিছুক্ষণ নয়নেৰ দিকে চেয়ে থেকে নিজেকে সামলে নিয়ে আমাৰ দিকে ঝুঁকে পড়ে প্ৰস্তাৱটা দেন।’

‘কী প্ৰস্তাৱ?’

‘প্ৰস্তাৱটা আমাকে হাতে চাঁদ পাইয়ে দিল। উনি বললেন আমাৰ শোয়েৰ সব খৰচ উনি বহন কৰবেন। একটা কোম্পানি স্থাপন কৰবেন যাৰ নাম হবে “মিৱাক্লস আনলিমিটেড”। এই কোম্পানিৰ মালিক কে তা কেউ জানবে না। এই কোম্পানিৰ হয়েই আমি শো কৰব। তা থেকে খ্যাতি যা হবে তা আমাৰ, খৰচ হয়ে লাভ যা হবে তা ওঁৰ। আমাকে উনি মাসোহাৰা দেবেন যাতে আমাৰ আৱ নয়নেৰ স্বচ্ছদে চলে যায়। ...আমি অবিশ্যি এ প্ৰস্তাৱে রাজি হই, কাৰণ আমাৰ মন থেকে সমস্ত চিন্তা দূৰ হয়ে যাচ্ছে এতে।’

‘কিন্তু এমন সুযোগ উনি হঠাৎ কেন দেবেন সে কথা জিজ্ঞেস কৰনি?’

‘স্বত্বাবতই কৰেছি, এবং উনি তাতে এক অস্তুত কাহিনী শোনালেন। ওনাৰ শখ ছিল পেশাদাৰি জাদুকৰ হবেন। ইঙ্গুল থেকে শুকু কৰে বাইশ বছৱ বয়স পৰ্যন্ত উনি সমানে ম্যাজিক অভ্যাস কৰেছেন, ম্যাজিকেৰ বই আৱ সৱঞ্জিৰ সংগ্ৰহ কৰেছেন। বাদ সাধলেন ওঁৰ বাবা। তিনি ছেলেৰ এই নেশা সমষ্টে কিছুই জানতেন না। একদিন ঘটনাচক্ৰে জানতে পেৱে রেগে আগুন হয়ে ছেলেৰ ম্যাজিকেৰ সব সৱঞ্জিৰ ছুড়ে ফেলে দিয়ে জোৱ কৰে তাকে ব্যবসায় নামান। অসম্ভব কড়া মেজাজেৰ লোক ছিলেন বাবা, তাই ছেলে তাঁৰ শাসন মেনে নেন। শুধু তাই নয়, অল্লদিনেৰ মধ্যেই তিনি ভাল ৱোজগাৰ কৰতে শুকু কৰেন। তা সত্ত্বেও তিনি ম্যাজিকেৰ মোহ কাটিয়ে উঠতে পাৱেন না। ভদ্ৰলোক বললেন, “আমি ৱোজগাৰ কৰেছি অনেক কিন্তু তাতে আমাৰ আত্মাৰ তৃষ্ণি হয়নি। এই ছেলেকে দেখে বুঝতে পাৱছি এই আমাৰ জীবনে সাৰ্থকতা এনে দেবে।”

‘তোমাৰ সঙ্গে লেখাপড়া হয়ে গেছে?’

‘আজে হ্যাঁ। আমি এখন অত্যন্ত হালকা বোধ কৰছি। নয়নেৰ মাস্টাৱ, ডাক্তাৱ, জামাকাপড়—সব কিছুৰ খৰচ উনি দিচ্ছেন। একটা প্ৰশ্ন অবিশ্যি উনি আমাকে কৰেন, সেটা হল কলকাতাৰ বাইৱে ভাৱতবৰ্ষেৰ অন্য বড় শহৱে শো কৰাৰ অ্যামবিশান আমাৰ আছে কি না। আমি জানাই যে সেদিনই সকালে আমি ম্যাদ্রাস থেকে একটা টেলিফোন পেয়েছি যিঃ

রেডি নামে এক থিয়েটারের মালিকের কাছ থেকে। বিবার রাতে আমার শো দেখে ভদ্রলোকের একজন কলকাতাবাসী সাউথ ইন্ডিয়ান বন্ধু রেডিকে নয়নের কথা টেলিফোনে জানান। তাই পরদিন সকালেই রেডি আমাকে ফোন করেন। খবরটা শুনে পৃষ্ঠপোষক জানতে চাইলেন আমি রেডিকে কী বলেছি। আমি বললাম—আমি ভাববার জন্য সময় চেয়েছি। তাতে পৃষ্ঠপোষক বলেন, ‘তুমি এক্ষুনি রেডির আমন্ত্রণ অ্যাক্সেপ্ট করছ বলে টেলিগ্রাম করো। দক্ষিণ ভারত সফরে যাবে তুমি। শুধু ম্যাড্রাস নয়, আরও অন্য শহরে শো করবে তুমি। সব খরচ আমার।’

তোমাকে খরচের হিসাব দিতে হবে না?’ জিজ্ঞেস করল ফেলুদা।

‘তা তো বটেই,’ বললেন তরফদার। ‘সে কাজের ভাব নেবে আমার ম্যানেজার ও বন্ধু শক্ত। ও খুব এফিশিয়েন্ট লোক।’

পনেরো মিনিট যে চলে গেছে সেটা টের পেলাম যখন চাকর এসে বলল যে একটি সাহেবের আর তার সঙ্গে একটি বাঙালিবাবু এসেছেন।

‘এখানে নিয়ে এসো,’ বললেন তরফদার।’

জটায়ু দেখলাম একটা দীর্ঘশাস ফেলে নড়েচড়ে বসলেন, কারণ এখন থেকে ফেলুদা নির্বাক।

সাহেবের মাথায় ধৰধৰে সাদা চুল হলেও বয়স যে বেশি না, সেটা চামড়ার টান ভাব দেখেই বোঝা যায়।

তরফদার উঠে দাঁড়িয়েছিলেন, আগন্তুকদের বসতে বলে নিজেও বসলেন। ফেলুদা জায়গা করে দেবার জন্য আমাদের সোফাতেই লালমোহনবাবুর পাশে এসে বসল।

‘আমার নাম স্যাম কেলারম্যান,’ বললেন সাহেব। ‘আর ইনি আমার ইংরিজেনেটিভ মিস্টার ব্যাস্যাক।’

লালমোহনবাবু কাজে লেগে গেলেন।

‘ইউ আর অ্যান ইমপ্রেসোরিয়া—থুড়ি, ইমপ্রেসারিও?’

‘ইয়েস। আজকাল ভারতীয় কালচার নিয়ে আমাদের দেশে খুব মাতামাতি চলছে। মহাভারত নাটক হয়েছে, মুভিও হয়েছে, জানেন বোধহয়। তাতে ভারতীয় ঐতিহ্যের একটা নতুন দিক খুলে গেছে।’

‘সো ইউ আর ইন্টারেস্টেড ইন ইংরিজেন কালচার?’

‘আই অ্যাম ইন্টারেস্টেড ইন দ্যাট কিড।’

‘ইউ মিন—সান অফ এ গোট?’

আমি এটাই ভয় পেয়েছিলাম। আমেরিকানরা যে মানুষের বাচাকেও কিড বলে সেটা লালমোহনবাবু জানেন না।

এবার মিঃ বসাক মুখ খুললেন।

‘ইনি জ্যেতিক্ষণ কথা বললেন; মিঃ তরফদারের শো-তে যে ছেলেটি অ্যাপিয়ার করে।’

‘উনি ছেলেটি সম্বন্ধে কী জানতে চান সেটা বলবেন কি?’ বললেন তরফদার। মিঃ বসাক প্রশ্নটা অনুবাদ করে দেওয়াতে কেলারম্যান বললেন, ‘আমি চাই এই আশ্চর্য ছেলেটিকে আমাদের দেশের দর্শকের সামনে হাজির করতে। এর যা ক্ষমতা তা ভারতবর্ষ ছাড়া কোনও দেশে সন্তুষ্ট হত না। অবিশ্য কিছু স্থির করার আগে আমি একবার ছেলেটিকে দেখতে চাই, এবং তার ক্ষমতারও একটু নমুনা পেতে চাই।’

বসাক বললেন, ‘মিঃ কেলারম্যান পৃথিবীর তিনজন সবচেয়ে বিখ্যাত ইমপ্রেসারিওর একজন। একুশ বছর ধরে এই কাজ করছেন। ছেলেটিকে পাবার জন্য ইনি অনেক মূল্য

দিতে প্রস্তুত । তা ছাড়া টিকিট বিক্রি থেকেও যা আসবে তার একটা অংশও ছেলেটি পাবে । সেটা চুক্তিতে লেখা থাকবে ।'

তরফদার বললেন, 'মিঃ কেলারম্যান, দ্য ওয়াল্ডার কিড ইজ পার্ট অফ মাই ম্যাজিক শো । তার আমাকে ছেড়ে আর কোথাও যাবার প্রশ্নই উঠতে পারে না । সামনে আমার দক্ষিণ ভারত টুর আছে—ম্যাঙ্গাস দিয়ে শুরু । সেখানে এই ছেলের খবর পৌঁছে গেছে, এবং তারা উদ্ঘীর হয়ে আছে এর অস্তুত ক্ষমতা দেখার জন্য । ভেরি সরি, মিঃ কেলারম্যান—আমি আপনার অনুরোধ রাখতে পারলাম না ।'

কেলারম্যানের মুখ লাল হয়ে গেছে । তাও তিনি ধরা গলায় অনুরোধ করলেন, 'ছেলেটিকে একবার দেখা যায় ? আর সেই সঙ্গে যদি তার ক্ষমতার... ?'

'তাতে অসুবিধে নেই ।' বললেন তরফদার । তার পর চাকরকে দিয়ে নয়নকে ডেকে পাঠালেন । নয়ন এসে তরফদারের সোফার হাতলে কনুই রেখে দাঁড়াল । দিনের বেলা তাকে এত কাছ থেকে দেখে অস্তুত লাগছিল । এমন একটা ক্ষমতা যে ওর মধ্যে আছে সেটা দেখে বোঝার কোনও উপায় নেই—যদিও চাউনিতে বুদ্ধির ছাপ স্পষ্ট ।

কেলারম্যান অবাক হয়ে কিছুক্ষণ নয়নের দিকে চেয়ে রইলেন । তারপর মদুস্বরে, নয়নের দিক থেকে চোখ না সরিয়ে বললেন, 'ও কি আমার ব্যাক অ্যাকাউন্টের নম্বর বলে দিতে পারে ?'

তরফদার বাঁচায় নয়নকে প্রশ্নটা করাতে সে বলল, 'কোন ব্যাক ? ওর তো তিনটে ব্যাকে টাকা আছে ।'

কেলারম্যানের মুখ থেকে লাল ভাবটা চলে গিয়ে ফ্যাকাশে ভাব দেখা দিল । সে ঢোক গিলে আগের মতোই ধরা গলায় মার্কিনি নাকী উচ্চারণে বলল, 'সিটি ব্যাক অফ নিউইয়র্ক ।'

নয়ন গড়গড় করে বলে দিল, 'ওয়ান্টু ওয়ান্টু এইট ড্যাশ সেভ্ন ফোর ।'

'জিসাস ক্রাইস্ট !'

কেলারম্যানের চোখ দুটো যেন ঠিক্রে বেরিয়ে আসছে ।

'আই অ্যাম অফারিং ইউ টোয়েন্টি থাউজ্যান্ড ডলারস রাইট নাউ ।' তরফদারের দিকে ফিরে বলেন কেলারম্যান । 'তোমার ম্যাজিক শো থেকে কোনওদিন এত রোজগার করতে পারবে ?'

'এ তো সবে শুরু, মিঃ কেলারম্যান', বললেন তরফদার । 'এখনও তারতবর্ষের কত শহর পড়ে আছে ; তারপর সারা পৃথিবীর বড় বড় শহর । ম্যাজিক দেখতে ছেলে-বুড়ো সকলেই ভালবাসে । আর এই ছেলেটি যে ম্যাজিক দেখায় তার নমুনা তো দেখলেন আপনি । এর কোনও তুলনা আছে কি ? বিশ হাজার কেন—তারও দের বেশি যে এ ছেলে আমার শো থেকে আনবে না, সেটা কেউ জোর দিয়ে বলতে পারে ?'


'ওর বাবা আছেন ?' জিজ্ঞেস করলেন কেলারম্যান ।

'ধরে নিন এখন আমিই ওর বাবা ।'

এর মধ্যে লালমোহন হঠাতে বলে উঠলেন, 'স্যার, ইন আওয়ার ফিলজফি, ত্যাগ ইজ মোর ইস্পট্যান্ট দ্যান ডোগ ।'

কথাটা বসাক কেলারম্যানকে অনুবাদ করে বুঝিয়ে দিয়ে দাঁড়িয়ে উঠে বললেন, 'মিস্টার তরফদার, আপনি কিন্তু একটা সুবর্ণ সুযোগের সন্ধ্যবহার করছেন না । এমন সুযোগ আপনি আর পাবেন না । ভেবে দেখুন ।'

বুঝতে পারলাম, ভদ্রলোক যদি নয়নকে কেলারম্যানের হাতে তুলে দিতে পারেন তা হলে তাঁর নিজের নির্ঘাত মোটারকম প্রাপ্তি আছে ।



‘আমার ভাবা হয়ে গেছে’, সহজ ভাবে বললেন তরফদার।

অগ্রত্যা কেলারম্যানও উঠে দাঁড়ালেন। বসাক এবার পকেট থেকে একটা ভিজিটিং কার্ড বার করে তরফদারকে দিয়ে বললেন, ‘এতে আমার নাম ঠিকানা ফোন নম্বর সবই আছে। যদি মাইন্ড চেঞ্জ করেন তো আমার সঙ্গে যোগাযোগ করবেন।’

দুই ভদ্রলোককে দরজা অবধি পৌঁছে দিলেন তরফদার।

‘বসাক ঘৃঘৃ লোক।’ তরফদার ফেরার পরে বলল ফেলুদা, ‘নইলে মার্কিন ইমপ্রেসারিওর এজেন্ট সে হতে পারে না। পয়সার দিক দিয়েও সলিড, হয়তো কেলারম্যানের দৌলতেই। দামি ফরাসি আফটার-শেভ লোশন মেখে এসেছে—যদিও খুনির নীচে এক চিলতে শেভিং সোপ এখনও লেগে আছে। বোঝাই যাচ্ছে ঘূম ভাঙে দেরিতে, তাই ন'টায় অ্যাপয়েন্টমেন্ট রাখতে তাড়াহড়ো করতে হয়েছে।’

8

‘একজনকে তো বিদায় করা গেল’, বললেন তরফদার, ‘এবার দ্বিতীয় ব্যক্তির জন্য অপেক্ষা। পাঁচুয়াল হলে তো আর দু-তিন মিনিটের মধ্যেই আসা উচিত।’

দু মিনিট অপেক্ষা করতে হল না। নয়নকে ফেরত পাঠিয়ে দেবার সঙ্গে সঙ্গেই চাকরকে যেতে হল সদর দরজায়। সে ফিরে এল সঙ্গে একটি কালো সুট পরা ভদ্রলোককে নিয়ে। তরফদার উঠে দাঁড়িয়ে বললেন, ‘গুড মর্নিং। আপনার নামটা টেলিফোনে ঠিক ধরতে পারিনি। আপনি যদি...’

‘তেওয়ারি’, সোফায় বসে বললেন ভদ্রলোক, ‘দেবকীনন্দন তেওয়ারি। টি এই সিন্ডিকেটের নাম শুনেছেন?’

তরফদার, জটায়ু দুজনেই চুপ দেখে ফেলুদাকেই মুখ খুলতে হল।

‘আপনাদের ইমপোর্ট-এক্সপোর্টের কারবার কি? পোলক স্ট্রিটে অপিস?’

‘ইয়েস স্যার।’

ভদ্রলোক ফেলুদার দিকে সন্দিক্ষ দৃষ্টিতে দেখছিলেন বলে তরফদার আমাদের বিষয় ওঁকে বলে দিলেন।

‘ঠুঠু আমার তিনজন বিশিষ্ট বন্ধু। আশা করি এঁদের সামনে কথা বলতে আপনার কোনও আপত্তি হবে না।’

‘নো, নো। তবে কথা মানে শুধু একটি প্রশ্ন। ওই ছেলেটিকে যদি একবার আমার সামনে উপস্থিত করেন, তা হলে আমি তাকে কেবলমাত্র একটি প্রশ্ন করব। জবাব পেলে আমার অশেয়ে উপকার হবে, আর আমার কাজও শেষ হবে।’

নয়নকে আবার আনতে হল। তরফদার নয়নের ঠিক পিঠে হাত রেখে তেওয়ারির দিকে দেখিয়ে বললেন, ‘ইনি তোমাকে একটা কথা জিজ্ঞেস করবেন। দেখ তার উত্তর দিতে পার কি না।’ তারপর তেওয়ারির দিকে ফিরে বললেন, ‘আপনার প্রশ্নের উত্তর সংখ্যায় হবে তো? অন্য কোনও প্রশ্নের উত্তর কিন্তু এ দিতে পারবে না।’

‘আই নো, আই নো। আমি জেনেশনেই এসেছি।’

তারপর—লালমোহনবাবুর ভাষায়—নয়নের দিকে তীক্ষ্ণ দৃষ্টি নিবন্ধ করে ভদ্রলোক বললেন, ‘আমার সিন্দুকের কম্বিনেশনটা কী সেটা বলতে পার?’

নয়ন ফ্যাল ফ্যাল করে ভদ্রলোকের দিকে চেয়ে আছে দেখে ফেলুদা বলল, ‘শোনো জ্যোতিশ্বর—কম্বিনেশন জিনিসটা কী সেটা বোধহয় তুমি জান না। আমি বুঝিয়ে দিচ্ছি। একরকম সিন্দুক হয় যাতে তালাচাবি থাকে না। তার বদলে ডালার এক পাশে একটা চাকুতি থাকে যেটাকে ঘোরানো যায়। এই চাকুতির গায়ে একটা তীর আঁকা থাকে, আর চাকুতিটাকে ঘিরে সিন্দুকের গায়ে এক থেকে শূন্য অবধি নম্বর লেখা থাকে। কম্বিনেশন হল সিন্দুক খোলার একটা বিশেষ নম্বর। চাকুতিটাকে ঘূরিয়ে ঘূরিয়ে পর-পর সেই নম্বরের পাশে তীরটাকে আনলে শেষ নম্বরে পৌঁছতেই ঘড়াৎ করে সিন্দুক খুলে যায়—বুঝেছ?’

‘বুঝেছি।’


এখানে জটায়ু দুম করে একটা বেশ লাগসই প্রশ্ন করলেন তেওয়ারিকে।

‘আপনার নিজের সিন্দুকের কম্বিনেশন আপনি নিজেই জানেন না?’

‘তেইশ বছর ধরে জেনে এসেছি’, আশ্ফেপের ভঙ্গিতে মাথা নেড়ে বললেন তেওয়ারি। ‘স্বভাবতই মুখস্থ ছিল। ক’হাজার বার সে সিন্দুক খুলেছি তার কি হিসাব আছে? কিন্তু বয়স যেই পঞ্চাশ পেরিয়েছে আমনি স্মৃতিশক্তি দুর্বল হতে শুরু করেছে। আজ চার দিন থেকে নম্বরটা কিছুতেই মনে পড়ছে না। একটা ডায়ারিতে লেখা ছিল, বল পুরনো ডায়ারি—সেটা যে কোথায় গেছে জানি না। আমি হয়রান হয়ে শেষে এই ছেলের খবর পেয়ে মিস্টার তরফদারের সঙ্গে অ্যাপয়েন্টমেন্ট করি।’

‘আপনি কি আর-কাউকে কোনওদিন নম্বরটা বলেননি?’ আবার প্রশ্ন করলেন জটায়ু। ফেলুদার দিকে আড়চোখে চেয়ে তার ঠোঁটের কোণে হাসি দেখে বুঝলাম সে জটায়ুকে তারিফ করছে।

তেওয়ারি বললেন, ‘আমার ধারণা আমার পার্টনারকে বলেছিলাম—বছকাল আগে অবশ্য—কিন্তু সে অবীকার করছে। হ্যাতো এও আমার স্মৃতিভ্রম। কম্বিনেশন তো আর পাঁচজনকে বলে বেড়াবার জিনিস নয়, আর এ-সিন্দুক হল আমার পার্সোনাল সিন্দুক। আমার যে-টাকা ব্যাকে নেই তা সবই এই সিন্দুকে আছে। অথচ...’



তেওয়ারির দৃষ্টি সোফার পাশে দাঁড়ানো নয়নের দিকে ঘূরল। সঙ্গে সঙ্গে নয়ন বলল, ‘সিঙ্গ ফোর থি এইট নাইন সিঙ্গ ওয়ান।’

‘রাইট! রাইট! রাইট! উল্লাসে চেঁচিয়ে উঠলেন তেওয়ারি। আব সঙ্গে সঙ্গে পকেট থেকে একটা ছোট নোটবুক বার করে ডটপেন দিয়ে তাতে মন্তব্যটা লিখে নিলেন।

‘আপনার সিন্দুকে কত টাকা আছে সেটা আপনি জানেন?’ প্রশ্ন করলেন তরফদার।

‘এগজ্যান্ট অ্যামাউন্টটা জানি না।’ বললেন তেওয়ারি, ‘তবে যত দূর মনে হয়—লাখ চারেক তো হবেই।’

‘এ কিন্তু বলে দিতে পারে’, নয়নের দিকে দেখিয়ে বললেন তরফদার। ‘আপনি জানতে চান?’

‘তা কৌতৃহল তো হয়ই।’

তেওয়ারি ঠোঁটের কোণে হাসি আব চোখে জিজাসু দৃষ্টি নিয়ে নয়নের দিকে চাইলেন।

‘টারকা-পয়সা কিছু নেই’, বলল নয়ন।

‘হোয়াট!

তেওয়ারি সোফা থেকে প্রায় তিন ইঞ্চি লাফিয়ে উঠলেন। তারপর উত্তেজনা সামলে নিয়ে মুখে একটা বিরক্ত ভাব এনে বললেন, ‘বোঝাই যাচ্ছে এই বালক সব ব্যাপারে রিলায়েব্ল নয়। এনিওয়ে, কম্বিনেশনটায় ভুল নেই। ওটা জানতে পেরে সত্যিই আমার উপকার হয়েছে।’

তেওয়ারি দাঁড়িয়ে উঠে পকেটে হাত চুকিয়ে একটা গোলাপি কাগজে মোড়া সরু লস্বা
প্যাকেট বার করে নয়নের হাতে দিয়ে বলল, ‘দিস ইজ ফর ইউ, মাই বয়।’

তেওয়ারিকে দরজা অবধি এগিয়ে দিয়ে তরফদার ফিরে আসতে ফেলুদা নয়নকে বলল,
‘ওটা খুলে দেখো তো ওতে কী আছে।’

প্যাকেট খুলতে বেরোল একটা ছোটদের রিস্টওয়াচ।

‘বাঃ! বললেন জটায়ু। ‘এটা পরে ফেলো নয়ন ভাই, পরে ফেলো! ’

নয়ন ঘড়িটা হাতে পরে নিয়ে নিজের ঘরে চলে গেল।

‘সিন্দুক খুলে তেওয়ারি সাহেবের প্রাণ ওষ্ঠাগত হবে’, বলল ফেলুদা।

‘সিন্দুকে যদি সত্যিই কিছু থেকে না থাকে’, বললেন জটায়ু, ‘তা হলে তেওয়ারি নিশ্চয়ই
ওঁর পার্টনারকেই সন্দেহ করবেন?’

ফেলুদা যেন মন থেকে ব্যাপারটাকে ঝোড়ে ফেলে দিয়ে অন্য প্রসঙ্গে চলে গেল।
তরফদারের দিকে ফিরে বলল, ‘তোমরা যে দক্ষিণ ভারত সফরে যাচ্ছ, সেটা কীসে যাবে?
ট্রেনে, না প্লেনে?’

‘ট্রেনে অবশ্যই। সঙ্গে এত লটবহর, ট্রেন ছাড়া উপায় কী?’

‘নয়নকে সামলাবার কী ব্যবস্থা করছ?’

‘ট্রেনে তো আমিই সঙ্গে থাকব; কিছু হবে বলে মনে হয় না। ওখানে পৌঁছে আমি ছাড়া
একজন আছে যে ওকে সব সময়ে চোখে চোখে রাখবে। সে হল আমার ম্যানেজার শঙ্কর।’

কথা হয়তো আরও চলত, কিন্তু ঠিক এই সময়ে চাকর একটি প্যাট-কোট-টাই পরা
ভদ্রলোককে এনে হাজির করলেন। বুঝলাম ইনি নাস্বার থ্রি।

‘গুড মর্নিং। আই মেড অ্যান অ্যাপয়েন্টমেন্ট উইথ—’

‘মি’, বললেন তরফদার। ‘মাই নেম ইজ তরফদার। ’

‘আই সি। মাই নেম ইজ হজসন। হেনরি হজসন। ’

‘প্রিজ সিট ডাউন। ’

তরফদারও উঠে দাঁড়িয়েছিলেন; এবার দুজনেই একসঙ্গে বসলেন।

হজসনের গায়ের যা রং, তাঁকে সাহেব বলা মুশ্কিল। তাও ইংরিজি ছাড়া গতি নেই।

‘এঁরা কারা প্রশ্ন করতে পারি কি?’ পর পর আমাদের তিনজনের দিকে চেয়ে প্রশ্ন করলেন
হজসন।

‘আমার খুব কাছের লোক। আপনি এঁদের সামনে স্বচ্ছন্দে কথা বলতে পারেন। ’

‘হ্ম। ’

ভদ্রলোকের মেজাজ যে তিরিক্ষি, সেটা তাঁর পার্মানেন্টলি কঁচকে থাকা ভুক্ত থেকে বেশ
বোৰা যাচ্ছিল।

‘আমার এক পরিচিত বাঙালি ভদ্রলোক লাস্ট সানডে তোমার ম্যাজিক দেখেছিল। সে
একটি ছেলের আশ্চর্য ক্ষমতার কথা বলে। আমি অবিশ্যি তার কথা বিশ্বাস করিনি। আমি
ঈশ্বর মানি না; তাই অলৌকিক শক্তিতেও আমার বিশ্বাস নেই। ইফ ইউ বিং দ্যাট বয়
হিয়ার—আমি ওর সঙ্গে কয়েকটা কথা বলতে চাই। ’

তরফদার যেন অনিচ্ছাসত্ত্বেও চাকরকে ডেকে পাঠালেন।

‘নারায়ণ, আরেকবার যাও তো—খোকাবাবুকে ডেকে আনো। ’

নয়ন মিনিট খানেকের মধ্যে হাজির।

‘সো দিস ইজ দ্য বয়?’

হজসন নয়নের দিকে কিছুক্ষণ চেয়ে থেকে বলল, ‘আমাদের এখানে ঘোড়দৌড় হয় তুমি জান?’

তরফদার সেটা বাংলা করে নয়নকে বললেন।

‘জানি’, পরিকার গলায় বলল নয়ন।

‘গত শনিবার রেস ছিল’, বলল হজসন। ‘তিন নম্বর রেসে কত নম্বর ঘোড়া জিতেছিল, বলতে পার?’

এটাও অনুবাদ হল নয়নের জন্য।

‘ফাইভ’—এক মুহূর্ত না ভেবে বলে দিল নয়ন।

এক জবাবেই কেঁজ্বা ফতে। সোফা থেকে উঠে প্যাটের দু পকেটে হাত ঢুকিয়ে ‘ভেরি ষ্ট্রেঞ্জ’ বলে এপাশ ওপাশ পায়চারি করতে লাগলেন হজসন সাহেব। তারপর হঠাত খেমে তরফদারের দিকে সোজা দৃষ্টি দিয়ে বললেন, ‘আল আই ওয়ান্ট ইজ দিস—আমি সপ্তাহে একবার করে এখনে এসে এর কাছ থেকে জেনে যাব সামনের শনিবার কোন রেসে কত নম্বর ঘোড়া জিতবে। সোজা কথায় বলছি—রেস আমার নেশা। অনেক টাকা খুইয়েছি, তাও নেশা যায়নি। কিন্তু আর হারলে দেনার দায়ে আমাকে জেলে পুরবে। তাই এবার থেকে শিওর হয়ে বেট করতে চাই। দিস্ বয় উইল হেল্প মি।’

‘হাউ ক্যান ইউ বি সো শিওর?’ ঠাণ্ডা গলায় জিজ্ঞেস করলেন তরফদার।

‘হি মাস্ট, হি মাস্ট, হি মাস্ট!’ বাঁ হাতের তেলোর ওপর ডান হাত দিয়ে পর পর তিনটে ঘুঁঁঘি মেরে বললেন হজসন সাহেব।

‘নো—হি মাস্ট নট, দৃঢ়স্বরে বললেন তরফদার। ‘অসাধু উদ্দেশ্যে কোনওরকমে ব্যবহার করা চলবে না এই বালকের ক্ষমতা। এ ব্যাপারে আমার কথার এক চুল নড়চড় হবে না।’

এবারে হজসনের চেহারা হয়ে গেল ভিথিরির মতো। হাত দুটো জোড় করে ভদ্রলোক কাতর সুরে বললেন, ‘অন্তত আগামী রেসের উইনারের নামগুলো বলে দিক! প্লিজ।’

‘নো হেল্প ফর গ্যাস্টলারস্, নো হেল্প ফর গ্যাস্টলারস্!’ আশৰ্চ শুন্দ ইংরিজিতে ঘন ঘন মাথা নেড়ে বললেন জটায়ু।

হজসন সোফা ছেড়ে উঠে পড়লেন, তাঁর মুখ বেগুনি।

‘তোমাদের মতো এমন ঢাঁটা আর মূর্খ লোক আমি আর দেখিনি, ড্যাম ইট।’

কথাটা বলে আর একমুহূর্ত অপেক্ষা না করে হজসন গটগটিয়ে সদর দরজার দিকে চলে গেলেন।

‘বিশ্বী লোক! হারিব্ল ম্যান!’ নাক কুঁচকে চাপা গলায় বললেন জটায়ু।

তরফদার নয়নকে ঘরে পাঠিয়ে দিলেন।

‘বিচ্ছি সব অ্যাপয়েন্টমেন্ট’, বলল ফেলুদা। ‘হজসন অবিশ্য শুধু জুয়াড়ি নন, তিনি নেশাও করেন। আমি কাছে বসেছিলাম তাই গন্ধটা সহজেই পাছিলাম। ওঁর যে দৈন্যদশা সেটা ওঁর কোটের আস্তিনের কনুই দেখলেই বোৰা যায়। ভাঁজ খেয়ে খেয়ে কোটের ওইখানটাই সবচেয়ে আগে জখম হয়। একে তাপ্তি লাগাতে হয়েছে, কিন্তু নতুন কাপড়ের সঙ্গে পুরনো রং বা কোয়ালিটি কোনওটাই মেলেনি। তা ছাড়া ভদ্রলোককে যে বাসে বা ট্রামে আসতে হয়েছে সেটা ওঁর ডান পায়ের কালো জুতোর ডগায় অন্য কাঁকুর জুতোর আংশিক ছাপ দেখেই বোৰা যায়। এ জিনিস ট্যাঙ্কি বা মেট্রোতে হয় না।’

এগুলো অবিশ্য শুধু ফেলুদারই চেখে ধরা পড়েছে।

বাইরে একটা গাড়ি থামার শব্দ পেয়ে আমরা আবার টান হয়ে বসলাম।

‘নাম্বার ফোর’, বলল ফেলুদা।

মিনিট খানেক পরেই নারায়ণ এক অদ্ভুত প্রাণীকে এনে হাজির করল। পূরনো জুতোর বুরুশের মতো দাঢ়ি, শুঁয়োপোকার মতো গোঁফ। ঝুলবাড়ুর মতো চুল, পরনে ঢিলে হয়ে যাওয়া গেরুয়া সুট, আর বিশ্রীভাবে প্যাঁচ দেওয়া সবুজ টাই। ছোটখাটো মানুষ। বয়স ঘাট-পঁয়ষষ্ঠি হবে, যদিও সেই তুলনায় চোখ দুটো অস্বাভাবিক রকম উজ্জ্বল।

ঘরে ঢুকে এদিক-ওদিক দেখে মিহি অথচ কর্কশ গলায় বললেন, ‘তরফদার, তরফদার—ছাই ওয়ান ইঞ্জ তরফদার?’

‘তরফদার উঠে দাঁড়িয়ে নমস্কার করে বললেন, ‘আমিই সুনীল তরফদার।’

‘অ্যাল্ড দিজ থি?’ আমাদের তিনজনের উপর দিয়ে একটা ঝাড়-দৃষ্টি দিয়ে জিজেস করলেন ভদ্রলোক।

‘আমার তিন অস্তরঙ্গ বন্ধু, বললেন তরফদার।

‘নেম্স? নেম্স?’

‘ইনি প্রদোষ মিত্র, ইনি লালমোহন গাঙুলী, আর ইনি তপেশ মিত্র।’

‘অল রাইট। এবাব কাজের কথা। কাজের কথা।’

‘বলুন।’

‘আমার নাম জানেন?’

‘আপনি তো টেলিফোনে শুধু আপনার পদবিটাই বলেছিলেন—ঠাকুর। সেটাই জানি।’

‘তারকনাথ। তারকনাথ ঠাকুর। তি এন টি—ট্রাইনাইট্রোটোলুস্টেন—হাঃ হাঃ হাঃ!’

ভদ্রলোকের হাসির দমকে চমকে উঠলাম। ট্রাইনাইট্রোটোলুস্টেন বা টি এন টি যে এক প্রচণ্ড বিষেরকের উপাদান, সেটা আমি জানতাম।

‘আপনার বাড়িতে কি একজন অসম্ভব বেঁটে বামন থাকে?’ ফেলুদা প্রশ্ন করল।

‘কিচোম। কোরিয়ান,’ বললেন তারকনাথ। ‘এইটি টু সেন্টিমিটারস্। বিশ্বের খর্বতম প্রাপ্তবয়স্ক ব্যক্তি।’

‘এ খবরটা মাস কয়েক আগে কাগজে বেরিয়েছিল।’

‘এবাব গিনেস বুক অফ রেকর্ডসে স্থান পাবে।’

‘একে আপনি জোগাড় করলেন কী করে?’ প্রশ্ন করলেন জটায়ু।

‘আমি সারা পৃথিবী ঘুরে বেড়াই। আমার অচেল টাকা। এক পয়সা নিজে উপার্জন করিনি, সব বাপের টাকা। উইল করেননি, তবে আমিই একমাত্র সন্তান, তাই সব টাকাই আমি পাই। কীসের টাকা জান? গন্ধুদ্ব্য। পারফিউম। কুস্তলায়নের নাম শুনেছ?’

‘সে তো এখনও পাওয়া যায়,’ বললেন জটায়ু।

‘হাঁ। বাবাবই আবিষ্কার, ব্যবসাও বাবারই। এখন এক ভাইপো দেখে। আমার কোনও ইন্টারেস্ট নেই। আমি সংগ্রাহক।’

‘কী সংগ্রহ করেন?’

‘নানান মহাদেশের এমন সব জিনিস যার জুড়ি নেই। একমেবাদ্বিতীয়ম। কিচোমোর কথা বললাম। এ ছাড়া আছে দুহাতে একসঙ্গে লিখতে পারে এমন একটি সেক্রেটারি। জাতে মাওরি। নাম টোকোবাহানি। আরও আছে। একটি র্যাক প্যারট—তিন ভাষায় কথা বলে। একটি দুই-মাথা বিশিষ্ট পমেরেনিয়ান কুকুর, লছমনবুলার একটি সাধু উজ্জীনানন্দ, মাটি থেকে দেড় হাত উপরে শুন্যে আসনপিঁড়ি হয়ে বসে ধ্যান করে। তা ছাড়া—’

‘ওয়ান মিনিট স্যার,’ বলে লালমোহনবাবু বাধা দিলেন। সঙ্গে সঙ্গে প্রতিক্রিয়া হল।



হাতের লাঠি মাথার উপর তুলে চোখ রক্ষণ্য করে তারকনাথ টেঁচিয়ে উঠলেন, ‘ইউ ডেয়ার ইন্টারান্স মি !’

‘সরি সরি স্যার।’ জটায়ু কুকড়ে গেছেন—‘আমি জানতে চাইছিলুম আপনার সংগ্রহের মধ্যে যারা মানুষ, তারা কি স্বেচ্ছায় আপনার এখানে রয়েছে ?’

‘তারা ভাল খায়, ভাল পরে, ভাল বেতন পায়, আরাম পায়, আদর পায়—থাকবে না কেন ? হোয়াই নট ? আমার কথা আর আমার সংগ্রহের কথা পৃথিবীর অনেক দেশের অনেক লোকেই জানে ; তোমরা না জানতে পার। আমেরিকা থেকে একজন সাংবাদিক এসে আমার সঙ্গে কথা বলে, দেশে ফিরে নিউ ইয়র্ক টাইমসে “দ্য হাউস অফ ট্যারক” বলে এক প্রবন্ধ লেখে।’

এবার তরফদার মুখ খুললেন।

‘অনেক কথাই তো জানা গেল, কেবল আপনার এখানে আসার কারণটা ছাড়া।’

‘এটা আবার বলে দিতে হবে ? আমি ওই খোকাকে আমার সংগ্রহের জন্য চাই। কী নাম মেন ? ইয়েস—জ্যোতিক্ষ। আই ওয়ন্ট জ্যোতিক্ষ।’

‘কেন ? সে তো এখানে দিব্যি আছে, বললেন তরফদার। ‘খাওয়া পরার অভাব নেই, যত্নাভিত্তির অভাব নেই। সে আমার ডেরা ছেড়ে আপনার ওই উন্নত ভিত্তের মধ্যে যাবে কেন ?’

‘তারকনাথ তরফদারের দিকে প্রায় আধ মিনিট চেয়ে থেকে বললেন, ‘গাওয়াঙ্গি-কে একবার দেখলে তুমি এমন বেপরোয়া কথা বলতে পারতে না।’

‘হোয়াই ইজ গাওয়াঙ্গি ?’ প্রশ্ন করলেন জটায়ু।

‘নট হোয়াই, বাট হ’, গঙ্গীরভাবে বললেন তারকনাথ। ‘নট বস্ত, বাট ব্যক্তি। ইউগ্যান্ডার লোক। পৌনে আট ফুট হাইট, চুয়ান ইঞ্জি ছাতি, সাড়ে তিনশো কিলো ওজন। কোনও ওলিম্পিক ওয়েট লিফটার ওর কাছে পাস্তা পাবে না। একবার টেরাইরের জঙ্গলে একটা বাঘকে ঘূমপাড়ানি ইনজেকশনের গুলি মারে, কারণ বাঘটার গায়ে স্পট এবং ডেরা দুই-ই ছিল। একমেবাদ্বীতীয়ম। সেই বাঘকে কাঁধে করে সাড়ে তিন মাইল বয়ে এনেছিল গাওয়াঙ্গি। সে এখন আমার একনিষ্ঠ সেবক।’

‘আপনি কি আবার দাসপ্রথা চালু করলেন নাকি ?’ জটায়ু বেশ সাহসের সঙ্গে প্রশ্ন করলেন।

‘নো স্যার !’ গর্জিয়ে উঠলেন টি এন টি। ‘গাওয়াঙ্গিকে যখন দেখি তখন তার ভবিষ্যৎ অন্ধকার। ইউগ্যান্ডার রাজধানী কাম্পালা শহরে এক শিক্ষিত পরিবারের ছেলে। বাপ ডাক্তার। তাঁর কাছেই শুনি গাওয়াঙ্গির যখন চোদ বছর বয়স তখনই সে প্রায় সাত ফুট লম্বা। বাড়ির বাইরে বেরোয় না। কারণ রাস্তার লোকে টিল মারে। ইঙ্গুলে ভর্তি হয়েছিল, কিন্তু ছাত্রদের বিদ্যুপের ঠেলায় বাধ্য হয়ে তাকে ছাড়িয়ে আনতে হয়। আমি যখন তাকে দেখি তখন তার বয়স একুশ। ভবিষ্যৎ অন্ধকার। চুপচাপ ঘরে বসে থাকে সারাদিন। দেখে মনে হল এইভাবে সে আর বেশিদিন বাঁচবে না। সেই অবস্থা থেকে তাকে আমি উদ্ধার করে আনি। আমার কাছে এসে সে নতুন জীবন পায়। সে আমার দাস হতে যাবে কেন ? আমি তাকে নিজের সন্তানের মতো স্নেহ করি। আমাদের সম্পর্ক পিতা-পুত্রের সম্পর্ক।’

‘যাই হোক তারকবাবু’, বললেন তরফদার, ‘আপনার অনুরোধ রাখতে পারলাম না। আমি জ্যোতিক্ষকে চিড়িয়াখানার অধিবাসী হিসেবে কল্পনা করতে পারি না এবং চাইও না।’

‘গাওয়াঙ্গির বিবরণ শোনার পরেও এটা বলছ ?’

‘বলছি ।’

ভদ্রলোক যেন একটু দমে গিয়ে একটা দীর্ঘশ্বাস ফেলে বললেন, ‘তাই যখন বলছ তখন এই ছেলেটিকে একবার দেখতে পারি কি ?’

‘সেটা সহজ ব্যাপার । আপনি সেই কলকাতার উত্তর প্রান্ত থেকে এসেছেন, আপনার জন্য এতটুকু করতে পারব না ?’

নয়ন এসে দাঁড়াতে তারকবাবু তার দিকে ভুঁড় কুঁচকে চেয়ে জিজ্ঞেস করলেন, ‘আমার বাড়িতে কটা ঘর আছে বলতে পার ?’

‘ছেষটি ।’

‘হ্যাঁ...’

এবার তারকনাথ উঠে দাঁড়িয়ে তার লাঠির রূপে দিয়ে বাঁধানো মাথাটা ডান হাতের মুঠো দিয়ে শক্ত করে ধরে বললেন, ‘রিমেম্বার, তরফদার—টি এন টি অত সহজে হার মানে না । আমি আসি ।’

ভদ্রলোক চলে যাবার পর আমরা কিছুক্ষণ কোনও কথাই বললাম না । নয়নকে তার ঘরে পাঠিয়ে দিলেন তরফদার । অবশেষে লালমোহনবাবু ফেলুদার দিকে ফিরে বললেন, ‘চার দিয়ে তো অনেক কিছু হয়—না মশাই ? চতুর্দিক, চতুর্ভুজ, চতুর্মুখ, চতুর্বৰ্দে—এই চারটিকে কী বলব তাই ভাবছি ।

‘চতুর্লোভী বলতে পারেন ।’ বলল ফেলুদা । ‘চার জনই যে লোভী তাতে তো কোনও সন্দেহ নেই । তবে লোভী হয়েও যে কোনও লাভ হল না সে ব্যাপারে সুনীলকে তারিফ করতে হয় ।’

‘তারিফ কেন স্যার ?’ বললেন তরফদার । ‘এ তো সোজা অঙ্ক । সে ছেলে আমার বাড়িতে মানুষ হচ্ছে সুস্থ পরিবেশে । আমি তাকে দেখছি । সে আমাকে দেখছে । শ্রেফ লেনদেনের ব্যাপার । এ অবস্থার পরিবর্তন হবে কেন ?’

আমরা তিনজন উঠে পড়লাম ।

‘একটা কথা বলি তোমাকে’, তরফদারের কাঁধে হাত রেখে বলল ফেলুদা, ‘আর অ্যাপয়েন্টমেন্ট না ।’

‘পাগল !’ বললেন তরফদার । ‘এক দিনেই যা অভিজ্ঞতা হল, এর পরে আবার অ্যাপয়েন্টমেন্ট !’

‘তবে এটা বলে রাখি—নয়নকে বিপদের হাত থেকে রক্ষা করতে যদি আমার প্রয়োজন হয়, তা হলে আমি তৈরি আছি । ছেলেটির উপর আমার মায়া পড়ে গেছে ।’

‘থ্যাক্স ইউ স্যার, থ্যাক্স ইউ । প্রয়োজন হলেই খবর পাবেন ।’

৬

বিষ্ণুদেবারের সকাল । গতকালই চতুর্লোভীর সঙ্গে সকলে কাটিয়েছি আমরা । বেশ বুঝতে পারছি ব্যাপারটা ক্রমে এক্সাইটিং হয়ে আসছে, তাই বোধহয় জটায়ু তাঁর অভ্যাসমতো ন'টায় না এসে সাড়ে আটটায় এসেছেন ।

ভদ্রলাক কাউচে বসতেই ফেলুদা বলল, ‘আজ কাগজে খবরটা দেখেছেন ?’

‘কোন কাগজ ?’

‘স্টেটসম্যান, টেলিগ্রাফ, আনন্দবাজার...’

‘মশাই, এক কাশ্মীরি শালওয়ালা এসে সকালটা একেবারে মাটি করে দিয়ে গেল ।

কাগজ-টাগজ কিছু দেখা হয়নি। কী খবর মশাই ?'

আমি আগেই কাগজ পড়েছি, তাই খবরটা জানতাম।

'তেওয়ারি সিন্দুক খুলেছিলেন,' বলল ফেলুদা, 'আর খুলে দেখেন সত্যিই তার মধ্যে একটি কপৰ্দিকও নেই।'

'তা হলে তো নয়ন ঠিকই বলেছিল', চোখ বড় বড় করে বললেন জটায়। 'চুরিটা কখন হয় ?'

'দুপুরে আড়াইটা থেকে সাড়ে তিনটার মধ্যে। অন্তত তেওয়ারির তাই ধারণা। সেই সময়টা তিনি আপিসে ছিলেন না। ছিলেন তাঁর ডেনটিস্টের চেস্টারে। ভদ্রলোকের স্মরণশক্তি এখন ভাল কাজ করছে। দুদিন আগেই নাকি উনি সিন্দুক খুলেছিলেন, তখন সব কিছুই ছিল। টাকার অঙ্কও মনে পড়েছে—পাঁচ লাখের কিছু উপরে। তেওয়ারি অবিশ্য তাঁর পার্টনারকেই সন্দেহ করছেন। বলছেন একমাত্র তাঁর পার্টনারই নাকি কম্বিনেশনটা জানত। এ ছাড়া আর কাউকে কথনও বলেননি।'

'এই পার্টনারটি কে ?'

'নাম হিসেয়ানি। টি এইচ সিভিকেটের টি হলেন তেওয়ারি আর এইচ হিসেয়ানি।'

'যাকগে। তেওয়ারি, হিংটিংহট, এ সবে আমার কোনও ইন্টারেস্ট নেই। আমি খালি ভাবছি ওই পুঁচকে ছেলে এমন ক্ষমতা পেল কী করে ?'

'আমিও সে কথা অনেকবার ভেবেছি। ব্যাপারটা প্রথম কী করে আবিষ্কার হয়, সেটা জানার খুব আগ্রহ হচ্ছে। তোপ্সে, নয়নের বাড়ির রাস্তার নাম তোর মনে আছে ?'

'নিকুঞ্জবিহারী লেন। কালীঘাট।'

'গুড়।'

'একবার যাবেন নাকি মশাই ? বলা যায় না, আমার ড্রাইভার কলকাতার এমন সব রাস্তা চেনে যাব নামও আমি কম্পিনকালে শুনিনি।'

সত্যিই দেখা গেল হরিপদবাবু নিকুঞ্জবিহারী লেন চেনেন। বললেন, 'ও রাস্তায় তো পল্টু দত্ত থাকতেন। আমি তখন অজিতেশ সাহার গাড়ি চালাই। একদিন তাঁকে নিয়ে গেলুম পল্টু দত্তের বাড়ি। দুজনেই তো ফুটবলার, তাই খুব আলাপ।'

দশ মিনিটের মধ্যে নিকুঞ্জবিহারী লেন-এ পৌঁছে একটা পানের দোকানে জিজ্ঞেস করে জানলাম অসীম সরকার থাকেন আট নম্বরে।

আট নম্বরের দরজায় টোকা দিতে একজন রোগা, ফরসা ভদ্রলোক দরজা খুলে আমাদের সামনে দাঁড়ালেন। বুঝলাম তিনি সবেমাত্র দাড়ি কামানো শেষ করেছেন, কারণ হাতের গামছা দিয়ে গাল মোছা এখনও শেষ হয়নি।

'আপনারা— ?' ভদ্রলাক ফেলুদার দিকে জিজ্ঞাসু দৃষ্টি দিলেন।

'আপনি কি আপিসে বেরোচ্ছেন ?'

'আজ্জে না। এখন তো ঝটা। আমি বেরোই সাড়ে ঝটায়।'

ফেলুদা বলল, 'আমরা গত রবিবার তরফদারের ম্যাজিক দেখতে গিয়েছিলাম। সেখানে আপনার ছেলের—আপনিই তো অসীম সরকার ?'

'আজ্জে হাঁ।'

'আশ্চর্য অলৌকিক ক্ষমতা আপনার ছেলের। তরফদারের সঙ্গে আমাদের বেশ ভাল আলাপ হয়েছে। তাঁর কাছেই আপনার বাড়ির হদিস পেলাম।—এই দেখুন, আমরা কে তাই বলা হয়নি !—ইনি রহস্য রোমাঞ্চ উপন্যাস লেখক জটায়, এ আমার ভাই তপেশ, আর আমি প্রদোষ মিত্র।'

‘প্রদোষ মিত্র ?’ ভদ্রলোকের চোখ কপালে। ‘সেই বিখ্যাত গোয়েন্দা প্রদোষ মিত্র—যাঁর ডাক নাম ফেলু ?’

‘আজ্ঞে হ্যাঁ !’ ফেলুদা বিনয়ের অবতার।

‘ভেতরে আসুন, ভেতরে আসুন—কী আশ্চর্য !’

আমরা ভদ্রলোকের পিছন পিছন ভিতরে গিয়ে একটা সরু প্যাসেজের বাঁ দিকের দরজা দিয়ে একটা ছোট ঘরে গিয়ে চুকলাম। সেটাকে শোবার ঘর বসবার ঘর দুই-ই বলা চলে। দুটো চেয়ার আর একটা তক্কপোশ ছাড়া ঘরে কোনও আসবাব নেই। তক্কপোশের এক প্রান্তে শতরাঙ্গি দিয়ে গোটানো একটা বালিশ দেখে বোঝা যায়, সেখানে কেড় শোয়। ফেলুদা আর জটায় চেয়ারে, অসীমবাবু আর আমি থাটে বসলাম।

ফেলুদা বলল, ‘আপনার বেশি সময় নেব না। আমাদের আসার কারণটা বলি। সে দিন তরফদারের শো-তে আপনার ছেলের আশ্চর্য ক্ষমতা দেখে আমাদের কথা বক্ষ হয়ে গিয়েছিল। শোয়ের পর তরফদারকে জিজ্ঞেস করাতে উনি বলেন ছেলেটি তাঁর কাছেই থাকে। আমি জানতে চাই যে নয়নের বাসস্থান পরিবর্তনের প্রস্তাবটা কি তরফদার করেন, না আপনি করেন ?’

‘আপনি মহামান্য ব্যক্তি, আপনার কাছে মিথ্যা বলব না। ওঁর বাড়িতে রাখার প্রস্তাবটা তরফদার মশাই-ই করেন, তবে তার আগে নয়নকে আমিই ওঁর কাছে নিয়ে যাই।’

‘সেটা কবে ?’

‘ওর ক্ষমতা প্রকাশ পাবার তিন দিন পরে—দোসরা ডিসেম্বর।’

‘এই সিদ্ধান্তের কারণটা কী ?’

‘এর একটাই কারণ, মিত্রির মশাই। আমার বাড়ি দেখেই বুঝতে পারছেন আমার টানাটানির সংসার। আমার চারটি সন্তান। বড়টি ছেলে, সে বি কম পড়ছে। তার খরচ আমাকে জোগাতে হয়। তারপর দৃটি মেয়ে। তাদেরও স্কুলের খরচ আছে। নয়নকে এখনও ইস্কুলে দিইনি। আমি এই কালীঘাট পোস্ট আপিসেই সামান্য চাকরি করি। পুঁজি বলতে কিছুই নেই; যা আনি তা নিমিষেই খরচ হয়ে যায়; ভবিষ্যতের কথা ভেবে গা-টা বারবার শিউরে ওঠে। তাই নয়নের মধ্যে যখন হঠাতে এই ক্ষমতা প্রকাশ পেল, তখন মনে হল—একে দিয়ে কি দু পয়সা উপার্জন করানো যায় না ? কথাটা শুনতে হয়তো খারাপ লাগবে কিন্তু আমার যা অবস্থা, তাতে এমন ভাবটা অস্বাভাবিক নয়, মিত্রির মশাই।’

‘সেটা আমি বুঝতে পারছি, বলল ফেলুদা। ‘এর পরেই আপনি নয়নকে তরফদারের কাছে নিয়ে যান ?’

‘আজ্ঞে হ্যাঁ। আমার তো টেলিফোন নেই, তাই আর অ্যাপয়েন্টমেন্ট করতে পারিনি, সোজা চলে যাই ছেলেকে সঙ্গে নিয়ে। ভদ্রলোক নয়নের ক্ষমতার দু-একটা নমুনা দেখতে চাইলেন। আমি বললুম, ওকে এমন কিছু জিজ্ঞেস করুন, যার উত্তর নম্বরে হয়। ভদ্রলোক নয়নকে বললেন, “আমার বয়স কত বলতে পার ?” নয়ন তক্ষুনি জবাব দিল—তেব্রে বছর তিন মাস দশ দিন। এর পরে আর কোনও প্রশ্ন করেননি তরফদার। আমাকে বললেন—আমি যদি ওকে মধ্যে ব্যবহার করি, তাতে আপনার কোনও আপত্তি আছে ? আমি অবশ্যই পারিশ্রমিক দেব।—আমি রাজি হয়ে গেলুম। তরফদার জিজ্ঞেস করলেন—আপনি কত আশা করেন ? আমি ভয়ে ভয়ে বললাম—মাসে এক হাজার। তরফদার বললেন, “ভুল হল। আমার মাথায় কী নম্বর আছে, বলো তো, নয়ন ?” নয়ন বলল—তিন শূন্য শূন্য শূন্য।—সে ভুল বলেনি, মিত্রির মশাই। তরফদার মশাইও তাঁর কথা রেখেছেন। আগাম তিন হাজার আমি এরই মধ্যে পেয়ে গেছি। আর ভদ্রলোক যখন

আমাকে বাঁচাবার পথ দেখিয়ে দিলেন, তখন নয়নকে তাঁর বাড়িতে রাখার প্রস্তাবেই বা কী
করে না বলি ?'

'কিন্তু নয়ন কি স্বেচ্ছায় গেল ?'

'সেও এক তাজ্জব ব্যাপার। এক কথায় রাজি হয়ে গেল। এখন তো ও দিবি আছে।'

'এইবারে আরেকটা প্রশ্ন করছি, বলল ফেলুদা, 'তা হলেই আমাদের কাজ শেষ।'

'বলুন।'

'ওর ক্ষমতার প্রথম পরিচয় আপনি কী করে পেলেন ?'

'খুব সহজ ব্যাপার। একদিন সকালে উঠে নয়ন বলল—“বাবা, আমার চোখের সামনে
অনেক কিছু গিজ গিজ করছে। তুমি সেরকম দেখছ না ?” আমি বললাম, “কই, না তো।
কী গিজ গিজ করছে ?” নয়ন বলল, “এক দুই তিন চার পাঁচ ছয় সাত আট নয় শূন্য। সব
এ দিকে ও দিকে ঘুরছে, ছুটছে, লাফাচ্ছে, ডিগবাজি খাচ্ছে। আমার মনে হয় আমাকে যদি
নম্বর নিয়ে কিছু জিজ্ঞেস করো তা হলে ওদের ছটফটানি থামবে।”—আমার পুরোপুরি
বিশ্বাস হচ্ছিল না, তাও ছেলের অনুরোধ রাখতে জিজ্ঞেস করলাম, “আমার একটা খুব মোটা
লাল বাঁধানো বাংলা বই আছে জান তো ?” নয়ন বলল, “মহাভারত ?” আমি বললাম,
“হ্যাঁ। সেই বইয়ে কত পাতা আছে বলো তো !” নয়নের মুখে হাসি ফুটল। বলল,
“ছটফটানি থেমে গেছে। সব নম্বর পালিয়ে গেছে। খালি তিনটে নম্বর পর পর দাঁড়িয়ে
আছে।” কী নম্বর জিজ্ঞেস করাতে নয়ন বলল, “নয় তিন চার।” আমি তাক থেকে কালী
সিংহের মহাভারত নামিয়ে খুলে দেখি তার পৃষ্ঠা সংখ্যা সত্যি ৯৩৪।'

আমাদের কাজ শেষ, আমরা ভদ্রলোককে বেশ ভাল রকম ধন্যবাদ দিয়ে বাড়িমুখো রওনা
দিলাম।

শ্রীনাথ দরজা খুলে দিতে বসবার ঘরে চুকেই দেখি দুজন ভদ্রলোক বসে আছেন। তার
মধ্যে সুনীল তরফদারকে চিনি। অন্যজনকে আগে দেখিনি।

ফেলুদা ব্যস্তভাবে বলল, 'সরি। তোমরা কি অনেকক্ষণ এসেছ ?'

'পাঁচ মিনিট', বললেন তরফদার। 'এ হচ্ছে আমার ম্যানেজার ও প্রধান সহকারী—শক্তর
হৃবলিকার।'

তরফদারের মতো বয়স, বেশ চালাক চেহারা, উঠে দাঁড়িয়ে আমাদের নমস্কার করলেন।

'আপনি তো মারাঠি ?' প্রশ্ন করল ফেলুদা।

'ইয়েস স্যার। তবে আমার জন্ম, স্কুলিং, সবই এখানে।'

'বসুন, বসুন।'

আমরা সবাই বসলাম।

'কী ব্যাপার বলো ?' তরফদারকে উদ্দেশ করে বলল ফেলুদা।

'ব্যাপারটা গুরুতর।'

'মানে ?'

'কাল আমাদের বাড়িতে দৈত্যের আগমন হয়েছিল।'

আমার বুকটা ধড়াস করে উঠল। সেই গাওয়াঙ্গির কথা বলছেন নাকি ভদ্রলোক ?

'ব্যাপারটা খুলে বলো', বলল ফেলুদা।

'বলছি।' বললেন ভদ্রলোক। 'আজ ঘুম থেকে উঠে বাদশাকে নিয়ে হাঁটতে
বেরোব—তখন সাড়ে পাঁচটা—দোতলা থেকে নেমেই থমকে দাঁড়িয়ে পড়লাম।'

'কেন ?'

'সিঁড়ির সামনের মেঝেতে ছড়িয়ে আছে রক্ত, আর সেই রক্ত থেকে পায়ের ছাপ সদর

দরজার দিকে চলে গেছে। সেই ছাপ পরে মেপে দেখেছি—লম্বায় ষোল ইঞ্চি।’

‘যো... !’ লালমোহনবাবু কথাটা শেষ করতে পারলেন না।

‘তারপর?’ বলল ফেলুন্দা।

তরফদার বলে চললেন, ‘আমাদের দরজায় কোল্যাপসিবল গেট লাগানো। রাত্তিরে সে গেট তালা দিয়ে বন্ধ থাকে। সেই গেট দেখি অর্ধেক খোলা, আর তালা ভাঙা। সেই আধখোলা গেটের বাইরে মাটিতে অঙ্গন হয়ে পড়ে আছে আমার দারোয়ান ভগীরথ। ভগীরথের পাশ দিয়ে আরও রক্তাক্ত পায়ের ছাপ চলে গেছে পাঁচলের দিকে।

‘জলের ঝাপটা দিয়ে তো কোনওরকমে ভগীরথের জ্ঞান ফিরিয়ে আনলাম। সে চোখ খুলেই ‘দানো ! দানো !’ বলে আর্তনাদ করে আবার ভিরমি যায় আর কী ! যাই হোক, তার কাছ থেকে যা জানা গেল তা হচ্ছে এই—মাঘরাত্তিরে সদর দরজার বাইরে দাঁড়িয়ে সে খইনি ডলছিল। দরজার বাইরে একটা লো পাওয়ারের বাতি সারারাত জ্বলে। এই আবছা আলোয় ভগীরথ হঠাত দেখে যে একটা অতিকায় প্রাণী পাঁচলের দিক থেকে তার দিকে এগিয়ে আসছে। প্রাণীটা যে পাঁচল টপকে এসেছে তাতে সন্দেহ নেই, কারণ তার পরেই সে সংজ্ঞা প্রহরী।

‘ভগীরথ বলে সে একবার চিড়িয়াখানায় গিয়েছিল : সেখানে “গৱেলা” বলে একটা জানোয়ার দেখে। এই প্রাণীর চেহারা কতকটা সেইরকম, কিন্তু তার চেয়েও ঢের বেশি লম্বা আর চওড়া। এর বেশি ভগীরথ আর কিছু বলতে পারেনি, কারণ তার পরেই সে সংজ্ঞা হারায়।’

‘বুঝেছি’, বলল ফেলুন্দা। ‘দানোটা তারপর কোল্যাপসিবল গেট ভেঙে ভেতরে ঢোকে, আর তখনই তোমার বিশ্বস্ত বাদশা দানোটার পায়ে কামড় দিয়ে তাকে জখম করে। এবং তার ফলেই দানব তার কাজ অসমাপ্ত রেখে পলায়ন করে।’

‘কিন্তু যাবার আগে সে প্রতিশোধ নিয়ে যায়। বাদশার ঘাড় মটকানো মৃতদেহ পড়ে ছিল সদর দরজা থেকে ত্রিশ হাত দূরে—তার মুখের দুপাশে তখনও রক্ত লাগা।’

আমি মনে মনে বললাম—এই ঘটনায় যদি খুশি হবার কোনও কারণ থাকে সেটা এই যে টি.এন.টি.-র উদ্দেশ্য সিদ্ধি হয়নি।

ফেলুন্দা চিন্তিতভাবে চুপ করে আছে দেখে তরফদার অধৈর্য হয়ে বলে উঠলেন, ‘কিছু বলুন, মিস্টার মিস্ট্রির ?’

‘বলার সময় পেরিয়ে গেছে সুনীল’, গভীর স্বরে বলল ফেলুন্দা। ‘এখন করার সময়।’

‘কী করার কথা ভাবছেন ?’

‘ভাবছি না, স্থির করে ফেলেছি।’

‘কী ?’

‘দক্ষিণ ভারত যাব। ম্যাত্রাস দিয়ে শুরু। নয়ন ইংজ ইন গ্রেট ডেঙ্গুর। তার যাতে অনিষ্ট না হয় এটা দেখার ক্ষমতা তোমাদের নেই। এখানে প্রদোষ মিত্রকে প্রয়োজন।’

তরফদারের মুখে হাসি ফুটে উঠল।

‘আপনি যে আমাকে কতটা নিশ্চিন্ত করলেন, তা বলতে পারব না। আপনি অবশ্য আপনার প্রোফেশনাল ক্যাপাসিটিতে কাজ করবেন, আপনার পারিশ্রমিক আর আপনাদের তিনজনের যাতায়াত ও হোটেল খরচ আমি দেব। আমি মানে—আমার পৃষ্ঠপোষক।’

‘খরচের কথা পরে। তোমাদের যাওয়ার তারিখ তো উনিশে ডিসেম্বর, কিন্তু কোন ট্রেন সেটা জানি না।’

‘করোমঙ্গল এক্সপ্রেস।’

‘আৱ হোটেল ?’

‘সেও কৰোমণ্ডল।’

‘বুৰোছি। তাজ কৰোমণ্ডল। তাই তো ?’

‘হাঁ, আৱ আপনাৱা কিন্তু ফাস্ট ক্লাস এ.সি.-তে যাচ্ছেন। এখনই আপনাদেৱ নাম আৱ বয়স একটা কাগজে লিখে দিন। বাকি কাজ সব শক্ষৰ কৱে দেবে।’

ফেলুদা বলল, ‘বুকিং-এ অসুবিধা হলে আমাকে জানিও। বেলওয়েতে আমাৱ প্ৰচুৰ জানাশোনা।’

৭

তৰফদাৱৱা গেলেন পৌনে দশটায়, তাৱপৰ ঠিক পাঁচ মিনিট বাদেই ফেলুদাৰ একটা ফোন এল, সেটা যাকে বলে একেবাৱে অপ্রত্যাশিত। কথা-টথা বলে সোফায় বসে শ্ৰীনাথেৱ সদ্য আনা চায়ে একটা চুমুক দিয়ে ফেলুদা বলল, ‘কাল ডিৱেষ্টৰি খুলে দেখেছি, এই নামে শুধু দুটো ফোন আছে।’

‘এই সব সামান্য ব্যাপারে আপনাৰ সাসপেন্স তৈৱি কৱাৱ প্ৰবণতাটা আমাৱ মোটেই ভাল লাগে না, মশাই’, বললেন জটায়ু। ‘কাৱ ফোন সেটা হেঁয়ালি না কৱে বলবেন ?’

‘হিস্যোগানি।’

‘যাৱ কথা কাগজে বেৰিয়েছে ?’

‘ইয়েস স্যার। তেওয়াৱিৰ পার্টনাৰ।’

‘এই ব্যক্তিৰ কী দৱকাৱ আপনাৰ সঙ্গে ?’

‘সেটা ওঁৱ ওখানে গেলে বোৰা যাবে। ভদ্ৰলোক বললেন কৰ্নেল দালালেৱ কাছে আমাৱ প্ৰশংসা শুনছেন।’

‘ও, গত বছৱেৱ সেই জালিয়াতিৰ মামলাটা ?’

‘হাঁ।’

‘অ্যাপয়েন্টমেন্ট হয়েছে ?’

‘সেটা আমাৱ কথা থেকেই আপনাৰ বোৰা উচিত ছিল; আপনি মনোযোগ দেননি।’

আমি কিন্তু বুৰেছিলাম ফেলুদাৰ অ্যাপয়েন্টমেন্ট হয়েছে আজ বিকেল পাঁচটায়। সেটা লালমোহনবাবুকে বলতে উনি বেশ রেগে গিয়ে বললেন, ‘কানেৱ কাছে অন্যে টেলিফোন কৱলে আমি অন্য প্ৰিন্সিপল তাৱ কথা শুনি না। কোথায় থাকেন ভদ্ৰলোক ?’

‘আলিপুৰ পাৰ্ক রোড।’

‘বনেদি পাড়া। —আমৱাও যাচ্ছি তো আপনাৰ সঙ্গে ?’

‘সেটা কৱে যাননি বলতে পাৱেন ?’

‘ঠিক কথা। ইয়ে—“আনি” দিয়ে পদবি শেষ হলে তো সিঙ্গি বোৰায়, তাই না ?’

‘তা তো বটেই। দেখুন না—দু আনি ছ আনি কেৱানি কাঁপানি হাঁপানি চাকৱানি মেথৰানি...’

‘রক্ষে কৰন, রক্ষে কৰন !’ দু হাত তুলে বললেন জটায়ু। ‘বাপৱে !—এ হচ্ছে আপনাৰ সজাৱ-মজাৱ মুড়। আমাৱ খুব চেনা। কিছু জিজ্ঞেস কৱলেই টিচ্কিৱিৰ খোঁচা। যাই হোক—যেটা বলতে চাইছিলাম—ভাৰছি আজ দিপ্পহৱেৱ আহাৱটা এখানেই সারব। খিচড়িৰ আইডিয়াটা কেমন লাগে ? বেশ ঠাণ্ডা-ঠাণ্ডা পড়েছে তো ?’

‘উত্তম প্ৰস্তাৱ’, বলল ফেলুদা।

দুপুরে খাবার পর ফেলুদা দু ঘণ্টা ধরে জটায়ুকে স্ক্র্যাব্ল খেলা শেখাল। ভদ্রলোক কোনও দিন ক্রসওয়ার্ডই করেননি। তাই ওঁকে—সিদ্ধি নামের ঢঙেই বলি—বেশ নাকানি-চোবানি খেতে হল। ফেলুদা শব্দের খেলাতে একেবারে মাস্টার, যেমন হেঁয়ালির জট ছাড়াতেও মাস্টার—যার অনেক উদাহরণ এর আগে দিয়েছি।

আলিপুর পার্ক রোড অবশ্যই হরিপদবাবুর চেনা। পাঁচটা বাজতে পাঁচ মিনিটে আমাদের গাড়ি সাঁহিত্রিশ নম্বরের গেট দিয়ে চুকে পোর্টিকোর নীচে এসে থামল। সামনেই ডাইনে গ্যারেজ, তার বাইরে একটা লম্বা সাদা গাড়ি দাঁড়িয়ে আছে। ‘বিদেশি বলে মনে হচ্ছে?’ লালমোহনবাবু মন্তব্য করলেন।

ফেলুদা সদর দরজার দিকে এগিয়ে গিয়ে বলল, ‘না। ওটার নাম কনটেস। এখানেই তৈরি।’

সদর দরজায় দারোয়ান দাঁড়িয়ে, ফেলুদা তাকে বলল, ‘আমাদের অ্যাপয়েন্টমেন্ট আছে।’

ইতিমধ্যে বোধহয় গাড়ির শব্দ পেয়েই একটি বেয়ারা এসে হাজির হয়েছে; সে লালমোহনবাবুর দিকে চেয়ে বলল, ‘মিস্ত্রির সা’ব?’

‘হাম নেই—ইনি’, ফেলুদার দিকে দেখিয়ে বললেন জটায়ু।

‘আইয়ে আপ লোগ।’

বেয়ারার পিছন আমরা একটা ড্রাইং রুমে গিয়ে হাজির হলাম।

‘বৈঠিয়ে।’

আমি আর জটায়ু একটা সোফায় বসলাম। ফেলুদা তৎক্ষণাৎ না বসে এককু এদিক-ওদিক ঘুরে দেখে একটা বুক সেলফের সামনে গিয়ে দাঁড়াল। দেওয়ালে আর টেবিলে শোভা পাচ্ছে এমন খুঁটিনাটির মধ্যে অনেক নেপালি জিনিস রয়েছে। লালমোহনবাবুও দেখেছেন, কারণ বিড়বিড় করে বলতে শুনলাম, ‘দার্জিলিং’।

‘কেন, দার্জিলিং কেন?’ ফিরে এসে আরেকটা সোফায় বসে বলল ফেলুদা। ‘নেপালি জিনিস কি নেপালে পাওয়া যায় না?’

‘আরে সে তো নিউ মার্কেটেই পাওয়া যায়।’

বাইরে ল্যান্ডিং-এ দাঁড়ানো গ্র্যাউন্ডার ক্লক দেখেছি, এবার তাতে গস্তীর অথচ মোলায়েম শব্দে ঢং ঢং করে পাঁচটা বাজতে শুনলাম। আর প্রায় সঙ্গে সঙ্গে খয়েরি রঙের সুট পরা একজন রোগা, ফরসা, প্রৌঢ় ভদ্রলোক ঘরে এসে চুকলেন। কেন জানি মনে হল ভদ্রলোকের স্বাস্থ্যটা খুব ভাল যাচ্ছে না—বোধহয় চোখের তলায় কালির জন্য।

আমরা তিনজনেই নমস্কার করতে উঠে দাঁড়িয়েছিলাম। ভদ্রলোক ব্যস্ত হয়ে বললেন, ‘বসুন বসুন—পিজি সিট ডাউন।’

ভদ্রলোকের ঘড়ির ব্যাস্টা বোধহয় ঢিলে হয়ে গেছে, কারণ নমস্কার করে হাত নামাবার সঙ্গে সঙ্গে ঘড়িটা সড়াৎ করে নীচে নেমে এল। ডান হাত দিয়ে ঠেলে সেটাকে যথাস্থানে এনে ভদ্রলোক ফেলুদার উলটোদিকের সোফায় বসলেন। বাংলা ইংরিজি হিন্দি মিশিয়ে কথা বললেন হিঙ্গোয়ানি।

ফেলুদা নিজের এবং আমাদের দুজনের পরিচয় করিয়ে দেবার পর ভদ্রলোক বললেন, ‘আমার আপিসের যে খবর কাগজে বেরিয়েছে সে কি আপনি পড়েছেন?’

‘পড়েছি, বলল ফেলুদা।’

‘আমি গ্রহ-নক্ষত্রের প্রভাবে বিশ্বাস করি। আমাকে যে ভাবে হ্যারাস করা হচ্ছে তাকে গ্রহের ফের ছাড়া আর কিছুই বলা যায় না। আমার পার্টনারের ভীমরতি ধরেছে; কোনও সুস্থ মস্তিষ্ক লোক কখনও এমন করতে পারে না।’

‘আমরা কিন্তু আপনার পার্টনারকে চিনি।’

‘হাউ ?’ অবাক হয়ে প্রশ্ন করলেন হিঙ্গোয়ানি।

ফেলুদা সংক্ষেপে তরফদার আর জ্যোতিক্ষের ব্যাপারটা বলে বলল, ‘এই ছেলের ব্যাপারেই তেওয়ারি ফোনে অ্যাপয়েটমেন্ট করে তরফদারের বাড়ি এসেছিলেন। আমরা তখন সেখানে উপস্থিত ছিলাম। ভদ্রলোক বললেন তাঁর সিন্দুকের কাস্টিনেশনটা ভুলে গেছেন। ছেলেটিকে জিজ্ঞেস করাতে সে বলে দেয়, আর সেই সঙ্গে এটাও বলে যে সিন্দুকে আর একটি পাই-পয়সাও নেই।’

‘আই সি...’

‘আপনি ফোনে বললেন আপনাকে খুব বিশ্বত হতে হচ্ছে ?’

‘তা তো বটেই। প্রথমত, বছর খানেক থেকেই আমাদের মধ্যে বনিবনা হচ্ছে না, যদিও এককালে আমরা বন্ধু ছিলাম। আমরা একসঙ্গে এক ক্লাসে সেন্ট জেভিয়ার্সে পড়তাম। কলেজ ছাড়ার বছর খানেকের মধ্যেই আমরা আলাদা আলাদা ভাবে ব্যবসা শুরু করি। তারপর ১৯৭৩-এ আমরা এক জোটে টি এইচ সিভিকেটের পত্রন করি। বেশ ভাল চলছিল কিন্তু ওই যে বলুম—কিছুদিন থেকে দুজনের সম্পর্কে ঢিঁ ধরেছিল।’

‘সেটার কারণ কী ?’

‘প্রধান কারণ হচ্ছে—তেওয়ারি স্মরণশক্তি প্রায় লোপ পেতে বসেছিল। সামান্য জিনিসও মনে রাখতে পারে না। ওকে নিয়ে মিটিং করা এক দুরহ ব্যাপার হয়ে দাঁড়িয়েছিল। গত বছর একদিন আমি তেওয়ারিকে বলি—“ডাঃ শর্মা বলে একজন অত্যন্ত বিচক্ষণ মস্তিষ্ক চিকিৎসক আছেন। তাঁকে আমি খুব ভাল করে চিনি। আমি চাই তুমি একবার তাঁর কাছে যাও।”—তাতে তেওয়ারি ভয়ানক অফেল নেয়। সেই থেকেই আমাদের সম্পর্কে ঢিঁ ধরে। অথচ আমি হাল না ধরলে সিভিকেট ডুবে যাবে শুধু এই কথা ভেবেই আমি রয়ে গিয়েছিলাম। না হলে আইনসম্মত ভাবে পার্টনারশিপ ছুকিয়ে দিয়ে চলে আসতাম। কিন্তু যে ব্যাপারে আমি সবচেয়ে বড় ধার্কা খেলাম সেটা এই যে, তেওয়ারি যেই জানতে পারল যে ওর সিন্দুক খালি, ও সেটান আমার কাছে এসে বলল, “গিভ মি ব্যাক মাই মানি—দিস মিনিট।”

‘উনি যে ক্লেম করেন যে এককালে আপনাকে কাস্টিনেশনটা বলেছিলেন, সেটা কি সত্যি ?’

‘সৰ্বৈর মিথ্যা। ওটা ছিল ওর পার্সোনাল সিন্দুক। তার কাস্টিনেশন ও পাঁচজনকে বলে বেড়াবে ? ননসেস। তা ছাড়া ওর ধারণা যে ও যখন ডেনটিস্টের কাছে যায় তখনই আমি ওর সিন্দুক খুলে টাকা চুরি করি। অথচ আমার অকাট্য প্রমাণ রয়েছে যে সেই সময়টা আমি ছিলাম আপিস থেকে অন্তত চার মাইল দূরে। আমার এক খুড়তুতো ভাইয়ের হার্ট অ্যাটাক হয়েছে খবর পেয়ে আমি এগারোটার সময় বেলিভিউ ক্লিনিকে চলে যাই, ফিরি সাড়ে তিনটোয়।’

‘তাও মিঃ তেওয়ারি আপনার পিছনে লেগে আছেন ?’

‘শুধু পিছনে লেগেছেন নয় মিস্টার মিটার, তিনি আমাকে শাসিয়েছেন যে অবিলম্বে টাকা ফেরত না দিলে তিনি আমার সর্বনাশ করবেন। তেওয়ারি যে স্বার্থসন্দিগ্ধ জন্য কতদূর যেতে পারে তার বেশ কিছু নমুনা আমি গত সতেরো বছরে পেয়েছি। গুণ্ডা লাগিয়ে কী করা সম্ভব-অসম্ভব সে আর আমি আপনাকে কী বলব ?’

‘আপনি বলতে চান তেওয়ারি এতই প্রতিহিংসাপরায়ণ যে গুণ্ডা লাগিয়ে আপনাকে খুন করানোতেও সে পেছপা হবে না ?’

‘সিন্দুকে কিছু নেই জানার পরমুহুর্তে সে যেভাবে আমার ঘরে এসে আমার উপর দোষারোপ করে, তাতে আমি পরিষ্কার বুঝি যে তার কাগজান সম্পূর্ণ লোপ পেয়েছে। এ অবস্থায় টাকা ফেরত না পেলে আমার উপর চরম প্রতিশোধ নেওয়াটা কিছুই আশ্চর্য নয়।’

‘এই চুরি সম্বন্ধে আপনার নিজের কোনও খিওরি আছে?’

‘প্রথমত, চুরি যে গেছে সেটাই আমি বিশ্বাস করি না। তেওয়ারি হয় সেটা সরিয়েছে, না হয় কিছুতে খরচ করেছে, না হয় কাউকে দিয়েছে। তোমরা বাংলায় যে বলো না—ব্যোম ভোলানাথ?—তেওয়ারি হল সেই ভোলানাথ। না হলে বাইশ বছরের পুরনো ব্যক্তিগত সিন্দুকের কম্বিনেশন কেউ ভোলে?’

‘বুরুলাম’, বলল ফেলুদা। ‘এবার তা হলে আসল কথায় আসা যাক।’

‘কেন আমি আপনাকে ডেকেছি সেটা জানতে চাইছেন তো?’

‘আজ্ঞে হ্যাঁ।’

‘দেখুন মিঃ মিটার—আমি চাই প্রোটেকশন। তেওয়ারি নিজে ভোলানাথ হতে পারে, কিন্তু ভাড়াটে গুণাদের কেউই ভোলানাথ নয়। তারা অত্যন্ত সেয়ানা, ধূর্ত, বেপরোয়া। এই জাতীয় প্রোটেকশনের কাজ তো আপনাদের প্রাইভেট ডিটেকটিভদের মধ্যে পড়ে। তাই না?’

‘তা পড়ে। কিন্তু মুশকিল হচ্ছে কী, আমি সামনে প্রায় পাঁচ সপ্তাহের জন্য থাকছি না। ফলে আমার কাজ শুরু করতে তো অনেক দেরি হয়ে যাবে। তাতে আপনার চলবে কি?’

‘আপনি কোথায় যাচ্ছেন?’

‘দক্ষিণ ভারত। প্রথমে ম্যাড্রাস। সেখানে দশ দিন, তারপর অন্যত্র।’

হিসেয়ানির চেখ জলজল করে উঠল।

‘এক্সেলেন্ট! হাঁটুতে চাপড় মেরে বললেন ভদ্রলোক। ‘আপনাকে একটা কথা এখনও বলা হয়নি—আমি দুদিন থেকে আর আপিসে যাচ্ছি না। যা ঘটেছে তার পরে আর কোনও মতেই ওখানে থাকা যায় না। আইনত যা করার তা আমি যথাসময়ে করব—যখন মাথা ঠাণ্ডা হবে। অথচ রোজগার তো করতেই হবে। ম্যাড্রাসে একটা কাজের সন্তান আছে সে খবর আমি পেয়েছি। আমি এমনিতেই যেতাম। আপনারা গেলে একসঙ্গেই বেরিয়ে পড়ব। আপনি প্লেনে যাচ্ছেন?’

‘না, ট্রেন। এখানেও একজনকে প্রোটেক্ট করার ব্যাপার আছে। তরফদারের ম্যাজিক শোয়ের ওই বালক। তারও জীবন বিপন্ন। অন্তত তিনজন ব্যক্তির লোলুপ দৃষ্টি পড়েছে ওর উপর। বুঝতেই তো পারছেন, এমন আশ্চর্য ক্ষমতাকে অসদুদ্দেশ্যে কাজে লাগানোর আজন্ত উপায় আছে।’

‘বেশ তো’, বললেন হিসেয়ানি, ‘আপনি এক চিলে দুই পাখি মারুন। আপনি তো এই জাদুকরের জন্য প্রোফেশনালি কাজ করছেন?’

‘হ্যাঁ।’

‘সেটা আমার বেলাতেও করুন, আমিও আপনাকে পারিশ্রমিক দেব।’

ফেলুদা অফারটা নিয়ে নিল। তবে বলল, ‘এটা জেনে রাখবেন যে, শুধু আমার প্রোটেকশনে হবে না। আপনাকেও খুব সাবধানে চলতে হবে। আর সন্দেহজনক কিছু হলেই আমাকে জানাবেন।’

‘নিশ্চয়ই। আপনি কোথায় থাকবেন?’

‘হোটেল করোমণ্ডল। আমরা একুশে পৌঁছচ্ছি।’

‘বেশ। ম্যাড্রাসেই দেখা হবে।’

বাড়ি ফেরার পথে আমি বললাম, ‘আচ্ছা ফেলুদা, ড্রাইং রুমের দুদিকের দেয়ালে দুটো বেশ বড় বড় রেষ্ট্যাঙ্গুলার ছাপ দেখলাম—অনেক দিনের টাঙ্গানো ছবি তুলে ফেললে যেমন হয়।’

‘গুড অবজারভেশন’, বলল ফেলুদা। ‘বোঝাই যাচ্ছে ও জায়গায় দুটো বাঁধানো ছবি ছিল—সম্ভবত অয়েল পেন্টিং।’

‘সেগুলো যে আর নেই’, বললেন জটায়ু, ‘সেটার কোনও সিগ্নিফিক্যান্স আছে কি?’

‘বোঝাই যাচ্ছে ভদ্রলোক ছবিগুলো পাচার করে দিয়েছেন।’

‘তার সিগ্নিফিক্যান্স?’

‘সাতশো ছেষটি রকম সিগ্নিফিক্যান্স। সব শোনার সময় আছে কি আপনার?’

‘আবার সজারু!—আমার মনে হয় ব্যাপারটাকে আপনি বিশেষ গুরুত্ব দিচ্ছেন না।’

‘সেটার সময় এখনও আসেনি, লালমোহনবাবু। তথ্যটা আমার মন্তিষ্ঠের কম্পিউটারের মেমোরিতে পুরে দিয়েছি। প্রয়োজনে বোতাম টিপলেই ফিরে পাব।’

‘আপনি যে এই হিংসের কচুরির কেসটাও নিলেন—দুদিক সামলাতে পারবেন তো?’

ফেলুদা কোনও উত্তর না দিয়ে ভাসা-ভাসা চোখে চলত্ব গাড়ির জানলা দিয়ে বাইরে চেয়ে থেকে মন্দুস্বরে বলল, ‘খট্কা... খট্কা... খট্কা...’

৮

পরদিন সকালে কাগজ খুলে দেখি, তরফদার সম্বন্ধে খবর বেরিয়েছে যে উনি উনিশে ডিসেম্বর দলবল নিয়ে দক্ষিণ ভারত সফরে যাচ্ছেন, পঁচিশে ডিসেম্বর ম্যাড্রাসে ওঁর প্রথম শো।

ফেলুদা চুল ছাঁটতে গিয়েছিল, দশটা নাগাত ফিরল। ওকে খবরটার কথা বলতে ও গভীরভাবে বলল, ‘দেখেছি।... আত্মপ্রচারের লোভ খুব কম লোকেই সামলাতে পারে রে, তোপ্সে! আমি একটু নরম-গরম কথা শোনাব বলে ওকে ফোন করেছিলাম, কারণ—বুঝতেই তো পারছিস—এই খবর বেরোনোর ফলে আমার কাজটা অনেক বেশি কঠিন হয়ে পড়ছে।’

‘তরফদার কী বললেন?’

ফেলুদা একটা শুকনো হাসি হেসে বলল, ‘বলে কী—আজকের দিনে শো-ম্যানদের পাবলিসিটি ছাড়া গতি নেই, মিস্টার মিস্টির। ও নিয়ে আপনি কাইভলি আমাকে কিছু বলবেন না।... আমি বললাম—যে-তিনজন ব্যক্তি নয়নের দিকে লুক দৃষ্টি দিচ্ছে, তারা যে তোমার প্রোগ্রামটা জেনে গেল, সেটা কি ভাল হল?—তাতে ছোক্রা বলল—আপনি চিন্তা করবেন না। আমি যেভাবে ওদের বলেছি, আমার বিশ্বাস তাতে ওরা নয়নকে পাবার আশা ছেড়েই দিয়েছে।—এর পর আর কী বলি বল? সত্যি যদি তাই হয় তা হলে তো আমার আর কোনও প্রয়োজনই থাকে না। কিন্তু আমি তো জানি যে নয়নের বিপদ—এবং সেই সঙ্গে আমার দায়িত্ব—এখনও পুরোমাত্রায় রয়েছে! অর্থাৎ আমার দিক থেকে কাজে চিলে দেবার কোনও প্রয়োজন আসে না।’

বাইরে গাড়ি থামার শব্দ, আর তার পরে পর দুবার কলিং বেল টেপার শব্দে বুবলাম জটায়ু হাজির। এখন সোয়া দশটা; ভদ্রলোক সাধারণত ন'টা-সাড়ে ন'টাৰ মধ্যে চলে আসেন। আজ কোনও কারণে দেরি হয়েছে।

দেখে ভাল লাগল যে ফেলুদার মুখ থেকে মেজাজ খিঁচড়ানো ভাবটা চলে গেল।

‘খবর আছে মশাই, খবর আছে!’ ঘরে চুকেই চোখ বড় বড় করে বললেন জটায়ু।

‘দাঁড়ান, দেখি আমি কত দূর আন্দাজ করতে পারি?’ বললেন ফেলুদা। ‘আপনি নিউ মার্কেটে গেস্লেন ঠিক?’

‘কী করবে জানলেন?’

‘আপনার কোটের বুক পকেট থেকে আইডিয়াল স্টোর্সের ক্যাশমেমোর ইঞ্জিন খানেক বেরিয়ে আছে। তা ছাড়া আপনার কোটের বাঁ দিকের সাইড পকেট এমনভাবে ঝুলেফুলে রয়েছে যে বোঝাই যাচ্ছে আপনার প্রিয় টুথপেস্ট ফরহ্যানসের একটি ফ্যামিলি সাইজ প্যাকেট রয়েছে ওখানে।’

‘বোঝো!—নেক্সট?’

‘আপনি রেস্টোরান্টে গিয়ে স্ট্রবেরি আইসক্রিম খেয়েছিলেন—তার দু ফোটা আপনার শার্টে পড়েছে।’

‘সাবাশ!—নেক্সট?’

‘আপনি একা কখনও রেস্টোরাণ্টে যান না। অর্থাৎ একটি পরিচিত ব্যক্তির আবির্ভাব হয়েছিল, যার সঙ্গে আপনি যান।’

‘জবাব নেই!—নেক্সট?’

‘আপনি তাকে নিয়ে যাননি, সেই আপনাকে নিয়ে গেস্লি। কারণ আপনাকে এত কাল চিনে অস্তত এটুকু জানি যে আপনার এমন কোনও বক্তু এখন নেই, যাকে আপনি রেস্টোরাণ্টে নিয়ে গিয়ে আইসক্রিম খাওয়াবেন।’

‘আমার মাথা ভোঁ ভোঁ করছে।—নেক্সট?’

‘এ ব্যক্তির সঙ্গে সম্প্রতি আলাপ হয়েছে আপনার। পুরনো আলাপী বলতে আমরা দুজন ছাড়া আপনার আর কেউ নেই। তরফদার কি? না। তার এত সময় নেই; সে এখন সফরের তোড়জোড় করছে। চতুর্লোভীর কেউ কি? হজসন নন, কারণ সে ইনভাইট করলে আপনি রিফিউজ করবেন—একটানা ইংরিজি বলাটা আপনার পারদর্শিতার মধ্যে পড়ে না। তারকনাথ? উহু, তাঁর নিউ মার্কেটে কোনও প্রয়োজন থাকতে পারে না; উত্তর কলকাতায় দোকানের অভাব নেই। আর তা ছাড়া আমার ধারণা, তাঁর বাজার করার জন্য মাইনে করা লোক আছে। তা হলে বাকি রইল কে?’

‘ব্রিলিয়ান্ট, ব্রিলিয়ান্ট! আপনি ধরে ফেলেছেন, ফেলুবাবু, ধরে ফেলেছেন! অনেক দিন পরে আপনার চিন্তাশক্তি আর পর্যবেক্ষণ ক্ষমতার নমুনা পাওয়া গেল। থ্যাঙ্ক ইউ, স্যার!’

‘বসাক তো?’

‘বসাক, বসাক—নন্দলাল বসাক! আজ প্রথম পুরো নামটা জানলুম।’

‘আপনার সঙ্গে তাঁর কী কথা?’

‘কথা ভাল নয়, ফেলুবাবু। ভদ্রলোক তরফদারকে আরও দশ হাজার ডলার অফার করেছিলেন। তার মানে ত্রিশ। আজকাল এক ডলারে কত টাকা?’

‘সতেরোর আশেপাশে ঘোরাফেরা করছে।’

‘হিসেব করুন, গায়ের লোম খাড়া হয়ে উঠবে।’

‘তরফদার কী বলেন?’

‘তিনি প্রত্যাখ্যান করেন। তার ফলে বসাকের মেজাজ খিঁচড়ে যায়। তরফদারকে কিছু বলেননি, তবে আমাকে বললেন—আপনি ওই ভেলকিরামকে বলে দেবেন যে, বসাকের সংকল্পে ব্যাগড়া দেবে এমন লোক এখনও জন্মায়নি। শেষের কথাগুলো আরও সাংঘাতিক; বললেন—বড়দিনে মাদ্রাজে তরফদারের শো ওপন করছে; ইফ মাই নেম ইজ নন্দ বসাক—তা হলে সেই শো থেকে ওই খোকার আইটেম বাদ দিতে হবে। টেল দিস টু ইওর

টিকটিকি ফ্রেন্ড।’

ফেলুদার চেহারার সঙ্গে অনেক বাঙালিই পরিচিত, কাজেই বসাক যে তাকে চিনে ফেলবেন তাতে আশর্যের কিছু নেই। তবু কেন যেন আমার হাত পা ঠাণ্ডা হয়ে এল।

‘বসাকের হাদিস তো তবু পাওয়া গেল,’ বলল ফেলুদা, ‘তেওয়ারি ইংজ আউট অফ দ্য পিকচার। এখন বাকি তারকনাথ আর হজসন।’

‘তারকনাথ কেন—গাওয়াঙ্গি বলুন! তারকনাথ খ্যাপাটে হতে পারেন, কিন্তু তাঁর যা বয়স তাতে তিনি একা কিছু করতে পারবেন না।’

একেই ফেলুদা বলে টেলিপ্যাথি। তারকনাথের কথা ওঠার মিনিট খানেকের মধ্যেই কলিং বেল বাজায় দরজা খুলে দেখি স্বয়ং টি এন টি।

‘মিঃ মিত্রি আছেন?’

‘আসুন, আসুন,’ ভিতর থেকে বলল ফেলুদা। ‘আপনিও দেখছি আমায় চিনে ফেলেছেন।’

‘তা চিনব না কেন?’ ঘরে চুকে একটা কাউচে বসে বললেন ভদ্রলোক। ‘আর আপনাকে যখন চিনেছি, তখন আপনার এই ল্যাবোর্টেচিকেও চিনেছি। আপনিই তো জটায়ু?’

‘আজ্জে হ্যাঁ।’

‘একবার ভেবেছিলাম আপনাকেও আমার আজব ঘরে এনে রাখব, কারণ গাঁজাখুরি গপ্পো লেখায় তো আপনি একমেবাস্তীয়ম! “হঞ্চুরাসে হাহাকার”—হাঃ হাঃ হাঃ।’

ভদ্রলোকের এই ঘর-কাঁপানো হাসির সঙ্গে আবার নতুন করে পরিচয় হল।

‘তা হলে আপনার সঙ্গে মাদ্রাজে দেখা হচ্ছে?’ ফেলুদার দিকে ফিরে জিজেস করলেন তারক ঠাকুর।

‘আপনি যাওয়া স্থির করে ফেলেছেন?’

‘শুধু আমি কেন? আমার ইউগ্যান্ডার অপোগণ্টিও যাবেন! হাঃ হাঃ হাঃ—কেমন? ভাল হয়েছে? জটায়ু?’

‘আপনি ট্রেনে যাচ্ছেন?’ ফেলুদা জিজেস করল।

‘তা ছাড়া তো উপায় নেই। প্লেনের সিটে তো গাওয়াঙ্গি বসতেই পারবে না।’

আরেক দফা হো হো করে হেসে ভদ্রলোক উঠে পড়ে বললেন, ‘আপনাকে একটা কথা বলি মিঃ মিত্রি—এমন অনেক সিচুয়েশান আছে, যেখানে শারীরিক শক্তির কাছে মানসিক শক্তি দাঁড়াতেই পারে না। গাওয়াঙ্গির চেয়ে আপনার বুদ্ধি যে অনেক গুণে বেশি তাতে সন্দেহ নেই, কিন্তু আপনার ব্যায়ামের অভ্যাস থাকলেও, গাওয়াঙ্গির যে শারীরিক বল, তার শতাংশের একাংশও আপনার নেই। —গুড বাই।’

ভদ্রলোক যেমন হঠাতে এসেছিলেন, তেমনই হঠাতে চলে গেলেন। আমি মনে মনে বললাম—এই গাওয়াঙ্গি বস্তুটিকে একবার চাকুষ দেখতেই হবে।

স্টেশন থেকে হোটেলে আসার পথে মাদ্রাজের চেহারা দেখে জটায়ু বললেন, ‘মশাই, এই শহরের নাম কলকাতা রসে দিল্লির সঙ্গে একসঙ্গে উচ্চারণ করা হয় কেন তার কোনও কারণ খুঁজে পাচ্ছি না। পশ্চিমবাংলার যে কোনও মফস্বল টাউন এর চেয়ে বেশি গমগমে। তা ছাড়া ডিসেম্বর মাসে গরমটা কী রকম দেখেছেন? আর ইয়ে—আমরা যে-হোটেলে যাচ্ছি, সেখানে দিশি বিদেশি সব রকম খাবার পাওয়া যায় তো? মাদ্রাজি মেনুতে শুনিচি শুধু তিনটে

নাম থাকে । আমি খাইয়ে না হতে পারি, কিন্তু যা খাব, সেটা মুখরোচক না হলে আমার সাধ মেটে না ।'

আমার কিন্তু শহরটা খারাপ লাগছিল না, যদিও গমগমে ভাবটা একেবারেই নেই । অনেক দিন পরে একটা বড় শহরে এসে চারিদিকে ঢাঙ্গা ঢাঙ্গা বাড়ির ভিড় নেই দেখে অন্তু লাগছিল । রাস্তা দিয়ি ভাল—এখন পর্যন্ত গাড়িও পাইনি । আর যেটা পাইনি সেটা হল ট্র্যাফিক জ্যাম । তা সঙ্গেও লালমোহনবাবু কেন মুখ বেজার করে আছেন জানি না ।

'বৈকুণ্ঠ মল্লিকের কথা তো কয়েক বার বলিছি আপনাদের,' হঠাতে বললেন জটায়ু ।

'আপনার সেই এথিনিয়াম ইনসিটিউশনের কবি ?'

'কবি অ্যান্ড পর্টেক । অমণের নেশা ছিল ভদ্রলোকের ।'

'উনি কি মাদ্রাজেও এসেছিলেন ?'

'সার্টেনলি ।'

'মাদ্রাজ নিয়ে পদ্য আছে ওঁর ?'

'সার্টেনলি । জাস্ট সিঙ্ক লাইনস্ । শনুন—

বড়ই হতাশ হয়েছি আজ

তোমারে হেরিয়ে মাদ্রাজ !—

ভাষা হেথা দুর্বোধ্য তামিল

অন্য ভাষার সাথে নেই কোনও মিল—

ইডলি আর দোসা খেয়ে তৃপ্তিবে বসনা ?

ওরে বাবা, এ শহরে কেউ কভু এস না !

'তৃপ্তিবে ?' ভুরু ঝুঁচকে বলল ফেলুন্দা ।

'হোয়াই বট ? মল্লিকের উপর মাইকেলের দন্তরমতো প্রভাব ছিল । তৃপ্তিবে হল নামধাতু । আপনি গোয়েন্দা তাই হয়তো জানেন না ; আমরা সাহিত্যিকরা জানি । বলছি না—হাইলি ট্যালেন্টেড । পোড়া দেশ বলে কলকে পেলেন না ।'

আমি দেখেছি বৈকুণ্ঠ মল্লিকের কথা বলতে গেলেই জটায়ু ভীষণ উন্তেজিত হয়ে পড়েন, আর এতুকু সমালোচনা করলেই তেলে-বেগুনে জুলে ওঠেন । আমি আর ফেলুন্দা তাই চুপ মেরে গেলাম ।

এই ফাঁকে বলে রাখি যে, ট্রেনে কোনও গঙ্গোল হয়নি । তরফদার, শঙ্করবাবু আর নয়ন এ সি ফার্স্ট ক্লাসে আমাদের এক বোগিতেই ছিলেন । দলের বাদবাকি সব ছিল সেকেন্ড ক্লাসে । যে তিনজনকে নিয়ে চিন্তা—হজসন, তারকনাথ আর বসাক—তারা কেউ এ ট্রেনে এসে থাকলেও আমাদের সঙ্গে দেখা হয়নি । ম্যাড্রাস সেন্ট্রালে নেমেও এদের কাউকে দেখিনি । হিস্পোয়ানি আজ রাতেই প্রেনে আসছেন, আর আমাদের হোটেলেই থাকবেন ।

করোমগুলের বলমলে লবিতে চুকে লালমোহনবাবুর মুখে প্রথম হাসি দেখা দিল । এ দিকে ও দিকে দেখে বললেন, 'নাঃ, অনবদ্য মশাই অনবদ্য ! ইডলি-দোসার দেশে এ জিনিস ভাবাই যায় না ।'

ট্রেনেই আলোচনা করে ঠিক হয়েছে যে আমরা প্রথম তিনটে দিন একটু ঘুরে দেখব । সঙ্গে অবশ্য নয়ন আর তরফদারও থাকবে । ফেলুন্দা বলেছে—'আমরা এলিফ্যান্টা দেখেছি, এলোরা দেখেছি, উড়িষ্যার মন্দির দেখেছি—মাদ্রাজে এসে মহাবলীপুরম দেখলে ভারতের অন্যতম শ্রেষ্ঠ ভাস্কর্যের নমুনাটা দেখা হয়ে যাবে । তোপ্সে, তুই গাইডবুকটায় একটু চোখ বুলিয়ে নিস । কতগুলো তথ্য জানা থাকলে দেখতে আরও ভাল লাগবে ।'

রাতে ন'টার মধ্যে ডাইনিং রুমে গিয়ে মোগলাই খানা খেয়ে ঠাণ্ডা ঘরে দিয়ি আরামে ঘুম

দিলাম। পরদিন সকালে উঠে ফেলুনা বলল, ‘এক বার তরফদারের খোঁজটা নেওয়া দরকার।’

আমরা দুজন আমাদের চার তলার ৪৩৩ নম্বর ঘর থেকে তিন তলার ৩৮২ নম্বর ঘরের সামনে গিয়ে দরজার বেল টিপলাম।

দরজা খুলে দিলেন তরফদার নিজেই। ঘরে চুকে দেখি শক্রবাবুও রয়েছেন, আর আরেকটি ভদ্রলোক, যাকে দেখলেই মাদ্রাজি বলে বোধ যায়। কিন্তু নয়নকে দেখতে পাচ্ছি না কেন?

‘গুড মর্নিং মিঃ মিত্র,’ একগাল হেসে বললেন তরফদার—ইনি মিঃ রেজিড। এঁর রোহিণী থিয়েটারেই আমার শো। বলছেন প্রচুর এনকোয়ারি আসছে। এঁর ধারণা, দুর্দান্ত সেল হবে।’

‘নয়ন কই?’ তরফদারের কথাগুলো যেন অগ্রহ্য করেই জিজ্ঞেস করল ফেলুনা।

‘এখানকার সবচেয়ে নামী কাগজ ‘হিন্দু’-র একজন রিপোর্টার নয়নকে ইন্টারভিউ করছে’ বললেন তরফদার। ‘এর ফলে আমাদের দারণ পাবলিসিটি হবে।’

‘কিন্তু কোথায় হচ্ছে সে ইন্টারভিউ?’

‘হোটেলের ম্যানেজার নিজে একতলার কনফারেন্স রুমে ব্যবস্থা করে দিয়েছেন। এও বলা আছে বাইরের কাউকে যেন চুকতে না দেওয়া হয়। তা ছাড়া—’

তরফদারের কথা শেষ হবার আগেই ফেলুনা এক লাফে ঘর থেকে বেরিয়ে দৌড় দিল হোটেলের করিডর দিয়ে—আমি পিছনে।

লিফ্ট না নিয়ে সিডি দিয়ে উর্ধ্বশাস্ত্রে নামলাম আমরা—ফেলুনা সমানে দাঁতে দাঁত চেপে হিন্দি, ইংরিজি ও বাংলায় তরফদারের উদ্দেশ্যে গালি দিয়ে চলেছে।

নীচে পোঁছে একজন বেয়ারাকে সামনে পেয়ে ফেলুনা জিজ্ঞেস করল, ‘হোয়ার ইজ দ্য কনফারেন্স রুম?’

বেয়ারা দেখিয়ে দিল, আমরা হড়মুড়িয়ে গিয়ে ঘরে চুকলাম।

বেশ বড় ঘর। তার মাঝখানে লম্বা টেবিলের দুপাশে আর দু মাথায় সারি সারি চেয়ার। একটা চেয়ারে নয়ন বসে আছে, তার পাশের চেয়ারে একজন দাঢ়িওয়ালা লোক নোটবই খুলে ডট পেন হাতে নিয়ে নয়নের সঙ্গে কথা বলছে।

ফেলুনা তিন সেকেন্ড চুপ করে দাঁড়িয়ে দৃশ্যটা দেখল। তারপর ঝড়ের বেগে এগিয়ে গিয়ে এক টানে রিপোর্টারের গাল থেকে দাঢ়ি, আর আরেক টানে ঠোঁটের উপর থেকে গেঁফ খুলে ফেলল।

অবাক হয়ে দেখলাম ছদ্মবেশের তলা থেকে বেরিয়ে পড়েছেন হেনরি হজসন।

‘গুড মর্নিং! উঠে দাঁড়িয়ে নির্লজ্জ হাসি হেসে বললেন হজসন।

ফেলুনা নয়নের দিকে ফিরল।

‘উনি কী জিজ্ঞেস করছিলেন তোমাকে?’

‘যোড়ার কথা।’

‘আমার কাজ এখানে শেষ হলেও আমার আপশোস নেই’ বললেন হজসন। ‘আগামী তিন দিনের সব কটা রেসের উইনিং হস্রের নম্বর আমি জেনে নিয়েছি। আমি এখন বেশ কয়েক বছরের জন্য নিশ্চিন্ত। গুড ডে স্যার।’

হজসন গটগটিয়ে ঘর থেকে বেরিয়ে গেলেন। ফেলুনা কপালে হাত দিয়ে ধপ্ করে হজসনের চেয়ারে বসে পড়ল। তারপর মাথা নেড়ে গভীর বিরক্তির সুরে বলল, ‘নয়ন, এবার থেকে কোনও বাইরের লোক তোমার সঙ্গে কথা বলতে চাইলে তুমি

বলবে—ফেলুকাকা সঙ্গে থাকলে বলব, না হলে নয়। বুঝেছ ?

নয়ন মাথা নেড়ে জানিয়ে দিল সে বুঝেছে।

আমি বললাম, ‘তবে একটা কথা ফেলুদা—হজসন আর জালাবে না ; সে এখন কলকাতায় ফিরে গিয়ে রেস খেলবে।’

‘সেটা ঠিক, কিন্তু আমি ভাবছি আমাদের জাদুকরটি কত দায়িত্বজ্ঞানহীন। ম্যাজিশিয়ানদের এর চেয়ে বেশি কমনসেন্স থাকা উচিত।’

আমরা নয়নকে সঙ্গে নিয়ে ফিরে গেলাম তরফদারের ঘরে।

‘চমৎকার পাবলিসিটি হবে তোমার।’ শ্লেষ-মাথানো সুরে তরফদারকে বলল ফেলুদা। ‘নয়ন কাকে ইন্টারভিউ দিচ্ছিল, জানো ?’

‘কাকে ?’

‘মিস্টার হেনরি হজসন।’

‘ওই দাড়িওয়ালা— ?’

‘হ্যাঁ, ওই দাড়িওয়ালা। তার কার্যসম্বিধি হয়ে গেছে। এই যদি তোমার আকেলের নমুনা হয়, তা হলে কিন্তু আমি তোমাকে কোনওরকম সাহায্য করতে পারব না। তোমার অনুমান যে ভুল সে তো দেখতেই পাচ্ছ ; হজসন যদি ম্যাড্রাস অবধি ধাওয়া করতে পারে, তা হলে অন্য দুজনই বা করবে না কেন ? আমি জানি যে বিপদের আশঙ্কা এখনও পুরো মাত্রায় রয়েছে। এ অবস্থায় আমি যা বলছি, তা তোমাকে মানতেই হবে।’

‘বলুন স্যার,’ হেঁটে মাথা চুলকে বললেন তরফদার।

‘মিঃ রেডিভির তরফ থেকে যেটুকু পাবলিসিটি না করলেই নয়, সেটুকু তিনি করবেন ; কিন্তু তোমরা—তুমি বা শঙ্কর পাবলিসিটির ধারে-কাছেও যাবে না। প্রেস পীড়পীড়ি করলেও তাদের কাছে তোমরা মুখ খুলবে না। তোমার এই সফর যদি সাকসেসফুল হয়, তা হলে সেটা হবে নয়নের জোরে, তোমাদের পাবলিসিটির জোরে নয়। বুঝেছ ?’

‘বুঝেছি স্যার।’

ত্রেকফাস্ট খেতে খেতে লালমোহনবাবুকে ঘটনাটা বলতে উনি বললেন, ‘ঠিক এইটেরই দরকার ছিল। ভয় হচ্ছিল যে, মাদ্রাজে এসে বুঝি কেসটা থিতিয়ে যাবে। তা নয়—এখন আবার দিবি জমে উঠেছে।’

ঠিক হয়েছিল দশটার সময় আমরা দুটো ট্যাঙ্কি নিয়ে বেরোব। মহাবলীপুরম আজ নয়, কাল। আজ যাব স্নেক পার্ক দেখতে। হাইটেকার নামে এক আমেরিকানের কীর্তি এই স্নেক পার্ক। গাছপালায় ভরা পার্কও বটে, আবার সেই সঙ্গে সাপের ডিপোও বটে।

যাবার জন্য তৈরি হচ্ছি, লালমোহনবাবু অলরেডি তৈরি হয়ে আমাদের ঘরে এসে হাজির, এমন সময় দরজার বেল বেজে উঠল। দরজা খুলে দেখি মিঃ হিঙ্গোয়ানি।

‘মে আই কাম ইন ?’

টি ভি-টা খোলা ছিল, যদিও দেখবার মতো কিছুই হচ্ছিল না, ফেলুদা সেটা বন্ধ করে দিয়ে বলল, ‘নিশ্চয়ই, নিশ্চয়ই—প্লিজ কাম ইন।’

তদন্তেক ঘরে ঢুকে একটা স্পন্তির নিষ্পাস ফেলে কাউচে বসে বললেন, ‘সো ফার—নো ট্রাবল।’

‘এ তো সুসংবাদ,’ বলল ফেলুদা।

‘আমার বিশ্বাস তেওয়ারি আমার ম্যাড্রাসে আসার খবরটা জানে না। আমি কাউকে না বলে চলে এসেছি।’

‘আপনি নিজে সাবধানে আছেন তো ?’



‘তা আছি।’

‘একটা কথা আমি খুব জোর দিয়ে বলছি—আপনি যখন ঘরে থাকবেন, তখন কেউ বেল টিপলে আপনি নাম জিঞ্জেস করে গলা চিনে, তার পর দরজা খুলবেন, তার আগে নয়।’

হিসেয়ানি কিছু বলার আগেই আমাদের দরজার বেল বেজে উঠল। খুলে দেখি, নয়নকে নিয়ে তরফদার হাজির।

‘এসো ভিতরে,’ বলল ফেলুদা।

‘এই সেই আঙুত ক্ষমতাসম্পন্ন বালক কি?’ দুজনে ঘরে চুকতে জিঞ্জেস করলেন হিসেয়ানি।

ফেলুদার দিকে চেয়ে দেখি তার ঠাঁটের কোণে হাসি।

‘আপনার সঙ্গে এই দুজনের পরিচয় করিয়ে দেবার কোনও প্রয়োজন আছে কি?’
হিস্পেয়ানিকে প্রশ্ন করল ফেলুদা।

‘হোয়াট ডু ইউ মিন?’

‘মিঃ হিস্পেয়ানি, আপনি আমাকে আপনার নিরাপত্তার জন্য নিযুক্ত করেছেন। এখানে আপনাকে মনে রাখতে হবে যে গোয়েন্দার কাছ থেকে মক্কেল যদি কোনও জরুরি তথ্য গোপন করেন তা হলে গোয়েন্দার কাজটা আরও অনেক বেশি কঠিন হয়ে পড়ে।’

‘আপনি কী বলতে চাইছেন?’

‘স্টেটও আপনি খুব ভাল করেই জানেন, কিন্তু না-জানার ভাগ করছেন। অবিশ্য সত্য গোপন করার অভিযোগ শুধু আপনার বিরুদ্ধেই প্রযোজ্য নয়। এর বিরুদ্ধেও বটে।’

ফেলুদা শেষ কথাটা তরফদারকে উদ্দেশ করে বলল। তরফদার কিছু বলতে না পেরে ফ্যাল-ফ্যাল করে চেয়ে রাইল।

‘আপনারা যখন মুখ খুলছেন না, তখন আমিই বলি।’

ফেলুদার দৃষ্টি এখনও তরফদারের দিকে।

‘সুনীল, তুমি একজন পৃষ্ঠপোষকের কথা বলছিলে। আমি কি অনুমান করতে পারি যে, মিঃ হিস্পেয়ানিই সেই পৃষ্ঠপোষক?’

হিস্পেয়ানি চোখ কপালে তুলে চেয়ার থেকে প্রায় অর্ধেক উঠে পড়ে বললেন, ‘বাট হাউডিড ইউ নো? এও কি ম্যাজিক?’

‘না, মিঃ হিস্পেয়ানি, ম্যাজিক নয়। এ হচ্ছে ইলিয়গুলিকে সজাগ রাখার ফল। আমরা গোয়েন্দার সাধারণ লোকের চেয়ে একটু বেশি দেখি, বেশি শুনি।’

‘কী দেখে বা শুনে আপনি এই তথ্যটা আবিষ্কার করলেন?’

‘গত রবিবার তরফদারের ম্যাজিক শো-তে এক যুবকের প্রশ্নের উত্তরে এই জ্যোতিক দুটো গাড়ির নম্বর বলে দেয়। তার মধ্যে একটা নম্বর—ডিব্রিউ এম. এফ ছয় দুই তিন দুই—দেখলাম আপনার গ্যারাজের সামনে দাঁড়ানো কনটেসার নম্বর। এই যুবক কি আপনার বাড়ির লোক নন এবং তিনি শো থেকে ফিরে এসে কি আপনাকে জ্যোতিক্ষণ আশ্চর্য ক্ষমতার কথা বলেননি?’

‘ইয়েস, বলেছিল। মোহন, আমার ভাইপো...’ হিস্পেয়ানির কেমন যেন হতভস্ত ভাব।

‘আর একটা ব্যাপার আছে,’ বলল ফেলুদা। ‘সেদিন আপনার ড্রাইংরমের বুক কেসে দেখলাম পুরো একটা তাকভর্তি ম্যাজিকের বই। তার মানে—’

‘ইয়েস, ইয়েস, ইয়েস!’ ফেলুদাকে বাধা দিয়ে বললেন হিস্পেয়ানি। ‘ওগুলোর মাঝে আমি কাটিয়ে উঠতে পারিনি। বাবা আমার ম্যাজিকের সব সরঞ্জাম ফেলে দিয়েছিলেন। কিন্তু বই ফেলেননি।’

তরফদারের দিকে চেয়ে দেখি, তাঁর শোচনীয় অবস্থা।

‘তরফদারকে কোনও দোষ দেবেন না, মিঃ মিটার,’ বললেন হিস্পেয়ানি। ‘ও আমারই অনুরোধে আমার নামটা প্রকাশ করেনি।’

‘কিন্তু এই গোপনতার কারণ কী?’

‘একটা বড় কারণ আছে, মিঃ মিটার।’

‘কী?’

‘আমার বাবা এখনও জীবিত; ফৈজাবাদে থাকেন, আমাদের পৈতৃক বাড়িতে। বিরাশি বছর বয়স। কিন্তু এখনও টন্টনে জ্ঞান, মজবুত শরীর। তিনি যদি জানেন যে, এত দিন বাদে আমি আবার ম্যাজিকের সঙ্গে নিজেকে জড়িয়েছি, তা হলে তিনি আমাকে ত্যাজ্যপুত্র

করবেন।'

ফেলুদা ভূকুটি করে বার তিনেক মাথা উপর-নীচ করে বলল, 'বুঝেছি।'

হিঙ্গোয়ানি বলে চললেন, 'মোহন শো দেখে ফিরে এসেই এই ছেলের অসামান্য ক্ষমতার কথা আমাকে বলে। তখনই আমার মাথায় আসে, আমি এই জাদুকরের শো ফাইনান্স করব। যখন থেকে তেওয়ারির সঙ্গে মন কষাকষি শুরু হয়েছে, তখন থেকেই বুঝতে পারছিলাম যে, আমাকে অবিলম্বে টি এইচ সিডিকেটের পার্টনারশিপে ইন্সফা দিয়ে রোজগারের নতুন রাস্তা দেখতে হবে। রবিবার বাত্রে জ্যোতিষ্কর কথা শুনে সোমবার সকালেই আমি তরফদারের বাড়িয়ে গিয়ে আমার প্রস্তাবটা দিই। তরফদার রাজি হয়ে যায়। এর দুই দিন বাদেই তেওয়ারির টাকা-চুরি ধরা পড়ে এবং আমার সঙ্গে তার সংঘর্ষ সপ্তমে চড়ে। আমি আর থাকতে না পেরে তেওয়ারিকে একটা চার লাইনের টিপ্পিতে জানিয়ে দিই যে, আমি অসুস্থ। ডাঙ্কারের প্রস্তাব মতো এক মাসের অবসর নিচ্ছি। তার পরদিন থেকেই আমি আপিসে যাওয়া বন্ধ করি।'

'তার মানে আপনি এমনিতেই মাদ্রাজে আসছিলেন তরফদারের শোয়ের জন্য ?'

'হ্যাঁ, কিন্তু আমার বিপদের আশঙ্কাটাও সম্পূর্ণ সত্যি। অর্থাৎ আপনার সাহায্য আমাকে নিতেই হত।'

'আর আপনি মাদ্রাজে যে একটা চাকরির সন্তাননার কথা বলছিলেন ?'

'সেটা সত্যি নয়।'

'আই সি !' বলল ফেলুদা। 'তা হলে ব্যাপারটা যা দাঁড়াচ্ছে—আপনার জীবন বিপন্ন, যার কারণ হল তেওয়ারি সংক্রান্ত ঘটনা ; আর জ্যোতিষ্কর যোর বিপদে পড়তে পারে দুজন অত্যন্ত লোভী আর বেপরোয়া ব্যক্তির চক্রান্তে। এই দুই বিপদই সামলানোর জন্য আমাকে নিযুক্ত করা হয়েছে। নয়নের সঙ্গে সব সময় আমাদের কেউ-না-কেউ থাকবে। এখন আপনি বলুন, আপনি কীভাবে আমাদের কাজটা সহজ করতে পারেন।'

হিঙ্গোয়ানি বললেন, 'আমি কথা দিচ্ছি, আপনার আদেশ আমি অক্ষরে অক্ষরে পালন করব। মাদ্রাজে আমি এর আগে অনেক বার এসেছি। কাজেই এখানে আমার দেখবার কিছু বাকি নেই। তরফদারের শো এক বার শুরু হলে তার রিপোর্ট আমি ওর ম্যানেজারের কাছ থেকে পাব এবং শো-এর দরুন পেমেন্ট যা করার তা ম্যানেজারকেই করব। অর্থাৎ আমি ঘরেই থাকব এবং চেনা লোক কি না যাচাই না করে দরজা খুলব না।'

ফেলুদা উঠে পড়ল, আর সেই সঙ্গে আমরা দুজনও।

'এসো, নয়নবাবু।'

জটায়ু নয়নের দিকে হাত বাড়িয়ে দিলেন, নয়ন বেশ আগ্রহের সঙ্গে হাতটা ধরে নিল। বুঝলাম, জটায়ুকে তার বেশ পছন্দ হয়ে গেছে।

স্বেক পার্কে বেশিক্ষণ ছিলাম না, কিন্তু এটা বুঝেছি যে জায়গাটা একেবারে নতুন ধরনের। মাত্র একজন লোকের মাথা থেকে যে এ জিনিস বেরিয়েছে, সেটা বিশ্বাস করা যায় না। যত রকম সাপের নাম আমি শুনেছি তার সব, আর তার বাইরেও বেশ কিছু এই পার্কে রয়েছে। তা ছাড়া, সাপ দেখা ছাড়াও, পার্কে ঘুরে বেড়ানোর আনন্দও এখানে পাওয়া যায়।

প্রথম দিনের এই আউটিং-এ কোনও উল্লেখযোগ্য বা চাঞ্চল্যকর ঘটনা ঘটেনি। যদিও হজসনের ছদ্মবেশের কথা জানার জন্যেই বোধ হয় দাঢ়িওয়ালা লোক দেখলেই জটায়ু বসাক

বলে সন্দেহ করে নয়নকে একটু কাছে টেনে নিছিলেন।

সাপ দেখে এদিক-ওদিক ঘূরতে হঠাত দেখলাম, রেলিং দিয়ে যেরা একটা বেশ বড় জলা জায়গায় গোটা পাঁচেক কুমির রোদ পোয়াচ্ছে। দেখে মনে হল তারা সব ক'টাই ঘুমোচ্ছে। রেলিং-এর ফাঁক দিয়ে এ-দৃশ্য দেখছি, লালমোহনবাবু নয়নকে ফিসফিস করে বলছেন—তুমি আরেকটু বড় হলে তোমাকে আমার ‘করাল কুম্ভী’ বইটা দেব—এমন সময় দেখি দু হাতে দুটো বালতি নিয়ে গেঞ্জি আর হাফপ্যান্ট পরা একটা লোক কুমিরগুলো থেকে হাত পঞ্চাশেক দূরে গিয়ে দাঁড়াল। কুমিরগুলো এবার একটু নড়েচড়ে উঠল। লোকটা এবার বালতিতে হাত ঢুকিয়ে ঢুকিয়ে এক-একটা কোনা ব্যাঙ বার করে কুমিরগুলোর দিকে ছুড়ে ছুড়ে দিতে লাগল। আশ্চর্য এই যে, প্রত্যেকটা ব্যাঙই কোনও-না-কোনও কুমিরের হাঁ-করা মুখের ভিতর গিয়ে পড়ল। কুমিরকে ব্যাঙ চিবিয়ে থেতে আর কোনওদিন দেখিওনি আর দেখব বলে ভাবিওনি।

গোলমেলে ঘটনা যা ঘটে সেটা দ্বিতীয় দিনে, আর সেটার কথা ভাবলেই মনে বিস্ময়, আতঙ্ক, অবিশ্বাস—সব একসঙ্গে জেগে ওঠে।

গাইডবুক পড়ে জেনেছিলাম মহাবলীপুরম ম্যাড্রাস থেকে প্রায় আশি কিলোমিটার দূরে। রাস্তা নাকি ভাল, যেতে দু ঘণ্টার বেশি সময় লাগা উচিত নয়। কালকের মতোই দুটো ট্যাঙ্কির ব্যবস্থা করেছিলেন শক্তরবাবু। এবার নয়ন তরফদারের সঙ্গে না গিয়ে আমাদের সঙ্গে আসতে চাইল। কারণ আর কিছুই নয়, জটায়ুর সঙ্গে ওর বেশ জমে গেছে। ভদ্রলোক নয়নকে তাঁর লেটেস্ট বই ‘অতলান্তিক আতঙ্ক’-র গল্প সহজ করে বলে শোনাচ্ছেন। একবাবে তো শেষ হবার নয়, তাই খেপে খেপে শোনাচ্ছেন। গাড়িতে তাই ফেলুদা আর জটায়ুর মাঝখানে বসল নয়ন। আর আমি সামনে।

যেতে যেতে বেশ বুঝাতে পারছি, আমরা ক্রমে সমুদ্রের দিকে এগোচ্ছি। মাদ্রাজ শহর সমুদ্রের ধারে হলেও আমরা এখন অবধি সমুদ্র দেখিনি, তবে সঙ্কেবেলো সমুদ্রের দিক থেকে আসা হাওয়া উপভোগ করেছি।

সোয়া দু ঘণ্টার মাথায় সামনের দৃশ্যটা হঠাত যেন ফাঁক হয়ে গেল। ওই যে দূরে গাঢ় নীল জল, আর সামনে বালির উপর ছড়িয়ে উঁচিয়ে আছে সব কী যেন।

আরও খানিকটা এগিয়ে গিয়ে বুঝলাম যে সেগুলো মন্দির। মূর্তি আর বিশাল বিশাল পাথরের গায়ে খোদাই করা নানারকম দৃশ্য।

আমাদের গাড়ি যেখানে এসে থামল, তার ঠিক সামনে দাঁড়িয়ে একটা ভ্যান। আর তার পরেই একটা প্রকাণ্ড লাঙ্গারি কোচ। কোচে একে একে উঠছে এক বিরাট টুরিস্ট দল। তাদের দেখেই কেন জানি বোৰা যায় তারা আমেরিকান। কত রকম পোশাক, কত রকম টুপি, চোখে কতরকম ধোঁয়াটে চশমা, কাঁধে কত রকম বোলা।

‘বিগ বিজনেস, টুরিজ্ম,’ বলে জটায়ু নয়নকে নিয়ে গাড়ি থেকে নামলেন।

ফেলুদা আগে এখানে না এলেও, কোথায় কী আছে সব জানে। ও আগেই বলে রেখেছিল—‘অনেক দূর ছড়িয়ে অনেক কিছু দেখার জিনিস আছে; তবে নয়নকে নিয়ে তো আর অত ঘোরা যাবে না; তুই অস্তত চারটে জিনিস অবশ্যই দেখিস—শোর টেম্পল, গঙ্গাবতরণ, মহিষমণ্ডপ গুহা আর পঞ্চপাওয়া গুহা। জটায়ু যদি দেখতে চান তো দেখবেন; না হলে নয়নকে সামলাবেন। তরফদার আর শক্ত কী করবে জানি না; কথাবার্তা শুনে তো

মনে হয় না ওদের মধ্যে শিল্পীতি বলে কোনও বস্তু আছে।’

আমরা গাড়ি থেকে নেমে সামনে এগোনোর প্রায় সঙ্গে সঙ্গেই লালমোহনবাবু একটা জটায়ু-মার্কা প্রশ্ন করলেন।

‘এ তো বল্লভদের কীর্তি, তাই না মশাই?’

ফেলুদা তার গলায় একটা বাজখাই টান এনে বলল, ‘পল্লব, মিস্টার গাঙ্গুলী, পল্লব। নট বল্লভ।’

‘কোন সেঁওরি?’

‘সেটা খোকাকে জিজ্ঞেস করুন, বলে দেবে।’

লালমোহনবাবু অবিশ্য সেটা আর করলেন না ; খালি মৃদুস্বরে একবার ‘সজারু’ বলে চূপ করে গেলেন। আমি জানি মহাবলীপুরম সপ্তম শতাব্দীতে তৈরি হয়েছিল।

প্রথমেই শোর টেম্পল বা সমুদ্রের ধারের মন্দিরটা দেখা হল। মন্দিরের পিছনের পাঁচিলের গায়ে ঢেউ এসে ঝাপ্টা মারছে।

‘এরা স্পট সিলেক্ট করতে জানত মশাই,’ ঢেউয়ের শব্দের উপরে গলা তুলে মন্দব্য করলেন জটায়ু।

ডান পাশে দূরে একটা হাতি আর একটা ঘাঁড়ের মূর্তির পাশে কয়েকটা ছোট ছোট মন্দিরের মতো জিনিস রয়েছে। ফেলুদা বলল সেগুলো পাওবদের রথ।—‘যেটা দেখতে কতকটা বাংলার গাঁয়ের কুঁড়ে ঘরের মতো, সেটা হল দ্রৌপদীর রথ।’

মাথা ঘুরে গেল গঙ্গাবতরণ দেখে। এটাকে অবিশ্য অর্জুনের তপস্যাও বলা হয়। বাইরেই রয়েছে ব্যাপারটা, আর বোঝাই যায় যে একটা বিশাল পাথরের স্ল্যাব দেখে শিল্পীদের এই দৃশ্য খোদাই করার আইডিয়া মাথায় আসে। দুটো বিরাট হাতি, আর তার চতুর্দিকে অজস্র মানুষের ভিড়।

লালমোহনবাবু নয়নকে নিয়ে এখনও আমাদের পাশেই ছিলেন, দৃশ্যটার দিকে চোখ রেখে বললেন, ‘এ তো ছেনি-হাতুড়ির কাজ, তাই না?’

‘হ্যাঁ,’ গভীরভাবে বলল ফেলুদা। ‘তবে তেবে দেখুন—হাজার হাজার প্রাচীন ভাস্কর্যের নমুনা রয়েছে আমাদের সারা দেশ জুড়ে, দশ-বারো শতাব্দী ধরে সেগুলো তৈরি হয়েছে, অথচ পুঞ্জানুপঙ্খীর দেখলেও তার সামান্যতম অংশেও একটিও হাতুড়ির বেয়াড়া আঘাত বা ছেনির বেয়াড়া অ্যাসেলের চিহ্ন পাবেন না। এ তো মাটি নয় যে, আঙুলের চাপে এদিক-ওদিক করে ক্রটি সংশোধন হয়ে যাবে; পাথরের ক্রটি শুধরানোর কোনও উপায় নেই। এ যুগে সেই পারফেকশনের সহস্রাংশও আর অবশিষ্ট নেই। কোথায় গেল কে জানে!’

তরফদার আর শক্ষরবাবু এগিয়ে গিয়েছিলেন; ফেলুদা বলল, ‘যা, তোরা গিয়ে পঞ্চপাণির আর মহিয়মণ্ডপ গুহাগুলো দেখে আয়। আমি এটা আর একটু খুঁটিয়ে দেখছি। তাই সময় লাগবে।’

ফেলুদার কাছ থেকে গাইড বুকটা চেয়ে প্ল্যান দেখে বুকে নিলাম, গুহা দুটো দেখতে কোনদিকে যেতে হবে। লালমোহনবাবুকে মুখে বলে বুবিয়ে দিলাম। তবে তিনি এখন মহাবলীপুরম ছেড়ে অতলাস্তিকে চলে গেছেন, তাই আমার কথা কানে গেল কি না জানি না। না গেলেও, আমি এগোনোর আগেই তিনি গল্প শুরু করে নয়নকে নিয়ে এগিয়ে গেলেন।

কিছু দূর গিয়ে ডাইনে ঘুরে দেখি, একটা কাঁচা রাস্তা পাহাড়ের গা দিয়ে ওপরে উঠে গেছে। প্ল্যান বলেছে এটা দিয়েই যেতে হবে। ঢেউয়ের আওয়াজ এখানে কম; তার চেয়ে

বেশি জোরে শুনছি লালমোহনবাবুর গলা। মনে হচ্ছে গল্প ক্লাইম্যাঞ্জে পৌঁছচ্ছে।

একটু এগিয়ে গিয়ে দেখি, পঞ্চপাত্রের গুহায় পৌঁছে গেছি—অন্তত বাইরের সাইনবোর্ডে তাই বলছে। আমি ঢোকার আগেই জটায়ু নয়নকে নিয়ে গুহা থেকে বেরিয়ে রাস্তা দিয়ে আরও উপরে উঠে গেলেন। বুবলাম আশ্চর্য সব শিল্পের নমুনা লালমোহনবাবুর কাছে মাঠে মারা যাচ্ছে।

ফেলুদার আদেশ, তাই পঞ্চপাত্রের গুহায় খানিকটা সময় দিলাম। একটা ঘাড়-ফেরানো গোরু আর তার পাশে দাঁড়ানো বাচ্চুরের দৃশ্য দেখে মনে হল যে, ঠিক এই দৃশ্য আজও বাংলার যে কোনও গ্রামে দেখা যায়। শুধু গোরু বাচ্চুর কেন, মহাবলীপুরমের হাতি হরিণ বাঁদর যাঁড় ইত্যাদি দেখে বুবতে পারি তেরশো বছরেও এদের চেহারার কোনও পরিবর্তন হয়নি। অথচ পোশাক বদলের জন্য সে যুগের মানুষকে আজ আর চেনার কোনও উপায় নেই।

গুহা থেকে বেরিয়ে কয়েকটা পরিবর্তন লক্ষ করলাম, যেগুলো কানে আর চোখে ধরা পড়ল।

এক, সূর্য ঢেকে গেছে ছাই রঙের মেঝে। গুড়গুড়ুনি যে মেঝের ডাক তাতে কোনও সন্দেহ নেই। রোদের তেজটা চলে গিয়ে এখন সমুদ্রের হাওয়াটা আরও বেশি টের পাওয়া যাচ্ছে।

সবচেয়ে বেশি তফাত ধরা পড়ে কানে। সমুদ্রের দীর্ঘশাস ছাড়া চারিদিকে কোনও শব্দ নেই। আমি গুহাতে পাঁচ মিনিটের বেশি থাকিনি। সামনে মহিমদিনী গুহা। তার ভিতর থেকে লালমোহনবাবুর গলা পাওয়া উচিত। কারণ গল্পের বেশ জমাটি অংশে তিনি গুহায় পৌঁছেছিলেন। অবিশ্য তিনি গুহাতে না-চুকেই এগিয়ে গিয়ে থাকতে পারেন। কিন্তু কেন? ও দিকে তো আর কিছু দেখার নেই! কোথায় গেলেন ভদ্রলোক নয়নকে নিয়ে?

কেমন যেন একটা সংশয়ের ভাব আমাকে চেপে ধরল। আমি দেখলাম, মহিমদিনী গুহার দিকে আমি দৌড়তে শুরু করেছি।

‘হাঃ হাঃ হাঃ হাঃ হাঃ—’

টি এন টি-র হাসি।

উর্ধবশাসে সামনে ছুটে গিয়ে মোড় ঘুরে একটা সাংঘাতিক দৃশ্য দেখে আমার নিখাস মুহূর্তের জন্য বন্ধ হয়ে গেল।

দেখলাম, একটা লাল-সাদা ডুরে-কাটা জামা আর কালো প্যান্ট পরা এক অতিকায় ‘কৃষকায় প্রাণী—যাকে দানব বললে খুব ভুল হয় না—এক-বগলে জটায়ু আর অন্য বগলে নয়নকে নিয়ে দ্রুত পা ফেলে ক্রমে দূরে সরে যাচ্ছে।

ভয়াবহ দৃশ্য, কিন্তু তখন আমার মাথায় খুন চেপে গেছে, আর তার ফলে শরীরে এনার্জি আর মনে সাহস-এসে গেছে। আমি ‘ফেলুদা!’ বলে একটা চিংকার দিয়ে প্রাণপণে ছুটে গেলাম দানবটার দিকে—আমার উদ্দেশ্য পিছন থেকে ঝাঁপিয়ে পড়ে তার একটা পা জাপ্টে ধরে তার হাঁটা বন্ধ করব।

কিন্তু যা ভেবেছিলাম সেটা করেও কোনও ফল হল না। পা জড়িয়ে ধরতেই প্রথমে দানবটা একটি বিকট চিংকার দিল—বুবলাম, যেখানে বাদশা কামড়েছিল ঠিক সেখানেই আমি চাপ দিয়েছি। তার পরমুহূর্তে দেখলাম সেই জখম পায়ের বাটকানিতে আমি মাটি থেকে শূন্যে উঠে গেছি। তার পর চোখের পলকে দেখি, আমি নয়নের সঙ্গে একই বগলের নীচে বন্দি হয়ে হাওয়া কেটে এগিয়ে চলেছি, আমার পা দুটো পেন্ডুলামের মতো দুলছে।

দৈত্যটার মাংসপেশির চাপে আমার নিশ্চাস প্রায় বক্ষ হয়ে এলেও আমি শুনতে পাচ্ছি অন্য বগলের তলা থেকে লালমোহনবাবুর ‘মাগো ! মাগো !’ আর্তনাদ।

আর হাসি ?

সামনে বিশ হাত দূরে তারকনাথ হাসতে হাসতে লাফাচ্ছেন আর ডান হাত মাথার উপর তুলে লাঠি ঘোরাচ্ছেন।

‘কেমন ? গাওয়াঙ্গি কাকে বলে, দেখলে ?’ তারস্বরে প্রশ্ন করলেন টি এন টি।

কিন্তু এখন তো আর তিনি একা নেই ! তাঁর পিছন থেকে এগিয়ে এসে তাঁর পাশে দাঁড়িয়েছেন দুজন লোক। তাঁর মধ্যে একজন অন্তুতভাবে সামনে ঝুঁকে পড়ে লম্বা লম্বা পা ফেলে বকের মতো এগিয়ে আসছেন আমাদের দিকে।

চমকদার সুনীল তরফদার।

এবার তরফদার তাঁর গতি না কমিয়ে হাত দুটো সামনে বাড়িয়ে সাপের ফণার মতো দোলাতে লাগলেন—তাঁর বিস্ফারিত দৃষ্টি স্টান আমাদের যিনি বগলদাবা করেছেন তাঁর দিকে।

এই চাউনি, এই ঝুঁকে পড়া, হাতের এই ঢেউ খেলানো—এ সবই আমার চেনা। এ হল তরফদারের সম্মোহনের কায়দা।

তারকনাথ হঠাত উচ্চাদের মতো লাঠি উঁচিয়ে তরফদারের দিকে ধাওয়া করতেই পিছন থেকে এক লাফে এগিয়ে এসে শক্তরবাবু বুড়োর হাত থেকে লাঠিটা ছিনিয়ে নিলেন।

এবার বুরুলাম আমাদের গতি কমে আসছে।

আকাশে আবার মেঘের গর্জন।

তারকনাথ এবার দু হাতে নিজের মাথার চুল টেনে ধরে ঘড়ঘড়ে গলায় একটা অন্তু অচেনা ভাষায় গাওয়াঙ্গিকে কী যেন বললেন।

গাওয়াঙ্গি আর তরফদার এখন মুখোমুখি।

আমি বগলদাবা অবস্থাতেই কোনওরকমে ঘাড় ঘুরিয়ে গাওয়াঙ্গির মুখের দিকে চাইলাম। এমন মুখ আমি আর দেখিনি। চোয়াল ঝুলে পড়ে দাঁত বেরিয়ে গেছে, আর চোখ দুটো ঠিক্করে বেরিয়ে আসছে।

বগলদাবা করা শিশাল হাত দুটো এবার ধীরে ধীরে নেমে এল। আমার পা এখন মাটিতে। ও দিকে লালমোহনবাবুও মাটিতে।

‘আপনারা গাড়িতে গিয়ে উঠুন !’ চোখের পাতা না ফেলে গাওয়াঙ্গির দিক থেকে দৃষ্টি না সরিয়ে চেঁচিয়ে বললেন তরফদার। ‘আমরা এক্ষুনি আসছি !’

উলটো দিকে দৌড় দেবার আগের মুহূর্তে দেখলাম, তারকনাথ মাথায় হাত দিয়ে মাটিতে বসে পড়লেন।

ফেলুদা এখনও গঙ্গাবতরণের সামনে দাঁড়িয়ে। আমাদের তিনজনকে ঝন্দখাসে দৌড়ে আসতে দেখে যেন ও আপনা থেকেই ব্যাপারটা আঁচ করে নিল।

আমাদেরও আগে ও দৌড়ে গিয়ে গাড়ির দরজা খুলে দিল। আমরা চারজন হড়মুড়িয়ে উঠে পড়লাম।

‘টার্ন ব্যাক ! টার্ন ব্যাক !’ চেঁচিয়ে আদেশ দিল ফেলুদা। এই ড্রাইভার হিন্দি জানে না ; কেবল তামিল আর ভাঙা ভাঙা ইংরিজি।

গাড়ি উলটোমুখো হতেই ফেলুদা আবার বলল, ‘নাউ ব্যাক টু ম্যাড্রাস—ফাস্ট !’

গাড়ি বিদ্যুদেবে রওনা দেবার পর শুধু একজনই কথা বলল। সে হল নয়ন।

‘দৈত্যটার বেয়াল্লিশটা দাঁত !’



বেশ জমিয়ে লাঞ্চ খাওয়া হচ্ছে করোমণ্ডলের মোগলাই ডাইনিং রুম মাইসোরে। অবিশ্বাস্য ব্যাপার হল—আজকের খানার পুরো ভার নিয়েছেন লালমোহনবাবু। আসলে তরফদার যে সম্মোহনের জোরে ওঁর প্রাণ বাঁচিয়েছিল, তাতে—ওঁরই ভাষায়—উনি সবিশেষ কৃতজ্ঞ।

খেতে খেতে ফেলুদার দিকে ফিরে বললেন, ‘অনেক খ্রিলিং ঘটনার মধ্যে পড়িচি মশাই—থ্যাক্স টু ইউ—কিন্তু আজকেরটা একেবারে ফাইভ-স্টার অভিজ্ঞতা।’

দানবের বগলবান্দি হওয়াটা কীভাবে ঘটল, সেটা ফেলুদা আগেই জিজ্ঞেস করেছিল। আর লালমোহনবাবু সেটা বলেওছিলেন। তাঁর ভাষাতেই ঘটনার বর্ণনাটা এখানে দিচ্ছি।

‘আর বলবেন না, মশাই—আমি তো খোকাকে গপ্পো শোনাতে মশগুল, গুহায় চুকছি আর বেরোছি, পল্লব-টল্লব মাথা থেকে হাওয়া হয়ে গেছে। একটা গুহায় চুকে দেখলুম সামনেই মহিসুর। বেরিয়ে আসব, এমন সময় দেখলুম—আরেকটা মৃত্তি রয়েছে যেটা বিশাল, বীভৎস। এটার চোখ বোজা, আর মিশকালো রঙের উপর লাল-সাদা ডোরা। মনে মনে ভাবছি—এই ব্যাতিক্রমের কারণটা কী?—এও ভাবছি—একি ঘটোঢকচের মৃত্তি নাকি?—কারণ মহাভারতের অনেক কিছুই তো এখানে দেখছি। এমন সময় মৃত্তিটা চোখ খুলল। ভাবতে পারেন?—ধূমসোটা দাঁড়িয়ে দাঁড়িয়ে ঘুমোছিল।

‘চোখ খুলেই অবশ্য আর এক মুহূর্ত দেরি করল না। আমি আর নয়ন দুজনেই যোমকে গেছি, সেই অবস্থাতেই আমাদের দুজনকে বগলদাবা করে নিয়ে দে ছুট! ’

ফেলুদা মস্তব্য করেছিল যে বোঝাই যাচ্ছে গাওয়াঙ্গির মনটা খুব সরল। এমনকী এও হতে পারে যে, তার বুদ্ধি বলে কিছু নেই; যা আছে সে শুধু শারীরিক বল। না হলে সুনীল তাকে হিপ্নোটাইজ করতে পারত না।

তরফদার আর শক্ষরবাবু কোথায় গিয়েছিলেন জিজ্ঞেস করাতে তরফদার বললেন, ‘শক্রের হবি হচ্ছে আয়ুর্বেদ। ও শুনেছিল যে, মহাবলীপুরমে সর্পগঙ্গা গাছ পাওয়া যায়, তাই আমরা দুজনে খুঁজতে গিয়েছিলাম। গাছ পেয়ে ফিরতি পথে দেখি এই কাণ। ’

‘সর্পগঙ্গা তো ড্রাই প্রেশারে কাজ দেয়, তাই না?’ বলল ফেলুদা।

‘হ্যাঁ,’ বললেন শক্ষরবাবু। ‘এই সুনীলের প্রেশার মাঝে মাঝে চড়ে যায়। ওর জন্যই এই গাছ আনা। ’

এর পরেই জটায়ু প্রস্তাব করেন যে তিনি সকলকে খাওয়াবেন। মোগলাই খানার কথাও উনিই বলেন, আর তাতে সকলেই রাজি হয়।

এখন এক টুকরো চিকেন টিক্কা কাবাব মুখে পুরে চিবোতে চিবোতে ভদ্রলোক ফেলুদার দিকে মুচ্চি হেসে বললেন, ‘আপনার প্রয়োজনীয়তা যে ফুরিয়ে গেছে, সেটা আজ প্রমাণ হল। ’

ফেলুদা ঠাট্টাটাকে খুব একটা আমল না দিয়ে বলল, ‘তার চেয়েও বড় কথা হল—গাওয়াঙ্গি বাতিল হয়ে গেল। ’

‘ইয়েস,’ বললেন জটায়ু। ‘এখন বাকি শুধু মিস্টার ব্যাস্যাক। ’

আমাদের সঙ্গে আজ মিঃ রেডিও খাচ্ছেন—অবিশ্বাস্য নিরামিষ। পরশু বড়দিনে তাঁর রোহিণী থিয়েটারে তরফদারের শো শুরু। বিজ্ঞাপনের ব্যাপারে রেডিও যে কোনও কার্পণ্য করেননি, সেটা ফেরার পথে রাস্তার দু পাশে তামিল আর ইংরিজি পোস্টার দেখেই বুঝেছি। প্রত্যেকটাতেই জাদুকরের পোশাক পরে তরফদারের ছবি আর সেই সঙ্গে ‘জ্যোতিক্ষম—দ্য ওয়ান্ডার বয়’-এর নাম। রেডিও জানালেন যে, এর মধ্যেই প্রথম দু দিন হাউসফুল হয়ে গেছে।

‘আমি বলছি আজ আর কোথাও বেরোবেন না’, বললেন মিঃ রেডিড। ‘আর কালকের দিনটাও রেস্ট করন। আপনাদের আজকের এক্সপ্রিয়েস তো শুনলাম; ওই ছেলেকে নিয়ে আর কোনও রিস্ক নেবেন না। ওর কিছু হলে যারা টিকিট কেটেছে, তারা সবাই টাকা ফেরত চাইবে। তখন কী দশা হবে ভেবে দেখুন—আমারও, আপনারও। থিয়েটারে অবিশ্যি আমি পুলিশ রাখছি, কাজেই শো-এর সময় কোনও গণগোল হবে না।’

গাওয়াঙ্গির ঘটনার ফলে তরফদার আর শক্রবাবু দুজনেই বুঝেছেন যে, নয়নকে সামলানোর ব্যাপারে কোনও গাফিলতি চলবে না। ফেলুদা ওদের কাছে ক্ষমা চেয়ে বলল, মহাবলী পূরম দেখে ওর মাথা ঘুরে গিয়েছিল—‘না হলে আমি কখনওই মিস্টার গাঙ্গুলীর হাতে নয়নকে ছাড়তাম না। এখন শিক্ষা হয়েছে, এবার থেকে আর কোনও গণগোল হবে না।’

জটায়ুর গল্প শেষ। তাই নয়ন আজ খাবার পরে তরফদারের সঙ্গে ঘরে চলে গেল।

এখনও যে চমকের শেষ সীমায় পৌঁছইনি, সেটা ঘরে ফেরার মিনিট পাঁচকের মধ্যেই—অর্থাৎ আড়াইটো নাগাত—প্রমাণ হল।

ফেলুদা আজ রগড়ের মুড়ে ছিল। জটায়ুকে বলেছিল—‘এবার থেকে আপনিই সামাল দিন, আমার দিন তো ফুরিয়ে এল’—ইত্যাদি। লালমোহনবাবু ব্যাপারটা রীতিমতে উপভোগ করছিলেন, এমন সময় টেলিফোনটা বেজে উঠল। ফেলুদা মিনিটখানেক ইংরিজিতে কথা বলে ফোনটা রেখে বলল, ‘চিনলাম না। কিছুক্ষণের জন্য আসতে চায়।’

‘আসতে বললে?’ আমি জিজ্ঞেস করলাম।

‘হ্যাঁ’, বলল ফেলুদা। ‘হোটেলে এসেছে, নীচ থেকে ফোন করল। জটায়ু—প্রিজ টেক ওভার।’

‘মানে?’ লালমোহনবাবুর মুখ হাঁ।

‘আমার প্রয়োজনীয়তা তো ফুরিয়েই গেছে। দেখাই যাক না আপনাকে দিয়ে চলে কি না।’

লালমোহনবাবু কিছু বলার আগেই দরজার বেল বেজে উঠল।

আমি দরজা খুলতে একজন মাঝারি হাইটের বছর-পঞ্চাশের ভদ্রলোক ঘরে চুকলেন। মাথার চুল পাতলা এবং সাদা হয়ে এসেছে, তবে গোঁফটা কালো এবং ঘন। ভদ্রলোক এক বার জটায়ু আর এক বার ফেলুদার দিকে চেয়ে ইংরিজিতে বললেন, ‘আপনার নামের সঙ্গে আমি পরিচিত, মিঃ মিটার, কিন্তু আপনার চেহারার সঙ্গে নয়। হচ্ছ ওয়ান অফ ইউ ইজ—?’

ফেলুদা সরাসরি লালমোহনবাবুর দিকে দেখিয়ে বলল, ‘দিস ইজ মিস্টার মিটার।’

ভদ্রলোক হাত বাড়িয়ে দিলেন লালমোহনবাবুর দিকে। জটায়ু দেখলাম নিজেকে সামলে নিয়েছেন, আর বেশ ডাঁটের সঙ্গেই হ্যান্ডশেকটা করলেন। মনে পড়ল ফেলুদাই একবার জটায়ুকে বলেছিল—‘হ্যান্ডশেকটা পুরোপুরি সাহেবি ব্যাপার, তাই ওটা করতে হলে সাহেবি মেজাজেই করবেন, মিনমিনে বাঙালি মেজাজে নয়। মনে রাখবেন—গোক্খোরের গ্রিপ আর মাছখোরের গ্রিপ এক জিনিস নয়।’

মনে হয় সেটা মনে রেখেই জটায়ু বেশ শক্ত করে আগস্তকের হাতটা ধরে দু বার সারা শরীর দুলিয়ে ঝাঁকুনি দিয়ে হাতটা টেনে নিয়ে বললেন, ‘সিট ডাউন, মিস্টার—’

ভদ্রলোক একটা সোফায় বসে বললেন, ‘আমার নাম বললে আপনারা চিনবেন না। আমি এসেছি মিঃ তেওয়ারির কাছ থেকে। ওঁর সঙ্গে আমার বহু দিনের আলাপ। এ ছাড়া আমার

আর একটা পরিচয় আছে—আমিও আপনারই মতো একজন প্রাইভেট ডিটেকচিভ। আমার কোম্পানির নাম ছিল ডিটেকনিক। সাতশ বছর আগে কলকাতায় এই কোম্পানি স্টার্ট করে। নাইনটিন সিঙ্গলটি এইটে—আজ থেকে বাইশ বছর আগে—আমি বস্বে চলে যাই আমার কোম্পানি নিয়ে। তাই আপনার নাম শুনলেও আপনার চেহারার সঙ্গে আমার পরিচয় হয়নি। আই অ্যাম সারপ্রাইভ্যুল—কারণ আপনার চেহারা দেখে গোয়েন্দা বলে মনেই হয় না। কিছু মনে করবেন না, মিস্টার মিটার, বাট ইউ লুক ভেরি অর্ডিনারি। বরং এঁকে—'

আগস্টক ফেলুদার দিকে দৃষ্টি ঘোরালেন। জটায়ু গলাটা রীতিমতো চড়িয়ে বললেন, 'হি ইজ মাই ফ্রেন্ড মিস্টার লালমোহ্যান গ্যাঙ্গুলী, পাওয়ারফুলি আউটস্ট্যান্ডিং রাইটার।'

'আই সি।'

'আপনি কোথাকার লোক ?'

ভদ্রলোক যা বললেন, তাতে ছাগলের গলায় খাঁড়ার কোপ পড়ার মতো শব্দ হল।

'কচ।'

'কচছ ?'

'ইয়েস...যাই হোক, যে কারণে আসা...'

ভদ্রলোক কোটের পকেট থেকে একটা পোস্টকার্ড সাইজের ফোটো বার করে জটায়ুর দিকে এগিয়ে দিলেন। আমি খুব যে কাছে ছিলাম, তা নয়, কিন্তু তাও বুঝতে পারলাম সেটা হিঙ্গোয়ানির ছবি।

'এই লোকের হয়ে আপনি কাজ করছেন প্রোফেশনালি, তাই না ?'

ফেলুদা নির্বিকার। জটায়ুর চোখ এক মুহূর্তের জন্য কপালে উঠে নেমে এল। আমাদের ধারণা ফেলুদা যে হিঙ্গোয়ানির হয়ে কাজ করছে সেটা বাইবের কেউ জানে না। ইনি জানলেন কী করে ?

'তাই যদি হয়,' বললেন আগস্টক, 'তা হলে আমি আপনার প্রতিদ্বন্দ্বী। কারণ, আমি তেওয়ারির দিকটা দেখছি। ওর ব্যাপারটা আমি কাগজে পড়ে ওর সঙ্গে যোগাযোগ করি। বাইশ বছর পরে আমার হাদিস পেয়ে সে আনন্দে লাফিয়ে ওঠে। কলকাতায় থাকতে আমি ওকে অনেক ব্যাপারে হেল্প করি, সেটা ও ভোলেনি। বলল—আই নিড ইওর হেল্প এগেন। —আমি রাজি হই, আর তক্ষুনি কাজে লেগে যাই। প্রথমেই হিঙ্গোয়ানির বাড়িতে ফোন করে জানতে পারি, ও কলকাতায় থাক্কেন তা বলে যাননি। —আমি এয়ারলাইনসে খোঁজ করে ম্যাজ্ঞাসের প্যাসেঞ্জার লিস্টে ওর নাম পাই। বুঝতে পারি, তেওয়ারির শাসানির ফলে সে ভয়ে চম্পট দিয়েছে। এর পর আমি ওর বাড়িতে যাই। ওর বেয়ারার কাছে জানতে পারি যে কদিন আগে তিনজন বাঙালি হিঙ্গোয়ানির সঙ্গে দেখা করতে আসেন, তাদের একজনের নাম মিতুর। আমার সন্দেহ হয়। আমি ডাইরেক্টের থেকে আপনার নম্বর বার করে ফোন করি। একজন সার্ভেন্ট ফোন ধরে বলে যে, আপনি ম্যাজ্ঞাস গেছেন। আমি দুয়ে দুয়ে চার হিসেব করে ম্যাজ্ঞাস যাওয়া স্থির করি। কাল এখানে এসেই ফোনে সব হোটেলে খোঁজ নিয়ে জানতে পারি, হিঙ্গোয়ানি করোমণ্ডলে আছেন। আমি জিজ্ঞেস করি—মিটার বলে আছেন কেউ ?—উত্তর পাই, হ্যাঁ আছেন ; পি. মিটার। তখনই স্থির করি, আপনার সঙ্গে দেখা করে লেটেস্ট সিচুয়েশনটা জানাব। এটা আপনি স্বীকার করছেন তো যে, হিঙ্গোয়ানি আপনাকে অ্যাপয়েন্ট করেছে তাকে প্রোটেস্ট করার জন্য ?'

'এনি অবজেকশন ?'

'মেনি।'

আমরা তিনজনেই চুপ। ফেলুদা কিন্তু মাঝে মাঝে সিগারেটে টান দিয়ে ধোঁয়ার রিং ছাড়ছে, দেখে বোবার কোনও উপায় নেই তার মনে কী আছে।

‘তেওয়ারির সিন্দুকের ঘটনা এখন কোথায় এসে দাঁড়িয়েছে, জানেন?’ বললেন আগস্টক।

‘কলকাতার কাগজে বেরিয়েছে কি?’ জটায়ুর প্রশ্ন।

‘ইয়েস। সম্পূর্ণ নতুন তথ্য। এতে কেস্টার চেহারাটাই পালটে যায়। কাগজ পড়েই আমি তেওয়ারির সঙ্গে যোগাযোগ করি। আপনি যাঁর প্রাণরক্ষার ভার নিয়েছেন তিনি কেমন লোক জানেন? হি ইজ এ থিফ, স্কাউন্ডেল অ্যাড নামার ওয়ান লায়ার।’

ভদ্রলোক শেষের কথাগুলো বললেন ঘর কাঁপিয়ে। জটায়ু প্রাণপণ চেষ্টা করেও তাঁর কথায় আতঙ্কের রেশ ঢাকতে পারলেন না।

‘হা-হাউ চু ইউ নোহো?’

‘তার অকট্য প্রমাণ পাওয়া গেছে। হিস্পোয়ানি তেওয়ারির সিন্দুক থেকে পাঁচ লক্ষের উপর টাকা চুরি করেছে। সিন্দুকের তলা থেকে হিস্পোয়ানির আংটি পাওয়া গেছে—পলা বসানো সোনার আংটি। ওর আপিসের প্রত্যেকে ওই আংটি চিনেছে। আংটিটা গড়িয়ে একেবারে পিছন দিকে চলে গিয়েছিল। তাই এতদিন বেরোয়ানি। পরশু বেয়ারা মেঝে সাফ করতে গিয়ে পায়। এটাই হচ্ছে আমার রঙের তুফুপ। দিস্ট উইল ফিনিশ হিস্পোয়ানি।’

‘কিন্তু যখন চুরিটা হয় তখন তো হিস্পোরাজ—থুড়ি, হিস্পোয়ানি—আপিসে ছিলেন না।’

‘ননসেন্স!’ গজিয়ে উঠলেন ডিটেকটিভ। ‘হিস্পোয়ানি চুরিটা করে মাঝারাত্তিরে, আপিস টাইমে নয়। গোয়েঙ্কা বিল্ডিং-এ টি এইচ সিভিকেটের আপিস। সেই বিল্ডিং-এর দারোয়ানকে পাঁচশো টাকা ঘূষ দিয়ে হিস্পোয়ানি আপিসে ঢেকে রাত দুটোয়। এ কথা দারোয়ান পুলিশের দাবড়ানিতে স্বীকার করেছে। সিন্দুকের কমিনেশন তেওয়ারি হিস্পোয়ানিকে বলেছিল, সেটা তেওয়ারির এখন পরিষ্কার মনে পড়েছে। প্রায় বছর পনেরো আগে তেওয়ারির জনডিস হয়, হাসপাতালে ছিল, খুব খারাপ অবস্থা। হিস্পোয়ানি তখন তার পার্টনার আর ঘনিষ্ঠ বন্ধু। বন্ধুকে ডেকে তেওয়ারি বলে, ‘আমি মরে গেলে আমার সিন্দুক কী করে খোলা হবে?’ হিস্পোয়ানি ব্যাপারটা হেসে উড়িয়ে দেয়। কিন্তু তেওয়ারি জোর করে তাকে নম্বরটা নোট করে নিতে বলে। হিস্পোয়ানি সে অনুরোধ রাখে।’

‘কিন্তু হিস্পোয়ানি হঠাৎ টাকা চুরি করবে কেন?’


‘কারণ ওর পকেটে ফাঁক হয়ে আসছিল,’ গলা সপ্তমে তুলে বললেন আগস্টক। ‘শেষ বয়সে জুয়ার নেশা ধরেছিল। প্রতি মাসে একবার করে কাঠমাণু যেত। ওখানে জুয়ার আড়ত ক্যাসিনো আছে জানেন তো? সেই ক্যাসিনোতে গিয়ে হাজার হাজার টাকা খুইয়েছে রুলেটে। তেওয়ারি ব্যাপারটা জেনে যায়। হিস্পোয়ানিকে অ্যাডভাইস দিতে যায়। হিস্পোয়ানি খেপে ওঠে। এমন দশা হয়েছিল লোকটার যে, বাড়ির দামি জিনিসপত্র বেচতে শুরু করে। শেষে মরিয়া হয়ে পার্টনারের সিন্দুকের দিকে চোখ দেয়।’

‘আপনি কী করবেন স্থির করেছেন?’

‘তোমাদের এখান থেকে আমি তার ঘরেই যাব। আমার বিশ্বাস, চুরির টাকা তার সঙ্গেই আছে। তেওয়ারি কেমন মানুষ, জানেন?—সে বলেছে, তার টাকা ফেরত পেলে সে তার পুরনো পার্টনারের বিরুদ্ধে কোনও স্টেপ নেবে না। এই খবরটা আমি হিস্পোয়ানিকে জানাব—তাতে যদি তার চেতনা হয়।’

‘আর যদি না হয়?’

ভদ্রলোক সিগারেটে একটা লম্বা টান দিয়ে সেটাকে অ্যাশট্রেতে পিষে ফেলে একটা কুর



হাসি হেসে বললেন, ‘সে ক্ষেত্রে অন্য ব্যবস্থা নিতে হবে।’

‘আপনি গোয়েন্দা হয়ে আ-আইন-বিরুদ্ধ কাজ—?’

‘ইয়েস, মিস্টার মিটার ! গোয়েন্দা শুধু এক রকমই হয় না, নানা রকম হয়। আমি অবস্থা
বুঝে ব্যবস্থা করি। এটা কি আপনি জানেন না যে, গোয়েন্দা আর ক্রিমিন্যালে প্রভেদ
সামানহই ?’

ভদ্রলোক উঠে পড়লেন। আবার জটায়ুর সঙ্গে জবরদস্ত হ্যান্ডশেক করে—‘প্ল্যাড টু মিট
ইউ, মিস্টার মিটার ! গুড ডে !’ বলে গটগাটিয়ে ঘর থেকে বেরিয়ে গেলেন।

আমরা তিনজন কিছুক্ষণ চুপ করে বসে রাইলাম। ফেলুদাই প্রথম কথা বলল।

‘থ্যাক্ষ ইউ, লালমোহনবাবু। মৌন থাকার সুবিধে হচ্ছে যে, চিন্তার আরও বেশি সময়
পাওয়া যায়। কোনও একটা ব্যারামে—হয়তেও ডায়াবেটিস—হিঙ্গেয়ানি রোগ হয়ে
যাচ্ছিলেন। তাই সেদিন বারবার কবজি থেকে ঘড়ি নেমে যাওয়া, আর চুরির সময় আঙুল
থেকে আঢ়টি খুলে যাওয়া।’

‘আপনি কি তা হলে ওই গোয়েন্দার কথা বিশ্বাস করছেন ?’

‘করছি, লালমোহনবাবু, করছি। অনেক ব্যাপার, যা ধৈঁঘাটে লাগছিল, তা ওর কথায় স্পষ্ট
হয়ে গেছে। তবে হিঙ্গেয়ানি টাকা চুরি করে অর্থভাব মেটানোর জন্য নয় ; সে কাঠমাণুতে
জুয়া খেলে যতই টাকা খুইয়ে থাকুক, নয়নকে পেয়ে সে বোঝে, তার সব সমস্যা মিটে
যাবে। সে টাকা চুরি করে মিরাক্লস আনলিমিটেড কোম্পানিকে দাঁড় করানোর জন্য,
তরফদারকে ব্যাক করার জন্য।’

‘তা হলে এখন আপনি হিঙ্গেয়ানির সঙ্গে দেখা করবেন না ?’

‘তার তো কোনও প্রয়োজন নেই ! যিনি দেখা করবেন তিনি হলেন ডিটেকনিকের এই
গোয়েন্দা। হিঙ্গেয়ানিকে তেওয়ারির টাকা বাধ্য হয়েই এই গোয়েন্দার হাতে তুলে দিতে

হবে—প্রাণের ভয়ে। কাজেই তরফদারের পৃষ্ঠপোষক হিসেবে তার আর কোনও ভবিষ্যৎ নেই।’

‘তা হলে এখন...?’

‘এইখানেই দাঁড়ি দিন, লালমোহনবাবু। এর পরে যে কী, তা আমি নিজেই জানি না।’

১২

জটায়ু আর আমার পিছনে যেহেতু কেউ লাগেনি, বিকেলে আমরা দুজনে সমুদ্রের ধারে গেলাম হাওয়া খেতে। হিস্পোয়ানির কপালে কী আছে জানি না, তবে এটা মনে হচ্ছে যে, নয়নের আর কোনও বিপদ নেই। যদি তেওয়ারির টাকা ফেরত দিয়েও হিস্পোয়ানির কাছে বেশ কিছু টাকা অবশিষ্ট থাকে, তা হলে তরফদারের শো হতে কোনও বাধা নেই। আর প্রথম শো থেকেই তো টিকিট বিক্রির টাকার অংশ আসতে শুরু করবে। মনে হয় হিস্পোয়ানি এখনও বেশ কিছু দিন চালিয়ে যাবেন।

জটায়ুকে বলাতে তিনি চোখ রাঙিয়ে বললেন, ‘তপেশ, আই অ্যাম শক্ড। লোকটা একটা ক্রিমিন্যাল, পরের সিন্দুক থেকে লাখ লাখ টাকা হাতিয়েছে, আর সে লোক নয়নকে ভাঙিয়ে খাবে, এটা ভেবে তুমি খুশি হচ্ছ ?’

‘খুশি নয়, লালমোহনবাবু। হিস্পোয়ানির বিরুদ্ধে যা প্রমাণ পাওয়া গেছে, তাতে তো তাকে এই মুহূর্তে জেলে পোরা যায়। কিন্তু তার পার্টনার যদি পুরনো বন্ধুদ্বের খাতিরে তার উপর দয়াপরবশ হয়ে তাকে রেহাই দেন—তাতে আমার-আপনার কী বলার আছে ?’

‘লোকটা জুয়াড়ি—সেটা ভুলো না। আমার অন্তত কোনও সিম্প্যাথি নেই হিস্পোয়ানির উপর।’

তেষ্টা পাছিল দুজনেরই। লালমোহনবাবু কোন্ত কফি খাবার ইচ্ছে প্রকাশ করলেন। ‘এখনকার কফিটা একটা প্লাস পয়েন্ট সেটা স্থীকার করতেই হবে।’

সমুদ্রের কাছেই একটা কাফে আবিশ্বার করে আমরা একটা টেবিল দখল করে বেয়ারাকে কোন্ত কফি অর্ডার দিলাম। কাফেতে অনেক লোক, বুঝলাম এদের ব্যবসা ভালই চলে।

মিনিটখানেকের মধ্যে ঠক্ঠক করে দুটো গেলাস এসে পড়ল আমাদের টেবিলের উপর। আমরা দুজনেই ঘাড় নিচু করে প্লাস্টিকের স্ট্রেইর ডগা ঠোঁটের মধ্যে পুরে দিলাম।

‘হ্যাভ ইউ টেল্ড ইয়োর টিকটিকি ফ্রেন্ড ?’

লালমোহনবাবু একটা বিশ্রী শব্দ করে বিষম খেলেন।

মুখ তুলেই দেখি টেবিলের উলটোদিকে চক্ৰা-বক্ৰা হাওয়াইয়ান শার্ট পরে দণ্ডয়মান মিস্টার নন্দলাল বসাক।

লালমোহনবাবু সামলে নিতে ভদ্রলোক বললেন, ‘শুধু এইটে বলে দেবেন মিস্তিরকে এবং তরফদারকে যে, নন্দ বসাক পায়ের তলায় ঘাস গজাতে দেয় না। পঁচিশে ডিসেম্বর যদি শো হয়, তা হলে সেই শো থেকে শেষের আইটেমটি বাদ যাবে, এ গ্যারান্টি আমি দিতে পারি।’

আমাদের পাশেই কাফের দরজা। ভদ্রলোক কথাটা বলেই সে দরজা দিয়ে বেরিয়ে গেলেন। বাইরে অঙ্ককার, তাই তিনি যে কোনদিকে গেলেন সেটা বুঝাতেই পারলাম না।

তেষ্টা মেটেনি, তাই কফিটা শেষ করে দাম চুকিয়ে আমরা আর দশ মিনিটের মধ্যেই বাইরে বেরিয়ে একটা ট্যাঙ্কি ধরে হোটেলমুখো রওনা হলাম।

হোটেলে পৌঁছতে লাগল আবদ্ধন্তা। ভিতরে চুকে দেখি লবি লোকে লোকারণ্য। শুধু লোক নয়, তার সঙ্গে অনেকখানি জায়গা জুড়ে দাঁড় করানো আজস্র লাগেজ। বোঝাই যাচ্ছে, একটা বিদেশি টুরিস্ট দল সবেমাত্র এসে পৌঁছেছে। ফেলুদাকে বসাকের খবরটা এক্ষুনি দিতে

হবে, তাই আমরা প্রায় দৌড়ে গিয়ে লিফ্টে চুকে চাব নম্বর বোতামটা টিপে দিলাম।

চারশো তেওঁশের সামনে গিয়েই বুঝলাম, ঘরে ফেলুদা ছাড়াও অন্য লোক আছে, আর বেশ গলা উঁচিয়ে কথাবার্তা হচ্ছে।

বেল টেপার প্রায় পনেরো সেকেন্ড পরে দরজা খুলল ফেলুদা, আর আমাকে সামনে পেয়েই এক রামধমক।

‘দরকারের সময় না পাওয়া গেলে তোরা আছিস কী করতে ?’

কাঁচুমাচু ভাবে ঘরে চুকে দেখি, মাথায় হাত দিয়ে কাউচে বসে আছেন সুনীল তরফদার।

‘ব্যাপারটা কী মশাই ?’ ভয়ে ভয়ে শুধোলেন জটায়ু।

‘সেটা এন্ড্রজালিককে জিজেস করুন’, শুকনো গভীর গলায় বলল ফেলুদা।

‘কী মশাই ?’

‘আমিই বলছি।’ বলল ফেলুদা। ‘ওর মুখ দিয়ে কথা বেরোবে না।’ খচ করে লাইটার দিয়ে ঠোঁটে ধরা চারমিনারটা জ্বালিয়ে একরাশ ধোঁয়া ছেড়ে ফেলুদা বলল, ‘নয়ন হাওয়া। কিড্ন্যাপ্ট। ভাবতে পারিস ? এর পরেও ফেলু মিস্তিরের মান-ইজ্জত থাকবে ? পই পই করে বলে দিয়েছিলাম ঘর থেকে যেন না বেরোয়, নয়ন যেন ঘর থেকে না বেরোয়। —আর এই ভর সঙ্কেবেলা—গিজগিজ করছে লবি, তার মধ্যে শক্তরবাবু নয়নকে নিয়ে গেছেন বুকশপে।’

‘তারপর ?’—আমার বুকের ধুকপুকুনি আমি কানে শুনতে পাচ্ছি।

‘বাকিটা বলো চমকদার মশাই, বাকিটা বলো ! নাকি এই কাজটাও আমার উপর ছাড়তে হবে ?’

ফেলুদাকে এত রাগতে আমি অনেকদিন দেখিনি।

তরফদার হেঁট মাথা অনেকটা তুলে চাপা গলায় বললেন, ‘নয়ন একা ঘরে বসে অস্তির হয়ে পড়ে বলে শক্তির ওর জন্য গল্পের বই কিনতে গিয়েছিল। বই পেয়েও ছিল। দোকানের মেয়েটি দুটো বই প্যাক করে ক্যাশ মেমো করে দিচ্ছিল—শক্তির তাই দেখছিল। হঠাৎ মেয়েটি বলে ওঠে—দ্যাট বয় ? হোয়ার ইজ দ্যাট বয় ?—শক্তির পিছন ফিরে দেখে নয়ন নেই। ও তৎক্ষণাৎ দোকান থেকে বেরিয়ে লবিতে ঝোঁজে, নয়নের নাম ধরে ডাকে, একে-ওকে জিজেস করে, কিন্তু কোনও ফল হয় না। লবিতে এত ভিড়—তার মধ্যে একজন ন’ বছরের ছেলেকে সঙ্গে নিয়ে...’

‘এটা কখনকার ঘটনা ?’

‘সেখানেই বলিহারি !’ চেঁচিয়ে উঠল ফেলুদা। ‘দেড় ঘণ্টা আগে ব্যাপারটা ঘটেছে, আর সুনীল এই সবে দশ মিনিট হল এসে আমাকে বিপোর্ট করছে—হঁঁ !’

‘বসাক’, বললেন জটায়ু। ‘নো ডার্ট অ্যাবাউট ইট।’

‘আপনি দেখি ভয়ংকর আঞ্চলিক সঙ্গে বলছেন কথাটা।’

আমি কাফের ঘটনাটা ফেলুদাকে বললাম। ফেলুদা গভীর।

‘আই সি...আমি এটাই আশঙ্কা করেছিলাম। অর্থাৎ কুকীর্তিটা করার কিছুক্ষণের মধ্যেই তোদের সঙ্গে দেখা হয়। হঁ...’

‘শক্তরবাবু কোথায় ?’ জটায়ু জিজেস করলেন।

তরফদার মাথা না তুলেই বলল, ‘থানায়।’

‘শুধু পুলিশে খবর দিলে তো চলবে না,’ বলল ফেলুদা, ‘তোমার পৃষ্ঠপোষক আছে, তোমার থিয়েটারের মালিক আছেন। তিনি কি নয়ন ছাড়া শো করতে রাজি হবেন ? আই হ্যাত প্রেট ডার্টস।’

‘তা হলে হিস্পোয়ানিকে...’

জটায়ু একবার ফেলুদার, একবার তরফদারের দিকে চাইলেন।

‘তাঁকে খবর দেবার সাহস নেই এই সম্মোহক প্রবরের। বলছে—“আপনি কাইন্ডলি কাজটা করে দিন, মিস্টার মিস্টির! আমি গেলে সে লোক আমাকে টুটি টিপে মেরে ফেলবে”।’

‘শুনুন—’ লালমোহনবাবু হঠাতে যেন ঘুম থেকে উঠলেন—‘আপনারও যেতে হবে না, সুনীলবাবুরও যেতে হবে না। আমরা যাচ্ছি।—কী তপেশ, রাজি তো?’

ফেলুদা ঠোঁটের ফাঁকে সিগারেট আর কপালে ভ্রুটি নিয়ে সোফায় বসে পড়ে বলল, ‘যেতে হলে এখনই যান। তোপ্সে, তুই ইংরিজিতে হেল্প করিস।’

হিস্পোয়ানির ঘরের নম্বর দুশো আটাশি। আমরা সিডি দিয়েই নেমে গিয়ে তাঁর দরজার বেল টিপলাম।

দরজা খুলল না।

‘সময়-সময় এই বেলগুলো ওষর্ক করে না’, বললেন জটায়ু। ‘এবার বেশ জোরে চাপ দিয়ো তো।’

আমি বললাম, ‘ভদ্রলোকের তো বেরোবার কথা না। ঘুমোচ্ছেন নাকি?’

তিনবার টেপাতেও যখন ফল হল না, তখন আমাদের বাধ্য হয়ে লবিতে গিয়ে হাউস টেলিফোনে ২৮৮ ডায়াল করতে হল।

ফোন বেজেই চলল। নো রিপ্লাই।

ইতিমধ্যে লালমোহনবাবু রিসেপশনে গিয়েছিলেন জিঞ্জেস করতে। তারা বলল—‘মিঃ হিস্পোয়ানি নিশ্চয়ই ঘরেই আছেন। কারণ, তাঁর চাবি এখানে নেই।’

এবার জটায়ুর মুখ দিয়ে তোড়ে ইংরিজি বেরোল, ভাষা টেলিগ্রামের।

‘বাট ইস্পট্যান্টি সি হিস্পোয়ানি—ভেরি ইস্পট্যান্টি। নো ভুপ্রিকেট কি? নো ভুপ্রিকেট কি?’

কাজটা খুব খুশি মনেই করে দিল রিসেপশনের লোকেরা।

চাবি হাতে বয়কে সঙ্গে নিয়ে আমরা লিফ্টে দোতলায় উঠে আবার হিস্পোয়ানির ঘরের সামনে গিয়ে দাঁড়ালাম।

ইয়েল লক চাবি ঘোরাতেই খড়াৎ করে খুলে গেল, বয় দরজা ঠেলে দিল, আমি বললাম ‘থ্যাঙ্ক ইউ’, জটায়ু আমার আগেই ঘরে চুকে তৎক্ষণাত তড়াক করে পিছিয়ে আমারই সঙ্গে ধাক্কা খেলেন। তার পর অদ্ভুত স্বরে ঠোঁটের ফাঁক দিয়ে তিন টুকরো কথা বেরোল।

‘হিং-হিং-হিং।’

তৎক্ষণে আমিও ভিতরে চুকে গেছি, আর দৃশ্য দেখে এক নিমেষে আমার গলা শুকিয়ে কাঠ হয়ে গেছে।

খাটের উপর চিত হয়ে হাত-পা ছাড়িয়ে পড়ে আছেন মিঃ হিস্পোয়ানি। তাঁর পা দুটো অবিশ্যি নীচে নেমে মেঝের কার্পেটে ঠেকে আছে। তাঁর গায়ে যে লাল নীল সাদা আলোর খেলা চলেছে, সেটার কারণ হচ্ছে বাঁয়ে টেবিলের উপর রাখা টিভি—যেটাতে হিন্দি ছবি চলেছে, যদিও কোনও শব্দ নেই। ভদ্রলোকের বোতাম খোলা জ্যাকেটের ফাঁক দিয়ে দেখা যাচ্ছে, সাদা শাটের উপর ভেজা লাল ছোপ, আর তার মাঝখানে উঁচিয়ে আছে একটা হোবার হাতল।



হিস্পেয়ানিকে যে ডিটেকনিকের গোয়েন্দাই খুন করেছে, তাতে কোনও সন্দেহ নেই, কারণ পুলিশের ডাঙ্গার নানা পরীক্ষা করে বলেছেন খুনটা হয়েছে আড়াইটে থেকে সাড়ে তিনটের মধ্যে। গোয়েন্দা ভদ্রলোক আমাদের ঘর থেকে বেরিয়েছিলেন পৌনে তিনটে নাগাত—আর তিনি নিজেই বলেছিলেন সোজা যাবেন হিস্পেয়ানির ঘরে। এও বোঝা যাচ্ছে যে, হিস্পেয়ানি তেওয়ারির টাকা ফেরত দিতে রাজি হননি। তাই গোয়েন্দা তার কথামতো অবস্থা বুঝে ব্যবস্থা নিয়েছেন। বেডসাইট টেবিলের উপর খুচরো পঁয়ষষ্ঠি পয়সা ছাড়া এক কর্পুর্দকও পাওয়া যায়নি হিস্পেয়ানির ঘরে। একটা সুটকেস ছাড়া আর কোনও মাল ঘরে ছিল না। টাকা নিশ্চয়ই একটা ব্রিফকেস জাতীয় ব্যাগে ছিল; তার কোনও চিহ্ন আর নেই।

ফেলুদা পুলিশকে জানিয়েছে যে আততায়ী যদি টাকা নিয়ে থাকে, তা হলে সে-টাকা সে কলকাতায় গিয়ে টি. এইচ. সিভিকেটের মিঃ দেবকীনন্দন তেওয়ারির হাতে তুলে দেবে। এই খবরটা কলকাতার পুলিশকে জানানো দরকার।

ফেলুদাকে হত্যাকারীর চেহারার বর্ণনা দিয়ে বলতে হল যে, লোকটার নাম তার জানা নেই।—‘শুধু এটুকু বলতে পারি সে সম্বত কচ্ছ প্রদেশের লোক।’

মিঃ রেডিড খবর পেয়েই চলে এসেছিলেন, আর এখন আমাদের ঘরেই বসেছিলেন। আমি ভেবেছিলাম তিনি ব্যাপারটা জেনে মূর্ছা যাবেন। তার বদলে দেখলাম নয়ন ছাড়াও কী ভাবে শোটাকে জমানো যায় তিনি সেই কথা ভাবছেন। বোঝাই যায় ভদ্রলোকের তরফদারের উপর একটা মায়া পড়ে গেছে। বললেন, ‘শো বক্ষ না করে যদি আপনার হিপনোটিজ্ম-এর আইটেমটা ডবল করে দেওয়া যায়? আমি ম্যাড্রাসের লিডিং ফিল্ম স্টারস, ডানসারস, সিঙ্গারস্কে ডাকব ওপনিং নাইটে। আপনি তাদের এক এক করে স্টেজে ডেকে বুরু বানিয়ে দিন। কেমন আইডিয়া?’

তরফদার মাথা নেড়ে দীর্ঘশ্বাস ফেলে বলল, ‘শুধু আপনার ওখানে খেলা দেখিয়ে তো আমার চলবে না! আমি জানি নয়নের খবর ছড়িয়ে গেছে। সব ম্যানেজার তো আপনার মতো নয়, মিঃ রেডিড!—তাদের বেশির ভাগই কড়া ব্যবসাদার। নয়ন ছাড়া তারা আমাকে বুকিং-ই দেবে না। ...একসঙ্গে দুটো দুর্ঘটনা আমাকে শেষ করে দিয়েছে।’

ফেলুদা তরফদারকে জিজ্ঞেস করল, ‘হিস্পেয়ানি কি তোমাকে অলরেডি কিছু পেমেন্ট করেছেন?’

‘কলকাতায় থাকতে কিছু দিয়েছিলেন; তাতে আমাদের যাতায়াতের খবচ হয়ে যায়। একটা বড় কিস্তি আগামী কাল দেবার কথা ছিল। উনি দিনক্ষণ দেখে এসব কাজ করতেন। আগামীকাল নাকি দিন ভাল ছিল।’

মিঃ রেডিড কাহিল। বললেন, ‘তোমার অবস্থা আমি বুঝতে পারছি। এই মন নিয়ে তোমার পক্ষে শো করা অসম্ভব।’

‘শুধু আমি না, মিঃ রেডিড। আমার ম্যানেজার শক্র এমন ভেঙে পড়েছে যে, সে শয়্যা নিয়েছে। তাকে ছাড়াও আমার চলে না।’

পুলিশ আধিষ্ঠান হল চলে গেছে। তারা খুনের তদন্তই করবে; মাদ্রাজের বিভিন্ন হোটেল, লজ, ধরমশালায় খোঁজ নেবে আমাদের বর্ণনার সঙ্গে মেলে এমন চেহারার কোনও লোক গত দু দিনের মধ্যে সেখানে এসে উঠেছে কি না। হিস্পেয়ানির ভাইপো মোহনকে টেলিফোন করা হয়েছিল। সে আগামীকাল এসে লাশ শনাক্ত করে সংকারের ব্যবস্থা করবে। মৃতদেহ এখন মর্গে রয়েছে। পুলিশ এও জানিয়েছে যে, ছোরার হাতলে কোনও আঙুলের ছাপ

পাওয়া যায়নি। নয়নের ব্যাপারে ফেলুদা বলল যে, সে নিজেই তদন্ত করবে। তাতে তরফদার সায় দিয়েছেন।

রেডি এবার চেয়ার থেকে উঠে ফেলুদাকে বললেন, ‘আমি কিন্তু আপনার উপরই ভরসা করে আছি মিঃ মিস্টার। দুদিন যদি শো পোস্টপোন করতে হয় তা আমি করব। এই দুদিনের মধ্যে আপনি জ্যোতিষক্রমকে খুঁজে বার করে দিন—প্রিজ !’

রেডি যাবার মিনিটখানেকের মধ্যে তরফদারও উঠে পড়ে বললেন, ‘দুদিন দেখি। তার মধ্যে যদি নয়নকে না পাওয়া যায় তা হলে কলকাতায় ফিরে যাব। আপনি কি আরও কিছু দিন থাকবেন ?’

‘অনিদিষ্টকাল থাকা অবশ্যই সম্ভব নয়,’ বলল ফেলুদা। ‘তবে এইভাবে চোখে ধুলো দেওয়াটাও মেনে নেওয়া মুশকিল। দেখি...’

তরফদার বেরিয়ে যাবার পর ফেলুদা হাতের সিগারেটে একটা শেষ টান দিয়ে তার খুব চেনা গলায় একটা চেনা কথা মন্দুস্বরে তিনবার বলল—‘খট্কা...খট্কা...খট্কা...’

‘এটা আবার কীসের খট্কা ?’ জটায়ু জিজ্ঞেস করলেন।

‘হিস্পোয়ানিকে বলা ছিল যে, অচেনা লোক হলে সে যেন দরজা না খোলে ; তা হলে ডিটেকনিক চুকলেন কী করে ? তাকে কি হিস্পোয়ানি আগে থেকেই চিনতেন ?’

‘কিছুই আশ্চর্য নয়,’ বললেন জটায়ু। ‘হিস্পোয়ানি করতকম ব্যাপারে আমাদের ধাপ্তা দিয়েছিল ভেবে দেখুন।’

আমি ফেলুদাকে একটা কথা না বলে পারলাম না।

‘তুমি কি শুধু হিস্পোয়ানি মার্ডারের কথাই ভাবছ, ফেলুদা ? আমার কিন্তু বার বার মনে হচ্ছে যে একটা বাজে লোক যদি খুন হয়েও থাকে, তাতে যতটা ভাবনা হয়, তার চেয়ে নয়নের মতো ছেলে চুরি যাওয়াটা অনেক বেশি ভাবনার। তুমি হিস্পোয়ানি ভুলে গিয়ে এখন শুধু নয়নের কথা ভাবো।’

‘দুটোই ভাবছি রে তোপ্সে, কিন্তু কেন জানি মনের মধ্যে দুটো জট পাকিয়ে যাচ্ছে।’

‘এ আবার কী হেঁয়ালি মশাই ?’ লালমোহনবাবু বেশ বিরক্তভাবে বললেন। ‘দুটো তো সেপারেট ঘটনা—জট পাকাতে দিচ্ছেন কেন ?’

ফেলুদা জটায়ুর কথায় কান না দিয়ে বার দু-তিন মাথা নেড়ে বলল, ‘নো সাইন অফ স্ট্রাগ্ল...নো সাইন অফ স্ট্রাগ্ল...’

‘সে তো শুনলুম,’ বললেন জটায়ু। ‘পুলিশ তো তাই বলল।’

‘অর্থাত লোকটা যে ঘুমের মধ্যে খুন হয়েছে তা তো নয় ?’

‘তা হবে কেন ? জুতো মোজা পরে কেউ ঘুমোয় নাকি ?’

‘তা অনেক মাতাল ঘুমোয় বইকী—কারণ তাদের হিঁশ থাকে না।’

‘কিন্তু এর ঘরে তো ড্রিফিং-এর কোনও চিহ্ন ছিল না।—অবিশ্য যদি বাইরে থেকে মদ খেয়ে এসে দরজা খোলা রেখে ঘুমিয়ে পড়ে থাকে...’

‘উহু।’

‘হোয়াই নট ?’

‘টিভি খোলা ছিল, যদিও ভল্যুম একেবারে নামানো ছিল। তা ছাড়া অ্যাশট্রের খাঁজেতে একটা আধখানা সিগারেট পুরোটা ছাই হয়ে পড়ে ছিল। অর্থাৎ ভদ্রলোক টিভি দেখতে দেখতে সিগারেট খাচ্ছিলেন, সেই সময় দরজার বেলটা বাজে। হিস্পোয়ানি টিভির ভল্যুম পুরো নামিয়ে দিয়ে সিগারেটটা ছাইদানের কানার খাঁজে রেখে উঠে গিয়ে দরজা খোলেন।’

‘খোলার আগে কি জিজ্ঞেস করবেন না কে বেল টিপল ?’

‘ইয়া, কিন্তু চেনা গলা হলে তো আর দ্বিধার কোনও কারণ থাকে না।’

‘তা হলে ধরে নিন যে হিঙ্গোয়ানির সঙ্গে এই গোমেন্দার আলাপ ছিল, এবং হিঙ্গোয়ানি তাকে অসৎ লোক বলে জানতেন না।’

‘কিন্তু সেই লোক যখন ছুরি বার করবে তখন হিঙ্গোয়ানি বাধা দেবেন না? স্ট্রাগল হবে না?’

‘আপাতদৃষ্টিতে তাই মনে হয়। কী ক্ষেত্রে সেটা সম্ভব সেটা আপনি ভেবে বের করবেন। যদি না পারেন, তা হলে বুঝতে হবে আপনার পাঠকদের অভিযোগের যথেষ্ট কারণ আছে। কোথায় গেল আপনার আগের সেই জৌলুস? সেই ক্ষুরধার—’

‘চুপ!’

লালমোহনবাবুকে ব্রেক করতে হল।

ফেলুদা আমাদের দিক থেকে চোখ ঘুরিয়ে এখন দেয়ালের দিকে চেয়ে—চোখে সুতীক্ষ্ণ দৃষ্টি, কপালে গভীর খাঁজ।

আমি আর জটায়ু প্রায় এক মিনিট কথা বন্ধ করে ফেলুদার এই নতুন চেহারাটা দেখলাম। তারপর আমাদের কানে এল কতকগুলো কথা—ফিসফিসিয়ে বলা—

‘বু-বে-ছি। —কিন্তু কেন, কেন, কেন?’

দশ-বারো সেকেন্ড নৈশব্দের পর লালমোহনবাবুর চাপা কষ্টব্র শোনা গেল।

‘আপনি একটু একা থাকতে চাইছেন কি?’

‘থ্যাক্ষ ইউ, মিস্টার গাঙ্গুলী। আধঘন্টা, আধঘন্টা একা থাকতে চাই।’

আমরা দুজনে উঠে পড়লাম।

১৪

আমার মনে যে ইচ্ছেটা ছিল, সেটা দেখলাম লালমোহনবাবুর ইচ্ছের সঙ্গে মিলে গেছে। সেটা হল নীচে কফি শপে গিয়ে চা খাওয়া।

আমরা কফি শপে গিয়ে একটা টেবিল দখল করে বসে চায়ের অর্ডার দিলাম। ‘সঙ্গে স্যান্ডউইচ হলে মন্দ হত না’, বললেন জটায়ু। ‘শুধু চা বড় চট করে ফুরিয়ে যাবে। আধ ঘন্টা কাটাতে হবে তো! ’ বেয়ারা দাঁড়িয়েছিল; চায়ের সঙ্গে দু প্রেট চিকেন স্যান্ডউইচ যোগ করে দিলাম।

আসার আগে আঁচ পেয়েছি যে ফেলুদা আলোর সন্ধান পেয়েছে। সেটা কম কি বেশি জানি না, কিন্তু বুঝতে পারছি যে শিরদাঁড়া দিয়ে ঘন ঘন শিহুন বয়ে যাচ্ছে।

হাতে সময় আছে তাই লালমোহনবাবু তাঁর সবে-মাথায়-আসা উপন্যাসের আইডিয়াটা শোনালেন। যথারীতি গল্পের নাম আগেই ঠিক হয়ে গেছে। মাঞ্চুরিয়ায় রোমাঞ্চ। বললেন, ‘চায়না সম্বন্ধে একটু পড়ে নিতে হবে। অবিশ্য আমার এ গল্পে আজকের চিনের চেহারা পাওয়া যাবে না; এ হবে ম্যান্ডারিনদের আমলের চায়না।’

. খাওয়া শেষ, লালমোহনবাবুর গল্প শেষ, তাও দেখি দশ মিনিট সময় রয়েছে।

কফি শপ থেকে লবিতে বেরিয়ে এসে জটায়ু বললেন, ‘কী করা যায়, বলো তো তো!’

আমি বললাম, ‘আমার ইচ্ছে করছে একবার বুক শপটাতে টুঁ মারি। ওটা তো এখন আমাদের কাছে একটা হিস্টোরিক জায়গা—নয়ন তো ওখান থেকেই অদৃশ্য হয়েছে।’

‘গুড আইডিয়া। আর বলা যায় না—হয়তো গিয়ে দেখব আমার বই ডিসপ্লে করা হচ্ছে।’

‘ইডলি দোসার দেশে আপনার বই থাকবে না, লালমোহনবাবু ।’

‘দেখি না রেঞ্জ করে !’

দোকানের ভদ্রমহিলার বয়স বেশি না, আর দেখতেও সুন্তী। জটায়ু ‘এক্সকিউজ মি’ বলে ভদ্রমহিলার দিকে এগিয়ে গেলেন।

‘ইয়েস স্যার ?’

‘ডু ইউ হ্যাভ ক্রাইম নভেলস্ ফর—ইয়ে, কী বলে—কিশোরস্ ?’

‘কিশোরস্ ?’ ভদ্রমহিলার ভুক্ত কুঁচকে গেছে।

‘ফর ইয়াং পিপ্ল’, বললাম আমি।

‘ইন হোয়াট ল্যাংগুয়েজ ?’

‘বাংলি—আই মিন, বেঙ্গলি ।’

‘নো, স্যার। নো বেঙ্গলি বুক্স। স্যারি। বাট উই হ্যাভ লট্টস অফ চিলড্রেনস্ বুক্স ইন ইংলিশ ।’

‘জানি। আই নো ।’

তার পর একটু হেসে ফ্লের্স্ট গিয়ার দিয়ে আরম্ভ করলেন, টুডে—মানে, দিস আফটারনুন, এ ফ্রেন্ড...ইয়ে...নু’

বুবলাম সেকেন্ড গিয়ারে গাড়ি আটকে গেছে। আমাকেই বলে দিতে হল যে, আজই বিকেলে আপনাদের এক বন্ধু এই দোকান থেকে দুটো ইংরিজি চিলড্রেনস্ বুক্স কিনে নিয়ে গেছে।

‘দিস আফটারনুন ?’

‘ইয়েস।’ বললেন জটায়ু। ‘নো ?’

‘নো, স্যার।’

‘নো ?’

ভদ্রমহিলা বললেন গত চার দিনের মধ্যে কোনও ছেটদের বই তিনি বিক্রি করেননি। আমরা মুখ চাওয়া-চাওয়ি করলাম। আমার বুকে ধুকপুকুনি। ধরা গলায় বললাম, ‘দশ মিনিট হয়ে গেছে, লালমোহনবাবু ।’

ভদ্রমহিলাকে একটা ‘থ্যাক ইউ’ জানিয়ে আমরা প্রায় দৌড়ে গিয়ে লিফটে উঠলাম। বোতাম টিপে খসখসে গলায় জটায়ু বললেন, ‘এ যে বিচিত্র সংবাদ !’

আমি কোনও উত্তর দিলাম না, কারণ আমার কথা বলতে ইচ্ছে করছিল না।

চাবি ঘুরিয়ে হাঁপাতে হাঁপাতে ঘরে চুকে দুজনেই একসঙ্গে কথা বলে ফেললাম।

‘ও মশাই— !’

‘ফেলুদা !’

‘ওয়ান অ্যাট এ টাইম’—ফেলুদার গলায় ধরকের সুর।

আমি বললাম, ‘আমি বলছি। —শঙ্করবাবু বইয়ের দোকানে যাননি।’


‘টাট্কা কিছু থাকে তো বল। এটা বাসি খবর।’

‘আপনি জানেন ?’

‘আমি সময়ের অপব্যবহার করি না, লালমোহনবাবু। বইয়ের দোকানে প্রায় বিশ মিনিট আগেই হয়ে এসেছি। মিস্ স্বামীনাথনের সঙ্গে কথা বলেছি। খবরটা আপনাদের দিতে গিয়ে দেখলাম, আপনারা গোগ্রাসে স্যান্ডউচ গিলছেন; তাই চলে এলাম।’

‘কিন্তু তা হলে— ?’ আমার অসমাপ্ত প্রশ্ন।

‘তরফদার আসছে। এক্ষুনি ফোন করেছিল। বেশ উত্তেজিত বলে মনে হল। দেখি কী



বলে । '

দৰজায় ঘণ্টা ।

তরফদার, মুখ চূন ।

'আমায় বাঁচান, ফেলুবাবু !' হাহাকার করে উঠলেন ভদ্রলোক ।

'কী হল ?'

'শক্র ! ওর ঘরে গেস্লাম । বেহঁশ হয়ে মাটিতে পড়ে আছে । আমার বিপদের কি আর শেষ নেই ?'

ফেলুদার কাছ থেকে এই প্রশ্নের এক আন্তৃত উত্তর এল ।

'না, সুনীল তরফদার ; এই সবে শুরু ।'

'মানে ?' চেরা গলায় বলে উঠলেন তরফদার ।

'মানে অত্যন্ত সহজ, সুনীল । তুমি এখনও নিরপরাধের পোশাক পরে ঘুরে বেড়াচ্ছ ; এ পোশাক তোমাকে মানায় না, সুনীল । তুমি যে ঘোর অপরাধী !'

'মিস্টার মিন্টির, আমাকে এই ধরনের কথা বলার কোনও অধিকার নেই আপনার ।'

'কী বলছ সুনীল ? গোয়েন্দা অপরাধীকে ধরে ফেললে তার উপর দোষারোপ করবে না ? তুমি এই যে এলে আমার ঘরে, এখান থেকে সোজা চলে যাবে পুলিশের হাতে । তারা পাঁচ মিনিটের মধ্যেই এসে পড়বে ।'

'আমার অপরাধটা কী, সেটা জানতে পারি ?'

‘নিশ্চয়ই। এক, তুমি হত্যাকারী ; দুই, তুমি গোর। সে কথাই আমি পুলিশকে
বোঝাব।’

‘আপনি পাগল হয়ে গেছেন। আপনি প্রলাপ বকছেন।’

‘মোটেই না। হিস্পোয়ানি চেনা লোক ছাড়া আর কারুর জন্য দরজা খুলবেন না এটা তিনি
নিজেই বলেছিলেন। যাকে আমরা এতক্ষণ খুনি বলে ভাবছিলাম—অর্থাৎ কচছেশীও সেই
গোয়েন্দা—তাকে হিস্পোয়ানি চিনতেন না। সেই কারণেই গোয়েন্দা হিস্পোয়ানির ছবি সঙ্গে
এনেছিলেন, যাতে তিনি শিওর হতে পারেন যে ঠিক লোকের সঙ্গেই তিনি দেখা করছেন।
অতএব তার জন্য দরজা খুলে দেওয়া হিস্পোয়ানির পক্ষে সম্ভব নয়। কিন্তু তোমায় তিনি
চিনতেন ভাল করেই, তাই তুমি নিজের পরিচয় দিলে তাঁর পক্ষে দরজা খুলে দেওয়া
স্বাভাবিক।’

‘আপনি একটা কথা ভুলে যাচ্ছেন, ফেলুবাবু। পুলিশ পরিষ্কার বলেই দিয়েছে হিস্পোয়ানি
তার আততায়ীকে বাধা দেবার কোনও চেষ্টা করেননি। দেয়ার ওয়জ নো সাইন অফ
স্ট্রাগ্ল। আমি যদি ছুরি বার করে তাঁর দিকে এগিয়ে যেতাম, তিনি কি বাধা দেবার চেষ্টা
করতেন না?’

‘একটা বিশেষ ক্ষেত্রে কখনই করতেন না।’

‘কী সেই বিশেষ ক্ষেত্র?’

‘সেটা তোমারই ক্ষেত্র, তরফদার। সম্মোহন। হিস্পোয়ানিকে হিপ্নোটাইজ করে খুন
করলে তিনি বাধা দেবেন কী করে?’

‘আপনার পাগলামি এখনও যায়নি, ফেলুবাবু। হিস্পোয়ানি আমার অন্নদাতা। তাঁর
ব্যাকিং-এর উপর আমার সমস্ত ভবিষ্যৎ নির্ভর করছিল। আমি কি এমনই মূর্খ যে একেই খুন
করব? যার শিল, যার নোড়া, তারই ভাণ্ডি দাঁতের গোড়া? আপনি হাসালেন মিঃ মিত্রি—
আপনি হাসালেন।’

‘এই বেলা হেসে নাও, চমকদার তরফদার; এর পরে আর সে অবস্থা থাকবে না।’

‘আপনি কি ইঙ্গিত করছেন যে আমার প্রধান অবলম্বন নয়ন চলে গিয়ে আমি কাণ্ডজ্ঞান
হারিয়ে খুন করেছি?’

‘না, কারণ তোমার জবানিতেই জানা যায় যে নয়ন সম্বাদেলা নিখোঁজ হয়, আর
হিস্পোয়ানির মৃত্যুর সময় দুপুর আড়াইটে থেকে সাড়ে তিনিটের মধ্যে।’

‘আপনি এখনও উলটোপালটা বলছেন, মিঃ মিত্রি। মাথা ঠাণ্ডা রাখার চেষ্টা করুন।’

‘আমার মাথায় জল ঢালো, তরফদার—দেখবে তা বরফ হয়ে গেছে। ... এবারে একটা
খবর তোমাকে দিই। আমি কিছুক্ষণ আগে নীচে বইয়ের দোকানটায় গিয়েছিলাম। যিনি
দোকানে বসেন সেই মহিলার সঙ্গে আমার কথা হয়। তিনি বলেন গত চার দিনের মধ্যে তাঁর
বইয়ের দোকান থেকে কোনও ছেটদের বই বিক্রি হয়নি, এবং কোনও খদ্দেরের সঙ্গে কোনও
ছেট ছেলে আসেনি।’

‘শি-শি মাস্ট বি লাইং!’

‘নো, সুনীল তরফদার—নট শি। মিথ্যাবাদী হচ্ছ তুমি এবং তোমার ম্যানেজার শক্র
ভবলিকার। শক্রের মাথায় পোস্টিলেনের ছাইদান দিয়ে বাড়ি মেরেছি বলে হয়তো তার মধ্যে
কিছুটা চেতনার সংগ্রাম হবে—কিন্তু তোমার ঢাঁটামো দেখছি কিছুতেই যাচ্ছে না।’

‘শক্রকে আপনিই বেছঁশ করেছেন?’

‘ইয়েস, সুনীল তরফদার।’

‘কেন?’

‘কারণ সে খুনের কারণ গোপন রাখতে সাহায্য করছিল ।’

দরজায় বেল বেজে উঠল ।

‘তোপসে, মিঃ রামচন্দ্রনকে ভেতরে নিয়ে আয় ।’

দরজা খুলতে রামচন্দ্রন চুকে এসে ফেলুদার দিকে জিজ্ঞাসু দৃষ্টি দিলেন ।

ফেলুদা কিছু বলার আগেই তরফদার রামচন্দ্রনের দিকে ফিরে চেঁচিয়ে উঠলেন, ‘এই ব্যক্তি
বলছেন আমি খুন করেছি, কিন্তু কোনও কারণ বা মোটিভ দেখাতে পারছেন না ।’

ফেলুদা সঙ্গে সঙ্গে বলল, ‘শুধু খুন নয়, তরফদার । ভুলো না—ডাকাতিও বটে ।
হিসেয়ানির প্রতিটি কপর্দিক এখন তোমার হাতে । পাঁচ লাখের উপর—যেটা দিয়ে তুমি
নিজের পৃষ্ঠপোষকতা নিজেই করার মতলব করেছিলে ।’

ফেলুদা এবার আমার দিকে ফিরল ।

‘তোপসে—বাথরুমের ভিতরে যে রয়েছে, তাকে বার করে আন তো ।’

আমি বাথরুমের দরজা খুলে অবাক হয়ে দেখি, নয়ন দাঁড়িয়ে আছে । এবার সে বেরিয়ে
ফেলুদার দিকে এগিয়ে গেল ।

‘শঙ্কর একে তার বাথরুমের মধ্যে বন্ধ করে রেখেছিল । আসল ঘটনাটা আমার চোখের
সামনে ফুটে উঠতে আমি শঙ্করের ঘরে যাই, এবং তাকে আজ্ঞান করে নয়নকে নিয়ে আসি ।
নয়নের মুখ থেকেই শোনো তোমার ভবিষ্যৎ সম্পর্কে সন্ত্রাস এবং তোমার খুন ও চুরির রাস্তা
নেবার কারণ ।’

তরফদারের দিকে চেয়ে দেখলাম তাঁর সর্বাঙ্গে কাঁপুনি ধরেছে ।

‘নয়ন’, বলল ফেলুদা, ‘তরফদার মশাইকে ক বছর জেল খাটিতে হবে বলো তো ।’

‘তা তো জানি না ।’

‘জান না ?’

‘না ।’

‘কেন, নয়ন ? কেন জান না ?’

‘আমি তো চোখের সামনে আর নম্বর দেখছি না ।’

‘দেখছ না ?’

‘না । তোমাকে তো বললাম—সব নম্বর পালিয়ে গেছে ।’



রবার্টসনের ঝঁঝি

১

‘মামা-ভাগ্নে বলতে আপনার বিশেষ কিছু মনে পড়ে ?’ প্রশ্নটা জটায়ুকে করল ফেলুদা ।

আমি অবিশ্য উত্তরটা জানতাম, কিন্তু লালমোহনবাবু কী বলেন সেটা জানার জন্য তাঁর
দিকে কোতৃহলী দৃষ্টি দিলাম ।

‘আঙ্কল অ্যান্ড নেফিউ ?’ চায়ে সশব্দ চুমুক দিয়ে পালটা প্রশ্ন করলেন লালমোহনবাবু ।

‘নো স্যার । ইংরিজি করলে চলবে না । মামা-ভাগ্নে । বলুন তো দেখি কীসের কথা
মনে পড়ে ।’

‘দাঁড়ান মশাই, আপনার এই দুম্ করে করা প্রশংগলো বড় গোলমেলে । মামা ভাগ্নে...’

মামা ভাগ্নে...। উহু। আমি হাল ছাড়লুম, এবার আপনি আলোকপাত করুন।'

'অভিযান ছবিটা দেখেছেন ?'

'সে তো বহুকাল আগে। ও ইয়েস !' —লালমোহনবাবুর চোখ দুটো জলজ্বল করে উঠল। 'সেই পাথর ! একটা বিরাট চ্যাপটা চাইয়ের উপর আরেকটা বিরাট পাথর ব্যালান্স করা রয়েছে নাকের ডগায়। মনে হয় হাত দিয়ে ঠেলা মারলেই উপরের পাথরটা দুলবে। মামার পিঠে ভাগ্নে—তাই তো ?'

'রাইট ! ব্যাপারটা কোথায় সেটা মনে পড়ছে ?'

'কোন জেলা বলুন তো !'

'বীরভূম।'

'ঠিক ঠিক।'

'অথচ ও অঞ্চলটায় একবারও টু মারা হয়নি। আপনি গেছেন ?'

টু টেল ইউ দ্য ট্রুথ—নো স্যার।'

'ভাবুন তো দেখি !' —আপনি লেখক, তা যেরকম লেখাই লিখুন না কেন। অথচ রবীন্দ্রনাথ যেখানে তাঁর অধিকাংশ জীবন কাটিয়েছেন, সেইখানেই যাননি। কী লজ্জার কথা বলুন তো দেখি !'

'যাব যাব করেও যাওয়া হয়নি মশাই। আর সত্যি বলতে কী, আমরা তো ট্যাগোরের রাস্তা ছেড়ে অন্য রাস্তা ধরিচি কিনা, তাই শাস্তিনিকেতন-টেনকে তেমন আর পাতা দিইনি। 'হনুলুতে হনুস্তুল' যে লিখছে সে আর কবিগুরু থেকে কী প্রেরণা পেতে পারে বলুন !'

'আপনি বীরভূম বলতে আশা করি শুধু শাস্তিনিকেতন ভাবছেন না। বক্রেশ্বরের হট স্প্রিংস আছে, কেন্দুলিতে কবি জয়দেবের জগন্মান আছে, বামক্ষ্যাপা যেখানে সাধনা করতেন সেই তারাপীঠ আছে, মামা-ভাগ্নের দুবরাজপুর আছে, অজন্ত পোড়া ইঁটের মন্দির আছে—'

'সেটা আবার কী দেখবার জিনিস মশাই ?'

'টেরা কোটা জানেন না ? বাংলার এক বড় সম্পদ !'

'ট্যাঙ্গা কোঠা ? মানে, বাঁকা বাড়ি ?'

কেউ কোনও বিষয়ে অঙ্গতা প্রকাশ করলে ফেলুদার স্কুলমাস্টার মৃত্তিটা বেরিয়ে পড়ে।
ও বলল—

'টেরা—টি ই আর আর এ—ল্যাটিন ও ইটালিয়ান কথা, মানে মাটি ; আর কোটা—সি ও ডবল টি এ—এও ইটালিয়ান কথা, মানে পোড়া। মাটি আর বালি মিশিয়ে তা দিয়ে নানারকম মৃত্তি ইত্যাদি গড়ে উনুনের আঁচে রেখে দিলে যে লাল চেহারাটা নেয় তাকে বলে টেরা কোটা। যেমন সাধারণ ইট। যেটা বানানো হয় সেটা যে শুধু দেখতে সুন্দর তা নয়, টেকসইও বটে। এই টেরা কোটার মন্দির ছাড়িয়ে আছে সারা পশ্চিম বাংলায় আর বাংলাদেশে। তার মধ্যে সেরা মন্দির কিছু পাওয়া যাবে বীরভূমে। তার কোনও কোনওটা আড়ইশো-তিনশো বছরের পুরনো। কারকার্য দেখলে মাথা ঘুরে যায়। বাংলার এ সম্পদ সম্বন্ধে যে ওয়াকিবহাল নয় সে বাংলার কিছুই জানে না।'

'বুঝলাম। জানলাম। আমার ঘাট হয়েছে। কাইভলি এক্সকিউজ মাই ইণ্ডিয়ান।'

'আপনি জানেন না, অথচ একজন শ্বেতাঙ্গ অধ্যাপক এই নিয়ে যা কাজ করে গেছেন তার তুলনা নেই।'

'কার কথা বলছেন ?'

'ডেভিড ম্যাককাচিন। অকাল মৃত্যু তাঁর কাজ শেষ করতে দেয়নি, কিন্তু তাও যা করেছেন তার জবাব নেই। আপনি খবরের কাগজের হেলাইন ছাড়া আর কিছু পড়েন না



জানি—তাই আজ স্টেটসম্যানে প্রকাশিত একটি প্রবন্ধ আপনার দৃষ্টি এড়িয়ে গেছে তা অনুমান করতে পারি। না হলে ডেভিড ম্যাককাচনের উল্লেখ সেখানে পেতেন।'

'কী লেখা বলুন তো !'

'রবার্টসনস কুবি।'

'রাইট, রাইট। লেখার নামটা দেখে আর কুবির রঙিন ছবিটা দেখে পড়তে আরও করেছিলাম, কিন্তু ধোপা এসে সব মাটি করে দিল।'

'প্রবন্ধের লেখক পিটার রবার্টসন এখন এখানে। ভারতপ্রেমিক বলে মনে হল। ম্যাককাচনের লেখা পড়ে বীরভূমের মন্দির দেখতে চায়, তা ছাড়া ট্যাগোরের শান্তিনিকেতন দেখতে চায়।'

'কিন্তু কুবির ব্যাপারটা কীভাবে আসছে ?'

'এই পিটারের এক পূর্বপুরুষ প্যাট্রিক রবার্টসন সিপাইদের বিরুদ্ধে লড়েছিলেন। বেঙ্গল রেজিমেন্টে ক্যাপ্টেন ছিলেন। যুদ্ধ যখন শেষ হয় এবং ব্রিটিশদের জয় হয়, প্যাট্রিক তখন

লখ্মৌতে। মোটে ছাবিশ বছর বয়স। ইংরেজ সেনা ছলেবলে নবাবের প্রাসাদে লুটতরাজ করে এবং মহামূল্য মণিমুক্তা নিয়ে পালায়। প্যাট্রিক রবার্টসন একটি ঝুঁবি পান যাব আয়তন একটা পায়রার ডিমের সমান। সেই ঝুঁবি প্যাট্রিকের সঙ্গে ইংল্যান্ডে আসে এবং প্যাট্রিকের মৃত্যুর পর রবার্টসন পরিবারেই থেকে যায়। লোকে উল্লেখ করত রবার্টসন্স ঝুঁবি বলে। সম্পত্তি প্যাট্রিকের একটি শেষ বয়সের ডায়রি পাওয়া গেছে যাব অস্তিত্ব আগে জানা ছিল না। তাতে প্যাট্রিক লখ্মৌয়ের লুটতরাজের উল্লেখ করে গভীর অনুশোচনা প্রকাশ করেছেন। প্যাট্রিক বলেছেন তাঁর আস্তা শাস্তি পাবে শুধুমাত্র যদি তাঁর কোনও বংশধর ভারতবর্ষ থেকে লুট করে আনা এই ঝুঁবি আবাব ভারতবর্ষে ফেরত দিয়ে দেয়। পিটার সেই পাথর সঙ্গে করে এনেছে এবং যাবার আগে এখানে কোনও মিউজিয়ামে দিয়ে যাবে।'

লালমোহনবাবু পুরো ব্যাপারটা শুনে কিছুক্ষণ চুপ করে থেকে বললেন, 'কেন্দুলিতে শীতকালে দারুণ মেলা হয় বলে শুনেছি।'

'ঠিকই শুনেছেন। দলে দলে বাউল আসে সেই মেলাতে।'

'সেটা ঠিক কখন হয় মশাই ?'

'এই এখন। মকর সংক্রান্তিতে শুরু হয়েছে।'

'হোয়াট ইজ দ্য বেস্ট ওয়ে টু গো ?'

লালমোহনবাবুর মাঝে মাঝে একটা সাহেবি মেজাজ প্রকাশ পায়। উনি বলেন সেটা ওঁর গল্প লেখার জন্য অনেক ইংরিজি বই কনসাট করতে হয় বলে।

ফেলুদা বলল, 'সত্যিই যেতে চাইছেন বীরভূম ?'

'ভেরি মাচ সো।'

'তা হলে আমি বলি কী, আপনি হারিপদবাবুকে বলুন সোজা আপনার গাড়ি নিয়ে বোলপুর চলে যেতে। আমরা সেদিনই শাস্তিনিকেতন এক্সপ্রেসে চলে যাব। যাবাব আগে অবশ্য ট্যুরিস্ট লজে বুকিং করে নিতে হবে। ফাস্ট ট্রেন; শুধু বর্ধমানে থামে; আড়াই ঘণ্টায় শাস্তিনিকেতন পৌঁছে যাব।'

'ট্রেইনই যাব বলছেন ?'

'তার কারণ আছে। শাস্তিনিকেতন এক্সপ্রেসে লাউঞ্জ কার বলে একটা ফাস্ট ক্লাস এয়ারকন্ডিশন্ড বগি থাকে। এতে করিডর নেই, সেই আদ্যিকালের কামরার মতো চওড়া। পঁচিশ ত্রিশজন যায়, বৈঠকখানার মতো সোফা কাউচ টেবিল পাতা রয়েছে। এ সুযোগ ছাড়া উচিত নয়।'

'জিহ্বা দিয়ে লালাক্ষণ হচ্ছে মশাই। তা হলে একটা কাজ করি—শতদলকে একটা পোস্টকার্ড ড্রপ করে দিই।'

'শতদলটা কে ?'

'শতদল সেন। এক স্কুলে এক ক্লাসে পড়িচি, এখন বিশ্বভারতীর ইতিহাসের অধ্যাপক। ব্রিলিয়ান্ট ছাত্র ছিল মশাই, আমি ওকে কোনওদিন টেক্কা দিতে পারিনি।'

'তার মানে আপনিও ব্রিলিয়ান্ট ছাত্র ছিলেন বলছেন ?'

'তা বাংলার জনপ্রিয়তম খ্রিলার রাইটার সম্বন্ধে সেটা কি বিশ্বাস করা খুব কঠিন ব্যাপার ?'

—'তা আপনার বর্তমান আই, কিউ—' পর্যন্ত বলে ফেলুদা আব কথাটা শেষ করল না।
বলল, 'লিখে দিন আপনার বন্ধুকে।'

দুদিনের মধ্যে সব ব্যবস্থা হয়ে গেল। বোলপুর ট্যুরিস্ট লজে একটা ডাবল আব একটা সিঙ্গল রুম বুক করা হয়েছে। গরম কাপড় বেশ ভালৱকম নিতে হবে, কারণ এটা জানুয়ারি মাস, শাস্তিনিকেতনে কলকাতার চেয়ে বেশি শীত। ইতিমধ্যে আমি ডেভিড ম্যাককাচনের

বইটায় একবার চোখ বুলিয়ে নিয়েছি। দেখে অবাক লাগছিল যে একজন লোক কী করে এত জায়গায় ঘুরে এত খুটিনাটি তথ্য সংগ্রহ করেছে। বাংলার এই আশ্চর্য সম্পদ সম্মতে আমার কোনও ধারণাই ছিল না।

শনিবার সকালে লালমোহনবাবুর সবুজ অ্যাসামীয়া নিয়ে হরিপদবাবু বেরিয়ে পড়লেন। পানাগড় অবধি গিয়ে ডাইনে ঘুরতে হবে, তারপর অজয় নদী পেরিয়ে ইলামবাজার দিয়ে বোলপুর।

আমরা সাড়ে নটায় হাওড়া স্টেশনে জড়ো হলাম। লালমোহনবাবু বললেন, ‘আমার দুদিন থেকে ডান চোখটা নাচছে ; সেটা গুড সাইন না ব্যাড সাইন, মশাই?’

ফেলুদা বলল, ‘আপনি খুব ভাল করেই জানেন আমি ও ধরনের কুসংস্কারে বিশ্বাস করি না, তাও কেন জিজেস করছেন বলুন তো !’

লালমোহনবাবু কেমন যেন মুষড়ে পড়ে বললেন, ‘একবার ভাবলুম এটা হয়তো কোনও আসন্ন তদন্তের লক্ষণ ; তারপর মনে হল ট্যাগোরের সঙ্গে ক্রাইমের কোনও রকম সম্পর্ক থাকা একেবারেই অসম্ভব। কাজেই ওটা আপনি মন থেকে দূর করে দিতে পারেন, ফেলুবাবু।’

২

লালমোহনবাবু অবশ্য পরে বললেন, ওটাই হচ্ছে ওঁর ডান চোখ নাচার কারণ, আমার কিন্তু মনে হল ব্যাপারটা যাকে ইংরিজিতে বলে কোইসিডেন্স আর বাংলায় কাকতালীয়।

লাউঞ্জ কারে সবসুন্দৰ চৰিবশ জন বসতে পারে, কিন্তু উঠে দেখি আমাদের নিয়ে রয়েছে মাত্র দশ জন ; তার মধ্যে আবার দুজন সাহেব। একজনের সোনালি চুল, দাঢ়িগোঁফ নেই, আরেকজনের কালো চাপ দাঢ়ি আর কাঁধ অবধি লাঞ্চ চুল। বয়স ফেলুদার চেয়ে কিছু কমই হবে—মানে ত্রিশের সামান্য বেশি। আমার মন কিন্তু বলল এর মধ্যে একজন নিশ্চয়ই পিটার রবার্টসন।

সেটা যে সত্তি সেটা জানা গেল গাড়ি ছাড়ার দশ মিনিটের মধ্যেই।

একটা সোফায় আমরা তিনজন পাশাপাশি বসেছি, সত্ত্বাই বুবাতে পারছি এরকম আরামের কামরা এর আগে কখনও দেখিনি। ফেলুদা একটা চারমিনার বার করে মুখে পুরে লাইটারটা দিয়ে সেটা ধরিয়েছে এমন সময় সোনালি চুল-ওয়ালা সাহেব মুখে একটা সিগারেট পুরে ফেলুদার দিকে হাত বাড়িয়ে বলল, ‘মে আই—?’

ফেলুদা লাইটারটা সাহেবের হাতে দিয়ে বলল, ‘আর ইউ গোইং টু বোলপুর টু ?’

সাহেব সিগারেট ধরিয়ে লাইটারটা ফেরত দিয়ে হাসিমুখে ফেলুদার দিকে হ্যান্ডশেকের জন্য হাত বাড়িয়ে বলল, ‘ইয়েস। মাই নেম ইজ পিটার রবার্টসন, অ্যান্ড দিস ইজ মাই ফ্রেন্ড টম ম্যাক্সওয়েল।’

ফেলুদা এবার আমাদের তিনজনেরই পরিচয় করিয়ে দিয়ে বলল, ‘তোমার লেখাই তো সেদিন স্টেটসম্যানে পড়ছিলাম না ?’

‘ইয়েস। ডিড ইউ লাইক ইট ?’

‘অত্যন্ত চিত্তাকর্ষক লেখা। সেই কুবি কি তুমি কাউকে দিয়ে দিয়েছ ?’

‘না। ওটা আমাদের সঙ্গেই আছে। আমরা কলকাতার মিউজিয়মকে ওটা অফার করেছি। ঘটনাটা কিউরেটরকে জানিয়েছি। উনি বলেছেন উনি অত্যন্ত খুশি হবেন পাথরটা মিউজিয়মের জন্য পেলে। উনি অবশ্য ব্যাপারটা দিল্লিতে জানিয়েছেন। ওখান থেকে

অনুমতি পেলেই আমরা পাথরটাকে আনুষ্ঠানিকভাবে মিউজিয়মের হাতে তুলে দেব। কিউরেটর বললেন ভারতবর্ষের অনেক সম্পদই নাকি বিদেশে চলে গেছে, তার সামান্য অংশও যদি এইভাবে ফেরত পাওয়া যেত তা হলে কত ভাল হত।'

'তোমার তো ইতিয়ার সঙ্গে একটা যোগসূত্র রয়েছে; তোমার বন্ধুরও আছে নাকি?'

উত্তরটা বন্ধু নিজেই দিতে পারতেন, কিন্তু দিলেন পিটার রবার্টসন।

টমের ঠাকুরদাদার ঠাকুরদাদা ছিলেন বীরভূমে এক নীলকুঠির মালিক। জার্মানরা কৃতিম উপায়ে নীল বার করে সন্তায় বাজারে ছাড়ার পর ভারতবর্ষ থেকে নীলের চাষ উঠে যায়। তখন টমের পূর্বপূরুষ রেজিন্যাস্ট ম্যাক্সওয়েল দেশে ফিরে যান। আমাদের দুজনেরই একই অংশের নেশা আর তার থেকে বন্ধুত্ব। টম একজন পোশাদার ফোটোগ্রাফার। আমি ইস্কুল মাস্টারি করি।'

টমের পাশেই কামরার মেঝেতে রাখা একটা ব্যাগ দেখে আন্দাজ করেছি তাতে ক্যামেরার সরঞ্জাম রয়েছে।

'তোমার কদিন বীরভূমে থাকবে?' ফেলুদা জিজ্ঞেস করল।

'দিন সাতেক', বলল পিটার রবার্টসন। 'আসল কাজ কলকাতাতেই, কিন্তু বাংলার কিছু টেরো কোটা মন্দির দেখার শখ আছে।'

'বীরভূমে অবিশ্যি মন্দির ছাড়াও বেশ কিছু দেখবার জিনিস আছে। একবার গিয়ে পড়লে একসঙ্গে ঘুরে দেখা যাবে। ভাল কথা—তোমার স্টেটসম্যানের লেখার কোনও প্রতিক্রিয়া হ্যানি?'

'কী বলছ! —লেখা বার হ্বার তিনদিনের মধ্যে স্টেটসম্যানে চিঠি আসতে শুরু করে। লেখকদের মধ্যে রাজারাজড়ার ম্যানেজার আছে, ধনী ব্যবসাদার আছে, রহ সংগ্রাহক আছে। এরা সকলেই কুবিটা কিনতে চায়। আমি আমার লেখার মধ্যে স্পষ্টই বলে দিয়েছি যে ওটা আমি বিক্রি করব না। রবার্টসনের রুবি নিয়ে আমাদের দেশেও রত্ব সংগ্রাহকদের মধ্যে চাঞ্চল্য পড়ে গেছে অনেকদিন থেকে। তারা ওটার জন্য কত টাকা দিতে প্রস্তুত তা তুমি কল্পনা করতে পারবে না। আমি লঙ্ঘনে যাচাই করিয়ে দেখেছি, এটার মূল্য হচ্ছে টোয়েণ্টি থার্ডজ্যান্ড পাউন্ডস।'

'পাথরটা বোধহয় তোমার কাছেই রয়েছে?'

'ওটা টমের জিন্মায়। এ ব্যাপারে ও আমার চেয়ে অনেক বেশি সাবধান। তা ছাড়া ওর রিভলভার আছে, প্রয়োজনে সেটা ব্যবহার করতে পারে।'

'পাথরটা কি একবার দেখা যায়?'

'নিশ্চয়ই।'

পিটার টমের দিকে দৃষ্টি দিল। টম তার ক্যামেরার ব্যাগ খুলে তার মধ্যে থেকে একটা নীল মখমলের বাক্স বার করল। ফেলুদা তার হাত থেকে বাক্সটা নিয়ে খুলতেই আমাদের তিনজনের মুখ দিয়ে একসঙ্গে একটা বিশ্বাসৃচক শব্দ বেরিয়ে পড়ল। শুধু যে এমন পাথর এর আগে দেখিনি তা নয়—এমন লাল রংও আর কোথাও দেখেছি বলে মনে পড়ল না।

ফেলুদা পাথরটা কিছুক্ষণ হাতে ঘুরিয়ে ফিরিয়ে দেখে 'ইটস্ অ্যামেজিং!' বলে সেটা ফেরত দিয়ে দিল। তারপর টম ম্যাক্সওয়েলকে উদ্দেশ করে বলল, 'আপনার রিভলভারটা একবার দেখতে পারি? ও বিষয়ে আমার কিঞ্চিৎ জ্ঞান আছে।'

কথাটা বলে ফেলুদা তার পকেট থেকে একটা ভিজিটিং কার্ড বার করে পিটারের হাতে দিল।

পিটারের চোখ কপালে উঠে গেল।

‘সে কী—তুমি যে দেখছি প্রাইভেট ইনভেস্টিগেটর ! তা হলে তো আমাদের কোনও গণগোল হলে তোমার শরণাপন্ন হতে হবে !’

‘গণগোল আশা করি হবে না, যদিও সেটা নির্ভর করছে ম্যাক্সওয়েল সাহেবের উপর, কারণ পাথরটা ওঁর জিম্মায় রয়েছে ।’

ইতিমধ্যে ম্যাক্সওয়েল তার রিভলভারটা বার করেছে, এবার সেটা ফেলুদাকে দেখতে দিল। দেখেই বুঝলাম সেটা ফেলুদার কোণটা না, অন্য কোম্পানির তৈরি।

‘ওয়েরলি স্কট, বলল ফেলুদা। তারপর রিভলভারটা ফেরত দিয়ে বলল, ‘তোমায় একটা কথা জিজ্ঞেস করতে পারি ?’

‘নিশ্চয়ই ।’

‘তোমার এটার দরকার হয় কেন ?’

‘ফোটোগ্রাফির নেশা আমাকে নানান জায়গায় নিয়ে যায়। অনেক দুর্গম জায়গায় আমি গিয়েছি, জংলি উপজাতিদের ছবি তুলেছি। বুবতেই পারছ সঙ্গে একটা অন্তর্থ থাকলে কাজটা অনেক সহজ হয়ে যায়। এই রিভলভার দিয়ে আমি অ্যাফিকায় ব্ল্যাক মাস্বা সাপ পর্যন্ত মেরেছি ।’

‘ভারতবর্ষে এর আগে কখনও এসেছ ?’

‘না, এই প্রথম ।’

‘ছবি তোলা শুরু করে দিয়েছ ?’

‘কলকাতার কিছু জনবহুল অঞ্চলের ছবি তুলেছি ।’

‘তার মানে বস্তি ?’

‘হ্যাঁ। আমি যেই পরিবেশে মানুষ সেরকম পরিবেশের ছবি তোলার কোনও ইচ্ছা আমার নেই। তার থেকে যত অন্যরকম হয় ততই ভাল। আমার মনে হয় পভার্টি ইজ মোর ফোটোজেনিক দ্যান প্রসপেরিটি ।’

‘ফোটো—হোয়াট ?’ প্রশ্নটা করলেন জটায়ু।

‘ফোটোজেনিক’, বলল ফেলুদা। ‘অর্থাৎ চিত্রগুণসম্পন্ন ।’

লালমোহনবাবু বিড়বিড় করে বাংলায় মন্তব্য করলেন, ‘এ কি বলতে চায় হাড়হাতেরা আর মোর ফোটোজেনিক দ্যান যারা খেয়ে-পরে আছে ?’

ম্যাক্সওয়েল বলল, ‘কাজেই এখানেও আমাদের ওই কথাটা মনে রাখতে হবে। ওই কথা মনে রেখেই আমি এখানেও ছবি তুলব ।’

ভদ্রলোকের কথাগুলো আমার কেন জানি অদ্ভুত লাগছিল। পিটার ভারতবর্ষকে ভালবাসে তাতে কোনও সন্দেহ নেই, কিন্তু তার বন্ধুর মনোভাব এত অন্যরকম হয় কী করে ? এই বন্ধুত্ব টিকবে তো ?

বর্ধমানে চা-ওয়ালা ডেকে ভাঁড়ে চা খাওয়া হল, সেই চা-ওয়ালাকে দাঁড় করিয়ে তার ছবি তুললেন ম্যাক্সওয়েল।

বোলপুর স্টেশনে পৌঁছে সাইকেল রিকশার ভিড় দেখে ম্যাক্সওয়েল ব্যস্ত হয়ে পড়েছিল, কিন্তু পিটার তাকে জানিয়ে দিল যে স্টেশনে এত সময় নষ্ট করা চলবে না।

চারটে রিকশা নিয়ে মালপত্র সমেত আমরা যখন বোলপুর ট্যুরিস্ট লজে পৌঁছলাম তখন একটা বেজে দশ মিনিট।



স্টেশনে লালমোহনবাবুর বন্ধু শতদল সেন এসেছিলেন। লালমোহনবাবুরই বয়সী, ফরসা রং, মাথায় ঢেউ খেলানো কালো চুল। অনেকদিন পরে একজনকে দেখলাম যিনি লালমোহনবাবুকে লালু বলে সম্মান করলেন। ভদ্রলোক নিজেও অবিশ্য হয়ে গেলেন সত্ত্ব।

যে ঘরে যাবার আগে ট্যুরিস্ট লজের লাউঞ্জে বসে কথা হচ্ছিল। শতদলবাবু বললেন, ‘তোদের গাড়ি বলছিস তিনটে নাগাত আসবে। তারপর তোরা চলে আসিস আমার ওখানে। পিয়ার্সন পল্লীতে ঝোঁজ করলেই আমার বাড়ি দেখিয়ে দেবে। নাম শাস্তিনিলয়। তোদের একবার উত্তরায়ণ কমপ্লেক্টা দেখিয়ে আনব।’

ফেলুদা বলল, ‘আমাদের সঙ্গে কি দুজন সাহেব যেতে পারেন?’

‘বেশ তো—তারাও ওয়েলকাম।’

শতদলবাবু চলে গেলেন।

সকালে স্নান করে বেরিয়েছিলাম, তাই ঘরে মালপত্তর রেখে প্রথমেই লাঙ্গটা সেবে নিলাম। শাস্তিনিকেতনে সত্যিই শাস্ত পরিবেশ, তাই ফেলুদার রেস্ট হবে ভাল। ও সম্প্রতি দুটো মামলা করে এসেছে। প্রথমটা মনে হয়েছিল আচ্ছহত্যা, কিন্তু শেষটায় দাঁড়াল খুন, আর দ্বিতীয়টা জালিয়াতি। দুটোই বেশ ঝামেলার কেস ছিল, তাই ওর এখন সত্যিই বিশ্বাসের দরকার।

ডাইনিং রুমেই পিটার আর টমকে আমাদের বিকেলের প্ল্যানটা বলে দিলাম। পিটার তৎক্ষণাত্ রাজি, যদিও টম কিছুই বলল না। পিটার এও বলল যে এর মধ্যেই ও দুবরাজপুরের এক ধনী ব্যবসায়ীর কাছ থেকে টেলিফোন পেয়েছে। ফোনটা করেছিল তাঁর ছেলে, কারণ ভদ্রলোকের ইংরিজিটা নাকি তেমন সড়গড় নয়। পিটার বলল, ‘ভদ্রলোক আমার রুবির খবরটা পেয়েছেন এবং সেটা কেনার ইচ্ছা প্রকাশ করেছেন। আমি অবিশ্য বলতে বাধ্য হলাম যে আমি ওটা বেচব না। তাতে ভদ্রলোক ছেলেকে দিয়ে বলালেন যে পাথরটা তাঁর একবার দেখার ইচ্ছে। আশা করি সে সুযোগ থেকে তাকে বক্ষিত করব না।’

‘ভদ্রলোকের নাম কী?’

‘জি. এল. ড্যানড্যানিয়া।’

‘চান্দানিয়া। বুকলাম। কখন অ্যাপয়েন্টমেন্ট?’

‘কাল সকাল দশটা।’

‘আমরা আসতে পারি কি?’

‘নিশ্চয়ই। আপনারা এলে আমি অনেকটা নিশ্চিন্ত বোধ করব। ইন ফ্যাট্ট, আপনারা ভাল দেৱতাবীর কাজ করতে পারবেন। দুবরাজপুর আর তার পাশেই হেতমপুরে তো ভাল টেরো কেটার মন্দির আছে বলে ম্যাককাচন লিখেছে। কথা সেবে না হয় সেগুলো দেখে আসব।’

‘শুধু মন্দির না’, ফেলুদা বলল, ‘দুবরাজপুরে আরও দেখার জিনিস আছে। হাতে সময় থাকলে সেও দেখা যেতে পারে।’

হরিপদবাবু অ্যাস্বাসাদের নিয়ে পৌনে চারটেয় এসে পৌঁছালেন। পথে বর্ধমানে খেয়ে নিয়েছিলেন, বললেন আমরা বেরোতে চাইলে বেরোতে পারি। —‘আমার বিশ্বাসের কেনও দরকার নেই, স্যার।’

আমরা আর সময় নষ্ট না করে বেরিয়ে পড়লাম। পিয়ার্সন পল্লী থেকে শতদল সেনকে

তুলে নিয়ে ছ'জনে গিয়ে হাজির হলাম উত্তরায়ণে। পিটার এরকম বাড়ি এর আগে দেখেনি, বলল, ‘ইট লুকস্ লাইক এ ফেয়ারি টেল প্যালেস।’

উদীচী, শ্যামলীও দেখা হল। কোনওখানেই পভার্টির ছাপ নেই বলেই বোধহয় ম্যাক্সওয়েল তার ক্যামেরা বাইর করল না।

লালমোহনবাবু সব দেখেটৈখে বললেন, ‘নো স্যার, এই অ্যাটমোসফিয়ারে এখন প্রথর কুন্দর প্লট বেরোবে না; তার জন্য চাই ক্যালকুল্টাৰ পরিবেশ।’

ফেরবার পথে পিটার আৱ টম একটা সাইকেল রিকশা ধৰল। পিটার বলল, ‘কাছেই একটা ট্রাইব্যাল ভিলেজ আছে, টম তার কিছু ছবি তুলতে চায়।’

বুবলাম সাঁওতাল প্রামের কথা বলা হচ্ছে।

সাহেবদের বিদায় দিয়ে আমরা আমাদের ঘরে এসে ‘অন্যাক্ষৰী’ খেলে বিকেলটা কাটিয়ে দিলাম। যাবার সময় শতদলবাবু তাঁৰ থলি থেকে একটা বই বার করে জটায়ুকে দিয়ে বললেন, ‘এই নিন—“লাইফ অ্যান্ড ওয়ার্ক ইন বীরভূম”, লেখক এক পাত্রি, নাম রেভারেন্ড প্রিচার্ড। একশো বছৰ আগেৰ লেখা বই। ইটারেন্টিং তথ্যে বোঝাই। পড়ে দেখবেন।’

‘উনি না পড়লেও আমি নিশ্চয়ই পড়ব।’ বলল ফেলুদা।

পৰদিন সকালে সাড়ে আটটায় ব্ৰেকফাস্ট সারা হল। দুবৰাজপুৰ এখন থেকে ২৫ কিলোমিটাৰ, যেতে আধ ঘণ্টাৰ বেশি লাগবে না। ঢানচানিয়াৰ ছেলে ওদেৱ বাড়িটা কোথায় সেটা বুবিয়ে দিয়েছিল, আৱ তা ছাড়া এও বলেছিল যে দুবৰাজপুৰে ওটাই হচ্ছে সবচেয়ে বড় বাড়ি।

আমৰা দশটাৰ পাঁচ মিনিট আগেই একটা উচু দেয়ালে যেৱা বাড়িৰ লোহাৰ গেটেৰ সামনে এসে দাঁড়ালাম, গেটেৰ গায়ে ফলকে লেখা জি. এল. ঢানচানিয়া।

সশন্ত দারোয়ান একবাৰ আমাদেৱ মুখটা দেখে নিয়েই গেট খুলে দিতে বুবলাম যে তাকে বলা হয়েছে সাহেবৰা আসছে।

গেট খুলে দিতে গাড়ি চুকে খানিকটা মোৱামফেলা পথ দিয়ে নিয়েই সদৱ দৱজাৰ সামনে পৌঁছে গেলাম। দৱজাৰ সামনে একটা স্কুটাৰ ধৰে একজন বছৰ পঁচিশেৰ ছেলে, সে আমাদেৱ দেখেই স্কুটাৰটা এক পাশে দাঁড় কৱিয়ে এগিয়ে এল। আমৰা গাড়ি থেকে নামলাম। পিটার এগিয়ে গেল মুৰক্কেৰ দিকে। হাত বাড়িয়ে বলল, ‘মাই নেম ইজ পিটার রবার্টসন। ইউ মাস্ট বি কিশোৱীলাল?’

‘হ্যাঁ। আমি কিশোৱীলাল ঢানচানিয়া। আমাৰ বাবা আপনাদেৱ সঙ্গে অ্যাপয়েন্টমেন্ট কৱেছেন। চলুন, আমি আপনাদেৱ নিয়ে যাচ্ছি।’

‘আমাৰ এই তিনজন ভাৱতীয় বক্সুও যেতে পাৱেন তো?’

‘নিশ্চয়ই।’

আমৰা কিশোৱীলালকে অনুসৰণ কৱে বাড়িৰ ভিতৱ চুকে একটা উঠোন পেৱিয়ে সিঁড়ি দিয়ে দোতলায় উঠে দুটো ঘৰ আৱ একটা বারান্দা পেৱিয়ে একটা দৱজাৰ সামনে এসে দাঁড়ালাম।

‘জুতো খুলতে হবে কি?’ ফেলুদা জিজেস কৱল।

‘না না, কোনও দৱকাৰ নেই।’ কিশোৱীলালেৰ বাংলায় বেশ একটা টান আছে।

আমৰা বৈঠকখানায় চুকলাম।

বেশ বড় ঘৰ। দৱজা জানালায় রঙিন কাট, তাই দিয়ে আলো এসে ঘৰটাকে বেশ রংদাৰ কৱে তুলেছে। ঘৰেৱ অৰ্ধেকটা ফৰাস পাতা, বাকি অংশটায় সোফা চেয়াৰ ইত্যাদি রয়েছে।



মালিক বসে আছেন ফরাসের এক প্রান্তে, শীর্ণকায় চেহারায় একটা প্রকাণ্ড তাগড়াই গোঁফ একটা অঙ্গুত বৈপ্পুরীত্য এনেছে। চারপাশে তাকিয়া ছড়ানো। মালিক ছাড়াও ঘরে রয়েছেন বছর পঞ্চাশকের একটি ভদ্রলোক, পরনে ছাই রঙের প্যান্টের সঙ্গে খয়েরি রঙের জ্যাকেট। ইনি আমাদের দেখেই উঠে দাঁড়ালেন।

পিটার ঢানচানিয়াকে উদ্দেশ করে ভারতীয় ভঙ্গিতে একটা নমস্কার করে বলল, ‘মিঃ ড্যানড্যানিয়া, আই প্রিজিউম।’

‘ইয়েস’, বললেন ঢানচানিয়া, ‘অ্যান্ড দিস ইজ মাই ফ্রেন্ড ইনস্পেক্টর চোবে।’

‘ইনি আমার বন্ধু টম ম্যাক্সওয়েল, আর এঁরা তিনজনও আমার বন্ধুস্থানীয়।’

ফেলুদা বলল, ‘আমার নাম প্রদোষ মিৰ্দ, ইনি মিঃ গাঙ্গুলী, আর এ আমার ভাই তপেশ।’

‘সিট ডাউন, বৈঠিয়ে। —কিশোরী, রামভজনকো বোলো মিঠাই আর সরবতকে লিয়ে।’

কিশোরীলাল আজ্ঞা পালন করতে ঘর থেকে বেরিয়ে গেল। আমরা চেয়ার আর সোফায় ভাগভাগি করে বসলাম। এবারে লক্ষ করলাম দেয়ালে চতুর্দিকে টাঙানো দেবদেবীর ছবি। মগনলাল মেঘরাজের বেনারসের বৈষ্ণকখানার কথা মনে পড়িয়ে দেয়।

আমরা বসতে ফেলুদা গলা খাক্রিয়ে বলল, ‘আমাদের তো কোনও অ্যাপয়েন্টমেন্ট ছিল না, আমরা এসেছি মিঃ রবার্টসনের সঙ্গে। আপনার কোনও আপত্তি থাকলে কিন্তু আমরা এখন চলে যেতে পারি।’

‘নো, নো। শ্রেফ একটা পাথর দেখার ব্যাপার, আপনারা থাকলে ক্ষেত্র কী?’

ম্যাক্রওয়েল হাঁচাং বলে উঠল, ‘মে আই টেক সাম পিকচার্স, মিঃ ড্যানড্যানিয়া।’

‘হোয়াট পিকচার্স?’

‘অফ দিস রুম।’

‘ঠিক হ্যায়।’

‘হি সেজ ইউ মে’, বলে দিল ফেলুদা।

‘লেকিন পহলে তো উয়ো রুবি দেখলাইয়ে।’

‘হি ওয়ন্টস্টু সি দ্য রুবি ফার্স্ট,’ বলল ফেলুদা।

‘আই সি।’

ম্যাক্রওয়েল ক্যামেরাটা পাশে সরিয়ে রেখে ব্যাগের ভিতর হাত ঢুকিয়ে রুবির কোটেটা বার করল। তারপর সেটাকে খুলে ঢানচানিয়ার দিকে এগিয়ে দিতে আমার বুকটা কেন জানি ধুকপুক করে উঠল।

ঢানচানিয়া পাথরটা বার করে ঘুরিয়ে ফিরিয়ে দেখে কোনও মন্তব্য না করে সেটা তাঁর বন্ধু ইস্পেক্টর চৌবের হাতে ঢানচান দিলেন। চৌবে সেটা খুব তারিফের দৃষ্টিতে দেখে আবার ঢানচানিয়াকে ফেরত দিল।

‘হোয়াট প্রাইস ইন ইংল্যান্ড?’ ঢানচানিয়া প্রশ্ন করলেন।

‘টেয়েন্টি থার্ডজ্যান্ড পাউন্ডস,’ বলল পিটার রবার্টসন।

‘হ্ম—দশ লাখ রুপয়া...’

এবার পাথরটা বাক্সে রেখে সেটা ম্যাক্রওয়েলকে ফেরত দিয়ে ঢানচানিয়া বললেন, ‘আই উইল পে টেন ল্যাখস।’

লাখ ব্যাপারটা সাহেবো বোঝে না বলে আবার ফেলুদাকে বলে দিতে হল, ‘হি মিনস ওয়ান মিলিয়ান রুপিজি।’

‘কিন্তু তার প্রশ্ন আসছে কী করে,’ বলল রবার্টসন, ‘আমি তো পাথরটা বিক্রি করব না।’

এই প্রথম বুঝলাম ঢানচানিয়া ইংরিজিটা দিব্যি বোঝেন, কেবল বলার সময় হোঁচ্ট খান।

‘হোয়াই নট?’ শুধোলেন ঢানচানিয়া।

‘আমার পূর্বপুরুষের সাধ ছিল এটা ভারতবর্ষে ফেরত যাক,’ বলল রবার্টসন, ‘আমি তাঁর সে সাধ পূরণ করতে এসেছি। আমি এ পাথর নিয়ে ব্যবসা করব না। এটা আমি কলকাতার মিউজিয়মে দিয়ে দেব।’

‘দ্যাট ইজ ফুলিশ,’ বললেন ঢানচানিয়া। ‘জাদুঘরে এই পাথর আলমারির এক কোণে পড়ে থাকবে। লোকে ভুলেই যাবে ওটার কথা।’

‘সে তো আপনাকে বিক্রি করলে আপনি ওটা বাক্স-বন্ডি করে রেখে দেবেন।’

‘ননসেন্স!’ বেশ জোরের সঙ্গে বলে উঠলেন ঢানচানিয়া। ‘আমি আমার নিজের মিউজিয়ম করব—যেমন সালার জং মিউজিয়ম আছে হায়দ্রাবাদে। সেই রকম মিউজিয়ম। লোকে এসে



আমার কালেকশন দেখে যাবে। ইওর রবি উইল বি ইন এ স্পেশাল শো কেস। লোকে এসে দেখে তারিফ করবে। রবির তলায় লেখা থাকবে সেটা কোথেকে কী ভাবে পাওয়া গেছে। তোমার নাম ভি থাকবে।’

এবার দুজন ভৃত্যের প্রবেশ ঘটল। তাদের একজনের হাতে ট্রেতে লাঙ্ডু, আরেকজনের ট্রেতে সরবত।

‘লাঙ্ডু খান, খেয়ে ডিসাইড করুন মিঃ রবার্টসন।’

আমরা ডান হাতের কাজটা সেরে ফেলার জন্য তৈরি হলাম। লাঞ্চ টাইম হতে এখনও দেরি, কিন্তু পেট বলছে খেতে আপনি নেই। বীরভূমের জলের কথা আগেই শুনেছিলাম।

আমাদের সঙ্গে সাহেবরাও লাঙ্ডু খেল। তারপর সরবত খাবার সময় দেখি টম ম্যাক্সওয়েল পকেট থেকে একটি বড়ি বের করে তাতে ফেলে দিল।

‘মিঃ মিটার,’ বললেন গণেশ ঢানচানিয়া, ‘আপনার বক্সুদের বলে দিন কি বীরভূমের জল পিউরিফাই করার কোনও দরকার হয় না।’

ফেলুন্দা অবিশ্য সেটা আর বলল না।

‘ওয়েল?’ মিষ্টি খাবার পর গুরুগতীর গলায় জিজ্ঞেস করলেন গণেশ ঢানচানিয়া। ওর শীর্ণ শরীর থেকে এই হেঁড়ে গলা বার হওয়াটাও বেশ একটা অবাক করা ব্যাপার।

‘ভেরি সরি মিঃ ড্যানড্যানিয়া,’ বলল রবার্টসন, ‘আমি তো বলেই ছিলাম এ পাথর বিক্রির জন্য নয়। তুমি দেখতে চেয়েছিলে তাই দেখালাম।’

এবার ইস্পেষ্টার চৌবে মুখ খুললেন।

‘আমি খালি একটা প্রশ্ন করতে চাই। পাথর বিক্রি করা না-করা আপনার মর্জি। কিন্তু এমন একটা জিনিস আপনার বক্সু ব্যাগে নিয়ে ঘুরে বেড়াচ্ছেন দেখে আমার মোটেই ভাল লাগছে না! আপনি বললে আমি ওটার প্রোটেকশনের জন্য লোক দিতে পারি। সে হবে প্রেন ক্লোদস ম্যান। আপনি তাকে পুলিশ বলে বুঝতেও পারবেন না, কিন্তু সে আপনাদের নিরাপত্তা এনশিওর করবে।’

‘পুলিশের কোনও প্রয়োজন নেই,’ বলল টম ম্যাক্সওয়েল। ‘আমার কাছে এ পাথর সম্পূর্ণ নিরাপদ অবস্থায় আছে। চৌর ছাঁচড় এর ওপর দৃষ্টি দিলে তাকে কীভাবে শায়েস্তা করতে হয় তা আমি জানি। আমি নিজেই অন্তর্ধারণ করি, পুলিশের কোনও প্রয়োজন নেই।’

চৌবে হাল ছেড়ে দিলেন।

‘ঠিক আছে। আপনার যদি এতই কনফিডেন্স থাকে তা হলে আমার বলার কিছু নেই।’

‘আপনারা কদিন আছেন?’ জিজ্ঞেস করলেন ঢানচানিয়া।

‘চার পাঁচ দিন তো বটেই,’ বলল পিটার রবার্টসন। ‘আমি নিজে টেরো কোটা মন্দির সম্পর্কে ইস্টারেসেটড, এবং সেই নিয়ে কিছু পড়াশুনাও করেছি।’

‘থিক্স, মিঃ রবার্টসন, থিক্স,’ বললেন ঢানচানিয়া। ‘থিক্স ফর টু ডেজ—দেন কাম টু মি আগেন।’

‘বেশ তো। ভাবতে তো আর পয়সা লাগে না। ভেবে নিয়ে তারপর তোমাকে আবার জানাব।’

‘গুড়,’ বললেন ঢানচানিয়া, ‘অ্যান্ড গুড বাই।’

‘নাঃ—এ মশাই ভাবা যায় না।’

গভীর সন্ধিমের সঙ্গে ফিসফিসিয়ে কথাটা বললেন জটায়ু। উনি না বললে হয়তো আমি বলতাম, কারণ এরকম দৃশ্য আমি এর আগে কখনও দেখিনি। প্রায় এক বর্গ মাইল জায়গা জুড়ে ছোট বড় মাঝারি সাইজের পাথর কাত হয়ে পড়ে আছে না হয় খাড়া দাঁড়িয়ে আছে, তার মধ্যে যেগুলোর হাইট সত্ত্বিই উচু সেগুলো প্রায় তিন তলা বাড়ির সমান। একেকটা বিশাল দাঁড়ানো পাথর আবার মাঝখান থেকে চিরে দুভাগ হয়ে গেছে—হয়তো সুড়ৱ অতীতের কোনও ভূমিকাপ্রের চিহ্ন। দৃশ্যটার মধ্যে এমন একটা প্রাণেতিহাসিক ছাপ রয়েছে যে একটা পাথরের পাশ দিয়ে যদি একটা ডাইনোসর বেরিয়ে আসে তা হলেও অবাক হব না।

এইখানেই একটা বিশেষ জোড়া পাথরকে বলা হয় মামা-ভাগ্নে, আর তার থেকে পুরো জায়গাটারই নাম হয়ে গেছে মামা-ভাগ্নে।

গণেশ ঢানচানিয়ার কাছে বিদায় নিয়ে বাইরে বেরিয়ে এসেই ফেলুদা প্রস্তাৱ কৱল দুবৰাজপুরেই যখন আসা হয়েছে তখন মামা-ভাগ্নে না দেখে যাওয়াৰ কোনও মানে হয় না। চৌবেও প্রস্তাৱ সমৰ্থন কৱলেন। সাহেবোঁ এটোৱ কথা আগে শোনেনি, এসে তাদেৱ চোখ ছানাবড়া হয়ে গেছে। পিটোৱ খালি খালি বলছে ‘ফ্যান্ট্যাস্টিক... ফ্যান্ট্যাস্টিক,’ আৱ টমেৱ মুখে এই প্ৰথম হাসি দেখা দিয়েছে। সে একটা ছবি তোলাৰ বিষয়ও পেয়ে গেছে—একটা উচু পাথরের মাথায় বসে একটা সাধু চিৰকনি দিয়ে দাঢ়ি আঁচড়াচ্ছে। তিনি কী কৰে ওই টঙে চড়েছেন তা মা গঙ্গাই জানেন।

পিটোৱ বলল, ‘আছা, চারিদিকে ত্ৰিসীমানায় কোনও পাথৰ দেখছি না, অথচ এইখানে এত পাথৰ—এ নিয়ে কোনও কিংবদন্তি নেই?’

‘ডু ইউ নো গড হনুমান?’

প্ৰশ্নটা অপ্রত্যাশিতভাৱে কৱলেন জটায়ু। উত্তৱে পিটোৱ মৃদু হেসে বলল, ‘আই হ্যাভ হার্ড অফ হিম।’

এৱে পৰে লালমোহনবাবু যা বললেন, একসঙ্গে এতটা নিৰ্ভুল ইংৰিজি বলতে তাঁকে এৱ আগে কখনও শুনিনি।

‘ওয়েল, হোয়েন গড হনুমান ওয়াজ ফ্লাইং থু দ্য এয়াৱ উইথ মাউন্ট গন্ধমাদন অন হিজ হেড, সাম রকম ফ্ৰম দি মাউন্টেন ফেল হিয়াৱ ইন দুবৰাজপুৰ।’

‘ভেৱি ইন্টাৱেস্টিং,’ বলল পিটোৱ বৰাট্সন।

সাহেব থাকা সত্ৰেও ফেলুদা জটায়ুকে উদ্দেশ কৰে বাংলায় বলল, ‘হনুমানেৱ কিংবদন্তিটা বোধহয় আপনাৱ কল্পনাপ্ৰসূত?’

‘নো স্যার।’ বলে চেঁচিয়ে উঠলেন জটায়ু। ‘লজেৱ ম্যানেজাৱ নিজে আমায় এটা বলেছেন। এখানে সবাই এটাই বিশ্বাস কৰে।’

‘“বাংলায় ভৱণ” তা বলেনি।’

‘কী বলেছে?’

‘বলেছে রামচন্দ্ৰ যখন সেতুবন্ধনেৱ জন্য পাথৰ আনাইলেন, তখন কিছু পাথৰ পুঞ্চক রথ থেকে এখানে পড়ে যায়।’

‘ভালই, তবে নট অ্যাজ গুড অ্যাজ মাই হনুমান।’

ম্যাক্রওয়েলেৱ মনে হল পাথৰেৱ ছবি তুলতে বিশেষ ভাল লাগছে না, যদিও আমাৱ মনে



হচ্ছিল পাথরগুলো দারণ ফোটোজেনিক। ওর সুযোগ এল মামা-ভাগ্নের এক প্রান্তে পাহাড়েশ্বর শিব আর শশানকালীর মন্দিরে এসে।

মন্দিরে পুজো দেওয়া ও বোধহয় এই প্রথম দেখল, কারণ দেখলাম ওর ক্যামেরার খচ খচ শব্দ আর থামছে না। এই শশানকালীকেই নাকি রঘু ডাকাত পুজো দিত।

টোবে দেখলাম ম্যাক্সওয়েলের কাণ দেখে একটু বিচলিত হয়ে পড়েছেন। বললেন, ‘এখানে অনেকেই কিন্তু বিদেশিরা যে সব কিছুর ছবি তুলে নিয়ে যায় সেটা পছন্দ করে না। এই ব্যাপারে তোমাকে একটু সাবধান হতে হবে।’

‘কেন?’ ফোঁস করে বলে উঠল ম্যাক্সওয়েল। ‘এখানে চেঁরে সামনে যা ঘটছে তারই তো ছবি তুলছি আমি, জোচুরি তো করছি না।’

‘তাও বলছি—কখন, কী নিয়ে কে আপত্তি করে বসে তা বলা যায় না। ভারতীয়রা এ

ব্যাপারে একটু সেনসিটিভ। আমাদের কিছু আচার ব্যবহার বিদেশিদের চেথে দৃষ্টিকুঠ লাগা অস্বাভাবিক নয়, কিন্তু সেগুলোর ছবি তুলে বাইরে প্রচার করাটা অনেকের কাছেই আপত্তিকর মনে হতে পারে।'

ম্যাঞ্জওয়েল তেড়েমেডে কী যেন বলতে যাচ্ছিল। কিন্তু পিটার তাকে একটা ম্যু ধমকে নিরস্ত করল।

আমরা মামা-ভাগ্নে দেখে তেষ্টা মেটানোর জন্য কিছুদূরে রাস্তার ধারে একটা চামের দোকানে গিয়ে রাস্তার উপরেই রাখা বেঞ্চিগুলোতে বসে চা আর নানখাটাই অর্ডার দিলাম। হরিপদবাবু বললেন উনি এই ফাঁকে একবার চা খেয়ে নিয়েছেন তাই আর খাবেন না।

ইঙ্গিষ্টের চৌবে ফেলুদার পাশে বসেছিলেন, তাঁর পাশে আমি। তাই চৌবে যে কথাটা বললেন সেটা আমার কানে এল।

'আপনার নাম শুনেই আমি আপনাকে চিনেছি, কিন্তু সেটা আর প্রকাশ করিনি, কারণ মনে হল যত্নত আপনার আসল পরিচয়টা প্রকাশ পেয়ে যায় সেটা হয়তো আপনি চাইবেন না।'

'আপনি ঠিকই অনুমান করেছেন,' বলল ফেলুদা।

'এখানে কি বেড়াতে ?'

'পুরোপুরি।'

'আই সি।'

'আপনি তো বিহারের লোক বোধহয়।'

'হ্যাঁ, কিন্তু পাঁচপুরুষ ধরে আমরা বীরভূমেই রয়েছি। ভাল কথা, ম্যাঞ্জওয়েল ছেলেটির সঙ্গে ভারতবর্ষের কোনও যোগসূত্র আছে কি ?'

'ম্যাঞ্জওয়েলের ঠাকুরদার ঠাকুরদাদা এই বীরভূমেই একটা নীলকুঠির মালিক ছিলেন। নাম বোধহয় রেজিন্যাল্ড ম্যাঞ্জওয়েল।'

'তাই হবে। আমি ছেলেবেলায় বাপ-ঠাকুরদাদার মুখে এক ম্যাঞ্জওয়েল সাহেবের নাম শুনেছি, তিনিও নীলকুঠির মালিক ছিলেন। লাভপুরের কাছে ছিল তাঁর কুঠি। গাঁয়ের লোকে বলত ম্যাকশেয়াল সাহেব। তারপর ক্রমে সেটা খ্যাঁকশেয়ালে পরিণত হয়।'

'কেন ?'

'কারণ লোকটা ছিল ঘোর অত্যাচারী এবং অহংকারী। এর মধ্যেও দেখছি সেই পূর্বপুরুষের রক্ত কিছুটা বইছে। অথবা রবার্টসন সাহেবে কিন্তু একবারেই সেরকম নন, সত্যি করেই ভারতবর্ষ ও ভারতীয়দের ভালবাসেন।'

চা পর্ব সেরে দুবরাজপুরের দুমাইলের মধ্যে হেতমপুরে কয়েকটা সুন্দর টেরো কোটা মন্দির দেখে আমরা লাক্ষের আগেই টুরিস্ট লজে ফিরে এলাম। হেতমপুরের মন্দিরের গায়ে দুশো বছরের পুরনো থামে মেমসাহেবের মৃত্যি দেখে রবার্টসন মুঝ। ম্যাঞ্জওয়েলের দেখলাম মন্দির সম্পর্কে কোনও কৌতুহল নেই। সে রাস্তার ধারে টিউবওয়েলে এক মা তার বাচ্চাকে স্নান করিয়ে দিচ্ছিল, তারই কয়েকটা ছবি তুলে ফেলল।

হেতমপুর থেকে চৌবে বিদায় নেবার আগে ফেলুদা তাকে একটা প্রশ্ন করল।

'আপনার সঙ্গে তো ঢানচানিয়ার যথেষ্ট পরিচয় আছে দেখলাম। লোকটা কেমন ?'

চৌবে বলল, 'পরিচয় মানে ও আমাকে হাতে রাখতে চায়। ওর নানারকম সব ধোঁয়াটে কারবার আছে, তাই পুলিশের সঙ্গে ওর দোষ্টি রাখাটা দরকার। আমি অবশ্য ওর খাতিরের মানে বুঝি এবং সব সময়ই চোখ কান খোলা রাখি। গোলমাল দেখলে আমি ওকে রেহাই দেব না। তবে লোকটা ধনী। ওই ঝুঁঝির জন্য দশ লাখ দিতে ওর গায়ে লাগবে না।'

‘ওঁর ছেলে কি ওর বাপের ব্যবসা দেখে ?’

‘কিশোরিলালের নিজের ইচ্ছা নেই বাপের ব্যবসায় থাকার । সে নিজে একটা কিছু করতে চায়, এবং সেই নিয়ে তার বাপের সঙ্গে কথাও হয়েছে । গণেশ তার ছেলেকে খুব ভালবাসে, তাই শেষ পর্যন্ত সে রাজিও হয়ে যেতে পারে ।’

‘আই সি ।’

‘ভাল কথা—আপনাদের কালকের প্ল্যান কী ?’

‘কাল ভাবছি সকালে একবার কেন্দুলির মেলাটা দেখে আসব ।’

‘আপনারা সবাই যাবেন ? ইন্দুডিং এই দুই সাহেব ?’

‘সেরকমই তো মনে হয় ।’

‘তা হলে আপনাকে বলে দিই—আপনি এই ম্যাঞ্চওয়েল ছোকরাটির উপর একটু দৃষ্টি রাখবেন । ওর ব্যবহার আমার মাথায় দৃশ্টিষ্ঠা চুকিয়ে দিয়েছে ।’

‘নিশ্চয়ই রাখব ।’

লজে ফিরে এসে আরও দুজনের সঙ্গে আলাপ হল—তাদের কথা এই বেলা লিখে রাখি ।

এক—মিস্টার নক্ষর । ইনি কলকাতার একজন নাম-করা ধনী ব্যবসায়ী । ইনি আগেই দুটোর সময় নিজের গাড়িতে এসে পৌঁছেছেন ।

দুই—জগন্নাথ চট্টোপাধ্যায় । ইনি বোলপুরেই থাকেন । স্টেটসম্যানে পিটারের লেখাটা পড়ে সোজা আমাদের সঙ্গে এসে দেখা করে বললেন উনি বীরভূম সম্পর্কে বিশেষজ্ঞ । এখনকার প্রত্যেকটি টেরা কোটা মন্দির ওঁর দেখা এবং সে ব্যাপারে উনি সাহেবদের খুব সাহায্য করতে পারেন । পিটার তাঁকে বলে দিল ওর সঙ্গে যোগাযোগ রাখতে ।

মিঃ নক্ষর—পরে জেনেছিলাম পুরো নাম অর্ধেন্দু নক্ষর—ট্যুরিস্ট লজে এসে লাউঞ্জে আমাদের দেখা পেলেন । আমরা সবাই তখন লাঙ্ঘের ডাক কখন পড়বে তার অপেক্ষায় বসে আছি । ভদ্রলোক এসে চুকতে আমাদের সকলেরই দৃষ্টি আকর্ষণ করলেন, কারণ চেহারাটা বেশ চোখে পড়ার মতো । টকটকে গায়ের রং, ফ্রেঞ্চ কাট কালো দাঢ়ি, চোখে রিমলেস চশমা, পরনে গাঢ় নীল সুটের সঙ্গে জামার উপর কালো নকশা করা স্কার্ফ ।

ভদ্রলোক দুজন সাহেবের সামনে দাঁড়িয়ে ‘মিঃ রবার্টসন ?’ বলতেই পিটার উঠে দাঁড়িয়ে তার হাতটা বাড়িয়ে দিল । ভদ্রলোক করমদন করে বললেন, ‘মাই নেম ইজ ন্যাক্সার । আমি স্টেটসম্যানে তোমার লেখাটা পড়ে খোঁজখবর করে তোমার সঙ্গে দেখা করব বলে সোজা এখনে চলে আসছি আমার গাড়িতে ।’

‘হোয়াট ক্যান আই ডু ফর ইউ ?’

নক্ষর একটা চেয়ার টেনে নিয়ে পিটারের মুখেমুখি বসে বলল, ‘আগে তোমার মুখ থেকে আমি একটা কথা শুনতে চাই...’

‘কী ?’

‘দেড়শো বছর আগে তোমার পূর্বপুরুষ তাঁর ডায়ারিতে যে বাসনার কথা লিখেছেন, তুমি কি সত্যিই সেটা পূরণ করতে এদেশে এসেছ ?’

‘অ্যাবসোলিউটলি,’ বলল পিটার ।

‘তুমি কি অতিপ্রাকৃতে বিশ্বাস কর ? তোমার কি সত্যিই ধারণা যে রুবিটা ভারতবর্ষে ফেরত দিলে তোমার পূর্বপুরুষের আত্মা শান্তি পাবে ?’

পিটার শুকনো গলায় উত্তরটা দিল ।

‘আমি কী বিশ্বাস করি বা না করি সেটা জানার কী দরকার ? যতদূর বুঝছি আপনি রুবিটা কেনার প্রস্তাৱ কৰছেন । আমার উত্তৱ হল আমি ওটা বেচব না ।’

‘তুমি তোমার দেশের জল্লরিকে এটা দেখিয়েছ ?’

‘দেখিয়েছি ।’

‘কুবির দাম তার মতে কত হতে পারে ?’

‘টোয়েন্টি থাউজ্যান্ড পাউন্ডস ।’

‘পাথরটা কি হাতের কাছে আছে ? সেটা একবার দেখতে পারি কি ?’

পাথরটা টমের কাছেই ছিল ; সে ব্যাগ থেকে কৌটোটা বার করে নস্করকে দিল । মিঃ নস্কর কৌটোটা খুলে পাথরটা বার করে বেশ কিছুক্ষণ ধরে সেটা ঘুরিয়ে ফিরিয়ে দেখে তারপর পিটারের দিকে ফিরে বলল, ‘তোমাদের দুজনের কাউকেই তো তেমন ধনী বলে মনে হচ্ছে না ।’

‘তার কারণ’, বলল পিটার, ‘আমরা ধনী নই । কিন্তু এও বলতে পারি যে আমরা লোভীও নই ।’

‘আমরা দুজনে কিন্তু এক ছাঁচে ঢালা নই, টম ম্যাক্সওয়েল হঠাৎ বলে উঠল ।

‘তার মানে ?’ নস্কর শুধোলেন ।

পিটার বলল, ‘আমার বন্ধু বলতে চাইছে যে এ ব্যাপারে আমাদের দুজনের মধ্যে মতের সম্পূর্ণ মিল নেই । অর্থাৎ কুবিটা বিক্রি করে দু পয়সা রোজগারের ব্যাপারে তার কোনও আপত্তি নেই । কিন্তু কুবিটা তো ওর প্রপার্টি নয়, আমার প্রপার্টি ; কাজেই ওর কথায় তেমন আমল না দিলেও চলবে ।’

টম দেখি গভীর হয়ে গেছে, তার কপালে গভীর খাঁজ ।

‘এনিওয়ে’, বললেন নস্কর, ‘আমি এখানে আরও তিনদিন আছি । শান্তিনিকেতনে আমার বাড়ি রয়েছে । আমি আপনাদের সঙ্গে যোগাযোগ রাখব । অত সহজে আমাকে খেড়ে ফেলতে পারবেন না মিস্টার রবার্টসন । আমি আপনাকে বারো লাখ টাকা দিতে রাজি আছি । আমার মূল্যবান পাথরের সংগ্রহ সারা ভারতবর্ষে পরিচিত । এত বড় একটা রোজগারের সুযোগকে আপনারা কেন হেলাফেলা করছেন জানি না । আশা করি ক্রমে আপনাদের মত পরিবর্তন হবে ।’

পিটার বলল, ‘এখানে একটা কথা কিন্তু বলা দরকার । আপনার আগে আরেকজন আমাদের অফার দিয়েছেন ।’

‘কে ?’

‘দুবারাজপুরের একজন ব্যবসায়ী ।’

‘চান্দানিয়া ?’

‘হ্যাঁ ।’

‘ও কত দেবে বলেছে ?’

‘দশ লাখ । সেটা আরও বাড়বে না এমন কোমও কথা নেই ।’

‘ঠিক আছে । চান্দানিয়াকে আমি খুব চিনি । ওকে আমি ম্যানেজ করে নেব ।’

মিঃ নস্কর আমাদের কাছ থেকে বিদ্যায় নিয়ে চলে গেলেন, আর ওদিকে ডাইনিং রুম থেকে ব্যবরাহেল যে পাত পড়েছে ।

বোলপুর থেকে ২৫ মাইল দূরে আড়াইশো বছর আগে বর্ধমানের এক মহারানির তৈরি রাধাবিনোদের টেরা কোটা মন্দির যিনে চলেছে কেন্দুলির বিরাট মেলা। মেলা বলতে যা বোঝায় তার সবই এখানে আছে। দক্ষিণ দিয়ে বয়ে চলেছে অজয় নদী।

আমরা আমাদের গাড়িতেই এসেছি সকলে ; সেটা সম্ভব হয়েছে ফেলুদা গাড়ি চালানোর ফলে। আমরা তিনজন সামনে আর পিছনে পিটার, টম ও জগন্নাথ চাটুজ্যে।

মেলার এক পাশে একটা বিরাট বটগাছের তলায় বাউলরা জমায়েত হয়েছে। তাদের মধ্যে একজন আবার একতারা আর ডুগডুণি নিয়ে নেচে নেচে গান গাইছে—

আমি আচল পয়সা হলাম রে ভবের বাজারে

তাই ঘৃণা করে ছোঁয় না আমায় রসিক দোকানদারে...

জগন্নাথবাবু এদিকে পিটারকে মন্দিরের গায়ের কারুকার্য বোঝাচ্ছে। আমিও কাছে গিয়ে অবাক হয়ে দেখলাম যে রামায়ণ-মহাভারতের অনেক দৃশ্য মন্দিরের গায়ে খোদাই করা রয়েছে।

টম একটু আগেও আমাদের পাশেই ছিল, এখন জানি না কোথায় চলে গেছে।

একটা সুযোগ পেয়ে ফেলুদা পিটারকে নিজের কাছে ডেকে নিয়ে একটা প্রশ্ন করল, যেটা আমার মাথায়ও ঘুরছিল।

‘তোমাদের দুজনের বন্ধুত্বে কি একটু চিড় ধরেছে ? টমের কথাবার্তা হাবভাব কাল থেকেই আমার ভাল লাগছে না। তুমি ওর উপর কতখানি বিশ্বাস রাখ ?’

পিটার বলল, ‘আমরা একই স্কুলে একই কলেজে পড়েছি। ওর সঙ্গে আমার বন্ধুত্ব বাইশ বছরের। কিন্তু ভারতবর্ষে আসার পর থেকে ওকে যেমন দেখছি তেমন আর আগে কখনও দেখিনি। ওর মধ্যে কতকগুলো পরিবর্তন দেখছি। এক এক সময় মনে হয় ওর ধারণা বিশিশ্রা এখনও বুঝি ভারতীয়দের শাসন করে। তা ছাড়া ওদেশে থাকতে রুবিটা ভারতবর্ষে ফেরত দেবার ব্যাপারে ও কোনও আপস্তি করেনি। এখন মনে হচ্ছে ওটা বিক্রি করতে পারলে ও আরও খুশি হয়।’

‘ওর কি খুব টাকার দরকার ?’

‘ও সারা পৃথিবী ঘুরে ছবি তুলতে চায়—বিশেষ করে যেসব দেশে দারিদ্র্যের চেহারাটা খুব প্রকট। এতে যা খরচ হবে সে টাকা ওর কাছে নেই। তবে রুবিটা বিক্রি করলে যা টাকা পাওয়া যাবে তাতে আমাদের দুজনের খরচ কুলিয়ে যাবে।’

‘ও যদি তোমাকে না জানিয়ে পাথরটা পাচার করে ?’

‘সেরকম বিশ্বাসঘাতকতা ও করবে বলে মনে হয় না। আমি ওকে মাঝে মাঝে শাসন করতে শুরু করেছি। মনে হয় তাতে কাজ দেবে।’

ফেলুদা এদিক ওদিক দেখে বলল, ‘ও কোথায় গেছে বলতে পারো ?’

‘তা তো জানি না। আমাকে বলে যায়নি।’

‘আমার একটা সন্দেহ হচ্ছে।’

‘কী ?’

‘দক্ষিণ দিকে নদীর পাড় থেকে ধোঁয়া উঠছে দেখে বুঝতে পারছি ওখানে শাশান আছে। ও আবার তার ছবি তুলতে যায়নি তো ? একবার গিয়ে দেখা দরকার।’

লালমোহনবাবু কাছেই একটা দোকানের সামনে দাঁড়িয়েছিলেন। আমরা তাঁকে ডেকে নিয়ে ধোঁয়ার দিকে রওনা দিলাম।

বাউলের দল পেরিয়ে নদীর পাড়। সেখান থেকে জমিটা ঢালু হয়ে গিয়ে জলে মিশেছে।

ওই যে শ্রান্তি। একটা মড়া পুড়েছে, আরেকটা চিতায় শুইয়ে তার উপর কাঠ চাপানো হচ্ছে।

‘ওই তো টম! ’ পিটার চেঁচিয়ে উঠল।

আমিও দেখলাম টমকে। সে ক্যামেরা হাতে যে মড়াটায় কাঠ চাপানো হচ্ছিল তার ছবি তোলার তোড়জোড় করছে।

‘হি ইজ ডুইং সামথিং ভেরি ফুলিশ’, বলল ফেলুদা।

কথাটা বলার সঙ্গে সঙ্গেই সেটা যে সত্তি সেটা প্রমাণ হয়ে গেল। মড়ার কাছেই গোটা চারেক মাস্তান টাইপের ছেলে বসেছিল। টম সবে ক্যামেরাটা চেখের সামনে ধরেছে আর সেই সময় একটা মাস্তান টমের দিকে দ্রুত এগিয়ে গিয়ে ক্যামেরাটায় মারল একটা চাপড়, আর যত্রটা টমের হাত থেকে ছিটকে গিয়ে বালির ওপর পড়ল।

আর টম? সে বিদ্যুবেগে তার ডান হাত দিয়ে মাস্তানের নাকে মারল এক ঘুঁষি। মাস্তানটা হাত দিয়ে মুখ চেপে মাটিতে বসে পড়ল। হাত সরাতে দেখি ওর নাক দিয়ে রক্ত পড়েছে।

ফেলুদা আর এক মুহূর্ত অপেক্ষা না করে উর্ধ্বর্ষাসে গিয়ে মাস্তানদের সামনে হাত তুলে দাঁড়াল, তার পিছনেই টম।

ফেলুদা এবার মুখ খুলল। যতটা সন্তুষ্ট নরম করে সে কথাগুলো বলল।

‘আপনারা এইবারের মতো এই সাহেবকে মাপ করে দিন। উনি নতুন এসেছেন, কোথায় কী করতে হয় না-হয় সে বিষয়ে এখনও ধারণা নেই। মৃতদেহের ছবি তুলে উনি খুবই অন্যায় কাজ করেছেন। সেটা আমি ওঁকে বুঝিয়ে বলছি। আপনারা এইবারের মতো ওঁকে মাপ করে দিন।’

অবাক হয়ে দেখলাম একজন মাস্তান এগিয়ে এসে টিপ করে ফেলুদাকে একটা প্রণাম করে বলল, ‘আপনি স্যার ফেলুদা নন? একেবারে সেই মুখ, সেই ফিগার! ’

‘হ্যাঁ। আমি স্বীকার করছি আমি ফেলু মিস্ত্রি। এই সাহেব আমাদের বন্ধু। আপনারা দয়া করে এঁকে রেহাই দিন।’

‘ঠিক আছে স্যার, ঠিক আছে, কেমন যেন মন্ত্রমুক্তির মতো বলল মাস্তানের দল। আমি বুঝলাম ফেলুদাকে চিনে ফেললে ফল যে সব সময় খারাপ হয় তা মোটেই না।’

কিন্তু যে মাস্তান ঘুঁষি খেয়েছিল সে এ পর্যন্ত কথা বলেনি, এবার বলল—‘আমি এর বদলা নেব, মনে রেখো সাহেব—চাঁদু মল্লিকের কথা নড়চড় হয় না।’

আমরা ফিরতি পথ ধরলাম। বালির উপর পড়তে টমের ক্যামেরার কোনও ক্ষতি হয়নি। তবে ও দেখলাম বেশ হকচিয়ে গেছে। আশা করি এবার থেকে ও একটু সাবধান হবে।

আমাদের মেলা দেখার শখ মিটে গিয়েছিল, তাই আমরা বোলপুরমুখো রওনা দিলাম।

• বোলপুরে ফিরে লাঞ্ছ খেয়ে লাউঞ্জে এসে বসতেই দেখি চৌবে হাজির।

‘আপনাদের খবর নিতে এলাম’, বললেন চৌবে। পুলিশের চোখ, তাই বললেন, ‘দেখে মনে হচ্ছে কোথাও যেন একটা গোলমাল হয়েছে?’

‘বিস্তর গোলমাল’, বলল ফেলুদা। তারপর শ্রান্তের ঘটনাটা বর্ণনা করে বলল, ‘চাঁদু মল্লিক নামটা কি চেনা চেনা মনে হচ্ছে?’

‘বিলক্ষণ চেনা’, বললেন চৌবে। ‘হেতমপুরে থাকে, নাম-করা গুণ। বার তিনেক



জেলেও গেছে। ও যদি বদলা নেবার কথা বলে থাকে তো সেটা হেসে উড়িয়ে দেওয়া চলবে না।'

ইতিমধ্যে টম ঘরে চলে গিয়েছিল। পিটার বসেছিল আমাদের সঙ্গে। চৌবে ইঁরিজিতে বললেন, 'শুধু একটিমাত্র লোক এই অবস্থার পরিবর্তন ঘটাতে পারেন। তিনি হলেন পিটার রবার্টসন। মিঃ রবার্টসন— প্রিজ কন্ট্রোল ইওর ফ্রেন্ড'স টেমপার। ভারতবর্ষ পঁয়তালিশ বছর হল স্বাধীন হয়েছে। তাদের প্রাক্তন মনিবদ্দের কাছ থেকে এ রকম ব্যবহার আজ আর কোনও ভারতীয় বরদাস্ত করতে পারবে না।'

'সেটা তুমই ওকে বলো', বলল পিটার। 'আমার মাথায় সমস্ত ওলট-পালট হয়ে গেছে। আমি এই টমকে আর তিনি না। তার সঙ্গে কথা বলতে হয় তুমি বলো। বলে যদি কিছু ফল হয় তা হলে আমাদের এখানে আসাটা সার্থক হবে।'

'ঠিক আছে। আমিই বলছি। কিন্তু পাথরটা কি আপনার বন্ধুর কাছেই থাকবে? সেটা

কি আপনার নিজের জিম্মায় রাখা চলে না ?'

'আমার অস্ত্র ভুলো মন, জানেন মিৎ চৌবে। পাথরটা মনে হয় ওর কাছেই নিরাপদে আছে। আর ও যদি পাথরটাকে পাচার করতে চায় তা হলে সেটা ও আমাকে না জানিয়ে করবে বলে মনে হয় না।'

আমরা উঠে পড়লাম। সবাই মিলে গিয়ে চুকলাম দশ নম্বর ঘরে।

একটা চেয়ারে মাথা নিচু করে বসে আছে টম ম্যাক্সওয়েল, তার ঠেঁটি থেকে ঝুলছে একটা আধ-খাওয়া সিগারেট। ঘরের দরজা খেলাই ছিল, আমরা চুক্তে সে মুখ তুলে চাইল, কিন্তু উঠে দাঁড়াল না। মিৎ চৌবে গিয়ে তার পাশের চেয়ারটায় বসলেন, আমরা বাকি ক'জন দু খাটে ভাগাভাগি করে বসলাম।

'আর ইউ ট্রাইং টু পুট প্রেশার অন মি ?' জিঞ্জেস করল টম ম্যাক্সওয়েল।

'নো', বললেন চৌবে, 'উই হ্যাভ নট কাম টু প্লিড উইথ ইউ। তোমাকে সনির্বন্ধ অনুরোধ জানাতে এসেছি।'

'কী অনুরোধ ?'

'ভারতীয়দের প্রতি তোমার যতই বিদ্রোহ থাক না কেন, সেটা বাইরে প্রকাশ কোরো না।'

'আমি তো তোমার কথা মতো চলব না। আমার নিজের বিচারবুদ্ধি যা বলে আমি তাই করব। আমি এই দুই দিনেই দেখতে পাচ্ছি তোমাদের দেশ কোথায় পিছিয়ে পড়ে আছে। এই পঁয়তাঙ্গিশ বছরে তোমরা এক চুলও অগ্রসর হওনি। এখনও তোমরা হাল বলদ দিয়ে চাষ কর, কলকাতার মতো শহরে মানুষ দিয়ে রিকশা টানাও, ফুটপাথে লোকে শুয়ে থাকে সপরিবারে—এ সব কি সভ্যতার লক্ষণ ? তোমরা এ সব গোপন রাখতে চাও বিশ্বের লোকেদের কাছ থেকে। আমি তা মানব না। আমি ছবি তুলে দেখিয়ে দেব স্বাধীন ভারতবর্ষের আসল চেহারা।'

'শুধু এই কটা দিক দেখলে চলবে না, টম ম্যাক্সওয়েল। অন্য কত দিকে আমাদের দেশ এগিয়েছে সেটা তুমি দেখবে না ? আমরা মহাকাশে যান পাঠিয়েছি। আমাদের দেশে দৈনিক ব্যবহারের কতরকম জিনিস তৈরি হয়েছে সেটা তুমি নিশ্চয়ই দেখেছ ? জামা-কাপড়, ওষুধপত্র, প্রসাধনের জিনিস, ইলেক্ট্রনিক যন্ত্রপাতি—কোনটা না তৈরি হচ্ছে ভারতবর্ষে ! শুধু অভাবটাই তুমি দেখবে ? তোমাদের দেশে কি নিন্দনীয় কিছু নেই ?'

'দুটোর তুলনা কোরো না। ইন্ডিয়ার স্বাধীনতা একটা ভাঁওতা। সেটা আমি আমার ক্যামেরা দিয়ে প্রমাণ করতে চাই। আজ থেকে পঞ্চাশ বছর আগে আমাদের পূর্বপুরুষেরা তোমাদের উপর যেমন কর্তৃত করে এসেছে, এখনও সেটার দরকার। না হলে এ দেশের কোনও উন্নতি হবে না। মাই প্রেট প্রেট গ্র্যান্ডফাদার ওয়জ রাইট !'

'মানে ?'

'তিনি ছিলেন নীল কুঠির মালিক। হি কিক্কড় ওয়ন অফ হিজ সার্টেন্টস টু ডেথ।'

'সে কী !'

'ইয়েস স্যার ! হিজ পাংখা-পুলার। এখন তো তবু শীতকাল, গরমে তোমাদের দেশের আবহাওয়া কী বীভৎস হয় তা আমি শুনেছি। সেই গরমকালে রাত্রে আমার পূর্বপুরুষ রেজিন্যাল্ড ম্যাক্সওয়েল ঘুমোচ্ছিলেন তাঁর বাংলোয়। পাংখাওয়ালা পাংখা টানছিল। টানতে টানতে সে ঘুমিয়ে পড়ে। ঘাম এবং অজস্র মশার কামড়ের চোটে রেজিন্যাল্ড ম্যাক্সওয়েলের ঘুম ভেঙে যায়। তিনি আন্দাজ করেন ব্যাপারটা কী। বাইরে এসে দেখেন পাংখাপুলার মুখ হাঁ করে ঘুমোচ্ছে। রেজিন্যাল্ড প্রচণ্ড রাগে তার চাকরের পেটে কষে লাথি মারতে থাকেন। তাতে চাকরের ঘুম চিরনিদ্রায় পরিণত হয়। এই হচ্ছে রাইট ট্রিটমেন্ট। তোমরা কী

বিশ্বীভাবে মড়া পোড়াও আজ তার ছবি তুলতে গিয়েছিলাম। এ দৃশ্য আমাদের দেশে কেউ দেখেনি—আমি তাদের দেখাতে চেয়েছিলাম। তবে স্থানীয় কয়েকজন হড়লামস্ আমাকে শাসাতে আসে। আমি ঘুঁষি মেরে তাদের একজনের নাক ফাটিয়ে দিই। হি ডিজার্ভড় ইট। এ ব্যাপারে আমার বিন্দুমাত্র আপশোস নেই।’

চৌবে একটুক্ষণ চুপ করে থেকে বলল, ‘মিস্টার ম্যাক্সওয়েল, আমি শুধু এইটুকুই বলতে চাই যে দ্য সুনার ইউ লিভ আওয়ার কান্ট্রি দ্য বেটার। তুমি থাকলে শুধু দেশের অঙ্গস্ত নয়, তোমার নিজেরও যে অঙ্গস্ত হতে পারে সেটা আশা করি বুঝতে পেরেছ।’

‘আমি এ দেশে এসেছি ছবি তুলতে। সে কাজ শেষ করে তবে আমি ফিরব।’

‘তোমাদের আসার আসল উদ্দেশ্য তো হল রবার্টসনের কুবিটা ফেরত দেওয়া।’

‘সেটা পিটারের উদ্দেশ্য—অ্যান্ড আই থিক্স হি ইজ বিইং ভেরি স্টুপিড। ও যদি পাথরটা বেচে দেয় তা হলে আমি আরও অনেক বেশি খুশি হব।’

৬

রাত্রে ডিনার সেরে ঘরে বসে আড়া মারছি, ফেলুদা সবে একটা চারমিনার ধরিয়েছে, এমন সময় লালমোহনবাবু হঠাৎ ব্যস্ত হয়ে উঠে পড়লেন।

‘এত তাড়া কীসের?’ জিজ্ঞেস করল ফেলুদা।

‘আরে মশাই, শতদল একটা বই পড়তে দিয়েছে না— সেটা ছাড়তে পারছি না। টম ম্যাক্সওয়েল যে পাঁখা-পুলারকে জুতিয়ে মারার গাঁপ বলল, সেই ঘটনা এই বইতে রয়েছে।’

‘বটে?’

‘বইটার নাম লাইফ অ্যান্ড ওয়ার্ক ইন বীরভূম ; লিখেছেন এক পাত্রি, নাম রেভারেন্ড প্রিচার্ড। গত সেগুন্নির শেষের দিকের ঘটনা। রেজিন্যাল্ড ম্যাক্সওয়েল তার চাকরকে খুন করে কিন্তু সেই খুনের জন্য কোনও শাস্তি তাকে কোনওদিন ভোগ করতে হয়নি। এই চাকরের নাম ছিল হীরালাল।

‘মারা যাওয়াতে তার ছেলে অনাথ হয়ে পড়ে। এই পাত্রি তখন ছিলেন শিউডিতে। তিনি খুনের খবরটা পেয়ে ম্যাক্সওয়েলের নীলকুঠিতে যান। স্থানে এগারো বছরের অনাথ অনন্ত নারায়ণকে দেখে ভারী দুঃখ পান। তখনই ছেলেটির ভরণপোষণের ভার গ্রহণ করেন। তারপর ছেলেটিকে ক্রিশন করে একটি মিশনারি স্কুলে ভর্তি করেন। এই পর্যন্ত পড়েছি মশাই। সেই ছেলেটির কী হল জানার জন্য প্রাণটা আঁকুপাঁকু করছে, সো প্রিজ এক্সকিউজ—’

দরজায় টোকা। খুলে দেখি পিটার রবার্টসন।

‘মে আই কাম ইন?’

‘নিশ্চয়ই, নিশ্চয়ই।’

ফেলুদা উঠে দাঁড়াল। লালমোহনবাবু আবার বসে পড়লেন। পিটারকে গঙ্গীর দেখাচ্ছে ; কিছু একটা ঘটেছে নিশ্চয়ই।

‘কী ব্যাপার পিটার?’ ফেলুদা জিজ্ঞেস করল।

‘আই হ্যাভ ডিসাইডেড টু সেল দ্য রংবি।’

‘সে কী ! বসো, বসো— বসে কথা বলো।’

পিটার বসল। তারপর বলল, ‘এই দূর দেশে এসে বন্ধু-বিচ্ছেদের কথা ভেবে মনটা বড় উদ্বিগ্ন হয়ে উঠল। টম বদ্ধপরিকর যে পাথরটা বেচে যা টাকা আসবে তাই দিয়ে পৃথিবী

অমণে বেরোবে। এই ধারণাটা ওকে একেবারে নেশার মতো পেয়ে বসেছে। আর আমিও ভেবে দেখলাম— মিউজিয়ামে দিলে কজনে আর পাথরটার কথা জানতে পারবে? তাই অনেক ভেবে-চিষ্টে...অবশ্যে...

ফেলুদা গভীর। বলল, ‘তোমাদের সিদ্ধান্ত আমি নাকচ করার কে? তবে অনেক আশা করেছিলাম যে তোমার সিদ্ধান্তই কায়েমি থাকবে। এখন দেখছি তা নয়।’

লালমোহনবাবু বললেন, ‘কবে বিক্রি করার কথা ভাবছ তুমি?’

‘প্রথম অফার যখন ঢানটানিয়ার তখন ওকেই দেব ভাবছি। ওর সঙ্গে টেলিফোনেও কথা হয়ে গেছে। পরশু সকাল দশটায় টাইম দিয়েছে।’

‘একটা ঐতিহাসিক ঘটনা ঘটবে বলেছিলে, এখন সেটা একটা মামুলি ঘটনায় পর্যবসিত হল,’ দীর্ঘশ্বাস ফেলে বলল ফেলুদা।

‘আই অ্যাম ভেরি সরি।’

পিটার চলে গেল। রবার্টসনের কবির সঙ্গে ব্যবসার ব্যাপারটা জড়িয়ে জিনিসটা কেমন জানি জোলো হয়ে গেল।

আমরা আগে থেকেই ঠিক করে রেখেছিলাম যে পরদিন সকালে গিয়ে বক্রেশ্বরটা দেখে আসব। ব্রেকফাস্ট খাবার দশ মিনিটের মধ্যে মিঃ নক্স তাঁর গাড়িতে এসে ট্যুরিস্ট লজের রিসেপশন বিল্ডিংটার সামনে হাজির হলেন।

‘গুড মর্নিং।’

আমরা লাউঞ্জে দাঁড়িয়েছিলাম, সকালেই গুড মর্নিং বললাম।

‘আজ ফুলবেড়ে গ্রামে চাঁদনি রাতে জবর সাঁওতাল নাচের বন্দোবস্ত হয়েছে।’

‘হঠাৎ?’ ফেলুদা জিজেস করল।

‘একদল জাপানি ট্যুরিস্ট এসেছে। তাদের জন্য ব্যবস্থা করা হয়েছে। আমি এসেছি আপনাদের আমার ওখানে ইনভাইট করতে। রাত্রে ডিনার। তারপর দশটা নাগাদ দু মাইল দূরে সাঁওতাল গ্রামে গিয়ে নাচ দেখা। কেমন?’

ফেলুদা বলল, ‘ইনভাইট করছেন মানে সবাইকে?’

‘এভরিওয়ান। আপনারা তিনজন এবং সাহেব দুজন।’

‘থ্যাক্ষ ইউ ভেরি মাচ,’ বলল ফেলুদা। ‘কটায় আসব?’

‘এই আটটা নাগাদ। আমি গাড়ি পাঠিয়ে দেব কি?’

‘না না,’ বলল ফেলুদা। ‘আমরা তো ড্রাইভার নিয়ে সবসুন্দ ছ’জন—কোনও অসুবিধা হবে না।’

‘ভেরি ওয়েল। গুড ডে।’

বক্রেশ্বর গিয়ে মনে হল সেই কোন আদ্যিকালে এসে পড়েছি। সামনে সাবি সাবি মন্দির, পিছনে জঙ্গল। তার মধ্যে বটগাছই বেশি। কোনও কোনও বটগাছ থেকে ঝুরি নেমে এসে মন্দিরকে আঁকড়ে ধরেছে। এতগুলো মন্দির আর এতগুলো কুণ্ড, জগন্নাথবাবু দেখলাম সবগুলোর নাম জানেন। লালমোহনবাবু পুজো দিলেন। কারণ বললেন, ‘না দিলে নিজেকে বড় বে-ধার্মিক মনে হচ্ছে।’ দুজন সাহেবের একজন—পিটার রবার্টসন—সুইমিং ট্রাকস্‌ পরে সৌভাগ্য কুণ্ডে সাঁতার কাটল। কুণ্ডের নামের মানেটা আগেই জেনে নিয়েছিল। তাই বলল, ‘দিস উইল ব্রিং মি গুড লাক।’ মন্দিরের আগেই ভিথুরির দল। তাই টম ম্যাঙ্গওয়েলের ফোটোজেনিক বিষয়ের অভাব ঘটেনি।

লজে ফিরে আসার আধ ঘণ্টার মধ্যেই ফেলুদার একটা ফোন এল। ইন্সপেক্টর চৌবে।

জিজ্ঞেস করল আমরা সাঁওতাল নাচের খবরটা পেয়েছি কি না। ফেলুদা অবিশ্য নক্ষরের বাড়িতে ডিনারের খবরটাও দিয়ে দিল। বলল, সেখান থেকে আমরা নাচ দেখতে যাব। চোবে বললেন তিনিও সাড়ে দশটা নাগাদ যাবেন, কাজেই ওখানেই আমাদের সঙ্গে দেখা হবে।

মিঃ নক্ষর ভালুকম ডিরেকশন দিয়ে দিয়েছিলেন। তাই ওঁর বাড়ি পেতে দেরি হল না। বেশ বড় দোতলা বাড়ি, সামনে ফুলের বাগান, গেট দিয়ে গাড়ি চুকে পোর্টিকোর নীচে থামল।

নক্ষর আমাদের জন্যে অপেক্ষাই করছিলেন, আমরা গাড়ি থেকে নামতে আমাদের আপ্যায়ন করে ভিতরে নিয়ে গেলেন। একটা সুসজ্জিত বৈঠকখানায় গিয়ে আমরা কজন বসলাম। সাহেবদের জন্য ইংরিজিতেই কথাবার্তা হল।

‘একা মানুষের পক্ষে তো আপনার বিরাট বাড়ি দেখছি, বলল ফেলুদা।

‘একা বটেই, তবে আমার বন্ধু-বান্ধব অনেক। তাদের চার-পাঁচজনকে ধরে নিয়ে প্রায়ই এখানে ছুটি কাটিয়ে যাই।’

নক্ষর আর দুই সাহেবের জন্য হইস্কি এল, আর আমরা ও রসে বঞ্চিত জেনে আমাদের জন্য লিমকা।

লালমোহনবাবুর দিকে দৃষ্টি দিয়ে হঠাতে নক্ষর বললেন, ‘আপনার বন্ধু যে গোয়েন্দা সে আমি নাম শুনেই বুবোছি। কিন্তু আপনার সঠিক পরিচয়টা পাওয়া যায়নি। এখন জিজ্ঞেস করতে পারি কি?’

উত্তর দিল ফেলুদা।

‘ওর আসল নামটা অনেকেই জানে না। উনি ছানামে খিলার লেখেন। সেই নামটা হল জটায়ু। জনপ্রিয়তায় উনি নামার ওয়াল বললে বেশি বলা হবে না।’

‘ঠিক, ঠিক—আমি পড়েছি আপনার লেখা। “সাংঘাইয়ে সংঘাত”—কেমন, ঠিক বলিনি?’

লালমোহনবাবু একটা বিনয়ী হাসি হাসলেন।

‘আমি সিরিয়াস বই একদম পড়তে পারি না,’ বললেন নক্ষর। ‘বিলিতি ক্রাইম ফিকশন পড়ি আর মাঝে মাঝে দু-একটা দিশিও চেষ্টে দেখি। এখন কী লিখছেন?’

‘আপাতত রেন্ট। গত পুজোয় একটা বেরিয়েছে। নাম শুনে থাকতে পারেন— লভনে লঙ্ঘভঙ্গ।’

‘এটাও কি হিট?’

‘সাড়ে চার হাজার কপি নিঃশেষ—হেং হেং।’

মিঃ নক্ষর আসল প্রসঙ্গে যেতে বেশি সময় নিলেন না। পিটারের দিকে ফিরে বললেন, ‘আমার প্রস্তাবটা নিয়ে কি আপনি কিছু ভেবেছেন?’

‘আমি পাথরটা বিক্রি করে দিচ্ছি।’ বলল পিটার।

‘দ্যাটস্ এক্সেলেন্ট।’

‘কিন্তু আপনাকে না।’

‘চানচানিয়া?’

‘হ্যাঁ। উনিই প্রথম অফার দিয়েছিলেন তাই...’

‘নো, মিঃ রবার্টসন, আপনি ওটা আমাকেই বিক্রি করবেন।’

‘সে কী করে হয়? আই হ্যাভ সেট-আপ মাই মাইন্ড।’

‘কী করে হয় আমি বুবিয়ে দিচ্ছি। কারণটা আমি একজন নিরপেক্ষ ব্যক্তির মুখ দিয়ে

শুনিয়ে দিচ্ছি। —মিঃ গাঙ্গুলী !

‘আগ-গেঁ ?’

ডাকটা এত অপ্রত্যাশিত যে লালমোহনবাবুর গলা চিরে দু-ভাগ হয়ে গেল।

‘আপনি কাইভলি যদি এই কার্পেটের সামনেটায় এসে দাঁড়ান !’

‘আ-আমি ?’

‘আপনিই সবচেয়ে নিরপেক্ষ এবং সবচেয়ে অমায়িক। আপনি তয় পাবেন না। আপনার বিন্দুমাত্র ক্ষতি হবে না। আমার একটা বিশেষ ক্ষমতার কথা আপনাদের বলা হয়নি। আমি সকলকে হিপনোটাইজ করতে পারি। সেই অবস্থায় তাদের নানারকম প্রশ্ন করে সঠিক জবাব পেতে পারি। হিপনোটাইজ্ড ব্যক্তি কখনও মিথ্যা বলে না। কারণ সেই ক্ষমতাটা তাদের সাময়িকভাবে লোপ পেয়ে যায়। সেই জায়গায় নতুন ক্ষমতা আসে। সেটা পরিচয় আপনার এখনই পাবেন।’

ব্যাপারটা এত দ্রুত ঘটে গেল যে লালমোহনবাবু আপত্তি করার কোনও সুযোগই পেলেন না। ফেলুদাও দেখলাম নির্বিকার। আসলে লালমোহনবাবুকে নিয়ে কেউ রগড় করলে ও সেটা বেশ উপভোগ করে।

নক্ষ উঠে গিয়ে লালমোহনবাবুর কাঁধ ধরে তাঁকে একরকম টেনে এনেই ঘরের মাঝখানে দাঁড় করালেন। তারপর নিজেই গিয়ে ঘরের বাতিগুলো নিভিয়ে দিয়ে পকেট থেকে একটা ছেট্টা লাল টর্চ বার করে সেটা জালিয়ে জটায়ুর চোখের উপর ফেলে আলোটাকে ঘোরাতে শুরু করলেন। সেই সঙ্গে তার কথাও শুরু হল।

‘আপনি সম্পূর্ণ আমার উপর নির্ভর করুন, আমার উপর নির্ভর করুন। আপনার নিজের সন্তা লোপ পেতে বসেছে, সেই জায়গায় আসছে একটি অলৌকিক শক্তিসম্পন্ন বিজ্ঞ মানুষ। …ইয়েস…ইয়েস…ইয়েস…ইয়েস…’

স্পষ্ট দেখতে পাচ্ছি লালমোহনবাবুর দৃষ্টি ঘোলাটে হয়ে আসছে, তাঁর মুখ হাঁ হয়ে আসছে। তিনি স্টান চেয়ে আছেন নক্ষরের দিকে।

এবার টর্চ ঘোরানো থামল, কিন্তু নক্ষ সেটা লালমোহনবাবুর মুখের উপর ফেলে রাখলেন। তারপর এল প্রথম প্রশ্ন।

‘আপনার নাম কী ?’

‘শ্রী সর্বজ্ঞ গঙ্গোপাধ্যায়, ওরফে লালমোহন, ওরফে জটায়ু।’

লালমোহনবাবুর এ নাম আমি কখনও শুনিনি।

‘এ ঘরে কেজন উপস্থিত আছে ?’

‘ছয় জন।’

‘তাদের সবাই কি বাঙালি ?’

‘দুজন সাহেব।’

‘তাদের নাম কী ?’

‘পিটার রবার্টসন আর টম ম্যাক্সওয়েল।’

‘তাঁরা কোথেকে আসছেন ?’


‘ল্যাক্সিয়ার, ইংল্যান্ড।’

‘ঠিকের বয়স কত ?’

‘পিটার চৌত্রিশ বছর তিন মাস, টম তেত্রিশ বছর নয় মাস।’

‘ঠিকের ভারতবর্ষে আসার উদ্দেশ্য কী ?’

‘পিটারের উদ্দেশ্য রবার্টসনের রুবি ফেরত দেওয়া।’



‘সে রুবি কার কাছে আছে ?’
 ‘টম ম্যাক্সওয়েল ।’
 ‘এই রুবির ভবিষ্যৎ কী ?’
 ‘ওটা বিক্রি হবে ।’
 ‘সেটা কি গণেশ ঢানচানিয়া কিনবে ?’
 ‘না ।’
 ‘কিন্তু উনি তো দর দিয়েছেন ?’
 ‘এবার দশ লাখ নেমে হবে সাড়ে সাত ।’
 ‘তার মানে পিটার বিক্রি করবে না ?’
 ‘না ।’
 ‘তা হলে ?’
 ‘ওটা অন্য একজন কিনবেন ?’
 ‘কে ?’
 ‘অর্ধেন্দু নন্দন ।’
 ‘কত দাম ?’
 ‘বারো লাখ ।’
 ‘থ্যাক্স ইউ, স্যার ।’
 এবার নন্দন লালমোহনবাবুর কাঁধ ধরে ঝাঁকানি দিতেই তিনি ধড়মড়িয়ে স্বাভাবিক অবস্থায় ফিরে এলেন ।
 ‘ওয়েল মিস্টার রবার্টসন ?’
 নন্দন পিটারের দিকে চেয়ে প্রশ্নটা করলেন ।
 ‘দ্যাট ওয়জ মোস্ট ইমপ্রেসিভ ।’
 ‘এখন বিশ্বাস হল ?’
 ‘আই ডোস্ট নো হোয়াট টু থিক্স ।’
 ‘তোমাকে ভাবতে হবে না । তাড়া নেই । তুমি ঢানচানিয়ার সঙ্গে কাল দেখা করো ।
 সাড়ে সাত লাখে তোমার রুবি বিক্রি করতে চাও তো পার । তা না হলে আমার বারো
 লাখের অফার তো রয়েইছে ।’
 চাকর এসে খবর দিল ডিনার রেডি ।
 আমরা সকলে উঠে ডাইনিং রুমের উদ্দেশে রওনা দিলাম ।

৭

ষোড়শোপচারে ডিনার সেরে আমরা সোয়া দশটা নাগাত ফুলবেড়িয়া গ্রামে হাজির হলাম । পূর্ণিমা রাত, তা ছাড়া এখানে ওখানে মশাল জুলছে, তাই দেখার কোনও অসুবিধা নেই । গ্রামের একপাশে একটা মাঠ, সেখানেই লোকের ভিড় । এরা সাঁওতাল নয়—
 বেশির ভাগই শহরের লোক, নাচ দেখতে এসেছে । তাদের মধ্যে মেয়ে-পুরুষ দুইই
 রয়েছে ।

ভিডের মধ্যে থেকে দেখি ইস্পেন্টের চৌবে বেরিয়ে এলেন ।
 ‘শুধু আমি নয়,’ বললেন চৌবে, ‘আপনাদের অনেক পরিচিত ব্যক্তিই এখানে উপস্থিত ।’
 ‘কী রকম ?’ জিজ্ঞেস করল ফেলুদা ।

‘কিশোরীলাল আর চাঁদু মন্ত্রিককেও দেখলাম। সেই বীরভূম বিশেষজ্ঞ ব্যক্তিও রয়েছেন।’

‘সে তো ভাল কথা। নাচটা আরম্ভ হবে কখন?’

‘সব লাইন করে দাঁড়িয়ে পড়েছে তো। যে কোনও মহুত্তেই শুরু হবে।’

পিটারকে দেখে ফেলুন্দা এগিয়ে গিয়ে বলল, ‘কাছাকাছির মধ্যে থেকো, না হলে ফেরার সময় খুঁজে বার করা মুশকিল হবে।’

টম ম্যাক্সওয়েল ক্যামেরা বার করে তাতে ফ্ল্যাশ লাগাচ্ছে। নস্করকে দেখলাম তিনিও একটা ছেটখাটো ফ্ল্যাশ ক্যামেরা নিয়ে রেতি। তিনি টমের দিকে এগিয়ে গিয়ে ফোটোগ্রাফি সম্বন্ধে আলোচনা শুরু করলেন। আমি কাছেই ছিলাম, তাই কথাগুলো শুনতে পাচ্ছিলাম। নস্কর জিজ্ঞেস করলেন, ‘তোমার কি স্টুডিয়ো আছে?’

‘না’, বলল টম ম্যাক্সওয়েল। ‘আমি স্টুডিয়ো ফোটোগ্রাফার নই। আমি দেশ-বিদেশে ঘুরে ঘুরে ছবি তুলি। ফ্রি লাঙ। আমার ছবি বহু পত্র-পত্রিকায় বেরিয়েছে। ভারতবর্ষে যা ছবি তুলব তা ন্যাশনাল জিওগ্রাফিক ম্যাগাজিন নেবে বলেছে। তারাই আমার খরচ বহন করছে।’

মাদলে চাঁচি পড়ল। টমের সঙ্গে আমরাও নাচের দলের দিকে এগিয়ে গোলাম।

নাচ শুরু হয়ে গেছে। জনা তিরিশেক সাজগোজ করা মেয়ে পরম্পরের হাত ধরে দুলতে শুরু করেছে। তিনটে মাদলের সঙ্গে তিনজন বংশীবাদক রয়েছে। মাদল যারা বাজাচ্ছে তাদের পায়ে ঘুঁঁতু।

লালমোহনবাবু আমার পাশে এসে ঘেঁষে দাঁড়িয়ে বললেন, ‘এখন আবার বাঁ চোখটা নাচছে। কপালে কী আছে কে জানে।’

‘হিপ্নোটাইজ্ড হয়ে শরীর খারাপ হয়নি তো?’

‘নাঃ। অস্তুত অভিজ্ঞতা, জানো ভাই তপেশ। কী যে করেছি আর কী যে বলেছি তার কিছু মনে নেই।’

এবার মশালের আলোয় হঠাতে চাঁদু মন্ত্রিককে দেখতে পেলাম বিড়ি ফুঁকছে। এক পা এক পা করে সে নাচের দলের দিকে এগোচ্ছে।

না, নাচের দিকে নয়, টমের দিকে।

আমি লালমোহনবাবুকে ফিসফিসিয়ে বললাম, ‘ওকে চোখে চোখে রাখা দরকার।’

‘যা বলেছে।’

টম কিন্তু এক জায়গায় দাঁড়িয়ে নেই। সে এবার পিছন দিকে চলে গেল, বোধহয় নতুন দৃষ্টিকোণ খোঁজবার জন্য। সব ফোটোগ্রাফারই কি এই রকম ছটফটে হয়?

চাঁদু মন্ত্রিক একটা জায়গায় এসে দাঁড়িয়েছে, তার দু হাত সরু প্যান্টের পকেটে গৌঁজা।

ক্রমে আমাদের দলের লোকেরা ছাড়িয়ে ছিটিয়ে পড়ল। লালমোহনবাবু অবশ্য আমার পাশ ছাড়েননি। আমি বাকি সকলের উপর দৃষ্টি রাখতে চেষ্টা করছিলাম, কারণ ফেরার সময় সকলকে এক জায়গায় জড়ো হতে হবে। ওই যে ফেলুন্দা, টোবেকে একটু আগে ওর পাশে দেখেছিলাম, এখন আবার নেই। ওই যে নস্কর—ওঁর ফ্ল্যাশ জুলে উঠল। অলস ছন্দে নাচ হয়ে চলেছে।

ওই কিশোরীলাল। সে পিটারের দিকে এগোচ্ছে। ওদের মধ্যে কিছু কথা হয় কি না জানবার জন্য আমি জটায়ুকে ছেড়ে ওদের দিকে এগিয়ে গোলাম।

কিশোরীলাল পিটারকে সামনে পেয়ে বলল, ‘গুড ইভনিং।’

পিটার বলল, ‘কালকে আমাদের অ্যাপয়েন্টমেন্টটা ঠিক আছে তো?’



‘ইয়েস স্যার।’

‘আশা করি তোমার বাবা মত বদলাবেন না।’

‘নো স্যার। হি হ্যাজ মেড আপ হিজ মাইন্ড।’

‘ভেরি শুড়।’

কিশোরীলাল চলে গেল।

এবার জগন্নাথবাবুকে দেখলাম তাঁর জায়গা নিতে। পিটার ‘হ্যালো’ বলে বলল, ‘আমাকে এই নাচের ব্যাপারটা একটু বুঝিয়ে দেবে?’

‘স্টেন্টলি।’

জগন্নাথবাবু পিটারের পাশে ঘন হয়ে দাঁড়িয়ে কানের কাছে মুখ এনে নাচের ব্যাপারটা বোঝাতে আরম্ভ করল। আমি আর শুনতে না পেয়ে লালমোহনবাবুর দিকে এগিয়ে গেলাম।

এবার ফেলুদাকে দেখলাম একটা মশালের আলোয়। সে একটা চারমিনার ধরাল।

প্রথম নাচ শেষ হয়ে দ্বিতীয় নাচ শুরু হল। এর তাল একেবারে অন্য, আগেরটার চেয়ে অনেক দ্রুত। মেয়েরা একবার নিচু হচ্ছে প্রারম্পরের হাত ধরে, তার পরেই সোজা হয়ে উঠছে, তালে তালে, মাদল আর বাঁশির সঙ্গে। সেই সঙ্গে একটানা সুরে গান। ‘ভেরি এক্সাইটিং’ মন্তব্য করলেন জটায়ু।

আমাদের সামনে দিয়ে মিঃ নক্ষর ক্যামেরা নিয়ে বেরিয়ে গেলেন আমাদের দিকে একটা প্রশ্ন ছুঁড়ে দিয়ে—‘কেমন লাগছে?’

‘কী ব্যাপার? এমন জোর নাচ চলেছে আর আপনার কপালে খাঁজ?’

প্রশ্নটা জটায়ু করলেন আমাদের দিকে এগিয়ে আসা ফেলুদাকে।

‘ভুকুটির কারণ আছে। পরিবেশটা ভাল নয়, ভাল নয়। —ম্যাক্সওয়েলকে দেখেছিস, তোপসে?’

‘কিছুক্ষণ আগেও দেখেছি, কিন্তু এখন আর দেখছি না।’

‘ছেকরা গেল কোথায়?’ বলে আমাদের ছেড়ে ফেলুদ বাঁ দিকে এগিয়ে গেল।

লালমোহনবাবু বললেন, ‘তোমার দাদাকে হেল্প করবে? চলো আমরাও গিয়ে দেখি ম্যাক্সওয়েল গেল কোথায়।’

‘চলুন।’

লালমোহনবাবুর হাত ধরে এগিয়ে গেলাম নাচের দলের পিছন দিকটায়। চাঁদু মল্লিক। কিশোরীলাল। এক বালক এক বালক দেখছি একেকটা চেনা মুখ। কিন্তু টম কই?

ওই যে পিটার। সেও এক জায়গায় দাঁড়িয়ে ভুকুটি করে এদিক ওদিক দেখছে।

‘হ্যাত ইউ সিন টম?’

‘আমরাও ওকেই খুঁজছি।’

‘আই ডোট লাইক দিস অ্যাট অল।’

পিটার টমকে খুঁজতে ডাইনে চলে গেল। আমরা বাঁয়ে এগিয়ে গেলাম। নাচ এখন আরও দ্রুত, মাদল বেজে চলেছে। নাচের দল গাইছে, দুলছে আর ঘুরছে।

হঠাৎ ভিড়ের মধ্যে থেকে ফেলুদা বেরিয়ে এল।

‘চৌবেকে দেখেছিস?’

সে গভীরভাবে উদ্বিগ্ন।

উত্তরের অপেক্ষা না করেই সে এগিয়ে গেল। দুবার তাকে গলা তুলতে শুনলাম।

‘ইন্সপেক্টর চৌবে! ইন্সপেক্টর চৌবে!’

এক মিনিটের মধ্যে ফেলুদাকে আবার দেখলাম, সঙ্গে চৌবে। তারা দ্রুত এগিয়ে গেল ডান দিকে।

‘কী ব্যাপার?’ লালমোহনবাবু প্রশ্ন করলেন।

সংক্ষেপে ‘ম্যাক্সওয়েল’ বলে ফেলুদা আর চৌবে এগিয়ে গেল।

এবার আমরা ফেলুদা আর চৌবেকে অনুসরণ করে দোড় শুক্র করলাম।

একটা গাছের ধারে গিয়ে ফেলুদা থামল। হাত দশেক দূরে একটা মশাল জলছে। তার আলোয় দেখলাম ম্যাক্সওয়েল মাটিতে উপুড় হয়ে পড়ে আছে। তার পাশে ঘাসের উপর লুটোচ্ছ তার ব্যাগ আর ফ্ল্যাশসমেত ক্যামেরা।

‘ইজ হি ডেড?’ চৌবের প্রশ্ন।

‘না। অজ্ঞান। পালস আছে।’

চৌবের কাছে দেখলাম একটা ছোট্ট টর্চ রয়েছে। সেটা জালিয়ে টমের মুখের উপর ফেলতে টমের চোখের পাতাটা যেন নড়ে উঠল। ফেলুদা এবার টমের কাঁধ ধরে বাঁকুনি দিল।

‘ম্যাক্সওয়েল। টম।’

ঠিক সেই মুহূর্তে অঙ্ককার থেকে মশালের আলোয় ছুটে বেরিয়ে এল পিটার।

‘হোয়ার্টস দ্য ম্যাটার ইইথ হিম? ইজ হি ডেড?’

‘না। অজ্ঞান,’ বললেন চৌবে। ‘তবে জ্ঞান ফিরছে।’

ইতিমধ্যে টম চোখ খুলেছে। তার মুখ যন্ত্রণায় বিকৃত।

‘কোথায় লেগেছে তোমার?’ ফেলুদা জিজ্ঞেস করল।

টম কোনওরকমে হাত দিয়ে মাথার পিছনটা দেখিয়ে দিল।

এবার পিটার মাটি থেকে ব্যাগটা কুড়িয়ে নিয়ে সেটা খুলে ভিতরে হাত ঢোকাতে তার মুখটা ফ্যাকাশে হয়ে গেল।

‘দ্য রুবি ইজ গন’, ভারী গলায় বলল পিটার।

টমকে গাড়িতে তুলে নিয়ে আমরা আবার নস্করের বাড়িতে ফিরে এলাম। কবি উধাও শুনে নস্করের অবস্থা দেখবার মতো হয়েছিল। সে শ্লেষ মেশানো গলায় বলল, ‘তোমরা যা চেয়েছিলে তাই হল। ভারতবর্ষের কবি ভারতবর্ষেই ফিরে এল, তবে তোমাদের পৃথিবী ভ্রমণ আর হল না।’

পূর্বপল্লীর ডাঙ্গার সিংহ টমকে পরীক্ষা করে বললেন, ‘মাথার পিছনের একটা অংশ ফুলেছে। কোনও ভারী জিনিস দিয়ে আঘাত করার ফলে টম সংজ্ঞা হারায়।’

‘এই আঘাত থেকে মৃত্যু হতে পারত কি?’ পিটার জিজ্ঞেস করল।

‘আরেকটু জোরে হলে হতে পারত বইকী?’ বললেন ডাঃ সিংহ। ‘আপাতত ওখানটায় বরফ ঘষে দেওয়া ছাড়া আর কোনও কিংবিত নেই। ব্যথা বেশি হলে একটা পেন কিলার খেয়ে নিলে কাজ দেবে।’

ডাঃ সিংহ চলে যাবার পর চৌবে মুখ খুললেন।

‘মিঃ ম্যাক্সওয়েল, আপনাকে যে আঘাত করেছে তাকে তো আপনি দেখতে পাননি বলে বললেন।’

‘না। সে লোক আমার পিছন দিক দিয়ে আসে।’

‘যতদূর বুঝতে পারছি’, বললেন চৌবে, ‘মাথার পিছনে বাড়ি মারার কারণ ওই পাথর চুরি করা। টম ম্যাক্সওয়েলের ব্যাগে এরকম একটা পাথর ছিল সেটা অনেকেই জানত না, যদিও রবার্টসন্স কুবির কথা অনেকেই এর মধ্যে জেনে গেছে। যাঁরা টমের ব্যাগে পাথর আছে

জানতেন তাঁরা হলেন আমি, মিস্টার মিত্র, তাঁর ভাই, তাঁর বন্ধু লালমোহনবাবু, জগন্নাথ চাটুজ্যো, কিশোরীলাল এবং মিঃ নক্ষর।'

মিঃ নক্ষর হাঁ হাঁ করে উঠলেন। —‘পাথরটা তো আমার হাতে চলেই আসত ; সেখানে আমি এ রাস্তা নেব কেন—যেখানে আমার বাড়ি খেয়ে টম খুনও হয়ে যেতে পারত ?’

‘ও সব বলে লাভ নেই, মিঃ নক্ষর। আপনি প্রাইম সাসপেন্ট। হিপনোটাইজ্জড অবস্থায় মিঃ গান্দুলী যা বলেছেন সেগুলো যে ফলবেই এমন কোনও গ্যারান্টি নেই। এ কুবি যেমন তেমন কুবি নয়, আর আপনিও যেমন তেমন কালেক্টর নন। সে কুবি বেহাত হয়ে যেতে পারে জেনে আপনি সেটা বিনা পয়সায় হাত করার চেষ্টা করবেন না ? কী বলছেন আপনি ?’

‘ননসেস ! ননসেস !’ বলে নক্ষর চুপ করে গেলেন।

চৌবে বলে চললেন, ‘এ ছাড়া আছে কিশোরীলাল। তার বাপ পয়সা দিয়ে জিনিসটা কিনতে চেয়েছিলেন। তাতে ছেলের কোনও লাভ হত না। অথচ ছেলে কুবির মূল্য জানে, সেটা কোথায় থাকে তা জানে। এই অবস্থায় সেটাকে হাতাবার চেষ্টা করাটা কি খুব অস্বাভাবিক ?... টমের উপর আক্রোশ ছিল এমন এক ব্যক্তি ওখানে উপস্থিত ছিলেন। সে হল চাঁদু মল্লিক। মাথায় বাড়ি মারাটা চাঁদুর পক্ষে অত্যন্ত স্বাভাবিক, কারণ সে বদলা নেবে বলে শাসিয়েই রেখেছিল। প্রশ্ন হচ্ছে, সে কি কুবির ব্যাপারটা জানত ? মনে তো হয় না। এখানে টমকে মাথায় আঘাত মেরে আঝান করে শ্রেফ টাকাকড়ির লোভে ব্যাগে হাত ঢুকিয়ে যদি ঘটনাচক্রে কুবির কৌটোটা পেয়ে যায়—এই সম্ভাবনাকে আমরা উডিয়ে দিতে পারি না, পারি কি ?... আরেকজন সাসপেন্ট হচ্ছে জগন্নাথ চাটুজ্যো। ইনি কুবি সম্বন্ধে জানতেন, কোথায় সেটা থাকে তাও জানতেন। ওঁর এ হেন আচরণের কারণ একমাত্র লোভ।’

ফেলুদা বলল, ‘একজন সাসপেন্টকে আপনি বাদ দিয়ে যাচ্ছেন, মিঃ চৌবে !’

‘কে ?’

‘পিটার রবার্টসন।’

‘হোয়াট !’ বলে লাফিয়ে উঠল পিটার।

‘ইয়েস মিঃ রবার্টসন !’ বলল ফেলুদা। ‘তুমি চেয়েছিলে কুবিটাকে কলকাতার মিউজিয়ামের হাতে তুলে দিতে। তোমার বন্ধু তাতে বাদ সাধছিল। পাছে বিদেশে এসে বন্ধু-বিছেন্দ হয় তাই তুমি পাথরটা বিক্রি করতে রাজি হয়েছিলে। কিন্তু শেষে তোমার মত পালটানো আশ্চর্য নয়। এমনিতেও টমের সঙ্গে তোমার আর সৌহার্দ্যের সম্পর্ক ছিল না। আমি যদি বলি যে তুমি তোমার মূল সিদ্ধান্তে ফিরে গিয়েছিলে, এবং তাই পাথরটা নিজের কাছে নিয়ে আস !’

কথাগুলো শুনে রবার্টসন কিছুক্ষণ চুপ করে দাঁড়িয়ে রইল। তারপর সটান উঠে দাঁড়িয়ে হাত দুটো মাথায় তুলে বলল, ‘আমি নিয়েছি কি না জানার খুব সহজ রাস্তা আছে। সার্ট মি, ইন্সপেক্টর চৌবে। কুবি নিয়ে থাকলে এর মধ্যে সেটা সরাবার কোনও সুযোগ আমি পাইনি। কাম অন, ইন্সপেক্টর—সার্ট মি।’

‘ভেরি ওয়েল’, বলে ইন্সপেক্টর চৌবে উঠে গিয়ে পিটারকে সার্ট করলেন। কিছুই পাওয়া গেল না।

এবার ফেলুদা বলল, ‘ওঁকে যখন সার্ট করা হল তখন আমরা তিনজন বাদ যাই কেন ? আসুন মিঃ চৌবে !’

চৌবে ইতস্তত ভাব করছেন দেখে ফেলুদা ‘আবার বলল, ‘আসুন আসুন, মনের মধ্যে সন্দেহ রাখা ভাল না।’

চৌবে আমাদের তিন জনকেই সার্ট করলেন। তারপর বললেন, ‘মিঃ রবার্টসন, এ



ব্যাপারে আমি তদন্ত করি এটা আপনি চান কি ?'

'নিশ্চয়ই', জোরের সঙ্গে বলল রবার্টসন। 'আই ওয়েন্ট দ্যাট কুবি ব্যাক অ্যাট এনি কস্ট।'

৮

পরদিন সকালে টমকে দেখলাম সে অনেকটা সামলে নিয়েছে। বলল ব্যথাটা এখনও সম্পূর্ণ যায়নি। কিন্তু আর দুদিনের মধ্যেই চলে যাবে।

পাথর চুরির ব্যাপারটায় দুই বক্সই দেখলাম সমান কাতর। এই ভাবে পাথরটাকে ভারতবর্ষে রেখে যাবার কথাটা পিটার মোটেই ভাবেনি, আর টম আপশোস করছে প্রথম দিনই কেন সেটাকে বিক্রি করে দেওয়া হয়নি, যখন ঢানচানিয়াও এত ভাল অফার দিল।

মিস্টার চৌবে সকালে আমাদের ঘরে এলেন এগারোটা নাগাত। বললেন এসে প্রথমে একবার টমকে দেখেছেন, তারপর আমাদের কাছে এসেছেন রিপোর্ট নিতে।

'কিছু এগোল ?' জিজ্ঞেস করল ফেলুদা।

'একজন সাসপেক্টকে বাদ দিতে হয়েছে।'

'কে ?'

'কিশোরীলাল।'

'কেন ? বাদ কেন ?'

'প্রথমত, আমি যতদুর জানি কিশোরীলালকে, সে অত বেপরোয়া নয়। তা ছাড়া—এটা আমি জানতাম না—মাস খানেক হল ঢানচানিয়া বেশ কয়েক লাখ টাকা খরচ করে তার ছেলেকে একটা প্ল্যাস্টিকের ফ্যাস্টিরি বানিয়ে দিয়েছে। কিশোরী রেণ্টলার কাজে যাতায়াত করছে। তার বাবা কড়া নজর রেখেছেন তার উপর। এই সময় একটা পাথর চুরি করে বিক্রি করে হাতে কাঁচা টাকা পেলে সেটা বাবার দৃষ্টি এড়াত না। সো—কিশোরীলাল ইজ আউট।'

'চাঁদু মল্লিক ?'

'আমাদের যা হিসেব, তাতে টম মাথায় আঘাত পায় পৌনে এগারোটা নাগাত। তখন চাঁদু বোলপুরে নবীন যোগের মদের দোকানে। একাধিক সাক্ষী আছে। তাদের সবাইকে জেরা করে দেখেছি। চাঁদু ইজ আউট টু।'

'বাকি দুজন ?'

'আজ সকালে নক্ষরের বাড়ি সার্চ করেছিলাম। পাথরটা পাওয়া যায়নি। অবিশ্য তাতে কিছু প্রমাণ হয় না। এতুকু পাথর লুকিয়ে রাখা তেমন কিছু কঠিন ব্যাপার নয়। তবে সবচেয়ে বেশি সন্দেহ পড়ছে কিন্তু বীরভূম এক্সপার্ট জগন্নাথ চ্যাটার্জির ওপর।'

'এটা কেন বলছেন ?'

'ও বীরভূম এসেছে মাত্র তিন বছর হল। ওর বাড়িতে একটা ট্যুরিস্ট গাইড আছে, সেটার নাম হল ভৱনসঙ্গী। তা থেকেই ও তথ্য সংগ্রহ করে। বোলপুরের আগে বর্ধমানে ছিল। সেখানে তার পুলিশ রেকর্ড রয়েছে—জালিয়াতির কেস।'

'তাই বুঝি ?'

'ইয়েস স্যার। আমার মতে হি ইজ আওয়ার ম্যান। সাহেবদের কাছ থেকেও ও পারিশ্রমিক আদায় করছিল। ওয়ান হান্ডেড রুপিজ পার ডে। সমস্ত ব্যাপারটা খুবই সন্দেহজনক।'

'ওর বাড়ি সার্চ করেছেন ?'

‘করব আজ দুপুরে। শুধু সার্চ না—কারণ সার্চ করে কিছু পাওয়া যাবে বলে মনে হয় না—কড়া কথা বলে ওর মনে চরম ভয় ঢুকিয়ে দিতে হবে। ভাল কথা—আপনি নিজে কোনও তদন্ত করবেন না?’

‘বর্তমান ক্ষেত্রে আপনি অনেক বেশি কার্যকরী হবেন বলে মনে হয়। তবে মাথা খেলবে ঠিকই, আর কিছু মনে এলে আপনাকে জানাব। ইয়ে—আমি যে সাসপেন্টটার কথা বলেছিলাম তার কী হল?’

‘পিটার রবার্টসন?’

‘হ্যাঁ, কারণ আমার ধারণা ওর এখন যে মনের অবস্থা তাতে ও বন্ধুবিচ্ছেদটা মনে নিতে প্রস্তুত। প্যাট্রিক রবার্টসনের মনোবাঞ্ছা পূর্ণ করাটাও ওর এখন প্রধান লক্ষ্য।’

‘আপনার কথা মনে রেখেই আমি একটু আগেই ওর ঘরটা ভাল করে সার্চ করেছি। কিছু পাইনি।’

চৌবে চা আর বিস্কুট খেয়ে উঠে পড়লেন; বললেন ওবেলা ‘আবার আসবেন।

ফেলুদা একটা দীর্ঘশাস ফেলে বলল, ‘বড় গোলমেলে ব্যাপার। পাঁচটা সাসপেন্ট পাঁচ জায়গায় ছড়িয়ে আছে। এখানে শখের গোয়েন্দাকে পুলিশ টেক্কা দেবে তাতে আর আশ্চর্যের কী?’

‘আপনার কি কারুর উপর সন্দেহ পড়ল?’ জটায়ু প্রশ্ন করলেন।

‘এই পাঁচজনের মধ্যে?’

‘হ্যাঁ।’

‘কিশোরীলালের ব্যবসার ব্যাপারটা যদিও জানতাম না, কিন্তু তাও আমার মন ওকে বাতিল করে দিচ্ছিল। তার কারণ ছেলেটার মধ্যে হিস্পতের অভাব। কাউকে মাথায় বাড়ি মেরে অঙ্গান করার সামর্থ্য ওর আছে বলে মনে হয় না, আর তার উপর ওই ভিড়ের মধ্যে ব্যাগ খুলে তার থেকে পাথর বার করে নিয়ে পালানো...’

‘চান্দু মল্লিক?’

‘ওর সামর্থ্য আছে সন্দেহ নেই, তবে রংবি সম্বন্ধে—বিশেষ করে টমের ব্যাগে রংবি আছে সেটা ওর পক্ষে জানা খুবই অস্বাভাবিক বলে মনে হয়। নক্ষর লোকটাকেও সন্দেহ করতে আমার মন চায় না। বিশেষ করে মাথায় বাড়িটাড়ি মারার ব্যাপারে ও মোটেই নিজেকে জড়াবে না। তা ছাড়া এটা মনে রাখতে হবে লোকটার টাকার অভাব একেবারেই নেই।’

‘একটা জিনিস আমি কিছুতেই বুবুতে পারছি না।’

‘কী?’

‘হিপনোটাইজ হয়ে মানুষ সত্যি কথা বলে?’

‘কোন সত্যিটা বলছেন আপনি?’

‘বাঃ, তাপেশ যে বললে ওদের বয়স বলে দিলুম। ওরা ল্যাক্ষেশিয়ার থেকে এসেছে বলে দিলুম।’

‘দুটো তথ্যই স্টেটসম্যানের লেখার গোড়ার দিকেই ছিল।’

‘তাই বুঝি?’

‘ইয়েস স্যার। আর বাকি যা বলেছেন সেটা যে মিথ্যে সে তো প্রমাণই হয়ে গেল।’

‘তা বটে। ... তা হলে জগন্নাথ চ্যাটোর্জাই কালপ্রিট?’

‘চৌবে যা বলল, তাতে তো সেরকমই মনে হচ্ছে। মামলাটার পরিসমাপ্তি খুব জমাটি হল না সেটা—’

ফেলুদার কথা শেষ হল না। কারণ দরজায় টোকা পড়েছে।

খুলে দেখি টম ম্যাক্সওয়েল—তার মুখ গভীর। ফেলুদা উঠে দাঁড়িয়ে একটা চেয়ার এগিয়ে দিল টমের দিকে। টম মাথা নাড়ল।

‘আমি বসতে আসিনি।’

‘আই সি।’

‘আমি এসেছি তুমি এবং তোমার দুই বন্ধুর ঘর সার্চ করতে।’

‘সার্চ তো কাল একবার করা হয়ে গেছে। তাতে তোমার বিশ্বাস হল না।’

‘নো। সে সার্চ করেছে ইঞ্জিয়ান পুলিশ। আমার তাদের ওপর কোনও বিশ্বাস নেই।’

‘সার্চ করতে ওয়ারেন্ট লাগে তা জানো? যে কেউ সার্চ করতে চাইলেই সার্চ করতে পারেন।’

‘তা হলে তুমি আমাকে সার্চ করতে দেবে না?’

‘নো, মিঃ ম্যাক্সওয়েল। ও ব্যাপারটা কালই হয়ে গেছে। আজ আর হবে না।’

ম্যাক্সওয়েল আর দ্বিতীয় না করে অ্যাবাউট টার্ন করে চলে গেল।

‘বোঝো’, বললেন লালমোহনবাবু। ‘আপনার সঙ্গে অনেক তদন্তেই অংশগ্রহণ করলুম, কিন্তু ক্রিমিন্যাল বলে সাসপিশন এই প্রথম পড়ল আমাদের উপর।’

‘সব রকম অভিজ্ঞতাই হয়ে থাকা ভাল, তাই নয় কি?’

‘তা বটে। তা আপনি কি শ্রেফ ঘরে বসে তদন্ত করবেন। বেরোবেন না কোথাও?’

‘দরকার হলে নিশ্চয়ই বেরোব। তবে এখনকার স্টেজটা হল চিন্তা করার স্টেজ, আর সেটা ঘরে বসেই সবচেয়ে ভাল হয়। অবিশ্যি তাই বলে আপনাদের ধরে রাখতে চাই না। আপনারা স্বচ্ছদে বেরোতে পারেন। শাস্তিনিকেতন এবং তার আশেপাশে এখনও অনেক কিছুই দেখতে বাকি আছে।’

‘ভেরি ওয়েল। আমরা তা হলে একবার শতদলকে নিয়ে ধরি। ও বলছিল ওর আজ কোনও ক্লাস নেই। দেখি ও কী সাজেস্ট করে। আপনাকে বরং একটা জিনিস দিয়ে যাচ্ছি—শতদলের দেওয়া সেই বই। সেই পাত্রি প্রিচার্ডের লেখা। দারুণ বই মশাই। কাল রাত্তিরে শেষ করেচি। এই ম্যাক্সওয়েলের পূর্বপুরুষ সম্বন্ধে অনেক তথ্য পাবেন। আর নীল চাষ সম্বন্ধে পরিকার ধারণা হয়ে যাবে।’

ফেলুদাকে বইটা দিয়ে আমি আর লালমোহনবাবু বেরিয়ে পড়লাম।

শতদলবাবু বললেন, ‘চলো তোমাদের একটা খাঁটি গ্রাম দেখিয়ে নিয়ে আসি। গোয়ালপাড়া। আর তার পিছনেই আছে গুরুদেবের প্রিয় নদী কোপাই। এ দুটো না দেখলে শাস্তিনিকেতন দর্শন অসম্পূর্ণ থেকে যাবে।’

গ্রাম এর আগে যে দেখিনি তা নয়, তবে গোয়ালপাড়ার মতো খাঁটি গ্রামের চেহারা এর আগে দেখেছি বলে মনে পড়ে না। লালমোহনবাবুকে কবিতায় পেয়েছে। তাঁর প্রিয় কবি বৈকুঠ মলিকের একটা কবিতার খানিকটা অংশ আবৃত্তি করে ফেললেন—

‘বাংলার গ্রামে স্পন্দিছে মোর প্রাণ
সেই কবে দেখা—আজও শৃতি অঞ্জান
যেদিকে ফেরাও দৃষ্টি

মানুষ ও প্রকৃতি দুইয়ে মিলে দেখ কী অপরূপ সৃষ্টি!

কোপাই দেখেও সেই একই ব্যাপার। এটাতে বোঝা যায় যে বৈকুঠ মলিক শাস্তিনিকেতনে এসেছিলেন—

‘জীর্ণ কোপাই সর্পিল গতি
মন বলে দেখে—মনোরম অতি

দুই পাশে ধান
প্রকৃতির দান
দুলে ওঠে সমীরণে,
বলে দেবে কবি
আঁকা রবে ছবি
চিরতরে মোর মনে ।'

৯

বিকালে এক আশ্চর্য ঘটনা । ইনস্পেক্টর চৌবে পাঁচটা নাগাত এসে বললেন, ‘কেস খত্ম্ । যা ভেবেছিলাম তাই । জগন্নাথ চাঁচুজে নিয়েছিল পাথরটা । সার্ট করে কিছু পাওয়া যায়নি অবশ্য, কিন্তু তারপর একটু পুলিশ চাপ দেওয়াতে সত্যিটা বেরিয়ে পড়ে—আর সেই সঙ্গে পাথরটাও । একটা ফুলের টবে পুঁতে রেখেছিল ।’

‘আপনি নিয়ে এসেছেন পাথরটা ?’

‘ন্যাচারেলি ।’

চৌবে পকেট থেকে পাথরটা বার করলেন । আবার নতুন করে সেটার ঝলমলে রং দেখে মনটা কেমন জানি হয়ে গেল ।

‘আশ্চর্য !’ বলল ফেলুদা ।

‘কেন ?’

‘লোকটাকে দেখে চোর বলে বিশ্বাস করা যায়, কিন্তু জখমকারী বলে যায় না । একেবারে ভেতো বাঙালি ।’

‘মানুষের চেহারা দেখে সব সময় তার ভেতরটা জাজ করা যায় না মিঃ মিডির ।’

‘সেটা অবশ্য আমার অভিজ্ঞতাই বলে ।’

‘তা হলে পাথরটাকে এবার স্বস্থানে চালান দিই ?’

‘চলুন ।’

আমরা চারজনে দশ নম্বর ঘরের দিকে রওনা দিলাম ।

পিটার দরজা খুলল ।

‘ওয়েল, মিঃ রবার্টসন’, বললেন চৌবে, ‘আই হ্যাভ এ লিট'ল গিফ্ট ফর ইউ ।’

‘হোয়াট ?’

চৌবে পকেট থেকে কোটোটা বার করে পিটারের হাতে দিলেন ।

পিটার ও টমের মুখ হাঁ ।

‘বাট, হোয়ার—হোয়ার... ?’

‘সেটা না হয় আর নাই বললাম । ঘরের ছেলে ঘরে ফিরে এসেছে সেটাই হল আসল কথা । মিঃ ম্যাক্সওয়েল নিশ্চয়ই স্বীকার করবেন যে ভারতীয় পুলিশ বেশ করিংকর্মা । এবার অবিশ্য তোমরা এটা নিয়ে কী করবে দ্যাট ইজ আপ টু ইউ । বিক্রি করতে পার, ক্যালকাটা মিউজিয়ামেও দিয়ে দিতে পার ।’

পিটার ও টম দুজনেই উঠে দাঁড়িয়েছিল, দুজনেই এবার ধপ্ করে খাটে বসে পড়ল । পিটার মৃদুস্বরে বলল, ‘গুড শো । কনগ্র্যাচুলেশন্স ।’

‘এবার তা হলে চলি ?’ বললেন চৌবে ।

‘আই ডোন্ট নো হাউ টু থ্যাক্ষ ইউ ।’ বলল টম ম্যাক্সওয়েল ।

‘ডোন্ট। তোমার মনে যে ধন্যবাদ দেবার প্রশ্নটা জেগেছে সেটাই বড় কথা। আমরা তাতেই খুশি।’

‘কী মনে হচ্ছে মশাই?’ পরদিন ব্রেকফাস্ট টেবিলে ফেলুদাকে জিজ্ঞেস করলেন জটায়ু।

‘কোথায় যেন গঙ্গোল’, বিড়বিড় করে বলল ফেলুদা।

‘আমি বলব কোথায় গঙ্গোল? এই ফর দ্য ফাস্ট টাইম দারোগার কাছে হেরে গেলেন ফেলু মিতির। সেইখানেই গঙ্গোল।’

‘উহু। তা নয়। মুশকিল হচ্ছে কী আমি বিশ্বাস করছি না আমি হেরে গেছি।’

ফেলুদা চুপ করে গেল। তারপর বলল, ‘তোপ্সে—তুই এখন কিছুক্ষণ লালমোহনবাবুর ঘরে যা। আমি একটু একা থাকতে চাই।’

লালমোহনবাবুর ঘরে গিয়ে বসতে ভদ্রলোক বললেন, ‘আমার ভাল লাগছে না ভাই তপেশ। একটা সুযোগ এসেও কেমন যেন ফস্কে গেল। তাই বোধহয় কাল বাঁ চোখটা নাচছিল।’

তারপর একটুক্ষণ চুপ করে থেকে বললেন, ‘তোমার দাদার শরীর-টরীর খারাপ হয়নি তো? দেখে কেন জানি মনে হচ্ছিল রাত্রে ভাল ঘূম হয়নি।’

‘ঘূম হয়েছে, তবে অনেক রাত অবধি আপনার দেওয়া বইটা পড়েছে এটা আমি জানি। অবিশ্যি তাও সেই সকাল সাড়ে পাঁচটায় উঠে যোগব্যায়াম করেছে।’

‘তোপ্সে!'

ফেলুদার গলা, সেই সঙ্গে দরজায় ধাক্কা। দরজা খুললাম।

ফেলুদা ঘড়ের বেগে ঘরে ঢুকে বলল, ‘চলুন—বেরোতে হবে। চৌবের ওখানে। দেরি নয়—ইমিডিয়েটলি।’

আমরা তৈরিই ছিলাম, তিনজন বেরিয়ে পড়লাম।

দুবরাজপুর থানায় গিয়ে গাড়িটা থামল। আমরা তিনজন নামলাম। একজন কনস্টেবল জিজ্ঞাসু দৃষ্টি নিয়ে এগিয়ে এল।

‘একটু ইনস্পেক্টর চৌবের সঙ্গে দেখা করব।’

‘আসুন।’

আমরা চৌবের ঘরে গিয়ে হাজির হলাম। ভদ্রলোক কাগজপত্র দেখছিলেন, আমাদের দেখে অবাক আর খুশি মেশানো দৃষ্টি দিয়ে আমাদের দিকে চাইলেন।

‘কী ব্যাপার?’

‘একটু কথা ছিল।’

‘বসুন, বসুন।’

আমরা তিনজন চৌবের টেবিলের উলটোদিকে তিনটে চেয়ারে বসলাম।

‘চা খাবেন তো?’

‘নো থ্যাক্স। একটু আগেই ব্রেকফাস্ট খেয়েছি।’

‘তা বলুন কী ব্যাপার।’

‘মাত্র একটা প্রশ্ন।’

‘বলুন, বলুন।’

‘আপনি কি ক্রিশ্চান?’

চৌবের চোখ কপালে উঠে গেল। তারপর একটা সরল হাসি হেসে বললেন, ‘ইঠাং এ প্রশ্ন?’



‘আমি জানতে চাই। প্রিজ বলুন।’

‘ইয়েস, আই অ্যাম এ ক্রিশ্চান—কিন্তু আপনি জানলেন কী করে?’

‘আপনাকে আমি চারবার খেতে দেখেছি। প্রথমবার ঢানচানিয়ার বাড়িতে লাড়ু আর সরবত। লাড়ু আপনি বাঁ হাতে থান। ব্যাপারটা দেখেছিলাম বটে, কিন্তু যাকে লক্ষ করা বলে তা করিনি। অর্থাৎ ওটার তাৎপর্য বুঝিনি। দ্বিতীয়বার, চায়ের দোকানে চায়ের সঙ্গে নানখাটাই খেলেন, তাও বাঁ হাতে। এটা আমার মনের কোণে নোট করে রেখেছিলাম। কাল চা বিস্কুট খেলেন আমাদের ঘরে, বিস্কুট বাঁ হাতে। তখনই বুঝতে পারি আপনি ক্রিশ্চান। কিন্তু এবারও তাৎপর্য বুঝিনি। এখন বুঝেছি।’

‘বহুৎ আচ্ছা। কিন্তু তাৎপর্যটা কী সেটা জানতে পারি? এই কথাটা বলতে আপনি একেবারে দুবরাজপুর চলে এলেন?’

‘তা হলে আরেকটা প্রশ্ন করি?’

‘করুন।’

‘আপনার ফ্যামিলিতে প্রথম কে ক্রিশ্চান হয়?’

‘আমার ঠাকুরদা।’

‘তাঁর নাম?’

‘অনন্ত নারায়ণ।’

‘তাঁর ছেলের নাম?’

‘চার্লস প্রেমচাঁদ।’

‘অ্যান্ড হিজ সন?’

‘রিচার্ড শক্র প্রসাদ।’

‘তিনি কি আপনি?’

‘ইয়েস স্যার।’

‘আপনার ঠাকুরদাদার বাবার নাম কি হীরালাল?’

‘হ্যাঁ—বাট হাউ ডিড ইউ—?’

চৌবের মুখ থেকে খুশি ভাবটা চলে গিয়ে এখন খালি অবাক অবিশ্বাস।

‘এই হীরালালই কি রেজিন্যাল্ড ম্যাক্সওয়েলের পাংখা টানত?’

‘এ খবর আপনি পেলেন কী করে?’

‘একটা বই থেকে। পাদ্রি প্রিচার্ডের লেখা। যিনি আপনার ঠাকুরদাদাকে অনাথ অবস্থা থেকে উদ্ধার করে তাকে ক্রিশ্চান করে তার ভাবিষ্যতের পথ তৈরি করে দিয়েছিলেন।’

‘এরকম একটা বই আছে বুঝি?’

‘আছে। দুষ্প্রাপ্য বই, কিন্তু আছে।’

‘তা হলে তো আপনি—’

‘কী?’

‘আপনি তো জানেন...’

‘কী জানি?’

‘সেটা আপনিই বলুন মিঃ মিত্র। আমার বলতে সংকোচ হচ্ছে।’

‘বলছি, বলল ফেলুন।’ ‘আপনার প্রপিতামহর সাহেবের বুটের লাথি খেয়ে প্রাণত্যাগ করার ঘটনা আপনি এখনও তুলতে পারেননি। ছেলেবেলা থেকেই হয়তো শুনে এসেছেন রেজিন্যাল্ড খ্যাকশেয়াল কী জাতীয় লোক ছিলেন। যখন আপনি জানলেন যে সেই রেজিন্যাল্ডের নাতি এখানে এসেছে এবং যখন দেখলেন সেই নাতির মধ্যে রেজিন্যাল্ডের

ওন্দত্য আর ভারতবিদেশ পুরোপুরি বর্তমান, তখন—'

‘ঠিক আছে, মিঃ মিত্র, আর বলতে হবে না।’

‘তা হলে আমি যা ভাবছি সেটাই ঠিক তো ?’

‘কী ?’

‘আপনি প্রতিহিংসাবশত টমকে মাথায় বাড়ি মেরে অজ্ঞান করেন। পাথরটা নেন যাতে সন্দেহটা ওই চারজনের উপর গিয়ে পড়ে।’

‘ঠিক। এখন এর জন্য আমার কী শাস্তি হওয়া উচিত বলুন।’

‘সেটাই আমি আপনাকে বলতে এসেছি।’

‘কী ?’

‘আপনার কোনও শাস্তি হবে না। আপনার অবস্থায় পড়লে আমিও ঠিক এই জিনিসই করতাম। আপনি গুরু পাপে লঘু দণ্ড দিয়েছেন। আপনি নির্দেশ।’

‘থ্যাক্ষ ইউ, মিঃ মিত্র—থ্যাক্ষ ইউ।’

‘এখন আপনার কোন চোখ নাচছে, মিঃ সর্বজ্ঞ গঙ্গোপাধ্যায় ?’

‘দুচোখই। একসঙ্গে। আনন্দের নাচনি। আমি কেবল ভাবছি একটা কথা।’

‘আমি জানি।’

‘কী বলুন তো ?’

‘আগনার বন্ধু শতদল সেনকে ধন্যবাদ দিতে হবে, এই তো ?’

‘মোক্ষম ধরেছেন। তিনি বইটা না দিলে—’

‘—এই মামলার নিষ্পত্তি হত না—’

‘আর জগন্নাথ চাটুজ্যে রয়ে যেতেন ক্রিমিন্যাল।’

‘অন্তত আমাদের মনে।’

‘ঠিক বলেছেন।’

‘হরিপদবাবু—চলুন তো দেখি পিয়ার্সন পল্লী। শতদল সেনের বাড়ি।’

*

রবার্টসনের কুবিটা শেষ পর্যন্ত মিউজিয়মেই গেল। কৃতিত্বটা যে ফেলুদার, সেটা বলাই বাহ্য্য। ন্যাশনাল জিওগ্রাফিক-এর মতো বিশ্ববিদ্যাত পত্রিকা যখন ম্যাক্সওয়েলের ভারতবর্ষে আসার ব্যয়ভার গ্রহণ করেছে, তা থেকে সহজেই বোঝা যায় যে ও যথেষ্ট নাম-করা ফোটোগ্রাফার, এবং এই জাতীয় লোকের টাকার অভাব থাকার কথা নয়। আরও টাকার লোতে ও কুবিটা বিক্রি করতে চাইছিল। পিটার ম্যাক্সওয়েলের ব্যবহারে অসম্মত হলেও ছেটবেলাকার বন্ধুত্বের কথা ভেবে ওর কথায় সরল বিশ্বাসে কুবিটা বিক্রি করতে রাজি হয়েছিলেন। ফেলুদার কথায় তিনি পূর্বপুরুষের আস্থার শাস্তির জন্য যা করতে এসেছিলেন তাই করলেন। ম্যাক্সওয়েলের রাগ ও আশ্ফালন কোনও কিছুই তাঁকে টলাতে পারল না।

অ স মা প্ট ফে লু দা

তোতা রহস্য (প্রথম খসড়া)

‘তোমার নাম ফেলুদা?’

একটা ছেট ছেলে ফেলুদার পিছনে দাঁড়িয়ে প্রশ্নটা করেছে। ঘটনাটা ঘটছে পার্ক আর রাসেল স্ট্রিটের খেলনার দোকান হবি সেন্টারে। শুধু খেলনার দোকান বললে ভুল হবে, কারণ এখানে খেলনা ছাড়াও আরেকটা জিনিস পাওয়া যায় সেটা হল আয়ুরিয়ামের মাছ। বেজিলের রাঙ্গুসে মাছ পিরানহার দুটো বাচ্চা ওখানে এসেছে খবর পেয়েই দুজনে এসে হাজির হয়েছি।

ওই খুদে মাছের ধারালো দাঁত দেখে আমাদের চোখ চড়কগাছ, এমন সময় পিছন থেকে প্রশ্নটা এল।

ছেলেটি ঘাড় উঁচু করে ফেলুদার দিকে দেখছে একদৃষ্টি। একটি ভদ্রলোক হাসি হাসি মুখ করে আমাদের দিকে এগিয়ে এসে বললেন, ‘আমার ছেলে আপনার পরম ভক্ত। বলতে পারেন আপনি ওর একজন হিরো।’

ফেলুদা কিছু বলার আগেই ছেলেটি এক মিশ্বাসে বলে গেল—‘আমাদের বাড়িতে একটি টিয়া উড়ে এসেছিল কাল বিকেলে, সেটাকে পঞ্চ ধরে ফেলেছে, আর আমরা একটা খাঁচা কিনেছি, আর সেই খাঁচাতে টিয়াটাকে রেখে দিয়েছি, আর সেটা খুব মজার কথা বলে।’

‘তাই বুঝি?’ ফেলুদা ছেলেটির দিকে ঝুঁকে পড়ে জিজ্ঞেস করল। ‘কী বলে বলো তো?’

‘খালি খালি ত্রিনয়ন বলে একজনকে ডাকে।’

‘বাঃ—এতো খুব মজার ব্যাপার!’ ফেলুদা বলল, ‘ত্রিনয়ন নিশ্চয়ই ওকে খেতে দিত।’

‘তুমি দেখবে টিয়াটা?’

বেশ বুঝতে পারছিলাম যে ফেলুদা যদি একবার হাঁ বলে তো ছেলেটি একেবারে হাতে স্বর্গ পাবে।

ছেলের বাবা আরও এগিয়ে এসে বললেন, ‘ফেলুদা ব্যস্ত মানুষ কত কাজ থাকে ওঁর, ওঁর পক্ষে কি যেখানে সেখানে যাওয়া সন্তুষ?’

ফেলুদা বলল, ‘বেশ তো, একদিন যাব এখন। তোমার টিয়া তো আর পালিয়ে যাচ্ছে না। অবিশ্য কার টিয়া দেখতে যাচ্ছি সেটা আমার জানা দরকার।’

ভদ্রলোক এবার পকেট থেকে একটা কার্ড বার করে ফেলুদাকে দিয়ে বললেন, ‘আমার নাম জয়স্ত বোস। ইনি হচ্ছেন শ্রীমান রজত। আপনি একদিন এলে আমরা খুবই খুশি হব। রজত ছাড়াও আমাদের বাড়িতে আপনার আরও দুটি ভক্ত আছেন—রজতের মা এবং বাবা।’

ফেলুদা কথা দিল যে একটা রবিবার সকালে রজতদের বাড়িতে গিয়ে তার টিয়া পাখি দেখে আসবে।

পরদিন সকালে ফেলুদার ডাকে ঘুম ভাঙল। বৈঠকখানা থেকে ডাকছে ফেলুদা। ও সকলের

আগে উঠে যোগব্যায়াম সেবে, সকলের আগে খবরের কাগজ পড়ে।

আমি তড়ক করে উঠে ওর কাছে গিয়ে দেখি ও খবরের কাগজ হাতে নিয়ে বসে আছে। পাশে ইংরিজিটা ভাঁজ করে রাখা, হাতে বাংলা কাগজ। আমায় দেখেই ‘এইটে পড়ে দেখ তোপ্সে’ বলে কাগজটা আমার হাতে দিয়ে একটা জায়গায় আঙুল দেখিয়ে দিল। দেখি দ্বিতীয় পাতায় কর্মখালি-টালির মধ্যে ব্যক্তিগত বলে যে বিজ্ঞাপনগুলো থাকে, এটা তারই একটা। তাতে লেখা রয়েছে—

‘গত ১৯শে অক্টোবর আমার একটি পোষা চন্দনা খাঁচা থেকে পালিয়ে যায়। আমার অতি প্রিয় এ পাখিটা সন্ধান দিতে পারলে উপযুক্ত পুরস্কার দেব। ধূর্জিপ্রসাদ মল্লিক, ২২ নং হরিশ মুখার্জি রোড কলকাতা ৭০০ ০২০।

ফেলুদা বলল, ‘যদ্দুর মনে পড়ছে এই ধূর্জিটি মল্লিক হলেন একজন বিরাট ধনী ব্যবসায়ী। কালীচরণ মল্লিক অ্যান্ড সান্স-এর কাপড়ের দোকান ছিল বড়বাজারে। ধূর্জিটি সম্ভবত ওই অ্যান্ড সান্স-এর একজন। তা ইনি হঠাতে একটা পাখির শোকে এতটা মরিয়া উঠেছেন কেন সেইটেই হচ্ছে কথা।’

আমি বললাম, ‘তা হলে তো জয়স্তবাবুরে পাখিটা ফেরত দিয়ে দিতে হবে।’

‘সেই রকমই তো মনে হচ্ছে। শ্রীমান রজত খবরটা শুনে খুব খুশি হবে বলে মনে হয় না। দেখি...’

ফেলুদা উঠে গিয়ে ফোন তুলে জয়স্তবাবুর নম্বর ডায়াল করল। টেলিফোনে যা কথা হল মোটাযুটি এই—

তোতা রহস্য

(দ্বিতীয় খসড়া)

‘বাবা বলছে তুমি ফেলুদা।’

কথাটা শুনে পাশ ফিরে দেখি একটা আট দশ বছরের ছেলে ফেলুদার পাশে দাঁড়িয়ে ঘাড় উঁচিয়ে তার মুখের দিকে দেখছে। তার পিছনে দূরে গরম বুশ শার্ট পরা একজন ভদ্রলোক হাসিমুখে আমাদের দিকে দেখছেন। বোধহয় তিনিই ‘বাবা’। ভদ্রলোক এগিয়ে এসে ফেলুদাকে বললেন, ‘আমি আপনি বোধহয় একই সেলুনে চুল ছাঁটাই। সেখানেই আপনাকে দেখেছি। আসলে আমার ছেলে আপনার খুব ভক্ত, তাই আপনাকে চিনিয়ে দেবার লোভ সামলাতে পারলাম না।’

আমাদের কথা হচ্ছিল পার্ক স্ট্রিটের হবি সেন্টার বলে যে খেলনার দোকান আছে তার ভিতর দাঁড়িয়ে। আজ বড়দিন, তাই আমরা পার্ক স্ট্রিটের ঝলমলে চেহারাটা দেখতে বেরিয়েছি। মিনিট দশেক ঘোরাঘুরির পর ফেলুদা বলল যে ওর কিছু চাইনিজ তারের ধাঁধা কেনা দরকার। নানারকম জ্যামিতিক নকশায় ব্যাঁকানো তার, সঙ্গে আরেকটা কায়দা করে প্যাঁচানো থাকে। মাথা খাটিয়ে সেই প্যাঁচ খুলে দুটোকে আলগা করতে হয়। এই হল Chinese Wire Puzzle। এর খোঁজেই হবি সেন্টারে আসা, আর সেখানেই ফেলুদার এই খুদে ভক্তের সঙ্গে দেখা।

ফেলুদা ছেলের বাপের কথা শুনে হেসে ছেলেটির দিকে তাকিয়ে বলল, ‘আমি না হয় ফেলুদা, তোমার নামটি কী সেটা তো জানতে পারলাম না।’

ছেলেটি ফেলুদার কথার জবাব না দিয়ে বলল, ‘আমার টিয়া কোথায় গেছে বের করে দিতে পারবে?’

ভদ্রলোক হেসে উঠলেও মনে হল সেটা খানিকটা তার অপ্রস্তুত ভাবটা ঢাকার জন্য।

ফেলুদা বলল, ‘কী হল তোমার টিয়া?’

ছেলেটি কিন্তু বলার আগে ভদ্রলোকই উত্তর দিলেন। ‘ওর জন্য এই সেদিন একটা টিয়া এনে দিয়েছিলাম। আজ সকালে সেটা খাঁচা থেকে উধাও। পালিয়ে টালিয়ে গেছে বোধহয়।’

‘পারবে বার করে দিতে?’—ছেলেটি এখনও এক দৃষ্টে ফেলুদার দিকে চেয়ে আছে।

ফেলুদা বলল, ‘আগে সমস্ত ঘটনা না জানলে কি ডিটেকটিভ কাজ শুরু করতে পারে?’

‘তা হলে চলো আমাদের বাড়ি।’

‘ও কী হীরাক!’ ভদ্রলোক মোলায়েম ধমকের সুরে বললেন, ‘ফেলুবাবুর বুঝি অন্য কাজ নেই? উনি কত ব্যক্তি লোক জানো?’ তারপর ফেলুদার দিকে ফিরে বললেন, ‘অবিশ্য আপনি আসতে পারলে আমরা খুব খুশিই হব। টিয়া রহস্য সমাধানের জন্য বলছি না—হে হে—এমনি এসে চা খেয়ে যাবেন আর কী।’

ফেলুদার হাত এখন খালি, তার উপরে বড়দিনের ছুটি, তার উপরে তার খুদে ভক্তর অনুরোধ—একসঙ্গে এতগুলো কারণের জন্যই বোধহয় ও পরদিন বিকেলে নীহার দাশগুপ্তের বাড়ি যেতে রাজি হয়ে গেল।

খাবার পরে ফেলুদাকে বললাম, ‘তুমি যে নীহারবাবুর বাড়িতে যেতে রাজি হলে, ওর ছেলে কিন্তু টিয়ার ব্যাপারটা ঠিক তোমার ঘাড়ে চাপাবে।’

ফেলুদা খুব মন দিয়ে একটা নতুন কেনা চিনে তারের প্যাঁচ খোলার চেষ্টা করতে করতে বলল, ‘হ্যাঁ।’

আমি বললাম, ‘হ্যাঁ কী? শেষটায় যদি টিয়া উদ্ধার না হয়?’

‘তা হলে একটি ভক্ত করে যাবে!’—ফেলুদা বিড় বিড় করে মন্তব্য করল। আমার কিন্তু ব্যাপারটা ভাল লাগছিল না। যে সে লোকের যা কিছু হারালেই যদি ফেলুদাকে গিয়ে খুঁজে বের করে দিতে হয় তা হলে তো মুশকিল। একটা জবরদস্ত ক্রাইম-টাইম হয়—খুন, জালিয়াতি, একটা বড় রকমের চুরি বা ডাকাতি—তাতে ফেলুদার ডাক পড়লে ওর বুদ্ধিটা শানিয়ে নেবার সত্ত্ব করে সুযোগ হয়। এই বড়দিনের ছুটিতে মনে মনে সেই রকমই একটা কিছুর আশা করছিলাম, কিন্তু তার জায়গায় কিনা...


আরও মিনিট পাঁচেক চেষ্টা করে তারের প্যাঁচ খুলে ফেলুদা একটা হাই তুলে বলল, ‘আসল ব্যাপারটা কী জানিস? ওই নীহার দাশগুপ্ত লোকটা সম্বন্ধে আমার একটা কিউরিয়সিটি আছে।’

‘কেন? লোকটা একজন কেউকেটো বুঝি?’

‘দাশগুপ্ত বলছে, আর হেশাম রোড বলছে। যদি শরৎ দাশগুপ্তের বাড়ির ছেলে হয়, তা হলে...’

‘তা হলে কী?’

‘তা হলে আমাদের যাওয়াটা একেবারে মাঠে মারা যাবে না।’



ফেলুদার আন্দাজ ভুল হয়নি। নীহার দাশগুপ্ত হলেন শরৎ দাশগুপ্তের নাতি। দু বছর আগে সাতাশি বছর বয়সে শরৎ দাশগুপ্ত মারা যান। জীবনে তার একটিমাত্র শখ ছিল সেটা হল ঘড়ি সংগ্রহ করা। বাইশ নংর হেশাম রোডের বাড়ির দেতলার উত্তর পূর্ব কোণের বৈষ্ণকখানায় ছিয়ানবুই রকম ছোট বড় ঘড়ি রয়েছে। এ ছাড়া বাড়ির অন্য ঘরে, বারান্দায় ও সিড়ির ল্যাঙ্গিডেও আরও বেশ কয়েকরকম ঘড়ি দেখলাম। এর চেয়ে বড় ঘরের সংগ্রহ যদি কলকাতায় কোথাও থেকে থাকে তো সে আমার জানা নেই। ঘড়িগুলো যখন বাজতে আরম্ভ করে তখন কথা বন্ধ করে চুপ করে শুনতে হয়।

নীহারবাবু বোধহয় তার ছেলেকে বুঝিয়ে সুবিধে রেখেছিলেন যে সে যেন ফেলুদা এলেই তাকে তার পাখির কথা বলে বিরক্ত না করে, কারণ আমরা যতক্ষণ বসে চা খেলাম, হীরক দরজার বাইরে ঘুর ঘুর করল কিন্তু ঘরে ঢুকল না।

নীহারবাবুর স্ত্রীও দেখলাম ফেলুদার ভক্ত। নিজে হাতে বিনুনি পাকানো মাংসের শিঙাড়া করেছিলেন আমাদের জন্য। তা ছাড়া কড়ইশুটির সঙ্গে চিড়ে ভাজা, বাড়ির তৈরি পাটিসাপটা আর চা।

চা খাওয়া শেষ হলে পর নীহারবাবু তার ঘড়ির কথা তুললেন। আমরা বারান্দায় বসেছিলাম—পাশেই বৈষ্ণকখানা, আর সেখানেই ঘড়ি। ফেলুদা বলল, ‘ঘড়ি দেখার আগে আপনার ছেলের সঙ্গে একবার কথা বলতে চাই। তার টিয়া অন্তর্ধান রহস্যটাকে একেবারে এড়িয়ে যাওয়া অন্যায় হবে।’

হীরককে ডাক দিতেই সে দৌড়ে এল আমাদের কাছে।

ফেলুদা বলল, ‘তোমার খাঁচাটা একবার দেখতে পারি কি? নাকি, পাখি নেই বলে সেটা ফেলে দিয়েছ?’

খাঁচা যেখানে ছিল সেখানেই আছে। হীরকদের শোবার ঘরের বাইরের বারান্দায়। তারের খাঁচা, মাথাটা গোল—যেমন সাধারণত হয়। খাঁচার ভিতরে একটা এনামেল করা বাটিতে এখনও ছোলা রয়েছে। দরজায় একটা ছিটকিনি রয়েছে, কিন্তু সেটা এখন খোলা।

‘কবে এসেছিল, পাখিটা?’ ফেলুদা জিজেস করল।

‘এই তো—গত শনিবার’, নীহারবাবু বললেন। ‘হীরক ওর এক বন্ধুর বাড়িতে টিয়া দেখেছে—সেই থেকে ওর শখ। তাই শনিবার নিউ মার্কেট থেকে এটা এনে ওকে দিই। রবিবার রাতেই ওটা কেউ সরিয়েছে। কারণ সোমবার, অর্থাৎ কাল সকালে হীরকই ঘুম থেকে উঠে দেখে খাঁচা খালি। অথচ দরজাটা রাত্রে ওর মা নিজে হাতে বন্ধ করেছে।’

‘সেই রাত্রে কোনও শব্দ পেয়েছিলেন কি, হীরকবাবু?’ ফেলুদা প্রশ্ন করল।

হীরক মাথা নাড়ল। হীরকের মা বললেন, ‘আমি যেন একবার ডাকতে শুনেছিলাম টিয়াকে, কিন্তু সেটা মনে হল—পাখিটা নতুন জায়গায় এসেছে, অভ্যেস হয়নি, তাই ডাকছে।’

ফেলুদা ভীষণ কাছ থেকে খাঁচাটাকে দেখছে, তার চোখে জ্বরু।

হীরক এতক্ষণ চুপ করে ছিল। এবার বোধহয় আর ধৈর্য রাখতে না পেরে বলল, ‘কে নিয়েছে পাখিটা?’

গঙ্গীর গলায় প্রশ্নটা শুনে হাসিই পেয়ে গিয়েছিল। হীরকের মা’ও দেখলাম মুখে কাপড় চাপা দিয়ে মাথাটা ঘুরিয়ে নিলেন। নীহারবাবু একটু অপ্রস্তুত হয়ে গলা খাকরালেন। ফেলুদা কিন্তু বেশ গঙ্গীর ভাবেই বলল, ‘কে নিয়েছের চেয়েও আগে জানতে হবে কেন নিয়েছে। ব্যাপারটা খুব সহজ নয় হীরকবাবু—আমাকে একটু ভাবতে সময় দিতে হবে।’

‘ঠিক আছে।’ গঙ্গীর গলায় হীরকের কথা এল। ফেলুদা যে তার জন্যে ভাবছে এটাতেই তার মন ভাল হয়ে গেছে; টিয়া ফিরে আসুক কি না আসুক সেটা বোধহয় খুব বড় কথা নয়।

এবার আমরা নীহারবাবুর বৈঠকখানায় গিয়ে হাজির হলাম। এটাই হল ঘড়ির ঘর। এমন ঘর সত্তিই আমি কখনও দেখিনি। ফেলুদা বলল, ‘এত ঘড়িতে রোজ রোজ দম দেওয়া তো এক পে়লায় ব্যাপার। আলাদা লোক রাখতে হয়েছে বোধহয়?’

‘আমাদের বহুদিনের পুরোনো বেয়ারা ঘনশ্যামই কাজটা করে।’

‘ভাল কথা—আর চাকর বাকর কী আছে আপনাদের বলুন তো। টিয়ার ব্যাপারে আমার মনটা খচ খচ করছে। বাড়ির চাকর ছাড়া আর কেউ ওটা নিতে পারে বলে মনে তো হয় না।’

‘রাস্তার লোক একটি আছে, সেও অনেকদিনের। একটি ছোকরা চাকর আছে—যতীন—সে লোকটা এসেছে বছর দুয়েক হল। এ ছাড়া মালী, জমাদার—এরা কেউই রাত্রে থাকে না।’

ফেলুদা ঘড়ির দিক থেকে ঢোখ না ফিরিয়েই প্রশ্ন করে চলেছে।

‘যতীনই কি আমাদের চা এনে দিল?’

‘হ্যাঁ।’

‘ওকে জিজ্ঞেস করেছিলেন টিয়ার কথা?’

‘হ্যাঁ। স্বভাবতই ও বলেছে কিছুই জানে না।’

‘নিউ মার্কেটের যে দোকান থেকে পাখিটা কিনেছিলেন তার নাম জানেন?’

‘লোকটার নাম লতিফ। লতিফের দোকান বলেই বলে।’

এর পরে আর ফেলুদা পাখি নিয়ে কোনও প্রশ্ন করেনি।

নীহারবাবু তার প্রতেকটি ঘড়ির ইতিহাস আমাদের বললেন। তিনশো বছরের পুরনো ঘড়িও রয়েছে। একটা বেশ বড় দাঁড় করানো ঘড়িতে দেখলাম খোলস বলে কিছু নেই, কলকজা সব বাইরে থেকেই দেখা যাচ্ছে। কলকাতার টাইমের সঙ্গে সঙ্গে লন্ডন, প্যারিস, নিউ ইয়র্কের টাইম জানা যাচ্ছে। বাইরে যা দেখাবার মতো আছে সব দেখিয়ে নীহারবাবু একটা দেরাজ খুলে বললেন, ‘আমার ঠাকুরদাদার সংগ্রহের সবচেয়ে মূল্যবান জিনিসটা আপনাকে দেখাই।’

একটা ছেট্টা বাক্স থেকে একটা সোনার ট্যাঁক ঘড়ি বার করে নীহারবাবু ফেলুদার সামনে ধরে বললেন, ‘আড়াইশো বছর আগে লন্ডনের লুই রিকর্ডের তৈরি—পৃথিবীর প্রথম সেলফ-ওয়াইল্ডিং ঘড়িগুলোর মধ্যে একটা হল এটা।’

আমি অবাক হয়ে এই দম না দেওয়া ঘড়ি দেখতে লাগলাম। ফেলুদার হাতঘড়িটাতেও (যেটা দীননাথ পাকাড়াশি ওকে দিয়েছিলেন বাঙ্গ-রহস্য সমাধানের পর) দম দিতে হয় না; কিন্তু দম-না-দেওয়ার কায়দাটা যে আড়াইশো বছর আগেই আবিষ্কার হয়ে গেছে সেটা ভাবিনি।


নীহারবাবু আমাদের পাঁচটা পর্যন্ত থেকে যেতে বলেছিলেন, কারণ সেই সময় বাজা-ঘড়িগুলো সব একসঙ্গে বাজবে, আর সেটা নাকি একটা শোনার মতো ব্যাপার। পাঁচটা বাজতে আর পাঁচ মিনিট বাকি দেখে আমরা আবার সোফায় বসলাম। ফেলুদা বলল, ‘মোমবাতির দাগ দেখছি টেবিলের উপর। আপনাদের এদিকেও বুঝি পাওয়ার-কাট থেকে অব্যাহতি নেই।’

‘আর বলবেন না। কারই বা অব্যাহতি আছে বলুন। হপ্তায় তিনদিন সপ্তাহটা যে কী করে কাটাৰ সেটা ভেবে পাই না।’

‘সেই জন্যেই বুঝি প্ল্যানচেট ধরেছেন?’

ভদ্রলোক প্রশ্নটা শুনে হো হো করে হেসে উঠলেন। ‘বাবা—আপনার দৃষ্টিও খুবই তীক্ষ্ণ। কাল হবি সেটার থেকে উইজা বোর্ড কিনেছিলাম সেটা লক্ষ করেছেন বুঝি?’

ফেলুদা হাসল। আমি জানতাম উইজা বোর্ড হল একটা চাকাওয়ালা কাঠের তক্ষা, তাতে পেনসিল গৌঁজার জন্য একটা ফুটো। একটা তেপায়া টেবিলের উপর একটা সাদা কাগজ রেখে তার উপর বোর্ডটাকে রাখতে হয়। তারপর ঘরের বাতি নিভিয়ে সকলে টেবিলটাকে ঘিরে বসে



কোনও মৃত লোকের কথা ভাবলে নাকি কিছুক্ষণেই সেই লোকের আঘা এসে হাজির।

আর তখন সেই আঘাকে কিছু জিজ্ঞেস করলে সকলের হাতসুন্দ বোর্ডটা নাকি এঁকে ধেঁকে চলতে থাকে, আর তার ফলে সাদা কাগজের উপর পেনসিল দিয়ে সেই প্রশ্নের উত্তর লেখা হয়ে যাব।

‘আসলে কী জানেন’, ভদ্রলোক বললেন, ‘বোর্ড ছাড়া শুধু টেবিলের উপর হাত রেখে বসে থেকে দেখেছি—কোনও ফল হয়নি। তাই ভাবলাম এবার বোর্ড দিয়ে করে দেখব।’

‘বোর্ড দিয়ে ফল পেয়েছেন?’

‘এখনও বসিনি। আমরা বুধবার বুধবার বসি। আমার এক বন্ধু আছে—শ্বেষ্টা আসলে তারই। আর আমার এক প্রতিবেশী আছেন—সুধাংশুবাবু—এই তিনজন। আপনারও এ ব্যাপারে ইন্টারেন্স আছে না কি?’

ফেলুন্দা হাসল। ‘নাঃ। তবে যারা এ সবের চর্চা করে তাদের সম্পর্কে একটা কৌতুহল হয় বই কী।’

‘আসলে কী জানেন, অন্ধকারে বসে থাকতে থাকতে একদিন ভূত প্রেত আঘা পরলোক এই সব নিয়ে আলোচনা হচ্ছিল। তাই থেকেই আমার বন্ধুর মাথায় এল প্ল্যানচেট ট্রাই করার ব্যাপারটা। ছেলেমানুষী বটেই—তবে এতরকম লোকে ফল পেয়েছে বলে শুনেছি যে পরখ করে দেখতে ইচ্ছে হল।’

রাত্রে ফেলুন্দাকে একটু গন্তীর দেখে জিজ্ঞেস করলাম, ‘ঘড়ির কথা ভাবছ, না প্রেতাঙ্গার কথা ভাবছ, না টিয়ার কথা ভাবছ?’

ফেলুদা বলল, ‘যতীন চাকরটা যখন চা দিচ্ছিল তখন ওর ডান হাতের বুড়ো আঙুল আর তর্জনীটা লক্ষ করেছিল?’

‘কই, না তো।’

‘দুটো ক্ষত চিহ্ন রয়েছে। দেখে ভাল লাগল না। খাঁচার দরজার পাশে তারেও লাল দাগ দেখলাম। শুকনো রক্ত বলেই তো মনে হল।’

‘কিন্তু যতীন খাঁচা থেকে পাখি বার করবে কেন? পাখিটা তো আর ধন দৌলত নয়। আর এমন একটা সাংঘাতিক কোনও পাখিও নয় যে বিক্রি করলে বেশি দাম পাওয়া যাবে।’

‘জানি রে তোপসে, জানি...কোনও কারণে খুঁজে পাওয়া যাচ্ছে বলেই তো মেজাজটা খিচড়ে আছে। ব্যাপারটায় লজিকের এত অভাব বলেই তো আমাকে এত পীড়া দিচ্ছে। এখন যেটা দরকার সেটা হল পাখিটার সম্বন্ধে কিছু তথ্য সংগ্রহ করা। লতিফের দোকান—নিউ মার্কেট...’

ফেলুদা বলে নিউ মার্কেটের মতো এমন একটা ব্যাপার শুধু কলকাতায় বা ভারতবর্ষে কেন—সারা পৃথিবীতেই খুব বেশি আছে বলে মনে হয় না। একটি সেফটি পিন থেকে রয়েল বেঙ্গল টাইগার পর্যন্ত যা কিছু চাও তাই কিনতে পাওয়া যায় নিউ মার্কেটে। আমার তো প্রতিবার গেলেই গোলকধাঁধার মতো সব গুলিয়ে যায়, কিন্তু ফেলুদা একেবারে স্টান যে দোকানে যাওয়া দরকার সেখানে গিয়ে হাজির হয়। ওর নাকি পুরো মার্কেটের প্ল্যান্টা মাথার মধ্যে পরিষ্কার আছে। একবার পাখির বাজারে পৌঁছে লতিফের দোকান বার করতে লাগল ঠিক দু মিনিট। সমস্ত পাখির বাজারটায় যে দিকে চোখ যায় সেদিকেই খাঁচা, আর খাঁচার মধ্যে হাজারে হাজারে কতরকম পাখি রয়েছে তার ঠিক নেই। কয়েকটা পাশাপাশি খাঁচায় তো পেলিক্যান পর্যন্ত রয়েছে মনে হল। আর সব পাখিই কি একসঙ্গে ডাকছে? তা না হলে এরকম কান ফাটা শব্দ হবে কেন?

ফেলুদা লতিফকে সোজাসুজি প্রশ্ন করল তার দোকান থেকে গত শনিবার একজন বাঙালি ভদ্রলোক এসে একটা টিয়া কিনে নিয়ে গেছে কি না।

‘টিয়া তো নেয়নি বাবু’, লতিফ বলল।

‘টিয়া নেয়নি?’

‘না বাবু। তবে চন্দনা একখনো বিক্রি হয়েছে। খুব ভাল পাখি। একজন ফরসা মতো বাবু এসে কিনে নিয়ে গেলেন।’

‘টিয়া আর চন্দনা তো খুবই কাছাকাছি, তাই না?’ ফেলুদা প্রশ্ন করল।

‘হ্যাঁ বাবু। তবে চন্দনার গলায় একটা দাগ থাকে। আর চন্দনার মতো অমন পরিষ্কার কথা টিয়া পাখি বলতে পারে না।’

‘এই চন্দনাটা কথা বলত?’

‘হ্যাঁ বাবু। ‘মা’ ‘মা’ করে ডাকত। ‘ঠাকুর ভাত দাও,’ ‘মধুসূদন,’ ‘হরি হরি’—অনেক কথা বলত বাবু। ভবনীপুরের এক বাড়ি থেকে এসছিল পাখিটা। আপনাদের চাই কথা বলা পাখি?’ ময়না আছে, চন্দনা আছে—’

হীরকের পাখিটা টিয়া না—চন্দনা, এইটাই খালি জানা গেল লতিফের কাছে এসে। ফেলুদা বলল তাতে নাকি অনেকটা লাভ হয়েছে—রহস্যের একটা নতুন দিক নাকি খুলে গেছে।

একটা প্রশ্ন আমার মনে আসছিল—মার্কেট থেকে ফেরার পথে সেটা ফেলুদাকে জিজ্ঞেস না করে পারলাম না।

‘আচ্ছা ফেলুদা, পাখিটাই যদি নেবার ছিল, তা হলে খাঁচাসুন্দু নিয়ে গেলেই তো হত। খাঁচার দরজা খুলে জখম হওয়ার রিস্কটা নিল কেন?’

‘তোর প্রশ্নটা ভালই হয়েছে রে তোপসে। এটা আমারও মাথায় এসেছিল। আসলে যে নিয়েছে সে বোধহয় এইটেই বোঝাতে চেয়েছিল যে পাখির দরজা বন্ধ করা হয়নি, তাই পাখি উড়ে পালিয়েছে। পাখিটাকে যে কোনও একটা বিশেষ প্রয়োজনে ফন্দি করে সরানো হয়েছে সেটা সে বোঝাতে দিতে চায়নি। আর খাঁচা থেকে যখন বার করে নেওয়া হয়েছে, তার মানে হয় সে পাখিকে মেরে ফেলা হয়েছে, না হয় তাকে ছেড়ে দেওয়া হয়েছে।’

পরদিন সকালে ফেলুদা নীহারবাবুকে ফোন করে পাখির কোনও সন্ধান পাওয়া গেছে কি না জিজ্ঞেস করল। পাখিটাকে যদি ছেড়ে দেওয়া হয়ে থাকে তা হলে সেটা আশেপাশেই কোনও গাছে হয়তো থাকতে পারে। কাছাকাছির মধ্যে যদি কোনও পার্ক থাকে তা হলে ইরক যেন সেখানে মাঝে মাঝে গাছপালাণ্ডলো দেখে আসে, এ কথাও ফেলুদা বলল। ভদ্রলোক বললেন পাখির খবর পেলেই উনি জানাবেন।

বিষুবদ্বাৰ সকালে সাতটার সময় নীহারবাবু ফোন কৰলেন। চন্দনাৰ খবরের জন্য নয়। তার আড়াইশো বছৰের পুৱনো সেলফ-ওয়াইফিং ট্যাঁক ঘড়িটা কাল রাত্ৰে তার দেৱাজ থেকে চুৱি হয়ে গেছে।

ফেলুদা টেলিফোনটা রেখে ধৰা গলায় বলল, ‘চট করে তৈরি হয়ে নে। আমার মন বলাছিল একটা গণগোল হবে—’

১৩/২/৭৩



বাক্স রহস্য
(প্রথম খসড়া)

খুব মন দিয়ে কাগজের কাটিংগুলো সাঁটছিলাম বলেই বোধহয় হঠাৎ গ্যাঁ-ক করে কলিং বেলটা বাজতে আঁতকে উঠলাম। কাটিং সাঁটার কাজটা অবিশ্যি আমার নিজের নয়—ওটা ফেলুদা আমাকে করবার ভাব দিয়েছে। খবরের কাগজ থেকে যত রাজ্যের উন্ট খবর বার করে কেটে একটা বিৱাট মোটা খাতায় সেঁটে রাখা। হায়াৰ সেকেন্ডারি পৰীক্ষার পৰি লম্বা ছুটি, তাই এমনিতেই আমার সময়ের অভাব নেই, আৱ সবচেয়ে বড় কথা, ফেলুদার ফৰমাশ খাটিতে আমার কখনওই কোনও আপত্তি নেই।

চাউস খাটাটা বন্ধ করে কাটিংগুলো সেটা দিয়ে চাপা দিয়ে দৱজা খুলতে বেরিয়ে গেলাম। ফেলুদা চুল ছাঁটতে গেছে—এত তাড়াতাড়ি ফেরার কথা নয়, আৱ বাবা আপিসে গেছেন। কে এল তা হলে?

দৱজা খুলে যাকে দেখলাম তাকে এৱ আগে কখনও দেখিনি। বয়স চল্লিশ থেকে পঞ্চাশের মধ্যে, ফৰসা রং, চোখ দুটোয় একটা চিনেম্যানের ভাব আছে, আৱ চুল রীতিমতো পাতলা হয়ে প্ৰায় টাক পড়াৰ ভাব হলো, পাকা নয়। বললাম, ‘কাকে চাই?’

ভদ্রলোক দৱজাৰ বাইৱে বাঁ দিকে বাড়িৰ নম্বৰটাৰ দিকে আৱেকবাৰ দেখে নিয়ে বললেন, ‘প্ৰদোষ মিস্টিৰ এখানে থাকেন কি?’

প্ৰদোষ ফেলুদাৰ ভাল নাম। বললাম, ‘হ্যাঁ—কিন্তু তিনি তো একটু বেৰিয়েছেন। মিনিট পনেৱোৱ মধ্যেই হয়তো ফিৰবেন। আপনি একটু বসবেন কি?’

ভদ্রলোক সাদা ধূতি পাঞ্জাবি পৱেছেন; সেই ধূতিৰ খুট দিয়ে ঘাম মুছে একটু যেন কিন্তু কিন্তু

ভাবে শেষ ধাপ সিডিটা উঠে ঘরের ভিতর পা দিয়ে বললেন, ‘একটু—মানে, ইয়ে ছিল আর কী—’

‘তা হলে বসুন না।’

বাইরের ঘরের দরজা দিয়ে চুকেই আমাদের বৈঠকখানা। আমি পাখাটা খুলে দিলাম। ভদ্রলোক একটা সোফায় বসে বললেন, ‘এক গেলাস জল যদি—’

আমি জল এনে দিলাম। ভদ্রলোক ঢক ঢক করে থেয়ে গেলাস তার বাঁ পাশের কাচের টেবিলে রেখে দিয়ে হাঁফ ছাড়লেন। এবার আরও লক্ষ করলাম—ভদ্রলোকের বা হাতের দুটো আঙুলে দুটো আংটি, পায়ে সাদা রঙের নাগরা জুতো, আর পাঞ্জাবিতে সোনার বোতাম। প্রদোষ মিস্তিরের খোঁজ করা মানেই ডিটেকটিভের খোঁজ করা। আর ডিটেকটিভের খোঁজ করা মানেই কোনও রহস্য বা খুন খারাপির সঙ্গে ভদ্রলোকের সম্পর্ক আছে। তা না হয়ে ভদ্রলোক যদি ফেলুদার কোনও পুরনো বন্ধু হন তা হলে খুব খারাপ হবে। কিন্তু সেটার সভাবনা কম—কারণ ফেলুদার বয়স সবেমাত্র আঠশ হয়েছে।

আমি ঘরের উলটোদিকে তঙ্গপোশটার উপর বসেছিলাম। ভদ্রলোককে একা বসিয়ে রাখা অন্যায় হবে বলে মনে হচ্ছিল; যদি উনি ফেলুদার খন্দেরই হন, তা হলে তার সঙ্গে অভদ্রতা করাটা ভুল হবে।

কট কট শব্দ পেয়ে ভদ্রলোকের দিকে ফিরে দেখি উনি অন্যমনস্ক হয়ে আঙুল মটকাছেন। প্রথমে একে একে ডান হাতের সব আঙুল, তারপর একে একে বাঁ হাতের সব আঙুল (যদিও কড়েটায় আওয়াজ হল না) মটকে ভদ্রলোক পাশের সোফার উপর থেকে আনন্দবাজারটা তুলে নিয়ে মিনিট খানকে পাতা উলটিয়ে সেটা আবার রেখে দিলেন। ফেলুদা হলে এতক্ষণে ভদ্রলোকের সম্বন্ধে অনেক তথ্য বার করে নিতে পারত—শুধু তার চেহারা বা হাবভাব দেখেই। আমি শুধু এইটুকুই বুঝলাম যে উনি বেশ নার্ভাস। জুলাই মাসে গরম খুব বেশি নেই—কারণ সারা রাত বৃষ্টি পড়েছে। অথচ ভদ্রলোকের কপাল বার বার ধূতি দিয়ে মুছেও দেখতে দেখতে বিন্দু বিন্দু ঘামে ভরে যাচ্ছে। নাকের ডগা, গৌঁফের জায়গা আর কাঁধের কাছাকাছেও খুব ঘাম হচ্ছে। অবিশ্য কিছু লোক আছে যারা এমনিতেই একটু বেশি ঘামে। কম ঘামা লোকের মধ্যে ফেলুদা নিজেই একজন।

বৈঠকখানার বোলানো ঘড়িটায় ঢং ঢং নটা বাজা শেষ না হতেই ফেলুদা এসে হাজির। তার মানে পনেরো মিনিটও হয়নি। চুল যে কেটেছে সেটা প্রায় দেখলে বোঝাই যায় না—অবিশ্য এটাই হচ্ছে ফেলুদার কায়দা। ও বলে পুরুষ মানুষের চেহারার আট আনা নির্ভর করে নাপিতের উপর। কাজেই চুল কাটতে বসে সবচেয়ে বেশি সজাগ থাকা উচিত; নাপিতের হাতে ছেড়েছ কি তিনি মিনিটে কাঁচির দুটো বেমক্কা চালে তোমার পোক্রেট চেঞ্জ করে দেবে।

যাই হোক, ফেলুদা ঘরে চুকতেই ভদ্রলোক সোফা ছেড়ে উঠে দাঁড়িয়ে নমস্কার করে বললেন, ‘আপনি কি প্রদোষ মিস্তির?’

ভদ্রলোক বসতে বসতে বললেন, ‘আমার নাম হরিনাথ চক্রবর্তী। আমি আসছি কর্ণওয়ালিস স্ট্রিট থেকে।’

‘টাক্সিতে এলেন না কি?’

‘আজ্জে হ্যাঁ। মানে, আমার গাড়িটা একটু গোলমাল করছে—তা ছাড়া ভবানীপুরের দিকটা ভাল জানা নেই। রোড সেন্টাও কম— তাই ভাবলুম ট্যাক্সিতে গেলে বাড়ি খুঁজে পাওয়াটা আরেকটু সিওর হবে।’

‘ও।—তা, কী ব্যাপার বলুন।’

‘আজ্জে হ্যাঁ।’ ভদ্রলোক একটু থামলেন। বুঝলাম বেশ নার্ভাস বোধ করছেন। ‘আমি—মানে, আপনার নাম শুনেছি। আমার এক দূরসম্পর্কের আঝিয়ের কৈলাস চৌধুরীর সঙ্গে খুব জানা শোনা আছে। তিনিই আর কী...’

ফেলুদা বলল, ‘একটু চা বা কফি—?’

‘আজ্জে, তা এক কাপ...’

‘কোনটা?’

‘যেটা হয়।’

ফেলুদা আমাকে ইশারা করতে আমি টক করে উঠে গিয়ে আমাদের নিতাই ঢাকরকে দু পেয়ালা কফি করতে বলেই আবার বসবার ঘরে ফিরে এলাম। আমার বুক চিপচিপ শুরু হয়ে গিয়েছে। ফেলুদারও যে নামডাক আগের চেয়ে বেশি হয়েছে সেটাও বেশ বুঝতে পারছি। আগে আগে লোকে ফেলুদাকে ডেকে পাঠাত, এখন নিজেরা ধাওয়া করে বাড়ি খুঁজে তার সঙ্গে দেখা করতে আসছে।

ভদ্রলোক আরেকবার ঘাম মুছে নিয়ে বললেন, ‘ব্যাপারটা—মানে, একটু—যাকে বলে কমিক্যাল। আপনি হয়তো শুনে হাসবেন। মানে, সচরাচর যেসব কারণে মানুষে গোয়েন্দাৰ কাছে আসে তা ঠিক না—তবে—’

ফেলুদা চূপ করে বসে আছে। তার দৃষ্টি এতক্ষণ স্টান ভদ্রলোকের দিকে ছিল, এবার দেখলাম ফেলুদা গলা খাকরানি দিয়ে চোখ নামিয়ে পকেট থেকে তার দেশলাই আর সিগারেটটা বার করল। ভদ্রলোকের দিকে প্যাকেটটা এগিয়ে দিয়ে বলল, ‘আসুন।’ বুঝলাম ভদ্রলোকের নার্ভাসনেস্টা কাটানোর জন্যই ফেলুদা একটা হালকা স্বাভাবিক ভাব আনার চেষ্টা করছে।

ভদ্রলোক অঞ্চ হেসে মাথা নেড়ে বললেন, ‘আজ্জে না, আমি খাই না।’

ফেলুদা সিগারেট ধরিয়ে বলল, ‘আপনি কি আমার এই ভাইটির সামনে আপনার কথা বলতে দ্বিধা করছেন?’

ভদ্রলোক অপ্রস্তুত ভাবে হেসে বললেন, ‘না না মোটেই না। আসলে—ওই যা বললাম—ব্যাপারটা একটু পিকিউলিয়ার।’

তারপর পাঞ্জাবির পকেটে হাত চুকিয়ে হরিনাথবাবু একটা কাগজের মোড়ক বার করলেন। সেটা খুলতে তার থেকে বেরোল একটা কাগজের বাক্স, আর বাক্সের ঢাকনাটা খুলতে যেটা বেরোল সেটা আমি যেখান থেকে বসে আছি সেখান থেকে দেখে কী জিনিস বোঝা যায় না। খুব বেশি আগ্রহ বা ব্যস্ততার ভাব না দেখিয়ে তক্ষপোশ ছেড়ে ফেলুদার দিকে উঠে এগিয়ে এলাম। দেখলাম—ফেলুদা এখন যেটা হাতে নিয়ে নেড়ে ছেড়ে দেখছে—সেটা হল একটা ধাতুর তৈরি ছোট (দু ইঞ্চিৰ বেশি লম্বা নয়) মূর্তি। কোনও দেবতার মূর্তি হবে—তবে চেনা দেবতা নয়। জিনিসটা সোনা বা পিতলের তৈরি, আর তাতে আবার ছোট ছোট উজ্জ্বল রংচঙ্গে পাথর বসানো। বাদশাহি আংটির ব্যাপারের সময় ফেলুদা পাথর চিনিয়ে দিয়েছিল—তাই বুঝলাম যে এর মধ্যে চুনি পান্না নীলা ইত্যাদি সব কিছুই আছে। আরও কিছু আছে কি না সেটা নিজে হাতে নিয়ে ভাল করে পরীক্ষা না করলে জানা যাবে না।

‘বাঃ—চমৎকার।’

ফেলুদা আমার নিজের মনের ভাবটাই প্রকাশ করল। সত্যি—জিনিসটা দেখতে অস্তুত সুন্দর।

‘কোথায় পেলেন এটা?’

ফেলুদার এ প্রশ্নের উত্তরে ভদ্রলোক একটু হেসে ফেলুদার হাত থেকে জিনিসটা ফেরত



নিয়ে বললেন, ‘সেটাই তো রহস্য! কী করে যে এটা আমার কাছে এল, তা বুঝতেই পারছি না। একজন লোকের কোনও মূল্যবান জিনিস হারালে সে লোকের পক্ষে গোয়েন্দাৰ কাছে যাওয়া স্বাভাবিক—কিন্তু একজনের হাতে যদি এমন একটা জিনিস তার অজ্ঞানতে এসে পড়ে... ব্যাপারটা একটু কমিক্যাল নয় কি?’

ফেলুদা দেখলাম বেশ গভীর। বলল, ‘কমিক্যাল কি না সেটা অবিশ্য ঘট করে এই অবস্থায় বলা সম্ভব নয়। হতেও পারে, নাও হতে পারে। আপনি বরং আরেকটা ইনফরমেশন দিন। এটা কোথা থেকে বেরোল?’

এ প্রশ্ন শুনে ডেডলোকের মুখ দেখে মনে হল তিনি আবার হাসতে যাচ্ছেন। কিন্তু পরক্ষণেই যেন হাসিটাকে চেপে নিয়ে একটু জোর করে বেশি গভীর হয়ে বললেন, ‘আমার সুপুরির কৌটো থেকে।’

ব্যাপারটা একদিক দিয়ে দেখতে গেলে কমিক্যাল বটেই, কিন্তু আমারই হাসি পাছিল না। ফেলুদা বলল, ‘কবে পেয়েছেন?’

হরিনাথবাবু বললেন, ‘কালকে। একেবারে তলায় পড়ে ছিল।’

‘সুপুরি আপনি নিয়মিত খান?’

‘আজ্জে হাঁ। ওটা আমার একটা বাতিক।’

‘কাল পেয়েছেন মানে কালকেই যে ওটা রাখা হয়েছে কৌটোতে তার কোনও মানে নেই?’

‘মোটেই না! হয়তো যখন ভর্তি ছিল সেই সময় রাখা হয়েছে। কৌটো খালি হয়ে এলে পর ওটা আমার ঢোকে পড়েছে। সত্যি বলতে কী, ঢোকেও পড়েনি। অভ্যাস মতো আঙুল চুকিয়ে

সুপুরি বার করতে গিয়ে প্রথমে হাতে ঠেকেছে। অস্থাভাবিক ঠাণ্ডা লাগতে কৌটো হাতে নিয়ে ভিতরে চেয়ে দেখি মৃত্তিটা দিব্য চিত হয়ে পড়ে আছে। অর্থ আমার সুপুরি আর কেউ শেয়ার করে না। আমার শোবার ঘরে চাকর এবং আমার স্ত্রী ছাড়া আর কেউ আসেও না। চাকর বহুদিনের পুরনো—চুরি চামারিও বাড়িতে কম্পিনকালে হয়েছে বলে মনে পড়ে না। এখন আপনাই বলুন—এর থেকে কী বুবাব।’

ফেলুদা ভুঁক কুঁচকে পায়ের উপর পা তুলে দিয়ে সোফায় আরও ভাল করে হেলান দিয়ে বলল, ‘আপনার এক কৌটো সুপুরি শেষ হতে কতদিন লাগে?’

‘তা ধরুন—হিসেব তো করিনি—দিন পনেরো লাগে বোধহয়।’

‘আপনার স্ত্রীই কৌটো ভরে দেন?’

‘আজ্জে হ্যাঁ।’

‘শেষ করে ভরেছিলেন মনে আছে?’

ভদ্রলোক চোখ বন্ধ করে একটু ভাবলেন। তারপর যখন চোখ খুললেন তখন তার চাহনিতে একটা নতুন ভাব লক্ষ করলাম।

‘দিল্লি যাবার আগের দিন।’

‘আপনি দিল্লি গিয়েছিলেন?’

‘হ্যাঁ। আমার আপিসের কাজে। তিন দিনের জন্য।’

‘প্রেমে না ট্রেনে?’

‘গোছি প্রেমে, এসেছি ট্রেনে।’

‘কবে?’

‘কলকাতা থেকে গোছি ২২শে জুন। ওখান থেকে রওনা হয়েছি ২৫শে সকালে, ফিরেছি ২৬শে ভোরে।’

‘সুপুরির কৌটোটা কী ভাবে নেন?’

‘আমার একটা হাত ব্যাগ—মানে, ছোট অ্যাটাচি কেস আছে, তাতে।’

‘ট্রেনে খাওয়া অভ্যেস আছে?’

‘তা আছে। দিনে ৫-৬বার সুপুরি না খেয়ে পারি না। বিশেষ করে দুপুরের খাওয়া আর রাত্তিরের খাওয়ার পর তো খাই-ই।’

‘অন্য লোককে অফার করেন?’

‘এমনিতে করি না—তবে লোকে চাইলে দিই নিশ্চয়ই।’

‘ট্রেনে কেউ চেয়েছিল খেতে?’

‘তা—হ্যাঁ—দু একজন যেন চেয়ে খেয়েছিল বলে মনে হচ্ছে।’

‘সুপুরি খাবার পর কৌটো কি বাস্তে পুরে রেখেছিলেন?’

ভদ্রলোক আবার ভুঁক কুঁচকে একটু ভাবলেন, তারপর বললেন, ‘যদুর মনে পড়ে—সিটের পাশে একটা টেবিলের মতো জিনিস থাকে—তার উপরেই বোধহয় রেখেছিলাম। বাস্তে পরের দিন সকালে রাখি।’

এবার ফেলুদার ভাববার পালা। বেশ কিছুক্ষণ চুপচাপ থেকে বলল, ‘আপনি কি এয়ার কন্ডিশনড ফাস্ট ক্লাসে আসেছিলেন?’

‘আজ্জে হ্যাঁ।’

‘চারটে বার্থ তো?’

‘হ্যাঁ। চারটেতেই লোক ছিল।’

‘সারা রাত্তা সেই একই চারজন এসেছেন?’

‘বোধহয় একজন মাঝপথে কোথাও নেমে গিয়েছিলেন। এলাহাৰাদে বোধহয়। কে কোথায় যাচ্ছে এ নিয়ে একবার কথা হয়েছিল। একজন আঙালি—বলেছিলেন যে তিনি বেনারসের।’
‘দিল্লিতে কোথায় ছিলেন?’

‘হোটেল। ভাল হোটেল। বেয়ারাঙ্গলো বিশ্বস্ত বলেই জানি।’

‘হঁ।’ ফেলুদা সোফা ছেড়ে উঠে দুবার পায়চারি করে বলল, ‘মনে হয় ট্রেনে রাতের মধ্যেই আপনাদের কামৱাৰ বাকি তিনজনের কেউ আপনার সুপুরিৰ কৌটোতে মৃত্তিচালান দিয়েছে। কিন্তু কথা হচ্ছে—কেন?’

হরিনাথবাবু একটু হেসে মিহি গলায় বললেন, ‘সেইটে জানার জন্যই তো আপনার এখানে আসা। মৃত্তিচালান পর থেকেই একটা ভয় মনে চুকেছে—’

ভদ্রলোক থামলেন—আমৱাৰ তাৰ দিকে চাইলাম।

‘যদি সাময়িক কোনও বিপদ থাকায় কেউ চোৱাই মাল পাচার করে থাকে—তা হলে তো সে মাল আবাৰ উদ্ধাৰ কৰতে আসতে পাৰে। তখন যদি আমাৰ উপৰ...’

ভদ্রলোকেৰ গলা যেন হঠাৎ শুকিয়ে গেল। কথাটা শেষ কৱাৰ দৱকাৰ ছিল না—কাৱণ বুঝতে পাৰছিলাম উনি কী বলতে চাইছিলেন।

ফেলুদা আবাৰ সোফায় বসে পড়ে বলল, ‘সবচেয়ে আগে দৱকাৰ দুটো জিনিস জানা—এক হচ্ছে আপনার সহ্যাৰ্তীদেৱ নাম ধাম, আৱেক হচ্ছে এই মৃত্তিচাল্যবান কি না। দ্বিতীয়টি বোধহয় আপনি জানেন না। কিন্তু প্ৰথমটাৰ ব্যাপাৱে কি আপনি কোনও সাহায্য কৰতে পাৱেন? অবিশ্যি রেল কোম্পানি তাদেৱ বুকিং লিষ্ট দেখে এ ব্যাপাৱে ইনফৱমেশন দিতে পাৱে—কিন্তু তাৰ আগে এই তিনজন সম্পর্কে আপনার কিছু মনে পড়ে কি না সেটাও জানা দৱকাৰ।’

হরিনাথবাবু টাক চুলকে বললেন, ‘ঘটনাটা তো খুব বেশিদিন আগেৰ নয়, তাই তিনজনেৰই চেহাৰা মোটামুটি মনে আছে। একজন বাঙালি ছিলেন—তাৰ সঙ্গে অনেক কথা বলেছি আমি। বললেন বালিগঞ্জে থাকেন—কীসেৱ জানি ব্যবসা আছে। চালিশেৱ কাছাকাছি বয়স—বেশ জোয়ান লোক। হাসলে দেখা যায় একটা দাঁত সোনা দিয়ে বাঁধানো। নাম জানিনি—তবে তাৰ সুটকেস্টা সামনে বেঞ্চিৰ তলায় দেখা যাছিল—যদুৱ মনে পড়ে তাতে K.D. লেখা ছিল। আমি আৱ ইনি মিলেই দুটো লোয়াৰ বার্থ নিয়েছিলাম। ওপৱে যে দুজন ছিলেন, তাদেৱ একজন সাৱা রাস্তা কথাই বলেননি। ইন ফ্যাষ্ট—লোকটিকে দেখে একটু গোলমেলে মনে হচ্ছিল। চশমা পৱেন—তবে তাৰ কাচেৱ রং ঘোলাটো। গোঁফ আৱ জুলফিটাৰ কথা মনে পড়ছে। ওপৱ থেকে দু-তিন বারেৱ বেশি নেমেছেন বলে মনে পড়ে না। আৱ অন্যটি ইংৰেজিতে কথা বলছিলেন। কোন দেশি লোক বলা শক্ত। বেশ সুপুৰুষ চেহাৰা—বয়সও ত্ৰিশেৱ বেশি না দেখে পশ্চিমা বলে মনে হল।’

‘মাঝপথে কে নেমেছিলেন?’

‘সেই পশ্চিমা ভদ্রলোকটি।’

‘আৱ কালো চশমা?’

‘তিনি নামলেন হাওড়ায়। গাড়ি থামবাৰ অনেক আগেই মাল টাল বাইৱেৱ বারান্দায় নিয়ে গিয়ে অপেক্ষা কৰছিলেন।’

এৱ পৱে আৱ বেশি কথা হয়নি। হরিনাথবাবু যাবাৰ সময় বেশ কিন্তু কিন্তু ভাব কৰে ক্ষমা চাইলেন—হয়তো বুঝাই আপনার সময় নষ্ট কৰলাম। আপনি নিশ্চয়ই ব্যস্ত মানুষ—আপনার আৱও অনেক অ্যাপয়েন্টমেন্ট থাকে...

আসলে ফেলুদা যে গোয়েন্দগিৰিৰ কাজে সব সময় খুব ব্যস্ত তা মোটেই না। এমনিতেও

বলে যে খুব ইন্টারেস্টিং কেস না হলে ওর নিতে ইচ্ছেই করে না—আর কেসও যে খুব একটা বেশি আসে তা নয়—তাই ও একটা আপিসে পার্ট টাইম চাকরিও করে। তবে ওর বন্ধুর আপিস বলে লক্ষ লক্ষ ছুটি চাওয়াও ওর পক্ষে খুব অসুবিধে নয়।

ফেলুদা বলল, ‘আপনার ঘটনাটা যে ভারী অস্তুত তাতে কোনও সন্দেহ নেই—তবে ব্যাপারটা, যাকে এখনও বলে, খুব ধোঁয়াটে অবস্থায় রয়েছে। আমি এখনও এটাকে টেক-আপ করছি বলে বলব না—দু-একটা ইনফরমেশন নিয়ে তারপর আপনার সঙ্গে আবার যোগাযোগ করব।’

হরিনাথবাবু সোফা ছেড়ে উঠে পড়েছিলেন। তিনি এবার পকেট থেকে তার মানিব্যাগটা বার করে তার ভিতর হাতড়াতে লাগলেন। আমি ভাবলাম ফেলুদাকে বুঝি তিনি কিছু আগাম টাকা দেবেন, কিন্তু তার কথায় বুঝলাম তিনি অন্য জিনিস খুঁজছেন।—‘কী আশ্চর্য—ভিজিটিং কার্ডগুলো গেল কোথায়?’

ফেলুদা একটু হেসে বলল—‘প্রয়োজন হবে না। আপনি যখন ট্যাঙ্গির ভাড়া দিচ্ছিলেন, তখন আপনার পকেট থেকে একটা কার্ড বেরিয়ে রাস্তায় পড়ে যায়। এই যে—’

ফেলুদা নিজের শার্টের পকেট থেকে একটা কার্ড বার করে দেখাল।

‘বাকিগুলো বোধহয় আপনার পাঞ্জাবির পকেটে আছে—কারণ আপনার মানিব্যাগের পাশটা ছিড়ে এসেছে। এই বেলা ওটাকে চেঞ্জ করুন।’

সত্যিই ভদ্রলোকের পার্সের অবস্থা শোচনীয়। হরিনাথবাবু জিভ কেটে বললেন, ‘যা বলেছেন। যাই হোক—ঠিকানা তো জানেন—টেলিফোনও ওতেই পাবেন। কোনও কিছু জানানোর থাকলে আমাকে ফোন করবেন। সকাল দশটার মধ্যে অথবা সন্ধ্যা সাতটার পরে ফোন করলেই পাবেন।’

‘কিন্তু আরেকটা কথা’—ভদ্রলোক দরজার দিকে এগোচ্ছিলেন, ফেলুদা তাকে বাধা দিল। ‘আপনার ওই মূর্তিটা ছাড়া তো চলবে না। ওটার মূল্যটা জানা দরকার। স্পেশালিস্টের কাছে যেতে হবে।’

ভদ্রলোক তৎক্ষণাত মূর্তির প্যাকেটটা ফেলুদাকে দিয়ে বললেন—‘সত্যিই—ভারী ভুল হয়ে গেছে আমার। সত্যি বলতে কী—এটাকে সরাতে পারলে আমার হয়তো কিছুটা নিশ্চিন্তার লাগবে।’

ফেলুদা বলল, ‘সরানো মানে অবিশ্যি একদিনের জন্য। কালই আবার আপনি এটা ফেরত পাবেন।’

ভুবন সরকারের নাম ফেলুদার মুখে আগে কখনও শুনিনি, কাজেই তার বাড়িতে যাচ্ছি শুনে ফেলুদাকে জিজ্ঞেস করতে বাধ্য হলাম লোকটি কে।

‘আর্টের একজন মস্ত সম্বাদার আর সমালোচক। বিলেতেও নামডাক আছে। বৌদ্ধযুগের আর্ট সম্বন্ধে স্পেশালিস্ট। আমার মেজোমামার সহপাঠী। আর কিছু জানতে চাস?’

মাথা নেড়ে ঘিনমিনিয়ে বললাম, ‘না—এই যথেষ্ট।’

আমাদের ট্যাঙ্গিটা লোয়ার সার্কুলার রোড দিয়ে গিয়ে লর্ড সিনহা রোডে মোড় নিল।

‘ওটা বুঝি বুদ্ধের মূর্তি?’

‘তোর মুগু। বৌদ্ধ শিঙ্গ মানেই কি বুদ্ধের মূর্তি? বৌদ্ধ ধর্মের সঙ্গে কানেকটেড কোনও দেবতার মূর্তি হতে পারে না?’

এর পরে একেবারেই চুপ মেরে যেতে হল। মূর্তিটা জানি ফেলুদার প্যান্টের পকেটে রয়েছে। মনে মনে আরেকবার দেখতে ইচ্ছে করছিল—কিন্তু সাহস পেলাম না।



ভুবন সরকারকে দেখেই মনে হল তিনি একজন ভীষণ জ্ঞানী লোক—তা না হলে কপাল অত চওড়া হয় না, চশমার অত পাওয়ার হয় না, আর চুল ওরকম উসকোখুসকো হয় না। ভদ্রলোক তামাক খান, তার জন্যেই বোধহয় দাঁতগুলোতে ব্রাউন রং ধরে গেছে। ফেলুদাকে দেখেই বললেন, ‘এসেছ। কই, কী মূর্তি দেখি—আজ আবার ইন্সিটিউটে একটা লেকচার আছে।’

ফেলুদা বাক্স থেকে মূর্তিটা বার করে ভদ্রলোকের হাতে দিল।

ভুবনবাবু দাঁড়িয়ে ছিলেন; মূর্তিটা হাতে পেয়ে একেবারে চেঁধের সামনে ধরেই ব্যস্তভাবে একটা টেবিলের সামনে গিয়ে দিনের আলোর উপরেই ল্যাম্প ঝেলে চেয়ারে বসে মূর্তিটা ল্যাম্পের আলোয় ধরে সেটার উপর একেবারে হৃমড়ি খেয়ে পড়লেন। এমনি দেখায় হল না বলে দেরাজ থেকে একটা ম্যাগনিফাইং প্লাস বের করে দেখলেন। দেখার সময় বিড়বিড় করে কী সব বললেন সেটা শুনতে পেলাম না—কিন্তু দেখা শেষ করেই যেটা বললেন সেটা বোধহয় দোতলার লোকেরাও শুনতে পেল—‘ম্যাগনিফিসেন্ট! কোথায় পেলে এ জিনিস?’

ফেলুদা বলল, ‘সেটা সিক্রেট। আগে জিনিসটা মূল্যবান কি না সেটা বলুন।’

ভদ্রলোক দাঁত থিচিয়ে চেয়ার ছেড়ে উঠে পড়লেন, ‘তুমি বলছ কী হে? তিব্বতি আর্টের এ একটা আউটস্ট্যান্ডিং অ্যাস্ট রেয়ার স্পেসিমেন। কীসের মূর্তি জানো তো এটা? যমন্তক। চৌক্ষিক হাত, চারটে মাথা—কোনও সন্দেহ নেই। এত ছোট অখচ এত নিখুঁত তিব্বতি মূর্তি আগে কোনওদিন দেখেছি বলে মনে পড়ে না।’

ফেলুদা বলল, ‘কোথাও যদি বিক্রি হয়—কীরকম দাম হবে এটার?’

‘এ তো প্রাইসলেস!—শুধু পাথর বসানো সোনার জিনিস বলে নয়—এর ইউনিকনেস-এর জন্য। আমি বলছি এ জিনিস আর দেখিনি—তিব্বতি আর্ট আমি যত দেখেছি তত আর খুব বেশি বাঙালি দেখেছে বলে মনে হয় না। আমি নিজে লাদাখ গিয়েছি—পোটালা প্যালেসে

লামার সঙ্গে দেখা করেছি—আর লামাদের সঙ্গে একসঙ্গে ঘড়ার খুলিতে চা খেয়েছি। ওয়াং চো-র পথে খচরের পিঠ থেকে পড়ে গিয়ে আমার থাই-বোন ভেঙে যায়—তিব্বতি টেটকা ওষুধে হাড় আবার ম্যাজিকের মতো জোড়া লেগে যায়। তারপর—'

বদ্রলোক প্রায় তিনি মিনিট ধরে তিব্বতে আরও কী কী দেখেছিলেন আর করেছিলেন তাই বলে চললেন। সব শেষে বললেন যে এতদিন তিব্বতে থেকে তিব্বতের জিনিসপত্র দেখেও তিনি বলতে পারেন যে যমস্তকের এই খুদে মৃত্তিটার মতো এমন অসাধারণ সুন্দর জিনিস তিনি আর দেখেননি।

১৯৬৯-এক খসড়া খাতা থেকে উপরের এই অসমাপ্ত লেখাটি উদ্ধার করা গেছে। কয়েক পাতা আগে উনি লিখে শেষ করেছিলেন ‘শেয়াল দেবতা রহস্য’ (যার প্রথম নাম ছিল ‘ফেলুদা ও আনুবিস রহস্য’ বা শুধু ‘আনুবিস রহস্য’)। সুতরাং, এ লেখা শেষ করলে সেটা আইন অনুযায়ী ফেলুদার পক্ষম অ্যাডভেক্ষার হবার কথা—যদিও গল্প না উপন্যাস তা এই অবস্থায় বলা মুশকিল। ১৯৭০-এ লেখা হল ‘গ্যাংটকে গণগোল’, ১৯৭১-এ ‘সোনার কেলা’—কিন্তু ১৯৭২, অর্থাৎ এই খসড়ার তিনি বছর বাদে, ফেলুদার যে চতুর্থ উপন্যাসটি প্রকাশিত হল, তার সঙ্গে এই অসমাপ্ত লেখার এক আশ্চর্য মিল পাওয়া যাচ্ছে। ঠিকই ধরেছ—‘বাঞ্ছ রহস্য’-র সেই সুপুরির কৌটো কেউ কোনওদিন ভুলতে পারে কি?

আদিত্য বর্ধনের আবিষ্কার

‘কোনও মানে হয়?’ বললেন লালমোহনবাবু। ‘হংকং পর্যন্ত দেখে এলুম, অথচ তাজমহল দেখলুম না এখনও।’

কথাটা সত্যি। দিল্লি গেছি সিমলা যাবার পথে, রাজস্থান যাবার পথে। কিন্তু আগ্রা যাওয়া হয়নি। আসলে আজকাল আমাদের কোথাও যাওয়া মানে একটা রহস্য ধাওয়া করে যাওয়া। আগ্রায় ফেলুদার কোনও কেস পড়েনি, তাই যাওয়া হয়নি।

ফেলুদা বলল, ‘আপনার রেলওয়ে বুকিং আপিসে তো কে চেনা আছে বলেছিলেন—দেখুন না দিন দশেকের মধ্যে একটা ফোর-বার্থ কম্পার্টমেন্ট পাওয়া যায় কি না।’

‘ফার্স্ট ক্লাস তো?’

‘আমার তো অন্যতেও আপত্তি নেই, কিন্তু আপনি ফার্স্ট ছাড়া ট্র্যাঙ্গেল করলে তো প্রেস্টিজ থাকবে না। বাংলার বেস্ট সেলিং রহস্য রোমাঞ্চ ঔপন্যাসিক—সে কি আর থি টিয়ারে যেতে পারে?’

‘হ্যাঃ হ্যাঃ হ্যাঃ—আপনি কথাও বলতে পারেন। না, সিরিয়াসলি বলছি—যাবেন আগ্রা?’

‘হামিন অস্ত্ৰ হামিন অস্ত্ৰ হামিন অস্ত্ৰ—’

‘সেটা আবার কী?’

‘বিশ্বে যদি কোথাও স্বর্গ থেকে থাকে, তো সে এখানেই, এখানেই, এখানেই। তাজমহলের গায়ে ফারসি ভাষায় লেখায় আছে।’

লালমোহনবাবুর প্রতিবেশী রেলওয়ে বুকিং আপিসের কর্মচারী পরিতোষ হোড়ের দৌলতে সাতদিনের মধ্যেই আমরা রেলে রিজার্ভেশন পেয়ে গেলাম। রাত আটটার ট্রেন। আধ্যন্ত আগে গিয়ে বইয়ের দোকান থেকে পথে পড়ার দু-একটা পত্রিকা কিনে কম্পার্টমেন্টে চুকে দেখি ঘর ভর্তি লোক। বুবলাম যে যাচ্ছে একজনই, বাকি সব সি অফ করতে এসেছে। আমাদের দেখে অবিশ্য একটা লোয়ার বার্থ খালি করে দেওয়া হল, আমরা হাতের জিনিসপত্র রেখে তাতেই পাশাপাশি বসলাম।

এর মধ্যে কোনজন যে যাত্রী সেটা কথাবার্তা থেকেই বোঝা গেল। বছর পঞ্চাশ বয়সের ভদ্রলোক, চোখে চশমা, চওড়া কপালের পিছন দিকে কাঁচা পাকা মেশানো ঢেউ খেলানো ব্যাকব্রাশ করা চুল। চেহারায় যেটার ছাপ আছে—প্রোফেসর বা বৈজ্ঞানিক বা দার্শনিক হলে আশ্চর্য হব না। কথাবার্তায় বুবলাম ভদ্রলোক দিল্লি যাচ্ছেন একটা বক্তৃতা দিতে—কী বক্তৃতা তা অবিশ্য বোঝা গেল না।

ফেলুদা আড়চোখে ভদ্রলোককে দেখছে, একবার ফিসফিস করে বলল, ‘ব্যন্ত মানুষ। আপন ভোলা।’

‘কী করে বুঝলে?’

ফিস ফিস করে উত্তর হল, ‘ডান হাতের তিনটে নোখ কেটেছে—বাকিগুলো ভুলে গেছে। তার মানে অন্যমনস্ক। যে দুটো কাটেনি সে দুটো এত বড়—তা থেকে বোঝা যায় সময় পায়নি, অর্থাৎ ব্যন্ত।’

আমার কৌতুহল বেড়ে গেছে।

‘আর কী বুঝলে?’

‘আরগুলো তোরও বুঝতে পারা উচিত। যেমন ভদ্রলোকের পদবি বোস, বল, বর্মন, বর্ধন, ব্যানার্জি, ভট্টাচার্য, ভৌমিক, বসাক, বটব্যাল বা ব্ৰহ্মচারী।’

ভদ্রলোকের সিটের তলায় একটা ভি.আই.পি-র হ্যাঙ্গেলের দুপারে ‘এ. বি.’ অক্ষরগুলো রয়েছে সেটা এবার চোখে পড়ল।

ট্রেন ছাড়ার পাঁচ মিনিট আগে কম্পার্টমেন্ট খালি হয়ে গেল।

লালমোহনবাবু উঠে বললেন, ‘আমি কিন্তু আপার বার্থ নিছি।’

ফেলুদা বলল, ‘আপনি প্রোচ ব্যসে কেন আর কষ্ট করে উঠবেন—’

‘প্রোচ!—আই অ্যাম ওনলি ফট্টি থ্রি! আর উপরে আমার দুমটা আরও ভাল হয়।’

‘তথাস্ত।’

‘দিল্লি যাচ্ছেন?’ সহ্যাত্মী লালমোহনবাবুর দিকে ফিরে প্রশ্ন করলেন। বোধহয় বয়স ওঁর বেশি দেখে ওঁকেই আমাদের দলপতি ঠাউরেছেন।

‘আগ্রা’—হেসে বললেন লালমোহনবাবু, ‘আপনিও কি—’

‘আমি আগে যাব দিল্লি—একটা বক্তৃতা আছে। তারপর আগ্রাই যাবার কথা আছে। এখনও তাজমহলটা দেখা হয়নি।’

‘আরে, আমাদেরও তো ঠিক সেই ব্যাপার!’

‘তাই বুঝি?’

ভদ্রলোক একটা ছোট ব্যাগ খুলে, তার থেকে একটা নোটবুক বার করলেন।

‘এক্সকিউজ মি,’ ফেলুদা বলল, ‘ওই ব্যাগের ভিতরের পত্রিকা থেকে আপনাকে বৈজ্ঞানিক মনে হয়?’

‘হ্যাঁ। আই অ্যাম এ কেমিস্ট।’

ফেলুদার ভুরু কুঁচকে গেল। জিঞ্জেস করল, ‘সম্প্রতি কি খবরের কাগজে নাম উঠেছে?’

‘ঠিক ধরেছেন।’

‘আদিত্য শেখর বর্ধন?’

ভদ্রলোক হেসে মাথা নেড়ে হাঁ বললেন।

‘আপনি তো নমস্য ব্যক্তি মশাই। আপনি পেট্রোলের একটা বিকল্প পদার্থ আবিষ্কার করেছেন না?’

‘পদার্থ ঠিক নয়। সোলার পাওয়ার ব্যবহার করে পেট্রোলের কাজ চালানো যায়, এমন একটা ব্যাপার।’

লালমোহনবাবু হাঁ করে দুজনের কথা শুনছেন।

ফেলুদা বলল, ‘আমার তো মনে হয় এটা একটা যুগান্তকারী ব্যাপার। কারণ পেট্রোলিয়ামও চিরটাকাল থাকবে না। পৃথিবীতে তেলের স্টক তো অফুরন্ত নয়। এমনকী মিডল ইস্টেও নয়।’

‘ঠিকই বলেছেন। এটা একটা আন্তর্জাতিক হেড-এক। তেল ফুরোলে কী হবে?’

‘তা আপনি এই আবিষ্কারের পেটেন্ট নেননি? একটা ফরমুলা তো আছে নিশ্চয়ই।

‘তা আছে বইকী। তবে এ তো আমাদের মাস্থানেকের ব্যাপার। আমি রিসার্চ করছি আজ তিনি বছর ধরে।’

‘কিন্তু আমার তো মনে হচ্ছে এটা একটা গোল্ড মাইন! ফরমুলাটা সাবধানে রেখেছেন তো? ওটা কিন্তু—’

ফেলুদার কথা শেষ হল না। একজন ভদ্রলোক আমাদের ঘরে এসে চুকেছেন। প্রায় ছয়টা লম্বা, আর মানানসই রকম চওড়া, পাকানো গোঁফ, ফ্রেঞ্চ কাট দাঢ়ি।

‘দুজন এমিনেন্ট লোক এক কম্পার্টমেন্টে ট্র্যাভেল করছেন শুনে দেখতে এলাম।’

‘একী! লোকটা ফেলুদাকে চেনে নাকি? নাকি লালমোহনবাবুকে?’

‘মে আই সিট ডাউন?’

‘নিশ্চয়ই।’

মিস্টার বর্ধন তাঁর বাক্সটা সরিয়ে জায়গা করে দিলেন। নতুন ভদ্রলোকটি ইংরিজি মিশিয়ে হিন্দি টানে বাংলা বলেন।

‘আমি আপনাদের চিনি না, পাশের বোগিতে এক ভদ্রলোক বললেন আপনাদের কথা। দি কোয়েন্চ ইজ—কে সাহিত্যিক আর কে ডিটেকটিভ?’

মিঃ বর্ধনও অবাক। ‘আপনি কি ডিটেকটিভ নাকি?’ ফেলুদার দিকে চেয়ে প্রশ্ন করলেন।

‘আজ্ঞে হাঁ। ওটাই আমার পেশা। আমার নাম প্রদোষ মিত্র। ইনিও এঁর লাইনে কম বিখ্যাত নন। মিঃ গাঙ্গুলী—রহস্য রোমাঞ্চ উপন্যাস লেখেন।’

‘হঁ হঁ।’


‘হাউ ইন্টারেস্টিং,’ বললেন মিঃ বর্ধন। ‘বুঝেছি—তাই জন্যেই সাবধানতার কথা বলছিলেন। আপনার বোধহয় ওই সব ফরমুলা চুরির ব্যাপারে অভিজ্ঞতা আছে?’

‘তা অল্পবিস্তর আছে, মিঃ বর্ধন।’

আগন্তুক ভদ্রলোক বোধহয় মনে করলেন এবার তাঁর পরিচয়টাও দেওয়া উচিত। হয়তো তাঁর লাইনে তিনিও কিছু কম বিখ্যাত নন।

‘মাই নেম ইজ যোগীন্দ্র রাঠোর। আমার কারবার আছে দিল্লিতে—জুয়েলারি। আপনার বিষয় আমি পেপারে পড়ছিলাম। ভেবি ইন্টারেস্টিং। আই থিংক ইউ উইল বি এ রিচ ম্যান সুন!’

‘জানি না’, হেসে বললেন মিঃ বর্ধন। ‘এমনও হতে পারে যে এ জিনিস আগেই আবিষ্কার হয়ে গেছে। সেক্ষেত্রে আমার ফরমুলার আর কোনও মূল্যই থাকবে না। এই টেকনোলজির যুগে বৈজ্ঞানিকরা তো আর বসে নেই।’



‘এনিওয়ে,’—মিঃ রাঠোর উঠে পড়লেন, ‘যদি আপনার ফরমুলা বিক্রি করার কথা ভাবেন, দেন থিক অফ মি ফাস্ট! হে হে—আমার অফার রইল।’

মিঃ রাঠোর চলে যাওয়াতে কামরাতে হঠাৎ যেন জানাজানি বেড়ে গেল।

‘আপনি তো খন্দের পেয়ে গেলেন মশাই,’ বললেন লালমোহনবাবু।

মিঃ বর্ধন হেসে বললেন, ‘খন্দের এখানে কেন? বাইরে থেকেও এনকোয়ারি এসেছে। দুটো অ্যামেরিকান কেমিক্যাল ফার্ম। আমি সামনের মাসেই স্টেটসে যাচ্ছি। তারপর দেখা যাক কী হয়।...আপনারা কোথায় উঠছেন আগ্রায়?’

‘আগ্রা হোটেল’, বলল ফেলুদা।

‘প্রোফেশনালি হয়তো আপনার সঙ্গে দেখা করার কোনও প্রয়োজন হবে না—আশা করি না—তবে আমি আগ্রা যাব শনিবার। থাকব ক্লার্কে। যদি ফাঁক পান একবার চলে আসবেন। ওখানে আমার কোনও কাজ নেই—তাজমহল, ফতেপুর সিংহ—এইসব দেখার জায়গাগুলো একটু দেখব আর কী। সঙ্গী পেলে ভালই লাগবে। আর আপনি চিন্তা করবেন না মিঃ মিত্র। আপনি গোয়েন্দা, তাই বোধহয় চতুর্দিকে ক্রিমিন্যাল দেখতে পান। আমার ফরমুলা নিরাপদেই থাকবে।’

১৯৮৩

১৯৮৩ সালের এক খাতা থেকে ফেলুদার এই অসমাপ্ত খসড়াটা পাওয়া গেছে। খাতা শুরু হয়েছে তারিখীয়ুড়ের এক কাহিনী দিয়ে (তারিখীয়ুড়ে ও এক বেতাল)। অন্যান্য লেখার মধ্যে আছে—‘সাধনবাবুর সন্দেহ’ (গল্প), ‘আশ্চর্যজন্ম’ (শঙ্কু), ‘মানপত্র’ (গল্প), ‘গগন চৌধুরীর স্টুডিও’ (গল্প), ‘জাহাঙ্গীরের স্বর্ণমুদ্রা’ (ফেলুদা), ‘অপুর সঙ্গে আড়াই বছর’ (প্রবন্ধ) ও ‘এবার কাণ্ড কেদারনাথে’ (ফেলুদা)।

গ্রন্থ-পরিচয়

হত্যাপূরী

প্রথম প্রকাশ: সন্দেশ, শারদীয়া ১৩৮৬।

গ্রন্থাকারে প্রকাশ: ১ বৈশাখ ১৩৮৮। আনন্দ পাবলিশার্স প্রাইভেট লিমিটেড।

প্রচ্ছদ ও অলংকরণ: সত্যজিৎ রায়

‘ফেলুদার সপ্তকাণ’ গ্রন্থে সংকলিত। প্রথম সংস্করণ: নভেম্বর ১৯৯৮। আনন্দ পাবলিশার্স প্রাইভেট লিমিটেড।

গোলকধাম রহস্য

প্রথম প্রকাশ: সন্দেশ, বৈশাখ-শ্রাবণ ১৩৮৭।

গ্রন্থাকারে ‘আরো বারো’-এর অন্তর্ভুক্ত। প্রথম সংস্করণ: সেপ্টেম্বর ১৯৮১। আনন্দ পাবলিশার্স প্রাইভেট লিমিটেড।

‘কলকাতায় ফেলুদা’ গ্রন্থে সংকলিত। প্রথম সংস্করণ: জানুয়ারি ১৯৯৮। আনন্দ পাবলিশার্স প্রাইভেট লিমিটেড।

যত কাণ কাঠমাণ্ডুতে

প্রথম প্রকাশ: দেশ, শারদীয়া ১৩৮৭।

গ্রন্থাকারে প্রকাশ: আগস্ট ১৯৮২। আনন্দ পাবলিশার্স প্রাইভেট লিমিটেড।

প্রচ্ছদ ও অলংকরণ: সত্যজিৎ রায়

‘পাহাড়ে ফেলুদা’ গ্রন্থে সংকলিত। প্রথম সংস্করণ: জানুয়ারি ১৯৯৬। আনন্দ পাবলিশার্স প্রাইভেট লিমিটেড।

নেপোলিয়নের চিঠি

প্রথম প্রকাশ: সন্দেশ, শারদীয়া ১৩৮৮।

গ্রন্থাকারে ‘ফেলুদা ওয়ান ফেলুদা টু’ গ্রন্থের অন্তর্ভুক্ত। প্রথম সংস্করণ: জানুয়ারি ১৯৮৫। আনন্দ পাবলিশার্স প্রাইভেট লিমিটেড।

‘ফেলুদা একাদশ’ গ্রন্থে সংকলিত। প্রথম সংস্করণ: ডিসেম্বর ২০০০। আনন্দ পাবলিশার্স প্রাইভেট লিমিটেড।

চিনটোরেটোর ঘীণ

প্রথম প্রকাশ: দেশ, শারদীয়া ১৩৮৮।

গ্রন্থাকারে প্রকাশ: সেপ্টেম্বর ১৯৮৩। আনন্দ পাবলিশার্স প্রাইভেট লিমিটেড।

প্রচ্ছদ ও অলংকরণ: সত্যজিৎ রায়।

‘ফেলুদার পান্চ’ গ্রন্থে সংকলিত। প্রথম সংস্করণ: আগস্ট ২০০০। আনন্দ পাবলিশার্স প্রাইভেট লিমিটেড।

অম্বর সেন অন্তর্ধান রহস্য

প্রথম প্রকাশ: আনন্দমেলা, ৪, ১৮ মে; ১, ১৫ জুন ১৯৮৩।

গ্রন্থাকারে ‘এবারো বারো’-এর অন্তর্ভুক্ত। প্রথম প্রকাশ: ২ মে ১৯৮৪। আনন্দ পাবলিশার্স প্রাইভেট লিমিটেড।

‘কলকাতায় ফেলুদা’ গ্রন্থে সংকলিত। প্রথম সংস্করণ: জানুয়ারি ১৯৯৮। আনন্দ পাবলিশার্স প্রাইভেট লিমিটেড।

জাহাঙ্গীরের ষষ্ঠমুদ্রা

প্রথম প্রকাশ: সন্দেশ, শারদীয়া ১৩৯০।

গ্রন্থাকারে ‘এবারো বারো’-এর অন্তর্ভুক্ত। প্রথম প্রকাশ: ২ মে ১৯৮৪। আনন্দ পাবলিশার্স প্রাইভেট লিমিটেড।

‘ফেলুদা একাদশ’ গ্রন্থে সংকলিত। প্রথম সংস্করণ: ডিসেম্বর ২০০০। আনন্দ পাবলিশার্স প্রাইভেট লিমিটেড।

এবার কাণ্ড কেদারনাথে

প্রথম প্রকাশ: দেশ, শারদীয়া ১৩৯১।

গ্রন্থাকারে ‘ফেলুদা ওয়ান ফেলুদাটু’ গ্রন্থে অন্তর্ভুক্ত। প্রথম সংস্করণ: জানুয়ারি ১৯৮৫। আনন্দ পাবলিশার্স প্রাইভেট লিমিটেড।

‘পাহাড়ে ফেলুদা’ গ্রন্থে সংকলিত। প্রথম সংস্করণ: জানুয়ারি ১৯৯৬। আনন্দ পাবলিশার্স প্রাইভেট লিমিটেড।

বোসপুরে খুনখারাপি

প্রথম প্রকাশ: সন্দেশ, শারদীয়া ১৩৯২।

গ্রন্থাকারে ‘একের পিঠে দুই’ গ্রন্থে অন্তর্ভুক্ত। প্রথম সংস্করণ: জানুয়ারি ১৯৮৮। আনন্দ পাবলিশার্স প্রাইভেট লিমিটেড।

‘কলকাতায় ফেলুদা’ গ্রন্থে সংকলিত। প্রথম সংস্করণ: জানুয়ারি ১৯৯৮। আনন্দ পাবলিশার্স প্রাইভেট লিমিটেড।

দার্জিলিং জমজমাট

প্রথম প্রকাশ: দেশ, শারদীয়া ১৩৯৩।

গ্রন্থাকারে প্রকাশ: সেপ্টেম্বর ১৯৮৭। আনন্দ পাবলিশার্স প্রাইভেট লিমিটেড।

প্রচ্ছদ ও অনংকরণ: সত্যজিৎ রায়।

‘পাহাড়ে ফেলুদা’ গ্রন্থে সংকলিত। প্রথম সংস্করণ: জানুয়ারি ১৯৯৬। আনন্দ পাবলিশার্স প্রাইভেট লিমিটেড।

ভূষণ ত্যংকর

প্রথম প্রকাশ: দেশ, শারদীয়া ১৩৯৪।

গ্রন্থাকারে ‘ডবল ফেলুদা’-এর অন্তর্ভুক্ত। প্রথম সংস্করণ: সেপ্টেম্বর ১৯৮৯। আনন্দ পাবলিশার্স প্রাইভেট লিমিটেড।

‘পাহাড়ে ফেলুদা’ গ্রন্থে সংকলিত। প্রথম সংস্করণ: জানুয়ারি ১৯৯৬। আনন্দ পাবলিশার্স প্রাইভেট লিমিটেড।

ইন্দ্রজাল রহস্য

রচনাকাল: ২২.৪.৮৭-২৬.৪.৮৭

প্রথম প্রকাশ: সন্দেশ, অগ্রহায়ণ-মাঘ ১৪০২।

গ্রন্থাকারে 'কলকাতায় ফেলুদা' গ্রন্থে সংকলিত। প্রথম সংস্করণ: জানুয়ারি ১৯৯৮। আনন্দ পাবলিশার্স প্রাইভেট লিমিটেড।

অলংকরণ: সুব্রত গঙ্গোপাধ্যায়

অন্ধরা থিয়েটারের মামলা

প্রথম প্রকাশ: সন্দেশ, শারদীয়া ১৩৯৪।

গ্রন্থাকারে 'ডবল ফেলুদা'-এর অন্তর্ভুক্ত। প্রথম সংস্করণ: সেপ্টেম্বর ১৯৮৯। আনন্দ পাবলিশার্স প্রাইভেট লিমিটেড।

'কলকাতায় ফেলুদা' গ্রন্থে সংকলিত। প্রথম সংস্করণ: জানুয়ারি ১৯৯৮। আনন্দ পাবলিশার্স প্রাইভেট লিমিটেড।

শকুন্তলার কর্ণহার

প্রথম প্রকাশ: দেশ, শারদীয়া ১৩৯৫।

গ্রন্থাকারে 'জবর বারো' গ্রন্থের অন্তর্ভুক্ত। প্রথম সংস্করণ: মে ১৯৯৬। আনন্দ পাবলিশার্স প্রাইভেট লিমিটেড।

এই কাহিনীর অলংকরণ: সমীর সরকার

'ফেলুদার সপ্তকাণ' গ্রন্থে সংকলিত। প্রথম সংস্করণ: নভেম্বর ১৯৯৮। আনন্দ পাবলিশার্স প্রাইভেট লিমিটেড।

ডাঃ মুনসীর ডায়ারি

রচনাকাল: ১৯.৬.৮৯-২৩.৬.৮৯

প্রথম প্রকাশ: সন্দেশ, শারদীয়া ১৩৯৭।

গ্রন্থাকারে 'বা! বারো'-র অন্তর্ভুক্ত। প্রথম সংস্করণ: জানুয়ারি ১৯৯৪। আনন্দ পাবলিশার্স প্রাইভেট লিমিটেড।

'কলকাতায় ফেলুদা' গ্রন্থে সংকলিত। প্রথম সংস্করণ: জানুয়ারি ১৯৯৮। আনন্দ পাবলিশার্স প্রাইভেট লিমিটেড।

লড়নে ফেলুদা

প্রথম প্রকাশ: দেশ, শারদীয়া ১৩৯৬।

গ্রন্থাকারে 'ফেলুদা প্লাস ফেলুদা' গ্রন্থের অন্তর্ভুক্ত। প্রথম সংস্করণ: ২ মে ১৯৯২। আনন্দ পাবলিশার্স প্রাইভেট লিমিটেড।

'ফেলুদা একাদশ' গ্রন্থে সংকলিত। প্রথম সংস্করণ: ডিসেম্বর ২০০০। আনন্দ পাবলিশার্স প্রাইভেট লিমিটেড।

নয়ন রহস্য

প্রথম প্রকাশ: দেশ, শারদীয়া ১৩৯৭।

গ্রন্থাকারে প্রকাশ: জানুয়ারি ১৯৯১। আনন্দ পাবলিশার্স প্রা. লি.

‘ফেলুদার পানচ’ গ্রন্থে সংকলিত। প্রথম সংস্করণ: আগস্ট ২০০৩। আনন্দ পাবলিশার্স প্রাইভেট লিমিটেড।

রবার্টসনের ঝুঁঁবি

প্রথম প্রকাশ: দেশ, শারদীয়া ১৩৯৯।

গ্রন্থাকারে প্রকাশ: ২ মে ১৯৯৪। আনন্দ পাবলিশার্স প্রাইভেট লিমিটেড।

প্রচ্ছদ ও অলংকরণ: সুব্রত গঙ্গোপাধ্যায়

‘ফেলুদা একাদশ’ গ্রন্থে সংকলিত। প্রথম সংস্করণ: ডিসেম্বর ২০০০। আনন্দ পাবলিশার্স প্রাইভেট লিমিটেড।

অসমাপ্ত ফেলুদা

তোতা রহস্য (প্রথম খসড়া ও দ্বিতীয় খসড়া)

প্রথম প্রকাশ: সন্দেশ, শারদীয়া ১৪০৩।

বাঞ্চিরহস্য (প্রথম খসড়া)

প্রথম প্রকাশ: সন্দেশ, শারদীয়া ১৪০২।

আদিত্য বর্ধনের আবিষ্কার

প্রথম প্রকাশ: সন্দেশ, শারদীয়া ১৪০৪।

উপরোক্ত অসমাপ্ত কাহিনীগুলি সংকলিত হয় ‘ফেলুদা একাদশ’ গ্রন্থে। প্রথম সংস্করণ: ডিসেম্বর ২০০৪। আনন্দ পাবলিশার্স প্রাইভেট লিমিটেড।

অলংকরণ: অভিজিৎ চট্টোপাধ্যায়



E-BOOK

- 🌐 www.BDeBooks.com
- FACEBOOK FB.com/BDeBooksCom
- EMAIL BDeBooks.Com@gmail.com